

THE
NEW TESTAMENT
OF
OUR LORD AND SAVIOUR JESUS CHRIST,
TRANSLATED INTO
THE CHOCTAW LANGUAGE.

PIN
CHITOKAKA PI OKCHALINCHI CHISVS KLAIST
IN TESTAMENT HIMONA,
CHAHTA ANUMPA ATOSHOWA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCLV.

1854.

4210 030

CONTENTS.

Mahu	Page. 5
Mak	109
Luk	174
Chan	288
Apostel leht Anumpa	369
Loman	487
I. Kolinhljan.	513
II. Kolinhljan.	557
Kaleshan	586
Efeshan	601
Filippian	615
Koloshan	625
I. Hlessalonian	635
II. Hlessalonian	644
I. Timohli	649
II. Timohli	662
Titus	671
Filemon	677
Heblu	680
Chemis	713
I. Pita	725
II. Pita	738
I. Chan	746
II. Chan	758
III. Chan	780
Chute	762
Nan Otvi.	786

2d Edition.

U8U U131

UBANUMPA MAHLU

VT HOLISSOCHI TOK

CHAPTA I.

Chisvs Klaist a haknip imma isht ai in tikba vhleha, 1. 18 Shilombish Holitopa yak osh ik yohmi ai ahni pulla na, Chisvs vt ohoyo himita hatak haleli keyu Meli hohchifo makq im ai vtta.

1. EBLAHAM isht ai unchululi, Lewi a Ushi, Chisvs Klaist vtta tok isht annoa holisso hoke.

2. Eblaham vt Aisaak a tobachi tok; atuk o Aisaak vt Chekob a tobachi tok; atuk o Chekob vt Chutas micha itibapishi vhleha aiena ka tobachi tok;

3. Atuk o Chutas vt Fales, micha Sala aiena ka Tama ya a tobachi tok; atuk o Fales vt Eslom a tobachi tok; atuk o Eslom vt Elam a tobachi tok;

4. Atuk o Elam vt Aminatab a tobachi tok; atuk o Aminatab vt Naason a tobachi tok; atuk o Naason vt Salmon a tobachi tok;

5. Atuk o Salmon vt Boas a Lakab a a tobachi tok; atuk o Boas vt Obet a Luti a a tobachi tok; atuk o Obet vt Chessi a tobachi tok;

6. Atuk o Chessi vt miko Lewi a tobachi tok; atuk o miko Lewi vt Solomon a Ulias tekchi a tok a a tobachi tok;

7. Atuk o Solomon vt Loboam a tobachi tok; atuk o Loboam vt Abia ya tobachi tok; atuk o Abia vt Esa ya tobachi tok;

8. Atuk o Esa vt Chosafat a tobachi tok; atuk o Chosafat vt Cholam a tobachi tok; atuk o Cholam vt Osias a tobachi tok;

9. Atuk o Osias vt Choahlam a tobachi tok; atuk o Choahlam vt Akas a tobachi tok; atuk o Akas vt Esekias a tobachi tok;

10. Atuk o Esekias vt Manasses a tobachi tok; atuk o Manasses vt Amon a tobachi tok; atuk o Amon vt Chosaias a tobachi tok;

11. Atuk o okla ha Babulon ishtia hosi foka ma, Chosaias vt Chekonias micha itibapishi vhleha aiena ka tobachi tok;

12. Atuk o okla ha Babulon ishtona haya, Chekonias vt Salahliel a tobachi tok; atuk o Salahliel vt Solobabel a tobachi tok.

13. Atuk o Solobabel vt Abivt a tobachi tok; atuk o Abivt vt Eliakim a tobachi tok; atuk o Eliakim vt Aso ya tobachi tok;

14. Atuk o Aso vt Satok a tobachi tok; atuk o Satok vt Akim a tobachi tok; atuk o Akim vt Elivt a tobachi tok;

15. Atuk o Elivt vt Eleasa ya tobachi tok; atuk o Eleasa vt Mattan a tobachi tok; atuk o Mattan vt Chekob a tobachi tok;

16. Atuk o Chekob vt Meli, yummak o Chisvs vt a tobt vta tuk osh Klaist hohchifo ka, i hatak Chosef a tobachi tok.

17. Yohmi hatok o Eblaham a ai vhlit it ai unchululit mihinti kvv Lewi a ant ai vhli kvv moma kvv it ai unchululi auah ushta hoke: yohmikma Lewi a ai vhlit mihinti kvv okla ha Babulon ishtia tok a ant ai vhli kvv it ai unchululi auah ushta hoke; yohmikma okla ha Babulon ishtona tok a ai vhlit mihinti kvv Klaist a ant ai vhli kvv it ai unchululi auah ushta hoke.

18. Chisvs Klaist vttahpi ka ilvppak osh a yakohmi tok; ishki Meli vt Chosef a im vhlpoa tok vt, ik it im ono kisha ho, Shilombish Holitopa ya vlla i shali tuk osh otvni tok.

19. Yohmi ma i hatak Chosef vt hatak achukma hatuk osh, nana vhlpisa vt onvtula hi a ik ahno mvt, lumvt kancha hi vt im anukfila tok.

20. Yohmi kia ilvppa puta ka anukfihinli tuk osh holh-pokuna ma, Chihowa im enchil vt ant i haiaka cha, Chosef Lewi ushi chia ma! chi tekchi Meli a ishi ik chi nukwiyo kashke; Shilombish Holitopa ak atuk mak o yvmmak okvt toba hosh afoyuka hoka.

21. Yohmi ka vlla-nakni o sholikma, hohchifo ha Chisvs ish hochifa hi oke; yvmmak osh im okla talaia ai im ashv-chika puta ma ai i hlakoficha hi oka, achi tok.

22, 23. Chihowa hvt hopaii ya isht ai anumpulit, Oho-yo himita hatak haleli keyu hosh chakalit vlla nakni o shola he; mikma hohchifo ha Immanuel, yvmmtv tosho-wak mvt, Chihowa hvt piba fok, achi mak o okla hochifa hi oke, achi tok mak o ont ai ghla chi ho, ilvppa moma kvv yvm mohmi tok.

24. Yohmi ma Chosef vt nusi tuk vt okcha mvt, Chiho-wa im enchil vt ai i miha tuk mak o yvmohmi mvt, tekchi a ilaneli tok.

25. Yohmi kia ik it apoto kisha ho, vlla-nakni ishi ahpi kvv sholi tok: mihma hohchifo ha Chisvs hohchifo tok.

CHAPTA II.

Fochik in tikba hika ho hatak hopoyuksa vhleha hvt hvshi akochaka imma mintit Chelusalem a vla cha, 11; vloai Chisvs a aiokpvchi, 14 micha i yakni a falamvt ilhkoli. 15 Chosef vt Echiv ia chi ka enchil osh im anoli. 16 Helot vt Chisvs a hot vbi bvna; vlla chipota moma Behlehem a ai vbi. 23 Chosef vt Chutea yakni falamvt ia chi ka enchil osh im anoli no Nasalet ak o ont ai anta.

1. CHISVS vt Helot miko ai ahanta nitak o Chutea yakni Behlehem tumaha ha ai vta ma hatak hopoyuksa vhleha hvt hvshi akochaka imma mintit Chelusalem a ai vla mvt,

2. Chu okla i miko vta tuk mto katimak o ituyula cho? i fochik a hvshi akochaka imma ya il a pihisa tuk osh aiokpvchit il itvnowa hatuk oke, achi tok.

3. Miko Helot vt ilvppa puta ka haklo mvt, Chelusalem okla moma aiena kvv komunta tok.

4. Micha na holitompa isht asha pehlichi puta, micha okla nan i holissochi vhleha moma ka itahobit taiyahli mvt, kanima yo Klaist vt ai vtta hinla hatuk a im a ponaklo tok.

5, 6. Mihma Chutea yakni Behlehem ak oke; hopaii holissochi kv, Behlehem chia Chuta yakni ish talaia hokvt Chutea i miko vhleha aiasha ka moma chik a lauwo ho keyushke; chishnq ak o miko vt chi atoba hosh vm okla Israel oka ish pehlicha he mak oke, achi tok oka, okla im achi tok.

7. Yohmi ma Helot vt hatak hopoyuksa vhleha ha lumvt pit hoyo cha, kaniohmi fehna kash o fochik vt haiaka tuk a achukmalit im a ponaklo tok.

8. Micha Behlehem a pit tihleli mvt, Oh ia cha, vloši atukma achukmalit hvsh hoyashke; atuk osh hvsh ahayuchikmvt, anonti ant hvs svm anoli na vno mvt ivt ont ai okpuchi li ak inlashke, achi tok.

9. Mihma miko a haklot in taha mvt, okla ilhkoli tok: yohmi ma fochik hvshi akochaka imma a pihisa tuk ash o itikba takalit mahaya mvt, vloši ai itola ka paknaka ya ont takali tok.

10. Fochik a okla pisa mvt, nayukpa aighli fehna mak osh okla na yukpa tok.

11. Micha aboha okla ont abeha mvt, vloši, micha ishki Meli aiena ka pisa mvt, aka hlipkvchit, yvmmak ash o okla aiokpvchi tok; micha im vlbihpo a tiwichi mvt, yvmmak ash o tvli-holisso-lakna, micha filakinsen, mikmvt mvh aiena ho okla habenvchi tok.

12. Mihmvt holhpokuna ho falamvt Helot a okla ik im ono ka hi a, Chihowa hv i miha hatuk o, hina inla ho vlhtot i yakni atuk akinli ho okla ilhkoli tok.

13. Mihma ai ilhkolit taha ma, Chosef vt holhpokuna ho, Chihowa im enchil vt ant i haiaka mvt, Tani cha, vloši mikmvt ishki aiena ka ishit malelit Echip a ish ona cha, yvmmak o ish ahanta tuk o, anumpa ishit chim aya lashke; Helot vt vloši a vbi bnnvt hoy a chi hoka, achi tok.

14. Mihma tani mvt, vloši micha ishki aiena kash ninak o pehlichi cha, Echip a ia tok.

15. Chihowa hv hopaii isht ai anumpulit, Echip ak o

sero ha a hoyo li tuk, achi tok a ont ai ghla chi ka, yvm-mak o ahashwa na Helot vt illi tok.

16. Yohmi ma Helot ash osh, hatak hopoyuksa vhleha nvt ik ahobalo ho pisa mvt, anukhobela fehna cha, pit on tiblelit, vlla chipunta Behlehem, micha auet a bilika maya kv afvmmi tuklo ai vhlit ola minti, hatak hopoyuksa vhleha ha achukmalit im aponaklo tok vt pit ai it vhpesa ka, mominchit vbit tahlit tok.

17, 18. Yvmohmi hoka Chelemaias hopaii vt anumpohonlit, Lama ya a yaiya, micha nishkin okchi minti, mikmvt nukhaklo chinto, Lechel vt im vlla vhleha hvt iiksho hatuk oka ishit yahaya mvt, hopohla hi a ik ahno ka, takali na haiyaklo tok oke, achi tok a ont ai ghli tok.

19, 20. Yohmi tok kia Helot vt illi haya, Chihowa im enchil vt, Chosef vt holhpokuna ho Echip a im a haiaka mvt, Tani cha, vlo si micha ishki aiena ka pehlichhi cha, Israel okla i yakni a ish iashke; vlo si im ilhfiopak a hoyo tok vt illi hoka, achi tok.

21. Yohmi ma tani mvt, vlo si micha ishki aiena kash pehlichhi cha, Israel okla i yakni a vla tok.

22. Yohmi kia Akelavs vt iki vltobvt Chutea ya i miko na haklo mvt, yvmma ona nukshopa tok: yohmi nana kia holhpokuna ka Chihowa hvt nana i miha hatuk oka, fullo-tvt Kalili i kaniohmi ho ona tok.

23. Yohmi ka hopaii vhleha hvt anumpulit, Yvmmak okvt Nasalet hatak vtta hohchifa hi oke, achi tok a ont ai ghla chi ka, vmaha Nasalet hohchifo ho ona cha, ahanta tok.

CHAPTA III.

Chan Baptist vt vba anumpa ha Chutea yakni haiaka isht anumpohonli, mihmvt baptismohonchi, 1. 13 Chisvs vt Chan ak o im a baptismo; mihma Shilombish Holitopa yvt vba mintit onvtula.

1. NITAK yvmma foka ma Chan Baptist vt Chutea yakni haiaka ya vbanumpa isht ai anumpohonlit aya tok;

2. Mihmvt, Uba apehlichika yvt olanlosi vla hoka, hvsh ilekstininchashke, ahanchi tok.

3. Ilvppak o hopai Esaias vt isht anumpulit, Achvfa hosh yakni haiaka ya ai anumpohonlit, Chihowa ataya hi a apoksiachit, i hina puta ka hvsh apissvlechashke, ahancha hi oke, achi tok mak oka.

4. Mihmvt Chan yvmmak okvt im anchi yvt Kamel hishi yosh toba ma, na-hakshup chuhlafa vskufvchi yo vskufaiyachi tok; mihmvt im ilhpak vt hawa micha foi-bila aiena kak a tok.

5. Yohmi ma Chelusalem, micha Chutea pit a moma, mikmvt Chatan auet a bilika yakni moma ka asht a koh-chvt ivt;

6. Yvmmak ash o im ai onvt, nan im aiashvchika puta ilanolit, Chatan a ai im a baptismo tok.

7. Yohmi kia Falisi vhleha mikmvt Satusi vhleha aiena kvv lau hosh im a baptismot ai vla na pisa mvt, yvmmak ash o, Sinti chilita isht-atiaka hvchia ma! na palvmmi mihinti ka hvsh i hlakofa hi okvno kvta hosh hvchim anoli tuk oh cho?

8. Yohmi hokvt ilekostininchi ai itvlhpesa mak o vnit hvsh wayashke;

9. Mich a, Eblaham ak osh piki oka, acha hi okvno hvch ik il anukfillo kashke; Chihowa hvv tvli yak aiasha ka Eblaham im vlla ya chi ka ai ikba hinla hoke, hvchim achi lishke.

10. Yohmikma himak ak kia iskifa yvt iti puta akishtvla ya itonla hoke; yohmi hatuk o iti yvt vni achukma ho vnit waya keyu kvv moyumvt chayvt akakoha cha, luak pit itokaha chatuk oke.

11. Vno yokvto hvsh ilekostinincha chi mak o, oka ya ishit hvchi baptismochi li ho mvhlishe; yohmi kia auet siakayvt mihinti hokvto vno a shaiyahli, yvmma i shulush a isht im aya hi o si ahoba keyu hoke; yvmmak osh Shilombish Holitopa, micha luak aiena mak o ishit hvchi baptismocha hi oke.

12. Yvmmak osh i nan-isht-mvshahchi yvt ibbak a foyuka; yohmi hokvt i nan-anihichi yatuk ma achukmalit kashofit tahli cha, onush atuk ma kanchak a pit ashacha hi oke;

yohmi kia hakhlopish okvno luak moshola hi keyu mak o ishit hukma hi oke, im achi tok.

13. Yohmi ma Chisvs vt Kalili a vttvt minti hosh Chan a im a baptisma chi hosh Chatan a ai im ona tok.

14. Yohmi kia Chan vt yummak ash o im alvmmi mvt, Uno ak osh chishno a chim a baptismo la he si vlhpiesa ka, anonti vno ak o is sum vla cho? achi tok.

15. Mihma Chisvs vt afalaminchi mvt, Himak okvno yakohma hi oka ish ahnashke: ai yakohmi hosh nana ai vlhpiesa puta ka mominchit il aighlicha he pim vlhpiesa hoke, im achi tok. Yohmi ma vlhpesa, im ahni tok.

16. Yohmi na Chisvs vt baptismo mak inli hosh oka ya ai vttvt kocha ia tok; yohmi ma vba shutik vt auet in tiwa tok; mihma Chihowa imi Shilombish vt pvchi yoshuba chiyuhmi hosh aka mihintit, yummak ash o ant o binili tok.

17. Yohmi ma vba shutik a auet ai anuhumpa kvv, Ilvp-pak osh svso a holitopa yo ilvppak o nan isht a sai yukpa mak oke, achi tok.

CHAPTA IV.

Shilomish osh Chisvs a ilauelit yakni haiaka isht ona: mihma nitak pokoli ushta ka nahullochi; micha Setan ak osh imomaka pisa: enchil vthleha kvv ant nan isht im anta, 1. 12 Kapenavm a Chisvs vt ai anta: mihmvt ile kostinicha he isht anumpohonli tok. 18 Pita, Antilu, Chemis, Chan aiena kvv nan im aithvna ya chi ho, Chisvs vt atokolechi. 23 Chisvs vt Kalili yakni a nan im avvchit a hlopullit, abeka puta atuk ma hlakofihinchi.

1. YUMOHMI ma Setan vt imomaka pisa chi ka, Shilombish vt Chisvs a yakni haiaka isht ia tok.

2. Atuk o yummak ash osh ik impo hosh nitak pokoli ushta cha ninak pokoli ushta aiena ho anta tuk osh, misha pila mvno hohchvfo tok.

3. Mihma imomaka pisa yash osh im vla mvt, Chihowa Ushi chia hokmvt, tvli yak maya kvv pvaska toba chi ka i mihā, im achi tok.

4. Yohmi kia yummak ash osh afalaminchi mvt, Hatak vt pvaka yak bano ho ai okchaya he keyu; amba anumpa

moyuma kv̄t Chihowa itih akohoncha kak a hi ɔ, holisso tok oke, achi tok.

5. Yohmi ma Setan ash osh ilauelet tvmaha holitopa ya ont isht chukowa cha, tempel wishakchi yɔ ont ɔ hilechi tok.

6. Mihmvt, Chihowa Ushi chia hokmvt, aka pit ish ile pilashke; chi apesahancha chi ka im enchil v̄hleha h̄a atoh-no na ibbak ɔ isht v̄ba takalihinchit chisht aya na nitak kaniohmi kia chiyi ya t̄vli isht chik ai isso ka hi ɔ, holisso tok oka, im achi tok.

7. Mihma Chisvs ash osh, Chitokaka Chin Chihowa hoka imomaka chik peso kashke, achi kv̄t holisso tok ak inli hoke, im achi tok.

8. Mihma anonti Setan ash osh ilauelet nv̄nih chaha fehna h̄o isht oiya cha, yakni ap̄elichika moma, mikmvt nan-isht-im-aholitopa aiena ka pit pisachi tok;

9. Mihmvt, Aka h̄lipvt is si aiokp̄vchi hokma, ilv̄ppa moma ka chima lashke, im achi tok.

10. Mihma Chisvs ashr osh, Setan vt kanima iashke: chin Chitokaka Chihowa hak ɔ ish ai okpahanchikmvt, yvm̄mak illa h̄o ish im antiashke, achi kv̄t holisso hoka, im achi tok.

11. Yohmi ma Setan ash osh i filv̄m̄mi ma, enchil osh ai v̄la cha, okla ant nan isht im anta tok.

12. Yvm̄ohmi tuk ɔ Chisvs vt, Chan vt aboha kullo foka na haklo mvt, Kalili ɔ ia tok.

13. Atuk osh Nasalet ɔ issvt ia mvt, Kapenavm yvm̄mvt Sabulon yakni, micha Neftalim yakni aiena ont ai v̄hli okhvta lapalika ak ɔ ont ahanta tok.

14, 15, 16. Yakohmi kv̄t hopai Esaias anumpulit, Sabulon yakni, micha Neftalim yakni okhvta lapalika, Chatan mishā, Chentail okla i Kalili vt aiokhlileka asha tuk vt tohwikeli chinto pisa tuk; mihma isht aiilli yakni, micha isht-aiilli i ho-shontika maya tuk ɔ tohwikeli hv̄t i kohchvt takalishke, achi tok ɔ ont aighla he mak a tok.

17. Yvm̄ma foka aiv̄h̄lit mihinti ma, Chisvs vt v̄ba isht anumpulit, Oh ilekostoninchi; v̄ba ap̄elichika yvt olanlosi v̄la hoka, ahanchit ishtia tok.

18. Atuk osh Chists vt Kalili okhuta lapalika nowt aya tuk osh, itibapishi tuklo, Saimon Pita hohchifo, anonti nakfish Antulu itatuklot neni-hokli atuk osh neni-isht-hokli a okhuta pit okuchi hosh ashwa na pisa tok.

19. Mihmet yummak ash o, Hvs siakaiyashke, mikma hatuk hokli o hreh ikbi lashke, im achi tok.

20. Yohmi ma mih makinli ho i neni-isht-hokli a issa cha, yummak ash o iakaiyvt okla tok.

21. Mihma yummak ash vttvt ia hosh aya mvt, anonti itibapishi tuklo inla, Sebete ushi Chemis, micha nakfish Chan itatuklo kvt iki Sebete a apihvt neni-isht-hokli a apoksia hosh peni alhto na pisa tok; micha pit i howa tok.

22. Yohmi ma mih makinli ho peni, micha iki aiena kash o isvt, yummak o iakaiyvt okla tok.

23. Mihma Chists vt Kalili a mominchit ayvt, i sinakak puta ka nan ai im avchit, apelihchika isht anumpa hanta ya isht anumpohonli; micha okla hut abeka, micha haknip ik in chukmo im asha tuk a mominchit hlakofihinchit tok.

24. Mihma isht annoa kvt Silia moma ka ont hlopulli tok; mihma okla hut abeka ilaiyuka puta isht issikkopa hatuk; micha nan isht-ahullo okpulo ai i foka hatuk; mihmet tasimbo yatuk; micha palsi isht abeka yatuk moyuma ka okla isht im ai ona tok; mihma yummak ash hlakofolichi tok.

25. Yohmi ma okla chinto Kalili minti, mikmet Tekapolis minti, mikmet Chelusalem minti, mikmet Chutea minti, mikmet Chatan misha minti aiena kvt iakaiya tok.

CHAPTA V.

Chists vt neni chaha ya ai anumpuli. Yohmi kvt kana hosh nan isht ilaiyuka anoli, 11. 13. Klaist i yimmi vheha hut yakni i hepi: 14 yakni a im a tohwikelika; temaha yoah neni ai o talaisa ka chohmi; 15 pula ha chohmi. 17 Chihowa i nanvlhpisa ya Chists vt aighlichia chi hosh vla. Kaniohmi hosh nanvlhpisa isht hannali ka kobeffi ka anoli. 27 Kaniohmi hosh nanvlhpisa isht untuklo ka kobeffi ka anoli. 33 Anumpa kullo isht ile onochi im olvbi. 38 Nukchintot nana ik achukmo ka a pim ahleka he pi miha. 43, pin tenvp puta ka il i hulla he; 45 mikmet nan ai gila he pim anukfila he aiena ka pi miha.

1. YOHMI ma okla chito ka pisvt, nvni chaha yo pit oiya tok ; atuk osh ont binili ma, nan im ai ithvna vhleha hvt im ai ona tok.

2. Mihma itih ha wakvmmi cha, yvmmak ash im abvchi mvv,

3. Chvkush ilbvsha vhleha yokvto vba ap ehlichika yak osh immi hokvt nayukpvshke.

4. Nanukhaklo vhleha yokvto hopohla hi okvt nayukpvshke.

5. Anukhobela iksho vhleha yokvto yakni a isha he vlv-pesa hokvt nayukpvshke.

6. Ahopoyuksaka aishni vhleha hvt hochahafv, itukshihinla aiena hokvto, kaiya hi okvt nayukpvshke.

7. Nan i nukhaklo vhleha yokvto ilap ma i nukhaklo na pisa hi okvt nayukpvshke.

8. Chvkush kashofa vhleha yokvto Chihowa ya pisa hi okvt nayukpvshke.

9. It i nanaiyvchi vhleha, yvmmak okvto Chihowa ushi hohchifa hi okvt, nayukpvshke.

10. Ahopoyuksaka pulla hatuk mak o isht i palvmmi vhleha yokvto, vba ap ehlichika yvt immi hokvt nayukpvshke.

11. Vno atuk pulla mak o hatak puta kvv isht hvchi yopulvt, hvchi ilbvshachit, ghli keyu kia nana okpulo ilaiyuka puta ka isht hvchi mihahanchikma, na hvchi yukpvshke.

12. Nayukpvv hvchi yukpa fenashke : isht hvchim vlvto ba hi vt chinto hosh vba ya asha hoka ; hopaii vhleha hvchin tikba aiasha ka yakohmichit ilbvshachi tok mak oka.

13. Yakni i hvpi hvchia hoke ; yohmi kia hvpi hvv homi kvv i kvnia hokmvv, nanta hak o isht a homa hinla cho ? yvmmak okvt himmakma nana hv isht ai vlvpiesa he keyu ; amba kocha pit hlava na hatak puta iyi yosh avvhlhinchha he ak o pulla hoke.

14. Yakni in tohwikeli hvchia hoke. Tvamaha chito yosh nvni chaha ai on talaia hokvt luma he keyushke.

15. Mikma hatak vt pva ha pulalikmvv, tanchi isht vlvpisa nutaka yo talali chatuk keyu ; amba pva ai-o-hikia yo ai o

hilechi chatuk; yohmikma aboha anukaka maya ka mominchit tohwikelichi chatuk oke.

16. Hvchi pula hut hatak puta itikba ya ik a tommy pulla na inla gsha kut nana hvsh akaniohmi hochukma puta ka pisa cha, Iki vba binili ka holitoblashke.

17. Nan vlhpisa, micha hopaii puta im anumpa aiena ha tok a okpunit aya lituk a, ik hvchim ahobo kashke; okpuni la hi osh aya lituk keyu; amba aighlichi la he mak a tok.

18. Ahli mak o hvchi miha lishke, Yakni, mikmut vba shutik aiena hokvto ont ik ai iksho kia, vba nan vlhpisa yvt moma ont ik a lauwo achvona nana kia a kaniohmit aiokpuloka iksho mak osh, momut ont aighla he mak oke.

19. Yohmi hoka kuna hosh vba nan vlhpisa ik a lauwo iltpa puta ka achvona ka koboffi cha, hatak puta kut ai yv-mihcha chi ho im avchi hokmut, vba apeshlichika aiasha ka moma ik a lauwo hohchifa he; amba kuna hosh mihma holitobli cha, inla ma isht im avchi hokvto, mihi yosh vba apeshlichika ya chito ont a hohchifa hi oke.

20. Hvchi aivlhpiesa kut na-holissochi vhleha, micha Falisi vhleha aiena ka i shahli ho keyukmut, nana hosh a kaniohmi kak o vba apeshlichika ya ont hvsh chukowa he keyu hoke, hvchim achi lishke.

21. Nitak tikba aiasha kut, Kuna kia ish bi na: kuna hosh inla vbi hokv nan vlhpisa yo isht im ahlekashke; achi tok a hvsh haklo chatuk.

22. Amba vno vto, Kuna hosh nana hosh a kaniohmi keyu ho, itibapishi ha i nukkilli hokmut, nan vlhpisa yo isht im ahlekashke: mikma kuna hosh itibapishi ha, Ik chi ahobo, im achi hokmut, nan vlhpisa kullo i shahli ho isht im ahleka he: amba kuna hosh, Im anukfila iksho chia hoka, im achi hokvto aiokpuloka luak o ont isht im ahleka hi oke.

23. Yohmi hoka vba chi nan-isht-aiokpuchi ya ieshit alta ya ish ona kut, ish itibapishi ha nana ish i kaniohmi tuk a gsha ka ish ithaiyana hokmut;

24. Uba chi nan-isht-aiokpuchi ash alta itikba yo ish bohli cha, itv tikba ish itibapishi ak o ont ish it i nanaiya ha yosh, vltv, vba chi nan-isht-aiokpuchi ash pit isht ish aiokpuchashke.

25. Nan vlhpisa chi onochi yatuk ma apehut ish maya takla kak osh, tushput ish it ibai achvfashke ; keyukma nitak kaniohmi kash inli ho nan vlhpisa chi onochi yash osh chisht nan apesa ibbak a chi fohkikma, anonti nan-apesa yash osh nanvlhtoka ibbak a chi fohki na aboha kvllo ya ish fohka he mak oke.

26. Ahli mak o chi miha lishke, Ont ishtaiyopi fehna ka atobbit ish kaiyanchi ho keyukmvt, kaniohmi kak osh yvm-mak atuk a ish kohcha he keyu mak a hi oke.

27. Nitak tikba aiasha kv, Hvsh it in lumaka na ; achi tok a hvsh haklo chatuk.

28. Amba vno vto, Kvna hosh ohoyo ha i nukpvli hosh pisa hokvt, chukvsh anukaka ya isht in lumaka mashko hoke, hvchim achi lishke.

29. Micha chi nishkin isht impak-imma yvt chi ibetvblichi hokma, halvllit kohchit ish kanchashke : chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim vlhpesa hoke.

30. Mikmvt chibbak isht impak-imma yvt chi ibetvblichi hokma, bvshlit tvplit ish kanchashke ; chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim vlhpesa hoke.

31. Kvna hosh tekchi a kanchikmvt, it i kvnia holisso ha imashke ; achi tok a takalishke.

32. Amba vno vto, Kvna hosh tekchi vt lumaka tuk o keyu ho kanchikmvt, hau i kbicha he : yohmikma kanchi haya kvna hosh itauwayakmvt, hau toba mak a hi oke, hvchim achi lishke.

33. Micha anonti, nitak tikba aiasha kv, Anumpa kvllo ish ile onochi tuk vt chik kobvfo kashke : amba anumpa kvllo ish ile onochi tuk okvt Chitokaka ya ish im aighlicha hi oke ; achi tok a hvsh haklo chatuk.

34. Amba vno vto, Anumpa kvllo chik ile onochi kvmohmashke ; vba shutik ak kia pit isht chik ai a miho kashke ; yvmmak okvt Chihowa im aiasha mak oka :

35. Mikmvt yakni vt iyi im ai-o-heli mak oka, yvma isht chik ai a miho kashke ; anonti Chelusalem a isht chik ai a

36. Micha chi noshkobo ak kia isht chik ai a miho kashke ;
chi pashi achufa kia ish tohbichikmá, ish lusachikmá, nana
be keyu hokvt :

38. Nishkin atuk ma, nishkin makinlashke, mikmvt noti atuk ma, noti makinlashke; achi tok a hvsh haklo chatuk :

40. Micha hatak nana kia nan vllhpisa chi onochi cha, chim ilefoka ya chim ai ishikma, chim anchi ma ik ishi, ish im ahni akinlashke.

42. Nana chim asilhhakma, ish imashke: mikmvt chim a pota benna hoka, chik i shanaiyo kashke.

44. Amba vno vto, Hvchin tnvvp vhleha hq hvsh i hullo
cha, nana okpuloka hvchim anukfillit miha aiena ka, nana
achukma hq im ahnit hvsh mihashke ; hvchi nukkili ma ai
achukma hi o isht hvsh i yvmohmikumvt, hvchi kanimachit,
hvchi ilbushachikma, vba isht hvsh anumpohonlashke.

46. H^hchishno a h^hch i hullo h^h h^hsh i hullo hokvt, nanta h^hsh isht h^hchim vltoba h^h? p^hblikan v^hleha ak kia y^hmmak okvno yohmi akinli chatuk keyu?

47. Micha hvsh itibapishi vhleha ak bano hq hvsh aiokpu-
chi bokmot, inla asha ka nantak o isht i shahlich i hosh

huchi yumohmi ho? publkan vhleha ak kia yohmi ak inli chatuk keyu?

48. Yohmi hoka aighli huchi achukma kv̄t, hv̄ch Iki vba binili kv̄t aighli achukma kak inli ho hv̄sh chiyuhmashke, hv̄chim achi lishke.

CHAPTA VI.

Chisvs vt nvnih chaha ai anumpuli tuk vt a moma. Yohmi kv̄t na habenv̄chi, 1, 5 anumpa ilbv̄shvt asilh̄ha, 14 nan ai-ashv̄chi puta ka i kashofa he, 16 na hollochi aiena ka isht anumpuli, na pim ilayak kanima yo il a boyula hi a pim anoli, 24 i shahli h̄a tuklochit il ai okpv̄cha he keyu ka miha, 25 yakni paknaka nana a kaniohmi ka ai isht im anukfilvt isht ik ilbv̄sho hosh, 33 amba Chihowa ap ehlichika yak o na tikba e hoyā hi a miha.

1. **AHAH!** hv̄sh aiahnit na hv̄sh habenv̄chi kv̄t, hv̄chi pisa ch̄i ka, hatak puta itikba yo hv̄ch ik a yvmihcho kashke; yvmmak keyukm̄vt hv̄ch Iki vba binili ka im a hv̄chim vltoba hi o keyu hoke.

2. Yohmi ka na hv̄sh habenv̄chi kv̄t, isht-pufa ya ch̄i tikba yo ai olachit, nan-ilahobi vhleha hokv̄to hatak puta kak o im a holitopa ch̄i hosh sinakak anukaka, micha ai itvnova puta ka a yvmohmi chatuk oka, hv̄ch ik chohmo kashke: ghli mak o hv̄chim achi lishke, yvmmak okv̄to im vltomba chatuk oke.

3. Amba nana ish habenv̄chi hokm̄vt, chibbak isht impak-imma yvt nana kaniohmi ka, chibbak vhf̄v̄beka yvt akostin-incha hi a chik im ahno kashke.

4. Yohmi na nan ish habenv̄chi ka a lumakashke; yohmikma Ch̄iki alumaka a pisa yvt ilap inli hosh otvnichi achukma hosh chim atobba hi oke.

5. Micha vba pit ish anumpuli hokv̄t, nan-ilahobi vhleha hokv̄no chik chohmo kashke; yvmmak okv̄to, hatak vt pisa ch̄i ka, sinakak anukaka, ai itvnova ai itai okhv̄nk̄v̄chi aiena kak o hiohmayvt vba pit anumpuli kak osh im achukma chatuk oka; ghli mak o hv̄chim achi lishke, yvmmak okv̄to im vltomba chatuk oke.

6. Amba chishno vba pit ish anumpula chi hokvto, chim abohushi pit ish chukowa cha, okhissa ya pit ish akvmmik-mvt, Chiki ai-alumaka ai ahanta yatuk ma pit ish im asilh-hashke; yohmikma Chiki alumaka apisa yvt otvnichi achukma hosh chim atobba hi oke.

7. Yohmi kia vba pit hvsh anumpuli hokvt it vlbillit mih-iba kvv, oklushi nan ik ithano ak okvno hvch ik chohmo kashke; yvmmak okvto anumpuli fehna kak o, bakla hinla, im ahoba cha tuk oka.

8. Yohmi hoka yvmmak oka hvch ik holbo kashke; nana a hvchi bnna puta hokvt hvch ik im asilhho kisha kak inli ho, hvch Iki vt ithana hoke.

9. Yohmi hoka yakohmichi hosh vba hvsh anumpu-lashke: Piki vba ish binili ma! Chi hohchifo hvv holito-pashke.

10. Ish apehlichika yvt vlashke. Nana ish ai ahni ka yakni pakna ya a yohmi kvv, vba yakni a yohmi mak o chiyuhmashke.

11. Himak nitak ilhpak pim ai vlvhesa kako ish pi ipetashke.

12. Mikmvt nana il aheka puta ish pi kashofi kvv, pish-no vt nana pim aheka puta il i kashofi chatuk a ish chiyuh-michashke.

13. Mikmvt anukpulika yoka ik ia chik pim aiahno hosh, amba nan-okpulo a ish pi a hlakofihinchashke: Apehli-chika, mikmvt nan-isht-aighli, micha isht aholitopa aiena kvv chimmi a bilia yoke. Amen.

14. Hatak nan ai ashvchika puta ka hvsh i kashofi hokma, hvch Iki vba binili kvv hvchishno ma hvchi kashofa hinla ak inli hoka.

15. Amba hvchishno vt hatak nan ai ashvchika puta ka hvsh i kashofi keyu hokma, hvch Iki vba binili kak kia na hvchim ai ashvchika puta ka hvch i kashofa he keyu hoke.

16. Yohmikmvt anonti, nana hvsh hullochi kvv nashuka ilapissa, nan ilahobi vhleha hoka hvch ik chohmo kashke; yvmmak okvto na hullochi kvv hatak puta im otvna chi

kvt, nashuka ya ilapissachi chatuk oka. Ahli mak o hvchi miha lishke, yvmmak okvto im vltomba hoke.

17. Amba chishno vto nan ish hullochikmvt, chi noshkobo ish ahvmmi cha, chi nashuka ma ish achifashke.

18. Yohmi cha hatak puta kano na hullochi ho chik i holbo hosh, amba ai alumaka ai ahanta Chiki ak illa ho ish im otvnashke; yohmikma Chiki ai alumaka a pisa yatuk mvt, otvnichi achukma hosh chim atobba he mak oke.

19. Hvchim ilayak puta ka yakni paknaka nanilayak shushi, micha na-lakna aiena kvt ai okpvni chatuk, micha hukopa puta yvt tiwit isht chukowvt a hukopa ya hvchik ai atahlo kashke.

20. Amba hvchim ilayak puta ka vba yakni nanilayak shushi, micha na-lakna aiena kia ai okpvni keyu, mikma hukopa puta kia tiwit isht chukowvt a hukopa keyu ak o hvsh ai atahlashke.

21. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla ak inli hoka.

22. Haknip a i pva hvt nishkin ak oke. Yohmi hatuk o chi nishkin vt achukma hokma, chi haknip vt momvt tohwikelit alotowa hinla hoke.

23. Amba chi nishkin vt ik achukmo hokma, chi haknip momvt okhlilit alotowa he. Yohmi ka tohwikeli chi foyuka, yvmmak atuk vt ont okhlieli hokma, okhlili yvm-mvt chinto fehna nana mak ahinla keyu?

24. Hatak nana kia i shahli ha tuklochit holitobla he keyu; achvfalit i nukkilli cha, achvfa yak o holitobla hinla; keyukmvt achvfalit pit halanli cha, achvfa yak o kanimancha hinla hoke. Chihowa micha Mammon it aieninchit hvsh holitobla he keyushke.

25. Yohmi hoka hvchi ai okchaya hi a nana ho hvsh pa he, micha nana ho hvsh ishka he aiena; mikmvt hvchi haknip ma nana ho hvsh fohka hi a anukfillit isht hvch ik ilbvsho kashke, hvchim achi lishke. Ilhfiopak vt ilhpak a i shahlikma, anonti haknip vt nafohka ya i shahli ho keyu cho?

26. Hushi vba itvnova ho ho pesa: yvmmak okvt nana

hō hokchi keyu, anonti vmot, kanchak kia pit ashachi hō keyu; yohmi kia vba hvch İki vt yvmma ipehinta hoke. Holitopa kv̄t yvmma hvsh ĩ shahli fehna hō keyu?

27. Hvsh katima kak osh anukfihinlit isht ilbvsha kv̄t hvchi chaha ka kubit achvfa kia hvsh il achakala hinla cho?

28. Micha nanta katiohmi hō na fohka yā anukfihinlit isht hvsh ilbvsha cho? Na pakanli hochukma lilli oktak aiasha kv̄t kaniohm̄it offo hoka anukfihinlit ho pesā: yvm-mak okv̄t toksvlit a hoyvbi keyu, anonti nana hō shvnni keyushke.

29. Yohmi ak inli kia Solomon ak kia nan-isht im a holitopa moma isht a shema kv̄t ilvppa achvfona kia chohmi tok keyu, hvchim achi lishke.

30. Yohmi ka hvshuk himak nitak ano oktak aiasha tuk osh onna hā apalvska vlhpita chī kia, Chihowa hv̄t she-mtchi kv̄t yvmihchi kv̄to, hvchishno ā ĩ shahlichī hosh ik hvchi shemacho ka hinla cho? na yimmi fehna keyu hvchia ma!

31. Yohmi hoka anukfihinlit isht ilbvshv̄t, Nantak o e pa chī? mikm̄vt nantak o iloh ishka chī hō? micha nantak o eho fohka chī cho? hvch ik acho kashke.

32. Ilvppa puta kak o okla nan ik ithano vhleha hv̄t hoyo chatuk oka; ilvppa moma ka a hvchi bv̄nna hokv̄no vba hvch İki vt ithana hoka.

33. Amba Chihowa apehlichika, micha nan isht im ai . vlhpiesa aiena kak o t̄ikba hvsh hoyashke; yohmikma ilvppa moyuma kv̄t hvchim aiena he mak oke.

34. Yohmi hoka onna ha ya hi ā nana pit anukfihinlit isht hvch ik ilbvsho kashke; onna ha yokv̄to ilapo inli nan isht il ai anukfihinlit isht ilbvsha hi oka. Nana ik ai achukmo itonla kak osh nitak oka im vlhpesa hoke.

CHAPTA VII

Nv̄mih chaha Chievs vt anumpuli tok osh a moma; yohmi kv̄t himakfokalechit inla yā na mihacha chī ka imolvbi, 1; 6 micha nana kv̄t holitompa hokv̄to ofi puta, keyukm̄vt shukha aiena ka pit ik ĩn hlatapo ka he miha, 7 anumpa ilbvsha ishit asilhha

ka miha, 13 okhissa iskvtnosi, micha lina ik putho, mikmvt okhissa chito, micha hina putha isht anumpuli. 15 Hopai ilahobi ya ahah! im ahna he, 21 vbanumpa haklo illa he keyu, amba im antia he; 24 tvli chito chuka yvt ai itebana chatuk a chohmi; mikma kvna hoh kia i yimmi keyu hokvt chuka yvt shinuk a ai itebana chatuk a chohma hi a miha.

1. HUCHISHNO a nana ik hvch i mihacho ka chi ka, inla ya nana hvch ik mihacho kashke.

2. Kanimihchit inla ya nana mihachi hosh hvsh mihachi tuk ma, hvchishno ma isht hvch i mihacha he; mikmvt isht vlpisa nana hq isht hvsh apesa tuk mvt, hvchishno mvt isht hvchim vlpisa he akinli hoka.

3. Micha nanta katiahmi hq na hishonluk iskvtnosi kv isht itibapishi nishkin a fokka na ish pisa ho kak osh, anonti iti chito yvt chi nishkin ak inli fokka kano chik akostinicho cho?

4. Micha katiahmi hq iti chito yvt chishno chi nishkin ak inli hq fokka ka, ish itibapishi ha, Na-hishonluk iskvtnosi ka chi nishkin a ai ishit ak kohchi, ish im acha hinla cho?

5. Nan ilahobi chia hoka, chishno chi nishkin ak o tikba iti chito a ish a kohchashke; yohmikmak osh ish pisa achukma cha na hishonluk iskvtnosi ka ish itibapishi nishkin a fokka tuk a ish a kohcha hinla hoke.

6. Nana kv holitempa hokvno ofi puta ma pit hvch ik imokmvt, anonti hvch i na holitopa puta hatuk ma shukha itikba ya hvch ik ashacho kashke; yummak keyukma yummak ash o iyi isht a hvhlichu cha, anonti filemvt hvchishno ash o hvchi okpvna hinla hoke.

7. Hvsh asilhhakma, hvch ima he; hvsh hoyokmvt, hvsh ahayucha he; hvsh sokqhakma, hvchin tiwa he oke.

8. Asilhha aiyuha hokvto ishi bano hoke: mikma kvna hosh hoyo hokvto, ahayuchi hoke; mikma kvna hosh sokqha hokvno, in tiwa pulla hi oke.

9. Yohmi ka hatak hvsh katima kak osh, ushi osh pvska im asilhha ka, tvli yo isht ima hinla hq?

10. Keyukmvt nvi yo asilhhakma, sinti yo isht ima hinla cho?

11. Yohmi ka nan ik ai vlhpeso hvchia kia hvchim vlla ya na hochukma isht ima kvt hvchimponna chatuk a, im asilha hoka hvch Iki vba binili kvt na hochukma isht ima kvt i shahlich i fehno ka hinla ho?

12. Yohmi hoka nan-okluha ka hatak puta kvt hvchim a yvmohma hi a hvsh aiahni hosh, mih mak o hvsh ai i yvmohmi mak inlashke: ilvppak o nan vlhpisa, micha hopaii puta aiena kvt miha hoka.

13. Okhissa iskvtinosi ak o hvsh ai abehashke; okhissa yvt chito cha, hina mvt putha hosh aiokpuloka ya ona hatuk o, yvmma ai abeha kvt laua hoke.

14. Okhissa yvt iskvtinosi cha, hina mvt ik putho hosh ai okchaya ya ona hatuk o, ik lauwo hosh yvmmak oka aha-yuchi hoke.

15. Hopaii ilahobi vhleha chukvhlpoba i na fohka fohka hosh hvchim ai vla kia, anykaka yokvto nashoba isikopa vhleha mak oka, ahah! hvsh im ahnashke.

16. Ilap vni kak o isht hvsh akostininchi pulla hi oke. Hatak vt kvti hak o paki a ai vmo chatuk o? micha fik a shumvti ak o ai vmo chatuk oh cho?

17. Yvmmak inli ho chohmit iti hochukma moma kvt vni hochukma ho vni chatuk; amba iti okpulo yokvto vni yvt okpulo yo vni chatuk.

18. Iti achukma yvt vni okpulo yo vna he keyukma, anonti iti okpulo vt vni achukma ho vna he keyushke:

19. Iti vt vni achukma ho vni keyu hokvto momvt chayvt akakoha cha, luak itokaha chatuk oke.

20. Yohmi hoka ilap vni ak o isht hvsh akostininchi pulla hi oke.

21. Chitokaka ma! Chitokaka ma! vm achi kak osh momvt vba yakni a chukowa hi o keyushke; amba Aki vba binili nan aiahni ka yvmohmi tuk mak a hi oke.

22. Nitak yvmma fehnakma Chitokaka ma! Chitokaka ma! chi hohchifo ha nan isht anumpulit, chi hohchifo ha nan-ishtahullo okpulo puta isht kocha welit, anonti chi hohchifo ha na fehna laua ka isht il a yvmihchi tok keyu cho? vm achi kvt laua hi oke.

23. Yohmikma otvnichit, Nitak nana asho hvch ithana li tuk keyu, nan ik vlhpeso yohmi hvchia hvt a filvmmmit mishah oh ia chá, im achi la hi oke.

24. Yohmi hoka kvna hosh vm anumpa ilvppa puta hatuk ma haklo cha, mihma yvmohmi ka, hatak hopoyuksa yosh tvli paknaka yō in chuka a talali tok a it apesa lashke.

25. Yohmi tuk o umba hatuk mvt aka ituyula na okchitot vla ma, anonti mahli hvt mahli cha, chuka yvmmak ash ai ihiso ka, tvli paknaka yō ai itvbana hatuk okvt, ik akamo ki tok.

26. Yohmikma kvna hosh vm anumpa ilvppa puta hatuk ma haklo cha, mihma ik yvmohmo hokvto, hatak ik hopoyukso yosh in chuka ya shinuk paknaka yō a talali tok a it vlhpsishke.

27. Yvmohmi tuk o umba hatuk mvt aka ituyula na okchitot vla ma, anonti mahli hvt mahli cha, chuka yvmmak ash ai ihiso ma, akama tok ; micha okpuloka kvv aighli tok oke, ahanchi tok.

28. Atuk o yakohmi tok ; Chisvs vt ilvppa ahanchit ont in taiyaha ma, nan isht im avvchi tuk a okla hvt anukhlakancha tok.

29. Im ai vlhpesa mak osh nana im avvchi tok ; amba na holissochi vhleha hokvno ik chohmo ki tok.

CHAPTA VIII.

Chisvs vt leposi vbi ya hlakofichi, 1. 5 Mikmvt sintuliyvn in tishu ha hlakofichi. 14 Chisvs vt Pita tekchi ishki, micha inla aiena ka hlakofichi. 18 Mahli chito ya yokovvchi. 23 Michah kaniohmi hosh il iakaya he pim anoli: 28, nan isht ahullo okpulo vhleha ha Chisvs vt kocha weli ma ; nan isht ahullo okpulo vhleha hash osh shukha laua ya iba chukowa.

1. ATUK osh nvnih chaha ya vttvt akowa ma, okla chintō kvv iakaiya tok.

2. Mihma leposi vbi yosh vlvv ant aiokpvchi mvt, Chitokaka ma ! vlhpesa ish ahni hokmvt, is sa kashofa hinlvshke, achi tok.

3. Mihma Chisvs vt ibbak a pit weli cha, potoli mvt, Vlhpesa ahni lishke; chi kashofashke, achi tok. Yohmi ma leplosi yash osh ashalika i kashofa tok.

4. Yohmi ma Chisvs vt, Ahah! ish ahni cha, hatak nana kia chik im anolo kashke; amba okla isht im ovrna chi ka, Moses napa apesa tok vba isht aiokprchi a isht ivt, na holi-tompa isht asha ak o ont ish ile haiakachashke, im achi tok.

5. Atuk osh Chisvs vt Kapenavm a ont chukowa ma, sintuliyv vt mintit im vla tok.

6. Micha im asilhvvt, Chitokaka ma! an tishu hvvt palsi isht abeka hosh issikkopa fehna kvv chuka ya itonlvshke, achi tok.

7. Mihma Chisvs vt, Ia lish ont hlakofichi lashke, im achi tok.

8. Mihma sintuliyv ash osh afalaminchi mvt, Chitokaka ma! vm aboha ya ant ish chukowa he si vlvpesa keyu hoke; amba anumpa illa hv ish anumpuli kia, an tishu hatuk mvt hlakofa hinlvshke.

9. Uno yokvt hatak tvshka chipota vvhleha pehlichit i shahli nutaka ahanta chatuk sia hoke; yohmi kvv ilvppak atuk ma, Ia, im achi likma, ia hoke: mikmvt inla hv, Minti, achi likma, minti hoke: mikmvt an tishu hv, Ilvppa yakoh-michi, im achi likma, yvmihchi chatuk oke.

10. Chisvs vt yvmma haklo kvv nukhlakancha mvt, apihvt aya kash o, Ahli mak o hvchi miha lishke; Israel okla ak oh kia nayimmi chinto yakohmi ka ak a pesoshke.

11. Yohmi ka, Hvshi akochaka, mikmvt hvshi a opiaka aiena ka a minti kvv laua hosh vba apehlichika ya ai vlvvt Eblaham, micha Aisaak, mikmvt Chekob aiena ka ant ai itv-pehvt binohla hi oke, hvchim achi lishke.

12. Yohmi ka ilvppa apehlichika im vlla yatuk okvno kocha aiokhlilika ka pit kampila he; yvmmak oka a yahayvt noti ma ahampa hi oke, im achi tok.

13. Mihmvt Chisvs vt sintuliyv ash o, Ish iashke: yoh-mikma isht a chi yimmi hatuk oka, mih mak osh a chi yvmohmashke, im achi tok. Mihma in tishu hatuk vt hvshi kanvlli vlvpisa mih mak inli hv hlakofi tok.

14. Atuk o Chisus vt Pita in chuka ya ont chukowa mvt, yvmma tekchi a ishki vt yvnhvt abeka hosh itonla na pisa tok.

15. Mihmvt ibbak a pit potoli ma, yvnhu kvt shipuchi tok: mihma yvmmak ash osh wakaya mvt, nan isht im vtta tok.

16. Atuk o opivt taha ma nan isht ahullo okpulo ai i foka puta kvt laua ho isht im ai ona tok; yohmi ma shilombish okpulo puta kash im anumpa hak o isht kocha weli mvt; abeka yatuk a mominchit hlakofichi tok.

17. Yvmmvt hopaii Esaias vt anumpulit, ilap ak inli hosh nan isht ik pi ai iksitopo puta ka pim ai ishit, nan isht pi abeka a puta ma isht pi kanchishke, achi tok a ont ai ghla chi mak a tok.

18. Yohmi ma okla chito fehna kvt apehvt ai asha na Chisus vt pisa mvt, misha in tvaavp ak o ilhkola hinla ka miha tok.

19. Mihma na holissochi achvfa hosh vla mvt, Nan ithv-nanchi ma! kanima yo chik aya kia, chiakaiya la chi mak oke, im achi tok.

20. Mihma Chisus ash osh, Chula puta kvt chiluk vt im ashakma, vba hushi puta kvt vlpichik vt im asha hoke; amba Hatak Ushi okvto noshkobo ha kanima a bohla hi vt ik im iiksho hoke, im achi tok.

21. Mihma nan im ai ithvna vhleha hash osh achvft, Chitokaka ma! vmmona kano ivt, aki a ont hohpi la hi a, vlpesa is svm ahnashke, im achi tok.

22. Yohmi kia Chisus ash osh, Is siakaiyashke; yohmik-ma illi ak osh ilap bika illi yokvno hohpashke, im achi tok.

23. Mihmvt peni chukowa ma, nan im ai ithvna vhleha hvv iakaiya tok.

24. Atuk o mahli kullo fehna kvt okhvta ha a tobtv kocha ma, peni ash o oka banvtha kvt isht ompohomo tok; yohmi kia yvmmak ashot nusi hosh itonla tok.

25. Mihma nan im ai ithvna vhleha hvv im ai vlvv ant okhvli mvt Chitokaka ma! ish pi okchalinchashke; pilli mak oke, achi tok.

26. Mihma yvmmak ash o, Na-yimmi fehna keyu hvchia ma! na katihmi ho hvchi nukshopa cho? im achi tok. Micha tani mv, mahli mikmv okhva aiena kash im alvm-mi tok; mihma yokopa ai ghliit talaia tok.

27. Yohmi ma hatak ash osh okla nukhlakancha mv, Ilcpper hatak katiohmi hatuk okak o, mahli micha okhva aiena hokak kia im antia cho? im achi tok:

28. Atuk o misha in tnmvp Kekesenes yakni a ona ma, nan isht ahullo okpulo ai i foka kv tuklo hosh anuksho-munta fehna hatuk o, hatak nana kia ymma imma ka ont ia he keyu chatuk o, hatak illi aiasha ya gshwv kohchv minti hosh ont afama tok.

29. Mihmv tahpvt okla mv, Chisus, Chihowa Ushi chia hv nanta ho isht ish pi ahalaia cho? ik ai ono kisha ho, ish pilbushacha chi hosh ilcappa ish la hoh cho? achit okla tok.

30. Yohmi ma shukha laua kv impa hosh auct i hopaki ka ai asha tok.

31. Yohmi hatak o nan isht ahullo okpulo vhleha hash osh im asilhha mv, Ish pi kocha weli hokmv, ivt shukha laua ya ont il abeha he ak o ish pim ahnashke, achi tok.

32. Mihma, Hvsh iashke, im achi tok; mihma kocha wiha mv, shukha laua yash o, ont abeha tok; mihma shukha laua yash osh momv yihlepa fehmv okhva sakti chaha yo pit ai oka kahv ok ai illit taha tok.

33. Mihma apesvchi vhleha hatuk vt yihlepv, ilhkolit tmaha ona cha, nana ka mominchit anoli tok; micha nan isht ahullo okpulo ai i foka tuk vt nana im a kaniohmi tuk a aieninchit anoli tok.

34. Yohmi ma tmaha hash osh momv Chisus a afamv ilhkoli tok; atuk osh yvmmak ash o okla pisa mv, i yakni a a kohchv aya hinla ka okla im asilhha tok.

CHAPTER IX.

Chisvs vt palsi isht abeka ya hlakofichi, 1. 9 Chisvs vt Mahlu i howa; micha Falisi vhleha hā Mahlu im ai impa āsha mvt ai it im anumpuli. Chisvs vt Chan nan im ai ithvna vhleha na hullochi imma ka isht anumpuli. 18 Chisvs vt na pehlichī ushetik vt illi tuk ā okchalinchit tanichi: micha ohoyo hvt issish umbokafa isht abeka tuk ā hlakofichi. 27 Michā hatak nishkin lva tuklo hō i fatummi. 32 Chisvs vt hatak ik anumpolo nan-isht ahullo okpulo ai i foka yatuk ā im achukmali: mikmvt okla puta kash i nukhaklo.

1. YOHMI ma yvmmak ash osh peni o pit chukowa mvt, pit tanvbli cha, ilap in tmaha ak inli hō ona tok.

2. Mihma hatak vt palsi isht abeka hosh potvlhpo pakna itonla hō okla isht im vla tok; mihma Chisvs vt okla na yimmi ka pisa mvt, palsi isht abeka ash o, Svso ma! chi yukpashke; na chim ai-ashvchika puta kv̄t chī kashofa hoke, im achi tok.

3. Yohmi ma na holissochi vhleha kaniohmi kv̄t, Hatak ilvppvt nan ik ahobalot anumpulishke, chukvsh anukaka okla ahni tok.

4. Yohmi ma Chisvs vt okla im anukfila hā ithana hatuk osh, Nanta katiohmi hō hvchi chukvsh ā nan okpulo ishit hvsh anukfilli cho?

5. Na chim ai ashvchika puta kv̄t chī kashofa hoke, achi kak okmā, keyukmvt, Tani cha nowā, achi kak okmā, kati-mampo kak osh ahchiba kv̄t ik lauwo cho?

6. Yohmi kia Hatak Ushi yvt yakni paknaka anta kv̄t nan ai ashvchika puta ka kashofa hi vt im ai vlhpesa hatuk ā, hvsh akostinincha chī kak oka, palsi isht abeka ash o, Tanit chī potvlhpo ishi cha, chī chuka ish iashke, im achi tok.

7. Mihma yvmmak ash osh tani cha in chuka ia tok.

8. Yohmi ma okla chinto kv̄t pisa mvt, nukhlakanchvt, hatak ā nan-isht im ai āhli yohmi ka ima tok Chihowa ash o ai okpahanchi tok.

9. Mihma Chisvs vt yvmmak ashō vttvt ia mvt, hatak vt Mahlu hohchifo hosh, tvli holisso ai itahoba ya binili hō ont

pisa tok; mihmut yummak ash o, Is siakaiyashke, im achi tok; mihma wakaya mut iakaiya tok.

10. Atuk o yakohmi tok; Chisus vt impa hosh aboha anka asha ma, pblikan vhleha, mihmut nan ashvchi vhleha aiena kvt laua hosh ai vltv yummak ash, micha nan im ai ithvna aiena ka ant takla binohli tok.

11. Mihma Falisi vhleha hvv pisa mut, yumma nan im ai ithvna vhleha hash o, Katiohmi hv nan hvch ithvnanchi vt pblikan, micha nan ashvchi vhleha aiena ka it ibai impa cho? im achi tok.

12. Yohmi kia Chisus vt yumma haklo mut, Haknip im achukma hokano alikchi a ai im ai vlvpiesa keyu chatuk, amba abeka yok mak oh chatuk oke.

13. Uba isht-ai okpvchi ak okano ak aiahno; amba nan i nukhaklo ak o aiokpanchi li hoke, achi yummak osh nana hokma, ont oh ithvna; hopoyuksa vhleha ak o hoyot aya li ha tok keyu; amba nan ashvchi vhleha hvv ile kostinincha chj mak a tok oke, im achi tok.

14. Yohmi ma Chan nan im ai ithvna vhleha hvv im ai vta mut, Katiohmi hv pishno, micha Falisi vhleha il aiena kvto nukhaklot nan e hullochi fehna ma, amba nan chm ai ithvna vhleha hvv nukhaklot nan ik hullocho cho? achi tok.

15. Mihma Chisus vt, Hatak himona ohoyo itauwaya tuk vt takla anta moma ka i kanomi vhleha hvv nukhakla hinla cho? yohmi kia hatak himona ohoyo itauwaya tuk ash ant im ai isha he nitak vt ai ona he; yohmikmak o okla hvv nukhaklot na hullocha hi oke.

16. Hatak nana kia anchi sipokni a nantvna hlilafa himona ya lapalichi chatuk keyu; vlvkvt lapali kash osh anchi ash hlvffit ishikma, i shahlit hlilavv okpulo chatuk oke.

17. Mikma hatak puta kvv oka-paki himona ya shukcha sipokni yo apitta chatuk keyu; yummak keyukma shukcha yvt mitahli na oka-paki yvt hlayakma, shukcha yvto okpulo chatuk; amba oka paki himona ya shukcha himona yo apit-takmak o, tklot nan ik okpulo chatuk oke, im achi tok.

18. Ilvppa puta ka isht im anumpulik fehna, hatak na

pehlichi achufa hosh vla cha, ant aiokpuchi mtv, Himonasi ak kia suso-tek vt illi mak osh itonlvshke: yohmi kia minti cha, chibbak ant isht ish umbitepa hokma, okchaya hinla hoke, achi tok.

19. Mihma Chisvs vt wakaya cha, iakaiyvt ia ma, nan im ai ithvna vhleha aiena kvv yohmi ak inli tok.

20. Yvmohmi tuk o ohoyo hvv issish umbokafa isht abeka tok afvmmi auah tuklo hosh, yvmmak ash im ashaka ya mayvt ona cha, im anchi aposhokvchi a pit potoli tok.

21. Im anchi ak illa hv ak potoli kia, sa hlakofa hinlvshke, ahnit im anukfila hatuk osh.

22. Yohmi kia Chisvs vt filemtv yvmmak ash o pisa mtv, Suso-tek ma! na chi yukpa achukmashke; na chi yimmi pulla hosh chi hlakofichi hoke, achi tok. Mihma hvshi kanvlli vlvpisa yvmma fehna hv ohoyo yvmmak ash osh hlakofi tok.

23. Mihma Chisvs vt hatak na-pehlichi in chuka yash ona cha, oskula olachi vhleha, micha okla yaiya aiena ka ont pisa mtv,

24. Oh iti kanvlli; ohoyo himita yvt illi keyu hoka, amba nusi hoke, im achi tok. Mihma isht yopulvt okla i yukpa tok.

25. Yohmi kia okla hvv kocha wihvt taha ma, pit chukowa cha, ibbak a ont halvli ma, ohoyo himita yash osh tani tok.

26. Yohmi ma ilvppak atuk vt annovt yakni yvmma mo-ma hlopulli tok.

27. Atuk o Chisvs vt yvmmak ash vttvt ia ma, hatak lva tuklo kvv iakaiyvt ayvt, tahpahanlvv, Lewi ushi chia ma! ish pi nukhaklashke, ahanchi tok.

28. Mihma yvmmak ash osh aboha ont chukowa ma, hatak lva atuk vt im onvt okla tok: mihma Chisvs vt, Ilvppa yakohmichi la hinla ka hvchi yimmi cho? im achi ma, Yau, Chitokaka ma! im achit okla tok.

29. Yohmi ma nishkin a pit potoli mtv, Na hvchi yimmi tuk pulla mak osh isht a hvchim vlvpesashke, achi tok.

30. Mihma nishkin vt i fatumvt okla tok: yohmi ma

Chisvs vt kullochi fehna hosh i mihvt, Ahah! hvsh ahni na hatak nana kia ik akostinincho kashke, achi tok.

31. Yohmi tuk kia itiachi mvt, yvmmak ash o yakni yvma mominchit ai im annowachi tok.

32. Yvmmt a kohcha ma, hatak ik anumpolo nan isht ahullo okpulo ai i foka ho okla isht im vla tok.

33. Atuk o nan-isht ahullo okpulo yash osh a kohcha ma, ik anumpolo yash osh anumpuli tok: yohmi ma okla laua yash osh nukhlakancha mvt, Himonna kia Israel okla ha a yakohmi na kva hosh pisa chatuk keyushke, achi tok.

34. Yohmi kia Falisi vhleha hash osh, Ilvppvt nan-isht ahullo okpulo puta ka nan-isht ahullo okpulo i miko yak o isht kocha weli hoke, achi tok.

35. Yohmi ma Chisvs vt tmaha moma, micha tmahushi puta aiena ka mominchit ayvt, i sinakak puta kak o nan im ai abahanchi, mihmvt vba apchlichika isht anumpa hanta isht anumpohonli, mihmvt abeka moma ka hlakofihinchit, haknip ik in chukmo okla im asha tuk a mominchit hlakofihinchi tok.

36. Yohmi tuk kia okla laua yash osh hoyvbli cha, it a fimimpvt aiasha, chukfulhpoba yosh apesvchi ik im iksho ho, chohmi na pisa hatuk osh i nukhaklo tok.

37. Yohmi mvt nan im ai ithvna vhleha hash o, Nahoya hi okvto laua ho mvhli, amba toksvli vhleha hak osh ik lauwoshke.

38. Yohmi hoka na-hoya hi okvt Chitokaka immi hoka nan im ahoya hi a toksvli vhleha ha auct tihlela chi ka, hvsh im asilhashke, im achi tok.

CHAPTA X.

Chisvs vt nan im ai ithvna auah tuklo kv vbanumpa ha isht aanumpohonle chi ka, micha na fehna puta ka ai yvmohma chi aiena ka kanompit tihleli, 1. 5 Micha nana ka ithvnanchi. 40 Micha Chisvs a bolitobli kv nan isht il ai yukpa he miha.

1. YUMOHMI tuk osh nan im ai ithvna auah tuklo kash o itahobit tahli mvt, nana im ai ghlit, nan-isht ahullo

okpulo puta imaiyvt, yvmmak atuk ma kocha welit abeka ilaiyuka puta, micha haknip ik in chukmo ilaiyuka moma hlakoficha hi g im apesa tok.

2. Yohmi ka vbanumpeshi auah tuklo hohchifo kv̄t ya-kohmi kak oke: vmmona Saimon atuk osh Pita hohchifo tok; mihma itibapishi Antilu ak a tok; Sebete ushi, Chemis ak osh, nakfish Chan itatuklo tok:

3. Mihma Filip, micha Bahlolomu; Tamas, mikmvt pvblikan hatak Mahlu; Alfevs ushi Chemis, micha Lebevs osh hohchifo apunta kv̄t Tatevs a tok.

4. Mihma Kenan hatak Saimon, micha Chutas Iskaliot ak atuk osh yvmma haksichi tok ak inli ka aiena tok.

5. Auah tuklo ilvppak o Chisvs vt pit tihleli mvt, nan im apesvt, Chentail aiasha pilla hokvno hvch ik aiyo kashke, mikmvt Samalia okla in tmaha h̄g ont hvch ik chukowo kashke.

6. Amba Islael in chuka-chvfa chukfulhpoba tvmoa pulla kak o hvsh im ai onashke.

7. Micha ia hosh hvsh itvnova kv̄t, vba isht anumpo-honlit, Uba apehlichika yvt olanlosi vlvshke, hvsh ahan-chashke.

8. Mikmvt abeka ya hlakofichit, leposi vbi puta ka i kashofit, illi puta ka tanichit, nan-isht ahullo okpulo puta ma hvsh kocha welashke: pilla h̄g hvsh habena hatuk okvt, pilla h̄g hvsh imashke.

9. Hvchi shukcha atuk ma tvli holisso lakna, micha tvli hvta, mikmvt tvli lakna nana kia fohkit hvch ik ieshokmvt;

10. Anonti nowvt hvsh aya hokvt bahta kia, ilefoka lumbo tuklochit, shulush aiena ma tuklochit, tvbi nana kia hvch ik iesho kashke; hatak toksvli yvt ilhpita he ak o vlvpesa hoka.

11. Micha tmaha, keyukmvt tmaha chito yokm̄a nana h̄g ont hvsh chukowa chi kv̄t, kvna hosh vlvpesa kv̄t yvmma anta ka, hvsh ponaklashke; micha yvmmak o hvsh gsha tuk osh a kohchvt hvsh iashke.

12. Micha chuka yq ont hvsh chukowakmvt, hvsh ai okpvchashke.

13. Yohmikma chuka yatuk mvt vlhpesa hokma, na yukpa he hvsh im ahni tuk a onvtulashke: amba vlhpesa keyu hokmvno, pa yukpa he hvsh im ahni tuk a hvchi falamashke.

14. Micha kvna kia ik hvchi aiokpacho, micha hvchim anumpa ma haponakla he keyukma, chuka yokmá, tvnaha hokmá, nana hatuk a hvsh a kohchakmvt, hituk tohbi hvch iyi asha hatuk ma hvsh tahtulashke.

15. Ahli mak o hvchi miha lishke, Nan-vlhpisa chinto nitak okvno Sotom, micha Komola aiena kvv im ahleka hoh kia, pit im vlhpisa kvv tvnaha yvmmak a tok a i shahla hi oke.

16. Inta! chukfulhpoba yo chohmichi hosh nashoba itintakla pit tihleli lishke; yohmi hoka kostini kvv sinti ak o hvsh chiyuhmi cha, nuktaiyala mvt pvchi-yoshuba ak o hvsh itilauashke.

17. Yohmi kia hatak puta ka ahah! hvsh im ahnashke: yvmmak okvt ishit nan apesa vhleha ibbak a hvchi fohq-kikma, i sinakak puta ka a hvchi fahama he mak oke.

18. Micha na pehlichu vhleha, mikmvt miko puta, Chentail okla aiena ka, na hvsh im ai atokola chi ka, vno pulla hatuk mak o yvmma puta ka itikba hvch isht ohona hi oke.

19. Yohmi kia hvch isht ohona ka, kanimihchit, micha nana ho hvsh anumpula he aiena kvv hvch ik anukfillo kashke: nana ho hvsh anumpula hi a hvshi kanulli vlhpisa yvmmak inli ho hvchi anukfohka hi oka.

20. Hvchishno ak osh hvsh anumpula hi o keyu, amba hvch iki imi Shilombish yvmmak osh a hvchi anumpula hi oka.

21. Mikma itibapishi hatuk vt itibapishi ha illi issakma, anonti iki atuk vt vlla ya illi issa he: yohmikma vlla puta kvv iki ishki aiena hatuk ma i nukkilli cha, illi issa hi oke.

22. Mikma sa hohchifo pulla hatuk mak o momvt hvchi nukilla he: yohmi kia kvna hosh achunanchit mahayvt ai vli ka ona hok mak osh okchaya hi oke.

23. Yohmi kia tvnaha chito iltpa a hvch issikko-

palikma, yihleptv inla yq hvsh onashke. Ahli mak o hvchi miha lishke, Israel okla in tumaha puta ka hvch ik hlopullo kisha hq, Hatak Ushi yvt vla hi oke.

24. Nan-ithvna yvt nan-ithvnanchi ya imaiya keyukma, anonti tishu hv i shahli hq imaiya hq keyu chatuk.

25. Nan-ithvna yvt nan-ithvnanchi ya itilgnikma, anonti tishu hv i shahli hatuk ma itilgnikmak osh im vlhpesa hoke. Chuka-chvfa pehlichika ya Beelsebub okla hochifo tuk vt in chuka-chvfa ya i shahlichu kv katiohmichi hosh hochifa hinla cho?

26. Yohmi hoka yvmmak oka hvch ik i nukshopo kashke. Nana kv ompoholmo tuk osh ik otano ka hi vt iksho ma, anonti nana kv luma tuk osh ik annowo ka hi vt iksho hoka.

27. Nana ka okhlilika yq a hvchim anoli li ka a tohwi-kelika yq hvsh ai anolashke: micha nana ka haksobish tikelichi hosh hvsh haklo kv, yvmmak ash aboha pakna yq hvsh ai anolashke.

28. Mikmvt haknip a vbi kia, shilombish a illicha he keyu yvmmak okvno hvch ik i nukshopo kashke: amba shilombish micha haknip it aieninchit aiokpuloka ai ilbv-shala hinla kak pulla hq hvsh i nukshopashke.

29. Hushi chipunta yvt tuklokmvt sint achvfa iklvna itatuklo vlhtoba chatuk keyu? mikma yvmvt, hvch iki vt ahni keyukma, achvfona kia aka itula hi o keyu hoke.

30. Amba pashi hvchi noshkobo o hikia kak kia momvt holhtinv taha yoke.

31. Yohmi hoka ik hvchi nukshopo kashke; holitopa kv hushi chipunta lana kia hvsh i shahli hoke.

32. Yohmi hoka kvna hosh hatak puta itikba ya si ai ahninchu tuk ma, vno ak kia ilapa Aki vba binili ka itikba ya ai ahninchu la hi oke.

33. Amba kvna hosh hatak puta itikba ya ik si ai ahninchu tuk ma, vno ak kia ilapa Aki vba binili ka itikba ya ak ai ahninchu ka hi oke.

34. Yakni pakna ya nanaiya yq bohliit aya li tok ik

huchim ahobo kashke: nanaiya yo a bohliit aya li tok keyu, amba bushpo falaia ak a tok.

35. Hatak a iki ik it im vlpesachot, ushetik a ishki ik it im a vlpesachot, ipok atuk ma ipokni a ik it im vlpesachot aya li ha tok.

36. Mikma hatak in tunvp puta kut ilap in chukachvfa ash inla hi oke.

37. Kna hosh iki yokma, keyukmtv ishki yokma, nana ho i hullo kut vno a im i shahli hokvt, vmmi ha he vlpesa keyu hoke: mikmtv ushi yokma, keyukmtv ushetik okma, nana ho holitobli kut vno a im i shahli hokvt, vmmi ha he vlpesa keyu mak inli hoke.

38. Yohmikma kna hosh im iti-taiyukhva ya sholi cha, siakaiya keyu hokvt, vmmi ha he vlpesa keyu mak oke.

39. Kna hosh im ilhfiopak a ahayuchi tuk mvt i knia he: mikma kna hosh vno pulla hatuk mak o im ilhfiopak vt i knia hokmtv, ahayucha he mak oke.

40. Kna hosh huchi aiokpvchi hokvt, vno a si aiokpvchikma; anonti kna hosh vno a si aiokpvchi kut, auct sa kanchi tok ma aiokpvchi hoke.

41. Kna hosh hopaii ya hopaii atuk mak o aiokpvchi hokvt, hopaii im ai vltoba mak o isha he: yohmikma kna hosh hatak ahli achukma ka, ahli achukma atuk mak o, aiokpvchi hokvt, hatak ahli achukma im ai vltoba mak o isha hi oke.

42. Mihma kna hosh chipota vhleha ilvppa achvfona kia, nan itena yatuk mak o ishka chi ka oka kapvssa isht-ishko achvfa illa ho ipeta kia, yvmmvt kaniohmit nan-vltoba hvt i blakofa he keyu, ahli mak o huchim achi lishke, achi tok.

CHAPTA XI.

Chisv vt vba isht anumpohonli kut a moma; Chan a pit ponaklo tuk a Chisv vt afalaminchit im anoli, 1, 7 micha, Chan Baptist a aghlit isht anumpuli. 20 Chisv vt vma kaniimi ka na palvma kut onvtula chi ka anoli, yvmmak oka na fehna laua ka ai yv-

mihinchi tuk kia, okla ik ile kostinincho hoka. 25 Chisvs vt Chiho-wa pit aiokpuchi mvt, Iki vt nan oklgha ka ibbak ifoyuki tuk a achi: 28 mikmvt a foha chi kvt hoyvbli puta kvt im ai ona chi ka i miha.

1. ATUK o yakohmi tok; Chisvs vt nan im ai ithvna uah tuklo kash nan im apesvt in taiyaha mvt, in tvmaha puta ka nan ai ithvnanchi, micha vba isht anumpuli aiena chi hosh yvmma vttvt ia tok.

2. Atuk o Klaist vt nan-isht-anta puta ka Chan vt abo-ha kvllo anukaka ya a haklo mvt, nan im ai ithvna vhleha tuklo ho pit tihleli tok.

3. Mihmvt yvmmak ash o, Chishno ak osh aya he tok mak o chia hokma, ak chu? inla yo e hoyokma, nanta chi cho? pit im achi tok.

4. Mihma Chisvs vt a falaminchi mvt, Anonti hvsh ia cha nana ka hvsh hglo, micha hvsh pisa aiena tuk vt Chan a ont hvsh im anolashke.

5. Lupa yvt hopokoyo ma, imomokpulo yvt nowa; leplo-si vbi okla hv i kashofa; mikma ik haponaklo yvt haponak-lo; illi tuk vt tani; mihma ilbvsha puta ka vbanumpa hv isht im anuhumpvshke.

6. Yohmi ka kvna hosh vno a ik si ai ibetvblokmt, na yukpa he mak oke.

7. Mihma itiachi ma, Chisvs vt okla laua ya im anumpu-lit ishtia mvt, Chan ak o miha hosh, Nanta ho hvsh pisa chi hosh yakni haiaka ya hvsh ilhkoli tok o? Kushak vt mahli na faiokvchi kak atuk o?

8. Amba nanta ho pisvt hvsh ilhkoli tok o? Hatak na-fohka lapushki fohka kak atuk o? nafohka lapushki abehkv-chi hokvto miko in chuka puta kak o aiasha hoke.

6. Amba nanta ho pisvt hvsh ilhkoli tok o? Hopai atuk o? ahli, yohmi ka hopai ak kia imaiya hoke, hvchim achi lishke.

10. Um anumpeshi ya chi tikba chvffichi li hoka, mihi yosh chi hina ya tikbanli apoksiacha chi hoke, achit isht ho-lisso tok a ilvpak osh mah mak oke.

11. Ahli mak o hvchim achi lishke, Ohoyo ho a tovt

aiasha ka itintakla hikia kvt Chan Baptist a imaiya chatuk keyushke : yohmi nana kia moma ik lauwo hosh vba apelihika ya anta kvt, yemma imaiya hoke.

12. Yohmi ma Chan Baptist vt ahanta nitak atuk a ai vhlit mihinti ka, vba apelihika ya ishi bvna kvt achilita fehna, yohmikma achilita puta kvt onvtulvt ihishi na himakvshke.

13. Hopaii vhleha moma micha vba nan vhpisa aiena kvt na tikbanli anoli kvt, Chan ak o ant im ai vhli hoka.

14. Michi hvchi yimma hinla hokma, ilvppak osh vla he tok Elias mak oke.

15. Kva hosh isht haponakla he haksobish vt i hinlik-mvt, haklashke.

16. Amba himak okla aiasha ilvppak okvno nantak o itapesa la chi cho? Ulla yosh ilhpak a kanchi yo binohmaya hosh ilap bika iti howvt,

17. Oskula ha e hvchim olachi ka, hvch ik hehloshke; e hvchi yaiya ka, hvch ik yaiyoshke, achi ho itilauishke.

18. Chan vt ik impo, micha nan ik ishko aiena hosh aya ma, Yemma nan-isht ahullo okpulo il ai eshi hoke, okla achishke.

19. Hatak Ushi yvt ihimpa, mikmvt nan ihishko aienvt aya ma, Yakeh! hatak isikopa, oka-paki ishko shahli, publitan micha nan ashvchi vhleha aiena ka i kana yoke, achishke : yohmi kia Ahopoyuksa yokvto im vlla vhleha ha isht im a holitopa hoke, im achi tok.

20. Yohmi mvt tmaha na-fehna ka a yvmihinchi fehna tuk puta kash, okla ilekostininchi keyu hatuk o, nan isht a mihachit ishtia tok.

21. Kolasin ma! na chi palvmmi mak oke : Betsaita ma! na chi palvmmi mak oke; na-fehna puta kvt hvchishno ya hvchim a yvmohmi tuk vt Taia, micha Saiton aiena ka a yvmohmi ha tok okma, hopaki kash inli ho na pashi tvna anchit hituk chubbi banot mayvt ilekostinincha he a tok oke.

22. Yohmi kia nan vhpisa chinto nitak okvno Taia micha Saiton aiena kvt im ahleka hoh kia pit im vhpisa kvt hvchishno yokvno i shahla hi oke, hvchim achi lishke.

23. Yohmikma Kapenavm chia shutik ak o ont ish talaia

tuk vt, aki vt ai okpuloka mak o ish ona hi oke: na-fehna puta kvt chishno ya chim a yvmohmi tuk vt Sotom a a yvmohmi ha tok okma, himak nitak ak kia talaia hi a tok oka.

24. Yohmi kia nan vllhpisa nitak okvno Sotom yakni vt im ahleka hoj kia, pit im vllhpisa kvt, chishno yokvno i shahla hi oke, hvchim achi lishke, achi tok.

25. Nitak yvmma fehna ma Chisvs vt anumpuli mvt, Aki, shutik micha yakni aiena in Chitokaka ma! na yakohmi puta ka na kostini, micha nan ithana aiena kvno ish in luhmi tuk osh, vloji puta ho ish im otvnichi hoka, yak oke, chim aiahni lishke.

26. Vllhpeshake, Aki ma! yvmmak osh chim vllhpiesa hatuk oka, achi tok.

27. Aki vt nan okluha ka svbbak fohkishke: yohmi ka Ushi ya hatak nana kia ik ithano ho, amba Iki ak banoshke; mikma Iki a hatak nana kia ik ithano ho, Ushi ak illa, micha Ushi ak osh kvna ho im otvnichi hok mak bano hoke.

28. Toksvlit ahantvt hoyvbli, micha shapoh i weki puta hvchia mvt, momvt hvs svm ai vla na hvchi fohvchi lashke.

29. Um ikonla abana yak o isht hvsh il abanali cha, vno ak o hvs svm ai ithvnashke: vno ak osh chukvsh yohbi, micha chukvsh akanlosi aiena sia hoka: yohmik mak osh hvchi shilombish puta a foha hi a hvsh ahayucha he mak oke.

30. Um ikonla abana ya il abanali ka im vllhpiesa, micha a shapoh hv shohvla hoke, im achi tok.

CHAPTA XII.

Nan im ai ithvna vhleha hash osh nitak hullo yo onush a hlehlit vpa tuk a, vllhpesa, Chisvs vt im ahni, 1. 9 Chisvs vt ibbak bvshi yatuk a achukmali tuk o, Falisi vhleha hvv vbi bvna. 22 Shilombish okpulo ai i foka tuk a Chisvs vt hlakofichi; 31 mihmvt Shilombish Holitopa ya ik ahobalot anumpuli kvv i kashofa he keyu miha. 38 Falasi vhleha hvv Klaist a nan-isht-atokowa im a hoyo. 46 Kvna bosh Klaist a i kanomi hoka isht annoa.

1. NITAK ymma foka ma Chisvs vt nitak hullo nitak o osapa hlopullit aya ma, nan im ai ithvna vhleha hvt hohchvfo hatuk osh, onush a hlehli cha, vpvvt ishtia tok.

2. Yohmi kia Falisi vhleha hvt pisa mvt, Yakeh! nana ka nitak hullo nitak a a yohma he vhpesa keyu ka, na chim ai ithvna vhleha hvt yohmishke, im achi tok.

3. Yohmi kia ymmak ash osh, Lewi micha apehvt aya tok aiena kvt hohchvfo mvt, kaniohmi tok,

4. Chihowa im aboha hatuk a ont chukowa cha, pvska otrni ymmak oka ilap vt, micha apehvt aya tok aiena kvt vpa he ai im vhpesa keyu, amba naholitompa isht asha ak illa hatuk a vpa tok a, holisso ha hvch ik ai it im anumpulo chatuk oh cho?

5. Ymmak keyukmvt na-holitompa isht asha vhleha hvt nitak hullo nitak puta ma tempel anukaka ya nitak hullo a kobahgi kvt ashtvchi ha tok keyu ka vba nan vhpisa holisso ha hvch ik ai it im anumpulo chatuk oh cho?

6. Yohmi kia, Achvfa hosh tempel a imaiya kvt ilvppa anta hoke, hvchim achi lishke.

7. Yohmi kia, Vba isht-aiokpvchi ya ak ahnincho, amba nan i nukhaklo ak o ai okpanchi li hoke, achi ilvppak osh nana ho miha hatuk a hvsh akostininchi hatuk okmvt, ashtvchi keyu ka anumpa hvsh onocha he tuk keyu chishke.

8. Hatak Ushi yvt nitak hullo ak kia in Chitokaka ak inli hoka, im achi tok.

9. Micha ymmak ash vttvt ia mvt, ymma i sinakak ak o ont chukowa tok.

10. Yohmi ma hatak vt ibbak shulla yosh asha tok. Yohmi ma ilvppak ash o nan vhpisa onocha chi hosh okla im ponaklot, Nitak hullo nitak a na hlakoficha he vhpesa cho? achi tok.

11. Yohmi ma ymmak ash osh, Hatak hvchi katima kak osh chukfulhpoba yvt achvfa hosh im anta tuk vt, nitak hullo nitak o yakni kula pit itula ka, pit halvllit ik kohcho ka hinla cho?

12. Yohmi ka hatak vt holitopa kvt chukfulhpoba ya katiohmi ho isht i shahli ho? Yohmi hoka nitak hullo

nitak a nana achukma ka yohma he vllhpesa hoke, im achi tok.

13. Yohmi mvt hatak ash o, Chibbak a chisemochi, im achi tok. Mihma chisemochi tok: yohmi ma falamvt achukmvt taha mvt, in twnnvp akinli ho chohmi tok.

14. Yohmi ma Falisi vhleha hvt kocha wiha mvt, kani-mihchit vba he vt isht it im anumpulit maya tok.

15. Yohmi kia Chisvs vt ilvppa akostininchi mvt, yvm-mak ash a kohchvt kvnia tok: mihma okla chito hvt iakaiya ma, yvmmak ash o mominchit hlakofichi tok.

16. Yohmi mvt ilap a okla ik otvnincho ka hi a kvullochit i miha tok.

17, 18. Yohmi ma, hopaii Esaias vt anumpohonli mvt, An tishu hano ai atokoli li tuk o holitopa, sa shilombish vt isht ai yukpa fehna ka ho pesa: ilvppak o vmi Shilombish o onochi likma, yvmmak osh Chentail okla ha vba nan vllhpisa ya im otvnicha hi oke.

19. Yvmmak okvt ik it im paknokmvt, anonti ik tahpvlo ka he; mikma tvmaha ai itahoba puta ka im anumpa ha hatak nana kia a haiyakla he a keyu ka he.

20. Kushak kushkoa kia ik tilohlecho ka he, mikmvt pula i hounula lua shobulli ka ik mosholicho hosh, vba nan vllhpisa ya fihimit isht imaiyach he.

21. Yohmikma Chentail vhleha hvt yvmma hohchifo ho anukchieta he, achi tok a ont ai aighli tok mak oke.

22. Yvmma foka ma achvfa hosh nan-isht ahullo okpulo ai i foka hosh lvpa, micha ik anumpolo aiena ho isht im vla tok: yohmi ma yvmmak ash o hlakofichi na lvpa micha ik anumpolo aiena tuk vt anumpuli, micha pisa aiena tok.

23. Mihma okla hvt momvt nukhlakancha mvt, Ilvppvt Lewi ushi ash keyu ho? achi tok.

24. Yohmi kia Falisi vhleha hvt haklo mvt, Hatak ilvppvt nan-isht-ahullo okpulo a kocha weli ho keyu, amba nanisht-ahullo okpulo i miko Beelsebub ak o ishit kohchi hoke, achi tok.

25. Mihma okla im anukfila ha Chisvs vt akostininchi hatuk osh, Apehlichika puta kvit it a kashapvt ilap bika it i sanali hokvt, ont ai okpulo kvit taha chatuk: anonti tvmaha

chito, keyukmvt chuka puta kvt it a kashapvt ilap bika it i sanali hokvt, talaia he keyu hoke.

26. Yohmi hoka Setan osh Setan a kohchi hokmvt, ilap o inli il i sanali hoke; yohmi ka katiohmi hosh im apehlichika yvt talaia hinla cho?

27. Micha vno vt Beelsebub ak o nan-isht-ahullo okpulo a ishit kocha weli li hokma, kuta hak o hvchim vlla vt yvmma ishit kocha weli chatuk oh cho? yohmi hoka yvmmak osh na hvchim apesa yashke.

28. Amba vno yvt nan-isht-ahullo okpulo a Chihowa imi Shilombish o ishit kocha weli li hokma, yohmi hekmvno Chihowa apehlichika yvt hvchim vla mak oke.

29. Keyukmvt katiohmi hosh achvfa kvt hatak hlampko in chuka ya ont chukowa cha, im ilayak a wehpula hinla? hatak hlampko ak o tikba takchi ha yo keyukmvt; amba yvmmak okmvt in chuka ya wehpula hinla hoke.

30. Kuna hosh vno a svbafohka keyu kvt, a sanali hoke; mikma kuna hosh svba hoyo keyukmvt, na fimmi yoke.

31. Yohmi hoka, Hatak vt nan im ai ashvchika il aiyuka moma, micha Chihowa ik ahobalot anumpuli moma kvt i kashofa he; amba Shilombish Holitopa yo ik ahobalot anumpuli tuk okvto hatak vt ik i kashofa ka hi oke.

32. Micha kuna hosh Hatak Ushi ak o na mihachit anumpuli tuk okvto i kashofa he: amba Shilombish Holitopa ak o na mihachit anumpuli tuk okvto yakni ilvppak inli, micha yakni inla mihinti aiena ka ai i kashofa he keyu hoke.

33. Iti vt achukma ho hvsh ikbi hokma, vni ak kia achukma he: keyukmvt iti vt okpulo yo hvsh ikbi hokma, vni ak kia okpula he: iti vt ilap vni ak inli ho isht otvni chatuk oka.

34. Sinti chilita isht-ai-unchululi hvchia ma! ai vllpiesa keyu hvchia kvt, katiohmi hosh nana achukma puta ka hvsh anumpula hinla cho? chukvsh a alotowak mak o, itih hv kohchit miha chatuk oka.

35. Chukvsh anukaka ya na holitopa kvt asha kak o, hatak achukma kvt nana achukma puta ka a yvmohmi chatuk: mikma chukvsh anukaka ya nana ik achukmo kvt asha

kak o, hatak ik vlhpeso kv̄t nana ik achukmo puta ka a yvmohmi chatuk oke.

36. Yohmi kia anumpa ik vlhpeso puta hatak vt anum-puli tuk okmvt, nan vlhpisa nitak okvno yvmmak atuk **a** nan isht il anola hi oke, hvchim achi lishke.

37. Chishno chim anumpa atuk ak **o** isht chi ai vlhpiesa he: mikmvt chishno chim anumpa atuk ak **o** nan isht chim vlhpisa hi oke,

38. Yvmma foka ma na holissochi vhleha kaniohmi, 'mi-cha Falisi vhleha aiena kv̄t anumpuli mvt, Nan ithvnanchi ma! nan-isht-atokowa e chi pisa hinlvshke, achi tok.

39. Yohmi kia afalaminci mvt, Nan ik vlhpieso, mi-cha haui aiena okla hash osh nan-isht atokowa ya okla hoyo: yohmi kia nan-isht-atokowa nana hosh in takala he keyu, amba hopaii Chonas nan-isht-im atokowa ak illa hi oke.

40. Chonas vt nitak tuchina micha ninak tuchina aiena hq̄ n̄ni chito ikfoka anukaka ya foka tok **a**; yvmmak inli hq̄ chohmit Hatak Ushi vt nitak tuchina micha ninak tuchi-na aiena hq̄ yakni chukvsh anukaka yatuk ma foyuka hi oke.

41. Nana vlhpisa chinto nitak okvno Ninefeh hatak vt okla ilvppa ai apihvt hiel cha, anumpa onocha hi oke; yvmmak okvt Chonas vt vbanumpa isht anumpohonli ma, okla ilekostininci tok okvt; atuk **o** Chonas **a** imaiya mak osh ilvppa ahantvshke.

42. Nana vlhpisa chinto nitak okvno oka mahli ohoyo miko vt okla ilvppa awant hikia cha, anumpa onocha hi oke: yvmmak okvt yakni ont ai vhli pilla minti kv̄t Solomon isht im a hopoyuksaka ya haklot aya tok okvt: yohmi tok **o** himak **a** Solomon **a** imaiya mak osh ilvppa ahantvshke.

43. Shilombish okpulo yvt hatak **a** akohchakmvt, afoha he hoyo kv̄t oka ik ai iksho puta ka hlopullit aya kia, ik ahayucho chatuk;

44. Yohmikmvt, An chuka ai v̄tta kohchvt a minti li kash osh falamvt ia lashke; achi tuk osh onakmvt, yvmmak

ash k_{na} iksho h_o, pashpovt, shemvt taiyaha cha hikia h_o, ont pisa hoke.

45. Yohmikmvt shilombish okpulo untuklo inla yvt ilap a i shahli h_o ivt ont pehlichit vla ma, yvmmak ash okla pit abeha cha ai asha chatuk; yohmikma hatak yvmmt ont ishtaiyopi kak o okpulo kv_t vmmona tuk a i shahli chatuk oke. Yohmi ka yvmmak inli h_o okla nan ik vhpeso ilvpt chiyuhma chi hoke.

46. Okla h_a im anumpuli kv_t moma h_o, ishki micha itibapishi vhleha aiena kv_t it im anumpuli bv_{na} hosh kocha y_a hinli tok.

47. Yohmi ma achvft, Yakeh! chishki micha ish itibapishi vhleha aiena kv_t chit im anumpuli bv_{na} hosh kocha y_a hiohmavvshke, im achi tok.

48. Yohmi kia afalaminchi mvt, nan im anoli yash o, Hvshki ak osh kv_{ta} h_o? mikma itibapishi li vhleha ak osh kv_{ta} hoh cho? im achi tok.

49. Mihmvt nan im aiithvna vhleha aiasha ka imma y_o ibbak a pit weli mvt, Hvshki, micha itibapishi li vhleha h_a pisá;

50. K_{na} hosh Aki vba binili nan aiahni ka yvmohmikmvt, yvmmak osh itibapishi li, micha an tek, mikmvt hvshki aiena mak oke, achi tok.

CHAPTA XIII.

Na bokchi nan isht vhpisa; mikma nana a kaniohmi kak o Chisvs vt pan isht vhpisa h_o isht ithvnanchi, 1. 18 Na hokchi nan isht vhpisa h_o otvnichi; 24 onush micha haiyukpulo ita tuklo ka isht vhpisa, 31 mvstvt nihi; 33 micha nan isht shatvmmichi ita tuklo ka nan isht vhpisa: micha na kaniohmi h_o Chisvs vt nan isht vhpisa bano h_o isht anumpohonli. 36 Onush micha haiyukpulo ita tuklo nan-isht vhpisa h_o otvnichi; 44 na holitopa luma kv_t itu-yula, 45 micha nan chumpa, 47 mikmvt nvni isht hokli aiena ka nan isht vhpisa; 53 Chisvs vt falamvt i yakni ak inli h_o ona tuk o, okla hv_t kanimanchi.

1. MIHMVT Chisvs vt nitak yvmmak inli ka aboha y_a a kohchvt ia mvt, okhvta lapalika y_o ont binili tok.

2. Yohmi ma okla laua fehna kvt ant im ai itahoba, yohmi ma peni yō pit chukowa cha binili tok; mihma okla laua yash osh momvt oka vhli hq hiohmaya tok.

3. Mihma nana laua ka nan isht apesa hosh isht im anumpohonli mvt, Inta! na hokchi vt na hokchit ia tok.

4. Atuk osh hokchi ma, na nihi kanimi kvt hina lapalika yō kaha tok; atuk q hushi puta kvt ant vpvv tahli tok.

5. Kanimi kvt tvli foka yakni asha fehna keyu hq kaha tok; atuk osh yakni vt i suko keyu hatuk okvt, chekosi fehna offo tok;

6. Atuk q hvshi vt kohcha ma, anakshua tok; yohmi kvt hakshish vt ik im iksho hatuk okvt, bvshit taha tok.

7. Yohmi ma kanimi kvt kvti foka yō kaha tok; atuk q kvti vt offo mvt, olvbbit ishi tok.

8. Amba inla ka yvt o yakni achukma hq kaha: yohmi tuk mvt achvfa tuk kia kanimi kvt tahlepa achvfa; kanimi kvt pokoli hanali; kanimi kvt pokoli tuchina aiena hq vnit waya tok oke.

9. Kvna hosh isht haponakla he haksobish vt i hinlikmvt, haklashke, achi tok.

10. Mihma nan im ai ithvna vhleha hvv im ai ona mvt, Nanta katiohmi hq nan isht vlvhpsa hq isht ish im anum-puli cho? im achi tok.

11. Mihma afalaminchi mvt, Hvchishno yokvto nan ik otano vba apelhichika ahalaya puta ka hvsh ithana hi okvt hvchim vlvhpsa ha tok; amba yvmmak okvto im vlvhpsa keyu hoka.

12. Kvna hosh ishikma, mihi yō ima he; mikma in laua kvt i shahla hi oke: amba kvna hosh ishi keyuk mvno, ishi tuk ash kia im ai isha hi oka.

13. Okla pihisa hokak osh, pisa keyu; mikmvt hahgklo hokak osh, haklo keyu; micha akostininchi keyu aiena hatuk; yohmi kak q nan isht vlvhpsa hq isht im anum-puli li hoke.

14. Mihma Esaias vt nana tikbanli anoli kvt, Hahgklo hokvno hvsh haklo kia, hvch ik akostinincho ka he; mik-mvt pihisa hokvno hvsh pisa kia, hvch ik ithano ka he.

15. Okla ilvppa chukvsh atuk mvt nvt taiyaha, mihma haksobish a isht haponahaklo kvv in takobi mvt, nishkin atak ma okla okhishtvshke; yvmak keyukmvt nitak kani-ohmi kia nishkin atuk ma isht pisvt, haksobish a isht haklo cha, chukvsh ma isht akostininchit ilekostininchi na hlakofshi la hinla kak o, yohmi achi tok a okla ilvppak o ont isht aighli hoke.

16. Amba hvchi nishkin okvto pisa; mikma hvchi haksobish atuk mvt haklo aiena hokvt na yukpvshke.

17. Ahli mak o hvchi miha lishke, Hopaii yvt lgwa, micha hatak hochukma aiena kvv nana hvsh pisa ka pisa bvna tok kia, okla ik peso tok; micha nana hvsh haklo ka haklo bvna tok kia, ik haklo tok oke, achi tok.

18. Yohmi hoka na hokchi isht vlvhisa hatuk ma hvsh haklavshke.

19. Kvna kia apelihika isht anumpa ha haklo cha, ik akostinincho, yohmik ma nan okpulo yosh vlvv, chukvsh anukaka nana im a holokchi tuk ash yichiffit ishit kanchi chatuk. Ilvppak osh hina lapalika yo na nihi ai ishi tok mak oke.

20. Amba vti foka yo na nihi ai ishi tok okvto vba anumpa ha haklo mvt, na yukvt ashavika ishi kak oke.

21. Yohmi kia hakshish vt im a toba keyu hatuk osh, imoma na hopaii keyu chatuk; vba anumpa pulla hatuk mak o isht issikkopali, micha isht hofahyali aienakma, chekosi mak inli ho ibetvbi chatuk.

22. Mikma kvv foka yo na nihi ai ishi kak kia vbanumpa ha haklo kak oke; yohmi tuk o yakni ilvppak inli nana ai anushkunna, micha nan in lava bvna kvv isht ashvchi aiena kvv vbanumpa hatuk ma ai olvbbit ishi na ik vno toba kak oke.

23. Amba yakni achukma yo na nihi ai ishi vto vbanumpa ha haklo mvt, akostininchi kak oke: micha yvmak ash osh vnikmvt, achvfa tuk kia kanimi kvv tablepa achvfa, kanimi kvv pokoli hannali, kanimi kvv pokoli tuchina, yohmi hosh isht waya hoke, achi tok.

24. Mihmvt nan-isht vlvhisa inla yo in takalichit yak

ahanchi mvt, Ūba apehlichī ka yvt hatak osh im osapa ya na nihi achukma hō hokchi tok a holba hoke.

25. Yohmi tuk kia hatak puta kvt nusi hosh maya takla ma, in tnvvp vt vla cha, onush ash haiyukpulo yō ant a hokchichi cha, kvnia tok.

26. Yohmi tuk o offot vpi toba cha, waya ma, haiyukpulo ak kia otvni tok.

27. Yohmi ma chuka-chvfa pehlichī in tishu vhleha hash osh ona cha, Pī shahli ma! na nihi achukma yō chim osapa ya ish a hokchi tok keyu hō? katiohmi hō anonti haiyukpulo vt gsha cho? im achi tok.

28. Mihma, Tnvvp osh ilvppa yvmihehi tok, im achi ma; tishu vhleha hash osh, Yohmi ka ivt yvmmak atuk ma ont aiort il itahoba hi a, ish ahni cho? im achi tok.

29. Yohmi kia yvmmak ash osh, Keyu; yvmmak keyukma haiyukpulo a aiort hvsh itahobi takla kvt, onush a aieninchit hvsh lobba hinla hoke.

30. Itapihvt hiohmgyvt avvsha onashke: atuk o avvsha onak mak o na-bvshli vhleha hā, Haiyukpulo ak o tikba aiort itahobit hvsh sitohli cha, hvsh hukmashke; yohmik-mvt onush ak okvno a kanchak ak o pit hvsh ai itahobashke, im achi lashke, achi tok.

31. Nan-isht vlvpisa inla yō in takalichi mvt, Ūba apehlichika yvt mvstvt nihi achvfa hō hatak vt ishi cha, im osapa ya hokchi tok a holba;

32. Yvmmak okvt iskitini kvt na nihi moma ka ik lauwo ho mvhli; yohmi kia offot hofantikmvt, haiyukpulo puta ka moma imaiya cha, iti o toba; yohmi na vba hushi puta kvt naksish atuk ma ant a binohli chatuk oke, achi tok.

33. Anonti nan isht vlvpisa inla yō isht im anumpuli mvt, Ūba apehlichika yvt pvka shatvmmichi yō ohoyo hvv ishi cha, tanchi pushi vlvpisa tuchina hō ibafohki tuk o, momvt shatvmmi tuk a, holba hoke, achi tok.

34. Ilvppa puta ka nan isht vlvpisa bano hō Chisvs vt okla laua yatuk ma isht im anumpohonli tok.

35. Hopaii vt anumpuli mvt, Nan-isht vlvpisa hō svtih hā isht anumpohonli lashke; yakni toba tok taiyakla ka na lu-

ma asha chatuk puta ka anohonli lashke, achi tok a ont aishla chi ka, nan-isht vhpisa ho keyukma im anumpuli tok keyushke.

36. Yohmi mvt Chisvs vt okla laua ya kanompit tihleli mvt, aboha ont chukowa tok; mihma nan im ai ithvna vhleha hvt im ai ona mvt, Haiyukpulo osapa anuka asha tok nan-isht vhpisa ka achukmalit ish pim anolashke.

37. Mihma afalaminchi mvt, Na nihi achukma yo hokchi kvt Hatak Ushi ak oke.

38. Osapa vt yakni moma kak oke: nihi achukma yvt vba apehlichika im vlla ak oke; amba haiyukpulo vto nan okpulo im vlla ak oke.

39. Tvntv vt yvmma hokchi tok vt Setan ak oke: avvsha ona kvt yakni ont im ishtaiyopi kak a he; mikma na bvshli vhleha hvt enchil vhleha ak oke.

40. Yohmi ka haiyukpulo yvt itahoba cha, luak isht hollokmi chatuk a, yakni ilvppvt ont im ishtaiyopikmvt, yvmmak inli ho chiyuhma hi oke.

41. Hatak Ushi vt im enchil vhleha ha atohonokma, na yoshubi, micha nan ik vhpeso yohmi vhleha aiena ka mominchit im apehlichika atuk ma ai ishit kocha wela he;

42. Mikmvt yvmmak atuk ma tvli a bila luak chinto ho pit ai ashacha he: yohmikma yaiya micha noti ahampa aiena hosh yvmmak oka aiasha hi oke.

43. Yohmikma hopoyuksa vhleha hokvt shohpakali kvt, hvshi ak o chiyuhmi hosh iki im apehlichika atuk ma aiasha hi oke. Kona hosh isht haponakla he haksobish vt i hinlikmvt, haklashke.

44. Anonti, Uba apehlichika yvt na holitompa luma hosh osapa anuka itonla tuk o, hatak vt yvmmak ash o ahayuchi cha, luhmi mvt, na yukpa fehna hatuk osh ia mvt, nana im asha tuk vt mominchit kanchi cha, osapa yvmmak ash o chumpa kak o chohmi hoke.

45, 46. Anonti, Uba apehlichika yvt hatak nan chumpa yosh tvli holitompa hochukma hoyot ahanta; yohmi tuk osh tvli holitompa achvfa kvt vltoba chinto ahayuchi mvt, ivt

nana im gsha tuk vt mominchit ont kanchi cha, chumpa kak o chohmi hoke.

47. Anonti, Uba apelihchika yvt nvni-isht hokli yo okhvta okvchi na ilaiyuka puta pehli;

48. Atuk o alota ma, okla halvllit oka vhli isht ona mvt, aka binohli cha, hochukma ka aiov nan aivbeha pit apitta mvt, amba okpulo yvno kampila kak o chohmi hoke.

49. Yakni vt ont im ishtaiyopikma yvmmak inli ho chiyuhma he; enchil vhleha hv kohchvt ayakmvt, hatak haksi vhleha hv hopoyuksa vhleha ha ibelhto tuk a filamohlichia he:

50. Mikmvt yvmmak ash o tvli a bila luak chito ka pit ito-ashacha he; yohmikma yahaya, micha noti ahampa aiena hosh yvmmak oka aiasha hi oke, im achi tok.

51. Mihmvt Chisvs ash osh, Ilvppa puta ka mominchit hvsh akostininchi cho? im achi ma, Yau, Chitokaka ma! okla im achi tok.

52. Yohmi ma, Na holissochi aiyuka vba apelihchika isht im vlvchi kv, hatak chuka-chvfa pehlichia yosh nan im aia-sha ya nana kv himona, micha hopaki aiena ho ai ishit kohchi ka chomi hoke, im achi tok.

53. Atuk o yakohmi tok; Chisvs vt nan isht vlvhisa ilvppa puta ka ont taiyali mvt, kohchvt ia tok.

54. Atuk osh ilap i yakni ak inli ka vla mvt, i sinakak a nan ai im abahanchi; yohmi ma okla nukhlakancha mvt, Hatak ilvppvt nan ithana, micha na fehna aiena ka yvmihchi kv, katimak o ai im vlhtaha tok oh cho?

55. Ilvppvt chuka ikbi ya ushi keyu? ishki vt Meli hohchifo keyu? mikma itibapishi vhleha mvt Chemis, micha Choses, mikmvt Saimon micha Chutas aiena kak keyu?

56. Mihma in tek vhleha hv momvt hvpi takla maya keyu? Yohmi ka hatak ilvppvt katimak o nan ilvppa mo-ma ka ai im vlhtaha tok oh cho? achi tok.

57. Mihmvt yvmmak ash o okla isht ai ibetvbli tok. Yohmi kia Chisvs vt, Hopaii vt ik holitopo keyu hosh ahanta kia, ilap i yakni ak inli, micha ilap in chuka kak illa hoh chatuk oke, im achi tok.

58. Yohmi mēt okla nan ik i yimmo hatuk mak o yvm-mak atuk ma na fehna ka lauachit a yvmihchi tok keyushke.

CHAPTA XIV.

Chan Baptist vt nan ai ahli fehna hatuk osh Helot a nan i miha hoah aboha kvillo pit fohka, 1, 3 micha noshkobo tupa tok. 18 Chisvs vt praka lumbo tahlapi, micha neni tuklo aiena ho hatak tahlepa sipokni tahlapi ho ipeta tok. 23 Chisvs vt vba pit anumpula chi hoah neni chaha pit oiya; atuk osh ninak a mahli fehna ma ok-heta paknaka a nowvt nan im ai ithvna vhleha ha im ia; micha Pita yvt oka kvnia he tuk a okchalinchi. 34 Chisvs vt Kenesalet ona mvt, abeka puta tuk a hlakofichi.

1. YOHMI ma nitak yvma foka ma, miko Helot vt Chisvs vt annohowa ka, haklo tok.

2. Mihmvt in tishu vhleha hash o, Ilvppvt Chan Baptist mak oke; illi tuk vt falamvt tanishke: yohmi hatuk o na fehna puta kvv yvmmak atuk ma ai isht il otvnihinichishke, im achi tok.

3. Helot vt itibapishi Filip a tekchi Helotias ak atuk pulla mak o, Chan a hoklit, ishit takchi cha, aboha kvillo ya fohki tuk a tok.

4. Chan vt, Yvmmak oka ish itauwaya he chim vhpesa keyushke, im achi hatuk o.

5. Yohmi kak o yvma vbi benna kia, okla laua yak o i nukshopa tok: yvmmak oka hopaii, okla ahni hatuk oka.

6. Yohmi tuk kia Helot vt ai vta tok nitak a holitoblit maya ma, Helotias ushetik vt itikba ya a hihla ma, Helot vt yukpa tok.

7. Yohmi kak osh anumpa kvillo isht ai il onochi hosh nana ho asilhha hokma, ima hi vt miha tok.

8. Mihma ishki vt tikbanli i miha hatuk oka, Chan Baptist noshkobo vt amphuta chito fohka ho, ilvppak fehna ant is si ai vmashke, achi tok.

9. Mihma miko vt nukhaklo tok; yohmi nana kia anumpa kvillo atuk pulla, micha okla ibai-impvt maya tuk aiena hatuk mak o, yvmmak atuk ma ima hi a apesa tok.

10. Micha pit atohno na aboha kvlllo anukaka yak o Chan noshkobo ya a tubli tok.

11. Mihma yvmma noshkobo hvt amphvta chito fohka ho isht vla cha, ohoyo himita yash ima tok; mihma yvmmak ash osh ishki a isht im ona tok.

12. Yohmi ma nan im ai ithvna vhleha hvt haknip a ont ishi cha, hohpi mvt, ivt Chisvs a ont im anoli tok.

13. Chisvs ash osh haklo mvt, nan im ai ithvna vhleha bano ho ai itapihvt yvmma vttvt ia kv, peni vltot yakni haiaka yo ilhkoli tok; atuk o okla hvt yvmmak ash haklo mvt, aka itvnova hosh tvmaha puta ka ashvt okla pit iakai-ya tok.

14. Atuk o Chisvs vt kohcha cha, okla laua ya pisa mvt, i nukhaklo fehna cha, abeka im asha tuk a hlakofichi tok.

15. Atuk o opivt taha ma, nan im ai ithvna vhleha hash osh im ai vla mvt, Ilvppak okvt yakni haiaka yoke; mikma himak a shoba hosit tahvshke; okla laua ya pit ish tihleli na tvmahushi taloha ka ilhpak vpa chi kv okla a chum-pashke, achi tok.

16. Yohmi kia Chisvs ash osh, Okla ik aiyo mak kia, im-pa chi ka hvsh ipetashke.

17. Yohmi ma, Pvska tahlapi, micha nvni tuklo aiena illa hosh ilvppa pim ashvshke, okla im achi tok.

18. Mihma, Ilvppak o isht oh vm vla, achi tok.

19. Mihmvt okla laua yvt aka hvshuk ai om binohla chi ka apesa tok; mihmvt pvska tahlapi cha nvni tuklo aiena kash o ishi cha, vba pit vba-chakali mvt, ai okpvchi cha tushahlichit, pvska yash o nan im ai ithvna vhleha ha ima na nan im ai ithvna vhleha hash osh okla laua ya pit ipeta tok.

20. Mihma okla momvt impvt kaiya tok; mihma boshulli atampvt asha ka kishi alota auah-tuklo ho okla ishi tok.

21. Yohmi ka okla impa tuk vt, ohoyo vlla aiena kvto asha ho, hatak tahlepa sipokni tahlapi foka tok.

22. Yohmi ma mih mak inli ho Chisvs vt ilapvt okla laua ya tishelichi taklakma, nan im ai ithvna vhleha hvt peni pit abcha cha, tikba misha tvmvp a ilhkola chi ka i miha tok.

23. Micha okla laua yash tishelichit tahli mvt, vba pit anumpula chi hosh ilap illvt nvnih chaha yo pit oiya tok: atuk osh opirt taha ma ilap bano hosh yvmma anta tok.

24. Amba peni vto okhvt a iklvna ya, mahli ak osh a sanali hatuk o, oka banvtha ka takakanlit aya tok.

25. Atuk o ninak isht vhpisa ont isht ai ushtak fehna, Chisvs vt okhvt ha a nowvt ayvt im ona tok.

26. Mihma okhvt a nohovvt aya na nan im ai ithvna vhleha hvt pit pisvt, komunta mvt, Shilup oke, achi tok; mihmvt nukshopa cha, tahpvla tok.

27. Yohmi kia Chisvs ash osh ashalinka pit im anumpulit, Htchi nuktanla achukmashke; vno ash sia hoke; ik hvchi nukshopo kashke, achi tok.

28. Mihma Pita yvt afalaminchi mvt, Chitokaka ma! chishno ash chia hokmvt, oka ya a nowvt mayvt chim ona la hi a is sa mihashke, im achi tok.

29. Mihma, Minti, achi tok. Yohmi ma Pita yvt peni ash pit akowa mvt, oka ya a nowvt Chisvs a im ia tok.

30. Yohmi tuk kia mahli hvt kvlllo fehna ho pisa mvt, nukshopa tok; micha oka kvnivt ishtia mvt, tahpvlvt, Chitokaka ma! si okchalinchí, achi tok.

31. Yohmi ma Chisvs vt ashalika ibbak a pit welit halvli mvt, Na yimmi fehna keyu chia ma! nanta katiohmi ho chi anuktuklo tuk oh cho! im achi tok.

32. Atuk o peni a ant vltto ma, mahli hvt yokopa tok.

33. Yohmi ma peni anukaka maya tuk ash osh yvmmak oka ant aiokpahanchi mvt, Chishno ak osh Chihowa Ushi a chia ho mchlshke, achi tok.

34. Atuk o yvmmak ash o hlopulli mvt, Kenesalet yakni o okla ona tok.

35. Yohmi ma hatak yvmma asha tuk vt yvmmak ash o akostininchí mvt, inla tohnot yakni yvmma fullota ka mominchit pit tihleli na abeka yatuk vt momvt ai im ona tok.

36. Mihma im anchi aposhokvchi ak illa kia okla potola hinla ka im asilhha tok; yohmi ma laua kvv kaniohmi hosh potoli tuk okvt hlakofi aighli tok.

CHAPTER XV.

Chisvs vt na holissochi vhleha micha Falisi vhleha aiena kv̄t anumpa kochanli i nan v̄lhpisa puta kak o ahninchī kv̄t, Chihowa i nan v̄lhpisa puta ka i shahlichī ka nan i miha tok, 1: 11 micha nana puta nana hosh hatak a okpaiyani kv̄t asha ka anoli. 21 Chisvs vt Kenan ohoyo hō ushetik a hlakofichi, 30 micha okla laua kv̄t im ona na hlakofihinchī tok; 32 micha pvska lumbo untuklo, micha n̄ni chipunta kanomosi aiena hō hatak tahlepa sipokni ushta ka ipeta.

1. YUMOHMI ma na holissochi vhleha, micha Falisi vhleha aiena kv̄t, Chelusalem minti hosh Chisvs a im ai vla mvt,

2. Nanta katiohmi hō na chim ai ithvna vhleha hv̄t hatak tikba vhleha anumpa kochanli isht i nana v̄lhpisa ha tok a kobv̄fi cho? okla ibbak achifa keyu hosh pvska vpa kv̄t, achi tok,

3. Yohmi kia yvmmak ash osh afalaminchi mvt, Nanta katiohmi hō hv̄chishno mvt, Chihowa i nan v̄lhpisa ya anumpa kochanli chī nana v̄lhpisa ka isht hv̄sh kobv̄fi cho?

4. Chihowa yvt apihisa kv̄t, Chīki micha chishki aiena ka ish holitoblashke; yohmikma, Kv̄na hosh īki okmá, keyukmvt ishki okmá, nana hō na mihachikmvt, illi mak o illashke, achi tok oka.

5. Amba hv̄chishno vt, Kv̄na kia īki, keyukmvt ishki okma nana kash o vm isht ish aiyukpa he tuk a, Ūba-isht aiokpv̄chi oke, im achi: yohmi cha īki okmá, ishki okmá, nana ka ik holitoblo kia nan ik i kanihmo ka hi oke, hv̄sh achi.

6. Yohmi hosh Chihowa i nana v̄lhpisa ya anumpa kochanli chī nana v̄lhpisa ya isht hv̄sh ai okpv̄nichishke.

7. Nan-ilahobi hv̄chia ma! Esaias vt tikbanli nan isht hv̄chi anohonli hosh,

8. Okla ilv̄pvt itih hokv̄no a bilikasi isht vla mvt, itiv̄lbi ma ishit sa holitoblishke; yohmi kia chukv̄sh okv̄to auet a hopakishke.

9. Nana abvchi kvt hatak i nana vllhpisa yo ithananchi hokvt, nana vllhpesa keyut okla si aiokpahanchishke, achi tok, im achi tok.

10. Yohmi mvt okla laua yash o itahobi cha, Haklot, hvsh ithaiyanashke ;

11. Nana kvt itih hā pit chukowa kak osh hatak a okpni hō keyu : amba nana hv itih hā a kohcha, ilvppak osh hatak a okpni hoke, im achi tok.

12. Yohmi ma nan im ai ithvna vllhcha hash osh im ai ona cha, Falisi vllhcha hv anumpa ilvppa haklot issa mvt, ik im vllhpieso tuk a ish akostininchi cho ? achi tok.

13. Yohmi kia yvmmak ash osh afalaminchi mvt, Na holokchi moma kvt Aki vba binili hosh hokchi tok keyu hokvno, tehvt taha hi oke.

14. Ant ik maya, lva yosh lva pehlichī okla hoke : yohmi ka lva yosh lva ya ilauei kvt tuklot yakni kula ya pit kaha hi bano hoke, achi tok.

15. Yohmi ma Pita yvt afalaminchi mvt, Nan isht vllhpisa ilvppa achukmalit pim anolī, achi tok.

16. Mihma Chisvs ash osh, Hvchishno ak kia nana ik akostinincho kvt hvchi moma hato ?

17. Nana kvt itih hā fohka cha ia kvt takoba ya ont fohka tuk osh, anonti ont kohcha chatuk a, hvch ik akostinincho moma cho ?

18. Amba nana puta kvt itih hā akohcha hokvto chukvsh ak o a minti ; micha yvmmak osh hatak a okpni chatuk oke.

19. Chukvsh ak o im anukfila okpulo puta, hatak bika vbi, havi toba, ohoyo ik im iksho micha hatak ik im iksho it i lumaka puta, hukopa, anumpa ik ghlo isht atokoli, Chihowa ik ahobalot anumpuli puta kvt a toba hoka.

20. Ilvppa puta kak osh hatak a okpni hoke ; amba ibbak ik ahchifo yo isht impa hokvno hatak a okpni keyu hoke, achi tok.

21. Yohmi ma Chisvs vt yvmmak ash vttvt ia mvt, Taia micha Saiton aiena yakni i kaniohmi hō ona tok.

22. Mihma Kenan ohoyo hosh yvmmak inli hō vttvt aya

tuk vt vla cha in tahpula mvt, Chitokaka Lewi ushi chia ma! is sa nukhaklashke; svso-tek vt nan-isht-ahullo okpulo ai i foka isht issikkopa fehna hoke, achi tok.

23. Yohmi kia ilap vt anumpa achufa kia isht ik im afalamincho ki tok. Yohmi ma nan im ai ithvna vhleha hash osh ona cha, Tahpultv hvp iakaiya ka, kanompit ish chvffi-chashke, achit im asilhha tok.

24. Yohmi kia yvmmak ash osh afalaminchi mvt, Inla yokvno im aya li ha tok keyu; amba chukfvlhpoba tvmoa Israel in chuka-chufa ak a tok oke, achi tok.

25. Yohmi ma ohoyo hash osh mintit ant aiokpvchi mvt, Chitokaka ma! si apelvchi, achi tok.

26. Yohmi kia afalaminchi mvt, Ulla im pvska ya ishi cha, ofi puta ka pit ipeta he vlhpesa keyu hoke, achi tok.

27. Mihma yvmmak ash osh, Ahlishke, Chitokaka ma! yohmi kia ofi puta kvv boshulli osh im pushnayo im ai-impaa chilofa kvno vpa hoke, achi tok.

28. Yohmi ma Chisvs vt afalaminchi mvt, Ohoyo ma! na chi yimmi kvv chintoshke; chishno ish ai ahni tuk fehna mak o chim ai yvmohmashke, im achi tok. Mihma hvshi kanvlli vlhpisa yvmmak fehna ho ushetik atuk vt hlakofi tok.

29. Yohmi ma Chisvs vt yvmmak ash vtvt ia mvt, Kalili okhvta bilika yo ona tok; mihmvt nvni chaha yo pit oiya cha, yvmmak o binili tok.

30. Mihma okla chinto fehna kvv hanali okpulo, ik hoponayo, ik anumpolo, imomokpulo puta, mikmvt inla mvt laua ho il ai ishit im ai ona mvt, Chisvs iyi ituma ya ont ashachi tok; mihma yvmmak ash o hlakofichi tok.

31. Yohmi na okla laua kvv, ik anumpolo atuk vt anum-puli, imomokpulo atuk vt hlakofi, hanali okpulo atuk vt nowa, ik hoponayo atuk vt pisa aiena ho okla pisa mvt, nukhlakancha tok; micha Israel in Chihowa ak o okla aiokpahanchi tok.

32. Yohmi ma Chisvs vt nan im ai ithvna vhleha hash o hoyo cha, Okla laua si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke; yohmi hatuk osh nan ik po moma hokvno tishelichi la he

keyu, yemmak keyukma takla ya okla tikamba hinla hoka, im achi tok.

33. Mihma nan im ai ithvna vhleha hash osh, Yakni haiaka ya katimak o pvska laua ka il ahayuchi na okla chinto yohmi fehna kv̄t kaiya hinla cho? im achi tok.

34. Mihma Chisvs ash osh, Pvska yvt katohmi hō hvsh ishi hō? im achi tok. Mihma, Untuklo, micha nvni chi-punta kanomosi hosh aiena, im achi tok.

35. Yohmi ma okla laua yvt aka binohla hi a apesa tok.

36. Mihmvt pvska untuklo, micha nvni aiena kash o ishi cha, vba isht aiokpvchi mvt, tushtoli cha, nan im ai ithvna vhleha hā ima na nan im ai ithvna vhleha hash osh okla laua ya ipeta tok.

37. Mihma momvt okla impvt, kaiya tok: mihma bo-shulli atampvt asha ka kishi alota untuklo hō okla ishi tok.

38. Mihma okla impa tuk vt, ohoyo vlla aiena hokvto asha hō, hatak tahlepa sipokni ushta tok.

39. Mihma okla laua yash o tishelichi mvt, peni fohka cha, it̄t Maktala yakni a ona tok.

CHAPTA XVI.

Falisi vhleha hv̄t, Chisvs vt nan isht atokowa ya vba ya ai im otvni-cha hi a ahni, 1; 6 micha nan im ai ithvna vhleha hv̄t, *Falisi* vhleha hv̄t nana ithvnanchi ka i nuktahtvt ahah! ahna he i miha tok. 13 Pita yvt Chisvs a Chihowa okchaya Ushi, aiahnit yimmi kv̄t miha. 21 Chisvs vt iti-taiyukhvna ai illa he, atuk mvt nitak ont atochinakma falamvt tana he aiena kv̄t tikbanli anoli; 24 anonti Chisvs a im antia vhleha hv̄t okla ile kaiyanchi, mikmvt tikba na yukpa ai im vltoba he takanli kak o isht ai ilbvsha he mak o achi.

1. **F**ALISI vhleha micha Satusi okla aiena kv̄t ai vba cha, yemmak ash o imomaka pisa hosh nan isht atokowa ya vba ya auet ai im otvnicha hinla ka, im ahni tok.

2. Mihma afalaminchi mvt opiaka yokma, Shutik vt humma hoka, kocha yvt achukma chishke, hvsh achi.

3. Mikmvt onnahinli yokma, Shutik vt humma cha hosh-

ontichi fehna hokvt, kocha yvt okpula chishke, hvsh achi. Nan ilahobi hvchia ma! shutik pisa yosh kaniolmi hokvno hvsh akostininchi kv, anonti himak nitak isht ai vlpisa kvno hvch ik akostinincho ka hinla cho?

4. Hatak haksi micha havi aiena okla ash osh nan isht atokowa ya pisa ka ahnishke: yohmi kia nan-isht atokowa nana hosh im otvna he keyu; amba hopai Chonas a nan-isht im atokowa kak illa hi oke, im achi tok. Mihmvt yummak ash o isvt ia tok.

5. Atuk o nan im ai ithvna vhleha hv misha in tvnnvp a ona mvt, pvaska okla isha he tuk vt imihaksi tuk a tok.

6. Yohmi ma Chisvs ash osh, Falisi vhleha, micha Satusi vhleha aiena im pvaska isht-shatvmmi ya i nukthlv ahah! hvsh aiahnashke, im achi tok.

7. Yohmi ma yummak ash osh, Pvska kil esho kak oka, achit ilap bika it im anumpulit maya tok.

8. Mihma Chisvs vt yummak ash o akostininchi mvt, Na yimmi fehna keyu hvchia ma! na katihmi ho pvaska ya isht hvch ik ayo ke tuk ak osh isht it im anumpulit hvsh maya cho?

9, 10. Pvska tahlapi ho tahlepa sipokni tahlapi tuk a, kishi kanohmi ho hvsh ishi tok vt, micha pvaska yvt untuklo ho, tahlepa sipokni ushta tuk a, kishi kanohmi ho hvsh ishi tok aiena kv; hvch ik ithanot hvch ik akostinincho moma ho?

11. Katihmi ho Falisi vhleha, micha Satusi vhleha aien. im pvaska isht-shatvmmi ya ahah! hvsh aiahna he, yummvt pvaska imma yo isht hvch im anumpuli li tuk keyu ka hvch ik akostinincho cho? im achi tok.

12. Yohmi ma pvaska isht-shatvmmi hak o ahah! im ahna hi o i miha hatuk keyu; amba Falisi vhleha, mikmvt Satusi vhleha aiena nan-isht ai ithvnanchi ak atuk a okla akostininchi tok.

13. Atuk o Chisvs vt Sesalea Fillippi yakni a ona mvt, nan im ai ithvna vhleha im ponaklot, Hatak vto, Hatak Ushi sia ha, kvta ho si achi cho? achi tok.

14. Mihma, Kanimi kvto, Chan Baptist chia ho mihakma;

kanimi kvto, Elias; mikma inlaka yvto Chelemaias; keyuk-mvt hopaii a tok achvfona mak o chia ho miha hoke, achi tok.

15. Mihma, Amba hvchishno vto kvta ho hvs si achi cho? im achi tok.

16. Mihma Saimon Pita yvt afalaminchi mvt, Chihowa okchaya Ushi, Klaist chia mak oke, achi tok.

17. Mihma Chisvs vt afalaminchi mvt, Saimon Ba Chona chia hvt na chi yukpvshke: nipi micha issish aiena hosh yvmma chim otvnichi ho keyu hoka, amba Aki vba binili kak oke.

18. Yohmi ma anonti, Chishno vt Pita chia, yohmi ka tvli . ilvppak o an chvch atuk ma ai ikbit hilechi la hi oke: yoh-mikma aiokpuloka okhissa puta kvv yvmmak atuk ma ik imaiyacho ka he mak oke.

19. Michā vba apchlichika ishit-tiwa puta ka chishno ak o chima lashke: mikma nana ho yakni paknaka ya ish a takchi hoka, vba yakni ma a talakcha he: mikmvt nana ho yakni paknaka ya ish ai i hotofi hoka vba yakni ma ai i hotofa he mak oke, chim achi li akinlishke, achi tok.

20. Yohmi mvt ilap ak osh Chisvs Klaist mak atuk a hatak nana kia okla ik im anolo ka hi a, nan im ai ithvna vhleha hash kvlllochit i miha tok.

21. Nitak yvmma ai vhlit maya kak o Chisvs vt ilapvt Chelusalem a ona cha, hatak hochitoka vhleha, micha na holitompa isht asha pehlichī vhleha, na holissochi vhleha aiena ka nan isht im ai ilbvsha in laua he, micha illichī tuk ma, nitak ont atuchinakma falamvt tana he aiena ka nan im ai ithvna vhleha ha im anolit ishtia tok.

22. Yohmi ma Pita yvt ilauehit ishi cha, im alvmminchit ishtia mvt, Na yakohmi kvv chi mishemashke, Chitokaka ma! ilvppak okvt a chi yvmohma he keyu hoke, achi tok.

23. Yohmi kia yvmmak ash osh filema mvt, Pita yash o, Setan chia hvt vm ashaka yo ish hikiashke; chishno ak osh is si ataklvmmichishke: nana kvv Chihowa ya ahalaya kak o ish ahninchī keyu, amba nana kvv hatak o ahalaya hok mak bano hoka, im achi tok.

24. Yohmi mut nitak yvmma foka ma Chisvs vt nan im ai ithvna vhleha hash o, Hatak nana hosh siakaiya bvna hokmut, ile kaiyanchi cha, im iti-taiyukhvna ya sholi hosh siakaiyashke.

25. Kvna kia ilap im ilhfiopak a okchalinehi bvna hokvto, i kvnia hi oke: yohmikma kvna kia vno pulla hatuk mak o im ilhfiopak vt isht i kvnia hoh kia, ahayucha hi oke.

26. Hatak vt yakni a ai ila mominchi hosh ahanta na ilap imi shilombish ash osh i kvnia hokma, nanta ho ai-isht il aiyukpa hinla cho? yvmmak keyukmut hatak vt nanta ak o ilap shilombish a isht atobba hinla cho?

27. Hatak Ushi vt enchil vhleha ha pehlichich cha, Iki isht aholitopaka ya il aieshi hosh aya hi oka; yohmikmak osh hatak moma ka ilap nana akaniohmi tok aiyuka mak o isht im atobba hi oke.

28. Ahli mak o hvchim achi lishke, Ilvppa hiohmaya kv kanimi kv ik illo hosh ahanta cha, Hatak Ushi vt im apehlichika il aieshit minti ka, pisa hi vt asha hoke, im achi tok.

CHAPTA XVII.

Chisvs vt inlv toba, micha Moses Elias ita tuklo kv im vla na it im anumpuli, 1. 14 Chisvs vt nvni chaha vttv akowa mut, haiochichi tuk a hlakofichi; 22 micha illa he atuk mut falamvt tana he tikbanlit anoli. 24 Chisvs vt tvi holisso holitopa ka tempel a nan isht im ai atahla chi ho ima tok.

1. YUMOHMI tuk o nitak hannali ont ia ma, Chisvs vt Pita, Chemis, mikmut itibapishi Chan aiena ka ilap bano ho pehlichich cha, nvni chaha yo pit oiya tok.

2. Mihmut itikba ya ai inla tovt hikia tok; mihma nashuka yvt shohpakali kv hvshi ak o chiyuhmi ma, im anchi vt tohbi kv tommi hak o itilau tok.

3. Yohmi ma Moses micha Elias itatuklo hosh yvmmak ash ant it im anumpuli hosh im otvni tok.

4. Yohmi ma, Pita yvt anumpuli mut, Chitokaka ma! ilvppa il asha kv pim achukmvshke; vlvpesa ish ahni hok-

ma, iltpa vlhtipo tuchina ka il ai ikbashke; achvfa kv
chishno ak o chimmi hokma, anonti achvfa kv Moses ak o
immi hokma, anonti achvfa kv Elias ak o immi hashke,
Chists a im achi tok

5. Yvmmvt anumpohonli moma ho, hoshonti tohbi kv
ant o hoshontikachi tok; mihma anumpa hoshontika auct a
kocha kv, Iltpak osh Svso a holitopa yo, nan-isht a saf
yukpa fehna hoke; hvsh i haponaklashke, achi tok.

6. Mihma nan ithvna vhleha hash osh haklo mv, hlipvt
kaha cha, okla nukshopa fehna tok.

7. Mihma Chists vt vlv ant tebli mv, Ho tani; ik hvchi
nukshopa kashke, achi tok.

8. Yohmi ma okla vba chakali mv, hatak nana kia ik
peso, amba Chists ak illa tok.

9. Yvmohmi tuk o nvni chaha ya asht akowvt okla
minti ma, Chists vt yvmak ash o nan i mihvt, Nana hvsh
pisa tuk vt hatak nana kia hvch ik im anolo mak o, Hatak
Ushi vt illit falamvt tani hayashke, achi tok.

10. Mihma nan im ai ithana vhleha hv im ponaklot,
Yohmi ka katohmi ho na holissochi vhleha hv, Elias ak osh
tikba vla pulla he, okla achi cho? achi tok.

11. Mihma Chists vt afalaminchi mv, Elias ak osh tikba
vla cha, nan okluha ka falaminchit achukmalit taiyahla he
tuk o mvhi:

12. Yohmi ka Elias vt himonasi ak kia vla mashko hoke;
mihma yvma okla ik ithano cha, amba nana ho okla ahni
tuk mv, yvmak atuk ma i yvmihchi tok; yohmi ka Hatak
Ushi ak kia mih mak o, chiyuhmit im ai issikkopa chi hoke,
hvchim achi lishke, achi tok.

13. Yohmi ma Chan Baptist ak o yvmmvt isht anumpuli
hatuk a nan ithvna vhleha hv akostininchi tok.

14. Atuk o okla laua aiasha kash vlv taha ma, hatak
achvfa hosh im vla cha, ant i hvchukbihlept hikia mv,

15. Chitokaka ma! svso ha ish i nukhaklashke: yvmak
okvt haiochi atuk osh himonna luak a itatohonla fehna,
mikmv oka ma himonna oka itohonla fehna aiena hatuk
osh issikkopa fehna hoke.

16. Yohmi hō nan chim aiithvna vhleha hā isht im vla li tuk ā, okla hlakoficha he keyu tuk oke, achi tok.

17. Mihma Chisvs vt afalaminchi mvt, Na yimmi iksho, micha na shanaiya fehna okla hvchia ma! hvchi takla ahanta li katiohmi foka chī cho? nana ka isht ak hvchi ahno hō katiohmi foka chī cho? Ilvppak ō isht hvs svn vlashke, achi tok.

18. Mihmvt Chisvs vt nan-isht ahullo okpulo yā im alvm-mi ma, yvmmak ash a kohcha tok; yohmi ma vlla yash osh hvshi kanvlli vlpisa mih makinli hō hlakofi tok.

19. Yvmohmi tuk ō Chisvs vt ilap bano ma, nan ithvna vhleha hv im ona cha, Katiohmi hō pishro vto yvmma e kohcha he keyu tuk oh cho? achi tok.

20. Mihma Chisvs vt, Nan ik hvchi yimmo kak atuk oka; āhli mak ō hvchim achi lishke: Na yimmi kv msvstv nihi achvfa yak ō chohmi hosh hvchi nukfoka hatuk okmvt, nvni chaha ilvppa, Ilvppak atuk ma a kanvllit yvmmak ō ish onashke, hvsh im achi hoka, yvmvt kanvlla hinla hoke: mikma nana hosh hvchī na fehna hi vt iksho ka hinla hoke.

21. Yohmi kia ilvppa chohmi hokvt vba pit anumpuli, micha nahullochi aiena kak ō keyukma kohcha chatuk keyushke, im achi tok.

22. Atuk osh Kalili ā okla maya hō, Hatak Ushi ā ishit okla ibbak ā fohka chī hoke.

23. Yohmikma yvmmak ash ō okla vbi tuk ma, anonti nitak ont atuchinakma falamvt tana hi oke, Chisvs vt im achi tok. Yohmi ma okla nukhgklo fehna tok.

24. Yvmohmi tuk ō Kapenavm ā okla ai vla ma, vba isht ai okpvchi tvli holisso ā sholi vhleha hv Pita yā im ona mvt, Na hvch ithvnanchi vt vba isht aiokpvchi tvli holisso ā bohli chatuk keyu hō? achi tok.

25. Mihma yvmmak ash osh, Ahli; achi tok. Michā aboha yā ont chukowa ma, Chisvs vt tikbanli. Saimon vt katiohmi ish ahni cho? miko vhleha yakni pakna aiasha kv ilap im vlla yak okmā, keyukmut hatak inla yak okmā, nanta hō vlpoyak i nan vlpisa tvli holisso, micha nosh-

kobo chumpa teli holisso, aiena ka im a hoyo chatuk o? achi tok.

26. Pita yash osh, Hatak inla vhleha ha, im achi tok. Mihma Chisvs vt, Yohmikma im vlla yokvto yvmma ik abalayo ho tumvshke.

27. Yohmi kia kil ibetvblecho ka chi ka, ivt okhvta ona cha, nvni isht-vlbi ya pit okvchi; atuk osh nvni tikba kohcha ho ish ishashke: micha itakha ya ish wakovmmikmvt, teli holisso tushafa kvf foka na ish pisa chi hoke; yvmmak o ish ishi cha, vno, micha chishno, il ita tuklo isht vltoba mak o yvmma ont ish imashke, im achi tok.

CHAPTA XVIII.

Chisvs vt pim anukfila hvv akanlosa he, 1, 7 micha ilap i yimmi ahli vhleha hoka e shiteleva he'keyu ka pi miha: 12 anonti i yimmi vhleha ha i hullo kvf isht anoli mak osh chukvfhvpa kvnia isht apesv anumpuli: 15 micha itibapishi ikva ibafokha yatuk osh nana ka pim okpni hokma, il i kaniohma hi oka pi miha: 20 anonti kvna boh kia i bohchifo ha kaniha yo ai it afama ka ai ibafoka hi vt achi. 21 Chisvs vt hatak okvt nana ka ai it i kaniohmi hokvt, pev it i kahofa he tuk nan isht apesa hosh anumpuli.

1. YOHMI ma yvmmak fehna akinli ka nan ithvna vhleha hvv Chisvs a im ai vla mvt, Kvta hosh vba apelhlichika ya ibafoka kvf moma i shahli cho? achi tok.

2. Mihma Chisvs vt vlla iskitini o i howa cha, yvmmak ash intinlakla ya hilechi tok.

3. Mihmvt, Ahli ho hvchim achi lishke; Inlvv toba cha, vlla chipunta yo chiyuhmi ho keyukmvt, vba apelhlichika ya hvsh chukova he keyu hoke.

4. Yohmi hoka kvna hosh ile akanlosichi kvf vlla iskitini itppak o chiyuhmi hokmvt, mihi yosh vba apelhlichika ya ibafoka kvf moma i shahla hi oke.

5. Mikma kvna hosh vno a hohchifo hatuk mak o vlla itppa chohmi achvfa ka ahninchu hokmvt, vno ak o ahninchu hoke.

6. Amba kvna hosh a yimmi chipunta yakohmi achvfona

kia ibetvblichi hokmvt, yvmmak ash o ilap ak o tuli tanchi botoli osh ikunla ya atakanli ho, okhva ahofobi fehna yo ai oka illi hok mak osh im vhpiesa he tuk mak a hi oke.

7. Nan-isht-ai ibetvbli ak pulla tok mak o yakni vt nan i palvmmi hoke: nana ai ibetvbli okakanto kaniohmi kia ik takalo ka wa: yohmi kia hatak nana ho ai ibetvbli vt isht a tobtv minti hatuk okvno i palvmmi mak oke.

8. Yohmi hoka chibbak okma, chiya yokma, nana hosh chi ibetvblichi hokma, hokofit ish kanchashke; hanali okpulo, keyukmvt imomokpulo yokma, nana hosh ai okchaya ya ont ish chukowa kak osh ibbak vt tuklo, keyukmvt iyi yvt tuklo, kanima hosh luak ataha iksho ma ish itokvnia he tuk a chim i shahla hi oke.

9. Mikmvt chi nishkin vt chi ibetvblichi hokma, kohchit ish kanchashke; nishkin vt im achvfa hosh aiokchaya ya ont ish chukowa hok mak osh nishkin tuklo hosh aiokpulo-ka luak a ish itokvnia he tuk a chim i shahla hi oke.

10. Ahah! aiahnit chipota vhleha ilvppa achvfona kia hvch ik kanimancho kashke: yvmmak oka im enchil vhleha vba yakni aisha kv, Aki vba binili ka nashuka ya pisa na bilia hoke, hvchim achi lishke.

11. Hatak Ushi vt okpulot taha yak o okchalinya chi hosh aya hatuk oke.

12. Katiohmi hvsh ahi cho? Hatak vt chukfvlhpoba tahlepa achvfa hosh im asha tuk osh, achvfonvt yoshubvt kvnia ka, pokoli chakkali akocha chakkali kash ashachi cha, ivt yoshubvt kvnia tuk a hoyot, nvnihi foka ya hikikia chatuk keyu cho?

13. Atuk osh ahayucha he yoba tuk osh yohmi hokmvt, achvfa yvmma isht a na yukpa kv, yoshubvt ik tvmo ke tuk pokoli chakkali akocha chakkali ka im i shahli chatuk oke, ghli mak o hvchim achi lishke.

14. Yohmi ka chipota vhleha ilvppa achvfona kia okpulot taha hi a, hvch Iki vba binili kv ik ahno kv, yvmmak inli ho chiyuhmi hoka.

15. Yohmi ka ish itibapishi hv nana ka chim ashvchi hokma, ivt chishno, micha ilap hvsh ita tuklo bano ho nana

ai ashvchi tuk a ish im anolashke: chi haponaklo hokma, ish itubapishi hatuk a falaminchit ish im aiyubacha he mak oke.

16. Amba chi haponakla he keyu, yohmi hok mvno, himmakma achvfa, keyukmvt tuklokma, nana ho pehlinchit ish ia na nan anoli tuklo, keyukmvt tuchinakma nana itih ho anumpa puta mvt isht ai ahlashke.

17. Yohmikma yvmmak atuk ma i haponakla he keyukma, chvch a ish im anolashke: yohmi kia chvch atuk ma i haponakla he keyu hokmvt, yvmmak atuk mvt Chentail hatak, micha pnblikan aiena mak o chim ai itilauashke.

18. Ahli mak o hvchim achi lishke, Nana ho yakni pakna ya hvsh a takchi hoka, vba yakni ma a talakcha he; mikmvt nana ho yakni pakna ya hvsh ai i hotofi hoka, vba yakni ma ai i hotofa he mak oke.

19. Anonti hvsh tuklo hosh nana ka asilhha he imma ho yakni pakna ya hvsh ai it im achvfa hokma, Aki vba binili kvt ai im aighlicha he mak oke, hvchim achi lishke.

20. Kanima yo tuklokmá, tuchinakmá, nana hosh sa hohchifo ha isht ai itvnaha hoka, yvmma ai iklvnna hikia li hoka, achi tok.

21. Yohmi ma Pita yvt im ona mvt, Chitokaka ma! itibapishi li hvv katohmi ha yo vm ashvchi ka, i kashofi la hinla cho? untuklo haya hi o? achi tok.

22. Mihma Chisvs vt, Untuklo ha ya hi o ak chim achoshke: amba, Pokoli untuklo bat untukla hi oke, chim achi lishke, im achi tok.

23. Yohmi hoka vba apehlichika yvt miko yosh in tishu vbleha ha aheka i hotihvvt pisa bvna ho chohmi hoke.

24. Atuk osh i hotihvvt ishtia ma, achvfa hosh talent tablepa sipokni pokoli hosh aheka im asha tuk o, ilauelet im vla tok.

25. Yohmi kia isht atobba hi vt ik im iksho hatuk o, i shahli hash osh yvmvvt, tekchi, micha im vlla vbleha, mikmvt nan im asha tuk moma aiena kvt kvnia na aheka yvt vltoba hinla ka apesa tok.

26. Yohmi hatuk o tishu hash osh aka hlipia cha,

aiokpahanchi mvt, Chitokaka ma! is svmi svlaha hokma, mominchit chim atobbi lashke, achi tok.

27. Yohmi ma tishu yvmma i shahli yatuk vt i nukhaklo cha, i hotofi mvt, aheka atuk a i kashofi tok.

28. Yohmi tuk kia tishu yvmmak ash inli kvv kohchvt ia mvt, tishu ilapa ai itilau yvt achvfa hosh, aheka iskvli tahlepa achvfa hosh in takanli hatuk a ont pisa tok: mihmvt yvmmak ash o hoklit ishi cha, nukthliffi mvt, Aheka chin takali kvv is svm atobbashke, achi tok.

29. Mihma tishu itilau yatuk ash osh iyi ituma aka ya hlipia cha, Is svmi svlaha hokma, mominchit chim atobbi lashke, achit im asilhha tok.

30. Yohmi kia vhpesa ik ahno ki tok: amba aheka ya atobbi pulla chi mak o, yvmmak ash o aboha kvvlo pit fohki tok.

31. Yohmi ma tishu bika vhleha hvv nana kvv yvmohmi na pisa mvt, okla nukhaklo fehna cha, hvv nana a kaniohmi tuk a mominchit i shahli ha okla ont im anoli tok.

32. Yohmi tok a i shahli hatuk vt yvmmak ash o pit hoyo cha, Tishu haksi chia ma! chishno vt is svm aiahni ma, aheka yvmma mominchit chi kashofi li tuk.

33. Yohmi ka chishno ak kia tishu chi bika ya ish i nukhaklo kvv, vno vt chi nukhaklo li tuk a, ish chiyuhma he tuk keyu cho? im achi tok.

34. Mihmvt i shahli hatuk vt anukhobela mvt, aheka in takanli tuk vt, mominchit atobbi pulla chi mak o, issikkopali vhleha ha im issa tok.

35. Yohmi ka hvchishno hvsh moma kvv hvsh itibapishi nana ai ashvchi ya hvchi chukvsh ak o isht hvsh i kashofi keyukma, yvmmak inli ho ohmichit Aki vba binili kvv hvchi yvmihcha he akinli hoke, achi tok.

CHAPTA XIX.

Falisi vhleha hvv Chisvs a nan im ponaklo ma, Chisvs vt afalaminchi mvt, a hatak vt tekchi iti kvnia ka ik vhpeso ka miha, 8. 13 Chisvs vt vlla chipunta hoka ibbak a onochi cha, vba isht anum-

puli. 16 Chisvs a hatak himita yosh, Nantak o katiohmi li kak osh ai okchayvt bilia yoka ona la hinla cho? im achi ma, Chisvs vt isht im anumpuli: 23 nan in laua yvt ai okchaya yoka palvmmi ho chukowa he achi: 27 anonti ilap i yimmi ghli vhleha ha yukpala hi vt miha.

1. ATUK o yakohmi tok; Chisvs vt ilvppa puta ka ahanchit tahli mvt, Kalili a vttvt ivt, Chatan misha Chutea yakni ai vhli ho ona tok.

2. Mihma okla chito yvt iakaiya tuk o, yvmmak o a hlakofohlichi tok.

3. Mihma Falisi vhleha hak kia im ai vla cha, yvmmak ash o imomaka pisa hosh, Nana hosh a kaniohmi mak inli ho hatak vt tekchi a kancha hi vt im ai vvhpesa hoh cho? im achi tok.

4. Mihma yvmmak ash osh afalaminchi mvt, Ummona hokvno yvmma ikbi hokvt, nakni micha tek itatuklo ho ikbi tok.

5. Mihmvt, Ilvppa pulla hatuk mak o hatak vt iki micha ishki aiena ka issa cha, tekchi ak o it asitia hi oke: yohmikma tuklo yvmmak atuk vt haknip achvfa hi oke; achi tok bolisso ha hvch ik it im anumpulo chatuk oh cho?

6. Yohmi hoka yvmmak okvt himmakma tuklo mak a hi o keyu, amba haknip achvfa hoke. Yohmi hoka Chihowa hosh nana ka ita halvllichi ha ya, hatak vt ik iti filvmmicho kashke, im achi tok.

7. Mihma okla hash osh, Yohmi ka katiohmi ho iti kvnia bolisso ha ima cha, ohoyo ha kancha hi a, Moses vt apesa tok oh cho? im achi tok.

8. Mihma, Hvchi chukvsh vt kullo pulla hatuk mak o, hvchi tekchi hvsh kancha hi a, Moses vt hvchim ahni tok: amba ummona a mihinti kvno yohmi tok keyushke.

9. Yokmi kia vno vt, Kvna hosh tekchi a inla itinlumaka tak keyu ho, kanchi cha, inla itauwaya hokmvt, havi toba mak oke: mikma ohoyo kanchi tuk ash o kvna hosh itauwayakmvt, havi toba hoke, hvchim achi lishke, im achi tok.

10. Mihma nan im ai ithvna vhleha hash osh, Hatak vt

tekchi a isht im a yakohma hinlakma, itauwaya ka achukma keyushke, im achi tok.

11. Yohmi ma yvmmak ash osh, Hatak moma kv̄t anum-pa ilv̄ppa aiokpv̄cha he keyu, amba kv̄na h̄o isht ai im v̄lhpe-sa ak illa hinla hoke.

12. Kanimi kv̄t ishki ikfoka an̄ka ak̄ inli h̄o yohmi hosh atobvt v̄tta tuk yunv̄k vt āsha; mikma kanimi kv̄to hatak osh yunv̄k ikbi tok o, yunv̄k vt āsha: yohmi ma kanimi kv̄to v̄ba apehlichika pulla hatuk mak o, ilap inli hosh yunv̄k il ikbi tok vt, yunv̄k vt āsha hoka. Kv̄na hosh ilv̄ppa aiokpv̄cha hinlakmvt aiokpv̄chi mak inlashke, im achi tok.

13. Yv̄mma foka ma yvmmak atukma ibbak a v̄lla chi punta ya isht umbitepa cha, v̄ba pit anumpula chi ka isht in ai v̄la tok: mihma nan ithv̄na v̄hleha hv̄t okla h̄a im alv̄mmin chi tok.

14. Yohmi kia Chisvs vt, Ulla chipunta yvt v̄m v̄la hi a hv̄sh im ahni cha, hv̄ch ik im alammo kashke: ilv̄ppa chiyuhmi kak osh v̄ba apehlichika mak oka, achi tok.

15. Mihmvt yvmmak ash o ibbak a isht umbitepvt tahli mvt, yvmmak ash a kohchvt ia tok.

16. Yohmi tuk o achv̄fa hosh ayvt ona mvt, Nan ithv̄nan-chi achukma ma! ai okchayvt bilia yoka pisa la hi v̄to nana achukma nanta hak o yvm̄ohmi la hinla cho? im achi tok.

17. Mihma yvmmak ash osh, Katiohmi h̄o achukma is si achi cho? achukma kv̄t iksho h̄o amba achv̄fa illa, yvm̄mvt Chihowa ak oke: yohmi kia ai okchaya yoka ont ish chukowa he ish ahni hokmvt, nan v̄lh̄pisa puta mak o ish holitoblashke, im achi tok.

18. Mihma, Katima kak o? im achi ma, Chisus vt, Kv̄na kia chik bo kashke, Chik itinlumako kashke, Chik hv̄kopo kashke, Anumpa ik āhlo isht atokolit chik̄ anto kashke.

19. Ch̄iki micha chishki aiena ka ish holitoblashke: mikmvt, Chin chukapanta hatak a ish holitobli kv̄t, chishno akinli ka chim itilauashke, achi tok.

20. Hatak himita yash osh, Ulla sa tomba mak inli hosh nana ilv̄ppa moma ka holitoblit isht mihinti li tok mak oke: nanta hosh ik sv̄m ono moma cho? im achi tok.

21. Mihma Chisvs vt, Aiahli kak o ish ahni hokmvt, ia cha nan chim gsha ka kampilt, ilbusha vhleha ha ish i hopelashke; yohmikmvt na holitompa kvv vba yakni ya chin tonla he mak oke: mikmvt ish la cha, ant is siakai-yashke, im achi tok.

22. Yohmi kia hatak himita yash' osh anumpa yvmma haklo mvt, nan in laua fehna hatuk okvt, nukhaklo fehna hosh kanvllit ia tok.

23. Yohmi ma Chisvs vt nan im ai ithvna vhleha hash o, Ahli mak o hvchi miha lishke, Hatak nan in laua yvt vba apelhichika ya palvmmi ho chukowa hi oke.

24. Mikma anonti, Kamel vt chofak ushi nishkin a hlo-pulli ka palvmmi kvv, hatak nan in laua yosh Chihowa apelhichika pit chukowa hokvno, ik lauwo ka he hvchim achi lishke, achi tok.

25. Mihma nan im ai ithvna vhleha hvv okla haklo mvt, nukhlakancha fehna tok: mihmvt, Yohmikma kvv hosh okchaya hinla cho? achi tok.

26. Yohmi kia Chisvs vt yvmmak ash o atokolit pisa mvt, Hatak okvno ilvppvt yohma he keyu, amba Chihowa hokvno nan okluha kvv yohma he bano hoke, im achi tok.

27. Yohmi ma Pita yvt afalaminchi mvt, Yakeh! pishno vt mominchit il issa cha, e chiakaiya tuk; yohmi kvv nanta hak o il isha chi cho? im achi tok.

28. Mihma Chisvs vt, Ahli mak o hvchi miha lishke; Si apelv hvsh itvnowa tuk vt, nan okluha kvv himonvt tobak-ma, Hatak Ushi yvt im aholitopaka ya aiasha holitopa ai om binilikma hvchishno ak kia aiasha holitopa auah tuklo ka hvsh a chievvt, Israel oklushi auah tuklo ka na hvchim apesa hi oke.

29. Yohmikma chuka puta, mikmvt itibapishi vhleha, micha in tek vhleha, keyukmvt iki okma, ishki okma, tekchi okma, keyukmvt vlla yokma, yakni okma, nana ho sa hoh-chifo pulla hatuk mak o issvt aya tuk vt momvt yvmmak atuk a ohmi tahlepa achvfa ka pisa tuk mvt, anonti ai okchayvt bilia ma iesha he mak oke.

30. Yohmi kia tjkba tuk vt ont ishtaiyopa hi vt lauakma, anonti ishtaiyopi atuk vt tjkba hi vt asha hi oke.

CHAPTER XX.

Na pilea vhleha hvt nitak achvfa ka hvshi kanvlli vlpisa ilaiyuka hq pakvpi a holokchi ilhkoli tok nan isht vlpisa. Nan isht vlpisa ilvppak q Chisvs vt ilap im antia vhleha aighli ka ai ilaiyukachit im atobba hi vt ai isht apesa, 1. 17 Chisvs vt anonti illa chi vt tikbanlit anoli; 20 mihma Sebete ushi ishki vt Chisvs a nan im asilhha, mihma afalaminchit i miha. 30 Chisvs vt hatak lypa tuklo hq hopokoyochi.

1. ŪBA apelihchika yvt, hatak chuka-chvfa pehlichu osh i pakvpi aholokchi a toksvla chi ka, tohna chi hosh onnahinli fehna ia hq, chohmi hoka.

2. Atuk osh yvmmak ash osh ilhtohno vhleha hq nitak achvfa ka iskvli achvfa chi hq it im apesa cha, pakvpi aholokchi a pit tihleli tok.

3. Atuk osh hvshi kanvlli vlpisa ont atuchina foka hq kohchvt aya mvt, inla yvt nan-isht vtta ik im iksho hosh ilhpak a kanchi a hiohmaya na pisa tok,

4. Mihmvt yvmmak ash q, Hvchishno ak kia pakvpi aholokchi a pit hvsh abehashke; atukma kaniohmi kak osh ai vlpesakma, hvch ima lashke, im achi na okla ilhkoli tok.

5. Atuk q anonti hvshi kanvlli vlpisa isht hannali, mikmvt ont isht chakkali aiena ka kohchvt aya mvt, yvmmak ash inli hq chohmichi tok.

6. Atuk osh hvshi kanvlli vlpisa isht auah achvfa foka hq kohchvt ia mvt, anonti inla yvt nan-isht vtta ik im iksho hosh hiohmaya na pisa cha, Katiohmi hq nan isht vtta ik hvchim iksho hosh hvsh hiohmaya na shoyubi cho? im achi tok.

7. Mihma yvmmak ash osh, Amba hatak nana kia nan ik pi tohno kvno, im achi tok: mihma yvmmak ash q, Hvchishno ak kia pakvpi aholokchi a pit hvsh abeha ak inlashke; atuk ma kaniohmi kak osh ai vlpiesakma, mih mak q hvsh ishahke, im achi tok.

8. Yvmohmi tuk o ont opivt taha ma, pakvpi aholokchi in talaia atuk ash osh nan im apesvchi ashq, Na pilesa vhleba ha i howa cha, vlhtoba ha ima: ishtaiyopi tuk ak o ai ishtia hosh tikba tuk a ont ish tahlashke, im achi tok.

9. Atuk o hvshi kanvlli vlhpisa ont isht auah achvfa foka ho tohno tuk ash o okla ai vla mvt, hatak achvfa kvv iskvli achvfa aiyuksa ho ishi tok.

10. Amba tikba tuk vto ai vla mvt, i shahli ho okla isha chi kvv im ahoba tok: atuk o yvmmak ash kia hatak achvfa kvv iskvli achvfa aiyuksa ho ishi tok.

11. Micha yvmma okla ishit tahli mvt, chukachvfa pehlichu hatak ash o nanumachit maya mvt,

12. Ishtaiyopi tuk yakohmi kvto hvshi kanvlli vlhpisa achvfa illa ho toksvli tuk a pishno nitak lvshpa ho toksvli kvv ka isht il ahanta tuk a, ish pi ai itilauechishke, achi tok.

13. Yohmi kia afalamiuchi mvt, achvfa ho, A kana ma! nan ik vlhpesa nana ho a chi yvmohmi li keyushke: chishno vt iskvli achvfa hi o il it im apesa tuk keyu?

14. Chimmu mak o ish ishi cha, ish iashke: ishtaiyopi tuk ilvppak kia chishno a it ilauechit ima la chi hoke.

15. Uno vmmu hatuk vt vno nana aiahu li hosh kanimihchi la hi vt vm vlhpesa keyu? vno ak osh si achukma kak o, chi nishkin vt ik vlhpesa hoh cho? achi tok.

16. Yohmi ka yvmmak inli ho chiyuhmit ishtaiyopi tuk vt tikbakma, tikba tuk vt ishtaiyopa hi oke; im annoa bokvto laua; amba vlhtoka kak osh achafoka hoka, achi tok.

17. Atuk osh Chisvs vt Chelusalem a ia hosh aya mvt, takla ya nan im ai ithvna vhleba auah tuklo kash pehlichit naksika isht ona mvt,

18. Inta! Chelusalem a, iloh ivshke; yohmi ka Hatak Ushi ishit na holitompia isht asha pehlichu vhleba, mikmvt na holissochi vhleba aiena ka ibbak fohkikma, yvmmak ash osh illa hi a okla im apesa chi hoke.

19. Yohmikma yvmmak atuk ma ishit yopula chi, micha fvmmi, mikmvt ititaiyukhvna ahonvlichit vbi aiena chi

mak o, Chentail okla hq ibbak fohka chi hoke: yohmi tuk kia nitak ont atuchinakma falamvt tana chi hoke, im achi tok.

20. Yohmi ma Sebeti ushi vhleha ishki osh ushi a pehlinchit im ona cha, aiokpahanchi kv, nana achvfa hq im asilhha tok.

21. Mihma ohoyo hash o, Nanta hak o ish aiahni hoh cho? im achi ma, yummak ash osh, Svso tuklo ilvppvt ish apehlichika ya achvftv chibbak isht-impakimma ya ont a binilikma, anonti achvfa kv vlhfvbekimma ya asha hi a ish im apesashke, im achi tok.

22. Yohmi kia Chisvs vt afalaminchi mv, Nana hq hvsh asilhha hokvt hvsh akostininchi keyushke. Hvchishno vt isht-ishko ai ishko la chi, yvmma hvsh ai ishka hinla cho? anonti baptismo isht a sa baptismo ka isht hvchi baptisma hinla cho? im achi ma, yummak ash osh, Pi yvmohma hinla hoke, im achi tok.

23. Mihma yummak ash o, Vm isht-ishko yoka hvsh ai ishka chi ho mvhli; mikmv baptismo isht a sa baptismo ka isht hvchi baptisma chi ho mvhli hoke; yohmi kia svbbak ishtimpakimma, micha vlhfvbekimma aiena aiasha hokvno vno yosh ima la hi o keyu, amba Aki vt kvna hq im atahli tok mak illa hi oke, achi tok.

24. Yohmi ma pokoli kash osh haklo mv, itibapishi tuklo kash o isht ik i yukpo.fehna tok.

25. Yohmi kia Chisvs vt yummak ash o i howa mv, Chentail miko vhleha hv ai i shahlit pehlich chatuk, mikma i hochitoka vhleha hv nana im ai vlhpesa hatuk osh im ai yvmihchi chatuk a hvsh ithaiyanvshke.

26. Amba hvchishno yokvno ai yvmohma he keyushke: amba kvna hosh ai i shahlit hvch itintakla ya anta bvna hokmv, yummak osh hvchin tishu hashke.

27. Mikma kvna hosh holitopa i shahli bvna hosh hvchi itintakla ahantakmv, yummak osh nan isht hvchim vtta yashke.

28. Hatak Ushi vt ilapo ak o nan isht im vtta chi hq aya ha tok keyu: amba nan isht vtta chi, mikmv laua hq ilap

im ilhfiopak a isht chumpa chi aiena hosh aya tok a, mih mak o hvsh chiyuhmashke, achi tok.

29. Yohmi ma Cheliko a asht ilhkoli ma, okla laua fehna kv ymmak ash o iakaiya tok.

30. Atuk o hatak lupa tuklo kv hina lapalika yo chiya tuk osh, Chisvs vt ont ia ho haklo mvt, pit tahpulvt, Chitokaka Lewi ushi chia ma! ish pi nukh^hklashke, achi tok.

31. Yohmi ma okla laua yash osh, yvmvvt nukchinta chi ka, im alvmmi tok; yohmi kia yvmmak o i shahlichit tahpulvt, Ish pi nukh^hklashke, Chitokaka Lewi ushi chia ma! achi tok.

32. Mihma Chisvs vt lumvt hikia cha, yvmmak ash o pit i howa mvt, Nanta hak o a hvchi katimichi la he a hvsh aiahni cho? achi ma,

33. Pi nishkin vt fatuma he ak oke, Chitokaka ma! im achit okla tok.

34. Yohmi ma Chisvs vt i nukh^haklo cha, nishkin ash pit potoli tok: yohmi ma mih mak inli ho nishkin ashot fala-mrt pisa ma, yvmmak ash o iakaiyvt okla tok.

CHAPTA XXI.

Chisvs vt kaniohmi hosh Chelusalem a chukowa, 1; 12 anonti na-chumpa v^hleha, micha na-kanchi v^hleha aiena ka tempel a a kocha weli. 18 Michi iti v^hhpoba fik achi nan ik vno a bvshit illa he im ahni; mikmvt na yimmi micha anumpa ilbvsha anumpuli aiena ka nan isht im aighli ka ya pim anoli. 23 Kanimi kv nan isht ai v^hhpesa nana ho isht ai yvmohmi hatuk a a ponaklo tuk kia, yvmmak ash o Chisvs vt im a tvblich, 28 micha hatak ushi tuklo, 33 micha na-pilesa v^hleha pakvpi a holokchi i pota tuk nan isht apesa hosh Chu okla nan im ai ashvchi a isht otnichi.

1. YUMOHMI tuk o Chelusalem pit bilika okla onvt Alif nvnih Betfachi ak o ai ona ma, Chisvs vt nan ithvna tuklo ho pit tihleli tok.

2. Mihmvt, Tvmahushi hvchi chapaka auet talaia ka hvsh onashke; yokmikmvt mih mak inli ho issuba hakso-bish falaia ushi ilaneki kv asinta ho hvsh pisa chi hoke: yvmma hvsh i hotofi cha, isht hvs svm vlashke.

3. Micha kva kia nana ka hvchim achi hokma, Chitokaka yak osh bvna hatuk oke, hvsh im achashke: yohmikma mih mak inli hō auet pila chī hoke, im achi tok.

4, 5. Hopaii vt anumpohonlit, Saion ushetik a, yakeh! chī miko chukvsh yohbi achukma, issuba haksobish falaia a toba tok issubushi haksobish falaia yō om binili hosh ayvt chim vlvshke, hvsh im achashke, achi tok a ont aighla chī mak o ilvppa moma kv̄t a yakohmi tok.

6. Mihma nan ithvna yash osh itiachi mv̄t, Chisvs vt i miha tuk mak o ont yvmohmit okla tok.

7. Micha issuba haksobish falaia, mikmv̄t ushi aiena kash o isht vla ma, im ilefoka ya om pullit tahli cha, yvmmak ash o okla om binilichi tok.

8. Yohmi ma okla chinto fehna hosh hina ya im anchi a okla pulli tok; kanimi mv̄to iti naksish o vmot hina ya pulli tok.

9. Yohmi ma okla chito tikba itvnowa tuk, mikmv̄t iakai-ya aiena kash osh, tahpv̄lt, Lewi Ushi a Hosanna im ahanchashke. Chitokaka i hohchifo hō il ai eshi hosh aya hokvt hovitopa mak oke. Shutik tv̄bokaka fehna ma, Hosanna ai ahanchashke, achi tok.

10. Atuk o Chelusalem a ant chukowa ma, tv̄maha hash osh momv̄t nukhlakancha mv̄t, Ilvppv̄t kv̄ta hoh cho? achi tok.

11. Mihma okla laua yash osh, Ilvppak osh Kalili yakni Nasalet a i hopaii Chisvs mak oke, achi tok.

12. Yohmi ma Chisvs vt ivt Chihowa in tempel a ont chukowa mv̄t, tempel anykaka ya nana a kanchi, micha a chumpa aiena maya tuk ash mominchit kocha pit tihleli mv̄t, ai impa tv̄li holisso ai itatoba puta, mikmv̄t pv̄chi vlv-poba akanchi abinohli aiena kash halvllit filemohlit kinahlichī tok.

13. Mihmv̄t, Ūm aboha hv̄t vba pit ai anumpuli chuka yō hohchifa he, achi hosh holisso tok; yohmi kia hv̄chish-no vto na-hykopa vhleha in chuka yō hv̄sh ikbishke, im achi tok.

14. Mihma lva, micha hanali okpulo puta kv̄t tempel anykaka ya im ai vla ma, yvmmak oka hlakofichi tok.

15. Mihma na holitompa isht asha pehlichí vhleha, mi-cha na holissochi okla aiena kvt, yummvt na fehna puta ka yvmihchi, mikma tempel anukaka ya vlla vt Lewi Ushi a Hosanna im ahanchashke, achi aiena ka pisa mvt, okla isht ik i yukpo fehna tok.

16. Mihmvt yummak ash o, Ilvppvt nana achit maya ka ish haklo cho? im achi tok; Mihma Chisvs vt, Yau, vloši mikmvt pishi puta itih ha Chihowa hvt a holitopa he ish apesa tok achi holisso ka, himonna kia hvch ik it im anum-pulo chatuk oh cho? im achi tok.

17. Mihmvt yummak ash o issvt tumaha a kohchvt ia mvt, Betani a ona cha, yummak o ont nusi tok.

18. Atuk osh onnahinli ma falamvt tumaha ia hosh aya mvt, hohehvfo tok.

19. Micha fik vpi vt tikba ya hikia na pit pisa mvt, yummak ash o ona; yohmi kia nana kia takanli na ik ahayucho; amba hishi ak illa tok; mihmvt, Himak a pilla ma nitak na-na vni yvt ik chi a tobo kashke, im achi tok. Mihma chekosi mak inli ho fik vpi vt bvshit taha tok.

20. Yohmi ma nan ithvna yvt pisa cha, okla okokko! aiahni mvt, Chekosi fehna ho fik vpi vt bvshit taha chá, achi tok.

21. Mihma Chisvs vt afalaminchi mvt, Ahli mak o hvchi miha lishke, Na yimmi kvt hvchi anukfoyuka, miha ik hvchi nukwiyo hokmvt, fik vpi nana a kanimihchi ilvppak bano ho hvsh yvmihcha hi o keyu, amba, Nvni chaha ilvppa kanellit ivt okhvta hak o pit ish okvtulashke, hvsh im achi aienakma, yvmohma hinla hoke.

22. Micha hvchi yimmi hosh nan okluha ka nana ho anumpa ilbvsha isht hvsh asilhha hokvt, hvsh isha hi oke, im achi tok.

23. Atuk osh tempel a ona cha, nan ithvnanchi hosh ahanta ma, na holitompa isht asha pehlichí vhleha, mikmvt okla i hochitoka vhleha aiena kvt im ai vla cha, Nan isht ai vlhpesa nanta mak o ilvppa puta ka isht ish yakohmichi cho? miha kvta hosh nan isht ai vlhpesa ilvppa chima tok oh cho? achi tok.

24. Mihma Chisvs vt afalaminchi mvt, Uno ak kia nan achvfa ka a hvchim asilhvchi lashke; yvmmak o hvs svm anoli hokma, vno vt yvmmak inli ho chohmit nan isht ai vlpesa nana ho ilvppa puta ka ishit yakohmichi li hatuk vt hvchim anoli lashke.

25. Chan i baptismo vt katimak o a minti ha tok oh cho? vba yakni okmá, hatak okmá, nanta ha tok oh cho? im achi tok. Yohmi ma, Uba yak o minti ha tok: il achi hokma, Yohmi kak o katiohmi ho yvmma hvch ik i yimmo ke tok oh cho? pim acha hinlvshke.

26. Yohmi kia moma kvv Chan a hopaii o okla ahni hatuk oka, Hatak ak a tok: achi kvv okla ha il i nukshopvshke, achit ilap bika it im anumpulit maya tok.

27. Micha Chisvs ash o im afalaminchi mvt, Kil ithanoshke, im achi tok. Mihma yvmmak ash osh, Yohmi ka vno ak osh nan isht ai vlpesa nana ho ilvppa puta ka isht yakohmichi li hatuk vt ak hvchim anoloshke, achi tok.

28. Yohmi kia katiohmi ho hvsh ahni cho? Hatak achvfa hosh ushi vt in tuklo tok; atuk osh tikba yash o, Svso ma! himak nitak a a pakvpi a holokchi a ont ish toksvslashke, ont im achi tok.

29. Mihma afalaminchi mvt, Yohmi la he ak ahnoshke, achi tok: yohmi tuk kia i himmakma inlanchit anukfilli cha, ia tok.

30. Yohmi ma anonti atukla kash yvmmak inli chohmi ka ont i miha tok. Mihma afalaminchi mvt, Ia lashke, a shahli ma! achi; yohmi tuk kia ik aiyo ki tok.

31. Tuklo yvmvvt katimampo kak osh iki nan aiahni tuk a yvmohmi tok oh cho? im achi tok. Mihma, Tikba yatuk á, im achi tok. Mihma Chisvs vt, Ahli mak o hvchim achi lishke, Publikan vhleha, micha havi puta kvv hvchi tikba Chihowa apehlichika ya pit abehija hoke.

32. Chan vt ai vlpiesa ataya mak osh hvchim vla ka, yvmma hvch ik i yimmo tok: yohmi kia publikan vhleha, micha havi puta kvto i yimmi tok: mihma hvchishno vt yvmmak atuk ma hvsh pisa ha yvt, yvmma hvchi yimma hi vt i himmak a inlanchit hvch ik anukfillo tok, im achi tok.

33. Nan isht vhpisa inla ka hvsh haklashke; Hatak chuka-chufa pehlichi achufa hosh pakvpi a hokchit tahli cha, kvti apushi isht a holitvchit apakfobli mvt, oka-paki ai vhtto a yvmma anvkaka ya a kulli cha, chuka chaha ya ikbit tahli mvt, hatak na pilesa vhleha hq pota cha, yakni hopaki hq ia tok.

34. Atuk osh nan vni waya ai ona hosi ma, yvmmak ash vni waya ka ont isha chi hq, in tishu vhleha hq hatak na pilesa vhleha hash pit ia tihleli tok.

35. Atuk o hatak na pilesa vhleha hv in tishu vhleha hash o hoklit ishi cha, achufa ka boli mvt, anonti achufa ka vbi cha, anonti achufa ka tvli isht boli tok.

36. Atuk o anonti inla laua kv tikba atuk a i shahli hq pit tihleli tok: yvmmak ash kia yvmmak atuk mak inli hq okla itilauechi tok.

37. Yohmi kia ont ishtaiyopi fehna ma, Svso hq holitobla chi hoke, achi mvt, ushi ak o pit i pila tok.

38. Yohmi tuk kia hatak na pilesa vhleha hash osh ushi ash o pisa mvt, Ilvppak osh immi mak oke: kiloh vbi cha, immi yatuk a kiloh ai ishi, ilap bika it im achi tok.

39. Mihmvt yvmmak ash o okla iti hoklit pakvpi a holokchi a ishit a kohchi cha, vbi tok oke.

40. Yohmi ka pakvpi a holokchi immi atuk vt onak-mvt, hatak na pilesa vhleha yvmmak atuk a nanta hak o katimibcha hinla cho? im achi tok.

41. Yohmi ma, Hatak haksi vhleha yvmmak atuk ma isikkopalit tmoli cha, pakvpi a holokchi yash hatak na pilesa vhleha inla yvto ont ai vhpiesakma na waya ka ihima he fehna hq, i pota he mak oke, im achi tok.

42. Mihma Chisvs vt, Tvli yvmma chuk-ikbi vhleha hv shitlema yash o, yvmmak ash fehna hosh chukbika nutaka in tola holitopa i shahli hq tobvshke: ilvppa Chihowa hosh yvmibchi hq, pi nishkin a i na fehvshke, achi ka Baibil a himonna kia hvch ik ai it im anumpulo chatuk oh cho?

43. Yohmi hoka Chihowa apchlichika ya mokofit hvchim ai ishi cha, yvmmak atuk ma isht a waya he fehna oklushi o ima he mak oke, hvchim achi lishke.

44. Micha kvna hosh tvli ilvppa onvtulakmvt, litoa he ; amba ilap ak osh kvna hq onvtula hokmvt, botolichit kan-cha hi oke, im achi tok.

45. Mihma na holitompa isht gsha pehlichich vhleha micha Falisi vhleha aiena kv, yvmmvt nan isht apesa ka haklot tahli mvt, yvmmvt ilap ak o isht anumpuli hatuk a okla akostininchi tok.

46. Yohmi kia yvmmak oka hopai ak o okla ahni hatuk oka, yvmmak ash o iti hoklit ishi banna tuk kia okla chito ak o i nukshopa tok.

CHAPTER XXII.

Itauwayachi ai impa he tok ik itvabo ki tok nan isht vlhpisa, 1 ; 12 ai itauwaya gya he i nafohka ya ik fohko hosh i palomma he im vlhpisa ; 15 Chisvs vt Falisi vhleha, micha Helotian okla aiena kv Sesa ya tvli holiaso im itahobi ka vlhpesa chishba, ahnit i ponaklo, mihma Chisvs vt afalaminchit nana i miha. 23 Chisvs vt Satusi vhleha hv illi yvt salamvt tana hi oka ik yimmo chatuk a isht anumpuli ; 34 nan vlhpisa chinto moma i shahle, 41 kaniohmi kak osh Klaiet vt Lewi in Chitokaka yvt, anonti Lewi ushi ahinla ka, Chisvs vt a ponaklo.

1. **MIHMA** Chisvs vt anonti nan isht vlhpisa hq isht im anumpulit,

2. Uba apehlichika vt hatak miko yosh ushi ohoyo itauwaya chi hq, impa im atahli hq chohmi hoke.

3. Micha im annoa tuk vhleha ha ont i howvt itauwaya ai impa ka isht vla chi hq, in tishu vhleha ha pit tihleli tok ; yohmi kia okla minta hi a ik ahno ki tok.

4. Mihma anonti tishu inla yo pit tihleli mvt, Inta ! an tvbokoli impa ha atahli lishke ; a wak-hobvk, micha nana vlhpitvt nia puta kv illi ma, nan okluha kv vlhtahvshke ; itauwaya ai impa ka hvsh mintashke, achit im annoa tuk vhleha ha hvsh in anolashke, im achi tok.

5. Yohmi tok kia yvmmak ash o nan-isht ik ahno hosh kanima pit ilhkolit, achufvt im osapa ia ma, anonti achufvt im ai itatoba ia tok.

6. Yohmi ma akashampa kvtō in tishu vhleha hatuk ash itī hoklit ishi cha, kanimanchi fehnt, polaka okla illichī tok.

7. Atuk o miko vt yummak ash o haklo mvt, anuksho-munta fehna tok: mihmvt in trshka chipota laua ka pit tihlelit, hatak vbi vhleha yummak ash o vbit tahli mvt, in tēmaha hā hukmit tahli tok.

8. Yohmi mvt in tishu vhleha hash o, Itauwaya ai impa hamo vlhtatrshke; yohmi kia im annoa tuk vhleha hash osh ahalaia hi o keyu tuk oke.

9. Yohmi hoka hina ai itafamoa puta ka itvnowvt, laua kvt kaniohmi hō hvsh pisakmvt, moyumvt itauwaya ai impa ka aya he hvsh im anolashke, im achi tok.

10. Yohmi ma tishu vhleha yummak ash osh ilhkoli mvt, hina ai itafamoa puta ka itvnowvt, okpulo, mikmvt hochuk-ma aiena laua kvt kaniohmi hō pisa mvt, mominchit hoyot itahobi tok: yohmi ma itauwaya ai impa yash osh im annoa tuk vhleha hā isht alotvt knia tok.

11. Atuk o im annoa tuk vhleha hash pisa chī hosh miko vt ant chukowa mvt, hatak vt ai itauwaya aya he i nafohka ya ik fohko hosh yumma asha na pisa tok.

12. Micha yummak ash o, A kana ma! katiohmi hō ai itauwaya aya he i nafohka vt iksho hō ilvppa ant ish chukowa tuk oh cho? im achi tok. Mihma yummak ash osh nan ik acho ki tok.

13. Yohmi ma miko vt in tishu vhleha hash o, Ilvppa ibbak, mikmvt iyi aiena ka ho takchi cha, isht ivt kocha aiokhlilika ya ont hvsh kanchashke: yummak oka yahaya, mikmvt noti ahampa aienamak osh aiasha hi oke, im achi tok.

14. Im annoa hokvtō laua kia, amba vlhtoka kak osh achafōa hoka, achi tok.

15. Yumma foka ma Falisi vhleha hv̄t ilhkoli mvt, kani-ohmit yummak ash ilap im anumpa hō isht a yukacha hinla kvt isht anumpulit maya tok.

16. Mihmvt ilap nan im ai ithvna vhleha hā, Helotian iksa ai itapeha hō pit in tihleli mvt, Nan ithvnanchi ma!

chishno vt aighli chia achukma chatuk; mikmvt Chihowa i hina aighli mak o ish ithvnanchi chatuk, hatak nana kia nan isht ik chim ahobo chatuk; mikmvt hatak vt chim it i shashohli keyu chatuk a il ithaiyanvshke.

17. Yohmi hokvt kanihmi ho chim anukfila hokmvt ish pim anolashke: noshkobo isht chumpa tvli holisso a Sesa yak o ima he ai vlhpesa hokma, keyukma, nanta cho? pit achi tok.

18. Yohmi kia yvmmt im anukfila ai vlhpesa keyu atuk a, Chisvs vt akostininch i mvt, Katiahmi ho nan ilahobi vhleha hvchia hv imomaka hvs sa pesa cho?

19. Noshkobo isht chumpa tvli holisso a ho ha haiakvchi, achi tok. Mihma iskvli achvfa ho okla isht im vla tok.

20. Mihma yvmmak ash o, Ilvppvt kvta hak o holbvt toba ho, mikmvt kvta ho a hohchifo ho? im achi ma,

21. Sesa yak oke, okla im achi tok. Yohmi ma yvmmak ash osh, Yohmi hoka nana kv Sesa yak o immi hokma, Sesa yak o hvsh imashke: mikmvt nana kv Chihowa yak o immi hokmvo, Chihowa yak ashke, im achi tok.

22. Yohmi ma okla haklo mvt nukhlakancha cha, yvmmak ash o issvt, okla ilhkoli tok.

23. Mih nitak mak inli ka Satusi vhleha hv, illi yvt fala-mvt tana he keyu, achi chatuk osh im ai vla cha, ant i ponaklot,

24. Nan ithvnanchi ma! Hatak vt vlla yvt ik im iksho hosh illi hokma, nakfish vt tekchi atuk a itauwaya cha, itibapishi hatuk a vlla isht im ai ikbashke, Moses vt achi tok.

25. Yohmi tuk o itibapishi hv untuklo hosh pitintakla ya maya tok: atuk o akni hash osh ohoyo itauwaya tuk osh illi tok: mihmvt vlla yvt ik im iksho hatuk okvt, tekchi atuk a nakfish ak o im a tosholichi tok.

26. Atuk o atukla kak osh yohmi ak inli tuk o, anonti ont atuchina kv mihinli ma, mahaya mvt isht untuklo kash osh yohmi tok.

27. Atuk o ont ishtaiyopi fehna ma, ohoyo hash kia illi ak inli tok.

28. Yohmi ka yymma momvt okla itauwaya tok oka, illi yvt falamvt tani kano, untuklo ka katima mak o tekchi mak a hi oh cho? achi tok.

29. Mihma Chisvs vt afalaminchi mvt, Baibil, mikmvt Chihowa nan im aiahli aiena ka hvch ik ithano hatuk osh hvsh ashvchishke.

30. Illi yvt falamvt tani hokvt okla itauwaya he keyu mvt, anonti itauwaya he im vlpisa he keyu, amba Chihowa im enchil vhleha vba aiasha kak o, chiyuhma hi oke.

31. Amba illi yvt falamvt tana he yymmak okvno, Chihowa hv hvchim anumpohonli mvt,

32. Uno ak osh Eblaham in Chihowa sia, mikmvt Aisaak in Chihowa sia, micha Chekob aiena ka in Chihowa sia hoke, achi tok holisso ka hvch ik it im anumpolo chatuk oh cho? Chihowa hv illi ak o in Chihowa keyu, amba okchaya ak oke, im achi tok.

33. Yohmi ma okla laua yvt ilvppa haklo mvt, nan isht ai ithvnanchi ka anukhlakancha tok.

34. Amba Falisi vhleha hokvto, yymmak ash osh Satusi vhleha ha nana acha he keyuchi tok a haklo mvt, okla itahoba tok.

35. Yohmi ma achvfa hosh yymmv vba nan vlpisa ithvnanchi yosh, imomaka pisa hosh nan i ponaklot.

36. Nan ithvnanchi ma! vba nan vlpisa katima kak osh nan vlpisa holitopa kvv moma i shahli cho? achi tok.

37. Mihma Chisvs vt, Chitokaka chim Chihowa hoka chi chukvsh a mominchit, mikmvt chi shilombish a mominchit, anonti chim anukfila ha mominchit isht ish holitoblashke;

38. Achi ilvppak osh nan vlpisa in tikba, mikmvt moma i shahli mak oke.

39. Mikma atukla kvv yymmak inli ho chohmi hoke; Chin chuka-panta hatak a ish holitobli kvv chishno ak inli chim itilauashke, achi kak oke.

40. Nan vlpisa tuklo ilvppak o nan vlpisa moma, micha hopaii holissochi tok aiena kvv a shaiyahli hoke, im achi tok.

41. Falisi vhleha hvt itvnahvt chiya takla ma, Chisvs vt i ponaklot,

42. Klaist a katiohmi isht hvchim anukfila cho? yvmmtv kvt hak o ushi o? achi ma, Lewi ak o ushi oke, okla im achi tok.

43. Mihma yvmmak ash osh, Yohmi ka katiohmi ho Lewi vt Shilombish isht anukfoyuka mvt, yvmmak oka hochifo cha,

44. Chitokaka yvt an Chitokaka ya, Subbak ishtimpak-imma ya ish binili na chin tvnvp vhleha chiyi ai o hikia yo ikbi lashke, im achi tok oh cho?

45. Yohmi ka Lewi vt yvmmak oka Chitokaka hochifo tok okma, anonti yvmmtv katiohmi hosh ushi ahinla cho? im achi tok.

46. Yohmi ma hatak nana hosh yvmmak ash o anumpa achvfa kia im afalaminka hinla kvt iksho ma, anonti nitak yvmma ai vhlit mihinti ka himmakma hatak nana kia ik nukwiyo hosh nan im ai asilhvuchi kvt iksho ki tok.

CHAPTER XXIII.

Chisvs vt nan im ai ithvna vhleha hvt na holissochi micha Falisi aiona kvt nana isht ithvnanchi kupo im antia he, amba nana a kaniohmi yokvno okla ik iakaiyo ka hi a im apesa, 1. 13 Chisvs vt na holissochi micha Falisi vhleha aiena kvt im a yvmohma he vhpesa hoka, na palvmmi kvt onvtula chi ka tikbanli anoli, 37 na palvmmi kvt ai imma tikeli ka ithana hatuk osh Chelusalem a Chisvs vt isht yaiya.

1. YUMMA foka ma Chisvs vt okla chinto, mikmtv ilap nan im ai ithvna vhleha aiena kash o im anumpuli mvt,

2. Na holissochi vhleha, micha Falisi vhleha aiena kvt Moses im aiasha ya chieyvshke.

3. Yohmi hoka nan okluha puta ka nana ho hvsh holitobla hi a hvchi miha hokma, yvmmak atuk ma holitoblit a hvchi yvmohmashke: amba okla nana a kaniohmi hokvno hvch ik holbo kashke: yvmmak okvt anumpuli tuk kia yohmi keyu hoka.

4. Shapoh weki shali ka palvmma hinla ho takchit tahl

cha, hatak puta tahchi ma onochi hoka : yohmi kia ilap ak inli kvto yvmmak oka ibbak ushi achvfona kia pit isht kanllicha hi g okla ahni keyu hoke.

5. Amba nana a kaniohmi puta kv, hatak vt pisa chi kak o, yvmohmi hoke : i failaktili ya okla hoputkvlli mvt, anonti im anchi aposhokvchi ma hofalohli chatuk,

6. Mikmvt impa asha ka aiasha holitopa i shahli puta kak o im ai achukmakmvt, anonti sinikak puta anykaka ma ai-o-minili holitopa i shahli puta kak o im ai achukma chatuk,

7. Mikmvt ilhpak a kanchi ai it aiokpvchi, micha hatak puta kv Labai, Labai, im achi aiena kak o im ai achukma chatuk oke.

8. Yohmi kia hvchishno yokvto Labai ik hvchi hohchifo kashke ; hvch i shahli hvto achvfa, yvmmvt Klaist ak oke. Yohmikma hvsh moyuma kvto itibapishi hvchia hoke.

9. Micha yakni paknaka ya hatak nana kia hvch iki hvch ik hohchifo kashke : achvfa hosh hvch Iki okvto vba yak o binili hoka.

10. Micha i shahli vhleha ik hvchi hohchifo kashke : achvfa hosh hvch I shahli, yvmmvt Klaist ak oke.

11. Amba kvna hosh moma i shahli kv hvch ibafoka hokmvt, hvchin tishu mak a hi oke.

12. Mikma kvna hosh ilefehkvchi hokmvt, aka ona he ; mikma ile akanlosechi hokmvt, holitopa he oke, im achi tok.

13. Amba na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : vba apehlichika ya hatak inla puta ka hvsh im okhishta hokvt : mikmvt hvchishno vt yvmma pit hvch ik abeho mvt, anonti pit abeha he tuk g, ant ik abeha hvch ik im ahnoshke.

14. Na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : ohoyo i hatak illi in chuka puta ka wehpulit hvsh tahli, mikmvt peh ilahobi kv vba pit anumpuli hosh hvsh falaiachi hoka : yohmi hokvt na palvmmi chito i shahli hosh hvchim vlpisa hi oke.

15. Na holissochi vhleha, mikmvt Falisi vhleha, nan ilahobi hvchia ma ! na hvchi palvmma he mak oke ; na hv-

chim ai ithvna achufa kia ikbi hvchi bunna kut, okhuta mi-
cha yakni aiena ka hvsh vlfhullihinchu hoka : atuk o yvm-
mak ash osh tobakma, anonti aiokpuloka im vlla fehna kut
hvchishno a chohmi tuklo ho hvsh ikbi hoke.

16. Kvna hosh anumpa kullo a tempel ak o isht ai a miha
hokvno nana keyu ; amba kvna hosh tvli holisso lakna tem-
pel anukaka asha kak o anumpa kullo isht ai a miha hok-
mvto, nan il aiahlichu he vlpesa, hvsh achi, na pehlichu
lvpa hvchia ma ! na hvchi palvma he mak oke.

17. Nan im anukfila iksho, micha lvpa aiena hvchia ho-
ka, tvli holisso lakna yak okma, keyukmvto tempel a tvli ho-
lisso lakna yvt isht a holitopa kak okma, nanta hosh i shahli
ho ?

18. Michu kvna hosh anumpa kullo a alta yak o isht ai
a miha hokvno nana keyu ; amba kvna hosh vba pit isht
aiokpvchi vt yvma pakna onvtonla kak o, nan il aiahlichu
he vlpesa, hvsh achi.

19. Nan im anukfila iksho, micha lvpa aiena hvchia ma !
vba pit isht aiokpvchi ak okma, keyukmvto alta ya vba pit
isht aiokpvchi vt isht a holitopa kak okma, nanta hosh i
shahli ho ?

20. Yohmi hoka kvna hosh anumpa kullo a alta yak o
isht ai a miha hokmvto, yvmmak ash o, micha nana hosh
yvma onvtonla ka mominchit anumpa kullo a isht ai a
miha hoke.

21. Michu kvna hosh anumpa kullo a tempel ak o isht ai
a miha hokmvto, yvmmak ash o, micha yvma anukaka ai
asha aiena kak o anumpa kullo a isht ai a miha hoke.

22. Yohmikma kvna hosh anumpa kullo a vba yak o isht
ai a miha hokmvto, Chihowa im aiasha, micha yvma om bi-
nili hatuk ma aieninchit anumpa kullo a isht ai a miha hoke.

23. Na holissochi vhleha, micha Falisi vhleha, nan ilaho-
bi hvchia ma ! na hvchi palvma he mak oke : mint, mik-
mvto anise, micha kmmmin aiena kut ont isht pokoli kash osh
hvchi kvnia hoka ; yohmi mvto nan vlpesa kullo i shahli,
nana ai vlpiesa, micha nana i nukhaklo, mikmvto na yimmi
aiena, hokvno hvsh a haksichishke : **iluppa puta hoka hvchi**

yvmohma he vhpesa hatuk, yohmikmvt yvmmak ash kia hvsh a haksicha he tuk keyu hoke.

24. Na pehlichu lpa ma! shushi ya hoiyvchit hvsh kohchi tuk osh, kamel okvno ishit hvsh nanvbli hoke.

25. Na holissochi vheha, micha Falisi vheha, nan ilahobi hvchia ma! na hvchi palvma he mak oke: isht-ishko micha ampo aiena ka paknaka yokvno hvsh kashofi hoka; yohmi kia anukaka yokvto na wehpuli micha nan ik vhpeso aiena hosh isht alotowa hoke.

26. Falisi lpa chia ma! isht-ishko ampo aiena ka anukaka yak o tikba ish kashofi ha yo, paknaka yokak heto kashofa mak inlashke.

27. Na holissochi vheha, micha Falisi vheha, nan ilahobi hvchia ma! na hvchi palvma he mak oke: sepvka tohbit vltaha yak o hvsh chiyuhmi hoka; yvmmak okvt paknaka yokvto pisa ka aiokli fehna ho mvhli chatuk; yohmi kia anukaka yokvto hatak illi foni, micha nan liteha okpulo moma kv isht alotowa chatuk oke.

28. Yohmi ka hvchishno ak kia paknanli vt vhpiesa ho hatak a hvsh im ahoba; yohmi kia anukaka yokvto nan ilahobi, micha nan ik vhpieso aiena bano hosh ishit hvchi alotowa kv, yvmmak inli ho hvsh chiyuhmi hoke.

29. Na holissochi vheha, micha Falisi vheha, nan ilahobi hvchia ma! na hvchi palvma he mak oke: hopaii vheha, i sepvka ya hvsh im ikbi mvt, anonti hopoyuksa vheha ha tok isht ithaiyana he sepvka ya hvsh aioklichu chatuk,

30. Mihmvt, Pin tikba vheha aiasha nitak ak o il ashwa tok mak osh, hopaii puta im issish hlatvbi ka il ibatakla he tok keyu, hvsh achishke.

31. Yohmi hatuk osh hopaii puta vbi tok vheha ha in chipota hvchia hatuk vt, hvchishno inli kak osh hvsh il ai atokolishke.

32. Yohmi hokvt hvchin tikba vheha nan isht im vhpisa ya hvsh alotolashke.

33. Sinti hvchia, sinti chilita isht unchululi hvchia hv, katiomi kak osh aiokpuloka ai ilbvsha he vhpisa ya hvsh i hlakofa hinla cho?

34. Yohmi hoka, Yakeh! hopaii vhleha, micha hatak hopoyuksa vhleha, mikmvt na holissochi vhleha aiena ka pit hvchin tihleli lishke; yohmi ka kanimi ka hvsh ba he, mikmvt, iti-taiyukhvna hvsh a honahlichei aiena he; mikmvt kanimi ma hvchi sinakak puta hvsh a fummikmvt, hvsh ilbvshachi kvv tumaha puta ma isht hvsh gya hi oke.

35. Yohmi hokvt hvchishno ak o hopoyuksa puta im issish yakni pakna a hlatahampa tok, hatak hopoyuksa Ebel g im issish a tok ai vhlit mihintit, Sakalias, Balakias ushi, yvmma tempel, micha alta aiena itintakla ya hvsh ai vbi tok im issish ant ai vhli kvv, momvt hvchi onvtula hi oke.

36. Ahli mak o hvchim achi lishke, Ilvppa moyuma kak osh okla himonasi ilvppa gsha ka onvtula he mak oke.

37. Chelusalem, Chelusalem, hopaii vhleha vbi, micha auct chi kanchi tuk ma tvli ishit boli chia ma! akaka yosh ushi vhleha ha sinahchi nuta ya pit ai itahobi chatuk mak o, chiyuhmit chim vlla vhleha ha itahombi la he ahni li tuk nana kia, hvchishno ak osh vlpesa hvch ik aiahno hokvno.

38. Inta! hvchin chuka yvt hvchin chukillissvt taiyaha mak oke.

39. Himak g pilla ma, Hvs sa pisa chi keyu; amba, Chitokaka i hohchifo ho mihnti hokvt holitopa mak oke, hvsh acha chi hok mak a hi oke, hvchim achi lishke, im achi tok.

CHAPTER XXIV.

Chisvs vt ishtaiyopi mak o tempel g a kobcha tuk osh, yvmmvt okpula he, tikbanli anoli: 3 micha ilap okvt mihintikma, nan isht atokowa kvv yvmohma he, micha na palvmmi kvv ibafoka he miha: 32 mikmvt nana a mihiba kvv ont aighla hi oka, iti vlpoba fik achi kvv hishi toba chi hosh bokobli chatuk g nan isht apesvt anumpuli: 42 micha ahah! ahnit im vltaha he im apesa.

1. YUMOHMI mvt Chisvs vt kohcha mvt, tempel g issvt kanima ia tok: mihma nan im ai ithvna vhleha hvv, tempel vt toba kvv kaniohmi puta ka pisacha chi hosh im ai vla tok.

2. Mihma Chisvs vt, Na yakohmi puta moma ka hvch ik

peso cho? ahli mak o hvchim achi lishke, Ilvppak oka tvli vt achvfona kia aka ik itolo ke tuk osh, it on tvlkanchit itonla kvv iksho ka hi oke, im achi tok.

3. Yvmohmi tuk o yvmmak ash osh nvnih chaha Alif paknaka ya gsha ma, nan ithvna vhleha hvv lumvt im ai ona mvt, Nitak kaniohmikmak o nana kvv ai yakohma hi o, micha ish minta he, mikmvt yakni vt ont ai vhli aiena chj isht atokowa kvvto nanta hi o? ish pim anolashke, achi tok.

4. Mihma Chisvs vt afalaminchi mvt, Ahah! hvsh aiahni na hatak nana kia ik hvchi yoshublecho kashke.

5. Lawa hosh sa hohchifo ha ishit hohchifo kvv itvnova cha, Klaist sia hoke, acha hi oka; mikmvt lauachit yoshub- licha he oka.

6. Yohmikma tvnvp gsha, micha tvnvp gsha he annoa aiena ka hvsh hakla hi oke: ahah! hvsh aiahni cha ik hvchi komunto kashke: ilvppa puta kvv moyumvt ont a yvmohmi pulla hi oka: yohmi kia ont ai ishtaiyopi kvvno keyu kisha hi oke.

7. Okla achvfa kvv okla mak inli ka it amokvfa he, mik- mvt ap ehlichika achvfa kvv ap ehlichika mak inli ka it amo- kvfa hi oka: yohmikma hohchvfo ohinto, micha ililli puta, mikmvt yakni winakvchi aiena kvv yakni kaniohmi ka ai itulvt gya hi oke.

8. Ilvppa puta kak osh hanukhaklo ai ishtia vmmma mak oke.

9. Yohmikma hvch issikhopa chj ka hvch ishit okla ibbak hvchi fohki, mikmvt hvch illichika hi oke; micha sa hohchifo pulla hatak mak o oklushi moyumvt hvchj nukkilli hi oke.

10. Yvma fokakma ibetvbli kvv laua he, micha ilap bika atuk kia ishit okla ha im issa, micha ilap bika itj nukkilli hi oke.

11. Mikma hopai ilahobi vt hiohli kvv laua cha, laua o yoshublichika hi oke.

12. Mikma nan ik vhpeso bieka hatuk mak o i hullo atuk vt kapvvt taha kvv laua hi oke.

13. Yohmi kia kvvna hosh achunanchit mahayvt ai vhli ka ona hok mak osh mihi yosh okchaya hi oke.

14. Yohmi ka vba apelihika isht anumpa hanta ilvppvt oklushi moyuma ka isht im ai atokowa he mak osh yakni mominchit ai annoa he: yvmohmi mak o ont ishtaiyopi kvv vla hi oke.

15. Yohmi hoka nan okpvi a i nukkilli vhpesa ka hopai Taniel vt isht anumpuli tok a, aholitopaka ya a hikia na hvsh pisa hokma, kvna hosh ilvppa it im anumpuli hokmvt, akostininchashke.

16. Yohmikma kvna hosh Chutea, ya maya tuk mvt, nvnih chaha puta ka pit ik o yihlepá;

17. Aboha pakna yo anta tuk vt akowvt, im aboha ya nana kia ont kohchit ik esho kashke;

18. Mikma osapa anuka yo anta tuk mvt, falamvt im ile-foka ya ont ik esho kashke.

19. Yohmikma nitak yvmma fehna ka kvna hosh vlla i foka hatuk, micha pishechi atuk aiena hokvto i palvmma he mak oke.

20. Yohmi kia hvsh yihlepa hi a hvshstula yokmá, keyukmvt nitak hullo nitak okmá, ik nano ka hi a vba pit hvsh asihjhlashke.

21. Yvmma fehnakma na palvmmi kvv chinto fehna hosh takanla he, yakni vt toba vmmona tok ai vhlit mihintit himak a ai vla ka, yvmma chohmi kvv takali chatuk keyu, mltmvt himmakma nitak nana yvmma chohma he keyu ka hi oke.

22. Yohmi ka nitak yvmma chohmi ka ik falaiacho ho keyukma, hatak nana hosh okchaya he keyushke: yohmi kia nan vltoka vlheha ak pulla tuk mak o nitak yvmma puta kvv ik falaio ka hi oke.

23. Yvmohmikma hatak nana kia, Yakeh ! ilvppa Klaist vt antvshke, achi; keyukmvt yvmma antvshke, hvchim achi hoh kia, ik hvchi yimmo kashke.

24. Klaist ilahobi vhleha, micha hopai ilahobi vhleha aiena kvv hiohlt nan isht atokowa chinto puta, mikmvt na fehna puta aiena ka okla otvnicha he; yvmohmi cha, yvmvt yohma hinlakma, nan vltoka, vhleha fehna atuk kia yoshublichia hi oke.

25. Yakeh ! tikbanli hvchim anoli lishke.

26. Yohmi hoka, yakeh ! yummvt yakni haiaka ya anta hoke, hvchim achi hoh kia, kohchvt hvch ik aiyo kashke : micha, yakeh ! vba potvlhpo a lumaka yak o yummvt anta hoke, hvchim achi hoh kia, ik hvchi yimmo kashke.

27. Malvtha kvv hvshi akochaka imma yo a kohchakmvt, hvshi aiokvtula ya pit tohwikelichi chatuk oka, Hatak Ushi vt minti kak kia yummak inli ho chiyuhma hi oke.

28. Kanima yo nan illi vt itonla hokma, mihi yo ossi puta mvt ai itahomba hi oke.

29. Na palommi nitak yummak atuk a in chekosikma, hvshi vt okhlilikma, anonti hvshi ninak aya mvt ik tommo ka he : mikma fochik puta kvv vba ya asht aka fohopakma, nan isht aighlika puta vba shutik ash osh faiokahancha hi oke.

30. Yemma fokakma, Hatak Ushi a isht atokowa kvv vba ya auet a haiaka hi oke : yohmikma oklushi moma yakni paknaka aiasha kvv yahaya he, mikma Hatak Ushi vt nan isht aighlika, micha isht a holitopaka chinto aiena ka il ai eshi hosh vba hoshonti anukaka ya mihinti na okla pisa hi oke.

31. Atuk ma yummak ash osh im enchil vhleha ha isht-pufa ola chinto ieshi ho tihlinlikma, ilap atokoli tok vhleha ha a mahli ushta shutik ont ai vhli achvfa ka vhlit int in tennep pit a fullota ka a hoyot itahohomba hi oke.

32. Yohmi ka fik vpi nan isht vlhpisa ka hvsh ai ithv-nashke. Yummak okvt hishi toba chi hosh bokoblit tahakma, tofa yvt olanlosi vla ka hvsh ithana chatuk :

33. Yohmi hokvt na yakohmi puta ka hvsh pisakmvt, ai vla hosi, okhissa ak kia ai itukonofa hoka, hvsh ithanashke.

34. Ahli mak o hvchim achi lishke. Himak a okla asha iltppt ont ik taho kisha ho, na yakohmi puta kvv ont aighla chi hoke.

35. Uba shutik micha yakni aiena kvto ont ai iksho ka he, amba vno vm anumpa puta hatuk vto ont ai iksho ka he keyu hoke.

36. Yohmi ka nitak yummak a he, micha hvshi kanvlli

vlhpisa a he aiena hokvno, hatak nana hosh, mikmvt enchil puta vba aiasha mak osh pit ithana keyu hō, amba Aki ak bano hoke.

37. Yohmi ka Noah hvt ahanta nitak a kaniohmi tok ma, Hatak Ushi vt mihinti kak kia yvmmak inli hō chiyuhma hi oke.

38. Oka falama yvt ik aiyo kisha nitak foka ma, impa micha nan ishko, itauwaya mikmvt itauwaya he im vlhpisa aiena hosh aiasha na Noah hvt peni chukowa he nitak vt ona tok,

39. Yohmi ma ik ithano hosh okla aiasha na oka falama yvt vla cha, mominchit ishit kaiyanchi tok a, Hatak Ushi vt mihinti kak kia yvmmak inli hō chiyuhma hi oke.

40. Yvmma fokakma tuklo kvt osapa ya ashwa tuk ma; achvfa hō ai eshi na achvfa kvto anta he.

41. Ohoyo tuklo kvt nana a botoli a botoli hosh ashwa tuk ma; achvfa hō ai eshi na achvfa kvto anta hi oke.

42. Yohmi hoka hvchishno vt hvchin Chitokaka yvt ai vla he hvshi kanvlli vlhpisa hā hvsh ithana keyu kvt, okchvt hvsh hoyashke.

43. Yohmi kvt hatak chuka-chvfa pehlichy yatuk mvt hvshi kanvlli vlhpisa kaniohmi kak o na hukopa yvt aya hinla ka ithana hatuk okmvt, okcha pulla cha, im aboha yatuk mvt tiwa hi a ahna he tuk keyu, ilvppa hvsh ithanashke.

44. Yohmi hoka hvchishno ak kia hvchim vlhtahashke: yvmmak a he hvch ik aiahno hvshi kanvlli vlhpisa takla kia, Hatak Ushi vt vla hi oke.

45. Yohmi ka kvta hak osh tishu aighli, hopoyuksa achukma aiena tuk o, i shahli hvt ilap in chuka chvfa ya apesvchit ont ai vlhpiesakma ilhpak ipihinta chi ka, atokoli tok oh cho?

46. Yvmohmi hosh ahanta hō, i shahli hatuk vt vla cha ant pisa chi ka, tishu yvmmt na yukpa hi oke.

47. Ahli mak o hvchi miha lishke, Yvmmak atuk ma nana im asha ka moma apesvchi mak o ikba hi oke.

48. Yohmi tuk kia tishu ik vlhpeso yo kvto chukvsh

anukaka, A shahli hvt ai vla he tuk vt vbanvblichishke, achi ;

49. Yohmi cha tishu bika vhleha hash o bolit ishtia, yohmi mvt ishkot haksi vhleha ha it ibai impvt ibai ishkot ahanta hokmvo ;

50. Tishu yvmma i shahli hatuk vt, yvmmak ash osh vla chi ik ahno nitak, mikmvt ik akostinincho i hvshi kanvlli vhpisa ho vla hi oke.

51. Yohmikmvt yvmmak ash o chanlit ita hokofi cha, nan ilahobi vhleha isht ai im vlhtoba mak o ibafohkit im apesa he : yvmmak oka yahaya micha noti ahampa aiena he mak oke.

CHAPTA XXV.

Chisvs vt nitak ishtaiyopi vla hi oka isht anumpuli : yohmi kv, oboyo himita hatak haleli keyu pokoli, 1 : 14 micha talent aiena ka nan isht apevvt anumpuli. 31 Chisvs vt vla cha nana apesa hi okvt isht anumpuli.

1. YUMMA fokakma vba apelihchika yvt ohoyo himithoa hatak ik halelo pokoli hosh pula sholit, hatak himona itauwaya chi ka afamvt ilhkoli tok o chohma he.

2. Mihmvt tahlapi hosh hopoyuksa yokma, anonti tahlapi kvto ik hopoyukso ya tok.

3. Ik hopoyukso vhleha hatuk ash osh pula ha okla ishi ka, bila yano okla ik esho ki tok.

4. Amba hopoyuksa hatuk okvto bila yvt aivlhto a abeha ho prla ha aieninchit okla ishi tok.

5. Hatak himona ohoyo itauwaya chin tuk ash osh ile svlahachit anta na nosilhvt taha cha, okla nusi tok.

6. Atuk o ninak ont iklenna ma tahpahanla kv, Inta ! hatak himona ohoyo itauwaya chin tuk ash osh mintishke, it ont oh afama, achi tok.

7. Yohmi ma ohoyo himithoa yvmmak ash osh momvt tanit i pula ha okla aiiskiachi tok.

8. Mihma ik hopoyukso vhleha hash osh hopoyuksa

vhleha hash o, Pim pela hvt mosholi hoka, hvchi bila ya hvsh pipetashke, im achi tok.

9. Yohmi kia hopoyuksa vhleha ash osh afalaminchi mvt, Yohma he keyu; yvmmak keyukma, pishno micha hvchishno aiena ka hvvim ona he keyu hoka: amba ivt kanchi vhleha hak o ont hvsh in chumpa he, hvsh ahna he vhpesvshke, achi tok.

10. Atuk o chumpvt ilhkoli takla ma, hatak himona itauwaya chin tuk ash osh vla tok; mihma im vltaha tuk vhleha hash osh apihvt ai itauwaya ya pit abeha na okhissa yvt vllkvma tok.

11. I himmak o anonti ohoyo himithoa kashapa kash osh ai vla mvt, Chitokaka ma! Chitokaka ma! ish pin tiwashke, achi tok.

12. Yohmi kia yvmmak ash osh afalaminchi mvt, Ahli mak o hvchim achi lishke, Hvch ithanali keyushke, achi tok.

13. Yohmi ka Hatak Ushi vt ai vla he nitak, mikmvt hvshi kanvlli vhpisa aiena hoka pit hvsh ithana keyu hokvt, okchvt hvsh hoyashke.

14. Uba apelhichika yvt, hatak osh yakni hopaki nowvt aya chi hosh in tishu vhleha ha itahobi cha, nana im asha tuk vt ibbak fohki tok o chohmi hoka.

15. Mihmvt achvfa ho talent tahlapi ho ima mvt, anonti achvfa ka tuklo ho ima, anonti achvfa ka achvfa ho ima tok; hatak vt kanimihcha hinla aiyu ka ai vltokowa mak o ima tok; micha mih mak inli ho nowvt aya tok.

16. Yohmi ma talent tahlapi ishi tuk ash osh ia mvt, yvmmak ash o isht itatobvt, anonti talent tahlapi mak inli ka isht ikbi tok.

17. Mihma tuklo ho ishi tuk ash kia, yvmmak ash inli ho chohmit tuklo mak inli ka isht ahayuchi tok.

18. Amba achvfa ho ishi tuk okvto ia mvt, yakni o ont kulli cha, i shahli in tvli holisso atuk ash luhmi tok.

19. Atuk o hopakit taiyaha ma tishu vhleha yvma i shahli hash osh vla cha, yvmmak ash i hotinvt pisa tok.

20. Yohmi ma talent tahlapi ishi tuk ash osh, anonti

talent tahlapi mak inli ka aieninchit isht vla mvt, Chitokaka ma! yakeh! talent tahlapi hq is svma tok: yvmmak atuk a talent tahlapi mak inli ka isht ahayuchi li tuk oke, achi tok.

21. I shahli hash osh, Ulhpievshke, tishu aighli achukma chia ma! nana kanomosi ka aighli chi achukma hoka, nana lawa pehlichy a chikbi la chi hoke: chi shahli nan isht im ilaiyukpa ya ish chukowashke, im achi tok.

22. Mihma talent tuklo hq ishi tuk ash kia vla mvt, Chitokaka ma! yakeh! talent tuklo hq is svma tok: yvmmak atuk a talent tuklo mak inli ka isht ahayuchi li tuk oke, achi tok.

23. I shahli hash osh, Ulhpievshke, tishu aighli achukma chia ma! nana kanomosi ka aiahli chia achukma hoka, nana lawa pehlichy a chikbi la chi hoke: chi shahli nan isht im ilaiyukpa ya ish chukowashke, im achi tok.

24. Yohmi ma talent achvfa hq ishi tuk ash osh vla mvt, Chitokaka ma! hatak palvmmi chia chatuk; chishno ak osh ish hokchi keyu kia, ish ai vmo chatuk; mikmvt chishno ak osh ish mvshlichy tuk keyu kia, ish pehli chatuk oke, chithanali tuk:

25. Yohmi hatuk osh sa nukshopa cha, ivt chin talent a yakni anuka yo luhmi li tuk oke: yakeh! chimmi hatuk vt yak chin tonlvshke, achi tok.

26. Mihma i shahli hash osh afalaminchi mvt, Tishu haksi nan intakobi chia hvv, vno ak osh hokchi li tuk keyu kia ai vmo likmvt, anonti vno ak osh a mvshlichy li tuk keyu kia, a pehli li chatuk a, ish ithana;

27. Yohmi hokvt an tvli holisso a tvli holisso abohli ya ont ish bohla he tuk: yohmi tuk ma minti li kvv vmmi atuk micha ushi atuk a aieninchit ishi la hi atuk oke.

28. Yohmi hoka talent a oh im ai eshi cha, talent pokoli ishi kak o oh ima.

29. Kvna hosh ishi hok mak o ima na lauvv im aiasha hi oka: amba ik im iksho hatuk okvno ishi tuk ash kia, im ai isha he oke.

30. Mikmvt tishu ik ahobo yokvno kocha aiokhlilika mak

o pit hvsh kanchashke: yummak oka yahaya micha noti ahampa aiena mak a hi oke, im achi tok.

31. Hatak Ushi vt, enchil vhleha moma kv̄t apiha h̄o, ilap isht aholitopaka il ai ishit v̄la he, yohmikmvt im ai om binili holitopa yatuk ma om binila he oke.

32. Yohmikma itikb̄a ȳa oklushi moma kv̄t ai itahoba he: yohmikma yummak ash osh yumma achafolichit it̄i filamohlich̄i kv̄t, chukfvlhpoba apesvchi vt chukfvlhpoba ȳa isi kosoma it̄i filamohlich̄i chatuk mak o chiyuhma he.

33. Mikmvt chukfvlhpoba ȳa im ibbak isht-impak imma yak o ashachikmvt, amba isi kosoma yokvno v̄lhfvbekimma ȳo ashacha he.

34. Yohmikmvt Miko ash osh im ibbak isht-impak-imma ḡsha kash o, Aki i holitopa hvchia ma! ho minti, vba apelichika yakni vt ik tobo k̄isha mak o hvchim v̄lhtaha tok vt hvsh ai ahantashke.

35. Uno vt sa hohchvfo ma, ilhpak ḡ hvs sv̄peta tok: sa tukshila ma, nana h̄o hvs sv̄shkochechi tok: hatak ik ithano sia hatuk ḡ, aboha ȳa ik chukowa, hvs sv̄m aiahni tok:

36. Sa nipi bano ma, nana hvs sa fohkichi tok: si abeka ma, ant hvs sa pesa tok: vno vt aboha kv̄llo f̄oka li ma, ant hvs s̄a nowa tok okvt, im acha he.

37. Yohmikma hopoyuksa vhleha hash osh im afalaminchi kv̄t, Chitokaka ma! katiohmi kash o chishno vt chi hohchvfo tuk ḡ, e chi pisa cha nana e chipeta tok o? micha chi tukshila tuk ḡ, nana e chishkochechi tok o?

38. Katiohmi kash o hatak ik ithano chia hatuk ḡ e chi pisa cha, aboha ȳa ik chukowa, e chim aiahni tok o? mihmvt chi nipi bano tuk ḡ, nana e chi fohkichi tok o?

39. Michā katiohmi kash o chi abeka, mihmvt aboha kv̄llo ish f̄oka aiena tuk ḡ, e chi pisa cha, a ch̄i nowa tok oh cho? acha he.

40. Mikma Miko vt afalaminchikmvt Ahli mak o hvchi miha lishke, Itibapishi li vhleha yakohmi ka moma ik lauwo achv̄fona ka katiohmi h̄o hvsh ai i yvmohmi tuk okvt, vno ak o hvs s̄a yvmohmi mak atuk oke, im acha hi oke.

41. Yohmikmvt ibbak v̄lhfvbeka imma ḡsha tuk ash kia,

Issikkopa he vlhpesa hvchia hvt, q filvmmitt luak ataha iksho, Setan micha imi shilombish okpulo vhleha aiena im vlhtaha tok mak o, hvsh ilhkolashke.

42. Uno vt sa hohchvfo ma, ilhpak nana kia hvch ik sapeto ki tok : sa tukshila ma, nana kia hvch ik svshkochecho ki tok : hatak ik ithano sia hatuk q, aboha ya ik chukowa hvch ik svv ahno tok : si abeka, micha aboha kvllo foka li aiena ma, ant hvch ik sa nowo ki tok okvt, im acha he.

44. Yohmikma yvmmak ash kia afalaminchi kv, Chitokaka ma! katiahmi kash o chi hochaiyaf, mihmvt chi tukshila, micha hatak ik ithano chia, mihmvt chi nipi bano, chi abeka, mihmvt aboha kvllo ish foka aiena ka e chi pisa cha ke chi apelacho ke tuk oh cho? acha hi oke.

45. Yohmikma yvmmak ash osh afalaminchikmvt, Ahli mak o hvchi miha lishke, Yakohmi ka moma ik lauwo achefona kia kaniahmi ka a hvch ik i yvmihcho tok mvt, vno ak o hvch ik sa yvmihcho tok mak oke, acha hi oke.

46. Yohmikma yakohmi kash osh ai issikkopa bilia mak o pit ilhkola he, amba hopoyuksa yokvto aiokchayvt bilia yo ia hi oke.

CHAPTA XXVI.

Na pehlchi vhleha hvt it afama cha, Chisvs q vba chi kv isht anum-puli, 1. 6 Ohoyo hosh nan-ahama ya Chisvs noshkobo isht im a hvmmi. 14 Chutas Iskalit vt Chisvs q tvli hvta pokoli tuchina hq ishit kanchi. 17 Chisvs vt nan im ai ithvna vhleha hq nan vban-vblit ontia it ibai impa; 26 mihmvt opiaka na holitopa impa isht vlhpisa ka apesa, 30 mihmvt kohchvt nvnih chaha Alif q ona; mihmvt Pita yvt ik ithano miha chi ka tikbanlit anoli. 36 Chisvs vt Ketemane osapushi ont chukowa cha, vba pit anum-puli. Chutas Iskalit vt hatak na-halupa sholi bieka ho pehlchi cha, Chisvs q ont ishi. 57 Okla hvt Chisvs q ishi mvt na holitopa isht gsha pehlchi in chuka holitopa isht ona mvt, okla hash osh kalakshichit on tuftua. 69 Pita yvt in Chitokaka ya ik ithano il abohi: yohmit ashvchi tok vt nukhaklo.

1. ATUK o yakohmi tok; Chisvs vt anumpa ilvppa moma ka ahanchit ont in taiyaha mvt, nan im ai ithvna vhleha hash o,

2. Nitak tuklokma vbanvblit-ontia impa hvt a^gsha chi, mikma Hatak Ushi vt iti-taiyukhvna ahonvhlvt illa chi mak o, ishit okla ibbak fohka chi ka hvsh ithaiyanvshke, im achi tok.

3. Yvmma foka ma na holitompa isht a^gsha pehlich i vhleha, mikmvt na holissochi vhleha, mikmvt okla h^g i hochitoka vhleha aiena kvt na holitompa isht a^gsha pehlich i Kaiafas hohchifo h^g im aboha holitopa y^g ai itvnaha tok.

4. Mihmvt haksichi hosh Chisvs a okla ishi cha, vba hinla kvt it im anumpulit maya tok.

5. Yohmi kia, Impa chito a^gsha nitak ak o keyu h^g, yvmmak keyukma okla hvt i sanali fehna hinla yoba k^a achi tok.

6. Atuk o Chisvs vt Betani a Saimon leplosi vbi a tok in chuka y^g a^gsha ma,

7. Ohoyo pash-ahama holitompa fehna alabasta itombushi achvfa h^g ishi kvt im ona mvt, impa hosh a^gsha ma, nqshkobo a ont o fohobli tok.

8. Yohmi kia nan im ai ithvna vhleha hash osh pisa kvt, okla ik im vlhpeso fehna mvt, Katiohmi mak o ilvppvt yakohmit okpulo cho?

9. Pash-ahama ilvppvt l^gwa kia isht vlhtoba cha, ilbvsha vhleha h^g i holhpela hinla tuk oka, achi tok.

10. Chisvs vt akostininchi mvt, Nanta katiohmi h^g ohoyo h^g hvsh ataklvmmichi cho? ilvppak okvt nan achukma mak o isht vm ai yvmihchi hoka.

11. Ilbvsha yokvto hvchim a^gsha bilia cha tuk : amba vno yokvto hvch ibatakla li bilia keyushke.

12. Pash-ahama ilvppa sa haknip a o fohobli hokvt, sa hollopa chi kak o vm atahli hosh yvmihchi hatuk oke.

13. Ahli mak o hvchi miha lishke, Yakni moma ka kanima fehna y^g vbanumpa ilvppvt isht ai anuhumpakma, nana ka ohoyo ilvppvt yakohmichi tuk a yvmmak ash o isht ithaiyana hi a, anohqwa hi oke, im achi tok.

14. Yvmma foka ma auah tuklo tuk ash achvfv Chutas Iskaliot hohchifo hosh ivt na holitompa isht a^gsha pehlich i vhleha hash o im ona tok.

15. Mihmut, Yummak oka ishit hvchim issa la chi ka nanta ho hvs soma hinla cho? yummak ash o im achi tok. Mihma trli heta boshulli pokoli tuchina hi o okla i kahli tok.

16. Yohmi ma nitak yumma ai vhlit mahaya ka yummak ash o kaniohmichit ishit im issa he akostininchit bahana tok.

17. Yohmi tuk o pvska ik shatvmmo vpa nitak vmmona ho nan ithvna vhleha hv Chisus a im ai ona mut, Ubanvblit-ont ia ish impa chi ka, katima yak o ont e chim ai atahla hi a ish ahni cho? im achi tok.

18. Mihma yummak ash osh, Ivt tmaha ha hvsh onak mut, hatak yummak o hvsh im ona cha, Nan ithvnanchi vt, Nitak vt vm ai ona hosishke: chin chuka ak o nan vm ai ithvna vhleha ha pehlichit vbanvblit-ontia ya a holitobli la chi hoke, achi kano, hvsh im achashke, achi tok.

19. Yohmi ma nan ithvna vhleha hash osh, Chisus vt ai im atokoli tuk mak o yvmohmi tok; micha vbanvblit-ontia ya okla atahli tok.

20. Yohmi ma ont opivt taha ma, auah tuklo kash o pehlichit cha impa chi hosh binili tok.

21. Atuk osh okla impvt maya ma, Ahli mak o hvchi miha lishke, Hvsh achvfona kv svshit okla ha hvsh im issa chi hoke, achi tok.

22. Mihma okla nukhaklo fehna mut, achvfaiyukvt momvt, Chitokaka ma! vno ak oh cho? im achi tok.

23. Mihma yummak ash osh afalaminchi mut, Kvna hosh ampo a ibbak a pit svb ai okvchikmut, mihi yosh svshit okla ha im issa chi mak oke.

24. Kaniohmit isht holihiso tok mak o Hatak Ushi vt a yvmohmi hoke: amba Hatak Ushi a ishit inla ya im issa hatak okto i pavmma chi mak oke; hatak yummak okvt ik tobo tok okmak osh im achukma hi atuk oke achi tok.

25. Yohmi ma ishit inla ya im issa Chutas ash osh afalaminchi mut, A shali ma! vno ak oh cho? achi ma, Ahli, ish mihrshke, achi tok.

26. Mihmut okla impa hosh maya ma, Chisus vt pvska ya ishi cha, vba pit aiokpvchi mut, tushahlichit cha, nan ithvna

vhleha hash o pit ima mvt, Ilvppvt sa haknip mak oke ; ishit oh vpa, achi tok.

27. Mihmvt isht-ishko ya ishi cha vba pit aiokpuchi mvt, yummak ash o pit ima mvt, Hvsh moma kvt hvsh ish-kashke.

28. Ilvppak okv svssish nan isht vlpisa himona, laua kvt nan ai ashvchika puta isht i kashofa he mak o, hlatapa hatuk oka.

29. Yohmi kia himak a pilla ma pakupi vnit waya ilvppa ak ishko mak atuk osh himonvchit Aki apehlichika ya a hvch ibai ishko la he nitak mak a hi oke, hvchim achi lishke, achi tok.

30. Mihma vba isht taloa ya okla talovt issa mvt, okla kohchvt nvni Alif a pit ilhkoli tok.

31. Yohmi ma Chisvs vt yummak ash o, Himak ninak a vno ak atuk mak o hvsh moma kvt hvch ibetvbla chi hoke. Chukfulhpoba apesvchi a issot kanchi likma, chukfulhpoba atuk vt itafimimpvt aya he, achi hosh holisso hatuk oka.

32. Yohmi kia falamvt tani li ha yokvto, hvchi tikba Kalili a ona la chi, im achi tok.

33. Pita yvt afalaminchi mvt, Moma kvt chishno ak atuk mak o isht ai ibetvbli kia, vno yokvto nitak nana si a ibetvbla he keyushke, im achi tok.

34. Mihma Chisvs vt, Ahli mak o chi miha lishke, Himak ninak a akaka yvt ik olo kisha hq, hituchina ha chik svthano ka ish miha chi hoke, im achi tok.

35. Pita yash osh, Chi awant sulla chi ik nana kia, ak chithano miha la he keyushke, im achi tok. Mihma nan ithvna vhleha hvt momvt yummak inli hq miha tok.

36. Yumma foka ma Chisvs vt yummak ash o pehlichich, yakni Ketsemene hohchifo hq ona mvt, nan im ai ithvna vhleha hash o, yumma ivt ont vba pit anumpeli li takla ka, ilvppak inli hq hvsh chiyashke, im achi tok.

37. Mihmvt Pita, micha Sebete ushi tuklo aiena kvno pehlichich ia tok ; mihmvt nukhaklo fehvvt i wekit kvnia tok.

38. Yohmi mvt yummak ash o, Sa shilombish vt nukhak-

lo fehna, illa he ak kia chiyuhmishke : ilvppak inli ho chiyvt
hva svb ai okchashke, im achi tok.

39. Mihmvt achakalit ivt misha ituma ona mvt, hlipvt
itula cha, vba pit anumpuli mvt, Aki ma ! yohma hinla yo-
ba hokma, isht-ishko ilvppvt a kanvllashke : yohmi kia vno
ak osh ahni li kak keyu, amba chishno ish ahni kak ashke.

40. Mihmvt mintit nan ithvna aiasha kash o vla mvt, nu-
si hosh maya na ant pisa cha, Pita yash o, Hvs svb ai akcha
na hvshi kanvlli achvfa ka ona hinla keyu mak oh cho ?

41. Okchvt vba pit hvsh anumpohonli cha, ayoshuba ya
hvch ik iba chukowo kashke : shilombish okvto im vlhtaha
ho mvhli, amba nipi ak osh tikambishke, im achi tok.

42. Anonti atukla ma ia cha, ont vba pit anumpuli mvt,
Aki ma ! isht-ishko ilvppa ai ishko li ha yo keyukma, a
kanvlla he keyu hokma, chishno nana ish aiahni ka yvmoh-
mashke, achi tok.

43. Micha vla mvt, anonti nusi hosh maya na ant pisa
tok : nishkin ak osh weki hatuk okvt.

44. Mihma anonti issvt ia mvt, ont atuchina ma vba pit
anumpuli kv, anumpa yvmmak ash inli ho miha tok.

45. Yohmi mvt nan im ai ithvna aiasha kash o vla mvt,
Himmak mak o mayvt nusit hvsh fohashke ; inta ! hvshi
kanvlli vhpisa hv ai ona mak oke ; yohmi ka Hatak Ushi
a haksichit nan ashvchi vhleha ibbak sa fohka chi mak oke.

46. Ho tani, kiloh ilhkoli, yakeh ! sa haksichit okla ibbak
sa fohka chi hokvt olanlosi vlvshke, im achi tok.

47. Mihma anumpohonli moma ho, auah tuklo atuk achvfa
Chutas vt na holitompa isht gsha pchlichy vhleha micha okla
i hochitoka vhleha aiena im anumpa ho okla chinto bvshpo
falaia puta, mikmvt iti tvptua aiena sholi ho, pchlichy cha
vla tok.

48. Yohmi kv haksichit okla ibbak fohka chi, yvmmak
okvt isht akostinincha hi a im anoli kv, Kvna ho ont i suk-
sowa likma, yvmmak osh mih mak a chi hoke ; kvllchit
hvsh ishashke, achi tok.

49. Mihmvt yvmmak ash osh Chisva a im ona mvt, A
shahli ma ! na chi yukpashke, achi mvt, i suksowa tok. •

50. Mihma Chisvs vt, A kana hvt katiohmi hō ish la cho ? im achi tok. Yohmi ma okla ai onvt Chisvs ash o iti hoklit ishi tok.

51. Yohmi ma Chisvs a apehvt aya tuk vt achufa hosh ibbak atuk ma i bvshpo falaia ya pit ishit shufi mvt, na holitompā isht aśha pehlichī in tishu hō isht fahamvt, haksobish a chanlit tvbli tok.

52. Yvmma foka ma Chisvs ash osh, Chim bvshpo falaia a falaminchit afohka ya pit ish fohkashke : kvna hosh bvshpo falaia yō ishi hokvto, bvshpo falaia yō isht illa he bano hoka.

53. Himonasi ak kia Aki a pit im asilhha li hok ma, ashalika enchil vhleha lechvn auah tuklo atampa ka auet vma hinla ka ik chim ahobo cho ?

54. Yohmi hokma katiohmi hosh yakohma hi a tok vt Baibil vt ont aighla hinla cho ? im achi tok.

55. Chisvs vt hvshi kanvlli vhpisa yvmmak inli hō okla laua yash o, Hatak hukopa yō ayvt i kohcha hō chiyuhmit bvshpo falaia, mikmvt iti tvptua aiena sholi hosh hvs svsha chī kvv hvsh itvnova cho ? tempel anukaka ya nana ai ithv-nanchit nitak moma hvch itintakla binili li ka iti hoklit hvch ik sasho chatuk oke, im achi tok.

56. Yohmi kia hopaii vhleha hvt holissohonchi tok a ont aighla chī mak o, ilvppa moma kvv yakohmi tok. Yohmi ma nan ithvna vhleha hatuk vt momvt yvmmak ash o issvt yihlepa tok.

57. Yohmi ma Chisvs a iti hoklit ishi tuk vhleha hash osh yvmmak ash o ilaueit ivt na holitompā isht aśha pehlichī i shahli Kaiafas a isht im ona tok ; yvmmak o na holissochi vhleha, mikmvt hochitoka vhleha aiena kvv ai itvnavt maya hatuk oka.

58. Yohmi ma Pita yvt auet i mishemanchit pit iakaiyvt yahayvt na holitompā isht aśha pehlichī i shahli im aboha holitopa hatuk ma ont chukowvt, ont ishtaiyopi ka pisa chī hosh tishu vhleha hā takla ont binili tok.

59. Mihma na holitompā isht aśha pehlichī vhleha, micha hochitoka vhleha, mikmvt nan-apesa moyuma kvv Chisvs a

vba chi kv̄t, anumpa ik ghlo isht atokola hi a hoyot aiasha tok.

60. Yohmi kia ik ahayucho tok. Anumpa ik ghlo isht atokoli hokv̄to lauv̄t ai ahanla mv̄hli kia, ai v̄lhpesa hi a ik ahayucho tok. Ont ishtaiyopi ma anumpa ik ghlo isht atokoli vt tuklo hosh vla tok;

61. Mihm̄vt, Ilupp̄vt Chihowa in tempel a okp̄vni li tuk m̄vt, anonti nitak tuchinakma ikbit tahli la hinla hoka, achi kv̄no, achi tok.

62. Yohmi ma na holitompa isht asha pehlich̄i i shahli vt wakaya m̄vt, afalaminchit, Afalaminchit nana kia chik acho cho? nanta mak o yakohmit isht chi atokoli cho? im̄ achi tok.

63. Yohmi kia Chisvs vt nana ik acho ki tok. Mihma na holitompa isht asha pehlich̄i i shahli vt anumpuli m̄vt, Chishno ak osh Klaist Chihowa Ushi chia hatuk okm̄vt, keyukma nana hatuk okm̄vt, ish pim anola he mak o Chihowa okchaya pulla ka isht a chim apesa lishke, im̄ achi tok.

64. Mihma Chisvs vt, V̄lhpesa ish mihvshke: yohmi kia, Himak a pilla ma Hatak Ushi vt nan okluha im̄ aiya im̄ ibbak-ishtimpakimma ya binili, micha vba hoshonti anukaka minti aiena h̄o hvsh pisa hi oke, hvchim achi lishke, im̄ achi tok.

65. Yohmi ma na holitompa isht asha pehlich̄i i shahli ash osh im̄ ilefoka, im̄ anchi aieninchit ita hlilv̄ffi m̄vt, Chihowa ik ahobalot anumpa h̄a anumpulishke; himmakma nan-isht ai atokowa katiohmi h̄o iloh ahna hinla cho? inta! himak okv̄no Chihowa ik ahobalot anumpuli ka hvchishno vt hvsh hakloshke.

66. Katiohmi hvchim anukfila cho? achi ma, okla afalaminchi m̄vt, Illa he ak o v̄lhpesa hoke, achi tok.

67. Yohmi ma nashuka ya on tuftua ma, ibbak a bonulit isht isso tok, kanimi kv̄t ibbak a isht pasalichi m̄vt,

68. Klaist chia ma! kv̄na hosh chisso hokma, akostininchit pin anoli, achi tok.

69. Yohmi ma Pita yv̄t aboha holitompa kocha ya asha

tok: mihma ohoyo himita yosh yummak ash o vla mvt, Chishno ak kia Chisvs Kalili vtta ya awant ish aya kamo, achi tok.

70. Yohmi kia moma itikba yatuk ma ik ithano ilahobit, Nana ish miha hoka, ak akostininchoshke, achi tok.

71. Micha kohchvt ivt apishia ona ma, ohoyo himita inla yosh pisa mvt, yumma maya kash o, Ilvppak kia Chisvs Na-salet vtta ya awant aya kamo, im achi tok.

72. Mihma anonti anumpa kvllo isht il onochit ik ithano ilahobit, Hatak yumma ithana li keyushke, achi tok.

73. Atuk o in chekosi ma bilikasi hiohmaya tuk ash osh ai vla mvt, Pita yash o, Chishno ak kia okla yumma ish ib ai achvfa yatuk o pullvshke; chim anumpa hvt chi otvnichi hoka, im achi tok.

74. Yohmi ma yummak ash osh, Hatak yumma ithana li keyushke, achit ik ahobalot anumpulit anumpa kvllo isht il onochit ishtia tok. Mihma chekosi mak inli hq akaka yvt ola tok.

75. Yohmi ma Pita yash osh, Akaka yvt ik olo kisha hq, hituchina ha chik svthano ish miha chi hoke, im achi tok, Chisvs im anumpa hash pit ithaiyana tok. Mihmvt kocha ia cha, yahaya fehna tok oke.

CHAPTA XXVII.

Na holitompa isht gasha pehlichy vhleha hash osh Chisvs a Pailat Loman i miko ak o isht im ona, 1; 3 mihma Chutas Iskaliot vt ile nuksteli. 19 Pailat tekchi vt Chisvs a nana ik kanimihcho bok bano im ahni; yohmi kin na holitompa isht gasha vhleha hvt nan ahni kak o vllpesa im ahni cha, 26 Balabas ak o peh i hotofi mvt, Chisvs vto illa chi mak o miha. 27 Loman tvshka chipota vhleha vt Chisvs a ishi cha, kvti halupa yq noshkobo ha isht iachukolichi. 32 Tvshka chipota yvt Chisvs a ishit Kalkohla ona cha, im ilefoka yash na shoeli isht apesvt im ishi mvt, Chisvs ash iti-taiyukhvna ahonvlichy ma; 50 Chisvs vt chitoli fehvt tahpola mvt, illit kvnia, illi ma na fehna kvv ai yvmohmi. 57 Chosef Alimahlea vtta yak osh, Chisvs vt iti-taiyukhvna takali tuk a ishit akvchi, mi-cha hatak illi ai asha himona ilap immi ak inli hq fohkit bohli.

62 Na holitompa isht gsha pehlichí vñleha hak osh asihñla ma, Pailat vt tñahka chipota yá atoinchi na Chisvs ahollopi á atoni.

1. **ONT** onnet taha ma na holitompa isht gsha pehlichí vñleha hut moma, micha okla i hochitoka vñleha aiena kv̄t Chisvs á vba chí kv̄t isht it im anumpulit maya tok.

2. Micha yummak ash q okla takchi mvt, ilauelet isht ivt, nahullo miko Pantivs Pailat ibbak á ont fohki tok.

3. Yvmma foka ma yvmma ishit okla hā im issa tuk Chutas ash osh yvmma illi issa na pisa mvt, inlv̄t im anukfila cha, tvli hv̄ta boshulli pokoli tuchina kash q falaminchit na holitompa isht gsha pehlichí vñleha micha hochitoka vñleha aiena ka isht om ona mvt,

4. Nan ashv̄chi keyu issish q ishit okla hā im issa li hokvt ashv̄chi lishke, achi tok. Mihma, Yvmmvt nanta isht pi abalaia cho? yvmmak okvno chishno ak inli hosh ish pisashke, achi tok.

5. Mihma tvli hv̄ta boshulli á tempel anukaka yá pit fohobli cha, kocha ia mvt, ont ile nuksiteli tok.

6. Yohmi ma na holitompa isht gsha pehlichí vñleha hash osh tvli hv̄ta boshulli ash ishi mvt, Tvli holisso ai itahoba holitopa yá pit fohka he vñhpesa keyu, issish q isht vñhtoba hatuk oka, achi tok.

7. Yohmi mvt okla isht im anumpulit maya cha, oklushi inla hatak puta ka á hollopa hi vt shuti-tvna im osapa yq isht chumpa tok.

8. Yvmohmi hatuk q osapa yvmmvt, Osapa issish hohchifo tok vt himak nitak á moyuma hoke.

9. Yvmohmi ma hopeai Chelemaias vt anumpuli mvt, Is-lael ushi vñleha hut ai vñhtoba he okla apesa tok mak q ai vñhtoba he vñhpesa tuk vñhtoba tvli hv̄ta boshulli pokoli tuchina ka okla ishi tok.

10. Micha Chitokaka yvt vm apesa tok mak q, shuti-tvna atuk im osapa yq isht atobbi tok; achi tok á ont aighli tok.

11. Mihma Chisvs vt nahullo miko itikba yá hikia tok; mihma nahullo miko vt yvmmak ash q i ponaklot, Chishno ak osh Chu okla hā i miko chia mak oh cho? achi

tok. Mihma Chisvs vt, Ulhpesa hq ish mihvshke, im achi tok.

12. Atuk o na holitompas isht asha pehlich vheha, mik-mvt hochitoka vheha aiena kv nan isht mihachi ka, nanasi kia ilapvt afalaminchit ik miho ki tok.

13. Yohmi ma Pailat ash osh, Nana lgwa ka isht a chi atokoli ka chik haklo ho tuma? im achi tok.

14. Yohmi ma yvmmak ash osh anumpa achvfa kia ik im afalamincho ki tok; yohmi hatuk o nahullo miko ash osh nukhlakancha fehna tok.

15. Micha vbanvblit ontia impa ashakma, kvna hq okla ahnikma, nahullo miko vt yukvt talakchi atuk a okla hq imi hotofi chatuk a tok.

16. Atuk o yvmma fehna ma annohova fehna chatuk yukvt talakchit Balabas hohchifo hosh okla hq im anta tok.

17, 18. Yohmi hatuk o Pailat ash osh yvmma okla isht ik i yukpo kak osh ishit okla hq im issa hatuk a, ithana hatuk osh, okla itvnavt taiyaha ma, Kvta mak o hvchim hotofi la he a hvsh aiahni cho? Balabas ak okma, keyukmvt, Chisvs osh Klaist hohchifo kak okma, katimampo kak a chi cho? im achi tok.

19. Mihmvt nan-apesa aiasa ya ont binili ma, tekchi vt pit im anolit, Yvmmak atuk mak o himak nitak a si holhpo-kunvt nana isht ik svm ai achukmo kv an laua hatuk oka, hatak ahli achukma yvmma nana chik kanihcho kashke, achi tok.

20. Yohmi kia na holitompas isht asha pehlich vheha, micha hochitoka vheha aiena hokvto Balabas ak o okla asilh-ha cha, Chisvs ak o vba chi ka, okla laua ya atohnochi tok.

21. Nahullo miko ash osh afalaminchi mvt, Tuklo ka katimampo hvchim i hotofi la hi a hvsh aiahni-cho? im achi ma, Balabas ak o, okla achi tok.

22. Pailat ash osh, Yohmikmvt Chisvs osh Klaist hohchifo kvno, nanta hak o katimihchi la hinla cho? im achi ma, Iti-taiyukhvna yak o ahonvhlvt illashke, momvt okla achi tok.

23. Mihma nahullo miko ash osh, Katiohmi hq? nan ok-pulo nanta mak o yvmohmi tuk oh cho? achi tok, Yohmi

kia i shahlichit tahpult, Iti-taiyukhvna yak o ahonvhlvt illashke, okla achi tok.

24. Pailat ash osh ilapvt na kanihma he keyu, amba yahapa kak osh i shahlit toba pulla hi a akostininchit mvt, okla kapressa ya ishi cha, okla itikba ya ibbak ai achifa mvt, Hatak ahli achukma ilvppa im issish a isht si ahalaia keyu mak oke: hvchishno ak osh isht hvsh ashashke, im achi tok.

25. Yohmi ma okla momvt afalaminchi mvt, Im issish vt pishno, micha pim vlla aiena kak o onvtonlashke, im achi tok.

26. Yohmi ma yvmmak ash osh Balabas ak o okla ha imi hotofi tok: micha Chisvs ash o fvmmit issa mvt, iti-taiyukhvna ahonvhlta chi mak o im issa tok.

27. Yvmma foka ma nahullo miko in tvshka chipota vhleha hash osh Chisvs a ishtivt nana ai apesa yo isht ona mvt, tvshka chipota vhleha ha mominehit ont im itvnahli tok.

28. Mihmvt nafohka ya i shoeli cha tvshka chipota pehlichit i nafohka humma yo ishit fohkvchichi tok.

29. Micha kvti iachuka ho okla tvnvt tahli mvt, noshkobo ha iachukolichi cha, anonti ibbak isht impakimma ya kvshak o pit fohki tok: mihmvt itikba ya okla i hvchukbihlepa cha, isht yopult, Chu okla i miko ma! na chi yukupashke, achi tok.

30. Mihmvt yvmmak ash o okla on tuftua, micha kvshak ash ishi cha, noshkobo ha isht boli aiena tok.

31. Mihmvt yvmmak ash o okla ishit yopult issa mvt, tvshka chipota i nafoka humma yash o i shufi cha, ilap i nafoka yash inli ho fohkvchichi mvt, iti-taiyukhvna ahonvhlta chi hosh ilauelet ishtia tok.

32. Atuk osh okla ont kocha wiha fehna mvt, Saileni hatak Saimon hohchifo ho okla pisa tok: mihmvt im iti-taiyukhvna ya yvmmak osh shola he a okla atohnochi tok.

33. Atuk osh yakni Kalkohla hohchifo yvmmt, Noshkobo foni aiasha, achi mak o ona ma,

34. Yvmmak ash o ishka chi ka wineka yosh basunlvsh okchi yvt ibvlhto ho ipeta tok: mihma yvmmak ash o ishkot pisa mvt, ishka he keyu ki tok.

35. Mihma yummak ash q iti-taiyukhvna okla ahonvhli-chi mvt, na shoeli q im ilefoka yatuk ash isht iti hopela tok; hopaii vt, anumpuli mvt, Um ilefoka yatuk puta ka okla iti hopela mvt, anonti vm ilefoka lumbo atuk a okla nan-isht a shoelishke, achi tok vt aiahla chi mak a tok.

36. Micha okla hash osh yummak q aka binohli cha, yummak ash atoni tok.

37. Mihmvt noshkobo paknaka anumpa onvtula holisso hvt, ILUPPAK OSH CHISUS CHU OKLA* I MIKO MAK OKE, achi hq takalichi tok.

38. Yohmi ma hatak hukopa tuklo hosh apihvt ititai-yukhvna ahonvhla tok; achvfa kvv ibbak isht impakimma yq takali ma, anonti achvvt vlvfbekimma yq takali tok.

39. Mihma yumma bilikasi ont ihiya kvv yummak ash q ik ahobalot pit i yuchunukli beka tok.

40. Mihmvt, Tempel a okpvi cha, anonti nitak tuchinak-ma ikbit tahlhi chia hvt, ish ile okchalinchashke, Chihowa a Ushi chia hokmvt, iti-taiyukhvna ya auet akowá, achi tok.

41. Na holitompa isht asha pehlichhi vhleha ak kia na holissochi vhleha, micha hochitoka vhleha ai itapeha kvv yummak ash q ishit yopulvt,

42. Inla yokvno okchalinchhi hatuk okak osh, ilap inli kvto ile okchalinchha he keyushke. Ilvppak osh Israel a i miko yatuk okmvt, himonasi ak q iti-taiyukhvna ya auet ik akowá, yohmikmak q iloh i yimmashke.

43. Chihowa ya anukcheto atuk oka, yummak osh i hullo hatuk okmvt, himonasi a ant ik hlakofichhi; Chihowa Ushi sia hoke, achi hatuk oka achi tok.

44. Hatak hukopa tuklo yumma apihvt iti-taiyukhvna ahonvhla tuk kak kia ik ahobalo kvv, yummak inli hq, choh-michi tok.

45. Yohmi ma hvshi kanvlli vlvhvisa ont isht hannalik fehna ai vhlit kvv, hvshi kanvlli vlvhvisa isht chakkali ona ka, yakni moma ka ai okhlilit kvnia tok.

46. Yohmi ma hvshi kanvlli vlvhvisa ont isht chakkali foka ma, Chisva vt chitoli fehna hosh tahpvlvt, Eli, Eli, lama sabakhiani? achi tok; yummvt an Chihowa ma! an

Chihowa ma! nanta katiohmi ho is sa kanchi cho? achi hoke.

47. Mihma yumma hiohmaya tuk vt kanimi kv̄t haklo mvt, Hatak ilvpp̄t Elias a pit i howvshke, achi tok.

48. Mihma mih mak inli ho achv̄vt malelit ia mvt, na shat̄mmi o ont ishi cha wineka alotoli mvt, kushak o takalichi cha, yummak ash o ishka chi ka pit ipeta tok.

49. Mihma inla ka yash osh, Ik ashá, Elias vt okchalinchit aya hinlakmá, nanakmá, keho pesá, achi tok.

50. Mihma Chisvs vt atukla ma chitoli fehna hosh tahp̄la mvt, fiopissa tok.

51. Yohmi ma nant̄vna tempel anukaka takali tuk vt paknaka ak o a hlilav̄t ia mvt, aka ont taha cha tuklo tok: mihma yakni vt winakahanchi ma, tvli hochito puta kv̄t bakahli tok.

52. Mihma hatak ahollopi puta kv̄t tiwa ma, vbanumpuli puta haknip maȳvt nusi tuk vt l̄awa kv̄t tani tok.

53. Atuk osh Chisvs vt illi tuk vt falamvt tani ma, ahollopi puta ka akohcha wih̄vt ia mvt, tv̄maha holitopa ya ont̄ l̄awa ka i haiaka tok.

54. Sintulion micha ap̄ih̄vt maȳvt Chisvs a apesv̄chi tuk aiena kash osh yakni winav̄chi, mihm̄vt nana kv̄t ai yakohmi puta na pisa mvt, okla nukshopa fehna mvt, Ilv̄pak okvt Chihowa ha Ushi yo mv̄hli tuk pullv̄shke, achi tok.

55. Yokmi ma ohoyo l̄awa Chisvs a ap̄eh̄vt Kalili a asht, mintit yumma nan im atahli yatuk vt yumma maya cha, auct̄ mishema ho pit pisa tok.

56. Yumma takla maya kv̄t, Meli Maktalene micha Meli, Chemis, mikm̄vt Choses aiena ishki, mikm̄vt Sebeta ushi v̄hleha ha ishki ak osh aiena tok.

57. Ont op̄iv̄t taiyaha ma hatak nan in laua Alimahlea v̄tta Chosef hohchifo hosh, yummak kia Chisvs a nan im ai īth̄na ak inli tuk osh v̄la tok.

58. Michā ia mvt, Chisvs haknip a Pailat a ont im as̄ilh̄a tok. Yohmi ma haknip atukma ima he a, Pailat vt miha tok.

59. Mihma Chosef vt haknip atuk a ishi mvt, yvm-mak ash o nantvna kashofa linen achukma ho a bonulli tok.

60. Mihmvt yvmmak ash o ilap i sepvka himona tuli chito yo a kulli hosh ikbi tuk osh ont fohki tok: mihmvt sepvka okhissa ash o tvli chito yo tonolichit pit isht akamali cha, ia tok.

61. Mihma Meli Maktalene, micha Meli achvfa itatuklo kvv sepvka i chapaka ya chiya tok.

62. Yohmi ma nana ai vltaha nitak atuk auet achakaya nitak o na holitompa isht asha pehlich i vhleha, micha Falisi vhleha aiena kvv Pailat a ant im ai itvnaha cha,

63. Pi shahli ma! na haksichi yvmvvt okchaya momvt ahanta mvt, Nitak ont atuchinakma falamvt tani la hi oke; achi tok a il ithaiyanvshke.

64. Yohmi hoka ish apesa na sepvka vt kvllot vvhkama na nitak atuchina ka onashke; yvmmak keyukma nan im ai ithvna vhleha hvv ninak a ai vlvv hukopvt ishit kvnia cha, Illi tuk vt falamvt tanishke, okla ha im acha hinla hoke: yohmikma ishtaiyopi ka isht haksi kak osh ik ai vlvpeso kvv vmmona tuk a i shahla hinla hoke, achi tok.

65. Mihma Pailat ash osh, Nan atoni vt hvchim ashvsh-ke: oh ilhkoli cha, kanimihchit hvsh a kvullocha hinla kvv hvsh yvmihchashke, im achi tok.

66. Mihma ilhkoli mvt, tvli ash o in chunli cha, nan atoni a ashachit, sepvka ash a kvllochit kaiyanchi tok.

CHAPTA XXVIII.

Nitak ont atuchina onnahnli fehna ohoyo tuklo kvv Chisvs ahollopi tuk a ona; yvmma enchil vt ai afama, 1; 2 micha Chisvs vt illi tuk vt falamvt tani tuk a, im anoli; mihmvt nan im ai ithvna vhleha ha ia cha, ont im anola chi ka i miha. 11 Kaniohmi hosh Chisvs ahollopi ya atonit aiasha tuk vt falamvt tvnaha chito ya ona cha, ahollopi nana a kaniohmi tuk a na holitompa isht asha pehlich i vhleha ha im anoli. 15 Chisvs vt nan im ai ithvna auah achvfa ka Kalili ak o ai i haiaka, 19 micha vbanumpa ha okluah puta ka isht im anumpohonlit itvnohowa he a im apesa.

1. YUMOHMI tuk o nitak hullo vt ont taha tuk wek nitak emmona chi hosh onvt mihinti ma, Meli Maktalene, micha Meli achufa itatuklo kv seplka yash pisvt aya hosh itonachi tok.

2. Yohmi ma yakni vt winakvchi fehna tok: Chitokaka im enchil osh vba mintit vla cha, tvli okhissa onvtula tuk a kanompit tonolichi cha, paknaka ya on asha ha tok,

3. Mihma haknip vt malvtha ak o chiyuhmi ma, im ilefoka yvt tohbi kv okti pushi ak o chiyuhmi tok.

4. Mihma nan atoni vhleha hatuk vt yvmma i nukshopa kv wvnihinchi mvt, illi yo chiyuhmi tok.

5. Yohmi ma enchil vt anumpuli mvt, ohoyo hash o, Ititaiyukhvna ahonvhlvt illi tuk Chisvs ak o hvsh hoyo ka hvchim ithanali hoka, ik hvchi nukshopo kashke.

6. Ilrppa ikshoshke; miha tuk okvt falamvt tani tuk oke. Mintit Chitokaka yvt ai itola tuk a ant ho pesa.

7. Michu tushpvt ivt, illi tuk vt falamvt tani cha, hvchi tikba Kalili a ia chi ka, yvmmak o ont hvsh a pisa chi hoke, nan im ai ithvna vhleha ha ont hvsh im anolashke: inta! hvchim anoli li mak oke, im achi tok.

8. Yohmi ma nukshopa, mikmvt nayukpa fehna aiena hosh seplka ya ashvvt tushpvt itiachi tok; mihmvt nan im ai ithvna vhleha hatuk a anumpa isht im ona chi kv tihlahaya tok.

9. Atuk o nan im ai ithvna vhleha ha im anolit ia hosh ayvt okla ma, Chisvs vt afama cha, Na hvchi yukpashke; achi tok. Mihma ivt yvmmak ash o iyi a ont halvlli cha, aiokpahanchit okla tok.

10. Yohmi ma Chisvs ash osh, Ik hvchi nukshopo kashke: Oh ia cha, itibapishili vhleha ha ont hvsh im anolikma, Kalili a okla ai onvt yvmmak o a sa pesashke, im achi tok.

11. Yohmi na itiachi hosh ayvt okla ma, nan atoni vhleha hatuk kaniohmi kv tmaha ha ona cha, nana kv kaniohmi tuk a mominchit na holitompa isht asha pehlich vhleha ha im anoli tok.

12. Mihma yvmmak ash osh hochitoka vhleha ai itapihvt

itvnaha cha, it im anumpulit okla in taiyaha mvt, tvshka chipota vhleha hash o tuli holisso lawa ka ima cha,

13. Nan im ai ithvna vhleha hvt ninak o ai vla cha, nusi hosh e maya takla ma, ant hukopvt ishit kvnia tuk oke, hvsh achashke.

14. Yohmikma ilvppak atuk mvt nahullo miko haksobish a afohka hokma, yvmmak oka e hopohlvchi cha, e hvchi hlakofichashke, achi tok.

15. Yohmi ma twli holisso ash o okla ishi mvt, nan im avvchi tok mak o okla ai yvmohmi tok: yvmohmi tok o anumpa ilvppvt himak nitak ak kia Chu okla itintakla ya ai annghoa hoke.

16. Yohmi ma nan ithvna auah achvfa kash osh Kalili a ilhkolit, nvnih chaha Chisvs vt ai im atokoli tok mak o ona tok.

17. Micha yvmmak ash o pisa mvt, okla ai okpahanchi tok: yohmi kia kanimi kvto anuktuklo tok.

18. Yohmi ma Chisvs vt vla cha, ant im anumpuli mvt, Uba yakni, micha yakni ilvppa aiena nan-isht im ai ghlika puta moma kvv vmmi toba hoke.

19. Yohmi hoka hvsh ilhkoli cha, oklushi moma ka nan ithvna ikbit, Iki, micha Ushi, mikmvt Shilombish Holitopa aiena ho isht a hochifochit hvsh baptismo honchashke:

20. Nan okluha ka nana ho hvchim apesa li tuk a holi-tobla he mak o hvsh im abahanchashke: yohmikma yakeh! vno vt hvchi awant aya li bilia ho, yakni vt ont ai vhla hi oke, achi tok oke. Amen.

UBANUMPA MAK.

UT HOLISSOCHI TOK.

CHAPTER I.

Chan Baptist vt vbanumpa isht anumpohonli 1; 9 Chan vt Chisvs a baptismochi; 12 atuk o yvmmak atuk a i himmak ma Setan vt Chisvs aah o imomaka pisa. 14 Chisvs vt Kalili a vbanumpa isht anumpohonli; 16 mihmvt Saimon, micha Antilu, mikmvt Chemis, micha Chan aiena ka nan im aiithvna toba chi ka i miha. 23 Nitak hullo ya Chisvs vt nan ithvnanchi, micha shilombish okpulo kobchichi aiena mvt; 29 Pita tekchi ishki, 32 micha hatak abeka inla yvt laua ho hlakofichi; 35 Chisvs vt vba pit anumpula chi bosh onmvt ik tabo kisha ho tani; 39 atuk oah i himmakma Kalili vbanumpa isht ai anumpuli, 40 leplosi vbi yo hlakofichi.

1. CHISUS Klaist Chihowa Ushi im vbanumpa ai ishtia vmona kv,

2. Yakeh! vm anumpeshi ya chi tikba chvffichi li hoka mihi yosh chi hina ya tikbanli apoksiacha hi oke.

3. Achvfa hosh yakni haiaka ya a pahaya kv, Chitokaka ataya hi a apoksiachit i hina puta ka oh apissvlich, ahan-chishke, achit hopaii vhleha i holisso ha a holisso tok ak o ai itilavi tok.

4. Chan vt yakni haiaka ya a baptismohonchi mvhli tok: mihmvt ai ashvchika puta ka isht a kashofa chi ka, ile kostininchit baptisma hi a isht anumpohonli tok.

5. Yohmi ma Chutea yakni ai asha tuk, micha Chelusalem ai, asha tuk aiena kv, momvt yvmmak ash o im ai ona cha, nan im ai ashvchika puta ka il anohonlit, Chatan okhina yak o ai im a baptismo tok.

6. Mihmvt Chan vt kamel hishi nafohka fohka cha, na-

hakshup vskofuchi yo vskofaiyachi tok : mihmvt hawa, mi-cha foi-bila kowi anuka asha yak o vpa beka tok.

7. Mihmvt vbanumpa isht anumpohonli mvt, Uno a a shahli fehna hosh auet siakaiyvt minti, yvmmak okvno vno vt i shulush isht-talakchi yak kia a hlipivt hotofi la he si ahoba keyu hoke.

8. Uno vto oka yo isht hvchi baptismochi li mvhli hatuk ; amba yvmmak okvto Shilombish Holitopa yo isht hvchi baptismocha chi hoke, achi tok.

9. Atuk o nitak yvmma foka ka yakohmi tok : Chisvs vt Nasalet Kalili talaia ka vttvt mintit vla cha, Chatan ak o Chan a ai im a baptismo tok.

10. Micha oka ya ai vttvt kocha ia mak inli ho, vba shu-ttk vt auet tiwa na Shilombish Holitopa yvt pvchi-yoshuba chiyuhmi hosh vba mintit yvmmak ash o ant o binili tok.

11. Yohmi ma vba ya anumpa hv auet takali kv, Chishno ak osh Svsso a holitopa chia hoke ; chishno ak o nan-isht chi a sai yukpa hoke, achi tok.

12. Atuk o chekosi mak inli ho Shilombish Holitopa yvt yakni haiaka ya pit chvffichi tok.

13. Yohmi na yakni haiaka yvmma nitak pokoli ushta ho ahanta na Setan vt imomaka pihisa tok ; mihma napoa ok-pulo puta ka itintakla ahanta tok ; mihma enchil vhleha hosh nan-isht im anta tok.

14. Chan vt aboha kullo fohka ha yo, Chisvs vt Kalili a vla cha, Chihowa ap ehlichika isht anumpa hanta ya isht anumpohonli tok.

15. Mihmvt, Nana kv ont aighlit taha na Chihowa ap ehlichika yvt olanlosi vlvshke ; ile kostininchit, vbanumpa ha ho yimm, ahanchi tok.

16. Atuk osh Kalili okhvta lapalika ya aya mvt, Saimon vt itibapishi Antilu itatuklot, nvni-hokli yatuk okvt, nvni-isht-hokli a okhvta pit okvchi hosh ahagshwa na pisa tok.

17. Mihmvt Chisvs vt, Mintit vno ak o hvs si apeha na hatak hokli yo hvch ikbi lashke, im achi tok.

18. Yohmi ma mih-makinli ho i nvni-isht-hokli yash issa cha, iakaiyvt okla tok.

19. Mihma yvmmak atuk a ivt mishema ona mvt, Sebete ushi Chemis, micha itibapishi Chan itatuklo kak kia, peni anuka ya nvni-isht-hokli aiskiachi hosh chiya na pisa tok.

20. Mihmvt mih makinli ho yvmmak ash o pit i howa tok; mihma yvmmak ash osh iki Sebete vt hatak ilhtohno vhleha ho iba taklvv peni ash foka na issvt, pit iakaiyvt okla tok.

21. Atuk o Kapenavm ak o okla ai ona tok: atuk o chekosi ma nitak-hullo nitak o sinakak a ont chukowa cha, nana abahanchi tok.

22. Yohmi ma nan isht ai im avvchi ka okla anukhlakan-cha tok: yvmmak okvt nana kvv ai im vlvpiesa hosh nana im abahanchi kia, na-holissochi vhleha yak okvno ik holbo ki tok.

23. Yohmi ma sinakak yvmma hatak vt shilombish okpulo ai i foka hosh asha tuk osh, tahpvlv,

24. Iikike! Chisvs Nasalet ai vttla chia ha nanta ho isht e chi ahalaia cho? kvna ho chia hoka chithana li, Chihowa i na-holitopa chia mak oke, achi tok.

25. Mihma Chisvs vt yvmmak ash im olvbbit, Nukchintot yvmma ish a kohchashke, im achi tok.

26. Mihma shilombish okpulo ash osh yvmmak ash o haiochechi cha, chitolit tahpula mvt, yvmmak ash a kohcha tok.

27. Yohmi ma momvt, okokko! aiahni fehna; yohmi cha, Ilvppvt nanta mak osh yakohmi cho? ilvppak osh nan-isht avvchi himona nanta mak oh cho? ai im vlvpiesa hosh yvmmak ash osh shilombish okpulo vhleha hak kia nan im apesa ma, im antivshke, achit okla it im a ponaklot maya tok.

28. Yohmi ma chekosi makinli ho yvmmak ash isht annoa kvv Kalili a folumpa yakni moma ka hlopulli tok.

29. Atuk o sinakak a ashvt a kohcha makinli hosh Chemis, Chan itatuklo ka ai it apihvt Saimon, micha Antilu itatuklo in chuka yo okla ont abeha tok.

30. Mihma Saimon tekchi ishki yvt-yvnha hosh itonla tuk o, ashalika yvmmak ash im anoli tok.

31. Mihma ona cha ibbak g halvllit, tanichi tok ; mihma yvnha hash osh ashalika shipa na nan isht im vtta tok.

32. Atuk o ont opia hvshi vt okatula ma, haknip ik in chukmo puta, mihmvt nan-isht-ahullo okpulo ai i foka aiena tuk g, mominchit okla isht im ai vla tok.

33. Mihma tmaha okla hash osh momvt okhissa ya ant ai itahoba tok.

34. Mihma haknip ik in chukmo ilaiyuka isht abeka tuk g laua ho hlakofichi mvt, nan-isht-ahullo okpulo mvt laua ho kocha weli tok : mihmvt nan-isht-ahullo okpulo yvt ilapa okla ithana hatuk o, ik anumpuli ik im ahno ki tok.

35. Atuk osh ont onnahinli, onnvt ik taho kisha pilla ho, tani cha, kohchvt ivt haiaka ona cha, vba pit anumpuli tok.

36. Mihma Saimon, micha apeha tuk ash aiena kvv pit iakaiyvt ilhkoli tok.

37. Atuk osh yvmmak ash ont pisa mvt, Hatak momvt chi hoyoshke, okla im achi tok.

38. Mihma auet apanta tmaha maya kak o kil ohona na yvmmak ma vba isht ai anumpohonli lashke, yvmmak a he mak osh gya li ha tok okvt, im achi tok.

39. Atuk osh Kalili fullota i sinakak puta ka vba isht ai anumpohonlit, nan-isht-ahullo okpulo puta ka kocha wihinli tok.

40. Mihma leplosi vbi yosh gyvt im ona cha, i hvchuk-bihleptv im ilbvsha mvt, Ulhpesa ish ahni hokmvt, is sa kashofa hinlvshke, im achi tok.

41. Mihma Chisvs vt i nukhaklo cha, ibbak g pi welit, potoli mvt, Ulhpesa ahni lishke ; chi kashofashke, im achi tok.

42. Mihma anumpulit ont issa makinli ho, leplosi ash ot ashalika i kvnia na yvmmak ash osh kashofa tok.

43. Mihma ik annoo ka hi a kullochi fehna hosh yvmmak ash i mihvt taiyahli cha, ashalika kanima pit chvffichi ;

44. Yohmi mvt ahah ! aiahnit hatak kvna kia na chik im anolo kashke ; amba chi hlakofi hokvt okla ha nan im atokowa chi ka, ia cha, na-holitompa-isht vtta yak o ont ish il imi haiakvchi cha, nana puta ka Moses vt apesa tok mak o ish yvmihchashke, im achi tok.

45. Yohmi tuk kia yummak ash osh ia mvt, andli fehvt, nana kash kanima moma ai im annoachi, yohmi na Chisvs vt himmakma ile haiakvchit ayvt tumaha hā chukowa he keyu hosh, amba kochvt yakni haiaka yak o vttvt aya tok: yohmi ma kanima moma a mintit im ai ohona tok.

CHAPTA II.

Chisvs vt hatak palsi isht abeka yq hlakofichi, 1 : 13 Chisvs vt Mahlu vt nan im ai ithvna toba chī ka i miha; 15 micha pūblikan vhleha mikmvt nan ashvchi vhleha aiena ibai impa ka nan isht mihachi ma kanohmi hq yohmi hatuk vt anoli. 18 Mihmvt nan im aiithvna vhleha hā nan ik hullocho hoka nan isht mihachi; mihma yummak ash osh ik yohmo kv̄t im ai v̄lhpesa atuk a miha mvt; 28 nan im aiithvna vhleha hā nitak hullo kobeffi hq nan isht mihachit aha ma, yummak okvt nitak hullo kobeffi hatuk o keyu ka miha.

1. ATUK o nitak kanohmi ma, anonti Kapenavm a ont chukowa tok: mihma aboha anyka aha ka annoa tok.

2. Yohmi ma ashalika lāwvt ant itahoba, yohmi na aiasha hi vt iksho ma, okhissa itikba yash kia a hikia hi vt iksho ki tok, mihma vbanumpa hā isht im anumpohonli tok.

3. Yohmi ma hatak vt palsi isht abeka hq ushtvt it i shoyulit, isht im v̄la tok.

4. Micha okla itakantvli ka, i bilika okla ona he keyu mvt, a hikia ka paknaka ya isht hulmo ya tiwi tok; atuk osh tiwit tahli mvt, palsi isht abeka yvt ai onvtola topa hash okla aka pit bohli tok.

5. Okla na yimmi ka Chisvs vt pisa mvt, palsi isht abeka atuk ash o Suso ma! na chim aiashvchika puta kv̄t chī ka-shofa mak oke, im achi tok.

6. Yohmi kia na-holissochi vhleha kanimi kv̄t yumma binohmaya tuk vt, chukvsh anukaka isht anukfillit,

7. Na katihmi hq hatak ilvppvt yakohmichit Chihowa ik ahobalot anumpuli cho? Kv̄ta hosh nan ai aiashvchika puta ka kashofa hinla hq? Chihowa ak illa keyu?

8. Mihma yakohmichit okla im anukfila ka Chisvs vt ilap chukvsh ak inli ka isht akostininchi mvt, ashalika, Na katih-

mi hq ilvppa puta ka hvchi chukvsh anykaka isht hvchim anukfila cho?

9. Palsi isht abeka atuk g, Na chim ai ashvchika puta kvv chj kashofa hoke; im achi kak okmá, keyukmvt, Wakayvt, chj potvlhpo g sholi cha, nowá, achi kak okmá, kati-ma kak osh ahchiba kvv ik lauwo cho?

10. Yohmi kia Hatak Ushi vt yakni paknaka nan aiashv-chika puta ka kashofa hi vt ai im vlhpiesa hatuk g hvsh akostinincha chj kak o.

11. Palsi isht abeka yash o im anumpulit, Tanit, chj potvlhpo a sholi cha, chin chuka ish iashke; chim achi lishke, im achi tok.

12. Mihma ashaljka yvmmak ash ot tanit, potvlhpo ash sholi cha, okla momvt pisa na kohchvt ia tok: yohmi na momvt nukhlakancha mvt, Nitak nan ash ilvppa chohmi na e pisa chatuk keyushke, ahanchit Chihowa yg pit holitobli-chi tok,

13. Atuk o anonti kohchvt ia mvt, okhvta lapalika yg ona tok: mihma okla laua yvt momvt ant im ai itahoba na nan im abahanchi tok.

14. Atuk osh ont ia hosh gya mvt, Lefai Alferv ushi vt tvli-holisso abohli g asha na pisa mvt, yvmmak ash o, Is siakaiyashke, im achi tok.

15. Atuk o yakohmi tok: Chisvs vt yvmma im aboha anyka yg impa hosh asha ma, pvblikan micha nan-ashvchi vhleha aiena kvv laua hosh Chisvs, micha nan im ai ithvna vhleha aiena ka takla binohmaya akinli tok: yvmmak okvv laua hatuk osh, okla apihvt gya tuk a tok.

16. Michana-holissochi vhleha, micha Falisi vhleha aiena kvv, yvmmvvt pvblikan vhleha, micha nan ashvchi vhleha aiena ka it ibai-impá na pisa mvt, nan im ai ithvna vhleha hash o, Katiohmi hq pvblikan vhleha, micha nan-ashvchi vhleha aiena kvno it ibai impvt nan it ibai ishko cho? im achi tok.

17. Mihma Chisvs vt haklo mvt, Haknip im achukma hokvto, alikchi g bvna keyu, amba abeka kak oke: nan-ashvchi ik im iksho vhleha hq hohoyot gya li tok keyu,

amba, nan-ashvchi vhleha yosh ile kostinicha chi kak a tok, im achi tok.

18. Mihma Chan, micha Falisi vhleha aiena nan im ai ithvna vhleha hvt na hullohonchi beka tok: atuk osh ai vla mvt, Nanta katiohmi ho Chan micha Falisi vhleha aiena nan im ai ithvna vhleha hvt na hullohonchi ma, amba chishno na chim ai ithvna vhleha hvto nan ik hullocho cho? im achi tok.

19. Mihma Chisvs vt, Hatak himona ohoyo itauwaya tuk vt takla anta moma ka, i kanomi vhleha hvt nukhaklot na hullocha hinla cho? Hatak himona ohoyo itauwaya tuk vt im asha takla hokvt okla nahullocha he keyu hoke.

20. Yohmi kia hatak himona itauwaya yash ot ai i filvma he nitak vt ai ona he; yohmikmak o nitak yvmma fokakmeno okla nukhaklot nahullocha hi oke.

21. Hatak nana kia nantvna hlilafa himona ka anchi hlipa ya isht akvlli chatuk keyu: yvmmak keyukma, na hlilafa himona vlvkta atuk vt sipokni ash hlilvfi na i shahlit hlilavt okpulo hoke.

22. Mikma hatak nana kia oka-paki himona ya shukcha sipokni yo apitta chatuk keyu: yvmmak keyukma, oka-paki himona yash ot shukcha yash mitahlich na hlayakma; shukcha yash ot okpula hinlvshke: amba oka-paki himona vt shukcha himona yo vlvpitta pullashke, im achi tok.

23. Atuk o yakohmi tok; nitak-hullo nitak o osapa hlopullit aya tok: mihma nan im ai ithvna vhleha hvt onush a hlinlit itnawa tok.

24. Mihma Falisi vhleha hvt, Yakeh! na-katihmi ho nitak-hullo nitak o nana kv ai vlvpesa keyu ka, okla yvmohmi cho? im achi tok.

25. Mihma, Lewi vt ilap, micha apehvt aya tuk aiena kv hohchvfo mvt, nana ka bvna cha, a kaniohmi tok:

26. Micha na holitompa isht vta i shahli Abaiahla vt ahanta nitak a Chihowa im aboha ya pit chukowa cha, yvmma ai vpa he vlvpesa hatuk keyu, amba na-holitompa isht asha vhleha kak a he tuk a, pvska holitopa ya vpa mvt,

anonti apehvt aya tuk ma ipeta tok a himonna kia holisso hvch ik it im anumpulo chatuk oh cho? im achi tok.

27. Mihmvt nitak-hullo vt hatak ak o im vllhpisa a tok: hatak ak osh nitak-hullo ak o im vllhpisa tok keyushke.

28. Yohmi hoka, Hatak Ushi vt nitak hullo ak kia in Chitokaka yoke, im achi tok.

CHAPTER III

Chisvs vt hatak ibbak shila hlakofichi, mihma yvmmak o Falisi vhleha hvt vbi bonna hatuk o Chisvs vt koehvt kemia, 1; 10 mihma okla laua apehvt ilhkoli na lauachit hlakofichi. 13 Mihmvt anum-peshi auah tuklo hq atokoli. 20 Chisvs a i kanomi vhleha hvt tasimbo hq im ahoba, 22 mihma Falisi vhleha hvt Chisvs a ik ahobalot anumpuli; yohmi ma yvmma okla miha ka ahli keyu ka atokolit im anoli. 31 Kva hosh Chihowa nana aiahni puta ka yvmohmi hokvt Chisvs a i kanomi fehna mak oke.

1. ATUK osh anonti sinakak a ont chukowa ma, yvmma hatak vt ibbak shilvt illi yosh asha tok.

2. Mihma nitak-hullo nitak a hlakofichikma, nanakma, nan-vllhpisa onocha hi vt ahnit okla apesabanchi tok.

3. Mihma hatak ibbak shilvt illi yash o Iklvnnaka ya w McKayvt a hikiá, im achi tok.

4. Mihmvt, Nitak-hullo nitak a nan achukma hq yvmohmi, keyukmvt achukma keyu hq yohmi kak okma; ilhfio-pak okchalinchi, keyukmvt vbi kak okma, nanta kak osh ai vllhpesa cho? im achi tok. Yohmi kia nan ik acho hosh maya tok.

5. Mihma okla chukvsh kullo ka isht nukhaklot, ik im vllhpiesot filemvt pisa mvt, hatak ash o, Chisemochi, im achi tok. Mihma chisemochi tok; yohmi ma ibbak ash osh fallamvt hlakofit in tvnvtv ak inli hq chohmi tok.

6. Mihma Falisi vhleha hvt kocha wiha mvt, ashalika Helotian vhleha aiena kvv yvmmak ash vba hi vt isht it im anumpulit maya tok.

7. Yohmi kia Chisvs ash ot nan im ai ithvna vhleha hash

pehlichí cha, filvmmít okhvta ía tok: mihma Kalili, micha Chutea aiena minti,

8. Micha Chelusalem minti, anonti Itumea, micha Chatan mish-tvnnvp minti, micha Taia, micha Saiton a fullota minti aiena okla chinto kv̄t nan aiyaka fehna ka yvmihchi h̄o okla haklo mvt, iakaiyvt okla chinto fehvt im ai ona tok.

9. Mihma okla laua hokvt ik atehlefo k̄a chí kak o, peni vt im vltaha chí kv̄t, nan im ai ithvna vhleha h̄a i miha tok.

10. Lauachit hlakofichi hatuk; yohmi hatuk oka, nan i palummit aiasa atuk vt momvt yvmmak ash haleli bvvvt okla a hvhlihinchí tok.

11. Mihma shilombish okpulo puta kv̄t yvmmak ash pisa mvt, itikba aka hlipkvchi mvt, tahpahankvt, Chishno ak osh Chihowa Ushi chia mak oke, achi tok.

12. Mihma yvmmak ash ot ilap a ik otvvincho ka chí ka, yvma kvllochit im apesa tok.

13. Mihmvt nv̄nih chaha ȳo ont oiya cha, kv̄na h̄o ilap aiahni hosh hoyo na, okla im ai ona tok.

14, 15. Mihma tohno na yvmvt ilapa apehvt aya cha, v̄banumpa isht ahanta he; micha abeka puta hlakofichit, nan-isht-abullo okpulo kocha wela he aiena kv̄t, ai im v̄hpesa chí ka anah tuklo h̄o atokoli tok.

16. Mihmvt Saimon atuk a Pita hochifo tok.

17. Mihmvt Sebetē Ushi Chemis itibapishí Chan itatuklo, yvmmak ash o Boaneches hochifo, yvmvt Hiloha ushi, achi hoke.

18. Mikma Antilu, mikmvt Fillip, micha Bahlolomu, mikmvt Mahlu, micha Tamas, micha Alfevs ushi Chemis, mikmvt Taters, micha Kenan hatak Saimon aiena,

19. Mikmvt yvmmak ash ishit inla im issa tok Chutas Iskaliot vt aiena tok: mihma chuka chukowa tok.

20. Mihma okla laua yash osh anonti ant ai itahoba na ilhpak ak kia okla vpa he keyu ka chohmi tok.

21. Yohmi ma i kanomi vhleha hv̄t haklo mvt, Tasimbo hoke, achi cha, hokla chí hosh okla ilhkoli tok.

22. Atuk o na-holissochi vhleha Chelusalem minti tuk

ash osh, Beelsebub ak o il ai ishi hosh, nan-isht-ahullo okpulo puta ka isht kocha weli hoke, achi tok.

23. Yummak ash o hoyo mvt, nan-isht-vlhpisa ho anum-pulit, Katiohmi kak osh Setan vt Setan a kohcha hinla cho ?

24. Micha apelhichika achvfa kvt it a kashapvt ilap ash inli it im i sanali hokmvt, apelhichi achvfa yummak atuk vt talaia he keyu hoke.

25. Mihma chuka achvfa vt it a kashapvt ilap ash inli it im i sanal kmvt, chuka achvfa yummvt talaia he keyushke.

26. Mikma Setan vt ilapo inlit it a sanalit ahanta cha, it a kashapa hokmvt, kvllot hikia he keyu, amba ont iksho ka he bano hoke.

27. Hatak nana ak osh hatak hlampko in chuka ya ont chukowa cha, im ilayak puta ka wehpula he keyu : vmmona hak o hatak hlampko yak o takchi ho keyukmvt ; amba yummak okmvt in chuka ya wehpula hinla hoke.

28. Ahli pulla ho hvchim achi lishke. Hatak puta nan im ai ashvchika yvt okluha, micha kaniohmit Chihowa ik ahobalot anumpuli a puta kvt i kashofa hi oke.

29. Amba kvna hosh Shilombish Holitopa yak o ik ahobalot anumpuli hokvto nitak nana i kashofa he iksho, amba issikkopvt bilia mak osh im vlhpisa hi oke, im achi tok.

30. Yummvt nan-isht-ahullo okpulo yo il ai ishi hoke, okla achi ha tok oka.

31. Yohmi ma itibapishi vhleha, micha ishki aiena kvt ai vla cha, kocha ya ont hiohmayvt, inla atohnot yummak ash pit hoyo tok.

32. Mihma okla laua vt a fuloblit binohmaya tok ; yummak ash osh, Yakeh ! chishki micha chitibapishi vhleha aiena kvt kocha hiohmaya hosh chi hoyoshke, im achi tok.

33. Mihma afalaminchit, Hvshki micha itibapishi li vhleha aiena kak osh kvt hoh cho ? achi tok.

34. Mihmvt filemvt i bilikasi binohmaya kash pisa mvt, Hvshki micha itibapishi li vhleha aiena ka ho pesa.

35. Kvna hosh Chihowa nana aiahni ka yvmohmi hokmvt, yummak osh svtibapishi, micha an tek, mikmvt hvshki aiena mak oke, achi tok.

CHAPTA IV.

Na hokchi nan isht vlpisa; micha kaniohmi kak o Chisvs vt nan isht vlpisa ho isht anumpuli, 1; 14 na hokchi isht vlpisa yvt ato-kovvt annoa. • 21 Krna hosh Chihowa im anumpa ha ithana hokvto, ai ithana kvv inla asha ka im avvcha he tuk: 26 vbanumpa hanta hatak chkvsh a fohka hokvt na-nihi yakni a holokchi yvm-mak oka yakohmi hosh ahni keyu kia, offot mahayvt waya cha, vmo ona chatuk a chiyuhmi hoke: 30 micha mvstv nihi ak o it vlpisa akinli. 35 Chisvs vt kocha umba, mahli kvvlo ka im anumpulit yukobli.

1. **ATUK** osh anonti okhva lapalika ya nan ai im avvchit ahanta tok; yohmi ma okla chinto fehna kvv im ai itahoba: yohmi na yvmmak ash ot peni yo pit chukowa cha, okhva paknaka yo binili ma; okla laua yash ot okhva alaka ak inli ho maya tok.

2. **Mihma** nana ka lauachit nan-isht vlpisa ho isht im abahanchi tok: mihmvv nan isht im avvchi kvv;

3. **Inta!** ho haponaklo; na-hokchi vt na-hokcha chi hosh ia tok oke.

4. **Atuk** o hokchi ma, yakohmi tok; kanimi kvv hina lapalika yo kaha tok; yohmi tuk o vba hushi puta kvv ant vvvv tahli tok.

5. **Mihma** kanimi kvv tvli foka yakni asha fehna keyu ho kaha tok; atuk osh yakni vt i suko keyu hatuk okvt, chekosi fehna offo tok.

6. **Yohmi** kia hvshi vt kohcha ma, anakshvvv hakshish vt iksho hatuk okvt, bvshit kvnia tok.

7. **Mihma** kanimi kvv kvv foka yo kaha tok: atuk o kvv offo cha, ai olvbi na ik wayo ki tok.

8. **Mihma** inlaka yvto yakni achukma yo kaha tuk osh, offot i shahlit mahayvt, vnit waya mvv, kanimi kvv pokoli tuchina ma, kanimi kvv pokoli hannali, anonti kanimi kvv tablepa achvfa vnit waya tok.

9. **Mihmvv**, **Kvna** hosh haksobish isht haponakla hi vt i hinlikmvv, haklashke, im achi tok.

10. **Atuk** o ilap banot asha ma, yvmma aiasha tuk vt

auah tuklo kash it apeha cha, nan-isht vllhpisa hash im a ponaklo tok.

11, 12. Hvchishno ak okvto Chihowa apelhichika nan ik otano ka hvsh ithana hi vt a hvchim vllhpisa hoke; amba kocha maya kak okvno pisa hokvno pisa kia ik ithano ka he: haklo hokvno haklo kia ik akostinicho ka he mak o, ilvppa puta kv̄t nan-isht vllhpisa hō ai im vlhtaha hoke: yvmmak keyukma nitak kanima ka chukvsh vt inlv̄t toba cha, nan im ai ashvchika puta kv̄t i kashofa hinla hoke, im achi tok.

13. Mihmvt, Nan-isht vllhpisa ilvppa hvch ik ithano cho? mih kv̄to katiohmi hosh nan-isht vllhpisa puta moma ka hvsh ithvna hinla cho? im achi tok.

14. Na-hokchi vt vbanumpa hak o hokchi hoke.

15. Yohmikma kanima yo vbanumpa hv̄t a holokchikma, yakohmi kak osh ai itvnowa lapalika kaha mak oke: haklo tuk kia, chekosi mak inli hō Setan vt vlvt chukvsh im a holokchi tuk vbanumpa hash ishit kanchi hoke.

16. Yohmikma anonti, yakohmi kak osh tvli foka yakni a holokchi mak oke: yvmmak okvt vbanumpa hā haklo mvt, ashalika na-yukpv̄t ai okpv̄chi hoke.

17. Yohmi kia ilap hakshish vt ik im iksho, yohmi hokvt chekosi takla kak bano hō kvllot hiohmaya hoke: atuk mvt vbanumpa pulla hatuk mak o nan ilbvsha, keyukmvt na-palvmmi kv̄t ashakma, chekosi mak inli hō ibetvbli chatuk oke.

18. Mikma yakohmi kak osh kv̄ti foka yo a holokchi mak oke.

19. Vbanumpa hā haklo; yohmi tukmvt yakni ilvppa nan isht im anukfila, micha nan in laua bv̄nna kv̄t isht ashvchi, mikmvt nana inla puta ai anushkunna aiena kv̄t ibai alota cha, vbanumpa hash ai olvbit ishi na ik vno toba kak oke.

20. Mikma yakohmi kak osh yakni achukma a holokchi mak oke; vbanumpa hā haklo mvt, yvmmak ash yimmi cha, vn̄it wayvt, kanimi kv̄t achvfa tuk vt pokoli tuchinakma; kanimi kv̄t pokoli hannali; anonti kanimi kv̄t tahlepa achvfa ona hoke, im achi tok.

21. Mihmvt, Pula hā tanchi isht-vllhpisa nutaka, keyuk-

mtv topa nuta yokmá, nana hō talali cha, ai-ō hikia ik o hi-lecho ka hi o toba hō?

22. Nana kvt ik otano ka hi osh luma kvt ikshokma, anonti nana kvt ik haiako ka hi osh luma tuk vt iksho, amba haiaka he ak o bano hoke.

23. Hatak nana hosh haksobish isht haponakla hi vt i hinlikmtv, haklashke, im achi tok.

24. Mikmtv, Nana hvsh haklo kvt ahah! hvsh aiahnashke: nan-isht vllhpisa nana hō isht hvsh apesa tuk mvt, hvchishno vt isht hvchim vllhpisa hi oke; mikma na haponaklo hvchia hoka i shahlit hvchim ibvlhta hi oke.

25. Kuna hosh ishi hokmtv, mihi yosh im ibvlhta he; mikma kuna hosh ik im iksho tuk ma, mihi yō ishi tuk ash kia im ai isha hi oke, im achi tok.

26. Mihmtv, Chihowa apehlichika yvt hatak osh na-nihi o yakni anuka pit hokchi:

27. Yohmi cha ninak a nusit, nitak ma tahnikma, nanihi ash ot offot hofantit taiyaha ka, yakohmi kak osh ik aiahno;

28. Yakni ak osh ilap inlit wayachi hoka: vmmona ka vpi atuk mvt, okshonli, yohmi ha mak osh waya chatuk.

29. Yohmi kia vni vt a lakna hokvno, ai-vlmo ona hatuk oka, ashalika isht-vlmo isht iba chukowa chatuk ak o chiyuhmi hoke, achi tok.

30. Mihmtv Chihowa apehlichika ya nanta hak o ohmichit, nan-isht vllhpisa nanta mak o il ai itilauecha chi cho?

31. Mvstvt nihi yvmmak okvt yakni anuka a holokchi kvt, na-nihi yakni paknaka moma ka iskitini kvt ik lauwo;

32. Yohmi kia holokchi mvt, offot isht mahayvt, chito kvt haiyukpulo moma imaiya ma, naksish vt hochitot filamohli: yvmohmi na vba hushi puta kvt hoshontika nutaka a nusi ka chiyuhmi hoke,

33. Mihmtv ai akostinincha hinla ka, anumpa hash nan-isht vllhpisa yvmma chohmi ka lauachit isht ai anumpohonli beka tok.

34. Amba nan-isht vllhpisa hō keyukmvno ik im anum-

pulo; micha ilapo banot maya hokma, nan im ai ithvna vhleha hā nana moma ka achukmalit im anoli beka tok.

35. Atuk osh nitak yummak atuk vt ont opivt taha ma, yummak ash o, Misha tvnnvp ak o pit keho hlopulli, im achi tok.

36. Mihma okla laua kash kanima pit yuhli mvt, yummak ash o peni fohka tuk vt moma na okla isht ia tok. Yohmi ma peni inla ak kia apehvt aya tok.

37. Atuk o mahli okpulo chinto kv̄t kocha: yohmi na oka banvtha kv̄t peni ash ai-issot pit v̄lhp̄ih̄inta ma, polaka alota tok.

38. Mihma yummak ash osh nusi hosh peni asha ka pilla hō v̄lhp̄ishi on itonla tok: atuk o okla ont okchvli mvt, Nan ithvnanchi ma! pilla ch̄i ka nan-isht chik ahno cho? im achi tok.

39. Mihma wakaya cha, mahli hash im alvmm̄it okhv̄ta hash, Nuktanlv̄t lumvt ish talaiashke, im achi tok. Mihma mahli hv̄t issa na yokopa achukmvt talaia tok.

40. Mihma, Na katihmi hō hv̄chi nukshopa fehna cho? na katihmi hō na-yimmi kv̄t ik hv̄chim iksho cho? im achi tok.

41. Yohmi ma okla nukshopa fehna mvt, Ilv̄ppvt hatak katihmi mak atuk a mahli, micha okhv̄ta aiena kak kia im antia cho? im achit māya tok.

CHAPTER V.

Chisvs vt nan-isht-abullo okpulo laua hō kohchichi, 1; 18 mikmvt shukha aya achv̄fa hō ont abeha ch̄i ka im ahni. 25 Chisvs vt ia cha ushetik a ont hlakoficha ch̄i hō Chailvs vt im asilh̄a: mihma ia tuk osh takla yā ohoyo issish ont ia isht abeka yō hlakofichi, 35 mihmvt Chailvs ushetik vt illi tuk a falaminchit tanichi.

1. ATUK osh okhv̄ta hash mish tvnnvp pit tanvblit Katalenes yakni a okla ona tok.

2. Mihma yummak ash ot peni kohchvt ia kash o chekosi ma, hatak vt shilombish okpulo ai i foka hosh, yummak

okvt hatak illi aiasha ak o takla vttvt aya yosh hatak illi aiasha ya a kohchvt afama tok.

3. Yohmi ka yvmmak oka hatak nana hosh tvli itatakvli yoka isht takcha hi o keyu tok.

4. Yvmmak okvt iyi isht talakchi, micha tvli itatakvli aiena ka isht talahakchi kvt, tvli itatakvli ya hokohlichit, anonti iyi isht talakchi a kobahlihinch; yohmi hoka hatak nana hosh yvmmak oka kostinincha he keyu ya tok.

5. Mihma ninak, nitak moma ka nvnih foka, micha hatak illi aiasha aiena kak o vttvt ayvt bilia cha, yahayvt tvli puta ka isht ile boli beka tok.

6. Yohmi tok kia Chisvs vt mishema ho minti na pit pisa mvt, malelit ont aiokpvtchit,

7. Chitoli hosh anumpulit, Chisvs, Chihowa nana moma imaiya Ushi chia ka nanta ho vno vt isht chi ahalaia li cho? chik svlvshacho ka chi ka Chihowa pulla ho isht a chim apesa lishke, achi tok.

8. Yvmmak ash ot, Shilombish okpulo chia hvv hatak yvma ish a kohchashke, im achi ha tok.

9. Mihmvt i ponaklot, Chi hohchifo hvv nanta hoh cho? achi tok. Mihma afalaminch; mvt, Pi laua hoka, sa hohchifo hvv Lechvn oke, achi tok.

10. Mihmvt yakni ashwa tuk ash a kohchit kanima pit ik tihlelo ka chi ka im asilhha fehna tok.

11. Yohmi ma yvma nvnih foka pit bilika ho shukha laua vt impa hosh maya tok.

12. Mihma nan-isht ahullo okpulo ash ot momvt im ilbvshvt, Shukha laua ak o pit ish pi on tihleli na yvmmak o ont il abehashke, achi tok.

13. Mihma Chisvs ash ot mih mak inli ho vlvhesa im achi tok. Yohmi ma nan-isht ahullo okpulo vlvleha hash ot a kohchvt ilhkoli mvt, shukha laua yash ont abeha tok: mihma shukha laua yash osh, yvmmvt tahlepa sipokni tuklo foka tuk osh, yihlepa fehvt sakti chaha yo okhvta ha pit ai oka kahvt oka ai illi tok.

14. Mihma shukha laua ya impvchit maya tuk ash ot yihlvpt, tmaha, micha haiaka gsha tuk aiena ka ont okla

anoli tok : yohmi ma nana mak osh yvmohmi tuk okma pisa chī hosh ilhkoli tok.

15. Atuk osh Chisvs q okla im ai ona mvt, nan-isht-ahullo okpulo ai i fokvt Lechvn il ai eshi tuk ash ot nafohka fohka cha, im anukfila mvt achukma hosh aasha na, okla pisa tok ; mihmvt okla nukshopa tok.

16. Mihma okla pisa tuk ash ot nan-isht-ahullo okpulo ai i foka tuk vt im a kaniohmi hatuk ; mihma shukha laua yvt a kaniohmi tuk aiena kash okla im anoli tok.

17. Mihma i yakni a kohchvt aya hinla ka, yvmmak ash q okla im asihhla tok.

18. Yohmi na peni q ont chukowa ma, nan-isht-ahullo okpulo ai i foka tuk ash osh awant aya hinla kv̄t im asilhha tok.

19. Yohmi kia Chisvs vt vlhpesa ik im ahno hosh, amba, Chin chuka ia cha, Chitokaka yvt chī nukhaklo cha, na chinto fehna ka a chim ataiyahli tuk q chī kanomi vhleha hq ish im anolashke, im achi tok.

20. Mihma filvmm̄it ia mvt, na chinto nana mak q Chisvs vt im a tahli tuk a Tekapolis q ai anohonli tok. Yohmi ma okla momvt nukhlakan̄cha tok.

21. Mihma Chisvs ash ot peni fohka cha okhvta in tvn-avp ash inli hq pit tanvbli ma, okla laua hosh im itahoba tok ; mihma okhvta pit bilika hq anta tok.

22. Mihma sinakak apesvchi vhleha achvfa Chailvs hoh-chifo hosh vla cha, yvmmak ash ant pisa mvt, iyi ituma ya hlipivt,

23. Im ilbahasha fehvt, Svso tek iskitini vt illi mak osh itonlvshke : ish ona cha, hlakofa he mak q chibbak q ont isht ish umbitepa hokbano chim ahni lishke : yohmikma okchaya he banoshke, im achi tok.

24. Mihma Chisvs vt awant ia tok : mihma okla laua kv̄t a hahlhinchit apehvt aya tok.

25. Atuk q ohoyo achvfa hosh yvmmv̄t issish ont ia vbi tok q afvmmi auah tuklo ;

26. Yohmi hatuk q alikchi lawa ka nan isht i palvmmi ai im a pisvt, nana im aasha tuk vt moma kampiv̄t tahli ; yohmi

krt achukma hi vt iksho, amba okpulo kvt i shaht ia bano tok.

27. Atuk osh Chisvs g haklo mvt, okla itakantvli ka asha ka imma yo ont chukowvt, im anchi ya ont potoli tok.

28. Yohmi kvt im anchi ak illa ho ont ak potoli kia, sa hlakofa hinla hoke, ahnit im anakfila hatuk osh.

29. Mihma issish a mitafa yash osh ashalika shipa tok: mihma ililli yvmmak atuk g a hlakofi kvt ilap haknip anyka ak iali ka isht akostininchi tok.

30. Mihma Chisvs ash osh isht-a-hlakofi vt im a koheha kvt mih-makinli ho akostininchi hatuk osh, okla laua itin-takla ash a filemvt, Kvta hosh vm anchi ya potoli cho? achi tok.

31. Mihma nan im ai ithvna vlheha hvt, Okla laua hvt chi a kantvlt kvnia ka ish pisa kvt, Kvta hosh sa potoli cho? ish achi ha cha, im achi tok.

32. Mihma yvmma yvmihchi tuk ash o pisa bvna kvt filemoa tok.

33. Yohmi ma ohoyo hash osh nana kvt ai i kaniohmi tuk vt ithana hatuk osh, nukshopvt wvnihinchi hosh vltv, itikba ya ant hlipia mvt, ai ahli mak o im anoli tok.

34. Mihma yvmmak ash osh, Svso tek ma! na chi yimmi yak osh chi hlakofichi hoke; nuktaiyalvt, micha ililli hatuk g ai i hlakofit ish ayashke, im achi tok.

35. Anumpuli kvt isht anta moma na kaniohmi kvt sinakak apesvchi in chuka minti hosh ai vla mvt, Chiso tek vt illishke; na katihmi ho nan-ithvnanchi g ish im ahchibali na himak a cho? achi tok.

36. Chisvs vt anumpa hvt anumpa na haklo makinli hosh, sinakak apesvchi ash o, Chi komunta na; amba na chi yimmi kak illashke, im achi tok.

37. Mihmvt hatak nana kia apehvt aya hi g ik ahno mvt, amba Pita, micha Chemis, mikmvt Chemis itibapishi Chan aiena kak illa tok.

38. Atuk osh sinakak apesvchi in chuka ash vla mvt, okla yahapa, micha nishkin okchi minti, mikmvt chitolit yaiya fehna aiena hosh maya na pisa;

39. Yohmi cha pit chukowa mvt, Na katihmi ho yakohmit yahapvt, yaiyvt hvsh aiasha cho? ohoyo himita vt illi ho keyu, amba nusi hoke, im achi tok.

40. Mihma ishit yopulvt olvli tok. Yohmi kia yvmmak ash o mominchit kocha welit tahli mvt, ohoyo himita iki micha ishki itatuklo, mikmvt apehvt aya tuk ash aiena ho pehlichu cha, kanima ohoyo himita vt ai itola kash pit chukowa tok.

41. Mihmvt ohoyo himita yash ibbak a ont halvli mvt, Talihla kumi, im achi tok; yvmmtv toshowa kvv, Ohoyo himita ma! tani, chim achi lishke, achi hoke.

42. Yohmi ma ohoyo himita yash ot ashalika tani cha, nowa tok, vta tok afvmmi auah-tuklo hatuk okvt. Yohmi ma nukhlakancha chinto fehna okla nukhlakancha tok.

43. Yohmi ma yvmmak oka hatak nana kia ik akostinincho ka hi a i miha tok; mihmvt nanasi kia i hoyo na impa hinla ka miha tok.

CHAPTA VI.

Chisvs vt vbanumpa isht anumpohonli: yohmi ma im ai okla achvfa yvt kanimanchi, 1. 7 Vbanumpa isht anumpula chi ka im anumpe-shi auah-tuklo ka pit tihleli mvt, nan-isht-ahullo okpulo puta imaiya chi ka im apesa. 14 Helot vt Chan a aboha kvullo fohki; atuk osh tekchi ash osh anukfohkichi ho, noahkobo tvbli tok. 30 Im anum-peshi vhleha hvv falamvt Chisvs a im ai ona: 34 Chisvs vt hatak tahlepa sipokni tahlapi ho nan im avrchit ahanta mvt, praka lumbo tahlapi, micha nvi tuklo aiena tuk a okla ha impvchi.

1. ATUK osh yvmmak ash vttvt ia mvt, ilap i yakni ash inli ho ona; yohmi ma nan im ai ithvna vhleha hvv apihvt aya tok.

2 Atuk o nitak-hullo nitak ai ona ma, sinakak anykaka yo nana ai ithvnanchi tok; mihma yvmma haklo mvt, lauvv nukhlakancha mvt, Katima yak o hatak ilvppvt na yakohmi ka ai ithaiyana tuk o? mikma isht a hopoyuksa ilvppvt nanta hokak osh yvmmtv anukfohka tuk o, nafehna yakohmi puta kvv ibbak atuk ma isht ai yvmohmi cho?

3. Ilvppvt Meli ushi, Chemis micha Choses, mikmvt Chuta anonti Saimon aiena ka itibapishi chuka ikbi yash keyu hō? mikma in tek vhleha mvt ilvppa pi takla maya keyu hō? achi tok. Mihmvt yummak ash o okla isht ai ibetvbli tok.

4. Yohmi kia Chisvs ash ot, Hopaii vt ik holitopo hosh ahanta keyu kia, amba ilap i yakni ak inli, micha i kanomi vhleha, mikmvt in chuka-chvfa aiena takla ahantak mak bano chatuk oke.

5. Mihmvt yummak oka na-fehna nana ka ik ai yvmihcho ka hi vt ahni tok: amba hatak abeka kaniohmi kak illa hō ibbak isht umbitepvt hlakofichi tok.

6. Mihmvt okla na yimma he keyu kak oka, okokko! aiahni tok. Mihmvt tmahushi taloha ka fullokuchit ayvt nan-ithenanchi tok.

7. Atuk osh auah-tuklo kash o hoyo cha, tuklo aiyyukachit kanima pit tihleli mvt, nan-isht-ahullo okpulo vhleha hā ai imaiya he mak o im apesa tok;

8. Mihmvt itvnowvt aya kvv nana kia isht ik ayo, amba trbi ak illa he; bahta vt iksho; pvska mvt iksho; tvli ho-
lisso kia i shukcha ya ik foko ka he;

9. Amba shulush ak o honla he; mikmvt nafohka lumbo tuklochit ik fohko ka chi hō im apesa tok.

10. Mihmvt peh kanima yo aboha ya ont hvsh chukowak-
mvt, yummak o hvsh ai ahashwa tuk osh a kohchvt hvsh ayashke.

11. Mikma kvna kia ik hvchi aiokpacho, micha ik hvchi haponaklo aienakma, yummak ash a kohchvt hvsh iakmvt, nan-isht im atokoli mak o hvchi iyi pvtha nuta hituk tohbi gsha ka hvsh tahtolashke. Ahli mak o hvchim achi lishke, Nan-rlhpisa chinto nitak ma Sotom micha Komola aiena kvto pit im vllhpisa kvv tmaha yummak atuk a i shahla hi oke im achi tok.

12. Mihma ilhkoli mvt, hatak puta kvv ile kostinincha he ak o isht anumpohonli tok.

13. Michā nan-isht-ahullo okpulo a lauachit kocha weli mvt, anonti abeka yatuk ash lauachit bila isht a hvmmichit hlakofichi tok.

14. Mihma miko Helot vt yvmma pit haklo, (hohchifo kv̄t kanima annoa kv̄t a mominchi hatuk oka;) mihmvt, Chan Baptist vt illi tuk vt tani hoka: yohmi hatuk o na-fehna puta kv̄t yvmmak ash o ai isht il otvnihinchishke, achi tok.

15. Kanimi kv̄to, Elias ak oka, achi ma: kanimi kv̄t Hopaii oka: keyukmvt hopaii v̄hleha ha tok achofona ma chohmi hoka, achi tok.

16. Yohmi kia Helot ash ot yvmma haklo mvt, Chan noshkobo tvbli li chash oka: illi tuk vt tani hoke, achi tok.

17. Helot vt itibapishi Filip a tekchi, Helotias ak atuk pulla mak o, ilap inlit pit on tihlelit, Chan a ishit takchi mvt, aboha kv̄llo fohki tok: yvmmak oka itauwaya tuk okvt.

18. Chan vt Helot a, Chitibapishi tekchi a ish itauawaya hi a chim v̄lhpesa keyu hoke, im achi tuk a tok.

19. Yohmi hatuk o Helotias vt yvmmak ash o i nukkilli cha, v̄bi ka ahni; yohmi kia na kanihma he keyu ki tok.

20. Helot vt Chan yvmmak okvt hatak ai v̄lhpiesa, micha ai āhli achukma hoka ithana hatuk osh, holitoblit nan ik i kanihmo ka hi a ahni tok; mihmvt yvmmak ash im a haponaklot, nana ka lauachit ai yvmohomi, mihmvt na yukvt i haponaklo beka tok.

21. Atuk osh ont ai v̄lhpiesa nitak vt-ai ona ma, Helot vt ilap ai v̄tta tok nitak o i hochitoka v̄hleha, kv̄pitvni hochito, mikmvt Kalili i holitompa v̄hleha aiena ka opiaka im pa im ikbi tok.

22. Atuk o Helotias yvmmak ash ushitek vt ant chukowa cha, hihla ma, Helot micha apehvt binohmaya tuk aiena kash ot na-yukpa ma, miko yash ot ohoyo himita ash, Peh nana ho ish ahni cha is sv̄m asilhhakma, chima lashke, im achi tok.

23. Mihmvt anumpa kv̄llo im isht il ai onochit peh nana ho is sv̄m asilhhakma, apehliechi li iklv̄nna hatuk ik nana kia, chima lashke, im achi tok.

24. Mihma yvmmak ash ot kohchvt ia mvt, ishki ash o,

Nanta hak o asilhha la chi cho? ont im achi ma, yummak ash osh, Chan Baptist noshkobo hak o', achi tok.

25. Mihma tushpvt chekosi makinli ho ont chukowvt, miko ash im ona mvt, Chekosi mak o, Chan Baptist noshkobo yosh ampo fohka ho, is suma he ak o ahni lishke, achit im asilhha tok.

26. Mihma miko ash ot nukhaklo fehna tok: yohmi kia ilap vt anumpa kullo ~~bi~~ tuk pulla, micha apehvt binohmaya hatuk pulla mak o ik im ai ghlo ka hi a ik ahno ki tok.

27. Mihmvt miko ash ot ashalika nan-atoni pit chvffichi mvt, noshkobo ya isht vla hi a im apesa tok; mihma ia mvt, aboha kullo anukaka akinli ho noshkobo ya ont a tvbli tok.

28. Mihmvt noshkobo hash ampo fohkit isht vla cha, ohoyo himita yash o ima na, ohoyo himita yash ot ishki a ont ima tok.

29. Yohmi ma nan im ai ithvna vhleha hash ot yvma haklo mvt, okla ai vlvot illi haknip ash ishit, hatak illi aiasha yo bohli tok.

30. Mihma anumpeshi vhleha hash ot Chisvs a ant im ai itahoba cha, nana ka a kaniohmi tuk, micha nan abvchi tuk puta ka mominchit im anoli tok.

31. Mihma yummak ash o, Hvchishno banot filvmmiit haiata oh ia cha, chekosi takla ka mayvt ho fohá, im achi tok; lavt ai ahanla ma, anonti ilhkohonli aiena hatuk o, peh maya cha impa kak kia impa he keyu chohmi tok.

32. Mihma lumvt peni pit vlhto cha, a haiaka ka pit ilhkoli tok.

33. Mihma ilhkoli ka okla pisa ma, anonti ithana kvv lau tok: micha tomaha puta ka a kohchvt aka itvnowa hosh yummak ash pit yihlepa tuk osh, yummak ash o imaiya cha, ont im itvnaha tok.

34. Atuk o Chisvs ash ot ont kohcha cha, okla lau fehna ho pisa mvt, chukfulhpoba yosh apesvchi iksho ho itilau hatuk o i nukhaklo tok: mihmvt himona nana ka lauchit im abvehit isht ia tok.

35. Atuk o nitak ash ot ont shohba hosi ma, nan im ai ithvna vhleha hash osh im ai ona mvt, Ilvppak okvt yakni haiaka, anonti nitak mvt shohbit mahayvshke.

36. Kanima pit ish tihleli na yakni auet i bilika tmahu-shi puta ka itvnowvt, nana vpa hi vt ik im iksho hatuk okvt, pvska okla chumpashke, im achi tok.

37. Mihma, afalaminchi mvt, Ilimpa ha oh ipeta, im achi tok. Mihma, Ivt pvska iskvli tahlepa tuklo ai vlbi o ont e chumpa cha, ilimpa ha il ipeta chi hoh cho? im achi tok.

38. Mihma, Pvska katohmi ho hvsh ishi ho? ont ho pesa, achi ma; okla pisa mvt, Tahlapa cha, nvni tuklo hosh aienvshke, achi tok.

39. Mihma it a kvshkolit mominchit hvshuk okchaki ya ai o binohliha chi ka, im apesa tok.

40. Mihma tahlepa achufa, anonti pokoli tahhapi, yohmit it a kvshkovt binohli tok.

41. Mihma pvska tahlapi, micha nvni tuklo aiena kash o ishi cha, vba pit chakalit aiokpvchi mvt, pvska yash tushalichi cha, okla ha in talohla chi ho, nan im ai ithvna vhleha hash o ima tok: mihmvt nvni tuklo kash o okla mominchit in tushtuli tok.

42. Yohmi ma momvt impvt okla kaiya tok.

43. Mihma boshulli vt nvni pit aiena kvv kishi auah-tuklo ho ishi tok.

44. Yohmi ka pvska ya okla vpa tuk vt hatak tahlepa sipokni tahlapi foka tok.

45. Mihma ilap vto okla ha kanima pit tiblelit anta takla ma, nan im ai ithvna vhleha hash osh peni pit vlhto cha, tikba ivt mish tvnnvp Betsaita okla ona chi ka, mih makinli ho i miha tok.

46. Atuk osh okla hash kanima pit tihleli mvt, vba pit anumpula chi hosh nvni chaha yo pit oiya tok.

47. Atuk o ont opivt taha ma, peni ashot okhvta iklvna ya aya ma, ilap bano hosh haiaka ya anta tok.

48. Atuk o mahli ak osh a sanali hatuk o peni mofi kvllo fehvt aiaasha na pit pisa tok: atuk osh ninak isht vlvhpa

ont ai ushta foka h_o okhvta paknaka y_a a noh_owvt, ayvt im ona, yohmi kv_t ont ia hi _a aiahni tok.

49. Yohmi kia yvmvt okhvta paknaka y_a a noh_owvt aya na okla pisa mvt, shilup atuk _o okla im ahoba mvt, tah-p_ola tok.

50. Momvt okla pisa hatuk osh komunta ha tok. Mihma ashalika pit im anumpulit, Hvchi nuktanla achukmashke. Uno ash sia hoke, hvchi nukshopa ná, im achi tok.

51. Mihmvt peni ash ont ibachukowa ma, mahli hash osh issa tok: mihma okla nukhlakancha atampa fehna mvt, okokko! aiahni tok.

52. Yohmi kv_t okla ak osh chukvsh kvillo hatuk osh, p_orka yatuk ash okla pit ik anukfillo kak a tok.

53. Atuk osh yvmmak ash pit tanvblit Kenesale_t yakni _a okla ai v_ola mvt, v_hli h_a ont ataiyvli tok.

54. Mihma peni ash okla a kocha wiha ma, mih makinli h_o yvmmak ash okla pit ithana tok.

55. Mihmvt yihlepvt yakni auet a bilika ka mominchit hlopullit ayvt, abeka puta tuk ash topa onochit sholit, yvm-mak ash osh kanima y_o anta na haklo mvt, isht itvnova tok

56. Mihmvt tumahushi, okmá, keyukmvt, tumaha chito yokmá, yakni kocha yokmá nana peh kanima y_o ona hoka, abeka y_a okla ai itvnaha y_a ashachi mvt, yvmmak ash _o im ilefoka _a aposhokvchi ak oh kia okla potola hinla ka, okla im asilbha tok: mihma yvmmak ash okla potonli aiyuka hokvto, momvt hlakofi tok.

CHAPTA VII.

Chisvs nan im ai ithvna v_hleha hv_t ibbak ik abchifo hosh isht impa ka, Falisi v_hleha hv_t nan isht mihachi, 1; 8 mihma ilap ak osh anum-pa kochanli nan v_hlpisa tikba in tonla cha, Chihowa i nan v_hlpisa h_a isht kob_offi hatuk _a Chisvs vt atokolit im anoli: 14 yohmi kv_t nana boesh hatak chukvsh _a a kocha ilvppak osh hatak _a okp_oni hoke, achi, 24 Chisvs vt Silofenisian ohoyo ushetk _a hlakofichi mvt; 31 hatak vt ik haponaklo, micha anumpuli anuktuklot aiena tuk a, hlakofichi.

1. YOHMI ma Falisi vhleha, micha na-holissochi kanohmi Chelusalem minti tuk aiena kvt ant im ai itahoba tok.

2. Atuk osh nan im ai ithvna vhleha kanimi kvt, ibbak liteha yo, yummvt ibbak ik ahchifo kak o miha, pvska isht vpa hosh maya na pisa mvt, nan isht a mihachi tok.

3. Yohmi kvt Falisi vhleha, micha Chu okla moma aiena kvt in tikba vhleha nan im vlhpisa halanli fehna hatukosh, achukmalit ibbak achifa ha yo keyukmvt, impa keyu beka tok.

4. Mihmvt ilhpak ai-itatoba mintit vla kvt, ibbak achifa ha yo keyukmvt, impa keyu beka tok. Micha nana inla ishtishko, micha ampo, mikmvt asonak lakna, anonti aümpa achifa aiena ka a puta chohmi nan-isht-a hullocha he im vlhpisa tok vt lauvt asha hoke.

5. Yohmi mvt Falisi vhleha, micha na holissochi vhleha aiena kash osh, i ponaklot, Na katihmi ho na chim ai ithvna vhleha hvt pin tikba vhleha nan im vlhpisa ya ik halanlo hosh, amba ibbak vt achifa keyu ho pvska isht vpa cho? achi tok.

6. Mihma afalaminchi mvt, Nan ilahobi hvchia ha vlhpisa ho tikbanli Esaias vt isht hvchi anohonli tuk vt, okla ilvppvt iti-vlbi yokvno isht sa holitobli kia, chukvsh okvto auet a hopakishke.

7. Yohmi kia nana avvchi kvt hatak i nan-vlhpisa yo ithvnanchi hokvt, nana vlhpisa hi o keyu ho okla si aiokpahanchishke, achit holissochi tok.

8. Yohmi kvt Chihowa i nan-vlhpisa hoka naksika pit hvsh bohli cha, hatak i nan-vlhpisa, ampo, micha ishtishko aiena achifa ho hvsh halanlishke; yohmikmvt nana yvmma ai itilau ka hvsh a yvmohmi kvt lauvshke, im achi tok.

9. Mihmvt hvchishno hvchi nan vlhpisa ya hvsh ai ahlichachi kvt, Chihowa i nan-vlhpisa ya aighli hosh hvsh shitlemvshke.

10. Moses okvto, Chiki, micha chishki aiena ka ish holitoblashke: yohmikma, Kvna hosh iki okma, keyukmvt ishki

okmá, nana hō shítilemvt na mihachikmvt, illi mak o illi pullashke, achi tok.

11. Yohmi kia hvchishno vto, Hatak vt iki, keyukmvt ishki okmá nana kash o vm isht ish ai yukpa he tuk a Kolban oke, yvmma achi hokmvt, vba-isht aiokpvchi isht vhpisa hoke, achi mak okvt nan ik i kanihmo kashke, hrsh achi;

12. Yohmikmvt himmakma iki, ishki ita tuklo ka nana kia isht im vttá hi-a hvch ik im ahnot,

13. Hvchin tikba vhleha i nan-vlhpisa isht hvsh avvchi pulla hosh Chihowa im anumpa hā hvsh akshochishke; micha nana yvmma ai itilauí ka a hvchi yvmohmi kvv lau-vshke, im achi tok.

14. Micha okla hash mominchit hoyot itahobit taiyahli mvt, Hvsh moma kvv hvs sá haponaklot, hvsh akostinin-chashke.

15. Nana hak osh kocha mayvt hatak a itih fohka kvv, okpvna hi vt ikshoshke: amba nana kvv a kohcha hokvto, yvmmak osh hatak a okpvni hoke.

16. Hatak nana hosh haksobish isht haponakla hi vt i hinlikmvt, haklashke, im achi tok.

17. Atuk o okla aiasha kash vttvt aboha ont chukowa ma, nan im ai ithvna vhleha hash osh nan-isht vhpisa kash isht im a ponaklo tok:

18, 19. Mihma, Hvchishno ak kia na hvch ik akostinincho fehna akinli hō? peh nana hosh kocha mayvt hatak a itih fohka kvv okpvna he keyu, chukvsh ak o pit chukowa hō keyu hokvt, amba takoba yak o ont chukowa tuk mak osh, anonti a hlopulli kvv ilhpak moma ka ai it im vlhpeshchi ka hvch ik akostinincho cho? achi tok.

20. Mihmvt, Nana kvv hatak a a kohcha yvmmak osh hatak a okpvni hoke.

21. Hatak haknvp anuka chukvsh ak o im anukfila okpulo, haui puta, ohoyo ik im iksho, micha hatak ik im iksho it in lumaka:

22. Hatak bika vbi, hukopa, inla nan im anushkunna, nan i nukkilli, haksichi, haui anukfohka, nishkin isht ik ai

vlhpeso, Chihowa ik ahobajo, ilefehnvchi, im anukfila iksho puta kv̄t a kohcha hoke.

23. Nan ik vlhpeso ilvppa puta moma kv̄t anukaka yak o asht kohcha hosh hatak a okpvni hoke, achi tok.

24. Mihmvt yvmmak ash asht wakaya mvt, ivt Taia micha Saiton aiena yakni vhli h̄a ona cha, aboha ont chukowa mvt, hatak nana kia ik akostinincho ka hi a ahni tok; yohmi kia kaniohmit luma he keyu ki tok.

25. Ohoyo hv̄t ushetik himita vt na shilombish okpulo ai i fok̄a hatuk o, yvmmak ash pit haklo mvt, onvt iyi ituma ya hlipia tok oka.

26. Ohoyo hv̄t Klik osh Silofenisian im okla ai achvfa a tok: mihmvt ushetik a na-shilombish okpulo a ai ishit i kohcha hinla ka yvmmak ash o im asilhha tok.

27. Yohmi kia Chisvs vt, Ulla vhleha ak osh tikba kaiya ha yo; vlla vhleha i pvska ya ishi cha ofi puta ka pit i pila he vlhpesa keyu hoka, im achi tok.

28. Mihma afalaminchi mvt, Ahlishke Chitokaka ma! yohmi kia ofi puta kv̄t ai impa nuta ya vlla vhleha im pvska boshulli yak o ai vpa chokvmo, im achi tok.

29. Mihma yvmmak ash o, Anumpa ilvppa pulla hatuk mak o ish iashke; chiso tek a nan-isht-ahullo okpulo vt a kohcha hoke, im achi tok.

30. Atuk o ilap in chuka yash ona mvt, nan-isht-ahullo okpulo vt a kohcha tuk o, ushetik ash osh topa paknaka itonla na ont pisa tok.

31. Mihma anonti Taia micha Saiton itatuklo yakni ash issvt ia mvt, Tekapolis yakni a iklvna hlopullit ayvt Kalili okhvta h̄a ona tok.

32. Mihma achvfa hosh ik haponaklo, micha anumpuli anuktuklo aiena hatuk o yvmmak ash isht im vla; yohmi mvt yvmmak ash o ibbak a isht umbitepa hinla ka, okla im asilhha tok.

33. Mihma yvmmak ash o okla laua ya a kohchit nak-sika isht ona cha, haksobish a ibbak ushi pit hiohliche mvt, tofa cha, isunlvsh a pit haleliche tok.

34. Mihmvt, pit vba chakalit pisa mvt, hijvt, Effahlá, im achi tok: yummvt ish tiwashke, achi hoke.

35. Mihma yummak ash osh ashalika haksobish vt wakama ma, anonti isunlvsh isht talakchi vt yuhapa na kobehi achukmvt anumpuli tok.

36. Yohmi ma hatak nana kia okla ik im anolo ka chí ka, im apesa tok. Yohmi kia i shahlichit im apesa kak o, anonti okla anoli kvv isht i shahli fehna tok.

37. Mihmvt nukhlakancha kvv atampa fehna mvt, Yummak okvt nan okluha kvv vlvpesa bano hq yvmihchishke: ik haponaklo atuk a haponaklochi mvt, anonti ik anumpulo atuk a anumpuli ikbishke, achi tok.

CHAPTA VIII.

Chisvs vt pvska lumbo untuklo, micha nvti chipunta kanomosi aiena tuk a hatak tahlepa sipokni ushta impvchi, 1; 11 Falisi vhleha hq nan isht ai atokowa ya i haiakvchi ik bvnno; 14 mihma nan im ai ithvna vhleha hvv Falisi vhleha, micha Helot aiena i na-pvska isht-ehatvmmi a ahah! okla im ahna chí ka i miha. 22 Betsaita ya hatak lva yvt anta tuk o, Chisvs vt hoponayochi. 27 Pita yvt, Chishno ak osh Klaist chia mak oke, atokolit achi ma, Chisvs vt im aiokpanchi; ilap ak o il im antia hosh ile kaiyanchit nana palvmmi puta ma e pihisa chí hokvto ik pi nukwaiyo ka hi a, Chisvs vt pim abahanchi.

1. NITAK yumma foka ma okla hvv laua fehna, micha vpa hi vt nanasi kia ik im iksho ma, Chisvs ash osh nan im ai ithvna vhleha hash hoyo mvt,

2. Okla laua vt si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke.

3. Yohmi kvv okla ik impo hq in chuka ya pit yuhli li hokma, kanimi kvv mishema hq minti hatuk okvt, takla tikamba hinlvshke, im achi tok.

4. Mihma nan im ai ithvna vhleha hash osh, Yakni haiaka ilvppa katima yak o hatak vt pvska ya ai ishi hosh okla ilvppa fihobla hinla hq? im achi tok.

5. Mihma i ponaklot, Pvska yvt katehmi hq hvsh ishi hq? im achi ma, Untuklo, achi tok.

6. Mihma okla hvt binohla chi ka apesa tok ; micha pvska untuklo kash ishi cha, vba pit aiokpvchi cha boshullichi mvt, okla hq itikba in talohla chi hq nan im ai ithvna vhleha hash ima ma, yvmmak ash osh okla hash itikba in talohli tok.

7. Michi nvti chipunta kanomosi ka okla isht aya tok ; atuk o yvmmak ash o vba pit isht aiokpvchi mvt, yvmmak-ma itikba in talohla chi ka apesa tok.

8. Yohmi na okla impvt kaiya tok : mihma ilhpak boshulli atampvt asha ka kishi untuklo hq okla ishi tok.

9. Mihma okla impa tuk vt tahlepa sipokni ushta foka tuk a tok ; yohmi ma okla hash kanima pit yuhli tok

10. Mihmvt ashalika nan im ai ithvna vhleha hash it apihvt peni pit fohkvt ia mvt, Talmanuhla yakni a kaniohmi hq ona tok.

11. Mihmi Falisi vhleha hvt ayvt ai vla cha, imomaka pisa hosh, nan isht ai atokowa vba minti ka okla ai im a hoyo hosh himona isht it im anumpulit aiasha tok.

12. Mihmi chitolit chukvsh ai anukaka hiha mvt, Na katihma hq hatak himonasi aiasha ilvppvt nan isht atokowa ya okla hoyo cho ? Ahli mak o hvchim achi lishke, Hatak himonasi aiasha ilvppa nan-isht atokowa nana hosh in takala he keyu mak oke, im achi tok.

13. Mihmvt issvt ivt, peni ash o anonti chukowa mvt, mish-tvnnvp o ia tok.

14. Mihma nan im ai ithvna vhleha hvt pvska okla isha he tuk vt immihaksi, yohmi mvt peni a foka kv pvska achvfa ka ont ia keyu hq okla isht aya tuk a tok.

15. Mihma yvmmak ash osh achukmalit nan i mihvt, Falisi vhleha i pvska isht-shatvmmi, micha Helot i pvska isht-shatvmmi aiena ka im il anuktahlvt ahah ! ahnit hvsh pihisashke, achi tok.

16. Mihma ilap bika it im anumpulit, Pvska vt ik pim iksho kak oka, achi tok.

17. Mihma Chisva vt akostininchi mvt, Na katihmi hq pvska vt ik hvchim iksho kak atuk a hvsh miha cho ? hvch ik akostinincho, mikmvt hvch ik ithano aiena kv moma ho ? hvchi chukvsh vt kullo kv moma ho tuma !

18. Hvchi nishkin vt gsha kvv hvch ik peso cho? micha hvchi haksobish vt hinli kvv, hvch ik haponaklo hq? mikmvt hvch ik ithano cho?

19. Ptska tahlapi hq hatak tahlepa sipokni tahlapi ka in tushahlichy li ma, boshulli vt kishi alota katohmi hq hvsh ishi ha tok o? im achi ma, Auah-tukl6, okla achi tok.

20. Anonti tahlepa sipokni ushta ma, untuklo tuk a a boshulli vt kishi alota katohmi hq hvsh ishi ha toko? achi ma, Untuklo, im achi tok.

21. Yohmi ma, Katiohmi hq na hvch ik akostinincho hoh cho? im achi tok.

22. Atuk osh Betsaita vla; yohmi ma hatak lva yq okla isht im ona mvt, yvmmak ash potola chy ka im asilhha tok.

23. Mihma hatak lva yash o ibbak a halvli cha, tmaha ha ishit kobcha; yohmi mvt nishkin a im on tofa cha, ibbak a isht umbitepa mvt, Nanasi kia ish pisa cho? achit i ponaklo tok.

24. Mihma vba chakali mvt, Hatak vt iti yak o chohmi hokak osh itvnowa hq pisa lishke, achi tok.

25. Yohmi ma anonti nishkin ash o ibbak isht umbitepa mvt, vba chakalichy tok: mihma hlakofi cha, hatak moma ka pisa achukma tok.

26. Mihma in chuka pit chvffichy mvt, Tvmaha ha ont chik chukowokmvt, anonti tmaha gsha ka achvfona kia chik im anolo kashke, achi tok.

27. Mihmvt Chisvs vt nan im ai ithvna vhleha ha ai itapehvt kohchvt ivt, tmaha Sesalea Filippi ya ona tok: mihmvt takla ya nan im ai ithvna vhleha hash i ponaklot, Okla hvto kvta sia hq miha cho? im achi tok.

28. Mihma afalaminchi mvt, Chan Baptist; yohmi kia kanimi mvt, Elias ak o achi; kanimi kvto Hopaii vhleha ha tok achvfona mak oka, achi hoke, achi tok.

29. Mihma, Amba hvchishno vto kvta hq hvs si achi hq? im achi ma, Pita yvt afalaminchi mvt, Chishno ak osh Klaist chia mak oke, im achi tok.

30. Mihma yvmma hatak nana kia ik im anolo ka chy ka kvloochit i miha tok.

31. Mihmvt Hatak Ushi vt nan-isht ai ilbvsha in laua chi, micha hochitoka vhleha, mikmvt na-holitompa isht asha pehlich i vhleha, anonti na-holissochi vhleha aiena ka ai im a kullakshit illa he ; atuk mvt nitak atachinakma anonti tana hi a isht im avvchit isht ia tok.

32. Mihmvt anumpa yummak ash o haiakvchit anumpo honli tok. Mihma Pita yvt halvli cha, im alvmmit isht ia tok.

33. Yohmi ma yummak ash osh filemvt nan im ai ithvna vhleha hash pisa mvt, Pita yash im alvmmit, Setan chia hvv vm ashaka yo ish hikiashke : chishno vto Chihowa ai im anukfila hano ish ahninch i keyu, amba hatak ai im anukfila yok mak oka, achi tok.

34. Mihmvt okla ha, micha ilap nan im ai ithvna vhleha aiena kash hoyot itvnahli mvt, Kvna hosh siakaiyvt aya chik-mvt, ik ile holitoblet im ititaiyukhvna ma sholi cha, siakai-yashke.

35. Kvna hosh ilap im ilhfiopak a okchalinch i ka ahni hokvt i kvnia he ; amba vno pulla, micha vbanumpa aiena pulla ho kvna hosh im ilhfiopak a kanchi hokvto, mihi yosh okchalinch a hi oke.

36. Hatak vt yakni a mominchit immi ikbi hoh kia, anonti ilap im ishilombish ash osh i kvnia kvv, nanta ho isht im ai achukma hinla cho ?

37. Keyukmvt, hatak vt nanta hak o ilap shilombish a isht atobba hinla cho ?

38. Yohmi hoka havi shahli, mikmvt nan-ashvchi fehna aiena aiasha ileppa kvna kia vno, micha vm anumpa aiena ka ai i hofahya atukma, mihi yo Hatak Ushi vt Iki im aholi-topa il ai ishit, enchil holitopa vhleha aiena pehlichit ayvt vlamvt, i hofahya ak inla hi oke, im achi tok.

CHAPTER IX.

Ohisvs vt nvvnh chaha oiyvt pakna ont hikia mvt inlvv toba, 1 ;
11 mikmvt Elias vt vla he achi chatuk a, Chan Baptist ak osh mih
mak atuk o anoli ; 14 mihmvt hatak achvfa hosh shilombish ok-

pulo anukfobka kvt ik haponaklo, micha anumpula he keyu ka aiena tuk o hlakofichi; 80 mihmut ititaiyukhena a takalit illi tuk mvt, anonti salamvt tana hi vt atuklanchit anoli; 83 nan im ai ithena vheha hvt nafehna bonnvt asha ka, Chisvs vt nan isht i miha, 38 mihma kva hosh nan isht ahullo okpulo ya ilap hohchifo ak o isht kocha weli hoka ik ataklema ka hi a i miha; 42 na yimmi im anukfila ik hochito puta yoshubli ka ai vhpesa keyu ka miha.

1. **MIHMUT**, Ahli mak o hvchim achi lishke, Ilvppa hioh-maya ka kanimi kvt ik illo hosh Chihowa apehlichika yvt nan-isht ai ahlika ya ai it ishit vla na pisa chi kvt, asha hoke, im achi tok.

2. Atuk osh yummak atuk a nitak hannali ma, Chisvs vt Pita, micha Chemis, mikmut Chan aiena ka yummak bano ho pehlichika cha nvni chaha yo pit oiya tok: mihmut invt tobt itikba hikia tok.

3. Mihma im ilefoka yvt shohmalali tohbit knia kvt, okti pushi ak o chiyuhmi tok: yohmi hatuk o nantenna tohbichi nana ak osh i shahlichit tohbicha he keyu ki tok.

4. Mihma Elias, micha Moses itatuklo hosh ant i haiaka tok: mihmut yummak ash osh Chisvs a it im anumpulit okla tok.

5. Yohmi ma Pita yash ot anumpuli mvt, Chisvs ash o, Pi shahli ma! ilvppa e maya kvt pim achukmvshke: yohmi ka vltipo tuchina kak o il ikbi na achvft chimmi hokma, anonti achvft Moses ak o immi hokma, anonti achvfa kvt Elias ak o immi hashke, im achi tok.

6. Yohmi ka okla nukshopa fehna hatuk o nana a miha ik ithano ha tok.

7. Yohmi ma hoshonti hvt ant im okhlilichi tok: mihma hoshonti anukaka ya auct anumpuli kvt, Ilvppak osh Svs o holitopa mak oke, hvsh i haponaklashke, achi tok.

8. Mihma ashahika filemvt okla hopokoyo kvt, hatak inla nana kia ik peso; amba Chisvs ash bano ho ai it apiha tok.

9. Atuk o nvni asht okla akowvt minti ma, nana ka okla pisa tak vt hatak nana kia ik im anolo mak o, Hatak Ushi vt illi tuk vt tani ha ya hi a, i miha tok.

•

10. Atuk o anumpa yvmmak ash o ilap illvt okla ithanvt, Illi tuk osh tani kvv nanta hak oh chishba? ahnit ilap bika it im a ponaklot itvnowa tok.

11. Mihmvt im a ponaklot, Na katihmi ho na-holissochi vhleha hvv, Elias ak osh tikba vla pulla he, okla achi cho? achi tok.

12. Mihma afalaminchi mvt, Ahli, Elias ak osh tikba vla cha, nan-okluha ka ant falaminchit apoksiacha he; mikmvt Hatak Ushi vt kaniohmit nana lava ka isht ai ilbvsha he, micha nan isht ik ahobo ka he aiena ka isht a holisso hatuk oke.

13. Yohmi kia, Isht a holisso tok mak oka Elias vt vla ghli ho mvhli: yohmi na okla kanimihchi bvna kvv yvmmak ash o im ai yvmihchi tuk oke, hvchim achi lishke, im achi tok.

14. Atuk osh nan im ai ithvna vhleha aiasha ka ona mvt, okla chinto fehna kvv aiasha ma, anonti na-holissochi vhleha hvv yvmmak ash o nan im asilhhvchit maya na ont pisa tok.

15. Mihma okla hvv yvmmak ash o pisa mvt, mih makinli ho okla nukhlakancha fehvvt, yihlepvv im ai onvt, okla aiokpvchi tok.

16. Mihma na-holissochi vhleha hash o i ponaklot, Nanta mak o hvsh it im asilhhvchi hatuk o cho? achi tok.

17. Yohmi ma okla lava yash osh achvfvv afalaminchi mvt, Nan-ithvnanchi ma! svso hvv na-shilombish ik anum-pulo yo il ai eshi hatuk o ishit chim vla lishke.

18. Yohmi ka kanima yo ai ilhkolicikhmvt, haiochichechi chatuk: mikma itukpokpokit noti ahampvt, chunnvt taha chatuk; yohmi ho na chim ai ithvna vhleha ha yvmma kohcha chi ka im anoli li tuk ak o, okla kohcha he keyu ke tuk oka, achi tok.

19. Mihma afalaminchi mvt, Na yimma he keyu isht-ai unchululi hvchia ma! hvchi takla ahanta li katiohmi foka chi cho? nana ka isht ak hvchi ahno ho katiohmi foka chi cho? Isht hvv svv vlashke, achi tok.

20. Mihma yvmmak ash o okla isht im ona tok: mihma yvmmak ash pisa ma, na-shilombish ash osh mih mak-inli

hō haiochichechi tok; mihma aka itula cha, shalali mvt itukpokpoki tok.

21. Mihma iki ash o i panaklot, Katiohmi foka kash o ilvppvt ai yakohmi tok o? achi ma, Ulla tomba mak a tok.

22. Yohmi ka vbi bvnna kvv luak, mikmvt oka aiena ka it a kanchi beka tuk oke: yohmi kia nana hō ish kanimihcha hinlakmvt, ish pi nukkaklo cha, ish pi apelashe, achi tok.

23. Mihma Chisvs ash osh chi yimma hinla hok ma, nayimmi hokvno nan okluha kvv ai i yvmohma hinla hoke, im achi tok.

24. Mihma vlla ya iki yash ot mih makinli nō nishkin okchi mihinti hosh chitolit, Chitokaka ma! sai yimmishke; nan-isht ik a sai yimmo ya is svm apelvchashke, achi tok.

25. Mihma okla hvv yihlepvv ant ai itahoba ka, Chisvs vt pisa mvt, na-shilombish okpulo ash o im alvmmitt, Na shilombish ik anumpulo, mikmvt ik haponaklo aiena chia hvv ilvppa ish a kohcha cha, mikmvt himmakma chik chukowa ka he mak o chim apesa lishke, im achi tok.

26. Mihma na-shilombish ash osh tabpvvt, yvmmak ash o haiochichechi fehna cha, a kohcha tok: mihma yvmmak ash ot illi yō chohmi tok: yohmi hatuk o, Illishke, achi kvv laua tok.

27. Yokmi kia Chisvs ash osh ibbak a halvlli cha, tanichi ma; yvmmak ash ot wakaya tok.

28. Atuk o aboha ont chukowa ma, nan im ai ithvna vhleha hash ot ilap banot im a ponaklot, Na katihmi hō pishno vto yvmma e kohcha he keyu ke tuk oh cho? achi tok.

29. Mihma, Ilvppa chohmi kvv nana hō isht kohcha hi vt iksho, amba vba pit anumpuli, micha na-hullochi aiena hok mak bano hoke.

30. Mihma yvmmak ash asht okla ilhkoli mvt, Kalili a okla hlopulli tok: mihma hatak nana kia akostinincha hi oka, ik ahno ki tok.

31. Yohmi kvv nan im ai ithvna vhleha hā nan im avvchi kvv, Hatak Ushi vt hatak puta ibbak a fohka hoka, okla

vba chi hoke: atukma illi ha ya tuk vt, nitak ont atuchin-akma tana hi oke, im achi tok.

32. Yohmi kia anumpa yvmma okla ik akostinincho; yohmi mvt i ponaklo nukshopa tok.

33. Atuk o yvmmak ash ot Kapenavm a vla tok: mih-mvt aboha anuka asha hosh i ponaklot, Takla ya hvchishno bika isht hvsh it im anumpuli kash osh nanta mak atuk o? achi tok.

34. Yohmi kia lumvt okla maya tok: yohmi kvv takla ya, Kvta hak osh moma i shahli ahanta chishba? ahnit ilap bika okla isht it im anumpuli tuk a tok.

35. Mihma binili mvt, auhtuklo kash o hoyo cha, Hatak nana hosh moma i shahli bvna hokmvt, mihi yosh moma ka ik lauwovmvt, anonti moma in tishu a hi oke, im achi tok.

36. Mihmvt vlla yo halvli cha, itintakla binilichi tok: atuk osh ishit sholi mvt,

37. Kvna hosh sa hohchifo pulla hatuk mak o vlla ilvppa chohmi achvfona ka holitoblikmvt, vno ak o sa holitobli hoke: mikma kvna hosh vno a sa holitoblik mvt, vno ak o sa holitobli ho keyu, amba auct sa kanchi tok ak oke, im achi tok.

38. Mihma Chan vt afalaminchi mvt, Nan ithvnanchi ma! achvfa hosh chishno chi hohchifo ha nan-isht ahullo okpulo puta isht kocha weli hosh anta ho e pisa ka, ik pibafohkoshke: yohmi ma il im alvmmi kano, ik pibafohko hoka, achi tok.

39. Yohmi kia Chisvs ash osh, Hvch ik im alammo kashke: hatak vt sa hohchifo pulla hatuk mak o na fehna ka isht ai yvmihchi hokvt vno a yvmmak fokalechit na sa mi-hacha hi vt iksho hoka.

40. Mikma kvna hosh hvpushno a hvv i sanali keyu hokv-to, hvv-ibai achvfa hoke.

41. Klaist a immi hvchia hoka, kvna kia oka kapvssa isht-ishko achvfa ka hvsh ishka chi ho, vno sa hohchifo pulla hatuk mak o hvch ipeta hokmvt, isht vltoba ka i hlakofa he keyu, ahli mak o hvch im achi lishke.

42. Micha kva hosh a yimmi vhleha chipunta ilvppa achufona ma ibetvblichi hokmvt, ilapa ak o tanchi botoli teli ak osh ikunla ya a takanli ho okhuta ha oka kvnia hokmak osh, im vhpesa he tuk mak a hi oke.

43. Yohmi ka chibbak vt chi ibetvblichi hokma, chanlit ish hokofashke : imomokpulo yosh ai-okchaya ya ont ish chukowa hok mak osh, chim vhpesa kvv chibbak vt tuklo hosh aiokpuloka, luak vt nitak nana moshola he keyu mak o, chi itvtula hi atuk a chim i shahli hoke.

44. Yvmmak oka i shushi yvt illi keyukma, anonti luak mvt nitak nana mosholi keyu hoke.

45. Mikmvt chiyi yvt chi ibetvblichi hokma, chanlit ish hokofashke : imomokpulo yosh ai-okchaya ya ont ish chukowa hok mak osh chim vhpesa kvv, chiyi yvt tuklo hosh ai-okpuloka, luak vt nitak nana moshola he keyu mak o chi itvtula hi atuk a chim i shahli hoke.

46. Yvmmak oka i shushi yvt illi keyukma, anonti luak vt nitak nana mosholi keyu hoke.

47. Mikmvt chi nishkin vt chi ibetvblichi hokma, kohchit ish kanchashke : nishkin achufa yosh Chihowa apchlichika ya ont ish chukowa hok mak osh chim vhpesa kvv, chi nishkin vt tuklo hosh aiokpuloka luak a chi itvtula hi a chim i shahli hoke.

48. Yvmmak oka i shushi yvt illi keyukma, luak vt nitak nana mosholi keyu hoke.

49. Mikma moma kvv luak o isht ai yvmmi bano kvv, vba isht aiokpochi vt hvpi isht ai yvma hi a ohma hi oka.

50. Hvpi vt achukma ; yohmi kia hvpi vt homi kvv i kvnia hokma, nanta hak o isht hvsh homineha hinla cho ? Hvpi a hvchishno inli il anit hvsh ieszikmvt, hvchishno bika ma hvsh it i nanaiya achukmashke, achi tok.

CHAPTA X.

Chievs vt Chutea yak o nan im ai avchit anta, mihmvt it i kvnia bolisso hak o Falisi vhleha ha isht it im anumpuli, 1 ; 18 vlla chipunta ya halvllit sholi. 17 Chievs vt hatak himita nan in laua yo

aiokpochit imomaka pisa: 28 mikmvt kva hosh ilap ak o holitobli pulla hosh nan oklha ka isvt gya tuk okvno im atobba hi vt mihha: 32 ilap vt ititaiyukhva a takalit illi tuk mvt anonti, falamvt tana hi vt himmakma Chisvs vt anoli: 35 Chemis Chan ita tuklo kvt Chisvs a nana im asilhha; mihma Chisvs vt ilap ma nana ho im achi mvt; 46 ik hoponayo Batimevs a hoponayochi.

1. MIHMA yvmmak ash o asht wakayvt minti mvt, Chatan hlopullit mish-tvnnvp a ayvt Chutea yakni a vla tok: mihma okla hvt im ai itahoba na ai yakohmi yatuk okvt, anonti nan im avchit ahanta tok

2. Mihma Falisi vhleha hvt im ai vla mvt, imomaka pisa hosh, Hatak vt tekchi a kancha he vhpesa hoh cho? achit i ponaklo tok.

3. Mihma yvmmak ash osh afalaminchi mvt, Moses vt nanta hak o hvchim apesa tok o? im achi tok.

4. Mihma, It i kvnia holisso hak o ikbi cha, kancha hi o Moses vt ahni tok, achi tok.

5. Mihmvt Chisvs vt afalaminchi mvt, Hvchishno hvchi chukvsh kvlllo pulla kak o nan vhpisa ilvppa hvchim ikbi tok.

6. Amba nan oklha toba vmmona ka Chihowa hvt nakni, tek ita tuklo ho ikbi tok.

7. Ilvppa pulla hatuk mak o hatak vt iki, micha ishki aiena ka issa cha, tekchi ak o asitia hi oke.

8. Yohmikmvt tuklo yvmmak atuk vt haknip achvfa hi oke. Yohmi ha mvt i himmakma tuklo mak a hi o keyu, amba haknip achvfa hoke.

9. Yohmi hoka, Chihowa hvt nana ka it a halvllichhi ha ya, hatak nana kia ik it i filvmmicho kashke, im achi tok.

10. Atuk o aboha anukaka maya ho nan im ai ithva vhleha hash osh anonti na mihi yash inli ho i ponaklo tok.

11. Mihma kva hosh tekchi a kanchi cha, inla yo it auaway hokmvt, haui tobtv yvmmak ash o isht ik vhpisalo hoke.

12. Mikma ohoyo hvt i hatak a kanchi cha, inla yo auaway hokmvt, haui toba hoke, im achi tok.

13. Mihma yvmmak ash ot potola chi ho vlla chipunta

ya okla isht im ai vla tok : atuk ak o nan im ai ithvna vhle-
ha hut nan isht ai vla yummak ash o im alvmmi tok.

14. Yohmi kia Chisvs vt yumma pisa mvt, ik im vlpieso
fehna cha, Ulla chipunta yvt vm ai vla hi g hvsh ahni cha,
hvtch ik im alammo kashke : ilvppa chohmi kak osh Chiho-
wa ap ehlichika mak oka.

15. Ahli mak o hvchim achi lishke, Kvna hosh vlla iski-
tini ak o chiyuhmit Chihowa ap ehlichika ya aiokpvchi ho
keyukmvt, yummak oka chukowa he keyu hoke, im achi
tok.

16. Mihmvt yummak ash o ishit sholi cha, ibbak a isht
umbitepa mvt, yukupali tok.

17. Mihmvt kobchvt ivt hina ont fohka ma, achvvt ma-
lelit mintit ant i hvchukbihlepa mvt, Nan-ithvnanchi achuk-
ma ma ! ai okchayvt bilia ya pisa la he vlpesa kvto nanta
hak o yvmohmi la chi cho ? achit i ponaklo tok.

18. Mihma Chisvs ash osh, Na katihmi ho achukma is si
achi cho ? achukma vt iksho ; amba achvfa kak illa : yvm-
mvt Chihowa ak oke.

19. Anumpa vlpisa, Haui chik tobo kashke : Kvna kia
chik bo kashke : Nana kia chik hukopo kashke : Anumpa
ik ahlo isht atokolit chik ahanto kashke : Kvna kia chik
haksicho kashke : Chiki, chishki aiena ka ish holitoblashke,
achi puta ka ish ithanvshke, im achi tok.

20. Mihma afalaminchi mvt, Nan ithvnanchi ma ! vlla sa
tomba kash inli hosh ilvppa puta ka holitoblit isht mihinti
li tuk oke, im achi tok.

21. Yohmi ma Chisvs vt pisa kvv i hullo : mihmvt, Nana
achvfa hosh ik chim onoshke ; ish ia cha, nana hosh chim
ashakmvt, ish kampila cha, ilbvsha puta ka ish imashke :
yohmik mak osh na holitompa kvv vba yakni ya chin tonla
he mak oke : mikmvt mintit ititaiyukhvna ant ish eshi cha,
is siakaiyashke, im achi tok.

22. Mihma yvmvt nan in laua fehna hatuk osh anumpa
yumma haklo mvt, nukhaklot, kanima ia tok.

23. Mihma Chisvs vt filemvt hopokoyo mvt, nan im ai
ithvna vhleha hash o, Na palvmmi nana kvv a fehna ho nan

in laua vhleha hvt Chihowa apehlichika ya chukowa hi oke, im achi tok.

24. Mihma nan ithvna vhleha hash osh anumpa yvmma achi ka okla nukhlakancha tok. Yohmi kia Chisvs ash ot anonti anumpuli mvt, Ulla vhleha ma! im ilayak ai anuk-chieto hosh ahanta kvto Chihowa apehlichika ya chukowa kvno palvmmi kvt katiohmi fehna hoh chishba!

25. Kamel vt chofak ushi nishkin a hlopulli ka palvmmi kvt, hatak nan in laua yosh Chihowa apehlichika chukowa ka ik lauwashke, im achi tok.

26. Mihma okla nukhlakancha atampa fehna mvt, Yohmikma kvta hosh okchaya hinla cho? ilap bika it im achit maya tok

27. Mihma Chisvs vt atokolit pisa mvt, Hatak okmvno yohma he keyu kia, amba Chihowa hokvno ai yohmi hoke, Chihowa yak okmvno nan oklha kvt aighli chatuk oka, achi tok.

28. Yohmi ma Pita vt, Yakeh! pishno vto mominchit il issa cha, e chiakaiya tuk oke, im achi tok.

29. Mihma Chisvs vt afalaminchi mvt, Ahli mak o hv-chim achi lishke, Hatak nana hosh vno pulla, micha vbanumpa aiena hatuk mak o, in chuka, keyukmvt itibapishi vhleha, in tek puta, iki, ishki, keyukmvt tekchi, mikmvt vlla, micha yakni aiena ka issvt aya hokvto,

30. Mihi yosh okchaya takla kvt chuka, itibapishi vhleha, micha in tek vhleha, mikmvt ishki, micha vlla, anonti yakni aiena kvt mihi atuk a ohmi tahlepa achvfa ho pisa he; mikmvt nan ishtai i palvmmi mvt im aiena tukmvt, anonti yakni inlakma aiokchayvt bilia ya pisa hi oke.

31. Yohmi kia tikba yatuk vt ont ishtaiyopa hi vt lawakma, anonti ishtaiyopi atuk vt tikba ya hi vt lauvt gsha hi oke, achi tok.

32. Micha Chelusalem ilhkoli hosh hina vltot asht aya ma, Chisvs vt tikba hikvt ia ma, okokko! okla ahni mvt, iakaiya kvt nukshopvt okla itvnova tok. Mihma auah-tuklo kash o i howa cha, ilap nana im a kaniohma chi kvt im anolit,

33. Inta! Chelusalem a iloh ilhkolishke; yohmi ka Hatak Ushi vt na-holitompa isht asha pehlichi vhleha, micha na-holissochi vhleha aiena ka ibbak fohka chi; mikma illa he anumpa onochi cha, Chentail okla ho ibbak fohka chi hoke.

34. Mikmut ymmak ash o okla ishit yopula, micha fvm-mi, mikmut on tuftua aiena cha, okla vba chi hoke: atukma nitak ont atuchinakma falamvt tana hi oke, achi tok.

35. Mihma Sebate ushi Chemis, micha Chan ita tuklo kvv im ona mvt, Nan-ithvnanchi ma! nana ho il ahnikma, ish pim aiahlichi hokbano il ahnishke, achi tok.

36. Mihma, Nanta hak o hvchi yvmihchi la hi a hvsh ahni cho? im achi tok.

37. Chim a holitopa ya achvvt chibbak isht impak-imma ashakma, anonti achvvt vlvfbekimma asha hosh, e chiya hi ak o ik yohmi ish ahnashke, im achi tok.

38. Yohmi kia Chisvs ash osh, Nana ho hvsh asilhha hokvt hvsh akostinichi keyushke: isht-ishko vno vt ai ishko la chi ka hvsh ai ishka hinla cho? mikmut baptismo a vno vt isht baptismo li ka hvchishno vt isht a hvchi baptisma hinla cho? im achi tok.

39. Mihma, Pi yvmohma hinltshke, im achi tok. Mihma Chisvs ash osh, Isht-ishko vno vt ai ishko li ka hvsh ai ishkokmut, anonti baptismo vno vt isht a baptismo li aiena ka isht a hvchi baptisma chi ho mvhli hoke.

40. Amba sabbak ishtimpak imma, micha vlvfbekimma aiena asha hi okvno ima la hi o keyu; amba kvna ho im vltaha mak a he oke.

41. Mihma pokoli kash ot haklo mvt, Chemis, Chan ita tuklo kash okla isht ik i yukpo fehna tok.

42. Yohmi kia Chisvs vt ymmak ash o hoyo cha, Chentail okla i miko vhleha hvv ai i shahlit pehlichi chatuk: mikma i hochitoka vhleha hvv nana kvv im a vlvpiesa mak osh okla ha i yvmihchi chatuk a hvsh ithaiyanvshke.

43. Yohmi kia hvchishno yokvto hvchi yvmohma he keyushke: amba hvchi kanima mvt i shahli bvna hosh hvch ibafoka hokmut, nan-isht hvchim vtta ya he.

44. Mikma hvchi kanima hoesh moma i shahli hvchi ben-nakmut, moma in tishu hvchia ha hi oke.

45. Hatak Ushi ak kia nan isht im vtta hi o, gya tok keyu : amba ilapo ak osh nan isht vtta he, anonti lawa kut isht a hlakofa hi a ilap im ilhfopak a isht atobba he mak a tok oke, im achi tok.

46. Mihma Cheliko a okla ai vla tok : atuk osh nan im ai ithvna vhleha, micha okla lawa fehna aiena ho pelichi cha Cheliko ash a kohchvt ia ma, Timevs ushi Batimevs lupa yvt hina lapalika yo a binilit nan asilhha tok.

47. Atuk osh yvmmak ash ot Chisvs Nasalet minti yatak o haklo mut, tahpvt, Chisvs Lewi ushi chia hvt is sa nuk-haklashke, ahanchi tok.

48. Mihma nukchinta chi ka, i miha kut laua tok : yohmi kia yvmmak o i shahlichi fehvt tahpvt, Chisvs Lewi ushi ma ! is sa nukhaklashke, ahanchi tok.

49. Mihma Chisvs vt hikia cha, yvmmak ash o hoyu hi a miha tok. Mihma hatak lupa yash o ont hoyot, Chi nuk-tanla achukmashke, auct chi hoyo hoke ; wakaya, im achi tok.

50. Mihma im anchi ash o kanima pit bohli mut, waka-yvt, Chisvs a ima ona tok.

51. Mihma Chisvs vt afalaminchi mut, Nanta mak o chi yvmihchi la hi a ish ahni cho ? im achi tok : mihma hatak lupa yash osh, A shahli ma ! hoponayo la hi a, im achi tok.

52. Mihma Chisvs ash ot, Ish iashke ; na chi yimmi hvt ehi hlakofichi hoke, im achi tok. Mihma ashalika hoponayo mut, hina fohkut Chisvs a iakai tok.

CHAPTA XI.

Chisvs vt issuba haksobish falaia himita om binili cha, Chelusalem ont chukowa, 1. 12 Fik vpi yo nitak nana ik ano ka hi a, Chisvs vt im apesa : 15 mihmut nan-itatoba vhleha tempel anyakaka asha tuk a kocha pit tihleli. 27 Kanimi kut nan isht ai vihpesa nana ho isht ai yvmohmi hatuk a a ponaklo tuk kia, yvmmak ash o Chisvs vt im a teblihi.

1. **ATUK** osh Chelusalem biliqa Betfachi, micha Betani ita tuklo, Alif nvnih fehna hq ai vla ma, nan im ai ithuna vbleha hash tuklochit tibleli tok.

2. Mihmvt, Ivt tumahushi hvchi chapaka auet talaia ka hvsh onashke: yohmikmvt yvmma ont hvsh chukowa mih makinli hosh, issuba himita hatak vt ik om binilo kisha yvt asinta na hvsh pisa chi hoke: yvmma i hotofit isht hvsh lashke.

3. Yohmi ka hatak nana kia, Na katihmi hq ilvppa hvsh yvmihchi hq? hvchim achi bokma, Chitokaka yak osh bvna hatuk oke, hvsh achashke: yohmikma mih makinli hq auet pila chi hoke, im achi tok.

4. Mihma it iachi mvt, hina tuklot ant ai it afama hq, issuba himita yvt okhissa kocha ya asinta na ont pisvt okla cha, i hotofi tok.

5. Mihma yvmma hiohmaya tuk vt kanimi kv, Nanta mak q hvsh katiohmi hosh issuba himita ya hvsh i hotofi cho? im achi tok.

6. Mihma Chisvs vt nan apesa tuk ash q i miha tok: mihma peh ik ilhkoli okla im ahni tok.

7. Mihma issuba himita yash q Chisvs q isht im vla cha, im anchi puta ka om pulli na yvmmak ash osh q minili tok.

8. Mihma hina ya im anchi puta ka pulli kv laua ma, anonti kanimi kv iti naksish q vmot hina ya pulli tok.

9. Mihma tikba ilhkoli, micha pit iakaiya aiena tuk vt, chitoli hosh, Hosanna, Chitokaka i hohchifo il ai eshi hosh minti kv holitopa mak oke.

10. Pili Lewi apehlich i vt Chitokaka i hohchifo il ai eshi hosh aya kv, holitopashke; shutik tvbokaka fehna, Hosanna ai ahanchashke, achi tok.

11. Mihma Chisvs vt Chelusalem q ont chukovvt, tempel q ont chukowa tok: micha nana puta kash filemvt pisvt in taha, mihma opivt taha aiena hatuk q, auah-tuklo kash q pehlich i cha, pit kohchvt Betani q ia tok.

12. Atuk osh ont onna ho, Betani q asht okla minti na, yvmmak ash osh hohchvfo tok.

13. Micha fik vpi vt hishi asha hosh, mishema ka hikia

hō pit pisa tok; mihmvt ymma nana kia ahayuchi li yoba hinla ká, ahni cha, ona tok; atuk osh ona mvt, fik vt a nuna ik ai ono kisha hatuk o, nana kia iksho hō, amba hishi ak bano na ont pisa tok.

14. Mihmvt Chisvs vt anumpuli mvt, Himak a pilla ma hatak nana kia vni isht ik chi ai vpo hō biliashke. Mihma nan im ai ithvna vhleha hv haklo tok.

15. Atuk osh Chelusalem a okla ai vla tok: mihma Chisvs vt tempel a pit chukowa mvt, tempel anukaka ya nana a kanchi, micha a chumpa aienvt maya tuk ash kocha pit yuhli mvt, anonti tvli holisso a bohli itatoba ai-impā, micha pvchi vlpoba kanchi vhleha im ai om-binili aiena tuk ash halvllit filemohlit kinahlichī tok.

16. Mihmvt hatak nana kia ai vlbeha ya tempel a isht hlopulla hi a ik im ahno ki tok.

17. Mihmvt nan im avchit, Ūm aboha ya oklushi moma kv vba pit ai anumpuli chuka hochifa hi oke, achi hosh holisso hō keyu? yohmi kia hvchishno yokto na hukopa vhleha in chuka yo ish ikbishke, achi tok.

18. Mihma na-holissochi vhleha, micha na-holitompa isht asha pehlichī vhleha aiena kv haklo mvt, okla ak osh momvt, ymmvt nan isht im avchi ka ai im anukhlakancha hatuk o i komunta mvt, kanimihchit vbi ka ahni tok.

19. Atuk o opivt taha ma, tmaha hash a kohchvt ia tok.

20. Atuk o onnahnli ma, fik vpi ash ot ak-isht-vla pit vhlit bvshit kvnia tuk o pit pivt ont ilhkoli tok.

21. Mihma Pita vt pit anukfilli mvt, Yakeh! a shahli ma! fik ik ano ka hi o ish im apesa kash bvshit kvnivshke, im achi tok.

22. Mihma Chisvs vt afalaminchi mvt, Chihowa ak o hvsh i yimmashke.

23. Ahli pulla hō hvchim achi lishke, Kvna kia nvni chaha ilvppa, Kanvllit, okhvta hak o pit ish okvtulashke; im achi cha, chukvsh mvt anuktuklochi ik im iksho, amba nana hō miha tuk vt ont aighla hi a yimmi hokmvt, im aighla hi oke.

24. Yohmi hoka vba pit hvsh anumpulikmvt, hvsh asilhha

kv̄t hv̄sh isha hi vt hv̄chi yimmashke, yohmik mak osh hv̄chim aiahla hi oke.

25. Micha vba pit anumpulit hv̄sh hikiakmvt, nana a hv̄chī kaniohmi tuk ashakma, hv̄sh ī kashofashke: yohmi na hv̄chishno na hv̄chim aiashvchika puta ka Iki vba binili kv̄t hv̄chī kashofi makinlashke.

26. Amba hv̄sh ī kashofi keyu hokmvno, hv̄ch Iki vba binili kv̄t hv̄chishno a na hv̄chim aiashvchika puta ka hv̄chī kashofa he keyu akinli hoke, im achi tok.

27. Atuk o anonti Chelusalem a okla ai vla tok: mihma yvmmak ash ot tempel anukaka ya nowvt hikikja ma, naholitompa isht-asha pehlichī vhleha, micha naholissochi vhleha, mikmvt hatak hochitoka vhleha aiena kv̄t im ai vla tok.

28. Mihmvt, Nan isht ai vlhpesa mak o ilvppa puta ka ish yakohmichi cho? micha ilvppa puta ka ish yakomichi ka nan isht ai vlhpesa ka kv̄ta hosh chim apesa tok oh cho? im achi tok.

29. Mihma Chisvs vt afalaminchi mvt, Ūno ak kia nana achfa ka hv̄chī ponaklo likma, hvs sv̄m anolashke; yohmikma, vno vt nan-isht-ai-vlhpesa kaniohmi hō ilvppa puta ka isht ai yakohmichi li hatuk vt hv̄chim anoli lashke.

30. Chan ī baptismo vt vba yakni a minti hokmá, keyukmvt hatak akinli hokmá, nanta tuk oh cho? oh v̄m anoli, im achi tok.

31. Mihma ilap bika it im anumpohonlit, Ūba yak a tok: il achi hokma, Yohmik mak o katiohmi hō hv̄ch ik ī yimmo tuk oh cho? acha hinla.

32. Amba, Hatak ak a tok; il achi hokma, achi mvt, okla moma kv̄t Chan a hopaii fehna hoke, ahni hatuk o, okla hak o ī nukshopa tok.

33. Mihmvt afalaminchi mvt, Chisvs ash o, Il anola he keyushke, im achi tok. Mihma Chisvs vt afalaminchi mvt, Ūno vt nan isht ai vlhpesa kaniohmi hō ilvppa puta ka isht ai yakohmichi li tuk vt ak hv̄chim anoloshke, achi tok.

CHAPTA XII.

Pak-vpi a holokchi yq hatak toksvli ai vlpesa keyu vhleha i pota tok o isht vlpisa, 1. 13 Falisi vhleha hvt Sesa tvli holiseo im itahobi ak o Chisvs g isht i ponaklo ho, anumpa falama ima. 18 Satusi vhleha hvt hatak illi falamvt tana hi ak o, Chisvs g isht i a ponaklo ho, im anoli: 28 anumpa vlpisa puta kvv kanima kak osh moma i shahli hatuk g Chisvs vt im anoli: 35 Klaist vt kvna hak o ushi ahinla ka, ponaklo: micha nan im ai ithvna vhleha ha ahah! im ahna chi ka, i miha. 41 Ohoyo ilbvaha i hatak illi yosh mait tuklo ho tvli holiseo abohli ya ont apitta ho, Chisvs vt im ahninchli.

1. **MIHMVT** nan-isht-vlpisa ho isht im anumpulit ahanta mvv, Hatak osh pak-vpi aiasa ya hokchi cha, kvv apushi isht a holihtvchit apakfobli cha, oka-paki ai vlbaha ya kulli cha, chuka chaha yo ikbi mvv, hatak toksvli vhleha ho i pota cha, yakni hopaki ho ia tok.

2. Atuk osh waya he ai vlpesa ma, pak-vpi aholokchi nana waya ka, hatak toksvli vhleha hash ot ipeta chi ho, hatak toksvli vhleha hash o tishu ha pit in chvffichi tok.

3. Atuk ak o yvmmak ash o okla it i hoklit boli cha, nana kia iksho ho pit chvffichi tok.

4. Mihma anonti tishu inla ho pit in chvffichi tok: atuk o yvmmak ash o tvli isht bolit, noshkobo ha mitvffit hofah-yalichi fehna cha, okla pit chvffichi tok.

5. Mihma anonti inla ho pit chvffichi tok: mihma yvm-mak ash o okla vbi tok: mihma inla yvt lava ho pit yuhli kash kia, pit aieninchit kanimi ka boli mvv, anonti kanimi ma vbi tok.

6. Yohmi hatuk o iso achvfa, i holitopa fehna yosh im anta moma mvv, Svso hokvno okla holitobla chi hoke, achi mvv; ishtaiyopi mak o yvmmak ma pit chvffichi tok.

7. Yohmi tuk kia hatak toksvli vhleha hash ot Ilvppak osh immi mak oke; inta! kiloh vbi na immi hatuk vt hv-pimmi hashke; it im achit maya tok.

8. Micha yvmmak ash o it i hoklit vbi cha, pakvpi a holokchi g ai ishit kocha pila tok oke.

9. Yohmi kuno, pak-vpi aholokchi immi atuk vto nanta hak o katiohma chi cho? Yvmmak ash ot vla cha, hatak toksuli vhleha hash o vbit tahlíkmvt, pakvpi a holokchi ash inla ho im issa chi hoke.

10, 11. Yohmi ka, Tvli yvmma chuk-ikbi vhleha hvv shiti-
lema chash o, yvmvvt chukbika nutaka in tola holitopa i
shahli ho tobrshke. Ilvppa Chitokaka yvt yvmihchi ha
tok o, hvpi nishkin a i na-fehvvshke, achi Holisso Holitopa
ilvppa hvch ik it im anumpolo chatuk oh cho? im achi tok.

12. Mihma nana isht apesa hosh ilap ak o isht anumpuli
tuk a okla ithana hatuk osh, yvmmak ash o hoklit ishi bvna
hokak osh, okla ak o i nukshopa tok: mihmvt yvmmak ash
o issvt filamohlit taba tok.

13. Mihmvt ilap im anumpa akinli ho isht ai isht kanv-
pacha chi ka, Falisi vhleha kanimi, micha Helotian iksa
aiena ho pit on tihleli tok.

14. Atuk o yvmmak ash ot ai vla mvt, Nan-ithvnanchi
ma! chishno yokvt aiahli chia, mikmvt hatak nana kia nan
isht ik chim ahobo; hatak nashuka yak o ish pisa ho keyu
hatuk okvt; amba Chihowa nana aiahni ak o aighlit ish
ithvnanchi chatuk a il ithaiyanvshke. Noshkobo isht
chumpa tvli holisso ya Sesa yak o ima he ai vlhpesa hok-
ma, keyukma, nanta cho?

15. Pi kvniakma, ik pi kvniokma nanta chi cho? im
achi tok. Yohmi kia okla nan ilahobi ka ithvna hatuk osh,
Na-katihmi ho vmomaka hvv sa pesa cho? iskvli isht hvv
svm vla na pisa lashke, im achi tok.

16. Mihma okla isht im vla tok. Mihma, Ilvppvt kvta
hak o holvvt toba ho, mikmvt kvta ho a hohchifo ho? im
achi tok. Mihma Sesa yak oke, okla im achi tok.

17. Mihma Chisvs vt afalaminechi mvt, Nana puta kvv
Sesa yak o immi hokma, Sesa yak o hvsh imashke; mikmvt
nana puta kvv Chihowa ak o immi hokma Chihowa ak o
hvsh imashke, im achi tok. Mihma okla i nukhlakancha
tok.

18. Yohmi ma Satusi vhleha hvv, Illi yvt falamvt tana he
keyu; achi mak osh im ai vla cha, i ponaklot,

19. Nan-ithvnanchi ma! Kuna hoh kia itibapishi hvt tekchi asha hosh vlla vt iksho hq illikma, itibapishi ash osh tekchi atuk a itauwaya cha, itibapishi im vlla ai ikba hi o, Moses vt holisso pim ikbi tok.

20. Atuk o itibapishi hvt untuklot asha tok; mihma akni ak osh tekchi asha tuk osh, vlla iksho hq illi tok.

21. Mihma iakaiya kash osh itauwaya tuk osh, anonti vlla vt iksho hq illi tok: mihma ont atuchina kvv mihinli tok.

22. Mihma untuklo kash osh okla itauwaya ka, vlla vt iksho ki tok: ont ishtaiyopi ma ohoyo hash kia illi tok.

23. Yohmi ka illi yvt falamvt tanikma, okla tanik mvno, untuklo hosh itauwaya tok a yvmma katima aiyukali mak o tekchi mak a hi oh cho?

24. Mihma Chisus vt afalaminchi mvt, Holisso Holitopa, micha Chihowa nan isht im aighli ka aiena ka hvch ik ithano hatuk osh hvsh ashvckhi hq keyu?

25. Illi tuk vt tani hokvto, okla ik itauwayokma, anonti auwaya he i bohli kia iksho ka hi oka; amba enchil vhleha vba yakni aiasha kak inli hq chiyuhma hi oke.

26. Mikma illi yvmmak okvto tana he ak o miha hosh Chihowa hvt bvfaha anuka a kaniohmit im anumpuli mvt, Uno ak osh Eblaham in Chihowa sia, mikmvt Aisaak in Chihowa siakmvt, anonti Chekob in Chihowa sia hoke, achi tok a Moses i holisso ha a hvch ik peso chatnk oh cho?

27. Yvmmak okvt illi ak o in Chihowa keyu, amba okchaya ak o in Chihowa yoke: yohmi hoka hvchishno ak osh hvsh ashvchi fehna hoke, im achi tok.

28. Mihma na-holissochi vhleha hvt achvvt vla cha, okla it im anumpulit maya ka haklot, yvmmak ash osh vhpesa fehna isht i miha na akostininchi mvt, Nan-vlhpisa moma i shahli katima kak osh vmmona fehna hoh cho? achit i ponaklo tok.

29. Mihma Chisus vt afalaminchit, Nan vlhpisa moma i shahli vmmona fehna kvv, Israel vhleha ma! ho haklo, Chitokaka hvpin Chihowa vt Chitokaka achvfa hoke.

30. Micha Chitokaka chin Chihowa ya chi chukvsh a a

mominchit, chi shilombish a uhvlinchit, mikmvt chim anuk-fila ha mominchit, anonti chim ishthlampko ma a mominchit isht ish holitoblashke, achi ilvppak osh nan-vlhpisa moma i shahli vmona hoke.

31. Mikma atukla kvt yvmmak inli ho chohmi hoke, Chin chuka-panta hatak a ish holitobli kvt, chishno akinli ka chim itilauashke, achi hoke: nan vlhpisa inla vt ilvppa i shahli kvt ikshoshke, im achi tok.

32. Mihma na-holissochi ash ot, Vlhpesa nan-ithvnanchi ma! aishli mak o ish mihvshke; Chihowa hvt achvfa; yohmi ka inla mvt iksho ho yvmmak illvshke;

33. Mikma yvmmak ash o chukvsh a mominchit, im anukfila ha mominchit, anonti shilombish a mominchit, im isht-hlampko ma mominchit isht holitoblikmvt, in chuka-panta hatak a holitobli kvt ilapa ai itilauechi kak osh vba isht aiokpvchi nana achvfa nipi vt momvt lua puta ka, micha vba isht aiokpvchi aiena ka moma i shahlishke, im achi tok.

34. Mihma yvmvt vlhpesa fehna miha na Chisvs vt pisa mvt, Chihowa ap ehlichika ya auet ish i hopaki keyushke, im achi tok. Mihma yvmmak ash i himmakma hatak nana kia ik nukwiyot nana ik im asilhho ki tok.

35. Mihma Chisvs vt tempel anukaka nan avvchit ahanta mvt, anumpulit, Katiohmi ho na-holissochi vhleha hvt Klaist vt Lewi a ushi achi cho?

36. Lewi vt ilapo inli kak kia Shilombish Holitopa pulla kak o Chitokaka yvt an Chitokaka ya, Subbak ishtimpak-imma ya ish binili na chin tvnvp vhleha ha chiyi ai-o-hikia ya ikbi lashke, im achi kvno, achi tok.

37. Yohmi kvt Lewi vt ilapo akinli kvt yvma Chitokaka hochifo tok; yohmi ka katiohmi kak osh yvmvt ushi yoh cho? achi tok. Mihma hatak holitompa keyu kuto momvt i haponaklo kvt na-yukpa tok.

38. Mihma nan isht ai im avvchit ahanta kvt, Na-holissochi vhleha na-fohka hofaloha abehkvchit itvnova kvt im achukma, micha ilhpak a kanchi ya ai it aiokpvchi aiena kak osh im achukma;

39. Mikmut sinakak g aiasha holitopa i shahli, mikmut impa chito asha ka aiasha holitopa i shahli aiena kak osh im achukma ;

40. Micha ohoyo i hatak illi puta in chuka g wehpuli, mikmut peh vbanumpuli ilahobi kut anumpa ilbusha falaia-chit itynowa yoka, ahah! hush im ahnashke; yummak okvto nana palvmmi kut i shahli hosh im vllhpisa hi oke, im achi tok.

41. Mihmut Chisvs vt teli holisso abohli i chapaka yo gshvt okla hut teli holisso teli holisso a bohli pit apitta ka pisa tok. Mihma nan in lana atuk vt lauachit pit apitta kut lana tok.

42. Mihma ohoyo i hatak illi ilbusha achufa hosh via mvv, mait tuklo yummvt sint achefa ik ono hq pit abehli tok.

43. Mihma nan im ai ithena vhleha bash o hoyot, Ahli mak o huchim achi lishke, Ohoyo i hatak illi ilbusha ilvp-pak osh teli holisso abohli pit apittvt aiasha ka moma i shahlichit fohkishke.

44. Moma kvto nan in laua im atampa hatuk osh okla bohli hatuk: amba yummvt ilbusha yatuk vt jahi tuk vt mominchit pit bohli, isht okchaya he tuk ash kia momin-chishke, im achi tok.

CHAPTA XIII.

Tempel, micha Chelusalem aiena kut aiokpulokvt taha hi g Chisvs vt tikbanli anoli: micha nana kut ont ik a yakohmo tgkla ka, nana kut isht ahoba kut kaniohma he, 1; 14 micha na-palvmmi kut a kaniohma he aiena ka anoli: 24 mihmut ilapvt aya chikma a kaniohma he puta ka anoli. 28 Fik vpi ak o nan isht it apea hosh nana kut ai yakohma chi ka, ai onvt mahaya hi g anoli: 32 nitak kaniohmi, hvshi kanvlli nana hq ai yakohma hi g, hatak nana hosh ithana keyu hatuk o, moma kut il anuktahvt vba pit anumpo-honlit im vlltahvt maya chi ka, miha.

1. MIHMUT tempel g a kohchvt iak fehna, nan im ai ithena vhleha hut achufvt, Nan-ithunanchi ma! teli hochito

puta, micha chuka hochito puta aiena kvt a kaniohmi hosh yak aiasha ka, pisá, im achi tok.

2. Mihma Chisus vt afalaminchi mvt, Chuka hochitoka yak hiohmaya ka ish pisa cho? twi vt achufa kia aka ik itulo ka hi vt it on telkanchit itonla kvt ikaho hoke, im achi tok.

3. Atuk osh tempel in chapaka Alif nvniñ paknaka ya asha ma, Pita, micha Chemis, mikmvt Chan, anonti Antilu aiena kvt lumvt i ponaklot,

4. Nitak katiohmik mak o iluppa puta kvt yohma hi o, micha iluppa puta kvt ont aighla chikma, nanta hosh ai isht atokowa hi oh cho? ish pim anolashke, achi tok.

5. Mihma Chisus vt afalaminchi mvt; Ahah! hvsh aiahni na hatak nana kia ik hvchi yoshublecho kashke.

6. Sa hohchifo isht hohchifo kvt itenowa cha, Klaist sia mak oke, achi kvt laua he, micha lauachit yoshublichia hi oke.

7. Yohmikma tenvp asha, micha tenvp asha he anoa puta aiena ka hvsh haklokmt, ik hvchi komunto kashke: iluppa puta kvt moyumvt ont a yvmohmi pulla hi oke; yohmi kia ont ai-vhli kvt ik ai ono kisha hoke.

8. Okla achufa kvt okla makinli ka it amokufa he, mikmvt apelhichika achufa kvt apelhichika mak inli ka it amokufa hi oka; yohmikma yakni ilaiyuka ka yakni vt a winakvcha he: mikma hohchvfo, micha okla ik it im ai achukmo aiena kvt takala hi oke: yakohmi kak osh nanukhglo ai ishtia vmona mak oke.

9. Yohmi kia ahah! hvsh il aiahnashke; okla hvch ishit nan apess vhleha ibbak a hvchi fohka he: mikma sinakak angkaka ma a hvchi a bohova he: micha atokowa hvsh im anola chi ka, vno pulla hatuk mak o na pehlichia vhleha, micha miko puta aiena itikba ya hvch ishit ohona hi oke.

10. Yohmikma vbanumpa hak osh tikba oklushi moma ka isht ai im anuhumpa pulla hi oke

11. Amba okla hvch ishit, ivt okla ibbak a hvchi fohkikma, nana hvsh anumpula hi vt tikbanli hvch ik anukfillok-mvt, anonti tikbanli anukfillit ik hvchim vltaho kashke:

amba hvshi kanvlli yvmma fehna ka nana hq hvchi nukfoh-kikma, yvmmak o hvsh anumpulashke: hvchishno ak osh hvsh anumpula hi o keyu, amba Shilombish Holitopa yak a hi oke.

12. Mikma itibapishi hatuk vt itibapishi hash illi issakma, anonti iki atuk vt iso ha illi issa he; mikma vlla vhleha hut iqi, ishki ita tuklo ka i nukkilli cha, illi issa hi oke.

13. Yohmikma vno pulla hatuk mak o hatak moma kut hvchi nukkilli hi oke: yohmi kia kvna hosh aighlit mahayvt ai vhli ka ona hok mak osh, mihi yosh okchaya hi oke.

14. Yohmi kia hopaii Taniel vt isht anumpuli tok nan-okpvi a i nukkilli vihpesa kut a hikia he keyu kut hikia na hvsh pisakmvt, (kvna hosh ilvppa it im anumpulikmvt akostininchashke,) yohmikma Chutea ya asha tuk mvt nv-nih chaha pit a yihlepashke.

15. Mikma kanima hosh aboha paknaka ahanta tuk mvt aboha ya akowa cha in chuka ya nana kia ai ishit kohcha chi kut, ont ik chukowo kashke.

16. Yohmikma osapa anykaka yo anta tuk mvt, i nafohka ya isha chi kut, falamvt ik aiyo kashke.

17. Yohmikma nitak yvmma foka ka kvna hosh vlla shanli hatuk, mikmvt vlla pishechi atuk aiena hokvto ai i palvmma he mak oke.

18. Micha hvstula yo hvch ik yihlepo ka hi vt vba pit hvsh anumpohonlashke.

19. Nitak yvmma foka na-palvmmi kut nana toba vmmo-na Chihowa hut nan ikbi tok ai vhlit mihinti ka yvmma chohmi kut iksho chatuk: mikmvt yvmma chohma he keyu ka hi oke.

20. Micha Chihowa yak osh nitak yvmma foka ka hokohlichi tuk o keyukma, hatak nana hosh okchaya he tuk keyushke: amba nan-vlhtoka ilap vt atokoli tok pulla hatuk mak o nitak yvmma hokohlichi tok oke.

21. Micha yvmma fokakma hatak nana hosh, Yakeh! Klaist vt ilvppak o antvshke, keyukmvt yakeh! yvmma antvshke, hvchim achi hoh kia, ik hvchi yimmo kashke.

22. Klaist ilahobi vhleha, micha hopaii ilahobi vhleha

aiena tobt hiohli kv̄t nan isht atokowa puta, micha na fehna puta aiena ka otvnihinchit, yohma he yobakma, nan-vlhtoka vhleha nana kia yoshublichia hi oke.

23. Yohmi kia yakeh! nan okluha ka tikbanli hvchim anoli li tuk oke, ahah! hvsh aiahnashke.

24. Amba na-pakvmmi yvmmak atuk a misha foka nitak okvno, hvshi vt okhlilikma, anonti hvshi ninak aya mvt ik tommo ka he.

25. Mikma vba fochik puta kv̄t aka fohopakma, vba shutik nana aiasha puta kv̄t winakvcha hi oke.

26. Yvmma fokakma, Hatak Ushi vt nan-isht-aighlika chinto, micha isht a holitopaka chinto aiena ka il ai eshi hosh hoshonti anukaka mihinti na okla pisa hi oke.

27. Yvmma fokakma yvmmak ash ot im enchil vhleha ha pit tihleli na ilap i nan-vlhtoka vhleha ha a mahli ushta yakni atahaka ya ai vhlit shutik ont ataha pit ai vhli ka a hoyot itahoba hi oke.

28. Inta! fik vpi nan isht vlhpisa ka hvsh ai ithvnashke; Yvmmak okvt hishi toba chi hosh bokoblit tahakma, toffa chi kv̄t olanlosi ka hvsh ithana hoke.

29. Yohmi hokvt hvchishno vt yvmmak o hvsh chiyuhmi; na-yakohmi puta kv̄t ont aighli na hvsh pisakmvt, ai vla hosi, okhissa ak kia ai itukonofa hoka hvsh ithanashke.

30. Ahli mak o hvchim achi lishke, Himak a okla maya iloppvt ont ik taho kisha ho, nana ilvppa puta kv̄t a yvmohma chi hoke.

31. Vba shutik, micha yakni aiena kv̄to ont ai iksho ka he, amba vm anumpa puta hatuk vto ont ai iksho ka he keyushke.

32. Yohmi kia nitak yvmmak a he, micha hvshi kanvlli isht vlhpisa yvmmak a he aiena hokvno, hatak nana hosh pit ithana keyu, enchil vhleha vba aiasha, mikmvt Ushi aiena kak kia pit ik ithano, amba Iki ak bano hoke.

33. Ahah! aiahnit okchvt vba pit hvsh anumpohonlashke: nitak ont ai vlhpesa hi a hvsh ithana keyu hoka.

34. Hatak Ushi vt hatak osh anowa hopaki ia hosh, in chuka isvt ia mvt, in tishu vhleha hash o chuka apavchi

atokoli mvt, mominehit a tokseti aiyuks im apesa cha, okhissa atoni ash o ahah! ahnit okcha chi ka, im apesa tok o chohmi hoka.

35. Yohmi hoka ahah! ahnit hvchi okchashke: ohuka chvfa pehlichu vt opiakma, keyukmvt nihak ikhvna hokma, aka ohonla kak okma, keyukmvt, onahinli kak okma nana ho vla hi a hvsh ithana keyu hokvt.

36. Yummak keyukma ashalika vla cha, nusi hosh hvsh maya na ant hvchi pesa hinla hoke.

37. Yohmi hoka nana ho hvchim achi li kvv moma kak o Ahah! ahnit hvchi okchashke, im achi li hoke, achi tok oke.

CHAPTER XIV.

Na-holitompa isht gsha micha na-holissochi vhleha aiena kvv Chivv a illichu chi kvv anumpa it im achvfa, 1: 3 micha ohoyo hosh paghi ahama Chivv noshkobo yo o fohopli. 10 Ohutas Iskalio vt Chivv a ishit okla ibbak a fohka chi kvv iala nan isht it im apesa. 12 Chivv ak osh miha ho, nan im ai ithvna vhleha hvv vbanvblit ont ia isht-vlhpesa ho atahli: mihma Chivv vt ibai impa hosh nahakachi a atokolit bihlibli; 22 mihmvt Chitokaka im ai-impvt gsha hi a apesa; 27 nan im ai ithvna vhleha hvv issvt tamoa he, 33 mikmvt Pita yvt ilapa ik ithano miha he puta ka Chivv vt tikbanli anoli. 32 Chivv vt Ketsemane a ont chukova cha, vba pit anum-puli; micha nan i pavmait ahanta. 43 Ohutas vt vla cha Chivv a ant yukachit ishi ma, nan ai ithvna vhleha hvv issvt tamoa: 53 Chivv a Kaiafas a okla isht im ona mvt, ik ahobalo fehna, mihmvt illi issa; 66 Pita yvt i shahli ho ik ithano miha tuk osh anonti falamvt nukhako.

1. YUMMAK atuk o i nitak tuklo ma, vbanvblit ont ia, micha peska ik shatvammo aiena kvv gsha tok: mihma na-holitompa isht gsha pehlichu vhleha, micha na-holissochi okla aiena kvv yummak ash o kaniohmit haksichit okla ishi cha, vbi bannvt maya tok.

2. Yohmi kia, Impa holitopa maya nitak ano keyu kashke, yummak keyukma, okla hvv isht ik ai vlpeset gsha hinla hoke, okla achi tok.

3. Mihma yummak ash osh Betani tumaha Saimon leplosi-vbi a tok in ehuka yo impa hosh asha ma, ohoyo hut spiknat nan-ahama toba ho alabasta kotobushi vltto, holi-topa fehna ho ishi hosh vla tok: mihmvt kotobushi ash q koli mvt, yummak ash q noshkobo ha q fohopli tok.

4. Yohmi ma kanimi mvt ehukvsh anykaka isht ik im vlpeso fehna kut asha tok; mihmvt, Na katihmi ho nan-ahama ilvppvt yakohmit okpulot kmnia cho?

5. Ilvppvt iskvti tahlepa tuchina atampa kia aivbi cha, ilvsha vhleha ha i holhpela hinla tuk oka, achi tok. Mihmvt ohoyo hash q okla nan isht mihachi tok.

6. Mihma Chisvs vt, Ik asha, nanta katiohmi ho hvsh achivchi hosh? nana achukma fehna mak q a si ai yvmihchi hoke.

7. Yohmi hoka ilvsha yak okvto hvchim asha bilia chatuk: yohmi hokvt yummak okvno peh nitak kaniohmi ho hvchishno hvsh ahnikmvt, nana achukma ka hvsh i yvmihcha hinla hoke; amba vao vto hvchi takla anta li bilia keyvshke.

8. Ilvppak ashot nana ka ai yvmihcha hinla kvto yvmihchi hoke: sa nipi vt hollopa chi ka, tikbanli ahvma chi hosh vla ha tuk oke.

9. Ahli mak q hvchim achi lishke: Ubanumpa ilvppvt yakni moma ka kanimi fehna ho ai anuhumpakma, nana ai yakohmichi tuk ilvppak ash kia yummak ash q isht ithaiyana hi a, anohova hi oke, achi tok.

10. Mihma avah-tuklo kash achvft Chutas Iskaliot vt yummak ash q ishit na-holitompa isht asha pehlich vhleha ibbak fohka chi hosh im ona tok.

11. Mihma yvma okla haklo mvt, na-yukpa mvt, vli holisso ima he apesa tok. Mihma kaniohmi kak osh ai vlpesa na yvma ash q ishi cha, yvma ibbak fohka hinla kut anukfihinli tok.

12. Atuk q pska ik shatvmmo nitak vmmoma ka vbanvblit ontia ya okla ai vbi ma, nan im ai ithvna vhleha hash osh, Katima yak q il ia cha, il atahli na vbanevblit ont ia ya ish impa hinla kut ish ahni cho? im achi tok.

13. Mihma nan im ai ithvna vhleha hash o tuklochit pit tihleli cha, Tvmaha hq ont hvsh chukowashke: mikma hatak vt lukfi kotoba oka vlhto hq sholi kvv hvchi afama chi hoke: apihvt hvsh iashke.

14. Mihma kanima yo ont chukowakma, chuka yvmma vttta hatak ash o, Nan-ithvnanchi vt, Ubapotvhlpo ai impa aboha hvv katima yak o talaia hq, nan vm ai ithvna vhleha hq pehlichit vbanvblit ont ia ya it ibai impa la chi cho? achishke, hvsh im achashke.

15. Mikma vba-potvhlpo yosh chito, nana vlhtaha achukma hq hvchim anola chi hoke: yvmmak o hvsh a pim atah-lashke, im achi tok.

16. Mihma nan im ai ithvna ash osh ivt, tvmaha hq ont chukovvt okla mvt, nana ai im anoli tuk ash ai vhlpiesa na pivvt okla tok: micha vbanvblit ont ia ya atahlit okla tok.

17. Atuk o ont opia ma yvmmak ash ot auahtuklo kash o pehlichu cha, ona tok.

18. Mihma binohmayvt impa ma, Chisvs ash ot, Ahli mak o hvchim achi lishke; Svbai impvt hvsh maya kvv hvsh achvfona mvt, svshit inla ibbak hvv sa fohka chi hoke, achi tok.

19. Mihma okla nukhaklo fehna mvt, achvf-aiyukvt, Uno ak oh cho? im achi ma, anonti inla mvt, Uno ak oh cho? achit isht mahaya tok.

20. Mihma afalaminchi mvt, Auah tuklo kvv achvfvv am-po achvfa hq a svbai impa kak oke.

21. Hatak Ushi yokvto isht a holihiso tok mak o aya ho mvhlshke: amba Hatak Ushi g ishit inla ibbak fohki yvmmak okvto i palvmma chi mak oke: hatak yvmmak okvt ik tobo tok okmak osh im achukma hatak mak a chi hoke, im achi tok.

22. Mihma impa hosh maya ma, Chisvs vt pvska ya ishi cha, vba isht aiokpvchi mvt, tushahlichu cha, yvmmak ash o ima mvt, Ishit oh vpá, ilvppvt sa haknip mak oke, achi tok.

23. Anonti isht-ishko ya ishi cha, vba pit aiokpvchit issa mvt, yvmmak ash o ima tok: mihma momvt okla ishko tok.

24. Mihma, Ilvppvt svssish nan-isht-vlhpisa himona hosh lawa ka i fohopa mak oke.

25. Ahli mak o hvchim achi lishke, Pakvpi a waya ka himmakma ak ishko mak atuk osh himonvchit Chihowa apelhichika yak o ai ishko la he nitak mak a hi oke, im achi tok.

26. Mihma vba-isht-taloe ya okla taloe mvt, kohchvt Alif mvnih ha pit ilhkoli tok.

27. Mihma Chisvs ash osh, Hvsh moma kvv himak ninak a vno pulla kak o hvsh ibetvbla chi hoke: Chukfvlpoba apesrchi a issot boli likma, chukfvlpoba vt it a fimimpa hi oke, achit holisso hatuk oka.

28. Yohmi kia tani li ha mvto, hvchi tikba ivt Kalili a ona la chi hoke, im achi tok.

29. Yohmi kia Pita ash osh, Moma kak osh ibetvbli ik nana kia, si yvmohma he keyu, im achi tok.

30. Mihma Chisvs vt, Ahli mak o hvchim achi lishke, Himak nitak peh himak ninak akinli, akaka yvt hitukla ha ola takla ka hituchina ha chik svthano ish miha chi hoke; im achi tok.

31. Yohmi kia Pita ash ot i shahlichit kvloochit anum-pulit, Chi awant svlli hokmvt, kaniohmi kak osh ak chitha-no ka miha la he keyushke, achi ma, momvt yvmmak inli ho miha tok.

32. Mihma osapushi Ketsemame hohchifo talaia ho okla ai ona tok: mihma nan im ai ithvna vhleha hash o, Uba pit anum-puli la chi takla ka ilvppak inli ho ho chiyá, im achi tok.

33. Mihmvt Pita, micha Chemis, mikmvt Chan aiena ka pehlinchit ia mvt, okokko! ahni fehna mvt, anonti nukhak-lot isht alotowa tok.

34. Mihmvt yvmmak ash o, Sa shilombish vt nukhaklo atampvt illi hoke: ilvppakinli ho okchvt hvsh chiyashke, im achi tok.

35. Mihmvt itikba ivt olanlosi ona mvt, aka ont hlipia mvt, yohma hinla hokma, hvshi kanvlli ai vlhpisa atuk vt i kanvlla hinla ka, asilhha tok.

36. Mihmvt, Aki Abba ma! nan okluha kv̄t a chim aighli bano hoke; isht-ishko ilvppa is s̄a kanvlichashke: ik yohmi kia vno ak osh nan ahni li kak keyu, amba chishno ak osh nana h̄o ish ahni mak ashke, achi tok.

37. Micha vla mvt, nusi hosh maya na ant pisa cha, Pita ash o, Saimon chia hv̄t chi nusi h̄o? hv̄shi kanvlli v̄lhpisa achvfa takla ka chi okcha he keyu cho?

38. Okchvt vba pit hv̄sh anumpvlashke, yvmmak keyukmvt anukp̄eli h̄o ish iba chukowa hinlvshke. Shilombish okvto im v̄lhtaha ho mv̄hli kia, amba haknip ak osh tikambi hoke, im achi tok.

39. Mihmvt anonti kanima ia cha, vba pit anumpuli mvt, anumpa mihi ash inli h̄o miha tok.

40. Micha falamvt vla ma, nishkin ak osh weki hatuk osh, anonti nusi hosh maya na ant pisa tok: mihma nana h̄o okla im acha hi vt ik ithano ki tok.

41. Atuk o ont isht atuchina vla mvt, Himmak mak o, mayvt nusit hv̄sh fohashke: ont ai v̄hli hoke, hv̄shi kanvlli v̄lhpisa hv̄t ai onvshke: yakeh! Hatak Ushi a ishit nanashvchi v̄hleha ibbak a fohka ch̄i mak oke.

42. Ho tan̄i; kiloh ilhkoli, sv̄shit okla ibbak sa fohka ch̄i hokvt olanlosi v̄lvshke, im achi tok.

43. Yohmi ma mih makinli h̄o anumpuli moma na suah tuklo atuk achvfa Chutas vt okla chinto na-holitompa isht gsha pehlich̄i v̄hleha, micha na-holissoch̄i v̄hleha aiena aiasha ka a minti hosh bv̄shpo falaia, micha iti tv̄ptua aiena sholi h̄o it apehvt vla tok.

44. Yohmi kv̄t ishit okla ibbak fohka ch̄i yvmmak osh oṯ nana apesvt, Kvna h̄o i suksowa likma, yvmmak osh m̄ih mak ach̄i hoke; yvmmak o hv̄sh ishi cha, achukmalit ishit hv̄sh iashke, im achi tuk a tok.

45. Atuk osh vla makinli hosh, yvmmak ash o apissanlit ivt im ona mvt, A shahli ma! A shahli ma! achi mvt, i suksowa tok.

46. Mihma yvmmak ash o ibbak onochit okla ishi tok.

47. Mihma bil̄ikasi hiohmaya tuk vt achvfv̄t bv̄shpo falaia

y_o ishit shufi mvt, na-holitompa isht asha pehlichi in tishu ha ishit fahamvt haksobish a chanlit tvbli tok.

48. Mihma Chisvs vt anumpuli mvt, Hatak hukopa y_o ayrt i kohcha h_o chiyuhmit bvshpo falaia, micha iti tvptua aiena sholi hosh hvs svsha ch_i kv_t hvsh itvnowa cho ?

49. Nitak moma ka tempel anyaka ya hvchi takla antvt, nan ithvnanchi li ka, hvch ik sasho chatuk: yohmi kia Holisso Holitopa yvt ont aiahli pulla ch_i kak o hvsh yakoh-mishke, im achi tok.

50. Mihma momvt yvmmak ash o issvt yihlepa tok.

51. Mihma hatak himita achvfa nipi bano hosh linen anchi kv_t, yvmmak ash iakaiyvt aya tuk o, hatak himita vhleha hv_t it i hokli tok.

52. Mihma linen anchi ash o kanchi cha, nipi bano hosh mokofit mvlelit i knia tok.

53. Mihma Chisvs ash o na-holitompa isht asha i shahli y_o okla isht im ia tok; mihma ymma na-holitompa isht asha pehlichi vhleha, micha hochitoka vhleha, mikmvt naholissochi okla aiena kv_t momvt im ai itvnavt maya tok.

54. Yohmi ma Pita yvt auet mishemanchi hosh pit iakaiyvt maya mvt, na-holitompa isht asha i shahli im aboha holitopa yak kia ona tok: mihmvt tishu vhleha ha takla ashtv_t luak libesha tok.

55. Mihma na-holitompa isht asha pehlichi vhleha, micha nan-apesa moma aiena kv_t Chisvs a nan isht im ai atokowa na vba ch_i kv_t, okla akostininch_i bvna tuk osh, ik akostinicho ki tok.

56. Yohmi ka ymma nan isht atokoli ilahobi hokvto laua kia, nan isht atokoli kak osh ai it im achvfa keyu ki tok.

57. Mihma kanohmi hosh wakaya mvt, nan isht im atokoli ilahobit,

58. Ilrppvt ibbak o, isht toba tok tempel ilvppa okpni lish, nitak tuchinakma, inla yosh ibbak o isht toba keyu h_o ikbi la ch_i hoke, achi ka e haklo tuk oke, achi tok.

59. Yohmi kia ymmvt okla nan isht atokoli kv_t ont ik itibai achvfo akinli tok.

60. Mihma na-holitompa isht asha i shahli ash osh iklvn-na wakayvt hikia mvt, Chisvs ash o i ponaklot, Afalaminchit nana kia chik acho cho? yakohmi kv̄t nan isht chi atokoli ka katiohmi hatuk oh cho? achi tok.

61. Yohmi kia nana ik acho hosh lumvt asha tok. Mihma anonti na-holitompa isht asha i shahli ash ot i ponaklot, Chishno ak osh Na-holitopa ya Ushi Klaist chia mak oh cho? im achi tok.

62. Mihma Chisvs vt, Mih sia mak oke: yohmi ka Hatak Ushi vt nan-okluha imaiya ibbak ishtimpakimma ya binili, mikmvt vba hoshonti anukaka minti aiena ho hvsh pisa he mak oke, achi tok.

63. Mihma na-holitompa isht-asha i shahli yash ot i nafohka ya it a hlilvfi mvt, Na katihmi ho himmakma nan isht atokowa ka iloh ahna hinla cho?

64. Chihowa isht ik ahobalo anumpa ha hvsh hakloshke: nanta hvchim anukfila cho? achi tok. Mihma illa he vlvh-pesa kak o, momvt okla anumpa onochi tok.

65. Mihma kanimi kv̄t on tuftua mvt, anonti nashuka ya ompohomo cha, ibbak bonunta isht isso cha, Akostininchit anoli, achi tok: mihma tishu vhleha hv̄t ibbak pv̄tha ya okla isht pvsaha tok.

66. Mihma Pita yvto nutaka aboha holitopa anukaka ya asha na ohoyo himita na-holitompa isht asha i shahli in tok-svli vhleha hv̄t achvfv̄t vla tok.

67. Mihma Pita yvt libisha hosh asha na ont pisa cha atokolit pisa tok: mihmvt Chishno vt Chisvs Nasalet vtta ya awant ish aya tuk akinlishke, achi tok.

68. Yohmi kia Pita yvt ik ithano ilahobit, yv̄mma ithana li keyu; mikmvt nana ish miha kak kia ak chim akostininchoshke, acki tok. Micha kohchvt apishia ya ona ma, aka-ka yvt ola tok.

69. Atuk o anonti ohoyo himita yosh yv̄mmak ash o pisa mvt, bilikasi hiohmaya kash o, Ilvppak osh yv̄mma pit ai achvfa mak oke, im achi tok.

70. Mihma anonti yv̄mma ik ithano, miha tok. Yv̄mmak atuk a in chekosi ma bilika hiohmaya tuk ash ot anonti Pita

yash o, Chishno ak kia okla yvmma ish ibai achvfa yatuk o pullvshke: Kalili hatak chia hatuk osh, chim anumpa hvt pit ai achvfa hoke, im achi tok.

71. Yohmi kia Pita yash ot, Hatak ilvppa isht anumpulit hrsh maya ka ithana li keyushke, achit ik ahobalot anumpulit anumpa kvlo isht ile ononchit ishtia tok.

72. Mihma atukla ma akaka vt ola tok. Mihma Pita ash osh, Akaka yvt hitukla ha ik olo kisha ho hituchina ha chik stthano ish miha chi hoke, im achi tok Chisvs im anumpā hash pit ithaiyana tok. Mihma yvmma anukfieli mvt, ya-haya tok.

CHAPTA XV.

Chisvs a okla takchi cha, Pailat ibbak fohki, 1; 15 na-holitompa isht asha vhleha hvt Pailat a anukfohkechi na Balabas ak o i hotofi cha Chisvs okno ititaiyukhvna ahonvhlt illa chi ho im issa: 17 mihma tvshka chipota vhleha hvt yvmmak ash o kvti tvnna yo iachukolichi cha, isso: 20 mihmvt ititaiyukhvna ahonvhla chi mak o ilauct ia. 21 Chisvs a Kolkohla ya okla isht ona mvt, hatak hukopa tuklo itin takla yo a tak alichit ititaiyukhvna ahonvhlihi; 29 mihma na-holitompa isht asha vhleha, micha okla puta kvv ishit yopula: 33 hrshi vt okhlilit kvnia ma, Chisvs vt Chihowa ha pit in tahpahanlt illi. 38 Nantvna holitompa tempel anykaka takali tuk vt it a hlilafa; Sintulion vt, Chisvs vt Chihowa ushi pulla tuk achi; Chisvs vt ititaiyukhvna a takali ka, ohoyo kanimi kvv pisa. 42 Chosof vt Chisvs haknip ititaiyukhvna takali tuk a ishit akvchi cha, sepeka himona ilap i hikia tuk vt fohki.

1. ATUK o onnahinli makinli ho na-holitompa isht asha pehlich hash osh hochitoka vhleha, micha na-holissochi okla, mikmvt nan-apesa vhleha moma aiena ho nana ai it im apesvt maya cha, Chisvs a takchi mvt, isht ivt, Pailat ibbak a ont fohki tok.

2. Mihma Pailat ash ot i ponaklot, Chishno ak osh Chu okla ha i miko chia mak oh cho? achi tok. Mihma Chisvs vt, Ulhpesa ho ish mihvshke, im achi tok.

3. Mihma na-holitompa isht asha pehlich vhleha hvt

yvmmak ash o nana ilaiyuka laua ho isht onochi tok : yohmi kia nanasi kia ilapvt afalaminchit ik miho ki tok.

4. Mihma Pailat ash osh anonti i ponaklot, Nana chik acho há cha? yakeh! nana ka isht a chi atokoli ka laua fehnvshke, achi tok.

5. Yohmi kia Chisvs ash ot nana ik acho moma tok. Yohmi hatuk o Pailat ash osh, okokko! aiahni tok.

6. Mihma vbanvblit ont ia impa gsha ka ilap mak osh, kánima yo okla ahnikma, yukvt talakchi atuk a achvfalit im i hotofi chatuk a tok.

7. Mihma achvfa hosh, Balabas hohchifo kvv nan-vlhpisa ya itibai i sanalit ahashwa cha, nan-vlhpisa i sanali kvv hat tak vbi tuk vt ai it apehvt talakchi hosh itonla tok.

8. Atuk o okla laua yash ot chitolit tahpvlvt, nana ka ai i yvmihchi bilia yatuk vt yvmiheha chi ka okla im ahni tok.

9. Yohmi kia Pailat ash osh afalaminchi mvt, Chu okla i Miko ak o hvchim i hotofi la chi ka hvsh ahni cho? im achi tok.

10. Yvmmak okvno na-holitompa isht gsha pehlichi vhleha hvt i nukkilli kak osh ishit ibbak fohki tuk a ithana hatuk okvt.

11. Yohmi kia na-holitompa isht gsha pehlichi vhleha hash ot Balabas ak o im i hotofi pulla chi ka okla ha isht a nukfohkichi tok.

12. Mihma anonti Pailat ash ot afalaminchi mvt, Yohmi ka Chu okla i Miko hvsh achi yvmmak amo nanta ho kati-michi la he ak o hvsh ahni cho? achi tok.

13. Mihma atuklanchit chitoli hosh, Ititaiyukhvna ak o ahonvhvchi, achi tok.

14. Yohmi ma Pailat ash ot, Nanta katiohmi ho nan ik achukmo nanta mak o yvmohmi tuk oh cho? im achi tok. Mihma yvmmak o okla isht i shahlichi fehvt tahpvlvt, Ititaiyukhvna ak o ahonvhlichí, achi tok.

15. Yohmi ma Pailat ash ot okla ha yukpali bvna kvv, Balabas ak o im i hotofi tok: micha Chisvs ash o fvmmi mvt, ititaiyukhvna ahonvhvt illa chi mak o, yvmmak ash o ishit okla hash ibbak fohki tok:

16. Mihma tushka chipota vheha hash ot yummak ash o halvllit isht iot nan ai apesa Pletolivm hohchifo hō isht ona tok : mihmvt aya achvfa tuk ash o momint hoyot itvnali tok.

17. Mihmvt na-fohka hummakbi hō ishit fokvchi mvt, kvti tnnvt iachuka ikbi cha, iachukolichi tok.

18. Mihmvt aiokpvchit, Chu okla i Miko ma ! na chi yuk-pashke, achi tok.

19. Mihmvt noshkobo hā kushak ishit isso mvt, on tuf-tut, anonti hvchikbihlept hikia cha, aiokpvchi aiena tok.

20. Mihmvt yummak ash o okla ishit yopula hayosh na-fohka hummakbi ash o i shufi cha, ilap i na-fohka yash inli hō okla fohkvchi mvt, ititaiyukhvna ahonvhlichā chī mak o kocha isht ia tok.

21. Mihma Saimon Silinian hatak Aleksanta, micha Lufva aiena iki vt yakni kocha vttvt minti hosh aya ma, im ititai-yukhvna ya shola chī ka okla atohnochi tok.

22. Mihma yummak ash o yakni Kolkohla, yummvt to-showakma, Noshkobo foni aiasha achi hō okla isht ona tok.

23. Mihmvt ishka chī ka oka-paki osh mvh it-ibvlhto hō okla ipeta tok ; yohmi kia ik ishko ki tok.

24. Mihmvt yummak ash o okla ititaiyukhvna ahonvhli-chi mvt, hatak achvfa kvt kaniohmi aiyuka isha chī kvt nan isht a shoelit mayvt, i na-fohka yash okla it i hopela tok.

25. Yohmi kvt hvshi kanvlli vllhpisa ont atuchina hō ititaiyukhvna ya okla ahonvhlichī tok

26. Mihma anumpa isht ai onvtula hatuk holisso kvt pak-naka ya CHU OKLA I MIKO YOKE, achi hosh a ho-
lisso tok.

27. Micha hvkopa tuklo hō achvftv ibbak ishtimpak-imma takali ma, anonti achvftv im vlvfbekimma takali hō it aieninchit ititaiyukhvna ahonvhlichī tok.

28. Mihma holisso holitopa yvt achi kvt, Micha nan-vllhpisa kobvffi vheha hō iba holhtiena tok achi hatuk vt ont aighli tok oke.

29. Mihma itvnovvt aya mvt, yummak ash o ik ahobalot pit i yachumuklit, Tempel a okpvni cha anonti nitak tuchi-nakma ikbi chia hash osh,

30. Chishno ak inli kak osh ile okchalinchit ititaiyukhvna ya auet akowá, im achi beka tok.

31. Mihma na-holitompa isht asha pehlichí vhleha, micha na-holissochi vhleha aiena hash kia ishit yopula akinlit, Inla yokvno okchalinchi hatuk o kak osh, ilap inli hokvto ile okchalincha he keyushke.

32. E pisa cha pi yimma chí ka, himonasi ak o Israel i miko Klaist vt ititaiyukhvna ya vttvt auet ik akowá, it im achit maya tok. Mihma apehvt ititaiyukhvna ahonvha kash kia yvmmak ash o na-mihachi tok.

33. Atuk o hvshi kanvlli vhlpisa isht hannali kv́t ai ona ma, okhlili hv́t yakni mominchit takali na hvshi kanvlli vhlpisa ont isht chakkali ka ona tok.

34. Mihma hvshi kanvlli vhlpisa ont isht chakkalik fehna, Chisvs ash ot chitoli hosh tahpvt, Eloi, Eloi, lama sabakhani, yvmvt toshowa kv́t, An Chihowa ma! an Chihowa ma! nanta katiohmi ho is sa kanchi cho? achi hoke.

35. Mihma bilika hiokmaya tuk vt kanimi kv́t haklo mv́t, Yakeh! Elias ak o i howvshke, achi tok.

36. Mihma achvvt malelit ivt na-shatvmmi o wineka ont alotoli cha, kushak o takalichit ishka chí ka pit ima mv́t, Ik ashá, Elias vt vla cha ant ishit akvchikmá nana chí hokmá, keho písá, achi tok.

37. Mihma Chisvs ash osh chitoli hosh anumpuli mv́t, fiopa issa tok.

38. Mihma nantvna tempel anvkaka takali kash ot paknaka ai it a hlilavt ia mv́t, aka ont taha cha tuklo tok.

39. Mihma Sintulion vt im a chapaka hikia tuk vt, yvmvt chitolit makachi cha, fiopa issa na pisa mv́t, Hatak ilvppvt Chihowa Ushi yatuk o pulla mvhlshke, achi tok.

40. Mihma ohoyo aiena hosh mishema ho pivt hiohmaya ma, Meli Maktalene, micha Chemis iskitini, mikmv́t Choses aiena ishki Meli, mikmv́t Salome aiena kak osh takla hinli tok.

41. Yohmi kv́t Kalili a anta ma, ohoyo ilvppak osh apehvt gyvt, nan isht im ashwa tok: mihma apehvt gyvt Chelusalem a ai vla tuk vt ohoyo inla yvt laua hosh pit ai okluha tok.

42. Atuk o ont opirt taha ma, nana il ai atahli nitak, yummvt nitak hullo vt onnvt asha ho,

43. Chosef Alimahlea vta, nan-apesa holitompa hosh, yummak kia Chihowa apelihika hohoyo hosh anta hatuk osh, nukwaya ikshot Pailat ash o ont iba chukowa cha, Chisvs haknip a im asilhha tok.

44. Mihma Pailat ash ot mihi ash takla illi hotuma, ahni kt nukhlakancha tok, micha Sintulion a hoyo mvt, illi tuk a ahchibakma, nana tuk a, i ponaklo tok.

45. Micha sintulion a isht ai akostininchi mvt, haknip ash Chosef a im issa tok.

46. Mihma yummak ash ot linen lapushki yo chumpa mvt, yummak ash ishit akvchi cha, linen a a bonulli cha, seplka tvli yosh kulvt toba ho ont bohli cha, tvli yo tonolichit seplka okhissa yash pit o bohli tok.

47. Mihma Meli Maktalene, micha Meli Choses ishki ita tuklo kt yummak ash a bohli ka pivt okla tok.

CHAPTA XVI.

Enchil osh Chisvs vt falamvt tani tuk a ohoyo im anoli, 1. 9 Chisvs vt falamvt tani ba yvt Meli Maktalene a im otvni tuk osh, 12 nan im ai ithvna vhlcha ha tuklot i haiaka: 14 atuk osh i himmakma avah-chvta kash ont im otvni: yohmi mvt na yimma he keyu tuk a nan isht i miha; 15 micha vbanumpa ya kanima moyuma isht ai anumpohonla chi ka im apesa; 19 mihmvt vba ya ia ma, vba isht anumpa hvt anuhumpa.

1. ATUK osh nitak hullot issa ma, Meli Maktalene, micha Chemis ishki, mikmvt Salome aiena kt ivt yummak ash o ont ahvma chi kt, na-balama okla chumpa tok.

2. Atuk osh wek chukowvt ia nitak vmmona onnahnli fehna hvshi kohcha ho seplka yash okla ona tok.

3, 4. Mihmvt, Kvta hosh tvli vt chito fehna kash o seplka okhissa a pim a kanvlichia chi ho? ilap bika it im achi tok: mihmvt okla pit hopokoyo kash osh, a kanvli tuk a, okla pit pisa tok.

5. Micha seplka ya okla pit chukowa mvt, hatak himita

yvt na-fohka tohbi falaia fohka hosh, ishtimpak imma tun-
nvp a binili ho, okla pisa cha, nukhlakancha tok.

6. Mihma yvmmak ash ot, Ik hvchi nukshopo kashke,
Chisus Nasalet vttā yvt ititaiyukhena ahonvhla tuk ash o
hvsh hoyoshke: tani tuk oke: iluppa ikshoshke: okla a
bohli tuk a, pit ho pesā.

7. Yohmi kia hvsh ia cha, nan im ai ithena vhleha, Pita
aiena ka, yvmmak okvt hvchi tikba Kalili a ia he tuk a, ont
hvsh im anolashke: yvmmak o hvchi miha tuk mak oka,
yvmmak o hvsh a pisa chi hoke, im achi tok.

8. Mihma tushpvt pit okla kohcha mvt, sepuvka yash
ashvvt pit yihlepa tok: nukhlakancha, wvnihinchi, micha
nukshopa aiena hatuk osh, kvna kia nanasi kia okla pit ik
im acho ki tok.

9. Micha Chisus vt wek chukowvt ia nitak vmmōna on-
nahinli fehna ho tani tuk vt, Meli Maktalene, yvmmak o
nan-isht-ahullo okpulo untuklo ka a kohchi tuk ash nan
tikba i haiaka tok.

10. Mihma yvmmak ash osh ivt apehvt itvnova yatuk vt
nukhaklot yaiya hosh maya ma, ont im anoli tok.

11. Mihma yvmmak ash osh okchaya na yvmvvt pisa
tuk a okla haklo mvt, ik yimmo ki tok.

12. I himmakma yvmmak ash osh, tuklo hosh itvnovvt
ayvt, yakni kocha itonachi ma, anonti ai inlv i haiaka tok.

13. Mihma itiachi cha, kashapa kash o ont im anoli tok:
mihma yvmmak ash kia okla ik i yimmo ki tok.

14. Atuk o i himmakma auah-chvfa hash osh impa hosh
maya ho ont i haiaka cha, tani ha ya inla yvt pisa tuk a
okla ik i yimmo hatuk oka, na yimma he keyu, micha chg-
kvsh kvlo aiena ka nan isht ai i miha tok.

15. Mihmvt, Yakni moma ka ivt, vbanumpa ha hatak hi-
kia puta isht hvsh im anumpohonlashke.

16. Kvna hosh yimmi cha baptismokmvt, okchaya hi oke;
amba kvna hosh ik yimmo hokvto, issikkovvt bilia im vhpisa
hi oke, im achi tok.

17. Micha na-yimmi vhleha hokvno nan-isht atokowa ya-
kohmi kak osh a takanlit aya hi oke. Uno sa hohchifo ha

nan-isht ahullo okpulo puta isht kocha welikmvt, anumpa ilaiyuka anumpula hi oke.

18. Micha sinti chilita puta ka peh okla aiowa he, mik-mvt ishkot illi nana kia ishko hoh kia, nan ik kanihcho ka he : abeka ya ibbak isht umbitepakma, hlakofa he bano hoke, im achi tok.

19. Yohmi mvt Chitokaka yvt ant im anumpuli mvt, vba ivt vba yakni a ont chukowa cha, Chihowa im ibbak ishtimpak-imma ya a binili tok oke.

20. Mihma Chitokaka yvt apelahanchit anumpa ha nan isht atokowa kvv a takanlit aya hatuk ash isht aiahlichu ma, kanima moma ka vba isht ai anumpohonlit itvnowa tok oke. Amen.

UBANUMPA LUK

VT HOLISSOCHI TOK.

CHAPTER I.

Luk vt Hliopilvs a pit im anumpuli, 1. 5 Enchil vt Sakalias a ont im otvni: 13 mihmvt ushi asha hi a i miha; 24 Elisabet vt vlla shali cha, ile luhmi. 26. Enchil vt ohoyo himita Meli a ont i haiaka; yohmi mvt Shilombish Holitopa yosh nan anukfilli ho, Klaist ishki a toba pulla hi a i miha. 39 Meli vt Elisabet a ont i nowa mikmvt ita tuklo kvv Chihowa ya aiokpahanchi. 57 Chan vt vtta cha, hakshup vtpa mvt hohchifo: 64 mihma Sakalias vt falamvt anumpuli mvt, 67 na tikbanli anolit Chihowa ha aiokpahanchi.

1, 2. NANA ka isht a pi yimmi ahli fehna vmmonvt isht auehinchi ka nishkin isht pisvt, nana ka isht ahgshwa tuk vt yvmma pim anohonli tok mak osh lawa kvv yvmmak atuk a isht anumpa holisso ha ikbi tuk o,

3, 4. Uno ak kia nan vmmona isht-auehinchi ka nana kvv akaniohmi tok puta ka mominchit asilhhit achukmalit akostininchil li tuk vt, chishno vt nana ka isht chim annoa tuk a aighli ka ish ithaiyana chi ka, nan-annoa ma it iakaiyachi hosh pit chi holissochi la hi vt vm anukfila tuk oke; Hliopilvs holitopa fehna ma!

5. Chutea i miko Helot vt ahanta nitak a, na-holitompa isht vtta achvfa Sakalias hohchifo kvv, Abia apehlichika ai ibafohka yosh anta tok: mihma tekchi vt Aalon ushetik vhleha isht-atiaka yosh, hohchifo kvv Elisabet a tok.

6. Mihi yosh yvmmvt tuklot Chihowa yvt pisa ho aighli biekvv, anumpa vlvpisa puta, mikmvt nan-ylvpisa ilaiyuka Chihowa yvt apihisa tok a moma ka i shanaiya iksho hosh ahgshwa tok.

7. Yvmohmi hosh Elisabet ak osh ushiksho yatuk o, vlla yvt ik im iksho ket okla hosh, tuklot sipoknit taiyaha tok.

8, 9. Atuk o yakohmi tok : ilap ai itupeha yvt ont im ai vlhpiesa ma, yvmmt na holitompa isht asha Chihowa itikba ya isht ai ahanta chi ka, na holitompa isht asha nan im vlhpisa chatuk mak o, Chihowa in tempel a ont chukowa cha, na-balama luacha hi vt nashoeli ho isht im vlhpisa tok.

10. Yvmohmi ma okla laua yvt na balama lua takla ka vba pit anumpuli hosh kocha ya aiasha tok.

11. Yvmohmi ma Chihowa im enchil vt na-balama a lua alta ishtimpak imma tnnvp o hiki vt i haiaka tok.

12. Mihma Sakalias vt pisa mvt, nukhlakanchvt nan-nukshopa mvt anukfoyuka tok.

13. Mihma enchil ash ot, Sakalias vt chi nukshopa ná ; vba pit ish asilhha tok vt chim vlhpesa mak oke : yohmi ka chi tekchi Elisabet vt vlla nakni o chi shala he ; mikma ymma Chan ish hochifa he ;

14. Yohmikmvt na chi yukput chim achukma fehna he ; yohmikma yvmmt vta ka na yukpa kvv laua hi oke.

15. Yvmmak okvt Chihowa ya i holitopa fehna he : mikmvt oka-paki, micha oka homi nana kia ik ishko ka hi oke : micha ishki ikfoka a kohcha mak inli hosh Shilombish Holitopa isht anukfohkvvt alotowa hi oke.

16. Yvmohmikmvt yvmmak okvt Isael isht-aiunchululi vhleha ha lauachit in Chitokaka Chihowa ya im antia hi a anukfohkicha he mak oke.

17. Mikmvt iki vhleha chukvsh a falaminchit vlla puta ka ai it ibafohkit it in nanaiyachikmvt, anonti nan ik yimmo puta ma hopoyuksa vhleha ha im anukfila ha pit ai ibafohkit, okla ha anukfohki na Chihowa hoka im vltaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.

18. Mihma Sakalias vt, Nanta hosh katiohmi na ilvppa isht akostininchi la chi cho ? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.

19. Mihma enchil ash ot afalaminchi kvv, Vno vt Chihow-

wa itikba hikia Kebliel sia mak oke: mih hosh ant chit im anumpulit, nan annoa achukma ilvppa chim anoli la hi vt si vlhtoka tuk oke.

20. Yvmohmi tuk o vm anumpa hā ont im ai vlhpiesak-mvt aighla hi oka ik chi yimmo; yohmi hokvt ik anumpulo ish toba cha, ish anumpula he ik chim vlhpeso mak o, nana kash ot ont aighli nitak a onak mak a hi oke, im achi tok.

21. Mihma okla hash ot Sakalias a pit hoyot aiasha mvt, tempel anukaka ya anta na hopaki hatuk o, katiohmi cho? okla ahni tok.

22. Atuk o yvmmak ash ot kohcha mvt, okla hash im anumpula he keyu ki tok: peh abahanchi mvt, anumpula he keyu hosh hikia hatuk o, tempel anukaka ya nana ho a pisa tuk a, okla akostininchi tok.

23. Atuk o yakohmi tok; ilap na-holitompa isht ai ahanta he nitak atuk vt ont taha makinli ma, in chuka ia tok.

24, 25. Atuk o nitak yvmmak atuk a i himmak ha yo, tekchi Elisabet vt vlla i fohka cha, Hatak puta itintakla sa hofahya kv̄t a takali tuk a isht kancha ch̄i hosh, suet sa pih̄isa nitak vt Chitokaka yvt ilvppak o a yakohmichi tuk oke; achi mvt ile luyuhmi na hvshi tahlapi tok.

26, 27. Atuk o hvshi ont isht hannalik fehna ohoyo him-ita yvt hatak Chosef hohchifo hosh, Lewi in chuka-chv̄fa isht atiaka yo, im vlhpoa hosh ohoyo himita hohchifo mvt Meli osh, Kalili yakni tmaha Nasalet hohchifo ho anta ho, Chihowa yvt Kebliel a pit i chev̄fichi tok.

28. Yvmohmi na enchil ash ot im aboha hā ant chukowa mvt, Holitopa fehna chia hv̄t na chi yv̄kpashke; Chihowa hv̄t chi halvli hoke, holitopa kv̄t ohoyo puta moma ka ish im̄ayv̄shke, achi tok.

29. Mihma yvmmak ash ot pisa mvt, yvm̄mvt nana ahan-chi ka nukhlakancha mvt, nan isht aiokpv̄chi katiohmi hosh yakohma hinla cho? ahnit im anukfila tok.

30. Mihma enchil ash ot, Meli vt ik chi nukshopo kash-ke; Chihowa ish i holitopa hi vt chim vlhpesa tuk oke.

31. Yohmi kv̄t yakeh! vlla yvt ch̄i fohka cha, vlla nakni o ish ishikmvt, hohchifo hā Chisv̄ ish hochifa he mak oke.

32. Yvmmak osh Chitokaka tobtv ahantvt, Nana moma i shahli Ushi hohchifa he; yohmikma Chitokaka Chihowa yvt iki Lewi im ai om binili holitopa ya ima hi oke.

33. Yohmikma yvmmak osh Chekob in chuka chufa isht atiaka pehlichu na bilia he: yohmikma yvmma apehlichika ya ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilvppvt yakohma chi cho? enchil ash o im achi tok.

35. Mihma enchil ash osh anonti afalaminchit, Shilombish Holitopa yak osh chim aya he; yohmikma Nana moma i shahli nan isht im aighlika yvt chi o hoshontikacha hi oke; yohmi hoka na-holitopa kvv chim vta hi vt yvmmak kia Chihowa Ushi hohchifa hi oke.

36. Micha yakeh! chi kanomi Elisabet vt ushiksho hohchifo chatuk kia, sipoknit taiyaha hosh vlla nakni i fohka tuk a himak vt hvshi ont isht i hannali hoke.

37. Chihowa ak okvto nana kvv ik im aighlo ka hi vt iksho hoka, im achi tok.

38. Mihma Meli ash osh, Chitokaka immi ohoyo sia ka is sa pesashke: chim anuhumpa tuk mak o nana kvv vm ai vlvpiessashke, im achi tok. Mihma enchil ash ot isvt ia tok.

39. Mihma nitak yvmma foka ma Meli ash ot wakaya cha, tushpvt kvv, Chuta yakni nvni foka tvmaha chito mvt talaia hv ona tok.

40. Yohmi mvt Sakalias in chuka ya ont chukowa cha, Elisabet a aiokpvchi tok.

41. Mihma yakohmi tok; Meli vt aiokpvchi na Elisabet vt haklo ma, vlla yvt ikfoka anyka ilhkoli tok; yohmi ma Elisabet vt Shilombish Holitopa isht anukfohkvv alotowa tok.

42. Mihmvt chitoli hosh anumpulit, Holitopa kvv ohoyo puta moma ka ish imayvshke: mihma chikfoka anyka a toba mvt holitopvshke.

43. An Chitokaka ishki vt ayvt vm vla ilvppvt katiohmi hv a yakohmi cho?

44. Yakeh! is si aiokpvchi ka anumpa hvv olvt sa hak-

sobish a ant fohka mak inli ho, vlla yvt na yukpa kv̄t sak-foka anyka ya ilhkoli kano.

45. Chitokaka yvt yv̄mma nana ho im anoli tuk a ont aiahlit taiyaha hi oka, na yimmi tuk yv̄mmvto na yukpvsh-ke achi tok.

46. Mihma Meli ash ot, Sa shilombish vt Chitokaka ya holitobli,

47. Yohmi ma sa chukvsh vt Chihowa si okchalinchi a ai isht ilaiyukpvshke.

48. Yv̄mmak okvt in tishu ohoyo ilbvsha ya i nukhaklot pisa tuk oke: yohmi hoka himak pillvt ia ka hatak isht ai unchululi puta kv̄t na-yukpa sia hochifa hi oke.

49. Yv̄mmak osh nana moma imaiya mak osh nafehna chinto ka a yvmihchi tuk oke: yohmi kv̄t hohchifo hv̄t holitopa yoke.

50. Micha hatak it ai unchululi ia puta ka ilapa im antia vhleha ha yv̄mmvt i nukhaklo kv̄t ai in takali mak oke.

51. Yv̄mmak okvt ilapo shakba isht imaiyachi chatuk: ilapunla vhleha hv̄t ilap chukvsh nan isht im anukflvt magyakma, yv̄mmak okvt it a fimibli chatuk oke.

52. Yv̄mmak okvt hochitoka vhleha im aiasha puta tuk a ai isht akakohlikmvt, anonti ilbvsha vhleha ak o holitobli-chi chatuk oke.

53. Hohchvfo ya yv̄mmak okvt na hochukma puta ka isht fihoblikmvt, anonti nan in laua yano nana kia ik im ikshochit kanom pit tihleli chatuk oke.

54, 55. Eblaham, mikmvt yv̄mma isht ai unchululi ka i nukhaklot a bilia hi vt pin tikba vhleha ha pim anumpohonli tok vt ithaiyana mvt, in tishu Israel a apelahanchi chatuk oke, achi tok.

56. Mihmvt Meli vt yv̄mma awant anta na hvshi tuchi-na foka mvt, falamvt in chuka ona tok.

57. Yohmi ma Elisabet vt vlla in tonla hi vt ont ai im vlpiesa mvt, vlla nakni o sholi tok.

58. Mihma in chuka panta asha, micha i kanomi vhleha aiena kv̄t, Chitokaka yvt yv̄mma i nukhaklo fehna tuk a okla haklo mvt, ibai yukpa tok.

59. Atuk o yakohmi tok: nitak ont isht untuchina ma vlla ya hakshup tublit itvnowa tok; atuk osh iki a hochifochit yvmmak ash Sakalias hochifo tok.

60. Mihma ishki ash osh anumpuli mvt, Yohma he keyu; amba Chan ak o hohchifa chi hoke, achi tok.

61. Mihma Chi kanomi hvt kanima mvt hohchifo ilvppa isht a hohchifo kvv iikshoshke, okla im achi tok.

62. Mihmvt iki ak osh nana ho hohchifa hi a ahnik mak a chi ka, okla pit avchi tok.

63. Mihma yvmmak ash ot aholissochi a hoyo cha, Hohchifo hvt Chan oke, achit holissochi tok. Mihma, Na katihmi ho? momvt okla ahni tok.

64. Mihma yvmmak ash ot itih hvt ashalika wakama ma, isunlush vt yuhapa na anumpuli mvt, Chihowa ya aiokpahanchi tok.

65. Yvmohmi ma yvma ai i bilika fullota aiasha tuk ash ot momvt nukshumpa tok: yohmi ma ilvppa yakohmi tuk vt momvt annvt Chutea yakni nvnihi foka yash mominchit a hlopulli tok.

66. Mihma okla yvma haklo tuk vt moyumvt, Ulla katioma chi hosh ilvppvt yakohmi cho? ahanchit chukvsh anykaka okla isht anukfihinli tok. Mihma Chitokaka ibbak vt yvmmak ash o apelahanchi tok.

67. Mihma iki Sakalias ash ot Shilombish Holitopa isht anukfokvt alotovvt, tikbanli nana anolit pit aiokpahanchit,

68-71. Israel in Chitokaka Chihowa hvt holitopashke: yvmmak okvt yakni toba tok taiyakla ka i hopaii hochukma aiashvt isht-avehinchi ka itih isht ai anumpohonli tok mak osh, pishno vt pin tenvp vhleha, mikmvt pi nukkilli vhleha ibbak ma mominchit il ai o hlakofa hi o, im okla talaia ka i nukhaklot pihisa cha, nan isht vltoba he im atahlit, isht aiokchaya chinto fehna ka ilap in tishu Lewi in chuka-chvfa a pi hilechi tok.

72-75. Yohmi kvv pishno vt pin tenvp vhleha ibbak ma il ai in hlakofikmvt, pi okchayvt nitak il ai ahanta kvv, nukshumpa iksho hosh nan-ashvchi ikshot ai vlvpiesa hosh im anivvt, itikba ma il ahagshwa he mak o, auet pim aiashna hi vt

ilap i nan-vlhpisa holitopa anumpa kullo aiena ka pin tikba Eblaham a isht ai im il onochi tok vt ithaiyana cha, anonti nan i nukhgkla he anumpa ha pin tikba vhleha ha ihima tok vt aiahlichu mak oke.

76-79. Yohmikma, Ulla chishno vt Chitokaka yvt ataya chi puta ma apoksiachit, anonti hupin Chihowa nan-isht i nukhgklo chinto pulla hatuk mak o, ilap nan im ai ashvchika yvt i kashofa hosh isht-ai okchaya ma im okla ha ish ithv-nahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yummak atuk pulla mak o ai okhlilika, mikmut ai-illi ai o hoshonti aiena anuka-ka aiasha tuk a in tohwekelicha chi, mikmut hup iyi yvt ai itin-nanaiya hina foyuka chi ka apelvcha chi mak o onna tohwikeli vba minti kvv auct pi on tommishke.

80. Yumohmi tuk o vlla yash ot asvnot ivt, im anukfila mvt kvllot i shahlit ia; yohmi hosh yakni haiaka ya ahanta na Israel a i haiaka he nitak vt ai ona tok.

CHAPTER II.

Chisvs vt Behlehem ak o ai vtta cha, vlhpoba ai-impv peni yv fohka,

1. 8 Chukfvlhpoba apevchi vhleha Behlehem bilika gsha tuk o, Chisvs vt vtta ka, enchil osh ont im anoli; 13 mihma enchil vhleha hvv laua hosh ai vla cha, ibai achvvt Chihowa ha okla aiokpahanchi. 21 Chisvs vt hakshup tva; yohmi ma tempel angkaka yak o Chitokaka ya pit ai im issa ma, Simeon, micha Anna aiena kvv, avvt okla hosh tempel a ont chukova; yohmi cha hatak okchalinchu himona vtta tuk a pisa mvt, Chihowa ha pit aiokpahanchi. 40 Chisvs vt avvmmi avah-tuklo ka ona mvt, 46 tempel o nan ai im avvchi vhleha puta ka i haponaklo, nan im asilhvchi aienvt anta: 51 atuk osh falamvt Nasalet ona cha, iki, ishki aiena ka im antia hosh ahanta.

1. MIHMA yakohmi tok: nitak yvmmv foka ma, yakni yvmmvt oklvuyhvt holissa hi a Sesa Avvstv vt apihisa tok.

2. Yakohmi ka Silenivv vt Silia i mikot ahanta mak o okla holissa he ilvppv vlhpisa vmmvona tok.

3. Mihma momvt ilap in tvamaha aiyuka a holissa chi hosh ilhkoli tok.

4, 5. Mihma Chosef ak kia, yvmmvt Lewi in chuka-chufa yo isht-ai-unchululi hatuk okvt, Kalili yakni Nasalet tmaha ha vttvt kohchvt ia mvt, Chutea yakni Lewi in tmaha Behlehem hohchifo hō tekchi vhpōa Meli vt vlla in tola hosi hō, it iba holissa chi hosh ona tok.

6. Atuk o yakohmi tok : yvmma ont ahashwak fehna, yvmmvt vlla in tola he nitak vt ont ai vhpiesa tok.

7. Mihmvt ishi ahpi kvv vlla nakni osh in tola cha, yvm-mak ash na-hlilahli o a bonulli mvt, aboha anuka yano aiasha yvt iksho hoka, issuba ai-ilhpita yo fohkit bohli tok.

8. Yohmi ma yakni yvmmak inli ka chukfulhpoba apesvchi chleha hvt vhpoba apesvchi hosh ninak a haiaka yo aiasha tok.

9. Yvmohmi tuk o Chihowa im enchil vt ayvt im vla na Chihowa im a tohwekali chinto kvv ai on tommit talaia ma, okla nukshopa fehna tok.

10. Mihma enchil ash ot, Hvchi nukshopa ná ; vno vt anumpa na-yukpali a chinto fehna okla moyuma ka im aya he mak o isht hvchim aya li hoke.

11. Himak nitak a nan-okchalinchí, yvmmvt Klaist Chitokaka mak osh Lewi in tmaha ha a hvchim ai vttvshke.

12. Yohmi ka atokowa kvv ilvppak o yakohmi ha chi hoke : Ullosi vt nahlilahli o a bonunta hosh, issuba ai ilhpitta yo fohkvv itonla hō ont hvsh pisa chi hoke, im achi tok.

13. Yohmi ma i mih-makinli hō enchil okla chinto yvt enchil ash o ant okla apeha cha, Chihowa ya aiokpvchit,

14. Chihowa yvt vba chaha moma i shahli ya ik a holi-topá ; mikmvt yakni paknaka ma ik a nanaiyá : mikmvt hatak a nana achukma im anukfilli aiena kvv ik ai ituyulá, ahanchi tok.

15. Mihma yakohmi tok : enchil okla hash osh issvt vba ya vvt taha ma, chukfulhpoba apesvchi vhleha hash osh, Inta ! Behlehem fehna ka kiloh ia cha, nana kvv a yvmohmi tuk o, Chitokaka yvt hvvim anohonli tuk ilvppa ont eho pisashke, it im achi tok.

16. Mihmvt tushpvt itvnowvt ona cha, Meli, Chosef ita

tuklo ka, micha vlloši atuk mvt issuba ai ilhpitta yō fohkv̄t itonla aiena hō okla pisa tok.

17. Yakohmit ont pisa mvt, vlla yv̄mma nana ka okla nan isht im annoa tuk ash ot mishema a mominchit ai anoli tok.

18. Yohmi ma na yakohmi ka chukv̄lhpoba apesv̄chi v̄hleha hv̄t im anoli na okla haiyaklo tuk vt momvt, okokko! aiahni tok.

19. Yohmi kia Meli vto nana yakohmi kash mominchit chukv̄sh anukaka isht ithaiyanvt, anukfihinli tok.

20. Mihma chukv̄lhpoba apesv̄chi v̄hleha hash ot nana kv̄t im ai annoa tuk ash fehna ka oklv̄hvlinchit haklo, micha pisa aiena mvt, Chihowa ya holitoblichit aiokpahanchit, fala-mvt okla ilhkoli tok.

21. Yvmohmi tuk o nitak ont isht untuchina ma, vlla ya hakshup wishakchi tvbla hi a ai ona hatuk o, ikfoka anuka ik foko kisha mak o, enchil vt yvmmak o hochifo tok oka, yvmmak ash ot Chisvs hohchifo tok.

22–24. Yvmohmi tuk o Moses vt nana apesa tok a, ishki ash ot na-hullochi nitak vt ont in taha mvt, ishi ahpi ka nakni osh v̄tta hokv̄to moyumvt Chitokaka ma pit im a holitopa he mak o, Chitokaka i nan-vlhpisa hā a holihiso hatuk oka, yvmmak ash Chitokaka ima chī, micha nan-isht aiokpv̄chi vt pv̄chi yoshuba tuklo, keyukmvt pv̄chi himita yosh tukla hi o, Chitokaka i nan-vlhpisa yv̄to ahanchi hatuk oka, isht aiokpv̄cha chī hosh Chelusalem a itvlachi tok.

25. Yvmohmi ma yakeh! hatak Simeon hohchifo hosh Chelusalem a anta tok: yohmi kv̄t yvmmak okvt hatak vlhpiesa, Chihowa ma holitobli aighli hosh Israel okla nayukpali a pit hohoyo hosh anta tok: yohmi ma yvmmak oka Shilombish Holitopa yv̄t anukfoyuka tok.

26. Yohmi kv̄t yvmmak okvt Chitokaka i Klaist a ik peso kisha hokv̄to, illa he keyu ka, Shilombish Holitopa yv̄t tik-banli im anoli tok.

27. Yvmohmi tuk o Shilombish Holitopa yosh yvmmak ash o anukfoyuka hō ayv̄t tempel a ant chukowa tok: atuk

o ai yvmohma he nan-vlhpisa hā isht ai yvmihcha chi hosh iki, ishki ita tuklo kv̄t vlq̄si Chisvs a sholi cha, ant chuk-owa;

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa ha tok pulla mak o, himak okvno chin tishu hv̄t na-yukpa hosh ia hi a im aiahni:

30—32. Chi nan-ai-okchaya na-tohwikeli yvt oklushi nan ik ithano v̄hleha hā isht in tohwikela chi, micha chim okla v̄hleha Israel mvt isht a holitopa chi ka, okla moma itikba ish ai atahli tok a, sa nishkin vt pisa hoke, achi tok.

33. Yohmi ma yvmmak ash o ishki, Chosef ita tuklo kv̄t ymma nana kv̄t isht anumpa ka, anukhlakancha tok.

34, 35. Mihma Simeon ash ot, yvmmv̄t ai yukpv̄t okla hi a, im aiahnit v̄ba isht asilhha; yohmi mvt ishki Meli ash o, Yakeh! v̄lla ilv̄ppvt Israel okla hv̄t isht ai akakoha, mikma anonti a tana he aiena kv̄t l̄awa he: micha nan-isht-atokowa ka i sanalit isht anumpohonli na chukvsh l̄awa nan isht im anukfila puta mvt ai otaiyana he mak o isht ai vlhtoka hoke; aghi, mikmv̄t chishno chi shilombish ma aieninchit bv̄shpo falaia yvt a hlopulla hi oke; im achi tok.

36. Yohmi ma ohoyo hopaii Anna hohchifo Ase isht ai unchululi, Fanuel ushetik osh, himitasit hatak auwaya tuk o, afv̄mmi untuklo ma illi tuk o, antv̄t sipoknit konia tok.

37. Yohmi kv̄t vlhtaklv̄t hikia tuk a afv̄mmi pokoli untuchina akocha ushta foka hosh, yvmmak okvt tempel a issvt ik aiyo hosh, nitak, micha ninak aiena ka na-hullochi, micha v̄ba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa hā, yakoke, achit aiokpv̄chi akinli tok: mihmv̄t isht ai okchaya hi a Chelusalem a hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa i nan-vlhpisa hatuk ash mominchit nana ka ont aighlichit taiyahli mvt, falamvt, Kalili yakni ilap o in tvmaha Nasalet a it onachi tok.

40. Atuk o vlla yash ot asvnot ia mvt, im anukfila hvt hopoyuksvt alotvt kvllot i shahlit mahaya; yohmi ma Chihowa nan isht ahniechi ka mvt ai anukfoka tok.

41. Ubanvblit ont ia nan-ai-impā holitopa gshakma iki, ishki ita tuklo kv̄t afvmmikma Chelusalem ā itiachi beka tok.

42. Atuk osh impa holitopa isht gsha yvmmak oh chatuk mak osh ont ai v̄lhpiesa ma, yvmmak ash ot afvmmi auah tuklo hō, Chelusalem ā ilhkoli tok.

43. Atuk osh nitak v̄lhpisa hatuk vt ont in taha cha, falamvt itiachi ma, vlla Chisvs ash ot olv̄laka Chelusalem ā anta hokak o; Chosef, micha ishki ita tuklo kv̄t ik akostinicho ki tok.

44. Amba okla it apehvt gsht aya ka takla aya he ak o im ahombvt, ayt nitak achvfa nowvt okla tok: mihmvt yvmmak ash ilap i kanomi v̄hleha, micha ai it ithv̄naka puta itin takla ya a hoyo tok.

45. Atuk osh yvmmak ash ik ahayucho mvt, hoyo kv̄t falamvt Chelusalem ā itiachi tok.

46. Atuk ak o yakohmi tok: nitak ont atuchina hō yvm-mak ash ot tempel anukaka yā hatak nan-ithv̄nanchi v̄hleha i haponaklo, micha nan im a ponaklo aiena hosh takla gsha na ont ahayuchit okla tok.

47. Mihma yvmv̄t nan-ithana, micha anumpa afalaminchit miha imponna aiena ka okla haklo mvt, momvt okokko! aiahni tok.

48. Mihma yvmmak ash ot ont pisa mvt, nukhlakanchvt okla tok: mihma ishki ash ot, Svso hvt nanta katiohmi hō ish p̄i yakohmichi na ch̄iki ita tuklo li kv̄t nukhaiyaklot chi hoyo li cho? im achi tok.

49. Yvmohmi ma yvmmak ash ot, Nanta katiohmi hō hvs sa hoyo hosh? Aki nan isht im a kaniohmi ka isht ahanta la he v̄lhpiesa kv̄no, hvch ik ithano cho? im achi tok.

50. Mihma anumpa yvmma, yvmv̄t isht im anumpuli ka, ik ai akostinincho kit okla tok.

51. Mihma yvmmak ash ot awant ia cha, falamvt Nasalet ā ona mvt, im antia achukma hosh ahanta tok: yohmi kia

ishki ash ot anumpa yummak atuk ash mominchit ilap chukvsh ma isht il anukfohkit ieshi tok.

52. Mihma Chisvs ash ot ahopoyuksvt asvnot mahaya mvt, Chihowa, micha hatak puta aiena ka im a holitopa kv̄t i shablit mahaya tok.

CHAPTA III.

Chan Baptist vt vbanumpa isht anumpohonli, 1: 15 Klaist a atokowa anoli; 20 anonti aboha kv̄llo fohka. 21 Chisvs vt baptismo, yohmi ma yummak okvt Chihowa h̄a Ushi pulla hatuk vt annoa. 23 Alvm ak o isht ai unchululit mihinti h̄o, Chisvs vt hatak a toba tok a vltokowa annoa.

1. **TIBELIUS** Sesa yvt miko tobtv ahanta tok afvmmi ont isht auah tahlapak fehna, Pontivs Pailat vt Chutea yakni ap ehlichī ma, Helot vt Kalili ak o ap ehlichī ma, anonti itibapishi Filip vt Itulea, micha Hlakonitis yakni aiena ka ap ehlichī ma, Lisantias mvt Abilene ak o ap ehlichī h̄o,

2. Annas, micha Kaiafas ita tuklo kv̄t na-holitompa isht gsha i shabli yosh gshwa h̄o, Chihowa im anumpa hv̄t Chan Sakalias ushi a yakni haiaka yo im ai ona tok.

3—6. Yvmohmi ma hopaii Esias im anumpa holisso h̄a a holihiso kv̄t, Achvfa hosh yakni haiaka yo ai anumpohonlit, Chitokaka ataya hi a apoksiachit, i hina puta ka oh apissvlechī: kolukbi puta mvt momvt ik alotá: mikma nv̄nih, micha nv̄nih hochito aiena moma kv̄t akanlosit ik tahá: hina fullota atuk kia apissvt ik tobá: yohmi ma ai itilauī iksho ke tuk vt itilauit tahashke: yohmikma hatak moma kv̄t Chihowa i nan okchalinchī a pisa he mak oke, achishke; ahanchi tok mak o, yummak okvt ai ashvchika puta ka isht a kashofa chī ka, ile kostininchit baptisma hi a isht anumpohonlit Chatan a bilika yakni a mominchit aya tok.

7. Mihmvt im a baptisma chī hosh okla laua yvt ai vla ma, Sinti chilita isht-atiaka hv̄chia ma! na palvmmi mihinti ka hv̄sh i hlakofa hi a, kv̄ta hosh hv̄chim anoli tuk oh cho?

8. Yohmi hokvt ile kostininchī ai it vlhpesa mak o vnit hvsh wayashke ; micha, Himona Eblaham ak osh piki yoke, acha hi okvno hvch ik il anukfillo kashke ; Chihowa hvt tvli yak aiasha ka, Eblaham im vlla ya chi ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak-isht-vla ya ai itonla hoke ; yohmi hatuk o iti yvt vni achukma ho vnit waya keyu hokvto, moyumvt chayvt akakoha cha, luak a pit itokaha hi oke, im achi tok.

10. Yohmi ma okla hash osh i ponaklot, Yohmi kvno nanta hak o e katiohma chi ho ? achi tok.

11. Mihma afalaminchi kv, Kvna hosh na-fohka yvt in tuklokmvt, kanima hosh ik im ikshokma ik in chvfali ; mikma kanima hosh ilimpa hvt im agha kv, yohmi makinlashke, im achi tok.

12. Yohmi ma pvblikan vhleha hak kia baptisma chi hosh ai vla mvt, Nan-ithvnanchi ma ! nanta hak o e katiohma chi cho ? im achi tok.

13. Yohmi ma, Nana hvchim vlhpisa tuk vt atamblit hvch ik hoyo kashke, im achi tok.

14. Yohmi ma tvshka chipota vhleha hak kia i ponaklot, Mikma pishno ak osh nanta hak o e yvmohma chi ho ? achi tok : yohmi ma yvmmak ash o, Hatak nana kia hvch ik o mahlantokmvt, anonti kvna kia a holvbit hvch ik wehpulo kashke ; yohmikmvt na hvchim ai vlhtoba ma, Vlhpiessa akinli hvsh aiashnashke, im achi tok.

15. Okla hvt nana ka pit hohoyo hosh agha hatuk, atul osh hatak moma kv, Chan a yvmmak osh Klaist mak okma, keyukma, nanta ho chishba ? ahnit chukvsh a isht anukfeli okla aiasha ma,

16. Chan ash ot mominchit im anumpullit, Vno yokvto oka yo isht hvchi baptismochi li mvhli ; yohmi kia achvfa kv a shahli fehna hosh mihinti ka i shulush isht-talakchi a vno vt hlitoli la hi o si ahoba keyu hoke ; yvmmak osh Shilombish Holitopa, micha luak aiena ho isht hvchi baptismo-cha hi oke.

17. Yommak osh i nan-isht mvshahchi yvt ibbak a foyuka: yohmi kv̄t i nan-anihechi yatuk ma achukmali fehn̄v̄t kashofa he; mikm̄v̄t onush atuk ma kanchak a pit asha-chikm̄v̄t, amba hakhlopish okv̄no luak vt m̄oshola he keyu a isht hukma hi oke, ahanchi tok.

18. Micha okla h̄a nana inla m̄v̄t laua h̄o isht ai i mih̄i-h̄v̄t, v̄banumpa h̄a isht im anumpohonli tok.

19. Yohmi kia Helot m̄iko yvt ilap itibapishi Filip tekchi Helotias atuk, micha Helot vt nan ik v̄lhpeso puta ai yvmohmi chatuk ash, pit a mominchit atokow̄v̄t nan isht ai i miha hatuk o.

20. Nana ik ai v̄lhpesacho ke tuk moma kv̄t ilv̄ppakma isht ai ibafohki hosh Chan a aboha kv̄llo fohkit im okhishta tok.

21. Okla moyuma kv̄t baptismot taha ma, yakohmi tok: Chisvs ak kia baptismo cha, v̄ba pit asilh̄a ma, v̄ba yvt auet tiwa,

22. Yohmi ma Shilombish Holitopa yvt nipi asha hosh pv̄chi-yoshuba chiyuhmit v̄ba mintit im v̄la ma, v̄ba ȳa anumpa h̄v̄t auet takali kv̄t, Chishno ak osh sv̄so a holitopa chia hoke; chishno ak o nan isht chi a sai yukpa mak oke, achi tok.

23. Mihma Chisvs vt afv̄m̄mi pokoli tuchina ka ona foka hosh, peh im ahoba kv̄no, Chosef ak o ushi a tok: mihma yv̄mm̄v̄t Heli ak o ushi a tok.

24. Mihma yv̄mm̄v̄t Mahlat ak o ushi a tok: mihma yv̄mm̄v̄t Lefai ak o ushi a tok: mihma yv̄mm̄v̄t Melchi ak o ushi a tok: mihma yv̄mm̄v̄t Channa ak o ushi a tok: mihma yv̄mm̄v̄t Chosef ak o ushi a tok.

25. Mihma yv̄mm̄v̄t Mattahlias ak o ushi a tok: mihma yv̄mm̄v̄t Amos ak o ushi a tok; mihma yv̄mm̄v̄t Navm ak o ushi a tok; mihma sv̄mm̄v̄t Esli ak o ushi a tok: mihma yv̄mm̄v̄t Nakke ak o ushi a tok:

26. Mihma yv̄mm̄v̄t Maath ak o ushi a tok: mihma yv̄mm̄v̄t Mattahlias ak o ushi a tok: mihma yv̄mm̄v̄t Semei ak o ushi a tok: mihma yv̄mm̄v̄t Chosef ak o ushi a tok: mihma yv̄mm̄v̄t Chuta ak o ushi a tok:

27. Mihma yvmmvt Choanna ak o ushi a tok : mihma yvmmvt Lehesa ak o ushi a tok : mihma yvmmvt Solobabel ak o ushi a tok : mihma yvmmvt Salahliel ak o ushi a tok : mihma yvmmvt Neli ah o ushi a tok :

28. Mihma yvmmvt Melchi ak o ushi a tok : mihma yvmmvt Alli ak o ushi a tok : mihma yvmmvt Kosam ak o ushi a tok ; mihma yvmmvt Elmolam ak o ushi a tok : mihma yvmmvt El ak o ushi a tok.

29. Mihma yvmmvt Chose ak o ushi a tok : mihma yvmmvt Eliesel ak o ushi a tok : mihma yvmmvt Cholim ak o ushi a tok ; mihma yvmmvt Mathlat ak o ushi a tok : mihma yvmmvt Lefai ak o ushi a tok.

30. Mihma yvmmvt Simeon ak o ushi a tok : mihma yvmmvt Chuta ak o ushi a tok : mihma yvmmvt Chosef ak o ushi a tok : mihma yvmmvt Chonan ak o ushi a tok : mihma yvmmvt Eliakim ak o ushi a tok.

31. Mihma yvmmvt Melea ak o ushi a tok : mihma yvmmvt Menan ak o ushi a tok : mihma yvmmvt Mattahla ak o ushi a tok : mihma yvmmvt Nahlan ak o ushi a tok : mihma yvmmvt Lewi ak o ushi a tok.

32. Mihma yvmmvt Chesse ak o ushi a tok : mihma yvmmvt Obet ak o ushi a tok : mihma yvmmvt Boos ak o ushi a tok : mihma yvmmvt Salmon ak o ushi a tok : mihma yvmmvt Naason ak o ushi a tok.

33. Mihma yvmmvt Aminatab ak o ushi a tok : mihma yvmmvt Alam ak o ushi a tok : mihma yvmmvt Eslom ak o ushi a tok : mihma yvmmvt Fales ak o ushi a tok : mihma yvmmvt Chuta ak o ushi a tok.

34. Mihma yvmmvt Chekob ak o ushi a tok : mihma yvmmvt Aisaak ak o ushi a tok : mihma yvmmvt Eblaham ak o ushi a tok : mihma yvmmvt Hlala ak o ushi a tok : mihma yvmmvt Nachol ak o ushi a tok.

35. Mihma yvmmvt Saluk ak o ushi a tok : mihma yvmmvt Lakau ak o ushi a tok : mihma yvmmvt Falek ak o ushi a tok : mihma yvmmvt Hebeh ak o ushi a tok : mihma yvmmvt Sala ak o ushi a tok.

36. Mihma yvmmvt Kainan ak o ushi a tok : mihma

yummvt Alfaksat ak q ushi a tok : mihma yummvt Sem ak q ushi a tok : mihma yummvt Noah ak q ushi a tok : mihma yummvt Lamek ak q ushi a tok.

37. Mihma yummvt Mehlusala ak q ushi a tok : mihma yummvt Enok ak q ushi a tok : mihma yummvt Chalet ak q ushi a tok : mihma yummvt Maleleel ak q ushi a tok : mihma yummvt Kainan ak q ushi a tok.

38. Mihma yummvt Enos ak q ushi a tok : mihma yummvt Seth ak q ushi a tok : mihma yummvt Alam ak q ushi a tok : mihma yummvt Chihowa ak q ushi a tok.

CHAPTA IV.

Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imai-yachi, 1. 14 Chisvs vt falamvt Kalili a ona cha, vba isht anumpohonli; 16 atuk osh Nasalet a ona cha, nitak hullo yq sinakak a nan ai ithvnanchi: 28 mihma okla hvt ik im vhpeso mvt, vbi bvnna; 31 Chisvs vt Kapenavm a ona cha, nitak hullo yg nan ithvnanchit ahanta mvt, 33 nan-ishtahullo okpullo ma kohchichi; 38 Pita tekchi ishki a hlakofichi; 40 mihmvt nan abeka ilaiyuka laua ka isht ahullo fehna kia ai yvmihchit ahanta mvt, 48 Kalili fullota ka vbanumpa yg isht ai anumpohonli.

1. CHISUS vt Shilombish Holitopa isht anukfohkv im alotowa hosh, Chatan vttvt falamvt ia ma, Shilombish ash ot im aiahni na gyvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak ymma fehna ka nanasi kia vpa tok keyu: atuk osh yummvt ont taha na mishia pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, teli ikppvt puska toba chi ka i mihá, im achi tok.

4. Yohmi ma Chisvs vt afalaminchi mvt, Hatak vt puska yak bieka ho ai okchaya he keyu; amba Chihowa im anumpa moma kak ashke; achi kv holisso hoke, im achi tok.

5. Mihma Setan ash ot yvmmak ash ilauelet nvni chaha

yō isht oiya cha, yakosi itin takla fehna hō miko apeshlichī puta yakni aiasha ka mominchit i haiakvchi tok.

6. Mihmt Setan ash ot, Nan im aighlika, micha im a holitopaka aiena ilvppa mominchit chima lashke; yvmmvk okvt vno ak o vmmi toba tok: yohmi ka kvna hō vno ahni li hok mak osh ima li hoke.

7. Yohmi hoka chishno vt aka hlipvt is si aiokpvchi hokma, moma kvt chimmi hashke, im achi tok.

8. Mihma Chisvs ash ot afalaminchit, Setan chia hvt vm ashaka yak o ish hikiashke; Chitokaka chin Chihowa yak o i hvchukbihleptv ish aiokpahanchashke; micha yvmmak illa hō holitoblit ish im antiashke; achi kvt holisso hoka, im achi tok.

9. Mihma yvmmak ash ot Chisvs ash o ilaelit Chelusalem g ont isht chukowa cha, tempel wishakchi yō ont o hilechi mvt, Chihowa Ushi chia hokmvt, aka pit ish ile pilashke:

10, 11. Chishno g chi apesahancha chī ka, im enchil vhleha hā atohno na ibbak g okla vba isht takalihinchit chisht gya na nitak kanima kia chiyi yā tōli isht chik ai isso ka hi g, achi hosh holisso tok oka, im achi tok.

12. Mihma Chisvs ash ot afalaminchi mvt, Chitokaka chin Chihowa yā imomaka chik peso kashke; achi tok g ashvshke, im achi tok.

13. Mihma Setan ash ot nan isht ai imomaka pisa puta kash o isht im anukfillit ont tahli mvt, yakosi takla kvno i filvmmi ia tok.

14. Yohmi ma Chisvs ash ot Shilombish nan-isht im aighli ka yvt anukfoyuka hosh salamvt Kalili g ona tok: mihma yvmma isht annoa kvt yakni yvmma a bilika a mominchit hlopulli tok.

15. Mihma yvmma i sinakak a puta ka nan ai ithvnan-chit ahanta ma, momvt ahninchī tok.

16. Yohmi ma ai vttvt hofanti tok Nasalet mak o vla tok; mihmt a yohmi atuk okvt, nitak hullo nitak g sinakak g ont chukowa cha, holisso it im anumpula chī hosh wakayvt hikia tok.

17—19. Mihma hopaii Esaias i holisso hō ant ima tok : yohmi ma holisso hash wakummi mvt., yvmma a holisso kv̄t, Ilbusha puta ka vbanumpa isht im anumpuli la hi a yvm-mak osh nan isht si ahvmmi tuk okv̄t, Chitokaka im i shi-lombish vt si onvtuyula hoke : chukvsh nukhaklo puta ha-tuk kia hopohl̄vchit, yuka vhleha hatuk ma isht a hlakofa he ; mikma lupa puta yatuk mvt isht a hoponaya he, micha issikkopa puta kv̄t asha tuk a isht a mokofit, Chitokaka yvt aiokpahanchi afvmmi ma isht anumpohonli la hi o, si a tohno tuk oke, achi hō ahayuchi tok.

20. Micha holisso hash akamvli mvt, falaminchit sinakak nan-isht aivtta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilv̄ppvt himak nitak a hv̄chi haksobish a isht hv̄sh haklo kv̄t ont aighli hoke, im achit isht ia tok.

22. Yohmi ma moma kv̄t nan ia atokowa ma p̄sv̄t, anum-pa hochukma kv̄t itih hā a kohoncha ka okokko ! aiahni tok : mihmvt, Ilv̄ppvt Chosef ushi keyu hō ? okla achi tok.

23. Mihma, Alikchi a chishno inlit ile hlakofich̄i : nana kv̄t Kapenavm a a yvmohmi na e haklo tuk okma, ch̄i yakni ilv̄ppak inli ma a yvmihch̄i, achi anumpa isht v̄hpisa ilv̄p-pak o hv̄s sv̄m achi pulla ch̄i hoke, im achi tok.

24. Mihmvt, Ahli pulla hō hv̄chim achi lishke, Hopaii nana ak osh ilap i yakni ak inli hoka ai a holitopa chatuk keyushke, achi tok.

25. Yohmi kia aighli mak o hv̄chim anoli li : Elias vt ahanta nitak a vba vt ai okshilitvt kv̄nia na afvmmi tuchina hv̄shi hannali ; yohmi na hopoa chinta feh̄nvt a hlopulli ka, Israel okla hā ohoyo i hatak illi vt lauv̄t aiasha tok.

26. Yohmi kia yvmma achvfona kia im aya hi vt Elias vt ik v̄lhtoko : amba Saiton yakni Salepta tv̄maha, ohoyo i hatak illi yvmmak illa tok.

27. Micha hopaii Elisevs vt ahanta nitak a Israel okla hā leplosi v̄bi kv̄t lauv̄t aiasha tok : yohmi kia yvmmak ash ot achvfona kia ik hlakofo hō, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mvt, momvt anukhobelvt kvnia tok.

29. Mihmvt okla wakaya cha, yvmmak ash o tumaha ha kohcha pit chvffichi mvt, itehpelvt aka pit kancha chi hosh ilaueilit, in tumaha ai on talaia sakti ont on talaka fehna isht ona tok.

30. Yohmi tuk kia yvmmak ash ot okla hash itin takla a hlopullit kanima ia tok.

31. Mihmvt Kapenavm tumaha Kalili yakni a ona cha, nitak hullo nitak puta ka okla nana ithvnanchi tok.

32. Yohmi ma im anumpa hvt a na-fehna hatuk o, nana ithvnanchi ka okokko! okla aiahnit im anukfila tok.

33. Yohmi ma sinakak a hatak vt shilombish okpulo yvt isht ai i fokā hosh anta tok: atuk osh yvmmak ash ot chitolit tahpelvt,

34. Ikikke! Chisvs Nasalet minti chia ha nanta ho isht e chi ahalaia cho? ish pissikkopala chi hosh ish la hoh cho? kvna ho chia hoka chithana li, Chihowa i holitopa yak oke, achi tok.

35. Mihma Chisvs ash ot yvmmak ash im olvbbit, Nukchintot yvmma ish a kohchashke, achi tok. Yohmi ma shilombish okpulo ash ot okla ai itintaklvchit ai akvchi mvt, nan ik kanehiho hosh a kohcha tok.

36. Yohmi ma okla moyuma mvt nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vlhpisa, nan aiahlika aiena ho shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma yvmma ai isht annoachi ka yakni auet a bilika aiasha ka moyuma a hlopulli tok.

38. Mihma sinakak a vttvt kohchvt ia mvt, Saimon in chuka ont chukowa tok: mihma Saimon tekchi ishki vt yvnha fehna tuk o, pisa hinla ka okla im aiahni tok.

39. Mihma yvmmak ash o wakayvt hikia mvt, yvnha hash im olvbbi: yohmi ma yvmmak ash o yvnha hvt ai issvchi tok; mihma ashalika tani cha, okla hash nan isht im vtta tok.

40. Yohmi hatuk o hvshi vt okvtula ma, ililli ilaiyuka isht abeka im gsha tuk puta kvv momvt yvmmak ash o im ai ona tok ; yohmi ma ibbak vt aieninchit mominchit isht umbiteptv hlakofihinchi tok.

41. Mihma nan-isht-ahullo okpulo puta kvv lava ka a kocha wiha mvt, chitoli hosh mihvt, Chishno ak osh Chihowa Ushi Klaist chia hoke, ahanchi tok. Mihma yvmmak ash im olvbbi mvt, ilap ak osh Klaist atuk a ithvna ka, yvmma ik mihá, ik im ahno ki tok.

42. Atuk osh ont onnvt taha ma, kohchvt ivt yahni haika yq ona tok : mihma okla hvv hoyot itvnowvt im ai ona mvt, ai i filvmmitt kanima ik aiyo ka chi ho, im olvbbi tok.

43. Mihma tvmahá inla ak kia Chihowa apehlichika ya isht im anumpohonli la chi hoka, yvmmak a he mak osh aya li ha tok okvt, im achi tok.

44. Mihmvt sinakak pvta Kalili aiasha ka vbanumpa isht ai anumpohonli tok.

CHAPTA V.

Chisvs vt Saimon i peni yq fohkvt gsha hosh okla hq nan-ithvnan-chi, 1 : 4 Saimon vt, Chisvs osh i mihvt nan anukfilli pulla ho, himona ka nvni lgwa fehna hokli : 11 mihma Saimon, Chemis, micha Chan aiena kvv Chisvs a apeha. 12 Chisvs vt leplosi vbi yq hlakofichi : 16 atuk osh vba pit anumpula chi hosh haika ia ; 17 mikmvt hatak palsi isht abeka yatuk a hlakofichi ; 27 Chisvs vt Leifai nan im ai ithvna toba chi ka i miha : 29 micha pvblikan vhlaha mikmvt hatak nan-ashvchi vhlaha aiena ka yvmmvt ai vhlpesa ho ibai impa hatuk vt miha ; 33 ilap nan im ai ithvna vhlaha hvv kanihmit nan i palvmma he anoli.

1. **ATUK** o yakohmi tok ; okla hvv Chihowa im anum-pa hq hakla chi kvv yvmmak ash atehlifichit kaiyanchi ho, Chenesalet hohtak lapalika yq hikia ;

2. Yohmi cha peni tuklo kvv hohtak lapalika ya takohnli na pisa tok : yohmi kia hatak nvni vbi vhlaha hatuk vto a kocha wiha tuk osh nvni isht-hokli achvfa hosh maya ha tok.

3. Mihmvt peni achvfaht Saimon ak o immi yq pit chuk-

owa mvt, oka alaka takali tuk a kanvlichit mishemanchit pit takalicha hinla ka, im ahni tok. Mihmvt binili cha, peni yq fohkvt gsha hosh okla hq nan ithvnanchi tok.

4. Anumpuli kvt ont issa mvt, Saimon ash q, Ahofom-bika pit takalichi cha, nvni isht-hokli puta ka okvchit ish hoklashke, im achi tok.

5. Mihma Saimon ash osh afalaminchi mvt, A shahli ma! ninak a isht il gsha na oyunna kvt nana ke hoklo ke tuk: yohmi kia chishno chim anumpa atuk oka, nvni isht-hokli a pit okvchi li mak inlashke, im achi tok.

6. Micha ilvppa okla yvmihchi mvt, nvni lawa fehna hq hokli na i nvni isht hokli vt mitafa tok.

7. Yohmi ma im itapela vhleha hvt peni achvfa ya gsha tuk vt vla cha, ant apela hinla ka, okla pit im avvchi tok. Mihma okla ai vla cha, peni ash it aieninchit okla alotoli: yohmi hoka yvmmak ash ot okbilhhvt isht ivt okla tok.

8. Saimon Pita yvt yakohmi na pisa mvt, Chisvs iyikala-ha ya pit tikinlit aka hlipivt, Hatak nan-ashvchi sia hoka a filvmmi, kanima ish iashke, Chitokaka ma! achi tok.

9. Himonna okvchit kohchi kvt, nvni yvt yohmi hq hokli kvt, ilapo, micha inla apehvt aya tuk vt momvt nukhlakan-cha tok.

10. Mihma Saimon im itapela, Sebete ushi, Chemis, mi-cha Chan ita tuklo kak kia yvmohmi tok. Mihma Chisvs vt Saimon a, Chi nukshopa na, himak pilla hq hatak ak q ish hokla chi hoke, im achi tok.

11. Mihma i peni ash vli hq okla ant itaiyali mvt, nana moma kvt gsha na issa cha, yvmmak ash okla iakaiya tok.

12. Atuk q yakohmi tok; yvmmak ash ot tvnaha kani-ohmi hq anta tuk q, hatak vt leplosi isht ai vbi fehna hosh anta tuk osh, Chisvs a pisa mvt, hlipivt itola cha, im ilbvshvt Chitokaka ma! chishno vt vlvpea ish ahnikmvt, is aq kashofa hinvshke, im achi tok.

13. Mihma ibbak pit welit potoli mvt, Vlvpea ahni lish-ke; chi kashofashke, im achi tok. Yohmi ma leplosi ash ot ashalika a mokofvt kvnia tok.

14. Mihma hatak nana kia ik im anolo ka chi ka i miha

mut, amba ivt na-holitompa isht vta yak o ont im ile haia-kvchi cha, na chi kashofa ka nan-isht-ai im atokowa mak o Moses vt nan apesa tok a, nana ka ish bohlashke, im achi tok.

15. Yohmi kia yohmi ha yak o isht i shahlit kanima moma ka yummak o ai annoa tok: yohmi ma im a haponakla chi, micha haknip ik achukmo puta kvv a hlakofa chi hosh okla chinto fehnvt ai itvnaha tok.

16. Mihma ilap illvt ai i mokofvt, yakni haiaka ona cha, vba pit anumpohonli tok.

17. Atuk o yakohmi tok: nitak kaniohmi ho nana ithvnanchi hosh ahanta ma, Falisi vhleha, micha nan-vlhpisa ithvnanchi vhleha aiena kvv Kalili yakni tmaha aiasha moma, micha Chutea, mikmut Chelusalem aiena ka asht kohchvt aya kvv yumma binohmaya tok: yohmi ma Chitokaka nan-isht im aiahlika yvt okla ma hlakoficha chi kvv ai iklnnvt takali tok.

18. Yohmi ma hatak kanohmi kvv hatak vt palsi vbi yo potvlhpo ai it i sholit isht vla tok: mihmut kaniohmit yumma pit isht chukowa cha, itikba ya ont bohla hinla kvv, okla akostininchi bnna tok.

19. Mihmut okla hak osh laua fehna hatuk o, kaniohmit pit isht chukowa hinla kvv ik akostinincho mut, aboha paknaka yo okla pit oia cha, pit hlopullichit in topushi ash fokit iklnna ka Chisvs itikba ya pit bohli tok.

20. Mihma okla na yimmi ka pisa mut, Hatak chia kvv na chim ai ashvchika yvt chi kashofa hoke, im achi tok.

21. Mihma na-holissochi vhleha, micha Falisi vhleha aiena kvv, Ilvppvt kvvta hokak osh Chihowa ik ahobalot anumpuli cho? Kvta hosh nan-ai ashvchika ya kashofa hinla? Chihowa ak illa keyu? aiahnit okla im anukfilvt aiasha tok.

22. Yohmi kia yumma im anukfila ha Chisvs vt im akostininchi mut, anumpulit, Nanta mak o hvchi chukvsh anykaka isht hvchim anukfila cho?

23. Na chim ai ashvchika puta kvv chi kashofashke, achi

kak okmá, keyukmvt, Tani cha nowá : achi kak okmá, katimampo kak osh ahchiba kv̄t ik lauwo cho ?

24. Yohmi kia Hatak Ushi vt nan ai ashtchika puta kashofa hi vt yakni paknaka yá ai im v̄hpiessa hatuk á hv̄sh akostininha chí kak oka, im achi mvt, palsi vbi ash, Tanit chin topushi á ish ishi cha, chin chuka ish iashke, chim achi lishke, im achi tok.

25. Mihma okla momvt písa na tanit ai onvtola tuk ash ishi mvt, Chihowa yá holitoblichit aiokpahanchit in chuka ia tok.

26. Mihma okla momvt nukhlakancha fehnt, Chihowa yá holitoblichit aiokpahanchi mvt, nukshopa fehna hosh, Himak nitak oka nana kv̄t inla fehna h̄o eho piesvshke, achi tok ;

27. Atuk ó nana kv̄t a yakohmi ha yá kohchvt ia mvt, pv̄blikan vt Lefai hohchifo hosh tv̄li holisso abohli yá ásha na ont pisa mvt, Is si akaiyashke, im achi tok.

28. Mihma nana moma kv̄t ásha na issvt wakaya mvt, iakaiya tok.

29. Mihmvt Lefai ash osh ilap in chuka akinli h̄o yvm-mak ash ó impa chinto fehna im ai ikbi tok : mihma pv̄blikan v̄hleha, micha inlaka aiena kv̄t laua hosh iba takla binoh-maya tok.

30. Yohmi kia j̄ na-holissochi v̄hleha, micha Falisi v̄hleha aiena kv̄to yv̄mma nan im ai ithv̄na v̄hleha h̄g lumvt nana mihachit, Nanta katiohmi h̄o pv̄blikan v̄hleha, micha nan-ashv̄chi v̄hleha aiena ka it-ibai impvt, nan it ibai ishkot hv̄sh aiasha cho ? achi tok.

31. Mihma Chisvs vt afalaminchi mvt, Haknip im achuk ma hokv̄to alikchi á bv̄nna keyu ; amba abeka mak oh cha-tuk oke.

32. Hopoyuksa v̄hleha ak ó hoyot áya li ha tok keyu : amba nan-ashv̄chi v̄hleha hv̄t ile kostininha chí kak atuk oke, im achi tok.

33. Yohmi ma, Nanta katiohmi h̄o Chan nan im ai ithv̄na v̄hleha hv̄to chekosikma nahullochit, v̄ba pit anumpuli aientv̄ aháshwa, mikma Falisi v̄hleha nan im ai ithv̄na v̄hleha ak

kia yvmohmi akinli hokak o, amba chimmi hvto impvt nan-
ishkot aiasha cho? okla im achi tok.

34. Mihma hatak himona ohoyo itauwaya tuk vt takla
anta moma ka, i kana vhleha hvv nukhaklot nahullocha
hinla, hvsh im apesa vhpesa cho?

35. Yohmi kia hatak himona ohoyo itauwaya tuk ash ot
ai i filvmma he nitak vt ai ona he: yohmik mak o nitak
yvmma fokakmvtno okla nukhaklot nahullocha hi oke.

36. Mihmvt nan isht vhpisa ho aieninchit isht im anum-
puli mvt, Hatak nan ak osh na-fohka himona a hlilafa ka na-
fohka sipokni a akvlli chatuk keyu: yvmmak keyukma hi-
mona yvt hlileffikmvt, anonti himona ya a hlilafa tuk okvt
sipokni a ai it im vhpesa he keyu hoke.

37. Mikma hatak nan ak osh oka paki himona ya shukcha
sipokni yo pit vni chatuk keyu: yvmmak keyukma oka paki
himona yash ot shukcha ya mitahlichu cha hlayakma, anonti
shukcha yash ot okpulo chatuk.

38. Amba oka paki himona yvt shukcha himona yo vhtto
hok mak osh tuktot nan ik kanihmo chatuk oke.

39. Micha hatak nan ak osh oka paki siponki a ishko ha
yvt ashalika himona ma bvnna chatuk keyu: sipokni ak osh
achukma kvv i shahlishke, achi hokvt, im achi tok.

CHAPTA VI.

Nana kvv achukma he okvno nitak hullo kia isht anta he ai vhpesa
hatuk a, Chisvs vt anoli, 1: 8 mihmvt ibbak shila yatuk a hlakofi-
chi. 12 Chisvs vt ninak a vba pit anumpohonli na onna mvt, vba-
numpeshi auah-tuklo ka atokoli; 17 yohmi mvt hatak abeka laua
ka hlakofichi. 20 Hatak kanihmi hosh holitopa he, mikma hatak
kanihmi ho na-palvmmi kvv onvtula he puta ka, Chisvs vt otv-
nichi. 27 Pin tvnvp vhleha kia e holitoblit, nan isht ai achukma
he puta ma il i yvmohma hi a Chisvs vt pi miha; mikmvt okla
moyuma ka il i kana hi ak o, pim ahni; 37 hatak inla gsha ka
nan ik achukmo imma hokvno im anukfillit kil anumpulo ka hi
a, pim avtchi. 43 Iti a ilap vni akinli kak o isht ithvna cha-
tuk: mikma hatak a ilap nana a kanihmi kak o isht akostinichi
chatuk.

1. YUMOHMI tuk osh vbanvblit ont ia yatuk nitak atukla ka ai isht nitak-hullo vmmona ho, yvmmak ash ot osapa taloha ha hlopullit aya tok: yohmi ma nan im ai ithv-na vhleha hash ot onush vni ya tvptulit ibbak isht koyuhlit okla vpa tok.

2. Mihma Falisi vhleha kaniohmi kv, Nanta katiohmi ho nana ka nitak hullo nitak a a yohma he vlhpesa keyu kvno hvchi yvmohmi cho? im achi tok.

3. Mihma Chisvs ash ot afalaminchi mv, Lewi vt ilapo, micha apchvt aya tuk aiena kv hohchvfo mv, nana a kani-ohmi tok;

4. Yohmi kv kaniohmit Chihowa im aboha ha pit chu-kovvt, pvska otvnni a ishi cha vpa mv, apchvt aya tuk ash kia ipeta tok: yvmmak oka ai vpa he vlhpesa keyu, amba na-holitompa isht asha ak illa ha tok oka, ilvppak kia holisso ha hvch ik a peso chatuk oh cho? achi tok.

5. Mihmv Hatak Ushi vt nitak-hullo a in Chitokaka akinli hoke, im achi tok.

6. Atuk o anonti yakohmi tok: nitak-hullo inla ho sinakak ont chukowa cha, nana ithvnanchi tok: mihma hatak vt ibbak ishtimpak imma yvt shila yosh yvmma asha tok.

7. Mihma na-holissochi vhleha, micha Falisi vhleha aiena kv nan vlhpisa onocha chi hosh, nitak-hullo nitak a na hla-kofichikma, nanta chi chishba? ahnit apesvchi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklvnnaka ya ont hikiá, im achi tok. Mihma yvmmak ash ot wakaya mv, ont hikia tok.

9. Mihma Chisvs ash ot okla hash, Nana achvfa ho hvchi ponaklo lashke: Nitak hullo nitak a nana achukma kak o a yvmohmi kak okma, keyukmv nana ik vlhpeso yak o a yvmohmi kak okma, ilhfiopak a okchalinchi kak okma, keyukmv tvbli kak okma, nana kak osh ai vlhpesa hoh cho? im achi tok.

10. Mihmv filemovt okla hash o mominchit pisa mv, hatak ash o, Chibbak a chisemochi, im achi tok: mihma yv-

mihchi tok : yohmi ma ibbak ash osh falamvt achukmvt taha mvt, in tvnvp akinli hq chiyuhmi tok.

11. Mihma okla hut anukhobela fehna tok : yohmi mvt Chisus a nana hq kvnihcha chi kvit it i mihvt aiasha tok.

12. Mihma nitak yvmma foka ka, yakohmi tok : vba pit anumpula chi hosh kohchvt nvni chaya yo ont oiya tok ; micha ninak a Chihowa pit im asilhhvt ahanta na onna tok.

13. Mihmvt ont onnvt taha ma, ilap nan im ai ithvna vhleha hash hoyot itahobi tok : mihmvt yvmmak ash auah-tuklo hq ai atokoli mvt, yvmmak ash vbanumpeshi hochifo tok.

14. Saimon yvmmakma ilap ak osh Pita yo hochifo, mikmvt itibapishi Antilu, Chemis, micha Chan, Filip, mikmvt Bathlolomu,

15. Mahlu, micha Tamas, Alfevs ushi Chemis, Saimon Selotes hohchifo :

16. Michu Chutas Chemis itibapishi, mikmvt Chutas Iskaliot, yvmmak osh na haksichi yosh aiena tok.

17, 18. Mihmvt yvmmak ash ot awant akowa cha, yakni matali yo ant hikia ma, nan im ai ithvna yvt lava, mihmvt okla chinto fehna Chutea yakni moma, Chelusalem aiena ka a minti ; mikma okhvta lapali ka Taia, micha Saiton aiena asht minti ; mihma shilombish okpulo yo isht issikkopa yatuk aiena kvit yvmma im a haponakla chi, micha haknip ik in chukmo puta atuk vt im a hlakofohla chi hosh im ai vlt hlakofohli tok.

19. Mihma okla chito ash ot momvt, nan-isht a hlakofi vt yvmmak o a kohcha hosh mominchit hlakofichi hatuk oka, yvmma potoli bvna tok.

20. Mihma ilap nishkin ash nan im ai ithvna vhleha ha isht on talohli mvt, Ilvsha hvchia ma ! Chihowa apehlichika yak osh hvchimmi hokvt na hvchi yukpvshke.

21. Himonasi hokvno hohchvfot aiasha hvchia mvt, hvchi kaiya hi okvt na hvchi yukpvshke. Himonasi hokvno yahgyvt hvsh aiasha mvt, hvsh yukpa hi okvt na hvchi yukpvshke.

22. Hatak Ushi pulla atuk mak o hatak puta mvt hvchi

nukkillit, ilap ai itapeha ya isht a hvch il a filamohlichit, na hvchi mihachit, hvchi hohchifo ma nan okpulo yo ai itilauechit kahancha hi oke : yohmikma na hvchi yukpashke.

23. Yakeh ! nan-isht-vlhtoba hvv chinto hosh vba ya hvchin tonla hokvt, nitak yvmma fehnakma, na ho yukpa : na hvchi yukpvt hvsh mvllashke : yvmma in tikba vhleha hvv hopaii puta ka yvmmak inli ho i yvmihchi beka tok oke.

24. Amba nan in laua hvchia hvto nan-isht a hvchi yukpa ma hvsh pisa hokvt, na hvchi palvmmi mak oke.

25. Kaiya hvchia hvto hvchi hohchvfa hi okvt na hvchi palvmmi mak oke. Himonasi a hvchi yukpa hokvto hvchi nukhaglot hvsh yahaya hi okvt na hvchi palvmmi mak oke.

26. Hatak moma kvv ahninchit isht hvchi anumpohonlikma, na hvchi palvmmi mak oke : in tikba vhleha hvv hopaii ilahobi puta ka yvmmak inli ho i yvmihchi tok oka.

27. Amba hvsh haglo hvsh puta kvno hvchin tvnvp vhleha ma i hullot, hvchi nukkillikma nana achukma ho hvsh i yvmohmashke.

28. Nan ik vlpeso isht hvchim anukfillit na hvchi miha-chi ya na-yukpali hosh anumpulit, anonti anumpa isht hvchi a holvbechikma, vba pit isht hvsh anumpohonlashke.

29. Micha kvna hosh chitisukpi a issokma, in tvnvp ma pit ish i weli makinlashke : mikmvv kvna hosh chim anchi a chim ai ishi ka, chi na-fohka lumbo ma isha chi ka, chik i halanlo makinlashke.

30. Kanima hosh nan chim asilhha ka ish imashke ; micha kvna hosh nana ka chim ai ishikma, falaminchit chik i hoyo kashke.

31. Micha hatak puta kvv hvchishno a a hvchi yohma hi a, hvsh aiahni hok mak osh, hvchishno ak kia mih-mak o hvsh ai i yvmohmi makinlashke.

32. Micha hvchishno a hvchi hullo na mihi yo hvsh i hullo hokvto, nanta ho isht a hvchi yukpa cho ? nan-ashvchi vhleha hvv, kanima hosh ilap a i hullo hokvno i hullo chatuk akinli hoka.

33. Micha kanima kvv hvchishno a nana achukma ka isht a hvchi yvmohmi ho hvchishno mvv nan achukma ka isht

hush ai i yvmohmi hokvto, nanta hō isht hvchi yukpa cho? nan-ashvchi vhleha ak kia yvmmvno yohmi chatuk oka.

34. Micha yvmmvt hvchim atobba hinla ka hvchim ahoba hokmak osh hvsh i-pota hokvto, nanta hō isht a hvchi yukpa cho? nan-ashvchi vhleha ak kia yvmmak atuk ash inli ohmi hō isha chī kv̄t, nanashvchi bika yā i pota chatuk oka.

35. Amba hvchishno vto hvchin tōvvp puta ka hvsh i hullo, mikmvt nana achukma hō hvsh yvmohmikmvt; anontī nana kia isht ai vltoba hi ā ik aiahno hosh hvsh i potashke: yohmikma isht a hvchim vltoba hokvto chinta he; micha Nana moma imaiya im vlla hvchia ha hi hoke. Yvmmak okv̄t ilap ā ik aiokpacho, micha nan vlpesa keyu vhleha aiena ka i kana achukma yoka.

36. Yvmohmi hoka hvchishno mvt na hvchi nukhaklo bano kv̄t, hvch īki vt nan i nukhaklo bano yoka yvmmak inli hō hvsh chiyuhmashke.

37. Inla yā ik vlpesachot nan hvch ik apeso kashke. Yohmik mak osh nan ik hvchim vlpiso ka he mak oke: isht a hotopa he anumpa hā hvsh onochi nā: yohmikmak osh hvchishno vt isht a hotopa he anumpa hv̄t ik hvchi omv̄tulo ka hi oke: inla yā i kashofit hvchim i haksashke; yohmikmak osh hvchishno mvt hvchī kashofa hi oke.

38. Hvsh ihimashke: yohmikmak osh hvchishno mvt hvsh habihina hi oke: vlpisa achukma, vltokv̄chit, mikmvt faiokv̄chit it ai isso hosh ont atampvt hlahaya ho, hatak vt hvch il ai vskofvchi anukaka yā pit hvchim apitta hi oke. Nan isht vlpisa hvchishno vt isht hvsh apesa tuk ā, yvmmak inli hosh hvchishno ma isht hvchim vlpisa hi oke, hvchim achi lishke.

39. Mihmvt nan isht apesvt anumpulit, Lupa yvt lupa yā halv̄llit isht aya hinlā? tūklot yakni chiluk kia pit ik kaho ka hinla hō?

40. Nana ithvna vt nan ithvnanchi ā i shahli chatuk keyu: amba nana ka imponv̄t aighli hok mak osh moma kv̄t nan-ithvnanchi ak o ai itilaua hi oke.

41. Micha nanta katōhmi hō na hishonluk iskvtinosi kv̄t

ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostinincho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvtnosi kvt chi nishkin a foka ka ak chi kohchi, ish acha hinla cho? chishno chi nishkin akinli kvno iti chito yosh foka ka chik peso kv; nan-ilahobi chia hoka, iti chito yak o tikba ishit chi nishkin a ish a kohchashke; yohmikmak osh ish pisa achukma hosh ish itibapishi nishkin a nahishonluk iskvtnosi kv foka ka ish kohcha hinla hoke.

43. Iti achukma kv vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kv ilap vni yak o isht il ai otvninchi chatuk: hatak vt kvti hak o fik a ai vmo chatuk keyu: yohmikmvt bissupi ak o paki a ai vmo chatuk keyushke.

45. Hatak achukma yvt chukvsh a nana achukma kv i foka hatuk osh, nana kv achukma ho ai ishit kohonchi chatuk: mikma hatak vlhpesa keyu kvto chukvsh a nana okpulo yosh i foka hatuk osh, nana kv vlhpesa keyu ho ai ishit kohonchi chatuk: chukvsh vt isht alotowakmak o itih hv kohchit anumpuli chatuk oke.

46. Na katihmi ho nana ka hvchi mihia li ka hvsh yohmi keyu kak osh, Chitokaka ma! Chitokaka ma! hvs si achi cho?

47. Kvna kia vm vltv, nana mihia li ka haponaklo cha, ai yvmohmi kv, kvna ho holba ka hvchim anoli lashke.

48. Hatak vt chuka ya ikbi kv, yakni a kullit, hofobichit, teli yo nutaka in tola ya ai om bohli tuk mak o chiyuhmi hoke: yvmohmi tuk o okchito hv aya mvt, chuka yvmmak ash yanvlli hv kullot ai isso fehna tok: yohmi kia teli yo a toba ha tok oka, ik winalecho ki tok.

49. Amba kvna hosh haklo cha, mihma ik yohmo hokvto, hatak vt nutaka in tonla yvt iksho ho yakni yak o chuka ya ai on talali tok mak o chiyuhmi hoke: yvmohmi tuk o yvmmak ash yanvlli hv kullot ai isso fehna tok; yohmi ma

chekosi makinli ho kinafa mvt, chuka yvmmvt okpulo kvt ai okluha tok, im achi tok.

CHAPTA VII.

Chisvs vt Kapenavm a ona cha, Sintulion na-yimmi ka ahninchí mvt, 1; 10 in tishu ha hlakofichi. 11 Nain a ona cha, ohoyo i hatak illi ushi illi tuk a falaminchit tanichi. 18 Chan vt aboha kvlo foka mvt, yvmmak osh Klaist mak okma, keyukma, nana hatuk ma Chisvs a pit i ponaklo: 22 mihma ilap vt nana kvt a fehna kia yvmmichi tok puta kvt Chisvs vt im anoli: 24 mihmvt Chisvs vt Chan a isht anumpulit atokowa ka anoli. 37 Ohoyo hvt nanashvchi yo ik yohmi, im aiahni na iyi ya nan-ahama a hvmmi; mihma ohoyo hash hopohlchit nan im ai ashvchika ya i kashofi.

1. OKLA hvt haponaklot aiasa na nana ka mihvt ont in taiyaha mvt, Kapenavm a ont chukowa tok.

2. Mihma Sintulion achvvt in tishu, yvmmvt i holitopa chatuk osh, abeka cha, illa hosi tok.

3. Atuk osh Chisvs a pit haklo mvt, vla cha, in tishu hash hlakoficha hinla ka, pit im aiahni hosh, Chu okla in tikba vhleha ha pit in tihleli tok.

4. Atuk o yvmmak ash ot Chisvs a im ai ona mvt, im asilhha kvt achilita fehnvt, Ilvppa ai i yvmihcha he vlvpiesa fehna;

5. Yvmmak okvt pim okla talaia ha pi holitoblit sinakak a pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash ona hosit taha ma, Sintulion ash osh i kana vhleha ha pit in tihleli mvt, Chitokaka ma! avvt ik chim ahchibo kashke: chishno vt vm aboha ya ant ish chukowa he si ahoba keyu hoka.

7. Yohmi kvt anonti vno akinli hosh avvt ont chi pisa la he si ahoba keyu kvt vm anukfila atuk oke: amba anum-pa bano ho ish mihakma, an tishu hatuk mvt hlakofa hinvshke.

8. Vno ak kia hatak tvshka chipota vhleha pehlichit i shahli nutaka ahanta chatuk sia hoka: yohmi kvt achvfa ka, Iá, im achi likma, ia hoke: mikmvt inla ma, Míntí, im achi

likma, minti hoke: mikhmt an tishu hā, Ilvppa yakohmichī, im achi likma, yvmihchi chatuk oke, pit im achi tok.

9. Mihma Chisvs vt ilvppa puta ka haiyaklo mvt, pit im aiokpanchi fehnvt, filemvt hikia cha, apehvt aya tuk okla hash, Israel okla hā kanima kia na yimmi chinto yakohmi ka ak a pesoshke, hvchim achi lishke, im achi tok.

10. Mihma yummvt yakohmit itonowa tuk vt chuka ash falamvt, tishu abeka tuk vt hlakofi tuk o ont pisa tok.

11. Atuk o ont onna ma yakohmi tok: tmaha Nain hohchifo hō ia tok; mihma nan im ai ithvna laua, micha okla laua aienvt apehvt ilhkoli tok.

12. Atuk osh tmaha okhissa ya i bilika vla ma, hatak vt ohoyo i hatak illi yo ushi yosh, ishki a yummak osh i bano chatuk osh illi na okla sholit kohcha tok; yohmi ma tmaha okla hvt lauvt yvmma apehvt aya tok.

13. Mihma Chitokaka yvt ishki atuk a pisa mvt, i nukhā-klo cha, Ish yaiya ná, im achi tok.

14. Mihmvt yvmak ash ot ai onvtola kash ant potoli tok: mihma sholi tuk vt lumvt hieli tok. Mihma, Hatak himita chia hvt ish tanashke, chim achi lishke, achi tok.

15. Mihma illi yatuk yvmak ash ot tanit binili cha, anumpuli tok; mihma yvmak ash ishki a pit ima tok.

16. Mihma okla moma ka nanukshopa kv̄t ai anukfoyuka tok: mihmvt Chihowa ya holitoblichit aiokpahanchit, Hopaii chinto kv̄t pitintakla ya a tobt hikivshke; micha Chihowa yvt im okla hā i nowvt ayvshke, okla achi tok.

17. Mihma yakohmit Chisvs isht ai annoa kv̄t Chutea yakni a mominchit, anonti yakni inla auet a bilika aiasha ma moma a hlopulli tok.

18. Mihma Chan nan im ai ithvna vhleha hvt nana kv̄t a yakohmi tuk a mominchit im anoli tok.

19. Mihma Chan ash ot ilap nan im ai ithvna ya tuklot hoyo cha, Chisvs a pit in tihleli mvt, Chishno ak osh aya he tuk mak o chia hokmá, ak chu? himmak pilla hak o inla yo e hoyo chi cho? achi tok.

20. Hatak ash ot ayvt im it onachi mvt, Chan Baptist vt, Chishno ak eah aya he tuk mak o chia hokmá, ak chu?

himmak pilla hak o inla yo e hoya chi cho? achi hosh auet pi tihleli tuk oke, achi tok.

21 Mihma hvshi kanvlli vlhpisa yvmmak fehna ka haknip ik in chukmo, mikmtv ililli isht ai ilbvsha, micha shilombish okpulo ai i foka puta aiena kvv lau h hlokofichi tok: mihmtv lva vt lau atuk a hoponayochi tok.

22. Mihmtv Chisvs vt afalaminchi mvt, Oh ia cha, nana ka hvsh pisa tuk, mihmtv hvsh hoklo tuk aiena kvv Chan a ont oh im anoli; lva yvt hoponayo, imomokpulo yvt nowa ma, leplosi vbi vt i kashofa, ik haponaklo vt haponaklo ma, illi mvt falamvt tani, mihma ilbvsha ya vbanumpa kvv isht im anuhumpvshke.

23. Yohmi ka kvna hosh vno a ik si ai ibetvblokmvt, mihi yosh na yukpa hoke, achi tok.

24. Mihma Chan im anumpa isht aya tuk vt a falamvt, itiachi ma, okla hq Chan ak o isht im anumpulit, Nanta hq hvsh pisa chi hosh yakni haiaka yvno hvsh ilhkoli tuk oh cho? Kvshak osh mahli na winakvchi kak atuk o?

25. Amba nanta hq hvsh pisa chi hosh hvsh ilhkoli tuk o? Hatak na-fohka lapushki fohka kak atuk o? Yakeh! na-fohka holitopa ishit shemvt, ilimpa hochukma in lau hokvto, hatak miko vhleha in chuka ak o aiasha cho kumo.

26. Amba nanta hq hvsh pisa chi hosh hvsh ilhkoli tuk o? Hopaii ak atuk o? Ahlishke, micha holitopa kvv hopaii ya i shahli fehna hoke, hvchim achi lishke.

27. Ish ataya he chi tikba ai apoksiahancha chi mak o vm anumpeshi a chi nashuka itikba ma chuffichi lishke, achit holisso tok a, ilvppak osh mih mak oke.

28. Ohoyo hq a tovt ai vta tok puta ka hopaii chito kvv Chan Baptist a imaiya kvv iikshoshke, hvchim achi lishke; yohmi ik nana kia moma ik lauwo hosh Chihowa aephlichika yvno anta kvv, Chan a imaiya hoke.

29. Yohmi ma Chan a okla im a haponaklo tuk vt moyuma, micha pvblikan vhleha aiena kvv Chan a i baptismo ya isht a baptismot, Chihowa ya im aighlichich tok.

30. Amba Falisi vhleha, micha nan-vlhpisa ithonanchi

vhleha aiena kvto ilapo yokvto yvmmak ash ^o ik im a baptismo, Chihowa nana im ajahni tuk a ik aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chi cho? yohmi ka nanta hak o okla pit hoyulba cho?

32. Ulla yosh ilhpak a kanchi yq binomaya hosh ilap bika it i howvt, Oskula ha e hvchim olachi ka, hvchik beh-loshke; illi isht taloa isht e hvchi yaiya ka, hvch ik yaiyoshke, ahanchi ho chiyumishke.

33. Chan Baptist vt pvka yq ik po, mihmvt oka paki ma ik ishko yosh aya; yohmi ma, Nan-isht-ahullo okpuli il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, pvblikan vhleha mikmvt nan ashvchi puta ka i kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aiahli chatuk oke, achi tok.

36. Mihma ibai impa hinla ka Falisi achvft im ahni tok: yohmi ma Falisi in chuka yash ont chukowvt, impa chi hosh binili tok.

37. Yohmi ma ohoyo nan-ashvchi yosh tvnaha yvma anta tuk osh, Falisi in chuka ya Chisvs vt asht impa na akostinichi mvt, alabasta kotoba nan-ahama balama vlhto ho isht ona mvt,

38. Im asha-ka iyi pit a chiya ka ont hikivt yahaya cha, iyi ash nishkin okchi yak o isht achift, anonti ilap noshko-bo pashi akinli ho ishit kasholinchi mvt, iyi a i suksohovvt, nan ahama balama ash o isht a hvmmi tok.

39. Mihma Falisi vt yvmmak ash o hoyo tuk ash ot, yvma pisa mvt, Hatak ilvppvt hopaii atuk ok mvt, kvna hosh, micha ohoyo kaniohmi chatuk osh potoli ka, ik akostinicho ka heto; ohoyo ilvppvt nanashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon a nana chi miha la hinla kv vm ashvshke, im achi tok. Mihma

yvmmak ash ot, Nan ithvnanchi ma! ish mihashke, achi tok.

41. Mihma, Hatak nan-ahekvchi achvfa yvmma aheka im in takohnli kv̄t tuklo tok: achvfa kv̄to aheka yv̄t iskvi tahlepa in tahlapikma, anonti achvfa kv̄to pokoli tahlapi ha tok.

42. Atuk osh isht atobba hi vt nana kia ik im iksho kit okla ma, it aieninchit pilla hō yvmmak ash ot i kashofi tok. Yohmi ka, Ūm anoli; katimampo kak osh yvmma i hullo kv̄t i shahlichā hinla cho? achi tok.

43. Saimon ash ot afalaminchi mvt, Laua i shahli tuk o i kashofi kak a hinla, ahni li, achi tok. Mihma, Pit v̄lhpesv-chit ish anukfilli mv̄hlishe, im achi tok.

44. Mihmvt ohoyo a hikia ka pit filema mvt, Ohoyo ilv̄ppa ish pisa cho? chim̄ aboha ant chukowa li ma, chishno v̄to saiyi isht achifa he oka kapvssa kia chik samo ke tuk: amba ilv̄ppak okv̄to nishkin okchi yō saiyi yā isht achifa mvt, ilap noshkobo pashi ak o isht kasholihin-chishke.

45. Chishno v̄to chik sa suksowo ke tuk: amba ohoyo ilv̄ppak okv̄to, ilv̄ppa ant chukowa li tuk takla ka, saiyi yā i suksohōwa kv̄t ik iesoshke.

46. Chishno v̄to sa noshkobo hā nan-ahama isht chik s̄m a hv̄mmo ke tuk; amba ohoyo ilv̄ppak okv̄to saiyi yā nan-ahama isht ahv̄mmishke.

47. Yohmi hokv̄t, Nan im ai ashvchika yv̄t laua tuk vt kashofa hoke: mihi yosh nan i hullo fehna. hatuk okv̄t, chim̄ achi lishke: amba ik lauo hosh i kashofa hok mak osh mihi yosh nan i hullo kv̄t a fehna keyu chatuk oke, im achi tok.

48. Mihmvt ohoyo hash o, Chim ai ashvchika puta kv̄t chī kashofa mak oke, im achi tok.

49. Mihma it apēv̄t asht impa tuk yvmmak ash ot, Ilv̄ppv̄t kv̄ta hokak osh nan-ai ashvchika puta kak kia kashofi hoh cho? ahnit ilapo inli okla im anukfila tok.

50. Mihma ohoyo hash o, Na chi yimmika yv̄t chi okchalinchishke: na-yukp̄v̄t ish ayashke, im achi tok.

CHAPTER VIII.

Chisvs vt im anumpeshi vhleba, micha nan-isht im vtta vhleba ohoyo aienvt apihvt aya hq, vbanumpa isht anumpuli, 1. 4 Na hokchi isht vlhpisa anumpa; 6 micha yvmmak atuk vt vlbitvt achukma annoa. 16 Pula tohwikeli isht vlhpisa; 21 kva hosh Klaist im anumpa puta ka im antia hokvto, yvmmak o i kanomi fehna mak oke. 22 Chisvs vt kocha umba mahli kvillo ka yukobli; 26 mihmvt nan-isht-ahullo okpulo lgwa hq hatak achvfa ka a kocha weli: yohmi ma, shukha lokoli achvfa hq ont abeha chi ka, vlhpesa im ahni; 43 ohoyo issish ont ia vbi yatuk o hlakofichi; 49 mihmvt Chailvs ushetik illi tuk a salaminchit tanichi.

1. ATUK osh i himmakma yakohmi tok: tvmaha, micha chuka lokoli puta aiena ka mominchit a hlopullit gyvt, vbanumpa isht anumpohonli; micha Chihowa apchli-chika ai isht ilaiyukpa anumpa ha otvinchit isht anumpohonli tok: mihma auah tuklo kash ot apchvt aya ma,

2. Michi ohoyo kanohmi, yvmmvt shilombish okpulo puta, micha haknip ik in chukmo puta aiena tuk osh a hlakofi tok, Meli Maktalene hohchifo yvmmak o nan-isht-ahullo okpulo untuklot a kohcha tok.

3. Mihmvt Choanna Helot a nan-isht im vtta Chusa a tekchi, micha Susanna, mikmvt inlaka mvt laua hosh nana im asha tuk vt, Chisvs a isht apelvchi tuk vt apchvt aya akinli tok.

4. Okla lgwa fehvt tvmaha moma ashvt minti kv im ai itvnaha ma, nana isht apesa hosh im anumpuli tok.

5. Na hokechi vt i nanihi hokchit ia tok; atuk osh hokechi ma, kanimi kv hina lapalika yo kaha tok: atuk o a hvhlich; yohmi na hushi-puta vba itvnova kv ant aiowvt vpa tok.

6. Mihma kanimi kvto tvli yo ai o kaha tok: atuk osh offo mak inli hosh a shummi takanli kv ik im iksho hatuk okvt, bvshit kvnia tok.

7. Anonti kanimi kvto kvti foka yo a kaha tok: atuk o kvti ash ot awant offo cha, olvbbit ishi tok.

8. Yohmi ma inla kvto yakni achukma hō ai o kaha tuk osh offot, nihi achufa tuk kia tablepa achufa vnit waya tok : iluppa puta kā achit ont in taiyaha mvt, Kvna hosh isht haponakla he haksobish vt i hinlikmvt, haklashke, chitoli hosh achi tok.

9. Mihma nan im ai ithvna vhleha hash ot, Ilvppvt nan-isht vllhpisa katlohmi ha hinla hoh cho? achit i ponaklo tok.

10. Mihma, Hvchishno ano Chihowa apchlichika yā nana kvt ik otaiyano ke tuk a hvsh akostinincha he mak osh hvchim vllhpisa hoke : amba inla ka yokvto pisa kia, pisa he keyu ; mikmvt haklo kia, ik akostinincho ka chī hō nan-isht vllhpisa anumpa ha chī ha tok.

11. Nan-isht vllhpisa kvt iluppak oke. Na-nihi ak osh Chihowa im anumpa mak oke.

12. Hina lapalika kaha kv, anumpa hā haklo kak oke : yohmi ma Setan vt ayvt, okla yimmit ik okchayo ka chī ka, anumpa hā chukvsh ash a kohchit im ishi chatuk oke.

13. Tvli yō ai o kaha kvto, anumpa hā haklokmvt, na yukpa hosh ahninchī kak oke ; yakohmi kak osh hakshish vt iksho ; yohmi hosh chekosi takla hokvno yimmi tuk osh, nana kv ont a palvmmikma, mokohli hoke.

14. Mikma kvti foka yō a kaha kvto, anumpa hā haklo tuk kia, yakni pakna ahantvt nan-isht a kaniohmi puta, mikmvt nan in laua bvna, micha na-washoha puta isht a nukfoyuka kak osh ai im olubbi na vnit ahlit ik wayo kak oke.

15. Amba yakni achukma yō ai o kaha kvto, yvmmtv chukvsh achukma aighli mak osh anumpa hā haklokmvt, ieshit achunanchi cha, vnit waya kak oke.

16. Hatak nan ak osh pva hā luachi mvt, nan-aivlhto yō isht ompohomokmā, keyukmvt topa nutaka yō pit tala-likmā, nana chatuk keyu ; amba kvna hosh ant chukowakmvt tohwikeli ka pisa chī ka, pva ai-o-hikia yak o o hilechi chatuk oke.

17. Na luma nana hatuk osh ik otaiyano ka hi vt iikaho :

mikma nana hosh luma tuk ak o ik akostinincho ki, ik otano ka he mvt iksho hoke.

18. Yohmi hoka nana ka hvsh haklo kvv, Ahah! hvsh ahnashke; kvna hosh ishi hokmak o, mihi yo ima hi oke: mikmvt kvna hosh ishi keyu tuk mvno, mihi yo ishi ahomba tuk ash kia aieninchit im ai isha hi oke, achi tok.

19. Yohmi ma ishki, micha itibapishi vhleha aiena kvv im ai vla kia, okla hak osh atehlevt kvnia hatuk o, a hikia ka ona he keyu ki tok.

20. Mihma, Chishki, micha chitibapishi vhleha aiena kvv chi pisa bvna hosh, kocha ya hiohmgyvshke, achit im anoli tok.

21. Mihma yvmmak ash ot afalaminchi mvt, Chihowa im anumpa ha haponaklo cha, mihi yo ai yvmohmi vhleha ilvppak osh vshki, micha itibapishi li vhleha aiena mak oke, im achi tok.

22. Atuk osh nitak kaniohmi ho yakohmi tok: nan im ai ithvna vhleha hash ai it apehvt peni ont chukowa tok; mihmvt, Okhvta mish-tvnnv ak o pit eho tanvblashke, achi tok. Mihma peni ash okla oka tobli tok.

23. Atuk o yakohmit peni a asht itvnova ma, yvmmak amo nusi tok: atuk o mahli chito kvv okhvta hash on itu-yulla; yohmi ma oka yvt ibai alota na ai isht-kvnpvt ai i palvma he pullvt aiasha tok.

24. Yohmi cha okla onvt yvmmak ash okchvli mvt, Pithvnanchi ma! Pithvnanchi ma! pilli mak oke, achi tok. Mihma yvmmak ash ot tani cha, mahli micha oka poakvchi aiena kash im alvmmi tok: mihma yvmmak ash ot yokopa na chulusvt talaia tok.

25. Mihma yvmmak ash ot, Na hvchi yimmika mvto? im achi tok. Mihma okla nukshopa hatuk okvt, nukhlakanchvt, Ilvppvt hatak katiohmi mak oh cho? ilvppvt mahli, oka aiena kak kia nan i miha ma, im antivshke, it im achit maya tok.

26. Atuk osh Katalenes okla i yakni Kalili auet i chapa ka talaia ka, okla ont ataiya tok.

27. Yohmi na yvmmak ash ot pit kohchvt ia ma, hatak achvfa kvv nan-isht-ahullo okpulo puta kvv ai i fokva tok ho-

paki hosh, na fohka kia fohka chatuk keyu, mihmvt chuka y_o ai v_tta chatuk keyu, amba hatak illi aiasha yak _o ai v_tta chatuk osh, tumaha ha a kohchvt aya hosh afama tok.

28. Mihmvt Chisvs a pisa mvt, chitolit tahpula mvt, yummak ash itikba ya aka hlipvt chitoli hosh anumpulit, Chisvs Chihowa nana moma imaiya Ushi chia ha, vno vt nanta h_o isht chi ahalaia li cho? chik sulbvshalo ka ch_i mak _o, chim asilhha lishke, achi tok.

29. Yummak okvt shilombish okpulo vt hatak ash a kohcha ch_i ka, im apesa ha tok. Yummak okvt himonna hak-sinchit hohokli beka tok; yohmi hatuk a yummak okvt tvli ita-takvli, micha iyi ai vlhpitta tvli aiena isht talakchi h_o okla apesvchi ha tok: yohmi kv_t isht a kamvssa yatuk a kobvffikma, nan-isht-ahullo okpulo ash osh chvffichi na yakni haiaka a kvnia beka tok.

30. Yohmi hatuk _o Chisvs ash ot i ponaklot, Chi hohchifo hv_t nanta h_o? achi tok: mihma yummak ash ot nan-isht-ahullo okpulo vt laua hosh pit ai abeha hatuk oka, Lechvn sia, achi tok.

31. Yohmi ma kohchvt ahofobika ai-ilbvsha mak _o okla ia hi a ik im apeso ka ch_i ka, okla im asilhha tok.

32. Yohmi ma nvnih pilla yummak oka shukha laua yvt ai impa hosh aiasha tok: yohmi ma yummak _o o_ola ont abeha ch_i ka vlhpesa, im ahna ch_i ka, im asilhha tok. Yohmi ma vlhpesa, im ahni tok.

33. Yohmi ma-nan-isht-ahullo okpulo puta kash ot hatak ash a kocha wihvt ia mvt, shukha yash _o ont chukowa tok. Yohmi ma shukha laua yash osh nvnih chakpatali ka asht aka pit yihlepa fehvt, okhvta ont ai oka kahvt, nuksakkit illi tok.

34. Yohmi ma yumma apesvchi vhleha hv_t nana kv_t ai yvmohmi ka pisa mvt, yihleptv_t vt, tumaha mikmvt haiaka aiasha tuk aiena ka ai im anoli tok.

35. Yohmi ma nana kv_t ai yvmohmi tuk ash okla pisvt ilhkoli tok. Atuk osh Chisvs ash im ai v_la cha, hatak nan-isht-ahullo okpulo puta kv_t a kocha wiha tuk ash, ilefoka fohka cha, im anukfila mvt hopoyvssa achukma hosh,

Chisvs iyi ituma ya binili ho okla pisa tok : yohmi mvt okla nukshopa tok.

36. Yohmi ma nan-isht-ahullo okpulo puta ai i foka tuk vt kaniohmit a hlakofi na okla pisa tuk ash kia im anoli tok.

37. Yvmohmi ma Katalenes yakni ai i bilika tuk vt okla laua kvt nanukshopa chinto kvt ai onvtuyula hatuk osh, yvmmak okvt i filvmma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt gya tok.

38, 39. Mihma nan-isht-ahullo puta kvt a kocha wiha tuk hatak ash ot awant gya hinla kvt, im asilhha tok : yohmi kia Chisvs ash ot, Chin chuka yak o falamvt ish ona cha, Chihowa hvt nana chinto nana mak o a chi yvmihchi tuk g, ont ish anolaslike, achit pit cheffichi tok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk g, tmaha hash mominchit ai anoli tok.

40. Atuk o yakohmi tok ; Chisvs ash ot falamvt vla ma, okla hvt momvt hoyo hosh aiasha tuk okvt, okla na yukptv aiokpvchi tok.

41. Yohmi ma hatak vt Chailvs hochifo hosh, sinakak apesvchi yosh vla tok ; mihmvt Chisvs iyi ituma ya aka ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achvfa illa hosh, afvmmi auah-tuklo foka tuk osh, illa hosi hosh itonla ha tok. Yohmi ma yvmmak ash ot ia hosh gya ma, okla chinto kvt ai a folublit kvnia tok.

43. Yohmi ma ohoyo hvt issish um-bokafa tok afvmmi auah-tuklo hatuk osh, nana im gsha tuk g mominchit alikchi puta kak o ai ataiyaha kia, achvfona ma a hlakofa he mvt iksho hosh, gya tuk osh,

44. Im ashaka ona cha, im anchi aposhokvchi ya pit potoli tok : yohmi ma ashalika issish ont ia tuk vt i hokofa tok.

45. Mihma Chisvs vt, Kvta hosh sa potoli cho ? achi tok. Kvna hatuk keyu ka momvt miha ma, Pita yvt, micha apehvt gya tok aiena kash ot, Pi shahli ma ! okla chito vt chi a folublit chi atehlifichi fehna hokak o, Kvta hosh sa potoli, ish achi cha ? achi tok.

46. Mihma Chisvs ash ot, Kva hosh sa potoli tuk, nan-isht aighlika yvt a si a kohcha ka akostininchi li hoka, achi tok.

47. Yohmi ma ohoyo hash ot ilapvt luma keyu kv akostininchi mvt, wvnihinchi on a mvt, itikba ya aka ont hlipia cha, nana kaniohmi ho yvmmak oka potoli tuk, micha kaniohmit ashalika hlakofi tuk aiena kv okla moma itikba ya ai im anoli tok.

48. Mihma yvmmak ash ot, Svsotek ma! na chi yukpa achukmashke; na chi yimmika yak osh chi hlakofichi hoka, na-yukpa biega anukfoyuka hosh ish ayashke, im achi tok.

49. Yvmmak okvt anumpuli moma ho, sinakak apesvchi in chuka ya achvvt minti hosh vla mvt, Chiso-tek vt illishke; nan-ithvnanchi ma chik im ahchibalo kashke, im achi tok.

50. Yohmi kia Chisvs vt pit haklo mvt nan i mihvt, Ik chi komunto kashke; pilla ik chi yimmí, mikma yvmmak okvt hlakofa chi hoke, im achi tok.

51. Atuk osh aboha yash ont chukowa mvt, hatak nana kia ik chukowá, ik aiahno; amba Pita, micha Chemis, mikmvt Chan, micha ohoyo himita ya iki, mikmvt ishki itatuklo kak illa tok.

52. Yohmi ma moyumvt ilbeshvt isht yahaya tok: yohmi kia yvmmak ash ot, Hvsh yaiya ná; illi keyu; pilla nusi hoke, achi tok.

53. Mihma yvmmak okvt illi hoka, okla ithana hatuk osh, yvmmak ash ik ahobalot olvli tok.

54. Yohmi ma yvmmak ash ot mominchit kohchichit tahli mvt, yvmmak ash ibbak a halvli cha, i howvt, Ohoyo himita ma! tani, achi tok.

55. Mihma shilombish vt falamvt im vla cha, yvmmak ash ot ashalika tani tok; mihma nan-ilimpa i hoy a hinla ka, miha tok.

56. Mihma iki, ishki itatuklo kash ot nukhlakancha fehna tok. Yohmi ma nana kv a yvmohmi tuk ash hatak nana kia ik im anolo ka hi q i miha tok

CHAPTER IX.

Chisvs vt im anumpeshi auah-tuklo ka vbanumpa isht anumpula chi, micha nana kv̄t isht ahullo fehna kia yvmihchi a puta hosh im ai v̄lhpea hatuk vt otv̄ninha chi h̄q, pit tihleli, 1. 7 Helot vt, Chisvs a pisa bv̄nna. 17 Chisvs vt p̄ska lumbo tahlapi, micha nv̄ni chipunta tuklo aiena tuk a, hatak tahlepa sipokni tahlapi ka imp̄vchi: 18 micha ilapa kv̄na hak o okla im ahoba hatuk a ponaklo tok; 22 micha ilap vt illi tuk osh, anonti salamvt tana he aiena kv̄t tikbanli anoli: 23 yohmi mvt nan im ai ithv̄na v̄hleha ilapa holi-tobli pulla kv̄t, ile kaiyancha he, micha na-palv̄mmi puta ma pisa chi aiena kv̄t im v̄lhtaha hi a, i miha. 28 Chisvs vt v̄ba pit anumpula chi hosh nv̄nih chaha pit oiya atuk osh, v̄ba pit anumpulit ahanta moma hosh pisa ka inlv̄t toba. 37 V̄lla yosh nan-isht-ahullo okpulo isht abeka tuk a Chisvs vt hlakofichi: 43 mihmvt anonti ilap i palv̄mmit illa hi vt tikbanli anoli; 46 nan im ai ithv̄na v̄hleha hv̄t ilap na-fehna bv̄nna im anukfila puta ka im okv̄bli: 51 Sa malia okla hv̄t Chisvs a ik aiokpacho kv̄t okla illit taha chi ka, Chemis, Chan, lta-tuklo kv̄t ahni ma, Chisvs vt nan isht i miha; 57 hatak kaniohmi kv̄t chykv̄sh a mominchit isht im antia he keyu kv̄t agha hatuk o, nan i miha.

1. YUMOHMI mvt ilapo nan im ai ithv̄na v̄hleha auah-tuklo kash hoyot itahobi mvt, nan-isht-ahullo okpulo puta imaiyvt, mikmvt abeka ilaiyuka puta ma hlakofihinja chi ka, nan aighlika ya isht im apesa tok.

2. Yohmi mvt, Chihowa apelihchika yoka isht anumpo-honlit, anonti abeka puta ma hlakofihinja chi mak o pit tihleli tok.

3. Yohmi mvt, Itv̄nowvt hv̄sh aya kv̄t tubi kia, mikmvt shukcha, micha p̄ska, anonti t̄vli holisso, ilefoka lumbo mvt tuklo aiyuka, peh nanasi kia hv̄ch ik isho kashke.

4. Mikmvt chuka nana h̄q ont hv̄sh chukowakmvt, yvm-mak o hv̄sh ahashwa tuk osh, kohchvt hv̄sh iashke.

5. Micha kv̄na kia ik hv̄chi aiokpachokma, tv̄maha yvm-ma a kohchvt hv̄sh iakmvt, nan-isht im atokowa mak o hituk tohbi ka hv̄ch iyi ya tahtulit hv̄sh a kanchashke, im achi tok.

6. Mihma okla ivt tv̄maha puta ka hlopullit ayvt, v̄ba-

numpa isht anumpohonlit, kanima moma ka abeka a hlakofichit itvnowa tok.

7, 8. Helot miko ash ot, yummvt nana puta ai yvmihchi ka haklo tok; yohmi mvt kanimi kv, Chan ak osh illi tuk vt falamvt tani tuk, achi ma; anonti kanimi kv, Elias ak osh ant haiaka, achi: mihma inlaka mvt hopaii vhleha tikba ya tok ak osh achvvt falamvt tani hoke, achi hoka, katiohmi ahnit ik im vhpiesot im anukfila tok.

9. Mihmvt Helot ash ot Chan ano noshkoba ha tvbli li chamo: amba na yakohmi puta a habaklo li ka yvmmak osh kva hoh cho? achi tok. Mihmvt yvmmak ash pisa bvna tok.

10. Mihma vbanumpeshi vhleha hash ot falamvt ai ona mvt, nana ai yvmihchi tuk vt mominchit okla im anoli tok. Mihma yvmmak ash ot pehlinchit il a lumvt, naksika tmaha hohchifo Betsaita ai i bilika yakni haiaka yo ia tok.

11. Mihma okla hvt akostininchi mvt, yvmmak ash o pit iakaiya tok; mihma yvmmak ash ot im aiokpahanchit, Chihowa apehlichika isht im anumpohonlit, yvmmak okvt hlakofi bvna hokvno hlakofihinechi tok.

12. Atuk o nitak ash ot ont shohbit mahaya ma, auah-tuklo kash ot ai vlv, Yakni haiaka yo il aiasha hoka, okla laua ya ish in tohno na ilhkolit tmaha puta, micha a kocha chuka hiohli yakni suet a bilika fullota aiena ka ont a nusit, ilhpak ma ahayuchit mayashke, im achi tok.

13. Yohmi kia yvmmak ash ot, Impa oh ipeta, im achi tok. Yohmi ma, Pvska tahlapi, mikmvt nvni tuklo aiena misha keyu hosh pin chiyvshke; kanima yo ivt okla moma ilvppa ilhpak a kil in chumpo hokmvt, okla achi tok.

14. Yohmi ka hatak vt tahlepa sipokni tahlapi foka ha tok. Yohmi ma nan im ai ithvna vhleha hash o, Pokoli tahlapi aiyyukt ia ho ho binohlich, im achi tok.

15. Yohmi ma yvmihchit, mominchit okla binohlichit tok.

16. Yohmi ma yvmmak ash ot pvska tahlapi, micha nvni tuklo aiena kash o ishi cha, pit vba chakalit aiokpvchi cha, tushahlichit mvt, okla laua ya in talohla chi ho, nan im ai ithvna vhleha hash pit ima tok.

17. Mihma okla impvt momvt kaiya tok ; mihma okla im atampa tuk a, boshulli yvt kishi auah-tuklo hō okla aiowa tok.

18. Atuk o yakohmi tok : nan im ai ithvna vhleha ak illa hosh apiha hō antvt, vba pit anumpuli tok : atuk osh yvm-mak ash o i ponaklot, Okla huto vno vt kvta sia hō achi hō ? achi tok.

19. Yohmi ma afalaminchi mvt, Chan Baptist ; amba kanimi kvto, Elias ak o achi : mikma inlaka yvto, Hopaii vhleha tikba ya tok ak osh achvvt falamvt tani hoke, okla achishke, achi tok.

20. Amba, Hvchishno vto vno vt kvta sia hō hvsh achi hō ? im achi ma, Pita yvt afalaminchit, Chihowa i Klaist á, achi tok.

21. Yohmi ma yvmma hatak nana kia okla ik im anolo ka chī ka, achukmalit kvloochit i miha mvt,

22. Hatak Ushi yokvt nan isht ai ilbvsha kv in laua chi, yohmikmvt hochitoka vhleha, micha na holitompa isht asha pehlichī vhleha, mikmvt na holissochi puta aiena mvt ik i yimmot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kv, Kvna hosh siakai-ya he, ahni hok mvt, ilapo yvt ik ile holitoblo hosh nitak moma ka im iti-taiyukhvna atuk ma ieshi hosh, vno a siakai-yashke.

24. Kvna kia ilap im ilhfiopak a okchalinchī bvna hokmvt, i kvnia hi oka ; amba kvna hosh vno pulla hatuk mak o im ilhfiopak vt isht i kvnia hokmvt, mihi yosh il im okchalinchī hi oke.

25. Hatak vt yakni a il a mominchit ieshi hosh, anonti ilapo fehna yash il okpvnichit il issikkopalit kaiyanchi hokmvt, nanta hō isht ilaiyukpa hinla cho ?

26. Kvna hosh vno, micha vm anumpa puta aiena ka i hofahya tukma, mihi yō Hatak Ushi vt ilapo, mikmvt Iki, micha enchil hochukma vhleha a puta nan-isht aholitopa ka il aieshit ayvt vlakmvt, i hofahya hi oke.

27. Yohmi kia Chihowa apehlichika ya pisa ha keyuk

mvt, illa chi keyu kvv ilvppa kanimi mvt hiohmaya hoke :
ahli mak o hvchim anoli lishke, achi tok.

28. Ilvppa puta ka ahanchi tuk ash nitak ont isht untu-
china foka ma, Pita, micha Chan, mikmvt Chemis aiena ka
pehlichy cha, nvniy chaha yo vba pit anumpula chi hosh ia
tok.

29. Atuk osh vba pit anumpuli ma, nashuka yvt inlv
toba ma, i na-fohka yvt tohbit shohmalili tok.

30. Yohmi ma hatak tuklo kvv, yvmvvt Moses, micha
Elias ita-tuklo mak osh yvmmak ash ant im anumpulit okla
tok.

31. Yvmmak okvt nan-isht a holitopa ahli ka il aieshi
hosh ant otaiyanit okla cha, yvmmak okvt Chelusalem a ai
illa hi a, isht anumpohonlit okla tok.

32. Yohmi kia Pita, micha inlaka aiena yvma apehvt
aya tuk ash ot nosilhha fehna tok : atuk osh okla ont okchvt
taha mvt, isht-a holitopaka yash, micha hatak tuklo kvv
apehvt hielv tuk ash aiena ka okla pisa tok.

33. Atuk o yakohmi tok ; yvmmak ash ot ai i filvmmv
tamvvt okla ma, Pita yash osh Chisvs ash, Pi shahli ma !
ilvppa e maya kvv pim achukmvshke : yohmi ka vltipo
tuchina ka il ikbashke, achvfa kvv chimmi hokma, anonti
achvfvv Moses ak o immi hokma, anonti achvfa kvv Elias
ak o immi hashke, achi tok : yvmmak o miha li, ahni keyu
hosh :

34. Yvmmak ash ot yakohmichit anumpohonli moma na
hoshonti aya kvv, ant o hoshontikachi tok ; yohmi ma ho-
shonti anukaka ya pit chukovvt ia kvv, okla nukshopa tok.

35. Yohmi ma hoshonti anukaka ya auct ai anumpa kvv,
Ilvppak osh Svso a holitopa mak oke, hvsh i haponaklashe,
achi tok.

36. Atuk o anumpa hash ot ont taha ma, Chisvs ak illa
hosh hikia na okla pisa tok. Yvmohmi ma nana yakohmi
kash okla nana ik achot, nana ho pisa tuk vt achvfonvchi
mvt hatak nana kia nitak yvma foka ka ik im anolo beka tok.

37. Atuk o yakohmi tok : ont onna ma nvniy hash okla
asht akovvt minti ma, okla lawa kvv ont afama tok.

38. Yohmi ma okla hā takla gya tuk vt hatak achufvt chitolit mihvt, Nan-ithvnanchi ma! svso hā ish pisakbano chim ahni lishke, vm vlla yvt yummak bano hatuk oke.

39. Yohmi hō shilombish okpulo yvt ishikma, ashalika tahpahanla hoke; mikmvt haiochichechit itukpokpokihinchi beka hoke: yohmi kvt kaniohmit i filvmma he keyu chohmit, haknip litolit hotopahanlishke.

40. Yohmi hō na chim ai ithvna vhleha bak o yvmma kohchicha hinla ka, im asilhha li tuk ak o, okla yvmihcha he keyu ketuk oke, achi tok.

41. Mihma Chisvs ash ot afalaminchi mvt, Na yimmi iksho, micha nan-ahli ai i shanaia fehna okla hvchia ma! hvch iba takla ahantvt, nana ka isht ak ahno hō katiohmi foka chī cho? Chiso hā ilvppa ishit minti.

42. Mihma ishit minti hosh gya ma, nan-isht-ahullo okpulo yash ot aka pila cha, haiochichechi tok. Mihma Chisvs vt nan-isht ahullo okpulo yash im alvmmi cha, vlla yash hla-kofichit, iki ibbak ash falaminchit fohki tok.

43. Yohmi ma Chihowa nan isht im aighli chinto fehna ka momvt okla isht nukhlakancha tok. Yohmi kvt nana ka Chisvs vt ai yvmihchi tuk puta kash momvt, okokko! okla aiahnit maya takla ma, yummak ash osh ilap nan im ai ithvna vhleha hash,

44. Anumpa ilvppa puta kvt hvchi haksobish atuk ma ik a fohoká, hvsh ahnashke; Hatak Ushi yokvt hatak puta ibbak a i foyuka hi oke.

45. Yohmi kia anumpa ilvppa okla ik akostinincho ki tok: mihma na miha kash ik im ai otano; yohmi hoka yummak ash okla ik ai ithaiyano ki tok: mihmvt anumpa yummak ash im asilhvhchi okla nukwia tok.

46. Yohmi ma, Katima kak osh holitopa kvt moma i shahla hinla hoh chishba? ahnit okla isht im ai anukfilvt maya tok.

47. Mihma okla chukvsh nan im anukfila hā Chisvs vt im akostininchi mvt, vlla yō ishit, il a bilikvchit binilichi tok.

48. Mihmvt, Kvna hosh vlla ilvppa vmmi hohchifo hō ahninchi hokvto, vno ak o si ahninchi hoke: mikmvt kvna

hosh vno q si ahninchí hokmvt, yvmmv́t auct sa kanchi tok ma pit ahninchí hoke: kanima hosh moma ik a lauwo kv́t hvchi takla ahanta hokvto, mihi yosh moma i shahla hi oke, im achi tok.

49. Mihma Chan vt afalaminchi mv́t, Pi shahli ma! achvfa hosh chí hohchifo hq nan-isht-ahullo okpulo puta ka ishit kocha weli hosh anta hq e pisa tuk: yohmi kia yvm-mak okvt ik piba fohko hatuk o, il im alvmmi kano, achi tok.

50. Mihma Chisvs ash ot, Hvch ik im alammo kashke: kvna hosh pi sanalit anta keyu hokvto, pibai achvfa hoke.

51. Atuk o yakohmi tok: yvmmak ash o aiokpanchit vba ya isht ia chí nitak vt ont vlpiesa hatuk o, Chelusalem q ia chí kv́t ai anukfoyukvt nashuka ya pit filimmi tok.

52. Mihmv́t nan ont im atahla chí ho, anumpa shali vhle-ha hq tikba pit tihleli tok: yohmi na okla ivt Samalitan okla in tumahushi o ont chukowa tok.

53. Yohmi ma yvmmak okvt Chelusalem q ia hq fehna nashuka yatuk o, okla ik aiokpacho ki tok.

54. Yohmi na nan im ai ithvna Chemis, micha Chan ita tuklo kv́t yakomi ka pisa mv́t, Chitokaka ma! Elias vt yvmibchi tok akinli hq chohmichit, pishno mv́t luak vba minti kv́t aka itula cha, okla ilvppa hushmit tahla chí ka il im apesa hinla ka, ish ahni cho? achi tok.

55. Mihma yvmmak ash ot filemv́t im alvmmi mv́t, Hvchi chukvsh ai im anukfila a kaniohmi hosh hvsh aya kv́t hvch ik ithanoshke.

56. Hatak Ushi vt hatak puta ka vba chí hosh aya ha tok keyu, amba okchalíncha chí ha tok oke, achi tok. Mihma ilhkolit tumahushi inla yo ona tok.

57. Atuk o yakohmi tok; ia hosh okla itvnova ma, takla ya hatak achvfv́t, Chitokaka ma! kanimak fehna chik aya kia, vno vt chiakaiya la chí hoke, im achi tok.

58. Mihma Chisvs ash ot, Chula puta kv́t chiluk vt im ai ashakma, vba hushi puta kv́t vlpichik vt im asha hoke: amba Hatak Ushi okvto noshkobo hq kanima a bohla hi vt ik im iiksho hoke, im achi tok.

59. Mihmv́t inla yo, Js siakaiyashke, im achi tok. Yoh-

mi kia yvmmak ash ot, Chitokaka ma! vhpesa, vm ahni na ivt, aki ak o tikba ont ak hohpi ha yosh; im achi tok.

60. Mihma Chisvs ash ot, Illi ak osh ilap bika illi yokvno hohpashke: amba chishno vto ivt, Chihowa ap ehlichika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpvchi la hi a, is svm ahnashke, achi tok.

62. Mihma Chisvs ash ot, Hatak nana kia yakni isht patafa ya ibbak a isht ishi ha yvt, olbulaka a pit hopokoyo kv, Chihowa ap ehlichika ya ahalaia he vhpesa keyu hoke, achi tok.

CHAPTA X.

Chisvs vt nan im ai ithvna vhleha pokoli untuklochit vbanumpa isht anumpula chi, micha nana kv a fehna kia yvmihchi puta hosh im ai vhpesa hatuk vt otvnicha chi mak o a tohno, 1: 17 kaniohmi kak o okla na yukpa he isht ai vhpesa hatuk a, Chisvs vt im anoli; 25 Chisvs vt nan-vhpisa ithvnanchi hatuk a vba yakni hina ya isht it im anumpuli: yohmi hosh hatak achukma Samalitan vt kaniohmi tok nan-isht vhpisa yvmmak o, ilapvt in chuka panta hatak puta ka isht ithana he mak o isht im anumpuli.

1. NANA kv a yakohmi ha ya, Chitokaka yvt inla yosh pokoli untuklo ho atokoli akinli cha, tuklo aiyukachit tvmaha puta, mikmvt kanima yo ilapo vt ai ona hinla kv, tikbanli pit tihleli tok.

2. Yvmohmi hatuk osh na-way a yvt ai-vlmo-ona hokvto laua mvhli ho, amba na-toksvli vhleha hak osh chvbehasishke: yohmi hoka na-way a yvt ai-vlmo-ona ka in Chitokaka ya hvsh im asilhahanchi na na-toksvli vhleha ha i na-way a yvt ai-vlmo-ona ka pit apittashke.

3. Hvsh itvnowashke: yakeh! chukfvlhpoba ushi yosh nashobo ai itintakla maya ho, ohmichi mak osh pit hvchi tihleli li hoke.

4. Tvli holisso ai-vlhto, micha bahta, mikmvt shulush •

aiena ka isht hvch ik ayo kashke: micha hina takla ya hatak nana kia hvch ik aiokpacho kashke.

5. Mikmvt chuka nana hō ont hvsh chukowa kv̄t nan tikba, Na-nanaiya kv̄t chuka ilvppa ant iba fokashke, ahnit hvsh mihashke;

6. Mikma na-nanaiya ushi vt yv̄mma anta tukma, nan-isht hvsh il a nanaiya mvt ai onvtuyulashke: amba keyukm̄vno, nan-isht hvsh il a nanaiya yvt hvchī falama hi oke.

7. Mikmvt chuka yv̄mmak ash inli hō ahāshwvt, peh nana hoh kia hvch ipetakma, v̄pvt hvsh ishkashke: toksvli vt im vlhtoba he ak osh im ai vlhpesa hoka. Chuka vbaiyv̄chit hvch ik itvnowo kashke.

8. Mikmvt tv̄maha nana hō ont hvsh chukowa ka, okla hvchi aiokp̄v̄chikma, impa nana hosh hvchi tikba talaia hokma, hvsh pashke.

9. Yohmikmvt abeka yvt yv̄mma āshakma, ho hlakofichī: yohmikmvt Chihowa apēhlichika yvt hvch i bilika vl̄vshke, hvsh im achashke.

10. Amba tv̄maha nana hō ont hvsh chukowā na ik hvchi aiokpachokma, yv̄mmak āsh a kohchvt ivt, hina bv̄sh hvchi puta ka hvsh ona cha,

11. Hvchin tv̄maha i hituk tohbi vt pi a lapali tuk ā, hvchi o kashofit e kanchishke: yohmi kia Chihowa apēhlichika yato hvch i bilika vla hoka, hvsh ithaiyanashke, hvsh im achashke.

12. Yohmi kia nitak yv̄mma fehnakma Sotom vt im ahleka hoh kia pit im vl̄hpisa kv̄t, tv̄maha yv̄mma i shahla hi oke.

13. Kolasin ma! na chī palv̄mmi mak oke; Betsaita ma! na chī palv̄mmi mak oke; na-fehna puta kv̄t hvchishno ya a hvchim a yvmohmi tuk vt Taia, micha Saiton ita-tuklo ka a yvmohmi ha tok okma, hopaki kash inli hō na-pāshi tv̄nna fohka cha, hituk chubbi anūka binoh-mayvt ile kostinincha hi a tok oke.

14. Yohmi kia nan ai-vl̄hpisa chinto nitak okvno Taia, micha Saiton ita-tuklo kv̄t im ahleka hoh kia pit im vl̄hpisa kv̄t, hvchishno ā i shahla hi oke.

15. Yohmikma Kapenavm chia hvt shutik ak o ont ish talala tuk vt, aka ivt ai-okpuloka mak o pit ish a kvnia hi oke.

16. Mikma kvna hosh hvchi haponaklokmvt, vno a a haponaklo hoke : mikma kvna hosh hvchishno a hvchi shitilemakmvt, vno a sa shitilema hoke : mikmvt vno a sa shitilemakmvt, auet sa kanchi tok a shitilema hoke.

17. Yvmohmi tuk o pokoli untuklo kash osh na yukpa hosh falamvt ai vla mvt, Chitokaka. ma ! chi hohchifo pulla kak o nan-isht-ahullo okpulo puta kak kia pim antihyvshke, achi tok.

18. Mihma yvmmak ash ot, Setan vt malvtha kvv vba vttvt aka minti chatuk a, chiyuhmi ho pisa li kvno.

19. Yakeh ! sinti chilita puta, mikmvt halambia puta aiena ka hvsh a hvhlihinchu : micha na tvnvp nan-isht ai im ahli ka ma mominchit a hvsh imaiya chi mak o nan isht aiahlika ya hvch ima lishke : yohmi ka nana hosh a kaniohmit hvchi hotopala hi vt iksho ka hi oke.

20. Yohmi kia shilombish okpulo puta kvv hvchim antia ilvppak okvno nan ik hvchi yukpo kashke ; amba hvchi hohchifo puta kvv vba ya a holisso, yvmmak o na hvchi yukpa vlhpesa hoke, im achi tok.

21. Hvshi kanvlli vlhpisa yvmma fehna ma Chisus vt chvkvsh na yukpa mvt, Aki, vba, mikmvt yakni ita-tuklo in Chitokaka ma ! na yakohmi puta ka na kostini, micha nan-ithvna aiena kvno ish in luhmi tuk osh, vloqi puta ho ish im otvninchu hoka, yak oke, chim aiahni lishke, vlhpiesvshke, Aki ma ! yvmmak osh chim vlhpiesa hatuk oka :

22. Nan okluha ka Aki vt svbbak a a fohkishke ; yohmi ka kvna hosh Ushi yoka hatak nana kia ik ithano ho, amba Iki vt ak illa hoke : mikmvt kvna hosh Iki yoka kvna kia ik ithano ho, amba Ushi vt ak illa ; micha Ushi vt kvna ho im otvninchu mak bano hoke, achi tok.

23. Yohmi mvt nan im ai ithvna vhleha a hieli ka pit filema mvt, yvmmak ash bano ho, Nishkin vt hvchishno nana hvsh pisa ka pisa kvto na yukpvshke.

24. Hopaii vhleha, micha miko vhleha aiena kvv laus hosh

huchishno nana hvsh pihisa ka pisa bvnna tuk osh, ik peso ki tok: micha huchishno nana hvsh habaklo ka haklo bvnna tuk osh, ik haklo ki tok o, hvchim anoli lishke, achi tok.

25. Yohmi ma yakeh! nan-vlhpisa ithvnanchi achvfa hosh wakayvt hikia mvt, imomaka pisa bvnvt, Nan-ithvnanchi ma! ai okchayvt bilia ya pisa la hi okvto, nanta ho katiohmi la chi cho? achi tok.

26. Mihma yvmmak ash ot, Nan-vlhpisa holisso ha katiohmit a holisso ho? katiohmi ho ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchi hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta hatak ma ish holitobli kv, chishno akinli chim itilauashke, im achi tok.

28. Mihma yvmmak ash ot, Ulhpesa, ish miha mvhlishe: ilvppak o ish yvmihchashke: yohmi hokmak osh ohi okchaya hi oke, im achi tok.

29. Yohmi kia yvmmak ash ot il ai achukmali bvnna kv, Chisvs ash, Yohmi ka kvta hak osh an chuka panta hatak o? im achi tok.

30. Mihma Chisvs ash ot afalaminchi mvt, Hatak achvft Chelusalem vttvt Cheliko ia tuk osh, hatak hukopa vhleha ont iba chukowa na i nafohka ya im apoyua cha, isskkopalit boyubli na illa hosit itonla ho, issvt ilh-koli tok.

31. Atuk o yakohmi tok; na-holitompa isht vta yosh hina yvma minta he mak yoba tuk osh, yvmmak ash ant pisa mvt, apakfompvt hina in tvnnvp o ant ia tok.

32. Mihma Lefait hatak ak kia yvmmak ash vlt ant pisa kia, yvmmak ash inli ho apakfompvt hina in tvnnvp o ant ia tok.

33. Amba Samalitan hatak osh nowvt aya tuk osh, yvm-mvt ai itola kash, vlt pisa mvt, i nukhaklo tok.

34. Mihmvt ai-itola kash vha cha, ai okpualo tuk a-na-

bila, micha okapaki aiena ka isht ahvmmmit, afohlit in tahli cha, ilap im issuba hatuk ash o binilichit isht ayvt, a-foha chuka yo isht ona cha, apesvchi tok.

35. Atuk osh ont onna ma ia chi mvt, iskvli tuklo ka ishit kohchit, afoha chuka apesvchi yash ima mvt, Ilvppa ish apistikelashke: micha atampa kvv kaniohmi hosh chi kvnia tuk mak heno, falamvt aya likmvt, chim atobbi lashke; im achi tok.

36. Yvmohmi ka tuchina ilvppa katima kak osh hatak hukopa vhleha ont im isht kanvpa tuk a in chuka panta hatak a tok o, chim ahoba cho? achi tok.

37. Mihma yvmmak ash ot, I nukhaklo tok á, achi tok. Mihma Chisvs ash ot, Ia cha, chishno mvt yvmmak inli ho ish chohminchashke, im achi tok.

38. Atuk osh yakohmi tok; ia hosh okla itvnowvt aya ma, yvmmak ash ot vmahushi achvfa ho pit chukowa tok: mihma ohoyo achvfa, Mahla hohchifo hosh, aiokpvchit im aboha ya isht chukowa tok.

39. Mihma yvmma itibapishi hvv Meli hohchifo hosh anta tuk osh, yvmmak ash kia Chisvs iyi ituma ya binilit, im anumpa ha haklo tok.

40. Amba Mahla vto nan-isht vttá in lauvv isht ik im ai vlvpieso mvt, yvmmak ash o im ai vlvv, Chitokaka ma! sa nakfish vt si apela hi a ik ahno ho, vno ak bano hosh nan-isht anta li ka, nan isht chik ahno cho? yohmi hoka nan isht ik svbai vttá, ish i mihashke, ant im achi tok.

41. Mihma Chisvs ash ot afalaminchi mvt, Mahla ma! Mahla ma! nana ka ahalaivt im anukfila isht ik chim vlvpieso kvv chin lauvshke.

42. Yohmi kia nana ai vlvpiesa hokvto achvfa hoke; yohmi ka ai im ai isha he keyu nana achukma mih mak o Meli yokvto ai apissali tuk oke, im achi tok.

CHAPTER XL

Chisvs vt nan im ai itvna vhleha ha vba pit anumpuli im avvchi, 1;
14 nan-isht ahullo okpulo kohchichi: 26 mikmvt kvna hosh Chibo-

wa im anumpa hā im antia hokvto holitopa ka anoli; 87 Falisi okla nana ka ilahobi, yvmmak oka nana palvmmi onvtula he puta ka atokowa anoli.

1. ATUK o yakohmi tok: a kaniohmi hō antvt vba pit anumpuli tuk osh ont issa ma, nan im ai ithvna vhleha hā achvft, Chitekaka ma! Chan vt nan im ai ithvna vhleha hā im avuchi tok a, chohmit pishno ma vba pit anumpuli ka, ish pim avchashke, im achi tok.

2. Mihma yvmmak ash ot, Uba pit hvsh anumpulikmvt, Piki vba ish binili ma! Chi hōhchifo hvt holitopashke. Ish apeblichika yvt vlashke. Nana ish aiahni ka vba ya a yohmi kvt yakni ilvppak ma a yohmi makinlashke.

3. Nitak mōma ilhpak vt a pim vlhpiesa mak o nitak osh nitak ma ish pihimashke.

4. Mikmvt il ai-ashvchika puta ka ish pi kashofashke: pishno mvt kvna kia aheka pin takalikma, il i kashofi bano hoke: micha anukpulika imma hokvno ik iba chukowā, chik pim ahno kashke; amba nanokpulo ya ish pi a hlakofihin-chashke, hvsh achashke, im achi tok.

5, 6. Mihmvt yvmmak ash ot, Hvsh katima kak osh chi kana hvt asha tuk osh, ninak iklvnna hō ayvt ish onvt, A kana hvt nowvt aya tuk osh vm vla hō, nana kia itikba ma talali la hi vt ik svm iksho hoka, pvska tuchina ka is sam potashke, a kana ma! ish im achi;

7. Yohmikma aboha anukaka ya auet ai afalaminchi kvt, Chik svm ahchibalo kia, himak ano okhissa vt vlhkama hō, vm vlla vt si apihvt topa hā kahvt maya ka, tani lish chima la he keyushke, auet chim achi;

8. Yohmi tuk kia i kana hatuk ak osh tani cha, ipeta he tuk keyu kia, amba yvmmak ash osh im ahchibuchi fehna kak o tani cha, laua kvt kaniohmi hō bvnnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh hoyokmvt, hvsh ahayucha he: hvsh sokohakma, hvchin tiwa hi oke.

10. Asilhha aiyuka hokvto habena hoke; mikma kvna

hosh hoyo hokvto, ahayuchi hoke: micha kvna hosh soko-hakma, in tiwa pulla hi oke, hvchim achi lishke.

11. Hvsh kanima kvt iki atuk o, ushi vt pvska im asilhhakma, yvmmak ash tvli yo ima hinla? keyukmtv nvti yo asilhhakma, nvti a he tuk ash sinti yo ima hinla ho?

12. Yvmmak keyukmtv, akak-ushi lobunchi yo asilhhakma, halambia ho ima hinla ho?

13. Yvmohmi ka hvchishno vt hvchi ai vlhpesa keyu kia, hvchim vlla ya nana achukma puta ka isht ima hokvto hvchimponna ka, hvch Iki vba binili kvv i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

14. Mihma yvmmak ash ot ik anumpulo yo nan-isht ahullo okpulo ya a kohchit anta tok. Atuk o yakohmi tok: nan-isht ahullo okpulo vt a kohcha mvno, ik anumpulo ash ot anumpuli tok; mihma okla hvv anukhlakancha tok.

15. Yohmi kia kanimi kvto, Ilvppvt nan-isht ahullo okpulo puta i miko Beelsebvb ak o nan-isht ahullo okpulo puta ka isht kocha weli hoke, achi tok.

16. Mihma inlaka mvto imomaka pisa kvv, nan-isht-atokova kvv vba a minta hi a im a hoyo tok.

17. Yohmi kia yvmmak okvt nana im anukfila puta ka ithana hatuk osh, Apehlichika achvfa kvv it a kashapvt ilapo ash inli it im i sanali hokvt, ont aiokpulokvt taha hoke: mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inlit il im i sanali hokmtv, im apehlichika yvt katiohmi hosh talaia hinla cho? vno vt Beelsebvb ak o nan-isht ahullo okpulo puta ka isht kocha weli li ho hvsh miha hoka,

19. Yohmi ka vno vt Beelsebvb ak o nan-isht ahullo okpulo puta ka isht kocha weli li hokma, hvch iso vhleha hvto kvta hak o yvma isht kocha weli cho? Yohmi hoka yvmmak osh na hvchim apesa yashke.

20. Amba vno vt Chihova ibbak-ushi o nan isht ahullo

okpulo puta ka isht kocha wihinli li hokma, yohmi hok-mono, Chihowa apelihika yvt hvchina vla mak oke.

21. Hatak hlampko yosh na-halupa ai im vlhtaiyaha hosh in chuka apesvchi hokvno, nana kvv ai yubaka hoke.

22. Amba kullo kvv ilapo a i shahli hosh ant i kohohvt, imaiyachi hokmak osh, i na-halupa ai anukchieto tuk ash mominchit im ai eshi cha, nana immi hatuk ash inla im it a kvshkoli chatuk oke.

23. Kvna hosh vno a svb ai achvfa keyu kvv vm i sanali hoke: mikma kvna hosh svba hoyo keyu hokvto na fimmi yoke.

24. Shilombish okpulo yvt hatak a kohchakmvt, a foha he hoyot haiaka oka ik ai iksho puta ka hlopullit aya kia ik ahayucho mvt, An chuka ai vttvt kohchvt a minti li kash osh salamvt ia lashke, achi hoke.

25. Atuk osh onakmvt, yvmmak ash ot pashpovt shemvt taiyaha cha hikia ho, ont pisa hoke.

26. Yohmikmvt shilombish okpulo untuklo inla yvt okpulo kvv ilapo a i shahli ho ont pehlichit vla na, yvmmak ash okla pit abeha cha, aiasha hoke; yohmikma hatak yvmma nana kvv ont ai-isht im ai yopa kak osh ik achukmo kvv vmmona tuk ash i shahli hoke, im achi tok.

27. Atuk o yakohmi tok; ilvppa anumpohonli moma ho, ohoyo achvfvv okla takla hikia tuk vt chitoli hosh mihvt, Ikfoka yvt yvmmak osh chisht aya tuk, mikma i pishi ma ish a pihishi tuk a aiena kvto holitovshke, im achi tok.

28. Yohmi kia yvmmak ash ot, Ahli, na-yukpa aighli kvto Chihowa im anumpa ha haklo cha, im antia hak oke, achi tok.

29. Atuk o okla hvv itahobvt ant a laua fehvt taha ma, Hatak himonasi gsha ilvppvt ai vlhpesa keyushke; nan-isht atokowa okla hoyo; yohmi kia nan-isht atokowa nana hosh in takala he keyu, amba hopaii Chonas nan-isht im atokowa kak a hi oke.

30. Chonas vt Ninefeh okla ha isht ai im atokowa tok a, Hatak Ushi mvt hatak himonasi gsha ilvppa ai in chiyuhmi makinla hi oke.

31. Nana vlhpisa chinto nitak okvno oka-mahli ohoyo miko vt hatak himonasi asha ilvppa awant hikia cha, atokowvt anumpa onocha hi oke; yummak okvto yakni ont ai vhli pilla vttvt minti kv̄t, Solomon isht im a hopoyuksaka ya haklot aya tok okvt; atuk o yakeh! Solomon a imaiya mak osh ilvppa ahantvshke.

32. Nana vlhpisa chinto nitak okvno Ninefeh okla hvt hatak vt himonasi asha ilvppa iba takla wakayvt hiohmayvt, atokowvt anumpa onocha hi oke; yummak okvto Chonas vt vbanumpa ont isht im anumpohonli ma, ile kostininchi tok okvt; atuk o yakeh! Chonas a imaiya mak osh ilvppa ahan-tvshke.

33. Hatak nana ak osh pva ha pvali kv̄t a lumaka ho talali chatuk keyu, keyukmvt tanchi isht-vlhpisa nutaka yo talali chatuk keyu, amba kv̄na hoh kia ant chukowakmvt tohwikeli ka pisa chi ka, pva ai-o hikia ak o o hilechi chatuk.

34. Haknip a i pva hvt nishkin ak oke: yohmi hoka chi nishkin vt achukmakma, chi haknip ak kia momvt tohwikelit alota hoke; amba chi nishkin vt okpulo yokmvno, chi haknip ak kia ai okhlilikvt kv̄nia hoke.

35. Yohmi ka ahah! ish aiahni na na tohwikeli kv̄t a chi foyuka yummvt ik okhlilo kashke.

36. Yvmohmi ka chi haknip vt im a kanima kv̄t ai okhli-lik iiksho hosh tohwikeli banot alotowa hokma, moma kv̄t tohwikelit alotowa kv̄t, pva lua achukma kv̄t chim a tohwi-kelichi chatuk a achiyuhma hinla hoke, achi tok.

37. Yvmohmit anumpohonli moma na Falisi achvvt, yummak ash ot ont ibai impa hinla ka im ahni tok: mihma ont chukowa cha, impa chi hosh binili tok.

38. Yohmi ma Falisi ash ot pisa mvt, ik impo kisha kv̄t ibbak ik ahchifo ke tuk a, okokko! aiahni tok.

39. Mihma Chitokaka ash osh, Falisi hvchia hvt isht-ishko micha ampo aiena ka paknaka yokvno hvsh kashofishke: amba hvchi anukaka yvto na wehpuli, micha nan ik ai vlh-peso banot isht hvchi alotovvshke.

40. Nan anukfila iiksho hvchia ma! nana ka paknaka ya ikbi mvt, anukaka yak kia ikbi akinli tok keyu cho?

41. Amba yohmi kia nana hvchim gsha kvv hvsh habenv-chashke: yohmikma yakeh! nana puta kvv a hvchim vlv-pesa bano hoke,

42. Amba Falisi hvchia ma! na hvchi palvmmi mak oke, mint, michalu, mikmvt haiyukpolo ilaiyuka puta waya it a kashkoa ont isht pokoli kak osh hvchi kvnia, mikmvt nana ai-vlhpiesa ka, micha Chihowa holitobli aiena hokvno hvsh vbanvbli hoka: ilvppak o a hvchi yvmohmi ha yosh, anonti yvmmak ma hvch ik a haksecho ka hetuk oke.

43. Falisi hvchia ma! na hvchi palvmmi mak oke, sinakak puta anukaka aiasha holitopa puta, mikmvt ilbpak a kanchi ai it aiokpvchi aiena kak o hvchim ai achukma hoka.

44. Na-holissochi vhleha, micha Falisi okla aiena nan-ilahobi hvchia ma! na hvchi palvmmi mak oke; a-hollopi vt otani keyu ho, hatak vt a nowvt vbanopoli kia, yvmvvt ik akostinincho chatuk a hvch itilauv hoka, im achi tok.

45. Mihma nan-vlhpisa ithvnanchi vhleha hvv achvfv afalaminchit, Nan-ithvnanchi ma! ilvppa yak ish achi kvv pishno a aieninchit nan isht chik pi ahobaloshke.

46. Mihma yvmmak ash ot, Nan-vlhpisa ithvnanchi hvchia ma! hvchishno ak kia na hvchi palvmmi mak oke; nana weki shali ka palvmma hinla ho hatak a hvsh shalibinchi mvt, hvchishno yak okvto nana weki ash hvch ibbak ushi achvfvona kia ishit hvch ik potolo hoka.

47. Na hvchi palvmmi mak oke: hopaii puta ka hvchin tikba vhleha hvv vbi tok a i sepulka yo hvsh ihikbi hoka.

48. Hvchin tikba vhleha hvv yvmmak oka ahambi mvhli ma, hvchishno vt i sepulka puta ma hvsh ihikbi kvv, hvchin tikba vhleha hvv nana a kaniohmi tok a hvsh im ahninchit kvv isht atokowa mak o hvsh ieshi mvhlishe.

49. Yvmohmi ka Chihowa i hopoyuksaka yak kia yak achi tok. Hopaii vhleha, micha vbanumpeshi vhleha aiena ka pit in tihlihinli likma, kanima ka vbikmvt, anonti issikko-pali aiena he;

50. Yohmi na yakni vt toba tok taiyakla ka hopaii vhleha im issish vt hlatahampa tok moyuma ka, himonasi hatak abashwa ilvppak o im a hoyu hi oke.

51. Ebel g im issish a tok g ai vhlit mihintit Sakalaiaa al t a m i c h a t e m p e l i t i n t a k l a a i v b i t o k i s s i s h a k o a n t a i v h l i y u m m a k o h i m o n a s i h a t a k a i a s h a i l u p p a k o i m a h o y a h e m a k o k e , a i a h l i m a k o h v c h i m i h a l i s h k e .

52. Nan-vlhpisa ithvnanchi hvchia ma ! na hvchi palvmmi mak oke ; nan-ai-ithvna isht tiwa ya ishit hvsh kanchi hoka : hvchishno ak kia pit hvch ik chukowokmvt, inla yvt pit abeha he tuk g hvsh ataklahgmishke, achi tok.

53. Ilvppa puta ka isht im ahanchi moma na na holissochi vhleha micha Falisi vhleha aiena kvt a tushpalechit, yummvt nana ilaiyuka miha he tuk, okla achibvchi ho fehna mvt,

54. Nana kia itakha a kohchvt miha na haklot nan-vlhpisa isht onocha he bvna hosh okla im aiechi tok.

CHAPTA XII.

Chisvs vt nan-im ai ithvna vhleha ha nana ka peh ilahoba he imma hokvno ahah ! okla ahna chi ka i miha, 1 ; 13 yohmi mvt nan im ai ithvna vhleha hv chukvsh g nan ilaiyuka isht ik asitio ka chi ka, hatak nan in laua yosh nana ai isht ilaiyukvvt ahanta tuk o, nan illi hv ashajika a mokosit ishi tok, nan isht vlhpisa ha isht im anumpuli. 22 Chisvs vt nan im ai ithvna vhleha ha yakni paknaka nana a kaniohmi puta hokvno chukvsh isht ik anushkunno ka hi g i miha ; 31 micha hatak shilombish okchaya he ak o na tikba anuk-fihinli ; 36 yohmikmvt Chitokaka yvt aya hi g, tikbanli im vltaha he puta ka isht im anumpuli. 54 Chisvs vt okla ha, ilap ak osh Klaist mak atuk g ik akostinincho ka, nan isht i miha ; yohmi mvt Chihowa ha itj nanaiya pulla hi g i miha.

1. YUMOHMI ai itin takla ma, okla laua kvt atampa fehna hosh itvnaha, yumohmi cha ilap bika okla it i hvlihin-chi ma, yummak ash ot nan im ai ithvna vhleha hash, Falisi vhleha i puska isht shatvmmi, yummvt nan-ilahobi yak oka, ik kaniohmi kia ahah ! hvsh aiahnashke.

2. Nana kvt ompoholmo tuk vt ik wakamo ka he, mikma nana kvt luma tuk vt ik otaiyano ka he aiena kvt ikaho ka hi oke.

3. Yvmohmi hoka nana hō aiokhlilika yā hvsh ai anūmpohonli tuk ma, a tohwikeli yō a hakla he; mikmvt hakso-bish ont tikelichit abohushi anukaka yō hvsh ai anūmpohonli tok ma, aboha paknaka puta ma ai annoa hi oke.

4. Yohmi ka a kana hvchia ma! Haknip a vbi kia, himmakma nana hō a kaniohma he mvt ik im iksho yvmmak okvno hvch ik i nukshopo kashke, hvchim achi lishke.

5. Amba kvna hō hvsh i nukshopa he okvno hvchim anoli lashke; Illichi ha mvt, ai-okpuloka yā pit kancha hi vt im vlhpiesa yvmmak o hvsh i nukshopashke; ahli, Yvmmak o hvsh i nukshohompashke, hvchim achi lishke.

6. Hushi chipunta tahlapi kv t sint tuchina hō ai vlbi chatuk keyu? Yohmi kv yvmmak okvt achvfona kia Chihowa itikba yā ai a haksi keyu chatuk oke.

7. Yohmi ka hvchishno hvchi pashi puta noshkobo ai o hieli kak kia moyumvt holhtinv taha yoke. Yohmi hoka ik hvchi nukshopo kashke; holitopa kv hushi chipunta laua ka hvsh i shahli hoke.

8. Kvna hosh vno a hatak itikba yā Klaist oke, si achit si ahninchit tuk ma, mihi yō Hatak Ushi vt Chihowa im enchil puta itikba ai ahninchit, Ūm antia yoke, achit aiokpvcha he akinli hoke.

9. Amba kvna hosh hatak puta itikba vno a ik si ahniechot, Ahalaia li keyu, achi tuk ak o, mihi yō Chihowa im enchil itikba ya ik ahniechot ik ahalaia yō ka hi oke.

10. Mikma kvna hosh Hatak Ushi a na mihachit anūmpuli tuk okvto, i kashofa he; amba kvna hosh Shilombish Holitopa ak o ik ahobalot anūmpuli tuk okvto, i kashofa he keyu kvmo hmi hoke.

11. Micha sinakak puta, mikmvt miko vhleha, mikmvt nan apesa puta ka hvch isht im ai onakma, kaniohmi hosh, micha afalaminchit nana ka hvsh anūmpula he aiena kv hvch ik anukfillo kashke.

12. Nana hō hvsh acha he vlhpesa ka Shilombish Holitopa ak osh hvshi kanvli yvmmak fehna akinli ka hvchim anola hi oke, hvchim achi lishke, im achi tok.

13. Mihma okla hash ot achvft, Nan-ithvnanchi ma!

itibapishi li hā ish i miha na, nana kv̄t vlhtoshowv̄t pibbak
 a pī fohka tuk a a kashv̄blashke, im achi tok.

14. Mihm̄v̄t, Aham! hv̄sh aiahni cha, nan in laua b̄v̄nna
 hv̄ch̄im apesa yokmā, keyukm̄v̄t nana hv̄chi itakv̄shkoli
 yokmā, nanta hō sakbi tok oh cho? im achi tok.

15. Mihm̄v̄t, Ahah! hv̄sh aiahni cha, nan in laua b̄v̄nna
 yā hv̄ch̄ ik ahalaiyo kashke: hatak vt nana kv̄t laua hō il
 aieshi kak o im ilh̄fiopak vt takali hō keyu hoke, im achi tok.

16. Mihm̄v̄t okla hash nan-isht vl̄hpisa hō isht im anum-
 pulit, Hatak nan in laua achv̄fa hosh im osapa yv̄t nana
 waya fehna tok.

17. Mihm̄v̄t, Nana a waya puta ka kanima ai ashachi la
 hi vt ik sv̄m iksho kv̄to, nanta ak o katiohmi lā chī cho?
 achit il anukfilli tok.

18. Mihm̄v̄t, Ilv̄ppak o yakohmi lashke; an tanchi in
 chuka yak o yuhli lish, chito i shahli hō ikbi lashke: micha
 yvm̄mak o a nan a waya, micha na hochukma puta ka mo-
 minchit ashachi lashke.

19. Mikm̄v̄t sa shilombish a, Sa shilombish ma! na ho-
 chukma laua kv̄t afv̄m̄mi laua taha he vl̄hpesa ka achukmalit
 ashachit chin tahl̄ishke; peh nan ik pilesot fohv̄t, impv̄t,
 nan-ishkot, nan isht ish ilaiyukpashke, im achi lashke, achi
 tok.

20. Yohmi kia Chihowa yokv̄to yvm̄mak ash, Ik hopo-
 yukso chia ma! chi shilombish a falaminchit himak ninak a
 chim a hoyā chī hoke; yohmikm̄v̄no nana ish atahli tuk
 amo kv̄ta hō immi ha chī cho? im achi tok.

21. Yohmi ka kv̄na hosh na hochukma puta ma ilap inli
 isht im atahlit ahanta hosh, anonti Chihowa ai imma hokv̄no
 nana kv̄t im vl̄htaiyaha tuk keyu kv̄t yvm̄mak o chiyuhmi
 hoke, achi tok.

22. Mihm̄v̄t nan im ai ithv̄na vhleha hash, Yvmohmi
 hoka hv̄chi ai okchaya hi a nana hō hv̄sh pa he; mikm̄v̄t
 hv̄chi haknip ma nana hō hv̄sh fohka hi a anukfillit hv̄ch̄ ik
 ilbv̄sho kashke, hv̄ch̄im achi lishke.

23. Okchaya kv̄t holitopa kv̄t ilhpak a i shahlikma,
 anonti haknip vt holitopa kv̄t na fohka yā i shahli hoke.

24. Fula chito puta ka anukfillit ho pesá: yvmmak okvt nana kia hokchi cha vmo hō keyu: mikmvt yvmmak okvt vlpoyak in chuka, micha kanchak aiena kia im asha keyu hō, Chihowa ak osh ipeta hoke. Holitopa kvto hushi puta ka katiohmit isht hvsh i shahli hō?

25. Yohmi ka hvsh katima kak osh anukfihinlit isht ilbvsha kvv hvchi chaha ka k u b i t achvfa kia hvsh il achakala hinla cho?

26. Nana kvv moma ik a lauwo hoka hvsh yvmihcha he keyu kvv, nanta katiohmi hō inla yokak heno anukfillit hvsh pisa cho?

27. Lilli puta kvv kaniohmit offot hofantit mahaya ka anukfillit ho pesá; yvmmak okvt toksvlit a hoyubli keyu: anonti nana hō shvnni keyushke: yohmi kia Solomon vt nan isht im a holitopa moma isht a shema kvv ilvppa achv-fona kia chohmi tok keyu, hvchim achi lishke.

28. Yohmi ka Chihowa hvv hvshuk himak nitak a kowi hā hiohmaya tuk osh, onna hā apalvtska pit vlpita chī kia, shemvchi kvv yvmihchi kvto, hvchishno a i shahlichī hosh ik hvchi shemacho ka hinla cho? na yimmi fehna keyu hvchia ma!

29. Yohmi hoka nana hvsh impa he, mikmvt nana hvsh ishka he aiena kvv hvch ik hoyo kashke; mikmvt komuntvt ik hvchim anukfilo kashke.

30. Ilvppa chohmi puta kak o oklushi yakni paknaka aiasha kvv hoyo chatuk mak oke: ilvppa chohmi puta ka a hvchi bvna hokvno hvch i ki vt ithana hoke.

31. Yohmi kia amba Chihowa apehlichika yak o hvsh hoyashke; mikmvno ilvppa moyuma kvv a hvchim ibakaha hi oke.

32. Apehlichika 'ya hvch ima kvv im achukma hoka, chukfulhpoba aya ik lauwo hvchia mvv, ik hvchi nukshopo kashke.

33. Na hvchim asha kvv hvsh kanchi cha, ilbvsha ya hvsh habenvchashke: tvli holisso i shukcha yvmmak okvt nitak nana ont a sipokna he keyu, na-holitopa nitak nana taiyaha he keyu vt vba itonla; hukopa nana hosh ai i bilin-

cha he keyu, mikma shgshi mut okpma he keyu, yak o isht hvsh il atahlashke.

34. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla akinli hoka.

35. Il ai-vskufvchi ma isht il ai vskufvchit im vlhtahvt, pola puta mut hvchin lihimbashke.

36. Yohmikmut hvchishno ak kia hatak osh i shahli hvt ohoyo ipetvchi ia tuk osh falamvt vla chi, atuk osh vla cha sokqhakma, ashalika in tiwa chi cha, pit hoyo hosh aiasa ho hvsh chiyuhmashke.

37. Chitokaka yvt gyvt vlt, okchvt gsha na ont pisa ka, tishu vhleha yvmmt na-yukpa mak oke: ahli mak o hvchim achi lishke, ilap ash osh nan isht il ai vskufvchit tahli cha, yvmmak osh impa chi ka binohlichikmut, wakayvt nan isht im vtta hi oke.

38. Micha ninak kashapa ont atukla ho ayakma, keyukmut ont atachina ho ayakma, nana cha yvmohmit aiasa ho ont pisa ka, tishu vhleha yvmmt nayukpa hi oke.

39. Hatak chuka chufa pehlich i vt in chuka ahanta kvv hvshi kanvlli vlhpisa kaniohmi kak o hukopa yvt vla hi a akostininchi hokmut, atoni tuk osh in chuka yvt okpulot ik in tiwo ka hetuk a, ilvppa hvsh ithaiyanashke.

40. Yohmi hoka hvchishno mut, hvchim vlhtashke: yvmmak a he hvch ik aiahno hvshi kanvlli vlhpisa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht-vlhpisa ilvppa pishno ak okma, keyukmut peh moma kak o isht ish in anumpulikma, nanta cho? im achi tok.

42. Mihma, Yohmi kvno kvta hak osh nan-apesvchi aighi, mikmut hopoyuksa achukma aiena tuk o, mihi yo i shahli hvt ont ai-vlhpiesakma nan-upa hvt ai immi ba he vlhpesa ka, ipihinta chi ka, ilap in chuka chufa yash pehlich i ikba chi cho?

43. I shahli hvt gyvt vla kvv, yakohmi hosh ahanta na ant pisa ka, tishu yvmmt na yukpa mak oke.

44. Ahli mak o hvchim achi lishke: Nana im gsha ka moma apesvchi o ikba hi oke.

45. Yohmi tuk kia tishu yummak ash osh chukvsh anuk-aka, A shahli hv̄t ai v̄la he tuk vt vbanvblchishke, achi cha, hatak toksvli puta, micha ohoyo toksvli puta aiena kash bo-lit, impt, nan-ishkot, okishkot haksi aiena hosh ahanta tok muno ;

46. Tishu yumma i shahli hash ot ilapvt yumma pit hōyo nitak keyu, micha ik akostinincho ai itin takla hv̄shi kanvlli v̄lhpisa fehna hō ayvt v̄la cha, chanlit ita hokofit, nan ik yimmo v̄hleha yak o ai iba foyuka ch̄i ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmvt, nan-ahni tuk ash kia yvmihchi keyu ke tuk tishu yummak ash ot fahama lawa isht boa hi oke.

48. Amba ik akostinincho hosh nana ka isht a fuma he v̄lhpesa ka yvmohmi hokmvto, fahama ik lauwo hō isht fuma hi oke : k̄na hō lauachit ima tok ma, mihi yō laua hō im a hoya hi oke : micha kanima hō hatak vt lauachit ibbak fohki tuk ma, mihi yō laua i shahli hō im a hoya hi oke.

49. Yakni paknaka yā luak o ai yō bohyuli la ch̄i hosh aya li tok : atuk osh himonasi ak o lua hatuk bano, nana ka ai ahni lishke.

50. Yohmi kia baptismo isht a baptismo la ch̄i kv̄t vm āsha : yohmi ka yvmmv̄t ont ai yvmohma ch̄i takla hokvno a palvmmi fehv̄shke.

51. Yakni paknaka yā a nanaiyv̄cha ch̄i hosh aya li tok o, hv̄chim ahoba cho ? Keyushke ; ita kv̄shkoli kak illa hoke, hv̄chim achi lishke.

52. Himak pillā ma chuka chv̄fa ka tahlapit āshvt it a kashapa cha, tuchina kv̄t tuklo ka i sanalikma, anonti tuklo kv̄t tuchina ka i sanala hi oke.

53. It i kanimachi cha, īki vt ushi a i sanalikma, anonti ushi atuk vt īki a i sanalikma ; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

54. Mih̄v̄t anonti okla hash, Hv̄shi ai-okvtulaka boshon-tit hv̄sh na hv̄sh pisakmv̄t, ashalika, Umb̄v̄t mih̄v̄tishke, hv̄sh achi chatuk ; atukma yohmi mv̄hli chatuk.

55. Micha oka-mahli hosh mahlikma, Loshpa chishke, hvsh achi chatuk; atuk ma ont yvmohmi chatuk oke.

56. Nan ilahobi hvchia hoka, shutik, micha yakni aiena kvv pisa kaniohmi hokvno nan isht hvsh ai akostininchi hokak osh, amba katiohmi hq himak okvno nana ka hvch ik akostinincho cho?

57. Ahli, micha nanta katiohmi hq hvchishno akinli kvv nana vlpesa kvno hvch ik ithano cho?

58. Nan-vlpisa chi onochi ya awant miko ish im ona chi hosh ish aya kvv, takla ya, ai i hlakofi bvna kvv ish achunanchashke: yvmmak keyukma chi halvllit nan-apesa ya isht chi ai onakma, anonti nan apesa yash ot tishu ha ibbak a chi fohki na tishu hash ot aboha kvllo ya chi fohka hiala hoke.

59. Iskvli ont isht aiyopi fehna ka ish atobbi hq keyuk-mvt, yvmmak oka ish kohcha he keyu hoke, chim achi lishke, achi tok.

CHAPTA XIII.

Chisvs vt ile kostininchit il alasha he ak q pi miha, 1. 6 Fik vpi vna he keyu nan isht-vlpisa. 10 Nitak bullo yq Chisvs vt nan ithv-nanchit ahanta hosh ohoyo ikaitopo ilbvsha ya hlakofichi; 15 micha vba yakni apelihika, ya mvstvt nihi, micha pvaka isht shatvmmichi aiena kak q isht it apesa; 24 okhissa iaktinosi yvma chukowa bvna kvv achunancha hi a, okla ha i miha. 31 Chisvs a Helot vt vbi bvna hatuk q, kohchvt kvma hiala ka, okla im ahni ma, nana hq im achi; anonti Chelusalem vt ont aiokpulokvt taha chi ka, itakonofvt mihinti ka, Chisvs vt tikbanli anoli mvt, isht yahaya.

1. YUMMA fehna ma kanimi kvv yvma gsha tuk vt, Pailat vt Kalili hatak issish a okla vba pit isht aiokpvchi a ai itaiomi tuk a, im anoli tok.

2. Mihma Chisvs ash ot afalaminchi mvt, Kalili hatak osh yakohmi hokvt nan-ashvchi kvv Kalili okla ha mome i shahli atuk osh na yakohmi ka isht ai ilbvsha tuk q, hvchm ahoba cho?

3. Keyushke; amba hvchishno ak kia hvsh ile kostininchichi keyukmvt, hvsh moma kvt ilbvshvt hvch illi akinla chi ka, hvchim anoli lishke.

4. Yvmmak keyukmvt Siloam a chuka chaha hikia tuk vt auah untuchina ka o kinafvv vbi tok a, yvmmak osh nan ashvchi kvt hatak Chelusalem asha moma ka i shahli ha tok a, hvchim ahoba cho?

5. Keyushke; amba hvchishno ak kia hvsh ile kostininchichi keyukmvt, hvsh moma kvt ilbvshvt hvch illi akinla chi ka, hvchim anoli lishke.

6. Nan-isht-vlh-pisa ilvppakma isht anumpuli tok: Hatak achvfa hosh f i k vpi vt osapushi anukaka ya im a hollokchi tuk osh ona cha, vni a a hoyo tuk osh, ik ahayucho ki tok.

7. Mihmvt im osapushi apoksiachi ash o, Inta! ilvppvt afvmmi atuchina mak o f i k vpi ilvppa vni a hoyo kvt aya li hosh ak ahayucho bekvshke: chanlit akvchi; nanta katiohmi ho hiki vt yakni a ai okpvninchi cho? im achi tok.

8. Mihma yvmmak ash ot afalaminchi mvt, Chitokaka ma! himak afvmmi achvfa takla hokvno ant hikia na, kullit apakfoplit, yakni achukmali ya isht apolichit tahl li hayashke.

9. Yohmi na vnit waya hokmvno, vlhpesa: amba keyukmvno, yvma misha pilla mak o chanlit ish akvchashke, im achi tok.

10. Mihmvt nitak hullo yo yvmmak ash ot nan ithvnan-chi hosh sinakak achvfona ka anta tok.

11. Ma ohoyo hot shilombish okpulo nan iksitopochi yvt ai i f i k tuk a afvmmi auah untuchina hosh, kochofvv kvnia, ka ohmit il apissalecha he keyu kvmo hmi hosh anta tok:

12. Atuk o Chisvs vt yvmmak ash pisa mvt, pit i howa cha, Ohoyo chia ma! nan ik chi ai iksitopo ka ish ai i mokofa mak oke, im achi tok.

13. Mihmvt yvmmak ash o ibbak ita taklonchit isht umbitepa tok: mihma yvmmak ash ot mihmakinli ho apissvt taha mvt, Chihowa ha holitoblichit tok.

14. Mihma sinakak a apesvchi ash ot, Chisvs vt nitak

hullo yō hlakofichi ka im okpulo fehna hatuk osh, okla hash, Nitak hannali kak o hatak vt a toksula he vhpesa kuto ashvshke: yohmi ka nitak hullo ak a he tuk keyu; yohmi hoka yvmma ai itintakla kak o ai vlvv huchi hlakofashke, im achi tok.

15. Yohmi ma Chitokaka yash ot afalaminchi mvt, yvm-mak ash, Peh nana ilahobi chia hoke: hvsh moma kvv nitak hullo a chj wak toksuli okmá, keyukmvt chim issuba hakso-bish falaia okmá, nana kvv ai ilhpitta ya talakchit hikja tuk a i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takchit ishi tok a, ilvppvt afvmmi auahuntuchina hatuk a, nitak hullo ya isht talakchi tuk vt ai i holhtofa he vhpesa keyu cho? im achi tok.

17. Mihma ilvppa yvmmak achi ma, i sanali vhleha hash ot momvt hofahya tok; mihma nan isht a chinto a puta ka yvmhinchu ka okla hvv momvt na yukpa tok.

18. Mihma yvmmak ash ot, Chihowa apelhlichika yvt nanta hak o hoyulba? yohmi ka nanta hak o isht it apesa la chj cho?

19. Mvstvt nihi achvfa hō hatak vt ishi cha, im osapushi a pit a pila tok o, offot hofantit mghayvt, iti chito tovt hikia tok: yohmi na vba hushi puta kvv naksish puta ka ant ai o binohonli tok mak o chiyuhmi hoke, achi tok.

20. Mihmvt anonti Chihowa apelhlichika ya nanta hak o isht it apesa la chj cho?

21. Pvska shatvmmichi yō ohoyo hvv ishi cha, tanchi pushi isht vhpisa tuchina hō a yvmvslchi tuk o, momvt shatvmmit taiyaha tuk mak o holba hoke, achi tok.

22. Mihmvt tvnaha puta, micha tvmahushi aiena ka hlo-pullit ayvt nan ithvnanchit, Chelusalem imma ia hosh aya tok.

23. Mihma achvvt, Chitokaka ma! Achafea kak illa hosh okchaya hi oh cho? im achi tok.

24. Mihma yvmmak ash ot, Yichina fehvt okhissa iskitini a chukowa hvchi bvnashke; chukowa bvnvt pisa kia, nan ik kanikamo ka chj kvv laua hoke, hvchim achi lishke.

25. Chuka chufa pehlichy yvt kaniohmi ho wakayvt, okhissa ya okhishta ha ma, kocha ya hvsh hiohmayvt, okhissa ya sokohvt, Chitokaka ma ! Chitokaka ma ! ish pin tiwashke hvsh achi kia, yummak ash ot afalaminchit, Yummak o minti, ahnit hvch ithana li keyu.kvt, hvchim acha hi oke.

26. Yumma fokakma hvchishno ash ot, Chi tikba ya ai impvt, nan ishkot il aiasha chatuk: yohmi ma chishno vt pin tumaha itin takla ya nana ish ai ithvnanchi tok mak oke, hvsh acha he.

27. Yohmi kia yummak ash ot, Yummak o minti, ahnit hvch ithana li keyu hoka, nan ai vllpesa keyu puta ka a yohmi hvchia hvt, momvt hvs sa filvmmashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyuma hokvto Chihowa apehlichika ya suet aiasha na hvsh pisa he, yumma fokak mak osh yahayvt noti a vpt hvsh aiasha hi oke.

29. Mikma hvshi akochaka imma, micha hvshi ai okvtula ka, mikmvt falvmmi, micha oka mahli aiena ka a mihintit Chihowa apehlichika im ai-impay ya ai a binohla hi oke.

30. Mikma yakeh ! ishtaiyopi tuk vt mihi yosh na tikba hi oke, mikma na tikba tuk vt mihi yosh ishtaiyopa hi oke.

31. Mih-nitak fehna akinli ka Falisi kaniohmi kv ai vla cha, Ilvppa a kohchvt kanima ish iashke ; Helot vt chiba he ahna hinla hoka, achi tok.

32. Mihma yummak ash o, Oh ia cha, chula yumma ont oh im anoli ; Himak nitak, micha onna ha aiena kvno nan-isht ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aighlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kvno, nowa li pullashke ; hopaii atuk vt Chelusalem keyu ka ai illa he keyu hoka.

34. Chelusalem, Chelusalem hopaii vhlaha vbi, micha suet

chin tihleli tuk a teli ishit boli chia ma! akaka yosh ushi vhleha ha sanahchi nuta ya pit ai itahobi chatuk mak o, chiyuhmit chim vlla vhleha ha itahohombi la he, aiahni li tuk nana kia, hvchishno ak osh vllpesa hvch ik aiahno hokvno,

35. Yakeh! hvchin chuka yvt hvchin chuk-illissvt taiyaha mak oke. Yohmi hoka aighli mak o hvchi miha lishke; Chitokaka i hohchifo mak o aya kv holitopvshke, hvsh acha chi ka, ont ai vllpiesa keyukma, hvch ik sa peso ka chi hoke, im achi tok oke.

CHAPTA XIV.

Chisvs vt, nitak hullo nitak o hatak nipi shofohli isht abeka ya hlakofichi, 1: 7 hatak im anukfila kvlllo vhleha hvv im anukfila ha akan-losecha hi a, micha nan in laua vhleha hvv ilbvsha ya i kana he aiena ka im avvchi. 15 Opiaka impa chito aasha tok isht vllhpisa. 25 Chisvs a nan im ai ithvna e toba chi hokmvt, yvmmak o e holitobli hatuk mak osh pishno vt ile kaiyanchit, nana fehna hatuk kia il issa hinla hatuk puta ka, yvmmak okvt nan isht vllhpisa ilai yuka ho isht a pim avvchi.

1. ATUK o yakohmi tok; nitak hullo yo impa chi Falisi miko vhleha achvfa ka in chuka yo pit chukowa ma, okla apesvchi tok.

2. Yohmi ma hatak achvfa kv haknip oka atoba ililli ho isht abeka kv itikba ya aasha tok.

3. Mihma Chisvs ash ot na mihvt, nan-vllhpisa ithvnanchi vhleha, Falisi okla aiena kash im anumpulit, Nitak hullo ya na hlakoficha he ai vllhpiesa hoh cho? achi tok.

4. Mihma nan ik achot maya tok. Mihma yvmmak ash ishi cha, hlakofichi mvt, kanima ia chi ka, im ahni tok.

5. Mihmvt okla hash im anumpulit, Hvsh katima kak osh hvchim issuba haksobish falaia okma, keyukmvt wak toksvli okma, nana kv yakni chiluk hofobi o pit itula ka, ashalika nitak hullo nitak a halvllit hvch ik kohcho ka hinla cho? achi tok.

6. Yohmi ma anonti ilvppa puta ka okla ai isht im afala-mincha he keyu ki tok.

7. Mihma im annoa tuk vhleha hvt aiasha holitompa kak o hoyot a binohli na pisa mvt, nan-isht vllhpisa hq takalichit,

8. Ohoyo ipetvchi ish aya hi a, kvna hosh chim anoli tuk ma, aiasha holitopa i shahli ka chik binilo kashke; hatak holitopa kvv chishno a chj shahli kia yvmmak ash ot im anoli tuk a hinla hoke.

9. Atuk o chim anoli tuk, anonti yvmma im anoli tuk yvmmak ash ot ita tuklot vla cha, Hatak ilvppak osh ik aiashá, chim achikma, chi hofahyvt aiasha ik a lauwo kak o ish a binila hinla hoke.

10. Amba chim annoakmvt ivt, aiasha ik a lauwo kak o ish a binili tuk o, na chim anoli tuk ash ot vlakmvt, A kana hvt chaha i shahli kak o pit oiyá, chim acha hinla hoke: yohmikma chibai impvt maya yvmma ish ai i holitopa he mak oke.

11. Kvna hosh ilefehnvchi hokvto aka ona he; anonti kvna hosh ik ile fehnacho hokvto holitopa hi oke.

12. Yohmi mvt ilapa hoyo tuk ash kia, Tvbokoli impa yokmá, keyukmvt opiaka impa yokmá, nana hq ish ikbi kvv, chj kana vhleha, micha ish itibapishi vhleha, mikmvt chj kanomi vhleha, chin chuka panta hatak nan in laua puta kia chik hoyo kashke; yvmmak keyukma, ilapo mvt chishno a chi hoyo hinla hoke: yohmikma nana hq, ish yvmihchi tuk a ai itilauit chim vlhtoba hi oke.

13. Amba impa chito ish ikbikmvt, ilbvsha, imomokpulo, kinafa, lva aiena kak o ish hoyashke.

14. Yohmikmak osh na chi yukpa hi oke: yvmmak okvto chishno ma afalaminchit ai itilauechit chj yvmihcha he keyu hoka: hatak vllhpesa illi puta kvv tanik mak o yvmmak atuk a falamvt pit ai itilauit chim vlhtoba hi oke, im achi tok.

15. Mihma ai ibai impvt maya tuk ash o achvvt ilvppa puta ka haklo mvt, Chihowa apehlichika ya pvska ai vpa kak osh mihi hosh na yukpa hi oke, im achi tok.

16. Mihma yvmmak ash o, Hatak achvfa hosh opiaka impa chito fehna ka ikbi cha, lauvt aya chj ka, im anoli tok.

17. Atuk ash opiaka impa ont ai vllhpesa ma, im annoa

tuk vñleha hash, Himak ano nana moma kv̄t vñtahvshke, he minti, im acha ch̄i h̄o, in tishu h̄a chvffichi tok.

18. Mihma moyumvt im anukfila achvfa ohmit taha mvt, okla nan isht ile mihachit isht ia tok. Ummona kv̄t, Osapa iskitini ȳo chumpa li tuk osh, yvmma pisvt ia la he vñpessa hoke; vno yokvno ik ayo mak kia ba is svm ahna hi a chim asilhha lishke, im achi tok.

19. Mihma inla mvt, Uno vt wak toksvli y o k tahlapi h̄o, chumpa li tuk osh, ivt kaniohmi hatuk okma pisa la ch̄i hatuk oka, vno yokvno ik ayo mak kia ba is svm ahna hi a chim asilhha lishke, achi tok.

20. Mihma anonti inla hosh, Uno vt ohoyo itauwaya li; yohmi hatuk osh aya la he keyushke, achi tok.

21. Yvmohmi ma tishu yvmmak ash ot vla cha, i shahli h̄a ilvppa puta kash ant im anoli tok. Mihma chuka yvmma pehlich̄i ash ot im okpulo mvt, in tishu hash, Tushpvt kohchvt ivt tvmaha itin takla hina hochito, chipunta aiena ka ayvt, ilbvsha, micha imomokpulo, mikmvt kinafa, micha lva aiena ka pehlichit ilvppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aighlit taha akinli kia, aiasha vt gsha momvshke, achi tok.

23. Mihma i shahli ash ot tishu hash, Kohchvt ivt, haia-ka hina bvshkvchi, mikmvt kv̄ti holihta anpkaka aiena puta ka ayvt, ilvppa vla ch̄i ka, ish atvshpalechi na an chuka vt alota mak inlashke,

24. Im annoa tuk vñleha hatuk yvmmak amo achvfa kia vm opiaka impa ȳa iskitinosi kia ai vpa he keyu mak oke, hvchim achi lishke, im achi tok, im achi tok oke.

25. Atuk o okla lava fehna hosh apchvt aya ma, yvmmak ash ot filema cha;

26. Kvna hosh ayvt vm vla kv̄t, iki, micha ishki, mikmvt tekchi, mikmvt im vlla, anonti ilap itibapishi, mikmvt in tek vñleha aiena, mikmvt im ilhfiopak akinli aiena kak kia, i nukkilli keyu hokvto, nan vm ai ithvna a he keyushke.

27. Micha kva hosh im iti-taiyukhena ya shoyuli cha, siakaiya keyu hokto, nan um ai ithvna a he keyushke.

28. Hvsh katima kak osh chuka chaha ikba he ahni kv, ummona ka aka binilit, Tahli la hinlakmá, nanta cho? ahnit ai-vlhtoba he ma hotinvt ik peso ka hinla cho?

29. Yvmmak atuk keyukmvt nutaka in tola ya bohli ha yosh, anonti atahla he keyukma, yvmmak atuk ash pisa kv momvt isht itukhlakafvt,

30. Hatak ilvppvt itvbvnnit isht ia tuk ak osh, atahla he keyu ke tuk, acha hinla hoke.

31. Yvmmak keyukmvt miko nanta ak osh miko inla yo it in tanampa chi kv, ummona ka aka binilit, ilavt tahlepa sipokni pokoli ishi kv, tahlepa sipokni pokoli tuklo pehlich i hosh i kohcha ka, amokvfa he vlhpesakmá, nana kv anuk-fillit ik peso ka hinla cho?

32. Yvmmak keyukmvt, achvfa yash ot hopaki pilla auet takanli moma kak inli ho itin nanaiya ka ahnit, anumpa shali a pit chevfficha hinla hoke.

33. Yohmi ka yvmmak o chiyuhmit, hvchishno vt hvsh moma kv nana ho hvchim asha tuk vt mominchit hvsh issa keyukmvt, nan um ai ithvna hvchia ha he keyu hoke.

34. Hvpi vt achukma hoke: yohmi kia hvpi hash ot homi tuk vt i kuniakmvt, katiohmi kak osh anonti homa hinla cho?

35. Yvmvt yakni, micha nan i yvlhki yakni isht achukmvt i aiena kak kia isht ai im vlhpesa he keyu; amba hatak vt kocha pit kanchi chatuk oke. Kva hosh isht haponakla he haksobish vt i hinlikmvt, haklashke, im achi tok.

CHAPTA XV.

Chakfelpoba kva nan isht vlhpisa, 1; 8 mikmvt toli hvta tushafa kva nan-isht-vlhpisa aiena. 11 Hatak himita ik boyoyuko nan isht vlhpisa.

1. YUMMA foka ma pvblikan vhlaha, micha nan-ashvchi okla aiena kv i haponakla chi kv, momvt auet a kanvli tok.

2. Yohmi ma Falisi vhleha hv̄t micha na-holissochi vhleha aiena kash ot lumasit na-mihachit, Hatak ilv̄pp̄t nan-ashv̄chi vhleha hv̄t ilap̄a ai ibafohka ch̄i ka ahninchit, it ibai impa yoke, achi tok.

3. Mihma yvm̄mak ash ot nan-isht-vlhp̄isa ilv̄pp̄a isht im anumpuli m̄vt,

4. Hatak hv̄sh katima kak osh chukfvlhp̄oba tahlepa achv̄f̄t im ḡsha tuk osh, achv̄f̄t ī kv̄nia hokm̄vt, pokoli chakkali a kocha chakkali kash ot yakni haiaka ȳa m̄ya na issv̄t, kv̄nia tuk yvm̄mak ash ō hoyot hikik̄j̄vt ahayuchik mak a hinla keȳu ?

5. Atuk osh ahayuchikm̄vt, na yukp̄t isht iab̄nali ;

6. Atuk osh in chuka yash v̄la m̄vt, ī kana vhleha, micha in chuka panta hatak puta ka hoyot itahobi cha, An chukfvlhp̄oba yv̄t kv̄nia tuk ash ahayuchi li hoka, na hv̄s sv̄bai yukpashke, im achi hokc.

7. Yohmi ka yvm̄mak inli h̄o chohmit, Nan-ashv̄chi achv̄fa hosh ile kostininchikma, v̄ba ȳa na yukpa ḡsha kv̄t hatak vlhp̄esa pokoli chakkali akocha chakkali kv̄t nan ile kostininch̄i yv̄t ai im ahalaiya he keȳu, yvm̄mak oka ī shahla hi oke, hv̄chim achi lishke.

8. Yvm̄mak keyukm̄vt ohoyo nanta hak osh tv̄li hv̄ta tushahli pokoli kv̄t im ḡsha tuk osh, tushafa achv̄f̄t ī kv̄ni-akm̄vt, p̄v̄la h̄a p̄v̄lali cha, aboha ȳa bv̄shpolit achukmalit hoyot hikik̄j̄vt ahayuchik mak ahinla keȳu ?

9. Atuk osh ahayuchikm̄vt, ī kana puta, micha in chuka panta ḡsha tuk aiena kash hoyot itahobi cha, Tv̄li hv̄ta tushafa ā kv̄nia tuk ash ot ahayuchi li hoka, na hv̄s sv̄b ai yukpashke, achi hoke.

10. Yohmi ka nan-ashv̄chi achv̄f̄t ile kostininchikma, Chihowa im enchil vhleha aiasha ka na yukpa kv̄t yvm̄ma akinli h̄o chiyuhmi chatuk oke, hv̄chim achi lishke, achi tok.

11. Mihm̄vt, Hatak achv̄fa hosh ushi v̄t in tuklo tok.

12. Atuk ō nakfish ash ot īki a, Āki ma ! nana kv̄t v̄mmi ha he tuk ash is sv̄mashke, im achi tok. Mihma nan isht ai okchaya yash ō im it a kaahv̄bli tok.

13. Mihma yummak atuk a nitak kanohmi keyu ho, ushi nakfish ash osh mominchit itahobit taiyahli cha, ivt yakni hopaki fehna ho ona cha, nan isht aya tuk puta kash yummak o isht a yopomot ahantvt kampilvt taiyahli tok.

14. Yohmit mominchit kampilvt tahli ma, yakni yumma hohchvfo chinto fehna kvv a kohcha tok; mihma yummak ash ot nana kvv ik im iksho kit isht ia tok.

15. Mihmvt yakni yumma hatak ont iba fohka tok; atuk o yummak osh shukha laua ipeta beka chi ka im osapa puta ka pit chvffichi tok.

16. Atuk o yummak ash ot shukha laua yvt nanoni ai vpa beka tok yummak o vpvv kaiya bunna beka tok: yohmi kia kvna kia yumma ik ipeto beka tok.

17. Atuk o yummak ash ot ont il akostininchi mvt, Aki im ilhtohno vhleha hvv laua kvv katohmi hosh pvvka yvt laua kvv im vhpesakma, anonti atampa mvt asha chatuk ak o, vno ilvppa a hohchvft svlli cho?

18. Wakayvt ivt, aki im ona lish, Aki ma! Chihowa im ashvchit, mikmvt chi tikba ya a sai yoshuba tuk.

19. Yohmi kvv himak a pilla ma, chiso sa hohchifa he si ahoba keyushke; chim ilhtohno vhleha achvfa kak o is si ai itilauechashke, im achi lashke, achi tok.

20. Mihmvt wakaya cha, iki a im ia tok; atuk osh auet hopaki pilla minti kak inli ho, iki ash osh pit pisa mvt, i nukhaklo cha, chvft ivt, yummak ash ikunla ont vbvniayvt i suksowa tok.

21. Mihma ushi ash ot, Aki ma! Chihowa im ashvchit, mikmvt chi tikba ya a sai yoshohumba tuk; yohmi kvv himak a pilla ma chiso sa hohchifa he si ahoba keyushke, im achi tok.

22. Yohmi kia iki ash ot im ilhtohno vhleha hash, Na-fohka holitopa moma i shahli kak o ishit kohchit ant ho fohkvchi cha, ibbak ma ibbak-ushi-fohka ant fohkit, iyi ma shulush hvsh holochashke;

23. Micha wak ushi ilhpitvt nia ya ilvppa isht vlvv, oh vbi na impvt na-yukpvv kiloh aiashá;

24. Svso ilvppvt illi tuk osh, falamvt okchaya hoke;

kunia tuk osh haiaka hoke. Mihma na yukpot okla aiasha tok.

25. Yohmi ka ushi akni huto osapa anta tok : atuk osh minti cha, chuka yash bilikasi ola met, vhlepa ola, micha hihla aiena ka pit haklo tok.

26. Mihmet ilhtohno vhleha hash achvfalit pit i howa cha, Katiohmi hosh yakohmi cho? achit i ponaklo tok.

27. Mihma yummak ash ot, Chi nakfish ak osh vla hosh achukmakvt ayvt vla ho, chiki vt pisa kak osh wakushi ilhpitvt nia ya vbi hatuk oke, im achi tok.

28. Mihma yummak ash ot hvshaya cha, ont chukowa ik bunno ki tok : yohmi hatuk o iki ash ot kohchvt iot, ont i howa tok.

29. Mihma afalaminchi met, iki ash o, Inta! afommi kanohmi ilvppa chi yuka chiyuhmit isht chim ahanta li met, chim anumpa ma himonna kia ak kobvffoshke ; yohmi kia a kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt haui puta ai iba fohkvt ayvt, nan isht ish ai okchaya he tuk ash isht yopomot tahlī cha vla ma, mih makinli ho wak ushi ilhpitvt nia ya ish im vbishke, im achi tok.

31. Mihma yummak ash ot, Soso ma ! nitak moma ka si awant ish ahantvshke, yohmi kvv nan okluha vm asha kvv chimmi hoke.

32. Chi nakfish ilvppak okvt illi tuk osh, anonti falamvt okchaya ; micha kunia tuk osh haiaka hoka, impa ikbit na yukpot il aiasha he vhpesa hatuk oke, im achi tok oke ; achi tok.

CHAPTER XVI.

Nan-apevchi ik aighlo nan-isht-vhlpisa, 1; 14 Chivts vt Faliai vhleha hvv ilap a okla ishit yopula ma, nana ka peh ilahobi vhleha hatuk a nan isht i miha. 19 Hatak nan in Jaua, micha Lasakvs ita tuklo nan-isht-vhlpisa.

1. **MIHMUT** yummak ash ot nan im ai ithona vhleha ha, Hatak nan in laua achufa hosh nan-apesvchi vt im anta tok : atuk o yummak ash ot nana immi puta kash isht i yopomot tahl ho, im annoa cha haklo tok.

2. Mihmut yummak ash o i howa cha, Katiohmi ho ilvppa isht a chi haklo li cho? nan ish apesvchi yatuk vt achukmalit ish ai il anolashke : himak a pilla ma nan apesvchi chia ha chi keyu hoke, im achi tok.

3. Yohmi ma nan apesvchi yash osh, Nanta hak o katiohmi la chi cho? a shahli hut nan ai apesvchi li ash si a kohchiehikma, okohahli la he keyukmut, nan asilhha ma sa hofahyushke.

4. Nan ai apesvchi li ash sa kohchiehikma, in chuka yokvno chukowa la hi a okla em ahna chi ka, nana ho katiohmi la chi kuto ithalyana lishke, achi tok.

5. Mihmut i shahli ha aheka im asha tuk vhleha hash mominchit hoyo mut, Ummona ka a shahli ho aheka katohmi ho ish in takanli cho? im achi tok.

6. Mihmut yummak ash ot, Na-bila vhlpisa tahlepa achufa, achi tok. Mihma, Chim aheka holisso ha ishi cha, tushput aka binilit, pokoli tahlapi ho takalichi, im achi tok.

7. Mihma anonti inla ho, Mikma chishno vto katiohmi hosh aheka yot chim asha cho? im achi tok. Mihma, Onush vhlpisa tahlepa achufa, achi tok. Mihma yummak ash o, Chim aheka holisso ha ishi cha, pokoli untuchina ho takalichi, im achi tok.

8. Yohmi ma nan-apesvchi nan ik ai vhlpeso ash ot kostini fehnet yomohmi hatuk o, i shahli hut im ai okpahanchi tok : yakni ilvppa im vlla vhleha hut ilap bika nan it im a katiohmit hopoyuksa kut, a nitaki im vlla vhleha ha i shahli hoke.

9. Yohmi ka, Nan-ai-vhlpesa keyu mammon a hvchi kana vhleha ha hi a isht hvsh ikbashke, hvchim achi lishke : yohmi tukma ont hvoh ai illikma, ai vtta bilia ya ik chukowa, hvchim aiahna hi oke.

10. Kvna hosh nana kut moma ik a lauwo ho aighli achukma yatuk mut, nana kut ik aiaka kia aighli achukma

akinli chatuk; yohmikma kvna hosh nana kvt moma ik a lauwo hq aighli achukma atuk keyukmvt, nana kvt ik aiaka kia, aighli achukma chatuk keyu akinli hoke.

11. Yohmi ka nan-ai-vlhpesa keyu m a m m o n g isht a hvch ik aighlo ke tuk ma, kvta hak osh na holitopa ghli ya hvsh apesvcha hi g hvchi tohna hinla cho?

12. Micha inla yo nana kvt immi hatuk g isht hvch ik aighlo ke tuk mvno, kvta hosh nana kvt chimmi fehna ya chima hi o?

13. Tishu yuka nana kia i shahli tuklochit im antia he keyushke; achvfalit i nukkilli cha, achvfa kamo holitobla hinla; keyukmvt achvfalit halanli cha, anonti achvfa kamo a haksicha hinla hoke. Chihowa, micha mammon it aieninchit hvsh im antia he keyushke, im achi tok.

14. Mihma Falisi vt tvli holisso anuksitia fehna vhleha hatuk osh, ilvppa puta ka haiyaklo mvt, isht ik imi ahno ki tok.

15. Mihma yvmmak ash o, Hvchishno ak osh hatak itik-ba ya ai il achukmvtli hvchia mak oke: yohmi kia Chihowa hv hvchi chukvsh puta ka ithaiyanvshke: nana kvt hatak g im a holitopa fehnakma, Chihowa hv ai i nukkilli mak oke.

16. Nan-vlhpesa, micha hopaii vhleha i holisso aiena kvt aiashvt mihinti tuk o Chan vt vla tok: yvmmak a tok takla kvno Chihowa apelihchika yak osh anuhumpa na hatak puta kv yichinv pit vlbihvshke.

17. Micha vba shutik, mikmvt yakni aiena hokvto ont ik ahobot ik ai iksho ka hinla kv, nan-vlhpesa iskitinosi kv moma ik lauwo hosh ont ik ai iksho ka hi g ik lauwo ka hi oke.

18. Kvna hosh tekchi g kanchi cha, inla itauwayakmvt, havi toba hoke; mikma kvna hosh i hatak vt kanchi tok o itauwaya hokmvt, havi toba hoke, im achi tok.

19. Hatak nan in laua achvfa hosh na-fohka hummakbi hq anonti linen lapushki aiena hq foyuka mvt, nitak moma nan-vpa in chitot nan isht ilaiyukpa hosh anta tok.

20. Yvmohmi ma hatak ilbvsha yosh Lasalvs hohchifo

hosh liahpo bieka ho, yvmma i holihta okhissa ya ont bohyuli na ituyula tok.

21. Yohmi kut hatak nan in laua im ai-impä yō boshulli vt a chilofa kak o habenvt vpa ka aiahni ha tok; yohmi ma ofi puta nana kia ai vlvv liahpo a i holahakshi tok.

22. Atuk ash o yakohmi tok: hatak ilbvsha yash ot illi ma, enchil vhleha hosh ant isht iut, Eblaham shakba pohloma ka ont fohki tok. Mihma hatak nan in laua yash'kia illi cha, hollopi tok.

23. Atuk osh yvmmak ash osh aiokpuloka ya ont ai issikkopa cha, vba chakali mvt, Eblaham vt hopaki pilla ka auet asha ma, Lasalvs vt shakba pohloma ka foka na pisa tok.

24. Mihmvt tahpahanlvv, Aki Eblaham ma! auet a nuk-haklot Lasalvs a auet chvffichi na ibbak-ushi wishakchi a oka kapvssa ik oka hilechi cha, sasunlvsh a ant ik kapvsvlli: a libbi ilvppa vm a palvmmi kut atampa fehnvshke, achi tok.

25. Yohmi kia Eblaham ash ot, Svso ma! chi okchaya taklvv ish ahanta kut, na hochukma puta ka ish pihisa tok: yohmi ma Lasalvs ak kia nana kut a palvmmi puta ka pihisa tuk a, ish ithaiyanashke: yohmi tuk kia yvmmak ash ot himak okvno hopohlvt na yukpa ma, anonti chishno vto chim a palvmmi fehnvshke.

26. Micha ilvppak osh ai vhli keyu; a hvp itin takla ya kolukbi chito fehna hosh bachaya hoke: yohmi hatuk o ilvppa ai asht ia kut tanvblit yvmma a chim ona he tuk mak osh, na kanihma he keyu; yohmikma anonti yvmma asht minti kut hlopulli cha pim vla he keyu akinli hoke, achi tok.

27. Yohmi ma yvmmak ash ot, Yohmi hoka aki ma! yvmmak oka aki in chuka ya pit ish chvfficha he mak o chim asilhha lishke.

28. Yohmi ka itibapishi li hvv tahlapit asha hoka, atokowa ka ont ai im anoli na ai issikkopa ilvppa yvmmakmvt ai vla yoba na, achi tok.

29. Eblaham ash ot, Moses micha hopaii puta im anumpa

hvt in tonla hokvt, yummak o okla i haponaklashke, im achi tok.

30. Yohmi ma yummak ash ot, Ah! aki Eblaham ma! illi atuk ak osh achvvt ayvt im ona hokmvno, okla ile kostinicha hinla hoke, achi tok.

31. Mihma yummak ash ot, Moses, micha hopaii puta im anumpa ha haklo keyukvt, illi tuk osh achvvt tani mak o, yimma hi vt anukfoyuka he keyu hoke, im achi tok.

CHAPTA XVII.

Chisvs vt nan im ai ithvna vhleha hvt ahah! ahni cha, inla ya ik yoshublecho ka he, 1, 3 micha ilap bika yvt nana ka it i kashofa he aiena ka i miha: 6 na yimmi aiahlika yokvt na fehna ka anoli: micha Chihowa ha holitobli kvv nana ho ik yvmohmi kia im anuk-fila mvt akanloei bieka hi a, i miha; 11 leploei vbi a hatak pokoli ho hlakofichi; 20 Chihowa apchlichika yvt hatak chukvsh anuka-ka ak o fohka: micha kvna hosh yummak oka nan isht ik ahno tuk okvt momvt ont ai okpulokvt taha pulla hi a, anoli.

1. YOHMI mvt nan im ai ithvna vhleha hash o ik kanihmi hoh kia nana isht ai ibetvbli okvt iksho ka chi keyu pulla hoke; yohmi kia kvna ho yvmvt isht a tobakma, mihi yosh nan i palvmmi mak oke.

2. Chipunta ilvppa achvfona ka ibetvblichi hokmvt, ilap ak o ikumla ya tvli chito na botoli ak osh a takanli ho, okhva ha pit okvchi kak o, vlvpesa kvv im i shahli hoke.

3. Ahah! hvsh il aiahnashke. Ish itibapishi hvt chi yoshuba hokma, im alvmmi nana ish i mihashke: yohmi na yummak ash ot nukhaklot ile kostinichi hokma, kashofit ish i kanchashke.

4. Michi nitak achvfa ka untuklo ha chi yoshuba cha, anonti nitak achvfa ka untuklo ha yo filemvt, Sa nukhakloshke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlichit ish pi nukfohka, im achi tok.

6. Mihma Chitokaka yash osh, Na hvchi yimmi kvv mvstvvt nihi achvfa ka chohmi hosh hvchi anukfoka hok-

met, bibi vpi iluppa hakshish fehna ai isht alobafvt okhuta hak o ont ish a holokchashke, hvsh im achikma, hvchim antia hinla hoke.

7. Yohmi ka hvsh katima kak osh yuka hv t im anta tuk vt yakni patovfi hokmá, keyukmvt wak ipeta hokmá, nana hosh anta tuk osh osapa mintit vla makinli hō, Ivt ont binili cha, impá, im acha hinla ?

8. Amba yummak o keyukmvt; Nana hō opiaka impa la chi ka atahli cha, il ai-ovskovchit chin taha cha, nan isht is sum anta na impvt nan ishko aienvt issa li ha yō, himmak o impvt nan ish ishkashke, im acha hinla keyu ?

9. Micha yuka yummak ash ot nan ai im vlpisa atuk ash ot yumihoi ma, yak oke! im ahni hō? keyu ka, um aho-bvshke.

10. Yohmi hoka yumma chiyuhmit hvchishno mvt, nana kv t a hvchim vlpisa tuk vt mominchit ont hvsh ataiyahlikmvt, Nana hō isht ai yukpa hi o keyu tishu pia: nana ka isht il ai vta hi a pim vlpesa tuk mak osh e yvmih-chishke, hvsh achi makinlashke, achi tok.

11. Atuk o yakohmi tok: yummak ash ot Chelusalem ia hosh aya mvt, Samalia micha Kalili ajena ka iklvna hlo-pullit ia tok.

12. Micha tvmahushi achufa hō ont ehukowak fehna, hatak pokoli kv t leplosi vbi yosh ant afama cha, mishemanchit suet hiel tok.

13. Mihmvt chitoli hosh okla anumpulit, Chisvs pi shahli ma! ish pi nukhaklashke, achi tok.

14. Mihma yummak ash ot pit pisa mvt, Oh ia cha, naholitompa isht gsha vhleha hak o ont hvsh im ile haiakv-chashke, im achi tok. Atuk o yakohmi tok: ilhkoli hosh asht aya mvt, okla hlakofi tok.

15. Mihma yummak ash ot achefvt hlakofi kv t ile pisa mvt, falama cha, chitoli hosh anumpulit, Chihowa hā holi-tohlich tok.

16. Mihmvt yummak ash iyi ituma yak o hlipia cha, yak oke! ahni aiokpvchi tok: yohmi kv t yummvt Samalatan hatak a tok.

17. Yohmi ma Chisus ash ot anumpuli mvt, Pokoli hoash hlakofi tuk keyu ? amba chakkali mvto ?

18. Falamvt Chihowa hā holitoblichit aya kut iiksho hō, amba oklushi inla hatak ilvppak illvshke, achi tok.

19. Mihmvt yvmmak ash o, Ish wakaya cha, ish iashke ; a chi yimmika yak osh chi hlakofichi hoke, im achi tok.

20. Yvmohmi ma Falisi vhleha hvt Chihowa apehlichika yvt, Katiohmi kak o aya hi o ? ahnit i ponaklo ma, afalaminchi mvt, Chihowa apehlichika yvt ai im akostininchi hō aya he keyu.

21. Micha Yakeh ! ilvppak oke : keyukmvt, Yakeh ! yvmmak oke ; achi kak okmá, kanimampa he keyu hoke. Chihowa apehlichika yvt hvchi chukvsh anpkaka foyuka hoka, achi tok.

22. Yohmi mvt nan im ai ithvna vhleha hash o, Hatak Ushi i nitak o achvfalichit pisa ka hvchi bunna fehna kia, hvch ik peso ka hi a nitak vt ai ona pulla hi oke.

23. Yohmi ka Yakeh ! ilvppak oke ; keyukmvt, Yakeh ! yvmmak oke ; hvchim achikmá, nana hi oke. Yohmikma ivt hvch ik im onokmvt, hvch ik iakaiyo kashke.

24. Malvtha kv shutik nutaka kanima hō a malvthakachit kohchakmvt, shutik nutaka bakapa tvnnvp ma pit on tommi chatuk a, Hatak Ushi i nitak vt ont ai vlpiesakma, yvmmak inli hō chiyuhma hi oke.

25. Yohmi kia ik a yvmohmo kisha ka, isht ai issikkopa mvt in laua he ; mikma hatak himonasi asha ilvppvt ik i yimmot ik ahnincho ka hi mak oke.

26. Mikma Hatak Ushi i nitak mvt, Noah vt ahanta nitak a a kaniohmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vlpowvchit aiasha tuk o, Noah vt peni chito a pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak a a kaniohmi tok mvt, okla impvt, okla nan ishkot, okla na chumpvt, okla na kanchit, okla na hokchit, chuka okla ikbi aienvt aiasha tok.

29. Yohmi tuk kia Lat vt Sotom a a kohchvt ia nitak

fehna ma, luak, micha hituk lakna aiena kut vba ya auet ai umba cha, mominchit vbit taiyahli tok.

30. Yakohmi tok a chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak yvmma fehnakma kuna hosh aboha paknaka anta na im vllhpoyak vt aboha anuka gsha tuk ma, akowvt apoyvt isht ik aiyo kashke; yohmikma anonti kuna hosh osapa anta tukmvt, falamvt ik aiyo akinlashke.

32. Lat tekchi a tok a hvsh ithaiyanashke.

33. Kuna hosh ilap im ilhfiopak okchalinchi bvna hokv-to, kaiyancha he; mikma kuna hosh im ilhfiopak a ik i hullo hokmvt, okchalincha hi oke.

34. Ninak yvmma fehnakma topa achvfa ka hatak tuklot kaha tuk ma, achvfa ka ai eshi na achvfa hosh itonla he.

35. Ohoyo tuklo hosh nan it iba botoli hosh gshwa tuk ma, achvfa kash o ai eshi na achvfa hosh anta he.

36. Hatak tuklo hosh osapa ya gshwa tuk ma, achvfa kash o ai eshi na achvfa hosh anta hi oka, hvch im anoli lishke, im achi tok.

37. Mihma okla afalaminchi mvt, Chitokaka ma! katima yak o? im achi tok. Mihma yvmmak ash ot, Kanima yo illi haknip vt ituyulakma mihi yo ossi puta mvt ont ai itahoba hi mak oke, im achi tok.

CHAPTA XVIII.

Nan apesa ai ahlichy keyu, micha ohoyo i hatak illi nan asilhha achu-nanchi aiena nan isht vllhpisa, 1; 9 Falisi, micha pvvblikan ita tuklo nan isht vllhpisa. 15 Chisvs vt vlla chipunta ya holitoblit ishit sholi. 18 Chisvs vt hatak pehllichy himita nan in laua yo Klaiet okma, nan laua im gsha kak okma, nanta kak osh holitopa kut im i shahli chishba! ahnit imomaka pisa. 31 Chisvs vt ilapvt ititai-yukhvna ahonvhlvt illa he, atukmvt nitak ont isht atuchinakma falamvt tana he, anonti tikbanli anoli.

i. MIHMVT yvmmak ash o, Hatak vt vba pit anum-pohonli kut bilia cha, ik in takobo ka he tuk a, nan isht vllhpisa hq isht anumputit achi mvt,

2. Tvmaha ho nan apesa vt ahanta kv̄t, Chihowa ya i nukshompa keyukm̄v̄t, anonti hatak ma nan isht ik im aho-bo ya tok.

3. Yohmi ma tvmaha yvm̄ma ohoyo i hatak illi yosh anta tok; atuk osh yvm̄mak ash o im ai vla cha, Nan v̄lhpisa si onochi tuk a nan aghi achukma ka isht is svm ai apesashke, achi tok.

4. Yohmi ma yakosi takla kv̄no yvm̄ihcha he ik ahno ke tuk osh, amba himmak o nan il anukfilli kv̄t, Chihowa ya i nukshompa li keyu m̄v̄t, anonti hatak ma nan isht vm̄ ahom-ba keyu hatuk nana kia,

5. Ohoyo i hatak illi ilv̄pp̄v̄t si ataklaiyami hoka, nan aghi achukma ka isht ai im apesa lashke; yvm̄mak keyukma, mihinti bekakm̄v̄t, an takobicha hinlv̄shke, achi tok.

6. Mihma Chitokaka yash ot, Nan apesa ai v̄lhpesa keyu vt nana achi tuk a, ho haiyakl̄o.

7. Yohmi ka Chihowa hv̄t ilap osh ai atokoli tok mak o nitak, micha ninak aiena ka pit in tahpahanla ka, im ile sv̄laha tuk mak osh, nan ai aghi achukma ka ik im apeso ka hinla cho?

8. Chekosi makinli ho nan ai aghi achukma ka isht ai im apesa hi oka, hv̄chim achi lishke. Yohmi kia amba Hatak Ushi vt ayakm̄v̄to, yakni paknaka ya na yimmi kv̄t asha na pisa hi oh cho? achi tok.

9. Mihm̄v̄t kanimi kv̄t ile yimmit, ilap ak osh ai v̄lhpesa mak o im ahobv̄t, inla asha kv̄no ik ahobalo v̄hleha hatuk ash nan-isht-v̄lhpisa ilv̄ppa isht im anumpuli m̄v̄t,

10. Hatak tuklo kv̄t v̄ba pit anumpula ch̄i hosh tempel a pit chukowv̄t okla tok: achv̄fa kak osh Falisi okma, achv̄fa kv̄to p̄v̄likan a tok.

11. Falisi ash osh hikia cha, v̄ba pit isht il anumpuli m̄v̄t, Chihowa ma! hatak inla asha na-wehli; nan ik ai v̄lhpieso; haui puta; mikm̄v̄t p̄v̄likan ilv̄ppak kia ak chohmo kv̄t, yak oke! pit chim aiahni lishke.

12. Nitak hullo achv̄fakma hitukla na hullochi likm̄v̄t, nan vm̄ asha puta kv̄t ont isht pokoli kv̄t a kv̄nihyv̄shke, achi tok.

13. Yohmi ma publikan ash ot auest mishema yak inli ho hikiot, i holhponayo ak kia vba chakalinchí keyu hosh, peh ikkishi ak o isso mot, Nan ashvchi sia hoka, Chihowa hot is sa nukhaklashke, im achi tok.

14. Yohmi kut hatak ilupvet nan im aighli achukma kut achufa yash i shahli hosh in chuka ona tok a hvchim anoli lishke: kuna hosh ile fehnevohikmot, aka ona he; mikma kuna hosh ile akanlosichi hokmot, holitopa hi oka, achi tok.

15. Yohmi ma vlosi puta kia, yummak ash ot potola hinla ka okla ishit im ai vla tok: yohmi kia nan im ai ithvna vhleha hash ot pisa mot, okla im alvmmi tok.

16. Yohmi kia Chisus vto yummak ash o pit hoyo cha, Vlla chipunta vt vm ai vla hi a hvsh ahni cha, hvch ik im alammo kashke; iluppak o chohmi hosh Chihowa apehlichika ya aiasha hoke.

17. Ahli mak o hvchim achi lishke; Kuna hosh vlla iskitini ak o chohmit Chihowa apehlichika ya aiokpuchi ho keyumot, kaniohmi kak osh yumma chukowa he keyu hoke, achi tok.

18. Mihma hatak pehlichí achufvt i ponaklot, Nan-ithv-nanchi achukma ma! nantak o katiohmi li kak osh ai ok-chayvt bilia yato vmmi ha hinla cho? achi tok.

19. Mihma Chisus vt yummak ash o, Na katihmi ho vno a achukma is ai achi cho? achukma kut iksho ho, amba achufa kak illa, yummot Chihowa ak oke.

20. Nan vlpisa, Haui ish toba ná: Kuna kia ish bi ná: Na chik hukopo kashke; Anumpa ik ahlo isht atokolit chik anto kashke; Chiki, micha chishke aiena ka ish holitoblashke; achi puta ka ish ithantashke, im achi tok.

21. Mihma yummak ash ot, ella sa tomba kash inli hosh iluppa puta ka holitoblit isht mihinti li tok a ant a himak vshke, achi tok.

22. Mihma Chisus vt iluppa puta ka baklo mot, Yohmi kia nana achufa ho isht ohik ai onoshke; nana chim gsha kut mominehit ish kampila cha, ilvsha ya ishit it a kvsh-koachi, yohmik mak eah vba ya chim ilayak vt gsha hi oke; micha ant is siakayashke, im achi tok.

23. Mihma yummak ash ot ilvppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna hō Chisva vt pisa mvt, Nana in laua vhleha hokvto palvmmi fehna nana hō Chihowa ap ehlichika yā chukowa he ;

25. Kamel vt chofak ushi nishkin a hlopulli ka palvmmi kv̄t hatak nan in laua yosh Chihowa ap ehlichika chukowa hokvno ik lauwoshke, im achi tok.

26. Mihma yumma okla haklo mvt, Yohmikma kv̄ta hak osh okchaya hinla cho ? achi tok.

27. Mihma yummak ash ot, Hatak okmvno nana kv̄t ai yvmohma he keyu kia, Chihowa yak okmvno ai yvmohmi hoke, achi tok.

28. Yohmi ma Pita yash ot, Yakeh ! Pishno vto momin-chit il issa cha, e chiakaiya kvno, achi tok.

29. Mihma yummak ash ot okla hash, Ahli mak q hvchim achi lishke ; Hatak vt Chihowa ap ehlichika pulla hatuk mak q in chuka, iki, ishki, itibapishi vhleha, tekchi, im vlla puta aiena ka a kanima kia issvt aya hokvto,

30. Yakni ilvppak inli ka nana laua kv̄t yummak atuk q im i shahli tuk mvt, yakni inla mihintikma, ai okchayvt bilia yā ik peso ka hi vt iksho hoke, im achi tok.

31. Yohmi mvt auah-tuklo kash hoyo cha, Inta ! Chelusalem ak q iloh ivshke ; yohmi ka hopaii vhleha hv̄t Hatak Ushi ak q holisso hā ishi ai ikbichi tok a puyuta kv̄t ont ai ghla chi hoke.

32. Yummak oka ishit Chentail okla ibbak fohki na ishit yopulvt, itukhlakavt hofahyalichit, on tuftua chi :

33. Micha okla fvm̄mi cha, vba chi hoke ; atukma nitak ont a tuchinakma falamvt tana hi oke, im achi tok.

34. Yohmi ma ilvppa puta ka achi kia okla ik akostinincho ki tok : mihma anumpa ilvppvt im a luma na nana kv̄t anumpa tuk ash kia okla ik ithaiyano ki tok.

35. Atuk q yakohmi tok ; yummak ash ot Cheliko bilijasi ka vla ma, hatak lupa achvfa kv̄t hina lapalika yq binilit nan asjlhha tok.

36. Atuk osh okla laua vt ont ihiya ka haklo mvt, Katiohmi hosh yakohmi cho? achit a ponaklo tok.

37. Mihma, Chisvs Nasalet ai vtta ak osh aya hatuk a, okla im anoli tok.

38. Mihma yvmmak ash ot tahpulvt, Chisvs, Lewi Ushi chia hvt is sa nukhaglashke, achi tok.

39. Mihma tikba asht aya tuk ash ot, nukchinta chi ka, i miha tok: yohmi kia yvmmak o isht i shahlichhi fehnvt tahpulvt, Lewi Ushi chia hvt is sa nukhaglashke, achi tok.

40. Mihma Chisvs vt hikia mvt, yvmmak ash o isht im vla hinla ka miha tok: atuk osh yvmmak ash ot i bilikasi vla ma, i ponaklot,

41. Nanta hak o a chi katimichi la hi a, ish ahni cho? achi tok. Mihma yvmmak ash ot Chitokaka ma! hoponayo la hi a, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yvmmak ash ot ashalika hoponayo eha, yvmmak ash o iakaiya mvt, Chihowa ya holitoblichhi tok: mihma okla hvt pisa mvt, Chihowa ya pit aiokpahanchi tok.

CHAPTA XIX.

Sakevs vt vbanumpa anukfohka tok a isht anumpa, 1. 11 Hatak holitempa hosh miko tobvt ia hosh, in tishu vhleha ha tvli holisso ibbak fohki. 25 Chisvs vt issuba haksobish falaia himita yo o minilit aya hosh Chelusalem a ont chukowa; 45 Chisvs vt tempel a ont chukowa cha, nan itatoba vhleha maya tuk a kocha pit tiheli.

1. **MIHMA** Chisvs vt Cheliko ont chukowvt a hlopullit ia tok.

2. Mihma hatak vt publikan vhleha pehlichhi yosh Sakevs hohchifo kv, nan in laua hosh anta tok.

3. Atuk osh yvmmak ash ot, Kvta hoh chishba? ahni mvt, Chisvs a pisa bvna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmvt yom-imma ont ia chi hatuk o, pisa chi hosh tikba pit malelit, bihi iti o ont oiya tok:

5. Atuk o Chisus ash ot yummak ash o vla mvt, pit vba chakalit yummak ash o pisa cha, Sakevs ma! tshpvt akowá; himak nitak a chin chuka ya anta ia chi hatuk oke, im achi tok.

6. Mihma yummak ash ot tshpvt akowa cha, na yukpa fehna hosh yummak ash o ilanelit ilap in chuka isht chakowa tok.

7. Mihma okla hvv pisa mvt, momvt lamasit na mibachit, Hatak nan ashvchi yo kak o ont ibai vta chi hosh ia tuk, achi tok.

8. Mihma Sakevs ash osh hikia cha, Chitokaka yash, Inta! Chitokaka ma! um ilayak a ikkmachit ilvsha ya im issa lishke; yohmi kvv hatak nana kia nanasi ka anumpa isht a holabi hosh im ishi li tak okmvt, yummak atuk a ohmi ushta ho i falamichi lashke, im achi tok.

9. Mihma Chisus ash ot, Ilppak kia Eblaham ushi akinli hatuk oka, himak nitak a ai-okchaya yvt chuka ilvppa vlvshke.

10. Hatak Ushi vt okpulot taha tok mak o hoyot okchalicha chi hosh aya tok oka, achi tok.

11. Mihma ilvppa puta ka okla haklo ma, achakalinchit mvt, Chelusalem a onq he, micha Chihowa apehlichika yvt chekosi otvna hima ka, okla im ahoba aiena hatuk oka, nan isht-vlvpisa ho isht anumpuli tok.

12. Yohmi hatuk osh, Hatak holitompa achvfa hosh miko ont vlvtoke cha, falamvt aya hi osh yakni hopaki ka ia tok.

13. Mihmvt in tishu pokoli ka hoyo cha, tvli holisso weki pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nukkilli cha, Hatak yummak okvno ik pi pehlichí, il ahma he keyu, achit anumpa shali a iakaiyachit pit chvffichi tok.

15. Atuk o yakohmi tok; yummak ash ot miko ont vlvtoke im vlvtoke cha, falamvt vla; yohmi mvt nana isht itatoba kvv hatak achvfa aiyuka kvv kaniohmi ho ahayachi

tukma, akostinincha hinla kut, tishu vbleha ivppa tvli holisso ima tok ash, yvmmvt im annoa cha, im ai vla chi ka, apesa tok.

16. Mihma tikba vla kut, Chitokaka ma! chin tvli holisso weki achufa tuk ash osh weki pokoli ho isht il ahayuchi li tuk oke, achi tok.

17. Mihma yvmmak ash o, Ulhpesa, tishu chi achuk-mvshke; nana kut ik lauwo fehna kia aighli chi achukma tuk okvt, tmaha pokoli ho ai i shalhit ish pehlicha chi kut a chim vlhpiesashke, im achi tok.

18. Mihma atukla kut vla mvt, Chitokaka ma! chin tvli holisso weki achufa tuk ash ot weki tahlapi ho isht il ahayuchi li tuk oke, achi tok.

19. Mihma yvmmak ash kia, Chishno mvt, tmaha tahlapi ho ish pehlicha chi kut a chim vlhpiesashke, im achi tok.

20. Yohmi ma inla yosh vla mvt, Yakeh! Chitokaka ma! chin tvli holisso weki achufa kash nantapuski yo a bonullit bohli li tuk o, yak ifonlvshke.

21. Nana ka chishno ak osh ish bohli tuk keyu kia, ish ishi; yohmikmvt ish hokchi tuk keyu kia ish mo chatuk; hatak palvmmi chia hatuk oka chi sa nukshopa tuk oke, im achi tok.

22. Mihma yvmmak ash o, Tishu haksi chia ka chishno chitih a kohcha kak inli ho nan isht chim apesa la chi hoke. Hatak palvmmi sia nana ka vno yak osh bohli li tuk keyu kia ishi li; mikmvt hokchi li tuk keyu kia vmo li chatuk a, ish ithana;

23. Yohmi ho kak osh na katihmi ho an tvli holisso weki achufa kash tvli holisso a bohli a chik bohlo ke tuk o, vla li kut vmmi hash a chelichi hosh ak hoyo cho? im achi tok.

24. Mihmvt bilika hiohmaya kash o, Yvmma tvli holisso weki achufa kash oh im ishi cha, tvli holisso weki pokoli ha jshi kak o oh ima, im achi tok.

25. Mihma, Chitokaka ma! yvmmak okvto tvli holisso weki pokoli ka jshishke, okla im achi tok.

26. Kena hosh jshi hok mak o ima he; amba ik im iksho

hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vhleha hvt i miko la he tuk a, vhl-pesa ik ahno ke tuk yvmmak okvno ilvppa isht vla cha, sa tikba ya oh ai vbi, achi tok oke, achi tok.

28. Micha ilvppa yakohmichit anumpuli mvt, tikba hikvt Chelusalem a pit oiyvt ia tok.

29. Atuk o yakohmi tok; Betfachi, micha Betani aiena ka auet bilika nvni chaha Alif hohchifo ho vla mvt, nan im ai ithvna ya tuklochit pit tihleli mvt,

30. Ivt tvmahushi hvchi chapaka talaia ka hvsh onashke: yvmma ont hvsh chukowak fehna kvt issuba himita hatak vt ik o minilo kisha yosh talakchit hikia na hvsh pisa chi hoke; yvmma hvsh i hotofi cha, isht hvsh lashke.

31. Mikma hatak nana hosh hvchim ponaklot, Nanta katiahmi ho hvsh i hotofi cho? achikma, Chitokaka yak osh bnna hatuk oke; hvsh im achashke, im achi tok.

32. Mihma vltoka tuk ash ot itiachi mvt, yvmma nana ai i miha tuk ash yohmi fehna mvhli ho ont pisvt okla tok.

33. Micha issuba himita yash i hotofi hosh ahagshwa ma, yvmmt immi atuk ash ot, Nanta katiahmi ho issuba himita ya hvsh i hotofi cho? im achi tok.

34. Mihma, Chitokaka yak osh bnna hatuk oke, achi tok.

35. Mihmt yvmmak ash o Chisvs a isht im ona; yohmi ma issuba himita yash anchi puta ka om pvlli cha, Chisvs a okla o minilichi tok.

36. Micha ia hosh aya ma, hina ya im anchi puta ka okla pvlli tok.

37. Atuk osh yvmmak ash ot ong he Alif nvni ha pit okvtanowvt mahaya ma, nan im ai ithvna vhleha okla chito ash ot moyumvt na fehna puta kvt yvmohmi na okla pihisa tuk vt, na yukvt chitolit tahpvt, Chihowa ya pit aiokpahanchi tok.

38. Chitokaka i hohchifo ho aya kvt miko yvmmt holi-topvshke; vba ya nanaiya achukmakma, achaha moma i shahli ma Chihowa vt ik a holitopa, achi tok.

39. Mihma Falisi vt okla laua takla asht aya tuk vt kani-

mi kv̄t, Nan ithv̄nanchi ma! na chim ai ithv̄na vhleha h̄a im alv̄m̄mi, im achi tok.

40. Mihma yvm̄mak ash ot afalaminchi mvt, Yakohmi kv̄t ont yokopa hokma, tv̄li puta kv̄t chekosi fehna tahp̄v̄lt anumpula hinla hoka, hv̄ch im anoli lishke, im achi tok.

41. Atuk osh bilika ona cha, tv̄maha hash pit pisa cha, isht yaiya mvt,

42. Chishno akinli fehna kv̄t a ch̄i nitak ilv̄ppa fehna kak kia nana isht chi ai yukpa he ai v̄lhpesa ka ish ithaiyana tok okbato; amba himak okv̄no ch̄i holhponayo h̄a ai in lumv̄t kv̄nia hoke.

43. Chin tv̄nv̄p vhleha hv̄t yakni kullit on talaka holihta kv̄llo ai ikbichit isht chi a folv̄blit a chim oktv̄bli bieka na anukaka ȳa ish foyuka hi a nitak vt chim aya hi oke.

44. Yohmikma a ch̄i nowv̄t aya he nitak a chik ithaiyano ke tuk oka, chishno, mikmvt chim v̄lla chi anukaka asha aiena ka yakni ak o ai itilauechit aka chi bohla he; mikmvt tv̄li achv̄fona kia it v̄lantv̄t kaha hi a, ik chim ahno ka hi oke, achi tok.

45. Mihma tempel a ont chukowa cha, anukaka yvm̄ma nana a kanchi, micha nana a chumpa aiena maya tuk ash kocha pit yuhli mvt,

46. An chuka yv̄t v̄ba pit ai anumpuli chuka yoke: achi hosh holisso tok okak o, hv̄chishno yokv̄to na hukopa vhleha in chuka ȳo hv̄sh ikbishke, im achi tok.

47. Yohmi mvt nitak moma tempel anukaka ȳa nana im ai abahanchi tok. Yohmi kia na holitompa isht asha pehlich̄i vhleha, mikmvt na-holissochi puta, micha hatak fochitoka vhleha aiena kv̄t v̄bi b̄vnv̄t aiasha tok.

48. Yohmi kia okla momv̄t im a haponaklo kv̄t im achukma fehnv̄t aiasha hatuk o, nana a kaniohma hinla kv̄t ik ithaiyano ki tok.

CHAPTA XX.

Kan̄imi kv̄t, Klaist kan̄iohmit isht im ai v̄lhpesa hosh yvm̄ohmi hatuk vt atokowa anola ch̄i ka, im ahni hatuk o nan anoli, 1. 9 P̄a-kv̄pi a hollokchi isht v̄lhpesa. 20 Iskv̄li itv̄nali vt Sesa ak o im

itahoba he ai vllhpesa hatuk a Chisvs vt otvvinchi. 27 Chisvs vt hatak illi falamvt tana he ilvppa Satusi okla hq isht it im anum-puli mvt, anumpa hq i kobvffi. 41 Klaist vt a katiohmi kak osh Lewi a ushi okmvt, anonti Lewi a in Chitokaka ya hinla chishba? achit Chisvs vt ponaklo tok.

1. ATUK o yakohmi tok: nitak yvmma foka ma tempel anukaka ya okla nana im avvchi, micha vbanumpa isht anumpuli aiena hosh ahanta ma, na-holitompa isht gsha pehlich i vhleha, micha na-holissochi vhleha, mikmvt hochi-toka vhleha aiena kvv ai it apihvt ant i kohoha tok.

2. Mihmvt im anumpulit, Nan-isht ai vllhpesa nana hq ilvppa puta ka isht ish yakohmichi, micha kvna hosh nan isht ai vllhpesa ilvppa chima tok a ish pim anolashke, achi tok.

3. Mihma yvmmak ash ot afalaminchi mvt, Vno ak kia nana achvfa ka hvchi ponaklo la chi hoke, mikma is svv anolashke.

4. Chan baptismo vt vba yak o a minti hokma, keyuk-mvt hatak ak o a minti hokma, nanta ha tok o? im achi tok.

5. Mihma ilap bika nan it im achit maya mvt, Vba yak o a minti tok; il achi hokma, Nanta katiohmi hq yvmma hvch ik i yimmo ke tuk oh cho? acha hinla.

6. Amba anonti, Hatak ak o a minti tok; il achi hokma, Chan vt hopaii a tok a okla yimmi hatuk okvt, okla momvt tvli isht pi bola hinla hoke, achi tok.

7. Mihmvt afalaminchit, Kanimampo kak a tok a kil itha-noshke, okla im achi tok.

8. Mihma Chisvs ash ot, vno ak kia nan isht ai vllhpesa nana hq ilvppa puta ka isht yakohmichi li hatuk vt ak hv-chim anolashke, im achi tok.

9. Mihmvt nan-isht vllhpisa ilvppa okla hq isht anumpulit isht ia tok: Hatak achvfa hosh pakvpi a hokchit tahli cha, hatak toksvli vhleha hq i pota cha, yakni hopaki hq nowvt gya na achiba tok.

10. Atuk osh a waya ont vllhpesvt taha ma, pakvpi a hollokchi a waya ka okla ipeta chi hq, yvmmak ash ot tishu

ha hatak toksvli vhleha hash pit i chvffichi tok: yohmi tok kia hatak toksvli vhleha hash ot yummak ash o boli cha, nana ik im iksho ho kanima pit chvffichi tok.

11. Mihma anonti tishu inla ho pit chvffichi tok; atuk o yummak ash kia okla bolit hofahyalichi fehna cha, nana ik im iksho ho kanima pit chvffichi tok.

12. Mihma anonti ont atuchina ma pit chvffichi tok; yohmi ma yummak ash kia okla bolit ai okpvninchi cha, kocha pit pila tok.

13. Yohmi ma pakvpi a hollokchi vt immi hatuk ash ot, Nanta ho katiahmi la chi cho? svso a holitopa yak o pit chvffichi laashke; yummak okmvo okla pisakmt, holitobla hinla yoba ka, achi tok.

14. Yohmi tuk kia hatak toksvli vhleha hash ot yummak ash o pisa mt, Ilvppak osh immi ha he mak oke; inta! kiloh vbi, atuk mt nan im ai vlhtoshowa he tuk vt hvvimmi ha hinla hoke, ilap bika it im achit maya tok.

15. Mihma yummak ash o pakvpi a hollokchi a ishit a kobchi cha, okla vbi tok: yohmi kvno pakvpi a hollokchi vt immi hatuk ash ot yummak ash o nanta ho katimihcha hinla cho?

16. Yummak ash ot gyvt vla cha, hatak toksvli vhleha ilvppak ash vbit tahlakmt, pakvpi a hollokchi ash inla yo i pota hi oke, achi tok. Mihma okla haklo mt, Yohma hi a Chihowa yvt ik ahno kashke, okla achi tok.

17. Mihma okla ha atokolit pisa mt, Yohmi ka tvli ya chuk-ikbi vhleha hvit shitilema yash o mihi ash inli hosh chukbika nutaka in tola holitopa i shahli ho tobvshke, achi holisao ilvpprt katiahmi hoh cho?

18. Kvna hosh tvli yumma onvtulakmt, kobahla he; amba yummak ash ot kvna ho onvtula hokmvo, litolit kaiyancha hi oke, achi tok.

19. Yohmi ma hvshi kavlli vlhpisa yummak fehna ka na-holitopa isht gsha pehlich vhleha, micha na-holissochi vhleha aiena kv, yummvt nan-isht-vlhpisa ilvppa ilap ak o isht arumpuli hatak a okla akostininchi hatak osh, yummak ash ishi bvna hokak osh okla hak o i nukshopa tok.

20. Mihmvt okla apesvchi beka ; yohmi mvt hatak vhpesa ilahobi cha, yvmmak ash ilap im anumpa akinli hō ai isht onochi : yohmi hokmak osh yvmmak ash ishit hatak pebli-chi ibbak ā ont fohki na nana im apesa hinla ka, na pisa vhleha hā tohno tok.

21. Mihmvt yvmmak ash ot okla i ponaklot, Nan ithvnanchi ma ! nana kvt ai-vlhpiesa hō ish miha, mikmvt ish ithvnanchi, yohmi kvt hatak mvt a chim it i shahsholi keyu, amba Chihowa i hina ai āhli mak o ish ithvnanchi chatuk ā il ithaiyanvshke.

22. Noshkobo isht chumpa tvli holisso ā Sesa yak o ima he ai vlhpesa hokmā, keyukmā, nanta cho ? pit achi tok.

23. Yohmi kia yvmmak ash ot okla nan-ilahobi ka akostinichi hatuk osh, Nanta katiohmi hō imomakachit hvs sa pisa cho ?

24. Iskvli ā oh ā haiakvchi. Kvtā hak o holbvt toba hō, mikmvt kvtā hō a hohchifo hō ? im achi tok. Mihma afalaminchi mvt, Sesa yak oke, okla im achi tok.

25. Mihma yvmmak ash ot, Yohmi hoka nana kvt Sesa yak o ai immi hokma Sesa yak o hvsh imashke ; mikma nana kvt Chihowa yak o ai immi hokmvno Chihowa yak ashke, im achi tok.

26. Yohmi ma okla itikba yā im anumpa hā ai isht onocha he keyu mvt, yvmvt nana miha ka anukhlakancha cha, nana ik acho ki tok.

27. Yohmi ma Satusi vhleha kanimi kvt, Illi yvt falamvt tana he keyu, achi chatuk osh im ai vla cha, i ponaklot,

28. Nan-ithvnanchi ma ! hatak nana kia itibapishi hvv illi kvt tekchi vt āsha hosh, vlla yvt iksho hō illi hokma, itibapishi hatuk ak osh tekchi atuk ā ilauei cha, itibapishi hatuk ā vlla isht im ai ikba hi oka, Moses vt holissochit pī bohli tok.

29. Yohmi tok o itibapishi hvv untuklo hosh āsha tok : atuk o akni ak osh ohoyo itauawa tuk osh, vlla yvt iksho hō illi tok.

30. Mihma atukla kash ot yvmmak ash ilauei tuk osh, anonti vlla yvt iksho hō illi tok.

31. Yohmi ma ont atuchina kash ot ilauei; yohmi tok o ont isht untuklo kash kia yvmmak ash inli ho chomit ilauei; yohmi kut vlla kia iksho ho illi tok.

32. Ont isht aiyopi fehna ma ohoyo hash kia illi tok.

33. Yohmi ka untuklo kash ot yvmma tekchi ikbit ilauei tok okvno, illi yvt falamvt tanikma, katima kak o tekchi mak a hi oh cho? achi tok.

34. Mihma Chisvs vt afalaminchit, Yakni ilvppa vlla yovto itauwaya, mikmt vlpovvchit itauwayvchishke.

35. Amba yakni yvmma pisa he, micha illi tok vt falamvt tana he aiena kut ai im vlpesa tuk yvmmak okvto itauwaya he keyu, micha it im apovvchit itauwacha he keyu hoke,

36. Mikmt himmakma illa he keyu; yvmmak okvt enchil vhleha hak o ai itilau hokvt, micha falamvt tani tok okla hokvt Chihowa im vlla mak oke.

37. Illi yvt tana he, Moses ak kia bufaha anukaka ya ai otvninchi mak osh Chitokaka yvt Eblaham in Chihowa, mikmt Aisaak in Chihowa, micha Chekob in Chihowa aiena ka hochihifo tok.

38. Yvmmak okvt illi ak o in Chihowa yo keyu, amba okchaya yak oke; yvmmak o moma kut ai okchaya hoka, im achi tok.

39. Mihma na-holissochi vhleha kanimi kut afalaminchit, Nan ithvnanchi ma! vlpesa fehna ho ish mihvshke, achi tok.

40. Mihmt yvmmak atuk o i himmakma okla nan i ponaklo kut nukwia tok.

41. Mihma yvmmak ash ot okla hash, Katiohmi ho Klaist vt Lewi a Ushi okla achi cho?

42. Mihma Lewi vt ilap inli kut ataloa holisso ha, Chitokaka yvt an Chitokaka ya, Svbbak isht-impakimma ya ish binili na,

43. Chin tvnvp vhleha ha chiyi yvt ai-q-hikia yo ikbi lashke, im achi tok, achishke.

44. Lewi vt yvmma Chitokaka achi, yohmi ka katiohmi hosh ilap ushi oh cho? im achi tok.

45. Yohmi mvt okla momvt haklo na nan im ai ithyna vhleha yash,

46. Na-holissochi vhleha nafohka holitopa hofvloha ho abehkvchit itvnowa bvnna, micha ilhpak a kanchi ai it-aiokpvchi yak o, micha sinakak puta anyakaka ma ai-o-minili holitopa i shahli puta kak o, mikmvt impa chito asha ka aia-sha holitopa i shahli puta kak o ai im achukma vhleha;

47. Ohoyo i hatak illi vhleha in chuka puta ka a wehpuli, micha peh ilahobi kvv vba pit anumpuli aiena kvv falaiachi vhleha ha ahah! hvsh im aiahnashke; yummak okvto na palvmmi chito i shahli ho pisa he mak oke, im achi tok.

CHAPTA XXI.

Ohoyo i hatak illi yosh Chitokaka ya na kvvtnosi pit isht aiokpvchi ho, Chisvs vt ahninci fehna, 1. 5 Tempel vt ont aiokpulokvt taha hi a, anonti Chelusalem vt ont aiokpulokvt taha cha, chukillisevt talaia hi a isht anumpuli; 25 micha ilap vt vla chikma, nan isht atokowa puta kvv kaniohma hi a anoli.

1. MIHMVT vba chakalit hopokoyo mvt, hatak nan in laua vhleha hvv tvli holisso abohli holitopa yo in tvli holisso ya pit apittvt maya ho pisa tok.

2. Mihmvt ohoyo i hatak illi ilbvsha yosh mait tuklo ho yvmma pit apitta ka, pisa akinli tok.

3. Mihmvt yummak ash ot, Ahli mak o hvchim achi lishke, Ohoyo i hatak illi ilvppvt moma i shahlichit pit fohkishke.

4. Ilvppak okvto moma kvv nan in laua hatuk osh ai im atampa kvv Chihowa isht aiokpvchi abohli ya pit apittvshke; amba yummak okvto ilbvsha yosh isht ai okchaya he vt in tonla tuk vt lushumit pit abehlishke, achi tok.

5. Yohmi ma kanimi kvv tempel vt tvli hochukma, micha na hvlbena puta ishit shema fehna ka okla isht anumpulit maya ma, yummak ash ot,

6. Ilvppa puta hvsh pisa ka, tvli achufona kia aka ik itolo ke tuk osh, it o tvlkanchit itonla kvv ai iksho ka he nitak vt vla hi oke, achi tok.

7. Mihma okla i ponaklot, Nan-ithvnanchi ma! katiohmi fokak mak o ilvppa puta kvt ai yvmohma hi oh cho? micha ilvppa puta kvt ont a yvmohma chik ma, nan-isht atokowa nanta hosh otaiyana hi oh cho? achi tok.

8. Mihma yvmmak ash ot, Ahah! hvsh ahni cha, ik hvchi yoshubo kashke; sa hohchifo hq isht hochifo kvt, Uno ak osh Klaist sia hoke, achit aya kvt laua hi oka; ai yohma he nitak vt ik hopakoshke: yohmi kia yvmma hvch ik iakaiyo kashke.

9. Tvnvp asha, micha nana ik it im achukmo fehna ka hvsh haklo kia, ik hvchi nukshopo kashke: yvmma puta kak osh tikbanli ai yvmohma hi oka; amba ont ishtaiyopi kvt chekosa chi keyu hoke.

10. Yvmma fokakma oklushi achefa kvt oklushi inla ya it in tanampa he; yohmikma miko apehlichy achefa kvt miko apehlichy inla ya it in tanampa hi oke.

11. Yohmikma kanima ai ilaiyukachit yakni vt winakvchi chinta he; mikma hohchvfo chinto, micha abeka okpulo aiena kvt asha he; yohmikma nana pisvt ai i nukshopa he fehna, micha nan isht atokowa chinto aiena kvt vba ya auet a haiaka hi oke.

12. Yohmi kia ilvppa puta kvt ik a yvmohmo kisha ka, sa hohchifo pulla hatuk mak o okla hvtt ibbak a hvchi ono-chi cha, hvch issikkopala he; yohmi kvt miko vhleha, micha hatak pehlichy a puta itikba ya isht hvchi ai onvt, sinakak puta isht hvchi ai ona, mikmvt aboha kvlllo a hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana hq hvsh miha hi vt tikbanli hvch ik anukfillo ka chi kvt, hvchi chukvsh ma hvsh il anukfoyukashke.

15. Uno ak osh itih, mikmvt im anukfila hopoyuksa aiena ka hvch ima likma, yvmmak o hvchi nukkilli vhleha hvtt i sanalit miha, mikmvt a kanimancha he kia iksho ka hi oke.

16. Michu hvch iki, hvch ishki, mikmvt hvsh itibapishi

vhleha, hvchi kanomi vhleha, micha hvch i kana vhleha aiena kvt hvch ishit, okla ibbak a hvchi fohka he: mikmvt hvsh kanima mvt, yummak osh ai ahni hq, hvch illa hi oke.

17. Micha vno sa hohchifo pulla hatuk mak o hatak moma kvt isht a hvchi nukkilli hi oke.

18. Yohmi kia hvchi noshkobo pashi vt achufa kia ai okpuloka he keyu hoke.

19. Nuklanlvt achunanchit hvsh ahanta pulla hosh hvchim ilhfiopak atuk ma hvsh il ai eshashke.

20. Micha Chelusalem a tvshka chipota puta ka isht apakfoyupa na hvsh pisakmvt, yummvt aiokpulokvt taha chi ka, atukonofa ka hvsh ithaiyanashke.

21. Yumma fokakma Chutea ya aiasha tuk vt nvni chaha foka pit yihlepakma; anonti yumma ai iklvna aiasha tuk vt a kocha wihashke; mikma kocha foka tmahushi maya tuk okvto yumma pit ik vlbeho kashke.

22. Nana puta holihiso tok vt ont ai ghla chi mak o, ilvppv na palvmmi chinto kvt isht ai im vlhpisa he nitak a hi oke.

23. Amba nitak yumma foka hq vlla shanli, micha pishinchi aiena hokvto i palvmma he; na komunta chinto kvt yakni a ai onvtuyulakma, vba auet i nukkilli mvt okla ilvppa onvtula hi oke.

24. Yohmikma bvshpo falaia yo isht akakoha he; micha yuka tobtv oklushi moma ai im ohona he; mikma Chelusalem a Chentail okla hosh aka a hvhlihinch na Chentail okla nana im ai vlhpisa atuk vt ont ai ghlik mak a hi oke.

25. Yohmikma hvshi, micha hvshi-ninak-gya, mikmvt fochik puta aiena ka nan isht atokowa kvt aiasha he; mikma oklushi puta a kaniohmi ik ithanot isht a komunta yvt yakni paknaka ya ai onvtuyulakma, okhvta oka bvvtha kvt fohompa he;

26. Ilvppa puta kvt yakni a ai onvtuyula chi ka hohoyo tuk vt hatak chkvsh puta kash ot nukshopvt illa hi oke: vba nan isht aighli ka puta gsha kash ot winakahancha hi oke.

27. Yumma fokakma Hatak Ushi vt nan-isht-aighlika,

micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kvt ont aighlit isht ia, yohmikma a hvchi hlakofa chi kvt atukonofvt taha hoka, vba pit hopokoyot hvchi noshkobo ha hvsh vba chakalichashke, im achi tok.

29. Mihmvt nan-isht vlhpisa ho okla hash isht im anum-pulit, Fik vpi, micha iti puta ka ho pesa.

30. Yvmmvt bokoplit kohcha na hvsh pisakmvt, hvchish-no akinli kia toffa vt olanlosi ant takanli ka hvsh ithana chatuk oke.

31. Yohmi kvt yvmmak inli ho chiyuhmit nana ilvppa puta kvt ont aighli na hvsh pisakmvt, Chihowa apelhichika yvt auet olanlosi cla ka hvsh ithaiyanashke.

32. Ahli mak o hvchim achi lishke; Himak a hatak asha ilvppvt ont ik ai ikshot ik kvnio kisha ho, momvt ont aighli ha chi hoke.

33. Uba shutik, micha yakni aiena hokvto ont ik ai iksho ka he; amba vno vm anumpa puta hatuk vto ont ik ai iksho ka he keyu hoke.

34. Micha ahah! hvsh il aiahnashke; yvmmak keyukmvt kanima kash inli ho isikopa, micha na homi ishkot haksi, mikmvt yakni ilvppa antvt nana ai okchaya he anukfoyuka fehna aiena kak osh hvchi chukvsh ma isht alotvt atupa, yohmi na hvch ik akostinincho ho, nitak yvmmvt ayvt ant hvchi kohcha hinla hoke.

35. Yvmmak okvt nan-isht hokli o chiyuhmit ayvt, yakni pataiya ai ahashwa tuk a mominchit i kohcha hi oke.

36. Yvmohmi hoka il a nuktahlvt vba pit anumpohonlit hvsh biliashke: yohmi tuk osh nana kvt a yakohma chi puta ka mominchit ai i hlakofit, Hatak Ushi itikba ya hioh-maya hi vt a hvchi vlhpeshashke, im achi tok.

37. Mihmvt nitak okvno tempel anukaka yak o nana ithvnanchit anta tuk osh, ninak ano kohchvt ia mvt, nvnih chaha Alif hohchifo ho ont antvt on onna tok.

38. Atuk o onnahinli fehna i haponakla chi kvt, okla hvtt momvt tempel a im ai ona tok.

CHAPTER XXII.

Chutas Iskaliot vt Chisvs g ishit na-holitompa isht asha pehlichichleha hq ibbak fohka chi kvt nan it im apesa, 1. 7 Pita, Chan ita tuklo hosh ont ai vbanvblit isht vlpisa ka atahli hq, Chisvs vt asah-tuklo yash it ibai impa mvt, 19 opiaka na holitopa impa isht vlpisa ka apesa. 31 Pita na-yimmi im anukfila hatuk vt i kvenia chi keyu, amba hituchina ha yq ilapa ik ithano chatuk vt miha chi ka, Chisvs vt im anoli. 39 Nana kvt im a palummi, micha vba pit anumpohonlit osapushi anukaka ya anta; 47 Chisvs g okla isht ia na na holitompa isht asha pehlichichleha g im ona. 54 Pita yvt hituchina ha yq Chisvs g ik ithano ka miha tuk osh, i himmak o nukhaklot yahaya fehna, 63 mihma Chisvs g okla ik ahobalot na mihachi. 66 Chisvs g ilauelet nan ai apesa ya isht ona na illa chi im vlpisa.

1. MIHMA vbanvblit ont ia achi, puska ik shatvmmo impa hut ai onq he tok.

2. Yvmohmi ma okla hak o i nukshopa hatuk osh, na-holitompa isht asha pehlichichleha, micha na-holissochi puta kash ot yvmma kaniohmichit vba hinla kvt akostininchi bahana tok.

3. Yohmi ma Setan vt Chutas Iskaliot hohchifo, asah-tuklo ka ai iba holhtina hatuk ash ont chukowa tok.

4. Mihma yvmmak ash ot ia mvt, kaniohmichit ishit ibbak fohka hinla kvt, na-holitompa isht asha pehlichichleha, micha kupitvni vbleha aiena ka ont isht it im anum-puli tok.

5. Mihma okla na yukpa mvt, yvmmak ash tvli holisso ima chi kvt im apesa tok.

6. Mihma, Yohma hinla kvt miha mvt, okla laua yvt ai iksho ma ataklvchit ishit, ibbak g fohka hinla kvt ai vlpesa hi g hoyo tok.

7. Atuk o puska ik a shatvmmo ka he, micha ai vbanvblit ont ia illa he nitak vt ai ona tok.

8. Mihma Chisvs vt Pita, Chan ita tuklo ka pit tihlelit, Ivt ai vbanvblit ont ia ya hvsh pim atahli tuk o, iloh impashke, achi tok.

9. Mihma yummak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! tomaha ha ont hvsh chukowakma, hatak vt lukfi kotoba oka vlhto ho sholi kv hvchi afama chi hoke; yummak o apihvt aboha kanima yo pit chukowakma, hvsh chukowashke.

11. Mikmut hatak chuka yumma ai vta yatuk ash, Nanithenanchi vt, Katima ko ai impa aboha yvt talala ho, nan vm ai ithena vheha ha pehlichit ai vbanvblit ont ia ya ai it ibai impa la chi cho? auct chim achi kumo; hvsh im achashke.

12. Yohmikma yummak ash ot vba potvlhpo chito hosh nana ai vlhtaha achukma ho hvchi pisacha chi hoke; yummak o hvsh ai atahlashke, im achi tok.

13. Mihma itiachi tuk osh, yummvt nana ai i miha hatuk ash ont ai vlhpiesa na pivt okla tok; yohmi mut ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpeshi anah-tuklo kash ot apiha ho, binili tok.

15. Mihmut, Ik si ai ilvsho kisha takla kak osh ai vbanvblit ont ia ilvppa a hvch ibai impa ka ahni kv ahani li fehna tuk oke.

16. Himak a pilla ma yumma ak ai vpo mak o, Chihowa apehlichika yak o ai isht aighla chi mak oke, hvchim achi lishke, im achi tok.

17. Mihmut isht ishko a ishi cha, vba pit aiokpvchi mut, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apehlichika yvt vla chi mak oke, hvchim achi lishke, im achi tok.

19. Mihmut pvska ya ishi cha, vba pit aiokpvchi mut, tushalichi cha, yummak ash o ima mut, Ilvppvt sa nipi yosh hvchishno yak o isht hvchi vlhtoba mak oke, isht hv svtthaiyana chi mak osh ilvppa hvchi ymohmashke, achi tok.

20. Impvt issa ma, isht ishko ma aieninchit, Isht ishko ilvppvt nan vlhpisa himona yosh vm issish vt hvchishno atuk mak o hlatapa ka isht a toba mak oke.

21. Yohmi kia yakeh! svshit inla ibbak fohka chi ibbak vt si awant ai impa ya ashvshke.

22. Yohmi ka Hatak Ushi yokvto ai im vlpisa tok mak osh yohmi mvhli; amba ishit inla ibbak fohki yvmmak okvto ai i palvmmi mak oke.

23. Yohmi ma, E katima mak osh ilvppa a pi yakohma chi hatuk oh cho? ahnit il im asilhhvchit maya tok.

24. Atuk osh anonti, E katima kak osh moma i shahli ha hinla chishba? ahnit ai ita-chapovt maya tok.

25. Yohmi ma yvmmak ash ot, Chentail okla i miko vhleha hak osh i na-hullo ho tobt, nana ho ahnikmt, ai i yvmihchi chatuk; micha yvmma ai i shahlit nan im ai vlpisvt antakmt, nana achukmali yo hohchifo chatuk.

26. Amba hvchishno vto hvchi yvmohma he keyu hoke; mikma kvna hosh moma i shahli kv hvch ibafoka hokmt, yvmmak osh himmak o chohmashke; mikma na pehlichy yokmt, nan-isht im vta yo chiyuhmashke.

27. Ashvt impa kak okma, nan isht im anta kak okma, nanta kak osh i shahli yo? ashvt impa kak keyu? yohmi kia vno vto nan isht im vta mak o chohmi hosh hvchi ibafoka lishke.

28. Isht ai imomaka sa pesa a puta ka hvchishno ak osh hvs si apeha beka tuk mak oke.

29, 30. Yohmi ka a pehlichy li a vm ai impa ai impvt, ai ishkot, aiasha holitopa ka chieyvt, Israel hatak isht-ai-unchululi auah-tuklo ka nana hvsh im apihisa chi mak o, apehlichika ya hvch im apesa li kv, vno a aki vt ai vm apesa tok a chiyuhmichi lishke, im achi tok.

31. Mihmt Chitokaka yash ot Saimon, Saimon, yakeh! Setan vt chishi cha, mvshlichit onush o chiyuhmichi ka bvna tuk.

32. Yohmi kia na chi yimmi tuk vt ik chi kvnio ka chi ka, vba pit isht chi anumpuli li tuk; yohmi ka a filemt ish ile kostininchikmt, ish itibapishi vhleha ha ish hlampko-chashke, achi tok.

33. Mihma yvmmak ash ot, Chitokaka ma! aboha kvlo,

micha ai-illi aiena ka chi awant ona la hi vt vm vlhtaha hoke, im achi tok.

34. Mihma, Pita chia ha chim anoli lishke, himak nitak a akaka yvt ik olo kisha ho, hituchina ha chik svthano ish miha chi hoke, achi tok.

35. Mihmvt, Tvli holisso i shukcha, micha bahta pinak ai-vlhto, mihmvt shulush aiena kvv iksho ho pit hvchi tibleli li chash, nanasi kia isht ik hvchim ai ono ke tuk o? im achi tok; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukcha yvt in tonla tukmvt, ishi cha, anonti bahta pinak-ai-vlhto ma mihinlashke; yohmikma kvna hosh bvshpo falaia yvt ik im iksho ke tuk mvt, im anchi a kanchi cha, achufa ka chumpashke.

37. Yohmi kvv yvmmak ash ot, Nan-vlhpisa kobvfi vhleha ho ai iba holhtina tok, achi holisso tok ilvppvt vno ak o ant si ai isht ai ghla chi ka pulla moma hoke; nana kvv vno ak o svst anumpa tok okvto ont ai vha chi mak oke, im achi tok.

38. Mihma, Yakeh! Chitokaka ma! bvshpo falaia yvt tuklo hosh yak chiyvshke, achi tok. Mihma, Yvmmak oh kia vlhpesa hoke, im achi tok.

39. Mihmvt yvmmak o yohmi chatuk okvt, kocha ia mvt, Alif nvni chaha ya ona ma, nan-im ai ithvna vhleha hash kia iakaiya tok.

40. Mihma yvmmak ash ot yvma ont anta mvt, A yoshuba ya hvch ik iba chukowo ka chi kvv vba pit hvsh anumpohonlashke, im achi tok.

41. Mihmvt ai i filvmmitt tvli bohpoa ont ai itola ho tuk ohmi foka ho, ont hvchukbihleptv hikia cha, vba pit anum-pulit,

42. Aki ma! vlhpesa ish ahni hokmvt, isht-ishko ilvppa is sa kanvllichashke: yohmi kia vno ak osh ahni li kak o keyu; amba chishno ish aiahni kak o ai yvmohmashke, achi tok.

43. Mihma enchil vba minti kvv ant i haiakvt hlampkohonchi tok.

44. Mihma i palummi kv̄t a fehna hatuk okv̄t, i shahli-chit a chilitv̄t vba pit asilhha tok: mihma laksha kv̄t issish hlatapa ohinto aka fohompa h̄o chiyuhmi tok.

45. Atuk osh vba pit asilhha tuk ash ot wakaya cha, nan im ai ithvna vhleha aiasha ka vla mvt, nukhaklo kv̄t nusi tuk osh aiasha na pisa mvt,

46. Nanta katiohmi h̄o hvchi nusi cho? ai-ashvchika ya hvch ik iba chukowo ka ch̄i kv̄t, tanit vba pit oh asilhha, im achi tok.

47. Mihma yummvt anumpuli moma h̄o, auahtuklo ai iba holhtina Chutas hohchifo hash ot okla lawa ka in tikba hikv̄t aya tuk osh, i suksowa ch̄i kv̄t Chisvs a atukonofv̄t ia tok.

48. Yohmi kia Chisvs ash ot, Chutas ma! na suksowa hak o Hatak Ushi a isht haksichit ishit inla ibbak a ish fohki hoh cho? im achi tok.

49. Mihma apeha atuk ash ot nana kv̄t a kaniohma hinla ka pisa mvt, Chitokaka ma! bvshpo falaia ȳo isht e fahama ch̄i cho? im achi tok.

50. Mihma achv̄vt na-holitompa isht agha pehlich̄i i shahli in tishu h̄o fahama cha, ishtimpak imma haksobish a tvbli tok.

51. Mihma Chisvs ash ot anumpulit, Yummak okvno ant ik a yohmi na hvsh aiahnashke, achi tok. Mihmvt haksobish ash i potoli mvt, hlakofichi tok.

52. Mihmvt Chisvs ash ot na-holitompa isht agha pehlich̄i vhleha, micha tempel i kvpitvni vhleha, mikmvt hochitoka vhleha aiena kv̄t ai im vla tuk ash, Na-hukopa ȳo ayv̄t i kohcha h̄o chiyuhmit bvshpo falaia, mikmvt iti tvptua aiena ka sholi hosh hvsh itvnova cho?

53. Nitak moma hvchi takla tempel a anukaka ya ahanta li kvno; ibbak nana kia hvch ik si o welo ke tuk; yohmi kia himak okvto hvchishno, micha aiokhlilika nana im aighli aiena ka hvch̄i nitak mak okv̄t, im achi tok.

54. Yohmi ma yummak ash o okla ishi mvt, isht ivt na holitompa isht agha pehlich̄i i shahli in chuka ȳo ont ishit chukowa tok. Mihma Pita yv̄t auct i mishemanchit iakaiya tok.

55. Atuk o kvsbi aboha ai itin-takla talaia tuk a ai ik-lonna ka okla luak ai oti cha, binohlit taha ma, Pita yvt takla binili tok.

56. Atuk o yummvt luak bilika ont binili ka, ohoyo himita achvvt pisa cha, atokolit pisa fehna mvt, Hatak ilvppak kia yumma awant aya kamo, achi tok.

57. Mihma ik ithano ilahobit, Ohoyo ma! yumma ak ithanoshke, achi tok.

58. Atuk o anonti in chekosi ma, inla yosh yummak ash pisa mvt, Chishno vt yumma ai achva chia akinli, achi ma; Pita ash ot, Hatak ma! mihi yo sia keyushke.

59. Atuk o yummak atuk a i hvshi kanvlli achva foka ma, inla hosh kvlochi fehvt miha mvt, Ilvppak kia yumma awant aya yatuk vt aiahli hoke; ilvppvt Kalili hatak oka, achi tok.

60. Mihma Pita yash osh, Hatak ma! nana ho ish miha ka ak ithanoshke, achi tok. Mihma ashalika anumpohonli moma na akaka yvt ola tok.

61. Mihma Chitokaka yvt filemvt Pita ya pisa tok. Mihma Pita yash ot, yummvt, Akaka yvt ik olo kisha ho, hituchina ha chik svthano ish miha chi hoke, im achi tuk Chitokaka im anumpa hash ithaiyana tok.

62. Mihmvt Pita yvt kohcha cha, yahaya fehna tok.

63. Mihma Chisvs ash apesvchit maya tuk hatak ash ot ik ahobalot na-mihachi mvt, boli tok.

64. Micha nishkin a okla ompohomot, nashuka ya isso mvt, kva hosh chisso ho? akostininchit anoli, achit i ponaklo tok.

65. Mihmvt ik ahobalo fehvt nan ilaiyuka isht im i sanalit mihachi kv lauachi tok.

66. Atuk o onvt taha mak inli ho, hochitoka vhleha, micha na holitempa isht gsha pehlich vheha, mikmvt naholissochi vheha aiena kv itahoba cha, yummak ash ilauelet im ai-apesa aboha ya ishit chukowa mvt,

67. Chishno ak osh, Klaist mak o chia hoh cho? pim anoli, im achi tok. Mihma, Hvchim anoli li mak o, hvchi yimma he keyu.

68. Micha vno mvt na hvchim asilhha li mak o, afalaminchit hvs svm anumpula he keyukmvt, anonti ant ik i hotofa, hvs svm ahna he keyu.

69. Himak a pilla ma Hatak Ushi vt Chihowa nan oklyha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia ho? okla achi tok. Mihma yvmmak ash ot, Mihi yo sia mak atuk o hvsh mihvshke, im achi tok.

71. Mihma, Hvpishno akinli hosh ilap itih fehna iloh, a haklo kv, himmakma nan isht atokowa ka iloh ahna hinla cho? okla achi tok.

CHAPTA XXIII.

Chisvs a okla ilaelit Pailat ak o isht im ona ma, 1, 13 Pailat ash ot, okla ak osh yvmma im ahni fehna hatuk o, Chisvs vt ititaiyukhvna ahonvha chi ka, im issa cha, Balabbas ak o i hotofi. 26 Chisvs vt iti-taiyukhvna ahonvha chi ho okla isht ia mvt, Saimon ak osh iti-taiyukhvna ya iba shola chi ka atohno; 33 hatak hvkopa tuklo hosh apihvt iti-taiyukhvna ahonvha ak inli; achvfa kvto Chisvs vt yvmma takanli moma ho, i yimmit aiokpvchi. 44 Chisvs vt illi. 50 Chosef Alimahlea minti osh Chisvs haknip a ishi cha, hohpi.

1. MIHMA okla laua yvt momvt wakaya cha, yvmmak ash ilaelit Pailat a isht im ona tok.

2. Yohmi mvt, Hatak ilvppv Klaist miko yo ile mihvt, Sesa ya noshkobo isht chumpa twli holisso im itahobi chatuk a im alvmminchit ahantvt, pim okla talaia ka okpvnit ahanta ho, e pisa tuk oke, achit anumpa okla onochi tok.

3. Mihma Pailat vt yvmmak ash o i ponaklot, Chishno ak osh Chu okla ha i miko chia mak oh cho? achi tok. Mihma afalaminchi mvt, Mih-mak atuk ish mihvshke, achi tok.

4. Yohmi ma Pailat ash ot, na-holitompa isht gsha peh-lichi vhleha, micha okla puta kash, Hatak ilvppa nan ik ai vhpeso nana kia ak ai akostininchoshke, im achi tok.

5. Mihma okla isht i shahlit a chilitot, Ilvppvt vmmona ka Kalili ak o ai isht ia hosh Chu okla aiasha ka mominchit a hlopullit nana im avchit, okla ha ai okpunichit isht aya hosh ilvppa vla hoke, achi tok.

6. Mihma Kalili achi na Pailat vt haklo mvt, Kalili hatak okma, nanta hatuk ba? achit ponaklo tok.

7. Atuk osh Helot apehlich i yak o ai iba fohka atuk o akostininchi makinli hosh, Helot ak kia ilapvt nitak yvmma fehna ma Chelusalem a ant anta hatuk o, pit i chvffichi tok.

8. Yohmi na Helot vt Chisvs a pisa mvt, na yukpa fehna tok: yohmi kvv yvmma isht ai annoa ka habgklo ka laua hatuk osh, pisa bvna fehna tuk a hopaki tok; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilhhvchi tok: yohmi kia yvmmak ash ot afalaminchi kvv nana kia ik im acho ki tok.

10. Mihma na-holitompa isht asha pehlich i vhleha micha, na-holissochi vhleha aiena kash ot kullochi fehntv anumpa onochit hiohmaya tok.

11. Mihma Helot ash ot in tvshka chipota vhleha hash o pehlinchi cha, yvmmak ash o na-keyukechi fehntv isht itukhlakavt ik ahobacho ke tuk: mihmvt na-fohka tohbi holitompa ho fohkachechi cha, falaminchit Pailat a pit i chvffichi tok.

12. Mihma tikba hokvno ai it i nukkilli yoh chatuk ak osh, nitak yvmma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht asha pehlich i vhleha, micha hochitoka vhleha, mikmvt okla a puta kash hoyot itahobi mvt,

14. Hatak ilvppvt okla ha i miko a isht ai iti filamolichi yoke, achi hosh isht hvv svv vla tuk: mihma yakeh! hvchi tikba ya nana ka ai im asilhhabanchi li kvv, anumpa isht hvsh ai onochi tuk imma ka, nana ik ai-vlhpeso kvv hatak ilvppa ai a takali ka ak im akostininchoshe.

15. Mihma Helot vt mihinli tuk; yummak o pit hvchi a tihleli li; yohmi ka nana ka isht ai illa he vlhpesa ma a takali keyushke.

16. Yohmi hoka fvmmi lish, i hotofi la chi hoke, im achi tok.

17. Yohmi kvv ai-vbanvblt ont ia impa asha ka achv-falichit ai i hotofa hi a vlhpesa ha tok.

18. Mihma himonna achvfa momvt tahpvlvt, Hatak ilvppvno kanima isht ia cha, Balabbas ak o ish pi kohchi-chashke, achi tok.

19. Yummak okvt tmaha ha antvt i miko a ik im antio ka chi ka okla ha anukfohkichi, micha hatak vbi aiena hatuk o, aboha kvlo a pit a fohki tuk a tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla ha im anumpuli tok.

21. Yohmi kia okla tahpvlvt, Iti-taiyukhvna yo ahonvh-lvchi, iti-taiyukhvna yo ahonvhlichí, ahanchi tok.

22. Mihma ont atuchina ma, Nanta katiohmi ho? nan ik ai vlhpesa nanta mak o yvmohmi tuk oh cho? nana ka isht ai illa he vlhpesa ka vno vt ak im akostininchoshke; yohmi hatuk osh fvmmi lish, i hotofi la chi hoke, im achi tok.

23. Mihma okla a chilita fehvt chitolit anumpuli hosh, yvmvt iti-taiyukhvna ahonvhla hinla ka asihihlha tok: mih-mvt yumma, micha na-holitompa isht asha pehlichí vhleha aiena im anumpa hak osh imaiyachi tok.

24. Mihma Pailat ash ot okla hvv nana asilhha tuk mak o vlhpesa chi ka apesa tok.

25. Mihma yummak o okla asilhha tuk oka, i miko ik im antio ka chi ka anukfohkvchichi, micha hatak ma vbi aiena hatuk o aboha kvlo a pit a fohki tuk a tok ash, i kohchichi tok: amba Chisvs ak okvno nana ho okla ahna chi ka, im issa tok.

26. Mihma yummak ash o kanima isht ivt itvnova mvv, Silinian hatak Saimon osh haiaka vttvt minti ho okla halvllit ishi; yohmi mvv yummak osh Chisvs a iba shola chi ka, iti-taiyukhvna ya om bohli tok.

27. Yohmi ma okla lawa fehna kvv iakaiyvt itvnova ma,

ohoyo aiena tuk osh yvmmak ash o isht nukhaklot chitolit yahaya tok.

28. Yohmi kia Chisvs ash ot pit filema mvt, Chelusalem ushetik hvchia ma! vno ak okvno vsst yaiyvt nishkin okchi hvch ik hlatvblo kashke: amba hvchishno inli kak o isht ile yaiyvt nishkin okchi hvsh hlatvblikmvt, hvchim vlla aiena kak ashke.

29. Yakeh! vlla ik im iksho, micha oshvto nana a foyuka keyu, mikmvt i pishik vt na pishechi keyu aiena hokvto im achukmvshke, okla acha he nitak vt mihintishke.

30. Yvmma fokakma nvni chaha puta ka, Pi o kinahli, im achikmvt, nvni chipunta ya, Hvsh pi ompohomashke, achit isht ia hi oke.

31. Yohmi ka iti vt okchaki o ilvppa okla ai yvmichi tuk mvno, anonti shila yokvno nanta mak osh a katihma hi oh cho? achi tok.

32. Yohmi ma hatak haksi tuklo hosh illit okla chi ho, ai apahalinchit isht aya tok.

33. Atuk osh Kalfali hohchifo yvmmak atuk ash okla ai vla mvt, yvmmak ash, mikmvt hatak haksi tuklo aiena kash ot achvft ibbak isht-impak imma yo takali ma, anonti achvft vlvfbeka tvnvp o takali ho, iti-taiyukhvna ya ai ahonvhlchi tok.

34. Yohmi ma Chisvs ash ot, Aki ma! ish i kashofashke: nana ka kaniohmi kvv okla ithana ho keyu hoka, achi tok. Yohmi ma i na fohka ya ita kvshkolit mavvt na-shoeli tok.

35. Mihma okla hvv pisvt hiohmaya tok: mihma hochitoka vhleha mvt ik ahobalot, Inla ya okchalinchí yatuk okvt, ilap ak osh Chihowa i holitopa Klaist atuk okmvt ilap inli kak osh ik il okchalinchí, achi tok.

36. Mihma tvshka chipota vhleha ak kia ai im vlvv, ishit yopulvt, anonti wineka ipeta mvt,

37. Chishno ak osh Chu okla ha i miko chia hokmvt, ish il okchalinchashke, achi tok.

38. Yohmi ma Klik, micha Latin, mikmvt Heblu aiena anumpa ho isht a holisso kvv, ILUPPAK OSH CHU OKLA HA I MIKO MAK OKE, achi hosh paknaka ya takali tok.

39. Mihma hatak haksi tuklot vba takohli tuk ash ot achvut yvmmak ash ik ahobalot mihachit, Chishno ak osh Klaist chia hokmvt, il okchalinchichi cha, pishno ma ish pi okchalinchashke, achi tok.

40. Amba achvfa kvto afalaminchit im alvmmmit, Chishno ak kia na chim vlhpisa kv a miha achvfa hokak osh Chihowa ha chik i nukshopo cho ?

41. Micha pishno ak okvto pim ai vlhpesa ho mvhli ; pishno nana il a kaniohmi tuk isht ai vlhtoba he vlhpesa mak o e pisa hoka ; amba hatak ilvppak okvto nana ho okvni tuk keyushke, achi tok.

42. Mihmvt Chisvs ash, Chitokaka ma ! ish apehlichika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak a si awant palatais a ish anta chi hoke, ai ahli mak o chim achi lishke, im achi tok.

44. Yohmi ka yvmmvv hvshi kanvlli vlhpisa ont isht han-nali foka tok ; mihma yakni moma ka ai okhlilit kvnia na hvshi kanvlli vlhpisa ont isht chakkali tok.

45. Yohmi ma hvshi vt okhilli ma, nan-tvna tempel anukaka takali atuk vt iklvna ita hlilafa tok.

46. Mihma Chisvs vt chitoli hosh anumpuli mvt, Aki ma ! sa shilombish a chibbak pit a fohki lishke, achi tok : mihmvt yakohmichit miha mvt, fiopissa tok.

47. Mihma nana kv ai yvmohmi na Sintulion vt pisa mvt, Ilvppv hatak ahli achukma yatuk o pulla mvhlishe, achit Chihowa ya holitoblichichi tok.

48. Mihma okla yvmma pivt ai itahoba tuk ash ot, nana kv ai yvmohmi ka pisa mvt, momvt ilap ikkishi ha isso cha, falamvt ilhkoli tok.

49. Mihma yvmma ai it ithangka puta, micha ohoyo Kalili a asht ai apehvt minti tuk aiena kash ot mishema ho auct hielit, na yakohmi puta ka pihisa tok.

50. Mihma hatak vt Chosef hohchifo nan-apesa, micha hatak aighli achukma hosh anta tok.

51. Okla nana im anukfila, micha a kaniohmit maya aiena ka ilvppvto ik ibafohko ki tok : ilvppv Chu okla in tmaha

Alimahlea ak o ai vta hosh yummak kia Chihowa apehlichika ya pit hohoyo ya tok.

52. Hatak ilvppak ash ot ivt, Pailat g im ona cha, Chisvs haknip g asilhha tok.

53. Micha yummak ash ot akvchi cha, na-lapushki linen o a bonullit sepulka vt tuli yosh kulvt toba ho, yvmma hatak nana kia ik a fohko yatuk o fohki tok.

54. Mihma yvmmt ai atahli nitak atuk o, nitak hullo vt atukonofvt mihinti tok.

55. Mihma ohoyo Kalili g asht ai apehvt aya tuk ash kia, iakaiyvt ilhkoli cha, sepulka, micha haknip ash ot kaniohmit itola aiena ka achukmalit pisa tok.

56. Mihmt falamvt ilhkoli cha, na-balama, micha nanahama aiena ka atahlit maya tok : mihmt anumpa vlpisa yoka nitak hullo yokvno foha tok.

CHAPTA XXIV.

Chisvs vt falamvt tani tuk g enchil tuklo hosh ohoyo hash sepulka ak o ai im anoli, 1. 13 Chisvs nan im ai ithvna vhleha tuk vt tuklot Emmavs g itiachi hosh ayvt okla ; 38 il otvnihi, nan im ai ithvna vhleha hatuk vt chiya moma na Chisvs vt itintakla ant hikia : 47 yohmi cha Chelusalem ak o vmmona ka ai isht ia hosh vbanumpa ya okla isht anumpula chi ka, im apesa. 51 Chisvs vt vba a holitopa ya ia.

1. ATUK osh we k nitak vmmona onnvt okhlilinchí fehna ho na-balama atahli tuk vt ishí, inla ka ai itapihvt, sepulka yash okla ai ona tok.

2. Mihma tuli vt sepulka ya kanima pit tonoli tuk o okla pisa tok.

3. Mihmt okla pit chukowa tuk osh, Chitokaka Chisvs haknip ash ik peso ki tok.

4. Atuk o yakohmi tok ; okla nana a kaniohmi ik ai ithano fehnt maya ma, yakeh ! hatak tuklo kvv i na-fohka shohmalali hosh itumasi a hinli tok.

5. Mihma okla nukshopvt, aka pit yochonoli ma, yummak

ash ot, Nanta katiohmi hō okchaya illi aiasha ak o hvsh hoyo cho?

6. Ilvppa ikshoshke; amba tani tuk oke; Kalili a anta moma mvt hvchim anoli kvt;

7. Hatak Ushi vt hatak nan ashvchi vhleha ibbak a a fohka cha, iti-taiyukhvna ai ahonvhla tuk osh, nitak ont atuchinakma falamvt tana hi oke, achi tuk a hvsh ithaiya-nashke, im achi tok.

8. Mihma im anumpa ha tok ash okla ithaiyana tok.

9. Micha sepvka yash asht falamvt ilhkoli mvt, auah-achvfa kash, micha inla moma aiena ka na yakohmi puta tuk ash mominchit ont im anoli tok.

10. Meli Maktalene, micha Choanna, mikmvt Meli, Chemis ishki, micha ohoyo inla ka yvmma apehvt aya tuk aiena kak osh vbanumpeshi vhleha ha na-yakohmi puta tuk a ont im anoli tok.

11. Mihma yvmma im anumpa hvt annoa ik ahlo yak o ai im itilau cha, okla ik yimmo ki tok.

12. Mihma Pita yvt wakaya cha, malelit sepvka ya onvt, pit aka chonoli mvt, linen nan-tvna ak bano hosh asha na pisa cha, ia mvt, nana kvt ai yvmohmi tuk ash, okokko! ahni tok.

13. Atuk o tuklo kvt nitak mih-makinli ka tvmahushi Emmavs hohchifo hosh, yvmmvt Chelusalem a auet i kowi untuchina foka hatuk o itiachi tok.

14. Mihmvt nana kvt ai yvmohmi tuk ilvppa puta kash isht it im anumpohonli tok.

15. Atuk o yakohmi tok; it im anumpulit nan it im asilhhahanchi kash ot moma hō, Ghisvs akinli kvt sakki cha, takla aya tok.

16. Yohmi kia ik ithano ket okla chi ka, nishkin vt mo-choli hō chiyuhmi tok.

17. Mihma yvmmak ash ot, Ilvppak osh anumpa katiohmi mak o isht it im anumpohonlit hvsh aya cha, hvsh ilapissa cho? im achi tok.

18. Mihma achvvt Kleopas hohchifo hosh afalaminchit; Hatak kanima minti chishno ak hosh Chelusalem a ish anta

kvt himak nitak chohmi yvmma nana kvt a kaniohmi ka chik akostinincho ke tuk oh cho? im achi tok.

19. Mihma yvmmak ash ot, Nana nanta ho? achi ma, Chisus Nasalet hatak nan im a kaniohmi tuk a, yvmmak okvt hopaii yosh Chihowa, mikmut okla puta aiena itikba ya nana a kaniohmi, micha anumpuli aiena kvt a chinto fehna tuk;

20. Yvmohmi tuk o na-holitompa isht asha pehlichihleha, micha pi hochitoka vhleha aiena kvt, yvmmut illa chi hosh im vlpisa chi ka, kaniohmichit ishit inla ibbak a fohki na iti-taiyukhvna ahonvhlichituk.

21. Yohmi kia yvmmak osh Israel okla ha hlakoficha he tuk mak atuk a pi yihimmi tuk; yvmohmi tuk kia keyushke; micha yvmmak bano keyu, nana kvt a yakohmi tuk a himak nitak vt nitak ont isht atuchinvshke.

22. Michananti ohoyo il ai itapeha tuk a a kanimi kvt onnahinli fehna seplka ya ont maya tuk vt,

23. Yvmma haknip a ik peso hosh ai vla mut, ananti enchil mut i haiaka na pisa ma, Yvmmak ash ot okchaya hoke, achi tuk achi cha, okla pi nukhlakvshlituk oke.

24. Yohmi ma il ai itapeha tuk a a kanimi kvt seplka ya ona, yohmi mut ohoyo nana a miha tuk a vlpesa ho ont pisa tuk; yohmi kia yvmmak amo okla ik peso ke tuk oke, im achi tok.

25. Mihma yvmmak ash ot, Im anukfila iksho, hopaii vhleha hvt anumpuli tok moma ka chukvsh isht yimma he svlaha hvchia ma!

26. Klaist vt na yakohmi puta ka pisa ha yosh a holitopaka ya chukowa he vlpesa ha tok keyu cho?

27. Mihmut Moses, micha hopaii puta aiena tok ai vhlkak o isht ia hosh, Holisso Holitopa ya a mominchit ilap a isht ai annoa ka achukmalit im anohonli tok.

28. Mihma tvmahushi itiachi yvmmak atuk ash ot itonachahosi tok; yohmi ma yvmmak ash ot ont ia hinla ka, ile chohmichitok.

29. Yohmi kia im a chilita fehmut oklot, Nitak vt shohbit ont opivt mahaya hoka, pi takla ish antashke,

achit okla tok. Mihma takla anta chi hosh ont chukowa tok.

30. Atuk o yakohmi tok; yvmmak ash ot takla impvt binili mvt, pvska ya ishi cha, vba isht aiokpvchi mvt, tush-tolit, yvmmak ash o ipeta tok.

31. Mihma nishkin vt i fatumvt okla cha, yvmmak ash ithanvt okla tok; yohmi ma yvmmak ash ot i holhponayo ha ai i kvninihya tok.

32. Mihma, Ilvppvt takla ya a pim anumpuli, micha Holisso Holitopa aiena ka achukmalit a pim otvninchi ma, pi chukvsh vt libisha tuk keyu? it im achi tok.

33. Mihmvt hvshi kanvlli vlpisa mih-makinli ho wakaya cha, falamvt Chelusalem a it vlachi mvt, auah-achvfa kash ot, micha ai itapeha tuk aiena kv, itvnaha mvt,

34. Chitokaka yvt falamvt tani pulla mvhli tuk osh, Sai-mon a i haiaka kvno, achit maya ho ant pisvt okla tok.

35. Mihmvt yvmmak ash osh hina takla ya nana kv a kaniohmi tuk, micha yvmvt pvska tushalichit asht kani-ohmit im otaiyani tuk aiena kash anolit okla tok.

36. Mihma yakohmichit anumpohonli moma ho, Chisvs vt ilap fehna hosh ai iklvna ont hikia cha, Nanaiya kv hvchimmi hashke; im achi tok.

37. Yohmi kia yvmmak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? mi-cha, Na katihmi ho hvchi chukvsh anukaka ya na hvchim anukfila anuktuklo kv takali cho?

39. Subbak, saiyi aiena ka ho pesa; vno sia hash inli hoke; sa pvsholit ho pesa: shilup vto nipi, micha foni puta aiena asha, vno vt si yvmohmi na hv sa pisa ka, chohmi keyu hoka, im achi tok.

40. Michi ilvppa yakohmichit anumpuli mvt, ibbak, mi-cha iyi aiena kash i haiakvchi tok.

41. Mihma okla na yukpa kak osh yimmi keyu kisha, mi-cha okokko! aiahni aienvt maya takla ma, yvmmak ash ot, Ilvppa nan-ilhpak nana kia hvchim asha cho? im achi tok.

42. Mihma nvni vlhpasha tushafa, micha foi-bila aiena hō okla ipeta tok.

43. Mihma ishi cha, okla itikba yā ai vpa tok.

44. Mihmt, Nan okluha kv̄t isht a si annovt Moses, mi-cha hopaii vhleha aiena i holisso, mikmtv ataloa holitopa aiena ka ai o holisso tok vt ont aiahli pulla ch̄i mak o, hvchi takla anta li moma kv̄t anumpa ilvppa puta ka isht hvchim anumpuli li tok oke, im achi tok.

45. Mihmt Holisso Holitopa yā ithaiyana ch̄i ka, im apukfila nan-isht akostinichi g in tiwi tok.

46. Mihmt, Klaist vt yakohmi hosh i palvmm̄it, illi tuk osh, anonti nitak ont atuchinakma illi tuk vt tana hi g, isht ai vlhpiesa tok.

47. Micha ile kostinicha he, mikmtv ai ashvchika puta isht a kashofa he aiena kv̄t yvmma hohchifo hō isht anumpa kv̄t, vmmona ka Chelusalem ak o ai isht ia hosh, oklushi moma isht im anumpa hi oke, achi hosh yakohmit holihiso hoke.

48. Yohmi hō hvchishno ak osh na yakohmi puta ka ai-atokovt anoli hvchia mak oke.

49. Yohmi ka yakeh! Aki vt nana ka hvch ima hi vt miha tok mak o, hvchishno g hvchi o kaiyanchi lishke: yohmi kia Chelusalem tmaha hak o hvsh aiashvt, nana aiahli vba minti kv̄t ont hvchi anukfoyuka kak mak ashke, im achi tok.

50. Yvmohmi tuk osh yvmmak ash pehlichit kohchvt ivt Betani yokvno isht ona tok: mihmtv ilap ibbak ash vba pit wieli cha, yvmmak ash holitoblit aiokpvchi tok.

51. Atuk o yakohmi tok: yvmmak ash holitoblit aiokpvchi ai itin takla mvt, ai i filvmm̄it vba pilla pit a kvnia tok.

52. Mihma yvmmak ash okla pit holitoblichit aiokpvchi cha, na-yukpa fehna hosh falamvt Chelusalem g ai vla tok.

53. Yohmi mvt Chihowa yā in talovt holitoblichit pit aiokpahanchit tempel anukaka yā aiasha beka tok. Amen.

UBANUMPA CHAN

VT HOLISSOCHI TOK.

CHAPTER I.

Anumpa achi Chisvs Klaist yummak osh vmmona fehna ka Chihowa ha iba chvfa, 1; 6 Nan-tohwikeli ai ghli kv achvfa illa ilvppak atuk a atokowa anola chi mak osh Chan vt gya hatok. 15 Chan vt Klaist a nan vltokowa isht ai anoli. 35 Chan nan im ai ithvna yatuk vt tuklot Chisvs a apeha toba; yummak atuk vt achvft An-tilu ak osh itibapishi Pita ya ilaelit Chisvs a isht im ona.

1. UMMONA ka Anumpa hv ahanta mv, Anumpa hv Chihowa ya ai iba chvfa tok: mihmv Anumpa hash ot Chihowa ya tok.

2. Yummak inli hosh vmmona ka Chihowa ya ai iba chvfa tok.

3. Yummak atuk mak o nan okluha kv toba tok; yohmi ka nana kv toba tok vt yummak o keyu hokvno ik tobo ki tok.

4. Yummak oka isht ai okchaya yvt gsha tok: yohmi ka isht ai okchaya yummak ash ot hatak puta ka in tohwikeli ya tok.

5. Mihmv tohwikeli hash ot ai okhlilika ya a tohommi; yohmi ka okhlilika yvt yummak ash o ik akostinincho ki tok.

6. Hatak Chan hohchifo hosh, Chihowa nana aiahni ho gya tok.

7. Yumma pulla tuk mak o hatak vt momv yimma hi o, yummak ash osh nan atokoli osh Nan-tohwikeli ash atokowa anola chi hosh gya tok.

8. Yummak osh Nan-tohwikeli mih mak a tok keyu; am-

ba Nan-tohwikeli yumma atokowa anola chi mak osh aya tok.

9. Yakni pakna hatak vt ai vta hoka mominchit in tohwikelichi, yummak osh Nan-tohwikeli ahli mak a tok.

10. Yummak atuk mak o yakni vt toba tok o, yakni a ai ahanta ma, yakni vt yummak ash ik ithano ki tok.

11. Yummak okvt ayvt ilap immi vhleha ho im vla ma, immi vhleha hash osh ik i yimmo ki tok.

12. Amba laua kaniohmi hosh ahninchit, ilapo hohchifo ha i yimmi hokvno, Chihowa ushi vhleha toba chi mak o isht ai vlhpesa ka ima tok;

13. Issish ak o keyu, mikmvt haknip nan ahni keyu, micha hatak osh nan ahni keyu ho, yummak okvt toba tok; amba Chihowa yak a tok.

14. Micha Anumpa hash ot nipi yo toba cha, nan isht i kana, micha nana aiahlika aienvt isht alotowa hosh pi takla ahanta tok: yohmi na isht a holitopa ya, Iki a Ushi vt achvfa illa cha ai isht a holitopa chatuk mak o, chiyuhmi ho e pihisa tok.

15. Chan vt yummak oka atokowa anoli hosh, chitolit anumpulit, Auet siakaiyvt mihinti kak osh sa tikba ahanta tok mak okvt, yummak ash holitopa kvv vno a a shahli ho, isht anumpohonli li tuk a ilvppak atuk mak oke, achi tok.

16. Micha yummvt isht alotowa hatuk ash e moma kvv nan isht i kana yvt ai itvlbitkvchi ho, e pisa tok.

17. Nan-vlhpiisa yokvto Moses ak atuk mak o vlhpihisa tok: amba nan isht i kana, micha nan-aiiahlika aiena hokvto Chisvs Klaist ak o a minti tok.

18. Hatak nana hosh Chihowa ya nitak nan ash o pisa tok keyu: Ushi holitopa achvfa illa Iki shakba ya afoyuka, yummak atuk okvto yummak oka otvninchi tok oke.

19. Mihma yummak ash o, Kvta chia hoh cho? achit ont i ponakla chi ka, Chu okla hvv na-holitompa isht gsha, micha Lefait okla aiena ka Chelusalem a a kohchit pit tihleli na Chan vt atokowa anoli tok a ilvppak oke.

20. Yohm kvv yummak ash ot atokolit anoli kvv, Mih sia

hoke, achi tok keyu; amba atokolit, Uno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia ho? achi tok: mihma, Mih sia keyu, achi tok. Hopaii mih mak o chia ho? achi ma; afalaminchi mvt, Keyu, achi tok.

22. Mihma, Kvta chia hak o? ish pim anoli na auet pi tihleli tuk vhleha ha anumpa falama ka ont il imashke: chishno akinli kvto, Kvta ho ish ile miha cho? im achi tok.

23. Mihma yvmmak ash ot, Achvfa hosh yakni haiaka yo ai anumpohonlit, Chitokaka ataya hi a oh apissvlichí, ahanchi ho hopaii Esaias vt isht anumpohonli tok mak o mih sia mak oke, achi tok.

24. Mihma okla vlhtokvt ilhkoli tuk ash ot Falisi vhleha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anonti hopaii mih mak o chia keyu hokak osh, nanta katiohmi ho ish baptismochi cho? im achi tok.

26. Chan ash osh yvmmak ash o im afalaminchi mvt, Uno vto oka yo ishit baptismochi lishke; amba achvfa kvv hvchi takla hikja yvmmak okvno hvch ik itha-noshke.

27. Yvmmak osh siakaiyvt minti kvv holitopa kvv a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kvv ai yakohmi tok.

29. Atuk o ont onna ma Chan vt, Chisvs vt i minti na pisa mvt, Chihowa in Chukfvlhpoba ushi, yvmmak osh yakni im ai-ashvchika isht kanchi a, ho pesá.

30. Hatak vt auet siakaiyvt minti kvv, yvmmak osh sa tikba ahanta tuk osh holitopa kvv a shahli hoke; achi li tuk a ilvppak osh mih mak oke.

31. Yohmi kvv ilvppa ithana li tak keyu; yohmi kia

ilvppak osh Islael okla hā im otvna chī kak o, vno vt oka ya ishit baptismochit aya li hatuk oke, achi tok.

32. Mihmvt Chan vt atokowa anolit, Shilombish okvto puchi yoshuba yō chiyuhmi hosh vba ya vttvt mintit, yvm-mak ash ant o binili na pisa li tok.

33. Yohmi ka yvmmak ash o ak ithano ki tok; yohmi kia oka ishit baptismochi la chī hō, sa tohno tuk yvmmak osh, Kvna hō Shilombish ak osh aka mintit ant o binili na ish pisa chī ka, mihi yosh Shilombish Hōlitopa ya ishit baptismocha chī mak oke, im achi tok.

34. Atuk o, Ilvppak osh Chihowa hā Ushi pulla hatuk a pisvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aienvt hinli tok.

36. Micha Chisvs ash ot nowvt aya na pisa mvt, Chihowa in Chukfulhpoba ushi a ho pesá, im achi tok.

37. Mihma nan im ai ithvna tuklo kash ot, yvmmak ash ot anumpuli na haklo mvt, Chisvs a iakaiyvt okla tok.

38. Mihma Chisvs ash ot filema cha, iakaiyvt okla kash o pisa mvt, Nanta hō hvsh hoyo cho? im achi ma, Labbai ma! yvmvt vlhtshowakmvt, nan-ithvnanchi ma! achi, Katima kō ish ai vta yoh cho? im achi tok.

39. Mihma, Mintit ant ho pesá, im achi tok. Mihma itvlachit kanima ai-vta yatuk a ant pisvt okla mvt, hvshi kanvlli vlhpisa ont isht pokoli foka hatuk oka, nitak yvm-mvno apehvt ashwa tok.

40. Tuklot Chan vt anumpuli na haklo cha, yvmma iakaiyvt okla tuk ash, achvfa kv Antilu, Saimon Pita itibapishi ha tok.

41. Yvmmak ash ot na tikba ilapo itibapishi akinli Saimon ak o pisa mvt, Messias ash, yvmvt vlhtshowakmvt, Klaist achi hō il ahayuchishke, im achi tok.

42. Mihma yvmmak ash o ilanelit Chisvs a im vla tok. Mihma Chisvs vt yvmmak ash o pisa mvt, Chona ushi Saimon chia hv Sefas, yvmvt toshowakmvt, tvli achi hoke, yvmmak o chi hohchifashke, achi tok.

43. Atuk osh ont onna ka Chisvs vt Kalili g ia hi atuk osh Filip g pisa mvt, Is siakaiyashke, im achi tok.

44. Filip vt Antilu, micha Pita ita-tuklo in tumaha Bet-saita yak o ai vtta ya tok.

45. Filip vt Nahlanael g pisa mvt, Chisvs Nasalet vtta, Chosef ushi, yvmmak o nan vllhpisa ya Moses vt, micha hopaii puta kvt isht a holissohonchi tok mak o, e pisvshke, im achi tok.

46. Mihma Nahlanael ash osh, Nana achukma kvt Nasalet g ai itolvt kohcha hinla ho? im achi ma, Filip ash osh, Minti cha, ant pisá, im achi tok.

47. Chisvs vt Nahlanael vt i minti na pisa mvt, Yakeh! Israel hatak ghli fehna kvt nana ilahobi keyu mak oke, achi tok.

48. Mihma Nahlanael ash ot, Katiohmit is svthana cho? im achi ma, Chisvs vt afalaminchi mvt, Filip vt ont ik chi hoyo kisha ho, fik vpi nuta ya ish gsha kak o, chi pisa li kamo, im achi tok.

49. Mihma Nahlanael ash ot afalaminchi mvt, Labbai ma! chishno ak osh Chihowa Ushi chivshke; chishno ak osh Israel okla i miko chivshke, im achi tok.

50. Chisvs vt afalaminchi mvt, Fik vpi nuta ya ish gsha ho chi pisa li tuk achi li kak o, chi yimmi há cha? nana kvt ilvppa i shahli fehna ka ish pisa hi oke, im achi tok.

51. Mihma, Ahlishke, ghli mak o chim achi lishke, Himak a pilla vba yvt tiwa na Chihowa im enchil vhleha hvt Hatak Ushi g auet ai akohqwa, anonti vba pit ai ihiya aiena ka, ish pisa hi oke, im achi tok.

CHAPTER II

Kana ak o nan-itaawayvchi gsha ho Chisvs vt oka kapvssa atuk g oka paki ikbi, 1; 12 Chelusalem g ona cha, na chumpa vhleha, micha na kanchi vhleha aiena tempel angkaka aiasha tuk g kocho pit yuhli; 23 yohmi ma Chisvs vt na fehna yvmihinchi ho pisa hatuk mak osh lauvt i yimmi.

1. **ATUK** o nitak ont atuchina ma Kalili yakni Kana a nan-itauiwayvchi vt asha tok: mihma Chisvs ishki vt yvmma ont anta tok.

2. Mihma Chisvs, micha nan im ai ithvna vhleha aiena kvv nan-itauiwayvchi a aya hi a, im annoa tok.

3. Atuk o oka paki vt ont ai ik im ikshot taha ma, Chisvs ishki vt yvmmak ash o, Oka paki vt okla ik im ikshoshke, im achi tok.

4. Chisvs ash ot, Ohoyo ma! vno vt nanta isht a chi aha-laia li cho? hvshi kanvlli vm ai vlvhvisa hvv ik ai ono kisha hoke.

5. Ishki ash ot nan-isht asha vhleha hash, Nana ho hvchim achikma, hvsh yvmihchashke, im achi tok.

6. Mihma Chu okla ai yvmofimi yatuk osh isht il ai achi-fa ya tuk, tvli shuti oka ai-vlbeha hannali kvv, fvk in tuk-lokmá, tuchinakmá nana ai vlvhto ai yuka hosh yvmma talohmaya tok.

7. Atuk o Chisvs ash ot, Shuti oka ai-vlbeha ya oka oh alotoli, im achi tok. Mihma yvmmak ash o okla alotolit iti-vlbi vhlchi tok.

8. Mihma, Inta! ho bicheli cha impa pehlchi ya ishit oh im iá, im achi tok. Mihma okla ishit im ia tok.

9. Mihma impa pehlchi ash ot oka oka paki toba tuk ash ishkot pisa cha, kaniohmi hosh toba tuk a ik akostinincho mvt, yohmi kia nan-isht asha vhleha oka ochi tuk okvto ithana ho, impa pehlchi ash ot himona ohoyo itauwaya ash hoyo tok.

10. Yohmi mvt, Hatak moma kvv vmmona ka okapaki achukma ka talohli chatuk; atuk osh hatak vt ishkot fihopak mak o, okpulo yak oh chatuk; amba chishno vto oka paki achukma ya ish il atomba na himak atoshe, im achi tok.

11. Na fehna yvmihchit isht ai vmmona kvv ilvppak o Chisvs vt Kalili yakni Kana yak o ai yvmihchit, ilap im a holitopa ya otvninchi tok; mihma nan im ai ithvna vhleha hvv i yimmi tok.

12. Ai yakohmi ha ya, yvmmak ash ot, ishki, micha itibapishi vhleha, mikmvt nan im ai ithvna vhleha aienvt Ka-

penavm a ilhkoli tok; atuk osh nitak kanohmi keyu ho ont maya tok.

13. Mihma Chu okla i nan-vbanvblit ont ia yvt ai ona hosi hatuk o, Chisvs vt Chelusalem a ia tok.

14. Atuk osh tempel anukaka ya wak, chukfulhpoba, micha pvchi vlpoba aiena kanchi vhleha, mihmtv tvi holisso itatoba aiena kv binohmaya na pisa tok.

15. Mihmtv aseta chipunta yo isht fuma ikbi cha, yvm-mak ash, chukfulhpoba, micha wak puta aiena kash mom-inchit tempel a a kocha weli tok; mihmtv tvi holisso itatoba vhleha in tvi holisso ash aka fohopli mv, anonti ai-impv tvi holisso ai-itatoba puta kash kinahlichit tok.

16. Mihmtv pvchi yoshuba vlpoba kanchi vhleha hatuk ash o, Ilvppa kanima ishit oh ia cha, Aki in chuka yano na-ai-itatoba chuka hvch ik ikbo kashke, im achi tok.

17. Mihma, Chin chuka i hullo pulla kak osh vm anuk-fila vhlvlinchit ai ishit kaiyanchishke, achi hosh holisso ha tok a, nan im ai ithvna vhleha hv ithaiyana tok.

18. Mihma Chu okla hash ot afalaminchi mv, Nan isht atokowa nanta ho ish pim otvninchi hosh ilvppa puta ka ish yakohmichi cho? im achi tok.

19. Mihma Chisvs ash ot afalaminchi mv, Tempel ilvppa oh okpni; atuk ma nitak tuchinakma falaminchit ikbit hilechi lashke, im achi tok.

20. Yohmi ma Chu okla hash ot, Tempel ilvppv afvmmi pokoli ushta akocha hannali ho tobt vltaha tok: yohmi ka chishno vto nitak tuchina ho falaminchit ikbit ish hilecha hinla cho? achi tok.

21. Yohmi kia yvmmak okvt ilap haknip tempel ak o isht anumpuli ha tok.

22. Yohmi tok o yvmmak ash ot illi tuk vt falamvt tani ma, ilvppa im achi tok a, nan im ai ithvna vhleha hv ithaiyana tok; mihmtv Holisso Holitopa, micha Chisvs vt anum-pa anumpuli tok aiena ka okla yimmi tok.

23. Ubanvblit ont ia isht ashvt impv maya nitak o, yvmmtv Chelusalem a anta cha, na-fehna puta ka yvmihinchi na okla pisa mv, laurt i yimmi tok.

24. Yohmi kia Chisvs vt hatak moma ka ithana hatuk okvt ik i yimmo ki tok.

25. Micha nana hosh hatak a anukfoyuka ka ithaiyana hoka, kva kia hatak a isht atokolit im anola he vhpesa keyu ki tok.

CHAPTA III.

Chisvs vt Nikotemvs a it im anumpuli; yohmi hosh atuklanchit vta hi oka ai vhpesa hatuk, 1; 14 micha kaniohmi kia ilapvt ititaiyuk-hvna a takalit illa hi a ai vhpesa hatuk aiena; 16 mikmvt Chihowa hv hatak a i bullo ka, 18 micha Chihowa ik im antio vhleha hv nan i palvma he aiena ka anoli. 22 Chan vt Klaist nan-isht a holitopa ya, micha yvma i yimmi hatuk okvto ai okchaya he.

1. HATAK vt Falisi yosh Nikotemvs hohchifo hosh, Chu okla pehlichy yosh ahanta tok.

2. Atuk osh yvmak ash ot ninak o ayvt Chisvs a im vla cha, A shahli ma! chishno ak osh nan ithvnanchi yosh Chihowa ak o ish a minti ka il ithanvshke; Chihowa ak osh ik apelachokma, hatak nana hosh na-fehna ilvppa puta ish yvmihinchi ka, yvmihcha he keyu hoka, im achi tok.

3. Chisvs vt afalaminchi mvt, Ahlishke, ahli mak o chim achi lishke, Hatak vt atuklant vta keyukmvt, Chihowa ap ehlichika ya pisa he keyu hoke, im achi tok.

4. Nikotemvs ash ot, Hatak vt sipoknit taiyaha kv kati-ohmi kak osh vta hinla ho? atukla ma ishki im oshvto ya pit chukowa cha, vta hinla ho? im achi tok.

5. Chisvs vt afalaminchi mvt, Ahlishke, ahli mak o chim achilishke, Hatak vt oka, micha Shilombish ita-tuklo kak o isht ai vta keyu hokvto, Chihowa ap ehlichika ya chukowa he keyu hoke.

6. Nipi yo a tobt vta hokvto, nipi yoke; mikma Shilombish o a tobt vta hokvto, shilombish oke.

7. Atuklanchit hvsh vta pullashke, chim achi li tuk a, okokko! chik ahno kashke.

8. Mahli hv kanima yo pit ai im vhpesakmvt, pit mahlit fokka hokvno ish haklo kia, yvmak o a minti hosh, anonti

yummak o ia, ish ai ahni keyu ka, Shilombish ak o a tobtv
vta hokvto yummak inli kak o chiyuhmi bano hoke, im achi
tok.

9. Nikotemvs ash osh afalaminchi mvt, Katiohmi kak osh
ilvppa puta kvv yvmohma hinla cho? im achi tok.

10. Chisvs vt afalaminchi mvt, Israel okla ha nan-ithv-
nanchi chia hokak osh, ilvppa puta ka chik ithano cho?

11. Ahlishke, ahli mak o chim achi lishke, Nana ka il
ithana mak osh il anumpuli: mikmvt e pisa tuk mak osh
atokolit il anoli hoke; yohmi ka nana atokolit il anoli ka ik
huchi yimmoshke.

12. Nana kvv yakni paknaka asha yo isht a hvchim anoli
li ha ya tuk a, ik hvchi yimmo ke tuk vt, anonti nana kvv
vba asha ho isht a hvchim anoli li hok mak o, katiohmit hv-
chi yimma chi cho?

13. Yohmi ka hatak nana hosh vba ya ia tuk keyu; amba
vba ya mintit vla tok Hatak Ushi vba ya asha yummak il-
lvshke.

14. Yohmi ka Moses vt sinti a kowi anukaka ya vba tak-
alichi tok a, yummak inli chiyuhmit Hatak Ushi vt vba takali
pulla hi oke:

15. Yohmi na kvna hosh yumma i yimmikmvt, ik illo
hosh, amba ai-okchayvt bilia yo pisa hi oke.

16. Chihowa yvt yakni a i hullo fehna kvv, kvna hosh
yumma i yimmikmvt ik illo hosh, amba ai okchayvt bilia yo
pisa hi o, Ushi achvfa illa holitopa ya auet ima tok.

17. Yakni ak o ilbvshacha chi ho, Chihowa yvt Ushi a
auet ima tok keyu hoka; amba yummak atuk mak o yakni
vt isht ai okchaya hi a tok;

18. Kvna hosh yumma i yimmi kvvto, isht ai ilbvsha he
anumpa hvv onvtula keyu hoke: amba kvna hosh i yimmi
keyu hokvto, Chihowa Ushi achvfa illa holitopa hohchifo
hatuk a i yimmi keyu kvv, isht ai ilbvsha he anumpa hvv
onvtula mashko hoke.

19. Yohmi ka tohwikeli hvv yakni a ant iba chukowa
ma, ilap nana a kaniohmi ai vhpesa keyu hatuk okvt, hatak
vt ai okhlilika yak osh im ai achukma kvv atohwikinli ka,

im i shahli, ilvppak o isht ai ilvsha he anumpa hvv onvtula hoke.

20. Nan ik ai vlhpeso ya a yohmi aiyyukali vt atohwikinli ka i nukkillikmvt, anonti ilap nana a kaniohmi yvt otvnt it hofahyalo ka hinla ka, atohwikinli ka ik ono chatuk oke.

21. Amba kvna hosh nan-ai ghlika yo a yohmi yokvto, ilap nana a kaniohmi yvt Chihowa yak atuk mak o isht a yvmohmi tuk vt otvna chi ka, atohwikinli ka ona chatuk oke, im achi tok.

22. Nana kvv ai yakohmi ha ya, Chisvs vt nan im ai ithvna vhleha hq it apihvt Chutea yakni q ai vla tok; mihma takla yvmmak o antvt baptismochi tok.

23. Mihma Chan ak kia Salim i bilika Enon yvmmak o oka vt laua hatuk o, baptismochit ahanta tok: mihma okla hvv ai vlvv baptismo tok.

24. Chan vt aboha kvvlo ik fohko kisha ha tok.

25. Yohmi ma Chan nan im ai ithvna vhleha kanimi, micha Chu okla aiena kvv na-baptismo q isht ai it im asilh-hvchit maya tok.

26. Mihmvt Chan q ai im ai vlvv, Nan-ithvnanchi ma! Chatan misha ya a chi awant aya tok yvmmak o nana ai atokowa isht ish anohonli kash, yvmmak fehna kvv baptis-mohonchi hq, okla momvt im ai itahohombvshke, im achi tok.

27. Chan ash ot afalaminchi mvt, Uba yak o auct ai ima hq keyukma, hatak vt nana hq ilap inli kvv isha he keyu hoke.

28. Uno vt Klaist mak o sia keyu: amba itikba aya a si vltoka hatuk oke; achi li tok q hvchishno fehna akinli kvv ai atokowa ka hvv svm ithanvshke.

29. Ohoyo himona hatak auwaya ka ilauei kak osh, yvm-mvt hatak himona ohoyo itauwaya mak oke: amba himona ohoyo itauwaya i kana hokvto himona ohoyo itauwaya anumpuli pulla kak o hikvvt i haponaklot isht a yukpa chinto hoke: yohmi ka na sai yukpa ilvppvt isht aighli mak oke.

30. Yvmmak okvto isht i shahlit mahaya he vlhpesakma, amba vno vto ak a lauvot mahaya la he vlhpesa hoke.

31. Uba ya a minti yummak okvto moma ka i shahli hoke: yakni yak o a minti hokvto yakni yakinli; mikmvt yakni yak o ai isht anumpuli hoke; uba ya a minti yummak okvto moma ka i shahli hoke.

32. Micha nana ka pisa tuk; mihmvt haklo tuk aiena mak osh yummak ash atokolit anumpuli hoke; yohmi kia nan ai vltokowa anohonli ka, hatak nana kia ik yimmoshke.

33. Kvna hosh, yummvt nan ai vltokowa anoli ka yimmit aiokpuchi hokvto, Chihowa yvt aighli ka, aighlich hosh yimmi hoke.

34. Chihowa yvt atohno tok a, yummak okvt Chihowa im anumpa ho anumpohonlishke; yummak oka Shilombish vt vltipisa ho Chihowa yvt ihima keyu hoka.

35. Iki vt Ushi a i hullo kvv nan okluha ka yumma ibbak o fohkishke.

36. Kvna hosh Ushi a i yimmi hokvto ai-okchayvt bilia ya pisa hoke; mikma kvna hosh Ushi a i yimmi keyu hokvto, ai-okchaya ya pisa he keyu; amba Chihowa nan-isht ai i nukkilli yak osh onvtuyula hoke, achi tok.

CHAPTA IV.

Chisvs vt Samalia ohoyo ho ai okchaya oka ak o isht im anumpuli hosh 1, 26 ilap ak osh Klaist mak atuk vt il anoli; 28 mihma ohoyo hash ot falamvt tvmaha ha ona cha, yummak atuk a okla ha im anoli; 39 mihma okla hash ot na yimmi. 43 Chisvs vt falamvt Kalili a ona tuk osh Kana ak o anta hosh, hatak holitompa ushi vt abeka hosh Kapenavm ak o itonla ka, pit hlakofichi.

1. CHISVS vt nan ithvna vhleha ikbit baptismochi kvv, Chan a i shahlich ka, Falisi vhleha hvv haklot maya ka, Chitokaka yvt akostininchi hatuk osh,

2. Chisvs vt ilap inli kvvto baptismochi keyu ho, amba nan im ai ithvna vhleha hak atuk ak o,

3. Chutea yash issvt Kalili yash inli ho anonti ia tok.

4. Yohmi kvv Samalia ya pit hlopullit maya he vlapesa tuk a tok.

5. Atuk osh Chekob vt nahi Chosof a osapa ima tok ta-

laia ka bilika, Samalia yakvi tomaha Saika hohchifo ho, vla tok.

6. Yohmi ma Chekob i kvli hut yvmma hikia tok; yohmi hatuk o Chisus vt nowvt ayvt hoyvbi mvt, hvshi karvlli isht vhpisa ont hannali foka hatuk o, kvli yvmmak ash yakohmit a biniali tok.

7. Atuk o Samalia ohoyo hut oka ochit aya hosh yvmmak ash o vla ma, Chisus ash ot, Svpeta na ak ishkó, im achi tok.

8. Nan im ai ithvna vhleha hamo ilimpa chumpvt tomaha ilhkoli tuk a tok.

9. Yohmi ma Chu okla hut Samalia okla ha nan ai itim ahalaia keyu chatuk oka, Katiohmi ho Chu chia hokak osh, vno vt Samalia ohoyo sia ha oka is svm asilhha cho? im achi tok.

10. Chisus ash ot afalaminchi mvt, Chihowa i na-hvlbena ha, micha kvna hosh, Svpeta na ak ishkó; chim achi aiena ka ish ithana hatuk okmvt, ilapo ak o ish im asilhha na yvmmak okvt oka okchaya yo chipeta he tuk oke, im achi tok.

11. Mihma ohoyo hash ot, A shahli ma! isht ish ochia hi vt nana kia ik chim iksho ho, anonti kvli hut hofobishke; yohmi ka katimak o oka okchaya yvmma ish ai ishi hosh?

12. Chishno ak osh piki Chekob vt ilapo inli, micha im villa vhleha, mikmvt i wak aienvt ai ishko yatuk vt kvli ha pima tok a ish imaiya hotuma! im achi tok.

13. Chisus vt afalaminchi mvt, Kvna hosh oka ilvppa ishko tukmvt, anonti itukshila he;

14. Amba kvna hosh oka ya ipeta la chi yvmmak o ishko hokoto, nitak nana itukshila he keyu; amba vno ak osh oka ya ipeta la chi hokvno, yvmmak atuk ma a foyukvt tobohonli na nitak bilia hi oke im achi tok.

15. Ohoyo hash ot, A shahli ma! oka ilvppa is svpeta na ik setakshilokmvt, anonti ochit aya kvit ilvppak o ak lo kashke, im achi tok.

16. Chisus ash ot, Ia cha, chi hatak a ont i howvt vla, im achi tok.

17. Mihma ohoyo hash ot afalamинchi mvt, A hatak vt ikshoshke, achi ma, Chisvs vt, A hatak vt iksho, ish achi kvt, vlpesa ish mihvshke.

18. Hatak vt tahlapi hosh chim gsha tuk osh, anonti himonasi g chim gsha kvto, chi hatak atuk o keyu hoka, yvmmak okvno aighli mak osh ish mihvshke, im achi tok.

19. Ohoyo hash ot, A shahli ma! hopai chia hatuk o chi akostininchi lishke.

20. Pin tikba vhleha hvt nvni ilvppak o gsht Chihowa pit aiokpahanchi tok: a tok ak o hvchishno vto Chelusalem g ashvt hatak puta kvt Chihowa pit aiokpahancha he vlpesa hatuk g ish mihvshke, im achi tok.

21. Mihma Chisvs ash ot, Ohoyo chia mvt is sa yim-mashke; nvni ilvppa, micha Chelusalem aiena kak kia mayvt Iki g pit hvsh aiokpvcha he keyu ka hi g hvshi kanvlli vlpisa hvt mihinti hoke.

22. Hvchishno vto yvmmak o hvsh ahni keyu hosh pit hvsh aiokpvchishke; isht-ai-okchaya hi vt Chu okla-immi hoka, pishno vto nana ho pit il aiokpvchi hokvt il ithana hoke.

23. Yohmi kia Chihowa pit aiokpvchi aighli vhleha hvt shilombish, mikmvt aighli aiena mak o isht aiokpahancha hi g, hvshi kanvlli at vlpisa hvt mihinti ho, anonti himonasi g vla hoke: yvmma chohmi hosh ilapa aiokpvcha he ak o Iki vt hoyo hoka.

24. Chihowa yvt Shilombish oke: yohmi ka kvna hosh yvmma pit aiokpvchi hokvt shilombish, mikmvt aighli aiena mak o isht aiokpvchi pullashke, im achi tok.

25. Ohoyo hash ot, Messias, Klaist hohchifo kvt, vla hi g ithana lishke, yvmmt vla hok mak osh, nana moma ka pim anola hi oke, im achi tok.

26. Chisvs ash osh, Uno vt chim anumpohonli li kak osh mihi yo sia hoke, im achi tok.

27. Mihma nan im ai ithvna vhleha hash ot ilvppa atak-lama ma ai vla cha, yvmmt ohoyo ha it im anumpuli tuk g, okla anukhlakancha tok: yohmi kvt hatak achvfa kia, Nanta ho ish hoyo hosh? Katiohmi ho yvmma ish it im anumpeli cho? achi kia iksho ki tok.

28. Yohmi ma ohoyo hash ot isht-ochi ash talali cha, ivt tvmaha ont chukowa mvt, hatak puta kash,

29. Yakeh ! hatak vt nana hō a kaniohmi li tok a mominchit vm anoli ka ant ho pesá, ilvppvt Klaist mak o keyu hō ? achi tok.

30. Mihma tvmaha hash a kohchvt ivt, yvmmak ash okla im ai ona tok.

31. Yohmi takla ma nan im ai ithvna vhleha hash ot, Pí shahli ma ! impá, achit im asilhha tok.

32. Yohmi kia, Ilhpak vpa la chí kv̄t vm aśha yvmmak oka hv̄ch ik akostininchoshke.

33. Yohmi hatuk o nan-ithvna vhleha hash ot, Upa chí ka hatak nana kia isht im vla tuk atuk o ? it im achit maya tok.

34. Chisvs ash ot, Auet sa kanchi tok nan ahni kak o a yvmohmi, micha i na-toksvli atahli aiena kak osh vm ilhpak oke.

35. Na-hoyo ai vlpesa chí ka hv̄shi ushtvt aśha moma, hv̄sh achi keyu hō ? yakeh ! oh vba chakali cha, osapa puta kv̄t himonasi ak kia a hoy a he ai ona kv̄t tohm̄bi ka ho pesá, hv̄chim achi lishke.

36. Na-hokchi, micha nan vmo ita-tuklo kv̄t itibai yukpa chí ka, nan vmo yash ot vltoba hā ishi hosh ai okchayvt bilia na-waya ya hoyo hoke.

37. Yohmi ka achv̄vt hokchi okma, anontí achv̄fa hosh vmo, achi tok a yvm̄vt aighlishke,

38. Hv̄chishno vt hv̄sh a toksaiyali tok keyu kv̄t hv̄sh ai vma chí ka, pit hv̄chi tihleli li tuk : hatak inla yosh toksvli tuk o, im a toksvli yash pit hv̄sh chukowa tuk oke, im achi tok.

39. Mihma ohoyo hv̄t nana vltokowa ka anolit, Nana hō a kaniohmi li tok a mominchit vm anolishke, achi ka Samalia okla tvmaha aśha tuk vt lav̄vt yvmmak ash isht ai i yimmi tok.

40. Yohmi hatuk osh Samalia okla hv̄t yvmmak ash im ai vla mvt, takla anta hinla ka im asilhha tok ; mihma yvm̄ma anta na nitak tuklo tok.

41. Mihma ilap fehna akinli im anumpa hatuk o himakma yimmi kvt laua tok.

42. Mihmvt ohoyo hash o, Himak ano pi yimmishke, ohishno ak osh nan ish anoli kak o keyu; pishao akinli hosh il ai i haponaklo cha, ilvppak osh Klaist, yakni okchalanchi mak atuk pulla ka il akostininchishke, im achi tok.

43. Nitak tuklo ont vbanvpa ma yummak ash kohchvt ia mvt, Kalili a ona tok.

44. Chisvs akinli kvt hopaii vt ilap i yakni akinli ka a holitopa hi vt ik im iksho ka, vlhtokowa anoli tok.

45. Micha Kalili ash vla ma, Kalili okla hvt yummak kia impa holitopa ya itenowa hatuk osh, impa holitopa isht gsha yvmmt Chelusalem a nana puta ka a yvmihchi tuk mo-minchit pisa tuk okvt, yummak ash o okla aiokpvchi tok.

46. Yohmi hatuk o Chisvs ash ot Kalili yakni Kana yummak o oka ya okapaki ai ikbi tok ash ot, anonti ona tok. Mihma hatak holitempa achvfa hosh ushi vt abeka kvt Kapenavm a itonla tok.

47. Atuk osh, Chisvs vt Chutea ya a kohchvt gyvt Kalili vla ka, haklo mvt, yummak ash im ona cha, ushi vt illa hosi hatuk o, ivt ont hlakoficha hinla ka, im asilhha tok.

48. Yohmi ma Chisvs ash ot, Nan isht atokowa, micha na-fehna aiena hq hvsh pisa hq keyukmvt, hvchi yimma he keyushke, im achi tok.

49. Mihma hatak holitempa hash osh, A shahli ma! vm villa vt ik inlo takla ish onashke, im achi tok.

50. Mihma Chisvs ash ot, Chiso hvt okchaya hoke; ish iashke, im achi tok. Mihma hatak ash ot, Chisvs vt im anumpuli ka anumpa ha yimmi cha, ia tok.

51. Atuk osh ia hosh gya ma, nan isht im gsha vhleha hvt afama cha, Chiso hvt okchayvshke; achit im anoli tok.

52. Mihma hvshi kanvlli vlpisa yvt kanichmi kak o pit nuktanlot isht ia tak a im a ponaklo tok. Mihma, Pila-shash hvshi kanvlli vlpisa ont isht untuklo kak o yvaha hvt shipa tuk, im achi tok.

53. Yohmi ma iki ash ot, Chisvs vt, Chiso hvt okchaya hoke, im achi tuk hvshi kanvlli vlpisa vt yummak fehna

akiali tuk a ithana tok ; micha ilapo fehna, mikmut in chuka chufa yvt a momvt yimmi tok.

54. Chisvs vt Chutea ya a kohchvt ayvt Kalili a vlvvt, anonti na-fehna ka ai yimihchi kvv ilvppvt ont atukla ha tok oka.

CHAPTER V.

Chisvs vt Chelusalem a ona tuk osh, nitak hullo nitak q Behlesta oka talaia hq hatak vt abeka tok a afvmmi pokoli tuchina akocha untuchina tuk a a hlakofichi, 1. 10 Chu vhleha hvt, Chisvs vt nitak hullo yq na hlakofichi hatuk q, vbi bonna ma ; 17 Chisvs ash osh ilapvt Chihowa ya Ushi yatuk okvt yvmmak oka yvmihcha be im ai vhpesa-hosh yvmihchi tuk vt anoli. 32 Chisvs vt ilapvt Chihowa Ushi pulla hatuk a, Chan vt atokolit anoli ma, 36 atukla ma ilapo inli kvv nana kvv a fehna kia yvmihinchi ka isht otvni ; 39 Baibil vt yvmma atokolit anoli akinli hoke.

1. ILUPPUT ai yakohmi ha ya, Chu okla impa holitopa hvt gsha tok : mihma Chisvs vt Chelusalem a ia tok.

2. Yohmi ka Chelusalem a chukvhlhpoba a kanchi i bilika yvmmak q ai-yupi vt Heblu hohchifo hosh Behlesta yosh i hoshontika tahlapi hosh talaya hoke.

3. Yakohmi ka hatak iksitopo, ik hoponayo, imomokpulo, nipi vt ikshot kvnia puta aiena kvv laua fehna hosh oka piakvcha chi ka, im aiehchi hosh kahvt maya tok.

4. Enchil vt kaniohmikma ayvt, ai yupi ash oka ont piailichi hatuk q ; yohmikma kvna hosh oka vt piakvchikma, tikba pit okvtulakmut, abeka nana hq isht abeka hatuk kia hlakofi beka tok.

5. Yohmi hq hatak achufa kvv iksitopo ik nowo tok a afvmmi pokoli tuchina akocha untuchina hosh yvmma itonla tok.

6. Yvmmak ash ot itonla na Chisvs vt pisa mut, ai yvmohmi tok vt hopaki fehvt taha ka ithana hatuk osh, yvmmak ash q, Chi hlakofa hi a ish ahni cho ? im achi tok.

7. Mihma hatak iksitopo ik nowo yash ot afalaminchi mut, A shahli ma ! hatak nana kia oka yvt piakvchikma, ai-yupi a pit ai okvcha hi vt ak sum ikahoshke ; yohmi hatuk q maya

li taklakma, inla yosh sa tikba okvtula beka hoke, im achi tok.

8. Chisvs ash ot, Tanit, chi potvlhpo ya ishi cha, nowá, im achi tok.

9. Yohmi ma ashalika fehna hatak ash ot hlakofi cha, i potvlhpo ash ishi mvt, nowa tok; mihma nitak yvmma fehna kvv nitak hullo ya tok.

10. Yohmi hatuk o Chu okla hvv na hlakofi tuk yvmmak ash o, Nitak hullo yoke; chi potvlhpo a isht ish aya he ai vlvhesa keyu hoke, im achi tok.

11. Mihma yvmmak ash osh afalaminchi mvt, Na sa hlakofichi yvmmak osh, Chi potvlhpo ya ishi cha, nowá, vm achi tuk oke, im achi tok.

12. Mihma yvmmvt, Hatak nanta hosh, Chi potvlhpo ya ishi cha, nowá, chim achi tuk oh cho? achit okla im asilhhvchi tok.

13. Yohmi ma okla laua yvt yvmma asha hatuk o, Chisvs vt lumvt a kvnia tuk atuk a, na hlakofi tuk ash ot kvna ak atuk a ik ithano ki tok.

14. I himmakma Chisvs vt yvmmak ash o tempel anuka-ka ya a pisa mvt, Yakeh! chi hlakofi hokvt, nan okpulo i shahli kvv ik chi onvtulo ka chi kvv, himmak mvno ik chi yoshubo kashke, im achi tok.

15. Mihma hatak ash at kohchvt ia mvt, hlakofichi tuk vt Chisvs ak atuk a, Chu okla ha ont im anoli tok.

16. Yohmi hatuk o Chu okla hash osh, Chisvs vt nitak hullo nitak o yvmma yvmihchi tuk o, yvmmak ash i nukkil-lit vbi bvvvt maya tok.

17. Yohmi kia Chisvs vt, Aki vt toksahanli na himak a kak o, vno vt toksvli li hoke.

18. Yohmi ka yvmmvt nitak hullo ya koboffi kak o illa keyu, amba Chihowa yak osh Iki yq mihvt, Chihowa ya ilapinli kvv itilau i hq isht il ilapissa aiena hatuk o, Chu okla hvv yvmmak ash vbi bvvna kvv i shahlich i tok.

19. Mihma Chisvs ash osh afalaminchi mvt, Ahlishke, ahli mak o hvchim achi lishke; Ushi yvt ilapo inli hokvto nana kaniohma he keyu, amba nana hq Iki vt yvmihchi hq,

pisa tuk mak oh chatuk oke ; nana hō yvmmak osh a yohmik mak o, Ushi yak kia yvmmak o ai yohmi akinli hoke.

20. Iki vt Ushi a i hullo hatuk osh, ilapvt nana hō a kaniohmi kvt mominchit yvmma im otvninchi chatuk ; yohmi kvt hvchi nukhlakancha chi ka, nana kvt ilvppa i shahli fehna ka im otvnincha hi oke.

21. Iki vt illi a tanichit okchalinchi chatuk a, Ushi vt yvmmak inli hō chohmit kvna hō ilap ahni hosh okchalinchi hoke.

22, 23. Iki vt hatak kvna kia nana ka im apesa keyu hoka ; amba hatak vt momvt Ushi a holitobli kvt, Iki a holitobli kak inli hosh ai itilauecha chi ka, nan-vlhpisa he puta ka mominchit Ushi ak o im issa hoke. Kvna hosh Ushi yash ik holitoblokmvt, yvmma auet kanchi tuk Iki ash ik holitoblo hoke.

24. Ahlishke, ahli mak o hvchim achi lishke ; Kvna hosh vm anumpa ha haklo cha, auet sa kanchi tok a pit i yimmi hokvto, ai-okchayvt bilia ya ahayuchi ; mikmvt isht ai ilvsha he anumpa hvtt ik onvtulo ka hi oke : amba ai-illi ha a kohchvt ai-okchaya yo ona hoke.

25. Ahlishke, ahli mak o hvchim achi lishke ; Illi yvt Chihowa Ushi im anumpa ha hakla he hvshi kanvlli ai vlhpisa kvt mihintit, himonasi ak kia vlvshke ; yohmi ka haklo hokvto, yvmmvtt okchaya he mak oke.

26. Iki vt ilapvt kaniohmit ai-okchaya ya ilap inli il ai ishi hokvt, yvmmak inli hō chohmit Ushi vt ilap inli il ai isha chi ka, im apesa hoke :

27. Micha yvmmak okvt Hatak Ushi atuk oka, nan apesvt ahanta he isht ai vlhpesa ka im apesa hatuk oke.

28. Hvshi kanvlli ai vlhpisa kvt mihinti yvmmak okvno a-hollopi ya vlbehvt maya kvt, momvt yvmma im anumpa ha haklo cha, kocha wiha he ;

29. Kvna hosh ai vlhpiesa hō yvmohmi tok okvto okchaya chi mak osh tana he ; anonti kvna hosh aivlhpesa keyu hō yvmohmi tok okvto, nan isht ai i palvmma chi mak osh tana hi oka, ilvppa hvch ik anukhlakancho kashke.

30. Uno akinli hokvto nana hō kaniohmi la he keyu ; na-

na ka haklo lik mak osh apesa li; yohmi kv̄t vno vm anuk-fila h̄o hoyo li keyu, amba Āki auet sa kanchi tok im anuk-fila ak oka, nan apesa li kv̄t ai v̄lhpiesa hoke.

31. Ūno akinli hosh nan il atokolit anoli li hokmvno, nan il atokolit anoli li kv̄t ik ahlo hoke.

32. Na si atokowa anoli kv̄t inla hosh gsha kv̄t, yvmm̄t nan atokowa isht si anoli ka nan v̄lhtokowa aighli mak oka ithana lishke.

33. Chan g nan i ponakla chi ka, pit hvsh tihleli ma, yvmmak ash ot aighli ka atokolit anoli tok.

34. Yohmi kia hatak osh nan atokowa anoli h̄o, hoyo li keyu hoke; yohmi kia hvchishno yak osh a hvchi okchaya ch̄i kak o, ilv̄ppa puta ka achi li hoke.

35. Yvmmak okv̄t pula lua yosh shohmalalit tohwikeli ya tok: yohmi ma hvshi kanv̄lli v̄lhpisa achufa kv̄no ia tohwi-kinli ka nan isht il aiyukpa ka hvsh ahni tok.

36. Yohmi kia nan atokowa si anoli kv̄t Chan g i shahli-chi kv̄t gsha hoke; na toksv̄li atahli la hi o Āki vt vm apesa tok o, na toksv̄li h̄o isht ahanta li ka yvmmak osh, Āki vt auet sa kanchi tok o mv̄hli ka, atokowa si anohonli hoke.

37. Mihma Āki vt auet sa kanchi tok vt, ilap̄t ai atokowa ka si anohonli tok. Nitak kaniohmi kash o yvmma im anum-pa h̄a hvsh im antia tok keyu m̄t, anonti kaniohm̄t otaiyani ka hvsh pisa tok keyushke.

38. Mihma im anum̄pa hv̄t hvchi anukfoka keyu hoke: auet sa kanchi tok ash yvmma hvsh i yimmi keyu hoke.

39. Holisso Holitopa ya achukmalit asilhhit ho pihis̄a: yvmmak o ai okchaya yv̄t a hvchin takali ka hvchim ahoba hatuk okv̄t, micha yvmmak osh ai-atokowa ka si anohonli mak oke.

40. Yohmi ka vm v̄lvt ai-okchaya ya hvsh pisa hi vt hvch ik ahno kv̄mohmishke.

41. Hatak o ai im a holitopa hi ano ahni li keyushke.

42. Yohmi kia Chihowa holitobli kv̄t hvchi anukfoka keyu ka, hvch ithana lishke.

43. Ūno vt Āki i hohchifo h̄o gya li ma, hvch ik si ahnin-

choshke ; inla yosh ilap i hohchifo akinli hō aya hokmvo, yummak o hvsh ahninha hinlvshke.

44. Ilap bika ai it im aholitopa yak o hvsh aiahni eha, Chihowa ak illa ai im a holitopa hi ano hvsh ahni keyu kv, katiohmi kak osh hvchi yimma hinla cho ?

45. Anumpa hvchi onochit Aki a im anoli la hinla ka, ik hvchim ahobo kashke ; amba hvsh anukhieto tuk Moses ak osh anumpa hvchi onochi hoke.

46. Moses a hvsh i yimmi tok okmvt, vno a hvs sa yimma he tuk oke ; yummvt vno ak o isht a sa holissochi tok oka.

47. Amba yummvt holissohonchi tok a ik hvchi yimmo hokmvt, katiohmit vm anumpa hak o hvchi yimma hinla cho ? im achi tok.

CHAPTA VI.

Chisvs vt pska lumbo tahlapi, micha nvn i tuklo aiena tuk a hatak tahlepa sipokni tahlapi ka impvchi, 1. 14 Nan-ithvna vhleha ash ot okhvta ilhkoli tak osh, mahli okpulo itafama ; yohmi tuk kia okhvta paknaka ya a nowvt maya hosh Chisvs vt ona. 27 Hatak vt imi shilombish ak o ilhpak im atahli bvnvt maya hi a i miha mvt, 32 ilap ak osh ai okhgaya pska mak atuk vt miha. 65 Laua hosh ik im vlpeso mvt, isvt i filvmmi ; 66 Pita yvt auah tuklo nan im anukfila ka anoli hosh, Chisvs vt Chihowa ak o Ushi pulla ka yimmi ka anoli.

1. NANA kv ai yakohmi ha ya, Chisvs ash ot Kalili okhvta, yummvt Tibelias okhvta hō pit tanvbli tok.

2. Mihma abeka puta hatuk a nana ka ai i yvmihchit anta na pisa tuk ak osh okla laua fehvt pit iakaiya tok.

3. Yohmi ma Chisvs vt nvni chaha yō pit oiya cha, yummak o nan im ai ithvna vhleha hash pehlinchit binili tok.

4. Mihma vbanvblit ont-ia Chu okla im impa holitopa yvt ai ong hosi tok.

5. Yohmi ma Chisvs ash ot vha chakalit, okla laua fehna

hosh im ai vla na pisa mvt, Filip ash o, Katima ko puska ya il a chumpa na okla ilvppvt impa chi cho? im achi tok.

6. Ilapvt nana a kaniohma hinla hokvto ithana hatuk osh, yvmmak o imomaka pisa hosh ilvppa achi tok.

7. Mihma Filip ash ot afalaminchi mvt, Puska yvt iskvli tahlepa tuklo vlhtoba mak osh, momvt iskvlinosi aiyuka ho isha hinla kia, vlhpesa he keyushke, achi tok.

8. Nan im ai ithvna achvftv, Antilu, Saimon Pita itibapishi hash osh,

9. Ulla himita yvt bali palvska tahlapi, micha nvni chipunta tuklo aiena ho ishi kvv ilvppa ashvshke; yohmi mak osh laua fehna hoka, na katihma heto, im achi tok.

10. Mihma Chisvs ash ot, Okla ha ho binolichi, achi tok. Yvma hvshuk vt gsha fehna tok. Yohmi hatuk o hatak holhtina kvv tahlepa sipokni tahlapi foka hosh aka binohli tok.

11. Mihma Chisvs vt puska yash ishi cha, vba pit aiokpvchi mvt, nan im ai ithvna vhleha ha ima ma, nan im ai ithvna vhleha hash ot aka binohli tuk ash ima tok: mihmvt nvni mvt kaniohmi ho okla bvna hinla tuk a yvmmak atuk ash inli ho okla chohmichi tok.

12. Mihma okla hash ot kaiyvt taha ma, nan im ai ithvna vhleha hash o, Boshulli vt atampvt gsha ka oh itahobi, nanasi kia ik kvnio kashke, im achi tok.

13. Yohmi na yvmmak ash ot bali palvska tahlapi ka okla ai vpa ma im atampa tuk boshulli gsha ka, aiowvt itahobi mvt, kishi auah tuklo ka okla alotoli tok.

14. Yohmi ma Chisvs vt na-fehna ho yvmihchi na okla pisa mvt, Ilvppak osh hopaii yakni ilvppa vla he tuk mak o pulla mvhlshke, achi tok.

15. Yohmi hatuk osh okla mintit iti halvllit ishit, miko ikba hinla ka, Chisvs vt akostininchi mvt, filvmmitt ilap bieka hosh nvni chaha yo anonti ia tok.

16. Atuk o opivt taha ma, nan im ai ithvna vhleha hash ot pit okvtahvt okhvta ho ona tok.

17. Micha peni ont vlhbeha mvt, Kapenavm imma ia hosh

okhvta hā asht aya tok. Atuk o ont okhlilit taiyaha ka, Chisvs ash ot ik im ayo kisha tok.

18. Mihma mahli chito yosh mahli hatuk o, okhvta hash ot poakahanchi tok.

19. Yohmi hatuk o peni ash okla mōfi kv̄t, kowi tuchi-nakmā, keyukm̄vt ushtakmā, nana foka hō ona m̄vt, Chisvs vt okhvta paknaka a nohowa hosh peni ash i bilika ona na okla pisa tok; yohmi m̄vt okla nukshopa tok.

20. Yohmi kia yummak ash ot, Hvchi nukshopa ná, vno sia hash oke.

21. Mihma okla na yukpa feh̄vt yummak ash o peni ash ik chukowá, okla im ahni tok; atuk o peni ash ot chekosi fehna okla ai ona he tuk ash yakni a ont ataiya tok.

22. Ont onna ma okla okhvta mish t̄nn̄p hiohmaya kv̄t, peni inla m̄vt yumma iksho hō, achufa yummak illa tuk o nan im ai ithvna vhleha hv̄t vlbeha tuk; yohmi ka Chisvs vt nan im ai ithvna vhleha hā takla peni ont ik chukowo hō, amba nan im ai ithvna vhleha ak bano hosh ilhkoli tuk a, pisa m̄vt;

23. Yohmi kia Chitokaka yvt puska vba pit ai isht aiok-puchi na okla ai impa tuk a pit bilika Tibelias a a minti kv̄t peni inla kanohmi hosh vla tok.

24. Yohmi hatuk a Chisvs, micha nan im ai ithvna vhleha aiena kash ot yummak ash iksho hō okla akostininchi m̄vt, yummak kia peni inla kanohmi kash vlbeha cha, Chisvs a hoyot, it̄now̄vt Kapenav̄m a okla ai vla tok.

25. Mihm̄vt okhvta hā mish in t̄nn̄p o anta na okla ont pisa m̄vt, P̄i shahli ma! katiohmi kash o il̄v̄ppa ish la tuk oh cho? im achi tok.

26. Chisvs vt afalaminchi m̄vt, Ahlishke, ahli mak o hv-chim achi lishke; Nana a fehna puta ka yumihchi li hō hvs sa pisa tuk ak osh hvs sa hoyo kak keya, amba puska ya hvsh p̄vt, hvchi kaiya tuk ak oke.

27. Ilhpak vt okpula hi okvno ah̄nit hvch ik toksalo kashke; amba ilhpak vt ik taho hosh ai-okchayvt bilia ya ona hinda, yumma Hatak Ushi vt hvch ima he yummak ash-

ke: yvmmak o Iki Chihowa yvt ai atokolit ai im aighlich
hatuk oke, im achi tok.

28. Yohmi ma okla afalaminchi mvt, Nanta ak o e kati-
ohmi hosh Chihowa i na toksvli ha e toksvla hinla cho? im
achi tok.

29. Chisvs vt afalaminchi mvt, Auet sa kanchi tok yvm-
mak o hvch i yimmi ilvppak osh Chihowa i na toksvli mak
oke, im achi tok.

30. Yohmi hatuk o okla hash ot, E pisa cha, e chi yimma
chi kvno, na-fehna nanta ho ish yvmihchi ho? nanta hak o
isht ish ahanta cho?

31. Pin tikba vhleha hvt chukushmi foka ya manna yo
ai ahampa tok; okla vpa chi ka puska vba minti ho ipeta
tok, achi kvt holisso tok oke, im achi tok.

32. Yohmi ma Chisvs ash ot, Ahlishke, ahli mak o hv-
chim achi lishke, Puska vba minti yvmma Moses ak osh
hvch ipeta ha tok keyu; yohmi kia Aki ak osh puska aighli
vba minti ka hvch ipeta hoke.

33. Uba mintit vla cha, yakni a ai-okchaya ihima kak
osh, yvmvt Chihowa i puska mak oke, im achi tok.

34. Yohmi ma, Chitokaka ma! Puska ilvppak o ish pipi-
hinta na biliashke, im achi tok.

35. Mihma Chisvs ash ot, Vno ak osh ai-okchaya puska
ya sia mak oke: kvna hosh vno ak o vm vla hokvt nitak
nana hohchvfa he keyu; micha kvna hosh vno a a yimmi
hokvt nitak nana itukshila he keyu hoke.

36. Yohmi kia hvchishno vto hvs sa pisa kvt ik hvchi
yimmo ka, hvchim anoli li tuk oke.

37. Aki vt vma hokvno momvt vm vla hi oke; mikma
kvna hosh vm vla hokvno, ik kaniohmi kia falaminchit kocha
pit tobli la he keyu hoke.

38. Uba ya mintit vla li kvt, vno akinli nana vm anukfila
hosh a yvmohmi la he tok keyu hokvt, amba auet sa kanchi
tok nan im anukfila ha he tok.

39. Yohmi kvt auet sa kanchi tok Aki vt vma tok moyu-
ma ka achvfa kia ik sa kvnio hosh, amba nitak ont ishtaiyo-
pikma falaminchit tanichi la he ilvppak o im anukfila hoke.

40. Micha Ushi a pisa cha, yummak ash i yimmi hokvto, momvt ai-okchayvt bilia ya pisa he, ilvppak o auet sa kanchi tok vt aiahni hoke; yohmi la nitak ont ishtaiyopikma yummak ash o falaminchit tanichi la hi oke.

41. Yummvt, Uno ak osh pska vba minti tok mak o sia hoke, achi hatuk o, Chu okla hash ot yummak ash o lumasit na-mihachit maya tok.

42. Mihmvt, Ilvppvt Chisvs, Chosef a Ushi yoh chokvsh keyu? mikma iki, micha ishki aiena ka iloh ithana keya ho? yohmi hokak osh katiahmi ho vba mintit vla li tok, achi cho? achi tok.

43. Yohmi hatuk o Chisvs vt afalaminchi mvt, Lumasit nan itiba mihvt hvch ik mayo kashke.

44. Hatak nana kia vm vla he keyv, amba auet sa kanchi tok Aki ak osh halvli hok mak a hi oke: mikma nitak ont ishtaiyopikma falaminchit tanichi la hi oke.

45. Mihmvt momvt Chihowa yak o nan im ai ithvna he, achi kv hopaii puta i holisso ha a holisso tok. Yohmi hatuk o hatak vt Aki a im a haponaklot, nana ka im ai ithvna aiyuka hokvto, vm ahanla hoke.

46. Hatak nana hosh Aki ak o pisa chatuk o keyu; Chihowa yak o a minti tok ak bano yummvto Aki a pisa chatuk oke.

47. Ahlishke, ahli mak o hvch im achishke, Kona kia a yimmi hokvto ai-okchayvt bilia ya pisa hoke.

48. Uno ak osh ai-okchaya pska sia mak oke.

49. Hvchin tikba vhleha hv chukushmi foka ya manna ai ahampa tok vt illi tok.

50. Pska ilvppak o hatak vt ai vpa cha, ik illo ka hi o, vba ya mintit vla tok mak oke.

51. Uno ak osh pska okchaya vba minti tok a sia mak oke; hatak nana hosh pska ilvppa vpa hokmvt, okchaya na bilia he; yohmikma pska ipeta la he, yummvt vno sa nipi yakni vt ai okchaya hi o, isht atobbi la chi kak oke, im achi tok.

52. Yohmi hatuk o Chu okla hash ot, Hatak ilvppvt

katiohmi kak osh ilap nipi ya pipeta na e pa hinla ho?
achit itachowvt maya tok.

53. Mihma Chisus vt, Ahlishke, ghli mak o hvchim achi
lishke; Hatak Ushi nipi ya vpvvt, im issish ma hvsh ishko
keyu hokmvt, ai okchaya hi vt hvchi anukfoka keyu hoke.

54. Kvna hosh sa nipi a vpa cha, svssish ma ishko ho-
kvto, ai-okchayvt bilia ya pisa hoke; atukma nitak ont
ishtaiyopikma falaminchit tanichi la hi oke.

55. Sa nipi vt ilhpak o fehnakma, svssish a ishka-hi o
fehna hoke.

56. Kvna hosh sa nipi a vpa cha, svssish ma ishko hokvt,
vno a a svbai achafakma, anonti vno mvt ilapa ai ibachafa
li hoke.

57. Aki okchaya yvt vno a auct sa kanchi tok o, Aki ak
o vno vt ai okchaya li hatuk a, kvna hosh vno a svpa hokvt,
yvmmak inli ho chohmit vno ak o si ai okchaya hi oke.

58. Ilvppak osh puska vba minti tok mak oke; hvchin
tikba vhleha hvvt manna ya vpa tuk osh anonti illi tok a
a chohmi ho keyu; kvna hosh puska ilvppa vpa hokvto
okchayvt bilia he mak oke, im ahanchi tok.

59. Kapenavm a nan ai ithvnanchit ahanta mak osh sina-
kak anykaka ya ilvppa puta ka ai ahanchi tok.

60. Yohmi hatuk o nan im ai ithvna vhleha hvvt ilvppa
haklot in taha mvt, lava kvvt, Ilvppvt anumpa kvlllo feh-
mshke, kvta hosh haponakla hinla cho? achi tok.

61. Nan im ai ithvna vhleha hvvt yvmma lumasit nan isht
a miha ka, Chisus vt ilapo inlit akostininchi mvt, Ilvppvt
hvchi ibetvblichy hoh cho?

62. Yohmi kvto Hatak Ushi vt tikba ma ai vttat tok vba
ya ia na hvsh pisa hok mvt?

63. Okchalinchy vt shilombish ak oke; yohmikma nipi
vto nana ho isht ai vhpesa keyu hoke; anumpa hvchim
anumpuli li yvmmak osh shilombish okmvt, anonti isht ai-
okchaya yoke.

64. Yohmai ka hvsh kaniohmi mvt ik yimmo kvvt hvsh
ashvshke, im achi tok. Ummonvt isht auehinchi kak inli
ho kvna hak osh ik yimmo ka he, mikma kvna hak osh

ilapa ishit inla ibbak fohka he aiena ka Chisvs vt ithana tuk a tok.

65. Mihmvt, Yohmi hatuk o Aki ak osh anukfohkichi ho keyukma, hatak nana hosh vm vla he keyu hoke; hvchim achi li kvno, achi tok.

66. Yvmmak fehna kak o nan im ai ithvna vhleha hv lauvt filamovt taha mvt, i himmak ma apehvt ik itvnowo ki tok.

67. Yohmi ma Chisvs ash ot auah-tuklo kash o, Hvchishno ak kia filvmmit aya hi a hvchim anukfila cho ? im achi tok.

68. Mihma Saimon Pita yvt afalaminechi mvt, Kuta hak o il im ia hinla cho ? chishno ak osh ai okchayvt bilia isht anumpa ha ish ieshishke.

69. Micha chishno ak osh Chihowa okchaya Ushi, Klaist mak o chia pulla ka il ithanvt, pi yimmi fehna hoke, im achi tok.

70. Chisvs ash ot, Auah-tuklo ho hvchi atokoli li tok o, hvsh achvona kv nan-isht-ahullo okpulo yo chia keyu ? im achi tok.

71. Yvmmak osh auah-tuklo ka ai iba chvfa yatuk osh, yvmmak ash ishit inla ibbak fohka chi ha tok oka Saimon, ushi Chutas Iskaliot ak o isht anumpuli ha tok oke.

CHAPTA VII.

Chisvs vt luma chohmi hosh gyvt Chelusalem a ona ma, Chu vhleha hv yvmmak ash pisa bvnvt aiasha mvt, nan isht anukfilli kv im ilaiyukvt aiasha, 1. 14 Chisvs vt tempel a ont chukowa cha, nan ithvnanchit ahanta. 37 Hatak vt itukshila hokvto, ilap ak o im ai onvt nan ishka hi a, ahnit Chisvs vt hoyo.

1. NANA kv ai yakohmi ha ya, Chisvs vt Kalili yakni ak o ahanta tok: Chu okla hash osh yvmmak ash vbi ka bvnvt maya hatuk o, Chu i yakni yokvno ahanta he ik ahno ha tqk.

2. Mihma Chu okla chishako vhtipo nuta ai impa holi-topa yoh chatuk nitak vt a tikeli tok.

3. Yohmi hatuk o i kanomi vhleha hvt yummak ash o, Ilvppa issvt ivt, Chutea yakni yak o ish ona na nan chim ai ithvna vhleha hak kia na-fehna puta ish ai yvmihchi ka pisashke.

4. Ilapo vt otvni achukmvt annoa hi a ahni hokvt, hatak vt ai alumaka ho nana ka yvmihchi chatuk vt iksho hoke. Ilvppak oka a chi yvmohmi mvhli chatuk okmvt, yakni a ish il ai im otvninchashke, okla im achi tok.

5. I kanomi vhleha hak kia ik i yimmo hatuk osh.

6. Mihma Chisvs ash ot, Uno vt ia la he ai vlhpiesa kvto ik ai ono kisha hoke; amba hvchishno vto hvsh ia hi vt hvchim vlhpiesa bieka hoke.

7. Yakni vt hvchishno yokvno hvchi nukkilli he keyu: amba vno vto yvmma nana a kaniohmi kvt ai vlhpiesa keyu ka atokolit anoli li hatuk o, vno yokvno a nukkilli hoke.

8. Ai-impa holitopa gsha ilvppa hvsh iashke; vno yokvto ai vlhpesa kvt ai ona fehna keyu kisha hoka, ai-impa holitopa gsha ilvppa himonasi kvno ia la chi keyu hoke, im achi tok.

9. Anumpa ilvppa puta ka im ahanchit in taba mvt, Kalili yakni akinli ho anta tok.

10. Yohmi tuk kia i kanomi vhleha hash ot ivt taha tuk o, ilap ash kia ile haiakvchi fehna keyu, amba luma chohmit ayvt, ai-impa holitopa gsha kash ona tok.

11. Yohmi ma Chu okla hvt yummak ash ai-impa holitopa gsha ka hoyot, Mih mvto katima yak o hikia cho? achi tok.

12. Mihmvt kanimi kvt, Yvmmvt hatak achukma hoke, achi ma, inlaka yokvto, Keyu, amba okla ha haksichi yoke, achi hatuk o yummak ash lumasit isht anumpulit, ilap bika itachowa fehntv mgya tok.

13. Yohmi kia Chu okla ha i nukshopa hatuk osh, hatak nana kia haiakvchit yvmma isht anumpuli kvt iksho ki tok.

14. Atuk o ai-impa holitopa gsha ka iklvntv taha foka

ma, Chisvs ash ot tempel a pit chukowa cha, nana ithv-nanchi tok.

15. Mihma Chu okla hvt nukhlakancha cha, Hatak ilvppvt katiohmi kak osh ithvna tok keyu kvto, holisso ha imponna hoh chishba? achi tok.

16. Chisvs vt afalaminchi mvt, Nan isht ai ithvnanchi li kvv vno vmmi ho keyu, amba auct sa kanchi tok ak o immi hoke.

17. Hatak nana hosh, yvmmvt nana ai ahni tok mak o ahninchit yvmihchi hokmvt, nan-isht-ithvnanchi ka Chiho-wa ak o a minti hokmá, keyukmvt peh vno ahni li hosh anumpuli li hokmá, nana hatuk ma akostinicha hi oke.

18. Kvna kia peh ilap ahni hosh anumpuli hokvto ilap isht a holitopa he ak o aiahni chatuk; amba auct kanchi tok vt nan-isht a-holitopa he ak o aiahni hokvto, yvmmak osh aighli, mikma nana ik ai vlhpeso nana kia ai a takali keyu hoke.

19. Moses vt vba-nan-vlhpisa ya hvch ima tok keyu ho? a tok ak o hvchi achvona kia vba-nan-vlhpisa mvno hvch ik holitobloshke. Nanta katiohmi ho svbi bvvvvt hvsh itvno-wa cho?

20. Okla hash ot afalaminchi mvt, Nan-isht-ahullo okpulo yo il ai eshi chia hoka, kvta hosh chibi bvvvvt itvnowa hoh cho? okla achi tok.

21. Chisvs vt afalaminchi mvt, Nana achvfa ho ai yvmih-chi li, yvmohmi ma momvt okokko! hvsh ahnishke.

22. Yohmi ka Moses vt hakshup tvpa ka hvchim apesa tok. Moses ak osh yvmma tikbanlichi tok keyu, amba in tikba vhleha ak a tok: a tok kia hvchishno vto nitak hullo nitak o hatak hakshup hvsh in taham-blishke.

23. Moses i nan-vlhpisa yut ik kobafo ka chi ka, hatak vt nitak hullo nitak o hakshup in tvptohowa ma, vno vto nitak hullo nitak o hlakofichit kaiyanchi li kak o, hvs sa nukilli cho?

24. Nana kvv a kaniohmi ahoba kak o isht ik hvchim a-

nukfilo kashke; amba nana kv̄t isht v̄lhpisa kv̄t ai-v̄lhpisa mak o isht hv̄chim anukfilashke.

25. Mihma Chelusalem a gsha tuk vt kanimi kv̄t, Okla vbi b̄vn̄vt maya beka tuk a ilvppak osh mih mak o keyu?

26. Yohmi kia nukwaya iksho hosh anumpohonli ma, nan ok ik im achoshke. Ilvppak osh Klaist fehna mak o mv̄hli kv̄no, hatak pehlichī v̄hleha hv̄t akostininchi hoh chishba?

27. Yohmi kia hatak ilvpp̄to kanima yō a minti ka iloh im ithanv̄shke; amba Klaist ak osh v̄la hokma, kanima yō a minti ka hatak nana hosh akostinincha he keyu hoke.

28. Mihma Chisvs vt tempel anykaka yā nana ai ithv̄nan-chi hosh anta tuk ash osh chitolit, Uno a hv̄s sv̄thana mv̄t, anonti kanima yō a minti li tuk ma hv̄sh ithanv̄shke; yohmi ka v̄no akinli ahni li hosh aya li keyu, amba auet sa kanchi tok yv̄mmak osh aighli mak atuk o yv̄mma chik ithanoshke.

29. Amba v̄no v̄to yv̄mmak o a minti li tuk okvt, yv̄mma ithana li hoke; yv̄mmak osh auet sa kanchi tok mak oke, achi tok.

30. Mihma okla ishi b̄v̄na tok; yohmi kia hv̄shi kanelli isht ai im v̄lhpisa kv̄t ik ai ono kisha hatuk oka, hatak nana kia ibbak a ik onochō ki tok.

31. Mihma okla l̄av̄vt yv̄mmak ash i yimmi mv̄t, Klaist ak osh v̄la hokmv̄to, na-fehna puta ka yv̄mihchi kv̄t, hatak ilvpp̄t ai yv̄mihchi tuk puta ka i shahlichā hinla hō? okla achi tok.

32. Okla hv̄t lumasit yakohmichit yv̄mma isht anumpulit maya ka, Falisi v̄hleha hv̄t haklo tok; micha Falisi v̄hleha, mikmv̄t na-holitompa isht gsha pehlichī v̄hleha aiena kash ot yv̄mmak ash isha chī ka, tishu v̄hleha hā pit tihleli tok.

33. Mihma Chisvs ash ot, Chekosi itintakla kak o hv̄chi takla anta li moma chī; atuk mv̄t anonti auet sa kanchi tok a im ia la chī hoke.

34. Hv̄s sa hoyo kia, hv̄ch ik sa peso ka chī; mikmv̄t kanima yō ai ahaanta likma, yv̄mma hv̄sh ai ona he keyu hoke, im achi tok.

35. Mihma Chu okla hash osh ilapo bika it im achit, Katima kō ia chī hokak o, keho pesa ka chī hoh chishba?

ita-fimimpot Chentail okla ibvhlkahvt asha hak o im ayvt, Chentail okla ha nan ithvnancha chi ho?

36. Ilvppak osh anumpa nanta mak o, Hvs sa hoyo kia, hvch ik sa peso ka chi; mikmvt kanima yo ai ahanta likma, yvmma hvsh ona he keyu hoke, achi tok.

37. Nitak ont ishtaiyopi na holitoblit ai-impā nitak chinto yvmmak fehna Chisvs vt hikia cha, tahpahanla mvt, Hatak nana hosh itukshila hokmvt, vno ak o va ai vvt ik ishkó.

38. Kvna hosh vno a a yimmikma, yvmmak o, Holisso Holitopa yvt achi hatuk oka, oka okchaya okhina yvt chu-kvsh a a yanvllit a kokonecha chi hoke, achi tok.

39. Yohmi kia ilapa i yimmi vhleha vvt Shilombish a habena he yvmmak o isht anumpuli hosh ilvppa miha tok: Chisvs vt ont ik a holitopo kisha hatuk o, Shilombish Holitopa yvt ik ayo kisha ha tok.

40. Yohmi hatuk o anumpa ilvppa haklo mvt, okla hash ot lavt, Ilvppak osh hopaii mih mak o fehna ho mvhlishke, achi tok.

41. Kanimi mvt, Ilvppak osh Klaist mak oke, achi ma, araba kanimi kvto, Klaist vt Kalili yakni a vtvvt a kohchvt aya hinla ho?

42. Klaist vt Lewi Ushi ai isht atiaka ho, micha Behlehem tumaha Lewi vt ai ahanta tok mak o ai vtta apha hi a, Holisso Holitopa yvt achi hatuk keyu? achi tok.

43. Yohmi hatuk o yvmmak atuk mak o okla vvt isht ai ita kashapvt maya tok.

44. Mihma kanimi kvt yvmmak ash ishi ka ahni tok; yohmi kia hatak nana hosh ibbak a ik onochó ki tok.

45. Yohmi ma tishu vhleha hash osh na holitompā isht asha pehlichí vhleha, micha Falisi vhleha aiena kash im ai ona tok; mihma yvmmak ash osh, Nanta katiohmi ho yvmmak ash isht hvch ik lo cho? im achi tok.

46. Mihma tishu vhleha hash ot, Hatak nana hosh anumpuli kvt hatak ilvppa chohmi chatuk keyushke, achi tok.

47. Mihma Falisi vhleha hash ot afalaminchi mvt, Hvchishno ak kia hvsh i haksi hotuma?

48. Hatak hochitoka, keyukmvt Falisi vhleha aiena kvt kanimi mvt, yvmma i yimmi tuk o?

49. Yohmi ka nan-vlhpisa kia ithana keyu okla ilvppvto nan isht i palvmma he vlhpeshke, achi tok.

50. Nikotemvs, yvmmvt ninak o ayvt Chisvs a im ona tok ash ot, yvmma ai ibachvfa hatuk osh,

51. Nan vlhpisa pin tonla kvt hatak a ai i haponaklot, nana ho a kanihmi hatuk ma ai akostininchi keyu kisha kvt, nan im apesa chatuk oh cho? im achi tok.

52. Mihma okla afalaminchi mvt, Chishno ak kia Kalili hatak chia hatuk o? achukmalit hoyot pisá: hopaii vt Kalili yakni a ai vttvt kohchvt aya hi vt iksho hoka, im achi tok.

53. Yohmi ma hatak ash ot momvt in chuka aiyuka ilhkolit taha tok.

CHAPTER VIII.

Falisi vhleha hvt, ohoyo hosh hani tobt ahanta na yvmmak osh nan im apesa chi ho, isht im ona, 1. 12 Chisvs vt ilap ak osh yakni in tohwikeli; yohmi ka yvmmvt im aighli ka Iki vt atokolit anoli chatuk aiena ka miha. 80 Chu okla hvt Chisvs a i sanali; yohmi hatuk o ilapvt Eblaham ak okvno isht atiaka ho mvhli akinli kia, nan ai ashvchika yokvno i yuka vhleha; micha nan isht ahullo okpulo a im vlla vhleha aiena hatuk a, Chisvs vt im otvninchi.

1. CHISUS vt Alif nvni hq ia tok.

2. Atuk osh onna-hinli fehna falamvt tempel ash ant chukowa ma, okla momvt im ai itvnaha tok: mihma aka binilit nan ithvnanchi tok.

3. Mihma na-holissochi vhleha, micha Falisi vhleha aiena kvt, ohoyo hvt lumakvt anta tuk o, isht im ona tok; micha ai iklvna ka okla binilichi mvt,

4. Nan-ithvnanchi ma! ohoyo ilvppvt lumakvt anta, ai yakohmi fehvt haiaka na ishi tuk oke.

5. Yohmi ka Moses vt ilvppa chohmi hokvt tvli isht boa hi o, nan-vlhpisa ya isht a pim apesa tok; yohmi ka chishno vto nantuk ish achi cho? im achi tok.

6. Ilap ak o anumpa onocha hi vt ahnit, imomaka pisa hosh iluppa okla achi tok. Yohmi kia Chisvs ash ot ik i haponaklo ho chohmit, aka pit waiahpvt, ibbak-ushi a yakni a isht ai o holissochi tok.

7. Yohmi ka okla i ponaklo kash ot a moyuma ma, wakaya mvt, Kanima hosh ai ashvchika ik im iksho kvt hvchi takla hikia hokmvt, yvmmak osh na tikba tvli ya isht ik boli, im achi tok.

8. Mihmvt anonti aka pit waiahpvt yakni a ai o holissochi tok.

9. Mihma okla haklo tuk ash ot, ilap chukvsh akinli ka nan isht ai il akostininchi mvt, holitopa i shahli tuk ak osh tikba achufa aiyyukvt kohchvt ihiya mvt, ik a lauwo ke tuk vt momvt ont taiyaha tok; mihma Chisvs ak bano hosh hikia ma, ohoyo hash osh ai iklvna ash hikia tok.

10. Chisvs ash ot wakaya mvt, inla yvt iksho ho, ohoyo ak bano ho pisa mvt, Ohoyo chia ma! anumpa chi onochi vhleha mvto? hatak nana kia anumpa ik chi onochi ke tuk oh cho? im achi tok.

11. Mihma, Hatak nana kia anumpa ik si onochoshke, Chitokaka ma! achi tok. Mihma Chisvs ash ot, Uno ak kia anumpa chi onochi li keyushke, ia cha, himmakma ik chi hakso kashke, im achi tok.

12. Mihmvt Chisvs ash ot anonti okla ha im anumpuli mvt, Uno ak osh yakni im a tohwikeli sia mak oke; kvna hosh vno a siakaiya hokvt, ai okhlilika yo aya he keyu; amba ai okchaya tohwikeli hv in takala he mak oke, im achi tok.

13. Yohmi hatuk o Falisi vhleha hash ot, Nan ish ai atokoli kvt chishno akinli hosh ish il ai-anoli hokvt, nan ish ai atokoli ka ghli keyushke, im achi tok.

14. Chisvs ash ot afalaminchi mvt Atokoli kvt vno akinli hosh il ai anoli li akinli kia, nan ai atokoli li ka ghli hoke: vno ak okvto kanima yo a minti li tuk: mikmvt kanima yo atia la he aiena kvt ithanali hoka; amba hvchishno vto kanima yo a minti li tuk, micha kanima yo atia la he aiena ka hvsh akostinincha he keyushke.

15. Haknip nan isht a kaniohmi chatuk mak o nana hvsh apesvshke; vno vto hatak nana kia nana ak im apesoshke.

16. Yohmi kia nana ka apesa li hokma, nan apesa li ka aighli hoke; vno ak illa keyu hoka, amba vno vt auet sa kanchi tok Aki g itatuklo li hoke.

17. Hatak tuklo hosh nana atokolit anoli ho aighla hi g, hvchi nan-vlhpisa yak kia a holihiso hoke.

18. Nan isht a si atokowa anoli kvv vno akinli kak osh mihi yo sia hokma, anonti auet sa kanchi tok Aki ak osh nana atokowa ka si anoli hoke.

19. Yohmi ma Katima ko Chiki vto asha hosh? okla im achi tok. Chisvs vt afalaminchi mvv, Vno, mikmvv Aki ita tuklo li ka hvch ik pithanoshke; vno g hvv svthana hatuk okmvv, Aki ma hvsh ithana he tuk akinli hoke, im achi tok.

20. Anumpa ilvppa Chisvs vt tempel anykaka yg nana ai ithvnanchi hosh ahantvt, voli holisso abohli yo hikia hosh anumpuli tok: hvshi kanvlli isht ai im vlhpisa kvv ik ai ono kisha hatuk o, hatak nana kia ibbak g ik onocho ki tok.

21. Anonti Chisvs ash ot, Kanima ia likma, hvv sa hoyo kia, nan ai-ashvchika puta kak o isht hvchi ai illa hi oke: kanima yo ai ona li ka, hvchishno vto hvsh ona he keyu, im achi tok.

22. Yohmi ma Chu okla hash ot, Kanima yo ai ona li ka, hvchishno vto hvsh ona he keyu, achi kvv ilap inli kak osh ile ba chi hoh cho? achi tok.

23. Mihma, Hvchishno vto aka yo a minti hvchia hokma, vno vto vba yo a minti li hoke; hvchishno vto yakni ilvppak o ai ibachvfa hvchia hokma, vno vto yakni ilvppa ai ibachvfa sia keyu hoke.

24. Yohmi ka na hvchim ai-ashvchika puta kak o isht hvchi ai illa hi oke, hvchim achi li hokvno; vno ak osh mih mak o sia ka ik hvchi yimmo hokmvv, na hvchim ai-ashvchika puta kak o isht hvchi ai illa hi oka, im achi tok.

25. Mihma, Chishno ak osh kvta hak o chia ho? okla im

achi tok. Mihma Chisvs ash ot, Ūmmona ka nana hō hvchim anoli li kash mih mak o sia hoke.

26. Nana ka hvchi mihvt, nan isht apesa la hi vt lauvt vm ashvshke.* Yohmi kia auet sa kanchi tok yvmmak osh aighli mak oke; mihma vno vt yvmmak o nana ka ai im a haklo li tuk mak osh yakni a isht im anumpuli li hoke.

27. Iki ak o isht im anumpuli hatuk a, okla ik akostinincho ki tok.

28. Mihma Chisvs ash ot, Hatak Ushi a vba hvsh takalichi hok mak osh, vno vt mih mak sia hatuk; micha vno akinli vm anukfila hosh nanasi ka ai yvmohmi li keyu; amba Aki ak osh nan svthvnanchi tuk mak o ilvppa puta ka anum-puli li hatuk a hvsh akostinincha hi oke.

29. Micha auet sa kanchi tok vt sa takla aya hoke; Aki vt ilap illvchit sa kanchi tok keyu; nana kvv yvmma yuk-pali pulla kak o yvmohmi kvv a sa bilia chatuk oke, im achi tok.

30. Anumpa ilvppa puta ka anumpohonli ma, i yimmi kvv lana tok.

31. Yohmi ma Chisvs ash ot i yimmi tuk vhleha Chu okla hash o, Ūm anumpa hā hvsh halvlli kvv hvch ik issok-mvt, nan vm ai ithvna ghli fehna hvchia mak a chi hoke.

32. Mikmvt nan-aighli ka hvsh ithana he; mikma nan-aighlika yash ot yuka keyu hvch ikba hi oke, im achi tok.

33. Okla afalaminchi mvt, Eblaham ak o isht atiaka pia, yohmi kvv nitak nan ash o hatak nana kia ai i yuka hosh il anta tok keyu ka, katiohmi hō, Yuka keyu hvchi toba hi oke, ish achi cho? im achi tok.

34. Chisvs ash ot afalaminchi mvt, Ahlishke, ghli mak o hvchim achi lishke, Kva hosh nan ai ashvchika ya ai yohmi hokmvt, nan-ai-ashvchika ya i yuka mak oke.

35. Yohmi ka yuka hokvto chuka ya ai ahantvt bilia chatuk keyu; amba Ushi yokvto ahanta na bilia chatuk oke.

36. Yohmi hoka Ushi yak osh yuka keyu ka hvch ikbi hokma, yuka keyu ghli mak o hvchia ha hi oke.

37. Eblaham ak o isht atiaka hvchia hokvno hvchim

ithana li; yohmi kia vm anumpa hak osh hvchi chukvsh a ai anukfoyuka keyu kak o, svbi hvchi bunvshke.

38. Aki a ai iba pisa li tok mak osh vno vt nana ka isht anumpuli li hoke; mihma hvchishno vt hvch iki a hvsh ai iba-pisa tok mak osh a hvchi yvmohmishke, im achi tok.

39. Mihma okla afalaminchi mv, Eblaham ak osh piki oke; im achi tok. Chisus ash ot, Eblaham ak o ushi hvchia hatuk okmv, Eblaham vt nana a kaniohmi tok mak o, hvsh yvmohma he tuk oke.

40. Amba Chihowa ya nana ai im a haponaklo li tuk vt nan ai ghlika mak o hatak hvchim anoli li ka, svbi hvchi bunvshke; Eblaham vt iluppa yakohmi tok keyu hoke.

41. Hvch iki vt nana a kaniohmi tok mak o hvsh yvmohmishke, im achi tok. Mihma, iki, ishki ita tuklo kv ai vlhpesa keyu ho a toba hosh il vta tok keyu: Piki vt achvfa, Chihowa ak oke, im achi tok.

42. Chisus ash osh, Chihowa ak osh hvch iki atuk okma, hvs sa hulla he tuk oke; vno vt Chihowa yak o a kohchvt aya li hosh vla li ha tok oka; yohmi kv vno vm anukfila akinli hosh vla li tok keyu; amba yvmmak osh auct sa kanohi tok oke.

43. Nanta katiohmi ho vm anumpa ha hvch ik svm akostinicho cho? vm anumpa ha haponaklo ik hvchi bunno kak okvt,

44. Setan hvch iki ak o hvsh a toba hatuk osh, hvch iki nana ai-ahni kak o ai yohma hi a hvchim anukfilvshke; yvmmak okvt vmmona kash inli ho hatak vbi a tok; micha ilap ak osh nan aighli kv anukfoka keyu hatuk osh, nan ai ghlika ya a hikia keyu hoke. Holabit anumpuli kv ai immi ka mak okvt anumpuli hoke; ilap ak osh holabi yokvt, anonti na-holabi iki mak oke.

45. Yohmi hatuk o ai ghlika yo hvchim anoli li hatuk o, hvch ik sa yimmoshke.

46. Hvsh katima kak osh nan ai-ashvchi li tuk a hvs svm atokola hinla cho? Ahli mak o miha li hok mak heno, nanta katiohmi ho hvch ik sa yimmo cho?

47. Kva kia Chihowa ya immi hokmv, Chihowa im

anumpa ha haklo hoke ; yohmi hoka hvchishno vto Chihowa immi hvchia keyu hokvt hvch ik hakloshke, im achi tok.

48. Mihma Chu okla vhleha hash ot afalaminchi mvt, Chishno vt Samalitan hatak chia hosh, nan-isht-ahullo okpulo a ish il ai eshi hatuk a, e chi achi kvv vhpesa ho e miha keyu cho ? im achi tok.

49. Chisvs vt afalaminchi mvt, Nan-isht-ahullo okpulo il ai ishi li keyushke : amba Aki a holitobli li hatuk o, hvchishno vto vno a hvch ik sa holitobloshke.

50. Micha vno akinli isht a sa holitopa hi o ahni li keyu ; yvmma aiahni cha, nan apihisa kvto achvfa hosh asha hoke.

51. Ahlishke, ahli mak o hvchim achi lishke ; Hatak vt nana mihia li ka vm antia hokmvt, nitak nana ai-illika ya pisa he keyu hoke, im achi tok.

52. Mihma Chu okla hash ot, Nan-isht-ahullo okpulo a ish il ai eshi hatuk a, himak vno il akostininchishke ; Eblaham, mikmvt hopaii vhleha aiena kvv illi tok : yohmi ka hatak vt nana mihia li ka vm antia hokmvt, nitak nana ai-illika ya pisa he keyu, ish achishke.

53. Piki Eblaham illi tok a ish i shaiyahli cho ? mihma hopaii vhleha aiena kvv illit taha tok. Chishno ok ash kvta hak o ish il ai apesa hoh cho ? im achi tok.

54. Chisvs vt afalaminchi mvt, Vno akinli hosh ile holitobli li hokma, na sa holitopa he mak keyu hoke. Hvchin Chihowa hvsh miha tuk Aki yvmmak osh sa holitobli hoke.

55. Yohmi kia hvchishno vto yvmma hvch ik ithanoshke ; amba vno vto yvmma ithana lishke ; yohmi kvv yvmma ak ithano hoke ; achi li hokmvt, holabi hvchishno akinli ho chohmi la chi hoke ; yohmi kia yvmmak oka ithana li mvt, nana ahanchi ka holitobli lishke.

56. Hvch iki Eblaham vt ai ahanta li nitak a pisa hi okvt na yukpa tok ; atuk osh pisa cha, na yukpa chinto fehna tok, achi tok.

57. Mihma Chu okla hash ot, Sipokni kvv afvmmi pokoli tahlapi ka chik ono kisha hokak osh, Eblaham a ish pisa tok oh cho ? im achi tok.

58. Mihma Chisvs vt Ahlishke, ahli mak o hvchim achi

lishke, Eblaham vt iksho kisha ma, anta li tok oke, im achi tok.

59. Yohmi ma ishit bola chi kvv, tvli g okla aiowa tok : yohmi kia Chisvs ash ot lumvt okla ai ikvnnaka ya hlopulit ayvt tempel g a kohchvt ont ia tok.

CHAPTA IX.

Hatak vt lupa yosh vttá tok g, Chisvs vt hoponayochi, 1 : 13 hatak ash q ilauct Falisi vhleha hā isht im ona ma, Falisi vhleha hash ot hatak ash sinakak g a kohchichi. 35 Chisvs vt ilap ak osh Chihowa hā Ushi mak atuk vt hatak yvmmak ash im il otvínchi ma, hatak ash ot i yimmi cha, aiokpvchi.

1. MICHA Chisvs vt ont ia cha gya mvt, hatak vt lupa imoma yosh vttá tok osh gsha na pisa tok.

2. Mihma nan im ai ithvna vhleha hv, Pi shahli ma ! hatak ilvppak okmá, keyukmvt iki, ishki itatuklo ka a kati-ma kak osh nan ashvchi tok q, hatak ilvppvt lupa imoma yosh vttá tok oh cho ? achit i ponaklo tok.

3. Chisvs ash ot afalamínchi mvt, Hatak ilvppak okmá, keyukmvt iki, ishki ita-tuklo ka a kanima kak osh nana ashvchi tok q keyu hoke ; amba Chihowa nan-isht im ai ghlika yvt ilvppak q isht ai otvna he mak q, ai yakohmi tok oke.

4. In tokvli la he mak q auet sa kanchi tok oka nitaki moma kak q isht im ahanta li pullashke ; ninak vt vla ha yokmvo, hatak nana kia pilesa he keyushke.

5. Yakni g ai ahanta li takla hokvto, yakni g in tohwikeli sia hoke, im achi tok.

6. Iluppa mak achit ont issa mvt, yakni g on tofvv, lukfi g itukchi ishit yvmvslit tahli mvt, hatak lupa nishkin g lukfi ash q isht im apolusli tok.

7. Mihmvt, Oka talaia Siloam, yvmvvt toshowakmvt, Pila, achi hq ia cha, ont okamí, im achi tok. Yohmi ma ia cha ont okami mvt, pisa hosh vla tok.

8. Yohmi hatuk q chuka panta hatak vhleha, micha yvmvvt lupa yq tikba ka pisa beka tuk vhleha yvmmak ash ot, Ilvppvt ashvt nana asihjla chokvsh mak q keyu ? achi ma,

9. Kanimi kv̄t, Il̄v̄p̄p̄t mihi yoka, achi ma, inla m̄vt, Peh holba hoka, achi tok : yohmi kia ilap v̄to, Mihi ȳo sia hoke, achi tok.

10. Yohmi hatuk ̄o, Katiohmi hosh chi nishkin v̄to fatuma tuk oh cho ? im achi tok.

11. Mihma afalaminchi m̄vt, Hatak Chis̄vs hohchifo kak osh lukfi ̄a ȳvm̄v̄slit, sa nishkin ̄a isht v̄m apolusli cha, Oka talaia Siloam ̄a ia cha, ont okami, v̄m achi ma, īvt ont akami li hosh, hoponayo li tuk oke, achi tok.

12. Mihma, Atuk osh mih m̄v̄to ? okla im achi ma, Ak akostininchoshke, achi tok.

13. Mihma l̄v̄pa ȳo beka tuk ȳv̄mmak ash ̄o ilaunlit Falisi v̄hleha h̄a isht im ona tok.

14. Yohmi ka nitak hullo nitak ̄o Chis̄vs v̄t lukfi ̄a ȳvm̄v̄sli cha, nishkin a i fatummi tuk a tok.

15. Yohmi hatuk ̄o anont̄i Falisi v̄hleha h̄vt kaniohmit hopanayo tuk ̄a, im asilhh̄v̄chi akinli tok. Lukfi ȳvm̄v̄ska ȳo sa nishkin ̄a isht a lapohlechi na okami li tuk osh, hoponayo lishke, im achi tok.

16. Yohmi hatuk ̄o Falisi v̄hleha kanimi kv̄t, Hatak ȳvm̄m̄vt nitak hullo nitak ̄a holitobli keyu hokv̄t, Chihowa ak ̄o a minti keyushke, achi tok. Inlaka yokv̄to, Hatak v̄t nan ash̄v̄chi atuk v̄t katiohmi hosh na-fehna puta yakohmi ka ȳvm̄ih̄cha hinla cho ? achi tok : yohmi m̄vt ilap b̄ika okla ai ita kashap̄t m̄ya tok.

17. Hatak l̄v̄pa yatuk ash ̄o anont̄i, Chishno v̄to chi nishkin ̄a ch̄i fatummi tuk ̄a, ȳv̄mmak oka nanta isht ish achi cho ? okla im achi ma, Ȳv̄mmak ash ot hopaii yoke, achi tok.

18. Yohmi kia Chu okla hash ot hoponayo tuk ash īki, ishki ita tuklo ka hoyot ik im asilhh̄acho k̄isha kv̄t, ȳv̄mm̄vt l̄v̄pa yatuk osh hoponayo tuk ̄a, ik yimmo ki tok.

19. Atuk osh ȳv̄mmak ash ̄o okla ī ponaklot, Il̄v̄p̄p̄t h̄v̄ch iso l̄v̄pa yosh v̄tta tok h̄v̄sh achi chokv̄sh oh cho ? Yohmi hokak osh katiohmi h̄o himak ano hoponayo cho ? okla achi tok.

20. Īki, ishki ita-tuklo kash ot afalaminchi m̄vt, Il̄v̄p̄p̄t p̄iso, micha l̄v̄pa yosh v̄tta tok okv̄no il ithan̄v̄shke.

21. Amba nana hosh kaniohmi h̄o himak ano p̄isa kv̄no,

kil akostininchoshke; mikmvt kvna hosh nishkin a i fatummi tuk aiena kvno, kil ithanoshke; vlla keyu hoka, ilap ak o hvsh i ponaklokma, ilap inli hosh isht il ai anumpula hinla hoke, achit okla tok.

22. Hatak nana hosh, yummvt Klaist oke, achi hokmvt, sinakak a a kohcha hi o, Chu okla hvt ai it ibachvftv taha mashko hatuk o, iki, ishki itatuklo kvv Chu okla hak o i nukshopa hatuk osh, anumpa ilvppa achit okla tok.

23. Yohmi hatuk osh iki, ishki itatuklo kash ot, Ulla keyu hoka, ilap ak o oh i ponakló, achit okla tok.

24. Yohmi ma atukla ma hatak lvpa yatuk ash o okla hoyo mvt, Chihowa yak o pit holitoblichí, hatak ilvppak okvto nan ashvchi a il im ithana hoke, im achi tok.

25. Mihma afalaminchi mvt, Yummak okvt nana ashvchi yokmá, keyukmá, nana hokvno ak im ithanoshke; nana achvfa kvno ithana li; yohmi kvv lvpa sia ha tuk kia, himak ano hoponayo li kak oke.

26. Mihma anonti, Nanta hq a chi katimichi tuk o? Katimihchi hosh chi nishkin a fatummi tuk oh cho? okla im achi tok.

27. Mihma im afalaminchi mvt, Hvchim anolit taiyahli li kia, hvch ik haponaklo ke tuk vt, nanta katiohmi hq atuklanchit haklo ka hvsh ahni cho? hvchishno ak kia nan im ai ithvna toba hvchi bvna hq? achi tok.

28. Yohmi ma okla ishtukhlakavt, Chishno ak osh yvma nan im ai ithvna chia hoke; amba pishno vto Moses ak o nan im ai ithvna pia hoke.

29. Moses ak okvno Chihowa yvt im anumpuli beka tok a il ithana; amba ilvppak okvto kanima yo a minti ma, il ai im ithana keyushke, okla im achi tok.

30. Mihma hatak ash osh afalaminchi mvt, Yummvt kanima yo a minti tuk a hvch ik im akostinincho hq, anonti sa nishkin a a fatummi hoka, ilvppvt na-fehvtshke.

31. Mihmvt Chihowa yvt nan ashvchi vhleha hokvno i haponaklo keyu chatuk; amba hatak nana hosh Chihowa ya aiokpvchi, micha nan ahni ka im antia aiena yok mak o mihi yo i haponaklo chatuk a iloh ithanvshke.

32. Yakni vt toba tok a taiyakla ka lpa imoma yosh vta tok a hatak nana kia nishkin ash i fatummi tok a annoa chatuk keyushke.

33. Hatak iluppvt Chihowa yak o a minti hatuk keyu hokmvt, nana ho yvmihcha he keyushke, im achi tok.

34. Mihma okla afalaminchi mvt, Nana ai ashvchika bieka mak osh ish vta tok ak naka nan ish pim avchi hotuma? im achi mvt, a kohchichi tok.

35. Yvmma a kohchichi tuk a, Chisvs vt haklo tok; atuk osh yvmmak ash o pisa mvt, Chihowa Ushi a ish i yimmi cho? im achi tok.

36. Afalaminchi mvt, Chitokaka ma! i yimmi la hinla yvmmak osh kva ho? achi tok.

37. Mihma Chisvs ash osh, Yvmmak oka ish pisa tuk o, anonti mihi yosh chit im anumpohonli hoke, im achi tok.

38. Mihma, Chitokaka ma! sai yimmishke, achi mvt, yvmmak ash aiokpvchi tok.

39. Ik hoponayo atuk vt hoponayo yokma, anonti hoponayo tuk vt lpa yo toba he, yakohmit nan isht im vlpisa hi o, yakni iluppa aya li hatuk oke.

40. Mihma Falisi vhleha kanimi kv yvmma apela tuk ash ot anumpa iluppa puta ka haklo mvt, Pishno ak kia lpa pia hoh cho? im achi tok.

41. Chisvs ash ot, Lopa hvchia hatuk okmvt, nan ai ashvchika yvt ik hvchim iksho ka he tuk; amba, E hoponayo, himak a hvsh achi; yohmi hokvt hvchim ai ashvchika yvt takanli moma hoke, im achi tok.

CHAPTA X.

Chisvs ak osh okhissa, mikmvt yvmmak osh chukvlpoba apesvchi achukma yatuk osh chukvlpoba ya vltobvt illi, 1. 19 Okla hv Chisvs a nan isht ai im anukfila kv ilaiyuka, 24 Chisvs vt Chihowa hak o a minti tuk a ilap nana ai isht ahanta kak inli hoesh otvninchi ka im anoli; 39 Chu okla hv vbi bvna kin im a hlakofit kocha. 40 Chisvs vt ia mvt Chatan misha tvnvp o ona ma, okla laus hoesh i yimmi.

1. AHLISHKE, ghli mak o hvchim achi lishke, Kvna hosh chukfulhpoba i holihta okhissa yak o ik a chukowo hosh, amba naksika kanima yo pit oiyvt o walvbi hokvto, yvmmvt hukopa, mikmvt na wehpuli mak oke.

2. Amba okhissa yak o pit a chukowa hokvto, yvmmak osh chukfulhpoba ya apesvchi mak oke.

3. Yvmmak o okhissa apesvchi atuk vt in tiwikma, itih ola ka, chukfulhpoba yvt ithana; yohmi hatuk oka in chukfulhpoba atuk ash hohchifo aiyuka hochifot pehlichit kohcha chatuk.

4. Atuk osh in chukfulhpoba yash kocha welit tahlukmvt, tikba im iakma, itih ola ka, ithana hatuk okvt, chukfulhpoba yash ot apehvt ia chatuk.

5. Yohmi kia inla itih ola hokvto ik ithano hatuk osh, apihvt ia he keyu hosh, amba i filvmmi yihlepa chatuk oke, im achi tok.

6. Nan-isht-vlhpisa ilvppak o Chisvs vt okla ha isht im anumpuli tok: yohmi kia nana ho yvmmvt isht ai im anumpuli hatuk a, okla ik akostinincho ki tok.

7. Yohmi hatuk o Chisvs ash ot atuklanchit, Ahlishke, ghli mak o hvchim achi lishke, Uno ak osh chukfulhpoba im okhissa sia hoke.

8. A sa tikba aya tok puta kvto hukopa, mikmvt na-wehpuli bano ha tok: yohmi hatuk o chukfulhpoba yvt yvmmak okvno ik i haponaklo ki tok.

9. Uno ak osh okhissa sia hoke: hatak nana hosh vno ak o si a chukowa hokvto, okchaya he: micha pit chukohovvt, anonti kohonchvt, ai-impv ya ahayuhoncha hi oke.

10. Na-hukopa yvt hukopa, micha vbi, nan okpuni aiena he ak bieka hosh aya chatuk; amba ai okchaya ya okla ahayuchikmvt, anonti laua kvv i shahli fehna ho pisa he mak o, vno vto aya li ha tok.

11. Uno ak osh chukfulhpoba apesvchi achukma sia mak oke; chukfulhpoba apesvchi achukma yvt chukfulhpoba ya ilap im ilhfiopak a kaiyanchi hoke.

12. Amba peh ilhtohn, chukfulhpoba apesvchi keyu hatuk, micha chukfulhpoba yvt immi atuk keyuk mvto, na-

shoba vt minti na pisakmt, chukfvlhpoba ya issvt chvfa hoke; yohmi ma nashoba yvt yummak ash ant hoklit, chukfvlhpoba yash it ai yuhli hoke.

13. Ilhtono hvt peh ilhtohno atuk okvt, chukfvlhpoba ya nan isht ik ahno hatuk mak osh chvfa hoke.

14. Uno ak osh chukfvlhpoba apesvchi achukma sia hoke; an chukfvlhpoba ya ithaiyana li hoke; mikma anonti vmmi hvt vno a svthana hoke.

15. Aki vt svthana ka, vno mvt Aki a ithana li akinli koke; yohmi hosh chukfvlhpoba ya isht vltoba ho vm ilhfiopak a aka bohyuli lishke.

16. Yohmi kvv chukfvlhpoba inla mvt ilvppa ashaka ai achvfa keyu kvv vm asha hoke: yummakma pehlichit vla likma, vm anumpa ha hakla hi oke: yohmikma aiasha vt achvfakma, anonti chukfvlhpoba apesvchi vt achvfa hi oke.

17. Vm ilhfiopak a falaminchit ishi la hinla hosh aka bohyuli li; yohmi hoka Aki vt sa holitobli hoke.

18. Hatak nana hosh vm ishi ho keyu: amba vno akinli ahni li hosh aka bohyuli li hoke. Aka bohyuli la hi vt isht vm ai vlpesakmt, anonti falaminchit ishi la hi vt isht vm ai vlpesa hoke. Nan-vlpisa ilvppak o Aki a im a habena li tok, im achi tok.

19. Yohmi hatuk o anonti Chu vhleha hash ot anumpa ilvppa isht ai it a kashavt maya tok.

20. Yohmi mvt, Nan-isht-ahullo okpulo il ai ishi hatuk osh tasimbo hokvto, nanta katiahmi ho hvsh i haponaklo hosh? achi kvv laua ma,

21. Inlaka yokvto, Ilvppak okvt nan-isht-ahullo okpulo il ai ishi ho im anumpa keyushke. Nan-isht-ahullo okpulo vt lopa nishkin a fatumma hinla ho? achi tok.

22. Hvshtula yo tempel a himonvchit Chitokaka pit im issa impa hosh Chelusalem a asha ho, yohmi tok.

23. Mihma Chisvs vt tempel anukaka Solomon im api-shia nutaka ya hikikja tok.

24. Mihma Chu vhleha hash ot vltv yummak ash o ant a folubli cha, Ik ai ithano chohmit il aiasha na katiahmi foka

chi hq ish pim ahni cho ? Chishno ak osh Klaist chia hok-mvt, achukmalit ish pim anolashke, im achi tok.

25. Mihma Chisvs ash ot afalaminchi mvt, Hvchim anoli li ka, ik hvchi yimmo hoke : nana ka Aki hohchifo hq isht a yvmihinchli li kak q, yvmmak osh ai vlhtokowa ka si anohonlishke.

26. Yohmi kia ik hvchi yimmoshke ; yvmmak q hvchim achi li hatuk oka, an chukfulhpoba keyu hvchia hatuk okvt.

27. An chukfulhpoba vto vm anumpa hq haklokma, anonti vno vt ilap ma ithana li hq, a si apeha chatuk.

28. Mikma ai-okchayvt bilia ya yvmma im issa li ; yohmi ka nitak nana ilbvshvt illa he keyukma, anonti kvna kia yvmmak ash svbbak a a kohchit isha hi vt iksho hoke.

29. Aki yvmma vma tok vt moma i shahli ; yohmi ka kvna kia yvmmak ash Aki ibbak a a kohchit isha hi vt iksho hoke.

30. Uno, Aki itatuklo li kvv il it ibai achvfa hoke, achi tok.

31. Mihma anonti Chu okla hash ot tvli ishit bola chi kvv tvli a okla aiowa tok.

32. Chisvs vt afalaminchi mvt, Isht il apelvchi vt Aki a minti pulla na na hochukma lawa ka isht a yvmihinchli li hvsh pisa tuk a, na-fehna yvmma puta tuk ash katima kak q tvli a isht hvv sa bola chi mak oh cho ? im achi tok.

33. Mihma Chu okla hash ot afalaminchi mvt, Na fehna achukma yvmmak atuk ak q tvli a ishit e chi bola chi mak q keyu ; amba ik ahobalot anumpulit, anonti hatak chia hokak osh, Chihowa ish il apesa aiena kak oke, im achi tok.

34. Chisvs vt afalaminchi mvt, Chitokaka vhleha hvchia hoke, achi li tok, achi kvv hvchi nan-vlhpisa holisso hq a holihiso keyu cho ?

35. Chihowa im anumpa hvv ayvt ai im ahanta yo yvmmak q Chitokaka vhleha hohchifo tok okma, anonti Holisso Holitopa yvt kobafa hi q keyushke :

36. Iki vt na-holitopa ka isht a im atokoli cha, yakni a auct kanchi tok q, Chihowa Ushi sia hoke, achi li tuk ak q, Nan ik ahobalot ish anumpuli, hvsh achi hoh cho ?

37. **A**ki vt nana a kaniohmi ak o ak yvmihcho hok mak o, hvchik sa yimmo kashke.

38. Amba yvmihchi li hokmvno, vno ak okvno hvch ik sa yimmo hoh kia, nana kvv a kaniohmi yvmmak o hvchi yimmi cha, **A**ki vt auet a si achafakma, anonti vno vt ilap a pit ai achafa li ka, akostininchit hvchi yimmashke, im achi tok.

39. Yohmi hatuk o anonti okla ishi bvna tok: yohmi kia ibbak a im a hlakofi tok.

40. Mihmvt anonti ivt, Chatan misha Chan vt a baptis-mochi vmmona tok yvmmak o ona cha, ahanta tok.

41. Mihma okla lgvvt im ai itahoba mvt, Chan vto nafehna nana kia yvmihchi tok keyu; yohmi kia Chan vt hatak ilvppa isht anumpohonli tok a, momvt aighli ha tok, achi tok.

42. Yohmi ma yvmma ashvt ai i yimmi kvv laua tok.

CHAPTA XI.

Lasalvs vt abeka na in tek vhleha hvv Chisvs a pit im anoli, 1; 17 Chisvs vt Betani a vla, mihmvt Lasalvs a falaminchit tanichi. 45 Laua hosh Chisvs a i yimmi kia, kanimi kvv Falisi vhleha ha ont im anoli; Chisvs vt kohchvt ia mvt, tmaha Efihaime ont anta.

1. **HATAK** achufa Lasalvs hohchifo, Meli micha itibapishi Mahla itatuklo in tmaha Betani ak o vta yosh abeka tok.

2. Meli yvmmak osh Chitokaka ya pashi ahama isht a hvmmi cha, iyi ma ilap pashi yo isht i kasholichi tok mak o i nakfi yosh Lasalvs vt abeka ha tok.

3. Yohmi hatuk o in tek tuklo kash ot yvmmak ash pit im anolit, Yakeh! Chitokaka ma! ish holitobli chatuk vt abekvshke, achi tok.

4. Mihma ilvppa Chisvs vt haklo mvt, Nan abeka ilvppvt isht ai illa hi o keyu hoke; amba Chihowa vt isht a holitopa na Chihowa Ushi vt yvmmak o isht a holitopa chi mak oke, achi tok.

5. Mahla, micha itibapishi, mikmvt Lasalvs aiena ka Chisvs vt holitobli tok.

6. Yohmi hatuk osh yummvt abeka tuk a haklo ha yvt, ai vta tuk ash inli hō ahanta na nitak tuklo tok.

7. Atuk osh yvmma ont vbanvpa ma nan im ai ithvna vhleha hash, Anonti Chutea yakni ya iloh iashke, im achi tok.

8. Mihma nan im ai ithvna vhleha hash ot, Pi shahli ma ! Chu okla hvt chekosi kash o tvli a ishit chi boli bvna tuk a, anonti yvmma ish ia chi hō ? im achi tok.

9. Chisvs vt afalaminchi mvt, Nitak achvfa ka hvshi kannelli vlvhvisa auah-tuklo chatuk keyu cho ? Hatak nana hosh nitak o nowvt aya hokmvt, yakni ilvppa ai in tohwikeli ka pisa hatuk osh ik ibetvblo hoke.

10. Amba hatak vt ninak o nowvt aya hokmvto, tohwekeli kvv ik im iksho hatuk osh, ibetvbli hoke, achi tok.

11. Ilvppak o achi tok : yohmi ha yosh i himmak o, Hvpi kana Lasalvs vt nusishke ; yohmi kia nusi tuk a ont okchvli la chi mak osh ia li hoke, im achi tok.

12. Yohmi ma nan im ai ithvna vhleha hvt, Chitokaka ma ! nusi hatuk okmvt, hlakofa chi hoke, achi tok.

13. Yohmi kia yummvt illi kak o Chisvs vt miha ha tok ; amba nusit foha kak o miha ka, okla im ahoba tok.

14. Yohmi ma Chisvs vt achukmali fehnvt, Lasalvs vt illi tuk oke.

15. Yohmi ka vno vt yvmma ont ak anto ke tuk vt, hvchishno na hvchi yimma chi ka, hvchishno ak atuk mak o sai yukpvshke ; yohmi kia yvmma iloh im ai onashke, im achi tok.

16. Mihma Tamas, yummvt Titimvs hohchifo hosh yvmma nan im ai ithvna ai itilauv vhleha hash, Pishno ak kia iloh ia cha, apihvt hvv illashke, im achi tok.

17. Atuk o Chisvs ash ot ona mvt, yvmmak ash ot hollopi tuk a nitak ushta tuk o, ont akostininchi tok.

18. Betani vt Chelusalem a pit i bilika kowi tuklo foka tok.

19. Mihma i nakfi illi Mahla, micha Meli itatuklo ka hophlvla chi hosh Chu okla hvt lauvv im ai itahoba tok.

20. Atuk o Mahla ash osh, Chisvs vt minti ka, haklo

makinli hosh, ivt ont afama tok ; amba Meli vto aboha ang-
ka yash gsha moma tok.

21. Mihma Mahla vt Chisvs ash o, Chitokaka ma ! ilvp-
pa ant ish anta tuk okma, a nakfi vt illa hetuk keyushke.

22. Ik yohmi kia himonasi mak o Chihowa ya nana ho
ish im asilhha hoka, Chihowa yvt chima hinla ka ithana
lishke, im achi tok.

23. Mihma Chisvs vt, chi nakfi vt falamvt tana chi akinli
hoke, im achi tok.

24. Mihma Mahla ash ot, Nitak ont ishtariyopi illi vt fala-
mvt tani yummak okvno falamvt tana hi oka, ithana lishke,
im achi tok.

25. Chisvs vt, Uno ak osh illi a falaminchit tanichi, mik-
mut ai-okchaya aiena ka sia mak oke. Kvna hosh vno ak
o a yimmi hokvto, ik illi tuk nana kia, okchaya he mak oke.

26. Micha kvna hosh okchayvt ahanta hosh vno a a yim-
mi hokvto, nitak nana illa he heyu hoke. Ilvppa chi yim-
mi cho ? im achi tok.

27. Ahli, Chitokaka ma ! chishno ak osh Chihowa Ushi,
Klaist yakni ilvppa aya hi a tok mak o chia ka sai yimmish-
ke, im achi tok.

28. Ilvppa yakohmichit miha mut, ivt itibapishi Meli a
lumasit ont i howvt, Nan-ithvnanchi vt vla cha, chi hoyosh-
ke, achi tok.

29. Yvmma haklo makinli hosh, ashalika wakayvt ivt ont
afama tok.

30. Chisvs vt tumaha ha ant ik chukowo kisha hosh,
Mahla yvt ai afama tuk ash akinli ho hikia ha tok.

31. Mihma Chu okla hvv apehvt aboha anuka ya mayvt
hopohlvti tuk ash ot, Meli vt tushpvt wakayvt kocha ia na
okla pisa mut, Ahollop i yummak ont a yaiya chi hosh ia
hoka, achi mut iakaiya tok.

32. Atuk o Meli ash ot Chisvs a hikia kash ona cha, pisa
mut, iyi ituma ya ont hlipia cha, Chitokaka ma ! ilvppa ant
ish anta tuk okma, a nakfi vt illa he tuk keyushke, im achi
tok.

33. Yvmmvt yahaya ma, anonti Chu okla yvmma apihvt

ai vla tuk aiëna kv̄t yahaya akinli na Chisvs vt pisa hatuk osh, chukvsh anukaka isht a nukhaklo fehnvt ik im vlpieso ki tok.

34. Mihmvt, Katima yak o hvsh bohli tuk oh cho? achi ma, Chitokaka ma! minti cha, ant pisá, okla im achi tok.

35. Chisvs vt nishkin okchi minti tok.

36. Mihma Chu okla hash ot, Yakeh! i holitopa fehna tuk o mvhli, achi tok.

37. Mihma kanimi kv̄t, Lopa yatuk a hoponayochi tuk vt, hatak ilvppak kia ik illo ka hinla ka, a kanimihcha he tuk keyu chishba? okla achi tok.

38. Yohmi ma Chisvs ash ot anonti chukvsh anukaka isht anukhaklo fehnvt ayvt ahollopi a ona tok. Yakni chiluk o tvli yosh isht vlvkuma ha tok.

39. Chisvs ash osh, Tvli ya ishit ho kanvlichí achi, ma, Mahla illi tuk a in tek ash osh, Chitokaka ma! illi tuk a nitak ushta hokvt himak foka ma shua hoke, im achi tok.

40. Mihma Chisvs vt, Chi yimmi hokmvt, Chihowa isht a holitopaka ya ish pisa hinla hoke, ak chim acho ke tuk oh cho? im achi tok.

41. Mihma illi ai itola tuk ash tvli ya okla ai ishit kanvlichí tok. Mihma Chisvs vt nishkin a pit vba chakalichi mvt, Aki ma! is sa haiyaklo hatuk a yak oke, chim aiahni lishke.

42. Yohmi kv̄t is sa haiyaklo a bilia chatuk a ithaiyana li kv̄no; yohmi kia okla ilvppa hiohmaya kv̄t, chishno ak osh auet is sa kanchi tok a ai yimma chi kak o, yvmma achi li tuk oke, achi tok.

43. Yakohmichit anumpulit ont in taha mvt, chitoli hosh anumpulit, Lasalvs ma! auet kohchá, achi tok.

44. Mihma illi atuk ash ot ibbak, iyi aiëna ka ahollopi ishit shema yvt isht vlvfowa hq ant kohcha tok; mihma nashuka yano nantapvski yosh isht vlvfoyuka tok. Mihma Chisvs vt, Oh i hotofi na ik iá, im achi tok.

45. Yohmi ma Chu okla Meli a im ai itahoba tuk osh, Chisvs vt nana ka ai yvmihchi na pisa mvt, laua hosh i yimmi tok.

46. Yohmi kia kanimi hokvto falamvt ivt, Falisi vhleha h_g im ona cha, nana ka Chisvs vt ai yvmihchi tuk ash okla im anoli tok.

47. Yohmi ma na-holitompa isht asha pehlichí vhleha, micha Falisi vhleha aiena kash ot hatak hochitoka nan apesa vhleha h_g itahobi mvt, Hatak ilvppvt na-fehna l_gawa ka yv-mihchi ka, nanta mak o katiohmi hosh iloh aiasha cho?

48. Ilvppa ant ik yohmí, iloh im ahni hokma, hatak mo-ma kv_t i yimma ch_i hoke; yohmikma Loman okla hv_t vla cha, p_i yakni, micha pim okla talaia aiena kash ai okpvnicha hinla hoke, achi tok.

49. Mihma achvvt Kaiafas hohchifo hosh afvmmi yvm-ma fehna ka na holitompa isht asha pehlichí i shahli g ai ibafohka hatuk osh, Nana ka hvch ik akostinincho kvmoh-mishke.

50. Mikmvt hatak achvfa hosh okla h_g vlhtobvt illi na okla talaia kash ot momvt ik illo ka hi g, a hvvim vhpiesa hatuk g hvch ik anukfiloshke, im achi tok.

51. Yohmi kv_t ilap nana aiahni hosh ilvppa a_humpuli ha tok keyu; amba afvmmi yvmma fehna ka na-holitompa isht asha pehlichí i shahli hosh anta hatuk okvt, Klaist vt okla yvmma vlhtobvt illa he.

52. Yohmi kv_t okla yvmmak bana hi o keyu; amba Chihowa im vlla vhleha kanima ai it afimimpvt asha tuk aiena ma hoyot a miha chvfa h_o ai itahoba he ak o, tikbanli anoli ha tok.

53. Yvmohmi hatuk o nitak yvmma ai vhlit mihinti ka, yvmma vba ch_i kv_t nana it im apesvt okla m_gaya beka tok.

54. Yohmi hatuk o Chisvs vt himmakma haiaka fehnvt Chu okla itintakla y_g ik a hikikjo ki tok; amba yvmmak ash vtvt ia mvt, yakni haiaka pit a bilika tomaha Efihaim hohchifo h_o nan im ai ithvna vhleha h_g pehliechit ahanta tok.

55. Atuk o Chu okla nan im vbanvblit ont ia yvt ai on_g hosi tok; mihma ilap nan ai il atahlit m_gaya ch_i kv_t, nan-vbanvblit ont ia yvt ik ai ono kisha h_o yakni yvmma gsht Chelusalem g ia kv_t laua tok.

56. Atuk osh Chisvs ash okla hoyot, tempel anukaka ya hiohmayvt, Impa holitopa asha ka ik lo ka chi hokma, nana ka hvchim ahoba cho? it im achit maya tok.

57. Na-holitompa isht asha pehlichy vhleha, mikmvt Falisi vhleha aiena kash ot, yummvt kanim y o anta ka hatak nana hosh akostininchi hokmvt, anoli na okla isha hinla kvv anum-pa vhpisa ka bohli tuk a tok oke.

CHAPTER XII.

Meli vt Chisvs iyi ya nan-ahama im ahvmmi ma, yummvt ai vhpesa ho yohmi hatuk a Chisvs vt miha, 1. 12 Chisvs vt issuba nashoba yo om binili hosh Chelusalem a ona. 20 Klik kanimi kvv Chisvs a pisa benna: 23 Chisvs vt ilapvt kaniohmit illa he, anoli; 27 Chisvs vt chukvsh anukaka nan isht nukhaklo in chito mvt, vba pit anumpuli; 37 Hatak pehlichy vhleha hvv lau hosh Chisvs a i yimmi: yohmi kia Chisvs a isht anumpuli nukwia.

1. ATUK o nan vbanvblit ont ia isht asha chi ka nitak hannalit takanli moma ho, Chisvs vt Betani ak o Lasalvs vt ai illi tuk o falaminchit tanichi tuk a yummvt yummak o ai vta chatuk o, ona tok.

2. Mihma yummak o opiaka impa yo okla ai im atahli tok; mihma Mahla ak osh nan ai isht im anta ma, amba Lasalvs vto ibai impa hosh maya kak o iba takla asha tok.

3. Yohmi ma Meli vt spiknat nan-ahama holitopa fehna weki achufa ka ishi cha, Chisvs iyi ya ishit a hvmmi mvt ilap pashi akinli ho iyi yash isht i kasholichi tok: mihma nan ahama balama kvv aboha yash alotowa tok.

4. Mihma nan im ai ithvna vhleha achufa Saimon ushi Chutas Iskaliot vt yummak oka inla ibbak fohka he mak osh,

5. Nanta katiohmi ho nan ahama ilvppvt iskvli tahlepa tuchina kia isht ik vibi cha, ilvsha ya ik i holhpelo ke tuk oh cho? achi tok.

6. Ilvsha yak o i nukhaklo kak osh ilvppa achi tok keyu; amba hukopa yatuk osh, micha yummak osh shuk-

cha ya ishi hatuk osh, nana kv̄t yv̄mma ai vlbeha h̄q shaiyali yatuk ak a tok.

7. Mihma Chisvs vt, Ant ik yvmihchí, ish im aiahnashke, a sa hollopa ch̄i nitak mak a hi ̄, ilvppa ilatomba hatuk oke.

8. Ilbesh̄a yak okv̄to hv̄chim ḡsha na bilia chatuk; amba vno ak okv̄to hv̄chim anta l̄i a bilia he keyushke.

9. Yohmi ma yv̄mma ant anta ka Chu okla hv̄t lauv̄t akostininchi tok: mihm̄vt Chisvs ak bano kak ̄ keyu, amba Lasalvs, yv̄mm̄vt illi tuk ̄, falaminchit tanichi tuk ash it aieninchit pisa ch̄i hosh okla ai v̄la tok.

10. Yohmi kia na-holitompa isht ḡsha pehlich̄i vhleha hokv̄to Lasalvs ak kia aieninchit illich̄a hinla kv̄t, isht it im anumpulit maȳa tok.

11. Yv̄mmak atuk pulla mak ̄ Chu vhleha laua kv̄t yv̄mma itv̄now̄vt, Chisvs ḡ ai i yimmi kak a tok.

12. Nitak ont at̄n̄kla ma okla laua kv̄t ai-imp̄a holitopa ȳḡ itv̄now̄a tuk vt, Chisvs vt Chelusalēm ḡ v̄la ch̄i hosh minti na okla haklo m̄vt,

13. Pam vpi naksish ḡ ishit, kohch̄vt afam̄vt okla ia m̄vt, chitoli hosh, Hosanna, Is̄lael i m̄j̄ko Chitokaka i hohchifo h̄q il ai eshi hosh ḡya hokv̄t holitopa mak oke, okla achi tok.

14, 15. Saion ushetik chia hv̄t chi nukshopa ná, ch̄i m̄j̄ko vt issuba haksobish falaia himita ȳḡ on talaia hosh minti hoke, achi hosh holisso hatuk oka, Chisvs ash ot issuba haksobish falaia himita ȳḡ pisa m̄vt, yv̄mmak ash on talaia tok.

16. Ūmmona kv̄no nan im ai ithv̄na vhleha hv̄t ilvppa ik ai akostinincho ki tok; amba Chisvs vt ont a holitopa ha yak ̄, nana kv̄t yakohmi hosh yv̄mma isht a holisso tok ḡ, anonti okla hv̄t nana kash ai i yvmihchi tok aiena ka ithaiyana tok.

17. Mihma yv̄mm̄vt Lasalvs ḡ ahollopi ai i how̄vt kohchit illi tuk ḡ falaminchit tanichi ka, okla apih̄vt ḡya tuk ash osh ai vlhtokowa ka anohonli tok.

18. Yv̄mm̄vt na-fehna ilvppa yvmihchi tuk ḡ okla haklo tuk atuk osh, ilvppak atuk pulla kak ̄ okla mak kia ont afama ha tok.

19. Yohmi ma Falisi vhleha hash ot, Nana hvsh kanihma he keyu kvto hvsh akostininchi cho? yakeh! okla puta hash ot yvmmak o pit a kanvllishke, ilap bika it im achit maya tok.

20. Mihma Klik vhleha kanimi kvv vba pit aiokpvchit ayvt, ai impa holitopa asha ka ai vla tuk vt takla maya tok.

21. Yohmi hatuk osh yvmmak ash ot Kalili yakni Bet-saita tmaha a minti tuk, Filip ash im ai ona mvt, Pi shahli ma! Chisvs a pisa pi bvnvshke, achit i ponaklo tok.

22. Mihma Filip ash osh ivt, Antilu a ont im anoli tok; atuk o anonti Antilu ash osh Filip a ita tuklo cha Chisvs a im anoli tok.

23. Mihma Chisvs vt afalaminchi mvt, Hatak Ushi vt a holitopa he tuk a hvshi kanvlli vlpisa kvv ai onvshke.

24. Ahlishke, ahli mak o hvchim achi lishke, Onush nihi vt yakni anukaka yo itola cha, illi ho keyukmvt, ilap ash biekvv itonla hoke; amba illi hokmvt, waya fehna chatuk oke.

25. Kvna hosh ilap im ilhfiopak a i hullo fehna hokvto, i kvnia hi oke; amba kvna hosh yakni ilvppa ahanta kvv ilap im ilhfiopak a i nukkilli hokvto, mihma ieshit okchayvt a bilia hi oke.

26. Hatak nana hosh vm antia hokmvt, siakaiyashke; mikmvt kanima yo ai ahanta likma, yvmmak o an tishu hoh kia anta hi oke; hatak nana hosh vm antia hokma, yvmmak o Aki vt holitobla he mak oke.

27. Himak oka sa shilombish vt ik im ai vlpesoshke: yohmi ka, Aki ma! hvshi kanvlli ai vlpisa takali ilvppa ai isht is sai i hlakofichashke, achi likma, nanta chi cho? yohmi kia ilvppak a he mak o hvshi kanvlli vlpisa takali ilvppa im aya li ha tok oke.

28. Chi hohchifo ha ish holitoblichashke, Aki ma! achi tok. Yohma ma vba ya auet ai anumpa kvv, Yvmmak oka holitoblich i li tuk osh, anonti himmakma holitoblich i la chi akinli hoke, achi tok.

29. Yohmi hatuk o okla hvv bilika hiohmaya tuk vt, yvm-

ma haklo mvt, Hilohvshke, achi tok. Mihma kanimi kv̄t, Enchil osh auet im anumpuli hoke, achi tok.

30. Chisvs ash osh afalaminchit, Uno ak atuk mak o anumpa ilvppvt auet takali h̄o keyu, amba hvchishno pulla kak oke.

31. Himak okvno yakni vt nana im ai vlhpisa mak oke: himak okvno yakni ilvppa ai i shahli nan im aiyahanchi ash ot issvt kohcha he mak oke.

22. Uno vt yakni a a mokofvt vba takali li hokmvt, hatak moma ka halvllit il a kanvllichi la hi oke, achi tok.

33. Ai-illi kaniohmi h̄o isht illa he ak osh anoli hosh ilvppa achi ha tok.

34. Mihma okla hash ot afalaminchi mvt, Klaist vt ahan-ta na bilia h̄o nan-vlhpisa holisso h̄a okla il a haklo chatuk; yohmi ka katiohmi h̄o, Hatak Ushi vt vba ȳa takala hi o ish achi cho? Hatak Ushi ilvppak osh kvta hokak o? okla im achi tok.

35. Mihma Chisvs vt, Himonasi takla kak o tohwikeli hv̄t hvch in takanli hoke. Tohwikeli hv̄t hvchin takanli takla kak osh hvsh nowashke, yvmmak keyukma okhlili hv̄t hvchi onvtula hinla hoke. Kvna hosh okhlili h̄o nowvt aya hokv-to, kanima ȳo ia kv̄t ithana keyu hoke.

36. A tohwikeli hv̄t hvchin takanli takla kak osh a toh-wikinli vlla hvchia ha ch̄i kv̄t, a tohwikeli h̄a hvsh i yim-mashke, im achi tok. Ilvppak o Chisvs vt anumpohonli mvt, ai i filvmm̄it kvnia cha, ik i haiako ki tok.

37. Na-fehna laua h̄o itikba ȳa yvmmak ash ot ai yvmi-hinchi hoh kia, okla ai i yimma he keyu ki tok.

38. Yohmi kv̄t hopaii Esaias vt anumpuli mvt, Chitokaka ma! nana il anoli ka kvta hosh p̄i yimmi cho? micha kvta hak o Chihowa i shakba mvt i haiaka tuk oh cho? ahanchi tok a ont aighla ch̄i mak a tok.

39, 40. Anonti Esaias vt i himmakma, Nishkin a isht ik peso, mikmvt chukvsh ma ik akostinincho kish, chukvsh himona ik anukfoyo ki, ak hlakoficho ka ch̄i ka, nishkin a im akvmmi mvt, anonti chukvsh ma i kvllochishke; achi tok oka, okla yimma he keyu ki tok.

41. Yvmma im isht a holitopa ya pisvt yvmma pit isht anumpuli mak osh Esaias vt ilvppa puta ka achi tok.

42. Yohmi kia nan apesa hochitoka vhleha hvt i yimmi kvt laua akinli tok : yohmi kia sinakak a kohchicha hinla hatuk o, Falisi vhleha pulla kak o yvmmak ash i yimmi hatuk vt okla ik otvnincho ki tok.

43. Hatak ai im aholitopa yak o im achukma kvt, Chihowa ai im a holitopa ka im i shahli hatuk osh.

44. Chisvs vt chitoli hosh, Kvna hosh vno a a yimmi kvt vno ak o a yimmi hq keyu, amba auet sa kanchi tok yvmmak o i yimmi mak oke.

45. Micha kvna hosh vno a sa pisa hokmvt, auet sa kanchi tok ma pisa mak oke.

46. Kvna hoh kia vno a a yimmi hokvt ai-okhlilika ya ik ai ahanto ka chj mak o, nan-tohwikeli mak osh ayvt yakni a vla li ha tok oke.

47. Yohmi kia hatak nana hosh vm anumpa ha haklo cha, ik yimmo hokma, nan im apesvt ilbvshali la hi o keyushke ; yakni ak o nan im apesvt ilbvshali la hi osh aya li tok keyu ; amba yakni a okchalnchi la chj ha tok oke.

48. Kvna hosh vno a sa shitilema cha, vm anumpa ha ik ahnincho hokvno, achvfa hosh nan im apesvt ilbvshali kvto gsha hoke ; anumpa anumpohonli li tuk ash fehna akinli kak osh nitak ai ishtaiyopikma nana im apesvt ilbvshala he mak oke.

49. Vno akinli hosh nana ka ahnit anumpuli li tuk keyu hoka ; amba auet sa kanchi tok Aki ak osh nana hq achi la he, mikmvt nana hq anumpuli la he aiena ka nana vm apesa ha tok.

50. Yohmi ka i nan-vlhpisa vt ai-okchayvt bilia yoka ithaiyana lishke ; yohmi hatuk osh nana hq anumpohonli li ka, yvmmvt Aki vt vno a a miha tok a mih mak o anum-puli li hoke, achi tok.

CHAPTA XIII.

Chisvs vt nan im ai ithvna vhleha hq iyi im achifa, 1. 18 Chisvs vt Chutas ak osh ishit inla im issa chi hatuk q, nana kvv isht vhpisa hq isht im atokoli. 31 Chisvs vt ilap nan isht a holitopa hi anoli, mihmvt nan im ai ithvna vhleha hvv it i hulla chi ka, i miha mvt, 36 Pita yvt hituchina ha yo ilapa ik ithano miha chi ka, tikbanli im anoli.

1. NAN vbanvblit ont ia ai-impv holitopa kvv ik ai ono kisha hq, Chisvs vt ilapvt yakni ilvppa ai issvt, Iki q im ia chi hvshi kanvlli vhpisa kvv ai ona ka ithaiyana mvt, immi hvv yakni paknaka asha ka i hullo hatuk vt, yvmma i hullo kvv imomvt ont illi tok.

2. Yohmi ka okhlili ai-impv yvt ont vltaha yvmma fehna ma, yvmmak ash ishit inla im issa chi ka Setan vt Saimon ushi, Chutas Iskaliot chvkvvsh q anukfokkichi hatuk q;

3. Chisvs vt, Iki vt nana moma ka ilap ak q ibbak q fokki tok, micha ilapvt Chihowa hak q a minti ha tok osh, anonti Chihowa hak q im ia chi kvv ithaiyana mvt,

4. Okhlili impv asha tuk vt wakayvt, im anchi ash q naksika pit bohli mvt, tikba takali ishi cha, isht il ai vskofvchi tok.

5. Yohmi ha yosh oka yq ampo pit vnit ishi cha, nan im ai ithvna vhleha iyi yash achifvt isht ia mvt, tikba takali isht ai il ai vskofvchi tuk ash q ishit isht i kasholichi tok.

6. Atuk osh Saimon Pita yash q ont a hikia tok; mihma Saimon Pita yash ot, Chitokaka ma! saiyi yq ish achifa chi boh cho? im achi tok.

7. Chisvs vt afalaminchi mvt, Nana ka yvmihchi li ka himonasi kvno chik akostininchoshke; yohmi kia himmak q ish akostinincha hi oke, im achi tok.

8. Pita yash ot, Saiyi yak okvno nitak nana chik svv achifo kashke, im achi tok. Chisvs vt afalaminchi mvt, Ak chi achifo hokma, is si ahalaia keyu hoke, im achi tok.

9. Saimon Pita yash ot, Chitokaka ma! saiyi ak bano

keyu kashke, amba subbak, micha sa noshkobo pit aieninchi hosh, im achi tok.

10. Chisvs vt, Vlhchifa tuk okvto himmak ma ik vlhchifo hq iyi ak bano kia, momvt kashofa chatuk; yohmi ka hvchishno vt hvchi kashofa akinli kia, hvsh moma keyushke.

11. Kvna hosh ilapa ishit inla ibbak fohka chi hoka ithana, yohmi hatuk osh, Momvt hvchi kashofa keyushke, achi tok.

12. Yohmit iyi ya im achifvt taiyahli mvt, im anchi ash ishi cha, falamvt aka binili mvt, Nana ka hvchi yvmihchi li ka hvsh ithana cho?

13. Uno a, Na pithvnanchi, pin Chitokaka hvs si achi; yohmi ka mih sia hq mvhli hoka, vlhpesa hvsh mihvshke.

14. Yohmi kia vno vt hvchin Chitokaka, micha na hvch ithvnanchi sia hatuk osh, hvch iyi ya hvchim achifa li hatuk okma, hvchishno ak kia hvchishno bika iyi ya hvsh it im achifa he vlhpesa hoke.

15. Uno vt a hvchi yvmihchi li tuk mak q hvsh a chiyuhmicha he mak q, na hvchim avchi li hatuk oke.

16. Ahlishke, ahli mak q hvchim achi lishke; Tishu hv i shahli hq imaiya chatuk keyu; mikma nan-vlhtoka yosh aya kv nan-atokoli tuk a imaiya chatuk keyu hoke.

17. Ilvppa puta ka hvsh ithana cha, yvmmak q hvsh yvmihchi hokmvt, na hvchi yukpa mak oke.

18. Moma kak q isht hvchi anumpuli li hq keyushke: kanima kak q vno vt atokoli li tok okvto ithana lishke: yohmi kia Holisso Holitopa yvt, Pvska svbai vpa kash ot iyi kotoba ya isht a sai q wakelishke, achi ha tok a yvmvmt ont ai ahla chi mak oke.

19. Yvmmak ash ot ont ai yvmohmi ha ma, vno ak atuk a hvchi yimma he mak q, ik ai ono kisha hq himak ano hvchim anoli lishke.

20. Ahlishke, ahli mak q hvchim achi lishke, Kvna kia vno ak osh nan tohno li hq aya ka ahninchi hokvt, vno ak q si ahninchi hoke; micha kvna kia, vno a si ahninchi hokmvt, auct sa kanchi tok mak q ahninchi hoke; im achi tok.

21. Chisvs vt yakohmiechit anumpuli mvt, chukvsh any-kaka ai ik im vhpieso mvt, atokolit anolit, Ahlishke, ahli mak o hvchim achi lishke, Hvsh achvfona kvv svshit inla ibbak o hvs sa fohka chi hoke, achi tok.

22. Mihma nan im ai ithvna vhleha hash ot kanima kak o miha hatuk a ik ai akostinincho mvt, filemvt okla iti pisa tok.

23. Yohmi ma nan im ai ithvna vhleha ha achvfa ka Chisvs vt holitobli yatuk o, Chisvs ikkishi ha vtayvt asha tok.

24. Yohmi tuk o yvmmak ash osh kvna hak o miha hatuk ma a ponakla chi ka, Saimon Pita yvt i yuchunukli tok.

25. Mihma Chisvs ikkishi ha vtayvt asha hosh, Chitokaka ma! kvta hak o cho? im achi tok.

26. Mihma Chisvs vt afalaminchi mvt, Itih fohka achvfa ka pit okvchit kohchi li kvv, kanima ho pit ima likma, yvmmak osh mih mak a chi hoke, achi tok. Atuk osh itih fohka achvfa ka pit okvchit kohchi mvt, Saimon ushi Chutas Iskaliot ak o ima tok.

27. Mihma itih fohka achvfa ishi ma, Setan vt yvmmak ash ont ckukowa tok. Mihma Chisvs vt, Nana ka ish yvmohma chi kvv tushpvt ish yvmibchashke, im achi tok.

28. Nana ka a kaniohma hi o, ilvppa im achi ka, impvt maya tuk vt hatak achvfa kia ik akostinincho ki tok.

29. Chutas ak osh shukcha ya ishi hatuk oka, ai impa holitopa asha takla ka nana ho pi bvna hinla ka chumpakma, keyukmvt ilbvsha vhleha yak o nanasi kia i hopela hinlakma, nana ho Chisvs vt i miha hatuk a, kanimi kvv im ahoba tok.

30. Mihma itih fohka achvfa ka ishi makiali hosh kocha ia tok; mihma yvmmvvt ninak a tok.

31. Yvmmak ash ot kocha ia ma, Chisvs vt, Himak okvno Hatak Ushi vt ai ghlit holitopakma, anonti Chihowa yvt yvmmak o isht a holitopa ai ghla chi mak oke.

32. Chihowa yvt yvmamak o isht a holitopa ai ahli hokmvt, Chihowa yvt anonti ilap inlit yvmmak ash o ai isht il

a holiloblichí ai ghla chí ákinli: miche chekosi fehna yvm-mak ash q holiloblichí ai ghla chí mak oke.

33. Chipota vhleha ma! chekosi takla kak q hvchi takla gsha lishke; yohmi ka hvs sa hoyá chí hoke; Chu okla hq, Kanima yq ai ia'li hoka, hvsh ona he keyushke, im achi li tuk mak osh anonti hvchishno ma himonasi g hvchim achi lishke.

34. Hvsh it i hullo kv, vno vt hvchi hullo li tuk g ohmichi hosh hvchishno yak kia hvsh it i hulla he mak q, nan vlpisa himona ka hvch ima lishke.

35. Hvchishno bíka yvt hvsh it i hullo ilvppa pulla kak q nan vm ai ithvna hvchia hatuk g, hatak moma kv isht ithaiyana he mak oke, achi tok.

36. Saimon Pita yash ot, Chitokaka ma! katima kq ish ia chí hoh cho? im achi ma, Chisvs vt afalaminchi mvt, Kanima yq ia li hoka, himonasi kvno pit is siakaiya he keyushke; yohmi kia i himmak q pit is siakaiya hi oke, im achi tok.

37. Pita yash osh, Chitokaka ma! Na katihmi hq himonasi ákinli kvno pit ak chiakaiyo ka hinla cho? chishno g pulla kak q vm ilhfiopak g aka bohyuli lashke.

38. Chisvs vt afalaminchi mvt, Úno g pulla kak q chim ilhfiopak aka ish bohyula chí cho? Ahlishke, ahli mak q chim achi lishke; Akga yvt ik olo kisha hq, hituchina ha chik svthano ish miha chí hoke, im achi tok.

CHAPTA XIV.

Chisvs vt nan im ai ithvna vhleha hq pehlichit impvt gsha moma bosh, apihvt vba yakni g ont okla gsha hi g, i miha, 1; 13 miche ilap bohchifo hak q nan isht asilhvt anumpuli hokvno moma im aighliche hi vt miha. 15 Chisvs vt nanuktalali inla auct ima hi vt miha.

1. HUCHI chukvsh vt nana ik hvchi kaniohmo kashke; Chihowa hq, oh i yimmi cha, vno ma oh g yimmi.

2. Áki in chuka ya aiasha yvt laua hoke: ik yvmohmo

hatuk okma, hvchim anoli la he tuk oke, aiasha ya hvchim apoksiachit atahli la chi hosh ia li hoke.

3. Yohmi kv̄t ont apoksiachit hvchim atahli li hokmv̄t, anonti falamv̄t v̄la lish, vno vt kanima yō ai ahanta likma, hvchishno mv̄t yvmmak o hvsh ai ahashwa hi a, ant hvch ishit ai vtta li ka ona la hi oke.

4. Yohmi hokv̄t kanima yō ia li hoka pit hvsh ithana; mikmv̄t hina ya hvsh ithanvshke, im achi tok.

5. Tamas ash osh, Chitokaka ma! kanima yō ish ia hoka il ithana keyu: yohmi kv̄t katiohmi hosh hina yano il ithana hinla cho? im achi tok.

6. Mihma Chisvs ash ot, Ūno ak osh hina, micha ai ahl̄ika, ai okchaya aiena sia mak oke: vno ak o keyukma hatak nana hosh Aki a im ai ona he keyu hoke.

7. Ūno a hvs svthana hatuk okmv̄t, Aki ma hvsh ithana akinla he tuk oke: atuk kia hvsh p̄isa tuk okv̄t himak ai vhlit ia hokvno hvsh ithaiyanvshke.

8. Filip ash osh, Chitokaka ma! Ch̄iki a ish p̄i haiakvchashke, yohmikma pim v̄lhpesa hinla hoke, im achi tok.

9. Mihma Chisvs vt, Chi takla ahanta l̄i hopakit taiyaha ka, Filip vt chik svthano k̄isha tuk oh cho? kvna hosh vno a sa pisakmv̄t, Aki a p̄isa hatuk; yohmi ka katiohmi hō, Ch̄iki a ish p̄i haiakvchashke, ish achi cho?

10. Ūno vt Aki ibai achafa likma, anonti Aki vt vno a a svbai achafa ka ik chi yimmo cho? anumpa hvchim anum-pohonli li kv̄t vno akinli vm anukfila hosh anumpuli li keyushke; amba Aki svbai achafa yvmmak osh nana ka ai yvmihchi hoke.

11. Ūno vt Aki a ibai achafa likma, anonti Aki vt auct svbai achafa ka hvs s̄a yimmashke; keyuk mak heto nana kv̄t a katiohmi tuk yvmmak pulla kak o isht ai hvs s̄a yimmashke.

12. Ahlishke, ahl̄i mak o hvchim achi lishke, Kvna hosh a yimmikmv̄t, vno nana ai yvmihchi li tuk ash yvmihchi akinla hi oke: yohmikmv̄t vno vto Aki a im ia li hatuk oka, nana kv̄t a fehna ilvppa puta ka i shahli hō yvmihcha hi oke.

13. Micha g hohchifo pulla ho nana ka isht hvsh asilhha hokma, Iki vt Ushi g ai isht a holitopa ai ghla hi g, mihi yo yvmihchi la hi oke.

14. A hohchifo pulla ho nana ka isht hvsh asilhha hokma, ai yvmihchi la hi mak oke.

15. Hvs sa hullo hokmvt, vm anumpa vlhpisa puta ka hvsh holitoblashke.

16. Mikma Aki g im asilhha likma, yummvt a hvchi takla ahanta na bilia he mak o hvchi nanuktalali inla ya auct hvch ima hi oke.

17. Yummvt Shilombish ai ghli, yummak oka yakni okvto pisa keyu, micha ithana keyu aiena hatuk osh, ahninha he keyu mak oke; yohmi kia hvchishno yokvno hvchi takla ahanta tuk osh, anonti hvchi anukfoyuka chi hoka hvsh ithana hoke.

18. Hvchi vlhtakla ho hvch issvt aya la he keyu; hvchim aya la hi oke.

19. Chekosikma yakni vt sa pisa chi keyu hoke; amba hvchishno vto hvs sa pisa hi oke; yohmi ka sai okchaya hoka, anonti hvchi okchaya he akinli hoke.

20. Uno vt Aki g ibai achafa likma, anonti hvchishno vt vno g hvs subai achafa na hvchishno ma hvch ibai achafa li aiena ka, nitak yumma fehnakma hvsh akostinincha hi oke.

21. Kvna hosh vm anumpa vlhpisa vt in tonla cha, holitobli hokmvt, yummak osh sa holitobli mak oke; micha kvna hosh vno g sa holitoblikmvt, Aki ma i holitopakma, vno mvt holitoblit il im otvninchi la hi oke.

22. Chutas vt Iskaliot ak keyu hosh, Chitokaka ma! katohmi ho pishno ano ant ish pim ile haiakvchi hokak osh, yakni ano chik im ile haiakvcho ka chi hoh cho? im achi tok.

23. Chisvs vt afalaminchi mvt, Hatak vt g hullo hokmvt, vm anumpa ha holitobla he; yohmikma Aki vt ilapo ma holitoblikma, il im aya cha, il ibai vta he mak oke.

24. Uno g g hullo keyu hokvto, vm anumpa ha ik holitoblo hoke; micha anumpa ilvppa hvsh haiyaklo ka vm anumpa keyu, amba auct sa kanchi tok Aki ak o immi hoke.

25. Hvchi takla ahanta li takla hatuk mak osh iluppa puta ka isht hvchim anumpohonli lishke.

26. Yohmi kia nanuktalali, yummvt Shilombish Holitopa mak o a hohchifo pulla hatuk mak o Aki vt auet kancha chi hoka, yummak osh nan okluha ka hvch ithvnanchit, nana ho hvchim ahanchi li tuk ma, moma falaminchit hvchi anukfohka hi oke.

27. Nanaiya ya hvchi bohli lishke: a nanaiya ya hvch ima lishke: yakni vt ima chatuk a chohmi keyu ho hvch ima lishke. Hvchi chukvsh vt ik kaniohmokmvt, anonti ik nukshopo kashke.

28. Ia li tukmvt, anonti falamvt hvchim aya la hi oke, hvchim achi li ka hvsh hoklo kvno. Hvs sa hullo hatuk okmvt, Aki ak o im ia li hoke, achi li tuk a na hvchi yukpa he tuk; Aki vt vmaiya hatuk oka.

29. Micha ont ai ghlikma, hvsh i yimma he mak o, himonasi ik ono kisha ho hvchira anoli li tuk oke.

30. Yakni iluppa ai i shahli yatuk mvt, nana ho isht a si ahalaia keyu hosh minti hoka, himak a pilla mvno hvch it im anumpuli li fehna chi keyu mak oke.

31. Yohmi kia Aki a holitobli li ka, yakni vt ithaiyana chi ka, Aki vt nana ho vm apihisa tok a, mih mak o yvmihchi li hoke. Ho wakaya, kiloh ilhkofi.

CHAPTA XV.

Ohisvs vt paki vpi yosh naksish puta aiena hosh nan isht vlapisa iluppak o hatak vt ilap ak o pit ai achafa pulla hosh vnit waya ka chohma he ai vhpesa hatuk a anoli, 1: 9 micha ilapvt nan im ai ithvna vhleha ha i hullo fehna hatuk vt anoli mvt, 12 anonti yvmakmvt it i hullo kvv yummak inli ho chohma hi a in tohno; 19 yakni iluppak okvt ilap, micha Iki ita-tuklo ka ik ahnincho yatuk okvt yvmakma i nukkillit ilbvshacha hi a im anoli.

1. UNO ak osh pak-vpi ghli sia hokma, anonti Aki ak osh apoksiachi oke.

2. Naksish vno ak o a sai offo hosh vni keyu hokma, mo-

minchit ishit kanchi hoke: mikmvt naksish vt vni hokvto, isht i shahlit vna chi ka, achukmalit apoksiachi hoke.

3. Anumpa isht hvchim anumpohonli li tuk pulla ho himonasi a isht a hvchl a kashofvshke.

4. Uno a ho svbai achafa; mikma vno mvt hvch ibai achafa lashke. Naksish vt vpi ak o pit a hikia ho keyukmvt, ilap illa kvvna he keyu chatuk a, yvmmak i chiyuhmit hvchishno ak kia vno a hvs svbai achafa ho keyukmvt, nana hvsh kanihma he keyushke.

5. Uno ak osh pakvpi sia hokma, hvchishno vto naksish hvchia hoke. Kvna hosh vno a svbai achafa na anonti ilap ma ibai achafa li hokma, mihi yosh vni fehna chatuk oke: vno ak o keyukma nana hvsh kanihma he keyu hoke.

6. Kvna kia vno a svbai achafa keyu hokma, naksish mak o ai itilauechit kanchi na bvshi chatuk; yohmikma hatak puta mvt yvmmak ash aiowvt luak a pila na lua chatuk oke.

7. Uno a hvs svbai achafa na vm anumpa mvt hvchi anukfoyuka hokma, nana ho hvsh aiahni cha hvsh asilhha hokvt, hvchim ai ghla hi oke.

8. Hvsh vni fehna yvmmak okmak o, Aki vt isht a holi-topa ai ghla he; yohmikma nan vm ai ithvna hvchia mak a hi oke.

9. Uno a Aki vt a hullo tok mak o, ai itilauechi hosh hvchi hullo li hoke; a sa holitobli kvvsh hvsh biliashke.

10. Vm anumpa vlpisa puta ka hvsh im antia hokmvt, a sa holitobli kvv a hvchi bilia he: vno vt Aki a im anumpa vlpisa puta ka im antia li kvv, ai i hullo mvt a sa bilia tok mak o hvsh chiyuhma hi oke.

11. Hvchishno pulla atuk mak o nan isht vm ilaiyukpa hatuk mvt hvchin takali bilia na, na hvchi yukpa kvv alotowa chi mak o, ilvppa puta ka isht hvchim anumpohonli li hoke.

12. Uno vt hvchi hullo li tok mak o, chiyuhmichit hvsh it i hulla he, ilvppak osh vm anumpa vlpisa mak oke.

13. Hatak vt i kana vhleha ha i hullo kvv im ilhfiopak a aka bohyuli hoka, hatak nana kia yvma i shahlichit it i hulla hi vt ikshoshke.

14. Nana hō hvchim apesa li ka hvsh yvmohmi hokmvt, g kana hvchia mak oke.

15. Himak pilla kvno ilhtohno hvchi achi la he keyu ; ilhtohno yokvto, i shahli hvv nana hō isht ahanta ka, akostininchi keyu chatuk ; amba nana hō Aki g im a hāḡlo li tuk vt okluyuha hvchim anoli li hatuk okvt, g kana vhleha hvchi achi lishke.

16. Hvchishno ak osh hvs si atokoli tok o keyu ; amba itvnowvt vnit hvsh waya he ak atuk oke ; yohmikma hvchi a waya kvv aiasha na Aki g nana hō g hohchifo pulla kak o isht hvsh im asilhhakma, hvch ima he mak o, vno ak osh ai atokolit hvchim apesa li hatuk oke.

17. Hvsh it i hulla he mak o, ilvppa hvchim apihisa li hoke.

18. Yakni vt hvchi nukkilli hokmvt, ik hvchi nukkillo kisha hosh vno g g nukkilli tok g hvsh ithaiyanvshke.

19. Yakni ak o hvsh ai achvfa hatuk okmvno, yakni vt immi hatuk okvno holitobla he tuk ; amba yakni g hvsh ai achvfa keyu ; amba vno ak osh atokolit yakni g a kohchit hvch ishi li hatuk ; yohmi hatuk o yakni vt hvchi nukkilli hoke.

20. Tishu hvv i shahli hā imaiya chatuk keyu, hvchim achi li tok anumpa yvmma hvsh ithaiyanashke. Vno g okla svlvshachi tok okmvt, hvchishno ma hvch ilbvshacha he akinli hoke ; vm anumpa hā im antia tok okmvt, hvchim anumpa hā im antia he akinli hoke.

21. Yohmi kia auct sa kanchi tok g pit ithana keyu hokvt, vno pulla hatuk mak o ilvppa puta ka hvchi yvmihcha hi oke.

22. Vno ak osh ayvt vlvv ant ak im anumpulo hatuk okmvno, ai ashvchika yvt okla ik im iksho ka he tuk ; amba himak okvno nan im ai ashvchika ya isht ompoholma hi vt okla ik im ikshoshke.

23. Kvna hosh vno g g nukkilli hokvt, Aki ma i nukkilli akinli hoke.

24. Vno vt na-fehna puta ka, hatak inla nana kia ai yvmihchi chatuk keyu ka ai itintakla ma vno vt ai yvmihchi li

tuk keyu hokmuno, nan ai ashvchika yvt okla ik im iksho ka he tuk ; amba himak okvno pisa cha, anonti vno, mikmvt **Δ**ki ita-tuklo ka j nukkilli tuk oke.

25. Yohmi kia na kaniohmi keyu hq okla g nukkillishke, achi anumpa hvt j nan vlpisa holisso hq a holisso tok vt ont ai ghla chi kak q, ilvppvt ai yakohmi tok.

26. Yohmi kia nanuktalali, yummak okvt Shilombish ghli, **Δ**ki g a kohchvt aya mak q, **Δ**ki g im ai isht auet hvchi kanchi li vla hokmvt, yummak osh ai atokowa ka si anohonla he mak oke.

27. Yohmikma hvchishno vt nana vmmona ka si apehvt hvsh aya tuk okvt, nan ai-atokowa ka hvsh anoli akinla hi oke.

CHAPTER XVI

Chievs vt anonti nan im ai ithvna vhleha hq okla hvt ilbvshala chi puta ka im anoli, 1 : 7 mihmvt nanuktalali, yummvt Shilombish Holitopa mak q auet ima hi vt miha. 16 Falamvt tani ha yvt, ilapvt j nowvt aya pulla he im anoli ; 28 ilap hohchifo pulla hq Chihowa hq nan isht im asilhba hokvto im anumpa hvt holitopa pulla hi g miha.

1. **IK** hvchi ibetvblo ka he mak q, ilvppa puta ka isht hvchim anumpohonli li hoke.

2. Sinakak puta ka okla a hvchi kohchicha he ; ghli, kvna hosh hvchibi hokmvt, Chihowa hq holitoblichhi mak q im ahoba he nitak vt mihinti hoke.

3. Yohmi kv **Δ**ki, mikmvt vno il ita-tuklo ka ik pithano hatuk mak osh, ilvppa puta ka hvchi yvmihcha hi oke.

4. Yohmi kia nitak yummvt ai ona hokma, yummak oka hvchim anoli li tok g hvsh ithana he mak q, ilvppa puta ka hvchim anoli li hoke. Yohmi kv vno vt hvchi takla anta li hokvt, nana vmmona hokvno ilvppa puta ka ak hvchim acho ki tok oke.

5. Yohmi tuk osh himonasi yokvno auet sa kanchi tok mak q falamvt im ia la chi hoke ; yohmi na hvsh kanima kia, Katima yq ish ia chi cho ? achit hvchik sa ponakloshke.

6. Amba ilppa puta ka hvchim achi li kak o, nanukhaklo kvv hvchi chukvsh a alotolishke.

7. Yohmi kia ghli mak o hvch im anoli lishke. Uno vt ia li hok mak o nan isht a hvchim vlpiesa chi hoke; vno vt ia li keyu hokmvo, nanuktalali vt hvchim aya he keyu: amba ia li hokmvo, yvmma auct hvchi kanchi la he mak oke.

8. Yohmikma yvmmak osh vlakmvt, ai ashvchika, micha nan ai vlpiesa, mikmvt nan-vlhpisa aiena ka okla puta ka, anukfohkicha hi oke.

9. Uno a okla a yimmi hatuk keyu hoka, nan im ai ashvchi hatuk a im otvnihincha he;

10. Uno vt Aki a im ia li; yohmi na himmakma hvch ik sa pesho hatuk oka, nan ai vlpiesa hatuk a im otvnihincha he:

11. Yakni a ai i shahli hvv nan im vlpisa hatuk oka, nan-vlhpisa ma im otvnihincha hi oke.

12. Na hvchim achi la he yokvto vm asha moma akinli kia, himonasi okvno yvmmak oka hvsh akostinincha he keyushke.

13. Yohmi kia Shilombish ghli, yvmmvt vla hok mak osh, nan ai ghlika puta ma hvch ithvnancha hi oke; yvmmak okvt ilap nana aiahmi hosh anumpula he keyu hokvt; amba nana ho haklo tuk mak osh mihi yo anumpula hi oke; mikmvt nana a kaniohma he puta ka hvchim otvnihincha hi oke.

14. Yvmmak okvt vno ak o vm ai ishi cha, hvchim otvnihincha hi okvt, vno a sa holitoblichia he mak oke.

15. Nana moma Aki vt im asha kvv vmmi hoke; yohmi hatuk mak o, vno ak o vm ai eshi cha hvchim otvnihincha he, hvchim achi li tuk oke.

16. Chekosikma hvv sa pisa chi keyushke; atukmvt anonti Aki ak o im ia li hatuk oka, chekosikma hvv sa pisa hi oke, im achi tok.

17. Yohmi ma nan im ai ithvna vhleha kaniohmi kvv, Chekosikma hvv sa pisa chi keyushke; anonti Aki a im ia li hatuk oka, chekosikma hvv sa pisa chi hoka hvvim achi ka, ilppak osh katiohmi hoh cho? ilap bika it im achit mayv tok.

18. Yohmi hatuk osh, Chekosikma, achi iløppøt nanta hak oh cho? nana hō miha ka kil im akostininchoshke, okla achi tok.

19. Ilapa okla i ponaklo banna ka Chisvs vt im ithana hatuk osh, Chekosikma hvs sa pisa chī keyushke: atuk osh anonti chekosikma hvs sa pisa chī oke, achi li tuk yvmmak ash isht ai it im a ponaklot hvsh maya cho?

20. Ahlishke, ahli mak o hvch im achi lishke; Hvchishno yokvto nishkin okchi mintit hvsh yahaya chī hoke; yohmikma yakni vto na-yukpa chī hoke: mikma hvchi nukhaklo fehna he; yohmi kia na hvchi nukhaklo kash ot falamvt isht a hvchi yukpa hi oke.

21. Ohoyo hvv vlla in tonla chikmvt, hvshi kanvlli vlpisa hvv im ai vla hokvt ilbvsha hoke; yohmi tuk kia hatak osh tobtv yakni a ai ituyula ka, na yukpa kvv, vlla yvt in tola makinli hosh na palvmmi tuk a imi-haksi hoke.

22. Yohmi ka hvchishno vt himonasi kvno hvch ilbvshvshke; yohmi kia himmakma hvchi pisa la chī akinli; yohmikma hvchi chukvsh vt yukpa he, mikma na hvchi yukpa ka hatak nana hosh ishit hvchī kancha wa.

23. Mikma nitak yvmma fehnakma nana kia hvch ik sa ponaklo ka hi oke. Ahlishke, ahli mak o hvch im achi lishke, Ūno a hohchifo hō nana ka Aki a isht a hvsh im asilhhakma, hvch ima he mak oke.

24. Tikbtv a mihinti hokvno a hohchifo hā nana ka isht hvch ik asilhho ke tuk; oh asilhhā; yohmikmvt na hvchi yukpvt isht alotowa chī ka, hvsh habena he mak oke.

25. Nana ilvppa puta ka nan isht vlpisa hō isht hvchim anumpuli lishke; yohmi kia himmakma nan isht vlpisa hō isht ak hvchim anumpulo hosh, amba otvninchi achukma hosh Aki a isht a hvchim anohonli la he nitak vt mihinti hoke.

26. Nitak yvmmak okvno a hohchifo hā nan isht a hvsh asilhha hi oke: yohmikma Aki a hvch isht im a ponaklo la hi oke; hvchim achi li keyushke.

27. Hvchishno vt hvs sa hullo, mikmvt Chihowa ak o a

kochvt aya li hatok a hvchi yimmi tuk : yohmi hatuk o Aki vt ilapo akinli kvv hvchi hullo hoka.

28. Aki ak o a kohchvt aya hosh yakni a vla il tok osh ; anonti yakni ash issvt, Aki a im ia li hoke, im achi tok.

29. Nan im ai ithvna vhleha hash ot, Inta ! himak okvno achukmalit isht pim anumpuli cha, nan-isht vhlpisa ho chik anumpuloshke.

30. Nan okluha ka ish ithaiyana ka, hatak nana hosh nana ka a chim a ponakla hi o keyu ka himak okvno il akostininchishke ; Chihowa ak o a kohchvt ish aya tok pulla ka ilvppak o isht a pi yimmishke, okla im achi tok.

31. Chisvs vt afalaminci mvt, Himak ano okla hvchi yimmi cho ?

32. Inta ! hatak vt ilap in chuka aiyukali ka ai ita fimimpt ilap banochit hvs sa filvmma chi ka hvshi kanvlli ai vhlpisa kvv mihinti tuk osh, anonti himak okvno ai ona hoke ; yohmi kia Aki ak osh si ahina hoka, vno ak illa he keyushke.

33. Uno pulla ho nana anuktanla ka hvsh iesha he mak o, ilvppa puta ka isht hvchim anumpuli lishke. Yakni paknaka yokvno na palvmmi puta kvv a hvchim aiasha he ; yohmi kia hvchi nuktanla achukmashke ; vno vt yakni a imaiyachi li tuk oke, im achi tok.

CHAPTA XVII.

• Ishit inla ibbak fohka chi ninak a Chisvs vt vba pit anumpuli kvv, ilapvt illi tuk vt falamvt tani ha ya, Chihowa hvv nan im ai ithvna vhleha ha apelahanchi na im anukfila hvv ai it achvfa he, 1 ; 20 Chihowa, Ushi ita tuklo ka im anukfila pit ai itachvfa he : 24 yohmi cha ilap vt vba yakni a holitopvt ahanta ka ont apehvt maya he puta ka vba isht anumpohonli.

1. ANUMPA ilvppa puta ka Chisvs vt anumpohonli mvt, vba pit vba chakali cha, Aki ma ! hvshi kanvlli vhlpisa yvt ai onvshke. Chiso ha ish holitoblichy na anonti chiso mvt chi holitoblichy akinlashke.

2. Laua kvv kaniohmi ho ish im ihisa tuk ma, yvmmak

ash ai okchayvt bilia yo yvmmak ash ot ima hi vt, hatak puyuta ma ai imaiya he mak o, ish im apihisa tok oke.

3. Yohmi ka Chishno ak illa kak osh Chihowa ahli chia ka, micha Chisus Kilaist auet ish kanchi tok ma okla ithaiyana he ak o ilvppak osh ai-okchayvt bilia yoke.

4. Yakni paknaka ya a chi holitoblich i lishke. Natoksvli isht ahanta la hi o is sum apesa tok a, atahli lishke.

5. Yohmi ka, Aki ma! yakni vt iksho mak o na holitopa ka isht chiba holitopa li ya tok mak o, himak a chishno a ai il a aieninchit is sa holitoblichashke.

6. Hatak puta ka yakni ak o ai ishit is suma hatuk a, chi hohchifo ha im otvninchi li hokvno; yvmmak okvt chimmi hatuk o, is suma hatuk oka, chim anumpa ha okla holitobli tuk oke.

7. Nana ka is suma tok oklyuha kvv chishno ak o a minti hatuk a himak okvno okla akostininchishke.

8. Anumpa is suma chash yvmmak o ima li hokvno; mihma yvma okla aiokpuchi mvt, vno vt chishno ak o a chi a minti li hatuk a, okla akostininchi, micha chishno ak osh auet is sa kanchi tok aiena ka okla yimmi hatuk oke.

9. Yvmmak o isht chim ilbvshvt anumpuli lishke; yakni ak o isht chim ilbvshvt anumpuli li keyu, amba ilvppak o is suma tok a, yvmvvt chimmi vhleha hoka, isht chim ilbvshvt anumpuli lishke.

10. Yohmi ka vmmi hvv momvt chimmi hokma, anonti chimmi hvv vno a vmmi makinli hoke: yohmi hoka vno vt yvma isht a sa holitopa hoke.

11. Himak okvno yakni paknaka ya himmakma ik si ai iksho mak oke; yohmi kia ilvppak okvto yakni a ai ahashwa na vno vt chim aya li mak oke. Aki holitopa ma! is suma tok vhleha ilvppak oka chishno chi hohchifo pulla hatuk mak o ish apesahanchi na yvmmak mvt ai itibai achufa kvv pishno a chiyubmashke.

12. Pehliechit yakni paknaka ai ahanta li maoma kvto chi hohchifo pulla ho isht ai apesahanchi li tok: is suma tok vhleha yvmmak oka apesahanchi li ma, achufa. kia ik kvno

hō, amba Holisso Holitopa vt ont ai ghla chi kak q, nan-ok-puni ushi ak illa tuk oke.

13. Yohmi ka vno pulla hatuk mak q a nan-isht ilaiyukpa ma ilap inlit okla il ai esha hi q, iluppa puyuta ka yakni paknaka isht ai anumpohonli li, yohmi tuk osh himak okvno chim aya li mak oke.

14. Chim anumpa hā ima li tuk oke: yohmi ma yvm-mak okvt yakni a ai immi keyu kv, vno vt yakni a ai immi sia keyu kak inli hō chohmi hatuk q, okla i nukkilli hatuk oke.

15. Yakni ak q a kohchit. ish isha hi q chim asilhha li keyu; amba apesahanchit nan-okpulo ak q ishit chik ahalai-yacho ka hā ak oke.

16. Yakni a ai immi keyu kv, vno vt yakni a ai immi sia keyu kak inli hō okla chiyuhmi hoke.

17. Yvmmak oka na chim ai ghlika pulla kak q isht ish i kashofichashke; chim anumpa hak osh nan ai ghlika yoke.

18. Chishno vt yakni paknaka ya auet is sa kanchi tok mak q, chohmichit vno mvt ilvppak ma yakni paknaka ya a tihlehinli lishke.

19. Micha ilap ak kia nan-ai ghlika ya ai isht a kashofa chi ka, vno vt ilvppak pulla hatuk mak q ile kashofichi li hoke.

20. Micha iluppa illa hō isht asihihla li keyu; amba iluppa pulla im anumpa hatuk mak q a yimma he aiena kak oke.

21. Moyumvt ai itib achvfa kv, Aki chia hv vno a is svbai achafakma, anonti vno mvt a chibai achafa li kak inli hō okla chiyuhmi cha, yvmmak mvt pishno a a pibai achafashke: yohmi na chishno ak osh auet is sa kanchi tok a okla moma kv ithaiyanashke.

22. Yohmikma ilvppvt ai itib achvfa kv pishno il itibai achvfa kak inli hō chohma hi a, nan-isht aholitopa is suma tok a iluppa ima lishke.

23. Vno vt iluppa ai ibachafa likma, anonti chishno mvt auet is svbai achafa; ai yakohmi hō yvmmak osh ont ai ghli achvfa ka tobashke; yohmikma chishno ak osh auet is sa

kanchi tok; a tok osh ilvppak oka ish i hullo kvv vno a is sa hullo kak inli ho ish chohmichi ka, yakni vt ithaiya-nashke.

24. Aki ma! is suma tok vhleha hak kia kanima yo ai ahanta likma, si apihvt gsha cha, nan-isht vm aholitopa yvma is suma tok a pisa he ak o, ahni lashke: yakni vt ik tobo kisha mak o is sa holitobli tok mak oke.

25. Aki ahli achukma ma! yakni vt ik chithanoshke; yohmi kia vno vto chithana li; mihma chishno ak osh auet is sa kanchi tok a ilvppak okvto akostinichi hatuk oke.

26. Yohmi na ilvppak o chi hohchifo ha isht im anohonli li tuk osh, anonti anohonli la chi hoke: yohmikma na-holitobli ai isht is sa hullo hatuk vt ilvppak ma anukfoyuka na, anonti vno mvt ai ibachafa lashke, achi tok.

CHAPTER XVIII.

Chisvs vt osapushi yo ont chukowa, 1; 6 Chutas vt Chisvs a isha chi hosh ai vla na, Chisvs vt anumpuli ma, falamvt obvlhpelvt aka ont fohopa; 10 Pita yvt Malkvs haksobish a chanlit hokofi. 12 Chisvs a okla takchi cha isht ia mvt, Annas ak o isht im ona tuk osh achakalinchi mvt, Kaiafas ak o okla isht im ona; 15 mihma Pita yvt Chisvs a ik ithano miha. 29 Chisvs a Pailat ak o okla isht im ona ma, Pailat ash osh achukmalit nan im a ponaklo.

1. CHISVS vt ilvppa puta ka ahanchit in taiyaha mvt, nan im ai ithvna vhleha pehlinchit Kitlon bokushi a pit tanvblit osapushi vt yvma talaia tuk o, nan im ai ithvna vhleha hash ai it apihvt ont chukowa tok.

2. Yohmi ka Chisvs vt nan im ai ithvna vhleha ha pehlichit yvma ai ona fehna chatuk a ishit inla im issa tok Chutas ak kia yvma pit ai ithana tok.

3. Yohmi hatuk osh Chutas ash ot hatak ai-itapeha achufa, i kvpitvni vhleha aiena ka na-holitompa isht gsha pehlichit vhleha, mikmvt Falisi vhleha aiena ka ai im ai ishi mvt, pula afohka, mikmvt na shimahli pula, micha na halupa aiena ka sholi hosh yvmak ash ai vla tok.

4. Yohmi ma Chisvs vt nana hosh ilapa ai onvtuyula chi

puta moma ka ithana hatuk okvt, ivt ont afamvt, Kvta hq hvsh hoyo cho? im achi tok.

5. Mihma, Chisvs Nasalet minti ak oke, okla im achi ma, Chisvs ash osh, vno ak osh mih sia mak oke, im achi tok. Mihma ishit inla im issa tok Chutas ash kia yvmma takla hikja tok.

6. Atuk o, Uno ak osh mih sia mak oke, im achi makinli hq, okla obvlhpevt ivt aka ont kaha tok.

7. Mihma atuklanchit i ponaklot, Kvta hak o hvsh hoyo cho? achi tok. Mihma, Chisvs Nasalet minti ak oke, okla achi tok.

8. Chisvs vt afalaminchi mvt, Uno ak osh mih sia hatuk vt hvchim anoli li kvno; yohmi hoka vno ak o hvs sa hoyo hatuk okmvt, ilvppak okvno asht ik itvnowa, hvsh im ah-nashke.

9. Yohmi na yvmmak o isht anumpuli hosh, Is svma tok vhleha hokvt achvfa kia ik sa kvnioshke, ahanchi tok a ont ai ahlashke, achi tok.

10. Yohmi ma Saimon Pita yvt bvshpo falaia shanli tuk osh halvllit shufi mvt, na holitompa isht asha pehlich i shahli in tishu hq isht fahamvt, haksobish isht impak imma ya chanlit hokofi tok. Tishu hohchifo hv Malkvs a tok.

11. Mihma Chisvs vt Pita yash o, Chi bvshpo falaia ya i shukcha pit fohki; isht ishko Aki vt auct vma tok a ak ai ishko ka hinla cho? im achi tok.

12. Yohmi ma hatak aya achvfa, micha kvpitvni, mikmvt Chu okla nan vlhtoka vhleha aiena kash ot Chisvs ash ishi cha, takchi tok.

13. Mihmvt yvmmak osh Kaiafas vt afvmmi yvmma feh-na ka na holitompa isht asha pehlich i shahli yatuk o, yvmma ipochi yatuk oka Annas ak o tikba okla isht im ona tok.

14. Kaiafas ilvppak osh hatak achvfa hosh okla hoka vlhlobvt illa he ak o ai vlhpiesa ka, Chu okla ha it im apesa tuk a tok.

15. Mihma Saimon Pita yvt Chisvs a pit iakaiyvt aya ma, anonti nan im ai ithvna achvfa yvmmak oka na-holi-

tompa isht gsha pehlich i shahli hvt ithana hatuk o, Chisvs g awant na-holitompa isht gsha pehlich i shahli i nan-ai-apesa ya ont chukowa tok.

16. Amba Pita vto okhissa kocha yak o hikia tok. Yohmi ma nan im ai ithvna achefa na-holitompa isht gsha pehlich i shahli hvt ithana hatuk, yvmmak ash ot kohchvt ivt, ohoyo okhissa apesvchi yash ont im anoli cha, Pita ya ilaelit chukowa tok.

17. Mihma ohoyo himita okhissa apesvchi yash ot Pita ya, Chishno ak kia hatak ilvppa nan im ai ithvna chia keyu? im achi ma, Mih sia keyushke, im achi tok.

18. Mihma kapvssvchi hatuk o, ilbtohno vhleha, micha nan vlhtoka vhleha aiena kash ot tobaksi yo oti cha, libisha hosh hiohmaya tok; mihma Pita yvt takla hiki vt libisha tok.

19. Na-holitompa isht gsha pehlich i shahli ash ot Chisvs g nan im ai ithvna vhleha, mikmvt nan isht im avvchi aiena ka ai im asilhvchi tok.

20. Chisvs vt afalaminchi mvt, okla puta ka ai im otvni achukma hosh anumpohonli li hatuk; Chu okla hvt ai itvnaha bilia sinakak, micha tempel aiena yvmmak o fana ai ithvnanchi li chatuk; yohmi kv luma chohmi hokvto nana ak achoshke.

21. Na katihmi ho vno ak o is suma ponaklo cho? nana im achi li ka haklo chatuk vhleha hak o ish i ponaklashke: yakeh! yvmmak osh nana achi li chatuk g okla ithana hoke, achi tok.

22. Ivppa yakohmichit anumpuli ma, nan-vlhtoka vhleha hvt achefvt bilikasi hikia tuk osh, Chisvs ash ibbak isht pasalichi mvt, Na holitompa isht gsha pehlich i shahli ya yakohmichi hosh ish im anumpuli cho? achi tok.

23. Chisvs vt afalaminchi mvt, Ik vlhpeso ho anumpuli li hokma, nan ik vlhpeso mak o isht ish atokolashke: amba vlhpesa tuk mvno, katihmi ho is svsscho? achi tok.

24. Yvmmak ash ot talakchi na Annas vt na holitompa isht gsha pehlich i shahli Kaiafas g pit pila tuk a tok.

25. Mihma Saimon Pita yvt libisha hosh lukia tok : yohmi ma, Chishno vt yvmma nan im ai ithvna vhleha hā ish ibai achvfa tuk keyu ? okla im achi ma, ik ghlo mihvt, Uno yokvt mih sia keyushke, achi tok.

26. Na holitompa isht gsha pehlichī ī shahli im ilhtohno vhleha achvft Pita yvt haksobish tvbli tuk ash ī kanomi hosh, Chishno ak osh yvmma awant osapushi g ish anta hō, chi pisa li tuk keyu ? achi tok.

27. Mihma Pita yvt ik ghlo kash inli hō miha tok : mihma chekosi fehna akāka yvt ola tok.

28. Yohmi ma Chisvs ash Kaiafas g im ai ishit ivt, nan ai apesa yō okla isht ona tok : yvmmvt onnahinli ha tok ; yohmi kv̄t nan-vbanvblit ont ia yā ai impa he tuk vt, im ai okpuloka hinla hatuk osh ilapo ak okvto nan ai-apesa yā okla pit ik chukowo ki tok.

29. Mihma Pailat vt kohchvt ona mvt, Hatak ilvppa anumpa nanta mak o hvsh ai ikbichi cho ? achi tok.

30. Mihma okla afalaminchi mvt, Ilvppvt nanokp̄vni keyu hatuk okma, chibbak oka ant e chī fohka he tuk keyu hoke, okla im-achi tok.

31. Mihma Pailat vt, Isht oh ia cha, hvchī nan-vlh̄pisa mak o isht oh ai im apesā, im achi tok. Yohmi hatuk o Chu okla hash osh, Hatak nana kia illa he il im apesa he vt a pim vlhpesa keyu hoke, okla im achi tok.

32. Yohmi ka Chisvs vt kaniohm̄t ai-illi yō ai illa hi vt anumpohonli tok g, ont ai ghla he mak a tok.

33. Mihma Pailat vt atuklanchit nan-ai-apesa yash ont chukowa cha, Chisvs g ī howa mvt, Chishno ak osh Chu okla ī m̄iko chia mak oh cho ? im achi tok.

34. Mihma Chisvs vt afalaminchi mvt, Chishno akinli hosh, keyukmvt, inla yak osh vno g isht a chim anolikmā, nanta tuk o ilvppa ish achi cho ? im achi tok.

35. Pailat vt afalaminchit, Uno vt Chu sia hō ? chishno chim okla ash inli, mikmvt na holitompa isht gsha pehlichī vhleha aiena kak osh chishit svbbak g fohki tuk oke. Nanta mak o ish katiohmi tuk oh cho ? achi tok.

36. Chisvs vt afalaminchi mvt, Apehlichī li ka yvt yakni

ilvppak inli keyushke. Apehlichli li ka yvt yakni ilvppak inli hatuk okma, Chu okla ibbak ak a fohko ka chī ka, an tishu vhleha hvt itihimba he tuk: amba himak okvno apehlichli li ka yvt ilvppak inli hō keyushke, achi tok.

37. Yohmi hatuk o Pailat ash osh, Mih kvto miko chia akinli hotuma? im achi ma, Chisvs vt afalaminchit, Miko sia mak atuk o ish mihvshke. Nan ai ghlika atokolit anoli la he ilvppak osh sa toba cha, anonti ilvppa pulla hatuk mak o ayvt yakni a vla li tuk oke. Nan ai ghlika yō anukfoyuka aiyukali hokvto, vm anumpa hā haponaklo bano hoke, achi tok.

38. Pailat ash osh, Nan-ai ghlika yak osh nanta ho? im achi tok. Mihmvt ilvppa achi mvt, falamvt kohchvt Chu okla hash im ona mvt, Nan ik ai-vlhpeso nana kia a takali ka ak im akostinincho kvmohmishke.

39. Yohmi kia nan-vbanvbli ont ia isht gsha hokvno, achvfalichit a hvchim i hotofi la he ai vlhpesa chatuk vt ashvshke: yohmi hoka Chu okla i miko ak o a hvchim i hotofi la hi a hvsh ahni cho? im achi tok.

40. Mihma anonti momvt chitoli hosh, Hatak ilvppvno keyu hō, amba Balabbas ak ashke, okla achi tok. Yohmi ka Balabbas vt hatak hukopa ya tok.

CHAPTA XIX.

Pailat vt Chisvs ash fvmmit issa ma, tvshka chipota vhleha hvt kvti tvnna yō iachokolichi, 1: 4 hlakofichi bynna kia, Chu okla nan ahni kak o im antia hatuk osh, yvmmtv ititaiyukhvna ahonvha chī mak o, im issa: 17 tvshka chipota vhleha hvt i nafohka yatuk a iti hopela: 26 Chisvs vt ishki yatuk a achukmalit apelahancha chī ka, nan im ai ithvna i holitopa yatuk a i miha cha, illi. 31 Tvshka chipota vhleha hvt, Chisvs nakai a tvli halupa ishit bahli. 38 Chosef Alimahlea minti, micha Nikotemvs ita tuklo hosh Chisvs hakenip a ishi cha, hohpi.

1. YOHMI hatuk o yvmma foka ma Pailat vt Chisvs a ishi cha, fvmmi tok.

2. Mihma tvshka chipota vhleha hvt kvti tvnvt iachuka

ikbit, noshkobo h₂ iachukolichi mvt, na tishepa na fohka holitopa y₀ ishit okla anchichi tok.

3. Mihmvt aiokpvchi mvt, Chu okla i miko yosh nan ik yukpá, achi mvt ibbak okla isht isso tok.

4. Yohmi ma anonti Pailat ash ot ia cha, Yakeh! nana ik ai-vlhpeso nana kia ai a takali na akostininchi li keyu ka hvsh akostinincha ch_i mak o, ilauelit hvch_i kohchi lishke, im achi tok.

5. Mihma Chisvs vt kvti iachuka h₂ iachukoli cha, natishepa na-fohka holitopa fohka hosh auet kohcha tok. Mihma Pailat ash osh, Yakeh! hatak atukma ho pesá, okla h₂ im achi tok.

6. Yohmi ma na-holitompa isht gsha pehlichi vhleha, m_{ik}mvt nan-vlhtoka vhleha aiena kash ot yvmmak ash pisa mvt, chitoli hosh mihvt, Ititaiyukhvna ak o oh ahonvhlich_i, ititaiyukhvna ak o oh ahonvhlich_i; ahanchi ma, Pailat ash osh, Oh ishi cha, ititaiyukhvna ak o oh ahonvhlich_i; vno yokvto nana ik ai-vlhpeso nana kia ai atakali ka ak im akostinincho hoke, im achi tok.

7. Chu okla hv_t afalaminchi mvt, Nan-vlh_pisa hv_t pin tonla : yohmi ka ilvppak okvt Chihowa Ushi ilapissa hatuk okvt, p_i nan-vlh_pisa pulla kak o isht illa he vlhpesa hoke, im achi tok.

8. Yohmi hatuk o Pailat vt anumpa yvmma haklo mvt, nukshopa kv_t isht i shahli tok.

9. Mihmvt anonti nan ai apesa yash ont chukowa cha, Chisvs ash o, Katima k_o ish minti tok oh cho? im achi tok. Yohmi kia Chisvs ash ot nana ik im acho ki tok.

10. Yohmi ma Pailat ash ot, Chik sv_m anumpulo mak oh cho? vno vt ititaiyukhvna y₂ a chi ahonvhlich_i la hi vt v_m vlhpesa, anonti ch_i hotofi la hi vt v_m vlhpesa aiena ka chik ithaiyano cho?

11. Chisvs vt afalaminchi mvt, Chishno yokvt vba ak o auet a chima h₂ keyukma, vno yoka nana h₂ is sa kanihcha hi vt chim vlhpesa keyushke : yohmi hoka svsh_t gyvt chibbak a ant sa fohki tuk a yvmmak osh nan-ashvchi kv_t ai in chinto hoke, achi tok.

12. Yohmi ma yvmma ai vhlit minti ka Pailat vt yvmmak ash i hotofi bunnvt im anukfihinla tok: yohmi kia Chu okla hvv chitolit anumpulit, Hatak ilvppa ish i hotofi hokmvt, Sesa ya i kana chia ha he keyu. Kvna hosh miko il apestakmvt, Sesa ak o i sanalit anumpuli hoke, okla achi tok.

13. Yohmi hatuk o Pailat vt anumpa yvmma haklo mvt, Chisvs ash ishit kohchi cha, ilap vto nan ai-apesa ai-o-minili om binili tok, yvmmvt Tvli potvlhpo hohchifo ho, amba Heblu ano Kabbahla hohchifo ha tok.

14. Mihma nan vbanvblit ont ia asha chi ka, ai il atahlit maya nitak, mihmvt hvshi kanvlli vlpisa yvt ont isht han-nali foka aiena; yohmi hatuk o Chu okla hash o, Hvchi miko ya ho pesa, im achi tok.

15. Yohmi kia okla chitoli hosh anumpulit, Kanima isht oh ia cha, kanima isht oh ia cha, ititaiyukhvna oh ahonvhlichí, achi ma, Pailot ash ot, Hvchi miko ya ititaiyukhvna ahonvhlichí la chi cho? im achi ma, na holitompa isht asha pehlichí vhleha hash ot, Pi miko vt iksho, Sesa ak banoshke, im achi tok.

16. Yohmi ma polaka yvmmak ash ot ititaiyukhvna ahonvhlvt illa chi mak o, ibbak i fohki tok. Yvmma foka ma Chisvs ash o okla ishi cha, halvllit kanima isht ia tok.

17. Yohmi ma im ititaiyukhvna yash o sholi cha ivt yakni hohchifo noshkobo foni aiasha yo, anonti Heblu yokvno yvmmvt Kalkohla hohchifo ho ona tok.

18. Mihma yvmmak ash, micha inla yvt tuklo ho aieninchit ititaiyukhvna okla ai ahonvhlichí tok: Chisvs ak osh iklvna yo takali na achvfa bkvvt ita hlaklaka takohli tok.

19. Mihma Pailat vt nan anoli holisso ha holissochit ititaiyukhvna ya a lapalichí tok. Yohmi ka holisso kvv, CHISVS NASALET MINTI CHU OKLA I MIKO YOKE, achi ha tok.

20. Yohmi na Chisvs vt ititaiyukhvna ai ahonvhlvt illi yvmmvt tmaha ha i bilika ha tok: yohmi ka holisso kvv Heblu, Klik, mikmvt Latin aiena anumpa hosh isht a holisso hatuk oka, nan anoli holisso ilvppak ash Chu okla laua kvv pisa tok.

21. Yohmi ma Chu okla na holitempa isht im asha peh-
lichi vhleha hash osh Pailat a, Chu okla i miko, achit chik
holissocho kashke; amba Chu okla i miko sia hoke, achi
chatuk yummak o ish holissochashke, okla im achi tok.

22. Mihma Pailat ash ot, Nana ho holissochi li kv̄t holis-
sochi li mak atuk oke, im achi tok.

23. Yohmi ma tvshka chipota vhleha hv̄t Chisvs a ititai-
yukhvna abovhlichi mvt, i na fohka yatuk a ishit ita kvsh-
koa ushtali eha, tvshka, chipota vt i kashampa aiyuka tok;
mihmvt i na fohka lumbo ash kia aieninchi tok: na fohka
lumbo yvt ahchwa yo keyu, paknaka yak o a tvnnvt maya
hosh ont taiyaha ha tok.

24. Yohmi hatuk o, Ilvppak okvno keho hlilvffo hosh,
amba kvna hosh immi ha ch̄i ka, na shoelit kil oh ashá, ilap
bika it im achit maya tok; yohmi ka Holisso Holitopa vt,
Um ilifoka ya okla iti hopela mvt, a na fohka lumbo yoka
na shoeli isht aiasha kvno, achi ka ont aighla ch̄i mak a tok;
yohmi hatuk o tvshka chipota vhleha hv̄t ilvppa okla yakoh-
mi tok.

25. Mihma Chisvs ititaiyukhvna a takali ka ituma ya ish-
ki, micha ishki nakfish, mikmvt Meli Kleofas tekchi, mikmvt
Meli Maktalene aiena hosh hiohmaya tok.

26. Yohmi hatuk o Chisvs vt ishki, micha nan im ai ithv-
na yv̄mma i hullo beka tuk mak osh itatuklot hinli na pisa
mvt, ishki ash o, Ohoyo ma! chiso ha ish pisashke, im achi
tok.

27. Mihmvt nan im ai ithvna yash o, Chishki a ish pi-
sashke, im achi tok. Mihma nan im ai ithvna yummak ash
osh hv̄shi kanvlli v̄hpisa yummak fehna ai-vhlit ia ka, ohoyo
hash ilauelit ilap in chuka akinli ho bohli tok.

28. Yakohmi ha -ya, nan okluha kv̄t ont ai v̄lhtaha ka,
Chisvs vt ithana hatuk osh, Holisso Holitopa yvt ont ai ghla
ch̄i ka, Sa tukshilvshke, achi tok.

29. Yohmi ma nan-ai-vlhto wineka alota kv̄t talaia tok;
atuk o na-shatv̄mmi yo wineka yash alotolit hissop o ta-
kalichit itih ha pit tikelichi tak.

30. Yohmi hatuk o Chisvs vt wineka yash ishkot pisa

mut, Ulhtaiyahvshke, achi tok; yohmi cha aka yuhchunukli mut, fiopissa tok.

31. Yohmi hatuk o nan il ai atahli nitak atuk oka, nitak hullo ya haknip vt ititaiyukhvna ya ik a takohmayo ka chi ka, nitak hullo yummvt nitak holitopa hatuk oka, Chu okla hash osh yumma hanali ak osh kobahli na ishit kanima ia hinla ka, Pailat g im asilhha tok.

32. Yohmi na tvshka chipota vhleha hash ot ivt, ititaiyukhvna ai iba honvhlvt okla kash achvfalit tikba hanali ha kobahlichy mut, anonti achvfa yash kobahlichy tok.

33. Amba Chisvs vt a takali tuk g okla ona mut, yummvto illi mashko tuk o pisa cha, yummvno hanali ha ik kobahlecho ki tok.

34. Yohmi kia tvshka chipota vhleha yash ot achvftv naksi g na halupa ho ishit bahli na ashalika issish, micha oka aiena hosh auct fohopa tok.

35. Yohmi ka yumma pisa tok mak osh atokowa ka anoli; yohmi ka yummvt atokoli ka ai ghli hoke: yohmi ka hvchishno vt hvchi yimma chi ka, ai ghli mak o miha kvv itha-na hoke.

36. Holisso Holitopa yvt, Foni vt ik pakoto ka he, achi kvv ont ai ghla chi mak o, nana kvv a yakohmi tok.

37. Micha anonti Holisso Holitopa ai anumpa inla mut, Yumma okla bahli tuk vt yummak ash pisa hi oke, achishke.

38. Micha ai yakohmi ha ya, Choscf Alimahlea minti vt Chisvs g nan im ai ithvna akinli kia, Chu okla ha i nukshopa kvv il aluma beka tuk osh, Chisvs haknip g isha hinla kvv, Pailat g ont im asilhha tok: mihma Pailat vt vhpesa, im ahni tok. Yohmi hatuk o ivt, Chisvs haknip ash ont ishi tok.

39. Yohmi ma Nikotemvs vt nan vmmona ka ninak o gyvt Chisvs g pisa tok yummak ash kia vla cha, mvh micha aloes itibvlhto kvv weki tahlepa achvfa foka ho isht vla tok.

40. Yohmi ma Chisvs haknip ash o ishit okla cha, Chu okla hvv hohpi kvv yvmihchi chatuk mak o, yummak ash o linen osh na-balama pit aiena ho isht a bonulli tok.

41. Ititaiyukhvna ahonvhlvt ai illi yumma osapushi osh ta-

laia tok : mihma osapushi anukaka ya sepuika himona, hatak vt ik a hollopo kisha yo, hikia tok.

42. Yohmi hatuk o Chu okla nan il ai atahli nitak a tok ; yohmi hatuk o sepuika yvt yumma auet i bilikasi hatuk oka, yummak o Chisvs a bohli okla tok.

CHAPTA XX.

Meli Maktalene vt sepuika yash ona, 1. 2 Pita, Chan itatuklo kvt tyshptvrt vt, sepuika yash it onachi akinli. 11 Meli Maktalene ash ot sepuika ya salamvt ona, atuk o i himmak o Chisvs fehna kash osh yummak ash inli ho ont i haiaka. 19 Mih nitak akinli opivt taha ho nan im ai ithvna vhleha hvt itvnavt chiya ma, Chisvs vt im ona ; 25 Wek inla hosh ont taha ho nan im ai ithvna vhleha hvt Tamas a pit a momvt itvnavt chiya ho, Chisvs vt anonti i haiaka.

1. WEK chukowvt iahpi onnahinli fehna okhlilinchi moma ho, Meli Maktalene vt sepuika yash ona cha, tvli yash osh sepuika ya a kanvlli tuk o, pisa tok.

2. Yohmi ma maleli hosh vlvrt, Saimon Pita, micha nan-ithvna achvfa Chisvs vt holitobli yatuk ita tuklo ka, Chitokaka ya sepuika ya ai ishit kohchi cha kanima yo ont bohli tuk a chini ho, kil akostininchoshke, im achi tok.

3. Yohmi ma Pita yvt, micha nan-ithvna achvfa yash ita tuklo cha vrt, sepuika ya it onachi tok.

4. Yohmi kvt tuklot pit tihlaiya tok ; atuk o nan-ithvna achvfa yash ot Pita ya imaiya cha, tikba sepuika ya ona tok.

5. Yohmi cha ont a hlipvt pit hopokoyo mvt, linen vto kahvt maya na pisa akinli kia, pit ik chukowo ki tok.

6. Yohmi ma Saimon Pita yash ot auet iakayvt vla mvt, sepuika yash pit chukowa cha, linen vt kahvt maya ka pisa tok.

7. Yohmi ma nantapvski noshkobo isht afoa tuk vto linen a ik ibafoko hosh, amba pohlvrt taha cha, ilapissa yo itoala tok.

8. Mihma nan-ithvna achvfa na tikba sepuika ya ona tuk ash kia pit chukowa cha, pisa mvt, yimmi tok.

9. Yvmma foka mvno illi tuk vt falamvt tana hi oka, Holisso Holitopa ya ik ai akostinincho kishvt okla tok.

10. Yohmi mvt nan-ithvna ash osh ilap in chuka atuk akinli ho itiachi tok.

11. Yohmi kia Meli vto sepuvka a kocha ya nishkin okchi mihintit hikja tok: atuk osh nishkin okchi mihintit pit aka chunulit, sepuvka anukaka ya pit hopokoyo tok.

12. Mihmvt enchil tuklo i na-fohka tombi kvv Chisvs haknip ai itola tuk g, achvvt noshkobo imma yatuk ak o asha ma, achvvt iyi pilla hatuk ak o asha na pisa tok.

13. Mihma, Ohoyo chia hvv na katihami ho ish yahaya cho? im achit okla ma, An Chitokaka ya okla ishit kvnia tuk a chini ho, kanima yo a bohli tuk g ak ithano kak oke, im achi tok.

14. Micha ilvppa mak achi mvt, im ashak-imma pit filema mvt, Chisvs vt hikja na pisa kia, yvmmak osh Chisvs ash atuk g ik ahno ki tok.

15. Chisvs ash ot, Ohoyo chia hvv na katihami ho ish yahaya cho? Kvta ho ish hoyo cho? im achi tok: mihma oapushi apesvchi mak o im ahoba mvt, A shahli ma! ehishno ak osh yvmmak ash ai isht ish ia tuk okmvt, kani- ma yo ont ish bohli tuk mvt, is svm anoli na ont ishit minti lashke, im achi tok.

16. Chisvs ash ot, Meli, im achi ma, pit-filema mvt, Labboni, yvmmvt nan-ithvnanchi ma! achi hoke, im achi tok.

17. Chisvs vt, Uba ivt Aki g ak im ono kisha hoka, is sa potoli na; amba ivt itibapishi li vhleha aiasha kak o ona cha, Aki, mikmvt hvch Iki, an Chihowa, mikmvt hvchin Chihowa im ia li ka, ish im anolashke, im achi tok.

18. Meli Maktalene ash osh vla cha, Chitokaka ya pisa tuk, yohmi na ilvppa puta ka im ahanchi tuk g, nan-ithvna vhleha hash im anoli tok.

19. Atuk o nitak yvmmak ash inlit ont shohbi wek chu- kowvt iahpi nitak atuk o, Chu okla h g i nukshopa hatuk osh nan-ithvna vhleha ai itvnavt chieya ka, okhissa yvt

vhlkvma hō, Chisvs ash ot vlot iklvna ant hikia cha, Hvchi nuktanlashke, im achi tok.

20. Ilvppa mak achi mvt, ibbak iti chaplinchit, naksi aiena ka i weli tok. Yohmi ma nan-ithvna vhleha hash osh Chitokaka ya pisa kvv na yukpa tok.

21. Yohmi ma Chisvs ash ot atuklanchit, Hvchi nuktanlashke; Aki vt na sa tohno tok mak o, ai itilauechi hosh hvchishno ma na hvchi tohno li hoke, im achi tok.

22. Micha ilvppa makachit in taha mvt, o fiopa mvt, Shilombish Holitopa ya oh ishi.

23. Kvna im ai ashvchika yo hvsh i kashofi hoka, i kashofa he mak oke; mikmvt kvna im ai ashvchika yo hvch ik i kashofa hokma, ik i kashofa ka he mak oke, im achi tok.

24. Yohmi kia Chisvs vt vla ka, auah-tuklo yatuk a achvfa, Titimvs hohchifo Tamas vt takla asha tok keyu.

25. Yohmi tuk o nan-ithvna vhleha inla yash osh, Chitokaka ya e pisa kvno; im achi tok. Yohmi kia, Ibbak chofak ai ahonvhla tuk a pisa lish, chofak pit a hika tuk a svbbak ushi pit maiachi lish, anonti naksi a svbbak pit hilechi li hō keyukmvt, sai yimma he keyushke, im achi tok.

26. Atuk o anonti nitak isht untuchina ma nan im ai ithvna vhleha hash osh aboha anuka aiasha ma, Tamas vt takla asha tok; yohmi ma okhissa yvt vhlkvma hō, Chisvs vt vla cha, iklvna ya ant hikiot, Hvchi nuktanlashke, achi tok.

27. Mihmvt Tamas ash o, Chibbak ushi a auet welit, svbbak a pisá; mikmvt chibbak ma auet welit sa naksi a pit hilechi: yohmi cha, na yimmi iksho hosh ish anta ná, amba chi yimmi kvv a chim alotowashke, im achi tok.

28. Mihma Tamas vt afalaminchi mvt, An Chitokaka ma! an Chihowa ma! im achi tok.

29. Chisvs ash ot, Tamas is sa pisa hatuk mak osh chi yimmishke: pisa hō keyu kia, yimmi tok vhleha hokvt na yukpa mak oke, im achi tok.

30. Micha na-fehna inla kvv laua hō, Chisvs vt nan im ai ithvna vhleha hvv pisa na yvmihchi mvhli tok a holisso ilvppa ik a holissoshke.

31. Amba Chisvs vt Chihowa Ushi Klaist mak a tok a,

huchi yimma he; micha huchi yimmi pulla hosh yimma hohchifo hatuk mak o okchayvt bilia ya hvsh ahayucha he mak o, ilvppa puta kvv holisso hatuk oke.

CHAPTER XXI.

Chisvs vt, nan im ai ithvna vhleha hvv Tibelias okhvta hq nuni hokli hosh maya hq, ont im otvni, 1; 12 yohmi cha nan-isht-hokli q nuni im alotoli cha, anonti itibai impa. 15 Chisvs q i hullokmvt in chukfvlhpoba, micha in chukfvlhpobushi aiena ka im ipeta hi q hituchina ha Pita ya i miha; micha Pita yvt na palvmmi isht illa hi q tikbanli im anoli. 24 Chan vt ilap nana anohonli ka aighli, micha Chisvs vt na fehna ka yvmihchi tok q, inla yvt lauvv asha hosh ik holisso ka, miha.

1. ILUPPUT ai yakohmi ha ya, anonti Chisvs vt nan im ai ithvna vhleha hq Tibelias okhvta hak o ont a im ile haiakvchi tok: mihmvt ilvppak o ai yakohmi hosh ile haiakvchi tok.

2. Saimon Pita, micha Tamas Titimvs hohchifo, mikmvt Nahlanael Kalili yakni Kana vta, micha Sebete ushi tuklo, anonti nan im ai ithvna inla tuklo aiena kvv ai itapehvt may tok.

3. Saimon Pita yash ot, Nuni vbv ia lishke, im achi ma, Pishno ak kia chi apihvt il ivshke, im achi tok. Okla kohchvt ivt chekosi makinli hq peni q ont vlbeha tok; atuk osh ninak yvmm nana kia okla ik hoklo ki tok.

4. Atuk o ont onnvv taha ma, Chisvs vt alaka ya' hikia tok; yohmi kia nan-ithvna vhleha hvv Chisvs ash atuk q ik ithano ki tok.

5. Yohmi ma Chisvs ash ot, Vlla vto ilimpa hvchim asha cho? im achi ma, afalaminchit, Ikshoshke, achi tok.

6. Mihma, Peni ishtimpak-imma yak o nuni-isht-hokli q oh okvchi, micha hvsh ahayuchashke, im achi tok. Yohmi hatuk o pit okvchi mvt, anonti nuni yvt laua fehna ka, halvlli kvv okla na kanihma he keyu ki tok.

7. Yohmi ma nan-ithvna Chisvs vt holitobli yatuk, yvm-mak ash ot, Chitokaka mak oke, Pita ya im achi tok.

Mihma yummvt Chitokaka mak atuk o, Saimon Pita yvt haklo mvt, nipi bano tuk osh nafohkvt nvni hokli yatuk ash o ishit il ai vskofvchi mvt, okhvta hash pit okatula tok.

8. Mihma nan-ithvna vhleha inla ka yvto alaka ya pit i hopaki keyu, amba k u b i t tahlepa tuklo foka ho asha hatuk okvt, pen-ushi ash o alhtot nvn-isht-hokli nvni alota ka halvl-lit isht ia tok.

9. Atuk osh alaka ya okla ona makinli ho, tobaksi luak vt yvmma asha ma, nvni yvmma itotonla ma, pvska ak kia itonla na okla pisa tok.

10. Chisvs ash ot, Nvni himonasi hvsh hokli tuk vt, ishit ho minti, im achi tok.

11. Saimon Pita yvt pit chukowvt nvn-isht-hokli ash nvni hochito tahlepa achvfa pokoli tahlapi cha, akocha tuchina aienvt alota ho halvllit, alaka isht ona tok: laua hokvto yakohmi nana kia nvn-isht-hokli ash ot ik okpulo ki tok.

12. Chisvs ash ot, Mintit ant oh impa, im achi tok. Mihma yummvt Chitokaka mak atuk a ithana hatuk osh, nan-ithvna vhleha hvv achvfa kia i ponaklot, Kvta chia ho? achi kia iksho ki tok.

13. Mihma Chisvs ash ot onvt, pvska ya ishi cha, i hopela mvt, nvni ma yvmihchi akinli tok.

14. Chisvs vt illi tuk osh falamvt tani ha yvt, ilvppvt ont atuchina mak o nan im ai ithvna vhleha ha im ile haiakvchi tok.

15. Atuk o impvt okla issa ma, Chisvs ash ot Saimon Pita ya, Saimon, Chonas ushi chia hvv is so hullo kvv, ilvppa puta ka chim i shahli cho? im achi ma, Ahlishke, Chitokaka ma! chi hullo li hoka chishno vt ish ithanvshke, im achi ma, An chukvvlhpoba ushi puta ka pehlichit ish ipihintashke, im achi tok.

16. Anonti atukla ma, Saimon, Chonas ushi chia hvv is sa hullo cho? im achi ma, Ahlishke, Chitokaka ma! chi hullo li hoka, chishno vt ish ithanvshke, im achi tok: mihma, An chukvvlhpoba puta ka pehlichit ish ipihintashke, im achi tok.

17. Ont atuchina ma, Saimon, Chonas ushi chia hvv is sa

hullo cho? im achi ma; ont atuchina mak o, Is sa hullo cho? im achi hatuk o, Pita yash osh nukhaklot taha tok. Yohmi mvt, Chitokaka ma! nan okluha ka ish ithanvshke, chi hullo li hoka chishno vt ish ithanvshke, im achi tok. Mihma Chisvs vt, An chukvhlhpoba puta ka pehlichit ish ipihintashke, im achi tok.

18. Ahlishke, ahli mak o chim achi lishke, Chi himita mvtto chishno inlit il ai vskofachehit, chishno ish ahni hosh kanima ish gya beka tok: yohmi kia ont a chi sipokni hayokmvtto, chibbak a ish wakeli na inla hosh chi vskofachechi cha, kanima ish aiahni keyu kia, chisht gya hi oke, im achi tok.

19. Ai ili kaniohmi ho Chihowa ha isht a holitoblichha he ak o, anoli hosh ilvppa anumpuli tok. Mihmvt ilvppa anumpuli mvt, Is siakaiyashke, im achi tok.

20. Mihma Pita yvt filemvt, nan-ithvna achvfa Chisvs vt holitobli chatuk opiaka impvt maya ka ikkishi ha pit vtayvt ashvt, Chitokaka ma! chishit inla ibbak chi fohki kvtto, kaitima kak oh cho? achi tok ash osh awant gya na pisa tok.

21. Pita yvt yvmma pisa mvt, Chisvs ash o, Chitokaka ma! yohmikmvno hatak ilvppak amo katiohma chi cho? im achi tok.

22. Chisvs ash osh, Vno ak osh ahni li hokma, ilvppak okvt ahanta tuk o vla la he, yvmmvt nanta isht chi abalaia cho? Is siakaiyashke, im achi tok.

23. Yohmi ma itibapishi vhleha hvt, nan-ithvna yvmmvt ik illo ka he yatuk a, it im anolit maya tok; yohmi kia Chisvs vt, Yvmmvt ik illo ka hi a i miha tok keyu; amba vno ahni li hokma, ahanta tuk o vla la he, yvmmvt nanta isht chi abalaia cho? achi tok.

24. Nan-ithvna ilvppak a tok mak osh ilvppa puta ka atokoli cha, anonti yakohmi ka holissochi tok: yohmi ka yvmmvt nana atokolit anoli ka ai ahli ka il ithaiyanvshke.

25. Micha nana inla Chisvs vt a kaniohmi tok a lauvt a sha, yvmmak osh momvt holisso hokma, holihiso kvt yakni ak oh kia holisso hvt ai itola hi vt iksho ka hinla, vm ahobvshke. Amen.

CHISVS KLAIST

IM APOSTEL VHLEHA EVT NANA A KANIOHMI TOK.

CHAPTA I.

Klaist vt illi ha ya tok g isht annoa kaniohmi kvv vlvitvt annoa, 1. 9
Yvmmvt vba ia isht annoa. 15 Chutvs vltoba hq achvfa ka ato-
kola hi g, Pita yvt isht anumpuli.

1, 2. **TIAFILUS** ma! Chisvs vt vmmona, nana puta
a kaniohmit nan im avchit isht mahaya tok osh, vba anum-
peshi vhleha ha ilapo akinli atokoli tok vt, nana vhpisa ka
Shilombish Holitopa pulla hq isht ai ihima tok osh, vba ia
tok nitak fena ka, holisso tikba kash o, isht ai ikbi li tok.

3. Yvmmak okvt ilbvsha hayvt okchaya kvv, nana ghli
isht ikhaiyana he lava ka, yvmmak ash o ai isht im ile hai-
akvchi cha, nana kvv Chihowa ap ehlichika ya, pit ai ahalaia
puta ka isht anumpohonli ka, okla pisa na nitak pokoli ushta
tok.

4. Micha itahobit taiyahli mvt, Chelusalem g okla issvt ik
aiyo hosh; amba Iki vt nana miha tok, Yvmma hvs svm
a haklo tuk vt, pit hoyot hvsh chieyashke; achit im apesa
mvt,

5. Chan ak okvto oka yo isht baptismochi mvhli tok;
amba hvchishno vto himmak pila ha, nitak kanohmi keyuk-
ma, Shilombish Holitopa yak o isht hvchi baptisma chi hoke;
achi tok.

6. Yvmohmi na okla itahobvt chieya mvt, nan i ponaklot,
Chitokaka ma, himak foka hokvno ap ehlichika ya falamin-
chit Israel g ish ema chi cho? achi tok.

7. Mihma, Nitak, micha afvmmi puta ka, Iki vt ilapo ib-
bak akinli hq fohkit ieshi ka hvsh ithana vhpesa keyu hoke.

8. Amba Shilombish Holitopa yvt ayvt hvchim vla ha mvno, nana ai ahlika ya, hvsh esha he : yvmohmikmvt Chelusalem, micha Chutia moma, micha Samelia, micha yakni afolota ont ai vhli fena aiena ka, atokolit a na si anoli hvchia ha he mak oke ; im achi tok.

9. Mihma nana yakohmi ka anumpulit ont in taiyaha ma, oklat pisa na, vba ishtia ma, hoshonti hv i holhponayo ha ant im a luhmit ishi tok.

10. Mihma vba ia na, pit aiokchifelit shutik pilla ka pit hopokoyot hieli ma, hatak tuklot nafohka tohbi fohka hosh i bilikasi hieli tok.

11. Mihmvt yvmmak ash osh, Kalili hatak hvchia hv, nanta katihmi ho shutik pilla ka pit hopokoyot hvsh hieli cho ? Chisvs ilvppak ash fehna akinli kv hvchim eshit vba ishtia ka, kaniohmit vba ia ho hvsh pisa tuk a yvmmak inli ho chohmit ayvt vla hi oke ; achi tok.

12. Yvmohmi ma, nvni chaha Alifit hohchifo ho, yvmmak okvt Chelusalem a pit bilika nitak hullo anowa vhpesa ho asht falamvt Chelusalem a okla vla tok.

13. Micha okla ant chukowa mvt, vba potvlhpo ya yvmmak o Pita, micha Chemis, micha Chan, mikmvt Antilu, Filip, micha Tamvs, Bahlolomu, micha Mahlu, Chemis, Alfiva ushi, mikmvt Saimon Selotis, micha Chutvs Chemis itibapishi aiena kv ai asha tuk o pit oiyat taha tok.

14. Ilvppak osh momvt ohoyo puta, micha Meli Chisvs ishki, micha itibapishi vhleha hatuk aiena ka ai itapehvt im anukfila ai achvft vba pit anumpulit, nana asilhha aiena kv ik isso hosh aiasha tok.

15. Atuk o nitak yvmma foka ma ! nan ithvna vhleha hohchifo holhtina kv tahlepa achvfa cha pokoli tuklo foka hosh itonahvt chieya ho, Pita yvt iklvna wakayvt hikia cha,

16. Hatak itibapishi li vhleha ma ! Shilombish Holitopa yvt tikbanli, Lewi ash itakha ai isht Chutvs a isht anumpuli tok o, Chisvs okla ishi ka in tikba hika tuk a, ik kaniohmi kia holisso ilvppvt ai ahli tuk pulla hoke.

17. Yvmmak okvt hv iba holhtiena cha, anonti nan isht vta ilvppa pit ahalaia ka ieshi hatuk,

18. Micha hatak ilvppvt yoshoba isht vltoba tuk a osapa yq ishit chumpa tuk; micha itihpelvt akivt, iklvna mitafa na, iskuna puta kashot momvt kocha pit fohopa tok.

19. Yvmohmi ka Chelusalem okla aiasha kvv momvt akostininchit tuk; yohmi hatuk o osapa yvmvvt ilap im anumpa ya, Esiltama hohchifo, yvmvvt osapa issish achi hoke.

20. Micha ataloea holisso ha a holisso kvv, Yvmvvt ai ahanta yatuk a ik chukilissá, yohmikma hatak nana kia yvm-mak ash ik ai ahanto kashke; micha, Nana ai isht vtta yatuk a, inla yosh ishashke; achishke. •

21, 22. Yvmohmi hoka, Chitokaka Chisvs vt pi takla vttot aya, Chan a im a baptismo chash, vhlit mintit a hypim eshi na vba ia nitak fehna ai yla ka, hatak yakohmi kvv pi apelvvt, aya na bilia tok okvt, yvmvvt falamvt tani tuk a, atokowa pib ai anola chi kvv, achvvt vltoka pullashke; achi tok.

23. Mihma hatak tuklot, Chosef osh Basabvs hohchifo hosh, hohchifo apunta kvv Chvstvs o, anonti Mathlaivs aiena ho, okla hiohlichit tok.

24. Micha okla vba pit anumpuli mvv, Chitokaka hatak moma chukvsh a ithaiyana chia hokvt, tuklo ilvppa kani-mampo kak o, ish atokoli hatuk okmvv ish otvvinchit na,

25. Nan isht vtta ilvppa, micha vba anumpa isht vtta pit ahalaia aiena, yvmmak atuk o, Chutvs vt ilap ai vtta ya ia chin cha, yoshoba cha issa tuk oka, ieshashke; okla achi tok.

26. Micha okla nashoeli bohli tok; mihma nashoeli ash ot Mathlaivs ak o onvtula na, yvmmak osh vbanumpeshi anah-chvfa kash iba holhtiena tok oke.

CHAPTER II.

Vbanumpeshi vtleha hvv Shilombiah anukfohka fehna mvv, anumpa haiyuka anumpuli, 1. 14 Pita yvt vbanumpa isht anumpuli.

1. ATUKO Pentekost nitak vt ont vlvpiesvt taha ma, momvt im anukila ai achvvt mih achvfa yq chieya tok.

2. Yvmohmi ma ashalika mahli kvlllo chinto chiyuhmit, vba ya fopa hosh mintit vla cha, aboha anuka okla aiasha tuk ash ant alotolit kaiyanchi tok oke.

3, 4. Yvmohmi ma, isunlvsh chuhlahli kvv luak o chiyuhmi hosh ant i haiaka, micha achvfaiyuka ant onvtoyula tok; yvmohmi na, moyumvt Shilombish Holitopa yvt isht anukfohkvv alota ma, anumpa inla puta anumpula hi a, Shilombish vt apelahanchi na, okla anumpulit ishtia tok oke.

5. Yvmohmi ma Chelusalem a Chu vhleha, hatak hopoyuksa puta, oklushi moma shutik nuta ka aiasha ka a minti hosh, aiasha tok.

6. Mihma ilvppak ashot annovt takakanli ma, okla laua yvt ant itahoba cha, ilap imr anumpa aiyyuka yo, ai anumpulit maya na, hatak momvt haklo hatuk osh, okla anukhlakancha tok.

7. Micha momvt okla nukhlakancha mvt, okokko! ai ahni mvt, Ilvppa anumpulit maya kvv momvt Kalili okia keyu ho?

8. Micha nanta katiohmi ho hatak moma kvv il a toba tok pim anumpa akinli ho, e hahaklo cho?

9. Patia okla, micha Mit okla, micha Ilam okla, mikmvt Mesopotemia, micha Chutia, anonti Kapatosha micha Pontus mikmvt Asia,

10. Fichia micha Pafilia Echip, mikmvt Libya pilla Sailini foka aiena aiasha puta, micha Chu vhleha, mikmvt ai ibvlhto puta, Lom mintit itvnowvt aya,

11. Klit okla, micha Alabia okla puta kashot, Chihowa i na fehna ka, pishno pim anumpa ho okla isht anumpuli na eho haiyakloshke; itim achit maya tok.

12. Micha okla momvt nukhlakancha mvt, ik ai akostinicho chohmi cha ilvppvt, Katiohma hinla hosh yakohmi ho? itim achit maya ma,

13. Anonti inla ka mvt isht yopulvt, Hatak yakohmi kvv oka paki himona yo yvmmi hoka; achi tok.

14. Yohmi kia Pita yashot, auah chvfa kash ibafohkvv hikia cha, im anumpa vba takalichit, Chutia hatak hvchia,

micha Chelusalem aiasha hvchia, hvsh moma kv̄t, ilvppa oh ithaiyana cha, v̄m anumpa h̄a hvsh haponaklashke.

15. Yakohmi kv̄t nan ishkot haksi h̄o keyu, chishno yokvto yohmi h̄o hvchim ahoba kia nitak hvshi isht v̄lh̄pisa ont atuchina hoka.

16. Amba ilvppvto hopaii Choel vt isht anumpo-honlit,

17. Nitak himmaka pilakma yakohma hi oke: Nipi puyuta ka v̄mi shilombish ma ai isht o fohohompli la hi oke: yohmikma hvch iso nakni v̄hleha, micha hvch iso tek puta kash ot v̄ba anumpa isht anumpulikma, anonti hatak hvchi himithoa puta kash ot nan isht ahoba pih̄isa he; yohmikma hatak hvchi sipokni puta kv̄t holhpokunna ma holhpokohuna hi oke.

18. Micha nitak yv̄mma fokakma, an tishu v̄hleha, micha ohoyo an tishu moyuma ka v̄mi shilombish a o fohohombli la he; yohmikma v̄banumpa isht anumpula hi oke.

19. Micha v̄ba shutik a nana fehna ka a haiakahanchi lik-mvt, anonti aka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka i nitak chinto holitopa kv̄t ik lo k̄isha h̄o, hvshi ash ot okhlili h̄o tobakma, hvshi ninak aya ash ot issish toba hi oke.

21. Micha yakohma hi oke, Kv̄na kia Chitokaka hohchifo h̄a pit hochih̄ifokmvt okchaya he mak oke; Chihowa yvt ahanchishke: ahanchi tok mak oke.

22. Israel hatak hvchia hv̄t, anumpa yakohmi ka hvsh haiyaklashke; Chisvs Nasalet ai v̄tta, Chihowa yvt ai ahniechi hatak osh, hvch itintakla ahanta ma, yv̄mmak o Chihowa yvt isht ahullo, nana fehna, micha nan isht ahoba puyuta ka isht hvch itintakla ma, a yv̄mihinchi tuk a, hvchishno akinli kak kia hvsh ithainayvshke.

23. Yv̄mma Chihowa yvt nan tikbanli pit akostininchi, micha ik kaniohmi kia yohma he ma im anukfila cha, issa tok pulla hatuk mak o, hvsh ishi cha, ibbak haksi yash isht iti taiyukhv̄na a takalichit hvsh bi tok.

24. Yv̄mma Chihowa yvt illi na-hotopa puta ka hotoffi

cha, tanichi tok: yummak oka yummvt a foka he vhpesa keyu hatuk oka.

25. Lewi yvt yumma isht anumpuli mvt, Chitokaka yvt sa nashuka itikba ya hikia na, pit pihisa lichatuk. Ik sa kanvillo ka hi a, yummak okvt subbak isht impak imma ya hikia hoka:

26. Yohmi hatuk o, sa chukvsh vt na yukpa ma, anonti sa sunlvsh vt yukpa tok: yohmikma sa nipi ak kia nan ahni iksho hosh foha hi oke.

27. Umi shilombish a aiokpuloka ya ish a kancha he keyu hokvt, anonti chj Holitopa tuk ash kia ant toshbit ik taha, ish im ahna he keyu boke.

28. Chishno yvt ai okchaya hina puta is sum otunichi tok; chishno vt chi nashuka ya, isht yukpalit is si alotola hi oke; ahanchi tok.

29. Hatak il itibapishi vhleha ma! nukwaya ikshot hatak iki chinto Lewi atuk osh illi cha hollopi aiena tok o, im ahollopi yvt hvp itin takla ya hikia na himak a nitak fehna hatuk a, isht hvchim anumpohonli lashke.

30. Yomohmi ka hopaii atuk, micha Chihowa yvt, nipi okvto yumma isht atia ka yo, Klaist a ai ikbit yumma im ai asha holitopa tuk ash, ai o binila chj mak o, hilecha hi vt, anumpa kullo isht ai im il apihisa tok a, ithaiyana tok oke.

31. Ilvppa tikbanli akostinichi hatuk osh, Klaist vt fala-mvt tana hi a isht anumpuli mvt, ilap imi shilombish a aiokpuloka ya ik im a kancha ma, anonti nipi yvt toshbit ik taho ki tok aiena ka, miha tok oke.

32. Chisvs ilvppa Ohihowa yvt tanichi tuk o, yumma atokowa naa anoli pi bieka mak osh e hielishke.

33. Yohmi ka Chihowa im ibbak isht impak imma a binilit holitopa, micha Shilombish Holitopa im ihisa tak ash, Iki ya im ai ihishi aiena hatuk makosh, ilvppa auct fohohombli na, himonasi ka mihamak o hvsh piaa, micha hvsh hahakloshke.

34. Lewi yvt vba shatik a ona tok keyu hoka; yohmi kia ilapinli kv, Chitokaka yvt an Chitokaka ya, Subbak isht impak imma ya ish binili na,

35. Chin tump vheha hā chiyi ai o hikia ikbi lashke ; im achi tok, ahanchi tok.

36. Yvmohmi hoka, Israel okla moma kv̄t, Chisvs iti itai-yukhvna hvsh a takalichi chash fehna ka, Chihowa yvt yvm-mvt Chitokaka, micha Klaist aiena mak o, ikbi tok a, ithai-yana pullashke ; im achi tok.

37. Yohmi ma ilvppa okla haiyaklo mvt, chukvsh vt nuk-haklo fena mvt, Pita, micha vbanumpeshi inla aiena kash o, Hatak il itābapishi vheha ma ! nantak o e katiohma chī cho ? im ahanchi tok oke.

38. Yvmohmi ma Pita yashot, Hvsh moma kv̄t ile kosti-ninchit, nan ai ashvchika puta isht kashofa chī ka, Chisvs Klaist hohchifo hā, im a hvchi baptismashke ; yohmikmvt Shilombish Holitopa holhpila ka hvsh isha he mak oke.

39. Anumpa hv̄t hvchishno, micha chim vlla puta aiena, micha auct hopaki pilla aiasha ka moma, peh laua kv̄t kaniohmi hō Chitokaka hvpin Chihowa yvt pit hoyā hi a, im aya hoka ; im ahanchi tok oke.

40. Micha anumpa inla mvt laiyawa hō, isht im anumpu-lit, anonti atohnohonchi mvt, Aivlhpesa iksho isht ai unchu-luli vheha ilvppa hvsh ai ile mokofashke ; ahanchi tok oke.

41. Yvmohmi ma im anumpa hā na yukpvt ihishi tuk puta kv̄t baptismo tok ; yvmohmi na nitak yvmmak inli ka hatak tablepa sipokni tuchina fokvt ibvlhkaha tok oke.

42. Yvmohmi cha vbanumpeshi vheha im anumpa hash, micha itī hullo aiena, micha pvska boshullichī, mikmvt vba pit anumpuli aiena kv̄t kullo fenhvt ahāshwa tok.

43. Yvmohmi ma hatak moma ka nukshopa hv̄t onvtu-yula tok ; mihma nana fehna, micha nan isht ahoba laua aiena kv̄t vbanumpeshi vheha hash isht a yvmohmi tok.

44. Yvmohmi ma na yimmi tuk vheha hv̄t momvt ai it achvfa mvt, anonti nana puta ka ai i moma hosh ai asha tok.

45. Micha im osapa puta, vlpoyak aiena kash okla kam-pela cha, hatak mominchit hatak vt nana hō bv̄nna hatuk aiyuka ka, i hopela tok.

46. Micha im anukfila mvt ai achvft, Tempel anukaka ya, nitak moma ai ahāshwa, micha chuka taloha puta ma,

puska a boshullichit itvnowa aiena mut, chukvsh ai ahlit na yukpet im ilhpak ma vpet aiashvt,

47. Chihowa ya ai okpahanchi ma, okla moyuma kv ahniechi tok. Yvmohmi ma okchaya he puta kano, Chitokaka yvt nitak moyuma ka vbanumpuli iksa ya isht ibakanli tok oke.

CHAPTA III.

Pita, Chan ita tuklo kv hatak imomokpulo hlakofichi tok o isht anoa, 6.

1. YOHMI ma Pita, Chan ita tuklo kv hvshi kanvlli isht vlpisa chakkali ho, vba pit ai anumpuli hvshi kanvlli hatuk o, tempel a itiachit ont chukowa tok.

2. Yvmohmi ma hatak vt imomokpulo yosh vta tok o, yvma okla iti sholit, tempel a, okla ont a chukowa ka, nanasi kia im asilhha chi ho, nitak uha tempel okhissa, yvmvt hohchifo mut aiukli achi ho, ont okla bohyuli beka tok o;

3. Yvmak ashot, Pita, micha Chan ita tuklo kv tempel a pit chukovt okla chi ho, pisa mut nanasi kia asilhha tok.

4. Mihma Pita yvt Chan ash awant yvmak ash aiokchifelit pihisa mut, Auet pi pesa, achi tok.

5. Yohmi ma yvmak ashot nana ho im a habena chi ka, im ahoba mut im atia tok.

6. Mihma Pita yashot, Tvli holisso, micha tvli holisso lakna aiena hokvto ik svm ikshoshke: amba nana ho ishi li kvto chima lishke: Chisvs Klaist Nasalet ai vta hohchifo pulla ka, wakaya cha nowa, achi tok.

7. Mihvt ibbak im ishtimpak imma ya halvli cha, wakeli tok: mihma ashalika iyi, micha iyi imoksak foni puta aiena kash ot hlampkot toba tok.

8. Mihma yvmak ash ot balaklit tanit hikia cha, nowa tok: mihvt nohovt, anonti mullit, Chihowa ma pit aiokpahanchit, yvmak ash awant Tempel a ont chukowa tok.

9. Mihma okla momvt yummvt nohowa, micha Chihowa pit aiokpahanchi aiena ka, piesa tok.

10. Mihmvt yummak osh na habena chi hosh tempel okhissa aiukli a gsha beka tuk a, okla ithana tok: nana kv̄t ai i yakohmi tuk a, okla okokko! ahnit anukhlakanchvt kv̄nia tok.

11. Micha hatak imomokpulo hlakofi tuk ash ot Pita, micha Chan ita tuklo ka halanli ma, okla moma kashot okokko! ahni fehvt, o yihlept Solomon im apishia achi ho nutaka ya, ont ai itahoba tok.

12. Yvmohmi na Pita yvt pihisa mvt, okla hash im anumpulit, Israel hatak hvchia hv̄t, nanta katihmi ho ilvp-pa isht hvchi anukhlakancha cho? Micha nanta katihmi ho pishno nan isht a pim ghlika akinli hokmā, keyukmvt pi achukma hokmā, nana tuk osh hatak ilvppa e nowvchi tuk o chiyuhmit aiokchifeli fenvt hvsh pi pihisa cho?

13. Eblaham micha Aisak, mikmvt Chekob in Chihowa, micha hv̄p iki vhleha in Chihowa yvt Ushi Chisvs a holitobli tok; yummak oka Pailat vt ant ik iā, im ahni vhlpiesa tuk a hvchishno vt itikba hielit kanchit ibbak hvsh fohki tok oke.

14. Micha Holitopa, mikmvt Aighli aiena tuk ash hvsh kanchi cha, hatak vbi yak osh a hvchim vhlpiesa chi kv̄t, hvsh asihhla tok.

15. Micha Aiokchaya i miko ya hvsh bi tok o, yummak ash illi tuk a, Chihowa yvt tanichi tok o; yumma atokowa anoli vhleha pia mak oke.

16. Yumma hohchifo, hohchifo yumma a yimmi pulla hosh hatak ilvppa hlampkochi tuk o, hvsh pisvt hvsh ithaiyanvshke: ghli, yumma ai i yimmika pulla hosh haknip achukma aighli ilvppa, hvsh moma hvchi tikba ya a im ataiyahli hoke.

17. Yohmi ka itibapishili vhleha ma! na hvchik ithaiyano kak osh hvsh yvmohmi tok; micha hatak hvchi pehlichī vhleha ak kia yohmi akinli tuk a, himak a ithaiyana lishke.

18. Yohmi kia Klaist vt ilbrsha he a, Chihowa yvt tikba

ma i hopaii puta itih ha, nana yvmma puta ka isht anohonli tuk vt, yvmihchit ai ahlichit tok oke.

19. Yvmohmi hoka ile kostiminchit im anukfila inla hvchi anukfohkashke; yvmohmi na nitak hochukma Chitokaka itikba a mihinti kvv ahanlakma, nan hvsh ai ashvchika puta kvv hvchi kashofa hi oke.

20. Yvmohmikma tikba kash isht hvchim anumpa tok Chisvs Klaist a auet chvfficha hi oke.

21. Yvmmak oka vba shutik vt ieshi pulla na, nana okluha Chihowa yvt nitak tikba pilla mihinti ka, i hopaii hochukma puta itih ha isht anumpononli tok vt, ont ai ghla he vhpiesa hoke.

22. Moses okvt hatak pin tikba vhleha ha, Chin Chitokaka Chihowa yvt hvsh itibapishi hatuk a hopaii, vno chohmi ka ikbit hvchi hilecha he: yvmmak o nan okluha nana ho hvchim ahanchikma, hvsh haiyakla hi oke.

23. Yohmikma, yakohma hi oke: kvna hosh Hopaii yvmma i haponakla he keyukmut, okla ai ibafohka tuk vt ai okpulo kvv kvnia hi oke; im ahanchi mvhli tok.

24. Ahli, micha hopaii moma, Samuel ai vhlit minti, micha ola takla ha asht isht auehinchit anumponli kvv momvt, nitak yakohma hi oka, tikbanlit anoli akinli tok.

25. Hvchishno vt, hopaii vhleha, micha Chihowa yvt - hvpin tikba vhleha ha, nan it im apesvt Eblaham a, chishno isht chi ai unchululi ho, oklushi puta yakni paknaka aiasha kvv ai isht ilayukpa hi oke; im ahanchi tok, anumpa ha ushi hvchia hoke.

26. Chihowa yvt ushi Chisvs ikbit hilechi mvv, hvchishno ak o mominchit nan im ai ashvchika yg ai isht filvmmichit a chi yukpala chi ka, tikbanli auet chvffihinchit tok oke; achi tok oke.

CHAPTA IV.

Pita, Chan ita tuklo kvv aboha kvvlo vhlpitta tok, 1. 8 Pita yvt nukwaya iksho tok. 18 Vbanumpeahi vhleha hvv anumpa kvvlo im vhlpisa tok.

1, 2. **MICHA** okla hā im anumpulit ahashwa ma, na holitompa ish vttā vhleha, micha tempel atoni, mikmvt Satusi vhleha aiena kv̄t, yummvt hatak illi puta tana hi oka, Chisvs atuk mak o okla hā nan ikhvnanchi, micha isht anumpohonli kak o, ik im v̄lhpieso hatuk osh, ant i kocha tok.

3. Micha okla ibbak isht ieshit, aboha kv̄llo apitta na onna tok, opig hosi tok oka.

4. Yohmi kia anumpa hā hahglo tuk vt, laua hosh yimmi tok; yvmohmi ma hatak holhtina kv̄t tahlepa sipokni tahlapi foka tok.

5. Ont onna ma yakohmi tok; Okla i pehlichika vhleha, micha hatak hochitoka vhleha, micha na holissochi vhleha,

6. Mikmvt Annas, na holitompa isht asha pehlichi, micha Kaiav̄s, mikmvt Chan, micha Aliksanta, micha na holitompa isht asha pehlichi i kanomi vhleha moma aienvt, Cheluselem a ai itahoba tok.

7. Micha yummak ash o ai iklvna hiohlechi mvt, Kv̄ta hosh nan apesa tuk o, keyukmvt nanta hohchifo hō ilvppa isht hv̄sh ai yakohmi tuk oh cho? achit ponaklo tok.

8. Yohmi ma Pita vt Shilombish Holitopa isht anukfohka fehna mvt, Okla pehlichi vhleha micha Israel i hochitoka vhleha hv̄chia ma!

9. Hatak iksitopo vt nan isht il ayukpa yvt im v̄lhtaha tuk a, kaniohmi hō isht a hlakofi tuk a, himak nitak a pishno ak o p̄i ponaklo hatuk oka,

10. Hv̄chishno vt hv̄sh moma, micha Israel okla moma kv̄t hv̄sh ithaiyanashke; Ohisvs Klaist Nasalet ai vttā hohchifo pulla, yv̄mma iti itaiyukhv̄na hv̄sh a takalichi tok o il̄i tuk a, Chihowa yvt tanichi tok: yummak fehna kak o, hatak ilvpp̄t isht a hlakofi cha hv̄chi tikba yā, yak hikia hoke.

11. Tv̄li ilvppak o, chuk-ikbi vhleha hv̄chia hv̄t, ik aho-balot hv̄sh kanchi tok mak o, yummak ash ot chukbi ka nutak intola fehna toba hoke.

12. Micha ai okchaya mvt inla kia ik̄sho: shutik nutaka yā hohchifo inla ma hatak puta ka auct ai ima tok o, mihi yo il̄ ai okchaya he v̄lhpesa kv̄t ik̄sho hoka; im ahanchi tok.

13. Yohmi ma Pita, micha Chan ita tuklo kvt nukwaya iksho hq okla pihisa, micha yummvt hatak holisso imponna keyu, micha nan ik ithano aiena yatuk a, akostininchi mvt, okokko! okla aiahni tok; micha yummvt Chisvs a apehvt aya tuk a, okla im akostininchi tok.

14. Micha hlakofi tuk hatak ashot ibafokvt hikia na, okla pisa hatuk osh, yvmma okla nan isht a miha he keyu tok.

15. Amba ai itvnaha ka a kohcha chi ka, okla im apesa ha yokvto, ilap bika it im anumpulit mayvt,

16. Hatak ilvppa nanta ko eho katimihcha chi hq? na fehna ithana hinla mak o, yvmma ai isht yvmohmi mvhli tuk a, Chelusalem ai asha kvt momvt akostininchi hoka; anonti pishno vt ik ghlo, e miha he keyushke.

17. Amba okla ha ibai a chukowvt i shahlit isht ik aiyo ka he a, i nokowa fehvt, himmak a pilla ma, hatak nana kia hohchifo ilvppa isht ik im anumpulo ka hi a, iloh im apesashke; ahanchi tok.

18. Mihmvt okla pit i howa cha, Chisvs hohchifo ha isht ik anumpulo kvmohmikmvt, anonti nan im avvchit ik ahgashwo ka chi hq, im apesa tok.

19. Yohmi kia Pita, micha Chan ita tuklo kash ot, afalamинchi mvt, Hvchishno ak o a hvchi haponaklo kvt, Chihowa ya, i shahlich i kak okma, nanta kosh Chihowa itikba ya ai vhpiesa hq anukfillit ho pesa.

20. Nana ka e pisa tuk, micha e hahaklo tuk aiena kvt, isht kil anumpulo ka he keyu hoka; im achi tok.

21. Yvmohmi ma okla hatuk pulla mak o, kanimihchit a fvmma hinla kvt, ik akostinincho hatuk osh, achakalit nan i mihvt tahli mvt, ant ik ayá, okla im ahni tok; nana kvt a yvmohmi tuk a, hatak moma kvt, Chihowa ya pit isht holi-tobli hatuk o.

22. Hatak vt hopahki kvt afvmmi pokoli ushta ka atampa hq na fehna nahlakofichi ilvppvt ai i yvmohmi hatuk oka.

23. Ant ik ayá, im ahni mvno, ivt ilap ai itapeha ai asha kash itonachi tok; micha na holi-tompa isht otta vhleha, hohchitoka aiena kvt nana im achi tuk ash mominchit anoli tok.

24. Mihma yvmma okla haklo mvt, im anukfila ai achvvt,

Chihowa ya okla pit im anumpuli mvt, Chitokaka ma! chishno akosh Chihowa chia hosh, vba shutik, micha yakni, mikmvt okhvta, micha nana moma yakohmi aiasha ka ikbi tok chia hvt;

25. Lewi chim vlla itih ha isht ish ai anumpuli mvt, Nanta katihmi ho okla nan ik ithano yvt nokowa ma, anonti okla hvt nana tok keyu ka anukfillit ai asha tok oh cho?

26. Yakni miko vhleha hvt hiel ma, yohmi na pehlichihvleha hvt Chitokaka, micha i Klaist aiena ka i sanalit itahomba tok, ish achi tok.

27, 28. Ahli mvhlishke, chiso holitopa Chisvs, yvmmak o chishno vt ish il a hvmmichi tuk ash, Helot vt Pashis Pailat a ita tuklot, okla nan ik ithano vhleha, micha Israel okla aiena ka itapehvt i sanalit nana hosh kaniohma hi a, chibbak, micha chim anukfila aiena kvt, tikbanlit aiahni tok a, yvmihcha chi mak osh, okla itahohomba tok oke.

29, 30. Yvmohmi ka himonasi a, Chitokaka yvt okla im anumpa palvmmi a ish ithaiyanashke, micha hlakoficha chi kvt, chibbak a auet ish wihinli; micha nan isht ahoba puta, anonti na fehna puta aiena kvt chiso holitopa Chisvs hohchifo pulla ka isht a yvmohmi na, chin tishu vhleha hvt nukwaya iksho hosh chim anumpa ha isht anumpohonla chi ka auet ish im aiahnashke; achi tok.

31. Yvmohmit vba pit anumpulit okla in taiyaha ma, itv nahvt okla a chieya tuk ash winakahanchi tok; yohmi ma momvt Shilombish Holitopa yvt anukfohkvvt kvnia mvt, nukwaya iksho hosh Chihowa im anumpa ha okla isht anumpohonli tok oke.

32. Okla laua na yimmi tuk vhleha hashot chukvsh achvfa mvt, Shilombish mvt achvfa hosh ai asha tok; micha achvfona kia nana im aiasha kvt kaniohmi ka ilvppa vno vmmi fena, achi tok keyu; amba nana moma ai i moma hosh aiasha tok.

33. Ubanumpeshi vhleha hash ot nan ghlika chinto ka il aieshi hosh, Chitokaka Chisvs vt tani tok a atokowa okla anohonli tok: yvmohmi ma ayukpa chinto kvt mominchit onvtoyula tok.

34. Micha achvfona kia nana kv̄t ik im iksho mvt ibafoka tok keyu ; amba osapa, micha chuka kia in talohmaya aiyu-kali atuk vt, kampila cha, nana hosh nana kanchi ka it vltobā tuk puta ka, okla isht ai v̄la tok.

35. Micha yvmmak ash vbanumpeshi v̄hleha iyi ituma ya, ant ashachi tok ; yohmi na hatak vt nana ka banna ka aiyu-kali tuk a isht i holhpila tok oke.

36. Yohmi ma Choses atuk o, vbanumpeshi v̄hleha hvt Banabas hochifo tok, yvm̄mvt toshowakmvt Nana im abvchi ushi achi hoke, Lefait hatak Saip̄lv̄s yakni v̄tta vt,

37. Osapa in talaia tuk osh, kanchi cha, tv̄li holisso a isht v̄la cha, vbanumpeshi v̄hleha iyi ituma ya, ant ashachi tok oke.

CHAPTA V.

Ananaivs, Safaila itatuklo kv̄t, Pita yvt nan i miha ma, illit aka kaha,

1. 12 Vbanumpeshi v̄hleha hvt na fehna puta yvm̄hinch̄i tok.

1. YOHMI kia hatak achvfa Ananaivs hohchifo hosh, tekchi Safaila itatuklot, osapa kanchi,

2. Micha isht v̄lhtoba tuk ash kashvblit ishi tok ; tekchi ak kia im akostininchi h̄o ; micha a kashampa h̄o isht v̄la cha, vbanumpeshi v̄hleha iyi ituma ant bohli tok.

3. Yohmi ma Pita yashot, Ananaivs, nanta katiohmi h̄o Shilombish Holitopa ya ish i holabi cha, osapa isht v̄lhtoba tuk a kashvblit ish isha ch̄i ka, Setan vt chi chukvsh a anuk-fohki tok oh cho ?

4. Talaya moma mvt, chishno ak o chimmi ha tok keyu ? micha yvm̄mvt kv̄nia ha ya, chishno chibbak o foka tuk keyu ? nanta katiohmi h̄o, ilv̄ppa chi chukvsh anukaka isht chim anukfiela tuk oh cho ? Hatak o ish i holabi tuk keyu, amba Chihowa ak atuk oke ; achi tok.

5. Yvmohmi ma, Ananaivs ashot anum̄pa ilv̄ppa hahaklo mvt, aka itulvt fiopissa tok ; yohmi ma na yakohmi ka haklo kv̄t momvt nukhlakancha fehna tok.

6. Mihma hatak himita v̄hleha yosh wakayvt, nan abo-nullit isht kohcha cha, ont okla hohpi tok.

7. Mihma yummak atuk a hopaki kvt hvshi kanvlli isht vhlpisa tuchina foka hq, tekchi vt nana kvt yvmohmi tuk a, ik akostinincho hosh ant chukowa tok.

8. Mihma Pita yvt im anumpuli mvt, Yakohmi hq osapa ya hvsh kanchi tuk okma, nanakmvt, is svm anolashke; achi tok, mihma, Yau, yummak okvno; achi tok.

9. Mihma Pita yashot, Katiohmi hq Chitokaka imi Shilombish a imoma ka hvsh pisa chi kvt, hvchim anukfila hvt ai achvfa tuk oh cho? Chi hatak a hohpi tuk, micha chish-no ma isht chi kohcha chi vhleha iyi vt okhissa ya gsha ka, pisa; im achi tok.

10. Yohmi ma mih makinli hq yummak ash ot iyi ituma ya ont itula mvt fiopissa tok; mihma hatak himita vhleha yash ot ant abeha cha, yummvt illi tuk o pisa mvt, ishit kohcha cha, i hatak ont apotulit hohpi tok.

11. Mihma vbanumpuli ikxa yvt moma, micha kaniohmi hosh na yakohmi ka haklo tuk vt momvt nukshopa fena tok.

12. Yvmohmi ma vbanumpeshi vhleha ibbak a nan isht ahoba, micha na fehna aiena laua kvt okla itintakla ya isht a yvmohmi tok. Mihma momvt im anukfila hvt ai achvft Solomon im apishia nutaka chieya tok.

13. Mihma inla hokvto nukwia kvt hatak achvfa kia ik ibafohko ki tok; yohmi kia okla hokvto yumma ahninchitok.

14. Mihma na yimmi vhleha hatak nakni, micha ohoyo puta aiena kvt, laua hosh Chitokaka ya ai ibvlhkaha kvt i shahlit ia tok.

15. Yohmi hatuk o Pita yvt gyvt ont iakma shilombish ak illa kia kaniohmi ka pit o hoshontikacha hi a, abeka puta ka isht kohchvt hina puta isht onvt topa, micha topushi aiena paknaka ont okla o kahpulli tok.

16. Mihma auet abilika temaha talohmayvt fullota ka asht minti kvt laua hosh abeka puta, micha na shilombish okpulo puta isht issikkopa vhleha hatuk aiena isht gyvt, Cheluselem a ai vla tok; mihma momvt hlakofit taiyaha tok.

17. Yohmi ma na holitompa isht gsha pehlichit, micha apeha tuk vt, (yummvt Satusi ikxa yatuk osh,) momvt waka mvt, anukhobela fehna tok.

18. Mihmvt vbanumpeshi vhleha hā, okla ibbak isht ieshi cha, okla moma im aboha kvllo yō pit apitta tok.

19. Yohmi tuk kia Chitokaka im enchil vt ninak ā aboha kvllo okhissa yā ant tiwit tahli cha, pehlichit kohcha mvt,

20. Oh ia cha, ai okchaya ilvppa isht anumpa hā mom-inchit tempel anukaka yā ont hielit okla hā isht hvsh im anumpohonlashke; achi tok.

21. Mihma yvmma okla haklo mvt, onnahinli fehna tempel ā ont abeha cha, nan ithvnanchit ahashwa tok. Yohmi kia na holitompa isht āsha pehlichī vt apeha tuk ash aienvt ai vla mvt, nan apesa vhleha, micha Islael okla ī hochitoka moma ī howvt itahobi mvt, yvmmak ash isht vla chī hō, aboha kvllo ā pit tihleli tok.

22. Yohmi tuk kia nan vlhtoka vhleha hash ot ai vla cha, aboha kvllo anukaka yā, yvmmak ash ant ik a peso mvt okla falamvt ont anolit,

23. Aboha kvllo yokvto vlhkama achukma bano, yohmi ma apistikeli yvt okhissa puta itikba kocha yā hielī hō, ont e pisa ho mvhli tuk, yohmi kia e tiwi mvt, hatak nana kia anukaka yā āsha na ke peso kano; ahanchi tok.

24. Yvmohni ma na holitopa isht āsha pehlichī ī shahli micha tempel atoni, mikmvt na holitompa isht āsha pehlichī vhleha aiena kv, na yakohmi ka haklo mvt, nana ak o ilvppvt ont ai vlhpiesa hinla ka, ik ai akostininchot okla aia-sha tok.

25. Yohmi ma achvfa kv gyvt okla hash ant im anohonli kv, Yakeh! hatak aboha kvllo pit hvsh apitta tuk ash o tempel anukaka yā hielit, okla hā nan im abahanchishke, achi tok.

26. Yohmi ma nan atoni ash ot, nan vlhtoka vhleha hash itvpeha cha ia mvt, okla hā ī nukshopa, yvmmak keyukmvt, teli okla isht boa hinla hatuk osh, yvmmak ash o nan ik kan-ihcho hosh ont pehlichit vla tok.

27. Ont okla pehlichit vla mvt, nan apesa vhleha itikba yā hiohlichī tok: yohmi ma na holitompa isht āsha pehlichī yvt im a ponaklot,

28. Hohchifo ilvppa isht im avvchit hvchik ahanto ka hi

g, kullochi fehntv okla e chim apesa tuk keyu ? Yohmi kash o Cheluselem g hvchim anumpa isht ai alotolit hvsh kaiyanchi ; yohmi mvt hatak ilvppa im issish g pishno ak o isht pi onochi hvchi bvnvshke ; ahanchi tok.

29. Yohmi ma, Pita, micha vbanumpa isht vtta vhleha inla aiena kashot afalaminchi mvt, Chihowa yak o il im antia kvv hatak g, il i shahlicha he tuk oke.

30. Hvpin tikba puta in Chihowa yvt, Chisvs yvmma iti a takalichit hvsh bi tuk g, tanichi tok.

31. Yvmmak o Miko, micha Nan okchalinchi aiena cha, ilekostoninchi Islael g anukfohki, micha ai ashvchika aiena ma kashofa chi ka, Chihowa yvt ilap ibbak ishtimpak imma ya isht holitobli tok oke.

32. Yvmohmi ka pishno ak osh nan ilvppa puta ka isht im a atokowvt anoli pia ; yohmikma Shilombish Holitopa, yvmma Chihowa yvt im antia vhleha hg ima tok g, yohmi akinli hoke ; achi tok.

33. Yvmma haklo mvt, okla anukhobela fehna mvt, vba chi kvv, isht anumpulit maya tok.

34. Mihma achvvt Falisi hatak, Kameliel bohchifo, nan vhpisa ikhananchi, okla momvt i holitopa cha tuk o, nan apesa vhleha itin takla ya hikia mvt, vbanumpeshi vhleha hash, chekosi takla ka kocha pit ashacha chi ka, miha tok.

35. Yvmohmi mvt, Islael okla hvchia hvv hatak ilvppa imma yo, nana kanihcha chi ka, hvsh aiahni hokvto, ahah ! isht hvsh il aiahnashke.

36. Himak nitak takla ka, Hlutas vt ilap ak osh hatak fehna mak o, mihvt ahanta na yvmma hatak holhtina kvv tahlepa ushta fokvt iba kaha tok o ; yvmmak ash o vbi ma, im antia vhleha hatuk ash ot momvt, ita fimimpvt, ont aiok-pulokvt taha tok.

37. Chutvs Kalili hatak osh hatak ilvppak ash achkvv, okla holhtinvv maya nitak ash ahanta cha, okla lava ka isht il akanvllichi tok osh, yvmmak ash kia illi tok : yohmi ma kanihmi hosh im antia tuk vt, momvt itatiapvt taha tok.

38. Yvmohmi hoka, Hatak ilvppa nan isht hvchik ahalaio hg, peh ght ik itvnowa ; chim ahanchi lishke Anumpa, mi-

cha, nan isht vtta aiena ilvppvt hatak atuk okma, ont aiok-pulokvt taha chi hoka.

39. Amba yvmma Chihowa yak atukmvno, ai okpvnit hvsh kancha he keyushke. Yvmmak keyukmvt, Chihowa yak o itibi hosli hvsh ahgshwa na hvchi ahayucha hinla hoke ; im ahanchi tok.

40. Mihma, vhpesa okla im ahni tok. Micha vbanumpa isht vtta vhleha hash i howa cha, fvmmit ashachi mvt, Chisvs hohchifo ha okla isht ik anumpolo ka chi ka, im apesvt taiyahli cha, kvnompit tihleli tok.

41. Yohmi ma yvmma hohchifo pulla ho na hofahya ka isht ile pisa he a, ont ai vhpiesa tuk vt, na yuhukpvt nan apesa vhleha itikba ya asht okla ia tok.

42. Micha nitak moma tempel anukaka, micha chuka taloha moma ka, nan im avvchi, micha Chisvs Klaist isht anumpuli aiena kvv okla ik isso tok.

CHAPTA VI.

Vbanumpeshi vhleha hvv hatak ilvsha ithana, micha anumpa ha isht anumpuli aiena, 1. 5 Hatak vltoka untuklot vltoka tok.

1. NITAK yvmmak foka, nan ithvna vhleha hvv laua kvv isht i shaht taha ma, im ohoyo vltakla puta ka nitak moma nana iti hopela ya ahaksichi beka hatuk o, Klik okla hvv Heblu okla ha nanumachit aiasha tok.

2. Yohmi ma avvhtuklo kashot nan ithvna vhleha laua kash itahobi cha, Chihowa im anumpa ha il issa cha, ai im-pa yak o isht il ai gshwa he, vhpesa keyushke.

3. Yohmi hoka il itibapishi vhleha ma ! hvsh ai itvpeha ya hatak untuklo annoa achukma chatuk, nan imponna, micha Shilombish Holitopa anukfohka aiena ho hvsh atokoli na, yvmmak o nan ai isht vtta ilvppa e hiehlechaashke.

4. Amba pishno ak okvto, vba pit anumpuli, micha anumpa isht vtta aiena kak o, kil isso kvvohma chi hoke ; achi tok.

5. Yohmi ma okla lava kash ot momvt anumpa ha aiok-

panchi tok. Yohmi mvt Istefin hatak na yimmi, micha Shilombish Holitopa yvt anukfobka fehna, micha Filip, micha Pokolvs, mikmvt Naikena, micha Taimon, micha Paminvs, mikmvt Nikolis vbanumpa nukfobka Antiak ai vtta aiena ho, okla atokoli cha,

6. Yvmma puta kash o vbanumpeshi vhleha itikba hiohlechi tok. Mihma okla vba pit anumpuli mvt, ibbak isht umbitepa tok.

7. Yohmi ma Chihowa im anumpa hvt isht i shahlit ia ma, Cheluselem a nan ithvna vhleha holhtina laua kvv i shahlit ishtia fehna tok; yohmi ma na holitempa isht asha lawa fena kvv ayimmika ya im antivt aiasha tok.

8. Mihma Istefin vt ayimmika, micha isht ai ahlika aiena kvv isht alota mvt, nan isht ahoba chinto, micha nafehna aiena ka, okla itin takla ya a yvmihinchi tok.

9. Yvmohmi ma sinakak Laibatin okla i sinakak achi ho, asha yatuk, micha Sailini okla, micha Aleksantia okla, mikmvt Silisia, micha Asia minti aiena kaniohmi kvv, Istefin a itim anumpulit hieli tok.

10. Yohmi kia chukvsh, micha ahopoyuksaka aiena ho isht ai anumpuli hatuk ash, okla nan isht a miha he keyu tok.

11. Yohmi mvt hatak lumvt tohno na, Yvmmak ashot Moses, micha Chihowa aiena ka ik ahobalot isht anumpohonli ka, e haklo kano; achi tok.

12. Mich a okla puta, mikmvt i hochitoka vhleha micha holissochi vhleha aiena kash okla ilhkolihinchi na, okla i kohcha cha yvmmak ash ishi mvt, nan apesa vhleha ha isht im ona tok.

13. Mich a hatak nana aholvbi ya hiohlechi na, yvmmak ash ot, Hatak ilvppvt aholitopaka ilvppa, micha nan vlvh-pisa aiena ka, anumpa ik ahobalo isht mihachi kvv ik issoshke.

14. Chisvs Nasalet ai vtta ilvppvt ilvppa okpvna he, micha nan vlvh-pisa puta Moses vt hvv ima tok a inlvcha he, ilvppvt achi ho, okla e haklo kamo; achi tok.

15. Yvmohmi ma, itvnahvt maya kash ot momvt yvmmak

ash aiokchifeli fehnvt pisa ma, nashuka mvt enchil nashuka
yō chiyuhmi na, pisa tok oke.

CHAPTA VII.

Istefin g im asilhvchi hatuk o isht il anumpuli.

1. YUMOHMI ma na holitompa isht asha pehlichī ashot, Nana kv̄t yakohmi hō mvhli cho ? achi tok.

2. Mihma yvm̄mak ashot, Hatak itibapishi li v̄hleha, mi-
cha an tikba puta ma ! hv̄sh haiyaklashke. Pin tikba Ebla-
ham vt Chalan g, ont ik vtto k̄isha hosh, Mesopotemia ak o
anta moma ma, Chihowa holitopa yvt ant i haiaka tok.

3. Mihmvt yvm̄mak ash o, Chī kanomi v̄hleha i filv̄mmit,
chī yakni g a kohchvt ḡyvt, yakni chi pisachi la chī ka, ish
lashke ; im achi tok.

4. Mihma Kaltia okla i yakni ash a kohchvt minti cha,
Kalan ak o ant ai ahanta tok. Atuk o īki vt illi ma, yvm-
mak ash o a wihachit yakni ilv̄ppa himonasi hv̄sh ai ah̄ashwa
ka, isht v̄la tok.

5. Ulla yvt ik im iksho k̄isha ma, ilap micha isht ai-un-
chululi aiena ka, yvm̄mvt immi ha he mak o, ima hi okvt, i
miha tok nana kia, a binila hi g peh iyi p̄rtha a habli achv̄fa
kia, ilap g ik emo ki tok.

6. Micha Chihowa yvt yakohmichit anumpuli tok : Yvm-
ma isht ai unchululi v̄hleha hv̄t yakni inla ai itv̄nowa he ;
yohmikma okla yukachit ilbv̄shahanchi na, av̄m̄mi tahlepa
ushta he.

7. Yohmikma oklushi nana hō i yukvt ah̄ashwa tukma,
yvm̄ma na kanichi la hi oke ; yohmi ha mv̄no, okla kocha
wiha cha, ilv̄ppa ant a si aiokpahaneha hi oke ; Chihowa
yvt achi tok.

8. Mihmvt hakshup tv̄pa nan v̄lh̄pisa ka ima tok. Atuk
o Eblaham vt Aisak g ikbi cha, nitak isht untuchina ma,
hakshup tv̄bli tok. Atuk o Aisak vt Chekob g ikbi tok o,
Chekob vt hatak p̄iki hochitoka auah tuklo ka ikbi tok.

9. Yohmi tuk o, hatak īki hochitoka yash ot Chosef g i

nukkilli hatuk osh, nan isht chumpvt Echip a pit kanchi tok; yohmi kia Chihowa yvt awant anta tok.

10. Micha nan isht im a palvmmi puta ka mominchit ai isht kohchi cha, Echip miko Feleo a itikba ya aholitopa, micha nan imponna aienvt ahanta chi ka, ima tok; yohmi na yvmmak ashot Echip yakni, micha in chuka moma pehlich i ikbi tok.

11. Yvmohmi ma Echip yakni moma, micha Kenan aiena ka na hohchvfo, micha na palvmmi chinto aiena kv onvtu-yula-tok; yohmi ma hvpin tikba vhleha hashot nan ilimpa nana kia ik ahayucho ki tok.

12. Yohmi kia Echip a tanchi vt asha na Chekob vt haklo mvt, hvpin tikba vhleha ak o vmmona ka pit tihleli tok.

13. Atuk o ont atukla kak o, Chosef vt itibapishi vhleha ha im il anoli tok. Yohmi ma Chosef i kanomi vhleha hatuk vt Feleo a im annoa tok.

14. Yohmi ma Chosef vt iki Chekob, micha i kanomi vhleha moma kv, hatak pokoli untuklo akucha tahlapi ho, pit hoyo hosh, pit chvffichi tok.

15. Yohmi na Chekob vt Echip a ona tok osh, ilap ash, micha hvpin tikba vhleha aienvt illi tok.

16. Yvmohmi na ishtvt Saikam a isht ona cha, Eblaham vt ahollopi Saikam iki, Ema ushi vhleha ha tvli holisso isht in chumpa tok a, ont fohki tok.

17. Yvmohmi kash o Chihowa yvt anumpa kv llo Eblaham a nan isht ai im apihisa tok, nitak vt ai ona het mahaya ma, okla hashot Echip a a laua kv i shaht isht mahaya na,

18. Miko inla Chosef a ithana keyu hosh hikia tok.

19. Yvmmak ash osh hvpi kanomi vhleha ha haksichi mvt, hvpin tikba vhleha hash o ilbvshachi, yvmohmi cha okchayvt ik mayo ka chi ka, im vllo si a isht kampila beka tok.

20. Yvmmak foka ma Moses vt vta mvt, aiukli fehna, yvmohmi cha iki in chuka ya hvshi tuchina ho, a pishi tok.

21. Yvmohmi tuk o kocha kanchi ma, Feleo ushetik vt eshi cha, ilap ushi a chi ho hofantichi tok.

22. Yvmohmi ma, Moses vt Echip okla nan ai ithana

puta ka mominchit ithaiyana, yvmohmi mvt anumpa puta, micha na fehna puta aiena ka isht anta imponna tok.

23. Yvmohmi tok osh hopaki kvt afvmmi pokoli ushta ont vlhpiesa mvt, itibapishi Israel ushi vhleha hā ī nowvt aya hi oka, chukvsh anukfoyuka tok.

24. Yvmohmi tok osh, achvfvv nan vlhpesa keyu hō isht ilbvsha na pisa mvt, yvmmak ash apelvchi, yohmi cha, issik-kopa tuk ā atobbit, Echip hatak ash vbi tok.

25. Yvmma ibbak ak o Chihowa yvt isht hlakoficha hi ā, itibapishi vhleha hvv okla akostininchi hatuk ā, im ahoba hatuk kia, okla ik akostinincho ki tok.

26. Yvmohmi tuk o nitak ont atukla ma itibi hosh ash-wa ma, yvmmak ashot ont ī haiaka cha, itin nanaiyvcha chī hosh, Hatak, itibapishi hvchia hoke; na katihmi hō hvsh iti okpvni cho? ahanchi tok.

27. Yohmi kia in chuka panta hatak okpvni tuk ashot, Kvta hosh na pi pehlichī, micha na pim apesa aiena ka chik-bi tuk o?

28. Pilashash Echip hatak ish bi tuk vt, is sa chomicha chī hō? achi mvt, naksi ka pit tobli tok.

29. Yohmi ma ilvppa ahanchi ka, Moses vt kvnia cha, hatak nowvt aya yosh, Matian yakni ya ahanta hosh, yvm-mak o ushi tuklo ka ai ikbi tok.

30. Atuk o afvmmi pokoli ushta kvt ont taha ma, Chitokaka im enchil vt yakni haiaka nvni chaha Saina ya bv-faha anuka luak libbi hō, ant im a haiaka tok.

31. Moses vt yvmma pisa mvt, na pisa kvt okokko! aiahni tok; micha akostinincha chī hosh bilika ona ma, Chitokaka im anumpa hvv im vla kvt,

32. Uno akosh chin tikba vhleha ya in Chihowa sia, Eblaham ā in Chihowa, micha Aisak ma in Chihowa, micha Chekob ā in Chihowa sia mak oke; ahanchi tok. Yohmi ma Moses vt wvnihinchi mvt, atokowvt pisa nukwia tok oke.

33. Yvmohmi ma Chitokaka ashot, Shulush ā chiyi ish a shuelashke; ish a hikia yvmmvt yakni holitopa hoka.

34. Um okla vhleha Echip ai ahgshwvt ilbvsha ka pisa kvt pihisa li: micha okla yahaya ka hahaklo li chatuk;

yvmohmi cha kocha weli la chi hosh aka minti lishke. Yohmi ka minti, chishno ak o himonasi a Echip a pit chi chvffichi lashke; im achi tok.

35. Moses ilvppa, okla shitilema cha, Kvta hosh na pehlich, micha nan apesa aiena ka chikbi tok o? ahanchi tok ash fena akinli ka, na pehlich, micha na hlakofichi aiena ka, enchil bvfaha anka ai i haiaka ka ibbak o, Chihowa yvt isht a pit chvffihinch, tok.

36. Mihma na fehna, micha nan isht ahoba puta aiena ka, Echip yakni, micha okheta humma, mikmvt afvmmi pokoli ushta ho yakni haiaka ya, isht a kaniminch, hosh, yvmma pehlichit kohcha tok.

37. Moses ilvppak osh Israel ushi vhleha ha, Chihowa hvchin Chitokaka yvt hvsh itibapishi hatuk a, hopaii vno chohmi ho, ikbit hvchi hilecha he; yvmmak o hvsh i haponakla hi oke; im ahanchi tok oke.

38. Ilvppak osh yakni haiaka okla ai itvnaha ka ibafohka, enchil vt nvni chaha Saina ya ai im anumpuli ka awant anta; micha hvpin tikba vhleha ma ibafohka tok; yvmmak osh isht ai okchaya, nan vlpisa puta ka hvv ima chi kv, ishi tok mak oke.

39. Yvmmak o hvpin tikba vhleha hvv im antia he keyu hosh, amba naksi ka pit tobli cha, chukvsh vt falamvt Echip a ia mvt,

40. Alon ash o Pi tikba ilhkola chi ka, Chitokaka puta ka, pim ikbi; Moses ilvppa pi pehlich Echip yakni ai isht pi kohchi ano, nana mak osh isht a kaniohmi tuk chishba, kil ithaiyano hoka, im ahanchi tok.

41. Micha nitak yvmma foka ma, wak ushi okla ikbi cha, na holba toba yash nan isht aiokpvchi ya, isht im ai vla cha, ilap ibbak nan ikbi tuk a isht il ai yukvvt aiasha tok.

42. Yohmi ma vba fochik puta ka, okla aiokpvcha chi mak o, Chihowa yvt isvt i filvmmi tok. Hopaii vhleha i holisso ha a holihiso kv, Israel in chuka achvfa vhleha hvchia ma! afvmmi pokoli ushta ka yakni haiaka, nan vlpoba nipi puta, micha nan isht ai okpvchi puta aiena ka, isht hvv sum ahanla cho?

43. Amba Molak im vltipo a, micha Limfan chin Chihowa i fochik aiena, na holba hvsh aiokpvcha chi mak osh, hvsh ikbi tok vt shoyulit hvsh aya cha tok. Yvmohmi hoka wihachit Babulon misha pilla, hvch isht aya la hi oke, achi hoka.

44. Yvmmak okvt Moses a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhleha hvt yakni haiaka ya isht ai atokowa vltipo vt in takali tok.

45. Atuk o hvpin tikba vhleha hak kia, yvmma ishi tok osh, Choshua a apehvt oklushi nan ik ithano, yvmmak o Chihowa yvt pin tikba vhleha itikba ya a kohchit tihlihlinli tok, i yakni a isht chukowa tok o, ituyula na, Lewi vt ahanta nitak a oyuna tok.

46. Mihma yvmmak osh Chihowa itikba ai isht il ayukpa alayuchi, yvmohmi cha, Chekob in Chihowa ya aboha im atahli bunna tok;

47. Yohmi tuk kia Solomon ak osh chuka ya im ikbi tok.

48. Yohmi kia Moma i shahli hvt tempel puta ibbak o isht ikbi yokvno, ai ahanta cha tuk keyu;

49. Uba yvt vm aiasha okma, yakni vt saiyi ai o hikia yoke. Chuka nanta ho hvsvm ikba chi ho? mikma a foha li ak osh nanta ho?

50. Uno subbak ak osh nana ilvppa moma ka ikbi tok keyu cho? Chitokaka yvt achishke; hopaii vt achi hoka.

51. Ikunla kullo, micha chukvsh mikmvt haksobish aiena wishakchi ik tapo hvchia hvt, Shilombish Holitopa ya i snvalit hvsh bilia. Hvchin tikba vhleha hvt yohmi tok a, hvsh chiyuhmishke.

52. Hopaii vhliha ha katima kak o hvchin tikba vhleha hvt ik ilbvshacho ki tok o? Micha Aighli vt aya hi a, tikbanli anoli vhleha, yvmma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. Micha enchil vhleha hosh nan vlpisa ya auct tosholi

na, hvsh eshi tok ; yohmi kia hvchik holitoblo cha tuk oke : achi tok oke.

54. Yohmi ma na yakohmi ka okla haiyaklo mvt, chukvsh vt nvhla tok ; micha yvmmak ash noti isht o shakan-
lichi tok.

55. Yohmi kia yvmmak okvt Shilombish Holitopa anuk-
fohkv kvnia hatuk osh, vba ya pit ai okchifeli fehnvt
hopokoyo mvt, Chihowa im aholitopaka, micha Chisvs vt
Chihowa im ibbak ishtimpak imma ya hikia aiena ho, pisa tok.

56. Micha, Uba yvt tiwa, micha Hatak Ushi vt Chihowa
ibbak isht impak imma ya auet hikia aiena ho, pisa lishke ;
achi tok.

57. Yohmi ma chitoli fehnvt okla tasali mvt, haksobish a
akvmmi cha, achvfa chohmit o yihhleptv tmaha ha ishit a
kohchi cha, tvli ishit boli tok.

58. Yohmi ma nana atokowa anoli vlheha hashot, ilap
anchi a hatak himita Sal hohchifo ho, iyi ituma ont ashachi
tok.

59. Micha Istefin vt pit im payvt, Chitokaka Chisvs ma !
Sa shilombish a ish ishashke ; ahanchi na, okla tvli ishit
boli tok.

60. Yohmi ma hvchukbihleptv hikia cha, chitoli hosh,
Chitokaka ma ! ai ashvchika ilvppa isht ish onochi na ; achi
tok. Micha ilvppa ahanchi mvt, nusit kvnia tok oke.

CHAPTA VIII.

Filip vt Samelia ya vbanumpuli iksa ghilichi, 5. 26 Ehliopia hatak
anumpeshi yq baptismochi.

1. YUMMVT illi ka Sal vt vlhpesa ahni tok. Micha
nitak yvmma feka ma, vbanumpuli iksa Cheluselem gshwa
tok a i palvmmichi fehna tok ; yohmi ma momvt ita fimim-
ptv Chutia yakni, micha Samelia aiena a mominchi na, vba-
numpeshi vhlheha hash illa tok.

2. Yohmi ma hatak hochukma yesh Istefin a hohpit
taiyahli mvt, okla isht yaiya fena tok.

3. Yohmi ma Sal vto, vbanumpuli ikxa ya okpvnit, chuka moma iba chukowa cha, hatak puta, ohoyo puta aiena ka halvllit ishit, aboha kvlllo pit apihinta tok.

4. Yvmohmi hatuk o ita fimimpa tuk vhleha hash ot, anumpa ha isht anumpulit kanima moma itvnova tok.

5. Yohmi ma Filip vt Samelia tmaha ha ona cha, Klaist a isht im anumpohonli tok.

6. Mihma okla hut, yvmmvt na fehna yvmihinchi ka haklo, micha pihisa aiena mvt, im anukfila ai achvvt Filip vt nana ahanchi puta ka, haponaklo tok.

7. Shilombish okpulo puta a foyuka tuk vt chitolit tahpanlvw lawa ka a kocha wiha hatok o; micha palsi isht abeka lawa tuk, micha imomokpulo aiena tuk vt hlakofi tok.

8. Yvmohmi ma tmaha yvmma a yukpa chinto tok.

9. Yohmi kia hatak achvfa Saimon hohchifo hosh, tikba ma tmaha yvmmak inli ka ai isht ahullot ahantvt, ilap ak osh hatak na fehna mak o, mihija cha, Samelia okla ha nukhlakvshli tok.

10. Yvmmak o, chipunta, micha asvno aiena kvw momvt, Hatak ilvppvt Chihowa nan isht im ai ahlika chinto mak oke; ahanchi mvt, okla im antia tok.

11. Michu yvmmak osh isht ahullot, isht nukhlakahashli tok hopaki hatuk o, okla im antia beka tok.

12. Yvmohmi tuk kia, Filip vt Chihowa apehliechika, micha Chisvs Klaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvw baptismo tok.

13. Yohmi ma Saimon vt ilap ash kia yimmi akinli tok, micha baptismo mvt, Filip a ibafohkvw ayvt, na fehna, micha nan isht ahoba puta aiena kvw a kaniohmi na pisa mvt, nukhlakancha tok.

14. Yohmi ma vbanumpeshi vhleha Cheluselem maya tuk vt, Samelia vt Chihowa im anumpa ha ishi tuk o, haklo mvt, Pita micha Chan aiena ka okla pit in tihleli tok.

15. Atuk o, yvmmak ashot itonanchi mvt, okla Shilombish Holitopa anukfehka chi ka, vba pit isht anumpulit oklat tok.

16. Yvmma foka ma, achvona kia yvmmvt ik onvtulo kisha ha tok; Chitokaka Chisvs hohchifo hq isht a baptismo tuk ak illa ha tok.

17. Yohmi mvt okla hash ibbak isht umbitehimpa ma, Shilombish Holitopa yvt okla anukfohka tok.

18. Yvmohmi ma Saimon vt vbanumpeshi vhleha ibbak isht umbitepa ka, Shilombish Holitopa yvt ai anukfohka hq, pisa mvt tvli holisso ant i weli cha,

19. Uno ak kia nan isht im ai ghlika ilvppa hvs sama na, kvna hq vno vt svbbak isht umbitepa likma, Shilombish Holitopa yvt ai anukfohka shke, ahanchi tok.

20. Yohmi kia, Pita yvt, Chihowa yosh nan ima ya, tvli holisso yvt isht vlhtoba hinla ka, chim ahoba tuk oka, chin tvli holisso yvt chi awant aiokpuloka pit kvniashke.

21. Chi chukvsh vt Chihowa ya itikba ya ai vlhpiesa keyu hokvt; nan ilvppa kaniohmi kia, micha ahalaia kia ik chim ikshoshke.

22. Yvmohmi hoka, nan isht ik chi ai vlhpeso ilvppa ish ile kostininchashke; micha Chihowa pit ish im asihhla na, yohma he yobakma, chi chukvsh im anukfila yvt chj kashofa hi oke.

23. Chishno vt basunlvsh homi, micha nan ai ashvchika abonunta aiena chia hatuk o, akostininchi li hoka; im achi tok.

24. Mihma Saimon vt afalaminchit, Chitokaka ya pit im ilbeshvt isht hvs si anumpuli na, na yakohmi hvsh anumpuli tuk g achvona kia ant ik si onvtulo kashke; achi tok.

25. Mihma yvmmak ash ot, Chitokaka im anumpa hq atokowvt anolit, isht anumpohonli cha falama mvt, Samelia okla in tmahushi lawa ka vbanumpa isht ai anumpohonlit, Cheluselem g itvlachi tok.

26. Yvmohmi ma, Chitokaka im enchil vt Filip g im anumpulit, Wakaya cha, oka mahli pila ivt, hina Cheluselem vttvt, Kesa ia bachaya chukushmi foka yvmma ish onashke, im achi tok.

27. Mihma wakaya cha ia tok. Atuk o Ehliopia hatak, Kantisi ohoyo Ehliopia okla i miko im anumpeshi holitompa

hosh, yummak osh t̄li holisso a mominchit i shoyuli yosh vba pit aiokpvcha chi hosh, Cheluselem a vla tok osh,

28. Falamvt ia kv̄t im iti chanvlli anukaka binilit, Esaias hopaii i holisso ha itim anumpuli tok.

29. Mihma Shilombish vt, Filip a, Bilika ona cha, iti chanvlli ilvppa ont ibafohká; im achi tok.

30. Mihma Filip vt pit o malelit ona cha, Esaias hopaii i holisso itim anumpuli ka haklo mvt, Nan ish itim anumpuli kv̄to ish akostininchi cho? achi tok.

31. Mihma, Katiohmi li kak osh, hatak nana hosh v̄m abvchi h̄o keyukma? achi tok. Mihmvt, Filip vt pit oiya cha, awant asha hinla ka; ahni tok.

32. Anumpa holisso holitopa ai itim anumpuli ka ilvppak a tok. "Chukfi v̄lhpoba chohmi h̄o yv̄mma ai illi hv̄llat ishtia tok; micha chukfi v̄lhp̄o-ushi yosh hishi im v̄mo in tikba hikia kv̄t, nan ik ayo chatuk a chohmit, yv̄mmvt itih ha ik wakv̄mmo ki tok:

33. "Ilv̄sha fena ma, nan ai v̄lhpiesa ka im ishi tok. Im ilh̄fiopak a yakni a ai ishi tok oka; im ai itilauj kv̄t ahgshwa tok a, kv̄ta hosh anola hinla cho?"

34. Mihma anumpeshi v̄to, Filip a afalaminchi mvt, Chi ponaklo lishke; Kv̄ta h̄o hopaii vt ilvppa isht anumpuli h̄o? Ilapo akinli hokmá, keyukmvt hatak inla yokmá, nanta h̄o? achi tok?

35. Mihma Filip vt itih ha wakv̄mmi cha, holisso mihi ash inli h̄o ai isht ivt, Chisvs a isht im anumpohonli tok.

36. Yvmohmit hina fohkv̄t mah̄ayvt okla mvt, oka nana kia ont a h̄ieli tok. Mihma anumpeshi ashot, Yakeh! oka yoke; baptismo la hi a nanta kosh ai ataklv̄mmi cho? achi tok.

37. Mihma Filip vt, Chi chukv̄sh mominchit ishit chi yimmi hokma, v̄lhpiesv̄shke, achi tok. Mihma afalaminchi mvt, Chisvs Klaist vt Chihowa ya ushi yoka, sa yimmishke, achi tok.

38. Mihma iti chanvlli vt lumvt hikia chi ka, miha tok; micha Filip vt anumpeshi ash ita tuklot pit okvtahvt oka ya itonachi na, yummak ash baptismochi tok.

39. Yumohmi ma oka yash ai ashvvt kochvt okla ma, Chitokaka imi Shilombish vt Filip a isht ia na, anumpeshi ash ot himmakma ik peso ki tok: micha na yukpa hosh i hina fohkvt ia tok.

40. Amba Filip vto Asotvs ak o antvt haiaka tok; micha a hlopullit aya mvt, tmaha moyuma ka vba isht ai anum-pohonlit ayvt Seselia ya vla tok oke.

CHAPTA IX.

Sal vt Tamaakvs pilla ia hosh aya hq, Klaist vt im anumpuli, 1. 10 Ananaivs vt ayvt im ona ma, baptismo tok. 20 Pal vt nukwaya iksho hosh Klaist a isht anumpohonli.

1. YUMOHMI ma, Sal vt Chitokaka i nan im ai ithana vhleha ha i nokowa, micha vbi aiena he fiopvt kohonchi kvv imoma mvt, na holitempa isht asha pehlich i im ona tok.

2. Micha sinakak puta, Tamaskvs asha ka, nakni okma, keyukmvt ohoyo hokma nana hosh, ilvppa chohmi kvv asha na, ahayuchikmvt talakchi o Cheluselem a pehlichit vla hinla kvv, yvmma puta pit holisso ha, im ikba hi a, im asilliha tok.

3. Atuk osh ia hosh aya mvt, Tamaskvs pit bilika ona tok; mihma tohwikelit vba minti kvv yvmmak ash o asha-lika tommit a folupli tok.

4. Yohmi ma aka ont itula tok; micha anumpa hvv, Sal, Sal, nanta katielmi hq is svlvshali cho? im ahanchi na haklo tok.

5. Mihmvt, Chitokaka ma! kvta chia hoh cho? achi tok. Mihma Chitokaka ashot, Uno akosh, Chisvs ish ilvshahanli ka sia mak oke, Na halupa puta asvnalinchit ish bahahli kvv chi palvmmi hoke; achi tok.

6. Yohmi ma yvmmak ashot nukhlakanchvt wvnihinchi mvt, Chitokaka ma! nanta hak o katielmi la hi a, si svv ahni cho? achi tok. Mihma Chitokaka yvt, Wakaya cha, ivt tmaha ha ont ish chukowakmak o, nana ish kanihma chi kvv, chim annoa chi hoke; im achi tok.

7. Yohmi ma hatak apehvt aya tuk ashot anumpa kvno haklo kia, hatak nana kia ik peso mvt, ik anumpolo hosh hieli tok.

8. Atuk o, Sal vt aka itolv tani tok: micha nishkin vt fatuma mvt, hatak nana kia ik peso ki tok. Yohmi ma ibbak a halvli cha ishtivt, Tamaskvs a okla isht chukowa tok.

9. Yohmi ma ik hoponayo mvt, anonti ik impo, nan ik ishko aienvt ahanta na nitak tuchina tok.

10. Yvmohmi ma hatak nan ithvna achvfa, Ananaivs hohchifo kv Tamaskvs a anta tuk o: yvmmak ash o holhpokuna ka, Chitokaka yvt, Ananaivs, im achi tok; mihma, Yak anta lishke, Chitokaka ma! achi tok.

11. Mihma, Wakayvt ivt hina Apissa hohchifo ka ish ona cha, Chutvs in chuka ya, Tasvs hatak Sal hohchifo ka, ish aponaklashke; yvmmak ash osh vba pit anumpohonli hoka.

12. Micha holhpokuna kv, hatak Ananaivs hohchifo hosh ant chukowa cha hopokoya chi ka, ibbak a ant isht um bitepa na, pisa tuk oke: Chitokaka yvt im achi tok.

13. Yohmi ma Ananaivs ashot afalaminchi mvt, Chitokaka ma! hatak ilvppvt, chi holitopa vhleha Cheluselem aiasha ka kaniohmit nan isht okpvi ka, laua ho a haklo li chatuk.

14. Micha chi hohchifo pit hohchifo vhleha mominchit takcha chi ka, na holitopa isht asha pehlich vhleha yvt im apesa tuk o, ilvppa anta hoke: achi tok.

15. Yohmi kia Chitokaka ash ot, Ia, nan isht vm vta holitopa, sa hohchifo ha shoyulit, miko vhleha micha okla nan ik ithano puta, micha Israel ushi vhleha aiena itikba ya hikia hi oka.

16. Micha vno sa hohchifo pulla ka, na palvmmi hochito kaniohmi kia isht ilbvsha chi ka, im anoli la chi hoka; im achi tok.

17. Mihma Ananaivs ash ot, ivt aboha ya ont chukowa tok; micha ibbak a isht umbitepa mvt, Itibapishi li Sal ma! ish minti ma, hina takla ya a chi haiaka tuk, Chitokaka Chivs vt chishno vt ish hopokoya cha, Shilombish Holi-

topa yvt chi anukfohka chi ho, auet sa chvffichi tuk oke; achi tok.

18. Yohmi ma chekosi makinli ho, na hakhlobish atuk o chohmit nishkin a mokohlit aka itula tok; yohmi ma asha-lika hopokoyo mvt, wakaya cha baptismo tok.

19. Micha nana impvt in taha mvt hlampko tok; yohmi mvt Sal vt nan-ithvna vhleha Tamaskvs maya ka awant anta na nitak kanohmi tok.

20. Micha in chekosi makinli ho, Klaist a yvmmt Chihowa Ushi atuk a, sinakak puta ka, isht ai anumpohonli tok.

21. Yohmi ma okla haklo kvv momvt anukhlakancha mvt, Ilvppak osh na hohchifo ilvppa pit hochifot Cheluselem ai asha tuk a ilvshahanli cha, ilvppa aya kvv, yvmmt talakchi yo, na holitempa isht asha pehlichy vhleha, isht im ona chi mak atuk keyu? achi tok.

22. Yohmi kia Sal vto hlampko kvv isht i shahlit ishtia, yohmi mvt atokowvt, ilvppak osh Klaist fehna mak oke; ahaya mvt, Chu okla Tamaskvs asha tuk a imaiyvchi tok.

23. Yvmohmi kash o nitak kanohmi kvv taha ma, Chu okla hvv, yvmma vba chi kvv isht anumpulit maya tok.

24. Yohmi kia okla nan ahnit maya ka, Sal vt akostininchi tok; mihma vba chi kvv nitak, micha ninak moyuma holihta okhissa puta ka okla atoni tok.

25. Yohmi ma nan ithvna vhleha hvv nitak o ishit, kishi fohkit teli holihta lapalint aka pit bohli tok.

26. Yvmohmi na Sal vt Cheluselem a vla mvt, nan ithvna vhleha ha ibafohka bvna tok. Yohmi kia momvt okla i nukshopa tok; micha yvmmt nan ithvna yo ik im ahobo ki tok.

27. Yohmi kia Banabas ato eshi cha, ilaelit vbanumpeshi vhleha ya isht im vla tok; micha hina takla ya kaniohmit Chitokaka ya pisa tok, yohmi na im anumpuli tok, micha kaniohmit nukwaya iksho hosh, Chisvs hohchifo ha Tamaskvs a isht ai anumpohonli tok aiena ka, im anoli tok.

28. Yohmi ma Cheluselem a asht kocha, micha ant abeha aiena ka takla ahanta tok.

29. Micha nukwaya iksho hosh, Chitokaka Chisvs hoh-

chifo hā isht anumpohonli cha, Klik okla ma itim anumpohonli tok; yohmi kia vbi bvnnt okla aiasha tok.

30. Yohmi na itābapishi vhleha yvt akostininchi mvt, ilauelit Seselia isht vla cha, Tasvs g pit chvffichi tok.

31. Yohmi na Chutia yakni vt moyuma, micha Kalili, micha Samelia aiena ka, vbanumpuli iksa puta kvv nuktanla mvt isht i shahlit ia tok; mihma Chitokaka i nukshoyupa, micha Shilombish Holitopa ya isht ilai yukpa aienvt itvno-wa kvv, lauvt isht i shaiyahli tok oke.

32. Yakohmi tok; Pita yvt mominchit hlopullit aya mvt, vbanumpuli vhleha Litti ai asha tuk ash kia, im vla tok.

33. Mihmvt yvmma hatak achvfa, Enias hohchifo kvv palsi isht abeka hosh topa itoyula na afvmmi untuchina tuk o, ont pisa tok.

34. Micha Pita yashot, Enias ma! Chisvs Klaist vt chi hlakofichishke. Tani cha, chishno inlit chin topa ha patali, im achi tok. Mihma chekosi tani tok oke.

35. Yohmi ma Litti, micha Salon aiena gsha tuk vt mvt yvmma pisa mvt, filemvt Chitokaka ya im ai ona tok.

36. Yohmi ma nan ithvna achvfa Tabihla hohchifo, yvm-mvt toshowakmvt Takvs achi hq, Chappa ya anta tok: ohoyo ilvppvt nan achukma a yvmohmi, micha na habenvchi aiena biekvt ahanta tok.

37. Atuk o nitak yvmma foka ma yakohmi tok; yvm-mvt abeka cha illi tok; yohmi ma yvm-mak ash okla achifvt tahli mvt, vba potvlhpo ya boyuhli tok.

38. Mihmvt Litti yvt Chappa ya pit bilika hatuk, micha nan ithvna vhleha hvv, Pita yvt yvmma anta ka, okla hāklo tuk osh anukwaya im vla hinla ka, pit im ahnit hatak tuklo ka pit tihleli tok.

39. Atuk o, Pita yash ot wakaya cha awant ia tok. Atuk osh vla ma, ilauelit vba potvlhpo ya okla ishit chukowa tok; mihma ohoyo vlhtakla vhleha yvt momvt apehvt hiohmayvt yaiya mvt, nafohka, micha anchi chohmi, Takvs vt awant anta moma mvt ikbi tok g, haiakahanchi tok.

40. Yohmi kia Pita yvt mominchit kocha weli cha, hv-chukbihlepvt hikia mvt, vba pit anumpuli tok; mihmvt hak-

nip ai ittola ka pit filema mvt, Tabihla, taní, achi tok ; yohmi ma nishkin a fatummi cha Pita ya pisa mvt, tanit binili tok.

41. Mihma ibbak pit ima cha wakayvchi tok. Micha vba pit anumpuli vhleha, micha ohoyo vltakla puta aiena kash hoyo cha, okchaya hō ima tok.

42. Yohmi ma Chappa okla hvt momvt yvmma akostin-inchi tok ; yohmi mvt lāwvt Chitokaka ya i yimmi tok.

43. Mihma yakohmi tok ; Saimon wak hakshup hummvchi ya awant Chappa ya ahanta na nitak kanohmi tok oke.

CHAPTA X.

Kanilis vt Pita ya pit hoyo, 1. 34 Pita yvt vbanumpa isht anumpuli. Shilombish Holitopa yvt haponaklo vhleha hā onvtoyula.

1. HATAK achvfa Seselia ya ahanta kvv, Kanilis hohchifo hosh tvshka chipota aya achvfa, Itili okla achi hō, i kvpitvni ha tok.

2. Hatak achukma, micha in chuka-chvfa moma aienvt Chihowa ya i nukshompa cha, okla hā na habenvchi fehna mvt, Chihowa ya pit im anumpohonli na bilia tok.

3. Yvmmak ashot holhpokuna chohmit pisa ka nitak hvshi kanvlli isht vlvhpa ont isht chakkali foka hō, Chihowa im enchil vt haiaka achukma hosh mintit ant iba chukowa mvt, Kanilis, im achi tok.

4. Yohmi ma yvmmak ash atokowvt pisa mvt nukshopa cha, Chitokaka ma ! nanta hoh cho ? achi tok ; mihma, Vba pit ish anumpohonli, micha nan ish hopela puta aiena ka, Chihowa yvt ithaiyana he mak o vba ihiya hoke.

5. Yohmi hoka himak a, Saimon, Pita hohchifo ka pit hoyot, hatak a Chappa pit ish tihlelashke.

6. Yvmmak okvt Saimon wak hakshvp hummvchi in chuka mvt okhvta lapali ka yō talaia hō, awant anta hoke ; yvmmak osh nana hō ish kaniohma he tuk ma, chim anola hi oke ; im achi tok.

7. Mihma enchil, Kanilis a im anumpohonli tuk ash ot ia

ma, chuka nan isht im ai vta ya tuklo, micha tvshka chipota nan isht im ai ashwa bilia ya ahli achukma achufa ho aieninchit hoyo tok.

8. Micha nan okluha kash mominchit im anolit taiyahli mvt, Chappa ya pit tihleli tok.

9. Ont onna ma okla itvnowvt mahaya mvt, tumaha hash pit bilika ona ma, hushi kanvlli isht vlpisa ont isht hannali foka ho, Pita yvt vba pit anumpula chi hosh aboha pakna pit oiya tok.

10. Atuk osh hohchvfo fehvt taiyaha cha, impa he tuk osh ; amba okla atahlit isht maya ma, holhpokuna ho chohmi tok.

11. Micha shutik vt tiwa, yohmi ma, nan ai vlpitta yosh nan tohbi chito wishakchi ushtvt ita shekonopa ho chohmi hosh aka i mintit, yakni ant onvtoyula ho, pisa tok.

12. Mihma anukaka ya nan-vlhpoe puta, hanalushta ilia-yuka yakni aiasha kvv moyuma, micha napoe puta, micha nana aka a balvlli puta, micha vba hushi puta aiena kvv ai asha tok.

13. Yvmohmi ma anumpa hvv mintit im vla kvv, Pita, tani cha, vbit vpa ; achi tok.

14. Yohmi kia Pita ashot, Yohma he keyushke, Chitokaka ma ! nana kvv ai vlhpesa keyu, kashofa keyu hokvno himonna kia, vpa li chatuk keyu hokv ; achi tok.

15. Yohmi ma anonti anumpa hvv atukla ma, im anum-puli kvv, Nana ho Chihowa yvt kashofi tuk a, yvma vlhpesa keyu, chik hochifo kashke ; achi tok.

16. Hituchina ha yo ilvppa yakohmi tok ; yohmi ma nana ai vlpitta kash ot falamvt vba ia tok.

17. Pita yvt holhpokuna chohmit nana pisa tuk, yvmvvt nana isht akaniohmi hatuk a ik akostinincho chohmi ai itin takla ma, hatak Kanilis vt pit tihleli tuk ash, Saimon in chuka ya a ponaklo tuk osh okhissa itikba ya hiel tok.

18. Mihmvt tahpva cha a ponaklot, Saimon, Pita hohchifo kvv, yvmmak o antakma, nanta cho ? achi tok.

19. Pita yvt holhpokuna tuk ash o anukfihinli fehna, Shilombish vt, Yakeh ! hatak tuchina kvv chi hoyoshke.

20. Yohmi hoka tanit pit akowa cha, nana kia isht ai anuktuklo iksho hosh awant ish iashke, yumma vno ak osh auet tihleli li tuk oka; im achi tok.

21. Yohmi ma Pita yash ot akowrt ivt, Kanilis vt auet in tihleli tuk hatak ash im ona mvt, Yakeh! vno ak osh hatak hvsh hoyo hatuk a sia mak oke. Nanta hosh a katiohmi ho ayvt hvsh la cho? achi tok.

22. Mihma, Kanilis Kvpitvni hatak ahli, micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yummak osh in chuka ya ish ona chi ka, chi hoyo cha, anumpa ha chi a hakla chi ka, Chihowa yvt enchil holitopa ya isht ai im anoli tuk oke; okla achi tok

23. Yohmi ma i howvt aboha pit apitta na maya tok. Atuk o ont onna ma, Pita yvt wakaya cha awant ia ma, itibapishi vhleha kanohmi kv Chappa ya asht apihvt ilhkoli tok.

24. Atuk osh yummak atuk a onna ma, Seselia ya okla ont chukowa tok; yohmi ma Kanilis vt i kanomi vhleha, micha i kana fehna aiena ka hoyot itahobit tahli cha, asht pit hoyo tok.

25. Atuk osh Pita yvt ant chukowa ma, Kanilis vt ont afama cha, iyi ituma ya hlipiyvt ai okpvchi tok.

26. Yohmi kia Pita yvt, Hikiá, vno ak kia hatak sia akinli hoke, ahanchi cha halvllit tanichi tok.

27. Micha im anumponlit pit chukowa mvt, itahoba tuk vt laua hosh ai asha na pisa tok.

28. Yohmi mvt Chu hatak okvt okla inla takla aya hokma, keyukmvt ont ibafohka hokma nana ka kaniohmit im ai vllhpiesa keyu ka hvsh ithaiyanvshke; yohmi kia vno yokvto hatak nana kia ik vllhpeso, micha okpulo a la he keyu ho, Chihowa yvt vm abahanchi tuk oke.

29. Yvmohmi hatuk o, sa hoyo makinli ho nana ak acho hosh, gyvt hvchim vla li hoke. Yohmi hosh hvchi ponaklo lishke, nanta katiohmi ho is sa hoyo tuk oh cho? im achi tok.

30. Mihma Kanilis vt, Nitak ushta kash o nahullochit an-

ta li, hvshi kanvlli himak foka tok. Yohmi hosh hvshi kanvlli isht vhlpisa ont isht chakkali hq, vm aboha anpkaka ya vba pit ai anumpuli li tuk; yohmi ma hatak vt nafohka shohmalali fohka kvv sa tikba ya hikia tuk.

31. Mihmvt, Kanilis, vba pit ish anumpuli ka haklo, micha nan ish hopehinla chatuk a Chihowa yvt ithaiyana hoke.

32. Yohmi hoka Saimon, Pita hohchifo ka pit hoyot Chappa ya pit ish tihlelashke; yvmmak okvt okhvta lapali ka Saimon wak hakshup hummvchi in chuka yo anta hoke; yvmmak osh vlakmvt ant chim anumpula hi oke; achi tok.

33. Yohmi hatuk o ashalika pit chi hoyo li kvno; atuk o ish la kvv ish vhlpesa hoke, yvmohmi ma Chihowa yvt nana chim apesa tuk a, mominchit e hakla chi mak osh momvt himak a yakohmit Chihowa itikba ya e chiya hoke; achi tok.

34. Mihma Pita yvt itakha ya wakvmmi mvt Chihowa yvt hatak a kanimanchi keyu ka, ai ahlit akostininchi lishke—

35. Amba oklushi moyuma ka kvna hosh yvmma i nukshoyupa cha, ai vhlpiesa ka yvmohmi hokvt, im a holitopa chatuk oke.

36. Chihowa yvt Israel ushi vhleha ya anumpa auct ema na Chisvs Klaist pulla hq nuktanla hi a, isht ai im anuhumpa tok a, yvmmak osh moma in Chitokaka yoke.

37. Baptismo yo Chan vt isht anumpuli ha yak o, anumpa yvmmvvt Kalili ai ishtia tuk osh, Chutia yakni a mominchit ai anumpvt hlopulli tok;

38. Kanihmit Chihowa yvt, Chisvs Nasalet ai vtta ya Shilombish Holitopa, micha nan isht im ai ahlika aiena ka isht ahvmvichi tok; Chihowa yvt awant aya hatuk o, yvmmak ashot nan achukma ka isht ahanta, micha nan isht-ahullo okpulq isht ilbvsha vhleha ya mominchit hlakofichit nohwa tok, hvsh ithaiyanvshke.

39. Michu yvmmvvt Chu okla i yakni, micha Cheluselema aiena ka nana hq a kanimihinchit tukma, moyuma atokowa anoli pia mak oke; yvmmak o okla iti a takalichit vbi tok.

40. Yvmmak ash nitak ont atuchina ma, Chihowa yvt tannichi cha, achukmalit haiakvchi tok.

41. Yohmi kia okla moma kak a tok keyu, amba napa

atokowa anoli vhleha, Chihowa yvt tikbanli atokohonli tok, illi tuk vt falamvt tani ha ya, nan itibai impvt, ishkot maya tok, pishno ak a tok oke.

42. Mihma okla h₂ il im anumpula he, micha okchaya, vhleha, mikmvt illi puta aiena nan im apesa ya he, Chihowa yvt atokoli ka ilap ak atuk a, atokowa il anohonla he, pim. apesa tok oke.

43. Yvmmak o hopaii moma kvt, yvmma hohchifo pulla: hatuk mak o, kuna ho kia i yimmi hokvt ai ashvehika puta kvt isht a kashofa ahayucha hi a, atokolit okla anohonli tok; achi tok.

44. Pita yvt anumpa iloppa anumpohonli kvt moma ho, anumpa haklo yash Shilombish Holitopa yvt mominchit onvtuyula tok.

45. Yohmi ma hakshup tvptua na yimmi vhleha Pita ya apihvt vla tuk vt, okla nan ik ithano vhleha ak kia Shilombish holhpila kvt o foliopa hatuk o,

46. Anumpa ilaiyuka okla anumpulit Chihowa ahnihinchi ka, okla haklo hatuk osh momvt nukhlakancha tok; Mihma. Pita yvt afalaminchit,

47. Shilombish Holitopa yvt anukfoka tuk vhleha pishno akinli chohmi; yakohmi kvt ik baptismo ka chi ka, hatak nanta hosh oka ya im ataklvmma hinla cho? achi tok.

48. Yohmi mvt Chitokaka isht a hohchifot okla baptisma chi, i miha tok; yohmi ma awant anta na nitak kanohma chi ka okla im ahni tok oke.

CHAPTA XI.

Pita yvt oklushi nan ik ithano vbanumpa ont isht im anumpuli tuk o, nanumachi, 1. 19 Vbanumpa yvt tumaha kanohmi ka ai anumpa:

1. YUMOHMI ma vbanumpeshi vhleha micha itibapi-shi vhleha aiena Chutia maya tuk vt okla nan ik ithano vhleha hak kia Chihowa im anumpa h₂ ishi tuk a, okla haklo tok.

2. Yvmohmi tuk o, Pita yvt Cheluselem a vla ma, hakshup tupa vhleha yatuk vt i chapvt anumpulit,

3. Chishno vt hatak hakshup tupa keyu vhleha ya ont ish iba chukowa cha, ish ibai impa tuk oke; ahanchi tok.

4. Yohmi ma Pita yvt ai ishtia vmmona ka silhhit im anolit,

5. Chappa tomaha ha vba pit anumpuli hosh ahanta li tuk osh, sa holhpokuna chohmit na pisa li ka, nan ai vlhpitta yvt mihinti kvv nan tohbi chito yo chiyuhmi hosh vhli ushta ka ishi ho vba ya ai aka mihinti tok, mihmvt vno ash fehna vm vla tok.

6. Yvmmak ash sa nishkin a isht atokoli li mvt, nana vm anukfihinla tok, mihmvt nan-vlhpoa iyushta puta yakni pakna aiasha, micha na-poa nukshopa, mikmvt nan aka balvli puta, micha vba hushi aiena ka pihisa li tok oke.

7. Mihma anumpa hvt, Pita yvt wakaya cha, vbit vpa, vm ahanchi na, haklo li tok.

8. Yohmi kia vno ashot, Yohma he keyushke, Chitokaka ma! nitak nan ash nana kvv ai vlhpesa keyu, micha okpulo aiena kvv satakha ya fohka tok keyu chatuk oke; achi li tok.

9. Yohmi kia atukla ma anumpa hvt vpa auet si afalaminchit, Nana ho Chihowa yvt kashofi tuk a, yvmma ai vlhpesa keyu, chik acho kashke; achi tok.

10. Ilvppa yakohmi kvv hituchina ya tok; yohmi ma moma falaminchit vba isht maya tok.

11. Yvmohmi ma, mih makinli ho hatak tuchina Seselia auet ai an tihleli tuk a, chuka ai vta li tuk ash, ai vla tok.

12. Yvmohmi ma Shilombish vt, nana kia isht anukwaya iksho hosh awant ia la he, a miha tok; yohmi ma il itubapishi hannali ilvppvt si apehvt itvnowa ho, hatak ash in chuka ont e chukowa tok.

13. Yohmi ma yvmmak ash ot kaniohmit enchil vt ilap im aboha anuka ya hikia na pisa ho, Hatak a Chappa ya pit tihlelit Saimon, Pita hohchifo ka pit ish hoyashke.

14. Yvmmak osh anumpa, chishno, micha chin chuka

achvfa moma aienvt isht hvchi okchaya hi a, chim anola hi oke, im achi tuk a, pim anoli tuk oke.

15. Yvmohmi ma anumpulit ishtia li makinli ho, Shilombish Holitopa yvt okla ha onvtuyula kv, vmmona ka hvpushno a pi onvtula chash chiyuhmi tok.

16. Yohmi ma Chitokaka yvt, Chan okvto oka yo ishit baptismochi mvhlishe; amba hvchishno yokvto Shilombish Holitopa yo ishit hvchi baptisma hi yoke; achi tok a, im anumpa ha ithaiyana li kvno.

17. Yvmohmi ka Chihowa yvt, Chitokaka Chisvs Klaist i yimmi vhleha ha hv ima tok, ai itilau na holhpila ka ihima tuk a, vno ak osh nanta sia hatuk osh Chihowa ya ataklvmmi la hinla cho? im achi tok.

18. Na yakohmi ka okla haiyaklo mvt lumvt chieya cha, Chihowa ya aiokpahanchi mvt, Yohmikma Chihowa yvt okla nan ik ithano vhleha ak kia isht okchaya ile kostinichi ya ihima tumvshke; ahanchi tok oke.

19. Yvmohmi ma na palvmmi kv Istefin a isht atoba ma, okla ita fimimpa tuk vt itvnowvt aya kv Finisi, micha Saipilvs, mikmvt Antiak a pit vhlitchit inla ka yano keyu, amba Chu vhleha ak bano ho anumpa ha okla isht im anumpohonli tok.

20. Micha kanimi kv Saipilvs hatak, micha Sailini hatak aiena hatuk osh Antiak a ai vla mvt, yvmmak ash ot Klik okla ha im anumpulit Chitokaka Chisvs a isht anumpohonli tok.

21. Yohmi ma Chitokaka ibbak vt awant anta tok, holhti-na laua hosh yimmi cha filemvt Chitokaka ya im ona tok.

22. Yvmohmi ma na yakomi kv annovt, ikxa Cheluselem ashwa tok haksobish a ont chukowa tok; mihma Banabas a yvmmt ia kv Antiak a ona chi ho okla pit chvffichi tok.

23. Yvmmak ash osh vla cha, Chihowa im isht il aiykpa ka pihisa mvt na yukpa tok; micha chukvsh mvt kvilo hosh Chitokaka ya isht asitia chi ka, mominchit atonohonchi tok.

24. Yvmmak okvt hatak achukma hosh, Shilombish Ho-

litopa, micha ayimmika aiena kut anukfoyuka fehna hatuk oka; yohmi ma okla hut lawvt Chitokaka ya iba kaha tok.

25. Yohmi ma Banabas vt Sal a hoya chi hosh, Tasus a ia tok.

26. Atuk osh yummak ash ahayuchi mut, ilauehit Antiak a isht vla tok. Mihma yakohmi tok, afummi achufa vlpiesa ka vbanumpuli ikse ya ibai itahobvt okla lawa ka nan im abahanchi tok. Mihma nan ithena vhleha hut ummona ka Antiak ak o, Klaist okla a hohchifo tok.

27. Yemohmi ma nitak iloppa foka ma, hopai vhleha Cheluselem minti kut, Antiak a ai vla tok.

28. Micha yummak ash ot achufvt Akabus hohchifo hosh hikia cha, hohchifo chinto kut yakni mominchit a hlopulla chi ka, Shilombish pulla isht ai anohonli tok. Yummvt Kilatus Sesa yvt ahanta nitak ak o ont ai ghli tok.

29. Yohmi ma nan ithena vhleha yvt nana kut kaniohmit im asha tukmut ik kaniohmi kia, itibapishi vhleha Chutia maya ka isht apelvchi ya pit i pila chi kut, hatak moma tok.

30. Yummak ash okla yohmi mvhli cha Banabas, micha Sal ita tuklo kak o ibbak fohkit, hatak tikba vhleha ya pit pila tok oke.

CHAPTA XII.

Helot vt vbanumpuli vhleha ha issikkopali.

1. YOHMI ma nitak yumma foka ma, Helot miko yvt vbanumpuli ikse yatuk a kaniohmi ho, ilbvshala chi kut ibbak a o weli tok.

2. Micha Chemis, Chan itibapishi ha bvshpe falaia ho isht vbi tok.

3. Micha yohmi ka Chu okla hut im achukma ho, pisa hatuk osh achakalinci mut, Pita ya aieninchit isha chin tok; mihma puska ik shatvmmo vpa nitak a tok.

4. Atuk osh yummak ash hoklit ishi mut, aboha kvlo pit fohki cha, vbanvblit ont-ia issa ha yo okla ha isht i kebha

chĩ mak o, ahni hosh, tvshka chipota ushta bat aya ushta hq apesvcha chĩ ka, im issa tok.

5. Yohmi hatuk o Pita yashot aboha kvllo ya foka tok; yohmi kia vbanumpuli ikxa yvt yvmma isht Chihowa pit im asilbha kvt, ik yokopo ki tok.

6. Atuk o Helot vt isht kohcha he tuk a, yvmma ninak fenak akinli ka, Pita yvt tvli itatakvi tuklo hosh isht talaiyakchi hq, tvshka chipota tuklo itin takla yo a nusi tok; yohmi ma apesvchi vt okhissa itikba ya hielit aboha kvllo ya apesahanchi tok.

7. Yvmohmi kash o Chitokaka im enchil vt im vla na tohwikeli kvt aboha kvllo anukaka ya tommi tok: mihma yvmmak ash osh Pita ya naksi a isso cha, tanichi mvt, Tvshpvt tanĩ; achi tok; yohmi ma in tvli itatakvi yvt ibbak a a mokohli tok.

8. Mihma enchil ash ot, Il ai vskofachi cha, chĩ shulush a holó, im achi ma, yvmihchi tok, mihma, Chim anchi a anchi cha, is siakaiyashke, im achi tok.

9. Mihma kohcha mvt iakaiya tok; yohmi kvt enchil vt nana a yvmihchi ka ai ahli mak atuk a, ik akostinincho ki tok. Amba nana mak o pisa hq im ahoba tok.

10. Ai atoni vmmona, micha atukla aiena ka ant itiachi mvt, tvmaha pila ia tvli holihta okissa ya itvlachi ma, ilap akinlit in tiwa tok; mihma pit kohcha cha, hina achvfa hq fokvt ayvt okla tuk o, enchil ash ot ashalika i filvmmi tok.

11. Yohmi ma Pita yvt falamvt kostieni mvt, Chitokaka yvt im enchil a auet chvffichi cha vno a Helot ibbak, micha Chu okla nana ahni tuk puta ka, a sa hlakofichi tuk a, himak a ai ahli mak o ithaiyana lishke; achi tok.

12. Micha nan im anukfihinla mvt Chan, Mak hohchifo ishki, Meli in chuka ya, yvmma laua hosh itahobvt vba pit anumpuli hosh maya na, vla tok.

13. Micha Pita yvt apishia okhissa ya ant sukoha ma, ohoyo himita Loti hohchifo hosh ont haponaklo tok.

14. Micha Pita im anumpa hq pit ithana mvt, na yukpa kvt apishia ya okhissa ya ik tiwo hosh, amba malelit ant chukowa mvt, Pita yvt apishia itikba ant a hikja ka, anoli tok.

15. Mihma, Ik chi hopoyuksoshke, im achi tok. Yohmi kia i shahlichit, yohmi tuk ash pulla ho mihiha tok; yohmi ma, Im enchil oka, okla achi tok.

16. Yohmi kia Pita ash ot sukoha kvt imoma tok; yohmi ma okla tiwi cha, pisa mvt nukhlakancha tok.

17. Yohmi ma nukchintot maya chi ka, ibbak pit i fahvmmi mvt, kaniohmit Chitokaka yvt ilap a aboha kvillo isht a kohchi tuk a, im anoli tok; mihmvt, Na yakohmi ka Chemis, micha il itibapishi vhleha aiena ka ivt oh im anoli, achi tok; mihmvt kohchvt ivt inla ho ona tok.

18. Atuk o onnvt taha makinli ho, tvshka chipota vhleha ash ot Pita yvt nanta mak o a katiohmi tuk, ahnit nukhlakancha kvt chohmi tok keyu.

19. Yvmohmi tuk o Helot vt yvmmak ash hoyo tuk osh ik peso mvt, apesvchi vhleha yash achukmalit im asilhhvchi mvt, yvmmak ash o vba chi ka, apesa tok. Mihmvt Chutia ya vttvt ivt Seselia ona cha, yvmmak o anta tok.

20. Mihmvt Helot vt Taia, micha Saitvn aiena ai asha ka isht ik i yukpo fehna tok; yohmi kia miko im vba potvlhpo apesvchi Blastvs a iti kana okla ikbi tok, micha ilap i yakni ya miko i yakni yak osh ai apelvchi atuk aiena hatuk oka, im anukfila mvt ai achufa hosh im ai vla cha, nanaiya ka ai ahni tok.

21. Yvmohmi ma ai vlhpisa tuk nitak o, Helot vt miko i na fohka ishit shemvt taiyahli cha, im aiasha holitopa paknaka ya binili cha, anumpa isht hikvt im anumpohonli tok.

22. Mihma okla hash ot tahpvlvt, Ilvppvt Chihowa yak o im anumpa, hatak im anumpa yo keyushke; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli ho Chihowa im enchil vt isso tok, mihma shvshi yosh ai ahampa na fiopissa tok.

24. Amba Chihowa im anumpa hvto achakvt isht i shahlit ia tok.

25. Yohmi ma Banabas micha Sal ita tuklo kvt nan isht ahqshwvt atahli mvt Chan, Mak hohchifo ka ilauint Cheluselem a qshwvt falamvt ia tok oke.

CHAPTA XIII.

Pal, Banabas ita tuklo kvt oklushi nan ik ithano, ya im ia. 42 Oklushi nan ik ithano vhleha yvt vbanumpa yimmi.

1. YOHMI ma ikxa Antiak ahashwa ka kaniohmi kvt hopaii, micha nan im avuchi vhleha, Banabas, micha Simion osh Naika hohchifo, anonti Lusivs, Sailini vtta, micha Manevn, Helot na pehlichy ya iba hofanti tok, micha Sal chohmi kvt maya tok.

2. Okla Chitokaka pit aiokpvchit nahullochit maya ma, Banabas, micha Sal ita tuklo ka, a toksvli im ai atokoli li tuk isht ashwa chi ka, hvs svm atokolashke, Shilombish Holitopa yvt achi tok.

3. Mihma okla nahullochit vba pit anumpuli cha, ibbak a isht umbiteptv taiyahli mvt, okla pit tihleli tok.

4. Yohmi ma Shilombish Holitopa yak osh pit tihleli hoka, ivt Silushi a itonachi tok osh, yvmma ashvvt peni vltot ivt Saipilvs a itonachi tok.

5. Michs Salemvvs a ont ashwa mvt, Chu okla i sinakak puta Chihowa im anumpa isht ai anumpohonli tok. Mihma Chan a il ai apelahanchi akinli tok.

6. Michs tashaiyi ya a hlopullit Pefvs a itonachi mvt, hatak isht ahullo achvfa hopaii ilahobi, Chu hatak Bachisvs hohchifo ho, pisa tok.

7. Yvmmak okvt nahullo miko hatak nan ithana, Sachis Paulvs a awant anta tuk o, yvmmak ash ot Banabas, micha Sal aiena ka hoyo mvt, Chihowa im anumpa ha haklo bvnna tok.

8. Yohmi kia Ilimvs hatak isht ahullo ash ot, hohchifo hvt toshowakmvt yvmmak oka nahullo miko a na yimmika ai i filvmmichi bvnna kvt yvmmak ash im ataklvmmi tok.

9. Mihma Sal mvt, Pal hohchifo akinli hosh, Shilombish Holitopa yvt anukfohkv kvnia hosh, yvmmak ash atokolit pisa tok.

10. Mihma, Na haksichi, micha nan ik ai vthpeso aiena banot isht alotowa, nan isht ahullo okpulo ushi, ahopoyuksa

okluha in tenvp ma ! Chitokaka i hina ai ahli puta okpuni kv̄t, ish issa he keyu cho ?

11. Mikma, yakeh ! himak a Chitokaka ibbak vt chi onvtula hoka, chi lupakmvt hvshi a chik peso h̄o ahchiba chi hoke ; achi tok. Mihma chekosi makinli h̄o tohbi, micha okhlilika aienvt onvtula tok. Mihma kv̄na kia ibbak a halvli cha isht aya chi ka, hoyot fullokahanchi tok.

12. Mihma nahullo miko vt Chitokaka im anumpa ha anukhlakancha cha, nana kv̄t yvmohmi na pisa mvt yimmi tok.

13. Mihma Pal vt itvpeha yash aienvt Pef̄s a a hotofi cha, okla mintit Pafilia yakni Pv̄ki a ai vla tok. Mihma Chan vt i filvmm̄it Cheluselem a falamvt ona tok.

14. Amba Pv̄ki a asht kohchvt okla ia mvt, Pisitia yakni Antiak a ai vla cha, nitak hullo a sinakak a ont chukowvt chieya tok.

15. Mihma nan v̄h̄pisa, micha hopaii i holisso puta aiena kash, itim anumpulit atahli ma, sinakak ap ehlich̄i v̄hleha yvt, Hatak, il itibapishi v̄hleha ma ! okla isht im anumpa he anumpa hv̄t hv̄chim ashakmvt hv̄sh anumpulashke ; achit auct im anoli tok.

16. Mihma Pal vt hikia cha ibbak a pit isht im alvmm̄it, Israel okla, micha Chihowa ya i nukshohumpa v̄hleha hv̄chia ma ! hv̄sh haponaklashke.

17. Okla ilvppa Israel v̄hleha in Chihowa yvt pin tikba v̄hleha ya atokoli mvt, hatak nowvt aya chiyuhmi hosh Echip a okla ah̄ashwa ma, yvmm̄vt holitobli tuk osh, ilap ibbak kullo pulla kv̄t yvmm̄ak ash isht akohonchi tok.

18. Micha afvmm̄i pokoli ushta foka yakni haiaka okla nana a kaniohmi ka, ant ik yohm̄i, im ahni tok.

19. Micha Kenan yakni a oklushi untuklot ai imaiyachi mvt, i yakni atuk a, na shuei h̄o, isht ai i hopela tok.

20. Micha yohmi ha ya nan apesa v̄hleha im a hiohli-hinchi na, afvmm̄i tahlepa ushta cha pokoli tahlapit aiena foka h̄o, Samuel hopaii vt v̄tta tok.

21. Atuk o i himmakma, miko okla asilh̄ha tok. Mihma Chihowa yvt Sis ushi, Sal, hatak Benchamin isht atiaka yq, i hilechi na afvmm̄i pokoli ushta tok.

22. Atuk osh yummak ash ai ishi mvt, Lewi ak osh i mi-ko ya chi ho okla ha i hilechi tok; yummak o pit atokqit, Ilap vt, Lewi Chesse ushi, vno sa chukvsh fehna iakaiya hatak, micha vno nan ai ahni li ya mominchit ai ghlichia chi mak o ahayuchi lishke; achi tok oke.

23. Hatak ilvppa isht ai unchululi yo Chihowa yvt ilap miha tok pulla hosh, okchalinchit Chisvs a Israēl okla ha i hilechi tok.

24. Yummvt ik lo kisha ho, Chan vt vmmona ka Israēl okla moyuma ka ile kostininchit baptismo ya isht im anum-pohonli tok.

25. Micha Chan vt anumpulit ahanta mvt, Kvta hak o sia hvchim ahoba cho? Uno vto mih mak o sia keyu hoke. Amba siakaiyvt minti kak o, yumma iyi i shulush a vno vt i hotofi la he si ahoba keyu hoke; achi tok.

26. Hatak itibapishi li vhleha ma! Eblaham isht atiaka ushi, micha kvna hosh hvchi takla ashwa kv Chihowa ya i nukshohumpakma, hvchishno ak o, ai okchaya isht anumpa ilvppvt hvchim aya hoke.

27. Cheluselem ai asha, micha i hochitoka aiena kv, yumma, micha hopai vhleha im anumpa nitak hullo moma ka itim anumpuli chatuk aiena ka ik ithano hatuk osh, na palvmmi ka onochit yummak atuk a, ai-ghlichit tok oka.

28. Micha kaniohmi ho yummak okvt isht ai illa he vhpesa kvno, im ai akostininchit keyu ho kakosh, illa he a ahnit, Pailvt a okla im asilhha tok.

29. Micha yumma isht a holihiso tok a mominchit ai ghlichit okla tahli mvt, iti ash ai ishit akvchi cha ahollopi ang-kaka ya bohyuli tok.

30. Yohmi kia illi tuk a Chihowa yvt tanichi tok.

31. Yohmi ma Kalili ya asht apehvt mintit Cheluselem a ai vla tuk vt yumma okla pisa na nitak kanothmi tok; mih mak osh yumma atokowvt okla ha im anoli yoke.

32. Yohmi hosh anumpa achukma pin tikba vhleha ima tok a isht e hvchim anumpulishke.

33. Im vlla vhleha hvpia hak o, Chihowa yvt yummak ash isht pim ai ghlichit hosh Chisvs a falamichit tanichi

tok. Yohmi kvt ataloa ont atukla ka, Svsso chia lōke, himak nitak a chikbi lishke, achit aholisso akinli hoke.

34. Micha yvmmtv illi tok a falaminchit tanichi ka himmakma falamvt ahollopi a chukowa he keyu hatuk o yak ahanchi tok, Lewi i nan isht il aiyukpa ahli ka chima la hi oke.

35. Yvmohmi hatuk o anonti, Chi Holitopa ka ant nan toshbi ka ik pisá, ish im ahna he keyu hoke, inla ma ai ahanchi hoke.

36. Lewi ak okvto Chihowa nan ahni pulla hō, im okla hā nan isht im ahantvt in taiyaha mvt, illi cha in tikba vhleha hā ibafohkvt itoyulvt nan toshbi ma piesa tok oka.

37. Amba Chihowa yvt falaminchit tanichi tok, yvmmtvto nan toshbi nana kia ik peso ki tok.

38. Yvmohmi ka hatak il itibapishi vhleha ma! hatak ilvppa pulla hatuk mak o, nan ai ashvchika puta isht kashofa yvt ishit hvchim anumpa hoka hvsh ithaiyanashke.

39. Micha Moses i nan vlpisa ak okmvno yvmma kaniohmit isht hvsh ai i hlakofa he keyu ke tuk kia, na yimmi vt momvt yvmma pulla kano okluha isht ai i hlakofi hoke.

40. Yvmohmi hoka ahah! hvsh ai ahnashke; yvmmak keyukma hopaii vhleha i holisso hā isht ai anumpvt,

41. Na shitilema vhleha hvchia hvv ho pesa cha, okokko! ahnit, ik hvchi nukhlakanchá; hvchi nitak a nan isht vta ya isht ahanta li ka, kvna kia ik hvchim anoli mak o, kaniohmit nan isht vta yvmma a hvchi yimma he keyu, achi kvt hvchi onvtula hinla hoke; achi tok.

42. Mihma Chu okla hvv sinakak a a kohcha wiha ma, okla nan ik ithano vhleha yvt anumpa yakohmi kash ot nitak hullo atuklakma isht im anumpa hinla kvt asilhha tok.

43. Yvmohmi tuk o itvnaha yash ot tisheli ma, Chu okla laua, micha himona vbanumpuli toba vhleha aiena kvt Pal micha Banabas ita tuklo ka apehvt aya tok. Mihma yvmmak ash ot im anumpulit, Chihowa im ai isht il ayukpa pulla hō ai itvnova chi ka atohnohonchi tok.

44. Atuk o atukla nitak hullo ya tvnaha chito achvfa

kv̄t mom̄a hosit Chihowa im anumpa hakla ch̄i kv̄t it̄naha tok.

45. Yohmi kia Chu okla hv̄to okla laua ȳa pisa mvt, nukhobelvt alota mvt, Pal vt nana anumpuli ka ik ahobalot na mihachit itachowvt maya tok.

46. Yohmi ma Pal, micha Banabas ita tuklo kash ot nuk-waya iksho kv̄t isht i shahlit ia mvt, Chihowa im anumpa hv̄t tikba hv̄chishno ak o a hv̄chim anumpa he mvt̄o ai v̄lh-piesa tuk okv̄no; yohmi kia, yvmmak ash naksi ka pit hv̄sh bohli cha, okchayvt bilia he o ik chi ahobo kv̄t isht hv̄sh il anukfihinli hoka, okla nan ik ithano yak o pit il i file-mvshke.

47. Yakohmi h̄o Chitokaka yvt pim apihisa mvt, Okla nan ik ithano vhleha ȳa ish in tohwikela ch̄i, yakni ont v̄hli fullota kv̄t isht ai okchaya he mak̄o, chi hilechi lishke; ahanchi tuk oke, achi tok.

48. Mihma okla nan ik ithano vhleha yvt ilvppa haklo mvt, okla na yukpvt Chitokaka im anumpa h̄a aiokpahanchi tok. Mihma okchayvt bilia he isht im v̄lh-pisa tok v̄to mo-mvt yimmi tok.

49. Yohmi na Chitokaka im anumpa hv̄t annovt yakni yvmma mominchit a hlopulli tok.

50. Yohmi ma Chu okla hv̄t, vbanumpuli ohoyo holitompa vhleha, micha hatak holitompa tv̄maha āsha tuk aiena ka atohnohonchi cha, Pal, micha Banabas ita tuklo ka isht ai ilbvshaka ȳa ilhkolichi tok; micha i yakni a kohchit kanom pit tihleli tok.

51. Yohmi kia iyi hituk chubbi āsha tuk a on tahtuli cha, mintit Aikonivm a itvlachi tok.

52. Mihma nan it̄vna vhleha yvt na yukpa, micha Shilombish Holitopa aiena ka isht anukfohka tok.

CHAPTA XIV.

Pal, micha Banabas ita tuklo kv̄t i palvmmi, 1. 8 Pal vt Listi a hatak imomokpulo a hlakofichi na, nan-ishtahullo vhleha hatuk o, okla

het ahobvchi, 1. 19 Pal vt tvi isht bo, 21 Tvmaha ilaiyuka hlo pullit aya mvt, falamvt Antiak a itvlachi.

1. MIHMA Aikonivm a yokohmi tok; Chu okla i sina-kak o ita tuklot ont chukowa cha, kaniohmit anumpohonli ma, Chu okla, micha Klik okla ai itvpeha kvv lau hosh yimmi tok.

2. Amba Chu nan ik yimmo vhleha hvto okla nan ik ithano a atohnochit, im anukfila ha itibapishi vhleha hash isht i nukkilichi tok.

3. Yvmohmi hatuk o nukwayiksho kit Chitokaka ya isht anumpulit, yvmmak ash ahagshwa na hopaki ma, yvmmak ash ot nan isht ahoba, micha na fehna puta aiena kvv yvma ibbak a isht ai yohma hi a ahni cha, im anumpa hanta ya isht ai ghlichich tok.

4. Yohmi kia tvmaha okla chinto kash ot ita kashapa tok; mihma kashapa kvto Chu okla hak o pit halanli ma, anonti kashapvt vbanumpa isht vta vhleha yak a tok.

5. Atuk osh okla nan ik ithano vhleha, micha Chu okla ha pit aiena kvv i pehlichich ka ai itvpehvt, yvmmak ash ilbvshachit, tvi isht bola chi kvv im anukfilvt maya ma,

6. Akostininchit okla mvt, tihlavt Laikeonia yakni a tvmaha Listi, micha Tabi ita tuklo, micha yakni auct folumpa ka ona tok.

7. Micha yvmmak o vbanumpa isht ai anumpulit okla tok.

8. Mihma Listi a hatak achvfa kvv ishki ikfoka anuka yakinli ho ai imomokpulo tok osh, iyi vt ik kvvlo hosh, nitak nana nowa tok keyu vt binili tok.

9. Yvmmak ash ot Pal vt anumpuli ka haklo tok; mihma yvmmak ash ot atokowvt pihisa cha, hlakofa he vt yimmi ka akostininchich mvt,

10. Chitoli hosh anumpulit, Wakayvt chiyi a apissvt isht ish hikiashke; achi tok. Mihma yvmmak ashot mvllit, micha nowa aiena tok.

11. Mihma okla hash ot, Pal vt nana yvmihinchich na pisa mvt, Laikeonia anumpa ho okla anumpulit chitoli hosh, Chi-

tokaka vhleha yvt hatak o chiyuhmit aka mintit ayvt hvp im vlvshke; ahanchi tok.

12. Micha Banabas g Chupita hochifo mvt, Pal ak okvto anumpuli chito atuk o, Makulvs hochifo tok.

13. Mihma in tmaha itikba hikia Chupita ya na holi-tompa isht im vta yvt, wak nakni chohmi, micha sita bita puta aiena ka ishit holihta okhisa ya vla kv, okla ai itvpehvt vbit isht aiokpvcha he ahni tok.

14. Mihma vbanumpeshi vhleha Banabas, micha Pal ita tuklo kv haklo mvt, im ilefotka ya ita hlilvffit, okla mvt pit tihlaiyvt okla ha iba chukowa cha, tahpvlv,

15. Hatak puta ma! na katihmi ho hvchi yakohmi cho? Pishno ak kia hatak hvchishno chohmi pia hoke, mih hosh nan ik ahobo yakohmi ka ai i filvmmitt, Chihowa okchaya, vba shutik, micha yakni, micha okhvta, micha nana puta, yvmma ai ahashwa ka aiena ikbi tok g, hvsh im ona he mak o, e hvchim anumpohonli hoke.

16. Yvmmak okvt nitak tikba ma, oklushi moma ka ilap o inli nana a kaniohmi g ant ik ai itanowá, ahni tok.

17. Yohmi kia ilap fehna isht ai atokowvt anoli g, ik takohlichu hosh ahanta tok keyu; yohmi kv nana ka achukmali hosh umba vba minti, micha na waya achukma nitak aiena ka auet hvp ihima cha, pi chukvsh g ilhpak, micha na yukpa aiena ka, isht alotohonli hoke; ahanchi tok.

18. Micha ilvppa ahaya pulla hosh na kvni okla ha yo-kobli na, yvmma okla nan ik im abo ki tok.

19. Yvmohmi ma Chu hatak kanomona Antiak, micha Aikonivm aiena mintit vla cha, okla ha ant atohnochit, Pal g tvli isht bolit, illi ho im ahoba cha hvllat tmaha ha isht kohchi tok.

20. Yohmi tuk kia, nan ithvna vhleha yvt afolublitt hinli ma, tani cha, tmaha ha ant chukowa tok. Atuk osh nitak ont atukla ma, Banabas awant Tabi g ia tok.

21. Atuk osh tmaha yvmma vba isht im anumpulit, micha lawa ho nan im avvchi mvt, falamvt anonti Listi, micha Aikonivm, micha Antiak aiena kash itvlachit,

22. Nan ithvna vhleha im anukfila hlampkochi, micha ayimmi kv̄t achunancha ch̄i h̄o atohnochi mvt, na palvmmi laua ka il a hlopulli pulla hosh Chihowa apehliechika ȳa e chukowa hi oke; achi tok.

23. Micha vbanumpuli iksa moma pehlich̄i aiyuka atokolit hiohlechi cha, nahullochit vba pit anumpulit issa mvt, Chitokaka yvmmak ̄o okla anukcheto tuk ash pit im issa tok.

24. Micha Pisitia hlopulli mvt, Pafilia itvlachi tok.

25. Micha anumpa hash Pv̄ki ̄a isht ai anumpuli cha, Atelia itonachi tok.

26. Atuk osh yvmmak ̄o peni ai vlhtot Antiak yvmmak ̄o toksvla ch̄i ka Chihowa im aholitopaka hi ̄o, pit im issa tok ash ai ̄ahlich̄i tuk vt itonachi tok.

27. Micha itvlachi cha iksa ȳa itahobi cha, Chihowa yvt isht kaniohmihinch̄i tuk moma, micha okla nan ik ithano vhleha ȳa ayimmika okhissa ȳa ik tiwi tuk aiena ka, im anohonlit okla tok.

28. Micha yvmmak ̄o nan ikhvna vhleha ȳa awant ahashwa na hopaki tok oke.

CHAPTA XV.

Hakshup t̄vpa isht ai itachowa, 1. 6 Vbanumpeshi vhleha hv̄t isht itim anumpulit maya. 22 Ai apissalechit im anukfila ha tok.

1. MIHMA hatak kaniohmi Chutia mintit ai vla tuk vt, itibapishi vhleha h̄a nan im abvchit, Moses ī nan vlhpisa ak ̄o chohmit hakshup hv̄chi tapa keyukmvt, hv̄chi okchaya he keyushke; achi tok.

2. Yohmi na Pal, micha Banabas ita tuklo kv̄t yvmmak ash itachowvt itim inla fehna ma, Pal, micha Banabas anonti inlaka kaniohmi aiena kv̄t anumpa itachowa tok, ilvppak atuk vt vbanumpeshi vhleha, micha asononchika vhleha aiena ka Cheluselem ̄a im ona ch̄i ka, okla apesa tok.

3. Mihma iksa vhleha yvt pit apehvt ̄aya na kohchvt ilh-koli mvt, okla nan ik ithano vbanumpuli toba tuk ̄a anohon-

lit, Finisi, micha Samelia aiena ka hlopulli tok; micha iti-bapishi vhleha ya mominchit yukpali chinto tok.

4. Atuk osh Cheluselem ash itonachi ma, iksa vhleha, micha vbanumpeshi vhleha, micha asononchika vhleha aiena kvt aiokpanchi tok. Mihma Chihowa yvt ilapo a nana isht a kaniminchit tuk a mominchit anoli tok.

5. Yohmi kia Falisi iksa kaniohmi na yimmi atuk vt wakaya cha, Hakshup a in tvpli cha, Moses i nan vhlpisa ha holitobla he aiena ka im apesa he vhlpiesvshke; ahanchi tok.

6. Yvmohmi ma vbanumpeshi vhleha, micha assononchika vhleha aiena kvt anumpa ilvppa anukfillit pisa chi kvt itvnaha tok.

7. Atuk osh itachowa chuma naha ma, Pita yvt wakaya mvt, Hatak itibapishi li vhleha ma! nitak hopaki kash Chihowa yvt hvpin takla ma auet ai atokoli ka, yvmvt stih ak o okla nan ik ithano vhleha yvt vba isht anumpa anumpa ka a haiyaklo cha, yimma hi a tok a, hvsh ithaiyanvshke.

8. Micha Chihowa yvmmak osh chukvsh puta ka ithaiyana kvt, aiokpanchi hosh Shilombish Holitopa ihima kvt hv-pishno yo chash itilauechi hoke.

9. Micha hvpushno a yvmma a pit im invchi keyu, yimmi hatuk o chukvsh a i kashohufi hoke.

10. Yvmohmi ka nanta katihmi ho Chihowa hvchik anukcheto hosh, nan ithvna vhleha ikonla ya ikonla abana yvmma pin tikba vhleha, micha hvpushno aiena kvt e lauwi cha, e shala he keyu ka, yvmma hvsh onochi cho?

11. Yohmi kia Chitokaka Chisvs Klaist achukma pulla hatuk mak o, pi okchaya kvt yvmmak inli il itilaua he aiah-nit pi yimmishke; achi tok.

12. Yohmi ma okla laua yvt lumvt chieyvt, Banabas, micha Pal ita tuklo Chihowa yvt ilapo a, na fehna, micha nan isht ahoba puta aiena kaniohmi ho okla nan ik ithano vhleha itin takla ya, isht a yvmihinchit tuk a anoli ka haklo tok.

13. Okla hvv lumvt chieya ha yano, Chemis vt achakalinchit mvt, Hatak itibapishi li vhleha ma! hvv sa haponak-lashke.

14. Chihowa yvt vmmona ka oklushi nan ik ithano a kaniohmit aiokpanchit okla ilap isht hohchifa chi ka akohchit ishi tuk a, Simion vt anohonli tok.

15. Micha hopaii vhleha im anumpa hvt ilvppak o ai achuvshke.

16. Yakohmi ha ma falama lish, Lewi in chuka kinafa tuk a falaminchit ikbi la hi oke; micha okpulo tuk a falaminchit ikbit hilechi la hi oke.

17. Yvmmt hatak a kashampa, micha okla nan ik ithano vhleha moma sa hohchifo ha isht a hohchifo tuk puta kv, Chitokaka ya okla hohoya chi ka, yvmmak osh na yakohmi moma ka yvmihchi mak osh Chitokaka yvt achishke; achi holisso tok a.

18. Ummona pillvt isht auehinchi ka Chihowa yvt ilap nana a kaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemvt Chihowa ya im onvt maya ka, kil anumpulicho ka he ak o, vno vt aiahni lishke.

20. Amba na holba toba puta isht ai okpulo, micha ohoyo himita itin lumaka, mikmt nana kv nuksitvt illi puta, micha issish aiena ka ik ahalaio ka chi kak o pit iloh i holissohashke.

21. Nitak hopaki isht auehinchi ka, Moses i holisso ha tumaha moma, kvna hosh isht ai anumpohonlikma, nitak hullo moma, sinakak a ai itim anumpohonli chatuk oka; ahanchi tok.

22. Mihma vbanumpeshi vhleha, micha asononchika vhleha, iksa vhleha moma ai itvpeha kv ilap ai itvpeha akinli, hatak ai vltoka ho Pal, micha Banabas ita tuklo ka ai itvpeinchit Antiak a pit tihlela he, vhpesa ahni tok Chutvs osh Basabas hohchifo, micha Sailvs itatuklo itibapishi vhleha ya moma i shashonli kak a tok.

23. Micha holissochit ibbak fohki kv yakohmichi tok. Ubanumpeshi vhleha, micha asononchi ka, micha itibapishi vhleha aiena kv, itibapishi vhleha okla nan ik ithano a tok Antiak, Silia, micha Selisia puta aiasha ka pit aiokpvchishke.

24. Yvmohmi kv hatak kaniohmi ilvppa isht ia tuk osh,

anumpa isht hvchi ataklvmmmit hvchi shilombish okpanit, Hvchi hakshup vt tupa cha, nan vlpisa ya hvsh holitoblashke, ahanchi tuk a e haiyaklo tok; yummak oka il atoh-no tuk keyu hoke.

25, 26. Chukvsh vt achufa chohmit itvnavt e chieya mvt, hatak vltoka hvpin Chitokaka Chisvs Klaist hohchifo pulla ka ilap im ilhfiopak a a kaiyanchi chohmi hatak o, pi holitopa Banabas, micha Pal ita tuklo ka ai itvpehvchit pit a hvchin tihlela he a, vlpesa il aiahni tuk.

27. Yumohmi hatuk osh Chutvs, micha Sailvs aiena ka pit e hvchin tibleli hoka, mihi yosh yummak ash fehna ka itih ho isht hvchim anohonla hi oke.

28. Yumohmi ka Shilombish Holitopa, micha pishno il aiena kvt nana kvt weki kvt ai vlpesa ilvppa chohmi ka, ai i shahli ho e hvchi onoicha he keyu kak o vlpiesa il aiahni tuk oke.

29. Yohmi kvt nipi na holba toba pit im issa tuk, micha issish, mikmvt nana kvt nuksitvt illi tuk puta, micha ohoyo himita itin lumaka aiena kak o, hvchik ahalaio kashke. Yummak o hvchik il ahalaicho hokmvto hvsh vlpiesa hi oke. Hvchi achukmakashke; achi tok.

30. Yohmi na okla pit tibleli ma, Antiak a ai vla tok; micha okla laua ya itahobit tahli mvt, holisso hash ima tok.

31. Mihma yummak ash okla itim anumpuli mvt, nan im annoa kvt okla na yukpa tok.

32. Mihma Chutvs, micha Sailvs ita tuklo kvt, ilap mvt hopaii akinli hatuk okvt, itibapishi vhleha ha anumpa laua ka isht atohnohonchi cha kvlochi tok.

33. Atuk osh yummak osh ahghwa na ahchieba ma, itibapishi vhleha yvt aiokpanchi cha vbanumpeshi vhleha ha pit in tibleli tok.

34. Yohmi kia Sailvs vto yummak inli ahanta kak osh im vlpiesa tok.

35. Pal ak kia, micha Banabas aiena kvt Antiak a, inla laua ho ai itvpehvt mayvt Chitokaka im anumpa ha im abahanchi, micha isht im anumpohonli aiena tok oke.

36. Yummak atuk a nitak ont isht kaniohmi ma, Pal vt

Banabas ash, Anonti ivt tumaha moma Chitokaka im anum-pa il ai anumpohonli tuk vt, il itibapishi vhleha hā i nowvt ayvt kaniohmi hosh ai ashakma e pisashke; im achi tok.

37. Mihma Banabas vt Chan osh Mak hohchifo ka ilau-ehit aya lhi ā ahni tok.

38. Yohmi kia Pafilia ai i filvmmi cha iba takla nan isht vttvt ik ayo ke tuk ash, ilauelet aya ik vhpeso, Pal vt ahni tok.

39. Mihma itachowa kvv kullo fehna hatuk osh, iti filvmit okla tok. Yohmi ma Banabas vt Mak ā ilauele cha peni fokhvt Saipilvs ā ona tok.

40. Mihma Pal vt Sailvs ā hoyo cha itibapishi vhleha yvt Chihowa im aholitopa he mak o, pit im issa ma, ia tok.

41. Mihmvt yvmmak ashot iksa vhleha ya hlampkochit isht ayvt, Silia, micha Silisia aiena ka hlopulli tok oke.

CHAPTA XVI.

Pal vt Timohli ā hakshup tvpli, 1. 14 Litie vt vbanumpuli toba.
24 Aboha kullo apesvchi vt vbanumpuli toba.

1. YUMOHMI mvt Tabi, micha Listi aiena ka vla tok. Mihma yvmma nan ithvna achvfa Timohlivs hohchifo hosh anta tok; Chu ohoyo na yimmi o ushi; amba iki okvto Klik hatak ā tok.

2. Yvmmak oka itibapishi vhleha Listi, micha Aikonivm aiena aiasha kvv ahnichi tok.

3. Yvmmak osh takla aya hi ā, Pal vt aiahni tok; micha ishi cha hakshup tvpli tok, yakni koyofa yvmma aiasha kvto Chu vhleha hatuk o, micha iki okvto Klik hatak ā momvt ithana hatok oka.

4. Micha tumaha puta ā hlopullit aya mvt, nan vhpisa vbanumpeshi vhleha, micha hatak asononchi aiena Cheluselem aiasha kvv apesa tuk ā, holitobla chi ka ihmvt okla tok.

5. Yvmohmi hō iksa puta kvv yimmi kvv kvllo hiohli ma, holhtina mvt laua kvv nitak atukma, i shahlit ia tok.

6. Yvmohmi ma Fichia, micha Kaleshi yakni aiena ā hlo-

pullit okla, micha Asia g anumpa ha isht al anumponla he keyu, Shilombish Holitopa yvt i miha tuk o,

7. Mishi g itvlachi mvt, Bihlinia chukowa bvna tuk kia, Shilombish vt vhpesa, ik im ahno tok.

8. Yohmi ma Mishi g ant itiachi mvt, Tloas g itvlachi tok.

9. Mihma ninak o, Pal g nan isht ahoba yvt ant i haiaka tok. Masetonia hatak osh hikia cha, im asilhhvchit, Masetonia ak o vla cha ant pi apelá, ahanchi tok.

10. Mihma yvmmak oka vbanumpa ont isht il im anum-pula he makó, Chitokaka yvt auet pi hoyo tok pulla ka, pim anukfihinla mvt, nan isht ahoba ka pisa tuk g, in chekosi ma, Masetonia ya ia pi bvna tok.

11. Yohmi cha Tloas g il a hotoffi mvt, auet apissalint mintit Samoleshi e la tuk osh, nitak atukla ka Niapolis g e la.

12. Micha yumma ashvvt il ia mvt, Filippi, yvmmak okvt tmaha chito kv Masetonia yakni koyofa yvmma moma i shahli, okla wiha a binili g e la tok. Micha tmaha yvmma il ashwa na nitak kanohmi tok.

13. Micha nitak hullo ma tmaha kohchvt ivt okhina la-pali ka, yvmmak o vba pit ai anumpuli chatuk g, ont e chieya mvt, ohoyo hv itahohumba ma il im anumpuli tok.

14. Mihma Chihowa aiokpanchi ohoyo achvfa Litie hoh-chifo, na humma lusbi kanchi, Hlaiataila tmaha vta yvt pi haklo tok; mihi yo chukvsh o Chitokaka yvt tiwi na Pal vt nana isht ai anumpohonli ka anukfohka tok.

15. Micha ilap vt in chuka chvfa aienvt baptismo mvt, asilhhvchit, Uno vt Chitokaka ya pit im ai ahli li ka hvchim ahobakmvt, an chuka ya ont hvsh chukowa cha hvsh ash-washke; ahanchi mvt, pi atushpalechi tok.

16. Yakohmi tok, vba pit ai anumpuli ia hosh il aya ma, ohoyo himita achvfa kv isht ahullo shilombish anukfoka hosh pi afama tok; yvmmak okvt nan anoli ilahobit vlhto-ba chinto i shahli vhleha isht im ahayuchi a tok.

17. Yvmmak ashot Pal, micha pishno aiena ka piakai-yvt aya mvt tahpvlvt, Hatak yakohmi kv Moma i Shahli Chihowa yako, in tvshka vhleha yosh ai okchaya hina hvvim abahanchi hoke; ahanchi tok.

18. Mihmvt ilvppa yakohomi na nitak kanohmi tok. Yohmi kia Pal vt ik im vhpeso hatuk osh filema mvt, shilombish ash, Chisvs Klaist hohchifo pulla hō, chishno vt yvmma ish akohcha chī ka, chī miha lishke; im achi tok. Mihma yvmmak ashot mih makinli hō kohcha tok.

19. Yvmohmi ma i shahli vhleha yvt nan isht ai ahayunchi ashot kunia na pisa mvt, Pal, micha Sailvs ita tuklo ka hokli cha, hvllat ishtivt nan vpa a kanchi a isht chukowvt, hatak pehlichī vhleha ya isht im ona tok.

20. Micha ishtivt tvshka chipota i miko vhleha ya isht im ona cha, Hatak ilvppvvt Chu okak osh hvpin tumaha ha ataklaiyvmmi fenvshke.

21. Micha Lom okla pia hv, nan vhpisa yvmma il aiokpvchi cha, e holitobla he pim ai vhpesa keyu ka pim abahanchishke; ahanchi tok.

22. Yohmi ma okla laua yashot im a sunali himona achvfa wakaya tok; mihma tvshka chipota i miko vhleha yashot im ilefohka ya okla i shueli mvt bola chī ka, okla apesa tok.

23. Mihma fvma lava hō okla onochi mvt, aboha kvllo apesvchi a achukmalit apesahancha chī ka im apesvt tahli cha, aboha kvllo pit apitta tok.

24. Yvmmak ashot nana kvv yakohmit im vhlpihisa mvt, aboha kvllo anykaka pilla pit apitta cha, iti iyi isht akvllo isht a kvllochi tok.

25. Yvmohmi tuk o ninak iklvna ma, Pal, micha Sailvs ita tuklo kasht vba pit anumpulit, Chihowa pit aiokpvchit in talohowa tok; mihma aboha kvllo vhlpinta tuk vt haiyaklo tok.

26. Mihma yakosi fena makinli hō, yakni winakvchi chinto na, aboha kvllo nutaka intola yvt ilhkoli tok: mihma ashaliika okhissa yvt momvt tiwa ma, momvt im isht talakchi yvt i mokohli tok.

27. Mihma aboha kvllo apesvchi yvt nusi tuk vt okcha cha, aboha kvllo okhissa puta kvv tiwa hō pisa mvt, aboha kvllo vhto a tihlaiyvt tamoa tuk a, im ahoba mvt i bvshpo falaia ya hvllat shufi kvv ile ba chin tok.

28. Yohmi kia Pal vt chitolit pit tahpvvt, Momvt ilvppa e maya hoka, nana kia chik ile kanihcho kashke; ahanchi tok.

29. Mihma p^ula h^a pit hoyo cha, m^ulet pit chukow^ut w^unihinchi hosh v^ula m^ut, Pal, micha Sail^us ita tuklo itikba y^a ant hlipia tok.

30. Micha pehlichit kohcha m^ut, Hatak hvchia ma! sai okchaya chⁱ k^ut^o nanta k^o katiohmi la chⁱ cho? achi tok.

31. Yohmi ma, Chitokaka Chisvs Klaist ak o ish i yim-mashke, mikmak osh chishno, micha chin chuka ach^ufa aien^ut chi okchaya hi oke; achit okla tok.

32. Micha Chitokaka im anumpa h^a ilap, micha in chuka anuka y^a maya tuk ash a mominchit isht im anumpuli tok.

33. Mihma ninak hvshi kanvlli isht v^uhpisa mⁱh makinli h^o ishi cha, a fuma tuk a achifa tok; mihma ashalika ilap v^ut in chuka ch^ufa m^om^ut baptismo tok.

34. Micha pehlichit im aboha y^a ishit chukowa m^ut, ilh-pak a itikba in talohli m^ut, in chuka ch^ufa y^a a moyum^ut Chihowa y^a yimmit na yukpa tok.

35. Yvmohmi tuk o on^ut taha ma, tvshka chipota i mⁱ-ko v^uleha y^ut anumpeshi a pit tihleli m^ut, Hatak yvm^um^ut ant ik itiachi, ahanchi tok.

36. Atuk o aboha kullo apestvchi y^ut Pal a anumpa ilv^u-pa im anolit, Tvshka chipota i mⁱko v^uleha y^ut ant ik ay^a, auet hvchim aiahni tuk oke; yvmohmi hoka himak ano koh-ch^ut ivt, na yukp^ut hvsh ayashke, achi tok.

37. Yohmi kia Pal v^ut, Anumpa v^uhpisa yosh pi onvtula keyu ka, Lom hatak pia ho kak o haiakvchi hosh pi fahami cha, aboha kullo y^a pit pi apitta tuk; yohmi kash ot anonti peh luma hosh pi kohchi hoh cho? Yohma he keyu pul-lvshke. Amba ilapo inlit ai v^ula cha, isht pi kohchashke; im ahanchi tok.

38. Atuk o anumpeshi ash ot anumpa ilvppa tvshka chi-pota i mⁱko v^uleha yash ont im anoli tok. Mihma yvm^um^ut Lom hatak atuk o okla haklo m^ut, nukshopa tok.

39. Mihm^ut ai v^ula cha ant im asilhv^ut, isht kohchi m^ut, tvmaha h^a a kohch^ut okla hinla ka, im ahni tok.

40. Mihma aboha kullo a kohch^ut ia m^ut, Litie in chuka out chukow^ut okla tok; micha itibapishi v^uleha y^a pisa cha hopohl^ulit tahli m^ut, kohch^ut itiachi tok oke.

CHAPTA XVII.

Pal vt Hlessalonika ya vba isht ai anumpuli, 1. 10 Pal vt Belia
akq ai anumpuli. 15 Pal vt Ahlens q ai anumpuli.

1. YUMOHMI kashot Amfipolis, Apollonia aiena ka
hlopullit okla mvt, Hlessalonika yvmmak o Chu okla i sina-
kak vt hikia ho itvlachi tok.

2. Mihma Pal vt yvmmak o a yohmi atuk okvt ont iba
chukowa cha, nitak hullo nitak tuchina ka Holisso Holitopa
ya ai isht okla ha im anumpohonli tok.

3. Klaist vt issikkopa he, micha illi tuk osh falamvt tana
hi vt ai vlhpiesa tok, isht i fahpullit im avuchit, yvmohmi
ka Chisvs iluppa vno vt isht hvchim anumpohonli li kak
osh, yvmmtv Klaist mak oke; achi tok.

4. Mihma kanimi kvv yimmi mvt Pal, Sailvs ita tuklo
kash iba kaha tok. Mihma Klik hatak vbanumpuli laua
fehna, micha ohoyo holitompa aiena kvv kanomosi tok ke-
yushke.

5. Yohmi kia Chu okla nan ik yimmo hokvto anukhobela
mvt, hatak haksi nan isht vta ik im iksho kaniohmi ho
pehlichit itvnali cha, tmaha okla ha mominchit nukhla-
kashlit, Chesvn in chuka ya o yihlepa tok; micha pehlichit
kohchvt okla isht im vla chi hosh yvmmak ash hoyo tok.

6. Atuk osh yvmmak ash okla ik ahayucho mvt, Chesvn
micha itibapishi vhleha kaniohmi ka-aieninchit, hullat tma-
ha apehlichit vhleha ya isht im ona cha, tahpvlvt, Yakohmi
kvv yakni q shot filimmi tuk vt iluppak kia ai vlshke.

7. Mihiyo Chesvn vt pehlichit ishi tuk; micha yakohmi
kvv momvt Sesa i nan-vlhpisa ai ahalaia keyu ho, okla yv-
mohmit, miko inla Chisvs vt asha hoke, ahanchishke, achi
tok.

8. Mihmvt okla puta, micha tmaha apehlichit vhleha
aiena kvv na yakomi ka haklo ma, nukhlakashli tok.

9. Mihmvt Chesvn, micha inla aiena anumpa nana ho im
ai ishi kvv im vlhpesa mvt, asht ik itvnowa, okla im ahni tok.

10. Mihma itibapishi vhlcha yvt ashalika ninak o Pal, Sailvs itatuklo kash Belia pit tihleli tok; yvmmak ash itonachi mvt, Chu okla i sinakak o ont abeha tok.

11. Yakohmi kvto hochukma kv Hlessalonika maya ka i shahli tok, im anukfila mominchit isht aiokpanchit anumpa ha ishi hatuk osh, micha yvmmt yohmi ho mvhli ho chishba, nitak moma Holisso Holitopa ya a hohoyo tok.

12. Yvmohmi hatuk osh okla yvmmt laua hosh yimmi tok; mihma Klik ohoyo holitopa vhlcha, micha hatak aiena mvt kanomosi tok keyushke.

13. Yohmi kia Chu okla Hlessalonika asha kv, Pal vt Chihowa im anumpa ha Belia ya isht ai anumpohonli ka pit akostinichi mvt, yvmmak ash kia okla ai vla cha, okla ha ant okpni tok.

14. Mihma ashalika itibapishi vhlcha ash osh Pal a okhvta ak o ia chohma chi ho, pit chvfichi tok. Amba Sailvs, micha Timohlivs itatuklo kvto yvmmak inli ho ashwa moma tok.

15. Mihma Pal ilauet isht okla aya tuk vt Ahlens a isht ona tok; micha Sailvs, Timohlivs itatuklo kv tushpa fehnvt im itonancha chi ka, pit i miha, anumpa ishi mvt, okla ilh-koli tok.

16. Yohmi ma Pal vt yvmma pit hoyo hosh Ahlens a anta takla cha, vmaha hv na holba toba banot isht alotowa na, pihisa mvt im anukfila hv ik vhpeso ki tok.

17. Yvmohmi hatuk osh Chu okla, micha vbanumpa ahni vhlcha aiena ka, sinakak micha kvna ho nana ai itatoba ai itafama hokvt nitak moma ai im anumpohonli beka tok.

18. Mihma hatak nan-imponna Epikulvs iksa, micha Is-toik okla aiena kanihmi kv, yvmma okla itim anumpuli tok. Mihma kanimi kv, Anumpuli shahli ilvppvt nanta ko acha hinla? achi ma; kanimi kv, Chisvs, micha falamvt tani aiena isht im anumpuli hatuk o, Yakni kanima nan isht ahullo ho isht anumpuli ha chinishke; achi tok.

19. Micha okla ilaelit ishtvt, Mas nvni a isht ona mvt, Ilvppvt anumpa himona nana ho isht ish ai anumpuli hatakma, il ithva hinla cho?

20. Chishno yokvt nan inla nana mak o pi haksobish a ant ish foyuki hoka. Yohmi hoka ilvppvt kaniohmi hatuk okma il akostinincha hinlvshke; ahanchi tok.

21. Ahlens okla moma, micha yakni inla hatak puta yvmma aiasha aiena kvv, nan inla yo keyu, amba na himiona fehna anoli, keyukmvt haklo hokma, nana hosh aiasha bilia hatok oka.

22. Yvmohmi ma Pal vt Mas nvnih iklvna ya hikia cha, Ahlens okla hvchia ma! nana a kaniohmi puta ka na holba toba ya hvsh aiokpanchi fehna ho, hvchim akostininchi lishke.

23. Ant ia li kvv hvchi na holba toba puta ka pihisa li mvt, vba tula ya, Kvna ik ithano Chihowa mak o, achi, ilvppak osh isht ai o holisso ka pisa li hokvno. Yohmi hoka hvsh ithana keyu hosh, pit hvsh aiokpahanchi chatuk, mihmak o, vno vt hvchim anohonli lishke.

24. Chikowa yakni, micha nana moma yvmma anvaka aiasha aiena ka ikbi tok; yvmmak okvt vba shutik, micha yakni aiena ka in Chitokaka yokvt tempel puta ibbak a isht toba ya, ai ahanta keyu.

25. Micha nana hosh ik im iksho hatuk o, hatak ibbak vt im isht anta chatuk keyu; yvmmak osh moma ka okchaya, micha im ilhfiopak, micha nana moma aiena ka ihima hatuk oka.

26. Micha issish achvfa ho, hatak oklushi moma yakni paknaka a mominchit aiasha hi a ikbi tok; mihmvt nitak kaniohmi vlvhpa ho, micha kanima yo aiasha he puta ka, apesa tok.

27. Yvmamvt Chitokaka ya hoyu chi hatok; yvmmak okvto eho moma ka hvpi mishemanchi keyu nana kia, yohma he yobakmvt, pasholit hoyo fehna cha, yvmmak oka ahayucha hinla hoke.

28. Hvpushno vt yvmmak o iloh ai okchaya, micha ilhkolit, iloh aiasha hoka. Hvchim ataloe ikbi kaniohmi kvv, Hvpushno ak kia yvmma ushi hvpia hoka, ahanchi akinli tok oka.

29. Yohmi ka Chihowa ya ushi vvhleha pia hokvt, Chiho-

wa imma ya tñli holisso lakna okmá, keyukmvt, tñli hvta, keyukmvt tñli, hatak nan isht vttá imponna nana anukfilli hosh, na holba ikbi ya chohmi hoka, hvvim ahoba he tuk keyu hoke.

30. Nan ik ithaiyano nitak yvmmak foka hokvno, Chiho-wa yvt tohmasonli hosh pihisa tok kia; amba himak okvno hatak oklgha kanima moyuma ahanta kvv ile kostininha he ak o, im apihievshke.

31. Hatak a ilapo inlit atokoli tok, yvmmak o yakni a ai ghli banot nan isht im apesa he vt nitak a apesa tok okvt; illi tuk a tanichi hosh moma ka im ai ghlichí tok; shanchi tok.

32. Illi falamvt tana he puta okla haklo mvt, kanimi kvv isht yopula tok; mihma kanimi kvv, Anonti himmakma ilvppa e chim a hakla hi oke; achi tok.

33. Yakohmi ho Pal vt okla iklvnnaka ya, akohcha tok.

34. Yohmi kia hatak kaniohmi kvto yimmi cha, yvmmak ash ibakaha tok. Yvma iba takla kvv Taionishvs, Mas nvnih nan ai apesa, micha ohoyo Tamelis hohchifo hosh, anonti inla ai itvpeha tok oke.

CHAPTA XVIII.

Pal vt Kolinhla, a ibbak isht a toksvli, micha vba isht ai aaumpuli aiena, 1. 9 Holhpokuna hosh isht ai i yiminta.

1. NANA kvv a yakohmi ha ya, Pal vt Ahlens a akoh-chvt ia mvt, Kolinhla a vla tvk.

2. Micha Chu hatak achvfa Akuila hohchifo, Pantvs ai vttá tok vt, tekchi Plisilla ita tuklo kvv, Kilativs vt Chu vhleha yv t momvt Lom a akocha wiha chi ka, apesa hatuk o, Itili ya ashvvt itvlachi tuk a cheki hosh ashwa na, pisa mvt yvmmak o im ona tok.

3. Micha ilap vt a toksvli itim ai achvfa hatuk okvt, takla shantvt toksvli tok; yvmmak okvt isht vlhtipo ikbi im vlhtayak vhleha ha tok okvt.

4. Mihmvt sinakak a nitak hullo moma ai anumpulit, Chu vhleha, micha Klik okla aiena ka nukfokichi tok.

5. Atuk o Sailvs, micha Timohlivs ita tuklot Masetonia gshvvt itvlachi ma, Pal vt chukvsh vt a yimihinta mvt, Chisvs ak osh Klaist pulla mak atuk a, Chu okla hā im abahanchi fehna tok.

6. Mihma okla i sanalit ik ahobalot anumpuli ma, ilap im ilefohka yā wilohli mvt, Hvch issish vt hvchi noshkobo akinli hō onutulashke, vno vto sa kashofvshke. Himmak pilla ano okla nan ik ithano vhleha ak o im gya la chī hoke; im achi tok.

7. Micha yvmmak ash' akohchvt ia mvt, hatak achvfa Chvstvś hohchifo, Chihowa aiokpahanchi in chuka ont chukowa tok. Yvmma in chuka yvt sinakak o bilikasi hō, talaia hatok.

8. Mihma Kispvs sinakak apelhlichika yvt in chukachvfa moma ai itvpehvt, Chitokaka yā i yimmi tok. Mihma Kolinhla okla hvť haklo mvt, laua hosh yimmi cha baptismo tok.

9. Mihma Chitokaka yvt ninak o, Pal vt holhpokuna chohmi ka im anumpulit, Chi nukshopa ná, amba anumpuli, micha lumvt chik āsho kashke:

10. Uno vt chi awant gya li hoka; hatak nana hosh chi onvtulvt chi hotopala he keyu hoke, tvmaha ilvppa okla lauvť vm ai gshwa hoka; im achi tok.

11. Mihma Chihowa im anumpa hā ai im avťchit ahanta na afvmmi achvfa cha hvshi hannalit aiena tok.

12. Atuk o Kalio vt Akaia i nahullo mikot ahanta ma, Chu okla hvť im anukfila ai achvfa chohmit, Pal a o kinaťvt ishť nana ai apesa yā isht ona mvt,

13. Nan-vlhpisa yā ai ahalaia keyu ka, Chihowa yā aiokpvcha chī ka, hatak ilvppť okla hā atohnohonchishke, achanchi tok.

14. Mihma Pal vt ilap itih hā wakvmma chī foka ma, Kalio vt, Chu okla hash nana kvť ik vlhpeso, keyukmvt, okpulo fehna nana hatuk okmvno, vno vt hvchim aiokpanchi la hi a, ai vlhpiesa he tuk oke, Chu okla hvchia ma!

15. Amba anumpa, micha hohchifo puta, mikmvt hvchi nan-vlhpisa imma aiena isht anumpa hatukmvno, hvchishno.

akinli hosh yummvno isht hvsh ashashke. Uno yokvto nana yumma chohmi hokvno, non apesvt ahanta la he ke-yushke, im achi tok.

16. Mihmvt nana ai vhlpisa asha tuk a kvnom pit tihleli tok.

17. Mihma Klik vhleha hvt momvt sinakak apehlichy Soshlenes a, okla hoklit ishi cha, nana ai vhlpisa itikba ya a boli tok. Mihma Kalio vt yumma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok ; atuk osh itibapishi vhleha ya aiokpvchit tahli mvt, Plisilla, micha Akuila aiena ka ai itapihvt peni fohkvt ayvt Silia ya ia tok ; anumpa ha il onochi tok okvt, Kenklea pashi ai vmo tok.

19. Micha Efesus a vla mvt, yummak o ant ashachi cha ; amba ilapo vto vba isht ai anumpa chuka ont chukowa cha, Chu vhleha ya im anumpohonli tok.

20. Mihma takla anta na hopaka hinla ka, okla ahni ma, ilap ak osh ik haklo tok.

21. Micha okla ha aiokpvchi mvt, Ik kaniohmi kia, impa holitopa mihinti ilvppa Cheluselem ak o ai isht anta la chi hoke. Yohmi kia Chihowa ak osh ik yohmi ahni hokma, falamvt chim aya la he akinli hoke ; ahanchi tok. Mihmvt peni fohkvt Efesus vttvt ia tok.

22. Atuk osh Sesalia ya ont atayali cha, pit oiyvt iksa vhleha ha ont aiokpvchit tahli mvt, Antiak a ia tok.

23. Mihmvt yumma ont anta naha cha ia mvt, Kaleshi, micha Fichia yakni aiena ka, nan ithvna vhleha moma hlampkochit abaiyvt ayvt hlopulli tok.

24. Mihma Chu achvfa Apollos hohchifo, Aleksantia ai vta tok, hatak anumpuli imponna, micha Holisso Holitopa ya imponna fehna yosh Efesus a vla tok.

25. Hatak ilvppvt Chihowa i hina yvt im vlvchi ya tok ; micha chukvsh vt ai yimihinta hatuk osh, Chan i baptismo ak illa ho ithana hosh, achunanchit Chitokaka immi ya isht anumpuli, micha im avchi aiena tok.

26. Micha nukwaya kv iksho hosh, sinakak a ai anum-

pulit ishtia tok. Yummak ash o Akuila, micha Plisilla ita tuklo kv̄t haklo mvt, yummak ash pit hoyot ishi cha, Chihowa i hina ya achukmalit i shahlichit im anohonlit okla tok.

27. Micha Akaia ya ia ka bunna ma, nan ithvna vhleha yvt okla aiokpahancha chi ka, pit atohnochit, itibapishi vhleha yvt holissochi tuk o; yummak ashot vla mvt, i nukhaklo na yimmi tuk vhleha ya apelahanchi fehna tok.

28. Yummak okvt, Chisvs ak osh Klaist mak a tok g okla itin takla Holisso Holitopa ya ai isht im abahanchit Chu okla ha anukfohki fehna tok oke.

CHAPTA XIX:

Pal vt ibbak isht umbitepaka Shilombish Holitopa yvt anukfohka tok. 17 Vbanumpa yimmi kv̄t laua.

1. ATUK o, yakohmi tok, Apollos vt Kolinhla g anta moma ma, Pal vt ibetvp pilla ka a hlopulli mvt, Efesus g vla tok; micha nan ithvna kaniohmi ka ant pisa mvt,

2. Hvchi yimmi tok takla kvto, Shilombish Holitopa ya hvsh eshi tok oh cho? im achi tok. Mihma Shilombish Holitopa yvt asha hokma, nana kak kia, e haklo chatuk keyu hoke; okla im achi tok.

3. Mihma, Yohmi kvto, nanta ko ai isht hvchi baptismo hatok o? im achi tok. Mihma, Chan i baptismo ak a tok; okla achi tok.

4. Mihma, Chan vto ile kostininchit baptismo yo isht baptismochi ho mvhli cha, ilap iakayvt mihinti, Klaist Chisvs mak o yimma hi g, okla ha im ahanchi tok; Pal vt achi tok.

5. Mihma ilvppa okla haklo mvt, Chitokaka Chisvs hohchifo ha isht okla baptismo tok.

6. Mihma Pal vt ibbak g okla hash, isht umbitepa ma, Shilombish Holitopa yvt ant onvtoyula tok. Mihma anumpa ilaiyuka okla anumpuli mvt, vbanumpa aiena isht anum-puli tok.

7. Micha hatak vt moma kv̄t auah̄tuklo foka hatok.

8. Micha sinatak ont chukow̄vt, nukwaya iksho hosh, Chihowa apēhlichika imma yā isht anumpulit, anukfohki-chit ahanta na hv̄shi tuchina tok.

9. Yohmi kia kaniohmi hokv̄to ch̄kv̄sh kv̄llo taha cha, ik yimmo mv̄t, hina yvm̄mak ash na mihachit okla laua itikba yā ai anumpohonli ma, yvm̄mak ashot ai i filv̄m̄mi cha, nan ithv̄na vhleha hash a filamolechit eshi cha, Tailanus osh na-na ai ikhv̄na i hikia hō, nitak moma ai anumpohonli tok.

10. Ilēppa yakohmi kv̄t imoma na afv̄m̄mi tuklo tok; yohmi hatuk o, Chu, micha Klik okla aiena Asia ai asha tuk vt mom̄vt Chitokaka Chisvs im anumpa hā haklo tok.

11. Mihma Chihowa yvt nana kv̄t isht ahullo fehna kaniohmi ka, Pal ibbak ā isht a yvm̄hinch̄i tok.

12. Ymohmi hatuk o, nantapv̄ski puta, keyukmv̄t, tikba takohlich̄i kia, yvm̄ma hakn̄ip ā ai isht abeka puta ka isht im oh̄ona; yohmi ma nan ililli puta kv̄t ai i filamoli, micha shilombish okpulo aiena kash ot akohoncha beka tok.

13. Ymohmi ma Chu kaniohmi nan isht-ahullo okpulo kohchi ilahobit itanowa yvt, shilombish okpulo anukfoka vhleha hā, Chitokaka Chisvs hohchifo hā isht ai o hochifochit piv̄t, Chisvs, Pal vt yvm̄ma isht ai anumpohonli ka pulla hō, anumpa kv̄llo ai isht e chi onohonchishke; ahanchi tok.

14. Yohmi ma Chu hatak Sifa hohchifo, na holitompa isht asha pehlich̄i o ushi untuklo hosh yvm̄ma yohmi tok.

15. Mihma shilombish okpulo ash ot falaminchi mv̄t, Chisvs ā ithana li, mikmv̄t Pal ano ithana li; amba hv̄chishno ak osh kv̄ta hv̄chia hō? achi tok.

16. Mihma shilombish okpulo yvt a foka hatak ash ot yvm̄mak ash o mv̄let, onvtulvt isht i shahlichit imaiyachi tok; ymohmi na na fohka iksho micha ai okpulo kv̄t taha aiena hosh, chuka yvm̄mak ash akohchvt yihlepa tok.

17. Yohmi ma Chu okla hv̄t moma, micha Klik puta aiena Efesvs asha tuk vt, ilēppa okla akostininchi tok; mihma na nukshopa hv̄t mominchit onvtoyula ma, Chitokaka Chisvs hohchifo hv̄t holitopa tok.

18. Mihma na yimmi tuk vt laua hosh ai vltv ant il anolit, nana akaniohmi chatuk puta kvv anohonli tok.

19. Micha isht ahullo imponna vhleha hatuk aiena kak kia, laua hosh i holisso puta ka isht itahobi cha, hatak moma itikba ya a hukmi tok. Micha ai vltoba ya okla hotihna mvt, tvli hvta boshulli tahlepa sipokni pokofi tahlapi tuk o, akostininchi tok.

20. Chihowa im anumpa hvv kvvlo kvv i shahlit ia fehna, yakohmi hosh imaiyachi tok.

21. Nana kvv a yakohmit ont ai issvchi ma, Pal vt Masetonia, micha Akaia aiena ka hlopullikmvt, Cheluselem a ia hi vt chukvsh a isht ai ahni mvt, Yvmma ont anta li tukmvt, anonti Lom ma pisa li pulla akinlashke; ahanchi tok.

22. Mihmvt im ai itapela tuklo Timohlivs, micha Elastvs aiena ka Masetonia pit tihleli cha, amba ilapa vto Asia ya anta na ahchiba tok.

23. Mihma nitak yvmma fehna ma, hina yvmma okla hvv nanumachi fehna tok.

24. Hatak achvfa Temetivs hohchifo, tvli hvta ikbi, yvmak osh Taiena ya tvli hvta itombushi puta im ikbi yosh isht vltoba mvt chvbihasi keyu ho, hatak nan ikbi imponna vhleha ya isht im vla cha;

25. Yvmmak ash, micha nan isht vtta ai itim achvfa vhleha aiena ka hoyot itahobi mvt, Hatak puta ma! nan isht ai vtta ilvppa pulla ho, nan isht il ahayuchi ka hvsh ithaiyanvshke.

26. Yvmohmi ka Efesvs ak o bano keyu, amba Asia a mominchi chiyuhmit Pal ilvppv, ibbak isht toba yokvto chitokaka vhleha nana ho keyu hoke, ahanchi cha, okla laua ka anukfokichit filamolihinchu ka hvsh pisa, micha hvsh haklo aienvshke.

27. Yvmohmi ka hvppishno nan isht iloh ai vtta ilvppak bano ho, ik ahobalo ka he fehna keyu; amba nan isht ahullo ohoyo chito Taiena in tempel ak kia aienvt kalakshikma, anonti yvmmak o Asia moyuma, micha yakni puta kvv aiokpahanchi yash isht aholitopa yvt ont ai okpulot kvvia hinla fehna hoke; achi tok.

28. Mihma okla haklo mvt, anukhobelvt alota mvt, tahpvlvt, Efesvs okla in Taiena vt chinto hoke: ahanchi tok.

29. Mihma tvmaha hā yahapa kv̄t alotvt kv̄nia tok. Micha Masetonia hatak, Pal apehvt nowvt aya Kaivs, micha Alistakvs ita tuklo ka hoklit okla ishi mvt, im anukfila ai achvfa chiyuhmit yihleptv̄t, okla ai itahoba chatuk ā pit abeha tok.

30. Mihma Pal vt okla hā pit iba chukowa bv̄nna tuk ak o nan ithv̄na vhleha yvt v̄lhpesa, okla ik im ahno ki tok.

31. Mihma Asia hatak pehlichī vhleha kaniohmi, yv̄mma i kana yatuk vt, okla ai itahoba yā pit chukowa bv̄nnvt ik peso ka hi ā, ahnit pit im anoli tok.

32. Yvmohmi ma kanimi kv̄t nana hō mihakma, anonti inla mvt inla hō miha tok; itvnaha hak osh ai v̄lhpesa keyu hatuk o, micha moma chohmi kv̄t nana kaniohmi hō itvnaha hatuk vt ik ahostinincho ki tok.

33. Mihma Aleksanta yā okla laua akohchi ma, Chu okla hvt tikba pit hilechi tok; mihma Aleksanta yvt ibbak pit fahv̄mmi mvt, okla hā im isht il anumpuli bv̄nna tok.

34. Yohmi kia yv̄mmak okvt Chu atuk o, okla akostininchi mvt, momvt anumpa achvfa, Efesvs okla in Taiena yvt chinto hoke, tahpvlvt ahanchi na hv̄shi kanv̄lli tuklo foka tok.

35. Mihma tvmaha i holissochi yokvt okla hā yokopli mvt, Efesvs hatak hv̄chia ma! Efesvs tvmaha hvt nan isht ahullo ohoyo chito Taiena, micha na holba toba Chupita a mintit akatula tok aiena ka aiokpv̄chi ā, hatak nanta hosh ik akostinincho kv̄t ahanta cho?

36. Yohmi ka ilv̄ppa nana hō isht ai acha hi o keyu hoka, hv̄chishno yvt nukchintot hv̄sh maya cha, tushpvt nana hv̄chik kaniohmo ka he tuk oke.

37. Hatak yakohmi kv̄t tempel puta wehpuli keyu mvt, anonti hv̄chi naniisht ahullo ohoyo ma ik ahobalot na miha-chi o keyu hokak o, ilv̄ppa isht hv̄sh la tuk oka.

38. Yvmohmi hoka Temetivs vt, micha hatak nan ikbi vhleha yv̄mma apeha kv̄t, hatak nana kia nana im a kanioh-

mi tuk in takanli hokma, nan vļhpisa nitak vt ašha, micha nan apesa vļleha mvt maȳvshke; nan vļhpisa iti onochit ik ašhá.

39. Amba nana inla imma ȳo hvsh ai asilhhvchi hokma, yvmmak okvto itvnaha ai ašli hō ai vļhpisa hi oke.

40. Itvnaha iloppak atuk a nana hō isht il ai anola he mvt iksho; yohmi hokvt himak nitak nana ai vļhpiesa mvt iksho ka, nan vļhpisa ȳvt hvpi onvtula he fehna hoka; achi tok.

41. Micha yakmichit anumpulit issa mvt, itvnaha yash tishelichi tok oke.

CHAPTA XX.

Pal vt Masetonia ona, 1. 7 Pal vt Chitokaka im opiaka impa holi-toblit antvt, vba isht anumpuli. 28 Pal vt iksa in tikba vļleha ha atohnochi.

1. ATUK o yahapa kash ot issa ma, Pal vt nan ithvna vļleha ȳa hoyo cha ai okpvchi mvt, Masetonia a ona chi hosh ia tok.

2. Atuk osh yakni puta yvmmak ash a hlopullit, im anumpohonli fehvt aȳa tuk osh Klis a vļa tok.

3. Micha yvmmak o ahanta na hvshi tuchina tok. Mih-mvt peni fohkv̄t Silia ia chi foka ma, Chu vļleha hv̄t im aie chi ma, falamvt Masetonia pit hlopulli ka ahni tok.

4. Mihma apehv̄t Asia ona kv̄t Sopeta, Belia hatak, micha Hlessalonika okla Alistakvs, micha Sikv̄tvs, micha Tvbi hatak Kaius, mikmvt Timohlivs aiena kak, a tok; mikma Asia hatak vt Tikikvs, mikmvt Tafimvs aiena kak a tok.

5. Yakohmi kv̄t tikba ilhkoli tuk osh Tloas ak o ont ašh-vvt pi hoyo tok.

6. Mihma pv̄ska ik shatv̄mmo vpa nitak vt ai issachi ha ȳo, peni vļbihvt, Filippi ašht e minti kv̄t, nitak tahlapi hō Tloas a il im ai vļa cha, yvmmak o il ašha na nitak untuklo tok.

7. Mihma nitak hullo aohv̄fa nitak aļpi hō, nan ithvna

vhleha hvt pvska kobahlichia chi hosh itahoba ma, Pal vt onnakma kanima ia chi hatuk osh, im anumpuli mvt; anum-pa hash isht mahaya na, ninak iklvnna ona tok.

8. Mihma aboha vba potvlhpo ai itahobvt maya ka, pula hvt lawa tok,

9. Mihma hatak himita achvfa Yutikvs hohchifo hosh okisushi ya gsha tuk osh nusit kunia tok; anonti Pal mvt anumpa ha falaiachi aiena hatuk o, nusit kunia kv akia cha, vba potvlhpo ont atuchina ho vtvt aka ont ittula cha, illi yo okla sholit wakeli tok.

10. Mihma Pal vt pit akowa cha, ont onvtayultv ishi mvt, Im ilhfiopak vt a foka moma boka, ik hvchi nukhlakancho kashke, achi tok.

11. Yvmohmi hatuk osh falamvt oiya mvt, pvska ya kobahlichit impa cha, anumpohonli hopaki, polaka onvt taha ho, kohchvt ia tok.

12. Mihma hatak himita yashot okchaya ho, okla isht vla mvt, na yukpa kv chohmi tok keyu.

13. Mihma tikba ivt peni ya il ona cha, ilap vt aka gvt ia kak o ahni cha, yvmmak o miha tuk oka, yvmma Pal ont ai isht e fohka chi, pim ahoba hosh peni fohkv ivt Asvs g il ona tok.

14. Atuk osh yvmmvt Asvs g a pi afama ma, ishit auet e fohki cha, mintit Mitilini ya e la tok,

15. Micha yvmma asht peni fohkv, e minti tuk vt nitak atukla ma, Kaios, i chapaka e la tuk osh, anonti onna ma, Samvs e la cha, Tochilm g ant il ashwa tok; atuk osh onna ma mintit Mailitv g e la tok.

16. Pal vt Asia g antvt nitak i kunia ik bvno hatuk osh, yohma hiala yobakmvt, Pentekost nitak g Cheluselem g, ont anta chi hatuk osh, tushpvt gya hokvt Efesvs g peni fokvt ont ia be ak o, ahni tok.

17. Micha Mailitv ak o vtvt, ikss i pehlichia vhleha ha Efesvs g pit hoyo tok.

18. Atuk o okla im ai vla ma, Asia ya vla li nitak vmona tok ai itin taiyakla kv, nitak moyuma ka kaniohmi hosh hvchi awant ahanta li chatuk,

19. Chukvsh akanlosi bieka, micha nishkin okchi mihinti fehna hosh, Chu vhleha hvt aiechit maya na, na palvmmi puta sai onvtulvt, Chitokaka ya im antihiya li tok.

20. Micha hvchishno nan isht hvchim ai vhpesa puta ka hvchim a luhmi li tok keyu; amba hvchim anolit ai itvnaha, micha chuka puta, a hvchim abahanchi li tok.

21. Chu okla, micha Klik vhleha aiena ka, Chihowa ile kostininchit i falama cha, hvpin Chitokaka Chisvs Klaist a i yimmi aiena ka, im abahanchi li fehna chatuk a, hvsh ithaiyanvshke.

22. Yvmohmi hosh himak a sa chukvsh vt pit a yiminta fehna hosh, yvmma nana a si akaniohma hi a pit ithana iksho hosh, Cheluselem a ia lishke.

23. Amba Shilombish Holitopa ak osh tmaha moma ka ai anolit, talakchi, micha na palvmmi puta kv an takalishke; ahanchi kak illvshke.

24. Yohmi kia nan ilvppa puta kv achvfona kia ik sa folulechoshke, micha na yukpa hosh a nitak ma, micha nan isht vta Chihowa achukma ka anoli, vbanumpa im avchi la he, Chitokaka Chisvs a ai im ishi li tuk vt atahli la chi kv, vm ilhfiopak a a holitopa ak ai ahnoshke.

25. Yvmohmi hosh himak a, Chihowa apelihchika ya isht hvchim anumpulit hvch itin takla ma aya li chatuk a, hvsh moyuma kv himmakma sa nashuka ya hvsh pisa chi keyu ka, ithaiyana lishke.

26. Yvmohmi hoka batak okluypha im issish a, vno yvt nan isht ai ahalaia li keyu kv, ai ghli mak osh himak nitak a hvchishno a hvchim anohonli lishke.

27. Uno vt Chihowa im anukfila puyuta ka hvchim anoli ka, sa nukwaya iksho chatuk okvt.

28. Yvmohmi hoka hvchishno akinli, micha nan iakaya vhleha moma, Shilombish Holitopa yvt mihi yo apesvchi puta hvch ikbi tok a, ahah! ahnit Chihowa im iksa puta ilap im issish akinli ho isht chumpa tok a, mominchit hvsh pehlichashke.

29. Uno vt kanima atia li ha ma, nashoba okpulo nan

iakaiya vhleha hash, i nukhaklo iksho mak osh, ant hvch iba chukowa he ; ilvppa vno vt ithaiyana li hoka,

30. Micha hvchishno hvsh ai itapeha yash inli hatak ak kia nan ikhvna vhleha ya filvmmichit il iakaiyvcha chi kv, nan isht okpuni ya anumpulit hiohla hi oke.

31. Yvmohmi hoka, hvsh ile nuktahla chiké ; micha afvm-mi tuchina ka nishkin okchi mihinti hosh, nitak micha ninak puyuta ma, moma nan im anolit ahanta li kv, ak isso kv-mohmi chatuk a hvsh ithaiyanvshke.

32. Inta ! il itibapishi vhleha ma ! Chihowa, micha ilap o achukma isht anumpa aiena, yvmmak osh ai ahlichit hvchi hiohliche hinla, mikmvt hochukma toba tok vhleha moyuma ka ai itin takla ya, ai vttvt hvch ima he vhpiesa mak o, yvmma ibbak a pit hvchi fohki lishke.

33. Hatak nana kia in tvli hvta kia, mikmvt in tvli holisso lakna yokmá, keyukmvt ilefohka yokmá nana kia im anush-kunna li chatuk keyushke.

34. Ahli, ibbak ilvppak osh vno, micha si apehvt aya puta na pi bvna ka, nan isht ahanta chatuk a, hvchishno ak kia hvsh ithaiyanvshke.

35. Yakohmit toksahanli hosh ilbvsha puta ka hvsh ape-lvcha he tuk, micha Chitokaka Chisvs im anumpa puta, yvm-mak okvt, Ima kak osh na yukpa kv habena ka, i shahli hoke, achi tok a hvsh ithaiyana chi ka mominchit hvchim anohonli li chatuk oke ; im ahanchi tok.

36. Micha yakohmichit anumpulit taiyahli mvt, hvchuk-bihleptv hikia cha, moma ka pehlichit vba pit anumpuli tok.

37. Mihma momvt nishkin okchi minti fehna mvt, Pal ikonla ya okla onvtuyula cha i suksowa tok ;

38. Himmakma i nashuka ya okla pisa he keyu, miha tok ; anumpa yvmmak o isht nukhaklo im atampa ha tok. Mihmvt apihvt peni ya okla ona tok oke.

CHAPTA XXI.

Pal vt Cheluselem a ia, 1. 17 Pal vt Cheluselem a ont anta ma, iti hokli. 81 Kvpitni chito vt Pal hlakofichi.

1. MIHMA yakohmi tok, yummak ash pit il oka topli cha, i mokofvt auet apissanlit mihintit, Kova g e la tuk osh, nitak atukla ma Lotia g e la; atuk osh yumma ashvut Patela ya e la tok.

2. Micha peni vt Finishi ya ia hosh aya ka e pisa mut, ont e chukowa cha, e maya tok.

3. Atuk osh Saipilus vt auet pi haiaka mut, yummak ash pim vlfvbeke inama yo talaia na, ont il ia mut, Silia ya il ona cha, Taia yak o ont il ataya tok; peni na shali ka yummak o ont akochcha wiha chi hatuk o.

4. Micha yumma nan ishona vheha ya ont il ai ahayuchi mut, il ashwa na nitak untuklo tok; yummak osh Pal g Cheluselem ik ayo ka hi g, Shilombish pulla hatuk mak o, im achi tok.

5. Nitak yummak ash ot ont pin taiyaha mut, pishno ash ot kohchvt pi hina fohkvt il ia ma, momvt tekchi vheha, micha im vlla puta aienvt pi apehvt pisht aya na, tumaha ha ant e kohcha tok; mihma oka takchvka ya hvchukbihlepvt e hielu cha, vba pit il anumpuli tok.

6. Atuk osh okla it aiokpvchit pin taiyaha ma, peni pit il vhto ma, yummak ash ot falamvt, in chuka ilhkoli tok.

7. Atuk o peni fohkvt, Taia gsht e minti tuk vt ont pim ai vhli mut, Talimeis g e la cha, il itibapishi vheha ya ant il aiokpachi cha, nitak achvfa ho takla il ashwa tok.

8. Atuk osh ont onna ma, Pal g apeha pia hatuk vto kohchvt ivt, Sesalia ya e la tok; micha Filip vbanumpa isht vta, yummak osh untuklo kash aiena hatuk ash, in chuka ont e chukowa cha apehvt e maya tok.

9. Mihma hatak yummvt ushetik ohoyo himita ushta hosh im ashwa tuk osh, vbanumpa isht anumpuli tok.

10. Micha yumma il asha na nitak kanohmi ma, hopaii achvfa Akebus hohchifo hosh Chutia mintit vla tok.

11. Micha yummak ashot gyvt pim vla mut, Pal im vskofvchi yash ishi cha, ilap ibbak micha iyi aiena ka isht takchi mut, Hatak vskofvchi iloppvt immi yatukma, Chu vheha Cheluselem aiasa kvv yakohmichit takohi cha, ishit okla

nan ik ithano ibbak a fohka hi oke ; Shilombish Holitopa yvt achishke ; ahanchi tok.

12. Mihma iluppa okla e haklo mvt, pishno ash ot yvm-mak inli gsha yatuk pit il aienvt, Cheluselem a ik aiyo ka hi a, okla il im ahni tok.

13. Mihma Pal vt afalaminchi mvt, Katiohmi ho hvsh ahni hosh ygivt sa chgkvsh a hvsh kobvfi cho ? Sa talak-cha he ak o illa keyu ; amba Cheluselem a Chitokaka Chisva hohchifo pulla ka, isht a si ai illa chi aiena kvt vm vlhtaba hoke, achi tok.

14. Micha hakla he keyu ma, Chitokaka nan ahni yak osh ik yvmohmi, il ahni mvt, okla il issa tok.

15. Mihmvt nitak yakohmi kvt ont taha ma, il il apoyua cha, Cheluselem a pit il ilhkoli tok.

16. Mihma nan ithvna vhleha kaniohmi kvt Sesalia ya gsh pi apehvt ia akinli tok ; micha Nesvn Saipilvs vtta nan ithvna sipokni ka' yo, yvmmak o il ibai gshwa chi ka, okla pisht ona tok.

17. Atuk o Cheluselem ash il ai ona ma, il itibapishi vhleha yvt na yukpa hosh pi aiokpvchi tok.

18. Atuk o onna ma, Pal vt pi awant Chemis a im ona ; mihma hatak tikba vhleha yvt momvt chieya tok.

19. Mihma yvmmak ash aiokpvchit tahli mvt, ilap vt na isht ahanta ho, Chihowa yvt okla nan ik ithano vhleha itin takla ya, nana ai atahanli tuk puta kash o atokowa feh-na kak o anohonli tok.

20. Mihma okla haklo mvt, Chitokaka ya okla aiokpa-hanchi mvt ; yvmmak ash o, Chu vhleha na yimmi kvt tah-lepa sipokni kaniohmi hosh ai asha kvt, yvmmak okvt mo-yumvt nan-vlhpisa holitobli fehna ka, ish pihjvshke, il iti-bapishi ma !

21. Micha chishno vt Chu vhleha hosh oklushi nan ik ithano takla gsha ka, mominchit Moses a okla issa chi ka, im avchit im vlla puta ka hakshup tvpla he tuk keyu, mikmvt ilap nana a kaniohmi vlhpisa puta aiena ka, okla iakaiya he tuk keyu ka, ish i mihha ho, okla im annoa tok.

22. Yohmi ka nanta mak oh cho? Ish la tuk a, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onochi tuk ushta hosh pim gshwvshke.

24. Yvmmak o pehliechi cha, takla nan iba hullochit, mi-cha chishno ak osh vltoba hvt ibafohkvvt chi kvnia pulla na, okla noshkobo shafashke; mina momvt chishno a nana a chi haiyaklo tuk vt peh pilla hatuk; amba chishno ak kia ai vllhpiesvt ish aya cha, nan vllhpisa ya ish holitobli ka ithai-yanashke.

25. Amba okla nan ik ithano na yimmi vhleha imma ka-mo, nana yvmma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvvt nuksitvt illi puta, micha ohoyo himita itin lumaka aiena kak o, okla ik ahalaio ka he yak o, okla pim anukfilvt pit il i holissochi tok; im achi tok.

26. Mihma Pal vt hatak ash pehlichich cha, onna ma, nan iba hullochi mvt, vba nan isht pit aiokpvchi ya achvfa ai-yuka pit im isht aiokpachi ha ya chi ho, nahullochi nitak vt ont taha ka, anola chi hosh tempel a chukowa tok.

27. Atuk o nitak untuklo kash ot ont taha ghosi ma, Chu vhleha Asia minti tuk vt, yvmmvvt tempel anukaka ya gsha na, okla pisa mvt, okla mominchit atqshptlihinchit yvmmak ash ibbak isht ishi mvt;

28. Israel hatak puta ma! pi apelá; hatak ilvppak osh yakni ilvppa, okla, micha nan-vllhpisa aiena ka i svnalit, hatak moyuma ka kanima mominchit ai imabvchi mak oke; micha achakalechi mvt, Klik vhleha ma pehlichit tempel a ant isht chukowa cha, aholitopaka ilvppak ash aiokpvnishke; achit tahpahanla ha tok.

29. Tikba ka Tafimvs, Efesvs hatak vt yvmma awant tv-maha anta ho, okla pisa tuk osh, yvmma Pal vt ilauint tempel a chukowa tuk a, okla im ahoba tok.

30. Mihma tv-maha hash ot momvt wakaya ma, oklat yi-hleptv itahoba tok; micha Pal ash okla ishit tempel a a koh-chi ma; chekosi makinli ho okhissa puta kash ot vllkvma tok.

31. Micha okla vbi bunna hosh maya ma, tvshka chipota aya-chufa i kupitvni chito ya, Cheluselem vt momvt nan ik ai vllpeso bano ka annoa kvv avt im vla cha ;

32. Yvmmak ash ot ashalika tvshka chipota vhleha, mi-cha kupitvni puta ka pehlichu cha, chvvtv itv im ona tok ; mihma kupitvni chito, micha tvshka chipota vhleha aiena ka okla pisa mvt, Pal a boli mvt issa tok.

33. Mihma kupitvni chito ash ot itv ituma ona cha, yvm-mak ash ishi mvt, tvli itatakvli tuklo hosh ishit talakcha chi ka miha tok ; mihmvt, yvmvt kvna hatuk, micha nana hv kaniohmi aiena tuk a, asilhhvchi tok.

34. Mihma okla laua asha tuk vt tahpevt, kanimi kvv kanimihchit miha ma, anonti kanimi kvv inlvchi tok ; mihma yvmmak ashot yahapa hatuk o, ai atokowa ma ik ai akosti-nincho mvt, yvmmak ash isht holihta kvllo ont fohka chi ka, miha tok.

35. Atuk o yakohmi tok, okla hak osh okpulo ka fehna o, yvmmak ashot pit atuyvt ia ya ona ma, tvshka chipota vhleha yosh sholit ishtia tok.

36. Okla laua yak osh, Yvmma kanima isht oh ia cha, ahayvt iakaiya hatuk o,

37. Atuk o Pal ash o holihta kvllo ya, ont isht chukowa chi foka ma, yvmmak ash ot kupitvni chito yash, Chim anum-puli la hinla cho ? im achi ma, yvmmak ash ot, Klik anumpa ya ish anumpula hinla ho ?

38. Chishno ak osh Echip hatak chia hosh, nitak tikba kash nan isht ish ataklaiyama cha, hatak bika vbi ya tahlepa sipokni ushtat pehlichit yakni haiaka ya, pit isht ish chuko-wa tok keyv ? achi tok.

39. Mihma Pal vt, Vno vt Chu hatak Tasva, Silisia yakni tmaha ai vta, tmaha ik ahobo nana hv ai vta sia keyv hoke : mi hosh okla hv im anumpuli la hi a vm ahnikbano, chim ahni lishke ; achi tok.

40. Mihma yvmmak ash ot vllpesa im ahni ma, Pal ash-ot pit atuyvt ia ya o hikia cha, okla hv ibbak a pit i fahvm-mi tok ; micha luma biekvv okla aisha ma, Heblu anumpa hv im anumpulit yak ahanchi mvt,

CHAPTA XXII.

Pal vt kaniohmit vbanumpa nukfoka tok vt anoli, 1. 25 Pal vt fuma he tuk kia, Lom hatak atuk osh hlakofi.

1. **HATAK** il itibapishi vhleha, micha an tikba puta ma! himak a isht hvchim il anumpohonli li ka, hvsh hai-yaklashke.

2. Yummvt Hebta anumpa ho isht im anumpuli na, okla haklo mvt, isht i shahlit lumvt aisha tok. Mihma yummak ashot,

3. Uno vt Oku hatak fehna sia, Tasva, Sibia yakni in tumaha ak o ai vta li tok nana kia, tumaha iluppa Kamiliel iyi itumaka yo abantvt sa hofanti; micha hatak tikba vhleha i nan ulhpisa ai apissaki mvt, vm vlbahachi tok; mihmvt Chihowa ya pit achunanchi kvv himak a nitak hvsh moma kvv, hvchi yummohmi kak inli chiyuhmi li tok.

4. Mihma iluppa yakohmi ka nakni, micha ohoyo aiena ka, illa he mak o, takchit aboha kvvlo pit apittvt ilvashachi li tok.

5. Yohmi ka na holitompa isht asha pehlich, micha hatak tikba vhleha hak kia momvt vm ithaiyana hoke; micha yummak o il itibapishi vhleha pit i holisao ka, im ai ishi li hosh, yumma asha tuk vt talakchi ya Cheluselem a isht vla likma, na palvmmi pisa chi ho, Tamaskvs a ia li tok.

6. Atuk o yakohmi tok; nowvt aya li mvt, hvshi vt tvbokoli foka ho, Tamaskvs a ona la hosi ma, ashalika nan tohwikeli chito vba minti kvv ant tommit si afolupli tok.

7. Mihma aka ont sa tula cha, anumpa kvv, Sal, Sal, nanta katohmi ho, is sa palvmmichi cho? vm ahanchi na, haiyaklo li tok.

8. Mihmvt afalaminchit, Kvta chia hoh cho, Chitokaka ma? achi li ma, Uno ak osh Chivva Nasalit ai vta mihi yo ish i palvmmichi ka sia mak oke; vm ahanchi tok.

9. Mihma si apehvt aya tuk vt tohwikeli hokvno okla pisa mvhli cha, nukshopa tok; yohmi kia anumpa auct vm anumpuli hokvno okla ik haklo ki tok.

10. Mihma, Chitokaka ma! nanta kə katiohmi la chi ho? achi li tok. Mihma Chitokaka yash ot, Wakaya cha, Tamaskus a ish onashke; mikma nana ish a kaniohma he a chim vɬpisa tuk vt moyuma, yummak o a chim annoa hi oke; vm achi tok.

11. Mihma tohwikeli yumma shohpakali tuk a ak hopanayo hatuk o, si apehvt aya tuk ibbak ak osh sa halvli ho, ayvt Tamaskus a ona li tok.

12. Mihma hatak achufa vbanumpuli nan vɬpisa ya isht ai ahli, Ananais osh, Chu vɬleha yumma ai asha ka moma ai im annoa achukma chatuk osh,

13. Ayvt vm va cha hikia mvt, Itəbapishi li Sal ma! ish hoponayashke, vm achi tok; mihma hushi kanvli makinli ho, vba chakalit ilap a pisa li tok.

14. Mihma, Hupin tikba vɬleha in Chihowa yvt, chishno vt ilap o nan ahni ka ish ithaiyana he, mikmvt Ahli yumma ish pisa cha, yumma itakha ai anumpa ma ish hakla hi a chi atokoli tuk oke.

15. Chishno vt nana ho ish pisa tuk, mieha ish haklo tuk aiena kv, hatak moyuma ka im anoli chia ha chi mak oka.

16. Yohmi kv nanta katiohmi ho himak a ish ahchibali cho? wakaya cha, baptismot, Chitokaka ya pit hochihifot, nan chim ai ashvchika puta kv kashofvt chi kmiashke; achi tok.

17. Atuk o yakohmi tok, falamvt Oheluselem ash va ish, tempel anghaka ya vba pit ai anumpohemi li mvt, sa holh-pokuna chohmi tok.

18. Mihma yummak ash ot vno ya, Nana isht is ai anoli ka, okla chim aiokpahancha he keyu hoka, tushpa, mieha Oheluselem a chekosi ish akohchashke; vm ahanchi na pisa li tok.

19. Micha vno ash ot, Chitokaka ma! chishno chi yimmi vɬleha hatuk a aboha kvlo pit apittvt, sinakak puta ka, a fahami li tuk a, okla ithaiyanushke.

20. Micha Istefin atokowa chi anolit im issiah hlatapa ka, vno ak kia itomasi ya hikia li tuk osh, yummvt illa chi ka, vɬpesa ahni li mvt, yumma vbit mɬya ka, im ilefahka ya ishi li tok oke; achi li tok.

21. Mihma, Hopaki pilla, okla nan ik ithano vhleha aia-sha kak o pit chi chvffichi la chi hoka, ish ayashke ; um achi hokvno ; achi tok.

22. Mihma anumpa ilvppa vhli kano okla i haponaklo tok ; atuk osh chitolit, Hatak yvmma chohmi ka, yakni a ai isht ho kanchi, yvmmak okvt okchayvt anta he vhlpesa keyu hoka, okla achi tok.

23. Micha okla tahpvlvt i na fohka puta kash shoelit kampilvt, lukfi pushi aiena ka pehlit vba pilvt maya ma,

24. Kvpitvni chito yvt yvmmak ash o holihta kullo ya isht ona chi ka, apesa mvt, anonti yvmmak ash fvmmi hosh, nan i ponaklo na, kaniohmi ho okla hvt isht anumpuli kv yohmi fehna hatukma, ilap vt akostinincha chi kv, miha tok.

25. Mihma wak hakshup aseta chuhla ka, okla ishit takchi ma, Pal ash osh kvpitvni hvt bilikasi hikia tuk o, Lom hatak, micha nan vhlpisa yosh ai atokowa keyu ka, ish fvmma he chim ai vhlpesa ho ? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kv, ahah ! ish ahnashke, ilvppvt Lom hatak oka ; ahanchi tok.

27. Mihma Kvpitvni chito ash ot vla mvt, Chishno vt Lom hatak chia ho ? vm anoli, im achi ma, yvmmak ash ot, Yau, achi tok.

28. Mihma kvpitvni chito yash ot afalaminchi mvt, Ilap inli nan ahni hosh aya ilvppa, vlhtoba chinto ho isht ishi li tok, achi tok ; mihma Pal ash ot, Amba vno vto si ai imoma yosh vta li tok oke, achi tok.

29. Yohmi ma yvmma nan i ponakla he tuk ash ot mih makinli ho, ai i filamoli tok ; mihma kvpitvni chito ash kia, yvmmak okvt Lom hatak atuk a akostininchi, micha takchi tuk aiena hatuk osh nukshopa tok.

30. Ont onna ma, kaniohmi ho Chu vhleha yvt anumpa ha onochi hatukma atokowa ka akostininchi bvna hatuk osh, isht talakchi ya i hotuffi mvt, na holitompa isht aha pehlich i vhleha, micha i nan apesa vhleha moyuma kv itv-naha chi ka, apesa tok. Micha Pal ash isht ona cha itikba ya ont hilechi tok oke.

CHAPTA XXIII.

Pal vt isht il anumpuli, 1. 10 Pal vt atukla aboha kvllo foka tok.
23 Pal vt nahullo miko Filiks a im ia.

1. **MIHMA** Pal vt hochitoka vhleha ya ai okchifelit pi-hisa mvt, Hatak il itibapishi vhleha ma! im anukfila ai achukma biekvt Chihowa itikba ma ai ahanta li himak nitak fenvshke; achi tok.

2. Mihma na holitompa isht gsha pehlichi Ananais ash ot, yvmma bilika hiohmaya tuk vt itih ha lvsalicha chi ka, miha tok.

3. Mihma Pal ash ot, Chihowa yvt chishno ak o chissa chi hoka, holihta kvllo tohbi chia ka; nan vllhpisa yo nan isht vm ai apesa chi hosh ish gsha mvt, anonti nan vllhpesa ya ai vllhpesa keyu ka, svssa hi a ish miha cho? im achi tok.

4. Mihma a bilika hiohmaya tuk vt, Chihowa i na holitompa isht gsha pehlichi a chik ahobalo ho? achi tok.

5. Mihma Pal ashot, Iloh itibapishi ma! yvmmak okvt na holitompa isht gsha pehlichi ya, ak akostinincho ke tuk oke. Chim okla talaia pehlichi ya ik ahobalot ish anumpuli na, achi hosh holihiso hoka, achi tok.

6. Yohmi kia kashapa kvv Satusi okla yokma, anonti kashapa kvv Falisi yo akastininchi mvt, itvnaha itin takla ya tahpvt, Hatak il itibapishi vhleha ma! vno vt Falisi sia, Falisi o ushi sia hoke; illi falamvt tana he isht a sai yimmi hatuk mak o, nan vm ai asilhvchi hoke; achi tok.

7. Yvmihchit anumpuli ma, itachowa anumpa kvv Falisi vhleha, micha Satusi vhleha aiena itin takla ya takakanli tok; mihma okla laua yvt ita kashapa tok.

8. Satusi iksa yokvt falamvt tana hi vt takanli keyu, mik-mvt enchil, micha shilombish aiena kvv iksho, achi hoka; amba Falisi yokvt tuklonchit yimmit anoli hoke.

9. Mihma yahapa chinto kvv takali tok; mihma holissochi vhleha, Falisi apehanchi kvv wakaya cha, anumpa ha isht ai isso fehvvt, Nan ik vllhpeso nana kia hatak ilvppa kil

ai akostininchoshke; amba shilombish okmá, keyukmvt en-chil okmá nana hosh im anumpuli tok okma, Chihowa ya kiloh itibo kashke; ahanchi tok.

10. Mihma okla itachowa chinto kv̄t takali ma, kv̄pitvni chito ash ot, Pal g okla it̄i hvlat nipli na ahni kv̄t, komunta mvt, ont afv̄t mokofit im ishit, holihta kv̄llo ya ant foka chi h̄q, tvshka chipota v̄hleha ya i miha tok.

11. Mihma yummak atuk ninak g, Chitokaka yv̄t ant a hikīv̄t, Pal ma! na chi yukpashke, Cheluselem g is ai anohonli hatuk okv̄t, chiyuhmit Lom ma atokov̄t ish ai anohenla chi pulla akinli hoke; achi tok.

12. Atak o onv̄t taha ma, Chu v̄hleha kaniohmi kv̄t itibai achv̄v̄t anumpa kv̄llo ile onochit, Pal g okla vbi h̄q keyukmvt ik impo, mieha nana kia ik ishko ka chi kv̄t, mih̄iha tok.

13. Mihmvt pokoli ushta ka atampa hosh anumpa yakohmi ka ikbi tok.

14. Mihmvt na holitompa isht gsha pehlich̄i, mieha asononchika puta aiena ka im ai v̄la mvt, Anumpa kv̄llo fehna ka il il onochi kv̄t, Pal g ke bokmvt nana kia ke po ka chi hoke.

15. Yvmohmi hoka, himik g hvchishno, mieha 'hochitoka v̄hleha hvsh ai itapeha kv̄t, yummak atuk ak o anonti achukmalit i shahlichit im ai asilhrvcha chi h̄q chohmit, kv̄pitvni chito ya hvsh im anoli na, onna ha ma yv̄mma isht hvchim ayashke, yohmikma yummvt ilv̄ppa itomasi g ik lo h̄q e ba chi kv̄t pim v̄lhtaha yoke; achi tok.

16. Mihma Pal in tek ushi yv̄t, yv̄mma im aiechit magya ka haklo mvt, v̄t holihta kv̄llo g ont chukowa cha, Pal g im anoli tok.

17. Mihma Pal v̄t kv̄pitvni v̄hleha ya achv̄v̄t pit hoyo cha, Hatak himita ilv̄ppa ilav̄et kv̄pitvni chito ya isht im ona, yummak oka nanasi kia im anola chi kv̄t in takanli hoka; achi tok.

18. Mihma yummak ash ilav̄eli cha, kv̄pitvni chito ya isht im ona mvt, Pal aboha kv̄llo fohka yak osh pit sa hoyo na v̄la li h̄q, hatak himita ilv̄ppet nanasi kia chim anola hi v̄t

im gsha hatuk o, ilauei chim vla la hinla ka, vm ahni tuk oke; achi tok.

19. Mihma kupitvni chito yvt yvmmak ash ibbak g halvlli cha, naksika alumaka isht im ona mvt i ponaklot, Yvm-mak osh nanta mak o is svm anola chi kvt chin takanli ha-tuk o? achi tok.

20. Mihma, Yvmmak oka achukmalit i shahlichit im asilhhvcha chi ho chohmit, onnaha ma, Pal g ilauei ai itv-naha ya isht ish ona chi ka, chim asilhha chi kvt, Chu vhle-ha yvt itib ai achvfa tuk oke;

21. Yohmi kia chishno vto vlhpesa, chik im ahno kashke; yvmmak okvt hatak pokoli ushta ka atampa hosh, yvmma im aiechi kvt ai asha hosh, yvmmtv anumpa kvllo ya isht il onochit, yvmma okla ik bokmvt nana kia vpvvt, ishkot ik mayo ka chi, isht il apesa tuk oke; yohmi hatuk osh himak g im vlhtahvt, anumpa falama ka auet chim a hoyot maya hoke; achi tok.

22. Mihma kupitvni chito yvt hatak himita yash ant ik ia, im ahni mvt, nana ilvppa puta is svm anoli tuk vt hatak na-na kia, chik im anolo kashke; im achi tok.

23. Mihmtv yvmmak ash ot kupitvni tuklot hoyo mvt, Ni-nak hvshi kanvlli isht vlhpisa ont atuchinakma, Sesalia ilh-kola chi ka, tvshka chipota tahlepa tuklo, micha issuba o binili tvshka pokoli untuklo, mikma na halupa ishi mvt tah-lepa tuklo ho hvsh atahlashke.

24. Micha Pal g, okla o binilichit achukmalit isht ayvt, nahullo miko Filiks g isht im ona chi ka, nan vlhpoa ma, hvsh atahlashke, ahanchi tok,

25. Mihmtv ilvppak o yakohmichit holissochi tok.

26. Kilativs Lisivs vt nahullo miko holitompa fena Filiks g pit aiokpvchishke.

27. Hatak ilvppa Chu vhleha yvt ishi tuk; micha okla vba he tuk o; ilvppvvt Lom hatak atuk o haklo li mvt, tvsh-ka chipota pehlinchit vla lish, okchalinchli li hokvno.

28. Micha kaniohmi ho okla anumpa onochi tuk okma, akostininchi ka sa bvna mvt ilaueit ilap itvnavvt maya ka iba chukova li tuk.

29. Mihmvt yvmmak okvt ilap i nan-vlhpisa yak o anum-pa hvt isht im atoba hatuk o, akostininchi li tuk; yohmi kia isht ai illikmá, keyukmvt talakchikmá nana he imma hokvto ik onvtulo ke tuk oke.

30. Micha Chu vhleha yvt hatak ash im aiechi hosh magya ka vm annoa mvt, ashalika pit chin chvffichi lishke, micha anum-pa onochi vhleha mvt, yvmma nana hō isht a miha hi vt im asha tuk vt, chishno chi tikba yak o a miha chī ma, aieninchit im apesa li tuk oke. Chi achukmakashke; achi tok.

31. Mihma tvshka chipota vhleha yvt, yvmmak osh im vlhpisa tuk okvt, Pal g ilauelet ninak o isht ayvt Antipetis g isht vla tok.

32. Ont onna ma yvmma apihvt ia chī ka, issuba o binili tvshka ya ashachi cha, falamvt holihta kvllo ya okla ona tok.

33. Yvmmak ashot Sesalia ya ai vla cha, holisso hash nahullo miko ya ant ima mvt, Pal ma aieninchit ibbak fohki tok.

34. Mihma nahullo miko vt holisso hash pisvt issa mvt, ulhti nana hō vttvt aya hatuk g i ponaklo tok; Silisia ak atuk o akostininchi mvt,

35. Anumpa chi onochi vhleha ak kia ai vla hok mak o, chi haklo lashke; achi mvt Helot i nan ai vlhpisa chuka yak o, yvmmvvt a foka chī ka, apesa tok oke.

CHAPTA XXIV.

Tatvltv vt Pal g anum-pa onochi, 1. 10 Pal vt isht il anumpuli.

24 Pal vt nahullo miko tekchi ita tuklo ka Klaist isht im anumpuli.

1. YUMMAK atuk g nitak tahlapit taha ma, na holi-tompa isht asha pehlichī Ananaivs vt asononchika vhleha, micha hatak anumponli achvfa Tatvltv hohchifo hō itapehvt vla na, yvmmak osh Pal g nahullo miko g nan isht im anoli tok.

2. Yvmmak ash pit hoyo na vla ma, Tatvlvs vt anumpa onochit ishtivt, Filiks holitompa fehna ma! chishno ak atuk mak q nukchinto fehnvt il ahashwa chatuk, micha chishno vt nan chimponna pulla ho, nan isht im ai ahli achukma fehna kvv okla ilvppa ai i yvmohmi chatuk oke.

3. Nitak moma, micha kanima a mominchit yukpa fehna hosh, il aiokpanchi chatok oke.

4. Himmakma achakalechit ak chin takobecho ka chi na-
na kia, nuktanla chia hvv, anumpa tilofasi ish pi haiyaklok-
bano, chim ai ahni lishke.

5. Hatak ilvppvt, Chu vhleha yakni paknaka aiasha ka mominchit ai itin takla ma, nan isht ataklaiyamvt nan itachowa ma atohnochit aya mvv, Nasalin ikxa ya in tikba hika yq e pisa hatuk oka.

6. Tempel ma aieninchit yvmmvt ik akobalo brnna ho, ilvppa il ishi kvv pishno pi nan vlvhvisa yo, nan isht il im apesa chin tok.

7. Yohmi tuk kia kvv pitvni chito Lisivs vt ayvt ant pi kohcha cha, kullo fehnvt yvmmak ash pibbak a a kohchit eshi cha,

8. Yvmma anumpa ai ikbichi vhleha yvt ayvt chishno a chim vla chi ka avehisa tuk; yvmmak oka chishno inlit im ai asilhhvchi hosh, anumpa isht il ai ikbichi hatuk puta ilvppa ish akostinincha chi hatuk oke, ahanchi tok.

9. Mihma Chu vhleha hak kia pit ataklammvv nana kash yvmmvt yohmi tok oka, ahanchi tok.

10. Mihma anumpula chi ka, nahullo miko vt pit im avvchi ma, Pal ash ot, Okla ilvppa nan im apesvt ish ahanta afvmmi kanohmi ka, chim akostininchi li hatuk osh, na yukpa fehna hosh isht ile anumpohonli lishke.

11. Uba pit aiokpvchi la chi hosh, Cheluselem ia li chash, nitak auah tuklo ka atampa keyu ka, ish ithaiyana hinla kama.

12. Yohmi ka tempel anukaka ya hatak nana kia ai itachovvt ahanta li, micha sinakak puta, micha tvmaha aiena ka okla ha ai ilhkolichit ahanta li, okla sa pisa tuk keyu.

13. Mikmut nana ka anumpa ma himonasi a okla isht a sai onochi tuk vt atokola he keyu hoke.

14. Amba ilvppak o chim il anohonli li, vno nana puyuta nan vlhpisa holisso, micha hopaii vhleha i holisso aiena, a holihiso tok moma ka, yimmit ikxa inla yo okla achi hatuk oka, an tikba vhleha in Chihowa ya yakohmit aiokpahanchi li mvhlishe.

15. Micha, ahli mikmut ik ai ahlo, moma illi yvt tana hi a, yvmma ilap ak kia yohmi, okla ahni akinli hoka, vno vt Chihowa ya pit anukchieto lishke.

16. Yohmi hatuk o Chihowa, mikmut hatak puta aiena itikba ya chukvsh mut yoshoba iiksho bilia hosh ahanta la chi kvt achunanchi li chatuk oke.

17. Yvmmak a tok a afvmmi kanohmit taha ma, na holh-pila vm okla ha isht im aya li mut, vba pit isht aiokpvchi puta aiena ka isht vla li tok.

18. Mih ho yvmmak o Chu kaniohmi Asia minti kvt okla laua yokma, keyukmut a yahapa itin takla yokma nana keyu, tempel anukaka yo, nahullochit vm vltahvt anta li ka, sa pisa tok.

19. Yvmmak osh chi tikba ma, ant maya tuk osh nana kia isht sa mihacha hi vt im agha tukmut acha he tuk.

20. Yvmmak keyukmut ilvppa maya kak inli kia vno vt nan ai apesa itikba hikia li ka, nan ik vlhpeso nana kia vm ai akostininchi tukmut, ik mihá.

21. Amba yvmma itin takla hikia li mut, illi tani yak o isht tahpahanli li tuk, anumpa achvfa ilvppa illa tok o, himak nitak a hvchishno vt hvs svm asilhhvchishke; achi tok.

22. Mihma Filiks vt ilvppa puta haklot, na yakohmi puta kash achukma fena ai akostininchi mut, Kvpitvni chito Lisivs ak osh vla hokmak o nana hvchim a kaniohmi ya okluha hvchim akostininchi lashke; achi mut, im achakalechi tok.

23. Micha kvpitvni hvv Pal a apesvcha chi, yohmi kia fohacha he, mikmut it ithvna ka vhleha yvt, nana ant isht im

otta, keyukmvt im ai itanowvt maya ka, ik im olabo ka hi a, im apesa tok.

24. Yvmmak atuk a i himak nitak kanohmi ho, Filiks vt tekchi Chu ohoyo Tusila ya ilauelet vla mvt, Pal a pit hoyo cha, Klaist a i yimmi imma ka im a haponaklot chieya tok.

25. Yohmi na yvmmak ash ot, ai ahli, mikmvt ile nukta-lanli, micha nan-vlhpisa hi vt mihinti aiena ka isht anumpo-honli ma, Filiks vt wvnihinchi mvt, Himak okvno ish iashke, nitak vt vm vlhpiesa hok mak osh pit chi hoyo la hi oke; achi tok.

26. Michä Pal vt tvli holisso kia ima na, i hotofa hinla ka im ahoba tok; yohmi hatuk osh chekosikma pit hoyo cha, itim anumpohonli beka tok.

27. Yohmi tuk kia yvmmak atuk a, afvmmi tuklo taha ma, Pashis Festvs vt Filiks vlhtobvt hikia tok; mihma Filiks vt Chu vhleha ya yukpali bvna kv, Pal vt talakchi na, issvt ia tok.

CHAPTA XXV.

Chu okla kv Festvs itikba hielit, Pal a anumpa onochi.

1. YOHMI tuk o Festvs vt ulhti ha vla tuk a, nitak tuchina ont ia ma, Sesalia ya vttvt ivt Cheluselem a ona tok.

2. Mihma na holitompa isht asha pehlichy, micha Chu vhleha i hochitoka aiena kv, yvmma Pal a ai isht im anoli cha, nan im asilhha tok.

3. Michä im aiokpanchi cha, yvmmak ash Cheluselem a vla chi ka, pit hoyo na, takla im aiechit vba chi kv, im asilhha tok.

4. Yohmi kia Pal vt Sesalia yak inli ho anta pulla he, micha ilapo akinli mvt chekosikma, yvmma ia chi kv, Festvs vt miha tok.

5. Yohmi hoka hatak vlhpisa hvchi takla maya kv ai apihvt ik ia cha, nan ik achukmo kv a takanli hatukma hatak ilvppa ont ik atokoli; achi tok.

6. Micha yummak ash takla ahanta na, nitak pokoli ka ont atampa ma, ivt Sesalia ya ona tok. Atuk osh ont onna ma, nan apesa aiasa ya om binili mvt, Pal a isht vla hi a, miha tok.

7. Atuk o yummak ash ot vla ma, Chu vhleha Cheluselem mintit vla tuk vt, afoluplit hiohmayvt anumpa laua, micha okpulo fehna ho, ai ikbichit Pal a onochi mvt, yummak ash ai atokolit ghlicha he keyu ki tok.

8. Mihma ilapo inlit isht il anumpulit ahanta mvt, Chu okla i nan vlhpisa, micha tempel, mikmvt Sesa yak okma nana kia, nana ka isht ai i yoshoba li iksho kvmohmishke, achi tok.

9. Yohmi kia Festvs vt Chu vhleha ya yukpali bnna kv, Pal a afalaminchi mvt, Cheluselem a ish ona cha, sa tikba hiki vt ilvppak atuk puta kv nan isht chim vlhpisa hinla cho? achi tok.

10. Mihma Pal ash ot, Nana vm ai vlhpisa he ai vlhpesa mak o, Sesa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fehnvshke.

11. Uno vt anumpa kobvffi sia hokma, keyukmvt isht ai illa he vlhpiesa kaniohmi ho a si yvmohmi tuk okmvt, ik sello ka hi a ak ahnoshke, Amba ilvppa puta kv takali ho anumpa ma yakohmi kv a sai onochi keyu hokmuno, hatak nana kia sasht ibbak ma ik fohko kashke, Sesa ya achakvlt pit im anoli li mak oke, achi tok.

12. Mihma Festvs vt nan itibai apesa vhleha ya itim anumpulit issa mvt, afalaminchit, Sesa yak o ish im anoli mak o? Sesa yak o ish im iashke, achi tok.

13. Atuk o nitak kanohmit taha ma, miko Ekilipa, micha Banisi ita tuklo kv, Festvs a aiokpvchit aya hosh Sesalia ya itvlachi tok.

14. Micha yummak ash ant ashwa na nitak kanohmi ma, Festvs vt Pal nana im a kaniohmi ya, miko im anolit, Hatak achvfa kv talakchi na, Filiks vt issvt ia tok a ashvshke.

15. Mihi yo Cheluselem ont anta li ma, na holitampa

isht gsha pehlichī vhleha, micha Chu in tikba vhleha aiena kv̄t nan im apesakbano, ahn̄it v̄m anoli tok.

16. Mihma afalaminchit, Anumpa onvtula tuk vt anumpa onochi yā nashuka bika ita sanali keyu, micha nana isht a kaniohmi nan ash onvtula tuk vt, mihma isht il anumpula he mvt, ik im v̄lhpeso kisha ka Lom okla hv̄t hatak nana kia illi issa, im ai v̄lhpesa chatuk keyu hoke; im achi li tuk.

17. Yohmi hatuk o ilv̄ppa okla ai v̄la ma, ahchiba iksho ont onna ma, nan apesa ai o binili yā o binili lish hatak ash isht kohchv̄t v̄la ch̄i ka, apesa li tok.

18. Mihma anumpa onochi vhleha yvt wakayvt hieli mvt, yakohma ch̄i ka ahni li tuk amo, achvfali kia isht ik onochi ki tok.

19. Amba ilapo vba pit anumpuli isht a tobv̄t maya, mik-mvt Chisvs illi tok, yvm̄mak o Pal ak osh yvm̄mvt okchaya kak pulla, miha kak o; yvm̄mak o anumpa isht onochi tok.

20. Mihma anumpa yvm̄ma chohmi ka, nan ai anukfilli ak ithano hatuk osh, Cheluselem ak o ona cha, yvm̄mak o ilv̄ppa puta kash ot nan isht im ai v̄lhpisa hinlakma, nana ka i ponaklo li kv̄no.

21. Yohmi kia Pal vt anumpa h̄a Akv̄stvs vt atoshowa ka, hakla he pulla h̄o ahni ma, apesanchi tuk o Sesa yā pit in chv̄ffichi la he vt miha li tuk oke; ahanchi tok.

22. Mihma Ekilipa ash ot Festvs g, V̄no ak kia hatak yvm̄ma i haponaklo la hinla, im achi ma; Onna ha mak o, ish i haponaklashke; achi tok.

23. Atuk o ont onna ma, Ekilipa, micha Banisi aiena kv̄t shema chinto fehna hosh itvlachi cha, kv̄pitv̄ni hochitoka vhleha, micha hatak holitompa vhleha tomaha gsha tuk g, ai itapeha cha ai gsht na haklo yā pit abeha ma, Festvs im anumpa h̄o Pal g isht kohchit v̄la tok.

24. Mihma Festvs ash ot, Ekilipa miko, micha hatak pi apehv̄t ilv̄ppa hv̄sh maya kv̄t momvt hatak ilv̄ppa, Chu okla laua yvt moyumvt, yvm̄mak okvt himmakma okchayvt ahanta na ahchiba he v̄lhpesa keyushke, ahanchit Cheluselem, mi-cha ilv̄ppak inli aiena ka, ai v̄m v̄la beka tuk mak o, hv̄sh pihjiv̄shke.

25. Yohmi kia nana hō isht ai illa he vļhpesa ka yvmohmi tuk keyu; mīcha ilapo akinli mvt anumpa hā achakalinchit Akvstvs ā im anoli mak atuk o, akostinīnchi li mvt, pit chvffichi ka vm-anukfihinla tuk okano.

26. Mih hosh nana hō yvmma ai isht, ā shahli hā pit i holissochi li fehna hi vt ik svm iksho: yohmi hatuk osh nana im asilhvuchi yak osh asht issa ha yokmvno, nanasi ka holissochi la he vt vm āsha hinla kak osh kohchit hvchi tikba, mīcha chishno ak o fehna kak o chi tikbi yā ant hilechi lishke, miko Ekilipa ma!

27. Anumpa mvt isht ai onvtula ka atokowa ma anoli ka aieninchi hō keyu kv̄t, aboha kv̄llo fōka yā pit chvfficha he vļhpisa keyu ka, vm ahoba hokvt; ahanchi tok oke.

CHAPTA XXVI.

Pal vt Ekilipa ā itikba hikīvt kaniohmit āya chatuk puta kv̄t anoli, 1.
12 Pal vt vbanumpuli toba tok vt anoli.

1. MIHMA Ekilipa ashot, Chishno isht ish il anumpula chī kv̄t, chim vļhpesvshke, Pal ā im achi tok. Mihma Pal ash ot ibbak ā pit fahvmmi mvt, isht il anumpohonli tok.

2. Chu vhleha yvt anumpa isht ā sai onochi tok imma puta ka mominchit himak nitak ā, chi tikba hikīvt isht il anumpohonli la chī kv̄t, na yukpvt vm anukfihinlvshke, miko Ekilipa ma!

3. Chu okla i nan vļhpisa puta, mīcha anumpa ai isht itachowa puta aiena ka, chishno vt chimponna pulla hatuk mak o; yohmi hoka achukmalit ā haponaklokbano, chim ai ahnilishke.

4. Ulla sa tomba tok takla, yvmmv̄t vmmona ka vno vm okla talaia ai itin takla Cheluselem ak a tok oka, nana a kaniohmit mihinti li puta ka, Chu vhleha yvt momvt ithavnshke.

5. Ummona kash inli hō, sv̄thanvt isht auehinchi tok, yvmmak osh vbanumpa isht pim iksa apissali kv̄t moma i shahli, Falisi yosh ahanta li tok ā, anola hinla chishke.

6. Micha Chihowa yvt hvpin tikba vhleha ya anumpa ima tok a, a yimmi hatuk pulla hosh himonasi a hikivt nan vm vlpisa mak oke.

7. Anumpa tok yvmmak o pisa ka, aiahni hosh pim okla auah tuklo kvv nitak, ninak puyuta ka Chihowa ya pit aiok-pahanchi na bilia hoke. Na pit ai ahni yvmmak pulla ho, Chu vhleha yvt anumpa isht a sai onochi hoke, Ekilipa miko ma!

8. Chihowa yvt illi puta ka tanicha hi a, katiohmi ho ayimma he keyu nana ho hvchim ahoba cho?

9. Vno vt Chisvs Nasalet vtta hohchifo ha i sanalit nana ka lauachit a si yvmohma he tuk oka, ahnit il anukfilli li mvhli tok.

10. Mihmvt na yvmmak ash Cheluselem a ai yvmihinchi li akinli tok; micha na holitompa isht asha pehlichich vhleha yvt vm apesa hatuk o, vbanumpuli lauachit aboha kvillo pit apihinta li tok; micha okla vba chi ka vno vt vlpesa, ahanchi li tok.

11. Micha sinakak puta ka ai ilbvshahanchi li mvt, Chihowa pit ik ahobalot anumpula hi a, atushpalihinchi li tok; micha yohmi ka i nukkilli li fehna hatuk osh issikkopali kvv, yakni inla tmaha puta kak kia isht aya li tok.

12. Yvmmak o na holitompa isht asha pehlichich vhleha yvt atokowa, anumpa kvillo ai ahli achukma ka vma na, ieshi hosh Tamaskvs a ia hosh aya li tuk o,

13. Ont tvbokolik fehna, hina takla ya, tohwikeli vba minti kvv shohmalali kvv hvshi a imaiya hosh, tommit vno, micha si apehvt nowvt aya tuk aiena kash a folupli na, pi-hisa li tok oke, miko ma!

14. Mihma momvt aka ont pi kaha ma, anumpa hvv vm anumpuli kvv, Heblu anumpa yo Sal, Sal ma! nanta katiohmi ho is svlvshali cho? Na halupa puta ho pit ish hvhli kvv chi palvmmi hoke; ahanchi na haiyaklo li tok.

15. Micha, Kvta chia hoh cho. Chitokaka ma! achi li tok. Mihma, Vno akosh Chisvs ish issikkopali a sia hoke.

16. Yohmi kia chishno a vbanumpa isht vtta, mikmvt nana ish pisa tuk ilvppa, micha nana chim ottvninchi likma,

yvmma puta ka ish anohonla he aiena ka, chikbi la chi, apis-sali ilvppa pulla hosh chi haiaka li hatuk oka; wakayvt chiya a isht ish hikiashke.

17. Okla ha, micha oklushi nan ik ithano vhleha aiena ka akohchit chi hlakofichi li hatuk okvt.

18. Yvmmak oka i holhponayo ha fatummi, anonti ai okhlilika ya a filvmmichit tohwikelika ya isht onvt, micha Setvn apehlich i akohchit Chihowa ya isht ish im ohona na, nan ai ashvchika puta isht a akashofa ka, micha vno a yim-mika pulla hosh isht kashofa tok puta ka, iba takla ai ahanta aiena ma, ahayucha chi mako himak a pit chi chvffihinchi lishke; achi tok.

19. Yohmi ma vba mintit haiaka kash ik im antiot ahanta li tok keyushke, miko Ekilipa ma!

20. Amba ile kostininchi cha filemvt, Chihowa ya okla im ona cha, ile kostininchi yvt a yohmi ai vllhpiesa ho yvmoh-mit aiasha hi a, vmmona ka, Tamaskvs, mikmvt Cheluselem, micha Chutia yakni afullota moma aiasha ka mominchit im anoli li mvt, anonti oklushi nan ik ithano vhleha ma im anohonli li tok oke.

21. Yakohmi puta pulla hatuk mak o, tempel anykaka ya anta li ho, Chu vhleha yvt sashi cha, svbi bvnvt maya tok.

22, 23. Chihowa yvt si apelahanchi hatuk mak o, hopaii vhleha, micha Moses aiena kvv nan a kaniohma he, Klaist vt illvsha he, micha yvmmak osh illi tani ka tikba he, micha okla hash, mikmvt okla nan ik ithano vhleha aiena ka tohwekali ka i haiakvcha he a, ahanchi tok a, yvmma nan isht inla yo miha keyu hosh asvno, micha chipunta aiena ka im anohonli kvv, himak nitak a sa moma hoke, ahanchi tok.

24. Yakohmichit isht il anumpohonli ma, Festvs vt chitolit anumpulit, Pal, chi tasimboshke; holisso chimponna fehna kak osh isht chi tasimbo hoke; achi tok.

25. Mihma, Sa tasimbo ho keyushke; amba anumpa ai ahli, anumpa kostini yo anumpohonli li hoke, Festvs holi-tompa fehna ma!

26. Miko vt ilvppa puta ka ithaiyana ho, itikba ma hikivt

nukwaya ikshot anumpuli li akinlishke. Nana ilvppak okvt chukbika yo a yvmohmi tok keyu hoka. A yakohmi puta kvv achvfona kia in luma keyu ka, vno vt akostininchi li hoka.

27. Miko Ekilipa ma! hopaii vhleha im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ash ot Pal a, Ubanumpuli toba la hi a is si anukfokichi naha fehnvshke; im achi tok.

29. Mihma Pal vt, Chishno ak o bano keyu, amba himak nitak a sa haklo kvv moyumvt naha fehna cha, anonti fehna, vno ak o chiyuhmi hosh, amba talakchi yakohmi kano keyu hosh, hvsh aiasha hi a, Chihowa ya pit im asilhha li hoke; achi tok.

30. Yakmihchit anumpulit issa ma, miko vt, nahullo miko, micha Banisi, mikmvt apehvt chieya tuk aiena kvv wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vlhpesa nana ka, nana ho a kaniohmi kvv ikshoshke; achit itim anumpuli tok.

32. Mihma Ekilipa vt, Hatak ilvppvt i holhtufa hinla tuk, Sesa ako achakalit im anola chintuk keyu hatukmvt; Fes-tvs a im achi tok oke.

CHAPTA XXVII.

Pal vt peni fohkvv Lom pila ia hosh aya, 1. 14 Mahli kvvlo vt peni a onvtula. 39 Yakni a ont ahayuchi cha okla hlakofi.

1. MICHA peni fohkvv Itili ya il ona hi a ai vlhpisvt taha ma, Pal, micha aboha kvvlo fohka inla kaniohmi aiena ka, tvshka chipota Akvstvs ai itapeha i kvvpitvni, Chulivs hohchifo ho ibbak fohki tok.

2. Mihma Hlessalonika tmaha Masetonia hatak, Alistakvs vt piba foka hatuk o, Asia ya pit lapalika okla e maya chi mak osh pim anukfila hosh Atlemitivm peni yo pit il vlbeha mvt il ilhkoli tok.

3. Atuk osh ont onna ma, Saitvn a ont il ataya tok; mih-

ma Chulivs vt Pal g i kana fehnvt isht aya mvt, i kanomi vhleha aiasha ka ona cha, impa hinla chohmi ka, im apesa tok.

4. Atuk o yvmma gsht il ilhkoli mvt, mahli hak osh ai isso hatuk o Saipilvs g nutaka il aya tok.

5. Micha Silisia, mikmvt Pafilia aiena okhvta hq pit il a hlopulli mvt, Lishi yakni, Maila tmaha hq e la tok.

6. Mih hq yvmmak o Aleksantia peni yvt Itili yg ia hosh aya na, kvpitvni hvt pisa cha, yvmmak o pishno ash pit pi apitta tok.

7. Mihma svlahvt il itvnowa na nitak kanohmi hosh, Naitvs g ont kil i chapo kisha chiyuhmi hq, mahli hak osh pi a sanali hatuk o Salmoni i chapa ka Klit ak o nunta gsht il aya tok.

8. Micha yvmmak ash ont kil aiyo chohmi hosh, peni ai ataya achukma hohchifo hq e la tok; yvmmak o bilika yq Lesi tmaha hvt talaia ha tok.

9. Atuk o ahchiebvt taha, micha nahullochi hvt ai issa-chi ha ya tuk o, himak okak heno peni isht aya ka ai achukma he keyu hatuk o, Pal ash ot nan i miha tok.

10. Mihmvt, Hatak puta ma! himak okhvta aya ka nana kvv ai okpulo kvv kvnihia fehna chishke, vhpoyak, micha peni aiena kak bano keyu; amba hvpim ilhfiopak vt aiena chi ka akostininchi lishke; im ahanchi tok.

11. Yohmi kia kvpitvni hash ot, peni vt immi hatuk, mi-cha isht aya pehlichia aiena kak o i yimmi kvv, Pal vt nana anumpuli tuk g, im i shahli tok.

12. Micha peni ai ataya yokvt hvshtula yg aiasha achukma keyu hatuk o, yvmma gsht achakvlit ivt kaniohmi kia yohma hinlakmvt, Finisi yvmmak okvt Klit peni im ai ataya yosh falvmmi im okvtula imma pit bachayakmvt, anonti oka mahli im okvtula imma ma pit hikia hq, ona cha hvshtula yg yvmmak o okla asha hi g, miha kak osh lava kvv i shahli tok.

13. Atuk o oka mahli hvt lomvt mahli ma, okla nan ahni tuk vt im vlpesa, im ahoba mvt, hotofi cha, Klit pit a bilikasit peni isht aya tok.

14. Yohmi tuk kia yummak atuk a hopaki keyu hō, mahli kullo fehna tobt, Yulaklitn hohchifo hosh ai isso tok.

15. Mihma peni vt atapvchit kvnia cha, mahli hā a sanalit ia he keyu ma, ant shalit isht ik ayā, il ahni tok.

16. Mihma shalit ishtia ma, yakni tashaiyi achvfa Kilati hohchifo hō nutaka ona ma, penushi yak osh palvmmi hō isht e mihinti tok.

17. Yummak ash o okla hvlat ishi mvt, apelvchi kvv peni chito ash afohliit takchi mvt; anonti ik yohmokma, okchv-nak ont ai issa hinla ka, nukshopa kvv na hvta hā ai akvchi na shalit isht gya tok.

18. Atuk o mahli kullo ka e takakanlit aya fehna hatuk o, ont onna ma, peni a okla shohhvhlachi tok.

19. Atuk osh nitak ont atuchina ma, pishno pibbak akinli hō peni isht talakchi ya ishit kocha pit e kampila tok.

20. Micha nitak kanohmi ka, hvshi, mikmvt fochik nana kia ik haiako ma, anonti mahli kullo mvt atampa fehna hosh pi onvtuyula ma, pi okchaya he pit ahomba kash ot, momvt pi kvnia tok oke.

21. Yohmi kia okla ik impo hō hopakit taha ma, Pal vt wakayvt itin takla hikia cha, Holitopa vhleha ma! vno ak o hvs sa haponaklo tukmvt, Kilati a hvchik a hotofo ke tuk osh, nan okpulo, micha nan kvnia aiena ilvppa hvchik peso ka he tuk oke.

22. Yohmi kia hatak hvsh achvfona kia im ilhfiopak vt a kvnia chi keyu, amba peni ak illa chi hoka, hvchi yukpa hi a hvchi miha lishke.

23. Himak ninak a Chihowa yummak o immi sia hosh, mihi yo im atihya li yatuk mak o, im enchil vt sa tuma ya hikivt,

24. Pal vt ik chi nukshopo kashke. Sesa itikba ya ish ona chi pulla hoke; mikmvt Chihowa yvt ai itapehvt peni isht hvsh aya ka, yumma mominchit chima hoke; ahanchi tuk oka.

25. Yvmohmi hoka holitopa vhleha yvt na hvchi yuk-

pashke; nana vm annoa tuk fena kv̄t ont v̄lhpiessa ch̄i ka, Chihowa i sai yimmi hoka.

26. Yohmi kia yakni tashaiyi kaniohmi h̄o, ont iloh o hlatapa ch̄i hoke; achi tok.

27. Yvmohmi tuk o ninak vt ont isht auah ushta mak o Atelia okhvta h̄a e fullokahanchi na, ninvk iklvna foka ma, peni isht aya v̄hleha hash ot yakni nana mak o pit bilika ona h̄o, im ahoba tok.

28. Micha oka ya apesa mvt, ashatvpa pokoli tuklo h̄o akostininchi tok; atuk osh achakv̄lit ivt mishema ona mvt, anonti apesa ma, ashatvpa auah tahlapi na pisa tok.

29. Mihmvt tvli hochito ka ont ai issa hinla kv̄t, okla nukshopa kv̄t, yakni yichifi ya ushtat peni hasimbish a pit ai okvchi mvt, onnakbano ahnit aiasha tok.

30. Mihma peni chito isht aya v̄hleha yash ot peni chito ya a kohcha wihvt yihlepa chin cha, penushi yash okhvta h̄a pit oka talali mvt, yakni-isht yichifi ya peni chito itikba ya pit ai oka kapulla hi a ahoba ma,

31. Pal vt, kv̄pitvni, micha tvshka chipota v̄hleha aiena kash, Yakohmi kak osh peni chito anukaka ya maya h̄o keyukma, hvchi okchaya he keyushke; im achi tok.

32. Mihma tvshka chipota v̄hleha yvt peni ushi isht-talakchi ya chanlit hokofi na akia tok.

33. Atuk o onnvt mibinti ma, Pal ash ot, momvt impa hinla ka, im ahni mvt, Nahullochit hvsh ahqshwa cha, nana kia hvchik impo mak o himak' vt nitak ont isht auah-ushtvshke.

34. Yohmi hoka nanasi hvsh impa hinla ka hvchim ahni lishke. Ilvppak o hvsh ai okchaya ch̄i mak okvt; hvsh achvfona kia chi noshkobo h̄a pashi vt ai akia ch̄i keyu mak oke; achi tok.●

35. Yakohmihchit anumpulit tahli mvt, pv̄ska ya eshi cha, moma itikba ya Chihowa pit ai aokpachi tok; micha tushtuli mvt, impvt ishtia tok.

36. Yohmi ma momvt yukpa chukma mvt, yvmmak ash kia okla impa tok.

37. Micha peni il alhto kut e moma kut hatak tahlepa tuklo cha pokoli untuklo akucha hannali il aiena tok.

38. Micha impa kut okla ont im vllhpesa mvt, onush a okla okhuta pit oka hlahlit peni a shohhalali tok.

39. Atuk o onnvt taha ma, yakni ya okla ik ithano ki tok; yohmi kia okhuta filvmmminchi yvt vhlv hvt auet asha ho, okla pit pisa mvt, yohma hinla yobakma, yvmma peni ya ont fohka chi kut okla im anukfila tok.

40. Micha isht yichifi ya okla kohchit aiowa mvt, okhuta ha okla im ile kaiyanchit peni isht afana isht talakchi a hotofi cha, nan tohbi shvpha wishakchi fehna takali ya mahli ha pit a asanalichit vba takalichi mvt, oka vhlv pilla ka, okla ia tok.

41. Micha okhuta tuklo ai itafama ya pit vlhto cha, peni ash yakni ont on talali tok; mihma ibbish imma kuto a kullot knia cha ilhkola he keyu hosh talaya ma, amba hasimbish pila hamo oka banvtha kullo fena kut okpvnit kanchi tok.

42. Mihma tvshka chipota vhleha hash ot aboha kullo vllhpita yatuk a vba hinla, yvmmak keyukma, kanima mvt okshonullit kohcha cha, hlakofa hinla ka, anumpulit maya tok.

43. Yohmi kia kvpitvni hvt Pal a okchalinchv bvna hatuk osh, okla nan ahni tuk a im olvbbi tok; mihmvt kanima hosh okyohla hinla kak osh tikba okhuta ha pit oka kahvt kocha ona chi ka,

44. Mikma inla kanimi kut iti bvsha yo o binohli ma, kanimi mvt peni pahlahli yak o o binohla chi ho, miha tok. Mih hosh yakohmi tok; momvt nana kaniohmi iksho hosh yakni ya, okla onvt hlakofi tok oke.

CHAPTA XXVIII.

Pal, micha apeshvt aya tuk aiena kash okla nan ik ithano vhleha hvt i kana fehna, 1. 8 Pal vt yakni tashaiyi abeka aishash tuk a laua ho hlakofichi. 16 Pal vt Lom a vla mvt, Ohu okla ha vbi isht im anumpuli.

1. **MICHA** okla hlakofi mvto yakni tashaiyi vt Milita hohchifo hatuk o akostininchi tok.

2. Mihma okla nan ik ithano vhleha yvt pi kana kvt peh chohmi tok keyu; mihma uhumba hatuk, micha kapvssa aiena hatuk oka, okla luak oti cha, mominchit pehlichit pishi tok.

3. Mihma Pal vt iti chipunta laua itahobit, sholit luak a ant itoyashachi ma, sinti okpulo fena yvt luak lvshpa ka vttvt kohchvt, ibbak a apakfoa tok.

4. Mihma sinti okpulo fehna yvt ibbak a a takanli na, oklushi nan ik ithano vhleha yash ot pisa mvt, Ik kaniohmi kia hatak ilvppvt hatak bika vbi pulla tuk osh, okhvta hokvno i hlakofi tuk nana kia, na palvmmi ak okvto okchayvt ik anta, ahni keyu hoke; ilap bika itim achit maya tok.

5. Mihma sinti yash fahlit luak pit itvchi mvt, nan ik kanihmo ki tok.

6. Yohmi kia shatalikma, keyukmvt ashaliika illit aka itulakma nana chi kak o, im ahobvt maya tok; yohmi tuk kia okla pisa na hopaki ho, nan ik i kanihmo ho pisa mvt, inlvchit im anukfila mvt, yvmmak ash nan isht-ahullo hoka, achi tok.

7. Yakni yvmmak oka yakni tashaiyi ya apehlichit Publus hohchifo ho, im osapa yosh talohmaya tok. Atuk osh yvmmvt pi kana achukmvt pehlichit pishi na, nitak tuchina il ashwa tok.

8. Atuk o yakohmi tok, Publus iki vt yvnha, micha isish ikfia aiena ho isht abeka hosh ittoyula tok; atuk o Pal vt yvmmak ash ont iba chukowa cha, vba pit anumpulit ibbak a isht umbitepa mvt, hlakofichi tok.

9. Ilvppvt a yakohmi ma inlaka ak kia, yakni tashaiyi yvmma abeka maya tuk vt ai vlot hlakehoi tok.

10. Micha yvmmak okvt nan isht a holitopa laua ka isht pi holitobli tok; micha kocha il ilhkoli ma, nana kia isht aya he vlvhesa puta ka okla pi shalichi tok.

11. Mihma hvshi tuchina kvv taha ma, Aleksantia peni yosh yvmmvt yakni tashaiyi yak o hvshutula ya takanli tok; micha hohchifo mvt Kasta, mikmvt Palvks aiena hosh lapali ho, pit vlvhtot il ilhkoli tok.

12. Micha Sailekus g ont il ataya cha, yvmma il ashwa na nitak tuchina tok.

13. Yvmma asht e minti mvt apakfompvt mihintit Lichivm g e la tok; atuk o ont onna ma, oka mahlit mahli ma, mintit nitak ont atukla ma, Putioli, ya e la tok.

14. Yvmmak o il itibapishi vhleha ya ant il ahayuchi ma, takla e maya na nitak untukla chi ka pim ahni tok; yohmi ma Lom pila imma pit il ilhkoli tok.

15. Mihma yvmma asht il ilhkoli ka, il itibapishi vhleha yvt pi haklo mvt, Api Folvum, mikmvt Ai-impa chuka tuchina heli ka ai vhli kak o, ant a pi afamvt itvnova tok, Pal vt yvmma pisa mvt, Chihowa ya, yakoke, pit im ahni mvt, ayiminta tok.

16. Atuk o Lom g okla il ai vla ma, kvpitvni hvt aboha kvllo vlpita yatuk g nan apesvchi i kvpitvni ha ont ibbak fohki tok; amba Pal ano ik yohmi im ahni na, ilap bano hosh isht aya tuk tvshka chipota ya awant anta tok.

17. Atuk o yakohmi tok, nitak tuchina ont taha ma, Pal vt Chu hochitoka vhleha ha hoyot itahobi tok; micha itahoba ma, Hatak il itibapishi vhleha ma! vno vt okla hoka, micha pin tikba nana a kaniohmi a puta kia nana im ai isht a kaniohmi li kvk iksho nana kia, Cheluselem g vttvt talakchi yosh Lom okla ha ibbak fohka li hokvno.

18. Atuk o yvmmak ashot okla achukmalit vm asilhhvchit taiyahli mvt, isht ai illa he vlpesa mvt, si a takali keyu hatuk oka okla g hotofa he tuk.

19. Yohmi kia Chu vhleha yvt yvmma a sanalit anumpuli ma, vno vt ik kaniohmi kia, Sesa ya im anoli la hi vt, vm anukfila ha tok; vm okla talaia ka nana ho isht ai atokoli la hi vt vm asha ha tok o keyushke.

20. Yvmohmi hatuk osh ilvppa a yakohmi pulla kak o hvchi pisvt isht hvchitim anumpuli la chi hosh hvchi hoyo li tuk oke; Israel nan pit ai ahni a tok pulla mak o, tvli itakvli ilvppvt isht sa talaiyakchi hokvt; im ahanchi tok.

21. Mihma, Chishno g chi nanumachi holisso kvk Chutia ya minti kvk ik pim vlo; yohmikma il itibapishi vhleha ak kia ai vla kvk kanima mvt, nana ik achukmo nana kia chi anolit anumpuli chatuk keyushke.

22. Yohmi kia chishno nana isht chim anukfila kano haklo ka il ahnishke ; amba iksa ilvppak okvno na mihachi kut kanima mominchi hoka, il ikhaiyanashke ; okla im achi tok.

23. Micha nitak okla pit im apesa tuk o, laua kut ai vttta ya okla ant iba chukowa tok ; mihma yvmmak osh Chihowa apelhlichika ya atokolit im anolit, Moses i nan-vlhpisa, micha hopaii vhleha i holisso puta ka akohchit, Chisvs a isht ai anukfohkichit ahanta na onnahnli tuk vt opia tok oke.

24. Yohmi ma nana kut anumpa tuk puta ka kanimi kutto yimmi ma, anonti kanimi mut ik yimmo ki tok.

25. Micha okla ik ai it achvfo mut, Pal vt anumpa achvfa anumpulit, Shilombish Holitopa yvt hopaii Essias a, ghli hosh ai isht anumpulit hvpin tikba vhleha ya,

26. Oh ia cha, okla ilvppa haklo hokvno hvsh haklo kia hvchik akostinincho ka hi oke ; mikmut pisa hokvno hvsh pisa kia, yakohmi hvchik ai ahno ka hi oke ; hvsh in ahanchashke.

27. Yvmmak keyukmut nishkin a ishit pisa cha, anonti haksobish ma, ishit haklokmvt, anonti chukvsh a akostininchi cha inlot im anukfila na, hlakofichi la hinla ka, okla ilvppa chukvsh vt nusilhha fehvt taha ma, anonti haksobish mut haponaklo kut in takobi ma, anonti nishkin a okla okhishta hoka ; im ahanchi tok.

28. Yvmohmi hoka, Chihowa yvt isht ai okchalinchi ya okla inla puta kak o ima ka, yvmmak okvto haponakla chi hoke, hvsh ithaiyanashke ; achi ma, tisheli tok.

29. Yvmmut anumpa ilvppa ahanchit ont issa ma, Chu vhleha yvt tisheli cha, ilapo bika yak o itim anumpuli fehna hosh maya tok.

30. Yvmohmi ma Pal vt, ilap chuka puta tuk vt ahanta na, afvmmi tuklo vlhpiesa hlopulli tok ; yohmi mut kvna hosh i nowvt ayvt vla ka aiokpahanchi banot,

31. Chihowa apelhlichika ya isht anumpulit, hatak nana hosh im alvmmi iksho hq, nana kut Chitokaka Chisvs Klaist a pit ai ahalaia putakma nukwaya iiksho hosh im abahanchi beka tok oke.

HOLISSO PAL UT CHUCH LOM

A HIKIA HQ I HOLISSOCHI TOK.

CHAPTA I.

Vbanumpa yimmi Lom aiasha ka Pal vt pit aiokpuchi, 1; 16 Vbanumpa hvt nana, micha nan vlhpiesa nana hq isht otaiyani; 18 nashvchi moma ka Chihowa yvt i nukkilli; 21 nan ik ithano okla nan im ai ashvchika yvt nana hatuk okma anoli.

1. PAL, Chisvs Klaist in tishu, apostel toba kv, Chihowa im vbanumpa isht vtta hi osh vlhtoka tok vt,

2. Ymma tikba pilla kash o Chihowa hvt Holisso Holitopa yak o i hopaii vhleha ha isht ai anohonli kv,

3. Ilap Ushi Chisvs Klaist hvpin Chitokaka, ymmvt haknip imma hokvno Lewi isht atiaka yo isht atoba kak atok;

4. Micha shilombish holitopa hokvno illi tuk osh falamvt tani kak osh Chihowa Ushi nan im ai ghli fehna kv isht otaiyani ai oklha tok:

5. Ymmak atuk pulla mak o isht ai i kana, micha vbanumpa isht-ai vtta vlhtoka aiena ka il ai eshi ka, oklushi moyuma kv vbanumpa ha im antia na ilap hohchifo hvt isht a holitopa hi atok:

6. Ymmak o ibai achvvt Chisvs Klaist a im a hvchi vlhtohoka tok:

7. Lom aiasha moyuma Chihowa i holitopa, vbanumpuli tohomba tok moyuma ka Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kv hvchi anukfoyukashke.

8. Ummona ka Chisvs Klaist ak atuk mak o hvsh moyuma ka hvch ithaiyanvt, na hvchi yimmi hoka annohvvt

yakni moyuma ka a hlopulli kak o, an Chihowa ya yak oke, pit im ai ahni li hoke.

9. Yohmi ka yummak oka ilap Ushi im vbanumpa hak o ai isht sa shilombish oka isht in toksahanli li kv̄t, anumpa ilbusha anumpuli li puta kv̄t pit hv̄ch ithaiyana bieka hosh, isht hv̄chi anumpohonli li kv̄t ak isso kamohmi hoka, Chihowa yak osh nan atokowa si anoli yoke.

10. Himak a yohma he yoba tuk o nitak vt ik hopako kia achukma biekv̄t ayvt, Chihowa yak osh ai ahni pulla na hv̄chim ona la he ak osh asih̄hla lishke.

11. Yohmi ka hv̄chi pisa sa bunna fehna kv̄t, shilombish isht im achukma he yak o hv̄chi hopela li, nana ka isht hv̄chi hlampka hi atok.

12. Il̄pp̄ot nana ka hv̄ch ibai yukpa li hokbano, na yimmi bika pia hatuk oka, achi li hoke.

13. Yohmi ka itibapishi li v̄hleha ma! hv̄ch im ona la hi okv̄t himon̄ḡ vm anuk̄f̄hinla kv̄t, nan-vni kaniohmi ka hv̄ch itintakla ya ai ishi li kv̄t, Chentail inla v̄hleha h̄ḡ ai ih̄ish̄i li tok a chiyuhmi ak inlikbano ahni li tuk kia, si ataklama na himak a hv̄ch ik ithano ka he ai ahni li keyu hoke.

14. Klik, micha Bvlbaha v̄hleha, nan ithana, nan ik ithano aiena ka vbanumpa h̄ḡ isht im anumpohonli la he vm vl̄h-pisa hoke.

15. Yohmi hoka, vno yokv̄to Lom hv̄sh ai asha kak kia, vbanumpa isht hv̄chim anumpohonli la ch̄i kv̄t vm vl̄htaha hoke.

16. Yohmi ka Klaist im vbanumpa h̄ḡ i sa hofahya he keyu hoke: yohmi ka yummak okv̄t Chihowa nan im ai gh̄li pulla hatuk ak o kv̄na hosh yimmi puta hokv̄to isht ai okchaya hoke; v̄mmona ka Chu hak osh ai yvmohmi h̄ḡ, anonti Klik vt ai yvmohmi ak inlishke.

17. Yohmi ka yummak o na yimmi ak atuk pulla kak o Chihowa i nan isht okchal̄m̄chi yvt na yimmi v̄hleha h̄ḡ im otaiyani hoke; holih̄iso kv̄t, Ai-vl̄hp̄iea yokv̄to na yimmi pulla kak osh isht okchaya hi oke, achi hoka.

18. Yohmi ka Chihowa vba yakni binili nan isht i nukkili yvt hatak vt Chihowa ik holitoblo, micha nan ai vl̄hp̄iea

keyu yvmohmi puta kvt anumpa ai ghli ka ataklemmi kak o onvtuyula hosh otaiyani hoka.

19. Yohmi ka Chihowa imma ka isht ithvna hinla ka ilap inli kvt isht otaiyani hoka, Chihowa yak osh i haiakvchi hatuk oka.

20. Yohmi ka yakni, micha nan okluha vba ai asha kvt toba tok takla ka nana nishkin isht pisa he keyu Chihowa immi puta ka akostininchi fehna kvt nan okluha tohomba tok a Chihowa nan okluha im ai ghli, micha okchayvt bilia yoka isht akostininchi hatuk osh nan isht a miha hi vt ik im ikshoshke.

21. Yohmi ka Chihowa yoka ithana ha yokvt, Chihowa chohmichit ik holitoblo kish, yak oke ik im ai ahno, amba im anukfila kvt nan isht ik ahobo tobt, chukvsh anukfila iksho yvt okhlilit, kvnia tok.

22. Yummvt hopoyuksa ilahobi hosh ik hopoyukso toba tok.

23. Micha Chihowa illa he keyu isht a holitopa ya kanchit na holbt toba hatak illa he, micha hushi, micha nam-poa iyi ushta, micha nana balali puta aiena ka holbt toba ho holitobli tok.

24. Yvmohmi hatuk ak o Chihowa hokvt ilap inli chukvsh okpulo nan ai ahni puta kak atuk mak o na liteha ya a yvmohmit, ilap haknip puta kash inli isht ik iti hofahyali, im ai ahni tok ak inlishke:

25. Yohmi ka yummvt Chihowa i nan ai ghli yoka holabi yo isht ai ikbi cha, natoba yak o aiokpvchit, in toksahanli kvt Nan ikbi ya i shablichit tok: yummak okvto holitopot bilia yoke. Amen.

26. Ilppak atuk pulla kak o Chihowa hv ant ik yvmohmi ai ahni ho, havi isht ile hofahyali ilaiyuka ka ai yvmohmi tok. Yohmi kvt ohoyo hak kia nana ka ai yvmohma he atuk ash o ai inlvchit, ohoyo hv ai yvmohma he atuk keyu ka yvmohmi tok.

27. Mihma nakni yak kia ohoyo hak o ai yvmohma he atuk vt issa cha, it i havi anukfilli kvt luhwa fehna mv, nakni vt nakni bika ka isht a hofahya yak o it i yvmihinchi

hosh, ilap nan ai ashvchika isht vlhtoba ai vlhpiesa mak o ilap ash inli hosh ihishi tok.

28. Micha Chihowa hoka ithaiyana ka ik bvnno hatuk oka, Chihowa hut ant ik yvmohmi ai ahni hq, im anukfila okpulo yoka nan isht ai ahni hosh, nan isht a hofahya he puta ka yvmihinchichi tok.

29. Yohmi hosh nan ai vlhpiesa keyu, itin lumaka, nan okpulo anukfilli, nan anushkunna, inla chukvsh hotopali bvnna, nan it i potvnno, hatak bika vbi, itachowa, it i haksichi, nan isht i nukkilli, inla lumvt na mihachi aiena ka isht ai alotowvt kvnia hatuk osh,

30. Inla ya ashakachit na mihachi puta, Chihowa i nukkilli vhleha, na hofahyalit isht anumpuli, ilefehnvchi, ilauata, nan isht ik achukmo puta ihikbi, iki, ishki ita tuklo ik im antio,

31. Nan im anukfila iksho, nan it im vlhpisa kobeffit shahli, im vlla i hullo ik im iksho, it i hopohla himma keyu, it i nukhaklo ik im iksho :

32. Yvmmak okvt Chihowa i nan vlhpisa yvt, kvna hosh nana yvmma chiyuhmi ka yvmihinchichi hokvt isht ai illa he vlhpiesa achi ka ithana kia ; yvmma yvmihinchichi kak bano keyu, amba kvna hosh yvmihinchik mak o isht im ai achukma hoke.

CHAPTA II.

Kvna hosh nanashvchi hokvto nana hq isht apelpoacha hi vt ik im iksho, 1 : 6 mikmvt Chu yokma, keyukmvt Chentail okma, nana hatuk oh kia Chihowa i nan vlhpisa hq im a hlakofa he keyu.

1. YUMOHI ka kvna chia hoh kia inla anumpa ish onochikmvt, nan isht ile mihacha hi vt ik chim ikshoshke, hatak chia ma ! kvna chia hosh inla anumpa ish onochi hokmvt, nana yvmmak ash inli hq ish ai yvmohmi chatuk okvt ; nana hq inla ya ish onochi kv, chishno yash inli hosh anumpa ish il onochi hoke.

2. Yohmi kia ilvppa chiyuhmi yvmihichi puta hokvno

Chihowa yokvt ai ghli mak o nan vlhpisa ya onochi hoka il ithaiyvshke.

3. Yohmi ka hatak chia ma! nana yvmma yvmihinchī puta ka anumpa ish onochi mvt, yvmmak ash inli hō ish yvmihinchī kv̄t, Chihowa i nan vlhpisa ya ish ai i hlakofa hinla, chim ahoba cho?

4. Micha Chihowa isht chī kana ya isht ish ile kostinincha he atuk vt chik ithaiyano hosh, isht chī kana' fehv̄t, chim ile salalit, na palv̄m̄mi chi onocha hi osh ile halanli aiena ka ish shitelama cho?

5. Amba chi chukvsh kv̄llo nan ai ashvchika isht nukhaklo keyu yak o ish iakaiya hosh, Chihowa yokvt nan ai vlhpiesa apesa ka otaiyana he, micha ai ilbvsha nitak vt otaiyanikma, a chilbvsha hi vt ish il im itv̄nahanlishke.

6. Yvmmak okvto hatak puta kv̄t ilap nana kaniohmi tok ak o isht ai im atobba hi oke.

7. Yohmi kv̄t kv̄na hosh nuktaiyav̄t achunanchit nan achukma yvmohmi kv̄t, isht a holitopa, micha isht annoa achukma, micha isht ai illa he keyu hohoyo hokvno isht ai okchaya bilia he im apesa hi oke.

8. Amba kv̄na hosh Chihowa ya i sanali, micha anumpa ai ghli ik holitoblo hosh, amba nan ai vlhpiesa keyu a yvmohmi yokvno, isht i nukkilli chinto kv̄t onvtuyula hi oke,

9. Micha hatak nan ik achukmo yvmihchi puta hokvno isht ai ilbvsha, micha isht anukhv̄m̄mi aiena hosh onvtuyula kv̄t; Chu ak o tikba onvtuyula cha, Chentail ak kia onvtuyula hi oke:

10. Amba isht a holitopa, micha isht annoa achukma, micha isht it i nanaiya aiena hosh hatak nana achukma yvmihinchī puta hokvno onvtuyula he; yohmi kv̄t Chu ak o tikba onvtuyula cha, Chentail ak kia onvtuyula hi oke;

11. Yohmi ka Chihowa hokvto hatak puta ka it i shahshohlichī kv̄t ik im iksho hoke.

12. Yohmi ka laua kaniohmi hosh vba nan vlhpisa yvt ik im iksho hosh nan ashahanchī hokvto, vba nan vlhpisa iksho hō ai okpulo kv̄t kv̄nia mak inla he; mikma laua kaniohmi hosh vba nan vlhpisa yvt in tonla hosh nan ashahan-

chi hatuk mvt, vba nan vlhpisa yak o nan isht ai ina vlhpisa hi oke :

13. Yohmi ka vba nan vlhpisa ya haklo vhleha hak osh Chihowa itikba ya isht ai vlhpisa ho keyu, amba vba nan vlhpisa ya yvmihinchi vhleha hak osh ai vlhpisa hoke.

14. Yohmi ka Chentail vba nan vlhpisa ik im iksho vhleha hv ilap nan anukfilli hosh nana a kaniohma he vba nan vlhpisa ya foka tuk a yvmihchi hokmvt, yummvt vba nan vlhpisa yvt ik im iksho ak inli kia, ilap ash inli hosh isht im il i nan vlhpisa yoke.

15. Yummak osh vba nan vlhpisa yvt nan i miha ka otv-ninchi kv i chukvsh oka ai o holihiso ho, ilap nan isht il akostininchi yak kia nan atokowa ka ibai anohonli, mikma im anukfila puta kv i himmak ano ilap ash inli hosh anumpa isht il onochi, isht il achukmali, kanimampo ka it im anohonli hoke.

16. Yohmi kv Chihowa hokvt vm vbanumpa ak atuk pulla kak o Chisvs Klaist oka ishit hatak im anukfila luma puta tuk a nan im apesa he nitak yummak fehna ka yvmohma hi oke.

17. Yakeh ! Chu chi hohchifo kv, vba nan vlhpisa ya ish anukchieto hosh Chihowa ya isht ish ilauata ;

18. Micha vba nan vlhpisa ya isht a chim vlbvchi hatuk osh, nan ai ahni ka ish ithana, micha nan achukma i shahli ka ish holitobli hoke ;

19. Micha nishkin tamoa ya in tikba hika, ai okhlilika anukaka aiasha ka im pula sia hoke, ai ahnit ish ile yimmi hokvt ;

20. Micha im anukfila iksho kostininchi, vlla chipinta nan im abvchi, nan ithana, micha nan ai ahli vba nan vlhpisa foka ka ai isht ithvna ish ishi hoke.

21. Yvmohmi ka chishno yvt inla nan ithvnanchi chia hokvt, chishno inli kvno chik il ithvnancho cho ? Hatak vt hukopa he keyu ho otvninchit ish anumpohonli hokak osh, chishno yvt ish hukopa cho ?

22. Hatak vt itin lumaka he keyu, ish abaya hokak osh, ish itin lumaka cho ? Na holvt toba ya i yuwalvt ish shi-

tilema hokak osh, Chihowa ya nana ish ima hi atuk vt ish ishi cho?

23. Uba nan vlhpisa isht ish ilauata ho kak osh, vba nan vlhpisa yash kobuffit Chihowa ya isht chik holitoblo cho?

24. Yohmi ka, Yohma hi o holihiso hatok oka, Chihowa hohchifo hvt Chentail vhleha ha ai i kollakshi kvv huchishno yak atuk pulla kak oke.

25. Yohmi ka vba nan vlhpisa yak o ish holitoblik mmo, hakshup tupa yvt isht ai achukma ai ghli; amba vba nan vlhpisa ya, ish kobuffi yokmvno chi hakshup tupa yvt hakshup ik tapo hoke.

26. Yvmohmi ka hakshup ik tapo yvt vba nan vlhpisa yvt isht ai vlhpiesa kak o holitobli hokmvt, hakshup ik tapo yash ot hakshup tupa yo chohma hinla keyu?

27. Micha hakshup ik in tapo yoh mak osh vba nan vlhpisa ya holitobli hokmvt, chishno yokvt holisso hvt chin tonla, micha chi hakshup tupa kia vba nan vlhpisa ya ish kobahafi ka, nan chim apesa hinla keyu?

28. Yohmi ka paknali yokvto Chu keyu, micha nipi ai otvni kvto hakshup tupa keyu hoke.

29. Amba im anukfila anukaka yokvto Chu oke; mikma hakshup tupa yvto chukvsh anukaka yak oke; yummak oks hatak okvt ahninchu keyu, amba Chihowa yak oke.

CHAPTA III.

Chu okla nan isht im achukma kvv i shahli, 1. 9 Uba nan vlhpisa yvt nanashvchi Chu a isht im atokowa; 20 hatak nana hoah vba nan vlhpisa ya isht ai vlhpiesa he keyu: moma kvv na yimmi ho isht ai vlhpiesa; yohmi kia vba nan vlhpisa yvt akahot kvnia keyu.

1. YOHMI ka Chu hvt nanta isht i shahli ho ishi ho? micha hakshup tupa ya nanta hak o isht im ai achukma ho?

2. Ai okluha bieka; vmmona ka Chihowa im anumpa hvt ibbak a foyuka hatok oka.

3. Yohmi ka kaniohmi kvv ik yimmo hatuk okma, nanta

katiohmi cho? yummvt ik yimmo kak osh Chihowa yvt nan isht ai ghli yoka ik ai ghlecho hō?

4. Ik yvmohmo pullashke; ghli, Chihowa hokvto ai ghlikma, amba hatak moma kvto holabi ashke; yohma hi o holihiso hatok oka, Ish ai anumpohonli puta kvt ish ai ghla hi atok, micha nana chim vlhpisakmvt, ish imaiyacha hi atok.

5. Yohmi ka nan ai vlhpiesa keyu e yvmohmi kak osh Chihowa hvto nan ai vlhpiesa yvmohmi ka otvninchi hokmvt, nanta hak o il acha hinla hō? Chihowa hvto na palvmmi ka onochi kvto ik ai vlhpieso hō? Hatak vt anumpuli chatuk mak o anumpuli lishke.

6. Ik yvmohmo pullashke; yohmi hokmvt, Chihowa hvto okla moyuma ka katihomit nan im apesa hinla hō?

7. Yohmi ka Chihowa nan isht ai ghli yokvt vno ak osh holabi li kak o isht i shahlit otvni na ilap vt isht a holitopa hokak o, nanta katihomi hō nan ashvchi yo chiyuhmit nan vm vlhpisa hinla ak inli hō?

8. Amba nan ik ghlo isht a pi annohowa kvto, nan ik achukmo kak o e yvmohmi na nana kvto isht ai achukmashke, il achi hō kaniohmi hokak heto kullochit anohonli hatok a, nanta katihomi hō ke yvmohmo cho? yummak ash nan vlhpisa hvto onvtuyula he vt ai vlhpiesa hoke.

9. Yakohmi ka katihomi hō? isht a pim achukma kvto yumma il i shahli hō? Keyu kamohmi hoke; yohmi ka Chu, micha Chentail vhleha moyuma hokvt ai ashvchika nuta ai asha ka tikba kash il otvninchi tuk oke:

10. Yohma hi o holihiso hatok oka, ai vlhpiesa yvt iksho, achvfa kia iksho hoke:

11. Achvfona kia nana ka akostininchi kvto iksho; achvfa kia Chihowa ya hohoyo kvto iksho hoke.

12. Moyuma kvto naksika yo itvnohowa, moyuma kvto itapihvt isht ai achukma hi vt iksho; achvfa kia na achukma yvmihchi kvto iksho; achvfa kia iksho hoke.

13. Ishit nalli yvt hatak a hollopi tiwa yoke; isunlvsh a isht haksihinchi; asps nan isht vbi yvt itivlbi; nyukaka ya fqka hoke:

14. Inla ya nan okpulo im ai ahnit anumpuli, micha anumpa na hotopali aiena kvt itih hā alotowa hoke.

15. Iyi yvt issish a hlatahampla chī kvt pulhki hoke.

16. Isht ai okpulo, micha isht ai ilbvsha aiena kvt ī hina ya foyuka hoke :

17. Isht it ī nanaiya hina ya ik ithano chatuk oke.

18. Chihowa isht ī nukshopa yvt nishkin itikba ya ik im iksho hoke.

19. Yohmi ka nana hq vba nan vlhpisa yvt achi kvt, kvna hosh vba nan vlhpisa ī nuta ai asha kak o im achi ka il ithana ; yohmi na itih puta kvt vlhkuma hi atok ; micha okla moyuma kvt Chihowa itikba ya nan vlhpisa yvt ai onvtula hi atok.

20. Yvmohmi hoka nan isht ai vta vba nan vlhpisa yvt ai ahni kak o hatak nana kia itikba ya ai vlhpiesa he keyu hoke ; yohmi ka vba nan vlhpisa yak o ai ashvchika ya isht ithvna yoka.

21. Amba himonasi kano nan ai vlhpiesa kvt vba nan vlhpisa holitobli kak o keyu, Chihowa hvt atahli tok a otaiyani kvt, vba nan vlhpisa, micha hopaii vhleha hvt nan atokowa anohonli tok ak atok :

22. Yvmmvt Chihowa ī nan ai vlhpiesa Chisvs Klaist ī yimmi kak o a minti mak osh moyuma ka im annohowa, micha yimmi moyuma, kvt anukfoyuka ; it im inla kvt iksho hoka :

23. Yohmi ka moyuma kvt nan ashvchi hatuk, micha Chihowa hvt ai ahninha hi a ik ono hatuk oka :

24. Chisvs Klaist vt isht vlhtoba ya atobbi tok pulla mak o, Chihowa isht ī kana ya pilla isht ai im vlhpiesa hatuk oke :

25. Yvmmak oka im issish a anukchieto hokmak o, Chihowa hvt haiakvchi tok ; yohmi hosh Chihowa hvt na palvmmi onocha hi osh ile halanlit, tikba nan ai ashahanchi tok a ī kashofi kvt, nan isht ai vlhpiesa otvnincha hi osh yvmohmi tok :

26. Yohmi hosh himonasi ya nan isht ai vlhpiesa ya otvnincha chī hosh yvmohmi kvt, Chisvs ak o ī yimmi hokvno

nan ai ashvchika yə ai vllhpiesachi kv̄t, ilap vt ai vllhpiesa hi atok.

27. Yohmi ka nan isht ilauata yvt katimak o? Iksho kamohmishke. Nan vllhpisa nanta hak o isht ai akshu hō? nan isht v̄tta nan vllhpisa hak o? Keyu, amba na yimmi nan vllhpisa kak oke.

28. Yvmohmi hoka hatak vt v̄ba nan vllhpisa yə holitobli tok ak o keyu, amba na yimmi pulla kak osh isht ai vllhpiesa il ai ahnishke.

29. Chihowa hv̄t Chu ak illa in Chihowa hō? yvm̄vt Chentail ak kia in Chihowa ak inli keyu hō? Ahli, Chentail ak kia in Chihowa hoke;

30. Yohmi ka hakshup t̄vpa yvt i yimmi hatuk pulla mak o, micha hakshup ik tapo yvt yimmi hatuk pulla mak o ai vllhpiesacha hi vt Chihowa achefa illa hoka.

31. Yohmi ka na yimmi yatuk pulla kak o v̄ba nan vllhpisa yə il akshochi hō? Ik yvmohmo pullashke: amba v̄ba nan vllhpisa yak o il ai ghlichhi hoke.

CHAPTA IV

Eblaham vt na yimmi hoah ai vllhpesa isht hohchifo, 1: 18 na yimmi moma hokvno Eblaham vt iki; 26 na hv̄pim a yimmi ka yak kia ai vllhpiesa isht pi hohchifa chi.

1. YOHMI ka piki Eblaham vt hakn̄p imma hokvno nanta hak o ahayuchi tok o, il acha hinla hō?

2. Yohmi ka Eblaham vt v̄ba nan vllhpisa yə isht ahanta kak osh isht ai vllhpiesa hokm̄vt, nan isht ilauata ishi; yohmi kia Chihowa itikba hokvno yvmohmi keyu ki tok.

3. Yohmi ka Holisso Holitopa yvt nanta hak o achi hō? Eblaham vt Chihowa yə i yimmi kak osh nan isht ai vllhpiesa yvt immi toba tok.

4. Yohmi ka na toksahanli ka isht im vllhtoba kv̄t isht i kana yō keyu, amba ahaka yoke.

5. Amba toksahanli yak keyu, amba nan ashvohi yə ai

vlhpiesachi yak o i yimmi hokvto, ilap na yimmi ak osh nan isht ai vlhpiesa yvt immi toba hoke.

6. Yvmma chiyuhmi ka hatak vt toksahanli keyu kia, nan isht ai vlhpiesa ya Chihowa hvv ima na nan isht ilai-yukpa ka Lewi ak kia isht anumpuli kvv,

7. Kvna hosh nan ik ai vlhpieso yvt i kashofa, micha ai ashvchika yvt im ompoholmo hokvto, na yukpvshke.

8. Chitokaka yvt ai ashvchika ik im iksho yv chohmichi hokvno hatak yvmmvt na yukpvshke, achi tok.

9. Yohmi ka nan isht ilaiyukpa ikvppvt hakshup tupa ak illa hv immi hv? keyukmvv hakshup ik tapo yak kia aiena hv? Yohmi ka na yimmi yak osh Eblaham g nan isht ai vlhpiesa immi toba tok, il achi hoke.

10. Yohmi ka katiohmit immi toba tok o? hakshup tupa hayak atok o? keyukmvv hakshup ik tapo kvsha kak atok o? Hakshup tupa hayak atok keyu, amba hakshup ik tapo kvsha kak atok.

11. Yohmi ka hakshup tupa yak osh nan isht atokowa, micha nan isht ai vlhpiesa isht ai ghli mak o hakshup ik tapo kash inli hosh jshi tok; yohmi kvv hakshup ik tapo kia, yimmi hokvno moyuma ka iki ya hi atok; yohmi hv yvmmak kia nan isht ai vlhpiesa yvt immi ak inla hi atok:

12. Yohmi kvv hakshup tupa iki, micha hakshup tupa kak illa keyu, amba piki Eblaham vt hakshup ik tapo kvsha ak inli kash osh yimmi a nohwa tok ak o iakaiya yvmmak okvno iki ya hi atok.

13. Yohmi ka Eblaham, micha isht atiaka yvt yakni moyuma kvv immi ha hi o im issa kvv, vba nan vlhpisa ya holitobli tok ak atok keyu, amba na yimmi nan isht ai vlhpiesa kak atok.

14. Yohmi ka vba nan vlhpisa yvmma anukchieto yak osh immi ha he yokma, na yimmi vt akshu toba, micha nan im issa tok g ai ghla he keyu hoke.

15. Yohmi ka vba nan vlhpisa yvto nar isht a palvmmi yoka; yohmi ka nan vlhpisa iksho hokvno, nan vlhpisa kobvfi iksho hoka.

16. Yvmohmi hoka isht i kana yak a hi atuk pulla kak o, na yimmi isht ai vlhpiesa kak oke: yohmi ho yvmmak ash isht atiaka moyuma ka nan im issa tok ash im ai ghla hi-atok: isht atiaka vba nan vlhpisa in tonla kash illa keyu, amba isht atiaka Eblaham e moyuma ka piki vt yimmi tok ak o chiyuhmi aiena kak o im ai ghla hi atok.

17. Yohmi ka, Oklushi lawa ka iki yo chikbi li tok; achi kv̄t holihiso hatok ak o yohmi hoke; Chihowa i yimmi tok yvmmak osh illi ya tanihinchī, micha nana kv̄t ik yvmohmo kisha kia, yohmi tuk ash inli ho chohmichit isht anumpo-honli yvmmak o itikba ai yvmohmi hoke.

18. Yvmmv̄t yohma he ik ahobo fehna kia, yohmi pulla chī ahnit, oklushi lawa ka iki toba hi atuk vt yimmi tok; yohma hi o anuhumpa hatuk oka, Isht chi ai unchululi hv̄t yvmohma hi oke.

19. Yohmi kv̄t yimmi kv̄t ik kullo keyu hokvt, sipokni kv̄t afv̄m̄mi tahlepa achvfa foka kia, ilap haknīp vt himo-nasi kv̄no illi, micha Sela im oshvto yvt illi, ai ahni tok keyu.

20. Chihowa hv̄t nan im issa tok ash ik yimmot anuk-tuklo keyu; amba yimmi kv̄t kullo hatuk osh Chihowa ha holitohombli tok:

21. Micha nan im ihisa hatuk vt ai ghlichā he bano aiena ka nukfoyuka fehna tok.

22. Micha yvmohmi kak o nan isht ai vlhpiesa yvt immi toba tok.

23. Yohmi ka yvmmv̄t immi toba tok a, holihiso kak osh ilap ak atuk illa hak atok keyu:

24. Amba pishno ak kia pi holihiso ak inli tok; pin Chitokaka Chisvs okvt illi tuk a falaminchit tanichi tok a il i yimmi hokmv̄t, pishno ak kia pimmi toba hi atok oka,

25. Yvmmak ash ot pim ai ashvchika yak atuk pulla mak o illa chī hosh im vlhpisa tuk osh, isht pi ai vlhpiesa he mak o anonti falamv̄t tani tok.

CHAPTA V.

Na yimmi hq isht a pi vlhpiesa hokmak osh nan isht i kana Chihowa il ibai ishi, 1; 8 in tenvp pia hatuk kia Chisvs im issish pulla hq il itin nanaiya tok; 10 il itin nanaiya hokvt hpi okchaya chi pulla; 12 nanashvchi, micha nan illi itatuklo kv Alvm ak o minti tok; yohmi hoka nan ai vlhpiesa micha nan okchaya itatuklo kv Chisvs Klaist ak o a minti hoke.

1. YUMOHMI ka na yimmi pulla yak o isht a pi ai vlhpiesa hatuk osh, pin Chitokaka Chisvs Klaist ak atuk pulla mak o Chihowa ya il it i nanaiya hoke.

2. Yvmmak atuk pulla mak o isht i kana il a hiel iloppa na yimmi pulla kak osh e chukowa cha, Chihowa isht a holitopa ya il isha he ahnit, pi yuhukpvshke.

3. Micha yvmmak illa keyu, amba na palvmmi puta ak atuk mak o pi yuhukpa ak inlishke; na palvmmi yak osh nuktaiyaltv achunanchi ikbi hoka, il ithana hoke:

4. Mikmvt nuktaiyaltv achunanchi yak osh Chihowa immi ai a atokowa isht ai il ithana ikbi hoke; micha Chihowa immi ai atokowa isht ai il ithana yak osh ai okchaya pisa he ahni ikbi hoke:

5. Micha ai okchaya pisa he ahni yvt hofahyali keyu; Shilombish Holitopa yvt pi anukfoka hatuk osh Chihowa isht i hullo ya lauachit pi chukvsh anukaka ya pit fohobli hoka.

6. Yohmi ka hlampko ik pim iksho moma kak o ont ai vlhpiesa ma, Chisvs vt Chihowa ik holitoblo ya vlhtobvt illi tok.

7. Yohmi ka hatak vlhpesa yak ok mak o kanima kv vlhtobvt illa he keyu chiyuhmi; amba hatak achukma yokvno kaniohmi kv vlhtobvt illi kv ik nukwiyo ka hinla chishke.

8. Amba Chihowa hokvto isht pi hullo otvninchi kv, nan ashvchi pia moma kash o, Chisvs Klaist vt pi vlhtobvt illi kak a tok.

9. Yohmi ka himonasi hokvno ipn issish ak o isht a pi

vlhpiesa hokvt, yvmmak atuk pulla kak q isht i shahli fehnt na palvmmi mihinti ka il i hlakofa hinla hoke.

10. Yohmi ka in tenvp pia moma kash ot, Ushi yvt illi tok pulla kak q Chihowa ya isht a il it i nanaiya hatuk okmvt, il it i nanaiya ha yokvt, ilap okchaya pulla kak q isht i shahli fehnt isht a pi okchaya hinla hoke.

11. Micha yvmmak illa keyu, amba pin Chitokaka Chisvs Klaist ak atuk pulla kak q Chihowa ya isht a pi yuhkpa fehna cha, yvmmak atuk pulla kak q himonasi kvno isht il it i kana hoke.

12. Yvmohmi ka hatak achvfa nan ashvchi achvfa pulla hq ai ashvchika yokvt yakni paknaka yoka chukowa tok; micha ai ashvchika yak atuk pulla mak q nan illi yvt yakni paknaka yoka onvtuyula tok; yohmi hatuk q nan illi yvt hatak moyuma ka onvtuyula tok, moyuma kv ashahanchi hatuk oka.

13. Yohmi ka vba nan vlhpisa yvt ik holisso kjsha hq ai ashvchika yvt yakni paknaka ya a takali tok: amba nan vlhpisa yvt iksho hokvno ai ashvchika yvt onvtuyula he keyu hoke.

14. Yohmi kia Alvm ai ahantvt Moses ai ahanta ant ai vhl Alvm nan ashahanchi tok q chohmi keyu moyuma kak kia nan illi yokvt i shaiyahli tok; yvmmak ash ot vla hi atok yvmma isht vlhpisa hoke.

15. Amba nan ai ashvchika yash q na hvlbina yuto ik chiyuhmo hoke. Yohmi ka achvfa hosh nan ashvchi kak q moyuma kv illi hokma, Chihowa hv isht i kana, micha isht i kana yak q isht a hvlbina yvt isht i shahli fehnt, Chisvs Klaist, hatak achvfa, yvmmak atuk pulla kak q moyuma ka in laua hoke.

16. Micha achvfa nan ai ashvchi tok ash q na hvlbina yokvto chiyuhmi keyu hoke: yohmi ka ai ashvchika achvfa nan im vlhpisa kv isht ai i palvmmi yatok, amba pilla na hvlbina yak okvto ai ashvchika lwa isht a kashofvt isht ai vlhpiesa yoke.

17. Hatak achvfa kash im ai ashvchika yak q nan illi yvt hatak achvfa kash pulla kak q isht i shaiyahli hatok okma;

isht i kana lawa, micha nan isht ai vihpiesa hvlbina lawa ka ihishi hokak heto isht i shahli fehrt, hatak achvfa, Chisvs Klaist ak atuk pulla mak o ai okchaya ya a mikot uasha hi oke.

18. Yvmohmi ka achvfa nan ashvchi kash pulla kak o isht ai i palvmmi yvt hatak moma kvt isht im vlhpisa tok ash inli chiyuhmit, achvfa i nan isht ai vlhpiesa yak pulla kak o pilla na hvlbina ai ashvchika i kashofvt isht ai vlhpiesvt okchaya hi vt hatak moyuma ka im aya hatok.

19. Hatak achvfa kash osh ik im antio pulla kak o moma kvt nan ai ashvchi vhleha toba tok ash inli chiyuhmit, achvfa kash osh im antia pulla kak o lawa kvt ai vlhpiesa toba hi oke.

20. Anonti ai ashvchika yvt lawa chi mak o, vba nan-vlhpisa yvt aya tok: yohmi kia ai ashvchika yvt lawa ma, isht i kana yvt isht i shahli fehrt lawa tok.

21. Yohmi ka ai ashvchika yvt imaiyvt illihinchi tok ash inli chiyuhmit, isht i kana isht ai vlhpiesa pulla kak osh isht i shahlit pin Chitokaka Chisvs Klaist atuk pulla mak o, isht okchalinchi bilia hi atok.

CHAPTA VI.

Nanashvchi il ai ahanta be keyu, 1; 3 na baptismo pulla hosh yvm-mak ash il im illi hatuk okvt: 13 nan ahopoyuksa a yvmohma he osh pishno ak inli il im issa hatuk oka; himaka pilla ma nanashvchi yvt ik hvv i shahlo kashke: 22 nanashvchi atoksali isht im vlhtoba kvt nan illi.

1. YOHMI ka nanta hak o il acha hinla hq? Isht i kana yvt laua chi mak o, isht ai ashvchika ya e maghaya hinla hq?

2. Ik yvmohmo pullashke. Ai ashvchika ya il im illi ha yvt, katiahmi kak osh yvmmak ash inli hq il ai ahanta moma hinla hq?

3. Yohmi ka Chisvs Klaist ak o im a baptismo kvt, illi tok g isht a pi baptismo ak inli hatuk g, hvch ik ithano hq?

4. Yvmohmi ka pi baptismo pulla kak osh illit il iba hol-

lopi hoke: yohmit Klaist illi tok vt Chihowa isht a holi-topa yak pulla kak o falamvt isht a tani tok ash inli chiyuhmit, pishno yak kia himonvt toba yosh il itvnowa hi atok.

5. Yohmi ka ilap illi tok ak o isht a hoyulba hosh il iba hollokechi hatokmvt, illi tuk vt falamvt tani tok ak kia isht il a hoyulba ak inla hi atok.

6. Yohmi ka ai ashvchika haknip vt okpulot kvnia na himak a pilla hokvno ai ashvchika yvno il i yuka he keyu mak o, pim anukfila tikba yvt ititaiyukhvna yak o yvmma ibai illi hatok, ilvppa il ithana hoka.

7. Yohmi ka kvna hosh ibai illi hokvto, ai ashvchika ya ai i mokofa hoke.

8. Anonti Klaist a il ibai illi hatok mvt, il ibai okchaya ak inla hi okvt, pi yimmishke.

9. Yohmi ka Klaist vt illi tuk vt, falamvt tani hatok okvt, himmakma illa he keyu: nan illi yvt himmakma imaiyacha he keyu ka il ithaiyanvshke.

10. Yohmi ka illi hokvto, himonna illa ho ai ashvchika pulla kak o illi hatok: amba okchaya hokvto, Chihowa hak o im ahantvshke.

11. Yvmmak inli ho chiyuhmit hvchishno yak kia ai ashvchika ya il im illi ho mvhli, hvsh il ahni, amba pin Chitokaka Chisvs Klaist ak atok pulla mak o okchayvt Chihowa ya il im ahanta, hvsh il ahni ak inlashke.

12. Ai ashvchika yvt hvchi haknip illa hi a ik imaiyacho ki, im anukfila okpulo yvmma hvch ik im antio kashke.

13. Hvchi haknip moyuma ka vlhpesa ahnit, nan ik ai vlhpieso isht a yvmohmi yo chiyuhmit isht hvsh ashvchi na; amba illi tok osh falamvt okchaya ho chiyuhmit, Chihowa ya hvsh il im issashke; micha hvchi haknip moyuma kv Chihowa yak o nan isht ai vlhpiesa isht i yvmohmi mak o hvsh chiyumashke,

14. Yohmi ka ai ashvchika yvt hvch i shahla he keyu; yohmi ka nan vlhpisa yak o nutaka hvsh anta keyu, amba isht i kana yak oke.

15. Yohmi ka katiohmi cho? nan vlhpisa ya nutaka il

anta keyu; amba isht i kana nutaka yo il anta kak osh il ashvcha chi ho? ik yvmohmo pullashke.

16. Yohmi ka kvna ho in tishu tobt hvsh im antia hokmvt, kvna ho hvsh im antia kv, in tishu hvchia hokvt hvch ik ithano ho? Ai ashvchika isht ai illi, keyukmvt im antivt isht ai vlhpiesa yak okmá, kanimampo yoke.

17. Amba ai ashvchika ya i yuka hvchia hatok ak inli kia, nan isht vlvvchi kaniohmi ho hvchim vlvvchi hatok vt hvchi chukvsh ak o isht hvsh holitobli hatok ak o, Chihowa ya yak oke, pit im ai ahni lishke.

18. Yvmohmi ka ai ashvchika ya hvsh ai i mokofa mak osh, nan isht ai vlhpiesa ya in tishu hvsh toba hatok.

19. Hvchim anukfila hvv ik hlampko pulla kak o, hatak anumpuli chatuk mak o chiyuhmit anumpuli lishke; yohmi kvv hvchi haknip moyuma ka vlhpesa ahnit, nan ik vlhpeso ya hvsh yvmohma chi kak osh, na liteha, micha nan ik vlhpeso aiena ka i yuka hvsh toba tok ash inli chiyuhmit, himonasi hokvno hvchi haknip moyuma ka vlhpesa ahnit, ai ashvchika yvt ik hvchim iksho ka chi kak osh nan isht ai vlhpiesa ya in tishu hvsh tobashke.

20. Yohmi kvv ai asuvcnika ya i yuka hosh hvsh ai asha mvto, nan isht ai vlhpiesa yvt ik hvchim iksho ki tok;

21. Yohmi ka nana yakohmi puta kvno nan isht il ai yukpa nanta ho hvsh ai ishi tok okak osh himonasi hokvno yvmmak a tok a hvsh i hofahya ho? yohmi ka nana yakohmi puta ka ont im ai isht aiyopi hokvto nan illi hak oke.

22. Amba himonasi hokvno ai ashvchika ya ai i mokofa hatok osh, Chihowa yak o in tishu hvsh toba hosh, ai ashvchika i kashofvt isht il ai yukpa hvsh ishi hoke: yvmmvv ont im ai ishtaiyopi kvv ai okchayvt bilia yak oke.

23. Yohmi ka ai ashvchika ya isht vltoba hokvto nan illi hak oke; amba pin Chitokaka Chisvs Klaist ak atok pulla mak o Chihowa i na hvlbina hokvto ai okchayvt bilia yak oke.

CHAPTER VII.

Okchayvt anta kak illa hq vba nan vllhpisa yvt onvtuyula, 1, 4 yohmi ka vba nan vllhpisa ya il im illi tok; 7 yohmi kia vba nan vllhpisa yvt nanashvchi keyu; 12 amba holitopa vllhpiesa, micha achukma; nan vllhpisa ya holitobli kvv ik onancho kak osh Pal vt nukhaklo tok.

1. ITIBAPISHI li vhleha ma! nan vllhpisa ya ithana vhleha hak q im anumpuli lishke; yohmi ka hatak vt okchaya takla ka nan vllhpisa yvt i shaiyahli hoka hvch ik ithano cho?

2. Yohmi ka ohoyo hvv i hatak ashakmvt, nan vllhpisa ya nutaka ahanta hatuk osh, i hatak vt okchaya takla ka i filvmma he keyu; amba i hatak ak osh illi hok mvno, i hatak a i filvmma he keyu nan vllhpisa yash q ai i mokofa hoke.

3. Yvmohmi hatuk q i hatak vt okchaya takla hq, hatak inla auwaya hokmvto, havi hohchifa hi oke; amba i hatak vt illi hokmvno, nan vllhpisa yvmmak ash ai i mokofa hoke; yohmi hokvt hatak inla yq ik auwaya mak osh havi toba he keyu hoke.

4. Yvmohmi hoka itibapishi li vhleha ma! hvchishno yak kia Chisvs Klaist haknip atuk pulla mak q nan vllhpisa ya hvsh im illi hoke: yohmi kvv inla yq hvsh auwaya kvv, illi tok vt salamvt tani tok yvmmak a hi atuk: yohmi hosh Chihowa yoka nan vnit hvsh i waya hi atok.

5. Yohmi ka haknip ak q i nutaka hosh il ai asha mvno, ai ashvchika anukfila puta kvv nan vllhpisa atuk pulla mak q yvmohmit, haknip moyuma ka a toksahanli hosh isht illi ya vnit vahaya tok.

6. Amba himonasi kvno nan vllhpisa ya il ai i mokofa kvv, i nutakvt il ai asha hatok vt il im illi hatuk okvt; Chihowa ya holisso tikba ya tok ak q isht il a holitobla he atuk keyu, amba shilombish himona yq isht e holitobla he atuk oke,

7. Yakohmi hoka nanta hak q il acha hinla hq? vba nan

vlhpisa yak osh ai ashvchika yō? ik yvmohmo pullashke. Keyu, ai ashvchika ya ak ithano ke tuk osh, amba vba nan vlhpisa ak atuk pulla mak o ithana li tok; yohmi kv̄t nan vlhpisa yak osh, Chik anushkunno kashke, achi hatuk ke-yukma, nan anushkunna yō ithana la hi atuk keyu hoke.

8. Amba ai ashvchika yvt vba nan vlhpisa atuk pulla mak o nan-anushkunna ilaiyuka puta ka isht si anukfokihin-chi tok; vba nan vlhpisa yvt iksho hokvno ai ashvchika yvt illi yatok oka.

9. Yohmi ka vba nan vlhpisa ya ak ithano hokvto, himonna ka sai okchaya tok; amba vba nan vlhpisa nan ai ahni kv̄t vla mvno, ai ashvchika yvt okcha tok: mihma sulli tok.

10. Micha vba nan vlhpisa yvmmvt isht ai okchaya yosh vlhpishja tok ash osh, isht illi yō ahayuchi li tok.

11. Yohmi ka ai ashvchika yvt vba nan vlhpisa yak o isht okcha cha, sa haksichi tok; micha yvmmak o isht svbi tok.

12. Yvmohmi hatuk o vba nan vlhpisa yvt holitopa, mikma nan vlhpisa nan ai ahni kv̄t holitopa, ai vlhpiesa, micha achukma hoke.

13. Yvmohmi ka nana achukma yvmmak okak osh isht a svlla he an toba tok o? ik yvmohmo pullashke. Amba ai ashvchika yak atok yohmi hō ai ashvchika yvt otvna chī kak osh, nana achukma ka isht a svlla he vm ikbi tok; yohmi hō ai ashvchika yvt ik achukmo atampa fehna kv̄t nan vlhpisa nan ai ahni kak o isht ai otvna hi atok.

14. Yohmi ka vba nan vlhpisa yvto shilombish imma hoka il ithanvshke; amba vno yokvto haknip nan ai ahni i nuta sia, ai ashvchika ya i yuka sia hoke.

15. Yohmi kv̄t nana hō yohmi li kv̄t, vlhpesa ak ahno; yohmi kv̄t nana hō ai ahni li hokvto, yvmmvno ak yvmihcho; amba nana hō ak ahninchokmvt, yvmmak o yvmihchi lishke.

16. Yvmohmi kv̄t nana ka ak yvmihcho hokbano ai ahni lik mak osh yvmihchi li hokmvt, vba nan vlhpisa yvt achukmvshke, vno yvt ai ahni lishke.

17. Yakohmi hoka vno ak osh himmakma yvmma yvmi-

hinchí li kak keyu, amba ai ashvchika si anukfoyuka kak oke.

18. Yohmi ka vno ya sa foyuka, yvmmvt sa haknip anukaka ya nana achukma kv̄t iiksho ka ithaiyana lishke: yohmi kv̄t nana achukma ai ahni hokvto si anukfoyuka; yohmi kia nana achukma yvmma yvmihinchí la he ak osh ak aha-yuchoshke.

19. Yohmi kv̄t nana achukma kvno yvmihchí la he ai ahni li kv̄t, ak yvmihchoshke; amba nana ik achukma kvno yvmihchí la he ak ai ahno kia, yvmmvno yvmihchí lishke.

20. Anonti nana ka ak yvmihcho hok bano ai ahni lik mak osh yvmihchí li hokmvt, vno ak osh himmakma yvmma yvmihchí li kak keyu; amba ai ashvchika si anukfoyuka kak oke.

21. Yakohmi hoka nana achukma ka yvmihchí la he ai ahni likma, nana ik achukmo hokv̄t si anukfoyuka a bilia kv̄t, il akostininchí lishke.

22. Yvmohmi hoka Chihowa i nan v̄lhpisa ya vm anukfila himona yak okvno isht i hullo lishke.

23. Yohmi kia sa haknip nan ai ahni hokv̄t inla hatuk osh, vm a nukfila nana ai ahni ka in tanahampi, micha ai ashvchika nan ai ahni sa haknip foyuka kak o i yuka sahakbi ho, pisa lishke.

24. V̄no hatak ilbvsha fehna sia hoka, kv̄ta hak osh isht ai illi haknip ilvppa a sa hlakoficha chí cho?

25. Pin Chitokaka Chisvs Klaist atuk pulla kak o Chihowa ya yak oke pit im ai ahni lishke. Yakohmi hoka vm anukfila hokvno Chihowa i nan v̄lhpisa yoka isht holitobli li; amba sa haknip okvno ai ashvchika nan ai ahni kak o isht i yuka sia hoke.

CHAPTA VIII.

Klaist g kvna hosh ib ai achvfa cha, Shilombish nan ahni h̄o ahanta hokvto isht ai ilbvsha he nan v̄lhpisa ya im ai i hlakofi, 1; 5-13 nan isht ahotopa he nana hosh haknip g atoba: 6-14 nan achukma nana hosh Shilombish g a minti, 17 mikma Chihowa im v̄lla toba

ka nana achukma nana hosh otvni ; 29 nan isht ai okchaya hi vt Chihowa pulla hō tīkba ma im vīhpisa tok ; 38 nan isht i hullo ya nanta hosh isht a pit i filamincha hinla hō ?

1. YUMOHMI hoka Klaist Chisus ibai achvfa, haknip nan ai ahni kak o yvmohmi keyu, amba Shilombish nan ai ahni kak o iakaiya vīleha hokvno himonasi ka isht ai i palvmma he anumpa hv̄t im vīhpisa keyu hoke.

2. Yvmohmi ka isht ai okchaya Shilombish nan ai ahni Klaist Chisus a minti kak osh ai ashvchika nan ai ahni isht ai illi yō a sa hlakofichi hatok oke.

3. Yohmi ka vba nan vīhpisa yvt nana ka ik atahlo kv̄t, haknip ak atuk pulla kak o ik ai āhlo hatuk o, Chihowa hv̄t ilap Ushi ak inli hō ai ashvchika isht vīhtoba mak o hatak nan ashvchi haknip ā hobachit auet kanchi hosh, haknip ak o ai ashvchika ya ai i palvmm̄inchi tok :

4. Yohmi hō pishno yokvno haknip nan ai ahni ka e yvmohmi keyu, amba Shilombish nan ai ahni kak o il iakaiya kak osh, vba nan vīhpisa isht ai vīhpiēsa kv̄t pim ai āhla he atok oke.

5. Yohmi ka haknip nan ai ahni kak o iakaiya hokvto, nana puta haknip immi hak o i bul̄lot anukfihinli chatuk : amba Shilombish nan ai ahni kak o iakaiya hokvto, nana puta Shilombish immi hak o i bul̄lot anukfihinli chatuk oke.

6. Yohmi ka haknip nan ai ahni kak o isht ahanta hokvto isht ai illi yoke ; amba Shilombish nan ai ahni kak o isht ahanta hokvto isht ai okchaya, micha isht it i nanaiya yoke :

7. Haknip nan ai ahni kak o isht ahanta hokvto Chihowa i nukkilli yoka ; yohmi kv̄t Chihowa i nan vīhpisa ya im antia keyu, micha yohma hi o keyu kamohmi mv̄hlis̄hke.

8. Yakohmi hoka haknip nan ai ahni kak o i nutakvt ahanta hokvto Chihowa ya yukpala himma keyushke.

9. Amba haknip nan ai ahni kak o i nutakvt hv̄sh ahanta keyu, amba Shilombish nan ai ahni kak o i nutakvt hv̄sh ahanta hoke ; Chihowa imi Shilombish ak osh hv̄chi anukfoyuka ho mv̄hli hokmv̄t. Yohmi ka hatak nana hosh Klaist imi Shilombish ā ishi keyu hohmv̄t, immi hō keyu hoke.

10. Michā Klaist ak osh hv̄chi foyuka hokma, hv̄chi hak-

nip okvto ai ashvchika yak atuk pulla kak o illi hoke: amba hvchi shilombish okvto nan isht ai vhlpiesa pulla kak o okchaya hoke.

11. Amba Chisvs vt illi tuk a falaminchit tanichi tok imi Shilombish ak osh hvchi anukfoyuka hokmvt, Klaist vt illi tuk a falaminchit tanichi hatok ak osh hvchi haknip illi im vltayak ilap imi Shilombish hvchi anukfoyuka kak o isht okchalinchit ak inla hi oke.

12. Yvmohmi ka itibapishi li vhleha ma! nan aheka vhleha pia kvv haknip nan ai ahni kak o il im aheka yosh haknip nan ai ahni kak o il iakaiya hi o keyu hoke.

13. Yohmi ka haknip nan ai ahni kak o hvsh iakaiya hokmvt, hvch illa hi oke; amba Shilombish ak atuk pulla kak o haknip nan a kaniohmi puta ka hvsh illihinchit hokmvt, hvchi okchaya hi oke.

14. Yohmi ka laua kaniohmi hq Chihowa imi Shilombish ak osh anukfohkit isht aya hokvno, Chihowa ak o ushi vhleha hoke.

15. Yohmi ka anonti isht a hvchi nukshopa chi hosh yuka im anukfila hq hvsh ishi hatok keyu; amba vlla im anukfila hq hvsh ishi hatok ak o, pishno vt Abba, Piki, il achishke.

16. Shilombish Holitopa ak inli hosh pimi shilombish a nan isht atokowa it ibai anohonli kvv, Chihowa im vlla vhleha pia ka anolishke,

17. Micha im vlla pia hokmvt, isha he ai vhlpiesa pia: micha Chihowa yak o im ai isha he vhlpiesa pia, micha Klaist ak o it ibai isha he ai vhlpiesa pia hoke: yohmi ka il ibai ilbvsha ho mvhli hok mak osh il iba holitopa hi atok.

18. Yohmi ka yakni paknaka ilvppa nan isht ai ilbvsha puta hokvto nan isht a holitopa pim otaiyana hi a pit it vhlpisa hi a ik ono, ai ahni lishke,

19. Nana toba tok puta hokvto Chihowa ushi vhleha hvv isht otaiyana hi ak o pit hohoyo fehna hosh ai asha hoke.

20. Nana toba tok puta hokvto vhlpesa ik ahno kia, isht ai illa hi vt im vhlpisa tok: yohmi kia isht ai illa he im apesa kvv, isht a hlakofa he ahna hi a nukfohit yvmihchi tok.

21. Yohmi hoka nana toba tok ash puta kv̄t isht ai illa he i yuka hatuk vt ai i hlakofi cha, Chihowa im vlla vhleha hv̄t yuka keyut isht a holitopa yvt immi ak inla hi oke.

22. Yohmi ka nana toba tok puta moyuma kv̄t it ibai hih̄ih̄vt, it ibai ilbahasha na himak a hoka, il ithaiyanvshke.

23. Micha yvmmak illa h̄o keyu, amba pishno ak kia Shilombish isht ai vni waya vmmona ka il ishi kv̄t, pishno ak kia e hih̄iha kv̄t vlla ai ghli e toba he, yvmmv̄t pi haknip isht a hlakofi yak o e hohoyo hoke,

24. Yohmi ka nana kv̄t pim vlhtaha tok vt il isha he il ai ahni kak osh isht ai okchayvt il ahanta hoke: amba nana ka il ishi hokv̄to, himmak o il isha he il ahna he keyu hoka: yohmi ka katiohmit hatak vt nana ka ishi kv̄t himmak o ishi la hi oka, ahni h̄o?

25. Amba nana ka e pisa keyu hosh il isha chi, il ai ahni hok mak osh nuktaiyav̄t achunanchit e hohoyo hoke.

26. Yvmmak i chiyuhmit Shilombish ak kia ik a pi hlampko puta ka pi apelahanchi fehna hoke: nana ka il asilhha he tuk ai vlhpiesa kv̄t pishno ak inli kv̄t il ithana keyu hoka; amba Shilombish ash inli hosh isht a hih̄iha isht anumpa he keyu puta kak o pi anukfokihinch̄i hoke.

27. Yohmi kia chukv̄sh puta silhhit akostininehi yak okv̄to Shilombish vt nana h̄o pi anukfokihinch̄i ka ithana hoke: Chihowa nan ai ahni kak o Shilombish ash ot vbanumpuli ghli puta ka nana ka anukfokihinch̄i hokv̄t.

28. Yohmi ka nan okl̄gha hokv̄t Chihowa i bullo vhleha, ilap nan ai ahni tok pulla mak o vlhtohoka tok vhleha hokv̄to, isht im ai achukma he mak o it ibai tokahanli ka il ithaiyanvshke.

29. Yvmohmi ka tikbanli ithaiyana tok okv̄to ilap Ushi yak o hoyulba he mak o tikbanli atokohonli mak inli tok; yohmi h̄o yvmmak ash ot itibapishi laua ka tikba vttahpi ha hi atok.

30. Anonti tikbanli atokohonli hatok okv̄to hoyo mak inli tok: mihmv̄t hoyo hatuk okv̄to ai vlhpiev̄chi mak inli tok:

mihmvt ai vhlpiesvchi hatuk okvto ilap isht aholitopa yo ib ai isha he im ai ahni tok.

31. Yakohmi kvno nana ilvppa puta imma hokvno nanta hak o il acha hinla ho? Chihowa hak osh pi kana hokma, kvta hosh pi sanala hinla ho?

32. Ilap Ushi fehna ka ik ilatombo hosh, amba pishno e moyuma hak atok pulla mak o pim issa tok vt, katiohmi ho yvmma pima hatuk vt nan okluha ka anonti pilla pima ak inla he keyu ho?

33. Kvta hak osh Chihowa im vlhtoka vhleha ha isht ai i palvmmi anumpa kia onocha hinla ho? Chihowa ak osh i kashofi hoke.

34. Kvta hosh nan vhlpisa onocha hinla ho? Klaist ak osh illi hatok; ahli, yvmma i shahli, yvmmak osh falamvt tani hatok osh Chihowa ibbak isht impak imma yo binilit, yvmmak osh isht pi anumpohonli hoke.

35. Kvta hak osh Klaist vt pi hullo ka pi filvmmicha hinla ho? Isht ai ilbvsha, isht a palvmmi, hatak bika yvt pi hoto-pali, isht a hohchvfo, haknip bieka, isht ai illa he, keyukmvt bvshpo falaia yak a hinla ho?

36. Yohma hi o holihiso hatok oka, Chishno yak atuk pulla mak o nitak moma ka pihimbi na shohombishke, chukfi vhlpoba vba chi kak o e chiyuhmi hoke.

37. Yvmmak illa keyu, nan okluha ilvppa puta ka ilap pi hullo tuk pulla kak o im aiyachi yak kia il i shahli hoke.

38. Yohmi ka isht illa he, isht okchaya he, enchil vhleha, enchil vhleha i shahli, miko puta, himonasi nana ai asha puta, himak a pilla ai asha he puta;

39. Isht a holitopa fehna, ilbvsha fehna, keyukmvt nana toba tok nana kia, pin Chitokaka Chisvs Klaist ak atuk pulla mak o, Chihowa il i hullo ka, pi filvmmicha himma keyu ka, sai yimmishke.

CHAPTA IX.

Pal vt Qan i nukhaklo. 1. 7 Eblaham isht aivvanchululi moma kv
 18 Kvna ho ahni hok mak osh

Chihowa yvt i nukhaklo; 28 Chentail vt yimma he; mikma nan ik yimmo kak osh Chu yvto ik holitopa ka he a tuk tikba anoa.

1. KLAIST ak o nan ai ahli ka isht ai anumpuli li kvv holabi li keyu, Shilombish Holitopa ak osh anukfokihinch hi, isht akostininchi li yak kia nan atokowa ka anohonli ak inlishke.

2. Yohmi kvv sa chukvsh anukaka ya isht a nukhaklo bilia, micha isht a weki chinto kvv a foyuka kak osh miha lishke.

3. Yohmi ka itibapishi li vhleha, vm okla achvfa yak atuk pulla mak o Klaist a i filvmmi sa kvnia hi a, ahni la hinla hokbano.

4. Yvmmak osh Israel isht atiaka vhleha hoke: yvmmak o ushi isht a toba, micha Chihowa yvt holitopa fehnvt im otaiyani, micha nan it im vhpisa puta, micha vba nan vhpisa in tonla, micha Chihowa isht aiokpvchi, micha ai okchayvt bilia puta im issa tok aiena kvv immi hoke:

5. Mihmvt iki vhleha tikba chash ot immi, micha yvmmak o Klaist vt hatak haknip imma hokvno a minti tok osh, moma i shaiyahlit Chihowa holitopvt bilivshke. Amen.

6. Chihowa im anumpa hokvt aka itulvt kvnia tok o chiyuhmi keyu hoke. Yohmi ka Israel vhleha hak osh moyumvt Israel okla keyu hoke.

7. Mich a Eblaham isht atiaka vhleha hokak osh moyumvt im vlla vhleha keyu ak inli: amba Aisaak ak o isht chi ai unchululi hohchifa hi oke.

8. Yohmi kvv haknip imma im vlla vhleha hokvto, Chihowa im vlla vhleha keyu hoke: amba im issa tok vlla vhleha hak osh isht ai unchululi mak osh toba hq mak a chi hoke.

9. Yohmi ka nan im issa tok isht anumpa hvv ilvppak oke, Vhpisa tok nitak ont ai vhpiesakma vla la hi oke, mikma Sela yvt ushi im vta hi oke.

10. Mich a yvmmak illa keyu; amba Lebeka yak kia achvfa piki Aisaak ak o isht ai i chakali hatuk o;

11. Yohmi ka vlla yokvt ik ashwo kisha hokvt, nana

achukma, nana ik achukmo nana kia ik yvmihcho kisha ak inli kia, nana hō yvmihchi tok ak o keyu, amba ilap ak osh hoyo hatuk o vlhtoka kut Chihowa nana ai ahni tok vt ai ahla chi kak o;

12. Yvmmak ash o, Akni ak osh nakfish a i nutaka hi oke, im achi tok.

13. Holihiso kut, Chekob ano i hullo li tok: amba Esau yokvno ak i hullo li tok, ahanchi hatok oka.

14. Yakohmi ka nanta hak o il acha hinla hō? Chihowa hut nana yvmihinchi kut ik ai vlhpeso hō? ik yvmohmo pullashke.

15. Yohmi ka, Kvna hō i nukhaklo la he ahni likmvt, i nukhaklo la hi oke; micha kvna hō i kana la he ahni likmvt, i kana la hi oke, Moses a im achi tok.

16. Yakohmi hoka yvmmak ash o, ilap nan aiahni hokmá, mvlihinli kak okmá, nana kak osh ishi hō keyu; amba Chihowa yak osh i nukhaklo kak o yvmohmi hoke.

17. Yohmi ka, Chishno yak o nan isht vm ai ahli yoka ai otvninchi la he, micha sa hohchifo hokvt yakni moma ka hlopullit ai annohowa he, ilvppak fehna kak atuk mak o ik ahantá chim ai ahni li tok, Feleo ya Holisso Holitopa yvt im achishke.

18. Yvmohmi hoka kvna hō i nukhakla he ahnikmvt, i nukhaklo hoke: micha kvna ho kvllocha he ahnikmvt, kvllochi hoke.

19. Yakohmi ka chishno yokvt, Nanta katihmi hō ik ahnincho imoma hō? Kvta hak osh ilap nan ai ahni ka i sanali hatuk o? is svm acha chi hoka.

20. Yohmi ak inli kia, amba hatak chia ma! kvta chia hokak osh Chihowa ya i sanalit ish anumpuli oho? Nana toba tok vt ikbi tok ash o, Nanta katihmi hō yakohmieht ohishno yvt is sakbi tok o? im acha hinla hō?

21. Lukfampo ikbi yvt lukfi ya kanimihcha hi vt im ai vlhpiesa keyu hō? lukfi yvmmska miash inli ka achvfa kvto isht a holitopa, mikma achvfa kvto isht a kvllakshi ampo yo ikbi chatuk keyu hō?

22. Yohmi ka Chihowa hut ilap isht i nukkilli, micha ilap

nan isht ai ghli ya otvnincha he ai ahni kak osh, isht i nukkilli onvtuyula he nan ai vlhto okpulot kmnia he im vlhtaiyaha puta ka ilbtshala hi vt i svlaha fehna hatuk mvt :

23, 24. Micha ilap isht a holitopa lawa fehna ka i nukhaklo onvtuyula he nan ai vlhto puta, yvmmt isht a holitopa pisa hi o tikbanli im ataiyahli hatok vt, pishno yak fehna ka pi hohoyo hatok ; Chu okla hak bano keyu, amba Chentail okla hak kia ai isht otvnincha he ai ahni hatok okma, nanta katihmi cho ?

25. Hosea yak o isht ai anumpohonli mvt, vm okla vhleha hatok keyu ka vm okla vhleha hochifa la he : micha a holitopa tok keyu kvt, a holitopa hi oke, ahanchi ak inli hatok oka.

26. Yohmi ka, Um okla hvchia keyu ai im ahanchi tok ash inli, yvmmak o Chihowa okchaya im vlla vhleha a hohchihifa he mak oke.

27. Esaias ak kia, Israel imma ka chitolit isht anumpohonli mvt, Israel im vlla vhleha holhtina kvt okhvta on talaka shimuk ai asha kak o chiyuhmi ak inli kia, kashapa hosh okchaya he mak oke.

28. Yohmi kvt ilap im anumpa ha ai ghlicha chi kvt ai vlhpiesa hosh tushpa fehnvt yvmihcha hi oke : yohmi hosh Chitokaka yvt yakni paknaka ya a yvmohma he vlhpisa tok anumpa ha ai ghlicha he mak oka.

29. Mikma Esaias vt tikba kash, Sabaolh in Chitokaka yak osh kashapa ka pim ashahanchi hatok keyukma, Sotom atok ash inli ho e chiyuhmi, micha Komolah yak o chiyuhmit e toba hi atok oke, ahanchi tok.

30. Yakohmi ka nanta hak o il acha hinla ho ? Chentail okla hvt nan isht ai vlhpiesa yak o achunanchit hohoyo hatok keyu kvt, isht ai vlhpiesa na yimmi yak o ai isht ai vlhpiesa yak fehna ka ihishi hatok oke.

31. Amba Israel okla hokvto nan vlhpisa isht ai vlhpiesa ya achunanchit hohoyo kvt, nan vlhpisa isht ai vlhpiesa ya ik ai ono hatok oke.

32. Yohmi ka katihmi hatok o ? isht ai vlhpiesa yash o isht ai yimmi kak o keyu, amba nan vlhpisa yak o a mihinta

hi ash q in chiyuhmit hohoyo hatok okvt. Isht ai ibetvbli tvli yvmma isht ibetvbli hatuk okvt.

33. Holihiso kv, Yakeh! isht ai ibetvbli, micha isht ai itula tvli yq Saion anukaka ya bohli lishke: yohmi ka kvna hosh i yimmikmvt, hofahya he keyu mak oke, ahanchi tok oke.

CHAPTA X.

vba nan vlhpisa, micha na yimmi yq isht ai vlhpiesa kv itim inla ka anoli, 5, 11 Chu yokma, Chentail okma nana hohkia, na yimmi kv momvt hofahya he keyu, 18 Chentail vt vbanumpa ha holitoblit yimma he.

1. ITIBAPISHI li vhleha ma! sa chukvsh nan aiabni, micha Israel oka anumpa ilbvsha Chihowa ha isht im anum-pohonli li kv, okla okchaya he ak q ai ahni lishke.

2. Yohmi ka Chihowa ya ai yiminta fehna kia, ai ghli ithana keyu ka atokowa im ithaiyana lishke.

3. Yohmi kv Chihowa hv nan isht ai vlhpiesa ya atai-yahli tok a ithana keyu hatuk osh, ilap inli i nan isht ai vlhpiesa yq ai ghlichu bvna kv, Chihowa hv nan isht ai vlhpiesa ataiyahli hatok okvno ik im antio hatuk oke.

4. Yohmi ka na yimmi puta hokvto isht ai vlhpiesa he mak q, Klaist ak osh vba nan vlhpisa nan ai ahni ka ai ghlichu yoke.

5. Yohmi ka Moses okvt vba nan vlhpisa isht ai vlhpiesa ka isht anumpuli mvt, Hatak vt yvmma puta ka yvmihin-chik mvt, isht ai okchaya hi oke, achi tok oke.

6. Amba na yimmi isht ai vlhpiesa hokvto yakqhmichit anumpulishke: Chi chukvsh oka isht anumpulit, Kvta hak osh vba yakni yoka ont chukowa hi q? achi kv, Klaist a ont ilauelet aka isht vla chi ho? achi ka, chik acho kashke.

7. Keyukmvt, Kvta hak osh ahofobi fehna ka ont chukowa hi q? achi kv, Klaist a falaminchit tanichi cha, isht vla chi ho? achi ka, chik acho kashke.

8. Amba yvmmak ash ot nantuk achi? Anumpa hokvt chi bilikasi, chitakha anukaka yak fehna, micha chi chukvsh

anukaka foka hoke; achi kv̄t isht ai yimmi anumpa isht il anumpuli kak oke.

9. Chishno yokvt chitih fehna ka Chitokaka Chisvs oka isht otv̄ninchit ish anumpuli, micha illi tuk a falaminchit Chihowa hak osh tanichi tok a chi chukvsh oka isht chi yimmi hokmvt, chi okchaya hi oke, yvmmvt achi hoke.

10. Yohmi ka hatak vt chukvsh ak o isht ai yimmi kak osh isht ai v̄lhpiesa hoke; micha itih hak o Klaist a isht otv̄ninchit anumpohonli kak osh isht ai okchaya hoke.

11. Yomohmi ka Holisso Holitopa yvt, Kv̄na fehna hoh kia i yimmikmvt, hofahya he keyu mak oke, ahanchishke.

12. Yohmi ka Chu, micha Klik^{ta} ita tuklo ka nana kv̄t ai it im inla keyu hoke: yohmi ka Chitokaka moyuma i shaiyahli miash inli hosh ilapa i pahaya moyuma ka i nukhaklo kv̄t a chinto fehna hoke.

13. Yohmi ka kv̄na hoh kia Chitokaka hohchifo ha i pahayakmvt, okchaya hi oke.

14. Yohmi ka katiohmit yvmma i yimmi hatuk keyu kv̄t i pahaya hinla ho? micha katiohmit yvmma haklo hatuk keyu kv̄t i yimma hinla ho? micha katiohmit vbanumpa isht anumpuli yvt iksho ka, hakla hinla ho?

15. Michā v̄lhtoka keyu kv̄t katiohmit vbanumpa ha isht anumpula hinla ho? holihiso kv̄t, Isht it i nanaiyvchi vbanumpa isht anumpohonli, micha na hochukma isht anohowa isht ai yukpa puta isht aya ka iyi yvt yakeh! aiokli fehnvshke, ahanchishke.

16. Yohmi kia moyumvt vbanumpa ha im antia hatuk keyu. Yohmi ka Esaias vt, Chitokaka ma! kv̄ta hak osh pim anumpa ha yimmi hatuk o? achishke.

17. Yakohmi hoka haklo kak osh isht a yimmi hoke: Chihowa im anumpa hv̄t isht anuhumpa pulla kak o a haklo hoke.

18. Yohmi kia haklo tuk keyu ho? Ih! ai ghli fehna; yakni moyuma ka itih ola kv̄t im ohona tok; micha anumpa puyuta kv̄t yakni hatak ai ahanta moyuma ka im ohona tok oke, vno vto achi lishke.

19. Amba Israel vt ithana hatuk keyu ho? vno vto achi

lishke. Ummona ka Moses vt okla hq keyu kia isht a chi nuktghlachi la hi oke, micha oklushi ik hopoyukso yq isht a chi nokowvchi la hi oke, achishke.

20. Anonti Esaias vt nukwaya iksho hosh, Sa hohqyo hatok keyu kvv si ahayuchi tok; si a ponahaklo hatok keyu ka im otaiyani li hatok, achishke.

21. Amba vm antia he keyu, micha a sanalit anumpuli okla hoka sabbak a pit i wiyeli li shohombishke, Israel okvno im ahanchishke.

CHAPTA XI.

Chihowa hvv Chu moma kak q kanchi hatak keyu, 1; 7 kanimi kvto chqvsh kvvlochi kia, kanimi kvto okchaya he vltoka tok: 16 vbanumpa anukfohka hi yokvno im ahna he vhpesa; 26 Chihowa yak osh ahnit imissa tuk atok oka, 33 Chihowa nan im anukfila yokvno kvna hosh hoyo kvv im ithvna he keyu.

1. YAKOHMI ka Chihowa hvv im okla fehna ka kanchit taiyahli hatok q? Ik yvmohmo pullashke; yohmi ka vno yak kia Israelait Eblaham isht atiaka Benchamin ikva sia hoke, achi lishke.

2. Chihowa hvv im okla fehna tikbanli ithaiyana tok okvto kanchit taiyahli hatok keyu hoke. Holisso Holitopa yvt Elias ai isht anumpohonli ka chik ithano cho? Israel oka anumpa onochit Chihowa ya isht anumpohonli kvv,

3. Chitokaka ma! chi hopaii vhleha hq ahambi tok, chim alta puta ka iba kullit akahanchi tok; yohmi ka vno ak bano hosh ahanta li ma, vm ilhfiohpak a tvbli bahanvshke, ahanchishke.

4. Yohmi kia Chihowa hvv afalaminchit nanta hak q im achi hq? Hatak tahlepa sipokni untuklo hokvto Baal hol- hvv toba ya ik i hvchukbihlepo atuk okvno vno vmmi yq ilatohomba li tuk oke, achishke.

5. Yvmmak ash inli chiyuhmit himonasi ak kia isht i kanvt isht ai vltoka tok vt kaniohmi kvv ai asha ak inli hoke.

6. Yohmi ka isht i kana yak okma, toksahanli tuk pulla yak q ai yvmohmi keyu hoke; yakohmi hokma isht i kana

yvt isht i kana keyu yoke. Amba toksahanli tuk pulla yak o ai yvmohmi hokma, isht i kana yak o ai yvmohmi keyu hoke: yakohmi hokma toksahanli yvt toksahanli keyu hoke.

7. Yakohmi ka katiohmi hq? Isael okvt nana hohoyo kvv ishi hatok keyu hoke: amba vltoka yak osh ishi hatok; mihma kashapa hokvto im anukfila hvv kvllot kvnia tok oke;

8. Yohmi ka holihiso kvv, Chihowa hokvt im anukfila nosilhhvv kvnia, nishkin nan isht pisa he keyu, micha hak-sobish nan isht hakla he keyu puta aiena hq ihima hatok; ahanchi hatok ash o ihima na himak a nitak a ai vlvshke.

9. Mihma Lewi vt achi kvv, Ai impa yvt isht ai ibetvbla he, micha isht ai itula he, micha isht ai okpula he, micha isht ai im vltoba he aiena isht ai in tobashke.

10. Micha nishkin vt im okhlili cha, isht ik peso hosh hlipkvchit maya na biliashke, achishke.

11. Yakohmi hoka ibetvbli hatuk ak osh isht ai itulvt kvnia hq? Ik yvmohmo pullashke: amba isht ai itula hatuk pulla kak o isht ai okchaya yvt Chentail a im vla hq isht a ~~nuktahlahancha~~ chj hatok oke, achishke.

12. Yohmi ka yvmmvv isht ai itulvt kvnia kak o yakni moyuma kvv isht ai yukpa laua kvv im vla hokma, micha isht ik a lauwot taiyaha kak o Chentail vhleha hq isht ai yukpa lava kvv im vla hokma; isht ai alotowa hokak heno isht i shahli fehna hi o keyu?

13. Yohmi ka Chentail hvchia hq hvch im anumpohonli il kvv, Chentail im apostel sia hatuk okvt, nan isht ai vttali ya holitobli lishke.

14. Yohmi hosh kaniohmit isht a nuktahlachit sa haknvp ai achvfa kash kanimi kvno okchalinchii la hinla hokmvv,

15. Yohmi ka yvmma kaiyanchi kak o yakni moyuma kvv isht ai it i nanaiya hokma, yvmmak ash i kanvt falaminchit ishi hokak heno nanta ha hi o? amba illi tuk vt falamvv isht ai okchaya kak a hi o?

16. Yohmi ka vnit waya vmmona kvv holitopa hokma, a moyuma kvv holitopa ak inli hoke: micha hakshish vt holitopa hokma, naksish puta kak kia yohmi ak inli hoke.

17. Mihma naksish kaniohmi kvto atvptovt kvnia hokma,

alif haiaka ai offo chia hash osh ish ibafohka hatuk; micha yummak ash ibafoka hosh alif okchi, micha hakshish aiena ka ish ibai ishi hatuk okmvt;

18. Naksish puta ka ik ahobalot chik im ilauato kashke; amba ish ilauata hok mak osh chishno yak osh hakshish ish il ai ishi keyu, amba hakshish ak osh chishi hoke.

19. Yvmohmi ka, Naksish kaniohmi kvf kobahlit kvnihiya kvf, vno yak osh iba fohka la he yak o yohmi hatok, ish acha chi hoke.

20. Ahli; ik yimmo kak osh kobahlit kvnihiya hatok; amba chishno vto na yimmi kak osh isht ish a hikia hoke. Chik ilefehnacho kashke, amba ish il akanlosechashke:

21. Yohmi ka Chihowa hvf naksish fehna yash kanchi nukwiya tok keyu hokmvt, chishno yak kia chi kancha he yoba ká, ahah! ish ahnashke.

22. Yvmohmi ka Chihowa hvf isht i kana, micha isht palvmmnichi ya ho pesá: aka itula tok ash isht palvmmnichi; amba chishno yokvno isht chi kana, ilap isht i kana yash o ish a mahaya hokmvt; yummak keyu hokmvno chishno yak kia chayvt chi tupa he ak inli hoke.

23. Yummak ash kia ik yimmo kak o keyu hokmvt, iba fohoka he; Chihowa hak osh yummak ash falaminchit iba fohoka hi vt im ai ahli hoka.

24. Yohmi ka chishno yvf alif haiaka ai offo yo a tupa hosh alif achukma yash, ai yvmohmi chatuk keyu kia, ish ibafohka hatok okma; naksish fehna yatok ilvppak heto isht i shahli fehvt ilap immi yatuk ash inli ka ibafohoka hinla keyu ho?

25. Yohmi ka itibapishi li vhleha ma! Israel a kashapa hokvt im anukfila hvf kahanlo na Chentail vhleha isht ai alotowa yvf vla he yak atok, anumpa ai ahli ik otano chatuk ilvppa hvch ik ithaiyano hosh, hvchishno ash inli hosh ile yimmit hvsh ai asha hi a ak hvchim ai ahnoshke.

26. Yakohmikmvno Israel vhleha hvf moyumvt okchaya hi oke; holihiso kvf, Nahlakofichi yvf Saion ak o a mintit kohcha hosh ai ashvchika ya Chekob a ai isht i kahancha hi oke, achi hatok oka.

27. Micha ai ashvchika yash ai isht i kanchi likmvt, ilvp-pak o nan it im apesa la he tok mak oke.

28. Ubanumpa hash imma hokvno, hvchishno yak atuk pulla kak o yummak ash ot tvnvp vhleha hoke; amba vltoka yash imma hokvno iki vhleha yash ak atuk pulla kak o i holitopa vhleha hoke.

29. Yohmi ka Chihowa hvt na habenahanchi, micha atokohonli aiena kvv inlvchit im anukfila he keyu hoke.

30. Yohmi ka hvchishno yokvto tikba pilla kash Chihowa ya hvsh i yimmi hatok keyu; yohmi kia yummak ash ot isht ik a yimmo pulla kak o isht i nukhaklo yash hvsh ishi hatok ash o;

31. Chiyuhmit ilvppak ash ot himonasi ka ik yimmo ak inli hatok kia, isht hvsh i nukhaklo yak atuk pulla kak o ilvppak ash kia isht i nukhaklo ya ishi mak inla hi atok.

32. Yohmi ka Chihowa hvt yummak ash moyuma kvv ik yimmo ka he im ai ahni hosh moyuma ka i nukhakla he ak atok.

33. Yakeh! Chihowa hvt hopoyuksa fehna, micha nan ithana aiena kvv ataha hi vt ik im iiksho; nana apihisa ka akostininchit nana a kaniohmi puta ka silhhit ahayucha he keyu hoke.

34. Yohmi ka kvta hak osh Chitokaka im anukfila ha ithaiyana tok o? keyukmvt kvta hak osh nan i miha yatok o?

35. Keyukmvt kvta hak osh tikba ima hatok osh, anonti falamvt im vltoba hi atok o?

36. Yohmi ka nan okluha kvv yummak o a mihinti, micha yummak o isht a toba, micha yummak o immi mak osh tohomba tok; isht a holitopa yvt yummak o immit peh biliashke. Amen.

CHAPTA XII.

Chihowa abaichit e yukpa la chi ka Chihowa nan isht i nukhaklo yash pi mukfukihincha hi a tak, 1; 3 ilifehvvchit pishno ak inli ka isht ik pira anukfiko kashke; 6 amba kasima yq il a hikia na nana

ka yvmohma he vlhpesa kvt a pi onutuyulak ma, mihi yq e yvmohmashke; 9 iti hullo, micha nana ka il a yvmihcha he vlhpesa inla aiena ka pim apesa; 19 afalvminchit nana ka ik vlhpesalo ka hi okvno pim ahni keyu hoke.

1. YUMOHMI ka itibapishi li vhleha ma! Chihowa hvt isht i nukhaklo puta hak atuk pulla mak o hvchi haknip puta hokvno vba isht aiokpvchi okchaya, holitopa, Chihowa yvt aiokpancha he vlhpesa ho, yvmma isht hvsh ai ahan-ta he vlhpiesa hokvt, hvsh im issa he, hvchim ai ahni lishke.

2. Micha yakni ilvppak inli ka hvch ik hoyulbo kashke; amba hvchim anukfila hvt himonvt toba pulla hatuk mak osh inlv hvsh tobashke; yohmi hosh nan achukma, nan ai vlhpiesa, nan ai ghli Chihowa nan ai ahni ka hvsh akostininchashke.

3. Yohmi ka isht i kana ya vma hatuk pulla mak o, hatak hvch ibafoka puta ka ilap ash inli kvt isht il anukfilla he ai vlhpiesa ka isht i shahlichit isht ik anukfillo kashke, im achi lishke: amba il oktamlit Chihowa hvt hatak hikia aiyu ka isht ai yimmi kaniohmi ho ima hatok ash o, hatak hikia aiyu kvt isht il anukfillashke.

4. Yohmi ka pi haknip vt achvfa kia, pit ai achvfa hvt laua, micha pit ai achvfa ilvppvt moyuma kvt nan isht ai vtta yvt miash inli keyu kash o:

5. E chiyuhmi hosh e laua kia, Klaist il ibai achvfa kvto haknip achvfa pia, micha achvfa aiyu kvt pit il it ibai achvfa hoke.

6. Yvmohmi ka isht i kana yvt kaniohmi ho il ishi hatok ak osh na hvlbina puta kvt ilaiyu ka ho il ieshi hokvt, Shilombish anukfoyukvt anumpuli isht ai vtta yq e habena hatak okmvt, isht ai yimmi yak o ai itilau ho yvmmak o isht il ahantashke.

7. Mikmvt chvch nan isht im vtta isht ai vtta ya e habena hatok mvt, yvmmak o isht il ahantashke; micha nan ithvnanchi yokmvt, yvmmak o isht ahantashke.

8. Micha vbanumpa isht atohnochi yokmvt, yvmmak o isht ahantashke: na hopela yokmvt, im anukfila apiassali hosh yvmihchashke: pehlichu yokmvt, ai ghli achukmashke:

i nukhəklot nan isht im vttə yokmvt, aiokpanchi hosh yv-mihchashke.

9. Isht i hullo yvt isht il ahobi iiksho hashke. Nan ik achukmo ka ish i nukkillashke; nan achukma hoka ish asi-tiashke.

10. Itibapishi chiyuhmit it i kana fehnvt hvsh it i hul-lashke; hvsh iti holitobli kv̄t hvsh it im i shahlashke.

11. Nan isht vttə kv̄t intakobi keyu; chukvsh isht ai yi-minta fehnvt, Chitokaka yak o in toksvli hosh isht hvsh ahantashke.

12. Ai okchayvt bilia pisa la he ai ahnit, hvchi yuh-pashke: na palvmmi hvsh pihisa kv̄t hvchi nuktaiyalashke: achunanchi hosh anumpa ilbvsha hvsh anumpohonlashke.

13. Ubanumpuli a bv̄nna ka hvsh i hopehinlashke: hatak ik ithano yə hvsh i kana fehnashke.

14. Hvch ilbvshali ka isht im ai achukma he ai ahnit isht hvsh anumpohonlashke; isht ai okpula hi g hvch ik ai ahno hosh, isht ai achukma he ak o ai ahnit isht hvsh anum-pohonlashke.

15. Nan isht ilaiyukpa ka hvsh ibai yukpashke; micha nukhəkloma, hvsh iba nukhəklashke.

16. Hvchim anukfila hv̄t ai achv̄vt hvsh it im anukfil-lashke. Isht a holitopa puta ka hvch ik hohoyo kashke: amba hatak ilbvsha yak o hvsh il itilauechashke. Hvchish-no inli hvch ik ile yimmo kashke.

17. Hatak vt nan ik achukmo hvchi yvmihchi ka nan ik achukmo yo hvch ik i falamincho kashke. Hatak moyuma itikba yə nana achukma puta ka hvsh yvmihchashke.

18. Yohma he yobakma, hvsh a yvmohma he ai vlhpiesa kv̄to, hatak moyuma ka hvsh it i nanaiya hosh hvsh ahantashke.

19. A holitopa ma! hvch ik il ai okho kashke, amba ai vlhpiesa isht im atobbi yak o hvsh il im issashke; holihiso kv̄t, Ai vlhpiesa isht atobba hi okvt vmmi hatuk osh, afala-minchit atobbi la hi oke, Chitokaka yvt achi hatok oka.

20. Yvmohmi ka chin tv̄nv̄p vt hohchevfo hokma, ish ipetashke; itukshila hokma, nan ishko ish ipetashke; ilvppak

q ish yvmihchi hokmak osh luak tobaksi yq noeshkobo ha ish q fohobla hi oke.

21. Nan ik achukmo i nutvt chik il ai okho kashke; amba nan achukma kak q nan ik achukmo ka isht ish imaiyachashke.

CHAPTA XIII.

Nan apesa yg im antia, mikmvt nana ka il i yvmohma he vlpesa kvv inla mvt asha ka isht anumpuli, 1, 8 vba nan vlpisa yvt ghla hi q holitobli, 11 atampli fehnvt impa, nan ishkot hakai aiena kvv ai okhlili ka yq yvmohmi hatuk osh kanima yq vbanumpa hvv atohwikeli hokvno ai otaiyana he keyu.

1. SHILOMBISH puta kvv nan vlhtoka i shahli vhleha ha im antiashke. Nan vlhtoka inla kvv iksho: amba Chihowa ak osh ai ahni kak bano hoka; nan vlhtoka puyuta ka Chihowa hak osh vlhtoka he ai ahni hoke.

2. Yvmohmi hoka kvna fehna hoh kia nan vlhtoka yoka i sanali hokvt, Chihowa hvv nan apesa tok q i sanali hoke: mikmvt i sanali vhleha hokvto ilap inli isht ai ilbvsha yosh im vlpisvt isha hi oke.

3. Nan vlhtoka vhleha hoka nan toksvli achukma yak osh ai i nukshopa yq keyu hoke: amba nan ik achukmo toksvli yak oke. Yakohmi ka nan vlhtoka yoka chishno yvt i nukshopa la he, chik ai ahno cho? Nan achukma kak q ish yvmohmashke; mikmvt yvmak ash q ish im a holitopa hi oke.

4. Nan isht chim achukma chi mak q yvmvt Chihowa nan isht im vta hatuk oka. Yohmi kia nan ik achukmo kak q ish yvmihchi hokmvt, chi nukshopashke: yohmi ka yvmvt bvshpo falaia yg peh pilla ieshi hq keyu; amba yvmvt Chihowa nan isht im vta yosh nana ka ai ghlichit nan ik achukmo yvmihchi yg isht ai i palvmmi ka onohonchi mak oke.

5. Yvmohmi hoka isht ai i palvmma he ak bano kak q keyu, amba isht il akostininchi yak atuk pulla aiena kak q ish im antia pullashke.

6. Yohmi ka ilvppak atuk pulla kak o noshkobo chumpa ya ish atobbi makinlashke: yummvt Chihowa nan isht im vttta vhleha hatuk osh nana ilvppak fehna ka isht ahantvt bilia hoke.

7. Yvmohmi ka moma kvv ilap ai isha he ai vlhpiesa ka ish imashke: noshkobo chumpa ya kvna hosh isha he ai vlhpiesa kak o ish imashke: vlhpoyak isht ai vlhtoba kashampa kvnia he tuk a kvna hosh isha he ai vlhpiesa kak o ish imashke: kvna hq i nukshopa he, ai vlhpiesa kak o ish i nukshopashke: kvna hq holitoba he ai vlhpiesa kak o ish holitoblashke.

8. Hatak nana kia aheka yvt ik chin takanlo kashke: amba hvsh it i hulla he vto hvsh it in takanlashke; yohmi ka kvna hosh inla ya i hullo hokuto vba nan vlhpisa ya ai ghlichichoke.

9. Yohmi ka, Chik it in lumako kashke, Chik bo kashke, Chik hukopo kashke, Chik aholvbecho kashke, Chik anushkunno kashke; micha nan vlhpisa inla kvv takanli hokmvt, anumpa kanomosi, Chin chuka panta hatak a ish i hullo kvv, chishno ish il i hullo kak i chiyuhmashke, achi ilvppak o foka hoke.

10. It i hullo yvt nan ik achukmo in chuka panta hatak a ik i yvmihcho yoke: yvmohmi hoka it i hullo yak osh vba nan vlhpisa ya ai ghlichichoke.

11. Micha ilvppak o hvsh yvmohmashke: mikmvt himonasi ka nusi tuk vt pi okcha he hvshi kanvlli hvv ont ai vlhpiesa ka il ithaiyanashke; himonasi kvno isht ai pi okchaya yokvt pi bilika kvv pi yimmi hatok ano i shahli hoka.

12. Ninak vt ant ig hosi ma, nitak vt vla hosishke: yvmohmi hoka okhlili isht a toksvli puta ka e kaiyan-chashke: micha nan tohwikeli isht il atukkocho yak o e foyukashke.

13. Nitak itvnowa yak o chiyuhmit ai vlhpiesa hosh il itvnowashke: haksi, micha tasimbot tasali keyu, itiba nusit isht a havi keyu, itachowa, micha it i potvnnot hvsh ik it i nuklillo kashke.

14. Amba Chitokaka Chievs Klaist ak o hvsh foyukash-

ke; micha haknip nan ai ahni okpulo puta ka im ai ghlichacha
chi kvt haknip a nana hvch ik atahlo kashke.

CHAPTA XIV.

Nana kvt ilim itim inla mak osh il iti shetilima he tok keyu, 1; 13
amba nana ka ahah! il oh ahni na, nana ka il itim inla hoh kia, inla
maya kvt isht ik pim ai ibetvblo kashka; 15 nana kvt yohmi ka
na laua hq isht mihvt Pal vt otvvinchi hoke.

1. NA yimmi kvt ik ono ka hvsh i kana banashke;
micha im anukfila anuktuklo atuk a nana isht chik im apeso
kashke.

2. Yohmi ka achvfa hokvto nan okluha ka vpa hi atuk vt
yimmishke; inla hokvto na yimmi kvt ik ono mv, na waya
yak o vpvshke.

3. Yohmi ka vpa hokvt ik po hoka ik kanimancho kash-
ke; micha ik po hokvt vpa hoka nan ik im apeso kashke;
Chihowa ak osh i kana hatuk oka.

4. Kvta chia hokak osh hatak inla in tishu ha nan ish im
apesa hoh cho? ilap i shahli ak illa hq isht im a hikia he,
keyukmv isht ai im itula hi oke. Ahli, ai ghliit hikia hi
oke, Chihowa hak osh ai ghlichit hilecha hinla hoka.

5. Hatak achvfa hokvto nitak achvfa kvt inla ka i shahli,
ai ahnishke; inla hokvto nitak moma kvt itilau, ai ahnishke.
Hatak puyuta kvt ilap im anukfila fehna ka ai ghliit anukfo-
yukashke.

6. Kvna hosh nitak a holitoblikmv, Chitokaka yak o i
holitobli hoke: mikma kvna hosh nitak a ik i holitoblo hok-
mv, Chitokaka yak o ik i holitoblo hoke. Kvna hosh vpa-
mv, Chitokaka yak o im vpa hoke; Chitokaka yak o isht
aiokpvchi ya ima hokvt: mikma kvna hosh ik pokmv,
Chitokaka yak o ik im vpo hoke: yohmi kia isht aiokpvchi
ya Chihowa yak o ima hoke.

7. E kanima kvt pishno inli il im anta keyu hoke: micha
hatak nana kia ilap inli il im illi keyu hoke.

8. Pi okchayvt il ahanta kvt, Chitokaka yak o il im ahan-
ta hoke; micha pilli hokmv, Chitokaka yak o il im illi hoke;

yvmohmi hoka pi okchaya, pilli, kanimampo hoh kia Chitokaka yak o immi pia hoke.

9. Yohmi ka Klaist okvt illi tuk vt falamvt okchaya kvt, illi, micha okchaya it aieninchit in Chitokaka toba chi ilvppak fehna hatok oka.

10. Yohmi kia nanta katiahmi ho chitibapishi ha nan ish im apesa cho? micha nanta katiahmi ho ish itibapishi ha ish kanimanchi cho? e moyuma kvt Klaist nan apesvt ai o binili ka itikba ya e hiohla hi oka.

11. Yohmi ka holihiso kvt, Sai okchaya hoka iyikalaha puta kvt a hvchukbihlapa hi oke; mikma isunlvsh puta kvt Chihowa ha aiokpahancha hi oke, Chitokaka yvtachi hoke, achi hatuk oka.

12. Yakohmi hoka e moyuma kvt Chihowa hoka il im il anohonla hi oke.

13. Yvmohmi hoka himak a pilla kvno nan it im apesvt kil ahanto kashke; amba hatak nana kia isht ai ibetvbla he, keyukmvt isht ai itula he nana kia itibapishi i hina ya ik bohlo ka he ilvppak o hvsh im anukfillashke.

14. Yohmi ka nana kvt ilap ak inli kvt ik kashofu kvt iksho ka, Chisvs Klaist ak atuk mak o isht a sa nukfoykvt, ithaiyana lishke: amba kvna hosh nana kvt ik kashofu ai ahni hokvno, yvmvno nana kvt ik i kashofu hoke.

15. Ish itibapishi hvv nana ish pa ka isht ik im vlvhpieso hokma, himak a i hullot ish nohowa keyushke. Yvmmak ash Klaist vt vlvhtobvt illi hatok oka, chim ilhpak a isht chik okpano kashke.

16. Yvmohmi hoka nana achukma isht ish ilaiyukpa kvt ik ai vlvhpesot isht ik anumpo kashke.

17. Yohmi ka Chihowa avehlichika yokvt nan impa, nan ishko kak o keyu hoke; amba nan isht ai vlvhpiesa, micha isht it i nanaiya, micha Shilombish Holitopa ai isht ilaiyukpa yakoke.

18. Yohmi ka kvna hosh nana ilvppak fehna ka Klaist a isht im antia hokvno Chihowa yvt ahninchii, mikmvt hatak puta kvt vlvhpesa ai ahni hoke.

19. Yvmohmi hoka nana kvt isht ai it i kana puta, micha

nana ka isht it i hlampkohoncha he aiena kak q e yvmohq-mashke.

20. Yohmi ka nan vpa ak atuk mak q Chihowa hvt nana toksahanli tuk ash isht chik okpano kashke. Nan oklyha kvt kashofa mvhli hoke : yohmi kia hatak nana hosh inla isht ai ibetvbli hq impa hokvto, isht ik im achukmo hoke.

21. Nipi vpa, oka paki ishko, keyukmvt nana kia ish itibapishi hvt isht ai itulvt isht ai ibetvblit isht ik a hlampko ka chi hq, ai yvmohmi kvt ik achukmo hoke.

22. Nana kash chi yimmi cho? Chihowa itikba yak q chishno illa hosh ish a yvmohmashke. Kvna hosh ilap vt nana hq vhpiesa ahnit, ilap ash inli anumpa isht ik il onochi hokvt, na yukpa hoke.

23. Yohmi ka kvna hosh anuktuklo hoh kia vpa hokmvt, anumpa onvtula hoke : nana hoh kia yimmi keyu hosh yvmihchi hokvto ai ashvchi yoka.

CHAPTA XV.

Hlampko kvt, ik hlampko ya nan ib ai isha he, 1 ; 2 pishno inli kil ile yukpalo, 3 Klaist vt yohmi tok keyu, 7 amba e moma ka Klaist vt pi kanvt nan pim anukfilli tok a chohmit it i kanvt ili tiholito-blichia he: 30 Pal vt Loman vbanumpuli vhleha hvt vba isht anumpula he im a sihlha.

1. YAKOHMI hoka pi hlampko hokvto ik hlampko hokvno nan il ib ai isha he atuk ; micha pishno inli il ile yukpala hi atuk keyu hoke.

2. E moyuma kvt ilap in chuka panta hatak vt vbanumpa ha isht a hlampkot im achukma chi ka e yukpalashke.

3. Yohmi ka Klaist ak kia ile yukpali tok keyu hoka ; amba holihiso kvt, Isht a hofahyali puta kvt ohi onvtula hatuk vt sai onvtula hatuk oke, achi hatok oka.

4. Yohmi ka nana fehna hoh kia tikba pilla kash-holihiso kvt nana isht a pim vlvcha he mak q holihiso hatok oka ; yohmi kvt Holisso Holitopa ak q nana ka isht a nuktaiyalet achunanchit ai okchayvt bilia ya il isha he, il ai ahna hi atok oke.

5. Yohmi ka Chihowa hak osh hvchi atohnohonchit isht anuktsiyavt achunanchi ya hvch ima na nana hvsh it im anukfilli kv̄t ai achv̄vt Klaist Chisvs ak atok ak o hvsh chiyumashke.

6. Yohmi hosh hvchim anukfila hv̄t ai achv̄vt, itih achv̄fa hosh Chihowa, pin Chitokaka Chisvs Klaist iki yak fehna ka hvsh holitobla hi atuk oke.

7. Yomohmi hoka Chihowa hv̄t isht abolitopa chi kak o Klaist ak kia pi kana hatok ash o, chiyuhmit hvsh it i kanashke.

8. Yohmi ka Chihowa isht ai ahli yak atuk pulla kak o Chisvs Klaist okvt hakshup tupa yak o nan isht im v̄tta toba kv̄t, iki vhleha ha nan im ih̄sa tok puta ka ai ahlich̄a chi kak atok oke, achi lishke.

9. Micha yohmi ho Chentail vhleha hv̄t ilap isht i nukhaklo tok ak o Chihowa ya holitobla hi atok oke; holihiso kv̄t, Ilvppak atuk mak o Chentail vhleha ha ibai achv̄vt chi aiokpahanchi la he; micha chi hohchifo ha isht talohqwa la hi oke, achi hatok oka.

10. Micha anonti Chentail hvchia hv̄t vm okla vhleha ha hvsh ibai okpahanchashke, Chitokaka yvt achishke.

11. Micha anonti, Chentail moyuma kv̄t Chitokaka ya hvsh aiokpahanchashke: micha okla moyuma kv̄t hvsh aiokpahanchashke, achishke.

12. Micha anonti Chesse ak o isht atiaka yosh ahanta he, micha yummak fehna hosh Chentail okla ha i shahlit mikot wakaya hi oke: yummak o Chentail okla hv̄t anukchieta hi oke, Essias vt achishke.

13. Yohmi ka ai okchayvt bilia ya pisa he ai ahni ya in Chihowa yak osh isht ai yimmit ai isht it i nanaiya, micha ai isht il aiyukpa moyuma ka hvchi alotoli ho Shilombish Holitopa nan isht ai ahli yak atuk pulla mak o ai okchayvt bilia hvsh isha hi okvt, ai ahli feh̄vt hvchi anukfoykashke.

14. Micha itibapishi li hvchia hv̄t nana achukma bieka hosh hvchi anukfoykvt, nan ithana isht a hvchi alotowa hatuk osh, nana ka hvsh it i miha he bieka ak inli ka, vno ak inli kv̄t hvchi yimmi li ak inlishke.

15. Yohmi ak inli kia itibapishi li vhleha ma! Chihowa ak osh isht i kana ya vma hatuk oka, ik sa nukwayo kut isht i shahli hosh isht hvsh ithana chi kak o, nana a kaniohmi ka hvchi holissohonch lishke;

16. Yohmi hosh Chisvs Klaist nan isht im vtta yosh, Chihowa im vbanumpa ha Chentail okla hak o isht im ahan-ta la chi hatok; yohmi ho Chentail vt Shilombish Holitopa yak o isht a kashofa hatuk o vba isht aiokpvchi ka ahninch a hi atok oke.

17. Yvmohmi hoka nan okluyuha, Chihowa hvv isht pit ahalaya ka Chisvs Klaist ak atuk pulla mak o, nana ka isht ilauata la hi vt ieshi lishke.

18. Chihowa imi Shilombish nan isht ai ahli yak atuk pulla mak o nan isht nukhlakancha, micha nan isht atokowa yo nana ka isht ai yvmohmit anumpohonli li ho, Chentail okvt im antia chi ka, Klaist vt isht a si atoksvli hatuk keyu hokvno nana ai yvmohmi tuk ash achvfa kia isht anum-puli la he keyu hoke.

19. Yvmohmi hosh Chelusalem, micha isht ai apakfoypvt Illilikvm a ont ai vhli itintakla ya Klaist im vbanumpa ya ai ahli fehvvt isht ai anumpohonli li hatuk oke.

20. Ahli, yakohmi hosh intolahpi hatak inla immi pak-naka yo ai ikbi li yoba na, ai ahni li kak osh kanima yo Klaist vt isht ik ai anumpo hokvno vbanumpa ya isht ai anumpohonli sa bvnaa fehna chatuk oke.

21. Yohmi kia holihiso kvv, yvmmak o isht im anumpa hatok keyu kia, okla pisa hi oke; micha okla yvmvvt haklo hatok keyu kia, akostininch a hi oke, achi hatok oka.

22. Yohmi ka ilvppak atuk pulla kak o hvchim ona la hi atok vt, isht a si ataklvma fehna ak inli hatuk oke.

23. Yohmi kia himonasi hokvno ilvppa ai anum-puli la hi okvt ik svm iksho hatuk osh; micha hvchim ona sa bvnaa fehna tok a himak a afvmmi hvv lavaa fehna hatuk osh;

24. Kanima kash inli ho nowvt avvt Ispani yoka chukowa likvvt, hvchim ona la hi oke: yohmi kvv nowvt aya li hokvt, ont hvchi pisa la he ai ahni li: micha hvchi pivvt

kaniohmit v̄m v̄lhpiesa ha yokm̄vno, now̄vt ȳya li kash achakalit pit h̄vs sa pila he chishke, ai ahni lishke.

25. Yohmi kia himonasi hokvno v̄banumpuli v̄hleha hak ȳ i hopela la ch̄i hosh Chelusalem ak ȳ ia la chishke.

26. Yohmi ka Masetonia, micha Akaia okla aiena kv̄t im v̄lhpiesa hosh v̄banumpuli ilbv̄sha Chelusalem ai asha ka nan isht apelv̄chi kaniohmi ka i bohonli tuk oke.

27. Im v̄lhpiesa ai ȳhli fehna hosh yvm̄ihchi tuk : yohmi hatuk ȳ im ah̄eka v̄hleha hokv̄t. Yohmi ka Chentail okla hv̄t nana Shilombish immi puta ka ibai ih̄ishi toba hatuk m̄vt, anonti nana haknip immi puta ka yv̄mma isht apelv̄cha hi okv̄t im ai v̄lhpiesa ak inlishke.

28. Yvm̄ohmi hoka ilv̄ppa isht v̄ttv̄t v̄m v̄lhtaha, micha nan isht ap̄ehl̄v̄chi ilv̄ppak ash ȳ im ai ȳhlich̄i li ha yok mak osh, hv̄chin tm̄aha h̄ȳ hlopullit Ispani yoka ont chukowa la hi oke.

29. Micha hv̄chim ona likm̄vt, Klaist im v̄banumpa ai isht ilaiyukpa ai ȳhli fehna laua ka isht hv̄chim ona la hi okv̄t, ithaiyana lishke.

30. Yohmi ka itibapishi li v̄hleha ma ! Chitokaka Chis̄vs Klaist ak atuk puyula, micha Shilombish ak atuk mak ȳ isht it̄i hullo yv̄t hv̄chi anukfoyuka hokv̄t, sv̄bai yichina fehna hosh anumpa ilbv̄sha Chihowa ȳȳ im anumpohonli kv̄t, isht h̄vs si anumpohonlashke.

31. Yohmi h̄ȳ ik yimmo v̄hleha Chutia ai asha ka ai i hlakofi lashke : micha Chelusalem ȳ nan i hopela la ch̄i ish̄i li kash v̄banumpuli v̄hleha hash ot aiokpahanchashke.

32. Yohmi h̄ȳ Chihowa nan ai ahni pulla h̄ȳ nan isht ilaiyukpa ȳȳ ieszit hv̄ch im ona li hosh, nana ka hv̄ch ibai yuhukpa li hokbano.

33. Yohmi ka nan isht it i nanaiya in Chihowa yak osh hv̄sh moyuma ka hv̄ch iba foyukashke, Amen.

CHAPTA XVI.

v̄banumpuli Loman asha tuk v̄t laua ka ai okpacha hi ȳ, Pal v̄t im ahni, 1, 17 m̄hm̄vt nan itakv̄ahkoli, nan ibetv̄blich̄i aiena ka ahah !

okla im ahna chi ka im anoli ; 21 atuk osh nana ka yakmihchit na pit i mihihvt tahlí mvt, ishtaiyopichi kvť Chihowa ya aiokpachanchi.

1. **KLENKLEA** chvch hikia ka nan isht im vťta, pin tek, Febi ya hvsh aiokpancha he pit hvchim ai ahni lishke :

2. Yohmi hosh Chitokaka yak o ai achvfa hoka vbanumpuli ai yvmohmi yak o chiyuhmit hvsh aiokpvchashke : micha nana hoh kia isht apelvcha hi a bvna hokma, hvsh apelahke : yohmi ka yvmvt laua ka apelahanchi chatuk ; micha vno ak kia aieninchit si apelahanchi chatuk oke.

3. Klaist Chisvs a ibai achvft svb a toksahanli Akuila, micha Plissilla ita tuklo ka hvsh aiokpvchashke.

4. Yvmmak okvt vm ilhfiopak ak atuk pulla kak o ilap ikunla fehna ka aka ya bohonli tok : yvmmak oka vno ak illa keyu, amba Chentail iksa hiohli puyuta aiena kvť yak oke, im ai ahnishke.

5. Yvmmak ash chiyuhmit yvma in chuka vbanumpuli iksa maya ka hvsh aiokpvchashke. Epenetvs a holitopa fehna, yvmvt Klaist i yimmi kvť Akaia ya ai yvmohmit nan vni vmmona hatok a hvsh aiokpvchashke.

6. Meli ya hvsh aiokpvchashke ; yvmmak okvt pin toksahanli fehna hatok oke.

7. A kanomi, micha svbai yuka Antonikvs, micha Chunia itatuklo, yvmmak okvt vbanumpeshi vhleha ha i holitopa yoka hvsh aiokpvchashke ; yvmmak okvt sa tjkba Klaist ai ibai achvfa hatok mak oke.

8. Amplias Chitokaka ya ai achvfa a holitopa ya hvsh aiokpvchashke.

9. Ulbani Klaist ai achvft piba toksahanli, Stakvs a holitopa aiena ka hvsh aiokpvchashke.

10. Apelles, Klaist vt ahninchí ya hvsh aiokpvchashke. Alistobulvs in chuka chvfa ai achvfa ka hvsh ai okpvchashke.

11. A kanomi Helotion a hvsh aiokpvchashke. Nasissvs in chuka chvfa Chitokaka ai achvfa ka hvsh aiokpvchashke.

12. Tlaifina, micha Tlaifosa itatuklo, Chitokaka in toksahanli ya hvsh aiokpvchashke. Pasis holitopa, yvmvt

Chitokaka ya in toksahanli fehna chatuk a, hvsh aiokpvchashke,

13. Lufvs Chitokaka im vlhtoka, micha ishki, micha yvm-mvt vshki ya hvsh aiokpvchashke.

14. Asinklitvs, Flekon, Hemas, Patlobvs, Hemes, micha il itibapishi vhleha hv yvmma apehvt maya aiena ka hvsh aiokpvchashke.

15. Filolokvs, micha Chulia, Nelevs, micha in tek, micha Olimp-as, micha vbanumpuli yvmma apehvt maya aiena ka hvsh aiokpvchashke.

16. It i suksowa holitopa yo isht hvsh it aiokpvchashke. Klaist in chvch vhleha hokvt hvchi aiokpvchishke.

17. Yohmi ka itibapishi li vhleha ma! nan vlvchi hvsh ithvna kash i sanalit isht it i filvmmichi; micha isht ibetv-blich i aiena ihikbi hokvno, yakohmi hvsh ahni pulla cha, hvch ik ahalaiyo kashke.

18. Yohmi ka ilvppa chiyuhmi puta hokvto Chitokaka Chisvs Klaist ak o in toksvli keyu hoke, amba ilap ikfoka yak inli hoke: mikmvt anumpa achukma puta, micha isht ahninch i anumpa puta aiena kak o nuktvhlvt ahah! ik ahno chvkush puta ka isht haksichi hoke.

19. Yohmi ka isht hvsh im antia yokvt hatak moyuma ka im anohowa hoke: yvmohmi hoka hvchishno yak atuk pulla kak o sai yukpvshke: yohmi ak inli kia nana achukma kak o hvch imponna cha, nan ik achukmo hokvno ik hvch im-ponno hok bano hvchim ai ahni lishke.

20. Mikma nan isht it i nanaiya in Chihowa yak osh Se-tan oka chekosikma chiyi nuta ya a litola chi hoke. Pin Chitokaka Chisvs Klaist isht i kana yvt hvchi anuk foyu kashke. Amen.

21. Timohlivs svba toksvli, micha Lusivs, micha Cha-son, micha Sosipata a kanomi aiena kv pit hvchi aiokpv-chishke.

22. Tetivs sia holisso ilvppa holissohonchi kash ot Chi-tokaka ibai achvfa hvchia ha pit hvchi aiokpvchi lishke.

23. Vno, micha chvch moma aiena ka nan im atahli Kaivs ash ot pit hvchi aiokpvchishke. Elastvs, tvnaha in

tvli holisso sholi, micha il itibapishi Katvs aiena kvv pit hvchi aiokpvcchishke.

24. Pin Chitokaka Chisvs Klaist isht i kana yvt hvsh moyuma ka hvchi anukfoyukashke. Amen.

25. Yohmi cha Chisvs Klaist vt nan abahanchi tok vm vbanumpa ak atuk na luma ituyula chatuk yakni toba tok itin takla ka isht ik anumpo chatuk osh isht anuhumpa ak atuk puyula mak o isht a hvchim ai ghlicha he im ai vlhpiesa hatuk,

26. Micha Chihowa okchayvt bilia yvt nan apihisa hatuk mak o hopaii vhleha hvv holissohonchi tok o, oklushi moyuma kvv na yimmit isht im antia chi mak o, im otaiyani hatok :

27. Chihowa hopoyuksa achvfa bano kash ot Chisvs Klaist ak atuk pulla kak o isht a holitopa yvt immit biliashke. Amen.

HOLISSO VMMONA PAL VT

KOLINHILA CHUCH

A HIKIA HQ I HOLISSOCHI TOK.

CHAPTA I.

Vbanumpuli Kolinhla gsha tuk q Pal vt pit ai okpvchi, mihmet Chihowa ya aiokpvchi, 1; 10 itibachvft mgya he i miha; 12 itaka-shapvt mgya tuk q nan i miha. 18 Aka a nahopoyuksa yvt nan isht a hopoyuksa ka; 21 nan ik ahobo vbanumpa isht anumpuli kak q Chihowa yvt isht okpaninchi: 26 na hopoyuksa, micha nan i shahli aiena kak osh vltoka keyu, amba ik hopoyukso, ik hlampko, aiena kak osh vltoka.

1. PAL, Chihowa nan ai ahni atuk pulla mak q Chisvs Klaist im apostel vltoka tok, micha il itibapishi Soshlenes ita tuklo kvf,

2. Chihowa in chvch Kolinhla a hikia, Chisvs Klaist ak atuk pulla kak q isht a kashovf, vbanumpuli vltoka tok, micha pin Chitokaka Chisvs Klaist vt ymma, micha pishno il ita tuklo ka pimmi hatuk q hohchifo ha anukchietot hohoyot kanima moma ai asha aiena ka pit i holissohonychishke.

3. Isht i kana, micha isht it i nanaiya aiena Piki Chihowa, micha Chitokaka Chisvs Klaist ita tuklo ka a mihinti kvf hvchi anukfoyukashke.

4. Yohmi ka Chisvs Klaist ak atuk pulla kak q Chihowa hvf ilap isht i kana ya hvch ima hatuk oka, an Chihowa ya hvchishno yak atuk pulla mak q yak oke im ai ahni li bilivshke.

5. Yohmi hq nan oklgha kvf ymmak q isht a hvchin

lausa hosh isht anumpuli puta, micha nan ithana puta kv
isht a hvchim aienvshke.

6. Yakohmi hosh Chisvs Klaist nan isht atokowa yash
osh hvchishno g isht ai ghli hatuk oke.

7. Yohmi hosh na hvlbina nana kia ik ai ono hq hvsh
ishi tuk keyu hatuk osh; pin Chitokaka Chisvs Klaist vt
otaiyana hi g hvsh hohoyo hoke.

8. Yvmmak ash inli hosh hvchi ai ghlihinchit ont ai vqli
ka isht hvch ona hi oke: yohmi hq pin Chitokaka Chisvs
Klaist i nitak fehna ka anumpa isht a hvchi onvtula hi vt
iksho ka hi oke.

9. Chihowa hvv ai ghli yoke, yvmmak q ilap Ushi pin
Chitokaka Chisvs Klaist g ai ib ai eshi isht a hvchi vltoka
hatuk oke.

10. Yohmi ka itibapishi li vhleha ma! nana a miha chvfa
hq isht hvsh anumpula he, mikmvt ai it i filvmmi puta kv
ik hvchim iksko ka he; amba nana hosh ai ahni kv hvchim
anukfila hvv ai ghli fehnvt hvsh it ibafoyuka he mak q,
pin Chitokaka Chisvs Klaist isht a hochihifo hosh hvchim
ai ahni lishke.

11. Itibapishi li vhleha ma! nan itachowa yvt hvchin tak-
la a takali ka, Kloe in chuka chvfa yosh vm anoli hatuk oke.

12. Yohmi ka hvsh moma kv, Uno ak osh Pal ai achvfa
sia; anonti, Uno mvt Apollos ai achvfa sia; mikma, Uno vto
Sefas ai achvfa sia; yohmik ma, Uno vto Klaist ai achvfa
sia; hvsh achi ilvppak q achi lishke.

13. Klaist vt ita kvshkoa hq? hvchishno atuk mak q Pal
ak osh ititaiyukhvna ai illi tok q? keyukmvt Pal i hohchifo
hq isht hvchi baptismo tok q?

14. Hvsh kanima kia ak hvchi baptismocho hosh Klis-
pus, micha Kaius ita taklo bano tok g yak oke, Chihowa ha
im ai ahni lishke.

15. Yohmi hatuk q vno ak inli g hohchifo hq isht baptis-
mochi li tok g, hvsh kanima kia hvsh acha he keyushke.

16. Mikmvt Stefanus in chuka chvfa ak kia baptismochi li
tok; inla yano baptismochi likma, nana tuk vt ak ita-
noshke.

17. Baptismochi la hi o, Klaist vt si atokoli tok keyu hoka, amba vbanumpa isht anumpuli la he ak atok: anum-pa hopoyuksa ya he atuk keyu, yohmi hokma Klaist im ititaiyukhvna yvt nan ai ahla he keyu hoke.

18. Ititaiyukhvna isht anumpuli yokvt kvna hosh ilboshvt illa chi yvmmak o ik im ahobo yoke: amba okchaya chi pishno ak okvno Chihowa nan isht im ai ghli yoke.

19. Nan imponna isht a hopoyuksa yokvno okpvi la chi, mikvt nan ithana nan isht akostininchi yano akshochi la chi, achi hosh holihiso hatok oke.

20. Katima yak o na-hopoyuksa yvt anta ho? katima yak o na-holissochi yvt anta ho? yakni ilvppa nan isht ai it i ponaklo yvto katima yak o maya ho? yakni ilvppa isht a hopoyuksa ya Chihowa hvto ik ahobalecho hatuk keyu?

21. Nan isht a hopoyuksa hosh Chihowa hv nan atahli tok kia, yakni vt ilap hopoyuksa kak osh Chihowa ya isht ik ithano ma, vbanumpa isht anumpuli ik ahobo kia, kvna hosh yimmi hokvno mihi yo Chihowa hv vlhpesa, ahnit isht okchalnchi yoke.

22. Chu okla hv nan isht atokowa asihihla, mikma na hopoyuksa yo Klik vto hohoyoshke:

23. Yohmi kia pishno vto Klaist ititaiyukhvna ai illi tok g isht il anumpohonli ka, Chu okla hokvno isht ai im ibetr-bli yokvt, anonti Klik okvno nan ik im ahobo yoke;

24. Yohmi kia Chu okla, mikvt Klik okla ita tuklo ka kanima hosh vlhtoka hokvno mihi yo Chihowa nan isht im ai ghli, micha Chihowa nan isht im ahopoyuksa Klaist g isht il im anumpohonlishke.

25. Chihowa nan isht ik im ahobo yvt hatak okvno hopoyuksa kv i shahli hoka; micha Chihowa yvt isht ik a hlampko ahoba kia hatak okvno hlampko kv i shahli hoke.

26. Itibapishi li vhleha ma! hvchishno vto hvchi vlhtoka hokvto yakni pakna a hopoyuksa yvt ik lauwo, nan isht ai ghli ishi kv ik lauwo, hatak holidompa aiena kv ik lauwo hosh vlhtoka ka hvsh pistvshke:

27. Yohmi kv ilap hopoyuksa ya hofahyala chi kv

Chihowa hvt yakni iluppa nana ik ahobo puta ka atokoli hatuk; micha nana hlampko ymma hofahyala chi kvt yakni iluppa ik a hlampko yq Chihowa hvt atokoli hatuk:

28. Mikmvt nana kvt yakni iluppa ik a holitopo, micha nana kvt ymma ik ai ahobo aiena ka, Chihowa hvt atokoli hatuk; ahli, yohmi kvt nana gsha tuk g akshocha chi kvt nana kvt iksho ke tuk g atokoli hatuk:

29. Yohmi hq hatak nana kia Chihowa itikba yg ai ilauata he atuk keyu hoke.

30. Yohmi kia hvchishno vto yvmmak atuk mak q Klaist Chisvs g hvsh ibai achufa ka yvmmak q Chihowa pulla kak q isht pi a hopoyuksa, micha isht pi ai vlhpiesa, micha isht pi a kashofa, micha isht pi ai vlbi yoke:

31. Yohmi ka holisso hatuk oka, Kvna kia ilauata hokmvt, Chitokaka yak q isht ik ilauata.

CHAPTER II.

Vbanumpa isht anumpohonli ka Chihowa nan isht im ai ahli yosh ai ibafoyuka tuk g, Pal vt achi, 1. 14 Im anukfila himona hatak keyu hokvto vbanumpa hq ik akostinincho.

1. **YOHMI** ka itibapishi li vhleha mal kaniohmi kash hvchim ona li kvt, Chihowa isht atokowa yq hvchim anohonli la chi kvt, isht ahninja he anumpa hokma, keyukmvt isht ahninja he hopoyuksa hokma, nana hq isht hvchim aya li hatok keyu hoke.

2. Nana ka a hvchim ai ithvna la he ahni li hatok keyu, amba Chisvs Klaist, micha yvmmak osh ititaiyukhvna ai illi tok ak bano hatok ak oka.

3. Yohmi mvt isht a hlampko iksho, mihmvt komunta, micha wvnihinchi fehna hosh hvchin takla yg ahanta li tok.

4. Mihmvt anumpuli li, micha vbanumpa isht anumpuli li aiena kvt, hatak hopoyuksa nan isht yukpali anumpa hatok keyu, amba Shilombish, micha nan ahli yq otvvinchit isht anohonli li tok:

5. Yohmi ka na hvchi yimmi kvt hatak nan isht im a

hopoyuksa yo a minta chi hatok keyu, amba Chihowa nan isht ai ghli yak a he atok.

6. Yohmi kia vbanumpa ithana ghli yokvno na hopoyuksa yo isht il im anumpulishke: yohmi kia yakni ilvppa isht a hopoyuksa yak keyu; mikmut yakni ilvppa i miko vhleha isht a hopoyuksa, yummak okvt ont ik ai iksho ka he ak atuk keyushke.

7. Yohmi kia Chihowa isht im a hopoyuksa yummvt luma hatok a yvmma isht pi a holitopa hi o, yakni vt ik tobo kisha ma, Chihowa hvv apesa tok ak o isht il anum-pohonlishke.

8. Yakni ilvppa i miko vhleha achvfa kia ilvppak ash ik ithano ki tok: okla ithana hatuk okmut, a holitopa in Chitokaka ya ititaiyukhvna ai vba he atok keyu hoke.

9. Yohmi kia kvna hosh yvmma i bullo hokvno mihi yo Chihowa hvv nana ka im ataiyahli tok a, yummak oka hatak nishkin vt ik pesokma, anonti haksobish vt ik haklokma, hatak chukvsh ak kia ik anukfohko hoke, achi hosh holihiso hatuk oka.

10. Yohmi tok o Chihowa hvv ilap imi Shilombish pulla ho yummak ash isht a pim otvninchi hatuk: Shilombish ak osh nana puta ka silhhit ithana hokvt, ghli, Chihowa nana im a kaniohmi a hofobi kak kia ai yvmohmi yoke.

11. Kva hosh hatak nana im a kaniohmi puta ka ithana cho? hatak shilombish yummvt ilapa anukfoyuka ak illa keyu? yummak i chohmi ho Chihowa nana im a kaniohmi puta ka hatak nana hosh ithana keyu ho, amba Chihowa imi Shilombish ak illa hoke.

12. Yohmi ka yakni nana isht ai im anukfila yo il ishi hatuk keyu, amba Chihowa hatuk mak o nana puta ka il ishi hatuk vt il ithana chi pulla hosh Shilombish Chihowa a minti ho il ishi hatuk oke.

13. Nana puta yvmma isht il anumpohonli kvv yvmma hatak nan isht im a hopoyuksa yosh avvchi anumpa keyu, amba yummak oka Shilombish Holitopa yosh avvchi anum-pa ho Shilombish nana im a kaniohmi ya Shilombish anukfoyuka vhleha ho il ithv nahanchishke.

14. Hatak chukvsh ik kashofo hokvto Chihowa imi Shilombish nana im a kaniohmi puta ka ik ithano yoke; yvm-mak okvt ilap a nana ik ahobo hokvt: mikmvt ithana he keyu, yvmmak ash o Shilombish osh avvchi hoka.

15. Yohmi ka kvna hosh Shilombish anukfoyuca hokvto nana puta ka anukfillit akostininchi, yohmi kia ilap okvno hatak nana hosh im akostininchi keyushke.

16. Kvta hosh Chitokaka im anukfila ha ithaiyana cha, mihi yosh nan im avvcha hinla cho? Yohmi kia pishno yokvto Klaist im anukfila yo il ieshvshke.

• CHAPTER III.

Pishukchi vt vlla chipunta yak o immi, 1 : 8 kaniohmi ho itakvsh-koa hatuk a haknip imma im anukfila hatuk vt otvni. 7 Kvna hosh hokchi, mikma kvna hosh oka o foechi itatuklo kvv nana keyu: 14 Chihowa ak osh wayachi. 16 Vbanumpuli yvt Chihowa in tempel; 19 yakni nan isht ahopoyuksa yokvto Chihowa i naho-poyuksa keyu.

1. YOHMI ka itibapishi li vhleha ma! Shilombish anukfoyuca ho chohmichit hvchim anumpohonli la he keyu, amba haknip nan ai ahnit Klaist ibai achvfa vlvosi yo hvchi chohmichi lishke.

2. Pishukchi yo isht hvch ipeta li tok, ilhpak kvlllo atok keyu; tikba kamo isht a hvchim vlvhesa tok keyu kvv himonasi ak kia, isht a hvchim vlvhesa keyu momvshke.

3. Haknip nan ai ahni hvchia moma hoka iti potvno, micha itachowa anonti iti filamohli aiena kvv hvch itin takla aiasha hoka, haknip nan ai ahni mak o hvchia moma, micha hatak im anukfila yo chohmit hvsh itvnohova keyu?

4. Hvsh kanima kvv, Vno vto Pal ai achvfa sia; anonti in-la mvt, Vno vto Apollos ai achvfa sia, hvsh achi hokvt hak-nip nan ai ahni hvchia mak o keyu?

5. Yohmi ka kvta hosh Pal okmá, anonti kvta hosh Apollos o? amba vbanumpa isht vta yvmmak atuk mak o hvsh moma ka Chitokaka yvt hvchi anukfohki tuk mak o, hvchi vimmi tuk oke.

6. Hatak moma kv̄t yohma he mak ɔ Chitokaka yvt a-pe-sa, tok ɔ, Ūno ak osh na-hokchi li tok, Apollos vto ɛka on hlali tok; amba Chihowa yokvto offochi hatuk oke.

7. Yohmi ka kv̄na hosh hokchi, mikma kv̄na hosh oka isht ɔn hlali hokvto na kanihma he keyu, amba Chihowa yvmmak osh offochi yoke.

8. Yohmi ka kv̄na hosh na hokchi, anonti kv̄na hosh oka isht ɔn hlali ita tuklo kv̄t itibai achvfa yoke: yohmi ka moma kv̄t ilap na toksvli isht ai v̄lhpiesvt v̄lhtoba ak illa h̄o isha hi oke.

9. Chihowa immi hosh itiba toksvli v̄hleha pia hoke. Chihowa nan im ahollokchi hvchia, micha aboha Chihowa hv̄t atahli tuk mak ɔ hvchia hoke.

10. Chihowa hv̄t ilap nan isht i kana yvmma vma tuk mak ɔ aboha ikbi imponna hopoyuksa ȳo chohmit in tolahpi ȳa bohli li hatuk; mihma inla yosh yvmmak ash ɔ ai itvb̄ni hoke. Yvmohmi hoka hatak moma kv̄t kanimihchit yvm-mak ash ɔ ai itvb̄ni kv̄t ahah! ahnashke.

11. Intolahpi yvmmvt Chisvs Klaist, yvmmak osh itola ha ya, hatak nana hosh inla ȳa bohla he keyu hoka.

12. Yohmi ka hatak kv̄na kia intohlapi ilvppa pakna ȳa tvli holisso lakna yokm̄a, tvli hv̄ta yokm̄a, tvli ai v̄lbi chito yokm̄a, iti yokm̄a, hv̄shuk okm̄a, onush vpi yokm̄a, nana h̄o isht itvb̄ni tuk okm̄a;

13. Nana v̄lhtaha tuk aiyuka kv̄t otaiyana hi oke: nitak yvmmak osh otv̄ninha he, luak ɔ isht otaiyana hi oka; yvmohmi ka hatak ɔ im a toksvli aiyuka kv̄t kaniohmi hatuk oh kia, luak osh imomaka pisa hi oke.

14. Yvmmak ash pakna ai itvb̄ni tuk ɔ hatak nana hosh atoksvli tuk ak ɔ ik okpulokma, mihi yosh nan v̄lhtoba ȳa isha hi oke.

15. Kv̄na hosh atahli tuk ɔ lua hokma, yvmmak osh i kv̄nivt ilbv̄sha hi oke: yohmi kia ilap okvto okchaya he, yohmi kia luak ɔ a hlopulli kak inli h̄o chohma hi oke.

16. Chihowa in tempel hvchia, yohmi hatuk ɔ Chihowa imi Shilombish vt hvchia chukvt anta ka hv̄ch ik ithano cho?

17. Kvna kia Chihowa in tempel a liteblikma, mihi yo Chihowa hvt ishit kancha he; Chihowa in tempel vt holitopa yoka, tempel yummak o hvchia hoke.

18. Kvna kia ik ile haksecho kia. Hvchi kanima hosh yakni iluppa hopoyuksa ho ilahobikmvt, yummvt hopoyuksa chi kvt yakni iluppa ik ahobo yo ik tobá,

19. Yakni iluppa isht im a hopoyuksa yokto Chihowa ya isht ik im ahobo yoka. Yummak okvt hopoyuksa ya ilap nan isht imponna ak inli ho isht ishi yoke, achi hosh holisso tok oka.

20. Mihmvt anonti ataklanchi mvt, Chitokaka yvt hopoyuksa im anukfila puta, yummvt ai ghli ik ono ka ithaiyana hoke, achi tok.

21. Yvmohmi hoka kvna kia hatak puta ho isht ik ilauato kia, nana moma kvt hvchimmi hoka;

22. Pal ak okmá, keyukmvt Apollos, keyukmvt Sefas, keyukmvt yakni iluppa, keyukmvt ilhfiopak okchaya, keyukmvt nan illi, keyukmvt nana kvt himonasi gsha, keyukmvt nana kvt gsha he moma kvt hvchimmi yoke.

23. Mikma hvchishno vto Klaist immi hvchia; mikma Klaist vt Chihowa immi hoke.

CHAPTA IV.

Kanichmit Klaist im vbanumpa isht vta ya il ahicha he tuk 1; 7 nana ka e habena tuk keyu kvt il i shi keyu. 9 Apostel vchievt yakni pakna ik ahobo yo isht vlpisa, 16 yummak o il im antia he tuk.

1. KLAIST in tishu vhleha, misha, nan ghli Chihowa hvt otvninchi tok puta nan im apesvchi vhleha mak o, oli-yuhmichit hatak puta kvt isht pi anukfillashke.

2. Anonti nan apesvchi vhleha nan isht im vlpisa kvt hatak yummvt ai ghla hi ak oh chatuk oke.

3. Yohmi kia hvchishno, keyukmvt hatak mla nana kia nana ho isht hvs som anukfillit hvsh apesa kia, vno yokto

yummvt vm ishtinosi fehna hoke; ahli vno ak inli kvv isht il anukfillit nan apesa li keyu hoke.

4. Vno ak inli kvv nana hō isht il akostininchi li keyu kvv; yohmi kak osh ilvppak o isht si ai vlvpiessa hi o keyu; amba kvna hosh nan isht si anukfillit apesa hokvto Chitokaka yak oke.

5. Yvmohmi hoka Chitokaka yvt ik lo kisha ka tikbalinchit nan isht anukfillit hvch ik apeso kashke, yvmmak osh ai okhlilika yg nana kvv a luma puta tuk a otvnnichikmvt, anonti chukvsh im anukfila puta hatuk ma haiakahancha hi oke; yvmohmi ha ya hatak moma kvv nana ai isha he vlvpesa tuk vt Chihowa yg im ai isha hi oke.

6. Yohmi ka itibapishi li vvhleha ma! yvma puta kash hvchishno pulla hatuk mak o, vno, mikmvt Apollos, ita tuklo li kak o isht il onochi li: yohmi ka nana kvv holisso tok a i shahlichit hatak o isht ik hvchim anukfilo hosh pishno ak o hvsh pim ai ithvnashke; yohmi hosh hvsh achvfona kia achvfa ka ish ile fehvchit, anonti achvfa ka hvch ik i sanalo kashke.

7. Kvta hosh hvch iti shashohlichit hvchim apesa tok o? Nanta hō ish ishi hosh yvma chik habeno tok o? yohmi ka ish habena hatuk mvt, nanta katiohmi hō chik habeno ke tuk ak inli hō chohmit isht ish ilauata cho?

8. Himak ano na hvchi fihopa, himak ano na hvchin laua, ik piksho hō mjkot hvsh mayvshke; yohmi ka hvsh mjko hatuk o mvhli hokbano ahni li, yvmmak atuk mvno pishno ak kia e hvch iba mjkā he atuk.

9. Illa he isht im vlvpisa kak o chohmit vbanumpeshi ishtaiyopi pishno a Chihowa hvv pi atokoli tuk a vm ahoba hoka; yakni moma, mikmvt enchil vvhleha, mikmvt hatak puta itikba a yopissa e toba tok oka.

10. Klaist atuk mak o ik pi ahoba ma, amba hvchishno vto Klaist a isht hvchi a hopoyuksa hoke: ik pi hlampko ma, amba hvchishno vto hvchi hlampkoshke: hvchi holitopa ma, amba pishno vto ik pi holitoposhke.

11. Pi hohchahafot, pi tukshihinla, micha haknip bieka, mihma pi pvsahga; yohmi hō ai vtta ahli yvt ik pim iksho na ant himakvshke.

12. Mihmvt pishno pibbak ak inli h_o isht toksahanli hosh ont pi a hoyublishke. Isht pi atukhlakahafa kia, i kanvt il anumpohonlishke : pi palvmihinchia kia, vllhpiesa il ahnishke.

13. Ik ahobalot na pi achi kia, i kana hosh il im anum-pohonlishke ; yakni pakna im a liteha ak inli h_o a pi chiyuhmi, mikma nana moma isht liteha chukvlhpvsh ak o e chiyuhmi na ant himakvshke.

14. Hvchi hofahyali la he osh ilvppa puta ka holissochi li keyu, amba vm vlla g holitopa hvsh chiyuhmi kvv ahah ! hvsh ahana ch_i kak o hvch_i miha lishke.

15. Klaist nan isht ithvnanchi tahlepa sipokni pokoli hosh hvchim ai asha hoh kia, hvch i_ki vt ik lauwohke ; Klaist Chisvs osh nan apelvchi h_o vbanumpa pulla h_o isht hvchi tobachi li tuk oke.

16. Yvmohmi hokvt hvs siakaiya hi g hvch_i miha lishke.

17. Ilvppa yakohmi kak o Timohlivs, svso g holitopa, Chitokaka im ai ghli achukma ya pit hvchi kanchi li ka, mihi yosh kanima moma iksa a hiohli puta ka Klaist-isht abvchit, nana a kaniohmi li puta ka anolit hvchi anukfohki-cha hi oke.

18. Yohmi ka ak hvchim ono ka he im ahobvt, hvsh kanimi kvv isht hvsh ilefehvchishke.

19. Yohmi kia Chitokaka yvt vlhpesa ahnikma, chekosi hvchim ona la ch_i hoke : yohmi kvv ilefehvchi vhleha hatuk yummak ash im anumpa hak a ch_i keyu, amba nan ai ghli yak o ithana la ch_i hoke.

20. Chihowa im apehliechika yokvt anumpa h_o keyu, amba nan isht ai ghli yak oke.

21. Nanta h_o hvsh ahni ? fuli yokmá, keyukmvt i bullo, micha chukvsh im anukfila yohbi hokmá, nanta h_o ieshi hosh hvchim ona la ch_i cho ?

CHAPTA V.

Haui mvt Kolinhla chvch g ibvllkahvt maya kak osh hofahyalichi, 1 ; 10 nan ibetvblichia okpulo yokvno hofahyalit kano pit kancha he vlhpesa.

1. ITIN lumaka yvt hvch itin takla ya gsha kvv anoho-wa fehna hoke; yohmi ka kvna kia iki tekchi atuk a itauwaya, nan itin lumaka chohmi kvv Chentail okla ak kia ai yvmohmi fehna chatuk keyu hoke.

2. Yohmi ka kvna hosh na yakohmi ka yvmihchi tuk vt hvch itin takla ya a filvmma chi ka, ik hvchi nukhaklo kish, isht hvsh ile fehvchishke.

3. Sa haknip okvno isht a hvchi filvmmi li mvhli; yohmi kia sa shilombish okvno isht hvch ibafokvt hvch itin takla ahanta li ka chohmit, kvna hosh na yakohmi ka yvmohmi tuk mihi yo nana im apesa li mashkoshke.

4, 5. Kaniohmi ho pin Chitokaka Chisvs Klaist i hohchifo ho isht itvnavt hvsh chiyakma, sa shilombish vt a hvch iba foyuka na pin Chitokaka Chisvs Klaist nan isht im ai ghli pulla hatuk mak o, kvna hatuk ash haknip isht ai im ilvsha tok osh Chitokaka Chisvs Klaist i nitak vla hokvno imi Shilombish okvto okchaya chi ka, Setan ak o hvsh im issashke.

6. Nan isht hvsh ilauata ka ik achukmoshke. Nan isht shatvmmi iskvtnosi kia na yvmvsvka moma ka yvmmichi ka hvch ik ithano cho?

7. Yvmohmi ka ik yvmmo hvchia hokvt, na yvmvsvka himona mak o hvchia ha chi kvv, nan isht shatvmmi tikba yash isht ile filvmmichit hvsh kanchashke. Klaist vt na pim vbanvblit ont ia yvt vlhtobvt illi tok oka.

8. Yomohmi hoka impa holitopa isht kiloh ai ashá; yohmi kvv nan isht shatvmmi tikba yash o keyu, mikmvv isht iti nukkilli, micha nan ik ai vlhpeso aiena ka isht shatvmmi yak o keyu, amba nan ilahobi keyu hosh ai ghli i pvsvka ik shatvmmo yak ashke.

9. Itin lumaka vhleha ha hvch ik itiba chvfo ka chi ho, holisso ha hvchi holissochi li tuk oke.

10. Yohmi kak osh yakni ilvppa ai itin lumaka vhleha, mikmvv nan anushkunna atampa vhleha, micha na wehpuli vhleha, mikmvv na holvvt toba aiokpvchi vhleha aiena ka hvch ik itvpeho kvvmohe he ak atok keyu; yohmi hokmvv yakni ya hvsh a kohcha he ak osh hvchim vlhpesa hoka.

11. Yohmi tok kia kvna hosh itibapishi bohchifo hatuk vt itin lumaka, keyukmvt nan anushkunna atampa, keyukmvt na holvut toba aiokpvchi, keyukmvt inla isht itukhla-kafa, keyukmvt oka homi ishko, keyukmvt na wehpuli ok-má, nana hokvno hvch ik itibai achvfokmvt, yvmma chohmi kash impa kia hvch ik itibai impo ka hi o himak a hvchi holissochi lishke.

12. Kvna hosh ikxa ibafohka yatuk keyu yvmmak kia nanta hō isht im apesa la he vhpesa hō? ikxa ibafohka yvmmak atuk okvno hvsh im apesa keyu hō?

13. Amba kvna hosh ikxa ibafohka keyu hokvno Chihowa yosh nan im apesa yoke. Yvmohmi hoka hatak nan ashvchi yvmmak ash ai il i fikvmmichit hvsh kanchashke.

CHAPTA VI.

Vbanumpuli vt nan vhpisa isht it onocha he keyu, 1; 9 nan ik vhpeso vto vba avehlichu ka ai ahanta he keyu. 15 Hvpi haknip vt Klaist a ibachvfa, 19 mikmvt Shilombish Holitopa in tempel oke.

1. HUSH kanimi kut inla ya nana hvsh iti kaniohmikmvt, nan ik vhpeso itikba yo ont nana hvchim vhpisa hi osh hvsh ahuu cha, amba na yimmi vhleha itikba yokvno keyu ka hinla hatuk o?

2. Na yimmi vhleha hvv yakni moma nan im apesa hi a hvch ik ithano cho? yohmi ka yakni a nan hvsh im apesa hi okmvt, nana kut iskvimosi hokvno hvsh apesa he hvchi vhpesa keyu hō?

3. Enchil vhleha ha nan iloh im apesa hi a hvchik ithano cho? yohmi hokvt okchaya ilvppa nana im a kaniohmi yokak heno il i shaiyahlichu fehna hinla keyu hō?

4. Yohmi ka okchaya ilvppa nana im a kaniohmi yo nan isht hvchim vhpisa chi hokmvt, kvna hosh ikxa im a holitopa keyu mihi yosh na hvchim apesa chi ka, hvsh atokoli chatuk oh cho?

5. Hvchi hofahya chi hō hvchim anumpuli lishke. Hatak hopoyuksa kut hvch itin takla ya iksho hō? achvfa kia

itibapishi vhleha nan itj kaniohmi ka im apesa he keyu kut iksho ho? yohmi ho mvhli ho?

6. Yohmi kia itibapishi achufa kut itibapishi atuk a anumpa onochi cha, nan ik yimmo vhleha itikba yo nana im vlpisa chi kut ohonvshke.

7. Yomohmi hoka himonasi kia anumpa itonochit nan im vlpisvt hvsh maya hokvt, nana hvsh ashvchi fehnvshke. Nanta katiohmi ho nan ik vlpeso ka hvchi onocha he hvch ik im ahno hosh? nanta katiohmi ho nana ka ik vlpesachot hvchim isha hi a vlpesa hvchik im ahno hosh?

8. Yohmi keyu, amba hvch itibapishi ak kia ai vlpiesa keyu ho na hvsh im ishi kut, nan hvsh ashvchi hoke.

9. Ik vlpeso vhleha hokvt Chihowa im apelihika yvt ai immi ha he vlpesa keyu ka hvch ik ithano cho? hvch ik ile haksecho kashke; itin lumaka vhleha, naholvt toba aiokpvchi vhleha, micha haui vhleha, micha nakni haui vhleha, mjcha nakni bika iti hauichi vhleha,

10. Micha hukopa vhleha, micha nan anushkunna atampa vhleha, micha oka homi ishko vhleha, micha inla isht itukhlakafa vhleha, micha na wehpuli vhleha, aiena hokvno Chihowa im apelihika yvt ai immi toba he vlpesa keyu hoke.

11. Yohmi ka hvsh kanimi kut yvmma chohmi hvchia hatuk oke. Yohmi tuk kia hvchi ahchifa hatuk, mihmvt hvchi kashofa hatuk, yohmi kut Chihowa imi Shilombish pulla ho Chitokaka Chisva i hohchifo ho isht a hvchi vlpiesa hoke.

12. Nana puta kut isht vm ai vlpesa, yohmi kia nana puta kut isht vm ai achukma keyu; nana puta kut isht vm ai vlpesa, yohmi kia yvmma kanima kak oh kia i yuka la he keyu hoke.

13. Il impa hvt takoba yak o immi hoh chatuk oke, mikma takoba yato ilimpa hak o ai immi hoh chatuk oke: yohmi kia yvmmak ash o it aieninchit Chihowa hvt ikshokecha chi hoke. Yohmi ka haknip okvt haui yak o ai im vlpisa keyu, amba Chitokaka yak oke: yohmikma Chitokaka yvt haknip a nan im atahli yoke.

14. Yohmi kut Chihowa hvt Chitokaka ya tanichi hatuk

okvt anonti pishno a ilap nan isht im ai aghli yo isht pi tani-cha he ak inli hoke.

15. Yohmi ka hvchi haknip vt Klaist a ai it immi ha hvch ik ithano cho? yohmi hatuk a Klaist a ai it immi hash ishi lish, anonti haui yo ai it immichi la chi cho? ik yvmohmo pullashke.

16. Yakeh! kvna hoh kia haui yo ibafohka kvt, yvmmvt haknip achvfa ka hvch ik ithano cho? tuklo tuk kia haknip achvfa toba hi oke, achi hoka.

17. Amba kvna hosh Chitokaka ak o ibafokkakmt, shilombish achvfa hoke.

18. Haui ya ili filvmmichit hvsh m lelashke. Kvna kia nan ai ashvchika moma ka yvmihchi hokvto, haknip okvno nana kanihchi keyu hoke: amba kvna hosh itin lumaka hokvto, ilap haknip ak inli ho okpanit nan ashvchi hoke.

19. Yakeh! hvchi haknip vt Shilombish Holitopa mihi yosh hvchi afoka, yvmmak osh Chihowa a minti ho hvsh ieshi, yvmmak o in tempel hvchia hosh, hvchishno ak inli kvno keyu kvt hvch ik ithano cho?

20. Nan ai vlli ho isht hvsh ai vlhtoba hatok: yvmohmi hokvt hvchi haknip, micha hvch imi shilombish, yvmmak okvt Chihowa immi hoka, Chihowa ya isht hvsh holitoblashke.

CHAPTA VII.

Nan itauwaya imma ka miha, 1; 4 mikmt ik itj lumako ka hi a itauwaya hi a miha: 10 nan itauwaya kvt pilla ik ahobot itimokofa he keyu: 18 moma kvt ilap nan im vlhpisa kvt vlhpesa ahnit ahi kia he; 25 ohoyo himithoa itauwaya ka nan isht anumpuli.

1. YUMOHMI ka nana ka hvs sa holissochi tok imma kak oke. Hatak vt ohoyo ha ik potolo kak osh im achukma hoke.

2. Yvmohmi kia itin lumaka iksho ka chi kak o, hatak moma kvt ilap tekchi ak inli ho ieshikma, anonti ohoyo moma kvt i hatak ak inli ho ieshashke.

3. I hatak vt ohoyo ha isht ai im vlhpesa ka imashke: mikma tekchi atuk ak kia i hatak a mihinlohimchashke.

4. Tekchi vt ilap haknip ak o immi ho keyu, amba i hatak ak oke; mikma i hatak ak kia mihi yo chohmit ilap haknip a immi keyu, amba tekchi ak oke.

5. Isht im ai vlhpiesa hatuk ash hvch ik it im esho kashke, amba anumpa ilbvsha hvsh anumpuli fehna chi hosh chekosi itin takla yo hvsh it im ahni hok mak ashke; atuk osh nan isht il ai oktambli ik hvchim iksho ki Setan vt imomaka hvchi pisa hinla ka, atuklant hvsh it im onashke.

6. Yohmi kia vno nana vm anukfila hosh ilvppa isht hvchim anumpuli lishke, yohmi kvv nana isht vm vlhpisa tuk keyu hoke.

7. Hatak puta kvv vno ak inli chiyuhma he ak o ahni lishke. Yohmi kia hatak moma kvv Chihowa i nan hvlbina ya isht im vlhpiesa cha, achvfa kvv ilvppak o isht ai im vlhpiesakma, anonti inla yvt yvmmak o isht im vlhpiesa yoke.

8. Yvmohmi ka nan ik itauwayo kisha, micha i hatak illi vhleha aiena kvv, Vno ak inli chohmit maya hinla hokmvto, im achukmvshke, achi lishke.

9. Yohmi kia okla il oktampala he keyu mvto, okla itauwayashke: itauwaya kak osh lua hi a im i shahli hoke.

10. Anonti itauwaya vhleha hokvno im apesa lishke; yohmi kia vno ak keyu, amba Chitokaka yak oke; Tekchi atuk vt i hatak atuk a ik i filvmmo kashke.

11. Yohmi kia anonti tekchi atuk vt filvmmi hokmvto, inla ik auwayo hosh antashke: keyukmvv i hatak atuk ash o i kanvv i falamashke; mikma i hatak vt tekchi a ik kancho kashke.

12. Yohmi ka inlaka yano vno ak osh anumpuli li, Chitokaka yak keyu; iloh itibapishi kvna kia tekchi ik yimmo, yohmi kia yvmmak ash o awant anta kvv im achukmakma, yvma ik kancho kashke.

13. Anonti ohoyo hvv i hatak osh ik yimmo, yohmi kia yvmmak ash awant anta kvv im achukmakma, yvma ik kancho kashke.

14. I hatak vt ik yimmo yvt tekchi atuk pulla mak o isht im a kashofa yoke; mikma tekchi nan ik yimmo yvt i hatak atuk mak o isht im a kashofa yoke; yvmmak keyukma hv-

chia vlla yvt ik kashofo ka he tuk; amba himak ano holi-
topa hoke.

15. Yohmi kia ik yimmo yvt filvmmi hokmvt, filvmmi
ayashke. Yvmma chohmi hokvno il itibapishi yokmá, pin
tek okmá, nana hash osh i yuka he keyushke; yohmi ka
Chihowa hvto itj nanaiya he ak o pi atokli tuk oke.

16. Tekchi chia ma! ehj hatak a ish okchalinchikmá nana
chj kv nanta ish ithana cho? mikma hatak ehia ma! chi
takchi a ish okchalinchikmá, nana chj kv katiohmit ish ithana
cho?

17. Yohmi kia Chihowa hv kaniohmichit hatak moma ka
j hopehinla hatuk, Chihowa yvt moma achv falechit atokoli
tok; yohmi hoka yvmmak o ik ai itvnowá. Yohmi ka
chvch hiohli moma ai yvmohma chj mak o apihisa lishke.

18. Kvna kia hakshup tupa yvt vbanumpa nukfohka ho?
Yohmi hokmvt hakshup ik tapo yo ik tobo kashke. Kvna
kia hakshup ik tapo yosh vbanumpa nukfohka ho? yohmi
hokmvt hakshup tupa keyu kashke.

19. Hakshup tupa yokvto nana keyu, mikma hakshup ik
tapo yokvt nana keyu, amba Chihowa j nan vllhpisa holito-
hombli kak oke.

20. Hatak moma kv kaniohmit antvt vbanumpa anuk-
fohka tuk vt, yvmmak inli ho anukfoyakvt isht ahantashke.

21. Yuka chia hosh vbanumpa chi nukfohka ho? yohmi
hokmvt na yohmi chik ahno kashke; yohmi kia yuka keyu
ish toba hinla hokmvto, yvmmak o ish yvmahehashke.

22. Kvna hoh kia yuka hosh Chitokaka isht anukfoyu-
kakma, mihi yosh Chitokaka immi yuka keyu hoke; yvmmak
ash inli ho chohmit kvna hosh yuka keyu yosh vbanumpa
anukfohkakmvt, mihi yosh Klaist in tishu yokvt.

23. Nan ai vlli yo hvsh ai vlbi hatuk; hatak j yuka ho
hvchia keyu kashke.

24. Itibapishi li vhleha ma! hatak moma kv kanima yo
hikivt anukfohka tuk mvt, Chihowa im antihjyvt yvmmak inli
ho antashke.

25. Yvmohmi ka ohoyo himithoa hatak haleli keyu vhleha
isuma kak a he tuk okvno Chitokaka j nan vllhpisa yvt ik

svm ikshoshke: yohmi kia ai ghla chi hosh Chitokaka nan isht i nukhgaklo ahayuchi tuk mak o, chohmit vno vm anuk-fila ha ima lishke.

26. Yohmi kia himonasi yokvno nan isht palvmmi ak atuk mak o ilvppak okvt achukma, ahni li; na yakohmi ka hatak vt yohmi kak o achukma, achi lishke.

27. Tekchi a ish a talaiyakchi ho? i holhtoyufa he, chik ahno kashke. Chi tekchi a ish i holhtoyufa ho? tekchi a chik hoyo kashke.

28. Yohmi kia anonti ish itauwaya hokmvt nana ish ashv-chi tuk keyu hoke: mikma ohoyo himita hatak haleli keyu yosh hatak auwaya hokmvt, nan ashvchi tuk keyu hoke. Yvmohmi ak inli kia yvmma chohmi kvv haknip nan isht ik im vhpieso ka he; yohmi kia hvchi kanvt nana kaniohma hi okvno ak hvchim anoloshke.

29. Yohmi ka itibapishi li vhleha ma! ilvppak o achi lishke: nitak vt ik falaio yosh takanli hoke; tekchi im gsha vhleha yatuk vt, ik im iksho chiyuhmashke.

30. Mikma kvna hosh yaiya kia, yaiya tuk keyu chiyuh-mashke; mikma kvna hosh yukpa kia, yukpa tuk keyu chiyuhmashke; mikma kvna hosh chumpa kia, ik esho ke tuk chiyumashke.

31. Mikma kvna hosh yakni ilvppa nan isht ai ahanta kia, ik vhpesachot ahanta ik chiyuhmo kashke. Yakni ilvppa nana a kaniohmi yokvto ont ikshot jhiya hoka.

32. Yohmi hoka nan isht im anukfilvt ik hvchi komunto ka he ak o hvchim ai ahni lishke. Kvna hosh itauwaya keyu hokvto, kaniohmit Chitokaka ya yukpala chi kvv, nana kvv Chitokaka ai immi hak o anukfihinli hoke.

33. Amba kvna hosh itauwaya yokvto, kaniohmit tekchi a yukpala chi kvv, nana kvv yakni ai immi hak o anukfihinli hoke.

34. Hatak im gsha, mikmvt ohoyo himita hatak haleli keyu hokvto, it im inla hoke: ohoyo hatak auwaya keyu hokvto ilap haknip, micha im anukfila ita tuklo ka isht ik ashvcho ka chi kvv, nana kvv Chitokaka ai immi hak o anukfihinli hoke: amba hatak im gsha yokvto, kaniohmit i hatak yukpala chi kvv, nana kvv yakni ai immi hak o anukfihinli hoke.

35. Yohmi ka hvchishno isht ai hvchim vlhpesa hi q iltpa anumpuli lishke : yohmi kv̄t nan isht ataklv̄ma yō isht hvchi onochi la ch̄i hatuk keyu ; amba nana kv̄t ai vlhpiesa kak atuk ; yohmi ka nan isht fitekv̄chi ik im ikshot, Chitokaka ya im antihyv̄t nan isht hvsh im ahantashke.

36. Yohmi ka hatak kv̄na hosh ilap ushetik hatak haleli keyu hatuk q ilap inli hosh ik vlhpesalo kv̄t anukfillikm̄v̄t, yummak ash osh hofantit taha ha ya tuk okma, anonti yvmohma he vlhpesa hoka, nana hō īki ash osh ahnikm̄v̄t nanashv̄chi keyu hokv̄t, yvmihchashke : yohmi hō hatak auwayashke.

37. Yvmohmi kia yvmohma he vlhpesa keyu hokmv̄no, īki ash osh ilap chukv̄sh isht ile kullochit ilap nan ahni hosh ghlich̄a hinla hosh, anonti yakohmashke, ahnit ilap chukv̄sh q anukfoyuki hokm̄v̄t, ushetik hatak haleli keyu kash ot imoma hosh im anta he ahnikm̄v̄t, vlhpesa hō yvmihchi hoke.

38. Yvmohmi hoka kv̄na hosh ushetik hatak haleli keyu hā hatak auwayv̄chi kv̄t vlhpesa hō yvmihchi hoke ; yohmi kia kv̄na hosh ushetik hatak haleli keyu ya hatak auwayachi keyu kak osh, vlhpesa kv̄t ī shahli hō yvmihchi hoke.

39. I hatak vt okchaya moyuma ka tekchi vt nan vlhpisa pulla hō isht a talaiyakchi hoke ; yohmi tuk kia ī hatak ash osh illi hokmv̄no, Chitokaka immi kv̄na hoh kia ahnikm̄v̄t, auwaya hi vt ī holhtofa hoke.

40. Yohmi ka Chihowa imi Shilombish vt a si anukfoyuka ak inli ka vm ahoba hoka, vno vm anukfila hā yummak ash osh iakaiyv̄t peh anta hokm̄v̄t, yummv̄t yukpa kv̄t ī shahli hoke.

CHAPTA VIII.

Naholb̄v̄t toba puta ka nan isht aiokpv̄chi ka isht anumpuli, 1 ; 9 kv̄na kia na kil ibetv̄blich̄o kashke.

1. YOHMI ka na holb̄v̄t toba isht aiokpv̄chit nana ka im issa tok imma hokv̄no, nana ka iloh ithaiyana kv̄t il

ithanvshke. Nan ithana yvt ile chahvchi, amba nan i hullo yokuto nan achukmali yoke.

2. Yohmi ka kva kia nana ka ithana im ahoba hokmvt, nana ka kaniohmit ithana he tuk ash osh ik ithano kisha hoke.

3. Amba kva hosh Chihowa ya i hullokma, mihi yosh yvma im a holitopa hoke.

4. Na holbt toba puta isht aiokpuchit nana ka im issa tok yvmak o vpa hatuk imma tok okno, na holbt toba yvt yakni pakna ya nana ho keyu; micha Chihowa inla yvt iksho, amba achvfa kak illa ka iloh ithanvshke.

5. I shahli hohchifo kv ai asha kv vba shutik ak okma, keyukmvt yakni pakna yak okma, nana ho ai asha kv, i shahli hv lau cha, anonti chitokaka mvt lau hoke.

6. Amba pishno yokno Chihowa achvfa, Iki, yvmak osh nan ai ahni pulla ho nana moma kv toba hoke; mikma pishno vt yvmak o immi pia hi osh il in toba hoke; mikma Chitokaka Chisvs Klaist achvfa yvmak atuk mak o nana moma kv ai asha, mikma pishno mvt yvmak atuk mak o il ai ashvshke.

7. Yohmi kia nan isht ithaiyana yash hatak moyuma ka anukfoyuka keyushke: kanimi kv na holbt toba ya nana ho chohmichit isht ai i yimmi cha, na holbt toba yash nana ho im issa tuk ash o yvmak o ai vvt maya na ant hima-kvshke: yohmi mvt nan isht il ai akostininch i yvt ik ono hatuk osh ai okpuloka hoke.

8. Yohmi ka il impa hatuk mak o Chihowa hv pi ahninchi ho keyu: il impa hoh kia, kaniohmit il i shahli keyu hoka; mikmvt kil impo kia kil a lauwo keyu hoke.

9. Yohmi kia ahah! hvsh ahni na na hvsh a kaniohma he vhpesa ilvppak ash ot kva hosh ik hlampko, yvmak ash o ibetvblichi yo ik kaniohmi kia ik tobo kashke.

10. Kva chia hosh nana hash isht ithaiyana kia, na holbt toba in tempel anukaka ya ish ai impa na kva hosh chipesakmvt, yvmvt nan isht il akostininch i hv ik hlampko hatuk okmvt, na holbt toba nana ho im issa tok yvmak ash o vpa hi vt i shahli anukfoka keyu ka hinla ho?

11. Yohmi ka nana ish ithana pulla tuk ash o chitapishi ik hlampko yummak o Klaist vltobvt illi tok a ai okpuloka chi cho ?

12. Yohmi ka hvsh itibapishi vhleha hā yakohmiechit hvsh im ashvchi cha, nan isht il akostininchi ik hlampko yash hvsh hotopali kv, Klaist ak o hvsh im ashvchi hoke.

13. Yvmohmi ka ilhpak vt itibapishi li hā ibetvblechi hokma, itibapishi li hash ak ibetvblecho ka chi kv, yakni vt talaia moma ka nipi nana kia vpa la he keyu hoke.

CHAPTA IX.

Vbanumpa isht vta yvt nan isht il apelacha hi okvno im atahla he otvvinchi, 1: 18 yohmi kia ilap vt kvna kia nana ka iwekechi tok keyu. 21 Okchayvt il anta ilvppvt nan itī timiya pulhki hō chohmi.

1. APOSTEL sia keyu hō? yuka keyu sia keyu hō? pin Chitokaka Chisus Klaist a pisa li tuk keyu hō? Chitokaka hvsh ibai achvfa ka yummvt na hvchi atahli li tuk mak keyu ?

2. Inla yokvno im apostel sia keyu hok mak heto, hvchishno yokvno hvchim vbanumpeshi sia mvhlishke: Chitokaka hvsh ibai achvfa kak osh vbanumpeshi si vltoka hatuk a isht ghlichī hvchia hoke.

3. Kvna hosh ik yimmot si a ponaklo tuk yumma im afalaminchi li ka ilvppak oke ;

4. Impa, micha nan ishko ita tuklo kv isht a pim vlpiesa keyu hō ?

5. Ohoyo pin tek a ilaelit aya kv, apostel inla vhleha, mikmvt Chitokaka itibapishi vhleha, micha Sefas aiena ka chohmit pim ohoyo, pin tek a ilaelit il aya hi vt pim vlpiesa keyu hō ?

6. Yohmikmvt Banabas ita tuklo li kak bano hosh ke toksulo ka hi vt pim vlpiesa keyu hō ?

7. Kvta hosh kaniohmi hoh kia itotinowa kv ilap inli hosh nan i kvnia hō? kvta hosh pakvpi a hollokchi ya ikbi tuk vt, yumma nan ai vni ka ai vpa keyu hō? keyukma

kva hosh nan vlhpoba apistikeli kvt anonti nan vlhpoba ya i pishukchi ya ik ishko ka hinla?

8. Hatak o chohmit ilvppa puta ka achi li ho? vba nan vlhpisa yak kia yvmmak inli ho achi ak inli keyu ho?

9. Wak toksvli yvmmt na nihechi ka, Itakha ya chik takcho kashke, achi hosh Moses i nan vlhpisa ya holisso hoke. Chitokaka yvt wak toksvli ya nan im atahli ho?

10. Yohmi ka pishno ak illa puyulla hatuk mak o achi tok o? pishno puyulla mvhli hatuk mak o ilvppvt holisso hatuk: yohmi ka kva hosh yakni patvffi kvt, nawaya pisa he ahni hosh yakni patvffashke; mikma nan isht ilai yukpa pisa he ahni hosh kva kia nanihechi kvt, na pisa he ahni tuk ak o ibai isha hi oke.

11. Nana kvt shilombish imma ko e hvchim a hokchi hatuk okma, nana kvt haknip ahalaia imma e hvchim ai vma chi ka, nana kvt a fehna ho?

12. Inla yvt ilvppa hvch ibai isha hi vt vlhpesa hokma, pishno yokak heto isht a pim vlhpiesa keyu ho? yohmi kia nana vlhpesa ahnit ilvppak ash o isht kil il apelacho hatuk: amba Klaist im vbanumpa ha kil ataklammo ka chi kvt, nana moma ka ik yvmohmi il ahni hoke.

13. Kva kia nana kvt holitopa imma kak o isht vtta kvt, yvmmt nana kvt tempel a ai immi hak o ai vpa; mikma kva hosh alta ya nan isht ai vtta kvt, yvmmt alta ya nan ai ibai ishi ka hvch ik ithano cho?

14. Yvmmak inli ho chohmit kva hosh vbanumpa isht anumpuli kvt, yvmmt vbanumpa ha ai isht il apelacha hi o, Chitokaka yvt apesa tok.

15. Yohmi kia ilvppa puta kash achvona kia isht il apelachi li tuk keyu: yohmi mvt nana kvt vm ai yvmohma chi kvt ilvppa puta kash holissohonchi li tuk keyu: kva kia nan isht il a holitopa li ya ik ahobalecho ka he atuk a, illi kak osh achukma kvt yvma vm i shahliske.

16. Vbanumpa isht anumpohonli li hoh kia, nan isht il aholitopa la hi vt ik svm iksho kamohmishke: nana kvt ai vlhpiesa mak osh si onvtuyula hoka; ahli, vbanumpa ha isht anumpohonli li keyukmt, nan vm a palvmmi hoke.

17. Ahmi li hok mak osh ilvppa yumtohmi li hokmvt, nan vlhtoba kia ieshi li hoke; amba ak ahno hok mak osh ilvppa yumihchi li hoh kia, vbanumpa isht ai vta hi okvto si vlhtokowa hatuk oke.

18. Yohmi ka nanta hosh nan isht vm vlhtoba yo? ahli, vbanumpa ho isht anumpohonli li kv, Klaist im vbanumpa hash nan ak ai illecho ka chi hatuk; yokmi hokvt vbanumpa isht vm ai vlhpisa hatuk a ak vlhpesacho ka hi o keyushke.

19. Achvona kia i yuka sia keyu, yohmi kia i shahlichit asitvi la chi kv, vno ak inli hosh moma ka il im i yuka-hanchi li hoke.

20. Yohmi hokvt Chu okla ha asitvi la chi kv, Chu okla hokvno Chu ak inli ho toba li hatuk; mihmvt kva hosh nan vlhpisa ya ai i nutaka atuk a asitvi la chi kv, nan vlhpisa ai i nutaka hokvno nan vlhpisa ai i nutaka ak inli ho toba li hatuk;

21. Kva hosh nan vlhpisa a keyu ka asitvi la chi kv, nan vlhpisa a keyu hokvno nan vlhpisa a keyu ak inli ho toba li hatuk; yohmi kia nan vlhpisa ik im ikshot Chihowa ik im antio ka hi o keyu, Klaist i nan vlhpisa yosh onvtu-yula hoka.

22. Ik hlampko ya asitvi la chi kv, ik hlampko hokvno ik hlampko ak inli ho toba li hatuk; yohmi kv ik kaniohmi kia kanimi ka okchalnchi la chi kv, hatak moma ka nana moma ka in toba li hoke.

23. Yohmi kv vbanumpa ha hvch ibai ishi la chi kv, vbanumpa pulla kak o ilvppa yakohmi li hoke.

24. Kva hosh ai itin timiya ai yihlepa chi hatuk okvt, moma kak osh yihlepa kia, nan isht a holitopa hi okvno achvfa bano hosh ishi ehatuk a hvch ik ithano cho? Nan isht a holitopa hi ya hvsh isha chi kv, yummak inli ho ehohmit hvsh malelashke.

25. Yohmi ka hatak moma kv i shahlicha he ahnit ile lushummi hokvto, yumanvt nana moma ka il ai oktampli hoke. Yohmi kv iachuka okpula hi o isha chi kv, okla ilvppak o yakohmi hoke: pishno yokvto nan okpula he keyu kak oke.

26. Yvmohmi hoka ik im ai ono keyut, yakohmit malihinli lishke: kva hosh mahli hō ihisso hō chohmi keyut, itihimbi lishke.

27. Yohmi kv̄t sa haknip imaiyachi li, yohmi mvt yukahanchi lishke: yvmmak keyukmvt ik kaniohmi kia inla yā vbanumpa isht im anumpohonli li haya tuk vt, vno ak inli kak osh ak ai ghlo ka hinla hoke.

CHAPTA X.

Chu okla nan isht im v̄hpisa holitopa, 1. 7 Chu okla nan isht im apalv̄mi tok a nan isht il ithana he tuk. 21 Chitokaka im ai impa yā Setan o im ai impa kiloh ikbo kashke. 24 Il itibapishi im anukfila hā il itim ahnicha he tok.

1. YAKOHMI ka itibapishi li v̄hleha ma! pin tikba v̄hleha hv̄t kaniohmit moma kv̄t hoshonti hā ai i nutakvt ayvt, anonti momvt okhv̄ta hō a hlopulli tok a hv̄ch ik ithano ka hi a, hv̄chim ai ahni li keyushke.

2. Yohmi ka Moses a im antia ch̄i kv̄t hoshonti, micha okhv̄ta ita tuklo kash o isht a baptismo tok.

3. Mihma il impa shilombish imma a miha ohv̄fa hō momvt v̄pa tok.

4. Mihmvt nan ishko shilombish imma a miha chv̄fa hō momvt ishko tok. Tv̄li chito shilombish imma yvmmak ash okla ai ishko tok a yvmmak ash ot iakaiya tok oka; yohmi ma Tv̄li chito yvmmv̄t Klaist mak atok oke.

5. Yohmi kia yv̄mma kashampa laua ka Chihowa yvt isht ik i ahno fehna tok; illit yakni haiaka yā okla a fimimpa tok oka.

6. Yohmi ka nana yakohmi kv̄t nan isht a pim v̄lv̄v̄cha hi atuk; yvmohmi hokvt okla nan anushkunna tok ak inli hō chokmit nan ik v̄hpeso puta ka kil anushkunno ka he atuk oke.

7. Okla hv̄t binohmayvt impvt, nan ishkot wakaya cha, a hihlv̄v̄chi tok, achi kv̄t holisso hoka; kanima kv̄t yohmi hatok a chohmit nan holv̄t toba aiokp̄v̄chi hv̄chia keyu kashke.

8. Mihmvt kanimi kv̄t itinlum̄aka tuk osh, nitak achvfa ka tahlepa sipokni pokoli tuklo akocha tuchinv̄t ak-akoha tok vhleha h̄a chohmit kil itinlum̄ako kashke.

9. Mihmvt kanimi kv̄t Klaist imomaka pisa tuk osh, sinti ȳ isht ai illi tok vhleha h̄a chohmit Klaist a imomaka ke peso kashke.

10. Mihmvt kanimi kv̄t ik im v̄lhpesot na mihachi tuk osh, nan okp̄vni ȳ isht ai okpuloka tok vhleha h̄a chohmit, na hv̄ch ik mihacho kaskke.

11. Yohmi ka isht a pim v̄lv̄vcha hi ȳ ilv̄ppa puyuta kv̄t yvm̄mak ash ȳ ai i yvmohmi tok: yohmi tuk osh yvm̄mak atok vt isht a pim achukma ch̄i mak ȳ holisso ma, yakni ont ai v̄hli hv̄t pishno ak ȳ pim v̄lv̄shke.

12. Yvmohmi hoka kv̄na hosh, Hik̄ia li, ahni kv̄t, mihi yosh ik itulo ka ch̄i kv̄t ahah! ahnashke.

13. Nana imomaka pisa nana hosh hv̄chi onvtula he keyu; amba hatak moma ka ai onvtuyula chatuk chohmi kv̄t yvm̄mak oke; yohmi kia Chihowa yvt ai ȳhli, yvm̄mvt nan hv̄sh a lauecha he ont ia hokvno imomaka hv̄chi pisa hi ȳ ahna he keyu hoke; amba yvm̄mak ash hv̄sh a lauecha ch̄i ka nana imomaka pisa yvt hv̄chi ontuyulakma, a hlakofa he at̄aya ya hv̄chim ikba he ak inli hoke.

14. Yvmohmi hoka ȳ kana ȳ holitopa vhleha ma! na holbvt toba ai okp̄vchi hv̄sh i filv̄mmashke.

15. Hatak hopoyuksa yȳ hv̄chi chohmichit anumpuli lishke; nana hȳ achi li ka anukfillit hv̄sh akostininchashke.

16. Isht ishko holitopa mihi yȳ Chihowa isht il aiokp̄vchi kv̄t, yvm̄mvt Klaist im issish ȳ isht itibai ishi keyu hȳ? P̄vska e boshullichi ka, yvm̄mvt Klaist haknip ȳ isht itibai ishi keyu hȳ?

17. Pishno vt pi laua kia, p̄vska achvfa, anonti haknip achvfa pia hoke; p̄vska achvfa yvm̄ma mom̄vt iloh itibai ishi hokvt.

18. Israel okla haknip imma hokvno ho pesá; kv̄na hosh v̄ba nan isht aiokp̄vchi nipi yȳ ai v̄pa kv̄t, yvm̄mvt alta ya itibai ishi keyu hȳ?

19. Yohmi ka nanta hȳ achi li hȳ? na holbvt toba

yummvt nana hoke; mikmvt na holbvt toba nana hō isht aiokpvcha chi hō imma ka yummvt nana hoke, achi li hō? keyú.

20. Amba nana hō Chentail okla hvt vba isht aiokpvchi kv̄t, nan isht a hullo okpulo yak o isht aiokpvchi kv̄t, Chihowa yak okvno keyu, achi li hoke: yohmi hokvt nan isht a hullo okpulo ya hvsh ibai isha hi o, hvchim ahni li keyushke.

21. Chitokaka im isht ishko, mikmvt nan isht ahullo okpulo im isht ishko it aieninchit hvsh ai ishka he keyushke: mikmvt Chitokaka im ai-imp̄a, mikmvt nan-isht ahullo okpulo vhleha im ai-imp̄a it aieninchit hvsh ibai achvfa he keyushke.

22. Chitokaka ya il anukhobelvchi na p̄i nuktvhla hinla hō? yvmma hlampko kv̄t il i shahli hō?

23. Nana moma kv̄t isht v̄m ai vlhpiesa, yohmi kia nana moma kak osh isht achukma he keyu; nan moma kv̄t isht v̄m ai vlhpiesa, yohmi kia nana moma kak osh achukmalechi keyu hoke.

24. Hatak kv̄na kia ilap nan isht im ai vlhpiesa he ak bano hō ik hoyo kashke; amba hatak moma kv̄t inla nan isht im ai vlhpiesa he yak ashke.

25. Nipi a chumpa ya nana hosh a kv̄nia tuk g, yvmma nan isht il akostininchi pulla kak o nana ik a ponaklot, hvsh pashke.

26. Yakni moma, micha awaya moma kv̄t Chitokaka immi hoke.

27. Kanimi kv̄t na yimmi keyu hosh ont hvsh ibai imp̄a he hvchim ahni hokma, ia hi g hvsh ahni hokmvt; nana hosh hvchin tikba ya talaiakma nan isht il akostininchi pulla kak o nana ik a ponaklot, hvsh pashke.

28. Yohmi kia kv̄na hosh, Na holbvt toba isht aiokpvcha hi o ilvppa im issa tok g hvchim achikma, na hvchim anoli tuk yvmmak pulla, mikmvt nan isht il akostininchi aiena pulla kak o hvshpa ná; yakni micha ai immi moma aiena kv̄t Chitokaka immi hoke.

29. Nan isht il akostininchi achi li ka, chimmi ak o keyu,

amba yummak ash oke; nan isht vm ai vlhpisa hosh yvni-
ihchi li ka, nanta katiohmi hq inla nan isht il akostinichi
hosh si onochi hq?

30. Chihowa nan isht i kana pulla hq ibai ishi li hokmvt,
yummak oka yak oke isht ahni li ka, nanta katiohmi hq nan
ik vlhpeso yq isht a si anumpa cho?

31. Yvmohmi hoka hvsh impa, keyukmvt na hvsh ishko,
keyukmvt nana hq hvsh yvmihchi hokmvt, Chihowa isht a
holitopa chi hq, mominchit hvah yvmohmashke.

32. Aehvona kia Chu ak okmá, keyukmvt Chentail ak
okmá, keyukmvt Chihowa in ehvoh ak okmá, nana kia hvch
ik ibetvblichio kashke.

33. Hatak moma ka nana moma ka yukpali kv, vno nan
isht vm ai vlhpiesa hi q hoyo li keyu; amba lawa yvmvt
okchaya chi ka, isht im ai vlhpiesa hi q hoyo li ka hvsh chi-
yuhmashke.

CHAPTA XI.

Chihowa aiokpahanchi q nana kv ik vlhpeso, misha Chitokaka im
opiaka impa ma ik ahobalo aiena ka im alvmmi, 1. 23 Chitokaka
im opiaka impa vlhpisa vmonvt isht a minti tok q im anoli; mih-
mvt kaniohmit okla holitobla hi tok q im otvnnichi.

1. **U**NO vt Klaist q iakaiya sia akinli hq chohmit, siakai-
ya hvchia hashke.

2. Yvmohmi ka itibapishi li vhleha ma! nana moma isht
hvs svthaiyana, mikmvt nan vlhpisa holitopa moyuma ka
hvch ichima li tuk q hvsh holitobli hoka, hvchi ahnichi
lishke.

3. Yohmi ka hatak moma i noshkoboka yvt Klaist ak ok-
ma; anonti ohoyo hq i neshkoboka yvt hatak ak oke; mik-
ma Klaist i noshkoboka yvt Chihowa yak oka, hvsh ithana
he ak q, hvchim ahni lishke.

4. Hatak moma kv anumpa ilbvsha anumpuli, keyukmvt
Shilombish q anukfoyukvt anumpuli kv, noshkobo hv im
q hlipia hokmvt, ilap noshkobo hq hofahyali hoke.

5. Amba ohoyo moma kv noshkobo q hlipia keyu hosh,

anampa ilbusha anumpuli, keyukmt Shilombish o anukfo-
yukvt anumpuli hokmt, noshkobo yash o hofahyali hoke ;
yummak okvt noshkobo i shafa yak inli ho chiyuhmi hoka.

6. Ohoyo hut noshkobo ompoholmo keyukmt, pashi ak
kia vlmashke ; yohmi kia pashi vmo, keyukmt shafa kak
okma, nana ka ohoyo hut isht a hofahya hinla hokma, nosh-
kobo hut ompoholmashke.

7. Chihowa ya a hoyulba na isht a holitopa hoka, hatak
vt noshkobo ha nan o hlipela he vhpesa keyu mvhlshke :
amba hatak a isht im a holitopa yokto ohoyo ak oke.

8. Hatak vt ohoyo ak o a toba tok keyu, amba ohoyo ak
osh hatak ak atok oka.

9. Mikmt hatak vt ohoyo ak atuk pulla mak o toba tok
keyu, amba ohoyo ak osh hatak ak atok oke.

10. Yvmohmi kak o ohoyo hut enchil vhleha ak pulla
kak oka, noshkobo hut ompoholma he vhpesa hoke.

11. Yohmi kia ohoyo hut iksho ka hatak vt anta he keyu,
mikma hatak vt anta he keyu, mikma hatak vt iksho ka
ohoyo hut anta he keyu, Chitokaka yvt im ahni hoke.

12. Ohoyo hut hatak ak o a toba yatuk o, yummak inli
ho chohmit hatak vt ohoyo pulla kak o atoba hoke ; yohmi
ka nana puta kv Chihowa ak o atoba hoke.

13. Hvchishno ak inli hosh anukfillit ho pesa ; ohoyo hut
noshkobo ompoholmo keyu hosh Chihowa im ilbvshvt an-
umpuli yummvt vhpesa ho ?

14. Hatak vt pashi vt falaia hokmt, ishit hofahya ka
nan isht anukfilli kak oh kia nan hvchi ithonanchi keyu ho ?

15. Amba ohoyo hut pashi vt i falaia hokmt, isht im a
holitopa hoke ; ilap pashi vt noshkobo isht ompoholma hi
o ishi tok oka.

16. Yohmi kia kva hosh a sanali kak o buma ahoba kia,
pishno yukto yumma chohmi kv ik pim iksho chatuk ;
mikmt Chihowa in hvch a hichli kv yumma chohmi kv
ik im iksho chatuk oke.

17. Yohmi ka achukma i shahli kak o keyu, amba okpulo
i shahla chi hosh mintit hvsh itvnaha kak o, ak hvchim
ahnincho ilvppak osh hvchim anoli lishke.

18. Ubanumpuli ikxa yosh ant hvsh ai itvnaha kv, nana vmonna ka ita kvshkovt hvsh maya ka haklo lishke : yohmi kv sai yimmi chohmishke.

19. Yohmi ka hvch ik itibachvfo kak o pulla chi, yohmik mak o kvna hosh ai ghli hok mak osh hvch itin takla ya otaiyana hi oke.

20. Yohmi ka a miha chvfa ho ant hvsh ai itvnaha, ilvp-pak osh Chitokaka im opiaka impa ya vpa ho keyu hoke.

21. Hvsh impakmvt, hvsh moma kv hvchim opiaka impa yatuk kak illa ho tikba hvsh ishishke : yohmi hatuk o achvfa kv hohchvfohma, anonti inla yato nan ishkot haksishke.

22. Yakeh ! ai impa he, mikmvt ai ishka he aiena chuka yvt ik hvchim iksho ho ? keyukmvt Chihowa in hvch hvsh shitilema cha, anonti kvna hosh nana kv ik im iksho ke tuk yvmmak ash kia hvsh hofahyala chi hosh hvsh yohmi ho ? Nanta ho hvchim achi la chi ho ? ilvppak ash o isht hvchi ahninchil la chi ho ? isht hvchi ahninchil li keyushke.

23. Chitokaka ya im ishi li tuk mihi yo hvch ihima li ; yohmi ka Chitokaka Chisvs vt tvnvp ibbak fohka chi ninak yvmmak inli mvt pvska ya ishi tok.

24. Mihmvt yvmmak ash ot vba pit isht aiokpvchi cha, pvska yash boshullichil mvt, Ieshi cha, ho vpa ; ilvppvt sa haknip osh hvchi boshulli hoke : hvs svthana chi kv ilvp-pak o hvsh yvmihchashe, achi tok.

25. Yvmmak ash inli ho chohmichit opiaka impa ishi ha-yosh, isht ishko ash kia yvmmak ash ot ishi mvt, ilvppvt nan vlvhvisa himona vm issish o isht ai ghli toba hoke ; ilvppak o hvsh yvmihchi cha, yvmmak ash hvsh ishko aiyukakmvt, hvs svthahgnashke.

26. Pvska ilvppa hvsh pa aiyuka, mikmvt isht ishko ilvppa hvsh ai ishko aiyuka aiena kv, Chitokaka illi tok a hvsh otvnihinchi na yvmmak atuk vt vla hayashke.

27. Yvmohmi ka kvna hosh yohma he ai vlvhpiesa keyu hosh, pvska ilvppak ash vpa chi, mikmvt Chitokaka im isht ishko ilvppak ash ai ishka chi aiena hokmvt, mihi yosh Chitokaka haknip, micha im issish ita tuklo ka ik holitoblot nan isht i palvmmi mak a hi oke.

28. Yohmi ka hatak okvt anukfillit ik ile pisá : yvmohmi cha mihi yosh puska yash ik pá, mikmvt isht ishko yash ik ai ishkó.

29. Kvna hosh ai vlhpiesa keyut yvmmak ash vpa, micha ishko aiena kvt Chitokaka haknip ash ik akostinincho hokvt, mihi yosh ilap nan isht im vlhpisa hi o yvmmak ash vpa, micha ishko aiena hoke.

30. Ilvppa yakohmi kak o ik sitopo, micha abeka aiena kvt laua hosh hvchim ai asha ; mihma laua kvt nusi hoke.

31. Pishno ak inli kvt il il akostininchi hatuk okmvt, nan isht pim vlhpisa hi atuk keyu.

32. Yohmi ka nan isht pim vlhpisa kvt, yakni ya ai itvpehvt ik pi palvmmo ka chi kvt, isht pi achukma chi hosh Chitokaka ya il im afvma hoke.

33. Yomohmi hoka itibapishi li vhleha ma ! hvsh impa chi hosh hvsh itvnahakmvt, it i hullot hvsh iti hoyashke.

34. Yvmohmi ka itvnahvt nan isht hvchim vlhpisa chi kvt, kvna hosh hohchvfo hokvto, mihi yosh in chuka yak o ik ai impá. Nana inla ka yatuk okvno ona lik mak osh, apoksiachi la hi oke.

CHAPTA XII.

Shilombish na holhpela hokvto il ai yuka, 1 ; 7 yohmi kia moma kvt nan isht ai yukpa he vlhpesa bano. 12 Haknip a ai ibachvfa yvt ai it im il aiyuka bano, yohmi kia ilap bika it im vlhpesak mvt, haknip ma im ai vlhpiesa chatuk ; 29 yohmi hoka na pi hvlbena kvt il aiyuka kia, isht il itapela he tok.

1. YUMOHMI ka itibapishi li vhleha ma ! Shilombish imma ka hvch ik akostinincho ka hi a ak hvchim ahnoshke.

2. Chentail hvchia hvt na hvsh anukfoyuka hosh na holvvt toba ik anumpulo puta ilvppa hvsh im ohona kvt hvsh ithaiyanvshke.

3. Yvmohmi ka hatak nana kia Chihowa imi Shilombish anukfoyuka hosh anumpuli kvt, Chisvs a na kallakshi yo hochifa he keyu hoke : yohmikma hatak kvna kia Chisvs vt Chitokaka yoke, acha he keyu, amba Shilombish Holitopa yak osh anukfoyuka hok mak ahinla ka hvch ithvnanchi lishke.

4. Yohmi ka na hulbina ilaiyuka kv̄t ai asha; yohmi kia Shilombish mihi ash inli hoke.

5. Mikma nan isht v̄tta m̄vt im ilaiyuka; yohmi kia Chitokaka yokv̄to mihi ash inli hoke.

6. Mikma na tokv̄li m̄vt im ilaiyuka hoke; yohmi kia Chihowa mihi ash inli hosh ilv̄ppa moma ka hatak moma ka anukfokichi hoke.

7. Yohmi ka Shilombish nan isht ot̄ni h̄q hatak moma kv̄t isht ai v̄lhpiesa hi osh habena hoke.

8. Shilombish pulla h̄q na hopoyuksa anumpa h̄q achv̄fa kv̄t anukfoyuka hoke; inla yato Shilombish yv̄mmak inli h̄q nan ithana anumpa h̄q anufoyuka hoke.

9. Inla m̄vt Shilombish mihi ash inli pulla h̄q na yimmi h̄q ishi: mikma inla m̄vt Shilombish mihi ash inli pulla h̄q na hlakofichi hulbina ka ishi hoke.

10. Inla yv̄t na fehna puta yv̄mihcha hi v̄t ishi; inla m̄vt Shilombish anukfoyukv̄t nan ithv̄nancha hi v̄t ishi; inla m̄vt chukv̄sh im anukfila puta akostininch̄i ȳq ishi; inla m̄vt anumpa ilaiyuka anumpula he v̄t ishi; inla m̄vt anumpa ilaiyuka toshola hi v̄t ishi ka Shilombish pulla kak oke.

11. Shilombish achv̄fa mihi ash inli kak osh hatak moma ka kanimi h̄q im ai ahni ai yuka hosh na yakohmi puta kash im it a kv̄shkolit anukfokichi hoke.

12. Haknip okv̄to achv̄fa, yohmi kia yv̄mma ai immi hokv̄to in laua; mikma haknip achv̄fa yv̄mma ai immi moma kv̄t lai yawa kia, haknip achv̄fa hoke; yohmi ka Klaist ak kia ilv̄ppak inli h̄q chohmi hoke.

13. Shilombish achv̄fa pulla h̄q momv̄t isht il a baptis-mot haknip achv̄fa e toba; Chu, keyukm̄vt Chentail pia hokm̄a, yuka, keyukm̄vt yuka keyu ȳq pia hokm̄a, nana tuk kia momv̄t Shilombish achv̄fa il ibai ishi ȳq e toba hatuk.

14. Haknip v̄t ai immi im achv̄fa keyu, amba laua hoka.

15. Iyi yv̄t, Uno v̄to ibbak sia keyu hokv̄t, haknip ai immi sia keyu; achi hokm̄v̄to, yohmi kia yv̄mmv̄t haknip a ai immi keyu h̄q ?

16. Mikma haksobish v̄t, Uno v̄to nishkin sia keyu hokv̄t,

haknip ai immi sia keyu hoke; achi hokmuto, yohmi kia yummvt haknip a ai immi keyu hq?

17. Yohmikma haknip moma kvv nishkin okma, katima yak osh na haklo ya hinla hq? moma kak osh na haklo yokma, katima yak osh na hqwa ya hinla hq?

18. Yohmi ka himonasi yokvno Chitokaka yvt yakohma hinla, ahni mak osh, ai immi hash achvfa aiyukali momin-ehit haknip ash ai iba fohkichishke.

19. Yohmi ka moma kak osh ai immi achvfa hokmvno, katima yak osh haknip a hinla hq?

20. Yohmi ka himonasi yokvno ai immi yvt lana: yohmi kia haknip okvto achvfa hoke.

21. Yohmi ka nishkin vt ibbak a, Nana ka ak chj subvn-noshke, im acha he keyu: keyukmvt anonti iyi yash o, Nana ka ak chj subvnnoshke, noshkobo hvv im acha he keyu hoke.

22. Keyu, yvma i shahli, haknip ai immi ilvppak ash osh ik hlampko fehna ahoba kia ai vlhpiesa hoke.

23. Yohmi ka haknip ai immi ilvppak ash kanima ka holitopa ik lauwo pim ahoba kia, ilvppak ash o holitopa i shahli fehna il ima hoke: mikmvt a pim alumaka imma hokvno i shahlichit e shemvchi hoke.

24. Isht a pi aiokli imma hokvno shema yvt isht im ai vlhpesa keyu hoke: yohmi ka Chihowa hvv haknip a iti fohkit apoksiachi mvt, kanimi kvv ik alauwo ke tuk ash holi-tobli kvv i shahlichit fehna hoke.

25. Yohmi na haknip ash ita kvshkoa iksho ka hi atok; amba ai it immi hash osh ahah! it im ahna he ak atok oke.

26. Yohmi ka haknip ai immi achvfa hatuk vt ilbvsha hokma, haknip ai immi moma kak osh ibai ilbvsha hoke: mihma ai immi achvfa kvv holitopa hokma, moma kvv ibai yukpa hoke.

27. Yohmi ka Klaist haknip o hvchia, micha yvmaak ash o ai imrai ka a kashampa ai yuka hvchia hoke.

28. Yohmi ka Chihowa hvv kanimi ka atokolit chvch a hiohliehi; vmmona ka apostel, atukla ka Shilombish anuk-foyvkvv anumpuli; atuchina ka vbanumpa isht ithvnanchi;

mikmvt na fehna puta yvmihchi, mikmvt na hlakofichi holhpela, nan apelvchi, chvch pehlich, anumpa ilaiyuka anum-puli puta kak oke.

29. Moma kak osh apostel o? keyukmvt moma kak osh Shilombish anukfoyukvt anum-puli yo? keyukmvt moma kak osh vbanumpa isht ithvnanchi yo? keyukmvt moma kak osh na fehna puta yvmihchi yo?

30. Moma kak osh na hlakofichi holhpela hq ishi hq? keyukmvt moma kak osh anumpa il aiyyuka anum-puli hq? keyukmvt moma kak osh anumpa ilaiyuka tosholi yo?

31. Yohmi ka na holhpela puta achukma i shahli kak o ishi ka hvsh ahni fehnashke. Yohmi kia na fehna kvv i shahli hq hvchim anoli lishke.

CHAPTA XIII.

Shilombish holhpela moma kvv nan i hullo kvv aiena keyu hokvto nan ik ahoba, 1; 4 nan i hullo im anukfila nan a kaniohmi.

1. **HATAK** im anumpa ilaiyuka puta, mikmvt enchil puta im anumpa hq isht anum-puli li hoh kia, nan i hullo yvt ik svm ikshokmvt, tvli lakna ohonla, keyukmvt tvli kvsahahanchi ak inli hq holba li hoke.

2. Yohmi ka Shilombish anukfoyukvt anum-puli na holhpela ka ieshi li, micha nan ik otano ki tok moma ka akostininch, li, micha nan ithana moma ka ieshi li, yohmi cha na yimmi moma ma ieshi li, yohmi hokvt nvnih hochito puta ka kanvllichi la hinla kia, nan i hullo yvt ik svm iksho hokmvt, nana hq sia keyu hoke.

3. Yohmikmvt nana vm gsha moma kash ilbvsha ya im iti yopelachi li, micha sa haknip mvt lua chi hq im issa li; yohmi kia nan i hullo yvt ik svm iksho hokmvt, nana hq isht vm ai achukma keyu hoke.

4. Nan i hullo yvt na hotopali ya i svlaha, micha nan i kana yoke; nan i hullo yvt nana potvnnot i nukkilli keyu; nan i hulle yvt ilap inli ka isht ilauata keyu, ile chahvchi keyu.

5. Ifefehnuchi hosh inla ya hofahyali keyu, ilap immi yo hoyo keyu, nan ik kanihmo ka nokowa keyu; nan ik vlh-peso anukfilli keyu.

6. Nan ik vlhpeso isht ai yukpa keyu, amba nan ghli yo isht ai yukpa yoke.

7. Nana moma ka ompohomo, nana moma ka yimmi, nana moma kv̄t vlhpesa chi, ahgnit a yimmi, nana moma kv̄t ant ik svm ai yohmi, ahgni.

8. Nan i hullo yokv̄to nitak nana ont ai iksho ka he keyu: amba Shilombish anukfoyyukt̄ anumpuli yokmá, nana hatuk kia yvm̄mak okv̄to ont ai iksho ka hi oke; anumpa ilaiyuka ithaiyana yokmá, nana tuk kia yvm̄mak okv̄to ont issa hi oke; nan ithana yokmá, nana hatuk vt ont akshot kv̄nia hi oke.

9. Ik onancho hosh il ithaiyana hosh, anonti ik onancho hosh Shilombish anukfoyyukt̄ il anumpuli hoke.

10. Yohmi kia nana ont ai ghli yvm̄mvt̄ vla chi, yohmi hokmv̄no nana ik ono yvm̄mak atuk vt ont ai ikshot kv̄nia hi oke.

11. Ulla sa tomba mvt̄, vlla yo chohmit anumpuli li tok; vlla yo chohmit nana akostininchi li tok; vlla yo chohmit nana anukfilli li tok; yohmi tok kia hatak ont toba li mvt̄, vlla nana im akaniohmi yash kanchi li tok.

12. Himonasi yokv̄no ik onanchot a pisa yo hlopullechit e pisa: yohmi kia yvm̄mak fokak mak o nashuka bika il iti pihisa hi oke: himonasi yokv̄no ak onancho hosh ithana li; yohmi kia himmak o himonasi ya sv̄thaiyana kak inli ho chohmit ithaiyana la hi oke.

13. Yohmi ka himonasi yokv̄no na yimmi, ai okchgyvt̄ bilia pisa he ahni, nan i hullo, tuchina ilv̄ppak ash osh takali hoke: yohmi kia ilv̄ppak ash moma i shahli hokv̄to nan i hullo yak oke.

CHAPTA XIV.

Shilombish anukfoyyukt̄ anumpuli ha ahninchi; 4 yvm̄mak osh anumpa inla ithanvt̄ anumpuli ka i shahli; 12 isht a hlampko

achukmvt i shaht la chi ka ita taklo ka a yvmihoha hinla;
 34 chvch itvnahvt maya ka ohoyo kvv anumpula he keyu im
 vllhpisa.

1. NAN i hullo ya achunanchit laksiyvt, ishi ka hvchi
 bvnashke: mikmvt Shilombish imma ka anukfoyuka chi ka
 hvchi bvnashke: yohmi kia Shilombish anukfoyukvt hvsh
 anumpula he ak osh ahni kvv hvsh i shahlichashke.

2. Kvna hosh anumpa inla yo anumpuli hokvto, hatak o
 im anumpuli keyu, amba Chihowa yak oke: kvna hosh im
 akostininchi keyu hoka; yohmi kia Shilombish anukfoyuka
 hosh yvmmak ash ot nana luma hatok puta ka anumpuli hoke.

3. Amba Shilombish anukfoyukvt anumpuli hokvto,
 hlampkohonchi, mikmvt ai okchaya he ahna chi ka i mihija,
 mikmvt hopohlahanli, aiena hosh hatak puta im anumpuli
 hoke.

4. Kvna hosh anumpa inla yo anumpuli hokvto, ilap illa
 isht achukmali hoke; amba kvna hosh Shilombish anukfoy-
 ukvt anumpuli hokvto, chvch a hlampkohonchi hoke.

5. Hvsh moma kvv anumpa ilaiyuka hvsh anumpula he
 ak o hvchim ahni li; yohmi kia Shilombish anukfoyukvt
 hvsh anumpula he ak o hvchim ahni li kvv i shahliehi li:
 kvna hosh anumpa ilaiyuka anumpuli ka, chvch vt achuk-
 mvt i shahlit hlampka chi ka, yvmmvvt tosholi keyukma, kv-
 na hosh Shilombish anukfoyukvt anumpuli kak osh holitopa
 kvv i shahli hoke.

6. Yohmi ka itibapishi li vhlaha ma! nana otvninchi, ke-
 yukmvt nana itvnanchi, keyukmvt Shilombish anukfoyukvt
 anumpuli, keyukmvt nana avvchi nana hosh anumpa ilaiyu-
 ka anumpuli la chi hosh hvchim ona li hokmvt, nanta hq
 isht hvchi yukupali la hinla ho?

7. Yohmi ka nana kvv flopa ikshe hosh ohonla kvv, oskula
 hokma, keyukmvt hap okma, nana ka ai ola kak osh it im
 ilaiyuka keyukmvt, katihmi kak osh oskula yokma, keyuk-
 mvt hap okma, nana hq ai ola kvv otaiyana hinla hq?

8. Isht pufa yvt ola kvv ik haiako hokma, kvta hosh itiba
 chi kvv il atahla hinla cho?

9. Yvmmak inli hq hvsh chiyuhmi kvv anumpa akostinin-

cha he kullo keyu hō hvsh anumpuli keyukma, katiohmi kak osh nana hosh anumpa tuk vt otvna chī hō? mahli ak o hvsh ai anumpuli ha chī hoka.

10. Anumpa ola ilaiyuka laua kv̄t yakni pakna ai asha, yvmohmi chatuk; yohmi kia achvfa kv̄t nana hō miha keyu kv̄t iksho hoke.

11. Yvmohmi ka anumpa ola ka yvmmak o miha ka ak akostininchokma, kv̄na hosh anumpuli yvmmak ash o im bulbaha sia mak a hi oke; mikma kv̄na hosh anumpuli yvmmak ash ot am bulbaha mak a hi oke.

12. Yvmmak inli hō chohmit Shilombish imma ka ahnit hvsh achilita hokvt, chvch a hvsh hlampkohoncha he yak osh hvsh anukfillashke.

13. Yvmohmi hoka anumpa inla yō kv̄na hosh isht anumpuli hōkmvt, yvmmak ash toshola chī kv̄t vba ik asilhhā.

14. Anumpa inla yō vba isht anumpuli li hokma, sa chvkvsh ak osh vba asilhha hoke: yohmi kia vm anukfila hokvto inla yā nan im vni keyu hoke.

15. Yohmi ka katiohmi kak a chī hō? chvkvsh o vba isht anumpuli la he, micha vm anukfila hō vba isht anumpuli la he: mikmvt chvkvsh o isht taloa la he, micha vm anukfila hō isht taloa la hi oke.

16. Yvmmak keyukma, Chihowa isht ish aiokpvchi kia, kv̄na kia nan ik ithano im ai o binili binili hatuk vt, nana hō ish achi ka akostininchi keyu kv̄t, katiohmi kak osh yvmmak ash osh yak oke ahnit, vba pit ish aiokpvchi ka, Amen acha hinla hō?

17. Ahli hosh yak oke vba pit ish aiokpvchi ho mvhli; yohmi kia inla yokvno hlampkohonchi keyu hoke.

18. Anumpa inla anumpuli li kv̄t, hvsh moma ka hvch i shahlichī li kv̄t, an Chihowa yā yak oke im ahni lishke.

19. Yohmi kia chvch itvnaha ka inla maya ka vm anumpa ola ka nana isht im avchi la chī kv̄t, vm anukfila anumpa akostininchi tahlapi anumpuli li kak osh, anumpa inla tahlepa sipokni pokoli anumpuli ka vm i shahlishke.

20. Itūbapishi li vhleha ma! nana akostininchi kv̄t vlla chipunta yō hvch ik tobo kashke: yohmi kia nana ik ai vth-

peso hokvno vilqsi yq hvsh tobashke; yohmi kia nana akan-
tininchi hokvno hatak q hvsh tobashke.

21. Anumpa im inla, mikmvt itivlbi inla hatak q okla
ilvppa isht anumpohonli la chi: ilvppa moma yvmohmi hoh
kia okla ik sa haponaklo ka chi, Chitokaka yvt achi hoke,
achi kvv nan vlvpisa ya a holisso hoke.

22. Yohmi hoka anumpa inla anumpuli yvt na yimmi
vhleha hq isht im atokowa keyu, amba kvna hosh yimmi
keyu kak oke; yohmi hoka Shilombish anukfoyuka kvv
anumpuli kak q kvna hosh yimmi keyu yvmmak q achuk-
mali keyu, amba kvna hosh yimmi kak oke.

23. Yvmohmi hoka chvch moma kvv miha chvfa hq ant ai
itvnaha cha, momvt anumpa inla anumpuli aiyuka hokma,
anonti nan ik ithano, mikmvt nan ik yimmo aiena kak kia ai
vlakmvt, tasimbo yq hvchim acha hinla keyq?

24. Amba moma kak osh Shilombish anukfoyukvt anum-
puli hokma, anonti na yimmi keyu, keyukmvt nan ik ithano
yosh vla hoh kia yimmit, momvt anumpuli ka ahli ahnit
anukfohka, yvmmak ash ot moma kak q nan isht ai im vlv-
pisa hoke.

25. Yohmi ka yakohmi hosh chqvsh isht im anukfila
anukaka yvt otaiyani yoke: yakohmi hok mak osh hlipia
cha, yvmmak ash ot Chihowa ya aiokptchishke, mikmvt
Chihowa hvv hvch iba takla ho muhli hatak q anola hi
oke.

26. Yohmi ka itibapishi vhleha ma! nanta katiohmi hq?
ant hvsh itvnahakmvt, hvsh moma kvv ataloe yokma, anum-
pa tosholi ak okma, nana hq hvsh jahi aiyuka hosh ant hvsh
itvnahvshke. Isht achukma hi q nana moma kvv yvmoh-
mashke.

27. Hatak kvna hosh anumpa inla yq anumpuli hokma,
tuklo, keyukmvt tuchina kvno ont ik aiyo, yohmik mak q it
iakaiyashke; mikma achvfa kak osh tosholi ashke.

28. Amba tosholi iksho hokmveno, ai itvnaha ya lumvt
binilashke: yohmi cha Chihowa, ilapo ak inli ita tuklonchiq
im anumpulashke.

29. Shilombish anukfoyukvt anumpuli vhleha hvv tuklo.

tuchinakma, nana kv̄t anumpulikma, inla yokvto ghli h̄o? ahnit anukfillit pisashke.

30. I bilikasi binili yvm̄mak ash o nana kv̄t im otvni hokma, vmm̄ona kash ot nuktanlv̄t binilashke.

31. Momv̄t ithana cha, anonti moma kv̄t isht im ai achukm̄v̄t isht i shahla chi ka, Shilombish anukfoykvt̄ hv̄sh moma kv̄t it iakaiya hosh hv̄sh anumpula hinla hoke.

32. Shilombish anukfoykvt̄ anumpuli v̄hleha im anuk-fila puyuta kv̄t Shilombish anukfoykvt̄ anumpuli v̄hleha hash o i nutaka yoke.

33. Shakapv̄t nan iti ataklv̄ma he Chihowa hv̄t ahni keyu, amba vbanumpa anukfohka ghli im ai itvnaha moma kak o chohmit iti nanaiya yak oke.

34. Ik̄sa itvnahv̄t m̄aya ka hv̄chim ohoyo hv̄t lumv̄t binohmayashke; yvm̄mak okv̄t anumpula he im v̄lhpesa keyu hoka; amba im antia he ak osh im v̄lhpesa hoka, nan v̄lhpisa yv̄t yvm̄mak o achi ak inli hoke.

35. Yohmi ka nana h̄o ithvna bv̄nna hokm̄v̄t, chuka ak inli kak o i hatak a ai im aponaklashke: ik̄sa itvnahv̄t m̄aya ka ohoyo hosh anumpuli hokvto nan isht im a hofahya hoka.

36. Yakeh! Chihowa im anumpa hv̄t hv̄chishno ak o a kohchv̄t minti hatok o? keyukm̄v̄t hv̄chishno ak bano h̄o hv̄chim ona hatuk o?

37. Hatak kv̄na hosh ilap inli kv̄t Shilombish anukfoykvt̄ anumpuli yokma, keyukm̄v̄t Shilombish holhpela ka isht anukfoyuka h̄o mihi yosh im ahobakm̄v̄t, pit hv̄chi holisso-chi li tuk yvm̄m̄v̄t Chitokaka i nan v̄lhpisa mak atuk a akostininchit, ghli ahnashke.

38. Amba kv̄na hosh ik̄ akostinincho hokvto mihi yosh nan ik̄ akostinincho kv̄t imomashke.

39. Yvm̄ohmi ka itibapishi li v̄hleha ma! Shilombish anukfoykvt̄ anumpula he ishi ka bv̄nnv̄t hv̄sh achilitashke; mikm̄v̄t anumpa inla anumpuli ka hv̄ch ik̄ im alammo kashke.

40. Nana moma kv̄t ai v̄lhpiesa, micha ai itiakaiyv̄t anuktanla mak o yvm̄ohm̄ashke.

CHAPTER XV.

Illit falamvt e tani pulla hi a, Klaist vt illit falamvt tani tok ak o isht anoli, 1: 21 Klaist vt illit falamvt tani tok a nana kv̄t isht a yv-mohmi: 26 falamvt e tana he nana akaniohmi: 51 Klaist vt vlak ma, okchayvt anta tuk vt inlvt toba he.

1. YUMOHMI ka itibapishi vhleha ma! vbanumpa yvmmak o hvchim anumpohonli li yvma hvsh ishi tuk osh, anonti mihi yo anukfoyyukt hvsh mahaya ka, yvmmak inli ho hvch im anohonli lishke:

2. Yvmmak o hvchi ai okchaya, nana ka isht hvchim anumpuli li tuk a ithaiyanvt hvsh ieshi hokmvt, nana ka ik onancho keyut hvchi yvmmi hatuk okmvt.

3, 4. Holisso Holitopa nana achi tok mak o nana pim ai ashvchika puta kak o Klaist vt kaniohmit isht ai illi; yohmi cha yvmmak ash ot hollopi tuk osh, anonti nitak ont atuchina ma Holisso Holitopa nana achi tok mak o yvmmak ash ot anonti tani tok, yvmmak o vno ak kia si anukfoyyuka hatuk osh, mihi yo tikbanli hvchim anohonli li tuk oke.

5. Mihma yvmmak ash ot Sefas a i haiaka, yohmi mvt auah tuklo kash i haiaka tok.

6. Yohmi ha ya tuk osh himona achufa yvmmak ash osh itibapishi tahlepa tahlapi ont ia ka i haiaka tok: yvm-mak atok a akashampa laua kv̄t okchaya na ant himakvshke, yohmi kia kanimi kv̄to nusit akakoha tok.

7. Yohmi ha yo yvmmak ash ot Chemis a i haiaka tok; yohmi mvt apostel vhleha hash mominchit i haiaka tok.

8. Yohmi mvt moma ont ishtaiyopi ka ai vhpiesa keyu ho chohmi, vno ak kia yvmmak ash ot a haiaka tok.

9. Apostel vhleha moma ik alauwo sia, yohmi kv̄t apostel hohchifa he si vhpiesa keyu, Chihowa in chvch a ilbushali li tok okvt.

10. Yohmi kia Chihowa nan isht i kana pulla ho kanima a hikia li kv̄t yvmmak o hikia sia mak oke; mikmvt yvma nan isht i kana yvmvt si anukfoyyuka kv̄t ik ai ono ke tuk keyu hoke: yohmi hokvt toksvli hoyubli kv̄t yvmmak ash

moma ka i shahlichli li: yohmi kia vno ak keyu, amba Chihowa nan isht i kana mihi yosh a subai achufa kak atuk oke.

11. Yvmohmi hoka vno yak okmá, keyukmvt yvmmak okmá, e nana hosh yvmihchit il anumpohonli ma, yvmohmit hvchi yimmi hatuk oke.

12. Yohmi ka Klaist yvmmtv illit falamvt tani tuk vt isht anumpa hokma, katiohmi hō hvsh kanimi kvv illit falamvt tana hi vt iksho, hvsh achi cho?

13. Yohmi ka illit falamvt tana hi vt iksho hatuk; yohmi hokma Klaist vt ik tano ki tok oke.

14. Yohmi ka Klaist vt ik tano ki tok; yohmi hokma vbanumpa isht il anumpuli ka isht ai achukma he keyu, mikma nan isht hvchi ai yimmi ka yvt isht ai achukma he keyu ak inli hoke.

15. Ahli, yohmi ka Chihowa isht atokowa ik ghlo il otvni hoke: Chihowa yvt Klaist a tanichi tok a isht il atokoli tok okvt: yvmmak ash ik tanicho ke tok, illi yvt falamvt tana he keyukma.

16. Illi yvt tana he keyu, yohmi hokma Klaist vt ik tano ki tok oke.

17. Yohmi ka Klaist vt ik tano kitok okma, na hvchim ai yimmi ka yvt ik ai ghlo; na hvchim ai ashvchi ka hvsh a hikia momvshke.

18. Yohmikma kvna hosh akakohvt Klaist a iba nusi tuk vbleha yvmmtv aiokpuloka mak oke.

19. Okchaya ilvppak bano kak osh Klaist a il ai okchaya chj il anukchieto hatuk okmvt, pilbvsha kvv hatak moma ka il i shahlishke.

20. Yohmi ka himak vno Klaist vt illit falamvt tani tok, micha kvna hosh nusi tuk vbleha yvmmak ash nan vni vmona mak o toba hoke.

21. Hatak puyulla hatuk mak o nan illi hvv aya tok, hatak pulla kak o illit falamvt tani vt a minti tok.

22. Alvm atok puyulla mak o momvt illi ka, yvmmak inli hō chohmit Klaist pulla atuk mak o momvt falamvt okchaya yo toba hi oke.

23. Yohmi kia hatak moma kut ilap nan isht im ai vlt-h-piesa kak a hi oke: Klaist ak osh nan vni vmmona hoke: i himmak o Klaist immi hatuk vt, yummvt mintikma, tana hi oke.

24. Mikma ap ehlichika, nan vltoka, micha nan im ai ghli aiena ka ai akshochi ha yosh ap ehlichika ya yummak ash ot Iki Chihowa mak o ibbak fohka hi oke; yohmik mak o ai vlti hot vla hi oke.

25. Yummak okvt mikot ahanta pullvt, in tenvp vtleha moma ka ilap iyi nuta ashachi ha ya hi oke.

26. Tenvp ishtaiyopi mak osh yummvt ont ik ai iksho ka chi kut nan illi ak oke.

27. Nana moma ka yummak ash ot iyi nuta ya ashachi tok oke. Yohmi ka nana puta kut yummak ash ai i nuta-kvshke, yummvt achi kia, nana moma ka yummak ash ai i nutakvtchi tok ilap ak bano hosh keyu kut otaiyanishke.

28. Yohmi ka nana moma kut yummak ash o ai i nutakvt taha, yohmik mak o Ushi ilap ak kia nana moma ka ai i nutakvtchi tok yummak ash o ai i nutaka he; yohmi ho Chihowa ya moyuma kut nana moma ka isht ai okpahanchit isht im antia hi oke.

29. Yummak a he keyukma; illi tuk ak o vltoba hosh baptismo tuk, yummvtto nanta ho katiohma hi o? illi yvt tana he keyu kvmhmi hokma; nanta katiohmi ho illi atuk pulla ka isht a baptismo hatuk o?

30. Mikma nanta katiohmi ho hvshi kanvlli moma ka isht a pi palvmmi ya il a hikia cho?

31. Nan isht ilaiyukpa yumma hvchishno pulla hatuk mak o pin Chitokaka Klaist Chisvs isht im ai eshi li kak osh ai ghlichit anohonli li mvt, nitak moma ka sahanlishke.

32. Hatak o chohmit nampos nukshopa puta ka Efesvs ak o ai itihimbi li tuk vt, illi yvt tani keyukma, nanta hosh isht vm ai achukma hinla ho? onnaha ya hvv illa chi hokvt, impvt, nan ishkot keho mgya.

33. Hvch ik ile haksecho kashke: nan ik vltpeso a chukulbi yokvto im anukfila achukma puta tuk a im okpvnf yoke.

34. Yohma he ai vhpiesa hoka oh okcha, mieha na hvch ik ashvcho kashke; kanimi kv̄t Chihowa nan isht im ithaiyana ik im iksho hoka. Hvchi hofahya ch̄i h̄o ilvppa hvchim anūmpuli lishke.

35. Yohmi ka katiohmi hosh illi yvt tani h̄o? mikm̄vt hakn̄ip vt katiohmi h̄o yummak ash ot isht kohcha h̄o? hatak kanimi kv̄t acha hi oka.

36. Im anukfilla iksho chia ma! nana ka ish hokchi tuk a illi ȳo keyukm̄vt, yummak ash ot okchaya ȳo keyu hoke.

37. Mikma nana ish hokchi kv̄t nan vpi yummak a hi o ish hokchi keyu, amba onush okm̄a, keyukm̄vt nihi inla yokm̄a, nana kia nihi ak bano hoke:

38. Yohmi ka Chihowa yvt yohmi ai ahni mak osh, nan vpi ya ch̄i ka ima hoke; mikm̄vt nihi moma kv̄to ilap im vpi ya ch̄i ka ima hoke.

39. Nipi moma kv̄t nipi mihi achvfa keyu hoke; yohmi ka hatak nipi vt inlak ma, inla m̄vt nampoa nipi, inla m̄vt n̄vni nipi, inla m̄vt hushi nipi yak oke.

40. V̄ba imma na hakn̄ip ilaiyuka, aka imma na hakn̄ip ilaiyuka aiena kv̄t ai asha hoke: yohmi kia v̄ba imma isht im a holitopa yokv̄to achvfa, mikma inla m̄vt aka imma nan isht im a holitopa yak oka.

41. Hvshi yvt nan isht im a holitopa yvt achvfa, inla m̄vt hvshi ninak gya nan isht im a holitopa, anonti inla m̄vt fochik puta isht im a holitopa yvt asha hoke; isht a holitopa hokv̄no fochik achvfa kv̄t fochik inla ya it im inla hoke.

42. Illit falam̄vt tani kv̄t yummak inli h̄o chiyuhma·hi oke. Toshba hi osh hollohokchi tuk vt, ik toshbo ka hi osh taiyani hoke.

43. Ik holitopot hollohokchi tuk vt, holitopa hi osh taiyani hoke: ik hlampkot hollohokchi tuk vt, nan ai ghlahe mak osh taiyani hoke.

44. Ilhfiopak hakn̄ip hollohokchi tuk vt, shilombish imma hakn̄ip osh taiyani hoke. Ilhfiopak hakn̄ip, mikm̄vt shilombish imma hakn̄ip ita tuklo kv̄t ashvshke.

45. Yvm̄ohmi kak o hatak vm̄mona Alvm vt shilembish

okchaya yosh toba tok; Alvm ishtaiyopi kvto Shilombish okchalnchi yo toba tok, achi hosh holihiso hoke.

46. Yohmi kia shilombish imma kak osh vmmona tuk keyu, amba haknip imma kak atok oke: atuk o i himmak o shilombish imma kak atok oke.

47. Hatak vmmona kvt yakni yo a toba hatuk osh, yakni imma kak oke. Hatak atukla kvto vba minti Chitokaka ak oke.

48. Yakni ai immi atuk ash o, chohmit kvna hosh yakni ai immi hokvto yvmmak inli ho chohmi hoke: mikma vba ai immi hokvto, yvmmak ash inli ho chohmi hoke.

49. Yohmi ka yakni ai immi kash o holba ka iloh ieshi hatuk a, chohmit vba ai immi kash o holba ka iloh iesha he ak inli hoke.

50. Yohmi ka itibapishi li vhleha ma! nipi, micha issish ita tuklo kvto Chihowa im apchlichika yvt ai immi ha he vhpesa keyu; mikma nan toshba hi okvto nan ik toshbo ya ai immi ha he vhpesa aiena keyu hoke.

51, 52. Yakeb! nana a luma hatuk a hvch im anoli lishke; moma kak osh hvpi nusa chi keyu, amba ai ishtaiyopi isht pufa yvt nana olakma, yakosi itin takla, nishkin mochukli ai itin takla ho, moma kv inlv e toba hi oke: nana ola hvv ohonla he, mikmak o illi atuk vt ik toshbo ka hi osh tana he, mikma inlv e toba hi oke.

53, 54. Na toshba he ilvppak ash osh nan toshba he keyu ho isht a foyuka pulla he, mikma nan illa he ilvppak ash osh nan illa he keyu ho isht a foyuka he: yvmohmi ha yok mak o, nan illi hash o ont imaiyachi na ik ai iksho ka hi oke; ahanchi hosh holisso tok vt yvmmak ash ot ont ai ghla hi oke.

55. Nan illi ma! katima yak o nan isht ish nvhli yo? ahollopi ma! katima yak o nan isht ish imaiyachi ho?

56. Nan illi i nan isht nvhli vt nana ashvchi ak oke; mikma nan ashvchi isht imi hlampko yvt nan vhpisa yak oke.

57. Yohmi kia hvpin Chitokaka Chisvs Klaist pulla hatuk mak o nan isht imaiyachi ya Chihowa yvt hvv ima hoka, Chihowa ya yak oke; im ai ahni lishke.

58. Yvmohmi hoka itibapishi li a holitopa vhleha ma!

hush kvllo cha ik hvchi fitekacho kish, vlhtoba iksho ka hi osh Chitokaka hvsh in taksuli keyu kv hvsh ithaiyana hokvt, Chitokaka im atoksuli yā lauachit hvsh toksahanlashke.

CHAPTA XVI.

Nan ik im iksho a kaniohmit apelacha he, mikmvt vbanumpa hv i shahst holitopvt mahaya chi ka, nanasi isht apelacha he im anoli; 13 i kanvt nan i mihvt tahli mvt, isht aiyopichi kv vbanumpa hā yakoke ahni tok.

1. YOHMI ka na yimmi ghli nan im itahobi imma hokvno, hvch Kaleshi a hiohli kak o nana im apesa li tok a, chohmit hvsh yvmihchi ak inlashke.

2. Ona li ha yō nan itahobi kv ik ai iksho ka chī ka, wek nitak vmmnakma achvfa hvsh aiyuka kv, Chihowa hv nan im ilayak a ataiyahli ka, it ilauechit ishit hvsh il im bohonlashke.

3. Atuk o ona likma, kvna hō vlpesa hvsh ahni hokma, mihi yosh nana hvsh habenvchi tuk ash Chelusalem isht ona chī ka, holisso hā im atahli lish, pit yuhli lashke.

4. Yohmi kia ia li kak o vlpesa hinla hokma, yvmak ash ot si apihvt ia chī hoke.

5. Yohmi ka Masetonia yakni yā a hlopulli li ha yosh, hvchim ona la chī hoke, Masetonia yakni yā a hlopulli li mak okvt.

6. Yohmikmvt hvch ibai anta la chī, ghli, hvstula yak kia hvch ibai anta la chī chishke; yohmi hō anowa hopaki kanima yō ia la chī ka hv si apelvcha hi oke.

7. Himonasi yā nowvt āya li hokvto, hvchi pisa la he keyu; amba Chitokaka yvt ik yohmi ahni hokma, ont hvch ibai anta li hopaka he keyu, ahni li hoke.

8. Yohmi kv Efesvs ak o anta li Pentekost ai onak mak a chī hoke.

9. Okhissa yvt chito, mikmvt vm ai ghla hi vt an tiwa, mikma a sanali vt laua hoke.

10. Yohmi ka Timohlivs vt ona hokmvt, nukshopa ikshot hvch iba takla anta chī ka hvsh pisashke: vno vt yvmak inli chohmit, yvmvt Chitokaka im atoksuli li yā toksahanli hoke.

11. Yvmohmi ka kvna kia ik shitelemo kashke: amba yummot ayvt vm vla chi ka, i kanvt hvsh apelvchashke: itibapishi li vhleha takla vla hi a hoyo li hoka.

12. Il itibapishi Apollos okvno iloh itibapishi vhleha ha ai itvpihvt hvchim ona he ak o ahni li fehna tuk; yohmi kia himonasi yokvno ona hi vt ik ahno kvmohmi tuk; yohmi kia ona he im ai vhpiesa onakma, ona chi hoke.

13. Okchvt oh il apistikeli, ai yimmika ya kvllot ieshit hvsh hikiashke, hatak ahli il otvninchit, hvsh hlampkashke.

14. Nana hvsh a kaniohmi puta kvv nan it i hullo mak o ik ai yvmohmi.

15, 16. Stefanas in chuka chvfa, yummak osh Akaia ya nan ai vni vmmona yosh, na yimmi ahli vhleha ha apelvcha chi kvv okla il im issa tok; yohmi ka itibapishi li vhleha ma! yvmma chohmi, micha na piba toksvli, micha toksvlit hoyubli ayuka ka hvsh im antia chi ka, hvch it i kanvt hvchi atohno lishke.

17. Stefanas, micha Fatunatvs, mikmvt Akaikvs aiena kvv ai vla ka sai yukpvshke; nana ka hvch ik onancho ke tuk a okla onanchit atahli hoka;

18. Sa chkvsh, micha hvchishno aiena chkvsh a okla yukpali hatuk: yvmohmi hoka yvmma chohmi vhleha ha i kanvt hvsh ithaiyanashke.

19. Asia yakni chvch maya kvv pit hvchi aiokpvchishke. Akuila micha Plissilla ita tuklo kvv, ilap in chvch maya ka aiena kvv, Chitokaka ibai achvfa hvchia hoka pit hvchi aiokpvchi fehvshke.

20. Itibapishi moma, kvv pit hvchi aiokpvchishke. Suk-sowa holitopa yv hvsh it aiokpvchashke.

21. Uno Pal nan isht aiokpvchi ka vno subbak isht holis-ahonchi lishke.

22. Kvna hoh kia Chitokaka Chisvs Klaist a holitobli keyukmvt, mihi yosh Anahlema, Malanahla mak ashke.

23. Hvpin Chitokaka Chisvs Klaist nan isht i kana yosh hvchi anukfoyukashke.

24. Klaist Chisvs ibai achvfa hvchia ka nan isht i hullo li yvt mominchit hvchi anukfoyukashke. Amen.

HOLISSO ATUKLA PAL VT

CHUCH KOLINHILA

A HIKIA HO I HOLISSOCHI TOK.

CHAPTA I.

Pal vt ilap nan isht im apalvmi ka isht hopohqhla kv̄t achi; mihmvt vbanumpuli Kolinhla ai asha ka nan isht hopohla tok ash inli hq isht hopohlahan li kv̄t Chihowa ya yak oke im ai ahni, 1; 15 nana hosh kaniohmi hq ik im vlo ki tok vt anoli; 23 i kana kak a tok.

1. CHIHOWA nan ai ahni atuk pulla mak o Chisvs Klaist im apostel Pal, micha il itibapishi Timohli ita tuklo kv̄t Chihowa in chuch, yvmmvt Kolinhla a hikia, mikmvt na yimmi ghli moma yvmmvt Akaia moma ka ai asha ka aie-ninchit pit aiokpv̄chi kv̄t,

2. Piki Chihowa, micha Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyuk-ashke, hv̄chim ahnishke.

3. Pin Chitokaka Chisvs Klaist Iki, Chihowa, nan i nukhaklo fehna Iki, micha nan isht anuktanla moma in Chihowa yvt holitopashke.

4. Yvmmak osh nan isht il ai ilbv̄sha moma ka pi nuktalahanli; yohmi ho pishno vt Chihowa hak o nan isht im anuktaiyala ya isht a pi nuktaiyala cha, kva hoh kia ilbaiyasha hokma, e nuktalahanla hinlv̄shke.

5. Klaist pulla hatuk mak o nan isht ilbv̄sha yvt pim a laua; yohmi hokvt Klaist pulla hatuk mak o nan isht a pi nuktaiyala yak kia lauv̄shke.

6. Yohmi ka nan isht a pilbaiyasha hoh kia, hv̄chishno

ano nan isht hvchim ahopohla, micha nan isht hvchim ai okchaya chi kvt, nan ilbvsha yvmmak o pishno vt isht a pilbvsha tuk ak inli chohmi ka isht a hvch ilbvsha hokmak osh nan isht hvchim ai ghli hoke; anonti pishno vt isht a pi nuktaiyala hok mak heno, yvmmt nan isht a hvchim a hopohla, micha hvchim ai okchaya mak oke.

7. Yohmi ka nan ilbvsha puta ka hvsh ibai ishi, yohmi hatuk okvt na hopohla ma hvsh ibai isha chi ka il ithaiyana kak osh nan isht e hvchim anukfilli kvt kullo fehnvshke.

8. Iloh itibapishi vhleha ma! nan isht a pilbvsha yvmmt Asia yakni ya a pi onvtula; yohmi mt pim isht hlampko hash imaiyachi na na pi weki fehna mt; okchaya he yak kia kil ahno ke tuk a, hvch ik akostinincho ka hi a e hvchim ahni keyu hoka:

9. Yohmi ka illa he anumpa il il ai eshi, yohmi kvt pishno ak inli ka il anukchieta he keyu; amba illi tanichi Chihowa yak a hetuk oke.

10. Yvmmak osh nan illi chinto fehna kash a pi hlakofichi tuk osh, a pi hlakofichi moma: yohmi kvt yvmmak ash osh pi a hlakofihinja chi ka yvmmak o il anukchieta hoke.

11. Hatak laua pulla kak o nan isht i kana pi onvtuyula tuk a, hvchishno ak kia itapelvt anumpa ilbvsha isht hvsh pi anumpohonli; yohmi ho pishno pulla kak o yak oke Chihowa ya im ahni kvt laua hi oke.

12. Isht il il akostininchi isht im ai atokowa kvt haknip imma isht hopoyuksa keyu, amba Chihowa nan isht i kana pulla hatuk mak o nan anukfila apissali achvfa, micha Chihowa anukfoyuka ai ghli hosh yakni paknaka il ai ahanta hatuk: yohmi hokvt hvchishno yak heno i shahlichit il a hvchi yvmohmi, ilvppak osh nan isht il il aiyukpa hoke.

13. Nana ka hvsh it im anumpuli; micha ghli hvsh akostininchi fehna tuk yvmmak keyukma nana inla yo e hvchi holissochi keyu hoke; yohmi hoka ghli ahnit, akostininchit mghayvt ont ai vhli ka hvsh ona hi a hvchim ai ahni lishke:

14. Chitokaka Chisvs i nitak vt vlakma, nan isht pim ilaiyukpa hvchia ha chi kvt, yvmmak inli ho chohmit nan isht

huchim ilaiyukpa pia ha chi ka, hvsh kanimi kvv ahli hvsh pi akostininchi ak inli tuk oke.

15, 16. Yohmi ka yakohmi tok ak o na yimmi hosh atukla ma nan isht ilaiyukpa ka hvsh isha hi a tikba hvchm ona la he ahnit, anonti ont ivt, Masetonia yakni ona li tuk mvt, anonti Masetonia yakni yash o akohchvt atuklant hvchm aya li hok mak osh, Chutia imma aya la chikma, hvsi apelvcha hi a vm anukfila tuk oke.

17. Yvmohmi kvv yakohmit vm anukfila mvt, vm anukfila hvv fitekvchi hosh yvmihchi li tuk o? yvmmak keyukmvt vno vto yau, yau, mikmvt keyu, keyu, achi la hi osh nana ka ahni li kvv, haknip nan ai ahni ho isht anukfilli li tuk o?

18. Yohmi ka Chihowa hvv ai ahli yatuk o, pim anumpa nan isht e hvchm achi tuk a yau yatuk osh anonti keyu, yatuk keyushke.

19. Uno, mikmvt Silfanvs, micha Timohlivs aiena pulla kak o, Chihowa Ushi Chisvs Klaist, yvmvvt hvchm anuhumpa kvv, yau yatuk osh, anonti keyu yatuk keyushke, amba yvmmak okvv yau yatuk oke.

20. Yvmmak atuk pulla mak o Chihowa hvv nana im ihisa tuk moma kvv yau okma, anonti yvmmak atuk mak o Amen oke, yohmi kak o pishno ma Chihowa nan isht im a holitopa yoke.

21. Yvmohmi ka Klaist a iloh ibai achvfa chi ka, hvpi hlampkohonchi cha, na pi a hvmmi kvv, yvmvvt Chihowa ak oke.

22. Mihmvt ilap immi pia ha chi ka, yvmmak ash osh pi ai ahlichm mvt, ai okchayvt bilia e pisa he pim ai ahlichm kvv, Shilombish a pi anukfohkechi tuk oke.

23. Yvmohmi hoka hvchi kanvt na hvchm anukfilli la chi kak osh, Kolinhla ya ak ono kisha hatuk a Chihowa hvv vmi shilombish a atokowvt vm ithana ya chi ka hohoyo lishke.

24. Na hvchi yimmi ka il i shahli hatuk keyu hoka, amba na hvchm ai yukpa apelvchi pia hoke; na yimmi pulla hatuk mak osh hlampkot hvsh hikia hoke.

CHAPTER II.

Nana hosh kaniohmi kak o ik im ono ki tuk vt anoli, 1; 6 Chveh a a kobcha tok a i nukhanklot i kvshofa hi a im ahni; 10 ilap ak kia i kvshofi tuk a chohmachi: 15 kanima yq vbanumpa isht anum-pohonli ka Chihowa yvt im ai okpanchi.

1. YOHMI ka vm anukfila kvv na nukhaklo hosh, atuk-la ma ak hvchim ono ka chi, ilvppak o vno ak inli kvv vm anukfila hatuk oke.

2. Hvchi nukhaklochi li, yohmi hokma kvta hosh na sai yukpala hinla ho? amba vno yak atuk mak o kvna hosh nukhaklo tuk yvmmak inli kak a hinla keyu?

3. Yohmi ka ona likmvt, kvna ho ibai yukpa la hetuk, yvmmak ash ot nana a kaniohmi ka isht a nukhaklo la hinla kak osh, ilvppv mihi ash inli ka isht hvchi holissochi li hatuk oke: hvsh moma nan isht hvchim ai-yukpa yvt vno a nan isht vm il aiyukpa ak inli hoke, ai ahnit hvsh moma ka hvchi yimmi lishke.

4. Na nukhaklo fehna, chukvsh ilbaiyvshvt nishkin okchi mvt laua aiena hosh isht hvchi holissochi li hatuk; hvchi nukhakla he yak atuk keyu, amba nan isht i hullo yvmma isht hvchi hoyullo li fehna hatuk a hvsh ithaiyana chi kak atuk oke.

5. Yohmi kia kvna hosh na nukhaklochi tuk okmvt, vno ak illa ho si anukhaklochi tuk keyu: hvsh moma ka ak hvchi kvllo ka chi kak osh ilvppa hvchim achi lishke.

6. Hatak yvmma chohmi kvno nan vlvhvisa ilvppak o laua kvv im apesa tuk a, im ai vlvhpiea hoke.

7. Yohmi tuk a yvmma chohmi kash i kashofit hopohleli kak o hvsh ahna he tuk oke; yvmmak keyukma yvmma chohmi kash ot na nukhaklot isht ai i palvmmitt kvnia hinla hoke.

8. Yvmohmi hoka nan isht hvsh i hullo kvv yvmmak ash o hvsh im otvniucha chi kak o hvchim ai ahni lishke.

9. Ilvppak a he mak o holissochi li akinli hatuk; nana

moma ka ai im antia hvchia hokmá, nana ka hvch imoma ka ithvna la chj hatuk oke.

10. Kvna hq nana ka hvsh j kashofi hokma, vno ak kia j kashofi li hoke; nana hatuk q j kashofi likmvt, hvchishno pulla kak q Klaist vlhtoba hosh yvmihchi li hoke.

11. Yvmmak keyukma Setan vt pi haksicha hinla, yvma nan ahni ik vlbpeso ya kil ithano keyu hoka.

12. Yohmi ka Klaist im vbanumpa isht anumpohonli la chj hosh, Tloas g ona li ma, Chitokaka yvt nan ai ahni hq, okhissa yvt an tiwa tok.

13. Itibapiahi li Titvs g ak ahayucho hokvt, vm anukfila nuktula ik sem iksho ki tok: yohmi ka okla yvmmak ash aiokpvchit issa li mvt, yvmma a kohchvt Masetonia yakni ya ia li tok.

14. Yohmi hoka, yak oke ahnit, Chihowa hq kiloh aiokpvchi; yvmmak osh Klaist pulla hatuk mak q il imaiyacha chj ka pi apelahanchi; mikmvt kanima moma ka pishno pulla atuk mak q ilap a nan isht im ithvna j na balama otvnihinchishke.

15. Pishno vto Klaist ibai achvfa pia hosh kvna hosh okchaya chj, micha illa chj aiena kak q Chihowa j nan isht balama champuli pia hoke.

16. Achvfa kano, illi bitema nan isht ai illa he j pia hoke, mikmvt inla yano okchaya na balama nan isht ai okchaya pia hoke. Yohmi ka kvta hosh iloppa puyuta ka isht im ai vlbpiesa cho?

17. Laua hv Chihowa im anumpa ik ai ghlecho ya e chohmi keyu; amba chgvsh ai ghli, yohmi kv Chihowa im vlhtoka kv, Chihowa itikba yq Klaist j hohchifo isht il anumpohonli hoke.

CHAPTA III.

Pal vt vbanumpa isht anumpohonli hq Kolinhlia vt vbanumpa anukfohka kak q yvmmak ash Chihowa hv pit pila hatuk g otvniinchi tok, 1; 6 vbanumpa anumpula chi ka Chihowa yak osh ataiyahli tok a tak, 12 vbanumpa hak osh holitopa kv Moses nan apesa tok g j shahli.

1. PISHNO ak inli kvt atuklanchit il il ahninchit isht il ia hq? keyukmvt inla maya ka chohmit, isht hvsh pi kana he holisso puta ka il isha he pim vlpesa hq? yvmmak keyukmvt holisso isht ai i kana ya e hvchim ai isha hi vt vlpesa hq?

2. Hvchishno ak osh pi holisso hvchia hosh pi chukvsh a a holihiso tuk osh, hatak moma ka im otaiyanit im ai it anuhumpa hoke:

3. Pishno yatuk mak o hvchishno vt Klaist i holisso toba tuk otaiyanit hvsh anohowa kvt, isht holissochi oka yo isht holihiso tok keyu, amba Chihowa okchaya imi Shilombish ak atuk; tvi patvssa yo a holihiso tok keyu, amba chukvsh nipi ak atuk oke.

4. Yohmi hatuk o Klaist pulla hatuk mak o Chihowa yak osh yvmihchi tuk a pi yimmishke.

5. Pishno ak inli nana ka ai isht anukfillit isht im ai ghla he il ahni kak osh pishno ak inli kvt il ona chi keyu hoke: amba Chihowa ak atuk mak o nana ka pim ai ghlit il ona chi hoke.

6. Nan it im vlpisa himona nan isht im vtta ai ghla he mak o yvmmak osh pi atokoli ak inli tok: holisso tikba yak o nan isht im vtta hq keyu, amba Shilombish ak oke; holisso tikba yash okvto vbi yoka, amba Shilombish okvto okchalinchi yoke.

7. Yohmi ka tvi yo ai in chuwa holisso isht ai illa he isht ai vtta yvt holitopa; yohmi hq Moses yvmma nashuka yvt shohpalali hoka, Israel ushi vhleha hv nashuka yash o atokowvt pisa he keyu ki tok; yvmmak ash ot ont ai iksho ka hi atok oke;

8. Katiohmi hosh Shilombish nan isht ai vtta yokak heto holitopa kvt i shahla hetuk keyu hq?

9. Isht a palvmma he nan vlpisa isht ai vtta yvt holitopa hokma, nan isht ai vlpiesa isht ai vtta yokak heto holitopa kvt i shahli fehna he tuk keyu hq?

10. Nana kvt yakohmit holitopa tok ilvppak ash ot na holitopa yvmmt i shahli pulla kak o holitopa kvt ik alauwo ki tok.

11. Nana kv̄t ont ai iksho kak osh holitopa tok okma, nana kv̄t takali kv̄t holitopa i shahli fehna hinla hoke.

12. Yvmohmi hoka yvmohma chi ahnit na pi yimmi hosh anumpa otaiyani fehna hō isht il anumpuli hoke.

13. Yvmohmi kv̄t Moses atok ano chohmi keyu, yvm-mak okuto Israel ushi v̄hleha hv̄t nan v̄lhpisa yvmmak ash ot kv̄nia kia, a hlopullichit ai v̄hli pit atokowvt pisa keyu kak o, isht ompoholmo yō ilap nashuka yash isht ompohomo tok.

14. Yohmi kia yvmma im anukfila hash ot l̄upa yatok; himak nitak ak kia Testament sipokni im ai itim anumpuli hokvno nan ompoholmo mihi ash inli kv̄t ik i kv̄nio k̄isha hosh takali hoke; yohmi kia yvmmak ash ot Klaist ak o ont isht ai akshot kv̄nia hoke.

15. Yohmi ka himak ak kia Moses a ai itim anumpuli ka, nan ompoholmo yashot i chukvsh a on h̄lipia hoke.

16. Yvmohmi tuk o Chitokaka ya pit ai i filemvt im onakma, nan ompoholmo yash o isht i kancha hi oke;

17. Yohmi ka Chitokaka yvt, Shilombish yvmmak ash oke: yohmi ka kanima yō Chitokaka imi Shilombish vt ai otaiyanikma, mihi yō ai yuka keyu mak oke.

18. Yohmi ka nashuka ompoholmo keyut a pisa yō il a pih̄isa chohmit Chitokaka im aholitopa ya e pih̄isvt, yvm-mak ash inli hō hoyulba chi hosh momvt inlv̄t e toba kv̄t, Chitokaka imi Shilombish vt a p̄i yvmihchi kak o, holitopa kv̄t i shahlit il a mah̄aya hoke.

CHAPTA IV.

Ai gh̄li, achilita hosh v̄banumpa ha isht anumpoholli tuk vt otv̄nin-chi, 1; 7 mihmvt nan im apalv̄mi puta tuk vt Chihova yosh isht aholitopa he, 12 chv̄ch nan isht im a chukma he; 16 mikmvt ilap nan isht il ai yukv̄t im a bilia hi a tuk a, achi.

1. YAKOHMA chi mak o, nan isht i nukh̄aklo il ishi hatuk mak osh, nan isht ai v̄tta ilv̄ppak ash o isht il ahanta kv̄t, pin takobi keyushke.

2. Isht a hofah̄ya he nan isht im aluma puta ka e kanchi

mut; i kostinit nan isht akanomi ya il ai itnowa keyu, Chihowa im anumpa ha ik ghlechot il inlvchi keyu; amba Chihowa itikba ya nan ai ahli ya il otvninchi ka, hatak moma nan isht il akostininchi yvt ahli, pim ahni hoke.

3. Yohmi kia pim vbanumpa hvt luma hokmut, okpula he vhleha hak o in luma hoke.

4. Klaist, yummvt Chihowa Hoyulba ka, im vbanumpa holitopa in tohwikeli hvt on tomma chi keyu ka, na yimmi keyu yummak ash o im anukfila puta ka yakni ilvppa i shahli yosh lvblichu hatuk oke.

5. Ubanumpa isht il anumpuli kv, pishno ak inli ho isht il anumpuli keyu, amba Klaist Chisvs Chitokaka yak atuk: yohmi hokvt pishno yokvto Chisvs pulla hatuk mak o hvchin tishu pia hvt il otvninchishke.

6. Tohwikeli hvt ai okhlilika ya a kohchvt tomma chi ka, Chihowa yummak osh im apesa tok okvt, Chihowa im aholitopa nan isht ithaiyana im a tohwikeli hvt Chisvs Klaist i nashuka a minti mak o pima chi hosh pi chukvsh a a tommi hatuk oka.

7. Yohmi kia nan isht ai ahli chinto fehna kv pishno ak o keyu, amba Chihowa ak o immi ha chi ka, nan ilayak holitopa ilvppak ash o nan ai vlvto okfulush toba ho isht il ieshi hoke.

8. A palvmmi bano hosh pia folubli kia, atukonofvt pi komunta keyu kisha; atia he pim okvpa, yohmi kia isht apelvchi yvt ik pim iksho ka chi kil ahno hoke.

9. Inla yvt pi palvmmichi, yohmi kia Chihowa hvt ik pisso; aka il itula; yohmi kia ik pi okpulo hoke.

10. Chitokaka Chisvs vt isht illi mak o pi haknip a isht ieshit il aya bilia; yohmi na Chisvs okchaya yosh pi haknip a ai otvna chi hatuk oke.

11. Chisvs vt okchaya kv illa he pi haknip a isht ai otahana chi ka, Chisvs pulla hatuk mak o okchayvt il anta kv, illa he pim vlvpihisa na bilia hoka.

12. Yohmi hoka nan illi yosh pi a toksahanli, yohmi kia nan okchaya yosh hvchi a toksahanli hoke.

13. Na yimmi im anukfila, Na sai yimmi yvmohmi hosh

anumpuli li hoke; achit holisso tok a yvmmak inli hō il ieszhi hosh na pi yimmi ak inli, yvmohmi hokvt il anumpuli hoke.

14. Chitokaka Chisvs a tanichi tok yvmmak osh Chisvs pulla hatuk mak o pi tanicha he ak inli, mikmvt hvchishno a a pit aieninchit pi hiohlichia hi a il ithaiyana hoke.

15. Nana puta kv̄t hvchishno pulla hatuk mak o ai yakohmi ka, laua kv̄t yak oke ahnit, aiokpvchi pulla hō nan isht i kana laua kv̄t Chihowa yvt isht a holitopa chi hoke.

16. Yakohmi hoka pin takobi keyu hoke; yohmi kia hatak pi pakna yokvto tikambit mahaya kia, hatak anukaka yokvto nitak osk nitak ma himonvt tohombvshke.

17. Yakosi itintakla hō na pim a palvmmi shohvla kia, na holitopa weki bilia nan imaiya fehna ka pim atahli hoke:

18. Nana puyuta yvmvt otaiyani yak o e pihisa keyu, amba nana kv̄t otaiyani yak keyu; nana puta yvmvt otaiyani yokvto a bilia keyu; amba nana puta yvmvt otaiyani keyu kak osh a bilia yoke.

CHAPTA V.

Aiokchaya bilia pisa he anukfoyuka ghli, 1; 9 mihmvt Klaist im ai asha holitopa nan apesa itikba hikia chi kv̄t ithaiana, yohmi mvt im a holitopa he ahnit toksahanli; mihmvt ib ai achvvt nobwa, micha inla mvt okchaya chi ka anukfokihinchi.

1. ULHTIPO yakni pakna a pim aboha ilvppak okvt ont a yuhla kia, ibbak isht atoba tok keyu, vba a holitopa ya a bilia chuka, Chihowa hv̄t ikbi tok a, pin talaia kv̄t il ithaiyana hoka.

2. Ilvppak ash o il a foyuka kak osh ilbvshvt e hihija kv̄t, pim aboha, yvmvt vba a minti mak o, isht e fohka he ahni fehvt, e hohoyo hoke:

3. Yakohmit e foyuka mvhli hokmvt, haknip biekvt il otaiyani chi keyu.

4. Ulhtipo ilvppa il ai ahanta hokvto, nan i weki tikabit ilbvshvt e hihija; yohmi kia ik fohko ka hi ak o il ahni keyu, amba isht il a foyuka he ak oke; yohmi hō nana kv̄t

illa he imma hatuk okvto nan okchaya kak q ont ai iksho kak a chi hatok g il ahni hoke.

5. Yohmi ka nana kvv ilvppak a chi ka a pi atahli tuk vt Chihowa ak oke; yvmmak osh ai okchayvt bilia yvt pim ai ghla chi ka, Shilombish g pihima ak inli hoke.

6. Yvmohmi hoka yvmohmi pulla chi ai ahni fehna kvv, haknip q il ai anta takla hokvto, Chihowa ya i filvmmi hosh il anta kvv il ithaiyana hoke.

7. Na yimmi pulla kak osh il itvnohwa, pisa kak q keyu hoka.

8. Yvmohmi pulla chi il ahni fehna, yohmi hokvt haknip a ai i filvmmi cha, Chitokaka yak q il ibai achvfa hi ak osh pim i shaiyahli hoke.

9. Yvmohmi hokvt ibai achvfa kak okmá, keyukmvt i filvmmi kak okmá, nana kia yvmmak ash e yukpala chi kvv e toksahanli hoke.

10. Ilap haknip aiyuka nana kvv ai yvmohmi tuk g nana achukma hokmá, keyukmvt okpulo hokmá, nana hoh kia, yvmma yvmihchi tuk isht vltoba mak q moyuma kvv il isha chi kvv, Klaist im q binili nan ai apesa itikba ya e moma kvv ont il ai otaiyana chi pulla hoka.

11. Yvmohmi hoka Chitokaka isht im anukshopa hi g ithaiyana hosh, hatak puta kvv hlakofa he ahnit il in tohono; yvmohmi hokvt Chihowa hq il im otaiyani pulla; yohmi hokvt nan isht hvsh il akostininchi ma e hvchim otaiyani ak inli, ahni li hoke.

12. Isht hvsh pi ahnicha hi g pishno ak inli kvv atukla ma isht e hvchim atahli keyu; amba chukvsh ak q keyu; ilap nashuka yq isht il aiyukpvt ilauata vhleha yvmma hvchishno vt i nan hvsh ok acha hi vt hvchi anukfoka chi kak osh, pishno ak q nan isht hvsh il aiyukpa kvv hvsh il auata chi kak q, e hvchim ahni hoke.

13. Pishno ak inli kak osh il il atampli fehna hokmá, nana hoh kia, Chihowa nan isht im a holitopa chi kak oke: keyukmvt pim anukfila nuktaiyala hokmá, nana kia hvchishno nan isht hvchim achukma chi kak oke.

14. Klaist nan isht pi hallo yak osh a pi anukfokvvt pi

ai yimilihinchi hatuk oka ; yohmi ka achufa kv̄t moma ka im illi hatok, yohmi hokma, moma kak osh illi yoke, ahnit yakohmichit isht pim anukfila hoka.

15. Yohmi ka moma kak q̄ im illi hatuk oka, kv̄na hosh himmak ma okchayvt ahanta kv̄t, ilap nan ahni banot ahanta he keyu, amba vlhtoba hosh illi tuk osh, anonti falamvt tani tok yvmmak q̄ holitoblichī hosh ahanta he vlhpesa hoke.

16. Yohmi ka himak a pilla ka haknip im̄a hatak nana kia il ithaiyana chī keyu : ahli, yohmi kia haknip im̄a Klaist okvno il ithaiyana tok : yohmi tok kia himak a pilla kvno yvmmak ash il ithaiyana chī keya mak oke.

17. Yvmohmi ka hatak nana hosh Klaist a ibai achufa hokmvt, mihi yosh nana toba himona yoke : na sipokni stuk vt ont ai ikshot kvnia na, yakeh ! nana puta kv̄t himonvt toba hoke.

18. Yohmi ka Chihowa yvmmak osh Chisvs Klaist pulla hatuk mak q̄ ilap a isht a pit i nanaiyvchi tok ; mihmvt nan isht it i nanaiyvchi isht ai v̄tta yq̄ pi atokoli tuk mak osh, nana yakohmi puta ka yvmihchi yoke.

19. Yohmi kv̄t Klaist pulla hq̄ Chihowa hv̄t yakni a ilap a isht il i nanaiyvchi kv̄t, yvmmak ash nan im ai ashvchi puta kash q̄ isht in takalihinchi keyu ; yohmi mvt nan isht it i nanaiya im anumpa hq̄ pi anukfoyuki hatok.

20. Yvmohmi hoka Klaist vlhtobvt im anumpa isht gya pia hoke ; yohmi ka pishno pulla hatuk mak q̄ Chihowa hv̄t i kanvt hvchim anumpohonli chiyuhmi ma ; pishno mvt Klaist vlhtoba hosh e hvchim asilhha ka Chihowa ya hvsh i nanaiyashke.

21. Yvmmak atuk mak q̄ Chihowa nan isht im ai vlhpiesa e toba chī ka, yvmmvt nan ashvchi ithaiyana tok keyu ka, yvmmak ash q̄ Chihowa yvt nan ashvchi yq̄ pim ikbi tok.

CHAPTA VI.

Ilap, m̄icha itapehvt toksvli aiena kv̄t Chihowa yak q̄ iba toksahanli kv̄t achi, 1 ; 5 vbanumpa isht anumpohonlit nan isht im apalvmi,

micha toksahanli aiena kv̄t anoli; 14 Chihowa okchaya yō in tem-
pel a tuk okv̄t, na holb̄t toba puta nan akaniohmi ik v̄lhpeso puta
ka ai i filv̄mma chi ka i miha.

1. YUMOHMI hoka pishno vt nan itiba toksuli pia
hosh, Chihowa nan isht i kana hv̄sh habena kv̄t, pilla hv̄sh
habena ch̄i keyu hō i kanv̄t hv̄chin tohōno li hoke.

2. Ai okpancha he nitak vt takali ma chi hahaklo li tok;
anonti isht ai okchaya nitak vt takali ma chi on chv̄vt chi
apelahanchi li tok, yv̄mmv̄t achi hoka: yohmi hoka yakeh!
himonasi yā aiokpahancha he nitak vt takali hoke; yakeh!
himonasi yak osh isht ai okchaya he nitak vt takali hoke.

3. Ubanumpa isht ai v̄tta yv̄t ik hofahyo ka chi ka, nana
kia isht ai ibetv̄bli yā kil i bohōno hosh;

4. Nuktaiyav̄t achunanchi fehna, nan apalv̄mmi puta ka
isht ai atukonufv̄t a hlakofa he keyu;

5. Fahama, aboha kv̄llo ma fohoka, nukkillit yahapa
puta, toksahanlit hoyubli, nusi mv̄t ik im iksho, hohchahago,

6. Chukv̄sh kashofa, nan ithaiyana, i kanv̄t nuktaiyala,
sv̄lahv̄t nokowa, Shilombish Holitopa, ilahobi keyu hosh
nan it i hullo,

7. Nan ghli isht anumpa, Chihowa nan isht im ai ghli,
isht impakimma, mikmv̄t isht afv̄bekimma ita tuklo kv̄t nan
isht ai v̄lhpiesa i nan isht tanampi isht ai im v̄lhtaiyaha;

8. Nan isht holitopa, anonti nan isht ik holitopo, nan ik
achukmo isht annoa, anonti nan achukma isht annoa; na
haksichi yō chiyuhmi, yohmi kia ai ghli bieka;

9. Ik ithano yō chiyuhmi, yohmi kia otaiyani achukma;
illa he im ai v̄lhp̄h̄sa, yohmi kia yakeh! pi okchaya moma;
kostina hi osh nan i palv̄mmi, yohmi kia illi keyu;

10. Na nukhaklo yō chiyuhmi, yohmi kia na yukpa
bieka; ilbv̄sha yō chiyuhmi, yohmi kia lāwa ka nan in
lauahanchi; nan ik im iksho kamohmi hō chiyuhmi, yohmi
kia nana moma kv̄t ai immi; nana kv̄t a pi yakohmi hokv̄t,
Chihowa nan isht im v̄tta vt kaniohma hetuk ā chohmit
nana moma ka isht il ai otv̄nihinchi hoke.

11. Kolinhl̄ian hv̄chia ma! pitakha yv̄t hv̄ch̄i wakama, pi
chukv̄sh mv̄t hv̄chim a chinto fehna hoke.

12. Pi chukvsh a ai iskitinosi ho hvsh pim a foyuka keyu, yohmi kia hvchi chukvsh okvno iskitinesi ho hvsh a pi foyuki hoke.

13. Yohmi ka mihi ash inli chohmi ho hvsh pi falaminchi cha, hvchi chukvsh a hvsh pin chitolashke; vm vlla chipunta chohmi ho im anumpvli li hoke.

14. Na yimmi keyu vhleha hokvno it ibai achvvt ikunla abana isht ik hvch abanaiyo kashke: nanta ho nan vhpesa kvv nan ik vhpeso ya it ibai ieshi ho? nanta ho tohwikeli hvv okhlili ha isht ai it ibai achvfa ho?

15. Yohmikma Klaist vt Belial a nanta ho isht ai itiba ola achukma ho? mikma na yimmi yvt nan ik yimmo ya nanta ho isht ai it ibai achvfa ho?

16. Yohmikma Chihowa in tempel vt na holvvt toba puta ka nanta ho isht ai it ibai achvfa ho? Chihowa okchaya in tempel hvchia hoka; yohmi ka Chihowa hvv, Yvmmak oka ai ahanta la chi, mikvvt a nohova la chi: yohmi cha in Chihowa sia hokma, anonti ilap vt vm okla ha chi hoke, achi tok oka.

17. Yvmohmi hoka yvmma a kohchvt hvsh mintashke; yohmi cha oh i filvmmi, mikvvt nana kvv ik kashofo ka hvsh potoli na; yohmik mak o hvch i kanvt hvchi ieshi la chi hoke, Chitokaka yvt achishke.

18. Yohmikvvt hvch Iki toba likma, anonti hvchishno vt svso vhleha, svvotek vhleha hvsh toba hi oke, Chihowa nana moma i shahli hvv achishke.

CHAPTA VII.

Nan ashvchi ik im ikaho ka he i miha, 1; 2 Klaist im vbanumpa ishi ai ghli yatuk ilap a okla aiokpancha chi ka i miha; Ilap nan im ai ashvchika isht ilekostininha hi a i holiseo vmonna kvv nukfo-kichichi tok o, Titvs vt ant im anoli ilvppak o nana kvv i palvmi ak inli kia isht hopoghla tok vt pit im anoli.

1. YVMOHMI ka a kana holitopa vhleha ma! nana hash yakohmiechit pimihisa ka, haknip, micha hvvim anuk-fila nan isht ai liteha puyuta ka isht kiloh il a kashoffi,

Chihowa ha holitohombli pulla hosh ont ai ahliit nan ai ashvchi ka ik pim iksho kashke.

2. Pi kanvt hvsh il anukfoyakashke; hatak nana kia kil vhpesalo hatuk keyu; hatak nana kia il ai okpunichi hatuk keyu; hatak nana kia haksichi hosh nan il im ishi hatuk keyu.

3. Anumpa hvchi onochi la hi osh ilvppa anumpuli li keyu; hvch ibai illi hokma, okchayvt hvsh ibai ahanta hokma, nana hi vt pi chukvsh a hvsh pim a foyuka hoke, tikba kash achi li tuk oka.

4. Yohma chi ahnit, na yimmi chintot hvchim anumpuli li hokvt otvvinchi li fehnvshke; nan isht hvchi ilaushanta li chinto hoke; na hopohla ma isht vm alotowa kv, na pim apalvmmi a moma ka isht a sai yukpa vm atampa fehna hoke.

5. Masetonia yakni ya ant e chukowa ha yatuk a pi hakinip vt ik foho kvmohmi; yohmi hoka a pi asolubli moma ka nan isht a pi palvmmi; kocha ya ai itihimbi ma, pi anykaka ma, pi nukshohumpvshke.

6. Yvmohmi kia Chihowa hv kvna hosh im anukfila akanlosi puta hokvno nuktalali, yvmmak osh Titus vt ayvt vla pulla ho pi nuktalali tuk.

7. Yohmi kv yvmmt ayvt vla kak bano keyu, amba na nuktanla mihi yo yvmmak ash ot isht hvchi anuktanla pulla tuk osh, nan isht hv sa hullo kvlo, mihmt na hvchi nukhaklo, hvchim anukfila ha kvloochit isht hv si atakali aiena ka yvmmak ash ot ant pim anoli hoka: yohmi hoka nan isht sai yukpa vm i shahli fehna tuk oke.

8. Yohmi kv hvchi holissochit isht hvchi nukhaklochi li tuk vt sa nukhaklo tuk kia, himak ano sa nukhaklo keyushke; holisso yvmmak ash ot na hvchi nukhaklochi kia, hvshi kanvlli achvfa ho chohmi tok a akostinichi li hoke.

9. Himonasi ya sai yukpvshke, na hvchi nukhaklo kak keyu, amba na hvchi nukhaklot hvsh ile kostinichi kak atuk oke: pishno ak atuk mak o nana kia isht hvchi ai okpulo ka chi kv, Chihowa nan ai ahni ho na hvchi nukhaklo tuk oke.

10. Chihowa nan ai ahni hō na nukhaklo yokto anukfohka cha, okchaya chi hosh ile kostininchi kut nukhakla himma keyu hoke: amba yakni yō nan isht a nukhaklo yokto illa hi osh anukfohka hoke.

11. Chihowa nan ai ahni hō na hvchi nukhaklo tuk vt ilvppak fehna ka ho pesá; tushpvt anukfohkvt nana isht hvsh ahanta tuk, ahli, na hvchi onvtula tuk ash hvsh il im i kanvllichi tuk, ahli, ile shitlemvt nan ai ashvchi hvsh i nukkilli tuk, ahli, na hvchi nukshopa tuk, ahli, yvmohmi pullakbano ahni fehvt hvchi anukfoyuka tuk, ahli, nan a mosholit hvsh ahanta tuk, ahli, ik vlpeso mak o i sanalit hvsh i nukkilli tuk, yohmi hokvt nan ilvppak ash hvsh ai iti kaashofa kut nana ilvppa puta kak o isht hvsh il otvninchishke.

12. Yvmohmi ka hvchi holissochi li tuk vt kvna hosh nan ik vlpeso ka yvmihchi tuk, mihmvt kvna hosh ik vlpesot nan i palvmmi tuk pulla kak o yvmihchi li tuk keyu; amba Chihowa itikba yō tushpvt anukfohkvt isht e hvchim ahanta ka hvchim otaiyana chi kak atuk oke.

13. Yvmohmi hoka nan isht hvchi nuktanla ka isht a pi nuktaiyala hoke; ahli, yohmi hokvt Titos yvmmvt im anukfila hut hvsh moyuma kak o nan isht a nuktanla tuk okvt, na yukpa kak o pishno vt na pi yukpa pim atampa tuk oke.

14. Hvchishno pulla hatuk mak o isht im ilauata li tuk oh kia, sa hofahya keyu; yohmi ka ai ahli hō nana moma isht e hvchim anumpuli kut, Titos itikba yō na yukvt il ilauata ha tuk a, yvmmak ash ot ai ahli bieka hoke.

15. Yohmi ka nukshohumpa, micha wvnihinchi aiena hosh yvmmak ash hvsh aiokpvchi cha, nana ka mominchit hvsh im antia tuk a ithaiyana momvt, yvmmak ash ot im anukfila isht hvchi kana kut in laiyawa atampa hoke.

16. Yvmohma hoka nana moma ka hvsh ai ahli ka hvchi yimmi li kak osh na sai yukpa hoke.

CHAPTA VIII.

Ūbanumpuli ilvsha Cheluselvū gaha ka peh pilla nana ka isht apelacha he i miha, 1; 7 vbanumpuli Masetonia ai ashvt nan akanioh-

mi ka hobacha he. 8 Chihowa nan isht i kana anukfoynka pulla hosh; 14 Klaist a iakaia pulla hosh yvmihcha he; mikmvt nana ka yekmichi kv̄t ilap shilombish nan im achukmali pulla ka, achi.

1. YUMOHMI ka itibapishi li vhleha ma! Masetonia yakni chvch a hiohli ka Chihowa hv̄t ilap nan isht i kana yo ihima ma,

2. Nan imomaka pisa chinto a palvmmi kak o nan isht im il aiyukpa kv̄t lāwa, yohmi mvt ilbvsha fehna yatuk vt ilap nan ahnit nan itahobi kv̄t, lauachi fehna tuk a isht e hvchim anolishke.

3. Nan isht il ilauechi, ahli, nan isht il ilauecha hi a im atampa ak inli kia, yvmihcha he ahnit, ilap inli nana im anukfila hatuk o atokowa anoli li hoke;

4. Nan isht i kana yash il ishi cha, na yimmi ahli vhleha isht im ia ka ibachvvt il apelvcha hi a, okla ai ahni fehvt pim asilhha tuk oke.

5. Yohmi kv̄t ilvppak o okla yvmihchi tuk, yohma he ahnit pim anukfila tuk keyu; yohmi kia na tikba Chitokaka yoka okla il im issa cha, anonti Chihowa nan ai ahni pulla ho pishno ma pim il issa tuk oke.

6. Yohmi hatuk o nana ka isht wakaya hatuk okvt, Titvs ak osh nan isht i kana hvsh bohla he yvmmak ash kia hvchi ai itahobit tahlā hi a, il im ahni tuk oke.

7. Yvmohmi hoka na yimmi, micha anumpuli imponna, micha nan ithana, micha tushvt anukfohkv̄t nana ka isht ahanta, mikmvt hvsh pi hullo aiena, nana moma ma isht a hvchim vltaiyaha laua ka, chohmit nan isht i kana ilvppak kia hvchin lauashke.

8. Nan vhpisa yo isht anumpuli li keyu, amba inla tushvt anukfohkv̄t nan achunanchi yak oke; yohmi kv̄t na hvshi hullo ai ahli kak o otvninchi la he ak atuk oke.

9. Hvpin Chitokaka Chisvs Klaist, yvmmak okvt nan in laua yatuk kia, hvchishno pulla kak o ilbvsha yo toba tok; yvmvt nan ilbvsha pulla hatuk mak o na hvchin laua chi hatok vt hvsh ithana hoke.

10. Yohmi ka tikba kash isht hvsh wakaya kv̄t, nana ka hvsh yvmihcha he ak illa keyu, amba afvmmi achvfa foka

kash yohmikbano ahnit, hvchi anukfoyuka ak inli tok, ilvp-
pvt nan isht hvchim vlhpesa hoka, vno nana anukfilli li kv
anoli lishke.

11. Yohmi hoka himonasi ya nana kv ai yvmohma he
yatuk ash hvsh yvmihchashke: yohmik bano ahnit hvchim
vlhtaiyaha hatuk okvno na hvchim asha ka isht hvsh ai ghli-
chi kv, hvchim vlhtaiyaha ak inlashke.

12. Im anukfila ak osh nan tikba yohmikbano ahni ha
yatuk okvno, hatak yvmmvt nana ho ishi tuk ash isht vlhpisa
ho ima kv isht ai vlhpesa hoke, amba yvmmak ash ot nana
hash ik isho ke tuk ak osh isht ik im ai vlhpiso chatuk keyu.

13. Hvchishno ak osh na hvchi weki, nan inla yvto nan
ik ahalaio ka hi o miha li keyu.

14. Amba ai itilauashke, yohmi hoka himonasi ano na
hvchin laua yak osh ilbvshvt na bvna yak o apelvcha chi;
yohmi tukma ilap nan in laua yak kia ilbvshvt na hvchi bv-
nakma hvchi apelvcha chi; yohmikma nana kv ai itilau kv;

15. Kvna hosh nana ka lauachit itahobi hatuk kia, atampa
kv ik im iksho hoke; mihma kvna hosh ik lauachot itahobi
hatuk kia, ak im ono keyu, achi hosh holisso ka chohmi
hoke.

16. Yohmi ka achilitvt nana yvmmak ash isht hvchim
vta chi ka, Titvs im anukfila ha Chihowa hv anukfohki-
chechi tuk a yak oke, im ahni lishke.

17. Yvmmak ash osh nan in tohono li ka aiokpanchi
fehna mvhli hatuk; yohmi kv ilap inli nan im anukfila kv
achilitvt, ila tushpa fehnvt hvchi maya hatuk oke.

18. Yohmi ma vbanumpa pulla hatuk mak o chvch hi-
ohli moma ka im a holitopa il itibapishi ha, tuklonchit pit e
pila hatuk.

19. Yohmi kv yvmmak bano hatuk keyu, amba Chito-
kaka yvmmak ash inli kv isht a holitopa chi, mikmvt nana
kv yohmikbano ahnit hvchim vlhtaiyaha tuk vt otaiyana
chi ka, nan isht i kana ilvpapak okvt pishno pulla hatuk mak
o ai yvmohmi tuk a yvmmak ash ieshit pi takla nowvt aya
chi kv, chvch vhleha ho yvmmak ash ot ai im vltokowa
ak inli tuk oke.

20. Nan isht i kana laua ilvppak ash yakohmichit isht il ahanta na kva kia nan isht ik pi mihacho ka chi ka, ilvppa ahah ! il ahani tuk oke.

21. Chitokaka itikba ak illa keyu, amba hatak puta itikba yak kia, nana kvv vllhpiesa ho isht iloh il otvniacha hutuk oke.

22. Yohmi kvv himonna imomaka e pihisa na nana lgwa ka achunanchi yatuk il itibapishi, mihmak o ibafokit pit e pila tuk ; yohmi ka hvchi yimmi chinto kvv nana ka achunanchi i shahli fehna chi pulla hoke.

23. Hvchishno yatuk mak o kvnia kia Titus a a ponakla he yoba ka, yvmmak okvv vm itapela, micha na svba toksvli yoke ; yvmmak keyukvv hvv itibapishi vhleha hash a ponakla he yoba ka ; yvmmak okvv Klaist nan isht a holitopa chi ka, hvvch hiohli puta ho ai im vllhtoka vhleha hoke.

24. Yvmohmi hoka nan isht hvsh i hullo, mikvv hvchishno a nan e hvchi yimmit isht il ilausta hatuk ash atokolit ghlich i kvv, hvvch hiohli puta, mikvv ilvppak ash aiena ka hvsh im otvniinchashke.

CHAPTA IX.

Achakalimchi kvv peh pilla nan ima he akv anukfokichi, 1 ; 6 na holokchi nihi yv isht ita pesa hvsh na hokchi tok ayuk ali kak osv vma he, achi ; 7 aiokpanchit nan ima kak o Chihowa yv holitoblich i ; 10 pilla nan isht i kana lauachi yv Chihowa hvv ilap nan isht i kana yv lauachit ima.

1. **UBANUMPULI** ghli vhleha nan isht im ahanta he imma yvmmak ash okvno, nan isht mihvv hvchi holisso chi la he vm vllhpesa keyu.

2. Yohmik bano ahni kvv hvchim vllhtaiyaha hatuk, mihma Akaia ai asha kak kia avvmmi achvfa foka kash nana kvv im vllhtaiyaha hatuk, mihi yash o Masetonia ai asha ka isht im ilausta li hatuk ; yohmi hatuk o na hvsh a mosholi kvvkv kvv laua fehna ka yimitvchit anukfohkiechi ka ithaiyana lishke.

3. Yohmi ka ilvppak ash o hvchim vllhtaha chi ka, achi

tuk mak osh il itibapishi vhleha hā pit tibleli li tuk oke; yohmi ka nan isht e hvch ilauwaiyata tuk ash q ont ik ai ahlo keyu ka chī kak atuk.

4. Masetonia hatak ash q̄t si apihvt ona yoba cha, nana kv̄t ik hvchim vltaho ke tuk q̄ ont ahayuchi na, na yimmit isht ilauwaiyata tuk mihi yq̄ ai isht a pi hofahya hinla kv̄t, hvchishno ak a he okvno il achi keyu.

5. Yohmi ka il itibapishi vhleha hash ot tīkba hvchim gya cha, nan isht hvsh ī kana he vt isht anuhumpa tuk ash, tikbanli atahla he vlhpesa ahnit, ī miha li tuk; yohmi ka pilla nan isht ī kana yvmmak a he ash ot vltaiyaha kv̄t, nan il ahayuchi bv̄nna yq̄ ik chohmo kashke.

6. Yohmi ka kv̄na hosh ik lauacho hosh hokchi hokvto, mihi yosh ik lauacho hosh vma chī ak inli hoke; mikma kv̄na hosh lauachi hosh hokchi hokvto, mihi yosh lauachi hosh vma chī ak inli, ilvppa achi lishke.

7. Kv̄na kia ilap im anukfila hak q̄ na tīkba nan isht ik ahni ha yosh hatak moma kv̄t nan ik imā; isht nukhaglo keyu, mikmvt yohma hi atuk ahni kak q̄ keyu; aiokpanchit nan ima yak q̄ Chihowa yvto ī hullo hoke.

8. Yohmi ka Chihowa hv̄t nan isht ī kana moma ka isht hvchim a lauacha hinla kv̄t im vlhpiesa hoke; yohmikma nana moma ka isht hvch im vltaiyaha biekv̄t, na tokavli achukma moma mvt isht a hvchin laua hi oke.

9. Yvmmv̄t na fimmi hatuk; micha yvmmv̄t ilbvaha yq̄ nan ima hatuk aiena kv̄t, nan ai vlhpiesa hq̄ yvmihchi tuk q̄ takali na bilia hi hoke.

10. Yohmi ka kv̄na hosh na hokchi q̄ na nihi im atahli yak osh hvchim ilimpa chī pv̄ska ma ik atahanli, micha hvchj na nihi hollokchi tuk ash ik ibakahanli, mikmvt na hvsh a kaniohmi ai vlhpesa im vni yq̄ ī shahlichit ik ibafoh-oki; achi hosh holisso hoke.

11. Nana ka lauachit hvsh ima chī kv̄t, nana moma isht a hvchin laiyauwa ka yvmmak osh pishno pulla hatuk mak q̄, lgwa kv̄t Chihowa hā yak oke im ai ahna chi ka, nukfohkih-inchishke.

12. Nan isht apelhuchi ilvppak oka isht ahanta kv̄t vba-

numpuli ahli vheleha nan ik im iksho kash o nan im atahli illa keyu, amba Chihowa ha lauachit yak oke im ai ahni vheleha ha isht a laiyawa ak inlishke.

13. Klaist im vbanumpa ha im antia hvsh il anohonli; yohmi mvt ilap, micha hatak moma ka nan isht hvsh apelvchi na nan isht apelvchi ilvppak ash o imomaka pihisa pulla hosh Chihowa ya okla holitoblichishke.

14. Yohmi mvt vba isht hvchi anumpohonli pulla hosh Chihowa nan isht i kana fehna kvv hvchi anukfoyuka chi ka, ai ahnit isht hvchi hullo hoke.

15. Chihowa nan isht i kana yvt anumpa ho isht annoa he keyu hoka yak oke im ai ahni lishke.

CHAPTA X.

Klaist im apostel atuk osh nana kvv vltoka, mikmvt shilombish imma isht im ai ahli kvv anumpuli.

1. YUMOHMI kvv Klaist chukvsh yohbi, micha chukvsh nukhobela iksho pulla ho, vno Pal sia hvv hvchi kanvt hvchi tohono lishke; hvchi takla antakmvt, im anukfila akanlosi, amba hvchi filvmmikmvt, hvchi nukwaya iksho sia mak oke.

2. Yohmi kvv haknip imma nan ahni ho nana ka e yvmihchi tuk a kanimi kvv pi ahobachi, yvmmak okvno nukwaya ikshot i kvvlo li kvv hvchi takla ont anta li hokmvt, nukwayvt ak hvchi kvvlo ka he ak osh hvchim asilhha lishke.

3. Yohmi kvv haknip o il ai ahanta kia, haknip imma nan ahni yo ai isht e tanahampi keyu.

4. Nan isht e tanampi yokvto hatak osh nan isht tanampi yo chohmi keyu, amba Chihowa pulla hatuk mak o kvvlo ai ahli hosh nan a holihta kvvlo puta hatuk a yuhlichi yoka.

5. Nan anukfilli ik vhpeso puta, mikmvt nan anukfilli cha-ha, yvmmak okvt Chihowa nan ithana ya i sanalit ilap inli ile chahvchi moma ka ishit e kanchi, mikmvt Klaist a im antia chi ka, nan isht pim anukfila moma ka e yukahanchi yoke.

6. Yohmi ka na hvsh im antia he tuk vt ont a hvchim ai

ghlikma, nan ik im antio moma kvno nana kvt isht-ai im vlhpiesa mak o isht il i yvmihcha he vt pim vlhtaha hoke.

7. Nashuka yo chohmichit nana ka hvsh pihisa ho? Kv-na kia Klaist immi sia, ahnit ilap inli il anukchieto hokmvt, atuklant ilap ak inli hosh ilvppak ash ik anukfilli, yvmmak ash ot immi sia, ahni ka, yvmmak inli ho chohmit pishno kia Klaist immi pia, il ahni hoke.

8. Yohmi kvt nana a pi vlhtoka tuk pulla ho nana ka i shahlichit isht ilauwaiyata li ka isht ik hvchi okpulo hosh, achukma i shahlit hvsh mahaya hi o, yvmmak ash Chihowa yvt pima hatuk oka, sa hofahya he keyu hoke.

9. Yohmi kvt holisso ho isht a hvchi nukshopli la he, ahni li tuk a ik si ahobo ka chi kvt, ilvppak o yvmihchi li hoke.

10. I holisso hokvto weki, micha kullo, yohmi kia ilap haknip fehna otaiyani hokmvto ik kullo, micha im anumpa mvt ik ahobo hoka, yvmmak ash ot achi.

11. Yvmma chohmi tuk ak osh ilvppa ik anukfilli, yohmi ka il i filvmmik mak osh holisso pulla ho anumpa yakohmi ka e yvmihchi kv, pishno fehna il otaiyani hokmak heto, nan isht il anta kv, yvmmak ash atuk ak inli ho e chohma hi oke.

12. Kanima kv ilap inli il ahninchit vhleha, yvmma pishno vt isht il iba hotehnachit, isht il it apesa keyu; yohmi ka ilap inli ahninchit nan isht il apesa vhleha, micha ilap inli ka isht il it apihisa vhleha aiena hokvto hopoyuksa keyu hoke.

13. Yohmi ka nan isht a pim vlhpisa ya ont atampa hokvno nan isht il ilauwaiyata he keyu; amba nan isht vlhpisa pulla yvmmt hvchishno ak kia hvchim ona he, nan vlhpisa yo Chihowa yvt pim apesa tok ak oke.

14. Ik hvchim ono ke tuk ak inli ho chohmit nan isht a pim vlhpisa ya pit il atamplit il ile mahampli keyu; Klaist im vbanumpa isht anumpohonli ak inli hosh hvchishno a e hvchim ona hatok:

15. Nan a pim vlhpisa, yash pit atamplit hatak inla im a pilesa yokvno nana ka isht il ilauwaiyata he keyu; amba na hvchi yimmi hatuk vt i shahlit hlampko na nan isht a pim

vlhpisa hash o, hvchishno pulla hq isht a pi chito fehna he ak o il ahni.

16. Yohmikmuno hvah ai asha ka mishu vbanumpa isht il anumpohonli kvv, hatak inla nan isht im ai vlhpisa ai vlhtaiyaha hq isht kil ilauwaiyata ka chi hatuk.

17. Yohmi ka kvna hosh ilauwaiyata hokvto, mihi yesh Chitokaka yo isht ik ilauwaiyatá.

18. Kvna hoh kia ilap inli il ahninchí kak osh mihi yosh helitopa keyu, amba kvna hq Chitokaka ak osh ahninchik mak oh chatuk oke.

CHAPTA XI.

Kolinhlia ya i hullo pulla hosh ilap inli il ahnichit vbanumpeshi moma i shahli ka ili tilauechit anohonli: 9 vbanumpa ha pilla isht im anumpohonli hatuk, vba nan vlhpisa imma nan achi ka ai itilau.

1. NAN isht ilauwaiyata li kanomosi ka ant ik yohmi, hvs sum ai ahnikbano hvchim ahni li; yohmi ka ant ik yohmi, hvs sum ahna chi pulla hoke.

2. Chihowa anukfoyukvt nan isht i hullo mak o isht hvchi huhulo li hokvt: ohoyo himita hopoyuksa ghli hatak haleli keyu chohmi mak o, hvch ishit Chisvs a im otvvinchi la hi mak osh, i hatak achvfa chi ka hvch it im apovvchi li hatuk.

3. Yohmi tuk kia sinti okvt ilap kostinj pulla kak osh If a haksichi tok a, chohmit na hvchim anukfila hash ot shanaia na nan anukfilli apiassali achvfa, yvmmvt Klaist ak o ai achvfa yash o hvsh i filomma hinla ka, sa nukshohumpa hoke.

4. Kvna hoh kia Chisvs inla yvmma isht il anumpuli tuk ash keyu hq isht anumpulit aya, micha Shilombish inla yvmma hvchi anukfoyuka tuk ash keyu hq hvchi anukfoyuka, yvmmak keyukmvt vbanumpa inla yvmma hvah aiokpuchi tuk ash keyu hq hvsh aiokpuchi hokmvt, ant ik yohmi, hvsh im ahni vlhpesa hoke.

5. Apostel moma i shahli fehna kak kia ik alauecho sia keyu, vm abeha hoka.

6. Yohmi ka anumpuli hokvt ik imponno sia, yohmi kia nan ithana kak o keyu ; yohmi kvv hvch itin takla ya nana moma ka achukmalit isht e hvchim otaiyani hatuk oke.

7. Nan isht hvchi holitopa chj ka il akanlosechi lish, Chihowa im vbanumpa hq pilla isht hvchim anumpohonli li kak osh nan ashvchi li hatuk o ?

8. Hvchi apelvchit nan isht hvchim ahanta la chj kvv, chvch hiohli inla yo nan im ihjshi li kvv, ilap ak osh nan atobbi hq ishishi li hatuk.

9. Yohmi kvv hvch iba takla ahantvt na sa baiyvna kia kvna hosh na hvchi kvnia tuk keyu ; nana kvv ik sum ono ke tuk okvno itibapishi li vhleha Masetonia minti hosh vm atahli tok ; yohmi hoka nana moma ka isht ak hvchim ile wekecho ke tuk ; yohmi hokvt yvmmak o a si yvmohma chj mak oke.

10. Klaist nan isht im ai ghli yvt a sa nukfoyuka hosh, nan isht ilauwaiyata li ilvppa kvna hosh Akaia afullota anta kvv, svsacha he keyu hoke.

11. Nanta katiohmi hq ? hvchi hullo li keyu kak o ? Chihowa hvv ithaiyanvshke.

12. Amba anumpa si onochi bvna kia, anumpa isht si onocha hi vt ik im iksho ka he ; micha nana ka isht ai ilauata hatuk vt pishno ak inli hq chohmit otaiyana chj kak o, a kaniohmit ahanta li hatuk vt, yvmmak o ai yvmohmit ahanta la chj hoke.

13. Yvmma chohmi kvv vbanumpeshi ghli keyu hoke ; na baksichi yosh Klaist nan isht im vtta ilahobi hoke.

14. Ilvppvt a yakohmi ka anukhlakancha he vhpesa keyu ; Setan ak fehna ak kia inlvv tobtv a tohwikeli ka im enchil ilahobi chatuk oka.

15. Yvmohmi hoka yvmmak ash in tishu vhleha ak kia inlvv tobtv, nan isht ai vhpiesa in tishu vhleha hq holba hokvt na fehna keyushke ; yvmma im ishtaiyopi yvt ilap vt nana a kaniohmi chatuk ak inli hq chiyuhma hi oke.

16. Hatak nana kia im anukfila iksho ik si ahno kashke : yvmmak keyukmvt im anukfila iksho si ahni boh kia, vlv-

pesa vm ahni; vno ak inli kv̄t iskvtinosi ka isht ilauata lashke, anonti achi lishke.

17. Ilvppa puta anumpuli li kv̄t Chitokaka ak o iakaiya hosh anumpuli li keyushke; amba im anukfila iksho yo chohmit nukwaya iksho hosh isht ilauata ilvppa anumpuli lishke.

18. L̄awa kv̄t haknip imma ka isht ilauata kak o, vno ak kia isht ilauata li ak inla ch̄i chishke.

19. Hvchishno vto hvchi hopoyuksa kak osh, im anukfila iksho a yukpa hosh ant ik yohm̄i, hvsh im ahni hoka.

20. Hatak okv̄t yuka h̄o hvch ikbi hokm̄a, keyukm̄v̄t v̄p̄v̄t hvchi tahli hokm̄a, keyukm̄v̄t nana hvchim ai ishi hokm̄a, keyukm̄v̄t ile chahvchi hokm̄a, keyukm̄v̄t hvchi nashuka ya isso hokm̄a, nana kia ant ik yohm̄i, hvsh im ahni hoke.

21. Ik ahobo hatuk osh isht a hofahya hi o chohmichit anumpuli lishke. Yohmi ak inli hoh kia kanima kv̄t nana ka isht ik nukwayo kv̄t asha hokma, nan im anukfila iksho chohmit anumpuli hosh, vno ak kia isht ik sa nukwiyo ak inlishke.

22. Heblu okla h̄o? vno ak kia yvmmak o sia hoke. Israel okla h̄o? vno ak kia yvmmak o sia hoke. Eblaham ak o isht atia h̄o? vno ak kia yvmmak o sia hoke.

23. Klaist in tishu h̄o? im anukfila iksho chohmit anum-puli li kv̄t, yvmmak oka i shabli li hoke; yvmma i shahlichit toksvli li hoke, atampa h̄o sa fahama hoke, aboha kv̄llo fohoka li chatuk, a sv̄lli naha kv̄t laua chatuk oke.

24. Chu okla h̄a pokoli ushta ch̄i ma achvfa hosh iksho h̄o tahlapi ha im a sa fahama tok.

25. Hituchina ha fuli isht sa fahama tok, himonna ka tv̄li isht sa boa tok, hituchina ha, peni fohkv̄t aya li tok a okpulo tok, ninak achvfa nitak achvfa aiena ka okhvta pakna takakanli li tok.

26. Anowa hopaki kia himonna a noh̄owa li, oka kia isht vm a palvmmi, na wehli kia isht vm a palvmmi, a yakni achvfa okla hak kia isht vm a palvmmi, vbanumpa ik ithano ma isht vm a palvmmi, tmaha anukaka kia isht vm a pa-

lvmmi, yakni haiaka kia isht vm a palvmmi, micha itibapishi li ilahobi vhleha kia isht vm a palvmmi;

27. Hoyohambli, na hotohompa, himonng nusi vm okpo-honlo fehna, himmonng hohchvot, ituk shihinla, micha kapvssa ka, haknip bieka aiena hosh isht vm a palvmmi hatuk.

28. Nana ilvppa moyuma kvv kochanli a mintit a si onv-tohonla ma, nitak moma ka chvch hiohli puyuta nana isht anukfilli mvt a si onvtohonla hoke.

29. Kvta hak osh ik hlampko na vno ak osh sa hlampko hq? kvta hak osh ibetvbli na vno ak osh ik sa nuklibisho hq?

30. Nana ka isht ilauata la he vhpesa hokmvt, nana kvv isht a ik sa hlampko imma kak q isht ilauata la chj hoke.

31. Chihowa pin Chitokaka Chisvs Klaist Iki, holitopa bilia yak osh, holabi li keyu ka ithaiyana hoke.

32. Hatak pehlichu miko Aletas nutaka ahanta tuk vt Tamaskvs q si ai yukachi bvna kvv, Tamasenes tvnaha ha tvshka chipota atonichi tok.

33. Yohmi na kishi hq fohkvv tvli holihta okhissushi a hlöpullit aka ona hosh yvma ibbak q i hlakofi li tok.

CHAPTA XII.

Isht il anumpohonli mvt vba atuchina ka nana kvv auct im atokvvt im otvni tok vt anoli, 1, 9 yohmi kia nan isht ik hlampko ak q isht aholitopa hi vt ahni, iki nan i kana mak q chohmit im aya chj kvv im anoli.

1. NANA ka isht ilauata la he okvto vm vhpesa keyu ak inli chishke. Nana ka Chitokaka yvt sa pisachit vm otvninchi tok ak q isht anumpuli li la chj hoke.

2. Afvmmi auah ushta atampa kash hatak Klaist ibai achvfa ka ithanali tok; yvmmvt haknip q a fohka hokmá nana tok chishba, ak ithanoshke; keyukmvt haknip q ai i filvmmi hokmá nana tok chishba, ak ithanoshke; Chihowa ak osh ithana; yvmmak atuk ash q hoklit vba ont atuchina ka isht ona tok.

3. Hatak yvmma chohmi ka ithana li tok, haknip o a fohka hokmá, haknip g ai i filvmmi hokmá nana tok chishba, ak ithanoshke; Chihowa ak osh ithana hoke.

4. Yvmmak ash o hoklit Palatais g isht ona na, anumpa he keyu puta hatak okvt anumpula he vhlpiesa keyu hq haklo tok.

5. Yvmma chohmi kak o isht ilauata la chi hoke: yohmi kia vno ak inli hokvno isht ilauata la he keyu, amba nan isht ik sa hlampko puta kak a hi oke.

6. Isht ilauata ik sa bunna hoh kia, vm anukfila hokvto iksho ka he keyu hoka; ghli hq miha la hi okvt; yohmi kia ilolambi lishke; keyukma hatak kvna kia sa kaniohmi hq sa pisa, micha a sa haklo kv, isht i shahlichit isht si anukfilla hinla hoke.

7. Micha nana vm otvni apakna pulla hq isht chahvt ak atapo ka chi kak o, kvti haknip shamvli, Setan in tishu mak o ahama kv, isht chahvt ak atapo ka chi kak o, ishit sahgeo ya chi hatok.

8. Ilvppa pulla kak o Chitokaka ya hituchina ha im asilhha li kv, ilvppak ash osh vm a filvmma chi kak atuk oke.

9. Mihma, Nan isht vm i kana yvt isht chim vhlpesa hoke; nan vm isht hlampko yvt ik hlampko yak o isht im ai vlhtaha yoka, vm achi tok. Yvmohmi hoka Klaist isht i hlampko yvt si onvtuyula chi ka, nan isht ik sa hlampko isht ilauata li kak osh vm vhlpesa chi hoke.

10. Yvmohmi hoka Klaist pulla kak o nan isht ik sa hlampko puta, nan isht sa hofahyali puta, nan isht hotopa puta, na palvmmi atukonofa a hlakofa he keyu puta kak o, isht il ai yukpa li hoke, ik sa hlampko hok mak osh, sa hlampko hokvt.

11. Isht ilauahanta li kak osh ik hopoyukso yo toba lishke; hvs si atoblichit tuk oka; ahninchit isht hvs si anumpula he vhlpesa tok oka: nana hq ai ahomba keyu kia, apostel vhleha i shabli fehna kak kia gaha ka hikia li keyu hoka.

12. Apostel isht atokowa yvt hvch itin takla ya ai

yvmohmi kvt, nan nuktaiyalvt achunanchi, nan isht atokowa puta, nan isht nukhlakvshli puta, na fehna yvmihchi puta aiena moma ka, isht ai yvmohmi muhli tok.

13. Nanta hak o chvch inla puta ka isht hvch ik a lauwo tuk oh cho? nana ka ak hvchi kullo ilvppak atuk ak o? vno fehna kvt hvchim ashvchi li tok ilvppak atuk ash hvs sa kashofashke.

14. Yakeh! ont isht atuchina mak o hvch im ona la chi kvt vm vlhtavshke: yohmi kvt hvchi kullo la chi keyu; na hvchimmi hak o keyu, amba hvchishno yak o hoyo li hokvt. Ulla yak osh iki micha ishki ita tuklo ka nana im ahayucha he vlhpesa keyu, amba iki micha ishki ita tuklo kak a hetuk oke.

15. Micha hvchishno pulla kak o a lushumichit ik si ataba kia sai yukpa fehna hi oke: hvchi hullo li kvt isht i shahlichli li fehna kia, ik lauwo hvchim a holitopa li hoke.

16. Yohmi kia ant ik yohmi, hvchi kullo li tok keyu: yvmohmi kia i kostini li hatuk osh, a haksichit hvchim ishi li tuk o, achi hoke.

17. Hvchi pila li tuk yvmmak ash o kanimi ka nan isht hvch im ai ishit il ahayuchi li tuk o?

18. Titvs vt hvchim ona he, ahni lish, itibapishi ma aieninchit pila li tok. Titvs vt na hvchim ai ishit il ahayuchi tuk o? anukfila achvvt il itvnova tuk keyu? ataya achvfa ho il ai itvnova tuk keyu?

19. Anonti nana isht hvchim il il a miha, hvchim ahoba cho? Klaist g iba foyuka hosh Chihowa itikba ya il anum-pulishke, yohma kvt nana moma e yvmihchi kvt, pi holitopa fehna vhleha ma! isht hvsh a hlampka he ak oke.

20. Yvmmak keyukma ona likmvt, itachowa, it i potvno, it i nokowa, it i nukhobela, gshaka nana a mihachi, iti shukshort na mihachi, ilefehnvchi, itakvshkoa, hvsh aiena cha vlhpesvt hvsh maya na, hvchi ahayuchi la hetuk ash osh keyu ho hvchi ahayuchi li, yohmikmvt a kaniohmi li hvs sa pisa hetuk ash o keyu hosh, hvchim otaiyani la he ka, ahnit sa nukshohumpa:

21. Yohmi ka anonti ona likma, an Chihowa yvt a hvchim

itin takla a si akanlosechi na nan ai ashvchi mashko tuk vt na liteha, micha na havi, micha chukvsh nan isht havi aiena ka yvmohmi tuk vt, i filvmmi ik ile kostinincho kisha tuk o isht yahaya li yoba ná.

CHAPTA XIII.

Nan ibetvblichy vhlaha hvv ile kostininchi keyu ka nana im apesa hi vt miha, 1 ; 5 nana ka a yimmi hatuk vt il imoma ka pisvt ik ono kisha hq nan a kaniohmi atuk vt falamvt il a chukmala hi a achi.

1. ILUPPUT isht atuchina mak o hvchim aya lishke : Nan atokoli tuklo, tuchina itih hq anumpa moma kvv isht ai aghlashke.

2. Tikba hoka hvchim anoli li tok osh, anonti atukla mak o hvchi takla anta li chohmit tikbanli hvchim ano li lishke ; yohmi kvv himak a ik saksho hatuk osh tikba ka yoshuba tok ash, micha inla moma aiena ka pit i holissochi li, yohmi kvv anonti ona likmvt, apoanchi la he keyu hoke.

3. Klaist vt isht si a hvchim anumpohonli tuk a atokowa hvsh hoyo hoka, yvmvvt hvchishno yokvno ik hvchi hlampko keyu, amba hvchi ai a hlampko hoke.

4. Ik hlampko hosh ititaiyukhvna a takalit illi tok kia, Chihowa imi hlampko pulla hq okchaya hoka, pishno ak kia yvmma iba chafvt ik pi hlampko ; yohmi kia Chihowa imi hlampko yvt hvchi onvtula chi pulla ka, yvmmak ash iba chafvt pi okchaya chi hoke.

5. Ai yimmi ka yoka hvsh ibai achvfakma, nana kvv hvchishno inli hvsh ile pisashke ; hvchishno inli imomaka hvsh pisashke. Hvchishno inli hvch ik ithano cho ? Chisvs Klaist vt hvch iba foyvka ka, ik ai ghlo hvchia keyukmvt.

6. Yohmi ka pishno yvt ik ai ghlo pia keyu ka, hvsh ithana chi ka sa yimmishke.

7. Micha Chihowa ya pit im asilhha li kvv, nan ik vlvpeso ka ik hvchi yvmohmo ka he ak oke : il ai ghli kvv isht il otvna he ak keyu, amba ik ai ghlo yo pia e chiyuhmi kin, hvchishno yokvto nana achukma kak o hvsh yvmohma he ak oke.

8. Anumpa ghli il i sanali kv̄t nana e kanihma he keyu, amba anum̄pa ghli yā il apelv̄chi yak oka.

9. Ik pi hlampkokm̄vt, hv̄chi hlampko kak o, pi yukpa hokv̄t: anonti ai ghliṭ hv̄chim v̄lhtaha he ilv̄ppak kia e hv̄chim ai ahni hoke.

10. Yvmohmi ka ik saksho hosh ilv̄ppa puta ka hv̄chi holiasochi lishke, ilv̄ppak atuk keyukm̄vt ont hv̄ch iba takla anta likm̄vt, Chitokaka isht im ai ghli isht hlampkochi la he, micha isht okp̄vni la he ak keyu hō vma tok ak o anumpa ishit halup̄vchi la hetuk yoba ká.

11. Ishtaiyopi ka itibapishi li v̄hleha ma! na hv̄chi yukpashke. Ai ghliṭ hv̄chim v̄lhtashke, ahopohla achukm̄vt hv̄chim anukfila achv̄vt, it i nanaiyv̄t hv̄sh ai ashashke; mikma Chihowa holitoblit nan isht it i nanaiyv̄chi yosh hv̄chi anukfoyuka chi hoke.

12. Suksowa holitopa yō isht hv̄sh it aiokp̄vchashke.

13. V̄banumpi yimmi ghli puta kv̄t pit hv̄chi aiokp̄vchishke.

14. Chitokaka Chisvs Klaist nan isht i kana, micha Chihowa isht i hullo micha Shilombish Holitopa ai itibai achv̄fa aiena kv̄t hv̄sh moyuma ka hv̄chi anukfoyukashke. Amen.

HOLISSO PAL VT

CHVCH KALESHAN

YAKNI A HIOHLI HQ I HOLISSOCHI TOK.

CHAPTER I.

Hatak keyu, amba Chihowa pulla hosh vbanumpa isht anumpula chi ka atokoli tok a Pal vt achi, 1: 6 Kaleshan vbanumpuli vt chekosi vbanumpa ha i filami kak o okokko! ahnit miha; 11 hatak o keyu, amba Chihowa yo vbanumpa ha im ai ithva; 14 nana ka ik vlhtoko kisha kvv hatak kaniohmi hatuk vt anoli, 17 yvm-mak atuk vt ont i himmak o im anukfila kaniohmi kvv anoli.

1. PAL apostel sia kvv hatak kaniohmi ho nan a si vlh-toka tok keyu, mikmvv hatak nan ahni hatok keyu, Chisvs Klaist, micha Iki Chihowa, yvmmvv illi tok a falaminchit tanichi tok ita tuklo kak atok:

2. Yohmi ka itibapishi li vhleha si apehvv maya kvv, mo-mvv chvch Kaleshan yakni hiohli ka pit hvchi aiokpvchi lishke.

3. Iki Chihowa, micha hvpin Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyukashke.

4. Yvmmak okvv Piki Chihowa nan ahni tok mak o yakni ik achukmo ilvppa a pi a hlakoficha chi hosh, nan il aiashv-chi pulla kak o yvmmak okvv il im issa tok.

5. Chihowa Piki yvmmak osh holitopvv bilia cha bili-ashke. Amen.

6. Chekosi fehna ho Klaist isht i kana isht hvchi hohoyo

tok a i filvmmi, vbanumpa inla yo hvsh eshi ka, okokko !
ahni lishke.

7. Yvmmvt vbanumpa keyu ; amba kanimi kvv hvchi
anuktuklochi cha, Klaist im vbanumpa ha shanaiyvchi bvna
kvv gshvshke.

8. Yohmi kia pishno, keyukmvt vba yakni enchil ak ok-
ma nana hosh vbanumpa inla isht e hvchim anumpohonli
tuk a keyu ho isht anumpulikmvt, okpulot taha he ik im
vlhpisa.

9. Tikba ka e hvchim achi tok a, anonti himak a mih mak
inli ho hvchim achi lishke ; Hatak nana kia vbanumpa hvsh
eshi tok a inla yo isht anumpulikmvt, okpulot taha he ik im
vlhpisa.

10. Himak a hatak ak osh, keyukmvt Chihowa ak osh a
kana he ahni li cho ? hatak o yukpali sa bvna ho ? hatak
ak o yukpali li momakmvt, Klaist in tishu sia ha he keyu
hokvt.

11. Amba itibapishi li vhleha ma ! hatak nan ahni keyu
ho vbanumpa isht anumpohonli li tuk vt hvch ithvnanchi
lishke.

12. Hatak o im ai ishi li tuk keyu, micha im ai ithvna li
tuk keyu hokvt ; amba Chisvs Klaist ak osh vm otvninchi
hatuk.

13. Nitak chashpo ma kaniohmit Chu okla im vbanumpa
anukfoykvt gyvt, atablichit Chihowa in chvch a ilbvshalit,
chukilisevchi li ;

14. Yohmi kvv Chu im vbanumpa ithvna li kvv, vm okla
achvfa ai itilau li laua ka i shaiyahlit, an tikba vhleha im
anumpa vlhpisa ik holisso atok a amosholi li fehnvt im antia
li tok a, hvsh haklo tuk oka.

15. Yohmi tok kia Chihowa yvmmak osh hvshki im
oshvto ya ai ishit sa kohchi cha, isht i kana isht sa hoyo tok,

16. Yohmi kvv vlhpesa ahni cha, Ushi ya si ai otvninchi
kvv, vbanumpa ik ithano vhleha ha vbanumpa isht im anum-
pohonli la chi ak atok ; yohmi mak inli ho hatak nana kia it
im anumpuli li tok keyu.

17. Mihmvt Cheluselem a ivt apostel vhleha sa tikba tok

g ont pisa li tok keyu; amba Alabia yak o ona li tok osh, anonti falamvt Tamaskvs g ona li tok.

18. Atuk osh afvmmi tuchina ma Pita ya pist ia hosh Cheluselem g ona li tok; mihmvt ibai anta li nitak auah tahlapi tok.

19. Yohmi kia apostel vhleha inla yano ak peso, Chemis Chitokaka itibapishi ak illa tok.

20. Chihowa itikba yo hikiot nana puta hvch i holissochi li kv, holabi li keyu ka ho pesá.

21. I himmak o Silia, micha Silisia foka ka ona li tok.

22. Micha Chutia chvch puta Klaist ibafoyuka yvt sa nashuka ya ik peso kisha tuk atok.

23. Amba chashpo ka pilbvshali tok yvmmak ash ot himak ano ai yimmi ka tikba ka okpvi tok vt isht anumpohonli ka haklo kak illa tok.

24. Micha vno ak atuk mak o Chihowa ya holitobli tok.

CHAPTER II.

Atukla ma Cheluselem g ia tok, nana kv yvmma akaniohmi tok g anoli, 1: 11 Antiak g anta mvt, nana ka a yohma he vhpesa keyu kv Peta yvt yohmi na Pal vt im afvmmi, mihmvt na yimmi kak keyu hokma, kvna hosh nan vhpiesa he keyu ka im anoli.

1. YOHMI tok g i himmak afvmmi auah ushta ma anonti vno, Banabas ita, tuklot Titvs g ilaunlit Cheluselem g il ia tok.

2. Yohmi ka Chihowa yak osh vm otvvinchi na ona lish, vbanumpa Chentail vhleha ha isht im anumpohonli li tuk vt isht im anumpuli li tok; yohmi kia vbanumpa tosholit aya li tuk g peh pilla ná, anonti himmakma vbanumpa tosholit aya li kia peh pilla ná, ahni li hatuk osh luma hosh hatak annoa achukma kak o im anumpuli li tok.

3. Yohmi ka Titvs vt ai awant aya tuk vt, Klik atuk o, hakshuk tupa he i mihija kia, ik yvmohmo ki tok.

4. Yohmi ka yvmvvt itibapishi ik ghlo takla iba chukowa kv, Klaist Chievs puyulla ho a yuka keyut il ahghwa ka pim

akostininha chi hosh lumvt piba chukowa tok ; yohmi kv̄t falaminchit pi yukacha chi hatok ; yohmi tuk kia ik yohmo ki tok oke.

5. Ubanumpa ghli yvt hvchin tonla chi kak o, yvmmak ash o hvshi kanvlli achvfa kia i nutakvt il a kanvlli tok keyu.

6. Amba, kv̄na hosh holitompa vhleha ahoba kv̄t, nana ho kaniohmi yoh kia, yvmmak okvto nan isht vm a kaniohmi keyu ; Chihowa yvt hatak a nashuka yak o pisa keyu ; holitompa ahoba yvmmak ash o it im anumpuli li tok a nana isht abafohki tok keyu.

7. Amba hakshup ik tapo vbanumpa in tosholi la hi vt si vlhtoka ma, hakshup tupa vbanumpa in toshola hi vt Pita ak osh vlhtoka tok a pisa mv̄t ;

8. Pita ya hakshup tupa vbanumpa in toshola he atokoli tok mak osh vbanumpa isht ai ghlich̄i tok, anonti mih mak inli hosh vbanumpa Chentail a in tosholi li ka isht ai ghlich̄i tok oka.

9. Yohmi ka Chemis, Sefas, micha Chan aiena kv̄t pehlichika yo ahoba hatuk osh isht i kana vma tok a pisa mv̄t, vno, micha Banabas, il ita tuklo kv̄t il iba holhtina chi kak o, ibbak isht impakimma ya pima tok ; yohmikma vbanumpa ik ithano yak o im anumpulit il iakma, ilap vt hakshup tupa vbanumpa in toshola chi hatok.

10. Ilbvsha ma il ithana he pim ahni tok ; yvmmak okvno vno ak kia aiokpanchit achunanchi li tok.

11. Yvmohmi tok kia Pita yvt Antiak a ant anta ma, atokovt im asanali li tok, nan ik vlhpeso yohmi tok ak oka.

12. Chemis vt tohno tok a ik lo kisha kano, Pita yvt Chentail a ibai impa tok ; yohmi tok kia ai vla ma, hakshup tupa ya i nukshopa hatuk osh, kohchvt il a filvmmi tok.

13. Mihma Chu inla ak kia nan il ahobi tok ; yohmi kak o Banabas ak kia nan il ahobi ka iba taklv̄t yvmohmi tok.

14. Yohmi kia yohmit vbanumpa ieshit ai vlhpiesvt itvnohwa keyu ho pisa li mv̄t, momvt haklo ho, Pita ya, Chishno vt Chu chia hoh kia, Chentail nana a kaniohmi ka ish yvmohmi cha, Chu nana a kaniohmi ka chik yvmohmo

ho kak osh, nanta katiohmi hō Chentail vt Chu chohmit
ahanta he ish im ahni cho? im achi li tok.

15. Pishno vt Chu yosh il vta tok, yohmi kv̄t Chentail
nan ashvchi pia keyu,

16. Hatak vt vba nan vlhpisa iakaiya kak osh isht ai vlh-
piesa keyu, amba Chisvs Klaist i yimmi hok mak osh isht ai
vlhpiesa ka ithaiyana hosh, vba nan vlhpisa yak o keyu, am-
ba Klaist i yimmi mak o isht a pi vlhpiesa chi kv̄t, Chisvs
Klaist il i yimmi tok; vba nan vlhpisa iakaiya hokvno hatak
nana hosh isht ai vlhpiesa he keyu hoka.

17. Yohmi ka Klaist ak o isht ai vlhpiesa pi bv̄nna ho-
kvto, pishno vt nana ashvchi pia moma hatuk vt otaiyani;
yohmi ka Klaist vt nan ai ashvchi in tishu hō? ik yvmohmo
pullashke.

18. Nana ka okpvni li tukvt anonti ikbi likmvt, nan vlh-
pisa kobvffi toba li hoke.

19. Vba nan vlhpisa pulla hō vba nan vlhpisa ya im illi
li kv̄t, Chihowa yak o ai okchaya la he atok.

20. Klaist a ititaiyukhvna iba takalit sv̄lli hoke: yohmi
kia si okchaya hoke; yohmi kv̄t vno ak o keyu, amba Klaist
ak osh okchayvt sa foyuka hoke; himak a okchayvt haknip
a halaia li moma hokvto, Chihowa Ushi, yvmmvt a hullot si
vlhtobvt illi tok a i yimmi li hosh si okchaya hoke.

21. Chihowa nan isht i kana ya akshuchi li keyu; nan
isht ai vlhpiesa hv̄t vba nan vlhpisa yak o isht atoba, yvm-
mak okmvno Klaist vt pilla illi tok.

CHAPTA III.

Vbanumpa hā i flvmmi ka nani miha; 6 kv̄na hosh yimmi hokvto
nan ai vlhpiesa; 9 mikmvt Eblaham a ibaiyukpa; 10 na laus hō
isht miha hosh ilvppa anoli.

1. IM anukfila iksho Kalesan okla ma! hvchi nishkin a
pisa yō Chisvs Klaist vt ititaiyukhvna atakalit illi tuk vt hv-
chi tikba ya ai anohowa tok a, kv̄ta mak osh hvchi yoshubli
na vbanumpa ghli ya hvsh im antia he keyu cho?

2. Ilvppak illa hq hvchi ai ithvna sa bvnvshke ; vba nan vlhpisa yg hvsh iakaiya kak osh Shilombish Holitopa yg hvsh ieszhi tok oh cho? akchu? haklot hvchi yimmi kak atuk o?

3. Hvchim anukfila iksho fehna kvv hvsh yvmohmi cho? Shilombish o anukfoyukvt isht hvsh ia kash ot, himak ano haknip o isht a hvchi vlhtaha cho?

4. Nan laua hq isht hvchi ilbaiyasha ka peh pilla ha tok o? peh pilla keyu hatok pulla hoke.

5. Yvmohmi ka Shilombish g hvch ima cha, hvch itin takla yg na fehna puta ka ai yvmihchi kvv, vba nan vlhpisa yg hvsh im antia tok ak o? akchu? vbanumpa haklot a hvchi yimmi kak atuk o?

6. Yvmmak inli hq chiyuhmit Eblaham vt Chihowa yg i yimmi tok: mihmvt nan isht ai yimmi kvv ai vlhpiesa im vlhpisa tok.

7. Yvmohmi ka hvsh ithaiyanashke, yimmi puyuta yvm-mak okvto Eblaham im vlla vhleha yoke.

8. Mihma Holisso Holitopa yvt Chihowa yvt vbanumpa ik ithano yg na yimmi pulla kak o isht ai vlhpiesacha hi g tikbanli pisa kak osh, Eblaham g vbanumpa hg isht im anumpulit, Chishno ak o okla moma kvv na yukpa hi oke, achi tok.

9. Yvmohmi hoka kvna hosh yimmi yokvto, mihi yosh na yimmi Eblaham g iba taklvt na yukpa hoke.

10. Vba nan vlhpisa anukehieto aiyuka hokvto, na hotopa anumpa hvv onvtonla bieka hoka: holisso kvv, Kvna kia vba nan vlhpisa holisso atakali puta ka achunanchit ik im antio aiyuka hokvmo, na hotopa anumpa hvv onvtuyula hoke achi hoka,

11. Amba hatak kvna kia Chihowa ai itikba yokvno vba nan vlhpisa yg isht ai vlhpiesa he keyu kvv otvnishke; Hatak vlhpesa yokvto yimmi pulla kak osh isht ai okchaya hi oka.

12. Yohmi ka vba nan vlhpisa yvt ai yimmi ka yokvno ahalaia keyu, amba, Hatak vt yvmma yvmihchi hokvto, yvmmak o isht ai okchaya hi oke.

13. Klaist vt pi vlhtobvt na hotopa onvtula toba cha, vba

nan vlhpisa isht a hotopa ya a chumpvt pi falaminchi tok ; holisso kv, Kvna kia iti a atakalikmvt, na hotopa anumpa hosh onvtula hoke, achi hoke.

14. Yvmohmi ho Chisvs Klaist pulla hatuk mak o Eblaham nan isht aiyukpa yvt Chentail a onvtula chi hatok ; yvmohmi ho pi yimmi pulla kak osh, Shilombish pim issa tok a il isha chi hatok.

15. Itibapishi li vhleha ma ! hatak nana a kaniohmi yo anumpuli lishke : peh hatak nana it im vlhpisa yoh kia kvllolochi hama, hatak kvna hosh akshochi, micha ibafohka he keyu.

16. Yohmi ka Eblaham, micha im isht atiaka yak o nan im ihisa tok ; Laua nana ho ahobvchit isht atiaka vhleha, achi keyu ; amba achvfa chohmichit, Chim isht atiaka yak o, achi yvmvvt Klaist ak oke.

17. Yohmi ka ilvppak o achi lishke, Nan itim vlhpisa Klaist isht anumpa yvmma Chihowa yvt kvllolochi ha ya, afvmmi tahlepa ushta pokoli tuchina ha yo vba nan vlhpisa toba tok vt akshocha he keyu, yohmi kv nan im issa tok a ik ai ahlecho ka he atok keyu.

18. Uba nan vlhpisa im antia pulla kak o nana ai isha he vlhpesa kv ai yvmohmi hokma, nan im issa yak keyu hoka ; yohmi kia Chihowa yvt nan im issa tuk osh Eblaham a ima tok.

19. Yohmi ka vba nan vlhpisa yvt nanta ho katiohmichi hatok oh cho ? Nan vlhpisa kobvffi pulla kak o vlhpisa tok o, isht atiaka yvmma nana im ihisa tok vt vlak mak a he vlhpisa tok ; yohmi ka enchil vhleha hosh iti takla hikivt tosholi ya i nutaka hosh nan vlhpisa ya anolit haiakvchi tok.

20. Yohmi ka ititakla hikivt tosholi vt achvfa ho ititakla hikivt tosholi chatuk keyu, amba Chihowa yvto achvfa hoke.

21. Yohmi kvno nan vlhpisa yvt Chihowa nan isht im issa tok a i sanali cho ? ik yvmohmo pullashke ; nan vlhpisa ima tok intonla kv okchalinea hinla hokma, nan vlhpisa pulla kak o isht ai vlhpisa hi atok o mvhlishke.

22. Holisso Holitopa yvt moma ka nan ai ashvchi i nutakvchit ompohomo hoke ; yohmi ho Chisvs Klaist i yimmi

pulla ho nan ai yukpa im issa tok a kvna hosh i yimmikmtv isha hi atok.

23. Yohmi kia ai yimmi ka yvt ik lo kisha ma, vba nan vlhpisa ya il i nutakvt il ai ashtv, ai yimmi ka yvt himmak o haiaka he yak o il anukchieta hi a pi atoblichitok.

24. Yvmohmi ka vba nan vlhpisa yvt pi kostininchi yosh Klaist a pisht im ona na, na yimmi pulla hosh isht ai vlhpiesa hi atok.

25. Yohmi tok kia ai yimmi ka yvt ai vla ha yokvno, kostininchi ya il i nuktaka keyu hoke.

26. Klaist Chisvs a i yimmi pulla hosh hvsh moma kvv Chihowa im vlla hvchia hokvt.

27. Klaist a ishit hohchifot hvchi baptismo tok aiyuka hokvto, Klaist a isht hvsh foyuka hoke.

28. Chu okma, Klik okma, nana kvv iksho; yuka yokma, yuka keyu yokma, nana kvv iksho; nakni okma, ohoyo hokma nana kvv iksho, amba hvsh moyuma kvv achvvt Klaist Chisvs a hvsh ibafoyuka hoke.

29. Yohmi kvv Klaist a immi hvchia hokmvv, Eblaham isht atiaka hvchia, micha nan im issa tok a ai isha he vlhpesa hvchia hoke.

CHAPTA IV.

Nan vlhpisa i yuka pia hatuk a Klaist akooh na pi hlakofichi; mikmvv Chihowa ushi vhleha pikbi, 1; 6 yvmma i chgvsh okvno Chihowa yvt ilap ushi imi shilombish o auet nukfokihinchi. 22 Akah micha Sela itatuklo kvv nan isht vlhpisa.

1. ANONTI ibai isha he vlhpesa kvv, vlla moma hokvto, nana moma kvv immi hoh kia, yuka ha nan isht inla keyu hoke, achi lishke.

2. Amba kostininchi, micha apesvchi ya i nuta kvv ahanta na, iki vt im apesa tok nitak a ona chatuk oke.

3. Yvmmak inli ho chiyuhmit, pishno ak kia vlla pia momo mvv, yakni nan ai ithvna ai ishtia vmmoma ya i nutakvt yuvv il ashwa tok.

4. Yohmi tok kia nitak ont vlhpesa kvv vla ma, Chihowa

yvt Ushi vt pila na, nan vllhpisa i nutaka toba hosh ohoyo ho a toba tok.

5. Uba nan vllhpisa i nutakvt asha tuk a salaminchit pi chumpa na, Chihowa ushi vhleha e toba chi hatok.

6. Yohmi tok a ushi vhleha hvchia hoka, Chihowa yvt Ushi imi Shilombish a hvchi chykvsh a anukfohki na Abba Iki achit tahpahanla hoke.

7. Yvmohmi hoka himak a pilla ka yuka chia keyu, amba ushi mak o chia hoke; yohmi kvv ushi chia hokmvt, Klaist pulla hatuk mak o Chihowa immi ha ai isha he vllhpisa chia hoke.

8. Yohmi kia tikba ma Chihowa hvch ik ithano mvt, chihowa nana keyu ka hvsh i yuka tok.

9. Yohmi tok kia, himak a Chihowa ya hvsh ithana ha ya, yvmmak keyukmvt, Chihowa yak osh hvch ithana ha ya, katohmi ho anonti nan ai ithana ai ishtia vmmona isht hlampka he keyu, micha isht ai yukpa he keyu ka salamvt i nutakvt yuka hvchi bvna cho?

10. Nitak il aiyuka, micha hvshi talali, micha afvmmi vllhpisa aiena ka hvsh holitoblishke.

11. Peh pilla ho hvchin toksvlit isht a svlvsha tak yoba ka ahnit, ahah! hvchim abni lishke.

12. Itibapishi li vhleha ma! hvchishno ak inli chohmi li hokvt, vno ak o hvsh chohma chi ka hvchim asilhha lishke: nan ik vllhpeso hvs sa yvmihchi tok keyu kmohmi hoke.

13. Vmmona hoka haknip ik hlampkot hoyubli hosh kaniohmit vbanumpa ha hvchin tosholi li tok a, hvsh ithanvshke.

14. Micha imomaka pisa li yvt sa haknip a afoyuka ka ik shitlemot hvch ik sa kancho ki tok; amba Chihowa im enchil chohmichit, Klaist Chisvs mak o, chohmichit hvs sashi tok.

15. Yokmi kvno nan isht aiyukpa ya isht hvsh anumpuli tok mvt? hvsh yvmihcha hinla nana hokmvt, hvchi nishkin a hvsh kohchi cha, hvs suma hinla tok a, atokowa hvchim anoli lishke.

16. Yvmohmi ka ghli ho hvchim anoli li kak osh hvchirvunvp o toba li cho?

17. Hvchi hullo fehna ahoba kia vhlpesa keyu hoke ; ghli, hvchi ataklvma he ahni na hvch ik sa hullo hosh, ilap ak o hvsh i hulla chi kak atok oke.

18. Yohmi kia nana achukma hokvno i hullo fehnvt bilia kak o vhlpesa hoke ; micha hvchi takla anta li kak bano keyu.

19. Um vlla chipunta vhleha ma ! ohoyo vlla esha chi nukhvmi ka a hvchim a chohmi li tuk atok o Klaist vt a hvchi atobak mak a chi hoke.

20. Himak a hvchi takla anta lish, vm anumpa ha inlanchi la he sa bvnvshke ; a hvchi anukfilli la he ak ithanoshke.

21. Uba nan vhlpisa ya i nutaka hvchi bvna kv, vba nan vhlpisa ya hvchik haklo ho ? oh vm anoli

22. Holisso kv, Eblaham vt ushi in tuklo tok ; achvfa kv ohoyo yuka yak o ushi yokma, achvfa kvto ohoyo yuka keyu yak o atok, achi hoka.

23. Yohmi ka ohoyo yuka ushi yvt haknip nana a kani-ohmi chatuk a chiyuhmi tok ; amba ohoyo yuka keyu ushi vto im issa tok ak atok.

24. Yvmmvt nan isht vhlpisa yoke : ilvppvt nan it im vhlpisa tuklo yoka ; achvfa kv nvni chaha Sainai a tobt yuka ikbichi, yvmmvt Akah yak oke.

25. Akah ilvppvt nvni chaha Sainai yosh Alabia yak o hikia hosh, Chelusalem vt himak a talaia ka isht vhlpisa hosh, im vlla puta ka il ai eshit yuka hoke.

26. Amba Chelusalem vba yokvto yuka keyu hosh, e moma ka hv ishki yoke.

27. Holisso kv, Ulla ik chim iksho, vlla ish eshi chatuk keyu ma ! chi yukpashke ; vlla esha chi chi nukhvmi chatuk keyu ma ! chitolit ish tahpahanlashke ; ohoyo vltakla ya tuk kia vlla in laua kv hatak im asha tuk kak kia, i shahli hokvt, achi hoka.

28. Yohmi ka itibapishi li vhleha ma ! pishno vt Aisaak atok a, chohmit nan im issa tok ak o im vlla pia hoke.

29. Yohmi ka nitak yvmma haknip o kaniohmi chatuk a chohmit ai vta yvt Shilombish ai vta ya ilbvshali tok a, chohmit himak ak kia yvmohmi hoke.

30. Yvmohmi ka Holisso Holitopa yvt nan tuk achi ho ? Ohoyo yuka, micha ushi ita tuklo ka kohchit ish kanchashke : ohoyo yuka ushi vt ohoyo yuka keyu ushi ya nana ibai isha he vlhpesa keyu hoka.

31. Yvmohmi hoka itibapishi li vhleha ma ! ohoyo yuka im vlla pia keyu, amba ohoyo yuka keyu ak oke.

CHAPTER V.

Klaist pulla hatuk mak o yuka keyu toba tok vt yvmmak fehna ho ai itanohowa chi ka i miha, 1 ; 3 Chu okla nan im vlhpisa yokvno ik im antio ka chi, amba nan i hullo pullvt itanohowa he ; 19 hak-nip imma atoksvli kv kaniohmi ka anoli ; 22 mihmvt shilombish imma nan vni ka anoli.

1. YUMOHHI hoka a yuka keyu ho Klaist vt pisht ona tuk a kvllot hvsh hielashke, micha anonti yuka ikunla im abana ilvppa isht hvch ik il onochokashke.

2. Yakeh ! Pal sia hosh hakshup hvchi tupa hokma, Klaist vt nan isht hvchim ai achukma he keyu ka hvchima achi lishke.

3. Anonti hatak moma kv hakshup tupa yvmmak okvto, nan vlhpisa moma ka yvmihcha he aheka in takanli ka atok-olit im anoli lishke.

4. Kvna hvchia hosh nan vlhpisa yak o isht hvchi ai vlhpiesa hokma, Klaist vt nana isht hvchim ai achukma keyu ; isht i kana ya i filvmmi hvchi tula hoke.

5. Yohmi ka Shilombish pulla hatuk mak o na yimmi hosh isht ai vlhpiesa hi a il esha he ahnit, e hohoyoshke.

6. Chisvs Klaist imma hokvno hakshup tupa yokma, hakshup ik tapo yokma, nana hoh kia nana a kanihma he keyu hoke ; amba ai yimmi ka i hullo isht atoba yak oke.

7. Vlhpesa hosh hvsh maleli tuk ; anumpa ghli ya hvch ik im antio ka chi ka, kvta hosh hvchi ataklvmmi tuk o ?

8. Hvchi anukfohki na vlhpesa hvsh ahni ilvppvt hvchi hoyo tok ak o a minti keyu hoke.

9. Isht shatvmmichi iskvtnosi kia yvmmoska ya moshachit shatvmmichi chatuk oke.

10. Chitokaka pulla kak o hvchi yimmi li kv, nana inla hvch im anukfila he keyu ak oke ; amba kvna hatuk oh kia mihi yosh hvchi anuktuklochikmv, nan vllhpisa yvt onvtula hi oke.

11. Yohmi ka itibapishi li vhleha ma ! vno yvt hakshup tupa ya isht anumpuli li moma hokak osh, nanta katiahmi ho nan ilbvsha yvt ai onvtula moma cho ? yummak okma ititaiyukhvna isht ai ibetvbli vt yokopa hoke.

12. Hvchi anuktoklochi vhleha hatuk vt chvch a a tuptv kvniakbano ahni lishke.

13. Itibapishi li vhleha ma ! a yuka keyu yo hvch isht ona tuk oke ; a yuka keyu yvto haknip yukpali keyu, amba it i hullot it apelahanchi yak oke.

14. Anumpa achvfa ho vba nan vllhpisa a moma kv isht ai ahli hoka ; yummvt ilvppak oke, Chin chuka panta hatak a ish i hullo kv chishno ak inli ho chim itilau-ashke.

15. Amba iti koblit, vptv hvsh ititahli hokmv, iti okpv-nit hvch ik iti tablo ka chi kv, ahah ! hvsh ahnashke.

16. Yohmi ka Shilombish iba foyukvt hvsh ayashke ; yohmi hokmvto, haknip nan ahni okpulo ya hvch ik ai ah-lecho ka chi hoke.

17. Haknip nan ahni kv Shilombish a im i sanalikma, Shilombish nan ahni kv haknip a im i sanali hoke ; micha ilvppvt it im inla hoke : yvmohmi ho nana yvmihcha he hvsh ahni kia hvsh yvmihcha he keyu hoka.

18. Amba Shilombish ak osh hvch isht aya hokma, nan vllhpisa ya hvsh i nutaka keyu hoke.

19. Yvmohmi ka haknip atokvli otvni yvmvvt ilvppak oke : Havt toba, itin lumaka, na liteha, havi anukfili,

20. Na holba aiokpvchi, ikhish isht yushpakama, it i nukkilli, itachowa, it i shahshohlechi, anukhobela, it i yichi-na, ita kvshkovt nan vllhpisa i sanali, vbanumpuli iksa it i filamohli,

21. It i potvno, hatak bika vbi, okishko shahli, okish-kot tvasahv aya, micha yvma chohmi puta ka tikba ma hvchim anoli li ak inli tok kia, himak a atuklant hvchim

anoli li ka, ilvppa yvmihchi puta kv̄t Chihowa im apeli-chika yō isha he v̄lhpesa keyu hoke.

22. Amba Shilombish o isht ai vni hokvto, I hullo, nayukpa, it i nanaiya, nuktaiyalvt nokowa sulaha, anukfila yohbi, nana achukma yvmohmi, na yimmi,

23. Il aiokha b̄vna keyu, ahah! ahnit il oktampli; yv̄mma chohmi ka onvtonla kv̄t nan v̄lhpisa yv̄t ik-shoshke.

24. Yohmi ka kv̄na hosh Klaist a immi hokvto haknip, micha haknip nan isht i hullo, micha nan ai ahni okpulo yā haknip ash aieninchit ititaiyukhvna a takalichit ilichi hoke.

25. Shilombish ak o il ai okchaya hokmvt, Shilombish a iba foyukvt il iba nohōwa mak inlashke.

26. Nana ik ahobo a holitopa yā ahnit it i nokovvchit, it i potvnn̄ot kiloh ai asho kashke.

CHAPTA VI.

Kv̄na hosh nana kv̄t ik im v̄lhpeso ka i kanvt nan im anukfilla he, micha nan i weki ka ib ai isha he i miha, 1; 6 v̄banumpa isht anumpuli yoka nana ka isht im v̄tv̄t apelacha he i miha: nan v̄lhpisa chinto nitak yv̄mmak okv̄no momvt nan im v̄lhpisa hi a anoli

1. ITIBAPISHI li v̄hleha ma! hatak kv̄na kia nan ai ashvchi ka iba chukowa hokma, Shilombish anukfoyuka hv̄chia hv̄t, chukvsh isht i nukhaklot yv̄mma chohmi kash falaminchit hv̄sh hilechashke; hv̄chishno kia nan ai ashvchi hv̄chi ai itula hinla kv̄t, hv̄sh il anukfihinlashke.

2. Nana isht a hv̄chi weki puyuta ka hv̄sh it i shaiyalashke; yohmi hosh Klaist i nan v̄lhpisa yā hv̄sh ai ahl-chashke.

3. Hatak vt nana keyu kia, na sa fehna ahni hokmvt, ilap inli hosh ile haksichi hoke.

4. Amba hatak puyuta kv̄t ilap nan isht ai v̄tta yak o yakohmi ahnit, pisashke; yvmohmi hosh inla yō ai yukpa keyut, ilap ak inli tuk ak osh nan isht il ai yuhukpa chi hoke.

5. Hatak puyuta kvt ilap i shahpo illa hō shaiyala he oka.

6. Kvna hosh vbanumpa hā isht im vlvchi hokmvt, nan im avchi yvmmak ash nana hochukma puta ka it ibai eshashke.

7. Hvchik ile haksecho kashke; Chihowa hvt isht ik si yopulá, ahni keyu hoke; hatak vt nana hō hokchi tuk mvt, yvmmak o vma hi oke.

8. Kvna hosh haknip ak o i hokchi hatuk okvto, haknip ak o isht okpula hi o vma hi oke; amba kvna hosh Shilombish ak o i hokchi hatuk okvto, Shilombish ak o ai okchaya bilia yō vma hi oke.

9. Yohmi kvt nana achukma isht il ahanta kvt ik pin takobo kashke; pi tikambi keyu hokmvt, nitak ont ai vlvpiesakma, il ai vma hi okvt.

10. Yohmi hoka hatak moma ka nana il im ai achukma la hi vt pin takalikmvt, e yvmihchikmvt, na yimmi in chuka chvfa vhleha yokak heno i shahlichit il i yvmihchashke.

11. Holisso chito kvt, kaniohmi hō vno svbbak ak inli hō pit isht hvchi holissochi li tuk ā hopesá.

12. Haknip ak o isht otvni achukma he ahni aiyukali hokvto, hakshup tupa he ak o hvchim ahnishke; yvmmak keyukmvt Klaist ititaiyukhvna ai illi pulla hatuk mak o na palvmmi pisa hinla kak illa kak osh yvmohmi hoke.

13. Yohmi ka hakshup tupa vhleha ilap inli kak kia vba nan vlvpisa yā holitobli keyu: yohmi kia hvchi hakshup tupa he hvchim ahni kvt, hvchi haknip ak o isht ilauata he ahni hoke.

14. Amba vno yokvto isht ak ilauato pulla he, pin Chitokaka Chisvs Klaist ititaiyukhvna atakalit illi tok ak banashke: yvmmak atuk pulla mak o yakni vt ititaiyukhvna vm ai illi, mikmvt vno yvt yakni ā im ai illi li hoke.

15. Klaist Chisvs imma hokvno hakshup tupa, micha hakshup tupa keyu aiena kvt nana keyu, amba himonvt toba ak illa hoke.

16. Laua kut kaniohmi hosh anumpa vthpisa ikuppak ash im antiyt aya, micha Chihowa im Israel aiena hokvno isht i nanaiya, micha isht i nukhaklo ita tuklo kut onctuyulashke.

17. Chitokaka Chisvs pulla hatuk mak o sa haknip a na misa laua ka isht shaiyali li hoka; himak a pilla mvno hatak nana kia ik si ataklammo kashke.

18. Itibapishi li vhleha ma! pin Chitokaka Chisvs Klaist isht i kana yvt hvchimi shilombish a anukfoyakashke. Amen.

HOLISSO PAL VT

CHUCH EFESVS

A HIKIA HO I HOLISSOCHI TOK.

CHAPTA I.

Pal vt Efeshan okla pit ai okpuchi, 1; 4 vbanumpuli vhleha hvv yakni vt ik tobo kisha mak o vltahvt Chihowa im vlla vhleha toba tok, 11 Klaist pulla hq nan ai yukpa ai immi ha he im vllpisa 13 Shilombish Holitopa yq isht ai ghlit kvlllo; 17 mihmvt Chitokaka Chisvs Klaist im a holitopa vba ya pisa hi mak o vba anumpo-honli.

1. PAL, Chihowa nan ai ahni ha tuk pulla mak o Chisvs Klaist im apostel vt vbanumpuli ahli Efesvs ai asha, micha Klaist Chisvs i yimmi aiena ka pit aiokpuchishke.

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyukashke.

3. Chihowa pin Chitokaka Chisvs Klaist iki, yvmmak osh Chisvs ak atuk mak o vba nana ishit pi yukpahanli yvt holitopashke:

4. Yohmi hosh yakni in tolahpi vt iksho pilla ma, Klaist a pi atokoli kvv, i hullot nan ai ashvchi iksho, micha liteha iksho hosh yvmma itikba il aya he ak atok oke.

5. Yvmohmi kak osh vllhpesa ahni pulla tuk mak osh, Chisvs Klaist atuk mak o ilap im vlla e toba he ak o, tik-banli pi atokoli tok,

6. Yohmi kvv isht i kana chinto yvt isht annghowa he,

yvmmak pulla hō Holitopa achufa yvmma a pi abninchitok.

7. Yvmmak ash pulla im issish o isht a pi vlhtoba mvt, isht i kana yvt chinto pulla hatuk mak o nan pim ai ashvchi yvt pi kashofa hoke :

8. Yohmi kvt hopoyuksa biekt im anukfila chinto hosh, isht i kana yvmma chitolechit pihima tok oke ;

9. Yvmihcha he il ai ahni tok vt vlhpiesa ahni pulla hosh, im anukfila luma hatok & pim otvninchi kvt ;

10. Yvmmvt nitak vt ont ai vlhpiesakma, nana puta uba ai asha, micha yakni pakna ai asha aiena ka itahobit achufalechit, Klaist yvmma fehna ka i nutakacha he ak atok :

11. Yvmmak inli pulla hō il ai isha he vlhpesa e toba hi osh, ilap nan ahni bieka hosh nana moma ka yvmihchi chatuk im anufila hō, tikbanli pi vlhtoka tok :

12. Yohmi kvt na tikba Klaist & il anukchieto tuk pishno ak o im a holitopa yvt a pi annohōwa chi hatok.

13. Hvchishno ak kia anumpa ghli vbanumpa isht hvsh ai okchaya hvsh haklo hayvt, yvmmak ash hvsh anukchieto tuk ak inli ; hvchi yimmi ha yosh, yvmmak ash nana im ihisa tok Shilombish Holitopa yvmma isht hvchim ai ghli tok,

14. Yvmmak okvt nana il ai isha he vlhpesa ka il isha he atokowa isht vlhpisa hosh mahaya tuk o falaminchit chumpvt a pim atahli tok & il ishi na, yvmma im a holitopa yvt isht annohōwak mak a he oke.

15. Yvmohmi ka vno yak kia Chitokaka Chisvs & hvah i yimmi, micha vbanumpa yimmi ghli moma ka hvsh i hullo ka, haklo li hayvt,

16. Yak oke ishit hvchi ahni li kvt, issa li keyu mvt, micha anumpa ilbvsha anumpuli likmvt, isht hvchi anohonli li hoke ;

17. Yohmi ka pin Chitokaka Chisvs Klaist in Chihowa, na holitopa puta Iki vt Shilombish isht a hopoyuksa, micha isht otvninchi hvch ima na yvmma ithaiyanvt hvsh mahaya he ;

18. Nan isht hvsh anukfilli i holhponayo yvt in tohwikeli

na, ai okchaya hvsh pihisa hi o hvchi atokoli kv̄t kaniohmi, micha vbanumpa yimmi ahli ya isht a holitopa chinto il ai isha hi vt kaniohmi,

19. Micha ilap nan isht im ai ahli chinto a yvmihchi kv̄t, na yimmi v̄hleha pia h̄g ilap nan isht im ai ahli chinto fehna ka isht p̄i yvmih̄chi kv̄t kaniohmi aiena ka, hvsh a kostinincha he ak atuk oke.

20. Yvmmak ash o yvmihchi hosh, Klaist illi tuk a falaminchit tanichit, vba a holitopa ilap ak inli ibbak isht impakimma yo binilichit,

21. Hochitoka puta, nan vlhtoka puta, nan im ai ahli, nan i shahli puta, micha na hohchifo moma yvmmvt yakni ilvppa a hohchihifo kak bano keyu, amba yakni yvmmvt vla ch̄i aiena ka i shaiyahli yak oke :

22. Yohmi kv̄t nana moma ka yvmma iyi nutakvchi, mihmvt chvch im ai achukma ch̄i ka nana moma i noshkoba ha ch̄i ka atokoli tok,

23. Yvmmak ashot ilap haknip oke, ilvppak osh kanima moma alotoli a isht alota mak oke.

CHAPTA II.

Im anukfila kaniohmi yosh il v̄tta tok, 1 ; 8 Ohihowa nan isht i kana pulla h̄g kaniohmit pim anukfila ka anoli ; 10 nan achukma ka e yvmihcha he e toba tok ; 18 Klaist il im antia hokmvt, vba imma nan im v̄lhtaba hash il ahanta cha, Ohihowa im okla achvfa mak o pia ha hi a tok.

1. YOHMI kv̄t na yoshuba, micha nan ai ashvchi isht hvchi illi yatuk a, hvchi okchalinchi tok oke.

2. Ilvppa chiyuhmi ka chashpo ma hvsh ai itvnowa kv̄t, yakni ilvppa ai yvmohmi cha tuk a yvmohmit shutik takla i miko, shilombish vbanumpa ik im antio puta anukfoyv̄kut isht aya kak o, iakaiya hosh hvsh itvnowa tok oke :

3. Yohmi kak o pishno ak kia chashpo ma iba takla pi haknip im anukfila ik achukmo iakaiyvt, haknip nan ai ahni, micha ch̄ykvsh nan ai ahni aiena h̄g e yvmohmi tuk oke ;

yohmi kv̄t chukvsh okpulo vmmona il ishi tok moma kv̄t im ai anukkilli pi onvtonla kv̄t, inla yak inli chohmi hoke.

4. Yohmi tok kia Chihowa nan i nukhaklo chinto im ai vltayak pulla hosh, nan isht i hullo chito hō isht pi hullo hatuk osh,

5. Nan ai ashvchi isht pilli moma kia, Klaist iba taklan-chit hvpi okchalnchi tok oke; isht i kana pulla hō hvchi okchaya hoke;

6. Micha Chisva Klaist ibafokkit wakayvchit, vba a holi-topa puta pi binilichi tok oke;

7. Yohmi hosh himak a pilla ma Klaist Chisvs pulla hō pi nukhaklo tuk vt, isht i kana chinto fehna ka isht otv-nincha chj hatok.

8. Na yimmi kak osh isht i kana pulla hō hvchi okchaya hoke; yohmi kv̄t ilvppvt hvchishno na hvsh ahni kak keyu, Chihowa na hvch ima kak oke.

9. Nan toksvli kak keyu, yvmmak keyukma kvna kia isht ilauata yoba ná.

10. Yvmma im a toba hvpia kv̄t, nan toksvli achukma isht il ahanta hi osh Klaist Chisvs ak o il a toba tok; yvmma il ai itvnowa hi o Chihowa hv̄t tikbanli apesa tok.

11. Yvmohmi ka nitak qhashpo ma haknip i nuta yosh Chentail hvchia ma, nipi hakshup tupa ibbak isht toba hoh-ehifo yvmmak okvt hakshup ik tapo hvchi hochifo hoke.

12. Yohmi kv̄t yvmma foka mvno Klaist ibafoyuka keyut, Israel okla ai achvfa hvsh ahalaia keyu, micha nan im issa tok isht it im vlpisa hvch ik ahalaio, aiokohaya pisa he ahni ik im iksho, Chihowa ik ithano yosh yakni a hvsh ai asha tok.

13. Yohmi tok kia himak ano Chisvs Klaist pulla hatuk mak o hvchishno vt tikba mvno hvsh mishemanchi tuk vt, Chisvs im issish o isht hvsh a bilika kv̄t hvsh ithaiyanashke.

14. Yvmmak osh pit i nanaiyvchi yosh, e tuklo ka achvfa pikbi cha, holihta nan isht pit i filvmmichi yatuk a ishit kanchi tok oke;

15. Yohmi kv̄t nan isht it i nukkilli nan isht vlpisa yv̄t im vlpisa tok, haknip isht ilbvsha cha, ishit kanchi tok:

yohmi hosh tuklo ka hatak himona achvfa il ai ikbi eha, it i nanaiyvcha chi hatok :

16. Yohmi kv̄t ititaiyukhvna pulla h̄o tuklo ka hakn̄ip achvfa isht ikbit, yvmmak ̄o it i nukkilli tuk a ai illichi eha, Chihowa ȳa it i kanvcha chi hatok :

17. Atuk osh mishemanchit hvsh ai asha, micha bilika ai asha aiena tuk a, anumpa isht it i nanaiyvchi isht anumpulit hvchim ̄ya tok oke.

18. Yvmmak atuk pulla h̄o Shilombish achvfa hosh pi anukfohkichi h̄o, il ita tuklo kv̄t Ūba Iki il im oh̄ona hokv̄t.

19. Yakeh! yohmi ka himak a pilla ma ik ahalaio okla inla ȳo hvchia keyu, amba vbanumpuli ibai okla, micha Chihowa in chuka chvfa hvchia hoke.

20. Yohmi cha apostel, micha hopaīi puta kv̄t in tolahpi yokma, Chisvs Klaist ak inli hosh noshkoboka chukbika tvli ȳo, onvtula hosh hvsh it abana hoke.

21. Yvmmak ̄o ai it abana iti fohka achukma kv̄t, Chito-kaka ibafoyukv̄t tempel holitopa tobtv̄t isht mahaya hoke.

22. Yvmmak ̄o hvchishno ak kia hvsh ai it abana cha, Chihowa im aboha imi Shilombish a foyuka hvsh toba hoke.

CHAPTA III.

Chentail vt vbanumpa habena be atok, 1; 9 Pal vt im anumpohonla, he vt vhtoka; 14 mihmvt Chihowa nan i hullo tok a okla akostinicha chi ka vba asihjla; 20 mihmvt nan isht aiokchaya chinto vt yakohmi ha tuk ̄o Chihowa ȳa yakoke im ai ahni.

1. ILUPPA pulla kak ̄o Pal sia hvt Chentail hvchia hatuk mak ̄o Chisvs Klaist i yuka sia hoke.

2. Chihowa nan isht i kana v̄lhpisa ishit hvchim anum-puli ka chi h̄o vma tok a, hvsh haklo mvhli tok a;

3. Yvmmvt Chihowa im anukfila luma hatok a kanioh-michit vm otvninchi tok a, anumpa ik lauwo ka tikba ka hvchi holissochi li tok oke.

4. Yvmmak ̄o hvsh itim anumpulikmvt, Klaist im anuk-fila luma hatok a ithana li ka, hvsh akostinicha hinla hoke;

5. Yvmmvt nitak tikba ma hatak ushi vhleha h̄a im an-

noa tok a ohmi keyu ho, himak ano Shilombish vt apostel holitopa vhleha, micha hopaii puta aiena ka im otvoinchi hoke;

6. Yvmohmi na Chentail vt vbanumpa pulla ho iba tak-lvt nan ai isha he vhpesa toba, micha haknip ai achvfa toba cha, Klaist pulla ho nan im ihisa tok a ibai isha he atok:

7. Chihowa yvt ilap nan isht im ai ahli vm ai yvmibinchi pulla hosh, ilap nan isht i kana vma pulla ho, vbanumpa isht vtta toba li tok oke.

8. Uno vt vbanumpa yimmi moma ik lauwo ka ik a lauwo sia hoh kia, isht i kana ilvppa vma na Klaist nan isht yukupali kvna hosh ithvnt hlopullicha he keyu a, Chentail a isht im anumpuli la hi atok.

9. Micha im anukfila luma hatok a itibai achvfa kv ka-niohmi ka hatak moma ka pisachi la hi atok; yvmma yakni tobahpi a minti ka Chihowa hv Chisvs Klaist nana moma ka isht ikbi tok vt, luhmit ieshi tok;

10. Yvmohma hi o himak ano hochitoka ilaiyuka, nan vltoka ilaiyuka, vba a holitopa ai asha kv, chvch pulla atuk mak o Chihowa a hopoyuksa chinto kv im otaiyana hi atok.

11. Yohmi kv Chisvs Klaist pin Chitokaka isht yvmihcha he im anukfila bilia tok mak osh yvmihchishke.

12. Mihi yo i yimmi kak osh pi nukwaya keyut, pi hakla chi ahnit, pi anukfoyukvt il im ohona hoke.

13. Yohmi ka hvchishno ak atuk mak o nan isht svlvvsha ka, yvmmvt nan isht a hvchi holitopa hokvt hvchi chukvsh isht ik hvchim ello kashke.

14, 15. Ilvppa pulla kak o pin Chitokaka Chisvs Klaist, yvmmak o chuka chvfa vba yakni a ai asha, micha yakni ai asha a moyuma kv ai a hohchifo Iki a i hvchukbehlipa li kv,

16. Isht im a holitopa chinto fehna ka hvch ima na, imi Shilombish vt chukvsh isht hlampko isht hvchi hlampko-honchi;

17. Micha na hvchi yimmi ho Klaist vt hvchi chukvsh a

anukfoyuka he yohmi lishke; yohmi ho nan isht i hullo a akshish a tobt a hvchi kvlllo hosh,

18. Ubanumpuli ghli puta iba taklvat a pvtha, micha afa-laia ka, micha hofobi, micha chaha aiena ka hvsh akostinin-cha hinla hoke.

19. Micha Klaist vt nan isht pi hullo ka ai ithvna he atampa ka hvsh ithvna hosh, Chibowa isht alotowa moma kvv isht hvchi alotowa he ak atok.

20. Yvmmak osh ilap im isht hlampko isht pi hlampko-honchi kvv, nana ho il asilhha, keyukmvv nan il anukfilli moma atampa fehna ka pim atahla hinla,

21. Mihi yosh Klaist atuk pulla mak o chvch isht a holi-topa na nitak ataha iksho, yakni ataha iksko kashke. Amen.

CHAPTA IV.

Itib achvfa he i miha, 1; 7 Chibowa hvv 11 in chvch vt nan isht hlampkot i shaht mahaya chi ka im okla ha shilombish holhpela il aiyuka ihima ka anoli; 17 nan a kaniohmi tikba yatuk a nakai ka bohli; 28 nana a kaniohma he vlhpesa ka yvmihchi, micha nan ik vlhpeso moma ka mokofa chi ka i miha.

1. YUMOHMI ka Chitokaka atuk mak o yuka sia hvv hvsh a yvmohma he hvchi vlhtoka tuk vt, ai vlhpiesvt hvsh ayvt,

2. Chukvsh akanlosi, micha chukvsh yohbi, micha anuk-hobela svlahvt, iti hullot, it im i nuktaiyalvt;

3. Shilombish ai isht itibai achvvt nan isht it i nanaiya isht iti talakchi kak o hvsh ai ahna he, hvchim asilhha lishke.

4. Yohmi ka haknip achvfa, micha Shilombish achvfa hosh aiasha, yvmmak inli ho chohmit hvsh a yvmohma he hvchi vlhtoka tok vt, ai okchaya pisa he hvsh ai ahni kvv achvfa hoke.

5. Chitokaka yvt achvfa, na yimmi mvv achvfa, baptismo mvv achvfa,

6. Moma Iki achvfa, yvmmvv nana moma i shahli; nana moma a hlopulli, hvsh moyuma ka hvchi foyuka hoke.

7. Yohmi ak inli kia e moma ka nan isht i kana pima kut, Klaist i na hulbina kaniohmi hq pi anukfohki kak oke.

8. Yvmohmi kak q vba ia mvt, yuka lawa yukachit isht ayvt, na hulbina puta ka hatak puta ka ima tok, achishke.

9. Yohmi ka vba ia tok, achi kut nanta hoh cho? amba yvmmvt tikba ma vba mintit aka yakni vla tok ak inli keyu?

10. Uba minti tok mihi yq ak inli hosh vba shutik pakna-ka pilla ona kut, nana moma alotowa chi kak atok.

11. Micha kanimi kut apostel; micha kanimi kut hopai; micha kanimi kut vbanumpa tosholi; micha kanimi kut iksa apesvchi; micha kanimi kut nan ithvnanchi aiena ya chi ima tok:

12. Yohmi kut vbanumpa yimmi vhleha hq ai ghlicha he, vbanumpa isht vtta he, Klaist haknip ithvnanchit hlampko-honcha hi ak atok oke.

13. Yvmohmi na e moma kut mghayvt nan ai yimmi ka, micha Chihowa Ushi ai ithvna aiena ka ont il ai achvvt, hatak im ahli e tobt, Klaist vt a kaniohmit ai alotowa feh-na ka e chiyuhma hi oke:

14. Yvmohmi hosh himak a pilla ma vlla pia keyu hosh, oka piakvchi ka chohmit, anumpa il aiyukali mahli chohmi hatak vt nan isht i kostini q isht hakaicha chi kut, isht im aihinchu ka ibafohkut ke fullokahanchu kashke.

15. Amba i hullo hosh anumpa ghli anumpulit, nan ok-luha ka isht im a hofantit mghayvt, Klaist yvmmvt noshko-boka ya e chiyuhmashke.

16. Yvmmak q haknip moma kut ai itifohka achukma, micha hakshish puta isht it talakohi hosh moma kut nana a kaniohma he vhpisa kut, ghli yohmit it apelachi hosh haknip isht a chitot isht it i hullot mghaya hoke.

17. Yohmi ka ilvppa achi li mvt, anonti himak a pilla ma Chentail inla im anukfila ik ahobo,

18. Im anukfila okhlili, micha chukvsh vt okpulo felma hatuk osh, nana ik ithano anukfoka kak osh, Chihowa im ai okchaya i filvmmi yoshubvt aya;

19. Chukvsh sulahbot atvpa, na havi atampa, na liteha puta asitvt isht ahanta ka hvch ik ai itunowo ka he

mak o, Chitokaka pulla hatuk mak o atokolit hvchim anoli lishke.

20. Amba hvchishno vt yvmohma hi osh Klaist a hvsh ithvna tuk keyu hoke:

21. Yohmi ka hvsh i haponaklo cha, Chisvs im anumpa ghli yo isht hvchim vlvchi tuk okmtv;

22. Tikba ma nana hvsh a kaniohmi tok vt hatak sipokni, yvmmtv na haksichi chukvsh okpulo isht yoshuba aiena kvno, naksika hvsh bohlayshke:

23. Micha chukvsh isht hvsh anukfilli vt himonvt tobashke:

24. Micha hatak himona, yvmmtv Chihowa holba tobtv nan ai vlvpiesa, micha nan ai ashvchi ik im iksho ghli mak o isht hvsh foyukashke.

25. Yohmi hokvt na holabi puta naksika bohli anumpa ghli in chuka panta hatak a hatak moma kvv im anumpulashke; haknip il itib achvfa hokvt:

26. Hvchi nokowa kia, ik hvchi yoshubo kashke; hvsh nokowa moma na hvshi vt ik okvtulo kashke.

27. Micha nan isht a hullo okpulo ya hvchik i kanvilo kashke.

28. Kvna kia hukopa tuk vt, himmak ma ik hukopo kashke; amba ik pilesa cha nana achukma kak o ibbak isht tok-sahanli hosh, kvna kia ilbvshakma ima hi vt nan ahayuchashke.

29. Anumpa liteha yvt chitih ha ik kohchot, amba nana kvv achukma isht hlampka he, micha haklo puta kvv isht im achukma he ak ashke.

30. Micha Chihowa imi Shilombish Holitopa, yvmmak o hvsh ai okchaya, he nitak pit isht hvchim vlvpisa kvv, hvchik nukhaklocho kashke.

31. Chukvsh homi, micha it i nokowa, micha nukhobela, micha itachowa, micha anumpa ik achukmo nanumachi, micha nan ik achukmo puta aiena kvv naksika itonlashke.

32. Micha it i kanvt, chukvsh na hih isht iti ahnit, Chihowa hvv Klaist ak atuk mak o hvchi kashofi tuk a chohmit, hvsh it i kashohofashke.

CHAPTER V.

Chihowa ya im antiyt nan ai i hullo yq ai itanohqwa he, 1; 3 im anumpa liteha hosh itanowa beka tuk vt naksika bohla he; 18 nan ish-kot haks he imma ka ik ahalaio ka he, amba shilombish holitopa yq isht anukfoyukvt im vltaha he nan i miha; 22 Ohoyo hvt kaniohmit abanta he, ilap i hatak g im antia he; 25 Klaist vt chvch g i hullo ka chohmit hatak vt im ohoyo hg i hulla he nan isht miha.

1. YUMOHI hoka vlla holitopa yq chiyuhmit Chihowa ya hvsh iakaiyashke.

2. Micha Klaist vt pi hullo cha, pishno ak atuk mak o nan ashvchi isht vltoba, Chihowa nan i balama, isht il im issa tok g chiyuhmit, ai it i hullot hvsh ai itvnowashke.

3. Amba havi toba, micha nana liteha puta, nan anushkunna atampa vbanumpa yimmi vt yohma he vlpesa keyu ka, himonna kia yohmi tok achit ik hvchi annowo kashke.

4. Micha anumpa isht a hofahya, anumpa makali anum-puli, na yopula, a yvmohma he ai vlpiesa keyu ka hvch ik anumpulo hosh, amba Chihowa ya yak oke im ai ahni kak osh hvchim i shahlashke.

5. Hatak havi nana kia, hatak ik kashofo, hatak nan anushkunna atampa, yvmvt na holvt toba aiokpvchi, ilvppvt Klaist, micha Chihowa im apelhichika nan ai isha he vlpiesa keyu ka hvsh ithana hoke.

6. Hatak nana kia anumpa ik achukmo isht ik hvchi haksecho kashke: ilvppa puyuta pulla kak o Chihowa nan isht i nukkilli yvt vbanumpa ik im antio hatak puta ka onvtuyula hoke.

7. Yvmohmi hoka yvmmak okvno hvchishno vt na hvch ik iba taklo yashke.

8. Tikba ma hvchi okhlili tok kia, himak ano Chitokaka hvsh a tohwikeli hokvt, tohwikeli vlla yq chohmit hvsh itvnowashke.

9. Shilombish isht ai vni hokvto nana achukma bieka, micha nan aivlpiesa yvmohmi, micha anumpa ahli yak oke.

10. Yohmi cha nana hō Chitokaka yvt aiokpanchikma, hvsh akostinincha hi oke.

11. Micha okhlili ka a toksuli nan ik vno hvch ik iba taklo hosh, amba ik im ahninchot hvsh im alummashke.

12. Alumaka hō nana kv̄t ai yvmohmi tuk a isht anum-puli illa kak kia, isht hofaya he vhpesa hoke.

13. Yohmi ka atokowa otvni kv̄t nan tohwikeli ak o isht otvni hoke: nana hosh nana ka otvninghikmvt, yvmmak osh tohwikeli hoke.

14. Yvmohmi kak o, Nusi tuk chia kv̄t, chi okchashke, micha illi tuk chia kv̄t falamvt ish tanashke, mikma Klaist vt tohwikeli chima ch̄i hoke, achi hoke.

15. Yohmi ka im anukfila iksho chohmi keyut, amba hopoyuksa chohmit ahah! ahnit hvsh itvnowashke.

16. Nitak vt ik hvch̄i kv̄nio hosh nan isht hvsh il im ahantashke; nitak hvsh ai ahanta kv̄t ik achukmo hoka.

17. Yvmohmi hoka ik hopoyukso yō hvchia keyu hosh, amba Ckitokaka im anukfila hv̄t kaniohmi ka hvsh akostin-inchashke.

18. Micha oka homi isht ik hvchi hakso, yvmmv̄t im ila-yak isht yopomo yoke; amba Shilombish ak o isht hvchi alotowashke.

19. Uba isht taloa, micha Shilombish imma isht taloa aiena ka isht il ai anumponhilit, chukvsh isht in champulit Chitokaka ya hvsh in talohowashke.

20. Nana puta ka pin Chitokaka Chisvs Klaist isht hochihifot Chihowa, yvmmv̄t Iki mak oka, yak oke ai ahnit, il aiokpahanchashke.

21. Chihowa i nūksbohempa hosh hvsh it im antiashke.

22. Tekchi vhleha ma! Chitokaka chohmichit hvch̄i hatak a hvsh im antiashke.

23. Klaist vt chvch a i noshkobo ya yvmmak inli hō chohmit hatak vt ilap tekchi a i noshkoboka yoka: micha yvmmv̄t haknip ai okchaya mak oke.

24. Yvmohmi ka chvch vt Klaist a im antia ka yvmmak inli hō chohmit, tekchi vhleha hv̄t nana puta ka ilap i hatak a isht im antiashke.

25. I hatak vhleha ma! hvchi tekchi a hvsh i hulló kv̄t, Klaist vt chvch a i hulló hosh, il im issa tok ak inli ka, hvsh chiyuhmichashke :

26. Yvmohmi kv̄t oka isht achifvt vbanumpa isht kashofvt na hullochí cha,

27. Chvch holitopa, na liteha lapali iksho, shinowa, yvma chohmi nana kia iksho hō ilap itikba hilecha chi hatok; ghli a holitopa, imomokpulo keyu hō ilap itikba hilech, chi hatok.

28. Yvmmak inli hō chiyuhmit, hatak puta kv̄t ilap haknīp chiyuhmichit, tekchi vhleha hā i hulla he v̄lhpesa hoke. Kv̄na hosh tekchi a i hūhullo kv̄t, ilap a i hulló hoke.

29. Kv̄na kia ilap haknīp a i nukkilli chatuk keyu hoka; amba Chitokaka yvt chvch a i yvmihchi ak inli hō chohmit, apovchit hiahnit ilauei hoke.

30. Pishno vt yvmma haknīp, nipi micha foni aiena ka ai achvfa pia hoka.

31. Ilvppa pulla kak o hatak vt iki, micha ishki ita tuklo ka issa cha, tekchi ak o asitia he, mikmvt tuklo ilvppvt nipi achvfa hi oke.

32. Ilvppvt na fehna' chinto hoke: yohmi kia Klaist, micha chvch ita tuklo yvmmak o isht miha lishke.

33. Yohmi ak inli kia hvchishno hvsh puta aiyukali kv̄t ilap inli chiyuhmit hvchi tekchi a hvsh i hullashke; mikma tekchi vt yohmi ahnit, i hatak a holitoblashke.

CHAPTA VI.

Ulla yvt ishki, micha iki ita tuklo ka im antia he vt v̄lhpesa, 1; 5 yuka hv̄t i shahli hā im antia he vt v̄lhpesa: 9 mikma i shahli hv̄t ai v̄lhpiesa mak o i yuka hā i yvmohma he v̄lhpesa; 10 na pi okchaya ilvppvt il itihimbi; 18 vbanumpuli vt nan isht ile atukkochoi, 18 yohmi ka kanimihchit ilvppak ash isht aya he anoli.

1. ULLA vhleha ma! Chitokaka ak o hvch iki, micha hvch ishki ita tuklo hvsh im antiashe; ilvppak osh v̄lhpesa hoka.

2. Chiki, micha chishki ita tuklo ka ish holitoblashke, ilvppvt anumpa vlhpisa nan im issa ya apatoa vmmona.

3. Yohmi hosh chim achukmut hopaki ho yakni paknaka ish ai ahantashke.

4. Mikma iki hvchia hv hvchim vlla ya hvch ik nokowv-cho kashke: amba Chitokaka yak o anukfohki, micha nan ai ahni yak o a fohkit hvsh hofantihinchashke.

5. Yuka vhleha ma! yakni ilvppak inli haknip isht hvchi nahullo ya i nukwiyvt wvnihinchit, chukvsh apissali kv, Klaist ak inli ho chohmichit hvsh im antiashke.

6. Yohmi kv hatak yukpali yo chohmit, nishkin pisa bano toksvli keyu; amba Klaist in tishu ho chohmit hvchi chukvsh fehna Chihowa nan ai ahni ya hvsh yvmihinchashke:

7. Yohmi kv aiokpanchit yuka a toksvli toksvlit, Chitokaka yak o i yvmihchi, hatak ak o keyu;

8. Nana achukma nana ho hatak kvna kia yuka hokma, yuka keyu hokma, nana hoh kia yvmihchikma, yummak atuk mak inli ho Chitokaka ya im a habena hi a hvsh ithaiyanashke.

9. Mikma i nahullo hvchia hv i nokowvt anumpuli iksho hosh, yummak inli ho hvsh i yvmihinchashke: hatak iti shahshohlechit anukfilli keyu hosh, vba yakni hvchim i Shahli yvt binili ka hvsh ithaiyanashke.

10. Ishtaiyopi ka itibapishi li vhleha ma! Chitokaka a hlampkot im a hlampko chinto yo hvsh a hlampkashke.

11. Nan isht ahullo okpulo isht a yoshubli a im i sanalit hvsh hikia hinla kv, nan isht il atukkochi Chihowa yvt atahli tok a a moyuma ka hvsh foyukashke.

12. Nipi, micha issish o im i sanalit il itibi keyu, amba miko vhleha, nan vhltoke, hochitoka, yakni ai okhlili ka ilvppa pehlichi vhleha, shilombish okpulo vba itenowa puta aiena kak oke.

13. Yvmohmi ka nitak ik achukmo ka im ai i sanalit hikia, micha hvsh atahli hayvt, hvsh hikia hinla kv, nan isht il atukkochi Chihowa yvt atahli tok a moyuma ka hvsh il ai eshashke.

14. Yvmohmi ka anumpa ai ghli isht vskofaiyachit nana isht ai vlhpiesa ikkishi alata hq foyukvt,

15. Micha vbanumpa it i nanaiyvchi nan isht im vlbtaiyaha ma hvch iyi isht hoyulo hosh hvsh hikiashke.

16. Nan okpulo yvmma im iti naki ishit hulohushmi puta ka isht hvsh mosholicha hinla kv, moma pahnaka ya telihpa na yimmi ka mak o hvsh il ai eshashke.

17. Noshkobo isht ompoholmo ai okchaya, micha Shilombish i bvshpo falaia, yvmmvt Chihowa im anumpa mak oka hvsh ieshashke.

18. Shilombish anukfoyuka hosh anumpa ilbvsha puta im anumpohonlit, asihihla hosh achunanchit ahah! ahani, micha vbanumpa yimmi puta ka isht hvsh asihihlashke:

19. Micha vno ma isht hv si anumpohonlashke: yohmi na itih kohchit anumpuli la hi a vma na vbanumpa luma ya tok a anohonli la chi kv, nukwaya ikshot svtih ha wakvmmi lashke.

20. Yvmma pulla hq Uba Miko im anumpeshi talakchi sia hoke: si yvmohmi kia nukwaya ikshot anumpuli la he vlhpesa hokvt, anumpuli la hi a vba isht hv si anumpohonlashke.

21. Amba nana vm a kaniohmi, micha nana isht anta li aiena ka hvsh akostinincha chi ak inli kvno, Tikikvs itibapishi a holitopa, micha Chitokaka nan im isht vtta ai ghli ak osh nana moma ka hvchim anola chi hoke.

22. Yvmohma chi kak o yvmma hvchi pila li tuk oke; yohmi na nana pim a kaniohmi ka hvsh ithana chi hatuk; mikma hvchi chukvsh a hopohlta chi hoke.

23. Iki Chihowa, micha Chitokaka Chisvs Klaist a minti na yimmi ka isht ai it i hullo, micha it i nanaiya aiena kv itibapishi vtleha ha hvchi anukfoyakashke.

24. Chitokaka Chisvs Klaist i hullo ai ghli moyuma ka nan isht i kana yvt anukfoyakashke. Amen.

HOLISSO PAL VT

CHVCH FILIPPI

A HIKIA HO I HOLISSOCHI TOK.

CHAPTA I.

Filippi chvch hikia ka pit aiokpvchi, 1. 6 Na toksvli achukma isht wakaya tok vt Chihowa hvv isht ai ghlichit im atahla chi ka yimmi. 12 Lom aboha kvllo afoyuka ka nan isht im anukfila he nana hosh akaniohmi tuk a anoli. 22 Klaist pulla kak o okchaya kak okma, keyukmvt illi kak okma nana hi vt im vhltaiahvt anta tok vt anoli.

1. PAL, micha Timohlius, ita tuklo Chisvs Klaist in tishu hvv vbanumpa yimmi ghli vhleha Chisvs Klaist ibafoyuka Filippi ai asha, bishop puta, micha chvch nan isht im vta puta aiena ka pit aiokpvchi kvv,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya aiena kvv hvchi anukfoyukashke, hvchim ahnishke.

3. Hvchi anukfilli li aiyuka kvv an Chihowa ya yak oke im aiahnit,

4, 5. Nitak na hvchi yimmi tok vhlit mintit ant himak ak o hvchim ilayak iti hopinhinlvv, vbanumpa isht hvsh apelvchi kak o, anumpa ilbvsha isht hvchi anumpuli li puta kvv chukvsh yukpvv isht hvchi asihihla li bilivshke.

6. Ilvppa fehna ka sai yimmi hatuk osh, Nan toksvli achukma isht a hvchi wakaya kvv, ai ghlichit Chisvs Klaist i nitak a hvch isht ona he, ilvppa fehna ka sai yimmi hatuk oke.

7. Yvmohmit hvsh moma ka ilvppa hvchi anukfilli la he vlhpesa, sa chukvsh isht hvch ithaiyana li hokvt; vbanumpa isht anumpuli li, micha ai ghlichli li hosh sa talakchi aiena ka nan isht i kana hvs svb ai ishi hoka.

8. Chisvs Klaist hiahnit isht i bullo chohmit hvchi sa palata fehna ka, Chihowa yvt atokolit si anoli yoka.

9. Micha ilvppa asihhla lishke; yvmmvt Chihowa im anumpa ithanvt, hvsh akostininchi puta kak osh hvsh it i hullo kv, chitot isht i shahlit hvsh mgghyashke.

10. Yvmohmi hosh nana kv it im inla ka imoma ka pisvt, achukmaka vlhpesa ahnit, ai ghli, isht im ai ibetvbla he iksho hosh Klaist i nitak g hvsh onashke.

11. Yvmohmit Chisvs Klaist ak atuk mak o nan ai vlhpiesa isht ai vni isht a hvchi alotowa na, Chihowa yvt isht a holitopvt isht anumpa he yak oke.

12. Yohmi ka itibapishi li vhleha ma! nana vm a kaniohmi tuk g vbanumpa hv isht i shahlit isht atoba tuk g hvsh ithana he, hvchim ai ahni lishke.

13. Yvmohmi ka Klaist pulla ho sai yuka kv miko atoni tvshka chipota i holihta, micha kanima moma ka ai otvnishke.

14. Mihma itibapishi li vhleha laua kv sai yuka kak o Chitokaka anukchiecto kv, isht i shahlit nukwya keyu fehnt, nukshopa mvt iksho hosh vbanumpa ha isht anumpohonlishke.

15. Kanimi kv isht g potvno, micha nan isht an chowa aiena ka bvna hosh Klaist g isht anumpulikma; anonti kanimi kvto g kana he ahni hosh yohmi hoke.

16. Achvfa kv nan isht an chowa kak o ahni hosh Klaist g isht anumpulit, chukvsh ghli keyu hosh, sai yuka ka ai vbechit svlvshali bvna hosh:

17. Amba achvfa kvto holitobli hosh, vbanumpa afvt isht anumpuli la he si vlhtoka tuk g ithana hatuk osh, yohmi hoke.

18. Yohmi kvno ik kaniohmi hoh kia peh ilahobi hokma ghli hokma, nana kia Klaist vt isht anumpa hoke; yohmi na yvma a sai yukpa ghli hosh, a sai yuhkpa chi hoka.

19. Anumpa ilbusha isht hvs si anumpohonli; micha Chisvs Klaist imi Shilombish vt si apelahanchi aiena, ilvp-pak osh isht si okchaya hi a ithana li hokvt,

20. Yummak a he ahni li fehna kv, nana kia isht sa hofahya he keyu, amba nukwaya iksho kumohmit ai yv-mohmi chatuk vt, a moyuma chi ho si okchaya hokma, svlli hokma, nana kia Klaist vt sa haknip a isht a holitopa hi a ahni li hoke.

21. Uno yak okvto si okchaya kv Klaist ak okmv, anonti svlli hoh kia nan isht vm ai achukma hoke.

22. Yohmi kia haknip ak o ai anta li hokmvto, a tok-svli li nan ai vni kv ilvppak oke; yohmi kia kanimampo ahni la hinla kv ak ithanoshke.

23. Yakni issvt ia lish, Klaist a ont ai ibachvfa li, yvm-mak ok mak o i shahli fehna hoka sa bunna hatuk osh, nan a mia tuklo isht a svb bikeli hoka:

24. Yohmi kia haknip ai anta li kak o achukma kv isht hvchim i shahli hoke.

25. Micha ilvppa sai yimmi ghli hatuk osh, nana a hvchi yimmi kv i shahlit a hvchi yukpa kv isht i shahla hi ak o hvsh moyuma ka hvchi takla ahanta la chi kv, ithana lishke.

26. Yohmi ka vno pulla, micha hvchim ona li kak o Chisvs Klaist a isht hvsh il ai yukpa kv i shahla he ak oke.

27. Nana hvsh a kaniohmi kv Klaist im anumpa ak o isht ai vlpesa kak banashke: yohmi na onvt hvchi pesa li hokma, keyukmv kanima aya li ik saksho hokma nana kia na hvchim a kaniohmi puta yvmmv shilombish achvfa, im anukfila achvfa hosh vbanumpa ai yimmi ka hvsh it iba fohvvt kvllot hvsh hiel ho hahaklo lashke.

28. Micha nana hoh kia hvchim i sanali puta ka ik hvchi nukhlakancho kashke: yohmikmvno yummak okvto ai ok-puloka hi yosh isht ai im atokowa, amba hvchishno ano isht ai okchaya he Chihowa a minti mak osh isht hvchim atokowa hoke.

29. Hvchishno vto Klaist pulla kak o yvmma hvsh i

yimmi kak bano keyu, amba yvmma pulla kak o nan isht hvsh im ilbvsha he hvchim vlvpisa hoka :

30. Yohmi kv̄t anumpulit it̄i kahanlot isht svlvbsha yvmma hv̄s sa pisa tok, anonti himak a si onvtuyula ka hv̄s sa hahaklo ka yvmmak inli hosh hvchi onvtuyula hoke.

CHAPTER II.

Klaist a iakav̄t im anukfila it̄i bai achv̄v̄t il akanlosichi banot aisha hi a i miha, 1 ; 12 ilap nan isht aiokchaya a toksahanlit p̄vla h̄q chohmit yakni a im a tohwikela hi a im achi.

1. YOHMI ka Klaist atuk pulla mak o ahopohla yv̄t āsha hokma, i hullo kv̄t a nuktanla yv̄t āsha hokma, Shilombish ai itiba chv̄fa yv̄t āsha hokma, ch̄kv̄sh isht i nukhaklot hi ahni yv̄t āsha hokma,

2. Hvchim anukfila hv̄t itilaut nana a miha chv̄fa holitoblit, ch̄kv̄sh achv̄fa cha, hvchim anukfila ai achv̄fa hosh nan a sai yukpa ya isht hv̄s sv̄m alotolashke.

3. Anumpa isht itachowa shahli, keyukmv̄t ilefehnv̄chi nanasi kv̄t ik v̄lhtaho kashke ; amba ch̄kv̄sh akanlosi hosh moyuma kv̄t inla yv̄t achukma kv̄t ilap a i shahli h̄q anukfillashke.

4. Hatak moma kv̄t ilap immi kak o bano keyu, amba hatak moma kv̄t inla immi ak kia anukfillashke.

5. Klaist Chisvs anukfoyuka tok akinli nan anukfila ilv̄p v̄t hvchi anukfoyukashke.

6. Yv̄mmv̄t Chihowa hoyulba yatuk osh, Chihowa ya ile itilauechi kv̄t na wehpuli ya he ahni tok keyu.

7. Yohmi kv̄t il a kohchichit yuka ohmi h̄q il aieshit hatak chohmi hosh toba tok oke.

8. Micha hatak ohmi hosh haiaka mv̄t, il akanlosechit im antia kv̄t, ititaiyukhv̄na a takalit illi yoh kia isht illi kak atok.

9. Yvmohmi hatuk o Chihowa hv̄t holitoblich̄i fehna mv̄t, hochifo kv̄t na hohchifo inla moma ka i shahli h̄q ima tok oke :

10. Yvmohmi ka Chisvs hohchifo h̄q v̄ba yakni aisha,

micha yakni paknaka aiasha, micha yakni nutaka aiasha puta kv̄t i hvchukbihlepa he ;

11. Micha hatak isunlvsh puta kv̄t Iki Chihowa yvt isht a holitopa he mak o, Chisvs Klaist vt Chitokaka ya he, achit anohonlashke.

12. Yvmohmi ka a holitopa vhleha ma! hvs svm antia chatuk vt hvchi takla anta li kak bano keyu, amba himonasi yokak heno ik saksho ka i shahlichit hvs svm antia kv̄t, nukshumpvt wvnihinchi hosh hvchishno inli aiokchaya ya hvsh atahlashke.

13. Chihowa ak osh ilap nan isht im vlvhesa hosh ai ahni kak o ahnit, hvsh yvmihcha chi ka hvchi a toksahanli hoke.

14. Nana moma ka ik ahninchot na miha keyu, micha anumpa ita chowa mv̄t iksho hō hvsh yvmihchashke.

15. Anumpa nana kia hvchi onvtonla keyu, nan okpvi keyu, na liteha lapanli keyu hosh okla shanaiaowa, micha nan ai ashvchi ai ititakla yō yvma i pva tohwikeli chohmit yakni paknaka ya hvsh ai ashvshke.

16. Micha anumpa okchaya ya hvsh otvninchi na Klaist i nitak a pilla hō chahafa li tok keyu, micha pilla hō toksvli li keyu kv̄t sai yukpashke.

17. Ahli, na hvchi yimmit vba isht hvsh il ai okpvchi, micha nan isht hvsh ai ahanta aiena ont aighla chi kak o, il imi kanchi li hokmv̄t, sai yukpvt hvsh moma ka hvch iba yukpa li hoke.

18. Yvmmak inli kak o yukpvt hvs svbai yukpa mak inlishke.

19. Yohmi kia chekikma Timohlivs a hvchi pila la chi, yvmohmi hosh hvchi a kaniohmi ka akostininchi lish, sai yukpa chi kv̄t, ahnit Chitokaka Chisvs a anukchieto lishke.

20. Nana a hvchi a kaniohmi ka anukfihinli fehna kv̄t hatak inla im anukfila yvmmak inli ohmi hō ik svm iksho hokvt.

21. Moma kv̄t ilap immi ak o hoyo mv̄t, nana kv̄t Chisvs Klaist immi hokvno ik hoyo hokvt.

22. Amba yvma imomaka pisa tuk a hvsh ithana ;

yvmmak okvt ushi yosh iki iba toksuli chohmit vbanumpa isht svb a toksahanli tuk oke.

23. Yvmohmi ka yvmmak o chekosikma sa kaniohma chi ka pisa likmvt, pila la chi ahni lishke.

24. Yohmi kvt vno yak kia chekosikma ona la chi, ahnit Chitokaka yg anukchieto lishke.

25. Yohmi ak inli kia Epafiotitrs, itibapishi li, itiba toksuli li, micha tvshka chipota sv bika, micha hvchim anumpa shahli, micha nana a sa bunna tuk a isht vm anta chatuk, yvmmak o hvchi pila la he vhpesa ahni li tuk oke.

26. Hvchi palata fehnvt, ilap vt abeka tuk a hvsh haklo tuk ak o nan a nukhaklo kvt chukvsh a alota fehna tok.

27. Abeka ho mvhlit illi naha fehna tuk, yohmi kia Chihowa hvt i nukhaklo tuk: yohmi kvt yvmmak bano keyu, amba vno ma a nukhaklo tuk: yvmmak keyukma svlvsha kvt it vlbehkvcha he atuk oke.

28. Yvmohmi kak o ahni fehnvt hvchi pila li tuk oke; yohmi na anonti hvchi pisa likmvt, hvchi yukpakma, vno vt a nukhaklo kvt ik lauwo ka he ak atuk oke.

29. Yvmohmi hoka Chitokaka ibafoyuka ka chohmichit chukvsh yukpa biekvt hvsh aiokpvchashke; mikmvt yvma chohmi kash hvsh holitohomblashke:

30. Klaist ak o in toksuli pulla kak osh ilap im ilhfiopak a na fehna ik ahno hosh, illi naha fehna kvt, isht hvs si apelacha he tuk ik ono ka vm atahla chi kak atuk oke.

CHAPTA III.

Nan i hullo cha, nan avchi ik ghlo yokvno ahah! im ahna hi a i miha, 1; 8 Klaist pulla ha tuk mak o nan oklyha ka ik ahobo ahna he: 18 haknip imma nan ahni hq iakaiya yokvno i filvma he nan i miha.

1. ISHTAIYOPI ka itibapishi li vhleha ma! Chitokaka yg hvsh ai yukpashke. Nana kvt mihi yo ash inli hq hvchi holissochi li kvt, vm ahchiba keyu mvhli, amba hvchishno yak osh isht hvchi a hlampka chi kak oke.

2. Ofi yg ahah! hvsh im ahnashke, nan ik vhpeso yv-

mohmi ya abah! hvsh im ahnashke, tvblit kanchi ya abah!
hvsh im ahnashke.

3. Pishno ak okvto hakshup tupa shilombish anukfoyu-
kvt Chihowa holitoblich, micha Chisvs Klaist ai yukpa pia,
yohmi kvt haknip & ai anukchieto keyu pia hoke.

4. Uno ak kia haknip & ai anukchieto la hinla tuk ak inli
hoke. Kvna kia haknip & ai anukchieta hinla kvt ishi ka
ahnikma, vno vt i shahli li hoke.

5. Nitak ont isht untuchina ma hakshup sa tupa tok, Ia-
lael isht ai unchululi, Benchamin apelhichi, Heblu ai ahli sia
hoke: vba nan vllhpisa yak okmvno Falisi yo sia hoke.

6. Amosholi hosh chvch & i palvmmichit, vba nan vllhpisa
isht ai vllhpiesa yvmmak okmvno anumpa nana kia si onv-
tula he keyu ki tok.

7. Yohmi tok kia nana isht ahayuchi li yatuk vt, yvmmvt
Klaist pulla kak o & kvnia, ahni li tuk oke.

8. Ahli mvhlshke, yohmi kvt Klaist Chisvs an Chitokaka
ithana achukma fehna kak o nana puta kvt peh ik ahobo
ahni lishke; yvmma pulla kak o nana puta kvt isht & kvnia,
mikmt yvmmak ash o chopilhkvsh & chohmichi li, yvmoh-
mit Klaist & asitvbi li,

9. Mikmt yvmma ibafoyuka la he, micha vno ak inli kvt
vba nan vllhpisa yvmmak o isht ai vllhpiesvt il ai eshi li keyu,
amba yvmmvt Klaist & i yimmi kvt nan ai vllhpiesa na yim-
mi pulla kak o Chihowa a minti yak oke:

10. Yvmohmi ka Klaist, micha yvmmvt illit tani tok nan
isht im ai ahli, micha yvmmvt ai ilbvsha tok & iba takla kvt
kaniohmi aiena ka ithana lish, yvmmvt illi tok & hoyulba la
chj kak a hetuk oke.

11. Ik kaniohmi kia illit tani ka ona li yoba ná, ahni li
hatuk osh.

12. Himak okvno ona li mashko ahni li keyu, micha hi-
mak ak kia ai ghliit sa taha ahni li keyu; amba achunanchit
iakaiya li, yvmohmi hosh yvmmak a he ak o Klaist Chisvs
vt si atokoli tok yvmmak ash ieshi la he ak atuk oke.

13. Itibapishi li vhleha ma! ont ishi li tuk il ahni li ke-
yu hoke; yohmi kia nana achvfa ilvppak o yohmi li, nana

puta olbul ai asha ka vmi haksi cha, nan tikba gsha kak o subbak a pit wielit,

14. Achunanchit ai vlbi ya mahaya li, nan vlbi yummvt Klaist Chisvs pulla kak o Chihowa yvt vba et a hohoyo kak oke.

15. Yohmi ka ai ghli aiyuka pia hokvto, yakohmit pim anukfilashke; yohmi ka nana ka kaniohmit hvchim anukfila kvv inla tuk okma, Chihowa yvt ilvppak oh kia hvchim otr-nincha chi koke.

16. Yohmi kia iloh ai ona mashko hatuk okvto, yummak ash inli ho kiloh ai itvnowa cha, nana yummak ash inli ho iloh anukfihinlashke.

17. Itibapishi li vhleha ma! it apehvt na sa hobachi hvsh tobashke, micha pishno a hobachi hvsh ahni kvv yakohmit aya vhleha ha hvsh holitoblashke.

18. Lavt aya kvv yumma himonna hvchim anohonli li chatuk osh, anonti himak a nishkin okchi mihinti hosh, yummvt Klaist im ititaiyukhvna in tvnvp vhleha hoka, hvchim anoli lishke.

19. Yumma ont im ishtayopi kvv aiokpuloka he, yumma i shahli yvt ilap takoba ak inli, micha nan isht hofahya isht ile holitobli, yummvt yakni paknaka nana a halaia kak o asitia yoke.

20. Uba yakni okla ai achvfa pia hoka; yummak o a minta hi o pi Okchalinchit Chitokaka Chisvs Klaist a e hohoyo hoke.

21. Yummvt imi hlampko ho isht yvmihchit nana puta ka imaiyachit il aiesha hinla hokvt, ilap haknvp holitopa ya hoyulba chi ka yummak ash ot pi haknvp akanlosi ya inlvcha hi oke.

CHAPTER IV.

Chitokaka ya a kvvlo fehvt itanowa he i miha, 1; 4 vbanumpuli ghli mak osh aiaaha he im apesa; 10 ilap a i kana tuk a na yukvvt yak oke pit im ai ahni felna.

1. YUMOHMI ka itibapishi li a holitopa, micha i palata li, isht sai yukpa, micha isht sa holitopa hvchia ma! kvllot

hikiyt Chitokaka ya hvsh ibai achvfashke, holitopa fehna vhleha ma!

2. Yuotias a ilbvshvt im asilhha li, micha Sintichi ma ilbvshvt im asilhha li ka, yvmmtv im anukfila it ibai achvfa hosh Chitokaka ya ibafoyukashke.

3. Mikmtv chishno itiba toksvli li ghli ak kia chim asilhha lishke, ohoyo yvmmtv vbanumpa ha isht svba toksvli tuk, micha Klement, micha svba toksvli vhleha inla aiena, yvma hohchifo hvv holisso okchaya a takali ka, ish apelahanchashke.

4. Chitokaka ya hvsh ai yukpa na biliashke; micha anonti, Na hvchi yukpashke, achi lishke.

5. Nana ka isht hvsh il oktampili yvt hatak moma ka im otaiyanashke. Chitokaka yvt vlg hosi hoke.

6. Nana kia isht ik hvchi ataklaiyamo kashke; amba nana puta ka anumpa ilbvsha anumpulit asihihlvt aiokpahanchi hosh nana a hvchi bvna kvv Chihowa ya im annohowashke.

7. Micha Chihowa im isht it i nanaiya, yvmmtv im anukfila moma i shahli yvt hvchi chukvsh, micha hvchim anukfila aiena ka Klaist Chisvs pulla hatuk mak o atohona chi hoke.

8. Ishtaiyopi ka itibapishi li vhleha ma! nana hosh ghlikma, nana hosh holitopakma, nana hosh ai vhpiesakma, nana hosh kashofakma, nana hosh aioklikma, nana hosh annoa achukmakma, nan ai vhpesa inla yvt ashakma, anonti aiokpancha he vhpesa kvv ashakma, ilvppa puta kash hvsh anukfihinlashke.

9. Nana puta yvma hvs svv ai ithvna, micha hvsh ishi, micha hvsh haklo, micha hvs si a pisa aiena tuk vt hvsh yvmohmashke; yohmikma Chihowa im isht it i nanaiya yvt hvch ibafoyuka chi hoke.

10. Yohmi kia himak ano polaka hvs si anukfilli tuk vt anonti okcha i shahli ka Chitokaka ya isht a sai yukpa fehvshke; yvmmak a hi o isht hvs si anukfilli tuk kia, hvsh ai yvmihcha hinla kak osh ik hvchim iksho ki tok oke.

11. Nana kvv ik svv ono kak osh ilvppa achi li ho keyu: kanihmi ho a hikia li hoh kia, yvmmak oka si a nuktaiyala he vt ithvntv tahli li tuk okvt.

12. Kaniohmit nana ka ik sum iksho hosh aya li kvt ithana li, micha kaniohmit nana an laua hosh aya li kvt ithana li hoke; kanima moma, micha nana puta ka sa kaiya, micha sa hohchvfo, micha nan an laua, micha nana ik sum ono aiena hosh aya li kvt ithana li hoke.

13. Klaist pulla hosh sa hlampkohonchi kak o, nana moma ka yvmihchi la hinla hoke.

14. Yohmi ak inli kia ai vllhpiesa ho yvmohmit nana vm a palvmmi ka hvs svb anukhaklot hvs si apela tok oke.

15. Yvmohmi ka Filipian vhleha hvchia ma! vbanumpa hvt anumpa vmmoma ka Masetonia ya akohchvt ia li ma, chvch nana kia nana isht apela he vma na ishi la hetuk ash imma ka yvmohmi keyu ma, amba hvchishno ak illa tuk vt hvsh ithaiyanashke.

16. Hlessalonika ya anta li ma, himonna ka pit hvs sa pila tuk osh, anonti nana ka a sa bvna tuk a pit hvs sa pila tuk oke.

17. Na hvlbina sa bvna kak o keyu; amba nana achukma hvsh yvmohmi tuk isht ai vni kvt hvchin laua he kak o ahni lishke.

18. Yohmi kia nana moma ka ishi lish, nan an laua hoke; si alotowa hoke, Epaflotitvs ibbak fohkit nana balama vba nan isht aiokpvchi Chihowa hvt vlhpesa ahni ya et hvs sa pila tuk a, vm vla tuk oke.

19. Yohmi ka an Chihowa holitopa fehna kvt Chisvs Klaist pulla kak o nana a hvchi bvna moma ka hvchim atahla hi oke.

20. Yohmi ka Chihowa, micha Piki yak osh holitopa na bilivt biliashke. Amen.

21. Ubanumpa yimmi Klaist Chisvs ibai achvfa vhleha ha hvsh aiokpvchashke. Itibapishi li vhleha hvt si apihvt maya kvt hvchi aiokpvchishke.

22. Ubanumpa yimmi moma kvt pit hvchi aiokpvchi; mihma Sesa in chuka chvfa yokak heto pit hvchi aiokpvchi fehnvshke.

23. Pin Chitokaka Chisvs Klaist isht i kana yvt hvsh moyuma ka hvchi anukfoyukashke. Amen.

HOLISSO PAL VT

CHUCH KOLOSSI

A MIKIA HO I HOLISSOCHI TOK.

CHAPTA I.

Na yimmi ghliit maya pulla kak o Chihowa ya ai okpahanchi, 1 : 9 nan isht i kana anukfohkvt i shahlit mahaya he isht anumpohonli; 14 Klaist holitopa he isht anumpuli; 21 mihmvt nana ka Klaist vt im ataiyahli tok a im anoli.

1. PAL, Chihowa nan ai ahni hatuk pulla mak o Chisvs Klaist im apostel sia, micha Timohliva pitibapishi ita tuklo kv,

2. Ubanumpa yimmi ghli vhleha, il itibapishi ghli Klaist a ibafoyuka Kolossi ai asha ka pit aiokpvchi kv, Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo mak osh hvchi anukfoyakashke, hvchim ahnishke.

3. Chihowa, micha pin Chitokaka Chisvs Klaist Iki ya yak oke, im ahnit, vba isht e hvchi anumpohonli na bilia hoke;

4. Yohmi kv Klaist Chisvs a hvsh i yimmi, micha vbanumpa yimmi vhleha ha hvsh i hullo ka e haklo ha yokvt,

5. Ai okchaya bilia hvsh isha he vba hvch in tuyula pulla kak o e yohmishke; yvmmak oka vbanumpa ghli isht ai anumpa ho tikba kash hvsh haiyaklo tuk vt;

6. Mihi yosh hvchim vla tuk ak inli chohmit, yakni mo-ma ka im aya cha, nan vnit waya kv, nana ka hvsh haiya-

klot, Chihowa nan isht i kana ghli hvsh ithaiyana nitak atuk taiyakla kv̄t, nan vn̄it hvsh waya kak inli h̄o chohmi hoke.

7. Yvmmak ash inli h̄o Epaflas, tishu pi bika pi holitopa ya hvsh im ai ithvna tuk; yvmmak okv̄t Klaist im vbanumpa isht vtta hvchim ghli mak oke:

8. Yvmmak inli kak osh Shilombish a ibai achv̄vt hvsh it i hullo ka pim anoli tok.

9. Yakohmi kak o nitak yvmma fehna ka e haiyaklo tuk taiyakla kv̄t, anumpa ilbv̄sha isht e hvchi anumpohonli kv̄t il issa keyu, mihmv̄t hvchi hopoyuksa bieka, micha shilombish im ahalaia ka ithv̄vt, Chihowa nan ai ahni ka hvsh ithana ka isht hvchi alotowa he ak o, il ai ahni hoke:

10. Micha nan toksv̄li achukma puta ka isht ai vni, micha Chihowa nan isht im ithana ya isht i shahlit isht ia hosh, Chitokaka ya ai im vlv̄piesv̄t nana moma ka isht yukpali cha;

11. Chihowa imi hlampko holitopa isht hlampko fehna hosh, nukchintot achunanchit, nan ilbv̄sha yv̄t onvtuyula kia nuktaiyav̄t vlv̄pesa ahnit yukpa banot;

12. V̄banumpa yimmi yv̄t vba atohwikeli ai isha he vlv̄pesa hosh ai asha ka ai il iba takla hi a pi ai atahli tok, Piki yvmma yak oke hvsh im ai ahna he ak o, il ai ahni hoke;

13. Yvmmak okv̄t aiokhlili ka isht im ai ghli ya a pi a hlakofichi mv̄t, anonti kanv̄llichit ilap Ushi holitopa im apelhichika ya pisht ona tuk oke;

14. Yvmmak o im issish isht vlbi ai okchaya, nan ai ashvchi isht kashofa mak o il eshi hoke:

15. Yvmmv̄t Chihowa ya pisa he keyu ka hoyulba kv̄t, nana toba tok puta ka V̄ttahpi yoke.

16. Yvmmak atuk mak o nana moma toba kv̄t nana vba aiasha, micha yakni paknaka ai asha, nana ka pisa he, micha nana ka ik peso ka he, miko yohmá, nan i shahli yokmá, hochitoka yokmá, nan vlhtoka yokmá, aiena mikmv̄t nana moma kv̄t yvmmak atuk mak o toba kv̄t, yvmmak ash o in toba tok.

17. Yohmi ka yvmmak ash osh nana moma ka in tikba yoke, mihma yvmmak o nana moma kv̄t a takala he atok vt ont ai yv̄mohmit isht ai it im vlv̄pesa hoke.

18. Yohmi ka yummak osh chvch haknip a i noshkobo yoke: yummvt nana moma ka ai in tikvt holitopa cha, ai isht ia ummona illi tuk osh salamt tani vhleha hg im Ut-tahpi yoke.

19. Iki vt vhpesa ahni kv, yummak ash o nan isht ai vltaha yvt afoyuka he, ahni tok:

20. Yohmi kv ititaiyukhva issish a hlatapa tok pulla ho it i nanaiyvichi ikbi cha, yummak pulla ho nana moma ka isht il ai i kanvcha hi vt ahni tok; yummak pulla ho nana yakni ai asha yokma, nana vba yakni aiasha yokma, nana kv yvmohmi hoke.

21. Yohmi ka hvchishno vt tikba kamo ik ahalaio yosh nana ashvchi toksvlt hvchim anukfila isht in tanampi atuk kia, himak ano hvch il i kanvchi tuk oke,

22. Ilap haknip nipi illi kak o himak ano hvch il i kanvchi tuk; yvmohmi hosh nan ai ashvchi iksho, micha liteha a lapali iksho, micha anumpa nana kia hvchi onvtula he keyu ho ilap a itikba ya hvchi hilecha hi atok:

23. Nan ai yimmika ya a kvlot nan anukfili fitikvchi iksho, micha nana ka yohma he ahni, vbanumpa a takali yumma hvsh haiyaklo ma, yummak ash ot okla moma shutik nuta aiasha ka im anuhumpa tuk a hvch ik i filvmmo ka chi mak o, Pal sia hv vbanumpa isht vta toba li tuk osh;

24. Himak a hvchishno pulla kak o, nan isht a pavmmi puta kv sai yukpa hoke; micha Klaist ai ilbvsha tok a sa haknip isht svbvsha kv ik ono kisha ka, haknip yummvt chvch pulla kak oka, isht alotofit isht mahaya li hoke.

25. Hvchishno pulla ho Chihowa hv nana ai ahnit vm apesa kv, Chihowa im anumpa mominchit isht anumpuli la he ak o vbanumpa isht vta si atekli tok.

26. Anumpa yummvt nitak bilia kash, micha hatak chgsh-po asha ka in luma hatok kia, himak ano vbanumpa yimmi puta ka im otvni yak oke.

27. Yummak ash o Chihowa hv anumpa luma hatok ilvpak ash isht a holitopa chinto kv Chentail ai itintakla otvni kv kaniohmi ka im otvnincha he ai ahni tok; yummvt Klaist hvchi anukfoyuka a holitopa isha he isht ai ahni yoke.

28. Yvmma isht il anumpohonlit e hopoyuksa biektv, hatak moma kv̄t ahah! ahna hi a il im abahanchi mvt, hatak moma ka il im abahanchi hoke; yvmohmi hosh Chisvs Klaist pulla hatuk mak o hatak moma ka ai aghlichit e hilecha chi hatuk.

29. Yvmmak a chi mak osh vno ak kia imi hlampko isht sa hlampkohonchi fehna kak o amosholit toksahanli li hoke.

CHAPTER II.

Ai vlpiesa banot chvch a ai asha he i miha, 1 : 8 hatak nan im anuk-fila, micha nana kv̄t Klaist a isht a hvch a filvmmicha hi okvno hvsh i filvmma he anoli.

1. HUCHISHNO, micha Laotisea ai asha, micha laua kv̄t kaniohmi hosh sa nashuka ya ik peso kisha puta ka anukfihinlit, isht svlvsha fehna ka hvsh ithaiyana hi a hvchim ahni lishke:

2. Yvmohmi ho chukvsh vt it i hullot itrshekonompa hosh chukvsh vt hopohqlashke: yvmohmi hosh ai yimmi aghli isht ai yukpa chinto ka ai aghlit ithana he, yohmi hosh Chihowa yvmmvt Iki, micha Klaist isht anumpa luma hatok ma otvnihincha he ak atok;

3. Klaist ak o na hopoyuksa, micha nan ithana ita tuklo im isht ilaiyukpa moma kv̄t a luma hoke.

4. Micha hatak nana kia anumpa isht yimmichi isht hvchi haksicha hinla kak o ilvppa achi lishke.

5. Haknip okvno isht ik saksho kia, shilombish okvno isht hvch ibafoyukvt ai vlpiesa hvsh yvmohmi, micha Klaist a i yimmi ka a kvllot hvsh hieli ka hvchi pihisa li kv̄t sai yukpa hoke.

6. Yvmohmi ka Klaist Chisvs Chitokaka ya hvsh i yimmi hatuk okvt, yvmohmit hvsh iba nohowashke:

7. Micha hakshish atobvt kvllot ontalaivt a hvchim ai vlvchi tok mak o, ai yimmika a kvllot im ai vltaha fehntv, yak oke hvsh ai ahnashke.

8. Ahah! hvsh ahnashke, keyukma hatak nana kia hatak

im anumpa chashpo isht auehinchi iakaiya, micha yakni nan ai ithvna isht ia vmona iakaiya cha, Klaist a ik inkaiyo yvt anumpa inla, micha anumpa isht haksichi aiena ka isht hvchi okpenichi ná.

9. Klaist ak osh Chihowa yvt akaniohmi ka isht alotowa kv:

10. Hochitoka, micha nan vlhtoka puta i noshkoboka yvmak o isht hvchim ai vlhtaha hoke:

11. Yvmak pulla ho hvchishno ak kia ibbak o hakshup isht tpa keyu ho hakshup isht hvchin tpa tok: yvmohmi hosh Klaist hakshup tpa pulla ho haknip nan isht ashvchi yash naksika hvsh bohli tuk oke:

12. Na baptismo ho hvsh iba hollopi tuk, Chihowa yvt toksvlit yvmvt illi tuk a falaminchit tanichi tok ak o, hvchi yimmi hosh yvmak ash awant hvsh tani hoke.

13. Yohmi kv hvchishno vt nana hvsh ai ashvchi isht illi, micha hvchi haknip hakshup ik tapo atuk a nana hvsh ai ashvchi puta ka hvchi kashofi cha, yvmak ash iba taklvchit hvchi okchalinchit tuk oke:

14. Nan isht vlhpisa ibbak isht holisso a kashofi tok, yvmvt pi sanali, micha pim ai vlhpisa keyu hosh pi ai ititakla hikia tok a ishit kanchit, im ititayukhvna ya ahonvhlchi tok oke:

15. Yvma pulla ho hochitoka, micha isht im ai ghli puta aiena ka wehpulit, haiakvchit pisachit isht ai yukpa tok.

16. Yvmohmi hoka hatak nana kia impa ak ok má, nan ishko ak okmá, impa holitopa nitak ak okmá, hvshi talali ak okmá, nitak hvlo puta ak okmá, nana kia nan isht apesvt ik hvchi onochi kashke.

17. Yvmvt nana kv vla he isht vlhpisa yoke: amba haknip okvto Klaist ak oke.

18. Hatak nana kia ilap ahnit il akanlosechit, enchil vhleha ha aiokpvchit nana pisa chatuk keyu kv, afnalit haknip im anukfila isht ilefehuvchi, yvmohmit noshkoboka ya halvli keyu kv, na hvsh asitvba he tuk a, ik hvchim esho kashke.

19. Yvmak o haknip moma itachakli, micha hakshish

aiena kvt isht ai iti talakchit isht hlampkot, Chibowa hst ahni hq tobt ia hoke.

20. Yohmi ka yakni ai ithvna isht ia vmmoma ai i filvmit, Klaist a hvsh ibai illi tok okmvt, nanta katihmi hq yakni hvsh ibafoyuka chohmit, nan isht vlpisa hatak vt apesvt ithvnanchi ka hvsh i nutaka cho?

21, 22. Iluppa chohmi ka, Ish potoli ná; vptv ish pisa ná; ish pvshohli ná, moma kvt ieshi kvt okpula he bicka hoka.

23. Nana yemma puta hokvt hopoyuksa ahoba ho mvhli, ilap ahnit vba aiokpuchit il akanlosechit hahaip a ilbvshali; yohmi kia holitoblichy keyu, peh haknip ak o im achukmali hoke.

CHAPTER III.

Pim anukfila nan isht hih il ahni a kanima yo il a bohla hi a pim anoli, 1; 5 na liteha isht im anukfila puta ka illicha he vlpesa ka i miha; 9 nan ahli anumpuli; 12 i kanvt nan iti nanaiyachi; 14 vba isht talohqvt isht i shahli hvsh iti hlampkochashke; 18 hatak im ohoyo; 10 hatak ohoyo im asha; 20 vlla, 21 iki 22, yuka aiena kvt nan a kaniohma hi vlpesa ka isht anumpuli.

1. YOHMI ka Klaist a hvsh iba tani tuk okmvt, Klaist vt a binili vba Chibowa ibbak isht impakimma nana ai asha kak o hvsh bohoyashke.

2. Hvchim anukfila ba nana kvt vba ai asha kak o hvsh onochi cha, nana kvt yakni paknaka ai asha kak o keyu kashke,

3. Hvch illi; yohmi hosh hvchi okchaya yvt Klaist a iba luvvt Chibowa ya ibafoyuka hoke.

4. Klaist yummvt il ai okchaya yosh haiaka, yohmikma hvchishno ak kia a holitopa hosh yummak ash awant hvsh haiaka hi oka.

5. Yvmohmi ka hvchim i nana kvt yakni ai asha ka hvsh illihinchí; havi toba, chqvsh liteha, anushkunna atampa, haknip nan ahni okpulo, nana ahayuchi bunna atampa, yvmvt na holvt toba aiokpuchi yoke.

6. Na yakohmi pulla kak o Chihowa nan isht i nukkilli vt nan ik im antio hatak puta ka onvtuyula hoke:

7. Yemma chohmi ka hvchishno ak kia chashpo ma hvsh ibafoyuka kvv hvsh ai itvnowa tok.

8. Yohmi tuk kia himak okvno hvchishno vt nokowa, nukhobela, i nukkilli, ik ahobalot anumpuli, anumpa isht hofahya, hvch itih hq akocha ilvppa moma kak kia hvsh kanchashke.

9. Hvsh it i holabi na, hatak sipokni ya shufit nana a kaniohmi chatuk puta ka hvsh kanchi cha;

10. Hatak himona yo isht hvsh foyuka tuk okvt, yvmmak okvt nan ithana ka isht a himonvt, Ikbi tok q hoyulba hosh himonvt toba tok:

11. Yvmmak oka Klik, micha Chu yo keyu, hakshup tupa, micha hakshup ik tapo yo keyu, Belbaha, micha okla nukshopa yo keyu, yuka, micha ik yuko yo keyu, amba Klaist vto nana moma ka im i shahli, micha moma ka ibafoyuka hoke.

12. Yvmohmi hoka Chihowa im vlhtoka nan ashvchi iksho, holitopa hvchia hokvt hiahni, i kana, anukfila akanlosi, chukvsh yohbi, anukhobela sulavvt nuktaiyala aiena kak o hvsh foyukashke.

13. Hatak kvna kia isht itachowa im ashakvvt, itin lumvt hvsh it i kashofashke; Klaist vt hvchi kashofi tok oka, yvmmak inli hq chohmit hvsh yvmohmashke.

14. Micha ilvppa moma paknakachi kvv nan isht i hullo, yvmmak osh ai vlhtaha ai ahli ka isht iti talakchi yoka, isht hvsh foyukashke.

15. Micha it i nanaiyvchi Chihowa a minti vt hvchi chukvsh q foyukvt nana hvchim apesashke, yvmmak a he ak o haknip achufa hvsh toba chi hosh hvchi vlhtoka tok oke: micha yak oke, hvsh ahnashke.

16. Klaist im anumpa hvv a chitot hvchi foyuka na isht a hvchi hopoyuksashke; vba isht taloa, micha shilombish imma isht taloa aiena ka isht it im avchit, isht it i nukfohkit, nana aiokpahancha he hvchi chukvsh q foyukvt Chitokaka ya hvsh in talohqashke.

17. Micha anumpa hokmá, na kaniohmi hokmá, nana hoh kia hvsh ymohmikmut, Chitokaka Chisvs hochihifot yvm-mak atuk mak o Iki Chibowa ya yak oke im ai ahnit, mominchit hvsh yvmihinchashke.

18. Tekchi vhleha ma! Chitokaka im ai vlhpiesa mak o hvchi hatak a hvsh im ile nutakvchashke.

19. I hatak vhleha ma! hvchi tekchi a hvsh i hullashke; yohmi kvv chukvsh homit hvch ik i kvllo kashke.

20. Ulla vhleha ma! nana moma ka hvch iki, micha hvch ishki ita tuklo ka, hvsh im antiashke; ilvppak osh Chitokaka ya im ai achukma ghli yoka.

21. Iki vhleha ma! hvchim vlla vhleha ba hvsh nokowvchi ná; yohmikma im ai ghli la he keyu ahnit, chukvsh iella hinla yoba ká.

22. Yuka vhleha ma! hvchi haknip i nahullo vhleha ba nana puta ka hvsh im antiashke; nishkin pisa toksvli hatak ak o yukpali chohmi keyu, chukvsh achvfa ai apissali hosh Chibowa ya hvsh i nukshoyupashke.

23. Yohmi kvv nan toksvli nana ho hvsh yvmihchikmut, chukvsh ai ghli Chitokaka pulla, micha hatak keyu ho hvsh i yvmihchashke.

24. Chitokaka yak o ai isha he ai vlhpesa isht hvchim vltoba he vt hvsh ithaiyanashke: Chitokaka Klaist ak o hvsh in toksahanli hokvt.

25. Amba kvna hosh nan ik vlhpeso yohmikmut, nan ik vlhpeso yohmi tuk ak osh isht im vlhpisa hi oke: iti shah-sholichit kvna kia im anukfilli kvv iksho hoka.

CHAPTA IV.

Nan i shahli vt nana a kaniohma he vlhpesa ka achi, 1. 2 Uba a sihjla bilia he im achi; 5 hvch ik ibafoko itanowa ka nan vlhpesa biekvt im itvnohwa he; 10 nana ka i shahlit mahaya he ahnit im achi.

1. I NAHULLO vhleha ma! hvchi yuka vhleha nan isht im vlhpesa, micha nan isht im itilau aienna ka hvsh

imashke; micha hvchishno ak kia hvchi shahli hvt vba yakni binili ka hvsh ithaiyanashke.

2. Anumpa ilbvsha anumpohonlit, yvmmak ash o ai okchvt yak oke hvsh ahānashke.

3. Yohmi mak inlit Klaist im anumpa luma yatok, micha yvmma pulla kak o sa talakchi ak inli tuk vt isht anumpuli la he, okhissa ya Chihowa yvt pin tiwa hi a, isht hvsh anumpohonli mak inlashke.

4. Yvmohmi ho anumpuli la he vlhpesa hatuk vt, otvninchi lashke.

5. Kocha ai asha ka i hopoyuksvt itvnowvt, nitak ik hvchi kvnio hosh nan isht hvsh il im ahantashke.

6. Hvchim anumpa puta kvv Chihowa nan isht i kana ai ibafoyuka biekvt hvpi ho isht yvm mashke; yohmi hosh kaniohmit hatak puta anumpa falama ka hvsh ima he vlhpesa kvv hvsh ithaiyana hoke.

7. Nana vma kaniohmi ka Tikikvs, ilvppvt itibapishili holitopa, micha vbanumpa isht vta ai ghlit, micha tishu sa bika Chitokaka ibafoyuka yak osh hvchim anola chi hoke.

8. Yvmmvt yvmohma chi kak o hvchi pila li tuk: yohmi ka nana hvchim a kaniohmi ka akostininchi cha, hvchi chukvsh a hopohlva chi kak atuk;

9. Micha Onesims itibapishi li ai ghli holitopa, yvmmvt hvchishno ak inli ka aieninchit hvchi pila li hatuk. Yvmmak osh nana moma ilvppa a kaniohmi ka hvchim anola chi hoke.

10. Alistakvs, svbai yuka yvt pit hvchi aiokpvchishke: micha Makvs, Banabas in tek ushi mvv pit hvchi aiokpvchishke; yvmmak oka isht anumpa vlhpisa ha hvsh ishi tuk vt hvchim onakma, hvsh aiokpvchashke.

11. Micha Chisvs, yvmmvt Chvstvs hohchifo hvt pit hvchi aiokpvchishke; yakohmi kvv hakshup tupa yoke. Ilvppak illa hosh Chihowa im apchlichika a svba toksahanli yosh nan isht sa hopohohla yatuk oke.

12. Epafias, yvmmvt hvchishno mak inli, Klaist in tishu hosh pit hvchi aiokpvchishke, micha Chihowa nan ai ahni moma ka a kvllot ai ghli hvsh hikia hi a anumpa ilbvsha achunanchit isht hvchi anumpohonli bilia yoke.

13. Hvehishno, micha Laotisea ai asha, micha Hielapolis ai asha aiena ka hvchi anukfihinli fehna ka im atokowa anoli sia hoke.

14. Luk, alikchi holitopa, micha Temas, ita tuklo kvv pit hvchi aiokpvehishke.

15. Itibapishi vhleha hvv Laotisea aiasha, micha Nimfas, micha in chuka chofa chvch ai asha aiena ka pit hvsh aiokpuchashke.

16. Micha holisso iloppa hvsh it im anumpulikmvt, anonti Laotisea chvch ak kia ai it anumpa hi a hvsh apesashke: mikmvt holisso Laotisea a minti ak kia hvsh it im anumpulashke.

17. Micha Achippers a Chitokaka yak q vbanumpa isht ai vta ish im ai eshi tuk vt ahah! ahnit ish ai ahlichashke, hvsh im achashke.

18. Uno svbbak ak inli ho Pal sia hvv pit isht hvchi aiokpuchi lishke. Sa talakchi ka hvsh ithaiyanashke. Isht i kana yvt hvch anukfoiyukashke. Amen.

HOLISSO VMMONA PAL VT

CHUCH HLESSALONIKA

A HIKIA HQ I HOLISSOCHI TOK.

CHAPTER I.

Chvch Hlessalonika a hikia ka ithanvt vba isht anumpohonlit yak oke im ai ahni, 1; 5 mihmvt Chihowa anukfoyuka ghli ahnit i yimmi kvv isht anumpuli.

1. PAL, micha Silfanva, micha Timohlivs aiena kvv Hlessalonian chvch Iki Chihowa, micha Chitokaka Chisvs Klaist ibafoyuka ya pit hvchi aiokpvchi kvv, Piki Chihowa micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kvv hvchi anukfoyukashke hvchim ahnishke.

2. Anumpa ilbvaha il anumpulikmvt, e hvchi anohonlit, Chihowa ya yak oke hvsh moma ka isht e hvchim ahani hoke;

3. Pin Chitokaka Chisvs Klaist ibafoyukvt na hvchi yimmi kvv na hvsh yvmihchi, micha na hvsh i hullo aiena kvv na hvsh toksahanli, micha ai okchaya pisa he ahnit nuktaiyalvt hvsh achunanchi aiena ka Chihowa Piki itikba ya ithaiyanvt e bilia hoke:

4. Micha itibapishi li vhleha ma! Chihowa i holitopvt im ai vltoka hvchia ka il ithaiyana kak oke.

5. Pim vbanumpa hvv anumpa illa hvsh hvchim gya tok keyu, amba nan isht ai ghli, micha Shilombish Holitopa ai

itibafoyuka aiena na na hvchi yimmi fehna tok ; yvmohmit hvchishno ak atuk mak o kaniohmit hvchi takla il aya tok a hvsh ithaiyana ak inli hoka.

6. Yvmohmi cha nan isht ai ilbvsha lawa kia, Shilombish Holitopa ai yukvt vbanumpa ha hvsh aiokpvchi cha, pishno, micha Chitokaka ya im antia hvsh toba tuk oke :

7. Yvmohmi hokvt na yimmi moma Masetonia, micha Akaia aienai i asha kvv im ai ithvvt iakaiya hi o hvchia hoke.

8. Hvchishno ak o mvhli ho Chitokaka im anumpa anoa kvv Masetonia, micha Akaia ak bano keyu, amba kanimoma kak kia, Chihowa hvsh i yimmi kvv annovshke ; yohmi ka pishno vt nana il acha he vhpesa keyu hoke.

9. Micha yvmma chohmi puta kak osh pi anoli kvv, kaniohmit e hvch iba chukowa tok ; micha kaniohmit Chihowa ahli okchaya ya hvsh im antia chi hosh, na holba ya i filvmmitt Chihowa hvsh im ona tuk a anoli hoke.

10. Yohmi cha Ushi Chisvs vt illi tuk a salaminchit tanchi tok a, mihi yosh vba yakni minta chi ka hvsh hohoyo ka, yvmmak osh nan isht i nukkilli minti ka pi ahlakofichi tok mak oke.

CHAPTER II.

vbanumpa hvv kaniohmitt Hlessalonika ya ai anuhumpa ma, kaniohmitt okla aiokpvchi tok a anoli, 1 ; 18 pisa ka bvna fehna, yohmi kia nana hosh kaniohmi kak o ik im ono kvv anoli.

1. ITIBAPISHI li vhleha ma ! hvchishno ak kia kaniohmitt e hvch iba chukowa ma, yvmmvt pilla tok keyu ka, hvsh ithaiyana hoka :

2. Yohmi ka tikba ka pilbvsha, micha Filippi okla hvv hofahyali aiena tok a hvsh ithaiyanvshke ; yohmi ha ya pin Chihowa pulla ho a nukwaya keyut, achunanchit a lushummitt vbanumpa ha isht e hvchim anumpohonli tok.

3. vbanumpa isht e hvchim anumpohonli kvv, anumpa yoshubli, micha chukvsh litehli, micha i kostinit haksichi atok keyu hoka ;

4. Amba Chihowa ak osh vlhpesa ahnit vbanumpa ha pibbak fohki tok oka, yvmohmit il anumpuli hoke: hatak ak o e yukupali keyu, amba Chihowa pi chukvsh a pisa yak oke.

5. Micha nitak nan ash o na fehvchit il anumpuli tuk keyu, nan isht ahayuchi bnna hosh, nan il ilahobi ha tuk keyu ka hvsh ithana hoke: Chihowa mvt pisa yoke.

6. Micha hatak ak o a holitopa e hoyo tuk keyu, hvchishno, micha inla yak oh kia tok keyu, Klaist im apostel pia hv hvchi wekit na hvch im a hoyocha he vlhpesa kia, e yvmohmi tuk keyu.

7. Amba hvchi takla il ashwa mvt, ik kvllot, vlla ilauei vt ipetvt hofantichi chasuk a e chohmi tuk oke:

8. Yvmohmi hosh hiahnit e hvchi palata fehna hokvt, vlhpesa ahnit Chihowa im anumpa ak bano keyu, amba pimi shilombish ak kia aieninchit e hvch ima hinla tuk, hvsh pi holitopa fehna hoka.

9. Itibapishi li vhleha ma! toksahanlit hoyvblit pilbvsha tok a hvsh ithana hoke; achvfona kia e hvchi weka chi keyu vvt, ninak, micha nitak, aiena ka toksahanlit Chihowa im anumpa ha isht e hvchim anumpohonli tok.

10. Hvchishno, micha Chihowa ak kia kaniohmit chukvsh kashovt ai vlhpiesa, micha anumpa onvtula he iksho ho na yimmi vhleha hvchia ha hvchi takla il ashwa tok a atokolit pi anoli hvchia hoke.

11. Atohnochit, micha hopohlvtit iki yosh im vlla im anumpuli ak inli ho e chohmi tuk a hvsh ithaiyana,

12. Yohmi hokvt vba apehlichika holitopa ya hvsh esha chi ka, Chihowa, yvmmak osh hvchi hoyo tuk a, hvsh im ai ghla he ak atuk.

13. Chihowa im anumpa ha hvsh pi haponaklo mvt, im anumpa nana ho chohmichit hvsh ishi keyu vvt, amba ai ghli hoka, Chihowa im anumpa hoke, yvmmt na yimmi hvchia puta ka ai ghli hvchi atahli tuk ilvppa pulla aiena kak o Chihowa ya yak oke il im ahni vvt, il issa keyu hoke.

14. Itibapishi li vhleha ma! hvchishno vt Chihowa in hvch puta Klaist ibafoyuka hosh Chutea aiasha ka, iakai-

ya hvsh toba tuk oke; hvchishno ak kia Chu okla hv yvmihchi tok a, hvchim okla hv chohmichit hvch ilbvshali tok oka:

15. Yvmmvt Chitokaka, micha ilap i hopaii puta atuk ak kia vbi tok osh, pishno ma pilbvshali tuk oke: mihmvt Chihowa yq yukpali keyu mvt, hatak moma ka im inla hoke:

16. Il im anumpuli na Chentail vt okchaya chi ka pim alvmmi hoke; ilap nan ashvchi alotola chi kak osh yvmohmi bilia chatuk okvt, nan isht i nukkilli vt onvtula kvv ont im ai oklgha hoke.

17. Yohmi ka itibapishi li vhleha ma! nitak ik hopako ka nashuka yokvno hvchi filvmmichis pi ai ishi tuk, chvkvsh ak okvno keyu, yvmohmi hq isht i shahli fehvt hvchi nashuka ya pisa pi bvna fehna tuk oke.

18. Yvmohmi kak osh himonna, micha a tukla foka ka e hvchim ona he, Pal fehna sia hv vm anukfila tuk; yohmi tuk kia Setan vt pi ataklvmmi tok.

19. Yohmi ka nanta hak q il isha he il ahni hq? nanta hak q isht pi aiyukpa yq? nanta kak osh pim iachuka isht pi aiyukpa yq? Pin Chitokaka Chisus Klaist vt vlakma itikba ya hvchishno yak a he keyu?

20. Hvchishno ak q isht pi a holitopa, micha isht pi aiyukpa yoka.

CHAPTA III.

Timohli a pit i pila kvv Tlessalonian a i hullo; micha nan ai vhlpiasa hq okla yvmohmi ka isht yukpa kvv, otvninchi hatok, 1; 10 vba isht anumpohonli, micha im ona hi a ahni fehna aiena.

1. YVMOHMI hoka pi nuktaiyala he keyu kit taha mvt, Ahlens a pishno bano hosh il ashwa he vhlpesa il ahni tok.

2. Micha Timohliis, pitibapishi, Chihowa nan isht im vta, Klaist im vbanumpa a piba toksvli, vt hvchi ai yimmi ka ya a hvchi hlampkohonchit hvchi hopohvla chi hq, e pila tuk oke:

3. Yohmi na hatak kuna kia nan ai ilbusha yakohmi ka isht ik a shanaiowo kashke; hvchishno ak kia yakohma hi vt isht pim vlpisa tok a hvsh ithanvshke.

4. Hvchi takla il gshwa mvhli mvt, nan isht ilbusha ya e pisa hi vt tikbanli hvchim anoli tok fehna kvf ant ai yvmohmi tuk a, hvsh ithaiyanvshke.

5. Yakohmi kak o sa nuktaiyala he keyu kit taha mvt, na nukpelihi vt kaniohmit haksichi tuk yoba ka, yohmi na e toksvli tuk vt peh pilla na, ahni li hosh, hvchi ai yimmi ka akostininchi la chi hosh pila li tuk oke.

6. Yvmohmi tuk kia himak vno Timohlivs vt hvchi a kohchvt pim vla cha, a hvchi ai yimmi, micha hvsh itj hullo annoa achukma ka isht pim vla, mihma hvsh pithaiyana a bilia, hvchi pisa pi bvna ka, hvchishno mvt pi pisa hvchi bvna fehna ak inli tuk a, e haklo tuk oke.

7. Yvmohmi kvf itibapishi li vhleha ma! a pilbusha putvt nana kvf pim atakonofa kia a hvchi yimmi ka pulla kak o isht pi a hopohla tuk oke.

8. Chitokaka ya ibafoyuka kvllot hvsh hielikma, himak a pi okchaya mak okvt.

9. Hvchishno pulla kak o pin Chihowa itikba ya na yukpa puta isht pi ai yukpa kvf, yak oke ahni katiohmi ho hvchishno pulla kak o anonti Chihowa ya il ima hinq?

10. Nisak, micha nitak moma anumpa ilbusha achunan-chit il aaihlila kvf, yvmvvt hvchi nashuka ya e pisa cha, na hvchi yimmika yvt nan ik ai ono ketuk a il ai ghlicha he ak oke.

11. Yohmi ka Chihowa ilap vt Piki, micha pin Chitokaka Chivs Klaist vt 'il atia chi ka apisvlichit pisht hvchim onashke.

12. Micha Chitokaka yvt hvsh it j hullo ka j shahlit isht ia, micha hatak moma hvsh j hullo ka j shahlit isht ia, a chinto ka hvchim ahnashke; pishno e hvchi hullo ka hvsh chohmashke:

13. Yvmohmi ho pin Chitokaka Chivs Klaist vt vbanumpa yimmi puta pehlichit vlakma, nan ashvchi ikahot,

anumpa hvchi onvtula keyut, Chihowa, Piki mak o itikba ya hvsh hiela hi o, mihi yosh hvchi chukvsh g hlampkohon-chashke.

CHAPTA IV.

Chihowa anukfoyuka kv̄t i shahlit mahaya hi g atohnohonchi, 1 ; 9 iti hullo, 11 nuktanlv̄t ilap nan isht ai vtta he tok akbano hō ahni ; 14 illit falamvt tani, mikmvt anonti Klaist vt minta hi g isht anum-puli.

1. YUMOHMI ka anonti itibapishi li vhleha ma ! Chitokaka Chisvs puyulla hō isht e hvchim anumpohonli kv̄t, yvm̄mvt kaniohmit ayvt Chihowa ya hvsh yukpala hi osh hvsh pi a haponaklo tok vt, yvmohmit chitot isht i shahli fehnvt hvsh mahaya he ak o e hvchim asilhvshke.

2. Chitokaka Chisvs pulla hō anumpa v̄lhpisa nana hō e hvch ima tok g hvsh ithaiyana hokvt.

3. Nan ashvchi ik hvchim iksho ilvppak osh Chihowa im anukfila hoka, yvm̄mvt na haui hvchik ahalaio ka he ;

4. Micha hvsh moyuma kv̄t nan ashvchi iksho, micha holitobli hosh, kaniohmit im ai v̄lhto ya iesha he vt ithana hi ak oke.

5. Haknip nan ai ahni isht haui toba keyu hosh, Chentail vt Chihowa ik ithano ka ik chohmo kashke :

6. Hatak nana kia atablit itibapishi hā nana hoh kia ik haksecho kashke ; Chitokaka yvt yvm̄ma chohmi ka im apesvt na hotopa onocha he oka, yvm̄ma chashpo ma ahah ! hvsh im ahna he, atokolit e hvchim anoli tok.

7. Chihowa yvt a liteha yō a pi atokoli tok keyu, amba nan il ai ashvchi iksho ka hi ak atuk oke.

8. Yvmohmi ka kv̄na kia shitilemakmvt, hatak o shitilema keyu, amba Chihowa yvm̄mvt ilap Shilombish Holitopa ya pima tok ak oke.

9. Amba itibapishi it i hulla he imma hokvno isht hvchi holissochi la hi g hvsh ahna he keyu : hvchishno ak inli hosh it i hulla hi okvto Chihowa yak o hvsh im ai ithvna tuk oka.

10. Yohmi kv̄t il itibapishi moma Masetonia moma ai asha ka hvsh i yvmohmi mv̄hli hoke : yohmi kia il itibapishi v̄hle-

ha ma! isht i shahlit hvsh mahaya hi ak o e hvchim asilh-hvshke.

11. Micha na fehna ahnit nuktaiyalvt, nana ilap isht ai vttta he bieka ho yvmihchi, micha ilap ibbak ak inli ho isht toksahanla hi ilvppak o e hvchim apesa tok ak oke:

12. Yvmohmi hosh kocha asha ka ai vlhpiesa ho hvsh i yvmohmi cha, nana kia ik hvch im ono kvv iksho kashke.

13. Yohmi kia itibapishi li vhleha ma! nusi vhleha ak okvno hvch ik im ithano ka he ahni li keyu, inla yvt nana ai okchaya pisa he ik ahno yo, chohmit ik hvchi nukhaklo ka he ak oke.

14. Chisvs vt illi tuk osh falamvt tani tok a pi yimmi hokma, yvmmak inli ho chohmit kvna hosh Chisvs a ibafoyukvt nusi tok okvno Chihowa hvv iba tanicha hi oka.

15. Chihowa im anumpa pulla ho ilvppa e hvchim achi hoka, yvmmvvt Chisvs vt vlakma, pishno vt pi okchayvt il asha tuk vt, nusi tok a il in tikba he keyu hoke.

16. Chitokaka yvt ilap ak inli hosh na shakapa, enchil i miko im anumpa ola, micha Chihowa im isht pufa chinto ohonla ho a pehliechit vba mintit vla hi oka; mikma Klaist a ibafoyukvt illi tuk vt tikba tana hi oke.

17. Yohmi mak inli ho pi okchayvt il asha kvv, hoshonti ataya shutik takla Chitokaka ya il ai afama chi ka, yvmmak ash aieninchit pisht ia hi oke: yvmohmi ho Chitokaka takla ya il asha na bilia hi oke.

18. Yvmohmi hoka, anumpa ilvppa puta kak o isht hvsh it i hopohlahanlashke.

CHAPTA V.

Nan vhlpisa chinto nitak a kaniohmit Klaist vt vla he anoli, 1; 12 nan im avvchi, micha nana ka achukma he bano ho ahnit, apesahanchi puta ka holiobla he i miha; mihmvvt nan inla isht ai im anukfila he vhlpesa ka aieninchit achi.

1. YOHMI kia itibapishi li vhleha ma! himak a pilla nitak nan a kaniohma he puta imma hokvno isht hvchi holisochi hi a hvsh ahna he keyushke.

2. Chitokaka i nitak vt hukopa yosh ninak o aya ho chohmit vla hi okvno, hvchishno ak inli kvv hvsh ithana fehna hoka.

3. Achukma bieka, tvnvp vt iksho, okla ahanchikma, yohmikmak o yohma chi ik ahno takla ho na pavmmi kvv onvtula kvv, ohoyo vlla esha chi kvv nukhvmi ka chiyuhma hi oka; mikma hlakofa he keyu hoke.

4. Yohmi kia itibapishi li vhleha ma! hukopa yo chohmit nitak yvmvvt hvchi sakka chi ka, ai okhlilika yo hvsh aya keyushke.

5. Hvsh moma kvv atohwikeli ka im vlla hvchia, micha nitak im vlla hvchia hoke; ninak, micha ai okhlileka yo pia keyu hoke.

6. Yvmohmi ka inla yo chohmit ik hvpi nuso kashke; amba okchvt ahah! il ahnashke.

7. Kvna hosh nusi hokvto ninak ak o nusi; mikma nan ishkot haksi hokvto ninak ak o haksi hoka.

8. Amba nitak o pia hokvto ahah! ahnit, na yimmi ikkishi alata, micha nan i hullo ma isht hvsh foyuka, micha noshkobo isht ompoholmo ai okchaya pisa he ahni ya il ieshashke.

9. Chihowa yvt ai i nukkilli yo a pim apesa tok keyu, amba pin Chitokaka Chivts Klaist pulla ho ai okchaya il isha chi hatok oka.

10. Yvmvvt pi vlhtobvt illi tok, yohmi ka pi okcha hokma, pi nusi hokma, nana kia iba takla il ahanta hi atok.

11. Yvmohmi hoka hvsh yvmohmi ak inli hatuk vt, it im anumpulit iti hopohlahanlit, hvsh iti hlampkohonchashke.

12. Micha itibapishi li vhleha ma! hvchin toksahanlit, Chitokaka pulla ho hvchi pehliechit, ahah! hvsh ahna he hvchi anukfohki ya, hvsh ithaiyana he;

13. Micha toksahanli pulla kak o holitoblit hvsh im anukfilli fehna hi a e hvchim asilhvshke. Micha hvchishno bika hvsh it i kanashke.

14. Yohmi ka itibapishi li vhleha ma! ilapunla yvt isht im ahleka hinla ka hvsh im anoli, chukvsh ielli ma hvsh hopohlahanlit, chukvsh ik hlampko hvsh hlampkohonchit,

hatak puta ka chukvsh isht hvsh i nuktaiyala he ak o e hvchi nukfokhishke.

15. Yohmi ka hvsh ahni na kvna kia nana ik achukmo ka nana ik achukmo mak inli ho hatak nana kia ik i yvmihcho kashke; amba hvchishno ak inli, micha hatak puta ka isht im achukma kak o hvsh iakaiya na biliashke.

16. Hvchi yukpa na biliashke.

17. Anumpa ilbvsha hvsh anumpuli kv hvch ik isso kashke.

18. Nana puta ka yak oke, hvsh ai ahnashke; Klaist Chisvs pulla kak o Chihowa hv ilvppa hvchim ai ahni hoka.

19. Shilombish g hvsh mosholichi ná.

20. Shilombish anukfoyukvt anumpuli ka hvsh shitilema ná.

21. Nana moma ka imomaka hvsh pisashke; nana kv achukma ka kvlochit hvsh ieshashke.

22. Nana ik achukmo ahomba moma ka ik hvchi ahalaio kashke.

23. Mikma it i nanaiya yvt a mihinti Chihowa ak inli hosh ai oklvhvchit hvchi kashofashke; micha Chihowa ya im asihila li kv, hvchi shilombish, micha hvchim anukfila, micha hvchi haknip aiena kv anumpa onvtula ikshochit hvch ieshit, pin Chitokaka Chisvs Klaist vt ai vla hi g hvch isht onakbano ai ahni lishke.

24. Nana miha kv ai gblichy yosh hvchi hoyo kv, yvmvt yvmihcha chi ak inli hoke.

25. Itibapishi li vhleha ma! anumpa ilbvsha isht hvsh pi anumpohonlashke.

26. Hvsh itibapishi puta ka suksowa holitopa yo isht hvsh ai okpvchashke.

27. Chitokaka pulla ho holisso ilvppa il itibapishi holi-topa vhleha ha hvsh im it anumpohonla he ak o hvchi miha lishke.

28. Pin Chitokaka Chisvs Klaist nan isht i kana yvt hvchi anukfoyukashke. Amen.

HOLISSO ATUKLA PAL VT

CHVCH HLESSALONIKA

A HIKIA HQ I HOLISSOCHI TOK.

CHAPTA I.

Hlessalonian okla hvt vbanumpa anukfohka ai ghli ahnit, yimmit miha, 1; 7 nan i pvlammit maya ka vba afoha he isht hopohla-hanli; mihmvt nana kv̄t isht ai vhlpiesa hq nan vhlpisa pvlammi kv̄t i nukkilli vhleha hq onvtuyula he isht miha.

1. PAL, micha Silfanvs, micha Timohlivs pia hvt Chvch Hlessalonika a hikia Piki Chihowa, micha Chitokaka Chisvs Klaist ibafoyuka ka pit il aiokpvchi kv̄t,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kv̄t hvchi anukfoyukashke, e hvch im ahnishke.

3. Hvchi ai yimmi ka yvt chitot isht i shahli fehna, micha hvsh moma kv̄t hvsh it i hullo kv̄t laua fehna hoka, itibapishi li vhleha ma! isht ai vhlpiesa hq hvchishno pulla kak o Chihowa ya yak oke il im ai ahni na bilia hi atuk oke:

4. Yvmohmi kv̄t pishno vt ai ilbvsha, micha na palvmmi puta aiena kv̄t hvchi onvtuyula kv̄t, hvchi nuktaiyalvt, na hvchi yimmi kak o, Chihowa in chvch puta ka a hvchi anolit isht e hvch ilauata hoke.

5. Yvmmak okvt Chihowa hvt ai vhlpiesa apesvt onochi ka isht otvni, yohmi hq Chihowa im apehlichu ka ya hvsh isha he vhlpiesa ka hvchi ahna hi atok, yvmmak a he mak o hvch ilbaiyvsha hoka.

6. Chihowa hvt hvch ilbvshali yg i falaminchit na palvmmi hq onocha hi vt vlhpesa;

7. Micha hvchishno vt hvch ilbvsha kv, hvsh pibafoha hi g hvchim ahna hi vt vlhpesa hoka, nitak yumma fehna Chitokaka Chisvs vt enchil hlampko puta ka il ai eshit,

8. Uba mintit luak libbi biekv haiakvt, Chihowa ik ithano, micha Chitokaka Chisvs Klaist im vbanumpa ik im antio aiena ka isha he vlhpesa mak o im apesvt onochikma;

9. Yvmmak okvt Chitokaka, micha nan isht im ai ghli holitopa itikba ai i filvmmi na palvmmi a bilia isht im vlhtobvt ilbvsha he;

10. Yvmmak okvt vla cha, vbanumpa yimmi puta ka isht a holitopa he, mikma i yimmi puta kv okokko! ahnit aiokpachana he nitak yvmmak ok mak o yakohma he, atokolit il anoli tok g hvchi yimmi tok oka.

11. Yvmohmi hoka anumpa ilbvsha isht e hvchim anumpononli na bilia kv, pin Chihowa yvt nan isht ilaiyukpa ilvppak ash hvsh isha hi g vlhpesa hvchi ahni cha, ilap nan isht i kana aiokpancha he achukma moma, micha ai yimmi a toksvli nan isht im ai ghli aiena ka isht hvchim atahli hokbano il ai ahni hoke.

12. Yvmohmi ka pin Chitokaka Chisvs Klaist hohchifo hvt, hvchi a holitopakma, pin Chihowa, micha Chitokaka Chisvs Klaist nan isht i kana pulla hq yvmmak ash hvchi a holitopashke.

CHAPTA II.

Nan ai ghli yg a kvllot iesha hi g i miha; nan ai ghli lava kv ai i filvmma he, mikma Klaist i sanali vt Chitokaka yvt ik lo kisha ka, otaiyana hi g anoli; 15 vba isht anumpononli.

1. YOHMI ka itibapishi li vhleha ma! pin Chitokaka Chisvs Klaist vt vla he, micha il im itvnaha he ak o isht e hvchim asilhhvshke.

2. Yohmi ka chekosi, shilombish tikbanli anoli yokmá, vbanumpa tosholi yokmá, pi holisso hak okmá, nana hoh

kia Klaist i nitak vt auet olanlosi hvchi chohmit, hvchim anukfila hut ~~ok~~ shanaowot ik hvchi komunto kashke.

3. Hatak nana kia kaniohmit ik hvchi haksecho kashke: vbanumpa ha i filvmmmit ik asho kisha, micha nan okptni ushi, hatak nan ashvchi yummvt ik haiako kisha ka, nitak yummvt vla he keyu.

4. Yummak okvt Chihowa hohchifo, micha i shahli ikbit aiokptchi puta ka i sanalit ile chahvchit, il i shahlichy yoke: yohmi hosh yummvt Chihowa chohmit, Chihowa in tempel a binilit, Chihowa ile mihvt ile haiakvchi hoke.

5. Hvchi takla anta li moma mvvt, ilvppa puta ka hvchim anoli li tok a hvch ik ithaiyano ho?

6. Yohmi ka himak ano nitak vt im vlhpiesakmvvt otvna hi a, nana hosh halvlli ka, hvsh ithaiyanvshke.

7. Na luma chito ik vlhpeso yvt tovt isht ia mashko hoke: himak a halvlli kvv halahanla chi; atuk o yummak ash o ishit i kanvllchik mak a hi oke.

8. Mikma yohmikmak o nan ashvchi yummak ash ot otvna hi oke; yummak oka Chitokaka yvt itih ilhfiopak isht illichia he, micha sholupakali hosh ant haiakakmvvt, yummak ash o akshocha hi oke.

9, 10. Yummak okvt Setan nan akaniohmi yo iakaiya kvv, nan isht im ai ahli, nan isht atokowa puta, micha na holabi isht nukhlakancha, mikmvvt nan ik vlhpeso isht yoshubli aiena ho il ai ishit illi na bilia he puta ai itin takla ya ayvt otaiyani yummak a he oke; okchaya hi atuk kia vbanumpa ahlika ya holitoblit ik yimmo tok okvt.

11. Mikma yakohmi kak o Chihowa yvt nan isht a yoshuba kvvlo kvv ik onvtula im ahni na na-holabi kia i yimma he:

12. Yvmohmi pulla hosh anumpa ahli ik yimmo hosh, amba nan ik vlhpeso aiokpanchi tuk vt momvt nan im vlhpisvt na hotopa hi atok.

13. Yohmi kia itibapishi li Chitokaka i holitopa hvchia ma! hvchishno pulla kak o Chihowa ya yak oke il im aiahnit bilia he vlhpesa hoke. Shilombish isht a kashofa, micha anumpa ahli yimmi pulla hosh hvchi okchaya he ai vmona ka hvchi atokoli tok oke:

14. Yvmmak a hi o pin Chitokaka Chisvs Klaist isht a holitopa ya hvsh isha hi a, yvmmak ash ot pim vbanumpa isht hvchi hohoyo tok oke.

15. Yvmohmi hoka itibapishi li vhleha ma! kvllot hvsh hielashke, micha anumpa vlhpisa puta vbanumpa toshowa hokmá, keyukmvt pi holisso hokmá, nana ho hvsh ai ithv-na tuk vt hvsh ieshashke.

16. Mikma pin Chitokaka Chisvs Klaist ilap inli, micha Piki Chihowa, yvmmvt pi hullo, micha nan isht i kana pulla hosh chukvsh isht a nuktaiyala bilia, micha nana isha he ahni achukma ya pihima tok vt,

17. Hvchi chukvsh a hopohlvi cha, anonti anumpa achukma puta, micha nan toksvli achukma aiena ka isht a hvchi hlampkohonchashke.

CHAPTA III.

Vba isht anumpohonla hi a im a sihlha, 1 ; 6 nan ai vlhpiesa ik shana-iowo ka he i miha ; nan in takobi, micha nan ik vlhpeso aiena ka ik ai itapeho ka he, 16 isht aiyopichi kvv vba asihlha.

1. ISHTAIYOPI ka itibapishi li vhleha ma! anumpa ilbussha isht hvsh pi anumpohonli na Chitokaka im anumpa yvt mvlihinlit ayvt, holitopa kvv, hvchim ai yvmohmi kak inli ho chohmashke :

2. Yohmi ho hatak ik vlhpeso, micha hatak nan ashvchi atampa aiena ka il i hlakofa he ak o, hatak moma kvv ai yimmi ka ishi keyu hoka.

3. Yohmi kia Chitokaka yvt na mihvt ai ghlichí, yvmmak osh hvchi hlampkochi cha, nan okpulo ya hvchi a filvmmi-chit hvch iesha hi oke.

4. Micha hvchishno pulla hokvno Chitokaka ya isht il anukchieto kvv, nana e hvchim apesa tok a hvsh yvmihchi kvv, anonti hvsh yvmihinja chi mak oke.

5. Mikma Chitokaka yvt hvchi chukvsh a apissvlechi na Chihowa ya hvsh i hullo, Klaist atok a chiyuhmit nuktaiya-lvt hvsh achunanchashke.

6. Yohmi ka itibapishi li vhleha ma! pin Chitokaka Chisvs Klaist a hochihifot isht e hvchim apesa kvt, itibapishi kvna hosh ai vlhpesa keyu hq aya, micha anumpa vlhpisa pim ai ishi tok ak keyu hokvno, hvsh i filvmmashke.

7. Hvchishno ak inli kia kaniohmit hvsh pi ahobacha he vlhpesa kvt hvsh ithanvshke: hvchi takla il ashwa mvt, ai vlhpesa keyu ka a pi yvmohmi tok keyu:

8. Micha pilla batakinla i pvska e pa tok keyu, amba ninak, micha nitak moma ka toksvlit, hoyublit pi palvmmi tok, yvmmvt hvsh kanima kia nana kvt ik hvchi kvnio ka chi kak atok.

9. Yohmi kvt e yvmohma he vlhpesa keyu nana tok keyu: amba hvsh piakaiya hi o e hvchim ile haiakvchi hatuk oke.

10. Hvchi takla il ashwa mvt kvna kia toksvla he keyukmvt impa he vlhpesa keyu, ilvppak oka e hvchim apesa tok.

11. Kanimi kvt hvchi takla ai vlhpesa keyut aya mvt, toksvla he keyu kvmohmit, nan isht ahalaia keyu kia isht vtvtv fullokahanchi ka e haklo hoka.

12. Yvmma chohmi puta kvt nuktanlv ahanlv, toksvlit, ilap i pvska vpa he ak o im apesvt, pin Chitokaka Chisvs Klaist puyulla mak o il in tonohonchishke.

13. Yohmi kia itibapishi li vhleha ma! nana achukma ka hvsh yvmohmi kvt ik hvch in takobokashke.

14. Micha hatak nana hosh pim anumpa holisso ilvppa ik im antiokma, yohmi hvsh ahni cha, takla hvch ik ayo ki hafyahske.

15. Yohmi kia hvchin tvnvp o ahnit hvchik anukfillo hosh, amba itibapishi hq chohmichit nana hvsh i mihashke.

16. Chitokaka it i nanaiyvchi ilap ak osh ik kaniohmi kia isht it i nanaiya ya hvch ima na biliashke. Chitokaka yvt hvsh moma ka hvch ibafoyukashke.

17. Pal sia hvttvbbak fehna hq isht hvchi aiokprchi li ka, yvmmvt a holisso puta ka isht ithvna mak oke: yakohmi hq holissochi lishke.

18. Chitokaka Chisvs Klaist nan isht i kana yvt hvsh moyuma ka hvchi anukfoyukashke. Amen.

HOLISSO VMMONA PAL VT

TIMOH LI YA

I HOLISSOCHI TOK.

CHAPTA I.

Timohli a pit aiokpuchi, mihmvt nana ka isht atokoli tok vt isht i mihija, 1; 5 nana ho isht ai vlpiesa hosh nan vlpisa yatuk a anoli; 11 ilap vbanumpa nukfoka tok vt anoli.

1. PI Okchalinchí Chihowa, micha ai okchaya bilia e pihisa he ahnit il anukchieto, Chitokaka Chisvs Klaist ita tuklo ka im anumpa pulla ho, Chisvs Klaist im apostel Pal vt;

2. Nan ai yimmi pulla ho svso fehna Timohli ya pit aiokpuchi hoke; Isht i kana, isht i nukhaklo, micha isht it i nanaiya aiena kv Piki Chihowa, micha pin Chitokaka Chisvs Klaist ita tuklo ka a mihinti kv chi anukfoyukashke.

3. Masetonia ya ia li mvt, Efesvs a ish anta cha, kvna kia nana inla isht ik abacho ka chi ka,

4. Mikmvt anumpa ik ahobo, micha in tikba ai unchululit isht auehinchí isht annoa ataha iksho, yvmmak okvt Chihowa holitobli nan isht ai yimmi i shahlichit nukfohkicha he keyu hosh, iti posilhhvchit ai asha hi a anukfohkichi yvmmak oka isht ik ahanto ka chi ka, ish im apihisa he chim ai ahni li tok a, ish yvmihchashke.

5. Uba nan vlpisa yokvto chukvsh kashofa, micha im anukfila achukma, micha na-yimmi ai ahli aiena hosh it i hulla he ak q, hoyo hoke:

6. Kanimi kv̄t ilvppa puta kak ō i filvmm̄it, naksika ia cha, anumpa nan ik ahobo anumpuli hoh mak osh ;

7. Ilap okv̄t nana hō okla miha, micha nana hō kv̄llochit miha aiena kv̄t akostininchi keyu kia, vba nan v̄lhpisa ithv-nanchi ō toba bv̄nna chatuk oke.

8. Yohmi ka hatak okv̄t ai v̄lhpiesv̄chi hosh isht vtta hokma, vba nan v̄lhpisa yv̄t achukma hoka il ithanv̄shke.

9. Uba nan v̄lhpisa yv̄t hatak v̄lhpesa yak ō in toba tok keyu, amba vba nan v̄lhpisa ik ahninchot ik im antio, Chihowa ik holitoblo, nan ashv̄chi, Chihowa ik im antio, vbanumpa ik ahobalo, īki puta vbi v̄hleha, ishki puta vbi v̄hleha, hatak b̄ika vbi v̄hleha.

10, 11. Haui puta, kv̄na hosh ilap inli kv̄t nakni b̄ika isht ile litehli v̄hleha, hatak b̄ika h̄ukopa v̄hleha, holabi v̄hleha, anumpa kv̄llo il onochit ik āhlo v̄hleha, mikmv̄t ilap inli isht ilaiyukpa Chihowa im anumpa holitopa, isht v̄m atokowa tok, nan ai āhli yv̄mma ī sanali kia yv̄mohmi v̄hleha aiena kak atok, ilvppa il ithaiyanv̄shke.

12, 13. Yohmi ka tikba ma vbanumpa ik ahobalo, micha na yimmi v̄hleha ī palvmm̄ihinch̄i, micha chukv̄sh hotopahanli sia yatuk kia, ai āhli la he v̄m ahnit, pin Chitokaka Chisvs Klaist mihi yosh sa hlampkohonchi cha, vbanumpa isht im vtta yō sa hilechi tok ; yohmi ka nan ik yimmot nan ak ithano hatuk osh, nana ka yv̄mihchi li tuk osh nan isht ī nukh̄aklo ā ahayuchi li tuk vt, yak oke im ahni lishke.

14. Yohmi ka pin Chitokaka nan isht ī kana yv̄t l̄awa fehna hatuk ō, Klaist Chisvs ai ibafoyuka hosh na sai yimmi cha, nan isht ī hullo li tok oke.

15. Nan ashv̄chi v̄hleha yv̄mma vno ak osh moma ī shahli li yatuk ā, okchalinya ch̄i hosh Klaist Chisvs vt yakni pak-na v̄la tok, anumpa ilvpp̄v̄t ai āhli fehna ka v̄lhpesa ahnit, aiokpancha he v̄lhpiesa hoke.

16. Yohmi ka nan ashv̄chi moma ī shahli vno yak atuk osh nan isht ī nukh̄aklo ȳa ahayuchi li tok, ilvppak ō himak a pilla ai asha kv̄t yv̄mma ī yimmi cha, ai okchayv̄t bil̄a isha ch̄i ka, Chisvs Klaist vt vno ak ō nan isht ahobv̄cha he ak osh ilap nan isht ī sv̄lahv̄t ī nukh̄aklo ȳa otv̄nihincha ch̄i ha tok.

17. Yohmi ka Miko okchayvt a bilia, illa he keyu, na holhponayo hvt pisa he keyu, Chihowa hopoyuksa yak bano kak o ahninchit holitohombli na bilia hosh ik biliá. Amen.

18. Tikba nan atokowa isht a chi anoli kv̄t, tikbalichit isht chi otv̄ihinchī yvm̄mak atuk pulla mak o, tv̄shka ghli achukma hosh ish tanahampa chī ka, sv̄so Timohli yā nan isht ish ahanta he ilv̄ppa chi atokoli lishke :

19. Ilv̄ppak ash im ai ghli achukma kv̄t isht il akostinin-chi achukma ka ish ieshashke : yakohmit isht il ithaiyana he tuk ash osh kanimi kv̄t kanchi kv̄to, nan ai yimmi ka yash o it a yuhli yoke.

20. Yohmi ka kanimi kv̄t Himenevs, micha Aleksanta ita tuklo kak atuk ; yvm̄mvt vbanumpa ik ahobalot nan ik mihacho ka chī ka yvm̄mak o ithv̄na chī ka, Setan ā im issa li tok oke.

CHAPTA II.

Hatak moma ka v̄ba isht anumpohonla he, mihmvt nana kv̄t kaniohmi kak o yakohma hi ā anoli, 1 ; 9 kaniohmit ohoyo hvt shema he : 12 ohoyo hvt v̄ba anumpa isht anumpula he keyu, yohmi kia na yimmi ghli hokmvt, okchaya he.

1, 2. YOHMI hoka nana ish a yvmohma he vmmona kv̄t, Chihowa hvt hatak puta ka i nukhaklo ka yak oke pit im ai ahnit, anumpa ilbv̄sha ish anumpuli kv̄t, Chihowa hvt hatak puta i kanvt, miko v̄hleha, micha nan v̄lhtoka v̄hleha aiena ka hopoyuksiacha he ak o ish im asih̄hla he chi atohno lishke ; yohmi kv̄t Chihowa yā e holitobli, micha hatak nana il ai it i kaniohmi puta kv̄t ghli achukma hosh il ahanta hokmak osh pi okchaya takla kv̄t, it i hullot it i kanvt il ahashwa hinla hoke.

3. Ilv̄ppak okvt achukma hoke ; yohmi ka pi Okchalinchī Chihowa hvt pisa kv̄t ahninchī hoke :

4. Yvm̄mak okvt hatak puta kv̄t vbanumpa ghli yoka nukfoyuka cha, okchaya he ak o im aiahni hoke :

5. Yohmi ka Chihowa hvt achv̄fa, micha hatak, Chihowa ita tuklo it i nanaiyv̄chi yvt achv̄fa, hatak Klaist Chisvs ak oke.

6. Yvm̄mak okvt moma ka v̄lhtoba mak osh ilap inlit il

im issa kv̄t, anumpa ghli ilv̄pvt ont ai vlhpiesakma anoh̄wa hi a tok oke.

7. Yvm̄mak atuk mak o apostel, micha vbanumpa isht vtta ita tuklo ka si vltoka tok oke ; yohmi kv̄t anumpa ghli, micha na yimmi imma aiena ka Chentail okla im abv̄chi sia hosh, holabi keyu hosh Klaist isht anumpa ghli mak o anum-puli lishke.

8. Yohmi ka anuktuklo, micha anukhobela aiena iksho hosh, ibbak mvt kashofa achukma bieka hosh vba pit welit, kanima moma ka hatak puta kv̄t anumpa ilbv̄sha ai anum-pohonla hi a im ai ahni lishke.

9. Anonti yvm̄mak ash inli h̄o chiyuhmit, ohoyo puta kv̄t ilefoka ai vlli chito, p̄vl, tvli holisso lakna aiena ka isht ik shemo ka he, micha pashi aiena ka yikyuchit ik shemacho ka he ; amba im anukf̄la puta kv̄t ile oktamplit, hatak ma ik ai okchifelo hosh nuktanlv̄t, ilap isht a shema he ai vlhpiesa ka isht shema he im ai ahni lishke.

10. Amba ohoyo puta kv̄t Chihowa holitobli kv̄t, si anuk-foyuka ahnit il anoli kv̄t, ai yvmohma he vlhpesa, nan isht vtta achukma kak o yvmohmashke.

11. Ohoyo hv̄t ai ghli im antīv̄t, lumvt m̄ya hosh nana ka ithvnashke.

12. Yohmi ka hatak a ohoyo hv̄t i shahlit, nana ka im av̄chit ahanta he ak im ahnoshke ; amba lumvt ai asha he im ai ahni lishke.

13. Yohmi ka Alvm ak osh If a tikba toba hatok oka.

14. Mihma Setan vt Alvm a haksichi tok keyu, amba ohoyo hak o haksichi na ai ashv̄chika ȳa yvmohmi tok.

15. Yohmi kia vlla ishi kv̄t okchaya he, yohmi kv̄t na yimmi kv̄t ik isso hosh, i hullo, micha chukv̄sh kashofa h̄o isht holitoblit, ñe oktampli hok mak osh okchaya hi oke.

CHAPTA III.

Bishop, michaiksa nan isht im vtta, micha im ohoyo aiena kv̄t nana hosh im vltaiyaha he, 1 ; 15 Chihowa in chv̄ch, micha nan ai ghli vt ai vlbv̄chi ka isht im anum-puli.

1. ANUMPA iləppət ai əhlishe, yohmi kv̄t hatak kv̄na hosh bishop nan ai isht vtta ishi bvn̄nakm̄vt, nan ai isht vtta achukma h̄o ishi bvn̄na hoke.

2. Yohmi ka bishop vt anum̄pa ik achukmo nana kia onvtula he keyu, tekchi achv̄fa ī hatak, nana ka ahah ! ahni, ile oktampli, nana a kaniohmi m̄vt achukma, hatak ik ithano moma ka ī kana, nana im abv̄chi kv̄t imponna,

3. Oka homi ishko shahli keyu, na fahama keyu, ai vl̄h-piesa keyu isht a hofahya he nan isht ahayuchi bvn̄na keyu ; amba nuk̄tanl̄vt, ik itachowo, tv̄li holisso ī hullo keyu ;

4. Yohmi kv̄t ilap in chuka chv̄fa yā pehlich̄i kv̄t imponna, im vlla vhleha hv̄t im antia achukma ch̄i ka yopunla keyu hosh im anukfila nuk̄tanla achukma hosh nana im api-hisashke :

5. Yohmi ka hatak in chuka chv̄fa pehlich̄i ik ithano kv̄t, katiohmit Chihowa in chv̄ch a apesv̄chi imponna hinla h̄o ?

6. Himona vbanumpuli toba keyu hashke ; yohmi hatuk m̄vt ilefeh̄nv̄chi isht a wakayvt hikia hokm̄vt, nan isht ahullo okpulo nan isht ilbv̄sha im vl̄hpisa tok a chiyuhmit im vl̄hpisa hinla hoke.

7. Anonti vbanumpuli keyu aiasha im annoa achukma kv̄t ieshashke ; keyukm̄vt isht a hofahya, micha nan isht ahullo okpulo nan isht haksichi aiena ka pit itula hinla hoke.

8. Anonti chv̄ch nan isht im vtta yvt yopunla iksho hosh im anukfila nuk̄tanla achukmashke, im anum̄pa tuklo keyu, oka homi ishko shahli keyu, ai vl̄hpiesa keyu isht a hofahya he nan isht ahayuchi bvn̄na kv̄yu ;

9. Nan ai yimma hi vt vbanumpa a luma hatok a im anukfila kashofa achukma hosh isht ieshashke.

10. Yv̄mmak ash ō tikba imomaka pisashke ; yohmi kv̄t anum̄pa ik achukmo onvtuyula iksho hok mak osh, chv̄ch nan isht im ai vtta yā isht vttashke.

11. Tekchi ak kia yopunla keyu hosh im anukfila nuk̄tanla, hotopali bvn̄nv̄t na-mihachi keyu, nana ka ahah ! ahni, nana moma ka ai əhli banashke.

12. Chv̄ch nan isht im vtta yvt tekchi achv̄fa ī hatak osh,

im vlla vhleha, micha ilap in chuka chufa yā ai vllhpiesa hosh pehlichashke.

13. Yohmi ka chvch nan isht im vtta nan-ai isht-vtta isht vtta ai ghli yvmmak osh ilap isht hohchifo achukma ka ishi hoke; yohmi cha Klaist Chisvs isht ai yimmi kv̄t nukwaya iksho hosh anukfoyukv̄t ahantvshke.

14, 15. Chekosikma chim ona la chi, ahni li; yohmi **kia** anta li hopaki hokma, Chihowa im aboha anukaka, yvmmv̄t Chihowa okchaya in chvch okv̄t, vbanumpa ghli ka in tonik, micha in tolahpi yoka, ish a kaniohma he puta kv̄t ish ithaiyana he mak o, ilvppa puta ka pit chi holissochi lishke.

16. Mikma moyuma kv̄t ilvppa ai ghli ai ahnishke; vbanumpa nan otvninchi kv̄t na chinto fehna; yohmi kv̄t Chihowa hv̄t haknip o isht otvnit, Shilombish Holitopa ka isht ai ghli, enchil vhleha hā im a haiaktv̄t, Chentail vhleha hā isht im anuhumpa tok, mihma yakni paknaka yā ai i yihimmi tok o, vba a holitopa ka ik chukowā im ai ahni na pit chukowa tok.

CHAPTA IV.

Nan ai yimmika yā i filvmm̄t akakoha hi ā tikbanli anoli, 1; 6 nana ka a yvmohma he vllhpiesa ka mominchit yvmihcha hi ā anumpa vllhpisa il aiyukali isht i miha.

1. **SHILOMBISH** Holitopa yv̄t otvninchi fehna hosh anoli kv̄t, himak a pilla ka kaniohmi kv̄t vbanumpa yimmi tuk vt issa cha, shilombish na yoshubli im antiv̄t, nan isht ahullo okpulo vhleha imma isht vlvvchi ka yimmit,

2. Nan ilahobi holabi hosh anumpohonli kv̄t, isht il akostininchi mv̄t tvli lvshpa isht luv̄t yikotv̄t kv̄nia hatuk osh;

3. Nan-itaumwaya im olvbichi, micha ilhpak kaniohmi ka ik po ka he aiena ka im apihisa he; ilhpak yvmmak oka anumpa ghli ithana, micha i yimmi aiena hokv̄to yak oke ai ahnit, habena he mak o, Chihowa hv̄t ikbi tok oke.

4. Yohmi ka Chihowa hv̄t nana moma ikbi tok ā achuk-

ma bano, yak oke ai ahnit habena hokvto, ik ahnincho ka hi a nana kvv ikshoshke.

5. Yohmi ka Chihowa im anumpa, micha anumpa ilbvsha ita tuklo atuk mak o yvmmak ash ot isht a pim vlpiesa hoke.

6. Ilvppak o itibapishi vhleha hvv ithaiyana he mak o ish nukfoyuki hok mvv, Chisvs Klaist im anumpa isht vttv achukma chia mak a he, na yimmi, micha nan vlvvchi achukma ita tuklo isht anumpa ka isht chim vlvvchit a chi anukfoyuka hoke.

7. Anumpa kvllakshi shukanumpa, ohoyo sipokni nan anoli chohmi ka chik ahnincho hosh, amba Chihowa holitoblit isht ahantashke.

8. Haknip nan isht vttv isht ai achukma hokvto mishema he keyu hoke : amba Chihowa holitobli nana moma ka isht im ai achukma kvv, yakni paknaka nan ai isht ai yukpa, micha yakni inla vla he mihinti ita tuklo ka isht ai yukpa he im issa hoke.

9. Anumpa ilvppvt ai ahli fehna ka, vlvpesa ahnit, ai okpancha he vlvpiesa hoke.

10. Yohmi ka ilvppak osh yohma chi ho, e toksvlit pi hoyvblit, isht a hofahya anumpa aiena kvv pi onvtohonla kvv, Chihowa okchaya ak o il anukchieto ka ; yvmmak osh hatak moma okchalinchi, yvma i yimmi hok mak heno ahli fehna hosh okchalinchi yoke.

11. Ilvppa puta ka im apesvt ish im abahanchashke.

12. Chi himita kak o isht ik chi yukpo kvv kvna kia ik anto kashke ; amba nan ish a kaniohmi, ish anumpuli moma, ish i hullo, chukvsh nan isht ish ai ahni, na chi yimmi, havi imma anukfila iksho, ilvppa puta ka ish yvmohmi pulla na na-yimmi vhleha hvv chim ai ithvvtv chiakaiyashke.

13. Holisso it im anumpulit nan atohnochit, vbanumpa im avvchit isht ish ahanta na ona lashke.

14. Na hvlbina chimmi ha he nitak hopaki pilla kash anohowa tok o, vbanumpa isht vttv vhleha hvv ibbak chi onochi na chim ai ahli tok vt, chi anukfoyuka kvv isht chik ahanto ki na.

15. Ilvppa ish anukfihinli cha, chim anukfila hā a mo-minchit isht ish ahantvt, nana ka i shahlit ish mähaya ka nana moma ka ai otvnashke.

16. Ahah! ish il ahnashke, micha nana ish abahanchi kv̄t ahah! ish ahnashke: yohmi kv̄t yv̄mma achunanchit isht ish mähayashke: ilvppak q̄ ish yvmohmi hokmak osh, ish ile okchalinchikm̄vt, anonti inlv̄t chi haklo aiena ka ish ok-chalinya hinla hoke.

CHAPTA V.

Hatak ilaiyuka ka kanimihchit nan i miha he anoli, 1: 5 ohoyo i hatak illi yā nan isht i miha: 17 ik̄sa nan isht im v̄tta, 23 Timohli abekoma chohmi aiena ka nan isht miha, 24 kanimi ka nan im ashvchika yvt tikba ivt nan v̄lhpisa ka ona, mikma kanimi nan im ashvchika yvt himmak q̄ iakav̄t nan v̄lhpisa ka ona.

1. HATAK asv̄nōchi ka anumpa kv̄llo isht chik im alv̄mmicho hosh, amba īki chohmichit i kanvt nana ish i mihashke; micha hatak himita v̄hleha hokvno itibapishi chohmichit i kanvt nana ish i mihakm̄vt,

2. Ohoyo sipokni v̄hleha hokvno ishki chohmichit i kanvt nana ish i mihakm̄vt, anonti ohoyo himita v̄hleha hokvno haui imma anukfilli ik̄sho hosh, in tek chohmichit i kanvt nana ish i mihashke.

3. Ohoyo i hatak illi v̄hleha hv̄t i hatak illi ghli pulla ka ish holitoblashke.

4. Amba ohoyo i hatak illi kaniohmi kv̄t im v̄lla, keyuk-m̄vt ipok v̄hleha hv̄t ashakm̄vt, v̄mmona nan ithv̄na kv̄t, in chuka mayvt nana achukma ka yvmohmashke; micha ipokni, ishki chohmi ka falaminchit im atobbashke: ilvppvt achukm̄vshke, yohmi kv̄t Chihowa itikba yā ai v̄lhpiesa hoke.

5. Yohmi ka ohoyo i hatak illi ghli pulla, micha v̄lhtakla hokvto, Chihowa ak q̄ anukchieto kv̄t, nitak, ninak ita tuklo ka anumpa ilbv̄sha anumpohonlit a bilia hoke.

6. Amba ohoyo i hatak illi yvt haknip nan isht ai yukpa isht ai yukpv̄t ahanta hokvto, okchaya takla kv̄t illi yoke.

7. Yohmi ka iloppa puta ka ish im apihisa na anumpa ik achukmo kv̄t ik onvtulo kashke.

8. Amba kanimi kv̄t ilap immi, micha ilap in chuka chvfa a fehna aiena ka ik im atahlo hokmv̄t, vbanumpa h̄a ik holitoblo kv̄t, nan ik yimmo ak kia ik achukmo kv̄t i shahli hoke.

9. Ohoyo i hatak illi yvt afv̄m̄mi pokoli hannali ka ik ono hokv̄to, ik iba holisso kashke,

10. Yv̄mm̄v̄t hatak achvfa tekchi atok, nan isht vtta achukma ka isht annoa achukma, vlla achukmalit hofantihinchi, hatak ik ithano nowvt aya ka nan im atahanli, vbanumpuli holitopa iyi kia im achihiḥa, ilbvsha ya apelahanchi, nan isht vtta achukma puta ka achunanchi biekv̄t isht ahanta cha tuk mak osh iba holissashke.

11. Amba ohoyo i hatak illi himita vhleha hokv̄no ish im olvbichashke; yv̄mm̄ak okv̄to Klaist im antia ik bv̄nnot, yakni paknaka nan isht ai yukpa ahnit isht iakmv̄t, hatak auwaya bv̄nna hinla hoke:

12. Yv̄mm̄ak okv̄t na yimmi vm̄mona tuk vt issa hokv̄t, isht ilbvsha anumpa hv̄t onvtuyula hoke.

13. Mikmv̄t anonti nan isht vtta intakobi kv̄t, chuka abaiyv̄chi banot itv̄noh̄owa; micha nan isht vtta intakobi kak bano keyu, amba anumpa chukushpali aiena, micha inla nana im a kaniohmi kak bieka isht ahanvt, nana isht anumpula he v̄lhpesa keyu kia isht anumpuli hoke.

14. Yohmi hoka ohoyo i hatak illi himita vhleha hv̄t hatak auwayakmv̄t, vlla ishki tobv̄t, chuka apesv̄chit anta kv̄t, nana ik achukmo nana kia yvm̄ohmi na vbanumpa i sanali vhleha hv̄t hofahyalit isht ik anumpulo ka he, im ai ahni lishke.

15. Himak a kaniohmi hokv̄to naksika filv̄m̄mit Setan a iakaiyv̄t ia mashko hoke.

16. Yohmi ka hatak, keyukmv̄t ohoyo na yimmi kanimampo kv̄t ohoyo i hatak illi yvt i kanomi hv̄t aḥsha hokmv̄t, yv̄mma apelahanchi na chv̄ch ak okv̄to nan isht ik i kv̄nio kashke; amba ohoyo i hatak illi aḥli pulla hokv̄no apelv̄chashke.

17. Ikxa pehlichî vhleha hv̄t achukmalit ikxa pehlichî kak osh holitopa kv̄t i shahlikma, anontî vbanumpa ithv̄nanchit isht anumpuli hokak heto i shahli fehnv̄t holitopashke.

18. Yohmi ka Holisso Holitopa yv̄t achi kv̄t, Wak toksv̄li vt onush nihechi ka it̄h h̄q chik takcho kashke: micha, Na toksv̄li vt im vlhtoba he ak osh ai vlhpiesa hoke, achishke.

19. V̄banumpa isht vtta yv̄t nan ik achukmo kia yvmohmi tok annoa ka ik chi yimmo kashke; amba nan atokowa anoli tuklo, tuchina kanima hosh anoli hok mak ashke.

20. Amba ashv̄chi hatuk o mv̄hli hokmv̄no, momv̄t p̄isa h̄q, ish im alv̄mmichashke, yohmi na inla āsha kv̄t nukshopa mak inlashke.

21. Nana chim apih̄isa li kv̄t, Chihowa, micha Chitokaka Chisvs̄ Klaist, micha enchil vlhtoka vhleha aiena ka itikba hikia li hosh, ilv̄ppa ish holitobli kv̄t it i shahsholechit, hatak achv̄fona h̄q i kana i shahlichit nana isht chik im ahanto ka he ahni lishke.

22. Hatak kv̄na kia himak fokalechit ibbak onochit, inla nan ai ashv̄chi ka chik iba taklo kashke: yvmohmi kv̄t a kashofa hosh ish ahantashke.

23. Himmakma oka kapv̄ssa chik ishko hosh, amba chik-foka ak atuk pulla mak o, micha chi abeka shahli aiena hokv̄t oka-p̄aki kanomosi ka ish ishkashke.

24. Hatak kaniohmi nan ai ashv̄chi yv̄t tikbanli otv̄nit, nan ai vlhpisa itikba ȳq oh̄ona hoke; mikma hatak kaniohmi hokv̄no iakaiya hoke.

25. Anontî hatak kaniohmi nana achukma a yvmohmi kv̄t tikbanli otv̄ni akinlishke; mikma ik yohmo ke tuk vt luma he keyu hoke.

CHAPTA VI.

Yuka hv̄t nana ka isht ahanta he vlhpesa ka anoli, 1: 3 ilap vt nan isht ithvnachi tuk a keyu h̄q kv̄na hosh isht ithvnachi hokv̄no i flv̄mma he. 6 Chihowa anukfoyuk̄a hokv̄to nan ilahayuchi,

10 teli holisso i hullo kv̄t nan ik vlhpeso ȳo hakshish; 11 nana h̄o Timohli vt̄ i filv̄mmi cha, anonti nana h̄o im antia he: 17 nan in-lava ȳa nana h̄o im acha hi a im achi.

1. YUKA puta ikunla abana nuta ahanta kv̄t, ilap i na hullo isht a holitopa he vlhpiesa ka isht holitobli na Chihowa hohchifo, micha im vbanumpa aiena kv̄t isht ik kvllak-sho kashke.

2. Mikma i na hullo vbanumpuli yosh asha hokvt itibapishi hokvt, isht ik i ahno ka he vlhpesa keyushke; amba i na-hullo yvt na-yimmi, micha Chihowa i holitopa, micha nana isht ai yukpa vba minti ka it ibai ishi yoka, aiokpanchit nana ka isht im ahantashke. Ilvppa puta kak o im abvchit ish atonohonchashke.

3. Yohmi ka hatak kanima hosh nana inla h̄o av̄vchi, micha isht ai achukma anumpa Chitokaka Chisvs Klaist im anumpa, micha Chihowa holitobli nan isht vlbahanchi aiena ka vlhpesa ik ahnot,

4. Ilefhn̄vchi isht alotvt, nan ithana keyu, amba tasimbot nan isht a ponaklo ak bano isht anumpohonli, micha anumpa isht itachowa aiena yvmmak o a minti hosh nan it i potv̄nno, it i nukowa anumpa, kanimanchit isht anumpuli, anukfila okpulo,

5. Michā hatak im anukfila ik achukmo, micha vbanumpa ghli kv̄t ik im iksho cha, nana ahayuchi kak osh Chihowa holitobli im ahoba hosh, it i kvllot anumpuli aiena hoke; yvmma chohmi ka ish il i filv̄mmichashke.

6. A nuktanla hosh Chihowa holitobli kv̄t nana a fehna ahayuchi hoke.

7. Yohmi ka yakmi ilvppa nana il ishi hosh e la tok keyu; yohmi kv̄t nana ishit il ia he keyu kv̄t ai ghlishke.

8. Yohmi kv̄t nan ilhpak, micha ilefoka aiena il ishi kv̄t, yvmmak oka isht pim ai vlhpiesashke.

9. Amba nan in laua he ak bano bv̄nna fehna hokvto, nan isht hokli, nan isht anukp̄li, micha anukfila ik hopoyukso, micha anukfila okpulo isht ile okp̄vni aiena ka chukowa, yvmmak ash ai okpuloka chinto ka hatak a okai ahambi hoke.

10. Yohmi ka tvli holisso i bullo kak osh nan ik achukmo moma ka hakshish isht a toba hoke; yvmmak o kaniohmi kv anuksitivt bohoyo kak osh, vbanumpa ha i filvmmi cha, nan isht a nukhaklo laua ka isht ile nvhlit ile hlopullihinchi tok oke.

11. Amba chishno Chihowa immi chia ma! ilvppa puta kano ish i filvmmashke: micha ai vlhpiesa yvmohmi, Chihowa holitobli, na yimmi, i bullo, nuktanlv achunanchi, anukfila yohbi aiena hak o ish bohoyashke.

12. Na-yimmi isht itibi achukma yvmmak o isht ish itihimbashke; ai-okchayvt bilia ak o kvillo hosh ish ieshashke, yvmmak o chishno ak kia isht chi vlhtoka tok, micha nan atokowa anoli lava ka itikba yo vbanumpa yimmi isht anoli achukma ka ish il apesa tuk mak oke.

13. Chihowa yvmmak osh nana moma ka ik okchaya, im ahni na okchaya, micha Chisvs Klaist, yvmmak okvt Pontivs Pailat itikba hikia mv, ai atokowa ahli achukma ka il anoli tok ita tuklo itikba ya hikia li hosh nana obim apihisa li kv;

14. Chishno yvt na-liteha iksho, anumpa ik achukmo chi onvtula he kia iiksho hosh, nan vlhpisa ilvppa holitoblit ish ahanta na pin Chitokaka Chisvs Klaist okvt haiakashke:

15. Ai yvmohma he apesa tok nitak yvmma ilap ak bano hosh ithana hosh yvmmak oka haiakvcha he; yohmi kv ilap ak osh nayukpa Miko ak bano, miko moma ka i Miko, micha chitokaka moma ka in Chitokaka yoke.

16. Yvmmak okvt ai illa hi vt ik im iiksho, micha tohwikeli yvmmak oka hatak nana hosh ai ona he keyu ho anukaka ai ahanta hoke; yohmi ka yvmmak oka hatak nana hosh pisa chatuk keyu, micha pisa hi o keyu; yvmmak okvt isht a holitopa, micha nana moma isht imaiya bilia ita tuklo kv immi hashke. Amen.

17. Himonasi im ilgyak laua aiasha ka nana ish im apihisa kv, im anukfila chahvt ik ai asho ka he, micha im ilgyak ai ahli keyu ka ik anukchieto hosh, amba Chihowa okchaya, yvmmak osh nana isht pim ai achukma he moma ka. lauchit pihima kak ashke:

18. Yohmi kv̄t nana achukm̄vli kv̄t nan isht vt̄ta achukma ka isht ahanta fehna kv̄t, hopela hi vt̄ im vl̄ht̄gha, habenv̄cha he vt̄ ahni kv̄t ;

19. Nitak himak a pilla mihinta he ak pulla tuk mak o im ilayak achukma ilap immi mak osh intolahpi bohonli na ai okchayvt bilia ȳgh̄ isha he mak o, ish i mihhashke.

20. Timohli ma ! nana chim vl̄hpih̄isa tok vt̄ ish h̄olitobli kv̄t, vbanumpa isht ik ahalaio isht anumpa, isht ik ahobo anumpa, micha nan ithana gh̄li keyu it i chilitvt̄ isht it im anumpuli aiena ka chik ahalaio kashke.

21. Yohmi ka kaniohmi kv̄t yvm̄mak o iakaiya miha hosh, vbanumpa h̄gh̄ i shanaiyvt̄ ashv̄chi tok oke. Isht i kana yvt̄ chi anukfoiyukashke. Amen.

HOLISSO ATUKLA PAL VT

TIMOHLI YA

I HOLISSOCHI TOK.

CHAPTER I.

Timohli i hullo kv̄t Pal vt isht anumpuli, 1; 6 Chihowa nan isht i kana anukfoyuka tok vt i shahlichit isht im anukfihila hi na im achi.

1. CHIHOWA nana ai ahni hq̄ Chisvs Klaist im apostel Pal vt ai okchaya Chisvs Klaist vt ataiyahli tok a anohonla chi hosh iso i holitopa fehna Timohli ya aiokpochishke;

2. Nan isht i kana, isht i nukhaklo, micha isht it i nanaia aiena kv̄t Iki Chihowa, micha pin Chitokaka Chisvs Klaist ita tuklo ka a mihinti kv̄t chi anukfeyukashke.

3. Chihowa ya yak oke im ai ahni li kv̄t, an tikba v̄hleha hv̄t kaniohmit aiokpahanchi beka tok a chiyuhmit anukfila kashofa hq̄ isht aiokpahanchi li kv̄t, ak isso hosh nitak, ninak moyuma ka anumpa ilb̄sha anumpohonli likm̄vt, chithaiyana lishke:

4. Yohmi kv̄t chi nishkin okchi mihinti tok a ithaiyana li m̄vt, chi pisa sa b̄v̄nna fehna, yvmohmit sai yukpa ai ghli fehna hokbano ai ahni lishke;

5. Yohmi kv̄t na yimmi ai ghli kv̄t chi anukfoyuka ka ithaiyana li m̄vt, chipokni Lois ak o v̄mmona ka yvm̄m̄vt anukfoyuka tok osh, anonti chishki Yunis a anukfoyuka tok osh, chishno ak kia chi anukfoyuka ka sai yimmi akinlishke.

6. Yvmohmi hoka sv̄bbak chi onochi li tok ak o nana

Chihowa ish i habena tok vt chi anukfoyuka, yvmma achukmalit ish okchvla chj mak o chim anohonli lishke.

7. Yvmohmi ka anukfila isht nukshopa keyu, amba isht hlampko, mikmvt isht i hullo, mikmvt isht a hopoyuksa aiena anukfila hq Chihowa hvt pima tok oka.

8. Yohmi ka pin Chitokaka im anumpa atokowa, mikmvt yvmma atuk pulla mak o yuka sia aiena ka chik i hofahyo hosh; amba vbanumpa ak atuk pulla mak o nan isht palvmmi puta ka Chihowa hvt chi hlampkohonchi mak o isht ish ibai ilbvshashke;

9. Yvmmak osh pi okchalinchichi cha, vba nan isht ilaiyukpa holitopa hq il iesha he mak o pi atokoli kv, pishno nan il ai isha he ai vlhpiesa kak o yohmi keyu, amba ilap nan isht im anukfihinla hosh, yakni ik tobo pilla kash inli hq ilap isht i kana ya Chisvs Klaist ak atuk pulla mak o pihima kak a tok oke:

10. Amba pi Okchalinchichi Chisvs Klaist vt vla kak osh himonasi kvno isht i kana ya otvninchichi kv, nan-illi hq imaiyachit kanchi cha, ai okchaya micha ai illa he keyu aiena ka vbanumpa ak pulla kak o isht otvninchishke:

11. Yvmmak atuk pulla mak o vbanumpa isht vta, micha apostel, micha Chentail vhleha nan im avtchi aiena si vltoka tok oke.

12. Yvmmak atuk pulla mak o na-palvmmi puta ilvppa aiena ka pihisa li; yohmi ak inli kia sa hofahya he keyu; kvna hq i yimmi li hatuk vt ithana li hokvt; mikma nana ka isha chj hq ibbak fohki li tok a ishi na nitak yvmma ona he bano ka i sai yimmishke.

13. Anumpa ai ghli achukma is si a haklo tok vt, Chisvs Klaist isht i yimmi, micha isht i hullo aiena ka kvllot ish ieshashke.

14. Shilombish Holitopa pi anukfoka kak osh chi apihinla na nana achukma ish iesha chj hq chima tok a ish ieshashke.

15. Chishno yokvt ilvppa ish ithana; yohmi kv Asia ai asha tuk vt moyumvt a filvmmiit kvnia tok: yvmma iba foka kv Fichellvs, micha Hemochenes ita tuklo kak oke.

16. Onesifolvs in chuka chvfa yoka Chitokaka yvt i nuk-

haklok bano, yvmmak okvt sai yukpahanli beka tok oka, mi-
cha yukvt sa talaiyakchi ka ik sa hofahyo ki tok.

17. Amba Lom g ont anta mvt, achunanchi fehna hosh
sa hohoyo cha, si ahayuchi tok.

18. Chitokaka yokvt vlhpesa im ai ahni na nitak yvmmak
oka Chitokaka yvt i nukhaklo ka ahayuchi hok bano; micha
Efesvs g ont anta li ma, nana lgwa kaniohmi ka isht si ape-
lahanchi tok g, chishno yokvt ish ithana fehnvshke.

CHAPTA II.

Timohli vt achunanchit Chitokaka in tishu ai ghla chi ka Pal vt i mi-
ha, 1; 16 nana hq ahah! ahna he; 24 mikmvt Chitokaka in tishu
hvt kaniohmit ai vlhpiesvt im anukfila he im anoli.

1. YOHMI ka svso chia hvv Chisvs Klaist nan isht i ka-
na yoka isht ish hlampkashke.

2. Nan-atokowa anoli lgwa itikba yo chishno yokvt nana
ka is si a haiyaklo tok vt, yvmmak oka hatak ai ghli achuk-
ma inla ai asha ka nan im avucha he ai vlhpiesa ak inli kak
o ish imashke.

3. Yohmi ka Chisvs Klaist in tvshka achukma chia hokvt
na palvmmi ish pihisa kvv, vlhpesa ish ai ahnashke.

4. Hatak kvna kia tvshka toba hokvto, yakni ilvppa nana
a kaniohmi ka isht ataklvma keyu hoke: tvshka atokoli tok
ak o yukpala chi hosh yvmohmi hoke.

5. Mikma it i shahlichu g bvnna hosh hatak vt achunanchi
ak inli mak osh, nan vlhpisa yak o holitoblit achunanchi ke-
yu hokvto, iachukola he keyu hoke.

6. Yakni okchali yvt vmmona ka toksvli ha yak osh na-
waya yoka ai vpashke.

7. Nana chim ahanchi li ka ish anukfihinlashke; mikmvt
nana moma ka ish ithaiyana chi ka Chitokaka yvt chi anuk-
fohki hokbano.

8. Um vbanumpa hak atuk mak o Lewi isht ai unchululi
Chisvs Klaist vt illi tuk vt, falamvt tani tok g ish ithaiya-
nvshke:

9. Yvmmak atuk pulla mak o nan-ishtakanomi yo chi-yuhmit na-palvmmi ka pihisa li hosh, polaka sa talaiyakchi tuk oke: yohmi kia Chihowa im anumpa hokvto talakchi keyu hoke.

10. Yohmi ka ai-okchaya pisa he vlhtoka tok vhleha atuk pulla kak o na-palvmmi puta pihisa li kvv, yvmmak kia Chisvs Klaist vt ai-okchaya ataiyahli tok a, micha nan isht a holitopa aiena ka isha chi ka si yvmohmi hoke.

11. Ilvppvt anumpa ai ghli yoke: il ibai illi hokmvt, il ibai okchaya chi ak inli hoke.

12. Nuktanlvv il achunanchi hokmvt, il iba mika he ak inli hoke: Klaist a ak ithanoshke, il achikma, ilap ak kia ik pithano ak inla hi oke:

13. Kil i yimmo kia, ilap okvto ai ghli ahanta: yohmi kvv ik ile holitoblo ka he keyu hoke.

14. Ilvppa puta ka ithana chi mak o ish ithvnanchashke: yohmi kvv anumpa illa nan isht achukma he keyu, amba haklot maya kvv isht ai okpula hi okvno isht itachovvt ik ai asho ka hi o, Chitokaka itikba ya anumpa ai ghli ka isht ish im apihisashke.

15. Vlhpiesa chi ahni ho Chihowa itikba ya ish hikia chi kvv ish achunanchashke; yohmi kvv ish a toksvli tuk vt isht chi hofahya he keyu hosh anumpa ai ghli yoka, moyumvt ai isha he ai vlhpiesa ka, ish ita kvshkolashke.

16. Yohmikmvt vbanumpa isht ik ahalaio isht anumpa, isht ik ahobo anumpa puta kvno ish apakfopashke; yvmmak okvt Chihowa ik holitoblo i shahli ka ikba hinla hoke.

17. Mikmvt im anumpa hvv kanka yo chiyuhmit okpahana hi oke: yvmmak oka iba fokv kvv Himenevs, micha Filevs ita tuklo kak oke.

18. Yvmmak okvt nan ai ghli ka i filvmmi kvv, illi falamvt tani yvt ant ia tok ahanchi kak atok; mihmvt na yimmi kaniohmi ka okpvni hoke.

19. Yohmi kia Chihowa im intolahpi yvt kvvlo ai ghli hoke: anumpa ilvppak osh ai o holisso kak o, Ilap immi ka Chitokaka yvto ithana hoke. Mikmvt Klaist hohchifo hohchifo kvv moyumvt nan ai vlhpiesa keyu ka i filvmmashke.

20. Yohmi kia chuka chinto anukaka ya nan ai vlhto tvli holisso lakna, micha tvli huta isht a toba aiena kak bano hosh foka chatuk keyu, amba iti, micha lukfi isht a toba kak kia aiena ak inli chatuk; yohmikma kaniohmi kvto isht a fehnakma, kaniohmi kvto isht a kvllakshi chatuk oke.

21. Yohmi ka ileppak ash kvna hosh ai i filmmi hok mvto, nan ai vlhto holitopa hosh kashofvt, i shahli ha isht im ahanta chi kv im vlhtaha hosh, nan toksvli achukma puta ka isht ahanta chi kv im vlhtaha hoke.

22. Haui anukfila himita immi ha tushpvt ish i filmmi mak inlashke; amba nan ai vlhpiesa, nan ai ahli, it i hullo, micha it i nanaiya aiena ish yvmohmi kv, chukvsh kashofa Chitokaka isht a hochihifo kak o ish ibai achvfashke.

23. Amba isht a hopoyuksa he keyu anumpa tasimbo yokvno chik ahalaio kashke; mikmv yvmmak okvt itachowa ikbi yoka ish ithanashke.

24. Mikmv Chitokaka in tishu hokvt itachowa he vlhpesa keyu, amba hatak moma i kana, nan im avchi kv imponna, nan im okpulot isht ilbvsha kia, nuktanla aiena vlhpesa:

25. Im anukfila yohbi hosh vbanumpa i sanali vhleha yoka nan im avchi vlhpesa; yohmik mak o Chihowa hv nukfohki na ile kostininchit, vbanumpa ai ahli ka achukmalit ithana yoba ná:

26. Yohmikmv nan isht a hullo okpulo i nan isht hokli ya ai i hlakofa hinla; yvmmak osh ilap ai ahni hosh yvmmak ash o yukahanchi hatuk oke.

CHAPTER III.

Nan ik vlhpeso nitak vt via hi a tikbanli anoli, 1; 6 vbanumpa in tvnvp vhleha ha otvninchi; 10 Timohli vt ilap ak o nan im ai ithvnt iakaiya he isht miha; 16 mihmv Holisso Holitopa ya ahnichit isht anumpuli.

1. ILUPPA ish ithana mak inlashke: yohmi kv nitak ishtaiyopit mahgyakma, nitak yvmmv nan isht a palvmmi alotowa hi oke.

2. Yohmi ka hatak vt ilapunla he, tuli holisso i hullo, nan isht ilauata, ilefehuvchi, vbanumpa ik ahobalo, iki, ishki ita tuklo ik im antio, Chihowa ya yak oke ik im ai ahno, Chihowa ya ik holitoblo,

3. Im vlla i hullo ik im iksho, nan it im vlpisa kobvffi, inla aholvbechi, ile oktampli ik ithano, anukfila yohbi iksho, hatak hochukma moyuma ka ik i hullo,

4. Ilap i yimmi tuk kia haksichi, ahah! ik ahno, anukfila chaha, haknip nan isht ai yukpa yak bano ho i hullo kvv Chihowa ya im i shahli;

5. Chihowa ya holitobli ilahobi kia, ai ahli ka ona hosh yohmi keyu ka he: yvmma chiyuhmi hokvno ish i filvm-mashke.

6. Yohmi ka ilvppa chiyuhmi kak osh chuka ya chukovvt, ohoyo im anukfila iksho, ai ashvchika isht ompoholmot kvnia, anukfila ik achukmo ilaiyuka ka im antivt ahantvt;

7. Nana ka ithahgvvt bilia kia, anumpa ai ahli kvno achukmalit ithvna he keyu puta ka yukahanchi hoke.

8. Yohmi ka Channes, micha Chambles ita tuklo kvv Moses g i sanali tok oka, ilvppak ash kia hatak im anukfila okpulot kvnia, na yimmi kvv ai vlpesa keyu hosh anumpa ai ahli ya i sanali mak inlishke.

9. Yohmi kia himak a pilla ma achakalit ia he keyu; yohmi kvv Channes micha Chambles ita tuklo atok g chiyuhmit, yvmmvt nana a kaniohmi kvv ai vlpiesa keyu kvv hatak puta ka im otvna chi mak inlishke.

10. Amba nana abahanchi li, kaniohmit ahanta li, nan isht vm anukfihimla, nan isht ai ahanta la he tuk vt ai ahli li, nan ilbvsha pihisa li kvv sa nuktaiyala, nan i hullo li, nuktanvt achunanchi li,

11. Antiak, Ikonivm, Lista aiena ka ahanta li ma, kani-mihcht a sa hotopahanli na svlbahasha, nan isht ilbvsha kaniohmi ho pihisa li tok g chishno yokvt ish ithana feh-nvshke: yohmi kia Chitokaka yokvt yvmma moyuma ka a sa blakofhinchli tok oke.

12. Ahli mvhli, Chisvs Klaist ibai achvfa hosh Chihowa

- im ai ghli bunna moyuma kv̄t nan isht a hotopa he pihisa pulla hi oke.

13. Amba hatak ik vlhpeso, micha na yoshubli aiena kv̄to nan ai vlhpesa keyu yohmi kv̄t i shahlit mahaya hi oke: yohmi kv̄t ilap vt yoshuhumba hatuk osh inla ya yoshuhumbla hi oke.

14. Amba nana ka chishno yvt ish ai ithvna tuk vt, ai ghli ch̄i yimmi hatuk okvt ish mahayashke: yohmi kv̄t kv̄na h̄o ish im ai ithvna tuk vt ish ithaiyanvshke.

15. Mikmvt yv̄mma ish ithana kv̄t vlla ch̄i tomba kash inli hosh Holisso Holitopa ak o ish ai ithvna tok; yv̄mmak okvt ch̄i hopoyuksacha hinla h̄o Chisvs Klaist a i yimmit isht ch̄i okchaya hi oke.

16. Holisso Holitopa moma ka Chihowa hv̄t nukfohkichi h̄o holissohonchi tok oka; nan isht vlvchi, nan isht ai atokowa, nan isht kostinichi, nan ai vlhpiesa aiena isht pithvnanchi achukma hoke.

17. Yohmi hatuk o hatak Chihowa immi hv̄t ai ghli hosh, nan toksvli achukma puta ka isht ahanta ch̄i kv̄t im vltaha achukma hinla hoke.

CHAPTER IV.

Ai ghli nan a kaniohma he vlhpesa kv̄t yvmihcha ch̄i ka i miha, 1; 6 ai illa he nitak vt im atikeli, mihmvt vba achukma ka pisa ch̄i im ai ghli kv̄t im anoli; 9 chekosi im vla ch̄i ka i miha; 16 nan i palvmmi v̄mmona ka nana kv̄t kaniohmit onotuyula tok a anoli.

1. CHIHOWA, micha Chisvs Klaist yv̄mmak osh ilap ap ehlichika ishit haiakakmvt, okchaya, micha illi tok aiena ka nan im apihisa he itikba ya hikia hosh na ch̄i miha lishke.

2. Yohmi kv̄t vbanumpa h̄a isht ish anumpohonlashke, yohmi kv̄t nitak ai yvmohma he ai vlhpiesa, ai vlhpiesa keyu aiena ka ish achunanchashke; ai atokolit im anumpo honlit, im alvmminchit nuktaiyala hosh nana ka ish im abahanchit ish atohnohonchashke.

3. Yohmi ka vbanumpa ai ghli ka haklo ik bunno ka hi a

nitak vt vla hi oke: haksobish yaouhlich i shi cha, ilap im anukfila okpulo ilaiyuka im antia kak osh nan-abvchi lawa ka il im itvnahanla hi oke:

4. Mikmvt vbanumpa ai ahli ka haksobish a isht i filvm-mit kenia cha, anumpa ik ahobo yak o haklo bvna toba hi oke.

5. Amba chishno yokvto nan okluha ka ahah! ahnit, nan ilbvsha chi onvtuyula kia chi nuktanlv, vbanumpa isht anumpuli yvt nan isht ai vta he tuk a isht ahantvt, vbanumpa isht ish ahanta hi atuk vt ish ai ahlichi fehnashke.

6. Yohmi ka vulla chi kv anumpa hv si onvtula ho, a vulla chi kv atukonofvshke.

7. Itibi achukma ka itihimbit atahli lishke, nan isht ai ahanta la hi atuk vt atahli lishke, vbanumpa sai yimmi kv ai ahli hosh achunanchi lishke:

8. Yohmi hoka himak a pilla ma nan isht ai vlhpiesa ia-chukoli la he vmmi ituyula, ymma nan ai ahli apesa, Chitokaka yvt nitak ymmak fehna ka vma hi oke: yohmi kv vno ak bano ho vma he keyu, amba ilap vt vla ka i hullo moyuma aiena ka ima hi oke.

9. Chekosi chim vlhtaha pulla cha, ai ahanta li ka ish lashke.

10. Yohmi ka Temas vto himonasi yakni ilvppak inli kak o i hullo hatuk osh, svsvt ia tok: yohmi tuk osh Hlessalonika ya ia tok: Klesens vto Kaleshi yak o ia ma, Titvs vto Talmasia yak o ia tok.

11. Luk ak bano hosh si awant anta hoke; Mak ano ilauelit ish lashke; ymmak okvt vbanumpa isht ai vta ya a si apela hinla hoka.

12. Yohmi ma Tikikvs ano Efesvs a ia chi ho tohno li tok.

13. Nowvt aya anchi chito ya Kapvs Tloas anta ka ibbak fohki li tok a ish mintikmvt, isht is svv vlashke; yohmikmvt holisso moma, micha tvlhko holisso yokak heno isht ish la pullashke.

14. Aleksanta tvli lakna nan isht ai ikbi yvt nan ik achukmo ilaiyuka si onohonchi tok: ilap nana a kaniohmi tok ak o Chitokaka yokvt isht im atobbashke.

15. Yummak oka ahah ! ish im ahni mak inlashke ; yvm-mak okvt pim anumpa moyuma ka i sanali fehna hatuk oka.

16. Ummona isht if anumpuli li kvtno hatak achufa kia si awant hikia tok keyu ; amba hatak moma kvt svsst ia tok ; yvmma yvmohmi tok vt isht ik onvtuyulo hok bano ai ahnit, Chihowa ya im ilbusha lishke.

17. Yohmi kia Chitokaka yvt si awant hikia tok ; micha sa hlampkohonchi na vbanumpa isht anumpohonli li chatuk vt ai ghli fehnt vno ak o isht ai otvni ho, Chentail moyuma kvt haiyaklo tok : yohmi ma koi chito itakha ya sa koh-chi tok.

18. Yohmi ka Chitokaka yvt nana a kaniohmi ik achukmo moyuma ka a sa hlakfihinehi cha, sai okchalinchit ilap vba apchlichika ya isht sai ona hi oke : yvmma isht a holitopa yokvt immit biliashke. Amen.

19. Pliska, micha Akuila, micha Onesifolvs in chuka chvfa aiokpvchi.

20. Elastvs vto Kolinhlā yak o anta tok ; amba Tlofimvs vto abeka hosh Miletvm ak o itonla ho isst minti li tok.

21. Chim vlhtaha pulla cha, ik hvstulo kisha ho ish lashke. Eubulvs vt pit chi aiokpvchishke, micha Putens, Linvs, Klautia, micha itibapishi moyuma kvt pit chi aiokpvchi mak inlishke.

22. Chitokaka Chisvs Klaist vt chimi shilombish a ibafoyakashke. Isht i kana yvt chi anukfoyakashke. Amen.

HOLISSO PAL VT

TITVS A

I HOLISSOCHI TOK.

CHAPTA I.

Titvs a pit aiokpuchi, mihmvt nana kaniohmi hq Kleti a anta he im ahni tuk vt anoli, 1; 6 vbanumpa isht vttta yvt kaniohmit nan im ai vhltaiyaha he; 11 nan ik vlhpeso anumpulit nan ithvnanchi itakha yvt issa he isht anumpuli.

1. PAL, Chihowa in tishu, micha Chisvs Klaist im apostel okvt, vbanumpa ha anohonli na okchayvt bilia he Chihowa hvt im ahni tok vhleha hvt yimmi cha, anumpa ai ghli ka achukmali fehvtv ithvnt, Chihowa ha isht a holitobla hi atok;

2. Yohmi cha ai okchayvt bilia pisa he ai ahna hi atok, yummak oka Chihowa holaba he keyu yvt, nana puta kv ik tobo pilla kash inli hq, im ihisa tok;

3. Yohmi tok osh ont ai vlhpiesa ma nan im ihisa tok vt vbanumpa isht anumpohonli hq isht otvnihinchi; yvma vno ak osh isht anumpohonli la he vm vlhpisa kv, Chihowa pi Okchalanchi nan apihisa tok mak o yvmohmishke.

4. Yohmi kv nan isht a pi yimmi pulla kak o svso, Titvs a, pit chi aiokpuchi lishke: Nan isht i kana, i nukhaklo, micha isht it i nanaiya aiena kv Piki Chihowa, micha pi Okchalanchi Chitokaka Chisvs Klaist ita tuklo ka a mihinti kv chi anukfoyukashke.

5. Kleti g ish anta he chim ai ahni li kvv ilvppak atok ; nana kvv ik vlhtaho puta tuk g achukmalit isht ish ahanta kvv, chim apesa li hatuk oka, vbanumpa isht vta ya tvmaha puta ka ish ai atokohonlashke.

6. Kanima ka anumpa ik achukmo kvv onvtonla he keyu, ohoyo achvfa i hatak, im vlla mvt vbanumpa yimmi nan isht yopomo anumpa kia onvtonla he keyu, micha ilapunla keyu hok mak o ish atokolashke.

7. Yohmi ka bishop vt Chihowa nan im apesvchi yatuk osh, anumpa ik achukmo kia onvtula he keyu ho pullashke : ilap ai ahni keyu, nokowa shahli keyu, oka homi ishko shahli keyu, na-fahama keyu, ai vlhpiesa keyu isht a hofahya he nan isht ahayuchi bvna keyu ;

8. Amba hatak ik ithano i hullo, hatak achukma puta ka i hullo, kostini, ai vlhpiesa, Chihowa holitobli, ile oktamply ;

9. Mikmvt anumpa ai ghli im vlbahanchi kash o kvvlot halvlli hosh, nan isht vlhvchi ai ghli ka isht im abahanchit, vbanumpa i sanali vhleha ha nan i mihvt im alvmmminchi mak inlashke.

10. Yohmi ka ilapunla, nan ik ahobo isht anumpuli, micha na haksichi yvt laua fehna hosh ai asha hoka, mikmvt hakshup tupa vhleha hokak heto laua hoke :

11. Yvmma itih hvv vlhkuma pullashke, yvmmak osh chuka chvfa moma ka ai ghli ka i filvmmihinchii kvv, ai vlhpesa keyu isht a hofahya he nan isht ahayuchi bvna kak osh, yohma hi atuk keyu kia nana ka abahanchishke.

12. Ilap ai achvfa, ilap i hopaii atuk ak inli hosh na miha kvv, Kletian vhleha hvv holabi kak bano chatuk, nampo okpulo, intakobi, isikopa aiena hoke, achi tok.

13. Anumpa atokowa ilvppv ai ghli hoke ; yohmi hoka vbanumpa yimmi kvv ai ghla chi mak o, hotopalit ish im alvmmminchashke :

14. Yohmikmvt Chu im anumpa ik ahobo, micha anumpa ai ghli ka i filvmmi hatak nan apihisa aiena ka chik im antio kashke.

15. Yohmi ka kashofa hokvno nan okluha kvv i kashofa hoke ; amba ik kashofa, na yimma he keyu hokvno nana kia

ik i kashofo hoke ; amba nan ahni, micha isht il akostininchi aiena kvt litehvt kvnia hoke.

16. Yohmi kvt Chihowa hq ithana, miha kvt il otvninchi ak inli kia, nana a kaniohmi puta kvt isht ik holitoblo, na yimma he keyu, mikmvt nan toksvli achukma puta ka ik ai ghlo hoka i yuwala he vlhpesa hoke.

CHAPTER II

Nana hq isht anumpulit abahancha hi a, mikmvt kaniohmit ai vlhpiesvt gya hi g Titvs g im apesa, 1 ; 9 yuka, micha hatak moma kvt nan akaniohma he vlhpesa ka anoli.

1. AMBA chishno yokvto nan oklgha kvt nan isht vlhvchi achukma ka isht ai ghli kak o isht ish anumpohonlashke ;

2. Yohmi kvt hatak asvnochi puta kvt ahah ! ahni, yopunla iksho hosh im anukfila weki achukma, kostini, vbanumpa yimmi, it i hullo, nuktanlvt achunanchi aiena kvt ai ghlashke :

3. Mikma ohoyo asvnochi puta kvt vbanumpuli yokvt ai yvmohmi vlhpiesa kak o yvmohmi mak inlashke ; inla aho-lvbechi keyu, oka homi yoka i yuhuka keyu, nana hochukma ka abahanchashke :

4. Yohmi kvt Chihowa im anumpa hvt ik kullaksho ka chj ka, ohoyo himita puta kvt ile oktampli, i hatak i hullo, im vlla ya i hullo aiena ;

5. Mikmvt kostini, havi anukfila iksho, ilap in chuka antvt, nan isht ahanta, hochukma, ilap i hatak im antia achukma aiena chj ka im abahanchashke.

6. Hatak himita puta mvt ile oktampla chj ka nan ish i mihjha mak inlashke.

7. Nan oklgha ish a kaniohmi kvt nan toksvli achukma puta isht ai ithvna yo ish il otvnhinchashke : nan ish abahanchi kvt ai ghli kak bano, yopunla keyu hosh anukfila weki achukma hosh ish im abahanchashke ;

8. Yohmi kvt anumpa achukma isht ai i sanala he iksho

hə ish abahanchashke; yohmi na kva hosh chi sanali hatuk mvt, nan ik achukmo nana kia isht chi anumpula he ikaho kvf hofahyashke.

9. Yuka puta kvf ilap i na-hullo yoka im antia, micha nan okluha ka isht ai yukpali, a sanalit ik anumpulo ka he;

10. Micha ik hukopo, amba nan okluha ka ai ahli achukma he; yvmohmi cha Chihowa pi Okchalinchí im anumpa ha nan okluha ka isht a holitobla chí ka ish i mihihashke.

11. Yohmi ka Chihowa isht i kana yak osh ai okchaya ishi kvf hatak puta ka im otvni tok oka,

12. Yummak osh pim abahanchi kvf, Chihowa isht ik holitoblo puta, yakni ilvppak inli anukfila okpulo ilaiyuka ka isht kil ahanto ka he, amba ile oktampli, hatak bika it im ai ahli achukma, micha Chihowa ya holitobli hosh himonasi yakni ilvppa il ahanta he;

13. Mikmvt ai okchayvt isht il ai yukpa bilia, micha Chihowa Chitokaka, pi okchalinchí Chisva Klaist vt isht a holitopa ieshi hosh haiaka hi a pit bohoyot il ahanta he;

14. Yohmi kvf yummak ash osh ai ashvchika puta ka a pi hlakofihinchí cha, pi kashofi na ilap immi okla holitopa fehna e toba cha, nan toksvli achukma puta ka a yiminta hosh isht il ahanta he mak o, pi vlhtoba hosh illi tok.

15. Ilvppa puta kak o ish anumpulashke, yohmi kvf Klaist im anumpa ai ahli ka nan isht a mihvt ish im olahambashke. Yohmi na hatak nana kia ik chi shitilemo kashke.

CHAPTA III.

Nana hə ithvnancha he, mikmvt nana hə ik ithvnancho ka he aiena ka Titva a im avvchi, 1; 12 im vta hi a pit i miha.

1. MIKO, nan apesa, nan vlhtoka vhleha moyuma ka im antia achukma, nan toksvli achukma puta ka isht ahanta chí kvf im vlhtaha he,

2. Hatak nana kia kvllakshichit isht ik anumpulo, it i nokowvt ik itachowo, amba anukfila yohbi, hatak moma ka i kana aiena he mak o, ithana chí ka ish im anohonlashke.

3. Yohmi ka pishno ak kia tikba hokvno nana kil ithano, Chihowa kil im antio, pi yoshubvt, anukfila okpulo ilaiyuka, micha haknip isht ai yukpa aiena ka i yuhukvt, hotopali bvna, it i potvno aiena isht il ahanta kv, nan isht ik pi ahobo fehna hosh it i nukkillit il ahanta tok.

4. Yohmi tok kia Chihowa pi okchalinchi yvt hatak isht i kana, micha isht i nukhaklo aiena kv otaiyani ha yano,

5. Nan ai vlhpiesa isht ahantvt il atahli tok ak o keyu, amba pi nukhaklo kak osh himona toba isht vlhchihifa kv, Shilombish Holitopa yak o himona isht a toba ho isht a pi okchalinchi tok oke;

6. Yohmi kv yvmmak ash o Chisvs Klaist pi okchalinchi yvt nan atahli tok ak pulla kak o, lauachi fehna hosh pi o fohobli tok:

7. Yohmi na isht i kana yo isht a pi vlhpiesa hosh, ai okchayvt bilia il isha he pim ai vlhpiesa hosh e toba hinla hoke.

8. Anumpa ilvppvt ai ghli yoke, yohmi kv nana yvmmak ash puta ka kvlluchi fehna hosh isht ish anumpohonla he chim ai ahni li; yohmi na Chihowa i yimmi tok vhlaha hv abah! ahnit, nan toksvli achukma puta ka achunanchit isht ahantashke. Nana ilvppa puta kv achukma, micha hatak g isht im achukma hoke.

9. Nan isht a ponaklo isht ik ahobo, in tikba ai unchululit isht auehinchi isht annoa, nan isht itachowa, micha Chu i nan vlhpisa isht itachowa aiena ka chik ahalaio kashke; yvmmvt nan isht ik ahobo, micha nan isht ai achukma hi vt iksho hoka.

10. Hatak kvna hosh vbanumpuli ikxa i sanalit it a kvshkoli bvna hokma, vmmona, micha atuklant ish im olabi ha yoka yvmihchi kv imoma hokma, chik aiokpancho kashke.

11. Yumma chiyuhmi hokvto ai ghli ka i filvmmit kvnia hosh, nan ashahanchi kv, ilap inli kv ik ai ghlo kv otvninchi hoka ish ithaiyanashke.

12. Tikikvs, Atemas, kanimampo ka pit chim pila li hokma, Nikopolis ak o anta li hoka ik kaniohmi kia ish la pulashke: hvstula ya yvmmak o anta la chi hoke.

13. Nan vlhpisa imponna Senas, micha Apollos ita tuklo kvt im vlhtaha achukma cha, nana a bønna kvt ik im iksho ka chī ka ish im atahli cha, auet ish pilashke.

14. Mikma pimmi yokvt nan isht ai vni ik im iksho hosh ik anto ka chī kvt, nana ka ai yvmohma he ai vlhpiesa nan toksuli achukma puta ka achunanchit isht ahanta chī kvt, moyumvt ithvna mak inlashke,

15. Si apiha kvt moyumvt pit chi aiokpvchishke. Na yimmi pia hā pī hullo ka moyuma ish aiokpvchashke. Isht ī kana yvt hvsh moyuma ka hvchi anukfoyukashke. Amen.

HOLISSO PAL VT

FILEMON A

I HOLISSOCHI TOK.

Filemon a pit aiokpuchi, mikmt na yimmi, micha nan isht i hullo aiena kut anukfoyuka ka haklo mt, na yukpa; yohmi hoeh in tishu Onesimvs a nana ka i kaashofi cha, atuklanchit i hullot aiokpucha chi ka ahni fehnt miha.

1. PAL, Chisvs Klaist ak atuk pulla mak o yuka, micha il itibapishi Timohli yvt pi holitopa, il itiba toksvli Filemon,

2. Mikmt pi holitopa Affia, micha tvshka il itilavi Achippvs, micha chvch chin chuka gsha aiena ka pit hvchi aiokpuchishke:

3. Nan isht i kana, micha isht it i nanaiya ita tuklo Piki Chihowa, micha Chitokaka Chisvs Klaist aiena ka a mihinti kut hvchi anukfoyukashke.

4. Anumpa ilbvsha anumpohonli likmt, chithaiyana li kut,

5. Chitokaka Chisvs Klaist oka ish i yimmi, micha vbanumpuli vhleha ha ish i hullo aiena ka hahaklo li kak osh, Chihowa ya yak oke im ai ahni lishke.

6. Na yimmi chi anukfoyuka kut ai ghli fehnt otahani na Chisvs Klaist isht a holitopa he mak o, nana achukma puta kut chi anukfoyuka ka ai ithaiyana hokbano, ai ahnit asilhha lishke.

7. Yohmi ka chishno ak atuk pulla mak o vbanumpuli vhleha chukvsh vt yuhkpa hoka, isht ish i hullo ka isht a pi nukvla, micha isht a pi yukpa chintoshke, itibapishili ma!

8. Yohmi ka Klaist immi sia hokvt nana ka nukwaya iksho kamohmi hosh a chim ai vlhpiesa ka chim apesa la he vlhpiesa kia,

9. Pal sipokni, micha Chisvs Klaist ak atuk pulla mak o yuka ma aiena mih sia hash osh, isht i hullo li pulla atuk mak osh chim asilhha li kak osh vm i shahlishke.

10. Yuka hosh anta li mvt, tobachi li tok svso, Onesimvs ak atuk pulla mak o chim asilhha lishke.

11. Yvmmak okvt tikba hokvno nan isht chim ai achukma iksho ki tok kia, himonasi kvno chishno, micha vno il ita tuklo ka isht pim ai achukma fehnvshke.

12. Yvmmak oka falaminchit pila lishke; sa chukvsh chiyuhmi hoka i kanvt ish ishashke.

13. Yvmmak okvt si awant antvt, vbanumpa ak atuk pulla mak o yuka hosh anta li ka, chishno ak a he tuk mak o chi vlhtoba hosh nana kia isht vm ahanta he im ai ahni la he vlhpiesa kia;

14. Yohmi kia chishno chim anukfila keyu ka, nana kia yvmohmi la he ak ai ahno: yohmi na nana achukma ish yvmohmi kvk ik kaniohmi kia ish yvmohma hi atuk o keyu, amba chishno inli chim anukfila kak ashke.

15. Yohmi ka yvmmak okvt hvshi kanvlli achufa chohmi itin takla hq chi filvmmi na yvmmak ash ish ishi na bilia hi atuk yoba ka;

16. Yohmi ka yuka keyu, yuka kano i shahli, vno yvt itibapishi li a holitopa hq fehna, amba chishno yokak heno a chimmi, micha Chitokaka ibai achufa hokvt chi holitopa kvk i shahli fehna hiala keyu?

17. Yohmi ka chibai achufa li ka is si ahni hokmvt, vno ak a he tuk ma chiyuhmichit i kanvt ish ishashke.

18. Nana kia chim okpvi tok, micha aheka kia chin takanli hokma, vno ak o aheka is svm ikbashke.

19. Pal sia hvv vno subbak ak inli hq isht holissochi li kvk, atobbi la he mak oke; yohmi kia is svm aheka kvk chishno yak fehna kak kia is san takanli ak inli ak chim achoshke.

20. Ahlishke, itibapishi li ma! Chitokaka ish ibai achufa

hoka nana isht chi a sai yukpashke; Chitokaka ish ibai achvfa hokvt is sa nuktalalashke.

21. Is svm antia hinla ka chj yimmi li, micha nana achi li ka i shahli ak inli ish yvmihcha chj ka ithana li aiena hatuk osh, chj holissochi li tuk oke.

22. Yohmi kia ai-vtta la chikma, aieninchit is svm atah-lashke: yohmi kvv anumpa ilbvsha ish anumpohonli hatuk mak o chim ona la he ai ahni lishke.

23. Chisvs Klaist ak atuk mak o yuka sa bika Epafias vt pit chi aiokpvchishke.

24. Makvs, Alistachvs, Temas, Lukas it ibai toksvli li vhleha aiena kvv pit chi aiokpvchishke.

25. Pin Chitokaka Chisvs Klaist isht i kana yvt chi Shilombish a ibafoyukashke. Amen.

HOLISSO PAL VT

HEBLU OKLA HA

I HOLISSOCHI TOK.

CHAPTA I.

Klaist vt Iki Chihowa ya itilaui kv̄t annoa, 1: 4 enchil puta i shahli fehna; 14 enchil v̄hleha hv̄t nan isht ai vtta ka anoli.

1. CHIHOWA hv̄t nitak chashpo ilaiyuka, micha a kaniohmi mv̄t ilaiyuka hosh pin tikba v̄hleha hopaii v̄hleha ak o isht ai im anumpohonli kv̄t,

2. Polga ilv̄p̄v̄t ai ishtaiyopi mak o ilap Ushi yo isht a pim anumpohonli kv̄t, yvm̄mak osh nana moma ka iesha he im ai v̄lhpiessa mak o atokoli tok; micha v̄ba yakni, micha yakni ilv̄ppa a moyuma ka yvm̄mak ash o isht ai ikbi ak inli tok:

3. Yvm̄mak ash osh Chihowa isht a holitopa shohmalali, micha Chihowa mih fehna yatuk, micha nan okluha ka im anumpa kv̄llo ai āhli kak o isht ieshi hosh ai ashv̄chika isht a pi kashofa hi ā ataiyahli tok osh, Nan okluha imaiya v̄ba chaha moma i shahli ka a binili im isht impak imma ak o binili tok.

4. Nan iesha he im ai v̄lhpiessa hatuk vt ieshi hatuk osh, ilap hohchifo isht a holitopa kak osh enchil v̄hleha h̄a i shahli fehna hatuk osh kaniohmit holitopa kv̄t yvm̄ma i shahli fehna hoke.

5. Nitak nanta kash o enchil v̄hleha h̄a achv̄fona kia, Chishno yvt sv̄so chia mak o himak nitak ā chi tobachi

lishke; micha anonti ilap vt, Uno yak o Svso hachi, mik-mvt, vno yvt Iki sia hachi hoke, im achi tok o?

6. Micha anonti, Tobahpi yash o yakni paknaka ya isht vla mvt, Chihowa im enchil vhleha hvt moyumvt aiokpa-hanchashke, ahanchishke.

7. Mikmvt enchil vhleha hano isht anumpuli kvt ilvppak o achishke, Yummvt im echil vhleha hokvno mahli chiyuh-michit, mikmvt in tishu hanø luak libbi chiyumichi hoke.

8. Amba Ushi yokvno ilvppak o im achishke, Chihowa ma! ish ai o binili holitompa kvt hikia bilivt peh bilivshke: nan ai vlhpiesa tvbi yak osh ish apehlichika yoka in tvbi yoke:

9. Chishno yokvt nan ai vlhpiesa kak o ish i hullo cha, nan ik vlhpeso yokvno ish i nukkillishke; yohmi ka Chihowa, chin Chihowa yak osh nan isht ai yukpa bilia ya laua i shahli hø isht chi ahvmmi kvt, ish ai itilau i tuk a i shahli chikbi tok.

10. Micha Chitokaka chishno yak osh vmmona kash inli hø yakni ilvppa intolahpi ka ish boyuhli tok; mihmvt nana moma vba shutik ai asha ka, chibbak ak osh ihikbi tok.

11. Yvmmak okvto ont ai okpulo kvt taha kia, Chishno yokvto ish ahanta he; mikma yvmmak okvto moyumvt sipokni kvt na fohka yø chiyuhma hi oke:

12. Mikma anchi yak inli hø chohmichit ish pohla he; mikma yvmmak ash ot inlv toba he: yohmi kia Chishno yokvto mih yash inli chia, micha chim afvmmi hokvt ont ataha he iiksho hoke.

13. Yohmi kia nitak nanta kash o enchil vhleha achvfona kia, Svbbak isht impak-imma ak o ish a binili na chin tvnvp vhleha hoka chiyi ai o hikia yø ikbi li hayashke, im achi tok o?

14. Yvmmak ash ot moyuma kvt nan isht ahanta shilombish osh ai okchaya pisa he im ai vlhpiesa vhleha yvm-mak o nan isht im ahanta chi vltoka yø keyu?

CHAPTA II.

Klaist a il im antia he tuk, 1; 9 pi okchalincha chi kvt hatak o toba tok oka; 14 yohmi kvt nana kvt a yakohma he vlpesa tok mak osh hatak o toba tok.

1. YOHMI hoka nana e haiyaklo tuk puta kvt ahah! ahni fehna hosh il anukfihinla hetuk, e yvmohmi keyukmt, nitak kanima ka pi kvnia hinla hoke.

2. Yohmi ka enchil vhleha hvt anumpa anumpohonli tok a ai ghlit kullo hatok okma, micha kvna hosh anumpa yvm-mak ash o kobahagi, micha ik im antio puta ka isht vlhtoba kvt isht ai vlhtoba he vlpiesa ho ihishi tok okma:

3. Ai-okchaya chinto yakohmi ka kil anukfihinlokmt, katohmit pi hlakofa hinla cho? yvmma vmmona ka Chito-kaka yak osh isht anumpohonli tok o, anonti yvmma i hapo-naklo tok puta kvt ai ghlichu mak osh pim anohonli tok:

4. Chihowa hak kia atokowa ibai anohonli kvt, nan isht atokowa, nan isht anukhlakvshli, micha nan isht ai ghli ilai-yuka, micha Shilombish Holitopa na hopela aiena ka ilap im anukfihinla hosh isht ai ghlichu tok:

5. Yohmi ka yakni talaia he isht il anumpuli ka, enchil vhleha hokvno i nutaka apihisa tok keyu hoke.

6. Amba achvfa kvt kanima ka atokoli hosh ai anumpuli kvt, Hatak vt nanta ho yvmmak oka chishno yokvt isht chim anukfihinla ho? micha hatak ushi yoka, chishno yokvt ish i nohova ho? ahanchi tok.

7. Yvmmak oka enchil vhleha hokvno lumvt ik lauwo ho ish ikbi tok osh, isht a holitopa chinto ka isht ish iachukolechi, micha nan okluha chibbak vt ihikbi tok a i shahli ho ish ikbi tok:

8. Chishno yokvt nan okluha kvt iyi nuta aiasha cha, im antia hi a ish apesa tok. Yakohmichit moyuma ka im i nutakvchi ha yokvt, nana kia ik im i nutakacho ka achvfa kia iksho ki tok. Yohmi kia nan okluha kvt ik im i nutako kisha ho himonasi ka e pihjvshke:

9. Yohmi kia Chisus, yummak okvt enchil vhleha hā lumvt ik lauwo hosh toba tok kia, nan-illi isht ilbvsha ka pihisa kak osh isht a holitopa chinto ka isht iachuka ka e pihisvshke; yohmi na Chihowa isht i kana pulla hatuk mak o yummak ash ot hatak moyuma ka vlhtoba hosh illa hi atok.

10. Yummak pulla hosh nan okluha ka ihikbi tok, mih fehna kash inli atuk pulla mak o nan okluha kv̄t toba tok, yummvt yvmihcha he im ai vhlpiesa hosh ushi vhleha laua ka isht a holitopa ka pehlichit isht ohona kv̄t, yummak ash isht ai okchaya i kv̄pitvni hv̄t nan isht ilbvsha puta ka pihisa hosh isht ai ghla hi a im apihisa tok oka.

11. Yohmi ka na-kashofi, micha nap ai ashvchika i kashofa aiena kv̄t it ibai achvfa hoke; yakohmi hoka ik hofahyo hosh itibapishi vhleha hochihifo kv̄t,

12. Itibapishi li vhleha hā chi hohchifo hā otv̄ninchit im anohonli la chi; itibapishi li vhleha hā ai iklv̄nna hikivt talahov̄t chi aiokpahanchi la chi hoke, ahanchishke.

13. Mikmv̄t anonti, Yummak o anukchieto la chi hoke, achishke. Anonti, Ūno, micha vlla vhleha hā Chihowa hv̄t ahama tok oka pisá, achishke.

14. Yohmi hoka vlla vhleha hash osh haknip, issish aiena ka ibai ishi hatuk o, ilap ak kia anonti yummak ash ibai ishi tok ak inli hoke: yohmi na vlhtobvt illi pulla hosh nan-illi ishi, yummvt nan isht ahullo okpulo ak atuk a imaiyachi cha;

15. Yummvt nan-illi i nukshopa kak osh, okchaya takla kv̄t yuka tobt kv̄nia chatuk a mominchit hlakoficha hi atok.

16. Yohmi ka ghlishke, yummvt enchil vhleha hā halanli tok keyu; amba Eblaham isht ai unchululi hak o halanli tok.

17. Yvmohmi ka nan okluha ka ai yvmohma he ai vhlpiesa hosh itibapishi vhleha ak inli hō chiyuhmit toba hi atok; yvmohmi hosh i kana fehvt na-holitompa isht v̄tta chinto ai ghli fehna hosh Chihowa nan isht im ahanta kv̄t, okla puta nan ai ashahanchi tok isht vlhtohomba he ikbi mak osh isht ahanta hi atok.

18. Yohmi ka ilap ak kia imomaka pisa kvt, na-palvmmi pihisa hatuk okvt, kvna hosh imomaka pisa hokvno apelvcha hi vt ithana hoke.

CHAPTER III.

Klaist vt holitopa kvt Moses a i shahli, 1: 7 yohmi hoka kil i yim-mokmvt, Isael chukvsh kvllo vt na palvmmi isht onvtula he im vlvhisa tok a i shahlit pi onvtula he bano hoke.

1. YUMOHMI hoka itibapishi holitopa vhleha vba nan isht ilaiyukpa et annohowa ka ibai ishi hvchia ma! Apostel, micha Na-holitompa isht vtta chinto, Chisvs Klaist a il ithai-yana, il il apihisa tok a hvsh anukfihinlashke.

2. Moses vt ilap in chuka ai achvfa moyuma ka im ai ghli bano tok a, chiyuhmit yvmmak ash osh ilap a atokoli tok a im ai ghli bano tok.

3. Yohmi ka hatak ilvppvvt isht a holitopa i shahli hq isht a holitopa kvt Moses a i shahli kvt, chuka yoka kvna hosh ikbi tok ak osh holitopa kvt, chuka yash i shahli chatuk a chiyuhmi hoke.

4. Yohmi ka chuka toba moyuma ka ikbi vt gsha bano chatuk; amba nana moma ihikbi tok vt Chihowa ak oke.

5. Yohmi ka tishu hq chiyuhmit Moses vt ilap in chuka ai achvfa moyuma ka im ai ghli bano kvt, nana isht anu-humpa he mak q atokolit anohonli tok:

6. Amba Klaist vto Ushi yosh in chuka achvfa pehliechi hq chiyuhmit ai ghli tok; yohmi ka ai okchaya ya na-yuk-pvt e hohoyo hosh Chisvs Klaist il anukchieto kvt, achu-nanchi ai ghli hosh ai vhli ka il ona hokmvt, yvmmak ash in chuka pia hoke.

7. Yvmohmi hoka Shilombish Holitopa yvt ahanchi kvt, Himak nitak oka im anumpa hoka hvsh haiyaklo hokmvt,

8. Hvchi chukvsh oka hvch ik kvullocho kashke: yohmi kvt isht a nokowvchi, yvmohmit nana ka imomaka pisachi hosh yakni haiaka itvnowa tok a hvch ik chiyuhmicho kashke.

9. Nitak yvmmak ash hvch iki vt ik sai yimmo kvt imo-

maka sa pisvchi tok; micha nana a kaniohmi li puta ka pihisa na afvmmi pokoli ushta tok.

10. Yvmohmi hoka okla yvmmak ash isht vm ahchibvt kvnia tok: mihmvt, Yvmmtv chukvsh anukaka ya isht ashvchi bilia, micha vm anumpa vllhpisa puta ka ik ithanoshke, achi li tok.

11. Yohmi kvv sa nukhobela hosh anumpa kvllo il onochit anumpohonli li hoka, Um afoha yoka chukowa himma keyu mak oke.

12. Itibapishi li vhleha hvv ahah! hvsh ai ahnashke, chukvsh okpulo, nan ik yimmo Chihowa okchaya ya isht hvsh ai i filvmma hinla kvv, hvsh kanima ka ik hvchi anukfoyo kashke.

13. Amba himak nitak achi itin takla kak o nitak puta ka nan it i mihvt hvsh iti hlampkohonchi pulla ho, hvsh kanima kia nan ai ashvchi isht a haksit ik hvchi kvllo kashke.

14. Yohmi ka na pi yimmi vmmona tok vt ai ahli biekvt mahayvt ont ai vhli ka il ona hokmvt, Chisvs oka ibai achvfa vhleha e toba hoke.

15. Himak nitak achi itin takla kak o, Himak nitak oka im anumpa hoka hvsh haiyaklo hokmvt, isht a nokovvchi yvmohmi tok a, chiyuhmit hvchi chukvsh oka hvch ik kvllocho kashke.

16. Yohmi ka kaniohmi kvv haklo hayvt nokovvchi tok: yohmi kia Moses vt pehlichit Echip a kohchi tok a moma hosh yohmi tok keyu hoke.

17. Amba afvmmi pokoli ushta ka kvta hak o isht im ahchibvt kvnia tok o? nan ashvchi tuk osh haknip illi vt yakni haiaka ya ai itohonla ak atok keyu cho?

18. Yohmi ka kvta hak osh im afoha yoka chukowa himma keyu ho anumpa kvllo il onochit anumpohonli tok o? amba ik i yimmo ke tuk vhleha ak atok keyu cho?

19. Yohmi ka ik i yimmo pulla kak osh chukowa he keyu ki tok a eho pisvshke.

CHAPTER IV.

Ubanumpuli a-foha he vltaha tok a na yimmi pulla hokmak osh isha he, 1: 12 Chihowa im anumpa hvh aighli fehna; 14 Na holitompa chinto isht pim vta yvt Klaist Chisvs Chihowa Ushi, 16 nan isht ai i kana ai q binili holitompa nukwaya keyu hosh il ohqnashke.

1. YUMOHMI hoka im afoha e chukowa he pim isea tok a takali moma hoka, hvsh kanima kvv hvch ik ono ahoba hinla ka, ahah! il ai ahnashke.

2. Isht ai yukpa anumpa yash ot pishno ak kia pim annohwa kvv, yummvt im annohwa tok ash q chiyuhmi tok: yohmi kia anumpa im annohwa kvv nan isht im achukma tok keyu kvv, anumpa hahaklo yummak okvt na yimmi ya ibafoki keyu ak atok.

3. Yohmi ka, Si anukhobela hosh anumpa kvvlo il onochit anumpohonli li hoka, yummak okvt vm afoha yoka chukowa he keyu, ilap vt achi tok: yohmi ak inli kia pishno il i yimmi hatuk okvt yakni toba vmmona pilla kash nan toksvli puta kash ot ont vltaiyaha tok im afoha yoka e chukowa hoke.

4. Ilap vt yakohmichit nitak isht untuklo ka ai atokowa kanima ka isht anumpuli tok: yohmi kvv Chihowa hokvt ilap a toksvli puta hoka ataiyahli kak osh nitak isht untuklo hokvno foha tok.

5. Mihmvt ilvppak q, Um afoha yoka chukowa he keyu, anonti achi tok.

6. Yakohmi hoka afoha yoka kaniohmi kvv chukowa chi pulla ka takanli moma hoka, yohmi ka isht ai yukpa anumpa im annohwa vmmona tok vhleha hokvt afoha yoka ik chukowo kvv na-yimma he keyu kak atok.

7. Anonti Lewi ak q isht ai anumpulit nitak kaniohmi hq atokolit, Himak nitak a ahanchi, nitak yummak atok a hopakit taiyaha, achi hoka, Himak nitak a vm anumpa hvsh haiyaklo hokmvt, hvchi chukvsh oka hvch ik kvvlocho kashke.

8. Yohmi ka Choshua vt yummak ash afoha ya ima ha-

tok okma, i himmak okvno nitak inla ho isht anumpula hi atok keyu hoke.

9. Yumohmi hoka Chihowa im okla vhleha hokvto afoha yvt in takanli hoke.

10. Yohmi ka kvna hosh Chihowa im afoha yoka ont chukowa hokvto, ilap inli toksvli kash issa kv, Chihowa hv ilap toksvli tuk vt issa ak inli tok ash inli ho chiyuhmi hoke.

11. Yohmi hoka afoha yvma e chukowa chi kv il achu-nanchi fehnashke; ik yimmo hosh itohonla tok ash o chiyubmit hatak kvna kia ik itulo kashke.

12. Yohmi ka Chihowa im anumpa hv okchaya, micha isht ai ahli fehna, micha halupa kv bvshpo falaia itahlakla halupa yak kia i shahli hosh hlopullichit bvshli kv, ilhfiopak, micha shilombish ita tuklo ka it i filvmmichi, anonti itachakli, micha lupi ita tuklo ka it i filvmmichi, micha chukvsh anu-kaka nan isht ahni, micha nan isht anukfilli puta ka akosti-ninchit nan im apesa yoke.

13. Nana toba moma kv achvfa kia itikba ya ik im ai otano kv iiksho; amba nana ka il it i kaniohma chi yvma i holhponayo hokvno nan okluha kv ik ompoholmo i bieka hoke.

14. Na-holitompa isht vtta chinto pim anta, Chihowa Ushi, Chisvs okvt vba yakni oka ona tok oka, nana ka il il apihisa tok vt il ai aghlashke.

15. Yohmi ka na holitompa isht vtta chinto nan isht a pilbvsha ka ik piba nukhaklo ka hi osh pim anta keyu; amba nana a kaniohmi puta ka imomaka pisa kv, pishno ak inli ho chiyuhmi kia ai ashvchi yak osh ik im iksho ki tok.

16. Nan isht i nukhaklo il ishi cha, ont ai vhpiesa pi apela chi ka isht i kana il ahayucha chi kv, isht ai i kana ai o binili holitompa nukwaya keyu hosh il onashke.

CHAPTA V.

Chihowa yvt Klaist a holitobli; mikmet na holitompa isht vtta i shahli yq atokoli, 1; 14 Heblu okla hv nan ai ahli ilvppa ithvna he tuk vt a haksichi ka Pal vt nan i miha.

1. **YOHMI** ka na holitompa isht vtta chinto puta hatak a kohchit ihishi ka, hatak ak atuk pulla mak o nana Chihowa immi ha isht ahanta chi kv, vlhtoka tuk osh nan ai ashvchi isht vlhtoba he puta, micha na hvlbina aiena ka isht im ona hi atok :

2. Ilap ak kia nan isht ai ibetvbla hi vt isht apakfoyupa ak inli hokvt, nan ik ithano, micha yoshuba vhleha aiena ka yvmmvt i nukhakla he bano hoke.

3. Mikmvt nana kv ai yakohmi hokvt, ilap nan ai ashvchi isht vlhtoba he yak kia, aieninchit okla nan ai ashvchi isht vlhtoba hi a isht im ona hi atok oke.

4. Hatak nana kia ilap ak inli kv nan isht a holitopa ilvpa isha he keyu, amba Alon atok a chohmichit Chihowa ak osh atokoli hok mak oke :

5. Yohmi ka Klaist ak kia ilap ak inli hosh na holitompa isht vtta chinto toba chi kv isht ile holitoblichit tok keyu : amba, Chishno vt Svso chia ho himak nitak oka chi tobachit lishke ; im achi kak atok oke.

6. Anonti, Chishno yokvt Melkisetek atok a chiyuhmit na holitompa isht vtta hosh ish ahanta na bilia hi oke, inla kanima ka ai achi ak inli tok.

7. Yvmmak ash ot hatak haknip ieszit yakni paknaka ilvppa ahanta mvt, nishkin okchi mihintit, chitoli fehna hosh pahayvt, nan-illi im a hlakoficha hinla ka im ilbvsha fehnvt anumpohonli tok : yohmi ka Chihowa ha holitobli hatuk mak o, Chihowa hv i haponaklo tok :

8. Yvmmak ash ot Ushi atuk ak inli kia, na palvmmi pi-hisa kak osh im antia kia isht ithvna tok :

9. Mihmvt nana kv ai ahlit im vlhtaiyaha kak osh, im antia puta hokvno ai okchayvt bilia ya im atahli yoke :

10. Yohmi kv Melkisetek atok a chiyuhmit na holitompa isht vtta chinto hosh Chihowa hak o im ai vlhtoka tok.

11. Melkisetek ash isht il anumpula chi kv pin laua : yohmi kia nana ka akostininchit hvchi svlaha hoka, tosholi ka kvlo hoke.

12. Yohmi ka yvmmak atok a hopakit taiyaha hoka nan im avvchi yosh hvsh ahanta he vlhpiesa kia, kanima kv

Chihowa im anumpa ai isht ia vmmona ka anonti hvchim abvcha hi a vlhpesa pulla hoke : yohmi kv̄t ilhpak kv̄llo vpa chatuk okvno hvch ik chohmo, amba pishukchi ishko chatuk ak o chiyuhmi h̄o hvsh tobvshke.

13. Yohmi ka pishukchi ishko puta hokvto nan isht ai vlhpiesa anumpa hoka akostinincha hi a ik ona, vl̄osi yokvt.

14. Amba ilhpak kv̄llo vt asvnochi vhleha hak o im ai vlhpiesa hoke ; yvmmak ash ot nana ka ai yvmohomi kak osh im anukfila isht toksahanli hosh nan achukma, ik achukmo ita tuklo ka isht akostininchi hoke.

CHAPTA VI.

Nan ai yimmika ya ai i filvmm̄it aka ik kaho ka ch̄i, 1 : 11 amba kv̄llōt hiela ch̄i : 12 nana ka achunanchit nuk̄taiyal̄vt Chihowa ya auokp̄vcha ch̄i ka i miha : 13 Chihowa im anumpa hv̄t aghi hoka.

1. YUMOHMI hoka Klaist ai isht vl̄bvchi vmmona hokvno e boyuhli cha, ai aghi fehn̄vt itikba il ia hosh nan toksvli isht ai illi ai i filvmm̄it ile kostininchi, micha Chihowa isht i yimmi ;

2. Baptismo nan isht vl̄bvchi, micha ibbak onohonchi, mi-cha illi tok vt falam̄vt tani, micha hatak puta nan im vl̄bpis̄vt bilia he aiena ka intolahpi ka atuklanchit keho bohlo kashke.

3. Micha Chihowa ak osh vlhpesa ahni hokma, ilv̄ppa e yvmohma he mak oke.

4. Yohmi ka kv̄na hosh himonna h̄a im vl̄bvchit, na-hvlbina vba yakni minti ka akostininchi, micha Shilombish Holitopa ya ibai ishi tok okvto,

5. Mikv̄vt Chihowa im anumpa achukma, micha vbanum-
pa nitak nan isht ai aghi he aiena ka anukfoyuka ha yak okvto,

6. Yvmmak ash osh vbanumpa h̄a i filvmm̄i hokvt kaniohmit atuklant himon̄vt toba cha, ai isht ile kostinincha hinla kv̄t iksho kamohmi hoke ; yohmi kv̄t ilap ash inli hosh Chihowa Ushi ya himonvchit ititayukhvna ya ai vbi kv̄t, otv̄ninchit hofahli hokvt.

7. Yohmi ka yakni ak osh uhumba aiyuka ka ai ihishko

hosh yakni a toksvli yummak atuk vt ai isha he vhlpiessa ho offohonchi cha, nan isht ai yukpa Chihowa a mihinti ka ishi hoke :

8. Amba bafvlli halupa ilaiyuka offohonchi hokvno nan ik ahobo hatuk o, isht ai okpuloka he anumpa hvt onvtuyula hosi; yummvt ont im ishtaiyopi hokvto lua he mak oke.

9. Yakohmichit il anumpuli hoh kia, amba holitopa vhleha ma! hvchishmo yokvno nana achukma i shahli, micha ai okchaya nana kvv ai ahalaia kak o a hvchi yvmohmi ka, pi yimmishke.

10. Yohmi ka Chihowa hvt ik ai vhlpeso hokma, nanta tuk osh nan toksvli holitoblit ilap hohchifo imma ka nan isht hvsh im ahanta tuk g imi haksa he keyu, vbanumpuli vhleha ha nan isht hvsh im ahanta tuk osh, isht hvsh ahanta kvv imoma hoka.

11. Mikmvt ai okchaya ishi la he ai ahnit, ai ghli hvchi yimmi hosh ont ai vhli ka hvsh ona chi kvv, nana hvsh a kaniohmi kash ot moyuma kvv hvsh achunancha he e hvchim ai ahnishke.

12. Yohmi hosh ik hvch intakobo kashke; amba kaniohmi kvv na yimmi kak osh nana ka nuktaiyavt hohoyo hosh, nana im ihisa tok ash ont ieshi vhlpesa tok ak o hvsh hobachashke.

13. Yohmi ka Chihowa hvt Eblaham g nana ka im ihisa hokvt ilap inli ho ai isht anumpa kvvlo il onochi kvv, i shahli kanima ai isht anumpa kvvlo il onocha he keyu kak atok,

14. Ahlishke yukpahanlit chi yukpali la he, mikmvt laanhanchit chi lauachi la hi oke, ahanchi tok.

15. Yakohmit nana ka nuktaiyavt hohoyo hatuk osh, nana ka im ihisa tok ash ishi tok.

16. Yohmi ka hatak okvto i shahli ho ai isht anumpa kvvlo il onohonchi chatuk vt ai ghli; micha nan isht ai ghli-chi anumpa kvvlo il onochi kak osh itachowa puta hokvno ont im ai vhli-chi chatuk bano hoke.

17. Yvmohmi ka Chihowa hokvt nana ka im ihisa tok g ont isha he im ai vhlpiessa vhleha hoka ilap nana im anukfihinla tok vt kaniohmit ai inla himma keyu ka, achukmalit i

shahlichit im otvzinchi bonna hosh, anumpa kvllo yō il ono-
chit isht ai ghlichit tok :

18. Yohmi ka nana kaniohmit ai inli himma keyu tuklo
yvmmak oka Chihowa hokut isht a holaba himma keyu
hoka, vba isht il aiyukpa pim ihisa tok ash il isha chi hosh
a hlakofi yō il o chahafa kv, nan isht a nuktaiyala chinto il
iesha he ak atok.

19. Nana pim ihisa tok ash il isha he il ai ahni kak osh,
isht a kvllo ai ghli kanvlla he keyu yō shilombish vt im iti-
lavi, micha yvmmak osh, aholitopa fehna isht ompoholmo
anukaka yoka chukowa mak oke.

20. Yvmmak oka pin tikba-heka, Chisvs vt chukowvt,
Melkisetek atok a chiyuhmit na holitopa isht vtta chinto
bilis toba tok oke.

CHAPTER VII

Melkisetek atok a chohmit Klaist Chisvs vt nan isht vtta holitopa, 1,
11 Alon na holitopa isht vtta yatok a i shahli fehna.

1. YOHMI ka Melkisetek ilvppvt Salem i miko, Chi-
howa holitopa fehna i na holitopa isht vtta yosh, Eblaham
vt miko vhleha ont vbit falamvt aya ma yvmmak ash ot ont
afama mvt, yukupali tok.

2. Yvmmak ash o Eblaham vt moyuma ka a kashapa ont
isht pokoli ka ima mak inli tok : vmmona hoka toshowak-
mvt, Nan ai vhlpiesa i miko, mikmvt anonti yvmma acha-
kaya kv Salem i miko, yvmmv nanaiya i miko achi hoke,

3. Iki iksho, ishki iksho, isht ai unchululi iksho, nitak ai
isht ia vmmona tok vt iksho, micha im ilhfiopak vt ont ai
vhli tok vt iksho, amba Chihowa Ushi yak o chiyuhmi hosh
na holitopa isht vtta yosh ahantvt bilis hoke.

4. Yohmi ka hatak ilvppvt a chinto kaniohmi ho, iki
chinto Eblaham ash ot nana ka in tvnvp a im ai ishi tok ash
achukma i shahli kak o a kashapa ont isht pokoli ka ima
tok a, hvsh anukfillashke.

5. Yohmi ka Lefai ushi vhleha atuk vt na-holitopa isht

vtta vlhtoka kv̄t, okla yvmm̄t itibapishi; micha Eblaham ak o isht atiaka yak inli kia, vba nan-vlhpisa in tonla hatuk osh, a kashapa ont isht pokoli ka im ai ishi beka mvhlisheke:

6. Amba yvmm̄t ash o ilap okvto ai isht unchululi h̄o keyu kia, a kashapa ont isht pokoli ka Eblaham a im ai ishi mv̄t, nana im ihisa tok ash o yukpali tok.

7. Mikmv̄t i shahli hak osh ik lauwo ka yukpali hoka ik ai ahlo, acha hi yv̄t ikshoshke.

8. Mikmv̄t ilvppak okvno hatak vt illa he kia a kashapa ont isht pokoli ka ishi; amba yvmm̄t okvno yvmm̄t ishi kv̄t okchayv̄t ahanta ka, nana kv̄t isht ai atokowa hoke.

9. Yohmi ka Lefai yokv̄t a kashapa ont isht pokoli ka ihishi kia, Eblaham ak o isht ai unchululi hokv̄t, a kashapa ont isht pokoli ka Eblaham a ibai atobbi ak inli tok, yvmma chiyuhmi achi la hinla ak inli hoke.

10. Yohmi ka Melkisetek vt yvmm̄t ash o afama ma, yvmm̄t iki ikfexsa anukaka yak o foka moma hatok.

11. Yohmi ka Lefai na-holitompa isht ai vtta yokv̄t ai ahli bieka hatok okma, yvmm̄t o okla hv̄t i nuta ai asha hosh vba nan vlhpisa puta ka ihishi hatok oka, Melkisetek atok a chiyuhmit na holitompa isht vtta inla hokv̄t pa katihmi h̄o vlhtoka he vlhpesa moma h̄o? micha Alon na holitompa isht ai vtta yatok a chiyuhma he keyu h̄o?

12. Yohmi ka na holitompa isht ai vtta inla hosh vlhtoka hatuk o, anonti nan vlhpisa yash ot inlv̄t toba he vlhpiesa hoke.

13. Yohmi ka yvmma nana puta ilvppv̄t isht anuhumpa hokvto, oklushi inla h̄o ibai achvfa hatok; yvmm̄t okvto hatak achvfa kia alta ya nan isht ai vtta beka tok keyu hoke.

14. Yohmi ka Chuta yak o pin Chitokaka yv̄t a tobtv̄t kohcha tok vt ai atokowa; oklushi yvmm̄t oka na holitompa isht ai vtta imma nana kia Moses vt isht anumpuli tok keyu hoke.

15. Mikmv̄t nana ai atokowa hokv̄t i shaiyahli fehna imoma ka, Melkisetek atok a hoyulba hosh na holitompa isht vtta inla kv̄t hikia hoke,

16. Yvmm̄t okvto hakn̄ip nan im vlhpisa imma h̄o isht

vlhtoka tok keyu, amba okchayvt bilia im ai vlhpiesa hatuk osh vlhtoka tok oke.

17. Yohmi ka yummvt atokolit anoli hosh, Chishno yokvt na-holitompa isht vtta Melkisetek atok a chiyuhmit bilia chia hoke, ahanchi tok.

18. Yohmi ka nan vlhpisa yummak ash osh nana ka isht ai achukma, ai ghli ka ik ono hatuk osh akshu tok vt ai ghlishke.

19. Nan-vlhpisa yummak ash okvto nana kia ai ghlich i tok keyu hoke : yummak atuk mak o nana achukma i shahli ho pim ataiyahli hosh vla hatok pulla kak o, Chihowa i bil i- kasi ka il ona hoke.

20. Mihma yummak ash ot anumpa kvll o il onoyuchi keyu iksho ho yummak ash ot na holitompa isht vtta toba tok oka :

21. Yohmi ka anumpa kvll o il onochi kia iksho ho yvm- mvt na holitompa isht vtta vhleha tohomba tok oka : amba ilvppak okvno anumpa kvll o il onochi hosh nana im ahanchi kv t, Chitokaka yak osh anumpa kvll o il onochi kv t, inlv t im anukfila he keyu mak osh, Chishno yokvt na holitompa isht vtta Melkisetek atok a chiyuhmit bilia chia hoke, ahanchi tok :

22. Yakohmi hosh Chisvs okvt nan it im vlhpisa achuk- ma i shahli yoka ai ghlich i toba tok oke.

23. Yohmi ka yummak ash okvto na holitompa isht vtta yvt lawa mvhli tok : yohmi kv t yummak okvto nan illi ak atuk pulla mak o ahantvt bilia beka tok keyu hoke.

24. Amba hatak ilvppak okvto okchayvt bilia hatuk osh na holitompa isht ai vtta inla himma keyu ho ieshi hoke.

25. Yvmohmi hokvt anonti ilap ak o anukchieto hosh Chihowa hoka im ohona hokvno mominchit okchalinja he bano hosh, yummak oka apelvchit isht anumpohonli hosh ahantvt bilia hoka.

26. Yohmi ka na holitompa isht vtta chinto, yummak okvt ai ashvchika ik im iksho, nan ik okpano, na liteha iksho, nan ashvchi vhleha ha ai i filvmmi, micha chaha kv t vba yakni yak kia i shahli, yummak chiyuhmi hosh pim ahanta he ai vlhpiesa hatok :

27. Yohmi ka na holitompa isht vtta pehlich chiinto vhlē-
ha hokvto nitak moma ka ilap nan ai ashvchi isht vlhtoba
ka tikba pit im issa ha yosh, okla nan ai ashvchi isht vlhtoba
ka pit im issa beka tok o, yummak okvto chiyuhma he im
vlhpesa keyu, nan ai ashvchi isht vlhtoba il im issa mak osh
ilvppak oka himonna ma yvmohmi tok okvt.

28. Yohmi ka nan vlhpisa yummak ash ot hatak ibetvbla
he im vlhtayak kia na holitompa isht vtta chinto atokehonli;
amba anumpa kvllō isht ai ahli tok ash ot vba nan vlhpisa
yummak ash ot toba ha yak o, Ushi ya atokoli hō, yumnvt
na holitompa isht vtta ai ahlit bilia he mak oke.

CHAPTA VIII.

Klaist ak osh na holitompa isht vtta i shahli bilia, yohmi ka Klaist vt
vla ha yokvno Alon isht ai unohululi kv̄t na holitompa isht vtta
vlhtoka he keyu mak oke, 1 : 7 yummak inli chohmit Chihowa yvt
nan vlhpisa himona ikbi ha yokvno Isael vt Echip a kohchvt minti
ma, nan vlhpisa toba tok vt kashovt taha hoke.

1. NANA isht il anumpohonli kash puta ka ilvppak osh
moma i shahlishke : Na holitompa isht vtta chinto yakohmi
hosh vba yakni Chihowa Chitokaka yvt a binili kak o isht
impak imma yo pi binili hosh ;

2. Ūba aholitopa, micha vlhtipo ai ahli fehna ka hatak ak
atok keyu, amba Chitokaka yak osh ikbi tok, yummak o nan
isht ai ahanta hoke.

3. Yohmi ka na holitompa isht vtta chinto puta kv̄t na
hvlbina, micha nan ai ashvchi isht vlhtoba puta aiena pit im
issa chi hosh vlhtoka chatuk oka ; hatak ilvppak kia anonti
nana im ai asha tuk osh pit im issa he im vlhpiesa hoke.

4. Yohmi kv̄t yakni ilvppak o ahanta hokmvt, na holi-
tompa isht vtta ya hi o keyu, vba nan vlhpisa yak atak
pulla mak o na hvlbina pit im issa hosh na holitompa isht
vtta vhlēha hv̄t ai asha hoka :

5. Yummak okvt nan isht ahanta kv̄t vba yakni nana ai
asha kak o isht vlhpisa, micha isht a hoyulba mak o isht ai
yvmihchi hoke : yohmi ka Moses vt vlhtipo ya ikba chilma,

Chihowa hvt nan i miha kv̄t, Ahah! ahnit nan isht a holba nvnih paknaka chim ai otvni tok ak o chiyuhmi hō nan ok-luha ka ish ikbashke, achi tok oka.

6. Yohmi tok kia himonasi hokvno yvmmak okvt nan it im v̄lhpisa achukma i shahli, nana achukma i shahli anno-howa puta isht ai ahli tok a, it i nanaiyvchi yosh nan isht ai v̄tta holitopa i shahli fehna hō ieshi mak inlishke.

7. Yohmi ka nan it im v̄lhpisa vmmona yvmv̄t nan isht ik ono iksho hatok okma, anonti atukla kv̄t ai yvmohma hi ya hoyā hi atok keyu hoke.

8. Yohmi ka yvmv̄t nan isht ik ono ka pisa kak osh Chitokaka yv̄t achi kv̄t, Yakeh! Islael in chukachvfa, mi-cha Chuta in chukachvfa aiena ka nan it im v̄lhpisa himona im apihisa la he nitak v̄t v̄la hi oke,

9. Iki v̄hleha hoka ibbak halvllit pehliechit, nitak kaniohmi kash Echip yakni yoka a kohchi li mv̄t, nan it im v̄lhpisa im apihisa li tok okvno chiyuhma he keyu; yvmmak okvt nan it im v̄lhpisa im apihisa li tok ash foyukv̄t mahaya keyu hatok o, ak ahnineho ki tok, Chitokaka yv̄t achishke, im ahanchi tok.

10. Yohmi ka nan it im v̄lhpisa ilvppak o nitak himak a pilla mak o Chuta in chukachvfa yoka im apihisa la hi oke; yohmikmv̄t a nan v̄lhpisa puta yoka amukfokihinchī likmv̄t, chukvsh oka ai o holissohonchi la hi oke; mikmv̄t in Chihowa sia hahe, mikma vm okla hahi oke. Chitokaka yv̄t ahanchishke.

11. Yvmohmikma hatak puta kv̄t in chuka panta, micha hatak puta kv̄t itibapishi aiena ka nan im avvohit, Chihowa hoka ish ithaiyanashke, im ahancha he keyu; moma ik lau-wo, micha moma i shahli aiena kv̄t sv̄thana hi oka.

12. Yohmi ka ik v̄lhpeso ai yvmohmi puta ka i nukhgklo la he, mikmv̄t nan ai ashv̄chi, micha v̄ba nan v̄lhpisa kobahfi puta ka himak a pilla ak ithaiyano ka he mak oke.

13. Nan it im v̄lhpisa himona yvmmak achi kak osh, vmmona tok v̄t sipokni yō chohmichi hoke. Yohmi ka nana kv̄t okpulot sipoknit isht ai aiena hokvto, ont ik ai iksho kamohma chī kv̄t v̄lhtaiyaha hoke.

CAPTA IX.

Vba nan-vlhpisa yokvto issish a hlatahampla hi a im apesa 1 ; 11
 amba Klaist vt ilap issish, micha ilap fehna isht a hlakofa hi o ile
 kanchi tok vt mihi yosh holitopa fehna : 15 nan vlhpisa himona
 ai ghlichu hosh Klaist vt illa he vlhpiesa hatok.

1. YOHMI ka nan it im vlhpisa vmmona yvmmak ash
 ot Chihowa aiokpvchi nan isht vlhpisa puta, micha aholito-
 pa yakni ilvppa ahalaiya aiena ka ishi tok vt ai ghlishke.

2. Yohmi ka vlhtipo yokvt toba tok : vmmona yvmma
 anukaka yak o pvla ai o hikia, micha ai impa, micha pska
 otvni aiena kvf asha beka tok, yvmmak osh aholitopa hoh-
 chifo hoke.

3. Mihma nan-tvna isht ompoholmo vba takali atukla
 mish asha ka, vlhtipo yokvto aholitopa moma i shahli hoh-
 chifo hoke :

4. Yvmmak oka anukaka ya na balama aluachi tvli ho-
 lisso lakna isht toba, micha nan it im vlhpisa yash im itombi
 yokvt tvli holisso lakna yosh isht ompoholmot apakfoyupa,
 yvmmak o tvli holisso lakna nan ai vlhto manna yosh vlhto,
 micha Alon in tvbi yvt bikobli tok, micha tvli patessa tuklo
 nan it im vlhpisa yvt ai o holihiso tok aiena kvf foyuka hosh
 taloha tok :

5. Mihma paknaka ya Chelubim holitopa vhleha hvf isht
 ai i kana ai o binili ya o hoshontikahanchi tok, yvmmak oka
 himonasi ka achvfa aiyyukvt isht il anumpula he keyushke.

6. Yohmi ka nana puta kvf yakohmit vlhtaiyaha ha yak
 o, na holitompa isht vta yak osh vlhtipo vmmona anukaka
 yak o chukowvt, Chihowa aiokpvchit a hlopulli beka tok :

7. Amba atukla hokno na holitompa isht vta chinto kak
 osh ilap bano hosh afvmmikma himonna ho chukowa kvf,
 issish ik esho keyu hosh yvmmak o ilap nan ai ashvchi, mi-
 cha okla nan ai ashvchi aiena ka isht vlhtoba mak o pit im
 issa beka tok :

8. Shilombish Holitopa yak osh vlhtipo vmmona yash

ot hikia imoma hokvno, aholitopa moma i shahli anukaka a chukowa yokvt ik otano kisha ho ilvppak o otvninchi tok :

9. Yvmmak osh nitak yvmmak fehna ka nan isht vlhpisa hatok ; yvmmak ash o na hvlbina, micha nan ai ashvchi isht vlhtoba ita tuklo ka im ihisa tok : yohmi ka yvmma isht ahanta hokvno yvmmak okvt nan isht il akostininchi imma hokvno nuktvla ai ahli yo im ikba he keyu hatok.

10. Yvmmak okvt nan ilhpak, micha nan ishko puta, micha il achifa ilaiyuka, micha haknip imma nan isht vlhpisa puta aiena kak illa hosh im vlhpihisa na nan ai vlhpesa nitak vt vla hi atok.

11. Amba Klaist vt vla hokvt vlhtipo chito, micha vlhta-ha achukma kv t i shahli, ibbak isht a toba keyu, yvmma achi kv t nan toba ilvppak o chohmi keyu, na holitompa isht vta chinto hosh nana achukma vla chi puta ka isht ahanta kv t ;

12. Issi kosoma, micha wak ushi issish o keyu, amba ilap im issish ak inli ho isht a pi vlhtombvt bilia ya isht a pim ataiyahli ha yosh, aholitopa yoka himonna achvfa chukowa tok.

13. Yohmi ka wak nakni, micha issi kosoma issish, micha wak tek himita hullushmi hituk chubbi ya ik kashofo ka ai o fimimpa kak osh kanimihchit haknip a kashofi hatok okma ;

14. Shilombish okchayvt bilia anukfoka pulla hatuk osh isht ik ai ono kia iksho hosh Klaist vt Chihowa yoka pit il im issa tok ; yvmma im issish okak heto i shahlichi fehna hosh nan a kaniohmit isht ai illi ya a hvchi filvmmichit, isht hvsh il akostininchi yoka hvchi kashofichi na Chihowa okchaya yoka hvsh holitobla hinla hoke.

15. Yohmi ka yvmmak okvt nan it im vlhpisa vmmona nuta ai ashvt nan ai ashahanchi tok vt isht vlhtoba chi mak o, illi pulla hatuk mak osh nan it im vlhpisa himona yoka ai ahlichi toba ho, im annohowa tok puta hokvt ai okchayvt bilia isha he im ai vlhpiesa im ihisa tok a isha hi atok.

16. Nan it im vlhpisa yvt tobakma, nan it im vlhpisa isht ai ahli kv t illi kak o pulla chatuk mak inlishke.

17. Yohmi ka nan it im vllhpisa isht ai ghli yash osh ok-chaya imoma hokvno isht ik ai ghlo kamohmi, amba ifli ha yak o isht ai ghli chatuk oke.

18. Yumohmi hoka nan it im vllhpisa vmmoma hokvt issish iksho hq isht ai ghli tok keyu hoke.

19. Yohmi ka Moses okvt vba nan vllhpisa yvt nana api-hisa ka mominchit okla puta ka isht im anumpohonlit tai-yahli mut, wak ushi, micha issi kosoma ushi issish ita tuklo, oka kapessa, micha chukfi hishi humma, micha hissop aiena hq ieshi cha, holisso, micha okla moma aieninchit isht o fimmi mut,

20. Ilvppak osh nan it im vllhpisa issish mak o Chihowa yokvt hvchim apihisa tuk oke, achi tok.

21. Anonti yummak ash ot vlhtipo, micha Chihowa isht aiokpvchi ai-vlhto aiena ka issish isht o fimmi mak inli tok.

22. Yohmi ka vba nan vllhpisa yak atuk pulla mak o nan okluha kvv moma chohmit issish isht a kashofa hoke; micha issish hlatahampa keyu hokvno nan ai ashvchika isht a kashofa iksho hoke.

23. Yohmi hoka nana vba ai asha puta ka isht vllhpisa puta kvv ilvppak ash o isht a kashofa hi atuk; amba nana vba ai asha yummak oka nan ai ashvchika isht vlhtoba achukma kvv ilvppak ash o i shahli hq isht a kashofa hi atuk oke.

24. Yohmi ka Chisvs vt aholitopa puta ibbak isht a toba, yummak o ai ghli fehna ka isht vllhpisa hatok ak o chukowa tok keyu; amba pishno ak atuk pulla mak o Chihowa itikba ya himonasi kvno ai otaiyana chi kak osh vba yakni fehna ka chukowa tok:

25. Na holitompa isht vta chinto yokvto aholitopa yoka afvmmikma in issish o isht chukowa beka tok, chiyuhmit himonng ilap ash il im issa hi atok keyu hoke:

26. Yohmi tok okma, yakni intolahpi toba vmmoma tok takla ka himonng ihinla hi atok pulla; amba himonasi kvno himonna achvfa hq yakni ont ishtaiyopi yak o ant ai otai-yani kvv, nan ai ashvchi isht kanchi mak osh ilap il im issa hosh illi tok.

27. Yohmi ka hatak puta kut himonna ho illa hi ut im vlhpihisa tok; amba misha pilla hokvno nan im vlhpisa nitak osh vla hi oke:

28. Yumma chiyuhmit Klaist ak kia lawa nan im ai ashvchi isht kancha chi mak osh himonna ma il im issa tok: yohmi kut yumma hohoyo vhleha hokvno nan ai ashvchi ik im iksho hosh atukla okchalinya chi hosh otaiyana hi oke.

CHAPTA X.

Vba nan-vlhpisa ho na nipl vba isht aiokpvchi hokvno nan ashvchi isht kancha he keyu, 1: 10 amba Klaist haknip osh himonna ha nan vlhtoba hosh illi ha yokvt nan ashvchi ya isht kanchi; 19 achunanchit nan ai yimmika ya kvllot ieshit Ohihowa ya aiokpachancha he i miha.

1. YOHMI ka vba nan vlhpisa yokvt nana achukma puta vla he ak o isht vlhpisa hatok; yohmi kut nana yummak o isht a holba ai ahli keyu hokvt, nan ai ashvchi isht vlhtoba puta yumma afvmmi aiyuka ka pit im ihisa na bilia mak o isht ahanta vhleha hoka nuktalalit ai ahlichia himma keyu hoke.

2. Yohmi tok okma, ilvppak oka pit im issa kut issa hi atok keyu? yohmi ka aiokpvchi yakohmi vhleha hokvt himonna kashofa ha yokvt, nan ai ashvchi puta isht il akostininchii yvt ik im iksho ka hi atok oka,

3. Amba nan ai ashvchi isht vlhtoba yummak ash o afvmmikma anonti nan ai ashvchi isht ai otaiyani beka tok.

4. Yohmi ka wak-nakni, micha issi kosomushi issish aiena kut nan ai ashvchi puta ka isht kancha he keyu kamohmi hoka.

5. Yvmohmi hoka yakni ilvppa vla mvt, Nan ai ashvchi isht vlhtoba, micha vba isht aiokpvchi aiena hokvno chik ahno tok; amba haknip o is sum ikbi tok, achi tok:

6. Nan ai ashvchi isht vlhtoba lua yokvno isht a chi yukpa tok keyu hoke.

7. Yohmi hatuk oka, yakeh! nan isht si annohowa ho-

lisso a foyuka hoka nan ish ai ahni tok a ataiyahli la chi hosh vla li hoke, Chihowa ma! achi li tok.

8. Tikba kash nan ai ashvchi isht vlhtoba, micha vba isht aiokpvchi, micha nan ai ashvchi isht vlhtoba lua aiena ilvppa vba nan vlhpisa yak atuk pulla kak o isht ahanta hoka, chik ahno mvt, anonti yvmma isht a chi yukpa keyu ki tok, achi tok.

9. Yohmi mvt, Yakeh! nan ish ai ahni tok a ataiyahli la chi hosh vla li hoke, Chihowa ma! achi kv, nana vmona kash o isht kanchi hosh nan atukla kash o ai ghlicha chi hatok.

10. Nan ai ahni tok yvmmak atuk pulla kak o Chisvs Klaist vt himonna achvfa ma, haknip a im issa tok ak o isht a pi kashofa hoke.

11. Yohmi ka na holitompa isht vta puta kv nitak moma ka hiki vt nan isht ahanta kv, nan ai ashvchi isht vlhtoba mih ash inli, yvmmvt nan ai ashvchi isht kancha himma keyu ka, himonna pit im ihisa chatuk:

12. Amba hatak ilvppvt o nan ai ashvchi isht vlhtoba achvfa ka, im issa ha ya tok vt, Chihowa ibbak isht impak imma ak o binilit bilia hoke:

13. Himak a pilla mghaya hokvno in tnv vhleha hokvt ilap iyi ai o hikia yo toba he, ai ahnit ahanta hoke.

14. Yohmi ka nan ai ashvchi isht vlhtoba achvfa ho kashofa vhleha yvmmak okvno isht nuktalalit ai ghlichit bilia hatok.

15. Yvmmak oka anonti Shilombish Holitopa yak kia nan atokowa pim anoli hoke; yohmi kv anonti tikba ka achi ha yak osh,

16. Nan it im vlhpisa ilvppak o nitak yvmma i himmak okvno it im apihisa likmvt, chukvsh fehna ka a nan vlhpisa yoka nukfohkihinchil la he, micha im anukfila fehna ka ai o holissohonchi la he;

17. Mikmvt nan im ai ashvchi, micha vba nan vlhpisa kobahfi tok puta ka himak a pilla ma ak ithaiyano ka hi oke, Chitokaka yvt achishke, achi tok.

18. Yohmi ka ilvppa isht a kashofa kv asha hokvno,

anonti nan ai ashvchi isht vlhtoba himmakma im issa he iksho hoke.

19. Yvmohmi hoka itibapishi li vhleha ma! Chisvs im issish ak atuk pulla kak o nukwaya iksho hosh aholitopa fehna ka e chukowa hoke:

20. Yohmi kv̄t aholitopa isht ompoholmo takali yv̄mma achi kv̄t haknip ak oke, yvmmak atuk pulla kak o hina himona, micha okchaya holitoblichit pim apesa tok o e chukowa hoke.

21. Yohmikm̄vt na holitōmpa isht v̄tta chinto Chihowa im aboha i shahli hosh pim ahanta hokv̄t;

22. Chukvsh ai ghli, micha i yimmi ai ghli fehna, pi chukvsh m̄vt issish o fimm̄vt, isht il il-akostininchi ik achukmo ka ai i filv̄mmit, pi haknip okv̄t oka kashofa achukma isht vlhchifa tuk aiena hō isht i bilikasi il onashke.

23. Nana pim ihisa tok v̄t ai ghli yoka, nana pi yimmi il il apihisa tok v̄t shanaia iksho hosh il ai ghlashke:

24. Michā nana ka isht it anukfilli hosh iloh it i hullot, micha nan isht v̄tta achukma puta ka e yvmohma chi kv̄t, il itaiyimitachashke:

25. Kaniohmi kv̄t ai yvmohmi chatuk a chiyuhmit il itv̄naha he tuk v̄t kil isso kashke: amba nana ka it i mihv̄t, nitak yvm̄m̄vt v̄lā hosi ka hv̄sh pisa kak osh, i shahlichī feh̄v̄t hv̄sh yvmohmashke.

26. Yohmi ka nan ai ghli ka il ithaiyana ha yokv̄t, pishno inli pim anukfila hosh il ashvchi hokm̄v̄no, nan ai ashvchi isht vlhtoba yv̄t himmakma takanli keyu hoke;

27. Amba isht a nukshobla he na palv̄m̄mi vlhpisa, micha isht i nukkilli luak aiena ka hohoyot ahanta he; yvm̄m̄vt v̄banumpa ai ahli i sanali vhleha hoka okp̄vnit tv̄mola he ak osh takanli hoke.

28. Moses i nan vlhpisa yoka ik holitoblo hatuk v̄t nan atokowa anoli tuklo, tuchina, kanima kv̄t pisa hō isht i nuklaklo kia iksho hō, illi hatok oke.

29. Yohmi ka kv̄na hosh Chihowa Ushi yoka iyi nuta bohliṭ a hv̄hlihinchī, micha nan it im vlhpisa issish yvmmak o isht a kashofa tok ash osh nana ik holitopo isht ahobvchi,

micha nan isht i kana Shilombish Holitopa ya nan isht ik ahobalo hatuk okvto, nan isht ilbvsha yvt i shahli katiohmi ho isht ilbvsha he, hvchim ahoba ho?

30. Yohmi ka, Ai vhpiesa isht atobba hi okvt vmmi hoke, ilvppak ash achi tok yvmmak okvno il ithana; falaminchit atobbi la he, Chitokaka yvt achishke. Mikma anonti, Chitokaka yvt im okla vhleha hoka nan im apesa hi oke, achi kvv takanlishke.

31. Chihowa okchaya yoka nan im vhpisa chi hosh ibak a foyuka kvv nana ka isht a nvkshopa he vhpesa hoke.

32. Yohmi kia nitak tok ash o hvsh ithaiyanashke, yvmmak amo nana ka hvsh ithaiyana ha yokvto, na palvmmi chinto puta ka it i kahanlot isht hvch ilbahasha tok:

33. Yohmi kvv isht a hofahya, micha na palvmmi puta hvchi onvtuyula hosh okla a yopissa mak o hvsh tohomba kvv hvchi yvmohmi; micha kanimikma yvma yvmohmi puta kash o ibai achvfa hvsh tohomba kvv chiyuhmi mak inli tok oke.

34. Yohmi ka yuka talakchi yosh ahanta li ma, hvsvba nukhaklo tok; micha hvchim ilayak puta ka hvchi wehpohonli kia, vhpesa ahnit hvchi yukpa kvv nana okpula he keyu, micha achukma i shahli hosh vba aholitopa yoka hvchin tuyula kvv, hvsh il ithana hatuk okvt.

35. Yvmohmi hoka na yimmi hvchi anukfoyuka kash osh hvch ik kancho kashke: yvmmak osh nan isht vltoba nan isht il aiyukpa chinto ho ieshi hoke.

36. Yohmi ka nuktaiyavt achunancha he hvchim vhpiesa; yohmi hosh Chihowa nan ai ahni tok a hvsh ataiyahli ha yosh, nana auct hvchim ihisa tok ash hvsh iesha hi atok.

37. Himak a pilla chekosi fehnakma vla hi atok vt, vla chi kvv solaha hosh vla chi keyu hoke.

38. Yohmi ka ai vhpiesa yokvto na yimmi pulla kak osh okchaya chi; amba hatak nana hosh falama hok mvno, sa shilombish vt isht im ai yukpa hi vt iksho hoke.

39. Amba pishno vto falama cha, nan isht ai ilbvsha bilia pihisa he vhleha yvmmak okvno il ibai achvfa keyu, amba na yimmi cha, shilombish okvt okchayvt bilia yvmmak o il ibai achvfa hoke.

CHAPTA XI.

Na yimmika yvt nana hatuk a anoli, 1 ; 7 nayimmi isht ai vni kvv
vbanumpuli tikba ash ot nan im anukfila na otvni tok a anoli.

1. NA yimmi kak osh nana il isha he ai ahuit e hohoyo
ka nan isht pim ai ahli yoke ; micha nana ke peso ka nan
isht ai atokowa yoke.

2. Yvmmak atuk pulla kak o hatak tikba vhleha hokvt
nan annoa achukma ka isht ai atokowa tok oka.

3. Na pi yimma pulla kak osh yakni puta kvv Chihowa
im anumpa hak o isht a toba tok a isht il akostininchi hoke ;
yohmi hatuk o nana puta e pihisa kvv nana puta otaiyami
kak o isht atoba tok keyu.

4. Na yimmi pulla kak osh Ebel okvt vba isht aiokpuchi
achukma kvv Ken immi ya i shahli fehna ho Chihowa hoka
ont im issa tok ; yvmmak ash o nana ka ai vhlpiessa kvv isht
atokowa kvv, i na hulbina puta ka Chihowa hokvt atokolit
im aiokpanchi tok ; micha yvmmak atuk pulla kak o illi tok
kia anumpuli kvv imomvshke.

5. Na yimmi pulla kak osh Enok vt toshowa kvv nan-illi
ik peso ka chi kak atok ; micha Chihowa ak osh tosholi ha-
tuk oka, iksho ki tok : ik toshowo kisha kvv Chihowa yoka
yukpali tok, nan isht atokowa ilvppak o ishi hatok okvt.

6. Amba na yimmi iksho hokvno kaniohmit yukpala him-
ma keyu hoke ; yohmi hoka kvna hosh Chihowa im onak-
mvt, yvmmak osh ahanta, micha yvmmak okvt ilap o achu-
nanchit hohoyo puta hokvno nan im atobbi aiena ka yimmi
pullashke.

7. Noah yoka Chihowa hvv nana im anohonli ma, nana
ka ik peso kisha ak inli kia, nvkshopvt holitobli hokvt, i
yimmi pulla hosh in chuka-chvfa yvt isht ai okchaya hi a
peni chito ya ikbi tok ; micha yvmma yvmohmi kak osh
okla puta ai asha tok ash na palvmmi vhlpiessa hvv onvtula
he vhlpesa ka isht otvvinchi tok ; micha na yimmi isht ai
vhlpiessa iessa hi vhlpesa hosh toba tok.

8. Eblaham okvt yakni inla yvmma i himmak o immi tobvt isha hi o, ivt ona chi ho i howa ma, yimmi pulla kak osh im antia tok; micha yvmmak o ia li, ahni keyu kia, kohchvt ia tok.

9. Na yimmi pulla kak osh yakni im issa tok ash ont ahanta vtv, yakni vt immi keyu ho chiyuhmi hosh Aisaak, micha Chekob ita tuklo, yvmmvt nan im issa tok mihi ash iesha he im ai vlvpesa ak inli ka ai itapehvt vltitipo anukaka yo ahashwa tok:

10. Tvamaha chito intolahpi yvt kvlllo achukma yvmmak oka Chihowa hak osh apesvt bohli, micha ikbi yak o hohoyo hatok okvt.

11. Na yimmi pulla kak osh anonti Sela ilap inlit isht hlampko ishi hosh chakali cha, vlla sholi tok, ai yvmohmi chatuk a ont ivt kvnia kia, yvmmak ash ot nan im issa tok a ai ghli yoke ahnit i yimmi hatok okvt.

12. Yvmohmi hoka achufa, yvmmvt illi ak o chiyuhmi kia, laua vtv fochik vba shutik ai asha ka itilau, micha shi-nuk a hohhtina iksho okhvt ontalaka ai asha kak o chiyuhmi hosh a toba tok.

13. Ilvppvt momvt yimmi imoma hosh illi tok; nan im ihisa tok a ishi tok keyu; amba yvmmvt hopaki fehna moma ho pihisa vtv, yvmma yimmi ai ghli fehvt anukfoyuka hosh, yakni paknaka ai asha vtv, peh nowvt aya, ai anta na hopaka he ik im iksho yosh il anohonli tok.

14. Kvna hosh yvmma chohmi ka achi hokvto, ai ahanta he yakni yo hoyo vtv otvninchi fehna hoka.

15. Yohmi ka yakni yvmma a kohchvt minti tok vt anukfihinli hatok okmvt, a falama hi vt takanli akinli tok mvhlishke.

16. Amba himonasi kvno yakni achukma i shahli, yvmvt vba yakni yak o bvna hoke: yvmohmi hoka in Chihowa isht a hohchihifo vtv, Chihowa hvv hofahya keyu, yvmmak oka tvamaha chito yo im ataiyahli hatok okvt.

17. Na yimmi pulla kak osh Eblaham okvt nana ka imomaka pisa ho, Aisaak a im issa tok; micha nana im

ihisa puta kash ishi hatuk okvt ushi yvmmak i bieka tuk vt im issa tok.

18. Yvmmak o isht anumpa hosh Aisaak ak o chi unchululi kvt isht a toba hi oke, achi tok.

19. Chihowa yokvt, illi tuk kia, falaminchit tanicha he bano hoka, ai ahni pulla hatuk mak osh yvmmtv illi tuk a chiyuhmichit falaminchit ishi tok.

20. Na yimmi pulla kak osh Aisaak okvt Chekob, Esau ita tuklo kvt i himmak nana im akaniohma hi oka im anolit yukpali tok.

21. Na yimmi pulla kak osh Chekob okvt illit isht mghaya mvt, Chosef ushi a ita tuklont yukpali tok; mihmvt in tvbi wishakchi ak o on hlipia hosh Chihowa ha aiokpvchi tok.

22. Na yimmi pulla kak osh Chosef okvt illi mvt, Israel im vlla vhleha hokvt wihvt itvnowa hi oka isht anumpuli tok; micha ilap foni yoka kanimihcha hi oka im apesa tok.

23. Na yimmi pulla kak osh Moses okvt vttahpi mvt, vlla aiokli fehna ho iki, ishki ita tuklo kvt pisa hatuk osh, luhumi na hvshi tuchina ona tok; micha miko i nan vlhpi-sa ya i nukshopa tok keyu.

24. Na yimmi pulla kak osh Moses okvt asvnot taiyaha mvt, Feleo ushetik ushi isht a hohchifa he ik ai ahno kvt;

25. Chihowa im okla vhleha hak o na palvmmi isht ibai ilbvsha kak osh nitak kanomosi takla, nan ai ashvchika ai isht ilaiyukpvt ahanta hi atuk vt im i shahli tok:

26. Yohmi kvt Klaist a i yimmit isht a hofahya yak osh nan isht ilaiyukpa chinto kvt Echip anyakaka nan im ilayak puta ai asha ka im i shahli tok; nan isht vlhtoba nan isht ilaiyukpa yak o hohoyo tok okvt.

27. Na yimmi pulla kak osh yvmmak ash ot Echip a issa kvt, miko yokvt isht i nukkilli ya i nukshopa tok keyu: yohmi kvt nishkin vt pisa he keyu yvmmak okvno pisa kash chiyuhmit nuktaiyavt achunanchit ahanta tok.

28. Na yimmi pulla kak osh yvmmak ash ot vbanvblit ont ai, micha issish isht o fimmi aiena ka holitobli na, vttahpi ahambi yvmmtv ik halelo ka chi hatok.

29. Na yimmi pulla kak osh okla hut okhuta humma yvt yakni shila chiyuhmi hq a hlopulli tok; yvmma Echip okla hokvt hobachi hosh okai illit taiyaha tok.

30. Na yimmi pulla kak q Cheliko tvli isht a holihta yokvt okla apakfobompa na nitak untuklo ma aka itula tok.

31. Na yimmi pulla kak osh Lehab ohoyo havi yatuk vt, yimma he keyu vhleha hoka ibafokvt illi tok keyu, na tikba pisa vhleha hoka i kanvt ilap in chuka yoka ik chukowá, im ahni hatok okvt.

32. Micha himmakma nanta hak q achi la chi? Yohmi kvv Keteon, Balak, Samson, Chefhli, Lewi aiena, micha Samuel, micha hopaii vhleha aiena ka isht anolit ont taiyahli la he keyu hoke:

33. Yvmmak okvto na yimmi pulla kak osh apehlichika puta imaiyachi, nan ai vllhpiesa ka yvmihinchi, nana im ihisa tok q ihishi, koi hochito itakha ya akvmmi aiena tok;

34. Luak libbi isht lua mosholibinchi, bvshpo falaia halupa ai i hlakohqi, tikambi tuk vi hlampko, itabi kvv kvllo isht i shahlit mghaya, oklushi inla in tvshka chipota ya falaminchit tihlinlini aiena tok.

35. Ohoyo vhleha ha im illi tuk vt anonti falamvt okchaya na ihishi tok; mihma inla yvt a hlakofa he im issa kia, vllhpesa ik ahno hosh nan isht a hotopa; issikkopa pihisa, yohmi kvv falamvt tani achukma i shahli hq isha he ak atok:

36. Mihma inla yvt isht ik ahobalo anumpa okpulo fehna, micha fvma isht a hotopa fehna puta, mihmvv anonti talakchit aboha kvvlo fohoka aiena ka isht ai imomaka pihisa tok:

37. Okla tvli isht bohova, bvshvt ita hokohqfa, isht ai imomaka pihisa, bvshpo falaia isht ai ihinli: chukfi vllhpoba hakshup, micha issi kosoma hakshup aiena hq foyukvt yakni haiaka ai itvnowa, nana ik im iksho kamohmi hosh, nan ilbvshvt issikkopa aiena tok;

38. Yvmmak oka yakni yvt immi ha he ik ono hatok;


yakni haiaka nvnih anyka, micha tuli chiluk, micha yakni chiluk anyka aiena ka okla ashvt itvnova tok.

39. Mihmvt ilvppvt moyumvt na yimmi pulla kak osh nana annoa achukma ka isht ai atokowa kia, nana im ihisa tok g ik isho ki tok.

40. Chihowa hak osh nana inla achukma ho pim ataiyahli ka, okla pibai achafa keyu kvv ai ghlt im vltaha hi atok keyu hoke.

CHAPTA XII.

Chihowa anukfoyukt achunanchit nayimmi ka il ai itvnova he achi, 1; 22 kona hosh nan vlvpea himona aiokpvchi kvv isht ai yukpa ahalaia he vlvpea ka anoli.

1. YUMOHMI ka nan atokowa anoli puta kvv hoshonti chinto ka chiyuhmit yakohmi hosh isht a pi apakfoyupa ak inli hokvt, na weki puta, micha nan ai ashvchi yvt nan isht ahomba iksho isht a pi apakfoyupa a moma ka naksika e boyuhli cha, a mvlela he pit tikba itayula ka  ktaiyalvt achunanchit e mvlilinlashke,

2. Chisvs nan isht a pi yimmi ka pi nukfohkichi, micha atahli, yummak osh nan isht ilaiyukpa yvt itikba auct takali kak osh vlvpea ahnit, ititaiyukhuva ya takalit, nan isht a hofahya nan isht ik im ahobo tok osh, Chihowa ai o binili holitempa isht impakimma yak o binili ka hvsh pihj-sashke.

3. Yohmi ka hvchim anukfila hvv tikambit vm ai ghla he keyu, ahnit taha yoba hinla kvv, nan ashvchi vhleha hvv ilap g i sanahanli kia yummak oka vlvpea ai ahni tok g hvsh anukfihinlashke.

4. Hvchishno yokvto nan ai ashvchika ya i sanali kvvlo fehnvt hvsh ilafoa na issish isht ik hlatapo kishvshke.

5. Micha isht a nukvta he anumpa hvv hvchim anum-puli kvv vlla yo chohmichit, Svso ma! Chitokaka i nan isht kostininchii ya chik ahobalo ki na; micha yummvt chi kostininchikma, vm ai ghla he keyu, chik ai ahno kashke, achi ka chimi haksi tok o?

6. Yohmi ka Chitokaka yvt kuna hō i hullo hokvto kostininchi hoke; micha ushi puta ka ahninchi hokvto fmmi hoke.

7. Hvchi kostininchi ka nuktaiyavt vhpesa hvsh ahni hokma, Chihowa hak osh ushi yō chohmichit hvchi yvmih-ohi hoke; ushi nanta hō iki vt kostininchi keyu ka anta hatuk o?

8. Amba nan isht kostininchi yvmmak oka moyuma kv ibai ishi chatuk bano, yvmvt ik hvchim iksho hokvto, ushi vhleha hvchia keyu, amba iki iksho hvchia hoke.

9. Mihmvt anonti piki vt haknip asha pishno chohmi hosh pi kostininchi chatuk; mihma yvmma e holitobli tuk vt shilombish puta Iki yokak heno i nutakvt il ai asha cha, pi okchaya he ak osh pim i shahla hinla keyu hō?

10. Yohmi ka yvmmak okvto nitak kanomosi takla hō ilap ai ahni hosh pi kostininchi chatuk mvhlishke: amba yvmvto nan isht pim ai achukmvt, ilap nan ai vhpiesa kak o il ibai isha he ak atok oke.

11. Yohmi ka himonasi ka isht a kostininchi hokvno isht ai yukpa he ik ahobo, amba nukhaklochi; yohmi ak inli kia yvmma isht ai yvmohmi vhleha hokvno i himmak o nan isht ai vhpiesa nan vni achukma ka i wayvchi hoke.

12. Yohmi hoka hvch ibbak vt aka pit takali ka ho wakeli, micha hvch iyikalaha ik hlampko ka apissvlechit ho hilechi;

13. Michā hvch iyi yā hina apissa hō hvsh im ikbashke, keyukma hanali okpulo yvto tahlofa hinla hoke; amba yvmvto ik yohmo hosh hlakofi kak o ahni fehna hetuk oke.

14. Achunanchit hatak puta ka it i nanaiyvt, nan ai ashvchi iksho yā hvsh ieshashke, yvmvt iksho ka hatak nana kia Chitokaka yā pisa he keyu hoke.

15. Nana ka ahah! hvsh ai ahnashke, keyukma hatak kanima kv Chihowa yvt isht i kana yā i hlakofi yoba ná; mikmvt na homi okpulo hakshish kia offot kohcha cha, hvchi ataklvmmi na lāwa kv isht ai okpula hinla hoke.

16. Anonti hatak havi, micha vbanumpa ik ahobalo ka-

nima kv̄t, Esau yokv̄t ilhpak himonna vpa yokak o vttahpi nana kv̄t ilap ai immi hatuk vt kanchi tok a, chohma hinla kv̄t anta yoba ká.

17. Yohmi ka kaniohmit i himmak okvno nana isht ai yukpa he anumpa tok a isha he ai ahni kia, vlpesa ik im ahno tok a hvsh ithana; yohmi ka im anukfila hā inlvcha he yvmmak o achunanchit nishkin okchi mihinti hosh asi-hijhla ak inli kia, ik ahayucho ki tok.

18. Yohmi ka nv̄nih yv̄mma potola hinla, micha luak isht luhv̄wa, hoshonti lusa, micha okhlilika, micha apeli chinto aiena hō hvsh ona keyu,

19. Yohmi kv̄t isht-pufa yv̄t ohonla, micha anumpa vlpisa puta isht anumpohonli ma, yv̄mma okla hv̄t haiyak-lo mvt, anumpa yvm̄mvt himmakma ilap a isht ik im anum-po ka chī ka asilhha tok:

20. Yohmi kv̄t nana im anuhumpa kv̄t kaniohmit vlpesa ahnit okla haponakla he keyu hatok; yohmi ka nan vlpoba yak oh kia nv̄nih hā haleli hokmvt, yvm̄mvt tv̄li isht bov̄t illa hi atok, keyukmvt iti falaia tv̄li halupa achaka yo isht bahv̄t hlopulla hi atok:

21. Michā na pisa yvm̄mvt isht a nukshopa fehna he vlpiesa hatuk o, Moses vt, Sa nukshopa fehna hosh sa v̄v̄nihinchishke, achi tok:

22. Amba hv̄chishno yv̄to nv̄nih Saion, micha Chihowa okchaya in tvmaha chinto, Chelusalem vba talaia, micha enchil v̄hleha, a holhtina iksho kamohmi, itahoba chinto ai aasha,

23. Michā vttahpi im iksa hohchifo hv̄t vba a holitopa yak o a holihiso, micha Chihowa moyuma ka nan im apesa, micha hatak vlpiesa puta imi shilombish vt ai ghli toba tok,

24. Michā Chisvs nan it im vlpisa himona ya ai-ghlichī, micha issish nan isht o fimmi, yvm̄mak osh Ebel vt a yvmohmi tok a nana achukma i shahli hō isht anumpuli aiena hō hvsh ona hoke.

25. Ahah! ahnit yvm̄mvt anumpuli ka hv̄ch ik i hapo-naklo ki ná. Yohmi ka yakni paknaka ai anumpuli ka ik i

haponaklo mtv hlakofi tok keyu ka, yummvt vba a holitopa yak q auet anumpohonli hq il i filvmmi hokak heto, pi hlakofa he keyu fehna hoke :

26. Yummak q im anumpa hosh nitak yummak ash yakni ya winalihinchu tok ; amba himonasi kvno yummvt nana anoli kv, Anonti himonna ha yo yakni ak bano keyu, amba vba yakni yak kia winalihinchu li mak inli, achishke.

27. Mikma, Anonti himonna ha yo achi, anumpa iluppt nana puta kv winakahancha hinla kfto, toba hatuk osh, ont akshot taha chi hq isht otvni na nana puta kv winakahancha he keyu kak osh asha moma chi hatok.

28. Yumohmi ka apeshchika yummvt aksha he keyu mak q il ishi hokvt, Chihowa yvt isht i kana yoka il ieshi pulla hosh, holitoblit i nukshopa ai ahli ai vhpiesa hosh Chihowa yoka nan isht il im ahantashke.

29. Pin Chihowa yokvt luak nan okpvnit kahanchi yoka.

• CHAPTA XIII.

Nana ka a yvmihcha he vhpisa kaniohmi ka anoli, 1 : 7 im vbanumpa isht anumpuli vhleba ha holitoba he i miha : 9 nan ithvanchi inla hokvno ik i haponaklo he, 16 vbanumpa hv holitopa, hi ahnt nan isht apelvchi : 17 nan vhpisa ya im antia he aiena ka i miha : mihmt isht aiyopichi kv vba isht anumpuli.

1. ITIBAPISHI it i hullo kv mghya pullashke.

2. Hatak ik ithano ya i kanvt apelvcha he tuk vt ik hvchimi hakso kashke ; yvma ai yvmohmi kak osh kaniohmi kv ik ithano kia, enchil a aboha ya ik chukowá im ahni cha apelvchi tok oka.

3. Talakchi puta ka ibai achvfa hq chiyahmit, micha na palvmmi isht ilbvsha yvma puta ka hvsh ithaiyanashke ; hvchishno yak kia hvchi haknip vt hvchi shilombish ai itifo-ka moma hokvt.

4. Nan itauwaya yokvt hatak moma ka isht im ai vhpiesa, micha topa yvt okpulo keyu kv isht a holitopa hoke ; amba itauwaya yvt ik it im ai ahlo puta, micha haui puta aiena kvno Chihowa hv nan im apesa hi oke.

5. Nana hvsh it i kakiohmi kv̄t nana it im anushkunna kv̄t ik hvchim iksho kashke; micha nana kaniohmi hosh hvchim gsha hokmv̄t isht hvchim v̄lhpiesashke; yumm̄v̄t, Chissv̄t ia la himma keyu, micha hvchi kanchi la himma keyu, ahanchi tok oka.

6. Yumohmi hoka Chitokaka yak osh na si apela yoke, micha hatak vt nana h̄o sa kanimihcha hinla hokv̄no i sa nukshopa he keyu, pi nukwaya iksho hosh il acha he bano hoke.

7. Hvchi pehlich̄i yummak oka hvsh itaiyanashke; yummak osh Chihowa im anumpa hoka isht hvchim anumpohonli tok; yumm̄v̄t na yimmi tok ak o hvsh hobachi cha, nana a kaniohmi tuk ash ai v̄hli ka hvsh anukfihinlashke.

8. Chisvs Klaist okv̄t pilashash kaniohmi tuk vt, himak nitak a mih ash inli, micha peh bilia yoke.

9. Nan isht v̄lv̄chi ilapissa, micha ilaiyuka ka isht hvchi filemoa ná; Chihowa hv̄t isht i kana hak o chukv̄sh vt isht ai ahli ka nana achukma hoke: nan ilhpak ak keyu, yummak okv̄to yumma isht ai ahanta kia nana im achukmali tok keyu hoke.

10. Pishno v̄to alta yv̄t p̄i hikia; yumohmi ka v̄lhtipo chash o nan isht ai ahanta yummak okv̄to ai impa im ai v̄lhpesa keyu hoke,

11. Yumohmi ka anonti nan v̄lhpoba yummak o issish o isht nan ai ashv̄chika ak pulla kak o na holitompa isht v̄tta chinto yv̄t a holitopa ya ishit chukowa h̄o, nipi ash ot abinanchi ka misha ȳo a hulukmi beka tok.

12. Yumohmi ka Chisvs ak kia ilap im issish ak o okla isht kashofa ch̄i kak osh, holihta isht v̄lhkv̄ma misha ȳo ai ilbv̄shv̄t illi tok.

13. Yohmi hoka ilap vt nan isht hofahya tok chiyuhmi h̄o ieshi hosh, abinanchi yak o kiloh ia cha kiloh im oná.

14. Ilv̄ppak okv̄no tvmaha chito talaia bilia hi vt ik pim iksho, amba himmak v̄la he achv̄fa kak o e hoyo hokv̄t.

15. Yohmi ka yummak atuk pulla kak o Chihowa isht a holitopa he pitiv̄lbi isht a waya ka yummak o pit il im ih̄i-sv̄t bilia cha, ilap hohchifo h̄a yak oke ai ahnit, il aiokpahanchashke.

16. Micha nana achukma isht ahanta cha, vbanumpa nan isht apelvcha he aiena tuk vt hvchimi haksi ná: nana isht it i hullo yvmma chohmi kak o Chihowa yokvt isht im vlpesa fehna hoke.

17. Hvchi pehliechi ka holitoblit hvsh im antia pullashke; hvchimi shilombish isht im anukfihinla kv, nana il anohonli pulla chi ho chiyuhmit, na yukpa hosh yvmohmi hokbano, nan isht a nukhaklo keyu, yvmak okma nan isht a hvchi yukpa he keyu hoka.

18. Anumpa ilbvsha isht hvsh pi anumpohonlashke; yohmi kv nan okluha ka ai isht il akostininchi achukma ho il ieshit ai vlpiesa kak bano hosh il ahanta he il ai ahnishke.

19. Yohmi kia ilvppak o yohmik bano hvchim ahni li i shahli hokvto, chekosi a holhtofa cha, falamvt hvchim ona li hok bano, ai ahni lishke.

20. Yohmi na nan it i nanaiyvchi Chihowa yvmak osh nan it im vlpisa bilia issish ak atuk pulla kak o Chukfelhpoba apesvchi chinto, pin Chitokaka Chisvs okvt illi tuk a falaminehit tanichi tok okvt,

21. Ilap nan ai ahni ka hvsh yvmihcha chi ka nan toksvli achukma puta ka hvchi anukfohkihinchit isht hvchim ai ahlichy ho, ilap nan isht im vlpiesa fehna ka Chisvs Klaist ak atuk pulla kak o hvsh yvmihinchashke; yvmak pulla kak o isht a holitopa yokvt immi bilivt peh biliashke. Amen.

22. Mikmvt itubapishi li vhleha ha nan isht atohnochi anumpa achukma ka vlpesa ahnit hvsh aiokpvchi hokbano hvchim ai ahni lishke: anumpa kanomosi hvchi holissochi li tuk okvt.

23. Yohmi ka il itubapishi Timohli vt ik ia im ahni na ia tuk oka hvsh ithanashke; yvmvt chekosikma vla hokma, awant ont hvchi pisa la chi oke.

24. Hvchi pehliechi puta, micha vbanumpuli moyuma ka hvsh aiokpvchashke. Itali okla hv hvchi aiokpvchishke.

25. Isht i kana yokvt hvsh moyuma ka hvchi anukfoyukashke. Amen.

CHEMIS

I HOLISSO HOKE.

CHAPTA I.

Na pi palvmmi kv̄t nan isht il aiyukpa he tuk, 1 ; 8 mikmv̄t nan isht il ahopoyuksa Chihowa yā il im asilhha he tuk ; 18 nan isht a pi palvmmi kv̄t na pim ashvchika yv̄t Chihowa yak o a mintishke, il acha he keyu ; 22 vbanumpa hā im antia yō hōpia hashke. 27 vbanumpa nukfohka āhli kv̄t nana ha tuk a anoli.

1. CHEMIS, Chihowa, micha Chitokaka Chisvs Klaist in tishu hv̄t Islael isht atiaka akvshkoa suah tuklo kv̄t ita fimimpv̄t kanima moma maya puta ka, pit aiokpv̄chi hoke.

2. Itibapishi li v̄hleha ma ! nan isht imomaka pisa ilaiyu-ka puta ka hv̄sh pihisakmv̄t, na yukpali i shahli nana kak o hv̄chim itilauashke :

3. Na hv̄chi yimmi nan isht imomaka pisa yak osh nuk-tanlv̄t achunanchi yā anukfohkichi hoka hv̄sh ithaiyanashke.

4. Yohmi kia hv̄chishno v̄t hv̄chi aighlit hv̄chi v̄lhtaha ka nan isht ik ai ono kv̄t ik hv̄chim iksho ka hi ā, nuktanlv̄t achunanchi yak osh a kaniohmi he tuk v̄t ont aighli pul-lashke.

5. Hv̄sh kanimi kv̄t isht a hopoyuksa hi v̄t ik hv̄chim ik-sho hokmv̄t, Chihowa hak o, yvmmak osh hatak moma ka ai okpanchit ima, micha nan isht ik mihacho chatuk ak o, im asilhhashke. Yohmikma yvmmak oka ima he bano hoke.

6. Yohmi kia na yimmi hosh nan isht anuktuklo nana kia ikshot asilhhashke ; kv̄na hosh anuktuklo hokv̄to, okhv̄ta oka

banvtha hō mahli hvt shalit isht ia na poakahanchi kak o, chiyuhmi hoka.

7. Yohmi hokvt hatak yvmmak okvt Chitokaka ya nanasi kia im a habena hi a ik im ahobo kashke.

8. Hatak im anukfila tuklo yvt nana a kaniohmi puta kvf fitikahanchi hoke.

9. Il itibapishi hvt ilbvsha yatuk osh holitopa kvf na yukpashke.

10. Yohmikma nan in laua yatuk osh akanlosit toba kvf na yukpashke: yohmi kvf yvmmak okvt ont iksho kvf haiyukpulo pakanli ak o chiyuhma chi hokvt.

11. Hvshi vt na hushma he lvshpa ka il ai ishit kohcha mak inli hosh haiyukpulo puta ka bvshechikma, pakanli asha tuk vt chilofa na pisa aiokli tuk vt okpulo chatuk; yohmi ka hatak nan in laua ahanta kak kia yvmmak inli hō chiyuhmit nana a kaniohmi yatuk vt ont ai iksho ka hi oke.

12. Hatak nana hosh nan isht imomaka pisa ya pisa cha, ai ghli hlopulli hokvto na yukpvshke; yvmmak okvto ai ghli hlopulli ha yokvto, ai okchaya iachuka holitompa Chitokaka yvt, kva hosh ilap a holitoblikma, ima hi vt miha tok mak o isha hi okvt.

13. Hatak nana kia nan isht anukpeli pisa hokvt, Chihowa hak osh sa nukpulechi hō, ik acho kashke; Chihowa hvt nan ik vhpeso ya ishit nukpela he keyu, mikmvt ilap vt hatak nana kia isht nukpulecha hi o keyu hoka.

14. Amba ilap chukvsh nan ahni yak osh halvllit ishit mahayvt yukachi hok mak o, hatak moma kvf nukpeli hoke.

15. Yohmi tuk mak o ohukvsh nan ahni ash osh chakali met, nan ai ashvohika yo cheli hoke; atukma nan ai ashvohika ash osh ont ai vltaha hokvto, nan illi hō ikbi hoke.

16. Itibapishi li a holitopa vhleha ma! hvch ik yoshubo kashke.

17. Na hvlbina achukma, micha na hvlbina ai ghli puta hokvto vba ak o a minti; yohmi kvf yvmmak okvt inlvf takohi, micha ilaiyuka kia ik im iksho, nan tohwikeli puta ili ak o a minti hosh aka vla hoke.

18. Immi ha hi osh ikbi tok puta nan i wayahpi e chi-yuhma hi o, ilap ahni hosh anumpa ai ghli yo ishit tobahan-chi tok.

19. Yohmi hoka itibapishi li a holitopa vhleha ma ! hatak moyuma kv̄t tushpa hosh haponaklokmt̄, s̄vaha hosh anumpuli cha, nukhobela m̄vt s̄vashashke :

20. Hatak nukhobela im anukfila hv̄t Chihowa holitobla hi a nukfokichi chatuk keyu hoke.

21. Yohmi hoka na liteha okpulo puta, micha nan ik al v̄lhpeso ilaiyuka puta ma mominchit naksika hv̄sh bohli cha, anukfila yohbi hosh anumpa hollokchi, ȳvmmak osh hv̄chim i shilombish puta okchalinya hi vt im v̄lhpiesa ka hv̄sh ih̄ishashke.

22. Yohmi kv̄t anumpa h̄a haklo illvt hv̄chishno inli isht̄ hv̄chik ile yoshub̄lo kish, amba holitoblit im antia yo hv̄chia hashke.

23. Kv̄na hosh anumpa h̄a haponaklo kia, holitoblit im antia keyu hokm̄vt, ȳvmm̄vt hatak osh a pisa ȳa ilap nashuka ak inli ka ai il a pisa ka chohmi hoka.

24. Ȳvmmak ash ot ilap inli ka ile pisa cha, kanima iakm̄vt, mih mak inli h̄q hatak kaniohmi atuk ash osh imi haks̄i chatuk oka.

25. Amba kv̄na hosh a yuka keyu nan v̄lhpisa ghli ka pi-h̄isvt achunanchi hokv̄to, ȳvmm̄vt anumpa h̄a peh haklot imi haksi keyu hatuk osh, amba holitoblit na toksv̄li isht̄ ahanta hokv̄to, hatak mihi yosh yakohmit ahanta kv̄t nan isht̄ ilai yukpa hi oke.

26. Hatak nana hosh hv̄chi takla anta kv̄t v̄banumpuli yo shoba kia, ilap isunlush a ik apesacho hosh, amba ilap ch̄ykv̄sh ash inli ka haksichit ahanta hokv̄to, hatak ilv̄pp̄vt v̄banumpa yimmi kv̄t im ghli keyu hoke.

27. Na yimmi ghli, litcha ikshot, Iki Chihowa itikba takali kv̄t, v̄lla v̄lhtakla vhleha, micha ohoyo i hatak illi puta aiena ka nana kv̄t im a palv̄mmit aiasha ka, i now̄vt aya, mikm̄vt yakni a isht̄ ik ile litchacho aiena ilv̄ppak oke.

CHAPTER II.

Obanempuli vt nan in laua ya holitobli cha, anonti itibapishi ilbvsha ya kanimanchi ka vhpesa keyu, 1; 18 amba i hullot it i nukhakia he tuk; 17 na yimmi kvt isht ai vni kvt ik im ikabo hokvto ili yoke; 21 Eblaham na yimmi kvt yvmma chohmi tok keyu.

1. **ITIBAPISHI** li vhleha ma! pin Chitokaka Chisus Klaist Chitokaka holitopa ya hvsh i yimmi kvt, hatak oka iti shahsholechit isht holitoblit hvch ik ahanto kashke.

2. Hatak vt na fohka hochukma ho fohka cha, tvli holisso lakna ibbak ushi abeha abehkvchi hosh, hvchim ai itonaha ya vla ma; anonti hatak ilbvsha mvt nafohka hlipa ya fohka hosh vla;

3. Yohmi hokma nafohka hochukma ho fohka kak ash o hvsh holitobli cha, yvmmak ash o, Aiasha achukma ilvppak o binili, hvsh im achi: mikmvt ilbvsha ash o, Yvmmak o ish hikiashke; keyukmvt ai asha li nutaka ilvppak o ant ish ashashke, hvsh im achi;

4. Yohmi kvt yvmmvv hvchishno inli hvsh il iti shahsholechi, micha anukfila ai vhpesa keyu nan isht im anukfilli yo hvsh toba ho keyu?

5. Itibapishi li a holitopa vhleha ma! hvsh haponaklaashke; yakni pakna ilvppa ilbvshvt aiasha kvt ai yimmi ka yo nan isht ai in laua chi, micha kvna hosh ilap a holitobli tuk ma, vba apelihika yo ima hi vt miha tok mak o immi ha chi ka, Chihowa hvt atokolichi tok keyu?

6. Amba hvchishno yokvto ilbvsha ya hvsh kanimanchishke. Hatak nan in laua vhleha hvt hvchishno a hvch ilbvshachit, nan ai apesa kia hallvli hvch isht ohona chatuk keyu?

7. Na hohchifo holitopa yvmmak o isht a hvchi hohchifo hatuk ash ik ahobalot okla nanumahanchi keyu?

8. Uba nan vhpisa i noshkoboka, Holisso Holitopa vt, Chin chuka panta hatak a ish i hullo kvt chishno inli kak o ish itilauechashke, achi kak o, hvsh ai ghlichi hokmvt, vhpesa ho hvchi yvmohmi hoke:

9. Amba hatak puta ka iti shahsholechi hosh hvsh ah-ninchi hok mvto, hvsh ashvchi; yohmikmvto nan vllhpisa kobvffi mak o nan vllhpisa yash ot isht a hvchi atokowa hoke.

10. Kvna hosh nan vllhpisa ya mominchit ai ghlichi hosh, anonti achvfona ka kobvffi hokvt, mominchit kobvffi mak oke.

11. Hvsh iti lumaka ná, achi mvto, anonti kvna kia ish bi ná, achi ak inli tok oka. Yohmi ka hvch ik iti lumako hoh kia, hatak a ish bi hokmvto, nan vllhpisa kobvffi o ish toba hoke.

12. Hvsh anumpuli, micha nana hvsh a kaniohmi puta kvto, a yuka keyu nan vllhpisa ho kvna hosh nan isht im vllhpisa hi vt kaniohma he vllhpisa ka, hvsh chiyuhmashe.

13. Kvna hosh inla ya ik i nukhaklo ke tuk okvto, ilap mvto i nukhaklo iksho ho nan im vllhpisvt na palvmmi pisa he; mikma nan i nukhaklo yokvto nan im vllhpisvt im a palvmmi a ik i nukshopo hoke.

14. Itibapishi li vhleha ma! hatak vt ai yimmika yvt anukfoka miha kia, na toksvli kvto ik im iksho hokvto, yvm-mvto nanta ho isht im ai achukma hinla ho? Ai yimmika illa kvto yvmma okchalinda hinla ho?

15. Iksa ibafohka itibapishi, in tek kanima hosh nipi bano cha, nitak yvmma nana vpa he kia ik im iksho;

16. Yohmikma hvsh achvfona kvto yvmmak ash o haknip a nan isht apelvcha he ai vllhpisa ka hvsh ima keyu nana kia, Hvchi libishvt, hvchi kajya hosh na yukput hvsh itvno-washke, hvsh im achi ka, nanta ho isht ai achukma hinla cho?

17. Yohmi ka ai yimmika yak kia yvmmak inli ho choh-mit, na toksvli hvto ik im iksho ho, yvmmak illa hokmvto, illi hoke.

18. Ahli, kvna kia, Chishno vto ai yimmika yosh chi nukfoka ma, anonti vno vto na toksvli ak o isht ahanta lish-ke; nana ka isht ish ahanta keyu hosh nan isht a chi yim-mi ha is svm otvinnichikma, anonti vno vto nana ka isht ahanta li hosh nan isht a sai yimmi kvto chim otvinnichi lashke.

19. Chihowa hvt achvfa ka hvchi yimmi kv̄t, v̄lhpiesa h̄o hvchi yvmohmishke: nan isht ahullo okpulo v̄hleha ak kia yimmi cha, wv̄nihinchi hoke.

20. Yohmi kia ai yimmika yokvt, na toksvli hvt ik im iksho yokvto, illi mak atuk g, hatak ik hopoyukso chia hvt akostininchi ka ish ahni cho?

21. Pin tikba Eblaham vt ilap ushi Aisaak g alta pakna vba isht ai okpvchit isht ahanta kak osh isht ai v̄lhpiesa tok keyu?

22. Yvmmak okvt nan ishi ahanta ka ai yimmika yokvt ka-
niohmit ibai isht ahanta tok, micha nan isht ahanta pulla h̄o ai yimmika yvt isht ai gh̄lit kv̄nia tok g ish akostininchi cho?

23. Micha Eblaham vt Chihowa h̄a i yimmi tok; mih-
mvt yvmv̄t nan ai v̄lhpiesa h̄a isht im v̄lhpisa tok, achi Holisso Holitopa vt ont ai gh̄li tok; mihma yvmmak ash osh Chihowa i kana isht hohchifo tok.

24. Yohmi hoka na yimmi illa kak keyu, amba nana ka isht ahanta kak o pulla hosh hatak vt kaniohmit isht ai v̄lhpiesa ka hv̄sh akostininchishke.

25. Yohmi ka yvmmak inli chohmi hosh ohoyo havi Le-
hab vt nan isht ahanta ilv̄ppa pulla hosh okla yakni pisvt gya tuk g pehlichit ishi tuk osh, hina inla h̄a pit tihleli hosh isht ai v̄lhpiesa tok keyu?

26. Hatak haknip vt, shilombish vt iksho hokvno, illi yo chatuk g, na yimmi hak kia nan isht ahanta kv̄t ik im iksho hokvto, illi ak inli hoke.

CHAPTA III.

Ai o walamp̄li hosh inla ya na kil i miho ka he tok, 1; 5 pis̄m̄lv̄sh g il im alv̄mmashke, haknip g ai achvfa kitin̄osi kia, nan achukma hokm̄ā, ik v̄lhpeso chiato hokm̄ā, nana ka yvm̄ihcha he bano; 18 na hopoyuksa gh̄li hokvto im anukf̄ila yoh̄bit nanaiya, nukhob̄ala kv̄t ik im iksho chatuk.

1. ITIBAPISHI li v̄hleha ma! nan isht v̄lhpisa chinto i shah̄li mak osh pi onv̄tula hinla ka hv̄sh ithana kv̄t, nan ithananchi g lauv̄t hv̄ch ik tobo kashke.

2. E moma kv̄t nana ka il ai ibetv̄bli kv̄t laua hoke. Hatak nana hosh anumpa h̄a isht ik ibetv̄blo hokmv̄t, mihi yosh hatak ai gh̄li, micha haknip & mominchit apesahancha hinla hoke.

3. Yakeh! pim antia ch̄i ka issuba it̄h h̄a kapali & e fohki chatuk; micha haknip & mominchit e fullolichi hoke.

4. Yakeh! anonti peni hochito, yumm̄v̄t na hochito fehna h̄o mahli kv̄llo hosh shalit isht ihiya kia, apesv̄chi mak osh kanima h̄o ia hi & ahnikma, isht afana yv̄t iskvt̄inosi kia fullolichi chatuk oke.

5. Yumm̄mak in̄li h̄o chohmit isunlv̄sh vt nana iskvt̄inosi ak inli kia, nan aiaka mak o ai isht il atambli chatuk: mikma yakeh! lv̄ak vt iskvt̄inosi kia iti laua chinto luachi chatuk.

6. Yohmi ka isunlv̄sh vt luak, micha ai ashv̄chi yakni mak oke: yohmi hosh isunlv̄sh vt pi haknip & ibai achv̄fa hatuk osh haknip & mominchit okpahani; micha yumm̄v̄t ai okpuloka luak mak o isht libbi hatuk osh, hatak isht ai unchululi puta ka libbichi chatuk oke.

7. Nampoa ilaiyuka, micha hushi, micha nana hosh aka a ita balv̄lli, mikmv̄t okhv̄ta anyka ai asha puta kv̄to kostini chatuk: hatak isht ai unchululi puta kv̄t yumm̄mak okv̄no kostinichi chatuk oke:

8. Amba isunlv̄sh ak okv̄no hatak naha hosh kostinicha hi o keyu; yumm̄mak okv̄t nan ik v̄lhpeso, kostina hi o keyu, hatak isht illi banot alotowa hoke.

9. Yumm̄mak o Iki Chihowa h̄a isht il ai okpahanchikmv̄t; anonti yumm̄v̄t Chihowa h̄a holba hosh toba tok hatak puta kash yumm̄mak ash inli h̄o anumpa okpulo isht e mihachishke.

10. Itakha mih achv̄fa holitoblit isht ai okpv̄chi, mikmv̄t anumpa okpulo isht mihachi aiena hosh akohonchv̄shke. Itibapishi li v̄hleha ma! itv̄ppa puta kv̄t yakohma he tuk o keyushke.

11. Kv̄li hv̄t akocha achv̄fa ka oka champuli, takba aiena h̄o akohonchi chatuk o?

12. Itibapishi li v̄hleha ma! fik v̄pi vt alif v̄ni ȳo v̄na hinla h̄o? keyukmv̄t pak-v̄pi vt fik o v̄na hinla cho? yvm̄-

mak inli chiyuhmit kvli nanta hak osh hvpi oka, micha oka kashaha aiena ka kohonchi chatuk keyushke.

13. Kvta hak osh hatak hopoyuksa, micha nan ithana anukfohka achvkma kvv hvchi takla ahanta cho? mih mak osh hopoyuksa chukvsh yohbi hosh nana kvv ai vlhpiesa ho yvmohmi kvv na toksvli ha isht otvnihinhashke.

14. Amba it i potvnno homi, micha itachowa aiena hosh hvchi chukvsh a foka hokmvno, isht hvch ik ilauato, mikmvt nan ahli ka hvch ik a holabo kashke.

15. Na hopoyuksa ilvppak okvto vba ak o a minti keyu, amba yakni, hatak, micha nan isht ahullo okpulo aiena kak o immi hoke.

16. Kanima yo it i potvnno, micha itachowa aiena kvv ashakma, ai itasheha, mikmvt nana a kaniohmi ik vlhpeso moma aiena kvv yvmmak oka a takali hoke.

17. Amba na hopoyuksa vba ak o a minti hatuk osh vmona ka hanta achvkma tuk mvt, anonti it i nanaiyachi, yohbi, ilap nan ahni ak bano keyu, nan i nukhaklo, micha nan ai vlhpiesa yohma he aiena kvv alotowa, iti shahsholechi iksho, micha peh il ahobi vt ik im iiksho chatuk oke.

18. Mikma nan ai vlhpiesa vni a nangiyachi vhleha yvmmak osh im anukfila nuktaiyala hosh hohokchi hoke.

CHAPTA IV.

Nan ashvchi il-aiyuka ka ahah! im ahna he i miha, 1; 18 mihmvt nan okchaya ilvppvt ont ataha kia kil ithano, yohmi hokvt pishno, micha nana ho il, ieshi moma kvv Ohihova hosh nan ai ahni kak a chi ka il im asilhashke.

1. IT in tanampi, micha itibi puta kvv hvchi takla ya takali kvv, katima ko a toba cho? hvchishno hvchi haknip isht ai yukpa he ahni kvv hvchi haknip a a tanahampi kak o a toba ilvppak o keyu?

2. Nana ka hvchi bvna fehna ho kak osh hvch ik esho; hvsh bi mvt, ishi ka hvchi bvna kia, hvsh isha hi o keyushke; itibit it in tanampi aienvt hvsh aiasha kia, hvch ik asilho kak okvt, hvch ik eshoshke.

3. Hvsh asilhha kia, hvch ik esho; yummak oka hvchish-no hvchi haknip isht ai yukpa he ahni pulla kak o isht yopomot hvsh tahla chj kv, ai vllhpiesa keyu ho hvsh asilhha hokvt.

4. Hatak haui, ohoyo haui vhleha hvchia hvt yakni anush-kunna hokvto, Chihowa ha in tanampi chatuk a, hvch ik ithano cho? Yohmi hoka kvna hoh kia yakni a it i kanvt ahanta chj mak okmvt, Chihowa ha in tnvvp oke.

5. Chukvsh pi anukfoka kak osh il it i potvna hi a ahni ka Holisso Holitopa vt achi ka, ik ghlo ho hvchim ahobo cho?

6. Yohmi kia yummak okvto i shahlichit isht i kana ya ima hoke; yohmi hatuk osh Chihowa hvt ilefhnvchi puta ka i sanalikmvt, amba chukvsh akanlosi yokvno i kanvt apelahanchi, achi hoke.

7. Yohmi hoka Chihowa ak o hvsh il im issa cha, hvsh im antiashke. Nan isht a hullo okpulo a hvsh i sanalashke, yohmikma yummak okvt hvch i kanulla hinla hoke.

8. Chihowa ai i bilika pit hvsh kanvllashke, yohmikma ilap mvt hvchi bilincha chj hoke. Nan ashvchi vhleha hvchia hvt hvch ibbak a hvsh kashofikma, anonti im anukfila mia tuklo hvchia mvt hvchi chukvsh a hvsh kostinin-chashke.

9. Il ilbvshachit nukhaklot yayvt hvsh ai ashashke; yukvt hvsh ai asha tuk a na yaya tobakma, na hvchi yukpa yatuk vt chukush isht nukhaklo yo tobashke.

10. Chitokaka itikba ya a hvsh il akanlosechashke; yohmikma yummak okvt halvllit hvchi wakela chj hoke.

11. Itibapishi li vhleha ma! hvchishno hvchi bika ya nan it i mihachit hvch ik anumpulo kashke. Kvna hosh itibapishi ha na mihachit anumpuli kv itibapishi hash o anumpa onochi hokvt, nan vllhpisa ak o nanumachi, micha nan vllhpisa hash o kanimanchi mak oke; amba nan vllhpisa ya ish kanimanchi hokmvt, nan vllhpisa ya holitobli mak o chia keyu, amba nan vllhpisa kanimanchi mak o chia hoke.

12. Nan vllhpisa ikbi vt yummak okvto okchalanchi, micha vbi aiena kv im ai vllhpisa he bano mak osh achvfa kv

ashvshke; ohishno ak osh kva chia hatuk osh inla ya anumpa ish onochi cho?

13. Inta! himak nitak, onna ha kanima ka tumaha yummak o il ona cha, afummi achufa ka yummak o ashvut, nan ita tobt nan isht ahayuchit il ahashwashke, achi hvchia ma!

14. Onna ha nana a kaniohna hi a hvsh ithana keyu kv. Hvchim ilhfioyak vt nanta ho? oka shobulli yummak okv chekosi takla hokvno otvni tuk osh kvnia chatuk a, yummak o itilavi hoke.

15. Yohmi hoka Chitokaka ak osh yumma ahni hokma, pi okchaya cha ilvppa, keyukmv yumma kanima ka pi ymohma chi chishke, hvsh acha he tuk oke.

16. Amba himak okvno hvchishno hvsh il atambli kak osh isht hvchi yukpvshke; nan isht ai yukpa yumma chohmi puta kv vlhpesa keyu bano hoke.

17. Yohmi hatuk o kvna hosh nana ai vlhpesa ka yohma hi vt ithana hosh, yummak ash ik yohmo hokvto, mihi yosh ashvchi mak oke.

CHAPTER V.

Chihowa yvt na palvmmi isht im atobbi yoka, batak nan in laua nan ashvchi vt i nukshohompashke, 1, 7 Chob atok a nan im ai ithvmt nana kv ik pvlvami kia nuktaiyala he tuk; 13 nana kv palvmmi ka anumpa ilbvsha yo anumpohonlikmv, anonti nana kv isht im achukmakmv vba taloa isht talohowashke; 16 pishno na kl aighlo nukhaklot il itim anohonla he tuk, micha vba isht it anumpohonla he tuk, 19 itibapishi nan ashvchi tuk a falvminohit nan ai ghli ka a hilechi aina hi a isht anumpuli.

1. INTA! batak nan in laua hvchia ma! na palvmmi hvch on itula chi kv, nishkin okchi mintit chitoli hosh hvsh yahayashke.

2. Nana laua hvchim ai asha tuk vt toshbit taha ma, hvchi na fohka puta ka shvshi ai vpa bano hoke.

3. Hvchin tvli holisso lakna, micha hvchin tvli holisso hvta aiena kv laknv taha: yohmi kv lakna yummak atuk vt nan isht hvchi atokola he; mikmv luak o chiyuhmit

huchi nipi a ahampa chi hoke. Nitak huchim ishtaiyopik mak a hi a huchim ilayak a hvsh itahobi tuk oke.

4. Yakeh! toksvli vhleha huchim osapa puta nana ai vmo tuk isht vltoba he tuk, yummak oka hvchishno ak osh nana ik vlpesalot falaminchit hvsh ishi tuk a, pahayvshke: yohmikma nan vmo tuk vhleha paya kv Sabaolh Chitokaka haksobish a ont chukowa hoke.

5. Nan isht aiyukpa il impa in lauvt, haui toba hosh yakni pakna ya hvsh maya tuk: vlpoba illa chi hokvt ilhpi-hinta chatuk mak o, italauechit hvchi chukvsh a hosh ipi-hinta tuk oke.

6. Hatak ai vlpiesa yatuk a anumpa onochit hvsh bi tok; yohmi kia yummak okvt ik hvchi sanalo kisha hoke.

7. Yohmi hoka itibapishi li vhleha ma! nukchintot hvsh hoyo na Chitokaka yvt vlashke. Yakeh! hatak osapa toksvli vt nan vni hochukma yakni a waya ka anukfillit hohoyo; yohmi kv ymma ahni kv nukchintot falaiachi hosh, vmona micha ont ishtaiyopi aiena ka im on umba chatuk oke.

8. Yohmi ka hvchishno ak kia nukchintot hvchi chukvsh a ai ghlichit hvsh hlampkochashke: Chitokaka vt ai vla he tuk vt atukonofvt taha hoke.

9. Nanasi kia isht hvch ik it i potvno kashke, itibapishi li vhleha ma! yummak keyukmvt nana isht huchim vlpisa hinla hoke. Yakeh! nan apesa yvt okhisea itikba ya hikia hoke.

10. Itibapishi li vhleha ma! hopai Chitokaka i hohohifo pulla hatuk mak o anumpohonli tok vhleha hv na palvmmi pisa, micha nukchinto tok puta mak o nan isht ithanvt hvsh hobacha chi kv hvsh anukfillashke.

11. Yakeh! kana hosh nuktanlv achunanchi mak o yummak okvt na yukpa, il ahni chatuk. Chob vt nuktanlv achunanchi tok okvno hvsh hqklo chatuk: yohmi cha Chitokaka nana ai ahni tok ash hvsh akostininchi: yohmi kv Chitokaka yvt nan i nukhaklo fehna, micha i kana fehna hoka hvsh akostininchiske:

12. Yohmi kia itibapishi li vhleha ma! ik kaniohmi nana kia vba shutik, keyukmvt yakni, keyukmvt anumpa kvlo

isht ai vlhpisa inla nana kia anumpa kullo ai isht hvch ik il onochi kashke: amba yau, hvsh achikma, ik ai ghli; mikmtv keyu, hvsh achikma, keyu mak ashke: yvmmak keyukma nan isht hvchim vlhpisa hvv hvchi on itula hi oke.

13. Kvna kia na palvmmi pisa kvv hvchi takla ahanta cho? yohmikmtv vba pit anumpohonlashke; kvna kia na yukpa kvv ashg? yohmi hokmtv vba isht taloa mak o isht taloashke.

14. Kvna kia abeka kvv hvchi takla ahanta cho? yohmi hokmtv ilap ak osh iksa pehlichhi vhleha hg hoyashke: yohmikma yvmmak ash osh vba isht anumpulit, Chitokaka i hohchifo ho nan ahama yg okla ahvmmichashke.

15. Yohmi hokma na yimmi hosh vba isht anumpuli pulla kak osh abeka yg hlakoficha he; mikma Chitokaka yvt yvmmak ash tanicha hi oke: mikma nana ho ai ashvchi tuk ok mak heno i kashofa he mak oke.

16. Nan hvsh ai ashvchi pvta ka hvchishno bika yvt hvsh it im anohonlashke; mikmtv hvchi hlakofa chi kvv, vba isht hvsh it im anumpuli pullashke. Hatak ai vlhpiesa hosh na yimmi hosh vba pit anumpohonli kvv nana ka ai ghlichhi fehna chatuk oke.

17. Elias vt hatak im anukfila im a kaniohma he vt hvvishno ak inli chohmi tok; yohmi hatuk osh ik umbo ka hi g ai ghli fehvt vba pit anumpohonli tok; yohmi ma yakni yvmma ik ai umbo ho afvmmi tuchina cha hvshi hannali aiena tok.

18. Yohmi ma anonti yvmmak ash inli hosh vba pit anumpohonli ma, Chitokaka yvt umbachi na yakni g nana kvv a wahaya tok.

19. Itibapishi li vhleha ma! hvsh kanima hosh vbanumpa hg i filvmmiit hvsh gya na anonti achvvt nukfohkichit falaminchi hokma,

20. Kvna hosh hatak nan ashvchi vt yoshubvt atgya tuk g nukfohkichit falaminchi hokvt, yvmmtv hatak shilombish g ai illi yg a hlakoficha he; mikmtv nan ai ashvchika laua ho ompohoma he aiena hoka ithaiyanashke.

P I T A

I HOLISSO UMMONA HOKE.

CHAPTA I.

Shilombish nan isht i kana laua pulla kak o Chihowa ya aiskpa-hanchi, 1; 10 Hopaii vheha pulla ho Klaist isht im ai okchaya yvt tikbanli anohowa tok a anoli; 13 Chihowa im anumpa ho isht ai vta hatuk okvt, nan ashvchi ikshot maya chi ka i miha.

1. PITA, Chisvs Klaist im apostel okvt i yakni keyu ai it a fimimpvt Pontvs, Kaleshi Kappatosia, Asia, micha Bihlinia aiena ai asha ka pit ai okpvchi kv,

2. Iki Chihowa hak osh tikbanli ithaiyanvt, okchaya he atokoli tok yvmmak oka Shilombish Holitopa yak osh kashohofi na, nana ka im antia ho Chisvs Klaist im issish isht o fima tok hvchia hoka; Nan isht i kana yvt hvchi anukforyuka, micha nan isht it i nanaiya yvt hvchin lauashke.

3. Pin Chitokaka Chisvs Klaist Iki, micha in Chihowa hokvt holitopashke, yvmmak osh pi nukhgklo chinto hatuk osh, Chisvs Klaist vt illi tuk kia, falaminchit tanichi kak osh anonti himonvchit pikbi tok o, na yukpa fehna hosh,

4. Ai ahanta okpula himma keyu, micha liteha he keyu, micha aksha he keyu ho e hohoyo ka, hvchimmi hosh vba yakni ya ai vlhtaiyaha hoke;

5. Yvmmak oka na yimmi pulla kak o Chihowa imi hlampko kv ishi na ai okchaya nitak ishtaiyopi otaiyana chi ka ona hoke.

6. Yvmmak oka nan isht a hvchi yukpa fehna; yohmi kia yakosi itintakla ka ai yvmohma he vlhpesa ho isht

imomaka pisa ilaiyuka hvsh pihisa kak osh isht a hvchi nukhaklo hoke:

7. Yohmi kia na hvchi yimmi ka isht imomaka pihisa kak osh holitopa kv, tvli holisso lakna okpulo chatuk, yummak oka luak isht imomaka pisa chatuk ak kia i shahli fehna hokvt, Chisus Klaist vt haiakakma, isht a holitopa, micha annoa chinto aiena kv isht a hvchi otaiyani hokbano;

8. Yummak oka hvch ik peso kia, hvsh i hullo; yummak ash himonasi ka hvsh pisa keyu ak inli kia, hvch i yimmi hosh, nan isht ilaiyukpa annoa he keyu, micha isht a holitopa alotowa aiena ka isht a hvchi yukpa:

9. Na hvchi yimmi isht vltoba ka hvsh ihishi kv, hvchi shilombish isht ai okchaya yak fehna hoke.

10. Ai okchaya yummak o hopai vhleha hv a ponahaklo, micha achunanchit hohoyo tok, isht i kana yosh hvchim vla hi oka yummvt tikbanli anohonli kv;

11. Nitak katihmi, micha nitak nanta, Chisus imi Shilombish vt yummak ash anukfoyuka hatuk vt Chisus vt isht ai ilbusha he puta, micha yumohmi hosh isht a holitopa he aiena ka tikbanli atokolit anoli tok a, ai ahnit hohoyo tok.

12. Yummak ash o im otaiyani kv, ilap ak atuk ak o yohmi keyu; amba pishno ak atuk mak o nana ka otvni-hinchi tok yummak ash himonasi ka vbanumpa ha Shilombish Holitopa vba yakni mihinti hosh awant aya ho, isht hvchim anumpohonli kash osh hvchim anohonli tok; nana yumma puta kash enchil vhleha hokvt akostininchi bahana fehna hoke.

13. Yumohmi hoka hvchi chukvsh a okchvlt aiksiachi cha, ahah! ahnit, Chisus Klaist vt ant haiakakma, isht i kana yosh hvchim vla hi okvt ai ghli bano hosh hvsh hohoyashke.

14. Yohmi kv vlla nan im antia yo hvsh chiyuhmit, tikba hokvno nana hvch ik ithano hosh chukvsh nan ahni kak o hvsh yumohmi beka tok vt, hvch ik ile hobacho kashke:

15. Amba hvsh im antia chi hvchi hōwa tok, yummvt nan ai ashvchika ik im iksho hoka, nan ai ashvchika ik hvch im iksho ak inlashke :

16. Uno vt nan ai ashvchika ik svm iksho hoka, nan ai ashvchika ik hvch im iksho kashke ; achi hosh holihiso hoka ;

17. Yohmi ka Iki ak o hvsh im asithha hokmvt, yummak okvt hatak it i shahshohlechi iksho hosh hatak puta kvt ilap a kaniohmi tuk ak o isht im apesa yoka, iluppa hvsh ai ahanta takla kvt hvsh holitoblashke :

18. Yohmi kvt hvch iki vhleha hak o hvsh im ai ithvna tok nana hvsh a kaniohmi ik achukmo yoka a hvchi filvm-michi kvt nana okpula he tvli hvta, micha tvli holisso lakna chiyuhmi ho isht hvchi vltoba tok keyu kvt hvsh ithanushke ;

19. Amba Klaist im issish holitopa Chukfulhpobushi ai okpuloka iksho, micha liteha iksho yak a tok ;

20. Yummak osh yakni intolahpi vt ik tobo pilla kash o tikbanli vltoka tok osh, hvchishno yak atuk pulla kak o himak ont ishtaiyopi iluppa otaiyani tok oke ;

21. Hvchishno yvt yummak atuk pulla kak o Chihowa hg hvch i yimmi pulla kvt, yummak osh illi tuk a falamin-chit tanichi cha, isht a holitopa ka ima tok oka ; ai okchaya yg Chihowa yak o im ai ishi la he ai ahnit, hvch i yim-mashke.

22. Yvmohmi ka Shilombish ak osh hvchi anukfoyuka ho vbanumpa ai ghli ka hvsh im antia hosh, hvchi shilombish a hvsh kashofi hatuk osh, itibapishi vhleha hoka ilahobi keyu hosh isht i shahlichy fehna hosh hvsh it i hullashke ;

23. Chihowa im anumpa, yummvt mahayvt bilia yak atuk pulla kak o na nihi okpula he keyu yo atuklant isht hvsh a toba hoke.

24. Yohmi ka haknip puta kvt haiyukpulo yak o chiyuhmi, micha hatak isht a holitopa moma kvt haiyukpulo pakanli yak o chiyuhmi hoke. Haiyukpulo yash ot bvshikma, pakanli yash ot liwelit taha hoke.

25. Amba Chihowa im anumpa hokvto mahayvt bilia hoke. Yohmi ka anumpa ilvppak o vbanumpa hvv isht a hvchim anuhumpa hatuk oke.

CHAPTER II

Nan ik vhlpeso isht im anukfila puta ka naksika bohla chi ka i miha, 1; 5 Klaist akosh tikba intola yq okla ai itabana hatuk a anoli; 11 haknip imma nan isht im anukfila yokvno kano pit kancha chi ka achi; 18 yakni pakna nan apesa maya ka im antia he; 18 yvka hvv kanihmit i nahollo yq im antia hi a ithvnachi.

1. YUMOHMI hoka isht i nukkilli, na haksichi, nan ilahobi, na potvno, anumpa chukushpeli puta a moyuma ka mokofit naksika hvsh boyuhli cha;

2. Ullosi himona vta chiyuhmit, yvmmak o isht a hvchi hofahantit ai okchaya yq hvsh ona chi mak osh, vbanumpa pishukchi ai ghli kak o bvna fehvvt hvsh hohoyashke.

3. Chitokaka yvt hvchi kana achukma fehna hq hvsh akostinichi ai ghli hatuk okvvt;

4. Yvmmak okvt tvli okchaya chiyuhmi hq hvsh im ohona ka, hatak okvto ik ahnincho fehna tok kia, Chihowa hokvto holitobli fehvvt atokoli tok;

5. Hvchishno ak kia tvli okchaya chiyuhmit, shilombish chuka hvsh toba hosh, na holitopa isht vlla holitopa yosh Chisvs Klaist ak atuk pulla kak o, Chihowa hokvt im vhlpiesa hq, chukvsh isht aiokpvchi puta ka pit hvsh im ihisa hi a tok.

6. Yvmohmi hoka anonti Holisso Holitopa yq a foyuka kvv, Yakeh! chukbi in tola tvli vltoka, holitopa fehna hq Saion a bohli lishke: yohmi ka kvna hosh yvmmak oka i yimmi hokvt hofahya he keyu hoke, achi tok.

7. Yohmi hoka yvma i yimmi hvchia hokvno hvchi holitopa fehna; amba ik im antio yokvno, chuka ikbi vhleha yash ot tvli yq ik ahnincho ki tok, yvmmak ash inli hosh chukbi in tola noshkoboka yq toba hoke.

8. Micha ik im antio yq vbanumpa isht ai ibetvbli yvmmak fehna kak osh isht ai ibetvbli he tvli, micha isht ai

okpula he tvli chito aiena h_o, yummak o ai yvmohma he im vlhpihisa tok.

9. Amba isht atiaka vlhtoka, miko i na holitompa isht v_tta ; oklushi holitopa, Chihowa immi ai ghli fehna hvchia hoke : yohmi ka yummak osh hvchi h_owt ai okhlilika ya a kohchit im atohwikeli chinto ka hvchi foyuki tuk o, ilap isht aiokpahancha he a puta ka otvninchit hvsh anghonla he a tok :

10. Yohmi kv_t nitak tikba hokvno Chihowa im okla hvchia ha tok keyu kia, himak ano Chihowa im okla hvchia hoke ; isht i kana ya hvch ik esho ki tok kia, himak ano isht i nukhaklo ka hvsh ishi tuk oke.

11. A holitopa vhleha ma ! nana hvchim ai ahni li kv_t hatak ik ithano, micha ilap i yakni keyu ai itvnova chiyuhmit, haknip imma nan ahni, yvmmv_t shilombish in tanampi yoka hvsh i filahamashke :

12. Nana hvsh a kaniohmi kv_t achukma hosh vbanumpa ik ithano okla h_a iba takla hvsh ahantashke : yohmi na nana ik achukmo yvmihchi chohmichit hvchi sanalit anumpononli kia, nana achukma puta hvsh yimihinch_i ka pihisakmv_t, Chihowa yv_t i nowt aya nitak oka yvma okla holitoblashke.

13. Chitokaka yak atuk pulla mak o hatak i nan vlhpisa puta ka hvsh im antiashke : miko yok ma moma i shahli yo chohmichit hvsh holitoblashke.

14. Micha nan vlhtoka vhleha nana ik achukmo yvmohmi puta hokvno nan vlhpisa onochikmv_t, nana achukma yvmohmi yak okvno aiokpvcha chi h_o, miko yv_t atokohonli tok a hvsh holitoblashke.

15. Yohmi ka nana kv_t ai vlhpiesa h_o hvsh yvmohmi hosh hatak im anukfila iksho nan ik ithano itih puta ka hvsh i kamala he yak o, Chihowa hokv_t ai ahni hoke :

16. Yuka keyu hvchia kia, hvsh yvmohmi kak osh nan ik vlhpeso ya isht hvsh ompohomo na : amba Chihowa in tishu vhleha mak o hvsh chiyuhmashke.

17. Hatak puta ka hvsh holitoblashke. Hvsh itibapishi

vhleha hq hvsh i hullashke. Chihowa ya i nukshopot hvsh holitoblashke. Miko yoka hvsh holitoblashke.

18. Yuka hvchia hvt isht a holitopa he vlhpesa hq hvchi nahullo yoka isht hvsh im antia kvv aehukma, misha im anukfila yohbi aiena kak bano keyu, amba hvch i kullo aiena ka hvsh im antia ak inlashke.

19. Yohmi ka hatak vt chukvsh ak osh Chihowa ya isht im vlhpiesa kak osh isht a nukhaklo ya vlhpiesa ahnit, ai vlhpiesa keyu hq isht ilbahasha hokma, ilvppvt isht i kana hoke.

20. Yohmi ka nana ai vlhpiesa keyu hq hvsh yvmohmi tuk osh vlhpiesa ahnit, isht hvchi bohova hokmvt, yvmmt nan isht amoa achukma nanta hq? amba nana ai vlhpiesa hq hvsh yvmohmi tuk kia, vlhpiesa ahnit isht hvch ilbahasha hokvno, ilvppak o Chihowa hokvto isht im vlhpiesa hoke.

21. Yohmi ka ilvppak o hvsh yvmohma he osh hvchi vltoka tok; pishno ak atuk pulla mak o Klaist ak kia ilbahasha kvv, ilap a nohova tok a il iakaiya he mak o pish abahanchi hatok oka:

22. Yvmmt nan ashvchi tok keyu, haksichi kia itih hq foyuka tok keyu:

23. Yvmmt ilap a isht ik ahobalot anumpuli mak o, afalaminchit isht ik ahobalot anumpuli keyu; na palvmmi onochi ma, na palvmmi onocha hq kia miha tok keyu; amba ai vlhpiesa apihisa yak o il im issa tok:

24. Yvmmt osh nan il ai ashvchika ya ilap haknvp fehna ak o ilap inlit il onochi hosh iti ya takali tok: yohmi hq nan ai ashvchika puta il im ihinli hosh, nan ai vlhpiesa ya il im okchaya chi ha tok: yvmmt fahama tok ak o isht hvchi hlakofi hoke.

25. Yohmi ka chukvvlhpoba tamoa chiyahmit hvsh itonova tok kia, himonasi kano chukvvlhpoba Apesvchi misha hvchimi shilombish ma Nan im atahli yoka falamvt hvsh im ona hoke.

CHAPTA III.

Hatak vt im ohoyo itatuklo kut nan vhlpiasa ho isim anukfilvt ita-
pela he im abvchi, 1; 8 it i hullot it ibai achvfa he; 14 na palum-
mi ka isht it ibai il bvsha he; 19 Oka salama yvt ik ayo kisha ma
okchayvt aiasa tuk a Klaist vt nan i kanimihchi tok a anoli.

1. ANONTI tekchi hvchia hvt hvohi hatak oka hvsh im
antiashe; yohmi na kanima kut vbanumpa ha ik ahnincho
hokmvt, vbanumpa hash ik haklo kia, tekchi ak osh nana a
kaniohmi kak o, yvmmvt vhlpesa ahnit isht anukfohka ak
inli yoba na;

2. Yohmi kut havi imma ai yvmohmi ik hvchim iksho,
micha hvsh holitobli aiena ka pihisa kak osh yvmohma hinla
hoke.

3. Yvmma isht shema yvt pashi tanvffo, micha tvli ho-
lisso lakna isht shema, micha na fohka fohka aiena paknali
isht shema yvmmak okvno keyu:

4. Amba chukvsh anukaka a toba hatak luma okpula
himma keyu, anukfila yohbi, micha nuktanla isht shema yo
fehna yvmmak ashke; ilvppak osh nan ai vlli chinto fehna
Chihowa hvt ai ahni hoke.

5. Nitak tikba ma ilvppak o yakohmit ohoyo hochukma
Chihowa i yimmi ak inli hosh, isht ile shemahanchi kut, ilap
i hatak a im antia ya tok.

6. Sela ak oh kia Eblaham a i shahli hochihifot im antia
tok: yvmmak o ushetik hvchia hoke, nana ai vhlpiasa ka
hvsh yvmohmi takla, micha isht a nukshopa he kia hvoh ik
i nukshopo hokmvt.

7. Anonti i hatak hvchia hvt nana ka ithaiyana hosh ibai
ahantvt, hlampko ik hvchi lauwo mak o ehivuhmichit, isht i
kana ai okchaya bilia hvsh it ibai isha he mak okvt, hvohi
tekchi a hvsh holitoblashke; yohmi ho anumpa ilbvsha
hvsh anumpohonli kut ik ai ataklamo kashke.

8. Ai ishtaiyopi ka moyumvt hvchim anukfila hvt ai
achvfa eha, it i nukhaklot, itibapishi vt i hullo ehivuhmit,
inla i kanvt chukvsh akanlosi mvt aienashke.

9. Micha nana ik achukmo hvchi yvmihchikma, nana ik achukmo yq hvch ik falamincho kashke: micha isht ik hvchi ahobalokma, isht ik ahobalo yq hvch ik falamincho kashke; amba ilvppa ik holbo i kanvt hvsh im anumpulashke; ilvppak o hvsh yvmohma hi osh hvchi vlhtoka tok vt hvsh ithana hokvt, yohmi hosh nan isht ai yukpa ya hvsh pisa he vlpesa yatok.

10. Yohmi ka kvna hosh, Si okchaya cha, nitak hochukma hq pihisa li hokbano ai ahnikmvt, isunlvsh oka nana ik achukmo ka i filvmmnichi cha, itivbi yoka na haksichi ya isht ik anumpulo kashke.

11. Nan ik achukmo kvno i filvmmi cha, nana achukma kak o yvmihinchashke; it i nanaiya yak o hohoyot, achunanchit iakaiyashke.

12. Yohmi ka Chitokaka nishkin okvt ai vlpiesa yokvno o wakaya, micha haksobish okvt im anumpa ilbvsha puta ka in tiwa hoka; amba nana ik achukmo yvmihchi puta hokvno Chitokaka nashuka yvt i sanali hoke.

13. Micha nana achukma yvmihchi yak o iakaiya vhleha hvchia hokma, kvta hak osh hvchi hotopala hinla hq?

14. Amba nan ai vlpiesa yak atuk pulla mak o isht hvsh ilbahasha hokmvt, hvchi yukpa hoke; micha nan isht nukshobli yoka i nukshopvt isht hvch ik komunto kashke;

15. Amba Chitokaka Chihowa yak o i nukshopvt hvchi chukvsh isht hvsh holitoblashke; micha ai okchaya pisa la he ai ahnit hvchi anukfoyuka a kaniohmi ka hvchi pono-haklo puta ka anukfila akanlosit, holitoblit anumpa falama ka hvsh ima chi kvv hvch im vlhtaha kak banashke.

16. Isht il akostininichi achukma hq hvsh ieshashke: yvmohmi hq nana ik achukmo yvmihchi chohmichit nana ik achukmo isht hvchi anumpohonli kvv, Klaist a anukfoykvt nana achukma hvsh yvmohmi ka, anumpa ahli keyu hvchi onochi tuk vhleha hvv isht a hofahyashke.

17. Yohmi ka Chihowa hak osh ik yohmi ai ahni hokma, nana achukma hq yvmohmi cha, isht ilbvsha kak osh achukma kvv, nana ik achukmo hq yvmohmit isht ilbvsha ka, i shahli hoke.

18. Yohmi ka Klaist ak kia himonna ma nan ai ashvchika pulla kak o ai vlhpesa yvt ik ai vlhpeso yak o vlhtobvt isht ilbvsha tok; yohmi hosh pi pehliechit Chihowa ya isht pim ona chi ha tok: haknip okvto illi ha tok kia, amba shilombish okvto okchaya tok:

19. Yvmmak ash o shilombish yuka vhleha ai asha ka ivt ont isht im anumpohonli ak inli tok:

20. Yvmmak okvt nitak tikba ma peni yokvt toba itin takla Noah okvt ahanta nitak yvmmak ash fehna kvno, Chihowa hv i nukhaglot isht i nukkilli onochi svlaha hosh ahanta ma, im antia he keyu ki tok; peni yvmmak ash o kanimosi yvmmvt shilombish untuchina hosh oka ya isht a hlakofi tok.

21. Yvmmak ash o chiyuhmi hosh himonasi ak kia baptismo yvt, yvmmak osh haknip liteha yoka isht kanchi keyu, amba Chihowa itikba isht il akostininchi achukma ai yvmohma he il apihsvt, Chisvs Klaist illi tok kia falamvt tani tok pulla kak o yvmohmi kak osh pi okchalinch i ak inli hoke.

22. Yvmmak okvt vba yakni yoka ona tuk osh, Chihowa im isht im pakimma yak o binili hoke; yvmmak oka enchil, micha miko, micha nan vlhtoka puta kv i nutvt im antia he ya tok.

CHAPTA IV.

Nana moma kv ont ai vha chi kv olanlosi vla hoka, Klaist iakaiya pullvt nanaashvchi issvt ai i filvmmi itanowa he i miha, 1; 12 nan i palvmmi puta ka hopohlvi.

1. YUMOHI ka Klaist vt hvchishno yak atuk pulla kak o haknip a isht ilbahasha tok a, chiyuhmit hvchishno yak kia im anukfila hatok chiyuhmi ka hvsh il ataiyahli mak inlashke: yohmi ka haknip a isht ilbahasha tok vt nan ai ashvchi ya issvt ai i filvmmi ha tok oke:

2. Yohmi kv yvmmvt haknip vt okchaya ai itin takla kv hatak haknip imma nan ahni isht ahanta he a tok keyu, amba Chihowa nan ai ahni kak a hi a tok.

3. Yohmi ka pi okchayvt il ahanta tok ash ai vhl itin takla kak kia, havi imma anukfilli, chqkvsh nan ahni, oka homi ishkot hoita, isht a haksichit tasimbot atampa, micha na holba nan isht ik ahobo puta ka isht il ahanta kv, vbanumpa ik ithano vhleha nan ai ahni hokvno il a yvmihcha hi ya ona tok oke.

4. Yvmmak oka isht ahanta hosh ilap vt nan ik achukmo puta ka isht afekommit a tasimbo atampa ka hvch ik ibafohko kak o okokko! ahnit, isht im anukfila hosh nan ik achukmo kia isht hvchi anumpohonli hoke.

5. Yvmmak okvt illi, okchaya aiena ka nan im apesa he im vltaiyaha yak o ilap nana a kaniohmi tuk vt il im ai anola hi oke.

6. Yohmi ka ilypak a he mak o illi tok vhleha yvmmak kia vbanumpa hv isht im anuhumpa ak inli tok; yohmi ma hatak haknip imma nan ahni yokvt nana ka im apihisa kia, Shilombish Holitopa yak osh apelahanchi hq Chihowa ya holitobla hi a tok.

7. Amba nan oklgha kv ont ai vha chi kv atukonofshke; yvmohmi hoka nana ka hvsh ile oktambli cha, ahah! ahnit, anumpa ilbvsha hvsh anumpohonlashke.

8. Mikmvt hvchishno inli hvsh iti hullo ai ahli fehna hosh nan oklgha ka hvchim i shahli hosh hvsh ieshashke: yohmi ka it i hullo yak osh nan ai ashvchika lgwa kia ompohoma hi oke.

9. Ik im vhpesot anumpuli iksho hosh it i kanvt hvsh it apelvchashke.

10. Hatak puta kv isht i kana hvlbina ishi ha tok mvt, yvmmak ash inli hq isht iti apihinla kv, Chihowa isht i kana ilaiyuka nan im apesvchi achukma yak o chiyuhmashke.

11. Hatak kanima hosh anumpuli hokmvt, Chihowa im anumpa hv avvchi kak o anumpulashke; hatak kanima hosh vbanumpuli ilbvsha ya nan isht im ahanta hokmvt, Chihowa hv kanimihchit hlampkochi kak o isht ahantashke: yohmi na Chihowa hv Chisvs Klaist ak atuk pulla kak o nan oklgha ka isht a holitopashke, yvmmak o isht a holitopa, mikot ahantvt bilia yvt immit biliashke. Amen.

12. A holitopa vñleha ma! isht hvchi imomaka pisa chi luak nan isht imomaka pisa imma hokvno, okokko! ai ahnit, nana ilapissa fehna kaniohmi hosh a hvchi yomohmi ka ik hvchim ahobo kashke.

13. Amba Klaist vt ilbvsha puta tok a chiyuhmit hvsh ibai ilbvsha ak inli hokvt, hvchi yukpashke: yohmi kv ilap isht a holitopa hokvt otaiyanikma, hvchishno yak kia nan isht il ai yukpa chinto hq isht a hvchi yukpa mak a hiala hoke.

14. Klaist hoehifo ak atuk pulla kak o isht ik hvchi ahobalo hokma, hvchi yukpa hoke; yohmi kv isht a holitopa Shilombish, micha Chihowa imi Shilombish vt hvchi onvtuyula hoke; yummvto Klaist a isht ik ahobalot isht anumpohonlikma, amba hvchishno yokvto hvsh holitobli hoke.

15. Yohmi kia hvsh kanimi kv hatak bika vbi, na hukopa, nan ik achukmo yvmihchi, micha hatak inla nan im a kaniohmi ka ataklvmmi aiena hokvno chiyuhmit ik hvch ilbvsho kashke.

16. Amba hatak kanima kv vbanumpuli yo chiyuhmit ilbahasha hokmvt, ik hofahyo kashke: amba iluppa yakohmi hokvt Chihowa yak o holitoblashke.

17. Yohmi ka Chihowa im aboha yak o nan vlhpisa yvt ai onvtulvt isht ia chi pulla ka nitak vt vla hoka; yohmi ka pishno ak o tikba ai isht ia hokma, Chihowa im vbanumpa ik im antio vñleha ont im ai vñli kv katiohma hi o?

18. Mich a vlhpiesa yokvt palvmmi hq okchaya hokma, Chihowa ik holitoblo, micha nan ashvchi aiena kvto katima ko ai otaiyana hi oh cho?

19. Yvmohmi hoka Chihowa nana ai ahni hq im antia kv ilbahasha vñleha hokvto, nana achukma hq ai yvmohmit nana Ihikbi ai ghli yoka ai ahnit, ilap shilombish a iesha chi hq, im ihisashke.

CHAPTER V.

Chukvñhpoba ushi a achukmvt vbanumpeshi vta yvt ipihinta chi ka i miha, 1; mihmvt itibapishi himithoa yvt nan im antia he, mikmvt moma kv il oktamblit yichinut Setan a i sanala he i miha.

1. **ŬBANUMPULI** iksa apesvchi vhleha hvch itin takla aiasha ka nana atohnochi li kv̄t, vno ak kia vbanumpuli iksa ibai apesvchi, micha Klaist vt ilbahasha tok puta atokowa anoli, micha na holitopa kv̄t otaiyana hi oka ibai isha he ak inli sia hoke.

2. Chihowa in chukv̄lhpoba hvch itin takla ai asha ka hvsh ipihinta kv̄t, yohmi la he atuk okv̄t ik kaniohmi kia ahni keyu, amba yohmi likbano ahnit, ai v̄lhpiesa keyu isht a hofahya he nan isht ahayuchi bv̄nna keyu, amba hvchim anukfila hv̄t v̄lhtaha achukma hosh apesvchit hvsh pehlichashke.

3. Yohmi kv̄t Chihowa immi hoka i shahli chiyuhmit ahanta he keyu, amba chukv̄lhpoba ȳa nan isht im v̄lv̄tchi ya he tuk.

4. Yohmi ka chukv̄lhpoba apesvchi Miko yvt ant il otv̄ninchikma, isht a holitopa iachuka okpula himma keyu mak o hvsh isha hi oke.

5. Yv̄mmak i chiyuhmit himita hvchia hv̄t asv̄nonchi ȳa hvsh im antiashe; ghli, moyuma kv̄t hvsh it im antia cha, im anukfila akanlosi h̄o isht hvsh shemashke: yohmi ka Chihowa hokv̄t ilapunla yano i sanali cha, im anukfila akanlosi yokvno isht i kana ȳa ima chatuk oka.

6. Yvmohmi hoka Chihowa ibbak hlampko nuta ȳa hvsh im il akanlosechashke; yohmi na ont ai yvmohma he ai v̄lhpiesak ma vba hvchi wakeli mak inlashke:

7. Anukfila isht a hvchi komunta puta ka yummak o hvsh onochashke: yohmi ka yv̄mmv̄t hvchi anukfihinli hoka.

8. Ahah! ahnit, hvchi okchashke, hvchi sanali nan isht ahullo okpulo yvt kv̄na kia isht nanv̄bli bv̄nna kv̄t, hohoyot, koi chito woh̄ha chiyuhmi hosh noh̄wa hoka.

9. Yv̄mmak oka na yimma kullo ai ghli hosh hvsh i sanalashke: hvsh itibapishi vhleha yakni ilv̄ppa ai asha hokv̄t, na palv̄mmi yv̄mmak o chiyuhmi puta ka pihisa ha tok oka, hvsh ithaiyanashke.

10. Amba Chihowa isht i kana chinto yv̄mmak osh Chisvs Klaist ha tok pulla mak o ilap isht aholitopa bilia yoka il esha he mak o pi atokoli tok vt, yakosi itin takla hvsh

ilbahasha ha yak o, ai ghlichit kvloochit hilechit, hlampko-honchit, chpkvsh fitkvchi iksho hq hvchi anukfokihin-chashke.

11. Yvmmak o isht a holitopvt, mjkot bilia yvt immit biliashke. Amen.

12. Silfanvs hvsh itibapishi ai ghli ahni li ha tuk osh, anumpa kanomosi ka holissochit ima li hq, isht hvchim ia tok; yohmi kvv nana hvchi miha li kvv, hvsh a hikia yvm-mak osh Chihowa hvv isht i kana ai ghli mak o, atokolit hv-chim anoli lishke.

13. Ubanumpuli ikxa Babulon hikia kvv, hvch ibai vlhtoka ha tok vt hvchi aiokpvchishke; mikma svso Makvs vt yoh-mi ak inli.

14. It i hullo it i suksowa isht hvsh it aiokpvchashke. Klaist ibai achvfa hvsh moyuma ka isht it i nanaiya kvv hvchi anukfoyakashke. Amen.

II. P I T A

I HOLISSO ATUKLA HOKE.

CHAPTER I.

Nan isht il aiyukpa chinto nan hq vbanumpuli vt isha chi hosh vltoka ka anoli, 1; 5 nan ai vthpiesa a yvmihcha he moma ka yvmihchi, yohmi pulla hosh ai okchaya pisa chi kvv ai ghlichia chi i miha: 14 ilap vt illa chi nitak vt ai vlg hosi ka anoli; mihmet Klaist i yimmit akvllot hiela hi a i miha.

1. SAIMON Pita, Chisvs Klaist im apostel, micha in tishu hokvt pin Chihowa, micha pi Okchalinchi, Chisvs Klaist vt nan aivthpiesa yvmohmi tok pulla mak o, na yimmi pi holitopa itilau ka ahayuchi tok vhleha yvmmak o pit aiokpuchi kvv,

2. Chihowa, micha Chisvs pin Chitokaka hvsh ithaiyana kak osh nan isht i kana, micha isht it i nanaiya aiena kvv hvchin lauashke;

3. Yohmi kvv ilap ai ghli kak osh nan okluha isht ai okchaya, micha Chihowa isht holitobli imma aiena ka pihima kvv, ilap ithvna kak osh nan ashvchi ik pim iksho hosh isht a holitopa ya e pihisa he mak o, pi atokoli tok:

4. Yvmmak o nana holitopa, micha achukma chinto puta ka isht a pihima; yohmi kvv ilvppak atuk pulla kak o nan okpulo chukvsh nan ai ahni yatuk pulla kak o yakni ilvppa ai asha ka hvsh i filvmmi hosh, Chihowa im anukfila ha hvsh ibai isha chi ha tok.

5. Michi ilvppa atuk pulla kak o achunanchi fehna hosh na hvchi yimmi ya nan vthpesali ya isht hvsh otvnnin-

chashke: micha nan vlhpesali ya nan ithana ya isht hvsh otvninchashke.

6. Michā nan ithana ya ile oktampli ya isht hvsh otvninchashke: micha ile oktampli ya nuktaiyalt achunanchi ya isht hvsh otvninchashke; micha nuktaiyalt achunanchi ya Chihowa isht holitobli ya isht hvsh otvninchashke.

7. Michā Chihowa isht holitobli ya itibapishi vbanumpuli it i hullo ya isht hvsh otvninchashke; micha itibapishi vbanumpuli it i hullo ya hatak moma i kana ya aieninchit isht hvsh otvninchashke.

8. Yohmi ka nana ilvppa puta kv̄t hv̄chi anukfoyyka kv̄t isht i shahlit lauv̄t ia hokmv̄t, pin Chitokaka Chisvs Klaist hv̄sh ithaiyana kv̄t, in takobit hv̄ch ik vno ka hi o hv̄ch ikbi keyu hoke.

9. Amba nana ilvppa puta ka ik im iiksho hokmv̄to, nishkin tamoa hosh mishema pit pisa he keyu, micha tikba ilap nan ai ashv̄chika yvt i kashofa ha tok vt imi haksi hoke.

10. Yvmohmi hoka na hv̄chi vlhtoka, micha na hv̄chim annoa aiena kv̄t hv̄chim ai ahla chi kv̄t ai yiminta hosh hv̄sh achunanchashke: yohmi ka nana ilvppak o hv̄sh yimihchi hokmv̄to, chi tula himma keyu hoke:

11. Hv̄sh yakohmi hok mak o pin Chitokaka, micha pi Okchalinchi Chisvs Klaist apehliechi ka bilia ya im vltaha achukma hosh ik chv̄kowá, hv̄chim ai ahni fehna hi oke.

12. Yvmohmi hoka nana ilvppa puta ka hv̄sh ithaiyana, micha vbanumpa hv̄chi yimmi kv̄t kv̄llot hv̄sh a hikia ak inli kia, hv̄sh ithaiyana chi ka himonna hv̄chi anukfohkihinchī li kv̄t an takoba he keyu hoke.

13. Ahli, vlhtipo ilvppa anukaka ahanta li takla kv̄t, hv̄sh ithaiyana chi kak o hv̄chi anukfokihinchit hv̄chi okchvli li kv̄t ilvppvt ai vlhpiesa, ahni lishke.

14. Chekosikma vm vlhtipo ilvppa mokofit boyubli la chi pulla ithaiyana li kv̄t, pin Chitokaka Chisvs Klaist ak kia vm otvninchi akinli ha tok ak oke.

15. Yvmohmi hoka a sv̄lli ha kia, nana ilvppa puta ka hv̄sh ithaiyana bieka hi ak o hv̄chim ai ahni li kv̄t achunanchi la hi oke.

16. Pin Chitokaka Ohisvs Klaist vt vla tok, micha nan im ai ghli tok aiena ka e hvchim anohonli mvt, anumpa nan isht ik ahobo nan isht haksicha he nana hq il iakaiya ha tok keyu, amba ilap isht a chinto ka nishkin isht ai atokoli pia ha tok.

17. Yohmi ka, Ilppak osh Suso a holitopa yoke, yummak o nan isht vm vhlpiessa hoke, ahanchi anumpa yosh Holitopa chinto ka a minti hosh im vla kak osh isht a holitopa, micha isht annoa achukma ka Iki Chihowa yak o im ai eshi tok.

18. Mihma itvpehvt nvnih paknaka holitopa yak o e hiehi hq, anumpa ilvppvt vba yak o minti hosh vla hq e haiyaklo tok.

19. Hopaii im anumpa hak osh isht ai atokowa i shahli hvt pin tonla ak inlishke : yummak oka pula hosh ai okhliika yo hikia chiyuhmi hq hvsh anukfihinli na onnvt taha, micha onnahnli fochik vt hvchi chukvsh a kohcha hi okvt hvchim vhlpiessa hoke.

20. Hopaii im anumpa hvt ilap im anukfila ha tok keyu ka tikba ilvppa hvsh ithanashke.

21. Yohmi ka hatak nana ai ahni hq nitak tikba kash hopaii im anumpa hvt vla tok keyu, amba hatak holitopa yosh Chihowa nana ai ahni pulla hq Shilombish Holitopa yak osh nukfokihinchhi hq anumpohonli tok.

CHAPTA II.

Vbanumpa ithvnanchi ik ai ghlo vt wakaya he, atuk kia yummak ashot im antia pit a moma ka Chihowa yvt okpvnit taha he; amba hopoyuksa vhleha hokvno okchalinchha he tikbanli anoli, 1; 10 nan ithvnanchi ik vhlpeso ilvppak ash achukmvt anoli.

1. YOHMI kia hopaii ai ghli keyu vhleha hvt okla ai itin takla ya ai asha ak inli beka tok a, anonti nan ithvnanchi ai ghli keyu kvv hvch itin takla ai asha he ak inli; yummak okvt isht okpula he ai ghli isht anumpa keyu puta ka lumvt isht hvch iba chukowa mvt, ilap a chumpa tok, Chitokaka

kanchi hosh isht ai okpulo ya tushpa fehnvt isht il onocha hi oke.

2. Mikma lawa kut yummvt nan isht ai okpuloka he ai yvmohmi puta ka hobacha he; yummvt yvmohmi kak o hina ai ahli yvt nan isht ik ahobot isht anumpa hi oke.

3. Micha yummvt nan ahayuchi bnna kak osh isht haksichi anumpa ho nan isht itatoba yo isht hvch ikba hi oke; yvma nan isht im vlpisa tok a hopaki kia svlaha he keyu, micha yvma isht ilbvsha hi vt nosilhha keyu hoke.

4. Yohmi ka Chihowa yvt enchil vhleha hv nan ashvchi ma ik il atombo hosh, amba ai okhlilika teli itatavli isht takchi cha, ai okpuloka ya pit ashachi kut yvma ai asha na nan vlpisa hi vt ai ona hi a tokma;

5. Micha yakni vmmona ka ila tomba tok keyu, Chihowa holitobla he keyu vhleha yakni paknaka ai asha tuk ash oka falama yo isht onochi tok: yohmi kia Noah hatak isht untuchina nan ai vlpiesa isht anumpohonli yano okchalinchi tok.

6. Chihowa ik holitoblo himak a pilla ai asha he ak osh isht im vlvcha hi o ihikbi hosh, tmaha hochito Sotom micha Komola ita tuklo ka hushmit hituk chubbi banochi kut, okpulo ai ahli mak o im apihisa tok.

7. Mihmt hatak achukma Lot okvt, hatak haksi nan a kaniohmi liteha ya isht nukhaklot ik im achukmot ahanta tuk a, a hlakofichi tok.

8. Yohmi ka hatak ai vlpiesa yvnmvt yvama ai itintakla ahantvt, nana ka pihisa, micha bahaklot, nan ai vlpiesa keyu ai yvmohmi kak o onna hosh onnakma chukvsh vt isht a hotoyupa tok:

9. Chitokaka yokvt Chihowa i hullo yokvno isht imomaka pisa ya kanimihchit akohchi kut ithana; micha ai vlpiesa ka yvmihinja he keyu yokvno kanimihchit ishi na nan im vlpisvt isht ilbvsha chi nitak vt ai ona hi oka ithana hoke:

10. Micha haknip isht ai yakpa anuksitia hosh chukvsh nan ai ahni kak bano iakaya, micha nan vlpisa yo ik holitoblo aiena kak fehna ho kak heno i yvmihcha hi oke.

Ilapunla, ilap nan ai ahni kak bano, nan vlhtoka puta ka nan isht ik ahobalot anumpuli kv̄t ik nukshoposhke.

11. Yohmi kia enchil v̄hleha hokv̄to isht ai ahli, micha isht hlampko aiena kv̄t yv̄mma i shahli fehna kia, Chitokaka itikba ȳa isht ik ahobalo anumpa kia yv̄mma ai onochi keyu hoke.

12. Amba ilv̄ppv̄to nampoa nan ithana keyu ilap nan ahni bano hosh itv̄nowa ka, ishit okp̄na hi o toba tok chiyuhmit nana ka akostininchi keyu kv̄t, isht ik ahobalot anumpulishke; yohmi kv̄t ilap im anukfila okpulo nan isht ai yvmohmi kak osh isht ai okpulot kv̄nia ch̄i hoke:

13. Micha yv̄mmv̄to nitak kia nan im̄pv̄t, nan ishkot isht a havi kv̄t nan isht ilaiyukpa ȳo im ahobv̄t ai asha kia, nan ai vlhpiesa keyu ai yvmohmi isht vlhtoba ka isha ch̄i hoke: yv̄mmv̄t na liteha okpulo, na hofahyali yosh yv̄mmv̄t huch ibai impa itin takla kv̄t na haksichi kak osh nan isht ilaiyukpa hoke:

14. Yohmi kv̄t nishkin mv̄t isht a havi yak osh alotowa, micha nan ashv̄chi kv̄t issa keyu hosh, hatak im anukfila fitikv̄chi ȳa haksihinchi hoke; micha nan ahayuchi bv̄nna atampa isht ai yvmohmi puta ka ch̄ykv̄sh isht a tokshanli hosh, isht ai ilbv̄shv̄t onvtula he vlhpiesa villa v̄hleha hoke.

15. Yv̄mmak okv̄t hina ai vlhpiesa issa cha, yoshubv̄t kv̄nia hosh Boso ushi, Belam, yv̄mmv̄t nan ai vlhpiesa keyu isht vlhtoba yak o anuksitia hosh nan a kaniohmi tok ak o iakaiya hoke:

16. Yohmi kia Belam ash ot nan ai vlhpiesa keyu yvmohmi kv̄t ik vlhpieso ka im otv̄ninchi kv̄t, issuba haksobish falaia anumpula he keyu kia, hatak im anumpa ho anumpuli hosh, hopai im anukfila tasimbo yash im olv̄bi tok.

17. Ilv̄ppv̄t kv̄li oka iksho puta, micha hoshonti ha apeli vt isht aya mak oke: yv̄mmak okv̄no okhlili chinto yak osh immit bilia hi osh takali hoke.

18. Yohmi ka yv̄mmak okv̄t nan isht ik ahobo isht anumpa ilauatv̄t anumpohonlikmv̄t, hknip imma nan ahni, micha havi anukfilli isht alotowa kak osh nan ashv̄chi aiaha

yumma yakosi itin takla hō ai i filummi tok ash yummak o haksihinchī hoke.

19. Ilap ai ahni hosh nana ka yummvt yvmohma he im ihisa ak inli kia, ilap ak okvto nan ai ashvchi yak o chukvsh okpulo ai yvmohmi yak o i yuka vhleha hoke: yohmi ka kvna hosh hatak a imaiyachi hokma, yummak ash inli hō i yuka toba chatuk oka.

20. Yohmi ka pin Chitokaka, micha pi Okchalinchi Chisvs Klaist oka ithaiyana kak osh yakni ilvppak inli isht a liteha puta ka ai i filummi ha ya tuk osh, anonti yummak ash inli hō isht ai apakfovt isht ai imaiya hokmvt, yummvt ont im ai ishtaiyopi kvt ik achukmo kvt im ai ishtia vmmona tuk ash i shahli hoke.

21. Yohmi ka yummak okvt nan ai vlhpiesa hina ya ik ithano hatuk mak osh im achukma kvt yumma ithana cha, anumpa vlhpisa holitopa yvt im anohowa ha ya tuk osh i filummi kvt, im i shahla he atuk oka.

22. Yohmi kia yummak okvt nan isht vlhpisa ai ahli hō ai yvmohmishke; yohmi ka, Ofi yvt hoita kash osh falaminchit vpvshke; mikma, Shukha tek vt vlhchifa kash osh, falamvt lukchuk a oka tonolishke, achishke.

CHAPTA III.

Nan vlhpisa chinta he nitak a Klaist vt vla pulla hi a ahlichit im anoli 1, 10 kaniohmit yakni, micha vba pit a moyuma kvt ont ai okpulo ka he anoli; 14 nan ai okpula hi pit anukfoyyukt anumpuli mvt nan ashvchi ikshot holitovt itanowa chi ka i miha.

1. A HOLITOPA vhleha ma! ilvppvt holisso atukla mak o himonasi ka pit hvchi holissohonchi li kv, ita tuklo ka nana ka isht hvsh ithaiyana chi hō hvchim anukfila toh-wikeli tok a isht okchvli lishke.

2. Yohmi na hopaii vhleha hokvt tikba kash anumpa puta isht anumpohonli tok; micha Chitokaka, micha Okchalinchi im anumpeshi pia hv nana e hvchim apihisa tok aiena ka isht hvsh ithaiyana chi hatuk;

3. Ilvppa tikba hvsh ithana, yohmi ka ishit yopula anum-

puli, micha chukvsh nan ahni iakaiya puta kv̄t ont ai ishtai-yopi nitak puta ka vla hi oke;

4. Mikmvt, Yvmmvt vla he anumpohonli tok muto kati-mak o? hatak tikba vhleha hv̄t nusi tok takla ha ya, nan okluha hokvto tikba vmmona tok ash̄ osh imomvt mahaya hoka, ahancha hi oke.

5. Yohmi ka ilvppa ithvna ik bvnno hokvt, hopaki pilla kash vba yakni okvt Chihowa im anumpa hak o isht atoba tok, mihma yakni ilvppvt oka akohcha cha, itin takla talsia tok:

6. Yvmmak o yakni yvmmak atuk vt oka yosh isht om-poholmot kvnia h̄o, isht ai okpulot kvnia tok.

7. Amba vba shutik, micha yakni ilvppa ita tuklo hokvno Chihowa im anumpa yvmmak ash̄ inli hosh Chihowa ik holi-toblo hatuk puta kv̄t ai okpulot kvnia ch̄i nan vlpisa ni-tak mak o lua he ai ahni hosh achukmalit ieshi hoke.

8. Amba a holitopa vhleha ma! nana achvfa ilvppa hv̄ch ik ithano ki ná, yohmi kv̄t nitak achvfa kv̄t Chitokaka yo-kvno afvmmi tahlepa sipokni achvfa ka im itilau; micha afvmmi tahlepa sipokni kv̄t nitak achvfa ka im itilau hoke.

9. Chitokaka yokvt nana ka im ih̄isa tok vt, a svlaha ha-tak kaniohmi kv̄t ahni kia, svlaha keyu hoke; amba p̄i nuk-haklo hosh p̄i svlaha kv̄t, achvfona kia okpunlot ik kvnio hosh, amba moyuma kv̄t ile kostininha he, im ai ahni hoke.

10. Yohmi kia Chitokaka i nitak okvt, ninak anykaka yo na hukopa yvt aya chatuk mak o, chiyuhmit vla hi oke; yvmohmikma shutik moma kv̄t nan ola chinto h̄o isht ai okpulot ont ai iksho ka he, mikma fochik moma kv̄t luak lvshpa fehna h̄o isht a hv̄t bihinlakma, yakni, micha nan okluha ai vlhtaiyaha puta tuk vt hv̄t taiyaha hi oke.

11. Yvmohmi ka nan okluha ilvppvt ont ai vhlit kvnia oh̄i hoka, hatak kaniohmi hosh nana a kaniohmi puta ka nan ai ashvchi iksho hosh Chihowa holitoblit hv̄sh ai asha hi atuk o?

12. Michā Chihowa i nitak vt v̄lakma, vba shutik moma kv̄t lua hatuk osh ont ai vhlit kvniakma, fochik moyuma kv̄t

luak lvshpa fehna hō isht a luvt bihinla he, yvmmak o ho-
hoyot tushpvt hvsh mahaya hokvt.

13. Yohmi kia pishno yokvto nana ka pim ihisa tok pulla
kak o, vba shutik himona, micha yakni himona ita tuklo nan
ai vlpiesa ai ahanta yvmmak o e hohoyo hoke.

14. Yvmohmi ka a holitopa vhleha ma! nana ilvppa chi-
yuhmi puta hō hvsh hohoyo hokvt, anumpa isht ai onvtula
he, micha na liteha aiena ik hvchim iksho hosh hvsh i na-
naiya hō, hvsh im otaiyana hi vt hvsh achunanchashke.

15. Mikmvt pin Chitokaka yvt ilbvshala chi kvt svlaha
kvt isht pi ai okchaya he atuk, il ai ahnashke; ilvppa chi-
yuhmi il itibapishi Pal ak kia isht a hopoyuksa ya anukfoki-
hinchī hō hvchi holissohonchi tok:

16. Yohmi kvt holisso ihikbi puta kvt nana ilvppa moma
ka isht anumpohonli ak inli hatok okvt; yvmmak oka nana
kaniohmi kvt akostininchi kullo kvt ai asha, yvmmak oka nan
ik ithano, micha anukfila apissali iksho aiena hokvto ilap isht
ai okpula chi kvt anumpa holitopa inla ka yvmihinchī hatuk
ash osh, chohmichit shanaiyvchi hoke.

17. Yvmohmi ka a holitopa hvchia ma! tikba nana ilvppa
puta ka hvsh ithana hatuk okvt abah! hvchik ai ahnokmvt,
hatak nan vlpiesa ik holitoblo isht ai yoshuba ya isht ai
yoshubvt isht a hvchi yimmi kullo kash i filvmmi chi
tula ná.

18. Amba isht i kana hvchi anukfokvt hvsh yvmohmi kvt
i shahlichit mahayvt, pin Chitokaka pi Okchalinchī Chiasvs
Klaist a hvsh ithaiyana kvt i shahlichit hvsh mahayasbke.
Yvmmak oka isht a holitopa yokvt, himonasi, micha himak
a pilla ka immit biliashke. Amen.

C H A N

I HOLISSO VMMONA HOKE.

CHAPTER I.

Klaist a isht anumpuli, mihmvt yvmma anonti Iki itatuklo ka ibachv-
fvt nan im anukfila he miha, 1; 5 nan ib achvfa ilvppa yakohmi
kvt nan isht il aiyukpa hokmvt, atohwekinli ka il ai itanowa he;
9 mikmvt na pim ai aashvchika puta ka il il anohonlikma, pi ka-
shofa hinla.

1. **A**i okchaya anumpa yvmmak osh vmmona ka ahanta
tok mak o e hahaklot, pi nishkin a isht e pihisvt, il o hopo-
kohoyo tok, micha pibbak vt pvshohonli tok mih mak oke.

2. Ai okchaya yvmmvt haiaka na e pihisa tuk osh atoko-
wa anolit, Ai okchaya bilia yvmmvt Iki a takla ahanta cha-
tuk mak osh, ant pi haiaka tok a e hvchim anoli hoke.

3. Hvchishno mvt hvsh pibai achvfa he mak o, nana ka
e pihisa tuk, micha e hahaklo tuk aiena kvt e hvchim anoli
hoke: yohmi kvt pishno vt Iki, micha Ushi Chisvs Klaist
aiena kak o il ibai achvfa mthli hoke.

4. Mikmvt nana a hvchi yukpvt alotowa he mak o, ya-
kohmi ka pit e hvchi holissochishke.

5. Yohmi ka Chihowa yvt tohwikelika, micha yvmma
okhlilika yvt atakali iksho kvmohmi aiena ilvppak o anumpa
yvmma il ai i haponaklo tuk mak osh e hvchim anolishke.

6. Yvmmak oka pit il ibai achvfa, il achi hosh, anonti ai
okhlilika yo il itvnova hokmvt, e holabi; micha nan ai ghli-
ka mvno a pi yvmohmi keyu hoke.

7. Amba yvmmak okvt atohwikelika yo anta hoka, pish-
no vt atohwikelika yo il itvnova hokmvt, iloh it ibai achvfa.

Yohmikma Ushi Chisvs Klaist im issish vt nan ai ashvchika ya mominchit a hvpi kashofi hoke.

8. Nan ai ashvchika yvt ik pim iksho, il achi hokmvt, peh il ile haksichi: micha nan ai ghlika yvt pi anukfoyuka keyu mak oke.

9. Na pim ai ashvchika ya il il im anohonli hokma, yvm-mak okvt ai ghli achukmvt, ai vlhpiesa hatuk osh na pim ai ashvchika ya pi kanvllichi; micha nan ik ai vlhpeso ka mominchit pi kashofa hinla hoke.

10. Nana il ai ashvchika chatuk keyu, il achi hokmvt, yvmmak oka holabi il ikbi; mikma im anumpa hvt pi anukfoyuka keyu mak oke.

CHAPTER II.

Klaist vt pi a pelvt isht pi anumpuli, 1; 3 ai ahlit Chihowa ya ithana hokvto im anumpa vlhpisa ya holitobli hoke. 9 Pitibapishi ha il oh i hullashke; 15 yohmikmvt yakni imma hokvno keyu kashke; 18 na yoshubli a ahah! il im ahnashke.

1. **U**M vlla chipunta vhleha ma! hvch ik ashvcho ka chi mak o, ilvppa puta ka pit hvchi holissochi lishke. Micha hatak nana hosh ashvchi hokma, isht anumpuli vt Chisvs Klaist achukma yvt Iki a itikba pim anta hoke.

2. Yvmmak osh na pim ai ashvchika ya, vlhtoba kvv pish-no pimmi hak bano keyu, amba yakni moma nan ashvchi aiena ka oklha vlhtoba mak oke.

3. Micha im anumpa vlhpisa yak o e holitobli hok mak osh, yvma il ithaiyana ho mvhli kvv isht il akostininchi hoke.

4. Kvna hosh yvma ithana li, achi hosh, anonti im anumpa vlhpisa ya holitobli keyu hokvto, holabi; micha nan ai ghlika yvt anukfoyuka keyu mak oke.

5. Amba kvna hosh yvma im anumpa ha holitobli hokvto, mihi yosh Chihowa ya i hullo ai ghli fehna hoke. Ilvppak o yvma il ibai achvfa kvv isht il akostininchi hoke.

6. Kvna hosh yvmmak oka ai iba foyuka, miha hokvto, ilap mak kia, yvmvvt kaniohmit aya tok mak o, a chohmit aya he tuk oke.

7. Itibapishi li vhleha ma! anumpa vhlpisa himona nana ho pit hvchi holissochi li keyu; amba anumpa vhlpisa sipokni vmmona kash inli ho hvchin tonkt isht auehinchu tok ash oke. Anumpa vhlpisa sipokni vt anumpa vmmona kash inli ho haklot isht hvsh auehinchu tok ak oke.

8. Ai okhlilika yvto ant ia ma, himak okvno tohwikeli ghli mak osh tommy hoka, anonti anumpa vhlpisa himona, yvmmak okvt ilapo, micha hvchishno aiena hokvno ghli mak o pit hvchi holissochi lishke.

9. Kvna hosh atohwikelika yo anta li, achi cha, itibapishi ha i nukkilli kv, himonasi ak kia ai okhlilika yo aya moma hoke.

10. Kvna hosh itibapishi ha i hullo hokvto, mihi yosh atohwikelika yo ahanta; yohmi cha kaniohmit ai ibetvbla hi vt ik im iksho mak oke.

11. Amba kvna hosh itibapishi ha i nukkilli hokvto, ai okhlilika yo ahanta cha, ai okhlilika yo nohwwa; yohmi ma okhlilika kv nishkin a tvmvoli hatuk o, kanima yo ia kv ithana keyu hoke.

12. Ulla chipunta hvchia ma! yvmma hohohifo pulla ho na hvchim ai ashvchika yvt isht a hvchi kashofa hatuk oka, pit hvchi holissochi lishke.

13. Iki hvchia ma! vmmona makinli ho ahanta tok yvm-mak ash hvsh ithaiyana hatuk oka, pit hvchi holissochi lishke. Hatak himita hvchia ma! nan okpulo atukma hvsh imaiyachi hatuk oka, pit hvchi holissochi lishke. Ulla chipunta hvchia ma! Iki a hvsh ithaiyana hatuk oka, pit hvchi holissochi lishke.

14. Iki hvchia ma! vmmona makinli ho ahanta tok yvm-mak ash hvsh ithaiyana hatuk oka, pit hvchi holissochi li tuk oke. Hatak himita hvchia ma! hvsh hlampko, yohmi ma Chihowa, im anumpa hv a hvchi anukfoyuka, micha nan okpulo atukma hvsh imaiyachi aiena hatuk oka, pit hvchi holissochi li tuk oke.

15. Yakni a, micha nana kv yakni paknaka gsha ka hvch ik i hullo kashke. Hatak nana hosh yakni a i hullo hokma, Iki i hullo kv yvmma anukfoyuka keyu hoke.

16. Yakni gsha kvto moma, haknip nan isht anushkunna, micha nishkin nan isht anushkunna, mikmvt yakni pakna nan ai isht ilefehntchi aiena kv Iki ak o a minti ho keyu; amba yakni ak o a minti hoke.

17. Micha yakni vt, mikmvt nan ai isht anushkunna aiena hokvto, ant ayvt kvnihiya hoke; amba Chihowa nan ai-ahni yak o a yvmohmi hosh ahanta hokvto, antvt bilia hoke.

18. Ulla chipunta ma! ai ishtaiyopi mak oke: yohmi ka Klaist im asanali vt aya hi oka, hvsh haklo tok mak o, himonasi ak kia Klaist im asanali vt lauvt aiasha; yohmi ho ont ai ishtaiyopi ka isht il akostininchishke.

19. Yvmmak ash ot a pi filvmmit kocha wiha tok; yohmi kia yvmmtv a hvpihai achvfa tok o keyu hoke; yvmmtv pishno ak o a hvpihai achvfa tok okmvt, a hvpihai afoka na bilia he tuk pulla chishke: amba yvmmtv moma kak osh a hvpihai achvfa ho keyu hatuk vt otvna chi kak osh a hvpi filvmmit kocha wiha tok oke.

20. Amba hvchishno yokvto Shilombish Holitopa ak o hvsh im ai ahama tuk osh nan okluha ka hvsh ithanvshke.

21. Nan ai ahlika ya hvch ik ithano hatuk o, pit hvchi holissochi li ho keyu, amba yvmma micha holabi hv achv-fona kia nan ai ahlika ya ahalaia keyu aiena ka hvsh ithana kak atuk oke.

22. Kvta hosh holabi yo? amba Chisvs ak osh Klaist mak atuk a keyu achi kak oke. Iki micha Ushi aiena ka i yimmi keyukmvt, yvmmak osh Klaist im asanali mak oke.

23. Kvna hosh Ushi a i yimmi keyukmvt, yvmmak osh Iki a pit ahalaia keyu mak oke; amba Ushi a i yimmi hokvto Iki a ib ahalaia ak inli hoke.

24. Yohmi hoka nana ka hvsh haklo vmmona tok yvm-mvt a hvchi anukfoyakashke. Nana ka hvsh haklo vmmona tok yvmmtv a hvchi anukfoyuka hokma, hvchishno mvt Ushi, mikmvt Iki aiena ka hvsh ai ibafoyuka hi oke.

25. Micha nana miha kv ai okchaya bilia ilvppak o pim issa tok oke.

26. Na hvchi yoshubli vhleha ha ai immvchi kv yakoh-mi kak o pit hvchi holissochi li tuk oke.

27. Amba yumma nana hvsh ai im ahama tuk amo a hvchi anukfoyuka; yohmi ka hatak osh nana hvchim abvcha he hvsh ahni ka keyu; amba nan ahama yummak ash inli kak osh nana moma ka a hvchim abvchi kv ai ghli, holabi keyu; yohmi ka na hvchim abvchi tuk ash fehna ka yumma hvsh ai ibafoyuka hi oke.

28. Yohmi ka inta! vlla chipunta ma! yummak o hvsh ai iba foyukashke; yohmi tuk o yummak ash ot ant haia-kakma, il anukcheto cha, mihintikma itikba ma a ik pi hofahyo kashke.

29. Yummak okvt ai vlhpiesa yo hvsh akostininchi hokmvt, ai vlhpiesa ho a yvmohmi hokvto, momvt yummak o isht a toba yo hvsh akostininchishke.

CHAPTA III.

Chihowa yvt ilap ushi yo pihikbi kv pi hullo fehna, 1; 3 yvmohmi hoka i nan vlhpisa ya e holitobla he tuk; 11 il iti hulla he tuk.

1. CHIHOWA ushi vhleha hvpi hohchifa hi a Piki vt nan i hullo kv a kaniohmit hvpi i hullo tok a ho pesa: yohmi hatuk o yakni vt pishno a ik hvpi ithano; yumma ik ithano tok okvt.

2. Holitopa vhleha ma! himak okvno Chihowa ushi hvpia, yohmi kia e kaniohma hi a himonasi kano ik otano kvshvshke; amba yummak osh ant haiakakma, pishno vt yummak o e holba hi vt il ithana, yummvt kaniohmi hatuk ma e pisa hi okvt.

3. Yumma anukchieto hosh si yakohma he ahnit, yummak ash ot kashofa achukma yatuk a chiyuhmit momvt ile kashofi hoke.

4. Kvna hosh nana ashvchi kv anumpa vlhpisa ma kobvffi hoke: nan ai ashvchika yak osh anumpa vlhpisa ya kobvffi hoka.

5. Yohmi ka yummak okvt pim ai ashvchika ya isht hvpi kancha chj mak osh ant haiaka tok a hvsh ithana; micha yumma ai ashvchika nana hosh atakali keyushke.

6. Kuna hosh yumma ai iba foyuka hokvto ashahanchi chatuk keyu; kuna hosh ashahanchikmut, yumma pisa tuk keyukmut, anonti ithana tuk keyu aiena mak oke.

7. Ulla chipunta ma! hatak nana kia ik hvchi yoshublo kashke: kuna hosh nan ai vlhpiesa ya a yvmohmi hosh ahantakmut, ai vlhpiesa kv, yvmut ai vlhpiesa yatuk a, chohmi mak oke.

8. Kuna hosh ashahanchi kv Setan ak o ibai achvfa mak oke: Setan ak okv vmmona mak inli ho ashvchit isht auehinchit tok oka. Setan vt nan ai isht vta tok puta ka okpvna chi pulla kak osh Chihowa Ushi vt ant haiaka tok.

9. Kuna hosh Chihowa ak o isht a toba hokvto ashahanchi chatuk keyu: yumma i na nihi vt anukfoyuka hatuk o; micha yvmak okv Chihowa ak o isht a toba hatuk okv, ashahancha he keyu hoke.

10. Ilvppak o Chihowa im vlla vhleha, mikmut Setan im vlla vhleha aiena kv isht ai otvni hoke: kuna hosh nan ai vlhpiesa ya a yvmohmi keyu, mikmut itibapishi ha ik i hullo aiena kv, Chihowa ak o ai ibai achvfa ho keyu hoke.

11. Iloh it i hulla he anumpa ilvppak o vmmona mak inli ho hvsh hahaklo tok.

12. Nan okpulo a ai ibai achvfa cha, itibapishi ha vbi tok Ken ak okvno ke chohmo kashke. Micha nanta katiohmi ho yumma vbi tok o? Ilapo nana a kaniohmi kvto ai vlhpiesa keyu ma, itibapishi kvto ai vlhpiesa kak a tok oke.

13. Itibapishi li vhleha ma! yakni vt hvchi nukkilli hokma, ik hvchi nukhlakancho kashke.

14. Il itibapishi vhleha ha il i hullo hatuk osh, ai illika ya a kohchvt ai okchaya ya il ona kv il ithanvshke. Kuna hosh itibapishi ha i hullo keyu hokvto, ai illika yo anta hoke.

15. Kuna hosh itibapishi ha i nukkilli kv, hatak vbi yoke: yohmi ka hatak vbi nana hak osh okchayvt bilia yvt anukfoyuka keyu ka hvsh ithanvshke.

16. Pishno pulla hatuk mak o ilap im ilhfiopak a isht pi atobbi tok a ilvppa fehna ak o Chihowa vt pi hullo ka, isht

il akostininchishke: yohmi ka pishno vt il itibapishi vhleha ha pim ilhfiopak a isht il atobba he vlpesa hoke.

17. Amba kuna hosh yakni ilvppa nana isht il ai yvupa vt im asha; yohmi hosh itibapishi hv ilbvsha ho pisa kv, yvmmak ash i nukhaklo iksho; yohmikma Chihowa i hullo kvto katiohmit yvmma anukfoyuka hinka cho?

18. Um vlla chipunta ma! anumpa, micha isunlvsh aiena kak bano ho ishit kiloh it i hullo kashke; amba nan isht ahanta, micha ai ahli mak ashke.

19. Micha ilvppak o nan ai ahli ka ya il ibai achvfa kv isht il akostininchi; mikmvv pi chukvsh a nuktalanit itikba ya il asha hi oke.

20. Pi chukvsh vt isht pi atokoli hokma, Chihowa ho kak heto pi chukvsh a i shahli, micha nana moma ka ithana hoke.

21. Holitopa vhleha ma! pi chukvsh vt isht pi atokoli keyu hokmvo, Chihowa ya il ai nanaiya mak oke.

22. Micha im anumpa vlpisa ya e holitobli, mikmvv nana ka ilapvt ai ahninch i ak o a pi yvmohmi aiena hatuk osh, nana ho il asilhha kv, yvmma il ai i habena chatuk oke.

23. Yohmi kv yvmmak a hi o, anumpa vlpisa ha pima tok oka, Ushi Chisvs Klaist hoehchifo ha pi yimmi cha, it i hulla he aiena ilvppak osh im anumpa vlpisa mak oke.

24. Micha kuna hosh im anumpa vlpisa ya holitobli kv, yvmmak o ai ib achvakma, ilap mvv yvmma ai ibai achvfa hoke: micha yvmmv a pi nukfoyuka kv, yvmmv Shilombish pima tok ilvppak o isht il akostininchi hoke.

CHAPTA IV.

Nan ithonanchi moma kak o i yimma he keyu amba Chihowa im anumpa ho isht imomaka pisa hi a i miha, 1; 7 nana hosh katiohmi kak o il it i hulla hi a lauachit nan isht miha.

1. HOLITOPA vhleha ma! hopai ilahobi lavv yakni a atiapa hatuk oka, shilombish a uhvlinchit hvchi yimmi

ná; amba Chihowa yak o a minti hokma, nana tukmá, shilombish puta kash imomakachit hvsh pisashke.

2. Ilvppak o Chihowa im Shilombish a isht hvsh akostininchishke; shilombish vt, Chisus Klaist vt haknip asha hosh vla tok a atokoli hokvto, Chihowa ak o a minti bano hoke.

3. Mikma shilombish vt, Chisus Klaist vt haknip asha hosh vla tok a atokoli keyu hokvto, Chihowa ak o a minti keyu bano hoke; micha ilvppak osh shilombish Klaist i sanafi, yummvt aya hi a hvsh haklo tok a, anonti himonasi kak kia yakni paknaka ya aiasha ka mak oke.

4. Ulla chipunta ma! Chihowa ak o immi hvchia; yohmi hosh yummak ash hvsh imaiyachi tok; hvchishno a a hvchi anukfoyuka kak osh yakni paknaka ya anta kvno i shahli hatuk okvt.

5. Yummak ash ot yakni ak o ai ibai achufa; yohmi hatuk osh yakni ak o isht anumpuli ma, yakni vt i haponakloshke.

6. Pishno vt Chihowa ak o immi hvpia hoke; kvna hosh Chihowa ya ithana hokmvto, hvpi haponaklo: kvna hosh Chihowa ya immi keyu hokvto, ik hvpi haponakloshke. Ilvppak o shilombish ai ahli, mikmvvt shilombish na yoshubli aiena ka isht il akostininchishke.

7. Holitopa vhleha ma! nan i hullo vt Chihowa ak o a minti hoka, iloh it i hullashke: micha kvna hosh i hullo hokvt moyumvt Chihowa ak o isht a toba; micha Chihowa ya ithana mak oka.

8. Kvna hosh nan ik i hullokmvt, Chihowa ya ik ithano mak oke. Chihowa ak okvto nan i hullo mak oka.

9. Yummak atuk mak o pishno vt isht pi okchaya hi a Chihowa yvt Ushi achufa illa yatuk a yakni a auet kanchi tok oka, ilvppak o Chihowa yvt auet hvpi hullo ka isht ai otvni tok oke.

10. Pishno ak osh Chihowa ya il i hullo tok o keyu, amba ilap ak osh pishno a pi hullo cha, na pim ai ashvchika yvt isht vltoba hi a, Ushi a auet kanchi tok ilvppak osh nan i hullo mak oke.

11. Holitopa vhleha ma! Chihowa yvt pi hullo kvt yakohmi tok okma, pishno ak kia iloh it i hulla he vlpesa hoke.

12. Hatak achvfa kia nitak nan ash Chihowa ya pisa tok keyushke. Pishno vt iloh it i hullo hokma, Chihowa yvt hvpi anukfoyuka; yohmikma yvmma il i hullo kvt ai ghli mak oke.

13. Yvmmak okvt imi Shilombish a ai isht pima tok oka, pishno vt yvmma il ibai achvfakma, anonti ilap mvt pibai achvfa ka ilvppak o isht il ai akostininch i hoke.

14. Micha pishno vt e pihisa mak osh yakni a okchalinch i a he Iki vt Ushi a auet kanchi tok a atokowa il anohonlishke.

15. Kvna hosh Ohisvs vt Chihowa ya Ushi yoke, achi hoka, Chihowa ak osh yvmma anukfoyuka ma, anonti ilap mvt Chihowa ya anukfoyuka hoke.

16. Mikmvt pishno a Chihowa vt pi hullo ka il akostininch i, micha pi yimmi aiena tok. Chihowa vt nan i hullo hoke: yohmi ka kvna hosh nan i hullot ahanta hokvt, Chihowa ak o ai ib anukfuyukakma, anonti Chihowa mvt ilap a ai ib anukfoyuka hoke.

17. Nan vlpisa nitak fehnakma pi nukwaya iksho ka he vt ilvppak o nan il i hullo kvt isht ai ghli hoke: ilap vt kaniohmi ka, pishno mvt yvmmak inli ho chohmi hosh yakni ilvppa il gsha hokvt.

18. Nan i hullo ka nukshopa hvt iksho hoke; amba nan i hullo ghlika yvt nukshopa ha kohchit kanchi yoke; na nukshopa hvt issikkopali yoka. Kvna hosh nukshompa hokvto nan i hullo kvt ai ghli ho keyu mak oke.

19. Ilap ak osh tikba pi hullo tok oka, pishno vt yvmma il i hulloshke.

20. Hatak vt Chihowa ya i hullo li, achi hosh anonti itibapishi ha i nukkilli hokmvt, yvmmvt holabi yoke. Itibapishi ha pisa kvt ik i hullo kvto, anonti katiohmi hosh Chihowa pisa chatuk keyu kvt yvmma i hulla hinla cho?

21. Kvna hosh Chihowa ya i hullo hokvto, itibapishi ma i hullo ak inla he anumpa vlpisa ilvppa yvmmak osh pima tok oke.

CHAPTA V.

Kvna hosh Chihowa ya i hullo kv̄t i nan v̄lhpisa ma holitobli cha, yv̄mma im v̄lla puta ka i hullo hoke, 1; 7 nan atokowa yv̄t tuchina hosh v̄ba ya aiaaha; 8 mikma tuchina makinli hosh aka ya āsha; 9 Chihowa ushi Chisvs v̄t pi okchalicha hinla kv̄t im v̄lhpiesa.

1. KUNA hosh Chisvs v̄t Klaist mak atuk a yimmi hokv̄to, Chihowa ak o isht a toba mak oke; micha na toba-chi tok ash i hullo hokv̄to, moma kv̄t yv̄mma isht a toba tok puta ma i hullo ak inli hoke.

2. Chihowa ya il i hullo, micha im anumpa v̄lhpisa aiena ka e holitobli hokmvt, ilvppak o Chihowa im v̄lla v̄hleha ha il i hullo kv̄t isht il akostininchī hoke.

3. Im anumpa v̄lhpisa ya e holitobli ilvppak osh Chihowa i hullo mak oke; micha im anumpa v̄lhpisa yv̄t a palv̄mmi ka keyu hoke.

4. Kvna hosh Chihowa yak o isht a toba tuk okv̄to, yakni a imaiyachi hoke; micha yakni a nan isht imaiyachi kv̄t nana pi yimmi ka ilvppak oke.

5. Kvta hosh yakni a imaiyachi cho? amba Chisvs v̄t Chihowa ya Ushi a yimmi kak o banoshke.

6. Oka, micha issish aiena kak o isht otv̄nit aya tok v̄t Chisvs Klaist ilvppak oke: oka yak o illa keyu; amba oka, micha issish aiena tok. Mikma Shilombish ak osh ai āhli ka mak okv̄t, Shilombish ak osh atokowa ka anoli hoke.

7. Tuchina hosh nan atokoli kv̄to v̄ba ya āsha, Iki, micha Anumpa, mikmvt Shilombish Holitopa aiena kak oke; mikmvt tuchina ilvppvt achv̄fa hoke.

8. Yohmikma tuchina hosh nan atokoli kv̄t yakni a āsha, Shilombish, micha oka, mikmvt issish aienv̄shke; mikmvt tuchina ilvppvt ai it im achv̄fa hoke.

9. Hatak osh nana atokoli ka pi yimmi chatuk ma, Chihowa hosh nana atokoli ho kak heto ai i shahli fehna hoke. Chihowa yv̄t nana ai atokoli Ushi ya isht ai anohonli tok ilvppak oke.

10. Kuna hosh Chihowa Ushi ya i yimmi hokvto, nan isht atokowa kv̄t ilapo inlit anukfoiyuka hoke: kuna hosh Chihowa ya ik i yimmo hokvto, Chihowa yvt Ushi a nan isht ai atokowa ka anoli tok a, ik yimmo hokvt, ymma holabi hoke.

11. Yohmi ka Chihowa yvt ai okchayvt bilia ya pim issa tok ilvppak osh nan atokowa annoa mak oke; mikma ai okchaya ilvppvt Ushi yak o ai in takali hoke.

12. Kuna hosh Ushi vt anukfoiyuka hokvto, ai okchaya ya ishi hoke; mikma kuna hosh Chihowa Ushi yvt ik anukfoiyuko hokvto, aiokchaya yvt ik im ikshoshke.

13. Chihowa Ushi hohchifo ha yimmi vhleha hvchia hv̄t ai okchaya bilia yvt hvchin takanli kv̄t hvsh ithaiyana chi, mikmvt Chihowa Ushi hohchifo ha hvchi yimma chi aiena kak o na yakohmi ka pit hvchi holissochi li hatuk oke.

14. Nana ka ilap nan ai ahni ka ya pit ai vhpesa hō isht ai il im asilhvhchi hokma, pi haponaklo pulla ka ilvppa pi yimmi hoke.

15. Micha nana hō il im asilhha ka, pi haponaklo ka il akostininchi hokmvt, anonti nana hō il im asilhha tuk vt, il eshi kv̄t il akostininchi mak inlishke.

16. Hatak nana hosh itibapishi hv̄t nan ashvchi kv̄t isht ai illa he keyu hō isht ai ashvchika pisa hokmvt, ymmak ash ot asilhha na isht ai illa he keyu yō isht ai ashvchi tuk vhleha hash ymmvt ai okchaya ya ima hi oke. Isht ai illa he ai ashvchika yvt takanlishke; yohmi hokvno vba pit isht anumpula hi a ak mihoshke.

17. Nana ai vhpesa keyu vt aiashvchika yō banoshke; yohmi ka isht ai illa he keyu nan ai ashvchika yvt takanlishke.

18. Kuna hosh Chihowa yak o isht a toba tuk okvto, ashahanchi keyu chatuk a il ithanvshke: amba Chihowa ak o isht a toba tuk okvto achukmalit il apesahanchi chatuk; yohmikma nan okpulo ymmak ash ot ik halelo chatuk oke.

19. Micha pishno vto Chihowa yak o immi pia; mikma yakni moma kv̄to ik ai vhpeso banot talaia ka iloh ithanvshke.

20. Micha Chihowa Ushi vt vla cha, yummak osh nan ai ghli ka mak atuk ash il akostinincha chj ka, nan isht akostininchi a pi anukfoki tuk a iloh ithantvshke ; yohmi ho pishno vt yummak osh nan ai ghli ka mak atuk Ushi Chisvs Klaist a il ai ibai achvfa hoke. Ilvppak osh Chihowa ai ghli, micha ai okchayvt bilia mak oke.

21. Ulla chipunta ma! na holbut toba ya hvch ik ai ahalaio kashke. Amen.

CHAN

I HOLISSO A TUKLO HOKE.

Nan isht ai i hullo a kvllot achunancha chi ka ohoyo holitopa, im vlla aiena ka i miha, 1; 10 Klaist im vbanumpa ha isht aya keyu yvt na yoshublichy yoka yvmma hvchik ahalaio kashke.

1. **UBANUMPESHI** sipokni yokvt ohoyo vlhtoka, micha im vlla vhleha aiena ka pit ai okpvchishke, yvmmak ash o vno vt ai ghli hosh i hullo li chatuk; mikmut vno ak bano chatuk keyu; amba nan ai ghli ka akostininchi tuk okvto i hullo ak inli chatuk;

2. Nan ai ghli ka yvt a pi nukfoyuka kv a pi nukfoyukvt bilia chi pulla ho yvmohmi hoke.

3. Hvch i hullo li ai ghli mak osh Iki Chihowa, mikmut Iki a Ushi, Chitokaka Chisvs Klaist ita tuklo a mihinti nan isht i kana, mikmut ai i nukhakloka, micha nan isht it i nanaiya aiena kv hvchi anukfoyuka hi a ahni lishke.

4. Anumpa vlhpisa Piki vt pima tok mak o, chim vlla vhleha hv nan ai ghli ka mak o ai itvnova na pisa li kv, sa yukpa fehna tuk oke.

5. Yvmohmi ka ohoyo ma! anumpa vlhpisa himona nana ho pit chi holissochi li ho keyu: amba vmmona mak inli ho hvpin tonla tok ash iloh it i hulla he yak o chim ai ahni lishke.

6. Micha im anumpa vlhpisa yak o ai iakaiyvt il itvnova ilvppak osh nan i hullo mak oke. Ilvppak osh anumpa vlhpisa mak oke; vmmona mak inli ho hvsh hahaklo tok vt, yvmmak o hvsh ai itvnova he tuk oke.

7. Na yoshubli laua kv yakni a atiapa cha, Chisvs Klaist

vt haknip gsha hosh vla tok a atokowa anoli keyushke. Il-
vppak osh na yoshubli, micha Klaist i sanali aiena mak oke.

8. Hvsh il apesahanchi pulla na nana ka iloh atahli tuk
vt ik hvp i kvnio hosh, amba ai vlhtoba vlhpiesa ka iloh
ishashke.

9. Kvna hosh ashahanchi cha, Klaist im anumpa anuk-
foyukvt aya keyu hokvto, Chihowa ya pit ai ibai achvfa ho
keyu hoke. Kvna hosh Klaist im anumpa ha afoyukvt aya
hokvto, mihi yosh Iki, micha Ushi aiena ka pit ai ibai achv-
fa hoke.

10. Kanima kvv ayv hvchim vla kvv, anumpa ilvppak o
isht aya keyukma, hoyot hvchim aboha ya hvch ik chuko-
wachokmut, hvch ik ai okpacho kashke.

11. Kvna hosh yvmma ai okpvchi hokvto, nan ik vlhpeso
a yohmi ya pit ahalaia mak oke.

12. Nana ka pit chi holissochi la hi vt lauvt gsha; yoh-
mi kvv holisso tohbi, micha isht holissochi okchi aiena ho
isht a pit holissochi la he keyushke; amba nashuka bika it
atokowvt anumpulit a pi yukpa fehna chi ka, vno vt ayv
chim ona la chi, vm ahoba hoke.

13. Chitibapishi ohoyo vlhtoka ya im vlla vhleha hvv pit
chi ai okpvchishke. Amen.

C H A N

I HOLISSO ATUCHINA HOKE

Kaivs vbanumpa anukfoyuka ka im ahninchit miha, 1; 5 i kanvt hiahni ka im aiokpanchi; 9 Tiotifs nan akaniohmi kvno vllhpesa ik im ahno; 12 Temetivs vno ahninchit isht anumpuli.

1. ŪBANUMPESHI sipokni yokvt Kaivs holitopa fehna yvmma ai ghli hosh i hullo li chatuk mak o pit ai okpv-chishke.

2. Holitopa ma! chi haknip vt achukmaka cha, i shahlit ia kv, chi shilombish vt isht i shahlit ia kak inli ho chohma hi a ahni li kak osh nana moma ka vm i shahlishke.

3. Il itibapishi vhleha hv ai vla mv, nan ai ghli ka yvt a chi anukfoyuka cha, nan ai ghli ka ai ish ataya ka atokowa anohonli ka a sa yukpa fehna tok.

4. Na sa yukpa kv, vm vlla vhleha hv nan ai ghli ka ya ai itvnowa na haklo li ka vm i shahli kv iksho.

5. Holitopa ma! il itibapishi vhleha, micha hatak itvnowt aya aiena ka nana ho ish ai i kaniohmi kv, ish ai ghli achukma bieka hoke.

6. Yvmmak ash ot, i hullot ish apelahanchi ka, chvch a im a chi atokowushke; yvmmak oka nowt aya ka Chihowa aiahni vllhpiesa ho pit ai ish apelahanchi hokmv ish ai vllhpiesa he mak oke:

7. Yvmmak okvt yvmma hohchifo pulla hatuk mak o Chentail a nanasi kia ik im ai esho hosh itvnowt aya hatuk oka.

8. Yohmi hoka pishno vt nan ai ghlika ya pit ai im

apeluchi pia ha chi kvt, ymma chohmi ka ai okpuchit nana il im atahanla he vllpiesa hoke.

9. Chvch a pit i holissochi li tok; yohmi kia ymma ai i shahli bvna hosh Tiotlefes ymmak okvt ik pim ai okpacho tok oke.

10. Yohmi hoka vla li hokmvt, ymmvt nana a kaniohmi tuk, anumpa okpulo ka isht a pi achukushpeli tuk: mikmvt ymma illa hokvto ik im ono mvt, anonti il itibapishi vhleha ha ai okpuchit nan ik im atahlo mvt, anonti kanima kvto yohma he tuk a im alvmmi, ymmak ash chvch a akocha weli tuk a ithaiyana la he mak oke.

11. Holitopa ma! nana kv achukma keyu hokvno chik iakaiyo hosh, amba achukma kak ashke. Kvna hosh achukma ho a yohmi hokvto, Chihowa yvt anukfoyuka hoke, amba kvna hosh nan ik achukmo ya yohmi kvto, Chihowa ya pisa tok keyu mak oke.

12. Hatak moma, micha nana ai ahli ka fehna aiena kash kia Temetivs a annoa achukma ka anolishke; ahli, micha pishno ak kia ymma ai atokoli kv il anoli ak inlishke; yohmi kv pishno nan il atokoli ka ai ahli ka hvsh ithaiyanvshke.

13. Nana ka holissochi la he vt lauvt asha hatuk: yohmi kia isht holissochi okchi, micha isht holissochi aiena ak okvno isht pit ak chi holissocho ka chishke:

14. Yohmi kia chekosikma chi pist, nashuka ai it atokovt isht chim anumpuli la chi ka vm ahoba hoke, Nan isht il ai yukpa yvt chi anukfoyukashke. Pi kana vhleha hv pit chi ai okpuchishke. Il iti kana vhleha ha hochifo cha, pit ish ai okpuchashke. Amen.

CHUTE

I HOLISSO HOKE.

Nan ai yimmika ya a kvllot achunanchit hiela he im ahni, 1; 4 nan ithvnanchi ik ai ghlo puta kv̄t ib a chukowa he, yahmi kia yvm-mvt ai ilbvsha hi okvto im vhl̄taha; 20 Chihowa anukfoyuka yak-vto shilombish holitopa apelachi pulla, mikmvt vbanumpobonli aiena pulla hosh ilap a okchalinchi cha, anonti inla na yoshubli isht a yoshuba tuk puta ma hlakoficha hi oke.

1. CHUTE, Chisvs Klaist in tishu, micha Chemis itibap-ishi hokvt, Iki Chihowa ya, i holitopa vhleha, micha okchaya he vlhtoka tok; micha Chisvs Klaist ak atuk pulla kak o ai ahlit i yimmit mahaya yvmmak o pit i holissochi kv̄t,

2. Isht i nukhaklo yvt hvchimmi hashke, micha isht iti nanaiya, micha nan i hullo aiena kv̄t hvchin lauashke.

3. A holitopa vhleha ma! nana ka achunanchi fehna hosh moma isht ai okchaya yak o pit hvchi holissochi la chikmvt, hvchi holissochi li kv̄t nana ka hvchi atohnochi la he vm vlhpiesa he tuk: yohmi kv̄t vbanumpa ai aghi yvt himonna ma vbanumpuli vhleha hoka im anohowa tok ak o i yimmi aighlit hvsh mahaya chi kv̄t yichina fehna hosh hvsh hohq-yashke.

4. Yohmi ka hatak kaniohmi hokvt ik i nuktablo fehna ho iba chukowa, yvmmak okvt nitak pilla kash o nan ik achukmo ilvppa ai yvmohma he vt im vlhpihisa tok: yvm-mvt Chihowa holitobli keyu hokvt, pin Chihowa isht i kana ya havi imma isht ai ihikbi, micha yvmmak illa hosh Chito-

kaka Chihowa, micha pi Okchalinchí Chisvs Klaist ash o ik holitoblo hoke.

5. Yvmohmi ka Chitokaka yokvt kanimihchit Echip yakni a a kohchit okla ha hlakofichi ha yvt na yimma he keyu vhleha hokvno vbit taiyahli tok; ilvppa himonna ma hvsh ithana hatuk ak inli kia, hvsh ithaiyana he mak o hvchim ai ahni lishke.

6. Micha enchil vhleha hokvt a toba vmmona tok ash inli ai ahanta keyu hosh, amba ilap ai ahanta kash issa tok puta hokvno, ai okhlilika chinto tvli itatakvtli isht talakchit bilia hosh nitak chinto nan ai vlpisa ka ona he im ai ahni hoke.

7. Yohmi ka Sotom, Komolah, micha tumaha hochito auct i bilika aiena kash osh yvmmak ash o chiyuhmit, havi ai yvmohmi fehna, micha haknip inla ho asitia aiena tok vt nana ka isht ilbvsha he otaiyani mak osh isht i nukkilli luak bilia yo isht ilbvsha hoke.

8. Yvmmak o chiyuhmi hosh holhpokunna liteha vhleha ilvppak kia haknip a litehli, nan i shahli ya kvllakshichi, micha hatak nan vlhtoka holitopa he vlpiesa kia nan isht ik ahobalot anumpuli hoke.

9. Yohmi kia Mikael, enchil miko yvt nan isht ahullo okpulo ya it im anumpuli kv, Moses, haknip imma yo isht it im anumpunli kia, isht a hofahya he anumpa hoka mihachi kv nukshopa mvt, amba Chitokaka yak osh chim olvbashke, achi tok.

10. Amba ilvppvto nana yakohmi puta ka akostininchi keyu kv, nan isht ik ahobalot isht anumpulishke; yohmi kv nampoia im anukfila iksho yak i chiyuhmit, haknip nan isht ai anushkunna ithana yvmmak puta ho isht il ai okpvnit tahlishe.

11. Yvmmv i palvmmi mak oke; Ken nana a kaniohmi tok ak o chiyuhmit itvnowa hokvt, micha nan isht vlhtoba yak o bvna hosh Belam vt nan ashahanchi tok ak o chiyuhmit, ai yimitvt kvnivt yihlihimpa hatuk osh Koli vt i **salit anumpohonlit isht illi ha tok a chiyuhmit isht ai okpulo tok.**

12. Ilvppak okvt iti hullo impa hvch ibai impakmv, na

liteha vhleha yosh nukshopa kia ik im iksho hosh il impa-
hanchi kv̄t; hoshonti oka iksho yō mahli puta kv̄t kanima
isht aya; iti vni bv̄shit, vni iksho puta, hitukla illi, akshish
momv̄t lōbahli mak oke:

13. Okhv̄ta chito oka piakv̄chit it ai ih̄issot, ilap isht aho-
fahya ya pokpokit kohonchi; fochik yoshuba puta hoka ai
okhlilika chinto yak osh yummak okv̄no immit bilia he im
vlhpisa hoke.

14. Mihma Enok, Alvm isht ai unchululi ont isht untuklo
kak kia, anumpa ilv̄ppa tikbanli anohonli kv̄t, Yakeh! Chi-
tokaka yokv̄t ī holitopa vhleha tahlepa sipokni pokoli ka ai
itv̄pehvt vla kv̄t.

15. Moyuma ka nan im apesvt, Chihowa im antia he keyu
yvt Chihowa ik holitoblo hosh nan ai vlhpesa keyu puta
yumohmit ai asha chatuk, micha nan ashv̄chi Chihowa ik im
antio vhleha hv̄t ilap ī sanalit anumpa kv̄llo anumpohonli
chatuk aiena moyuma ka na palv̄mmi ka onocha hi oke.

16. Ilv̄ppak okv̄t ik ahninchot lumasit isht anumpuli
vhleha hosh ilap chv̄kv̄sh okpulo nan ahni kak o iakaiya
yoke; micha isht ilauata fehna anumpa puta ka itih h̄a
isht anumpohonli kv̄t, ilap nan isht im achukma he, ahni
kak osh, hatak nashuka puta ka ahninchī yoke.

17. Amba ā holitopa vhleha ma! hv̄chishno yv̄to pin
Chitokaka Chisvs Klaist im anumpeshi vhleha hv̄t tikba
kash anumpa isht hv̄chim anumpohonli tok puta kak o hv̄sh
ithaiyanashke:

18. Yohmi kv̄t ont ai ishtaiyopit mahayakma, nan isht
ik ahobalo vhleha hv̄t Chihowa ik holitoblo hosh ilap chv̄-
kv̄sh okpulo nan ahni kak o iakaiya hosh ai asha hi oka, hv̄-
chim anohonli tok ā hv̄sh ithaiyanashke.

19. Ilv̄ppak osh vbanumpuli ik̄sa ai āhli ka il ai ī filv̄mmi-
chi kv̄t, haknip nan ahni yō iakaiya hosh, Shilombish Holi-
topa yvt ik im iksho hoke.

20. Amba ā holitopa hv̄chishno yv̄to, Shilombish Holi-
topa yvt hv̄chi anukfoyuka hosh anumpa ilv̄sha anumpo-
honlit, na hv̄chi yimmi holitopa fehna kv̄t hv̄sh il ai āhli-
chashke;

21. Chihowa ~~ya~~ hvsh i hullo kv̄t hvsh il achunanchi hosh, Chitokaka Chisvs Klaist okv̄t hvchi nukhaklo na aiok-chayvt bilia ya hvsh ona chi kv̄t hvsh hohoyashke.

22. Mikmvt yakohmi hoka im ahnit, kaniohmi kvno hvshi nukhaklashke.

23. Micha inla kvno nukshoblit halvllit, luak a a kohchit hvsh hlakofichi kv̄t, na fohka haknip isht aliteha yak heno hvsh i yuwalashke.

24. Yohmi ka yvmmak osh hvchi halanli hō ik hvch ibetvblo ka he, micha ilap ai o binili holitompa itikba ya anumpa ik achukmo hvchi onvtonla iksho nan isht il aiyukpa chinto hō isht hvchi ona hinla,

25. Pi Okehalinchi Chihowa hopoyuksa kak bieka yvm-mak o isht a holitopa, isht a chinto, micha isht a miko, micha nan isht ai ghli aiena kv̄t himonasi, micha himak a pilla ka immit biliashke. Amen.

UBANUMPESHI CHAN A

NANA KOT IM OTUNI TOK.

CHAPTA I.

Uba nan im otaiyani tok vt tvi holisso lakna pula ai o hikia untuklo nan isht vhpisa ho Chan vt chvch untuklo Asia a hiohmaya ka pit i holisso chi tok, 1; 7 Klaist vt minta chi; 14 nan isht im ai ghli holitopa chinto aiena ka anoli.

1. CHISUS Klaist nan isht otvninchi yvmmak oka Chihowa hvv ima na in chekosikma nana a kaniohmi pulla chi ka, in tishu vhleha ha im otvnincha hi a tok; atuk o yvmmak ash osh im enchil ak o pit chvffichi hosh in tishu Chan a nan it apesa hosh im anoli tok.

2. Mihi yosh Chihowa im anumpa, mikmvt Chisus Klaist nan isht im atokowa, micha nana ho pisa tok aiena kvv atokowa anoli tok mak oke.

3. Kvna hosh ilvppa it im anumpohonli, mikma kvna hosh na tikbanli annoa anumpa ilvppa haklo cha, nana hosh a holihiso tuk a holitobli hokvto momvt na yukpvshke; yakohma chi ka ai ona hosi hoka.

4. Chan vt Asia yakni chvch a hiohli untuklo ka pit aiokpvchi; yvmmvv okchayvt ahanta kvv, yvmmak osh okchayvt ahanta tok osh, anonti himak a pilla ka okchayvt ahanta he mak o nan isht i kana, isht it i nanaiya aiena kvv a minti, yvmma im ai o binili holitompa itikba ya a hiel Na shilombish untuklo aiena ka a minti;

5. Micha Nan atokowa anoli ai ghli, mikmvt illi tuk osh

falamvt tani kv̄t illi v̄hleha hak o Ūttahpi hosh holitopa i shahli; micha m̄iko yakni pakna ai asha puta i shahli Chisvs Klaist mak o a minti hosh hv̄chi anukfoyakashke. Hvp i hullo cha, na hv̄pim ai ashv̄chika puta hatuk ma ilap im issish ak inli h̄o isht achifvt hv̄p i kashofi cha,

6. Iki Chihowa na holitopa isht im vtta, micha m̄iko ȳo ohminchi hosh pi atokoli tuk mak osh mihi ȳo isht a holitopa, micha nana moma isht imaiya ita tuklo kv̄t immi hosh bilivt biliashke. Amen.

7. Yakeh! hoshonti h̄o il ai eshi hosh minti mak oke; yohmi ka hatak nishkin puta, mikma kv̄na hosh yv̄mma tv̄li halupa isht bahli tok v̄hleha ash kia moyumvt pisa he; yohmikma oklushi puta yakni pakna ai asha tuk vt moyumvt yv̄mmak atuk pulla kak o komuntvt yahaya hi oke; yakohmi mak inlashke. Amen.

8. Chitokaka nan okluha imaiya yvt himak a okchayvt ahanta kv̄t, yv̄mmak osh okchayvt ahanta tok osh, himak a pilla ka okchayvt ahanta he mak osh, Ūno ak osh Alfa, Omeka, ai isht ia v̄mmona, micha ont ai v̄hli aiena sia mak oke, achishke.

9. Chan sia hv̄ch itibapishi, mikmvt na palv̄mmi ka hv̄ch iba pih̄sa sia, micha Chisvs Klaist ap̄ehlichika ibafohka, micha Chisvs vt nuktanlv̄t achunanchi tok a ohmit isht a hv̄ch iba achv̄fa sia hatuk vt, Chihowa im anumpa, micha Chisvs Klaist nan isht im atokowa pulla hatuk mak o yakni tashaiyi Patmos hohchifo h̄o ont anta li tok.

10. Atuk osh Chitokaka i nitak o Shilombish Holitopa yvt si anukfoyuka fehnvt ahanta li h̄o, v̄m asha ka imma ya nan ola chinto isht pufa ola h̄o chohmi kv̄t,

11. Ūno ak osh Alfa, mikmvt Omeka, v̄mmona, mikmvt ont ishtaiyopi aiena sia mak oke; yohmi hoka nana h̄o ish pih̄sa kv̄t holisso h̄a ish a holissochi cha, Asia yakni chv̄ch a hiohli untuklo Efesvs, micha Sm̄vna, mikmvt Pvkamos, micha Hlaiatila, mikmvt Satis, micha Filatelfia, mikmvt Laotisea aiena ka pit ish pilashke, ahanchi h̄o haklo li tok.

12. Yohmi ma auct v̄m anumpohonli yv̄mmak ash o pisa

la chi hosh pit filema li tok. Yohmi kv̄t pit filema li mvt, t̄li holisso lakna p̄vla ai q̄ hikia untuklo ka pisa li tok:

13. Yohmi ma p̄vla ai q̄ hikia untuklo yummak ash ik̄-lenna ya Hatak Ushi ak q̄ holba hosh, anchi vt̄ iyi pilla ona hō ai anchi hosh, t̄li holisso lakna isht vskofvchi q̄ chinuko foka ak q̄ isht takchi hosh hikia tok.

14. Mihma noshkobo, micha p̄gshi aiena kv̄t tohbi kv̄t chukfi hishi, micha okti pushi aiena kak q̄ chiyuhmi ma, nishkin vt̄ luak libbi hak q̄ chiyuhmi tok:

15. Yohmi mvt iyi yvt malanta kv̄t t̄li lakna yosh t̄li abila yō fohkv̄t hullokm̄i tuk mak q̄ chiyuhmi ma, itih ola kv̄t oka chinto fopa hō chiyuhmi tok.

16. Mihmvt ibbak isht impak imma ya fochik untuklo hō isht ieshi tok; mihma itih hā b̄shpo falaia itahlakla halupa yosh a kohcha ma, nashuka yvt shohpakali kv̄t, hv̄shi tom̄mi ai ahli tom̄mi chatuk mak q̄ chiyuhmi tok.

17. Yohmi ma yummak ash q̄ pisa li mvt, illi yō chohmit iyi ituma ya ont sa tula tok. Yohmi ma ibbak isht impak imma ya ishit si umbitepa mvt, Ūno ak osh vm̄mona, micha ont ishtaiyopi aiena sia mak oke, ik chi nukshopo kashke.

18. Ūno ak osh okchayvt ahanta sia mak osh, sv̄lli tok nana kia, anonti yakeh! okchayvt sa bilia hoke, Amen: yohmi hosh isht ai illa he, micha shilombish aiasha aiena isht-tiwa ya ieshi li hoke.

19. Nana ish pisa tuk, micha nana kv̄t a kaniohmi, mik̄mvt himak a pilla hō nana kv̄t a kaniohma he puta ka ish holissochashke.

20. Fochik untuklo sv̄bbak isht impak imma alhto hō ish pisa kash, micha t̄li holisso lakna p̄vla ai q̄ hikia puta aiena kash ot nan isht v̄lhpisa kv̄t ilv̄ppak oke. Fochik untuklo kv̄t chv̄ch a hiohli untuklo ka nan isht im vt̄ta v̄hleha untuklo kak oke; yohmikma p̄vla ai q̄ hikia untuklo ish pisa kash ot chv̄ch a hiohli untuklo kak oke, vm̄ achi tok.

CHAPTA II.

Efesvs, 1, 8 Smvna, 12 Pvkamos, 18 Hlaiatila aiena chvch a hiohli ka vbanumpa isht im vtta puta nana hō pit i holissocha chī ka Chan a im apesa kv̄t, nana kv̄t ai v̄lhpiesa, anonti nana ka ik ai onot aiasha kak a tok.

1. CHUCH Efesvs a hikia nan isht im vtta ya pit ish i holissochashke: Ibbak isht impak imma ya fochik untuklo ka isht ieshi cha, tvli holisso lakna pula ai o hikia untuklo hō iklv̄nna a nohōwa yak osh ilv̄ppa puta ka achishke.

2. Nana ish a kaniohmi puta, nan isht ahantvt a chi hoyv-bli, nuktanlv̄t ish achunanchi, mikmvt ai v̄lhpiesa keyu v̄hleha hā kaniohmit ish im ahninchī keyu, yohmikmvt kv̄na kia ilap ak osh vbanumpeshi mak o ile miha hatuk kia, keyu hatuk puta ka imomaka pisvt holabi atuk o ish akostininchi:

3. Micha nana kv̄t palv̄m̄mi ka ish pih̄isa kia, nuktanlv̄t ish achunanchi, mikmvt vno sa hohchifo pulla hatuk mak o ish toksahanli mvt, ik chi hoyvblo a puta hatuk a chim ithaiyana lishke.

4. Yohmi nana kia vm̄mona ka nan i hullo chi anukfoyuka tuk vt chik a lauecho hatuk o, nana ka isht ak chim ahnincho kv̄t vm̄ gshv̄shke.

5. Yohmi hoka kanima yō a hikivt ik a lauwt ish ia tuk vt pit anukfihinlit, ish ile kostininchi cha, nan isht ish ai vtta vm̄mona tok ak o ish yvm̄ihchashke: yvm̄mak keyukma chekosi chim aya likmvt, ish ile kostininchi hō keyukma, chī pula ai o hikia ya ishit, a hikia tuk a kanv̄llichī la hi oke.

6. Amba chishno yokv̄to ilv̄ppak o a chi yakohmi hatuk osh, Nikolaitan okla nana a kaniohmi puta ka chik ahnincho ka, yvm̄ma vno ak kia ak ahninchoshke.

7. Kv̄na hosh haksobish vt i hinli hokv̄to, Shilombish Holitopa yvt chvch v̄hleha hā nan im ok ahanchi puta ka haklashke. Kv̄na hosh nana ka imaiyachit a hlopulli hokv̄to, mihi yosh ai-okchaya iti Chihowa i Palatais iklv̄nna hi-
kia hatuk ma ai vpa hi a ima la hi oke.

8. Mikmvt chvch Smvna a hikia nan isht im vtta ya pit

ish i holissochashke. Ummona, micha ont ishtaiyopi aiena, yvmmak osh illi tok vt, okchayvt ahanta mak osh, iluppa puta ka achishke.

9. Nana ish a kaniohmi puta, mikmvt na palvmmi ish a pihisa puta, micha ilbvsha chim aiena, (yohmi kia nana kvv chin laua ka ithana li,) mikmvt kanima kvv nana ka ik ahobalot anumpulit mihi yq keyu kvv, amba Setan i sinakak mak okak osh, Chu mak q ile mihvt aiasha ka, ithana li hoke.

10. Nana kvv isht chi ai ilbvsha he puta asha ka chik i komunto kashke. Yakeh! hvsh kanima ka hvch imomaka pisa chi ka, Setan vt aboha kvvlo q hvchi apitta he; yohmikma nitak pokoli hq na palvmmi hvsh pisa chi hoke: ai ghlit mahayvt ont chillashke; yohmikma iachuka okchaya yq chima la he mak oke.

11. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke. Kvna hosh nana ka imaiyachit a hlopulli hokvto, ai illi atukla ka ik im a palvmmo ka he mak oke.

12. Mikmvt chvch Pvkamos a hikia nan isht im vtta ya pit ish i holissochashke: Bvshpo falaia itablakla halupa ishi mak osh iluppa puta ka achishke.

13. Nana ish a kaniohmi puta, mikmvt kanima yq Setan vt apehlichy yvmmak kia ish ai vtta ka ithana lishke; yohmi kvv sa hohchifo hatuk ma kvllochit ish ieshi mvt, anonti Antipas yvmmak okvt vm antia ai ghlit atokowa otvvinchi yosh hvchi takla ahanta tok q Setan ai vtta yak q ai vbi tok nitak foka kak kia, vmo q is sai yimmi tuk vt chik kancho tok q ithana lishke.

14. Yohmi kia na holbvt toba puta isht aiokpvchi tuk puta ka vpa chi, mikmvt itin lumaka ma yvmohma chi ka, Israel okla itikba ya isht ai ibetvbli i bohla chi ka Belam vt Balak q im avvchi tok nan vlvvchi iluppa holitobli vhleha yvmmak q ish il a pehlichy hoka, nana ka isht ak chim ahnineho ka achafoa kvv vm ashvshke.

15. Yohmi mvt anonti Nikolaitan okla nana isht ithvnan-

chi yummak oka ak ahnincho chatuk mak o, mihi yo holi-
tobli vhleha yummakma ish il apelhichi ak inlishke.

16. Ile kostininchí; yummak keyukma chekosi fehna
chim aya lish, okla yummak oka bushpo falaia svth a
koheha hatuk ma ont isht itibi la he mak oke.

17. Kvna hosh haksobish vt i hinli hokvto, Shilombish
Holitopa yvt chvch vhleha ha nan ok im ahanchi puta ka
haklashke. Kvna hosh nana ka imaiyachit a hlopulli ho-
kvto, mihi yosh manna lumpoa vpa chi ka ima likmvt,
anonti tvli tohbi yo yumma hohchifo himona yosh a ho-
lisso, yohmi ka yumma hatak nana hosh ithana he keyu,
amba ishi tuk ak illa hosh akostininchí mak o ima la hi
oke.

18. Anonti chvch Hlaiafila a hikia nan isht im vtta ya
pit ish i holissochashke: Chihowa Ushi yummvt nishkin vt
luak libbi ho chiyuhmi ma, iyi mvt tvli lakna malanta
achukma ho chiyuhmi mak osh ilvppa puta ka achishke.

19. Nana ish a kaniohmi puta, micha ish i hullo, nan
isht ish ahanta, na chi yimmi, nuktanlvvt ish achunanchi,
mikmvt nana ish a kaniohmi puta, yohmi kvv ont ishtaiyopi
kak osh tikba ya tok g imaiyachi ka chim ithaiyana lishke.

20. Yohmi nana kia ohoyo Chesebel, yummak okvt ohoyo
hopaii mak o ile miha hosh, yummvt an tishu vhleha ha
nan im avchit, yoshubli na itin lumaka yvmohma he, mik-
mvt nana ka na holvvt toba yo isht aiokpvchi tuk puta kia
vpvt ai asha hi g, vhpesa ish im ai ahni hatuk oka, nana ka
isht ak chim ahnincho ka achafoa kvv vm ashvshke.

21. Yohmi mvt itin lumakvt ahanta chatuk vto ai ile
kostiníncha chi ka nitak g ima li tok, nana kia ile kostinín-
cha he keyu ki tok.

22. Yohmi hoka yakeh! yumma atuk ma topa pakna yo
pit ai om bohli Lkmvt, yumma itin lumaka yatuk ma na
palummi chirto ka onochi la chi hoke; nana a kaniohmi
yatuk puta kvv ai ile kostinínchi ho keyukma.

23. Mikmvt ohoyo yumma im vlla vhleha hatuk ma illi
mak o isht ahambi la chi hoke; yohmikma vno ak osh
hatak chgvsh nana ai ahni puta ka afvnalechit ithana si

hatuk a chvch vhleha puta kv̄t ithaiyana he mak oke : yohmikma hvchishno hvsh a kaniohmi puta kak o isht ai vhpesa aiyyukali mak o hvch ima la hi oke.

24. Yohmi kia hvchishno, micha inla Hlaiatila maya aiena, laua kv̄t kaniohmi hosh nan vlvchi ilvppak ash ik ahnincho, micha Setan vt im anukfila ont ai v̄hli mak o, okla miha ka, ik ithano hvchia hokvno na weki inla nana h̄o hvchi onochi la ch̄i h̄o keyu, hvchim achi lishke.

25. Amba nana ka hvsh ieshi mashko hatuk okvto, kv̄llochit hvsh ishi na v̄la li hayashke.

26. Yohmikma kv̄na hosh nana ka imaiyachit, nana kv̄t yakabma he ahni li ka holitoblit im antiut a hlopulli hokvto, mihi yosh oklushi puta hatuk ~~ma i shakla~~ he mak o, vno a Aki vt vm apesa tok a, chohmichit im apesa la he mak oke :

27. Yohmikma yvmmak ash ot tv̄li fuli toba h̄o ieshi hosh yvmma nan im apihisa he ; mikma yvmmak atuk m̄vt shuti tv̄na yosh na tv̄na tuk o bushullit tv̄mos chatuk a chiyuhma hi oke.

28. Yohmikma yvmmak amo onnahinli fochik a ima la he mak oke.

29. Kv̄na hosh haksobish vt i hinli hokvto, Shilombish Holitopa yvt chvch vhleha h̄a nan im ok ahanchi puta ka haklashke.

CHAPTA III.

Satis chvch hikia vbanumpa isht im vtta ya nan i miha, 1 : 8 lle nukhaklonchit ilekostinincha ch̄i ka i miha : Filatelfia chvch hikia ka nan isht im vtta yvto nana ka ahlit achunanchit ahanta ka im ahninchi ; 15 Laotisea chvch nan isht im vtta ya tuk vt libisha keyu, mikm̄vt kapvsa keyu aiena ha tuk o im alvmmi ; 20 Klaist vt okhissa ya hikiut sokgha.

1. MIKMUT chvch Satis a hikia nan isht im vtta ya pit ish i holissochashke. Chihowa imi shilombish untuklo, miha fochik untuklo aiena il ai eshi mak osh ilvppa puta ka achishke : Nana ish a kaniohmi puta, okchaya mak o chi hohchifo ak inli kia, illi yo chia hoka chim ithaiyana lishke.

2. Nana kvt ai vhlpiesa ahli hō Chihowa itikba ya ish a yvmohmi na pisa li keyu hoka, ahah! ish il ai ahni cha, nana kvt illi mak o mahaya kia asha moma hatuk okvno ish hlampkohonchashke.

3. Yohmi kvt nana ka ish ishi, micha ish haklo aiena tuk vt, ithaiyanvt kullochit ish ieshi cha, ish ile kostininchashke. Amba ahah! chik il ai ahno hok mvno, hukopa nowvt aya hō chohmi hosh ant chī kohcha la chī; yohmi ka hvshi kanvlli nana hō ant chī kohcha la chī ka ish ithana hi o keyu hoke.

4. Satis ak okvno holhtina kanomosi kvt, yvmmak okvto im ilefoka ya ik litehlo kvt, chim ashrshke; yohmi hatuk osh yvmmak okvto yvmmak a he im ai vhlpesa hokvt, na fohka tohbi foyuka cha svb ai itvnova he mak oke.

5. Kvna hosh nana ka imaiyachit a blpulli hokvto, mihi yosh nafohka tohbi a fohka he; yohmikma yvmma hohchifo hvt ai okchaya holisso a takali tuk a kashofi la he keyu, amba hohchifo hā Aki, micha im enchil vhleha aiena itikba ya ai anohonli la he mak oke.

6. Kvna hosh haksobish i hinli hokvto, Shilombish Holitopa yvt chvch vhleha hā nan im ok ahanchi puta ka haklashke.

7. Mikmvt chvch Filatelfia a hikia nan isht im vtta ya pit ish i holissochashke: Holitopa, ai ahli mak osh, Lewi im isht tiwa ya ieshi hosh, yvmvmt okhishta haya, hatak nana hosh wakvmma he keyu; anonti tiwa haya, hatak nana hosh okhishta he keyu chatuk mak o ilvppa puta ka achishke.

8. Nana ish a kaniohmi puta ka ithana lishke: yakeh! isht hlampko iskvtinosi kvt chin takanli cha, vm anumpa hā ish holitobli mvt, sa hohchifo hā chik kancho hatuk oka, okhissa ya tiwit chi tikba ya hilechi li: yohmi ka hatak nana hosh yvmmak oka okhishta hi o keyu hoke.

9. Kanima kvt mih mak o keyu kvt, Chu mak o ile mihvt holabi vhleha hvt Setan i sinakak atuk a atokolit anoli la chī hoke: yakeh! yvmma puta kash ot chiyi ituma ya ai vlt ant aiokpvchi hosh, vno vt chī hullo li hatuk a akostininha hi a im anukfilli la chī hoke.

10. Chishno vt nuktanlet ish achunancha hi chim apesa li tok vm anumpa ha ish holitobli tuk oka, vno ak kia na palummi yummvt yakni pakna asha puta ka imomaka pisa chi mak osh yakni pakna onvtuyula hi oka, hvshi kanvlli yumma fehna ka chi hlakofibinchi la he oke.

11. Yakeh! chekosi vla la chi mak oke: nana ish ishi yummak atuk vt kullochit ish ieshi pulla na iachuka ha hatak nana kia ik chim esho kashke.

12. Kuna hosh nana ka imaiyachit a hlopulli hokvno mihi yo an Chihowa in tempel in tonik o ikbi la he: yohmikma yummak atuk mvt nitak nana ik kohcho ka he mak oke: yohmikma an Chihowa hohchifo, mikmvt an Chihowa in tv-maha chito hohchifo, yummvt Chelusalem himona, an Chihowa ak o minti hosh vba yakni a a kohchvt vla hatuk a yumma isht a holissochi la he, mikmvt, sa hohchifo himona ma yummak ash isht a holissochi la hi oke.

13. Kuna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

14. Mikmvt chvch Laotisea a hikia nan isht im vta ya pit ish i holissochashke: Amen, Nan atokowa anoli ahli, Chihowa nana ikbi tok a moma in Tikba mak osh ilvppa puta ka achishke.

15. Nana ish a kaniohmi puta ma ithana li ka, chi kapvssa, keyukmvt, anonti ik chi lvshposhke; yohmi ka chi kapvssa hokma, chi lvshpa hokma, nana tuk okbano, ahni lishke.

16. Yohmi kvv chi kapvssa keyukmvt, anonti ik chi lvshpo hosh peh chi libisha vmmona hatuk oka, hoitvt sa takha a kohchit chi kanchi la hi oke.

17. Nana kvv an laua kvv, i shablit isht ia hatuk osh nana kia sa bvna keyu, ish achi; yohmi cha na palummi pihvst chilbvsha, micha nana ik chim iksho, chik hoponayo, nipi bano aiena ho kak osh chik ithano hokvt.

18. Nan chin laua chi kvv, tvli holisso lakna luak isht imomaka pivt vlhtaha yo vno ak o is san chumpa chi, mikmvt na fohka ish fohka cha, nipi banot hofahya kvv ik chim

iksho ka chi kvt, vno ak o na fohka tohbi yo is san chumpa chi, micha nishkin ahama ma an chumpvt, chi nishkin a ish ahama cha, ish hoponaya chi ka, chi miha lishke.

19. Kuna ho vno vt i hullo li hokvto, nana ka im olvbbit kostininchli li chatuk: yohmi hoka nana ka amosholi hosh ish ile kostininchashke.

20. Yakeh! okhissa ya hikivt sukohoha lishke: Kuna hosh vm anumpa ha haklo cha, okhissa ya tiwi hokma, iba chukowa lish, ibai impa likma, anonti ilap mvt subai impa chi mak oke.

21. Kuna hosh nana ka imaiyachit a hlopulli hokvto, mihi yosh, vno vt imaiyachit a hlopulli lish, Aki a awant im ai o binili holitompaa ya a binili li kvt, yummak inli ho chohmit vm ai o binili holitompaa ya a binila chi ka, im apesa la he mak oke.

22. Kuna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

CHAPTA IV.

Chihowa im aiasha holitopa vba ya Chan vt pisa, 1 ; 4 hatak tikba pokoli tuklo akucha ushta ; 6 nan okchaya kvt itikba, olbol aiena ka nishkin vt alotowa; 10 aiasha holitopa o binili kash o hatak tikba vhleha hash ot iachuka holitopa ya aka bohli cha, aiokpahanchi.

1. NANA kvt a yakohmi haya, anonti pit hopokoyo li ma, yakeh! vba shutik a okhissa yvt tiwa tuk atok: yohmi ma auet svt im anumpuli anumpa vmmona haklo li ka, isht pufa yo chiyuhmi hosh, llvppak o oiya, mikma himak a pilla nana a kaniohma he puta ka chim otvninchi lashke, achi tok.

2. Yohmi ma mih-mak inli ho Shilombish Holitopa isht a sa nukfoyuka ma, ai o binili holitompaa kvt vba shutik a ai o hikia ma, ai o binili holitompaa yummak ash achvfa kvt o binili tok.

3. Yohmi ka ai o binili holitompaa o binili yummak okvt pisa ka tvli holitopa chaspa, micha satin aiena kak o holba

tok: mihma pisa ka emelal ak o holba hosh hinak bitepuli hvt ai o binili holitompa yash apakfoyupa tok.

4. Yohmi ma ai o binili holitompa yash ai o binili pokoli tuklo akucha ushta hosh hiohliit folubli tok: yohmi ma hatak tikba pokoli tuklo akucha ushta kvt na fohka tohbi abehkvchi hosh tvli holisso lakna iachuka ho iachukoli hosh ai o binili yash o binohmaya tok.

5. Yohmi ma ai o binili holitompa yash malvtha, hiloha ola aiena hosh a kohoncha tok. Mihma ai o binili holitompa yash itikba ya pva luak untuklo, yummvt Chihowa imi Shilombish untuklo mak osh hielit tok.

6. Yohmi ma ai o binili holitompa itikba ya okhvta shohkoali hosh klistal ak o chiyuhmi hosh talaia tok; yohmi ma ai o binili holitompa ai iklenna, mikmt auet a bilika fullota aiena ka nan okchaya ushta kvt itikba, micha im ashaka aiena ka nishkin biekvt alotowa hosh aiasha tok.

7. Yohmi ka nan okchaya vmmona kash ot koi chito yo holba ma, nan okchaya ont atukla kash ot wakushi yo holba ma, nan okchaya ont atuchina kash ot nashuka asha kvt hatak nashuka yo holba ma, anonti nan okchaya ont ai-ushta kash ot ossi hika ho holba tok.

8. Mihmt nan okchaya ushta hash ot sanahchi vt i han-nali aiyuka ma, nishkin biekvt isht alotowa tok: mihmt yummak ash ot, Holitopa, holitopa, holitopa, Chihowa Chitokaka nana moma imaiya, yummak osh okchayvt ahanta tok osh himak a okchayvt ahanta kvt, himak a pilla ka okchayvt ahanta hi oke, ahanchi kvt nitak, ninak aiena ka ik ai yokoposhke.

9. Nan okchaya vhleha yummak ash ot okchayvt ahantvt bilivt bilia yvt ai o binili holitompa o binili kash, yak oke im ai ahnit, holitoblit, aiokpahanchi ma,

10. Hatak tikba pokoli tuklo akucha ushta kash osh okchayvt ahantvt bilivt bilia yvt ai o binili holitompa o binili kash itikba ya ant hlipkvchit, aiokpahanchi mvt, im iachuka hash shoelit ai o binili holitopa itikba ya pit ashachi mvt,

11. Chishno ak osh nan oklgha ka ish ikbi tok: micha

chishno nana ish ai ahni hq nana ai asha kv̄t toba tok ok̄a, Chihowa ma! nan isht a holitopa, micha isht ahninch̄i, mikmvt isht chim ai gh̄li puta kv̄t a chimmi ha he vt chim vlhp̄esa hoke.

CHAPTA V.

Holisso hv̄t nan isht ashana untuklo hq isht ashana hq Chan vt pisa, 1; 9 yv̄mma chukfvlhp̄oba ushi yv̄mmvt illi tok ak bano hosh wakama hi vt im vlhp̄esa, yohmi hoka hatak tikba vhleha hashot yv̄mmaḡ ash q̄ aiokpahanchi; 9 ilap im issish q̄ isht okchalinch̄i tuk q̄ okla anohonli.

1. YUMOHMI ma a holisso yvt anukaka, mikmvt pakna aiena ka holisso hosh, isht ashana untuklo hq isht ashana hosh ai q̄ binili holitomp̄a q̄ binili ibbak isht impak imma ya foyuka na pisa li tok.

2. Mihma enchil hlampko fehna kv̄t chitolit anumpohonli mvt, Kv̄ta hak osh isht ashana puta hatuk q̄ mokohlich̄i cha, holisso hash tiwa hi vt im vlhp̄iesa cho? achi hq pisa li tok.

3. Yohmi ma vba shutik, micha yakni, mikmvt yakni nutaka aiena ai ahanta kv̄t kv̄na kia holisso yv̄mma tiwa he, mikmvt pisa he ai im vlhp̄iesa aiena kv̄t iksho ki tok.

4. Yohmi ma kv̄na kia holisso hatuk q̄ tiwi cha, it im anumpula he, micha yv̄mma pisa he ai im vlhp̄iesa kv̄t iksho hatuk q̄, sa nishkin okchi vt mihinti fehna tok.

5. Mihma hatak tikba vhleha hash osh achv̄vt, Chi nishkin okchi vt minti ná; yakeh! Koi chito Chuta okla a minti, yv̄mmvt Lewi a minti hakshish filaminch̄i yak osh isht ashana untuklo kash mokohlich̄i cha, holisso hash tiwa ch̄i kv̄t ont im ai gh̄li hatuk oke, vm achi tok.

6. Yohmi ma yakeh! ai q̄ binili holitomp̄a, micha nan okchaya ushta, mikmvt hatak tikba vhleha aiena ka ai itin takla ya Chukfvlhp̄obushi vt hikia kv̄t illi tuk q̄ ahoba hosh, lapish vt untuklo cha, nishkin mvt untuklo, yv̄mmvt Chihowa imi shilombish untuklo yakni moyuma ai im aya mak q̄ pisa li tok.

7. Mihmet yvmmak ash ot minti mvt, ai o binili holi-
tomp a o binili im ibbak isht impak imma holisso hvt foka
tuk ash ant kohchit ishi tok.

8. Mihma yvmmt holisso ha ant ishi ma, nan okchaya
ushta, micha hatak tikba pokoli tuklo akucha ushta kash ot,
hap, micha tvli holisso lakna nan ai vlhto yosh na balama
alotowa, yvmmt vbanumpuli puta im anumpa ilbvsha mak
osh yohmi ho ishi banot, Chukfvlhpobushi itikba ya okla
ont hlipkvchi tok.

9, 10. Micha taloa himona ka okla talohowa kv, Chishno
ak osh chilli hosh oklushi ilaiyuka, im anumpa ilaiyuka
puyuta, hatak okla moma a kohchi hosh Chihowa immi e
toba chi ka, chishno chim issish ak o isht ish pi chumpa
hatuk; yohmi hosh Chihowa ha na holitomp a isht imvta,
micha miko vhleha aiena ka ish pikbi tok: atuk o yakni
pakna ka a mikot il ai asha chi hoka, Chishno ak osh holisso
hash ish ishi cha, isht ashana yash ish tiwa he vt a chim
vlhpiesa hoke, ahanchi tok.

11. Yohmi ma pit pisa li ma, ai o binili holitomp a bilika
fullota ka, enchil vhleha laua, mikmt nan okchaya, micha
hatak tikba vhleha aiena ka itih ola biek a ho haklo li tok;
yohmi kv yvmmt holhtena kv tahlepa sipokni pokoli
banot ia kv tahlepa sipokni pokoli cha, anonti tahlepa
sipokni bano hosh tahlepa sipokni achvfa hosh,

12. Chitolit miha hosh, Chukfvlhpobushi illi tok vt nan
isht im ai ghla he, micha nan uha in laua, mikmt isht a
hopoyuksa, micha isht hlampko, mikmt isht ahninch, i,
micha isht aholitopa; mikmt isht aiokpanchi aiena ka a
chimm i ha he vt chim vlhpesa hoke, ahanchi ho haklo li
tok.

13. Yohmi ma vba, micha yakni pakna, mikmt yakni
nutaka, mikmt okhva anpkaka, nan okchaya aiasha tuk,
mikmt yvma puta aiasha tuk vt momvt, Ai o binili holi-
tomp a o binili, micha Chukfvlhpobushi ita tuklo kv isht ai
okpanchi, micha isht ahninch, i, mikmt isht a holitopa, mik-
mt isht im ai ghli aiena kv ai immi kv bilivt biliashke,
ahanchi ho haklo li tok.

14. Yohmi ma nan okchaya ushta kash ot Amen, achi tok: mihma hatak tikba pokoli tuklo akucha ushta kash ot aka hlipkvchi cha, okchayvt ahantvt bilivt bilia yash o aiokpahanchi tok.

CHAPTA VI.

Nan aahana kash it iakaiyachit wakamohli; tiwakma nana hosh kaniohmi; nana kv̄t ont ai v̄lhikma kaniohma he anoli.

1. YOHMI ma pisa li hō, Chukv̄lhpbushī vt holisso isht ashana achvfa kash tiwi tok: mihma h̄lōha wimimpa hō chiyuhmi hosh nan okchaya ushta kash ot achvfv̄t, Minti cha, ant pisá, achi hō haklo li tok.

2. Mihma yakeh! issuba tohbi yō pisa li tok: mihma iti tanampo ishi hosh yvm̄mak ash o o binili; yohmi ma yvm̄mak ash o iachuka ima ma, yvm̄mak ash ot imaiyachit hlopulla ch̄i kv̄t imaiyahanchit ishit m̄ghaya tok.

3. Atuk o anonti holisso isht ashana atukla kash tiwi ma, nan okchaya atukla kash osh, Minti cha, ant pisá, achi hō haklo li tok.

4. Atuk o issuba inla yvm̄mv̄t humma yosh kohchvt ia tok: yohmi ma yvm̄ma o binili kv̄t nanaiya hatuk a yakni pakna yā a mokofit isha ch̄i kv̄t im v̄lhpisa na okla hv̄t ilap b̄ika yā itillicha he mak atok; yohmi ma yvm̄mak ash o b̄ushpo falaia chinto hō ima tok.

5. Mihma anonti holisso isht ashana ont atuchina kash tiwi ma, nan okchaya atuchina kash osh, Minti cha, ant pisá, achi na haklo li tok; mihma yakeh! issuba lusa yō pisa li tok; mihma yvm̄ma o binili kv̄t nan-isht-weki ibbak isht ishi tok.

6. Yohmi ma nan okchaya ushta ai itintakla yā ai anum-pa ola kv̄t, Iskv̄li achv̄fakma onush isht v̄lhpisa achvfa, mikma iskv̄li achvfa ka bale vt isht v̄lhpisa tuchinashke; yohmi kia ahah! ish ai ahni cha, alif v̄ni, mikmv̄t oka p̄aki aiena hokvno chik okpano kashke, achi hō haklo li tok.

7. Atuk o anonti holisso isht ashana ont ai ushta kash

tiwi ma, nan okchaya ont ai ushta kash osh miha mvt, Minti cha, ant písá, achi na haklo li tok.

8. Yohmi ma yakeh! issuba ható-lakna yó pisa li tok: mihma Isht-ai-illi hohchifo hosh yvmmak ash o o binili ma, ai okpulo ka ai asha tuk vt pit iakaiya tok. Mihma yvmmak ash ot yakni itakashkoa ont isht ai ushta ka bvshpo falaia, micha na hohchifo, mikmvt nan-illi, micha nampoa nukshopa puta yakni pakna ai asha aiena kak o isht illichá chĩ kv̄t im v̄hpisa tok.

9. Atuk o holisso isht ashana ont isht tahlapi kash tiwi ma, Chihowa im anumpa pulla, micha nana atokowa anolit ieshi pullvt isht illi tok v̄hleha shilombish vt alta nutaka ya ai asha na pisa li tok.

10. Mihma yvmmak ash ot, chitolit anumpulit miha mvt, Chitokaka ai ahli holitopa chia hv̄t pim issish a tok a atobvchĩ kv̄t yakni pakna ai asha ka chik im apeso h̄o, hopaki kv̄t katiohmi foka chĩ cho? ahanchi tok.

11. Yohmi ma yvmmak ash o ilefoka tohbi falaia holi-tompa aiyuka h̄o ima tok: mihma chekosi takla hokvno nukhintot fohvt maya na itibapishi v̄hleha tishu ilap ai itilauí puta kak kia, ilap ak atok ak inli h̄o chohmit illa hi atuk vt, ont ai ahli hi a i miha tok.

12. Mihma holisso isht ashana ont isht hannali kash tiwi ma, yakeh! yakni winakvchi chinto h̄o pisa li tok: mihma hvshi vt lusa kv̄t na pashi tv̄nna yó chiyuhmi ma, hvshinínak-aya yvt issish ak o chiyuhmi tok.

13. Yohmi ma v̄ba fochik puta kv̄t chilofvt akakoha kv̄t, fik v̄pi yvt mahli kv̄llo fehna h̄o faiokahanchi na ik ai ono h̄o v̄ni vt chilofa chatuk ak o chiyuhmi tok.

14. Mihma v̄ba shutik vt ita pahlatvt, a holisso yosh bonuntvt ont taiyahvt kv̄nia h̄o chohmit pit kv̄nia tok: mihma nv̄nih chaha, micha tashaiyi puta kv̄t a taloha tuk a a kanv̄llit taha tok.

15. Mihma m̄iko v̄hleha yakni pakna ai asha tuk, micha hatak hochitokaka v̄hleha, mikma hatak nan in laua v̄hleha, kv̄pitv̄ni hochito, hatak holitompa v̄hleha, mikmvt hatak yuka, micha hatak yuka keyu puyuta kv̄t nv̄nih chaha

puta tvli hochito aiena ka chiluk ai asha tuk a a lumpoa tok.

16. Mihmet nunih chaha puta, micha tvli hochito aiena kash o, Auet hvsh pi o kinahli cha, ai o binili holitomp a binili ka i nashuka, micha Chukfvlhpobushi nan isht i nukkilli aiena hatuk ma pisht hvsh i luhmashke.

17. Himak a nan isht i nukkilli nitak chinto kvv vlvshke; yohmi ka kvta hak osh hikia hinla cho? achi tok.

CHAPTA VII.

Chihowa in tishu vhleha ibitakla ya enchil osh in chunli, 1; 4 Israel isht ai unchululi laua kanihmi hosh yakohmit nan isht ai in chuwa, 9 Oklushi inla mvt aholhtina iksho hosh in chuwa, ilvppak ashot na tohbi holitopa falaia isht fohkvv aiasha holitopa itikba ya hiohmaya; 14 im anchi vt chukfvlhpobushi im issish o isht ahchifa ha tok.

1. ATUK o ai yvmohmi ha ya, enchil ushta kvv, mahli hvv yakni, micha okhvta, mikmvt iti aiena ka ik o mahlo ka chi ka, yakni auet a mahli ushta hatuk ma ieshi hosh, yakni achukbeli ushta ka hielu ho pisa li tok.

2. Mihma anonti enchil inla hosh Chihowa okchaya im isht in chuwa ishi hosh hvshi akochaka imma yo vttvt oiyvt minti ho pisa li tok; mihma yvmmak ash osh enchil ushta yakni, micha okhvta aiena okpva chi im vlhpisa tuk ash o chitoli hosh pit in tahpvvt,

3. Yakni, mikmvt okhvta, micha iti puta aiena ka hvch ik okpano ho, hvpin Chihowa in tishu vhleha ibitakla ya iloh in chonli hayashke, ahanchi tok.

4. Atuk o in chuwa tok vhleha holhtina ka haklo li tok: yohmi ma Israel okla isht ai unchululi vhleha moma kvv tahlepa sipokni banot tahlepa achvfa cha, tahlepa sipokni pokoli ushta akucha ushta hosh in chuwa tok.

5. Ohuta isht ai unchululi hvv tahlepa sipokni auah tuklo hosh in chuwa tok. Luben isht ai unchululi hvv tahlepa sipokni auah tuklo hosh in chuwa tok: Kat isht ai unchululi hvv tahlepa sipokni auah tuklo hosh in chuwa tok.

6. Ase isht ai unchululi hvt tahlepa sipokni auah tuklo hosh in chuwa tok. Neftalim isht ai unchululi hvt tahlepa sipokni auah tuklo hosh in chuwa tok. Manasses isht ai unchululi hvt tahlepa sipokni auah tuklo hosh in chuwa tok.

7. Simeon isht ai unchululi hvt tahlepa sipokni auah tuklo hosh in chuwa tok. Lefai isht ai unchululi hvt tahlepa sipokni auah tuklo hosh in chuwa tok. Issaka isht ai unchululi hvt tahlepa sipokni auah tuklo hosh in chuwa tok.

8. Sabulon isht ai unchululi hvt tahlepa sipokni auah tuklo hosh in chuwa tok. Chosef isht ai unchululi hvt tahlepa sipokni auah tuklo hosh in chuwa tok. Benchamin isht ai unchululi hvt tahlepa sipokni auah tuklo hosh in chuwa tok.

9. Ilvppvt ai yakohmi haya, anonti yakeh ! okla chinto fehna, hatak nana hosh hotehna kvv tahla he keyu mak o, oklushi ilaiyuka, im anumpa ilaiyuka puta yakni pakna ai asha moma ka a minti hosh, ilefoka tohbi falaia holitompabehkvchi hosh, pam vt ibbak a foyuka ho ai o binili holitompamicha Chukfvlhpobushi ita tuklo itikba ya hiel ho pisa li tok.

10. Mihma chitolit miha hosh, Hvpin Chihowa ai o binili holitompam o binili kak osh, micha Chukfvlhpobushi ita tuklo kak osh pi okchalanchi tuk mak oke.

11. Mihma enchil vhleha ai o binili holitompamicha hatak tikba vhleha, mikmvt nan okchaya ushta aiena kash a foluplit hiel tuk vt ai o binili holitompamitikba ya okla okahlipkvchit Chihowa ha aiokpahanchi mvt,

12. Amen, hvpin Chihowa yvt hopoyuksa, hlampko, micha nan okluha imaiya aiena hoka, yak oke im ai ahnit ahninchit, holitoblichit, il aiokpahanchi na bilivt biliashke, Amen, ahanchi tok.

13. Yohmi ma hatak tikba vhleha hash ot achvfvv auet anumpuli mvt, Ilefoka tohbi falaia abehkvchi yakohmi kvv kvta ho ? micha katima yo okla minti tok oh cho ? vm achi tok.

14. Mihma, A shahli ma ! yvmmak okvno ish ithanvshke, im achi li tok. Mihma, Ilvppa yakohmi kak osh na palvm-

mi chinto h_o asht kohchvt aya hosh, im ilefoka yash Chuk-felh-pobushi issish o isht achifvt tohbichi tok mak oke.

15. Yohmi hatuk osh Chihowa im ai o binili holitompa itikba ya nitak, micha ninak moyuma ka yvmma in tempel anukaka ya aiokpahanchi hoke: yohmi ka ai o binili holitompa o binili kvv yvmma ai itin takla ya ahanta hi oke.

16. Yohmikma himak a pilla ma ik hohchafo ka he, mik-mvt ik itukshilo ka he, mikmvt hvshi vt ik onvtulo ka he, mikmvt koche lvshpa mvt ik towulhkocho ka hi oke.

17. Chukfelhpobushi ai o binili holitompa iklvna binili yvmmak osh impvchit, pehlichit oka kvli okchaya hiohli puta ka isht ohona he: yohmikma Chihowa ak osh nishkin okchi puta ma mominchit i kasholichit tahla he mak oke, vm achi tok.

CHAPTA VIII.

Nan ashana ont isht untuklo kash o wakami, 1; 2 isht pufa untuklo h_o enchil untuklo ka ima, 6 ushta kvv olachi ma-na palvmmi chinto kvv otvni; 3 enchil achvfa kvv vbanumpuli vhleha vba pit anumpohonli taklak ma tvli holisso lakna alta toba ka na balama pit o bohli.

1. **ATUK** o holisso isht ashana ont isht untuklo kash ti-wi ma, hvshi kanvlli isht vlvpisa iklvna itintakla ka vba aholitopa yvt chullusvt talaia tok.

2. Mihma enchil untuklo Chihowa itikba hiel tuk g pisa li tok: yohmi ma yvmmak ash o isht pufa untuklo h_o ima tok.

3. Mihma enchil inla hosh tvli holisso lakna na-balama ai-vlhto y_o sholi kvv, mintit alta y_g ant a hikia tok: yohmi kvv vbanumpuli vhleha moyuma kvv vba pit anumpohonlik-ma ai atakla ma tvli holisso lakna alta toba yvt ai o binili holitompa itikba hikia tuk g ai o huhvkma chi ka, na balama laua h_o ima tok.

4. Atuk o na balama y_g a shobulli kvv, vbanumpuli vhleha vba pit anumpohonli ka ai itiba fokvt enchil ibbak g a kohchvt ia hosh, Chihowa itikba ohona tok.

5. Atuk o enchil ash ot na balama ai vlhto yash ishi cha, alta yak o luak a ai ishit alotuli mvt, aka pit fohobli tok; yohmi ma nan ola, micha hiloha, malvtha, mikmvt yakni winakvchi aiena tok.

6. Mihma enchil untuklo kash ot isht pufa untuklo ka ishi tuk ash, olacha chi kvtil ai atalili tok.

7. Mihma enchil vmmona kash ot olachi ma, hatafo, mikmvt luak, issish it ib vlhto aiena ho yakni a o kanchi tok: mihma iti okchaki moma ka a kashapa ont isht a tuchina kv luvt taha ma, hvshuk okchaki mvt momvt luvt taha tok.

8. Mihma anonti enchil ont atukla kash ot olachi ma, nr-nih chito yosh luak o isht luhva chiyuhmi hosh okhvta ha pit okatula tok: mihma okhvta a kashapa ont isht atuchina kv issish o toba tok.

9. Yohmi ma okhvta anukaka nana toba tok puta im ilh-fiopak asha tuk vt, kashapa ont isht atuchina kv illi tok; mihma peni hochito yatuk vt kashapa ont isht atuchina kv okpulot taha tok.

10. Mihma anonti enchil ont atuchina kash ot olachi ma, fochik chito yosh pula ho chiyuhmit luhva hosh, vba shutik a a mintit aka ant itola cha, okhina puta kashapa ont isht atuchina, mihmvt kvli a hiohli kashapa ont isht atuchina aiena ka onvtula tok.

11. Yohmi kv fochik yvmma hochifo kv wumwut achi hatok; yohmi hatuk o oka moyuma ka kashapa ont isht atuchina kv wumwut o toba tok: mihma oka ak osh takvt kvnia hatuk oka, hatak vt oka yash o isht illi kv laua tok.

12. Mihma anonti enchil ont ai ushta kash ot olachi ma, hvshi, hvshi ninak aya, fochik puta aiena kv koyufa ont isht atuchina hosh ai okpuloka tok; yohmi hatuk osh koyufa ont isht atuchina kv im okhlili na nitak koyufa ont isht atuchina kv ik tommo ma, anonti ninak vt mihinli tok.

13. Mihma anonti pit hopokoyo li mvt, enchil achvfa kv ossi hika ho chiyuhmit vba shutik iklvna ya hlopullit aya mvt, chitolit tahpulvt, enchil tuchina kash ot himak pilla isht pufa ola inla ka olacha chi kv asha ka, yvmmak osh

ohonla hokvno, hatak yakni pakna asha hatuk vt i Palvmmi, palvmmi, palvmmi chinta chi mak oke, ahanchi ho haklo li tok.

CHAPTA IX.

Enchil ont isht tahlapi kash ot olachi ma, fochik vt aka auet itula ma, yvmmak ashqchittuk hofobi ont ataha he iksho isht tiwa ya ima, 1: 2 chiluk ash o tiwi ma hawa puta halambia ho choh mi hosh auet kocha wiha tok; 13 isht pufa isht hannali kash ot ola; 15 mihma enchil ushta talakchi atuk vt i holhtofa.

1. YUMOHMI ma enchil ont isht tahlapi kash ot olachi ma, fochik vt vba shutik ak o a mintit yakni a ant onvtula ho pisa li tok; mihma yvmmak ash o chiluk hofobi ont ai vhli iksho isht tiwa ya ima tok.

2. Mihma yvmmak ash ot chiluk hofobi ont ai vhli iksho yash tiwi ma, tvli a bileli chito yo shobullit a kohcha ka, chiyuhmit chiluk hofobi a a shobullit kohoncha tok; mihma chiluk hofobi a a shobullit kohoncha kak o hvshi, micha shutik takla aiena kvv isht okhlilit kvnia tok.

3. Yohmi ma hawa puta mvt shobohli ka asht kohchvt, yakni a ai itvnova tok; yohmi ka yvmmak atuk mvt nan okpvna he im vlhpisa kvv, halambia yakni pakna ai asha kvv nan okpvna he im vlhpisa tok ak inli ho chiyuhmi tok.

4. Yohmi mvt yakni pakna hvshuk ai asha ka, micha nan okchaki puyuta, mikmvt iti aiena hokvno ik okpano ka chi, amba hatak kaniohmi hosh Chihowa im isht in chuwa yvt in lapanli keyu hatuk ak illa chi ho im vlhpisa tok.

5. Yohmi kia yvmmak oka ik illichio ka chi, amba ilvpak ash ot nan i palvmmi kvv hvshi tahlapi ka ona chi ho im vlhpisa tok; yohmikma hawa vt yvmmak ash o i palvm-michi kvv halambia hosh hatak a nvhlikmvt-i palvmmichi chatuk a chiyuhmi tok.

6. Mikmvt nitak yvmma foyuka hokvno hatak vt illa hi a hohoyo kia, ik ahayucho ka he; micha illi ka ik bunna kia, nan illichio vt i kvnihiya hi oke.

7. Yohmi ma hawa yash osh issuba hosh tvnvp ia chi hosh im vlhtahvt kvnia chatuk a chiyuhmi tok: mihmvt tvli

holisso lakna holba hq iachuka iachukoli ma, nashuka yvt hatak nashuka yq chiyuhmi tok.

8. Mihmvt pashi vt ohoyo pashi ak o chiyuhmi ma, noti vt koi chito noti yq chiyuhmi tok.

9. Yohmi mvt ikkishi alata puta kvt tvli ikkishi alata holba hq okla ishi tok: mihmvt i sanahchi fopa kvt itichanvli issuba laua shali hq tnvvp itibit ia hosh yihleptv aya na winihvchi hq chiyuhmi tok.

10. Mihmvt hasimbish vt halambia hasimbish o holba hosh asha hq, nan isht nvhli mvt asha tok; yohmi hosh nan im vlhpisa kvt hvshi tahlapi hq hatak a ilbvshala chi hatok.

11. Mihmvt i miko vt binili tok: yummvt chiluk hofobi ont ai vhli iksho a im enchil mak a tok: yummvt Heblu anumpa hokma Abatton hohchifo ma, amba Klik anumpa hokvno hohchifo kvt Apolyon oke.

12. Nana palvmmi achvfa kash ot ant ivt kunia ma, anonti na palvmmi tuklo hosh himmakma mihinta chi oke.

13. Atuk o enchil ont isht hannali kash ot olachi ma, tvli holisso lakna alta Chihowa itikba hikia tuk lapish ushta ka, anumpa ola hvv a kohcha mvt, enchil ont isht hannali kash ot isht pufa ishi hosh hikia kash o,

14. Enchil ushta talakchi yosh okhina chito Eufates a oka asha ka ont ish i hotofashke, im achi hq haklo li tok.

15. Mihma enchil ushta kash ot i holhtofa mvt, hatak puta kashapa ont isht atuchina ka vba chi kvt, hvshi kanvlli achvfa, nitak achvfa, hvshi achvfa, afvmmi achvfa aiena ka im vlhtaha tok.

16. Mihma issuba o binilit tnvvp aya holhtina kvt tahlepa sipokni tahlepa tuklo bat tahlepa sipokni achvfa tok: mihma holhtina ka haklo li tok.

17. Mihma nan isht atokowa kvt yakohmi hq pisa li tok; issuba o binili vhleha ilvppak ash ot ikkishi alata yummvt humma, micha okchamali, micha lakna ai itaiyoma aiena hq ieshi tok; mihma issuba noshkobo hvv koi chito noshkobo hq chiyuhmi ma, itakha ya luak shobohli, mihmvt hitak lakna aiena hosh a kohoncha tok.

18. Luak shobohli, mihmvt hituk lakna aiena kvt itakha

ya a kohoncha tuchina ilvppa pulla kak o, hatak moma ka kashapa ont isht atuchina kv̄t isht illi tok.

19. Itakha, mikmvt hasimbish aiena ka nan isht i palvm-micha hi vt im vlhpisa hoke; mihmvt i hasimbish vt nosh-kobo asha kv̄t sinti chilita yo holba hatuk o, ilvppak o nana ka isht okpani yoke.

20. Yohmi kia nan isht ahullo okpulo puta, micha tuli holisso lakna, tuli huta, mikmvt tuli lakna, tuli, iti aiena naholbvt toba puta, yvmmt pisa keyu, micha haklo kia haklo keyu, mikmvt nowa kia nowa keyu aiena ilap ibbak vt ikbi tuk okvno ik aiokpacho ka chi kv̄t, hatak kanimi na palvmmi ilvppa isht ik illo ke tuk okvto yvma i filvmm̄t ik ile kostinincho kish;

21. Hatak vbi, il isht ahullochi, nan itin lumaka, micha na hukopa aiena ka i filvmm̄t ik ile kostinincho ki tok oke.

CHAPTA X.

Enchil hlampko kv̄t holisso tiwa yvt ibbak a foyuka ho haiaka, 1; 6 okchaya bilia yvmmak atuk mak o himak ma nitak vt atakala chi keyu, achi tok: 9 holisso hosh ishi cha vpa chi kv̄t, Chan vt im vlhpisa.

1. YOHMI ma enchil chinto inla yosh hoshonti ho ibafoyuka hosh vba shutik a mintit aka vla na pisa li tok; mihma hinak-bitepuli hosh noshkobo ha apakfoyupa ma, nashuka yvt hvshi yo chiyuhmi ma, anonti iyi yvt luak tonik o chiyuhmi tok.

2. Mihmvt holisso iskv̄tinosi kv̄t wakama yo ibbak a isht ieshi tok; mihmvt iyi isht impak imma ya okhvta ha o hilechi mvt, anonti iyi isht im afvbekimma yano yakni ya o hilechi cha,

3. Koi chito woha chatuk a chohmit chitolit tahpvlvt miha tok; atukmvt yvmmak ash ot tahpva ma, hiloha untuklo kv̄t hilohoha tok.

4. Atuk o hiloha untuklo kash ot hilohoha haya, holissochi la chi hatok; atuk ak o vba aholitopa ya auet anumpa na, Nana yakohmi ka hiloha untuklo kash ot anumpuli tuk

g chik holissocho hosh ish ashanichashke, vm achi na haklo li tok.

5. Yohmi ma enchil yummvt okhvta, micha yakni ita tuklo ka o hikia na pisa li kash, yummak ash ot ibbak g vba shutik pit weli tok.

6. Mihmvt okchayvt ahantvt bilivt bilia, yummak osh vba, micha yumma nana kvv aiasha puta, mikmvt yakni, micha yumma nana kvv aiasha puta, mikmvt okhvta, micha yumma nana kvv aiasha puta aiena ka ikbi tok mih mak o isht a mihvt anumpa kvllo isht il onochi kvv, nana kvv a yohma he tuk ont ia he keyu ka hi atok;

7. Amba enchil ont isht untuklo im anumpa chi nitak okvno yummak ash ot olachit isht iakma, Ohikowa nana ai ahni tuk vt in tishu hopaii vhleha nan im otvnninchi tok mak osh ont vltaha chi mak oke.

8. Yohmi ma anumpa yumma vba aholitopa pit a haklo li tok ash ot anonti auet vm anumpuli tok : mihmvt, Ia cha, holisso iskvtnosi yummvt tiwa yash enchil, yummvt okhvta, micha yakni ita tuklo ka o hikia ka ibbak foka ka ont ishi, vm achi tok.

9. Mihma enchil ash im ona lish, Holisso iskvtnosi yash et vma, im achi li tok : mihma, Ishi cha, vpvv tahli; yohmikma chikfoka yg takbacha chi hoke, amba chitakha angkaka yano champuli kvv foi bila yg chohma chi hoke, vm achi tok.

10. Yohmi ma enchil ibbak g a kohchit holisso iskvtnosi yash ishi. lish, vpvv tahli li tok; mihma satakha anykaka yokvno champuli kvv foi bila yg chohmi tok : yohmi kia isht nanvbi li mak inli ho, sakfoka yash ot takvvt kvnia tok.

11. Mihma yummak ash ot, Hatak oklushi, mikmvt im anumpa ilaiyuka, miko vhleha puta lgwa ka itikba yg nana ka tikbanli ish ai otvnihincha chi pulla hoke, vm achi tok.

CHAPTA XI.

Vltokowa anoli tuklo hosh nan anohonli, 1; 5 ik umbo ka chi ka vba shutik akamala hi vt im vltipia; 7 nampoa nukshopa yvt i sanalit

itihjbit yummak ash vbi ; 8 ik hollopo hosh kaha na, 4 nitak ont atuchina cha iklvnvt aiena ma tanit okla ; 15 isht pufa isht untuklo kashot oia.

1. YUMOHMI ma kushak osh fuli yo holba ho vma tok ; mihmvt, Wakaya cha, Chihowa in tempel, micha alta, mikmvt kvna hosh yvmma ai ashvt aiokpahanchi vhleha aiena ma ish apesashke.

2. Yohmi kia apishia, yvmmvt tempel a ai ibachvfa keyu hoka, yummak okvno Chentail okla ho immi hoka, chik ape-so kashke ; yohmi ka hvshi pokoli ushta cha tuklot aiena ka tvamaha chito holitopa ya iyi pvtha okla isht a hvhlihinchha chi hoke.

3. Mikma nan isht ai ahli ka nana vm atokowa ishi tuklo ka ima la chi ; mikma mihi yosh pashi tvnna na fohka yo foyuka hosh nitak tahlepa sipokni achvfa cha, tahlepa tuklo pokoli hannali aiena ka nana ka tikbanli otvnihincha chi hoke.

4. Ilvppak osh Alif iti tuklo, mikmvt pula ai o hikia taklo aiena kvv yakni pakna in Chihowa itikba hieli mak oke.

5. Yohmi ka hatak nana hosh ilvppa ilbvshali hokma, ilvppak ash itakha ya luak osh a kohcha hosh in tvnvp puta hatuk ma isht vpa hoke ; yohmi ka hatak nana hosh yvmma ilbvshali hokmvt, nana ai yakohmi mak o illashke.

6. Ilvppak ash osh nan ai atokowa anohonli kvv isht ahanta takla nitak a ik umbo ka chi ka, vba shutik a okshita hi vt ilvppak osh ai im vlvpesa mak oke ; mikmvt oka puta ma imaiyvt yummak ash o issish o ikba hi vt ai im vlvpesa ; mikmvt yvmmvt nana ka ik yohmi ahni hokmvt, na palvm-mi puta ma yakni ya isht ihissa hinla hoke.

7. Yohmi tok kia ilvppak ash ot nana atokowa ishi kash ot ont taiyahli tuk mak o, nampoa nukshopa chiluk hofobi ont ai vhi iksho a kohcha mak osh in tanampit, yummak ash imaiyachit vba hi oke.

8. Mihma tvamaha chito yummak o hvpin Chitokaka yak kia ititaiyukhvna a honahla tok, nan isht it apesa kvv Sotom, micha Echip achi ka hina yvmma illi haknip vt a kaha chi hoke.

9. Mikma okla ilaiyuka im anumpa ilaiyuka, oklushi puta mvt nitak tuchina cha iklunna aiena ka, illi haknip ash pihisa kia, ahollopi ya ik a hollopi, okla ik ai ahno ka hi oke.

10. Yvmohmikma yakni paknaka ai asha tok puta ka hopaii tuklo ilvppak ash osh i palvmmihinchi tuk oka, yakni paknaka ai asha ak inli kvt nan isht il im ai yukpvt, na yukpa ikbit mayakmvt, ilap bika nana iti habenvchit ai asha hi oke.

11. Yohmi na nitak tuchina cha iklunna aienakma shilombish okchaya Chihowa ak o a minti hosh yvmmak ash chukowa ma, yvmmak ash ot ilap iyi yosh isht o hinli tok: mihma ilvppa pisa puta tok okvno na nukshopa chinto kvt onvtuyula tok.

12. Yohmi ma vba aholitopa a minti anumpa chito ka haklot okla ma, Oiyvt ho minti, auet im ahaya tok. Mihma vba aholitopa ya ia kvt hoshonti anukaka mahaya ma, in tvnvp puta tuk vt pihisa tok.

13. Mihma hvshi kanvlli yvmmak inli ho yakni vt winakvchi chito tok; mihma tvnaha chito kashapa ont isht pokoli kvt kinafa tok; yohmi ma hatak tahlepa sipokni untuklo hosh yakni winakvchi ka ai illi tok; mihma hlakofi tok okvto nukhlakancha mvt, vba aholitopa in Chihowa ya holi-toblichitok, achi tok.

14. Na palvmmi atukla kash ot ant a yohmi ka, anonti yakeh! na palvmmi atuchina kash ot chekosikma minta chi hoke.

15. Atuk o enchil isht untuklo kash ot olachi tok: mihma anumpa ola chinto kvt vba aholitopa ya auet takali kvt, Yakni ilvppa apelhlichika puta kvt hvpin Chitokaka, mikmvt Ushi Klaist ita tuklo im apelhlichika yo tobvshke; yohmi hatuk o mihi yosh mikot ahanta na bilivt bilia hi oke.

16. Yohmi ma hatak tikba pokoli tuklo akucha ushta, yvmvvt Chihowa itikba ya ilap im ai o binili o binohlit maya kash osh aka hlipkvchi cha, Chihowa ha aiokpahan-chi mvt,

17. Chitokaka Chihowa nana moma imaiya ma! okchayvt ahanta tok osh, okchayvt ahanta, anonti himak a pilla

ma okchayvt ahanta he chia, yohmi kv̄t chishno nan isht chim ai ahli chinto ma il ai ishit, mikot ish ahanta hoka, yak oke e chim ai ahnishke, ahanchi tok.

18. Yohmi ka oklushi puta chukvsh vt nukhobela tok: mikma nan isht ish i nukkilli yvt vlvshke: mikma illi puta kv̄t nan im ai vlvpisa chi, mikmvt chin tishu hopaii vhleha, mikmvt vbanumpuli ahli puta, mikmvt kv̄na hosh chi hohchifo ha i nukshohompa aiena hokvno nan isht vlvhtoba ma ish ai ima chi, mikmvt kv̄na hosh yakni ya okpvni hokma, yvmma ish ai okpvna chi nitak vt vlvshke.

19. Yohmi ma Chihowa in tempel vt vba aholitopa ya a tiwa tok; mihma in tempel anyakaka ya nan it im vlvpisa itombi holitopa kv̄t otvni tok; mihma malvha, anumpa ola, hiloha, micha yakni winakvchi, mihmvt hatafo chito aiena kv̄t a takali tok.

CHAPTA XII.

Ohoyo hv̄t hv̄shi yo isht foyukv̄t vlla isha chi nan i palvmmi, 1; 4 sinti chilita humma yosh yvmmak ash itikba hikia kv̄t im vlla ya isht vpa chi kv̄t im vlvhtaiyaha; 6 vlla yvt in tola mvt, ohoyo hash ot yakni haiaka yo pit maleli; 7 Mikael, micha im enchil aiena kv̄t nan okpulo sinti chilita yash itihibit imaiyachi; 13 sinti chilita yaash ot vba mintit aka itola cha, oboyo hash i tēnahampi tok.

1. YOHMI ma na fehna chinto kv̄t vba shutik a ai otaiyani kv̄t, ohoyo hosh hv̄shi yo foyuka ma, hv̄shi-ninak-aya yvt iyi nuta yo takali tok, yohmi ma fochik auah tuklo iachuka toba ho iachukoli tok.

2. Mihmvt yvmmak ash ot chakali hatuk osh, vlla itola he nan isht i palvmmi na hotopa tuk vt itola hokbano ahnit, tahpahanla tok.

3. Mihma na fehna inla kv̄t vba shutik a ai otvni kv̄t, yakeh! sinti chilita humma chinto hosh, noshkobo hv̄t im untuklo mvt, anonti in lapish vt pokoli ma, iachuka untuklo kv̄t noshkobo ha afoyua tok.

4. Mihma i hasimbish vt vba fochik a kashapa ont isht atuchina ka halanlit aka auet fohopli tok; yohmi ma vlla yvt

in tola he ai ona hatuk o; vlla yvt itola mak iah hō isht im vpa chī kv̄t, ohoyo hash itikba sinti chilita yash ot hikia tok.

5. Atuk o yvmmak osh tvli fuli yō ieshi hosh okla moma ka imaiyachit nan im apesa chī mak o, ohoyo hash ot vlla nakni yō sholi tok; atuk o im vlla yash o Chihowa, mikmvt im ai o binili holitempa pilla a maya tok.

6. Yohmi ma yakni haiaka kanima yō ai v̄tta hi o Chihowa yvt ai im atahli tok mak o, ohoyo hash ot pit maledi tok: yvmmak o nitak tahlepa sipokni achvfa tahlepa tuklo cha pokoli hannalit aiena ka yvmmak oka okla nan ai im atahanla chī hatok.

7. Mihma vba ya ai it in tanampit ai asha tok: Mikael vt im enchil v̄hleha aiena kv̄t sinti chilita yash itihimbi ma, anonti sinti chilita yash ot yvmmak ash, mikmvt im enchil aiena ka itihimbi kia,

8. Imaiyaichi keyu ki tok; mihmvt ai v̄tta he nana kia vba ya iksho ki tok.

9. Mihma sinti chilita chinto, sinti sipokni, nan isht ahullo okpulo, micha Setan achi chatuk, yvmmak osh yakni moma ka yoshubli chatuk mak o yvma a kohchi tok, atuk o aka pilla hō yvmmak ash ot pit itola tok; mihma im enchil v̄hleha hash ot ahev̄t pit kaha tok.

10. Mihma vba aholitopa ya anumpa ola chinto ka pit a haklo li ma, Himak ano isht ai okchaya, isht hlampko, mikmvt hv̄pin Chihowa im avehlichika, micha Ushi Klaist nan isht im ai ahli aiena hash ot vlvshke; hv̄p itibapishi v̄hleha i nukkillit na-mihachi yvmmak osh nitak, nimak aiena ka hv̄pin Chihowa itikba ya ai i nukkillit na-mihachi yatuk ash osh aka pit itolvshke, ahanchi tok.

11. Mihmvt Chukfvlhpobushi im issish, mikmvt ilap im anumpa isht atokowa puta hō yvmmak ash okla isht imaiyachi tok; yohmi kia isht ai illa he kia, ilap im ilhfiopak a i hullo tok keyu.

12. Yvmohmi hoka vba aholitopa puta, micha yvma ai asha puta hv̄chia ma! ho yukpá, nan isht ahullo okpulo, yvmvt chekosi itintakla hō anta chī kv̄t ithana hosh, nan isht i nukkilli chinto ka il ai eshit hv̄chim v̄la hoka, yakni

pakna, mieha okhuta aiena ka ai asha tuk vt nana i palvmmi mak oke.

13. Yohmi ma sinti chilita yash ot aka ya pit itola kvv il ithana mvt, ohoyo yvmmak osh vlla nakni ishi kash, ilbv-shahli tok.

14. Mikma ilap ai vtta yakni haiaka hikvt ia chj ka, ohoyo hash qssi chito sanahchi tuklo hq ima tok; yohmi ma yvmmak q afvmmi tuchina iklvnvt aiena ka sinti chilita yash q itikba ai i filvmmi ai ilhpihintashke.

15. Mihma sinti chilita yash ot oka falama ohmi kvv oka yq ohoyo hash iakaiyachit ilap itakha a kohchi kvv, yvmmvt oka chito yosh yvmmak ash shalit kanima isht ia hi a ahni hatok.

16. Yohmi tok kia yakni vt ohoyo hash apela tok; mih-mvt yakni ash ot ilap itakha ya wakvmmi cha, oka chito yvmma sinti chilita yvt ilap itakha ya a kohchi kash isht nanvpli tok.

17. Yohmi ma sinti chilita yash ot ohoyo hash i nukkilli fehna mvt, ivt ohoyo hash isht ai unchululi kaniohmi maya, yvmmvt Chihowa im anumpa vlpisa puta ka holitobli, mik-mvt Chisvs Klaist nan isht im atokowa aiena ka ieshi vhleha hash q in tanampi tok.

CHAPTA XIII.

Nampoa nukshopa yvt noshkobo hvt untuklo, lapish mvt pokoli hosh okhuta hq akohcha tok; mihma yvmmak q sinti chilita yash ot nan ai ahli ima tok, 1; 11 nampoa nukshopa inla yosh yakni a akohcha; 14 nampoa nukshopa tikba ya tuk toba chj ka na holvvt toba ya im ahni; 15 yohmi na yvmmak ash q hatak puta kvv aiok pahancha chj; 16 mikmvt isht ai in chywa chj ha tok.

1. YUMOHMI ma okhuta shinuk pakna ya ai q hikia li mvt, nampoa nukshopa achvfa kvv okhuta hq a koyucha hq pisa li ma, noshkobo hvt untuklo mvt, lapish vt pokoli, mihma in lapish pakna ya iachuka pokoli ma, anonti Chihowa isht ik ahobalo hohchifo hosh noshkobo hq ai q holisso tok.

2. Mihma nampoa nukshopa yvmma pisa li kash o koi chikchiki ho holba ma, iyi yvt nita iyi yo chiyuhmi ma, anonti itakha mvt koi chito itakha yo chohmi tok: mihma sinti chilita yash ot nan isht hlampko, micha miko ai o binili, mikmvt nan isht im ai ahli aiena ka yvmmak ash o ima tok.

3. Yohmi ma yvmma noshkobo achufa kamo nvhlvt isht illa hi o chiyuhmi tok; atuk ak osh nvhlvt isht illa he kash ot hlakofi tok; mihma nampoa nukshopa hash o yakni mo-ma kvt, okokko! ai ahnit iakaiya tok.

4. Yvmohmi mvt sinti chilita yvmmak osh nampoa nukshopa ya nan isht ai ahli ima hatok oka, okla aiokpahanchi mvt; anonti nampoa nukshopa hash o okla aiokpahanchit, Keta hosh nampoa nukshopa holba cho? kuta hosh yvmma in tanampit ahanta hinla cho?

5. Yohmi ma na chinto fehna, micha nana ka ik ahobalo puta isht anumpula chi ka yvmmak ash o itakha ima tok; yohmi ka hvshi pokoli ushta akucha tuklo ka a moyumvt isht ahanta chi mak osh im vlpisa tok.

6. Yohmi ma yvmmak ash ot itakha ya wakvmmmit, Chihowa ya ik ahobalot isht anumpulit, i hohchifo, micha im vhltipo, mikmvt vba aholitopa aiasha puta ma ik ahobalot na mihachi tok.

7. Yohmi kvt vbanumpuli ahli vhleha in tanampit yvmmak ash o imaiyacha chi kvt nan im vlpisa tok; micha hatak oklushi ilaiyuka, mikmvt im anumpa ilaiyuka puta ka imaiyacha chi ka yvmmak ash o nan isht im ai ahli ima tok.

8. Mikma kva hosh hohchifo hv yakni tobt a minti tok ai vhl ka vltobvt illi tok Chukfvlhpobushi i holisso ai-okchaya a holisso tok keyu kvt, yakni pakna ai asha moma kvt yvmmak ash o aiokpahancha chi hoke.

9. Hatak nana hoh kia haksobish vt i hikiakmvt, ik haki.

10. Kva hoh kia inla ya yuka ikbit isht aya hokvto, ilap mvt yuka tobt aya hi oke; kva hoh kia inla ya bvshpo falaia yo isht vbi hokvto, ilap mvt bvshpo falaia yo isht

illa hi oke. Ilvppak o vbanumpuli vhleha kvv nukshanvt achunanachit na yimmi ka isht otaiyani hoke.

11. Yakohmi ma nampoa nukshopa inla kvv yakni a auet a kohcha na pisa li tok; yohmi ka yvmmak ash ot in lapish vt asha kvv Chukfvlhpobushi ak o holba mvt, anonti sinti chilita yak o chiyuhmit anumpuli tok.

12. Mikmvt yvmmak ash ot nampoa nukshopa vmmna isht im ai ahli ash yvmma itikba yo isht ahanta hoke; mikmvt yakni, micha yvmma ai asha pit aiena kvv nampoa vmmna, yvmmvt bahvt illit hlakofi tok ash aiokpahancha chi ka im ahni hoke.

13. Mikmvt yvmmak ash ot na fehna chinto ka yvmihchi; yohmi hatuk osh yvmmak ash ot luak vt vba mintit hatak puta itikba yakni a ant onvtuyula chi ka ahni hoke.

14. Yohmi hatuk osh yvmmak ash ot nan im ai ahlit nampoa nukshopa itikba ya na fehna puta ka a yvmihchi kak osh yakni pakna ai asha puta ka yoshublihinehi mvt; bvshpo falaia isht baha tok kia, anonti okchaya tok nampoa nukshopa yvmma na-holbachit okla im ikba chi ka, yakni pakna ai asha vhleha ha im ahanchi hoke.

15. Mihmvt nampoa nukshopa holba yash ot anumpuli, mikmvt laua kvv kaniohmi hosh nampoa nukshopa holba yash aiokpvcha hi o keyukmvt, illa hi a aiena ka im ahna hi oka nampoa nukshopa holba yash ilhfiopak ima hi vt im vlhpisa hoke.

16. Yohmi kvv hochitoka, mikmvt ik a lauwo, nan in laua, mikmvt ilbvsha, yuka keyu, mikmvt yuka a moyuma kvv ibbak isht impak imma, keyukmvt ibitakla ya in chuwa hi a yvmmak ash ot im apesa yoke.

17. Yohmikma hatak nana kia nanasi kia chumpa, keyukmvt kancha he keyu mak a tok: amba kvna hosh nampoa nukshopa isht in chuwa, yvmmak keyukmvt i hohehifo, yvm-mak keyukmvt i hohehifo ha isht a holhtina kvv isht ai in chuwa ak a hi oke.

18. Ilvppak o nan isht ithana yoke. Kvna kia im anuk-fila isht akostininchi im ashakmvt, nampoa nukshopa isht im a holhtina ka ik hotchna, yvmma hatak vt a hotchna

yoka: yohmi ka yumma isht im a holhtena kv̄t tahlepa hannali cha pokoli hannali akucha hannali hoke.

CHAPTA XIV.

Chukfulhpobushi vt ilap ai itapeha itapehvt Saion nv̄nih a bihmaȳa,

1. 6 Enchil osh v̄banumpa isht anumpuli; 8 Babulon vt akama; 15 yakni pakna nawaya hoiyo; 20 Chihowa nan isht i nukkilli oka paki toba ȳa itahobi.

1. YAKOHMI ma hopokoyo li ma, anonti yakeh! Chukfulhpobushi ash osh Saion nv̄nih ha o hikia ma, tahlepa sipokni bat tahlepa achv̄fa cha pokoli ushta akucha ushta kv̄t, yumma Iki i hohchifo hv̄t ibitakla ai o holisso hosh yummak ash o apeha tok.

2. Yohmi ma v̄ba aholitopa ȳa anet anumpuli ka oka laua fopa, mikmvt biloha chinto ola chiyuhmi h̄o haklo li tok: mikma hap olachi vhleha hv̄t ilap i hap ai olahanchi na ola ka haklo li tok.

3. Yohmi ma ai o binili holitompa itikba, mikmvt nan okchaya ushta, micha hatak tikba vhleha aiena itikba taloa himona ȳo okla a talohowa tok; yohmi ka taloa yumma hatak nana hosh ithv̄na he keyu ma, amba tahlepa sipokni bat tahlepa achv̄fa cha pokoli ushta akucha ushta yummak o yakni a kohchit chumpa ak illa tok.

4. Ilvppak ash osh ohoyo nana kia isht a liteha tok keyu vhleha hoke; ohoyo himithoa hatak haleli keyu h̄o chiyuhmi vhleha hoke. Ilvppak ash osh Chukfulhpobushi, yummvt kanima ȳo ia holi kia, iakaiya vhleha mak oke. Ilvppak o hatak puta ai itintakla a kohchit chumpa tok o, Chihowa, micha Chukfulhpobushi ita tuklo ka imami nawaya v̄mmona vhleha hoke.

5. Yohmi ka yumma itakha ȳa na holabi kia ai otuni chatuk o keyu; Chihowa ai o binili holitompa itikba ȳa na liteha nana kia ik im iksho vhleha hoka.

6. Yakohmi ma anonti okla, oklushi ilaiyuka, mikmvt hatak im anumpa ilaiyuka moma yakni pakna ai asha tok a

im anumpula chi hosh, enchil inla yvt vbanumpa ai ahlit bilia il ai eshi hosh vba shutik iklvna ya hikvt aya mvt,

7. Chitoli hosh mihvt, Chihowa hvt nan ai apesa chi hvshi kanvlli vt vla hoka; yvmmak o i nukshumpvt ho holitobli; micha yvmmak osh vba shutik, yakni, okhvta, mikmvt kvli hiohli puta aiena ka ikbi tok oka, oh aiokpahanchi, ahanchi na pisa li tok.

8. Yohmi ma anonti enchil inla kv iakaiya mvt, Ilap nan itin lumaka nan isht haksichi oka paki chiyuhmi ho okla moma ka ishkochoi tok okvt, Babulon tymaha chito yvmmak ash ot aiokpulokvshke, aiokpuloka mak oke, ahanchi tok.

9. Anonti enchil ont isht atuchina kv yvmmak ash o pit iakaiya mvt, chitoli hosh mihvt, Hatak nana kia nampoa nukshopa, micha yvmma holbvt toba yash aiokpvchi cha, anonti isht in chuwa ma ibitakla, keyukmvt ibbak isht impak imma okma, nana ka isht ai in chuwa hok mak osh,

10. Mihi yosh Chihowa nan isht i nukkilli oka paki yvm-mvt nan itaiyoma keyu hosh, yvmmvvt nan isht i nukhobela isht ishko ya a toshowa mak o ai ishka chi hoke; yohmik-mvt yvmmak ash ot enchil holitopa vhleha itikba, mikmvt Chukvhlhpobushi itikba aiena ka luak, micha hituk lakna aiena ho isht ai ilbvsha hi oke, ahanchi tok.

11. Atuk o yvmma isht ai ilbvsha shobohli hvt vba ai ihiya kv bilivt bilia hoke; yohmi ka kvna hosh nampoa nukshopa, micha yvmma holbvt toba yash aiokpahanchi, mikma kvna hosh yvmma i hohchifo isht in chuwa ya isht ai in chuwa hokvto nitak, nirak aiena ka a foha he ik im iksho vhleha hoke.

12. Ilvppak o vbanumpuli vhleha hvt nuktanlv achu-nanchi ka isht otaiyani hoke; ilvppak o Chihowa im anumpa vhlhpisa puta holitobli, micha Chisus i yimmi aiena ka isht otaiyani hoke.

13. Yakohmi ma vba aholitopa ya auet anumpa na haklo li ma, Ish holissochashke, Kvna hoh kia himak a pilla ka Chitokaka ya ibai achvvt illi hokvto na yukpa hoke; ahli yvmmak okvt nana ka isht ahantvt isht hoyvbli tok puta ka a mokovt a foha chi hatok, Shilombish Holitopa yvt

achishke; mikma nan-toksvli puta kash ot ilap a iakaiya hoke, vm achi tok.

14. Atuk o anonti yakeh! hoshonti tohbi ka pisa li ma, hoshonti pakna ya hatak Ushi ak o holba hosh o binili cha, tvli holisso lakna iachuka iachukoli mvt, anonti nan isht vlmo halupa fehna ka ibbak isht ieshi tok.

15. Mihma enchil inla yvt tempel a a kohchvt minti mvt, hoshonti o binili yummak ash chitolit in tahpvt, Nan isht chim vlmo ya fahvmmi na-waya ya vmó; nan ish ma he vlpesa ka ai ona hoka; micha yakni pakna nan a waya kvv a laknvt tahvshke, im achi tok.

16. Mihma hoshonti o binili yummak ash ot nan isht im vlmo ya ishit yakni pakna moma o fahvmmi tok: mihma yakni vt vlmot taha tok.

17. Anonti enchil inla yosh yummak kia nan isht vlmo halupa ka ishi hosh, tempel vba aholitopa talaia ka auet a kohchvt minti tok.

18. Mihma enchil inla yvmvt luak o imaiya hosh alta ya ai vttvt kohchvt minti tok: mihmvt nan isht vlmo halupa ishi yummak ash o chitoli hosh in tahpvt, Nan isht chim vlmo halupa yash ishi cha, yakni pakna pakvpi ai vnit pokospoa ka tvptulit itahobi; paki vt nuna fehnvt taha hoka, im achi tok.

19. Mihma enchil ash ot nan isht im vlmo yash yakni pit o fahvmmi mvt, yakni pakna pakvpi a ai vmot itahobi cha, Chihowa nan isht i nukkilli ya oka paki atoba chito ya pit fohopli tok.

20. Yohmi ma vmaha chito kochanli ak o oka paki atoba yash o a hvhlichu tok: mihma issish osh oka paki atoba yash a kohoncha kvv, kovi tahlepa tuklo a taiyakla ka cha-ha kvv issuba tvli kapali itih hq kapanli ona hosh talaia tok.

CHAPTA XV.

Enchil untuklo kvv na palvmmi untuklo ishtaiyopi ka il ai ishi, 1; 8 nampoa nukshopa yash im aiyachi tok vhleha in taloa; 7 koto-bushi untuklo kvv Chihowa nan isht i nukkilli alota.

1. **MIHMA** nan isht atokowa inla yvt isht anukhlakancha he a chinto hō vba aholitopa yō a pisa li ma, enchil untuklo kv̄t na-palvmmi untuklo ishtaiyopi yvmmak o Chihowa nan isht i nukkilli yvt isht ai ghli mak o ieshi tok.

2. Yohmi ma okhvta shohkoali hosh luak it ieshit talaia chiyuhmi na pisa li tok; mihma nampoa nukshopa, micha yvmma holbtv toba, mikmvt isht in chuwa, yvmohmikmvt yvmma hohchifo isht aholhtina aiena ka imaiyachi tok vhleha a moyuma hokvto Chihowa i hap ieshi hosh, okhvta shohkoali yash o hiohli tok.

3. Mihmvt Chihowa in tishu Moses im vlhtaloak, micha Chukfvlhpobushi im vlhtaloak aiena ka okla talohōwa kv̄t, Chitokaka Chihowa nana moma imaiya, vbanumpuli vhleha i Miko chia ma! nana ish a toksahanli puta ka isht a nukhlakancha he a chinto hoke: yohmi kv̄t ai vlhpiesa ai ghli yak osh a chim anukfila yoke.

4. Chitokaka ma! Chishno ak bano hosh chi holitopa hoka, kv̄ta hosh ik chī nukshohompot, chi hohchifo hā ik holitoblecho ka chī cho? ai vlhpiesa na palvmmi ish onochi hatuk a otvni hoka, oklushi moma kv̄t chi tikba yā ai vlv̄t chi aiokpahancha hi oke, ahanchi tok.

5. Yakohmi ha ya anonti hopokoyo li tok; mihma yakeh! nan isht atokowa vlhtipo in tempel vt vba aholitopa yā a tiwa tok.

6. Yohmi ma enchil untuklo kv̄t na palvmmi untuklo kash ieshi hosh, linen kashofa tohbi yō foyuka mvt, anonti tvli holisso lakna isht vskofvchi toba hō chunuko yā isht vskofaiyachi hosh, tempel ash auet a kohcha tok.

7. Yohmi ma nan okchaya ushta kash ot achv̄vt Chihowa, yvmmvt okchayvt anta kv̄t biliv̄t bilia nan isht i nukkilli yā tvli holisso lakna kotobushi untuklo alotowa hō enchil untuklo kash ima tok.

8. Yohmi ma Chihowa nan isht im aholitopa, mikmvt nan isht im ai ghli a minti shobohli hō tempel ash osh isht alotowa tok; yohmi ka enchil untuklo nan isht im a palvmmi untuklo kash ot ont ik ai ghlo kisha hokvno hatak nana kia tempel ash a chukowa he keyu hatok.

CHAPTER XVI.

Nan isht i nukkilli kotabushi alota kash o enchil vt fohopli, 1; 6 mihma na palvmmi hosh aya; 15 hukopa yo chohmit Klaist vt vla chi; mikma kuna hosh okchvt hohoyo tuk okvto na yunkpa he.

1. YUMOHI ma anumpa ola chinto kvv tempel a auet a kohcha kvv, Oh ia cha, Chihowa nan isht i nukkilli kotobushi ai vlvto kash yakni pakna oh ai o fohopli, enchil untuklo kash im ahanchi na haklo li tok.

2. Mihma vmmona kash ot ia mvv, ilap i kotobushi vlvto kash yakni ont o fohopli tok; mihma kuna hosh nampos nukshopa isht in chywa ya isht ai in chywa tok, mikmvv kuna hosh yvmm holvvv toba ya aiokpahanchi tok hatak puta kash o hichi okchushba nan okpunlo kvv onvtuyula tok.

3. Anonti enchil atukla kash ot ilap i kotobushi vlvto kash okhva ont o fohopli tok; mihma hatak illi im issish o chohmit toba na nan okchaya okhva ai asha tuk vt moyumv illit taha tok.

4. Anonti enchil atuchina kash ot ilap i kotobushi vlvto kash okhina, mikmvv kvli puta ka o fohopli tok; mihma yvmmak ash ot issish o toba tok.

5. Yohmi ma oka puta ka im enchil osh okchayvt ish ahanta kvv, okchayvt ish ahanta tok osh, anonti okchayvt ish ahanta hi osh nana ka yakohmichit ish apesa hoka, Chitokaka ma! nan ai vlvpiesa chia hoke.

6. Yvmmak okv vbanumpuli vlvleha, mikmvv hopaii vlvleha aiena im issish a hlatabambli tok okv, ilap mvv, ai i yvmohma he vlvpesa mak o, ishka chi ka issish o ish ihimvshke, achi hv haklo li tok.

7. Anonti inla kvv alta ya auet a kohcha kvv, Ik yvmohmi mvhli, Chitokaka Chihowa nana moma imaiya ma! nan ai ghli ai vlvpesa kak o ish apesa yoke, achi hv haklo li tok.

8. Anonti enchil ont ai ushta kash ot ilap i kotobushi vlvto kash hvshi yo o fohopli tok: mihma hatak puta ka

tuak o isht towulhkocha chi ka yummak ash o nan isht ai ghli yosh im vlpisa tok.

9. Atuk o hatak puta kash ot na lvshpa chinto ka isht towulhko mvt, Chihowa, yummak osh na palvmmi ilvppa puta ka i shahli yatuk a i hoehifo ha ik ahobalot na miha-chi tok; mihmvt yummak ash o holitoblichia hi atok vt okla ik ile kostininecho ki tok.

10. Yohmi ma enchil ont isht tahlapi kash ot ilap i kotobushi vlhto kash nampoa nukshopa yash im ai o binili o fohopli tok; mihma yvmma im apehlichika ya ai okhlili kvv kenia ma, nan anukhahvmi hokvt, isunlvsh atuk a okla ahampa tok.

11. Mihmvt hiehi okchushbvt hotohompa hokvt, ilap nana a kaniohmi tok puta ka okla ai ile kostininechi keyu mvt, vba aholitopa in Chihowa yak o ik ahobalot na miha-hanchi tok.

12. Anonti enchil ont isht hannali kash ot ilap i kotobushi vlhto kash okhina chito Eufates a o fohopli tok; mihma hvshi a kochaka miko vhleha im ataya yvt vltaha chi mak o, oka yvmma foyuka tuk vt shilvt taha tok.

13. Yvmohmi ma shilombish ik kashofo tuchina kvv hatonlvi ho holba hosh sinti chilita itakha, mikmvt nampoa nukshopa itakha, micha hopaii ilahobi itakha aiena kash akohcha na pisa li tok.

14. Yummak okvt nan isht ahullo okpulo imi shilombish vhleha hatuk osh, nafehna puta ka yvmihinchi mvt, Chihowa nana moma imaiya i nitak a chintokma ai itiba chi mak o itvnala chi hosh, miko vhleha yakni moma ai asha ka ivt im ohonvshke.

15. Yakeh! hukopa yo chiyuhmit vla lishke; isht a hofahya, ka okla pisa hinla ka, nipi banot ik ayo ka chi kvv, kvvna hosh okchvt ahah! ahnit ilap imi nafohka puta ka ilatomba hokvto nayukpvshke.

16. Yohmi ma Hebhu anumpa hvv Amaketton achi yvmak o ai itahobit tahlil tok.

17. Yvmohmi ma enchil ont isht untuklo kash ot ilap i kotobushi vlhto kash vba shutik takla yak o a fohopli tok;

mihma anumpa ola chinto kvt ai o binili holitompaa yak o a minti hosh vba aholitopa in tempel a auet a kohcha mvt, Ulhtaiyahvshke, achi tok.

18. Yohmi ma nan ola, hiloba, mikmvt malvtha puta aiena kvt yummak ash o a takali tok: yohmi ma yakni winnakuchi chinto atampa, yvmma chohmi kvt hatak vt yakni pakna ai vta tok taiyakla ka iksho chatuk vt, yakni winnakuchi chinto kvt ituyula tok.

19. Yohmi ma tumaha chito yash ot itakvshkovt kashapa tuchina ma, anonti oklushi in tumaha puta hatuk vt aiokpuloa tok; yohmi ma Chihowa hvt ilap nan isht i nukkilli kvlo chinto oka paki isht ishko vltto ka ima chi kvt Babulon chito ash ithahana tok.

20. Mihma tishaiyi yvt momvt atoshowa tok osh iksho ma, anonti nvni hoshito puta hatuk mvt ik otaiyano ki tok.

21. Yvmohmi ma hatago chinto kvt vba shutik a minti hosh, weki kvt talent achvfa foka aiyuka hosh hatak puta ka onvtuyula tok; yohmi ma hatago nan isht palvmmi pulla hatuk mak o, hatak puta kvt Chihowa ha ik ahobalot namihahanchi tok, yvmma nan isht palvmmi kvt chinto hoka.

CHAPTA XVII.

Ohoyo hvt natishipa humma lapushki yo foyuka mvt, vli hta lakna isht ishko toba ho ieshi hosh nampos nukshopa yash pakna, yvm mvt Babulon mak o o binili, 1; 5 noshkobo untuklo kvt nana ka anoli: 12 mikmvt lapish pokoli kvt nana hatuk aiena kvt annoa ohoyo haui yashot nan i palvmmi; 14 chukfvlhpobushi vt nan im aiyachi.

1. YUMOHMI ma enchil untuklo, yvmvvt kotobushi untuklo ieshi tok vhleha hash achvvt ant vm anumpuli mvt, olehma minti; haui chinto yvmvvt oka lava pakna o binili;

2. Yummak o miko puta yakni pakna ai asha kvt isht itin lumaka tok; yohmi ma ilap nan itin lumaka oka paki a yakni pakna ai asha vhleha hvt ishkot ik haks im ahni tok,

yummvt nan isht i palvmmi im vllhpisa ka chim otvninchi la chi hoke, vm achi tok.

3. Yohmi ma shilombish si anukfoka ho yummak ash ot ishit yakni haiaka vsst on a tok: mihma nampo a nukshopa humma hosh nana ka ik ahobalot miha hohchifo ho isht alo-towa mvt, noshkobo untuklo cha, anonti lapish mvt pokoli ho ohoyo hosh o binili ho pisa li tok.

4. Yvmohmi ma ohoyo hash ot na hummakbi mikmvt na tishepa na fohka hosh tvli holisso lakna, tvli holitopa puta, mikmvt pvl aiena ka isht a shema ho foyuka mvt, ilap itiv lumaka isht a liteha na yuwalvchi puta kvv tvli holisso lakna isht ishko yo alotowa hosh ibbak a foyuka tok.

5. Yvmohmi ma, NAN IK OTANO, NA CHINTO BABULON, HAVI PUTA, MIKMVT YAKNI PAKNA A YUWALVCHI PUTA ISHKI, hohchifo hosh yumma ibitakla ya a holisso hatok.

6. Yohmi ma ohoyo hash ot vbanumpuli vhleha im issish, mikmvt Chisvs isht im atokowa kak o isht illi tok vhleha im issish aiena ka ishkot haksi na pisa li tok; mikmvt pisa li mvt, sa nukhlakancha mvt, okokko! ai ahni li fehna tok.

7. Atuk o enchil ash ot, Nanta katiohmi ho chi nukhla-kancha tuk oh cho? ohoyo hash, micha nampo a nukshopa yash ot, yummvt ohoyo ha isht aya kvv, noshkobo hvv untuklo mvt, anonti lapish mvt pokoli ka nan isht ik im otano ka chim anoli lashke.

8. Nampo a nukshopa yash, yumma ish pisa tuk a anta tuk osh, anonti ikshoshke; yohmi kia yummvt chiluk hofobi ai vlli iksho a auct a kohcha chi hoke; mikmvt aiokpuloka ont chukowa chi hoke: mikma yakni pakna ai asha puta kvv, kvna hosh i hohchifo hvv yakni toba tok taiyakla ka holisso ai okchaya ya a holisso tok keyukmvt, nampo a nukshopa, yummvt anta tok osh, anonti iksho kia, anonti anta ak inli ka okla pisakmvt, nukhlakancha chi hoke.

9. Yohmi ka ilvppak o nan ithana anukfoka kak osh akostininchishke. Noshkobo untuklo kvv nvnik hochito untuklo mak o yumma pakna ya ohoyo hash ot o binili hoke.

10. Mikma miko untuklo kvv ai asha ka, tahlapi hosh ik-

sho ma, achvfa kvto anta, mikma achvfa kvto ik lo kisha hoke; mikmtv kaniohmi hō yvmmvt vla hokmtv, chekosi ai itin takla hō anta chī hoke.

11. Anonti nampoa nukshopa yash ot, yvmmvt anta tok osh, anonti iksho kv, yvmmak ash kia isht untuchina kv, isht untuklo kak o ibai achvfa hosh aiokpuloka ya pit a chukowa mak oke.

12. Mihma lapish pokoli hō ish pisa tuk ash miko pokoli hoke; yvmmvt apehlichika ik im iksho kisha hoke; yohmi kia miko vhleha chohmit hvshi kanvli achvfa ka nampoa nukshopa yash ibai achvftv nan isht ai ahli yvt im vlpisa hoke.

13. Ilvppak ash ot, im anukfila hvv achvfa cha, anonti ilap nan isht im ai ahli, mikmtv im ile hlampko ita tuklo ka nampoa nukshopa yash ima chī mak oke.

14. Mikmtv ilvppak ash ot Chukvvlhpobushi ya itinta-nampa chī, mikma yvmmak okvt chitokaka vhleha in Chitokaka, micha miko vhleha i Miko yokvt Chukvvlhpobushi yash ot yvmmak ash o imaiyacha chī hoke; yohmi ka kvna hosh yvmma ai ibachvfa hokvto vltoka, mikmtv ai ahli, micha holitopa mak oke, vm achi tok.

15. Mihmtv oka puta yvmma ish pisa tuk a, havi yash osh yvmma o binili ka, hatak okla chinto, oklushi puta im anumpa ilaiyuka mak oke.

16. Mikmtv lapish pokoli, yvmmvt nampoa nukshopa on talohmaya na ish pisa tuk, ilvppak okvto na havi yash i nukkillit, a chukillissvchit nipi banochi cha, nipi a vpa cha, anonti luak a isht hukma hi oke.

17. Chihowa yvt yvmmak ash chukvsh anukfohki na ilap nan ai ahni hō ai ahlichika chī ka im anukfila achvfa hosh ilap im apehlichika yatuk ma nampoa nukshopa yash ihima na Chihowa im anumpa puta kvv ont ai ahlik mak a hi oke.

18. Yohmi ka ohoyo yvmma ish pisa tuk vt vmaha chito mak oke, yvmmak osh miko vhleha yakni pakna ai asha ka ai i shahli mak oke, vm achi tok.

CHAPTA XVIII.

Babulon vt akama 1; 4 Chihowa im okla hvt yvmma akocha chi kvt im vlhpisa; 11 yakni pakna a miko vhleha, mikmvt na chumpa, okhota gya vlheha aiena kvt isht yahaya; 20 Chihowa nan im vlhpisa na palvmmi kvt onvtula hoka, vbanumpuli puta kvt na yukpa.

1. AIYAKOHMI'ha ya, anonti enchil inla yvt nan isht ai ahli chinto ieshi hosh, vba a mintit aka vla na pisa li tok: mihma yvmma i shohpakali yo yakni vt isht a tohwikeli tok.

2. Mihma yvmmak ash ot anumpa ola chinto ka isht chitoli fehnvt tahpula mvt, Babulon na-chinto yash ot aiokpulo vshke, aiokpulo ka mak oke: yohmi mvt nan isht ahullo okpulo puta im aboha kullo, micha shilombish ik kashofo, mikmvt hushi okpulo ik kashofo moma ka in chuka yo toba mak oke.

3. Yvmmvt nan itin lumaka nan isht haksichi oka paki yo okla momvt ishko tok, mihma miko vhleha yakni pakna ai asha kvt yvmma ai itinlumaka tok; mihma na chumpa vhleha yakni pakna ai asha kvt, nan ilimpa hochukma in laua kak o nan in laua toba tok oka, ahanchi tok.

4. Anonti anumpa ola inla yvt vba aholitopa ya a minti mvt, Um okla hvchia mvt, yvmma nan im ai ashvchi puta ka, mikmvt na-palvmmi im vlhpisa puta ka hvch ik ibai esho ka chi kvt, yvmma a kohchvt ho minti.

5. Yvmma nan im ai ashvchika puta kvt vba shutik a ont a bikeli hatuk o, Chihowa hvt, yvmmvt nan ik ai vlhpeso puta ka ithaiyana tok oke.

6. Nana ka hvchi yvmihchi tok mak o chohmichit oh i yvmihchi; mikmvt nana ka a yvmihchi tok a vlbata ho apesvt oh im vlbitehich; isht ishko yvmma alotoli ka, ilap ma vlbitehich oh im alotoli.

7. Ilap inli ile hohitoblich kvt, mihma nan ilimpa cham-puli isht il ai atahlit, impvt anta kvt kaniohmi hatuk okma, yvmma chohmichit na palvmmi, na-nukhaklo aiena ka oh

imá; I hatak illi sia keyu, yohmi kvt na-nukh^haklo pisa la chⁱ keyu, ohoyo miko sia hosh binili li, ilap chukvsh anu-kaka achi hoka.

8. Yohmi hoka na palvmmi puta, nan illi, yaiya, mikmvt hohchvfo aiena kvt nitak achvfa ka im aya chⁱ; mikmvt yvmmak ash ot luak o isht hullukmit taiyaha chⁱ hoke; Chitokaka Chihowa hvt hlampko hokvt, yvmmak ash nan im apesvt i palvmmichishke.

9. Yohmikma miko vhleha yakni pakna ai asha kvt yvma ai itin lumakvt, nan ilimpa champuli ai it atahlit impvt ai asha tuk vt, yvmvt luhvvt shobulli ka okla pisa cha isht yahayvt, nishkin okchi mihinti mvt,

10. Yvmvt nan isht i palvmmi ka nukshopa hatuk osh, auct i mishema hq hiohmavvt Ikikkeh! ikikkeh! tmaha chito, Babulon tmaha chinto kullo atampa, yvmvt hvshi kanvlli achvfa mak inli hq nan isht palvmmi chim vlhpisa kvt chim ayvshke.

11. Nan itatoba yakni paknaka ai asha kvt yvmmak ash o nan isht nukhaklot nishkin okchi mihinti tok; ilap im vlhpoyak a himak a pilla ma kvna kia ik in chumpo hoka;

12. Tvli holisso lakna, micha tvli hvta, micha tvli holitopa, pvl, linen lapushki, nahummakbi, silk, na-tishepa, mikmvt iti sitlon moma, mikmvt aifoli, nan ai vlhto ilaiyuka moma, mikmvt iti holitopa fehna nan ai vlhto ilaiyuka moma, micha tvli lakna, tvli, mavl aiena nan ai vlhto ilaiyuka moma atoba;

13. Mikmvt sinnamon, na balama, nan ahama, micha flakinsen, oka paki, na bila, bota tohbi achukma, onush, mikmvt nampoapa puta chukvvlhpoba, issuba, micha itichavli, yuka, hatak shilombish puta aiena kash o kvna kia ik in chumposhke.

14. Nan vnit waya puta yvmmak o chi chukvsh vt anushkunna tuk ash a chim afilevmmi; mihma nana moma na champonli, micha na shohwalvshli aiena tuk ash ot a chim okpulo; yohmi kvt himak a pilla ma yvmmak ash ish abayucha chⁱ keyu kamohmi hoke.

15. Nana ilvppa puta kash nan itatoba, yvmmak okvt

yummak o nan isht ai in laua tok vt, yummvt i palvmmi ka nukshopa hatuk osh, auet i mishemanchit hiohmayat isht nukhaklot nishkin okchi mihintit,

16. Ikikkeh ! ikikkeh ! tumaha chito yummak amo ! yummak okvt linen lapushki, micha na-hummakbi, micha na ti-shepa aiena ka isht ai im ai vltaha, yohmi kvv tvi holisso lakna, micha tvi holitopa puta pvl aiena ho isht a shema tok amo !

17. Nan laua chinto yakohmi kash ot hvshi kanvlli achvfa ho ont aiokpulokvt kvnia hoka, ahanchi tok. Yohmi ma peni chito isht aya apesvchi aiyuka, micha peni chito ai asha yatuk moma, micha a toksvli aiena, mikmvv okhvta nan ai itatoba yatuk vt momvt auet i mishemanchit hiohmayvt,

18. Yummvt luhvvtvvt shobulli ka okla pisa mvv, tahpvlvt, Nanta hosh tumaha chito ilvppa chiyuhmi cho ? ahanchi tok.

19. Mihmvv hituk chubbi okla ishit noshkobo il o fohopli mvv, tahpvlvt, nishkin okchi mihintit yahaya hosh Ikikkeh ! ikikkeh ! tumaha chito yummak amo ! yummvt nan isht il ahayuchit, nan isht shema ai vlli hochito puta ka chumpa hatuk mak o, okhvta pakna peni im a takohli maya moma kvv nan in laua yo toba kumo ! hvshi kanvlli achvfa ma yummak ash ot a chukillissvt kvvishke, ahanchi tok.

20. Uba a holitopa chia ma ! vbanumpeshi holitopa, micha hopaii holitopa hvchia ma ! Chihowa yvt yummak ash nan im apesvt i palvmminchi hokvt hvchi atobvchi hoka, nan isht il oh aiyukpa.

21. Yohmi ma enchil chinto yvt tvi na-botoli tvi chito yo chohmi ka ishit, okhvta pit pila ma, yumma chiyuhmi hosh tumaha chito Babulon vt ai oklvvt kinahla chi hoke ; mikmvv himak a pilla ma otaiyana he keyu kamohmi hoke.

22. Yvmohmikma hap olachi, micha nan taloa, micha oskula olachi, micha isht pufa olachi aiena nan im ola ka himak a pilla ma a chi a haiyakla he keyu kamohmi ; mikma hatak nan imponna nana ho isht ai imponna yatuk kia himak a pilla ma a chi otaiyana he keyu ; mikma tvi na botoli kia himak a pilla ma a chi a haiyakla he keyu kamohmi hoke.

23. Mikma pola tohwikeli mvv himak a pilla ma a chi on

tohwikela he keyu ; mikma hatak himona nan itauwaya, micha ohoyo nan auwaya im anumpa ola himak a pilla ka a chi a haiyakla he keyu kamohmi hoke : na chin chumpa vhleha hvt yakni paknaka a hochito kvt maya tok oka ; ikhish isht yushpakummi isht ish ahanta hatuk mak o, oklushi moma kvt isht yushpakama hatok, ahanchi tok.

24. Yohmi ma hopaii vhleha, micha vbanumpuli ahli vhleha, mikmvt yakni paknaka ya ai vbi tok moma im issish vt yumma ai otaiyani tok.

CHAPTA XIX.

Ilap im antia puta im issish hlatahampli tuk isht vltoba mak o havi chinto yash na palummi ka im apesa hoka, vba a holitopa ai asha yvt Chihowa ya aiokpahanchi, 1 ; 7 Chukfvlhpobushi nan im itauwaya ; 16 ilap okvno aiokpucha hi a enchil vt ik im ahno ; 17 nan illi lqwa ai asha ka ai vla chi kvt hushi puta kvt im annoa.

1. NANA ilvppvt ai yakohmi ha ya, hatak laus im anumpa ola chinto ka vba aholitopa pit a haklo li ma, Alleluia, isht ai okchaya, isht a holitopa, isht ahninch, nan isht ai ahli aiena kvt Chitokaka hvpin Chihowa ya ai immi hoke.

2. Nan apesa kvt ai ahli, micha ai vhlpiesa hoke ; yohmi kvt havi chinto yash, yummvt itin lumaka kak o yakni ya isht okpaiyani hatuk a, yummak ash ot nan im apesvt i palummichi tuk : mihmvt in tishu vhleha im issish yumma ibbak vt hlatahampli tok a ai isht im atobbi tok, ahanchi tok.

3. Atuk o anonti, Alleluia okla achi tok. Mihma yumma i shobohli hvt vba ya ihiya na bilvt bilia hoke.

4. Mihma hatak tikba pokoli tuklo akucha ushta, micha nan okchaya ushta aiena kash ot aka hlipkvchi mvt, Chihowa, yummvt ai o binili holitomp a o binili tuk ash aiokpvchit, Amen ; Alleluia, ahanchi tok.

5. Mihma anumpa ola hvt ai o binili holitomp ya auet a kohchvt takali kvt, Pin Chihowa ya in tishu vhleha hvchia, micha kvna hosh yumma i nukshohomp aiena kvt ik alauwo, i shahli, a moyuma kvt oh aiokpahanchi, ahanchi tok.

6. Yohmi ma okla chinto im anumpa ola hq chiyuhmi,

mihmvt oka lawa fopa hō chiyuhmi, mihmvt hiloha chinto ola hō chiyuhmi hō haiyaklo li ma, Alleluia; Chitokaka Chihowa nana moma imaiya hvt miko yoka.

7. Chukfulhpobushi vt itauwaya chī nitak vt vla, yohmi ma tekchi ya chī mvt, il ai atahli tuk oka, nan ik hvpi yukpa cha, keho tullī, ahanchi tok.

8. Yohmi ma linen lapushki vt vbanumpuli ahli isht im ai vlpiesa, mak o, linen lapushki kashofa tohbi ka isht il ashemvcha chī kvt, tekchi vt im vlpisa tok.

9. Yohmi ma, Holissochi, Chukfulhpobushi im ai itauwaya opiaka impa aya chī kvt kvna hosh im annoa tuk mvt, mihi yosh na yukpa hoke, vm achishke. Mikmvt ilvppak osh Chihowa im anumpa ahli mak oke, vm achishke.

10. Mihma aiokpvchi la chī hosh iyi ya a hlipia li tok. Atuk ak o yvmmak ash ot, Ahah! ahnit chik yohmo kashke; tishu chitilaui, chitibapishi, Chisvs nan isht im atokowa ieshi vhleha ibai achvfa sia hoke; Chihowa hak o aiokpvchi; Shilombish Holitopa yvt hopaii anukfoyukvt Chisvs nan isht atokowa ka anumpohonli yoke, vm achi tok.

11. Yohmi ma vba aholitopa yvt tiwa ma, yakeh! issuba tohbi hō pisa li tok; mihma yvmma o binili kvt, Ai ahli, mi-cha Na miha tuk vt ai ahlichī mak o hohchifo hosh, yvmvt nan ai vlpiesa bano hō nan apesvt, tenvp ikbi yoke.

12. Nishkin vt luak libbi hō chiyuhmi ma, anonti iachuka lawa kvt noshkobo hā afoyua hatok; mihma i hohchifo hollisso kvt lapali kia, kvna kia ik ithano hō, ilap ak bano tok.

13. Yohmi mvt issish isht humma anchi o ai anchi tok; mihmvt i hohchifo hvt, Chihowa im Anumpa, achi tok.

14. Yohmi ma vba aholitopa ai asha tuk vt issuba tohbi o binili hosh yvmmak ash okla iakaiya kvt, linen lapushki tohbi kashofa hō ai anchi tok.

15. Yohmi ma im itakha ya bvshpo falaia halupa hosh a kohcha na yvmmak o oklushi puta ka isht ahamba hi yatok; yohmi kvt tvli fuli yo yvmmak ash nan isht im apihisa hi oke; yohmi kvt oka paki atoba yo chohmit Chihowa Chitokaka nan okluha imaiya nan isht i nukkilli chinto ka isht a hvhlihinchī hoke.

16. Yohmi kv̄t m̄iko puta ī M̄iko, mik̄m̄v̄t oh̄itokaka puta in̄ Ch̄itokaka hoh̄chifo hosh ȳmma im̄ an̄chi, mik̄m̄v̄t iyubi ita tuklo ka ai ō holisso hoke.

17. Ȳmohmi ma enchil vt̄ hv̄shi ā ai ō hikia na pisa li tok : mihma ȳmma ash ot chitolit tahpula m̄v̄t, hv̄shi puyuta ; ȳmma vt̄ba a helit it̄nowa moma kv̄t, Hv̄chishno inli hosh mintit Chihowa chinto im̄ opiaka ai impa oh ai it̄nahá.

18. Yohmi kv̄t m̄iko v̄hleha nipi, micha kv̄pit̄ni v̄hleha nipi, hatak ishtokaka nipi, issuba puyuta, mik̄m̄v̄t kv̄na hosh ȳmma ō binili tuk puyuta nipi, hatak moyuma, yuka keyu, micha yuka, yohmik̄m̄v̄t ik̄ alauwo, ī shahli aiena ka nipi ya hv̄sh pa ch̄i hoke, im̄ ahanchi tok.

19. Anonti nampōa nukshopa yash ot, mik̄m̄v̄t yakni paknaka a m̄iko v̄hleha, mik̄m̄v̄t in̄ tv̄shka chipota v̄hleha aiena kv̄t itahob̄v̄t taiyaha cha, issuba ō binili, micha in̄ tv̄shka chipota aiena ȳmma ash in̄ tanahampi na pisa li tok.

20. Yohmi ma nampōa nukshopa yash ot yuka tok ; mihma hopaī ilahobi yash ȳmma na fehna puta ka ȳmma itikba ai ȳmih̄in̄chi kv̄t, ȳmma ō ȳmih̄in̄chi kak osh nampōa nukshopa isht in̄ ch̄uwa ieshi tuk v̄hleha, mik̄m̄v̄t ȳmma hol̄v̄t toba ya kv̄na hosh aiok̄p̄uchi yatuk puta ka yoshuhumbli tok. Ilv̄ppak ash ot ita tuklot ok̄chaya na ok̄hv̄ta hituk lakna isht ita luh̄uwa ka pit a kanchi tok.

21. Yohmi ma inlaka yatuk v̄to issuba ō binili ȳmma ī hv̄shpo falaia, ȳmma osh im̄ itakha ya a koh̄cha tuk mak ō isht ih̄inli tok ; mihma hv̄shi puyuta kash ot ȳmma nipi yō isht a kaiya tok oke.

CHAPTA XX.

Setan vt̄ tal̄ak̄chi na af̄v̄m̄mi tahlepa sipokni ach̄v̄a ch̄i, 1 ; 6 illi yv̄t tani v̄m̄mona ȳmma ai ib̄ abalaia hok̄v̄to na yukpa he ; 7 chekosi takla ka Setan ashot ī hol̄htofa he. 8 Kok micha Makok im̄ma h̄q isht anumpuli. 10 Ok̄hv̄ta hituk lakna isht aluh̄uwa h̄q Setan amo pit itakanchi ; 12 nan v̄lhpisa chinto isht aiyopi.

1. YOHMI ma enchil vt chiluk hofobi ont ai v̄hli iksho ash isht tiwa ieshi mvt, t̄vli itatak̄vli chito yosh ibbak a foyuka hosh v̄ba ya a minti h̄o pisa li tok.

2. Mihma yvm̄mak ash ot sinti chilita chito yash, sinti sipokni, yvm̄mvt nan isht ahullo, micha Setan mak o afv̄m̄mi tahlepa sipokni achv̄fa ka ona ch̄i h̄o ishit yukachi tok.

3. Mihmvt yvm̄mvt himmakma oklushi puta ik yoshublo h̄o afv̄m̄mi tahlepa sipokni achv̄fa he tuk vt ont ai āhli ha ȳo, misha pilla h̄o chekosi itintakla ka i h̄litofa hi o, yvm̄mak ash chiluk hofobi ont ai v̄hli iksho ash pit pilvt im okshita mvt, isht in chuwa on lapalichi tok.

4. Mihma ai o binili holitompa puta ka pisa li tok, mihma yvm̄ma o binohmaya kv̄t nan ai apih̄isa he im v̄lh̄pisa tok: yohmi ma nampoa nukshopa, mikmvt i holvt̄toba aiena ka ik aiokpacho, mikmvt isht in chuwa yvt ilap ibitakla, ibbak aiena ka ik a lapalo hosh; Chisvs nan isht im atokowa, micha Chihowa im anumpa pulla h̄o noshobo hv̄t tahampa tok v̄hleha imi shilombish a pisa li ma, yvm̄mak ash ot okchaya cha afv̄m̄mi tahlepa sipokni achv̄fa ka, m̄iko ȳo chohmit Klaist a ibai ahanta tok.

5. Amba illi inla maya tok okv̄to ik okchayo h̄o afv̄m̄mi tahlepa sipokni achv̄fa kv̄t tahak mak a hi atok. Ilvppak osh illit falamvt tani vm̄mona mak oke.

6. Illit falamvt tani vm̄mona ka kv̄na hosh ibahalaia hokv̄to, mihi yosh na yukv̄t holitopa: yohmi hokv̄no atukla illi vt nan isht i shahla he ik im iksho hoke; Chihowa, micha Klaist na holitompa isht im v̄tta v̄hleha ha ch̄i, mikmvt m̄iko ȳo chohmit ibai ahanta na afv̄m̄mi tahlepa sipokni achv̄fa ch̄i hoke.

7. Yvmohmi tuk ma afv̄m̄mi tahlepa sipokni achv̄fa kash ot ont ataiyahakma, Setan ash ot aboha kv̄llo a ik akohchá, im ai ahna hi oke.

8. Yohmikmak o oklushi puta, yvm̄mak okv̄t yakni pakna akv̄shkova ushta ka ai asha Kok, micha Makok okla yvm̄mvt holhtina kv̄t okhv̄ta alaka, shinuk ai asha kak o chiyuhmi h̄o yoshublihinchit itahobi cha, tanahampa ch̄i hosh akohcha hi oke.

9. Mihmvt yvmmak ash ot, yakni pakna a mominchit ilhkoli mvt, yvmmt vbanumpuli ghli vhleha i bina, mikmvt tumaha chito holitopa aiena ka okla .ai apakfokahanchi; mihma luak osh Chihowa a mintit vba akohchvt vlvt, yvm-mak ash ishit vpa tok.

10. Yohmikma yvmma yoshublichy tuk nan isht ahullo yvt okhvta hituk lakna isht ita luhuwa, yvmma nampo a nuk-shopa, micha hopaii ilahobi aiena kash ot pit itvtula tok: yohmi kvt nitak, ninak aiena ka ai ilbahasha na bilia hosh bilia hi oke.

11. Yohmi ma ai o binili holitopa tohbi chinto, micha yvmma o binili ita tuklo ka pisa li ma; yvmma nashuka ya i filvmmiit yakni, mikmvt vba shutik ita tuklo kvt tamoa kvt, kanima yo a taloha he kia ik im iksho ki tok.

12. Yohmi ma illi, ik alauwo, micha i shabli pit aiena kvt ai o binili holitopa itikba hiohmaya ka pisa li tok; yohmi ma holisso puta kvt wakama tok; anonti holisso inla, yvm-mak osh holisso ai okchaya mak osh wakama tok: mihma illi yash ot ilap nana a kaniohmi tuk puta, yvmmt holisso ha a holihiso tok ilvppa puta ho isht ai im vlhpihisa tok.

13. Yohmi ma okhvta hvv illi puta, yvmmt im aiasha tuk vt il ai a kocha welikma, anonti nan-illichy, micha illi ai asha mvt illi puta, yvmmt im ai asha tuk vt il ai a kohcha weli na yvmmak ash ot ilap nana a kaniohmi puyulla tuk mak o hatak moma kash ot nan isht im vlhpihisa tok.

14. Mihma nan-illichy, micha illi ai asha yamo okhvta luak o pit itokaha tok. Ilvppak osh atukla illi mak oke.

15. Yohmi ka holisso ai okchaya ya a holisso tuk osh otvni keyu hokvto okhvta luak mak o pit a kvnia tok.

CHAPTA XXI.

Vba vmmona micha yakni vmmona ita tuklo ka Chan vt pisa, 1; 10 Chelusalem vba isht annoa ghli moma; 23 yvmmak oka hvshi vt a tomma he abna he keyu, Chihowa im atohwikeli yak osh a tom-mi; 24 yakni pakna ai i miko puta kvt yvmmak o im aholitopa ya isht im ohona.

1. **UBA** vmmona, micha yakni vmmona ita tuklo kash ot ont ik ai iksho ma, anonti himak a pilla ma okhvta mvt iksho ka chi ho vba himona, micha yakni himona ita tuklo ho pisa li tok.

2. Mihma Chan sia hvt tmaha chito holitopa Chelusalem himona Chihowa ya a mintit vba ya auet a kohcha kv, ohoyo himita hatak auwaya chi hosh isht il a shema chatuk ak o chiyuhmi tok.

3. Yohmi ma anumpa ola chinto kv vba aholitopa ya a kohcha na haklo li ma, yakeh! Chihowa hvt im vlhtipo yvt hatak puta ka ibafoyuka hatuk o, yummak o ibai ahanta chi, mikma im okla tobakma, anonti Chihowa ilap mvt yvma in Chihowa hosh ibafoyukvt ahanta chi hoke.

4. Mikmvt Chihowa yvt yumma i nishkin okchi puyuta ma im a kasholichit kaiyancha chi; mikma nana tikba tuk vt ont taiyaha hoka, himak a pilla ma isht ai illi, micha nanukhaklo, micha yahaya aiena kv ik ai iksho ka he, mikmvt na-hotopa mvt ik ai iksho ka hi oke, ahanchi tok.

5. Yohmi ma ai o binili holitomp a binili yummak ash ot, Yakeh! nana moma kv himona ho ikbi lishke, achi mvt, yummak ash ot, Anumpa ilvppvt aighli, micha na miha ka ont ai ahla chi hoka holissochi, vm achi tok.

6. Atuk osh yummak ash ot, Vlh taiyavshke; Alfa, micha Omeka, ai isht ia vmmona, micha ont ai vhli sia hosh, kvna hosh itukshila hokma, oka ai okchaya kvli hak o pilla ai ima la chi mak oke.

7. Kvna hosh nana ka imaiyachi tuk mak osh nana moma ka ai immi ha chi im ai vlhpiesa; mikma in Chihowa sia hokma, anonti ilap vt svso ha chi hoke.

8. Amba na nukshopa, micha nan ik yimmo, i yuwala he vlhpesa kia yvmihchi, mikmvt hatak bika vbi vhleha, haui vhleha, mikmvt ikhish isht yushpakummi vhleha, na holbut toba aiokpvchi vhleha, holabi puta a moyuma hokvto atukla illi mak osh okhvta yummak okvt hituk lakna isht ita luhvwa ho isht ai i palvmma chi hosh im vlhpisa he mak oke, vm achi tok.

9. Yvmohmi ma enchil untuklo kash ai ibai achvfa, yvm-

mak okvt kotobushi untuklo nan isht palvmmi ishtaiyopi untuklo kash isht alotowa ho ieshi hosh, vltv svt im anumpuli mvt, Minti, himona nan auwaya Chukfvlhpobushi tekchi chi haiakvchi la chi hoke, achi tok.

10. Mihma shilombish o si anukfoyuka ho vsisht ia ma, nvnih chinto chaha yo vsisht ona cha, tmaha chito, Chelusalem holitopa yvt Chihowa isht im aholitopa ai ishit Chihowa a mintit, vba aholitopa auet a kohcha mak o a haiakvchi tok :

11. Mihma in tohwikeli hvv tvi holitopa fehna, tvi chaspa chohmi kak o hoyulba hosh, bvlancha kvv klistal o chiyuhmi tok ;

12. Mihmvt tvi yosh isht a holihta kvv chito, micha chaha ma, anonti okhissa yvt im auah tuklo ma, enchil mvt okhissa ya vllhpisvt auah tuklo kvv a hiel tok ; mihma yvmma ai o holisso hohchifo kvv Israel okla it a kvshkova auah tuklo i hohchifo hatok.

13. I hvshi akochak-imma ya okhissa tuchina ma, i falvmmi imma ya okhissa tuchina ma, im oka-mahli imma ya okhissa tuchina ma, anonti i hvshi ai okvtulik-imma ya okhissa tuchina tok.

14. Yohmi ma tmaha chito a holihta ka in tolahpi auah tuklo tok ; mihma Chukfvlhpobushi im anumpeshi auah tuklo hohchifo hosh a lapanli tok.

15. Yohmi ma svt im anumpuli tuk yvmmak ash ot tmaha chito, micha okhissa, mikmvt a holihta aiena ka isht apesa chi kvv tvi holisso lakna nan isht vllhpisa yo ieshi tok.

16. Yohmi ma tmaha chito yvt a itilauia bat fullotvt bolukta ma, afalaiaka yvt chito kvv okhowataka ya itilau tok ; mihma tmaha chito yash yvmmak ash ot nan isht vllhpisa yash isht apesa ma, kovi tahlipa auah tahlapi tok. Afalaiaka pilla, micha okhowataka pilla, mikmvt chaha aiena kvv ai itilau bano tok.

17. Mihmvt aholihta kash o hatak i nan isht vllhpisa yo yvmma enchil ash ot isht apesa ma, kubit tahlipa achvfa pokoli ushta akucha ushta tok.

18. Yohmi ma a holihta kvv chaspa tvi yosh toba hatok ;

yohmi hoka tumaha chito yvt tvi holisso lakna bieka hō
chohmi kvt apisa kashofa achukma ka chohmi tok.

19. Yohmi ka tumaha chito aholihtaka in tolahpi vt tvi
holitopa ilaiyuka puta hō isht a shema hatok; in tolahpi
vmmona kvt chaspa yatok; atukla kvt saffaia yatok; atu-
china kvt kalsetoni yatok; ai ushta kvt emelal atok;

20. Isht tahlapi kvt salonik atok; isht hannali kvt sativs
atok; isht untuklo kvt klisolait atok; isht untuchina kvt
belil atok; isht chakkali kvt topas atok; isht pokoli kvt
klisofasvs atok; isht auah achvfa kvt chasinlh atok; isht
auah tuklo kvt amehlist atok.

21. Yohmi ma okhissa isht vlhkuma auah tuklo kvt pvl
auah tuklo tok; okhissa isht vlhkuma achvfakma, pvl achv-
fvt ia tok; yohmi ma tumaha chito anukaka ya ai itvnova
yvt tvi holisso lakna bieka hō chohmit apisa shohkoali kak
o chiyuhmi tok.

22. Yohmi ma yvmma anukaka ya tempel a ak peso ki
tok: Chitokaka Chihowa nana moma imaiya, micha Chuk-
fulhpobushi ita tuklo hosh in tempel oka.

23. Mihma Chihowa im aholitopaka yosh a tohwikeli ma,
anonti yvmma ai i pula hvt Chukfulhpobushi yak atuk o,
hvshi, mikmvt hvshi-ninak-aya kia im a tomma hi a tumaha
chito yash ot ik bunno ki tok.

24. Yohmi ka oklushi puta yvmmak okvt okchaya mak
osh a tohwikeli ka ya ai itvnohowa he; mikma yakni pakna
a miko vhleha atukmvt ilap im aholitopaka isht aiokpvchi
hosh ai vlvshke.

25. Yvmmak oka ninak vt iksho ka chi hoka, nitak moma
ka okhissa puta mvt ik okshilito kamohma hi oke.

26. Yohmikma oklushi puta im aholitopa, nan isht il ah-
ninchi aiena ma yvmma anukaka ya isht ai vlvv chukowa hi
oke.

27. Mikma yvmmak oka nana kvt liteha, micha ai yuwala
he kia ai yohmi, micha na holabichi a moyuma hokvto ka-
niohmi kia a chukowa himma keyu hoke; amba Chukfulh-
pobushi i holisso ai okchaya kva hosh a holisso tok ak ba-
na hi oke.

CHAPTER XXII.

Oka ai okchaya okhina, 1 ; 2 ai okchaya iti. 5 Tumaha chito i pva
hvt Chihowa ilap fehna kak inli: 9 ilap a aiokpucha hi a enchil
vt ik imahno. 14 Tumaha chito ash angkaka ai anta hokvto holito-
pa, amba kocha yo aha tuk okvto nan i palvmmi vltakshi: 16
anumpa ai okchaya ya nana hq isht achakva he keyu, mikmvt ka-
nimihchit ai ishit anumpa ha ishit kancha he keyu.

1. ANONTI ai okchaya okhina kashofa achukma, shoh-
koali klistal ak o chiyubmi hosh Chihowa, micha Chukfulh-
pobushi ita tuklo im ai o binili holitompa ak o akohoncha
mak o, yvmmak ash ot a haiakvchi tok.

2. Okhina itahlakla ai itvnowa, okhina ititakla, iti ai ok-
chaya yvt a hiohli kv, auah tuklo ha nan-vnit waya beka
kv, hvshi achufa aiyukakma vnit wahaya hoke; yohmi ka
iti yvmma hishi puta hokvto oklushi moma isht a hlakofi
mak oke.

3. Yohmi ka yvmmak oka himak a pilla ma na palvmmi
kv ik ai iksho ka he; amba Chihowa, micha Chukfulhpo-
bushi ita tuklo im ai o binili holitompa yosh a hikia na yvm-
ma in tishu vhleha hosh aiokpahancha hi oke.

4. Yumohmikmvt yvmma nashuka ya okla pihisa he;
mikma yvmma i hohchifo hosh ibitakla puta ma a lapanla
hi oke.

5. Mikma ninak vt yvmmak oka iksho ka he; Chitokaka
Chihowa yosh in tohwikeli hoka, pva, mikmvt hvshi tommi
aiena ka okla ik bunno hosh, miko yo chohmit okla ahanta
na bilitv bilia hi oke.

6. Yohmi ka anumpa puta ilvppvvt ai ahli, micha nana
miha ka ont ai ahla hi oke; yohmi hoka hopaii holitopa
vhleha in Chihowa Chitokaka yvt, nana kv chekosi ont ai
yvmohta chi yvmma in tishu vhleha im otvnihincha chi ka
im enchil a auct ohvffichi tok.

7. Yakeh! chekosikma vla lishke; holisso ilvppa tikbanli
nan ai anohwa anumpa puta tuk a kvna hosh holitobli kak
osh na yukupshke, yvmmak ash ot vm achi tok.

8. Yohmi ma Chan sia mak osh nana ilvppa puta ka pisvt haiyaklo li tok: yohmi mvt pisvt haiyaklo li mvt, nana ilvppa puta ka vm otvninchi tuk, enchil a aiokpvchi la chi hosh iyi itikba ya hlipia li tok.

9. Yohmi ma, Ahah! ahnitachik yohmo kashke; tishu chitilau, micha chitibapishi hopai vhleha, micha holisso ilvppa ai anuhumpa tuk a holitobli vhleha ai ibachvfa sia hoke; Chihowa ak o ish aiokpvchashke, yvmmak ash ot vm achi tok.

20. Mihmvt nitak vt ai ong hosi hoka, holisso ilvppa tikbanli ai anohowa tuk anumpa puta ka chik ashvnicho kashke.

11. Kvna hosh nan ik ai vlhpieso hokvto, mihi yosh ik ai vlhpieso kv ik imoyumá; mikma kvna hosh liteha hokvto, mihi yosh liteha kv ik imoyumá; mikma kvna hosh ai vlhpiesa hokvto, mihi yosh ai vlhpiesa kv ik imoyumá; mikma kvna hosh nan ai ashvchika ik im iksho hokvto, mihi yosh nan ai ashvchika ik im iksho kv ik imoyumá, vm achi tok.

12. Atuk osh yakeh! chekosikma vla lishke: yohmi kv hatak moma kv ilap nana a kaniohmi yvt kaniohmi aiyukali ho nana ka isht im atobbi la chi kv il ai ishi lishke.

13. Alfa, Omeka, ai isht ia vmmona, ont ai vhli, vmmona, ont ishtaiyopi sia mak oke.

14. Kvna hosh im anumpa vlhpisa puta ka holitobli hokvto na yukprshke: yohmi hok mak osh iti ai okchaya isht im ai vlhpiesa hosh okhissa ont a hlopullit tmaha chito yash chukowa chi hoke.

15. Akochanli yak okvno ofi, ikhish isht yushpakvmmi, havi, hatak bika vbi, na holvvt toba aiokpvchi; mikmvt kvna kia il imi holabichi kv isht im achukma a moyuma kak osh ai asha yoke.

16. Ilvppa puyuta ka atokolit chvch a hiohli puta ka a hvchim anohonla chi hoka, Chisvs sia mak osh vm enchil a chvffichi li tuk oke. Uno ak osh Lewi a minti hakshish filaminchi yosh anonti unchululi, mikmvt shohpakali onnahninli fochik sia mak oke, ahanchi tok.

17. Yohmi ma Shilombish Holitopa, micha Klaist himona

nan im auwaya ita tuklo kash ot, Mintí, achishke. Yohmi ka kvna hosh haiyaklokmvt, mihi yosh, Mintí, ik achí. Mikma kvna hosh itukshila hokmvt, mihi yosh ik mintí. Yohmi ka kvna hoh kia bunnakmvt, mihi yosh pilla oka ai okchaya ya ik eshí.

18. Holisso ilvppak oka tikbanli nan ai anohowa tuk anumpa puta ka hatak vt haiyaklo tuk moma im atokowa lishke: nana yakohmi tuk a hatak vt nana kia ibafohkit achakalikma, na palvmmi yvmmvt holisso ilvppa a holihiso tuk a yvmmak ash q Chihowa hvv isht im achakala hi oke.

19. Mikma hatak nana hosh tikbanli nan ai anohowa tuk holisso ilvppa anumpa puta hatuk a kaniohmichit isht a kanchi hokma, ilap vt holisso ai okchaya, micha tvnaha chito holitopa yash, mikmvt nana kvv holisso ilvppa yvmma isht a holisso tuk puyuta ka ahalaia hatuk a yvmmak ash Chihowa hvv isht kancha hi oke.

20. Ilvppa puyuta ka atokowvt otvninchi mak osh, Chetkosikma vla lishke, achishke. Amen. Chitokaka Chisus ma! ik yvmohmi, ish lashke.

21. Pin Chitokaka Chisus Klaist nan isht i kana yvt hvsh moyuma ka hvchi anukfoyukashke. Amen.

THE END.